

**PARATITLA SIUE
SUMMARIA ET
METHODICA
EXPLICATIO
DECRETALIUM D...**

André Delvaux, Serafino : da#Gesù
Maria





E. 463.

emp. 3 + 10/17. 100 x 100 1731

~~3. Vanden~~ J. V. L.

Lui paer, Caer

~~1042~~

~~Y 463~~

13-16.A.25

Ex libris Scholae Seraphinicae Jesu M. Prædicti pro Bibliotheca M. M. Praefati de Arte

ANDREAE VALLENSIS

vulgò DEL VAVLX, ANDANENSIS,

I. V. D. & in Alma Academia Louanienſi S. S. Canonum

Profeſſoris Ordinarij,

PARATITLA
S I V E
S V M M A R I A
ET METHODICA EXPLICATIO
DECRETALIVM
D. GREGORII PAPÆ IX.

Opus nouum, in Scholis ac Foro, Iuris vtriuſ-
que atque etiam S. Theologiæ studio-
ſis vtiliſſimum.



*Emplum a f. Seraphino
a Jesu M. Prædicti
R. P. D. Praefati Carme-
litarum. 42^o
N.º 1664*

L O V A N I I,

Apud IOANNEM OLIVERIVM,
& CORN. COENESTEYN. 1631.

REVERENDISSIMIS,
ILLVSTRISSIMIS,
AMPLISSIMIS,
COMITATVS
NAMVRCENI
ORDINIBVS,

Patriæ Patribus, ac Religionis Or-
thodoxæ Propugnatoribus,

ANDREAS DEL VAVLX D.C.Q.



T labores hosce meos
Prælectionesque aspicere
lucem paterer, REVEREN-
DISSIMI, ILLVSTRISSIMI,
AMPLISSIMIQUE DOMINI,
publicæ me ratio vtilitatis permouit.
Scio nos non solum nobis, sed & alijs
nasci : genus inertiae vel inuidiae esse,
ã ij non

non prodesse, cùm possis. Ideoque
Philosophicà Professione in Acade-
mia Duacensi per septennium, & in
hac nostra Louanienfi per decennium
pænè subsequens perfunctus, Iuris
docendi prouinciam suscepi, in qua
iam annum ago vicesimum tertium.
Qua in functione licet à plurimis va-
rias Iuris Pontificij partes viderem
delibatas, obseruauit tamen à nemine
illud vniuersim, ordine Decretalium,
fatis opportunè ad huiusce temporis
vsum explicari & applicari: ac prop-
terea quòd exercitationes meæ in hac
sacri Iuris Professione mihi contule-
runt, in hoc volumen pro parte con-
gessi. Illud autem qualecumque est
deferendum existimaui ad REVE-
RENDISS. ILLVSTRISS. ET AMPLISS.
DD. VV. tum vt prisco mori, tum
vt affe-

vt affectui quoque meo morem gere-
rem. Mori quidem, quia videmus ope-
rum publicorū structuras muniri pas-
sim & ornari virorum Principum in-
signibus atq; elogijs; & vnumquem-
que, si quod opus in publicum emit-
tat, patronum quærere, cui illud ip-
sum ad immortalitatem operis & no-
minis consecret ac dedicet. Affectui
autem, quoniam Andana nostra, Co-
mitatus Namurceni municipium, me
stimulat atque excitat, vt Namurce-
no, id est rotondo, integro, fideique
pectore venerer Ordines Namurce-
nos, Viros, inquam, illos, Patriæ Pri-
mates, sacrae Catholicae Religionis
propugnatores acerrimos, in fide ob-
sequioque Regiæ Majestatis Catho-
licæ constantissimos. Itaque venio
cum hoc primo laborum meorum

ã iij

foetu

foetu ad REVEREND. ILL. A A. D D.
V V. rogans obtestansque, ut eundem
pari suscipiant animo, quo à me de-
fertur, patianturque; velut opus quod-
dam publicum, suo illo honoratissi-
mo Namurcenorum **Ordinum** titu-
lo & muniri & ornari, ac tutelari ve-
lut numine venire in conspectum lu-
cemque hominum. Deum interim
Opt. Max. venerans pro Patriæ, ac
Patriæ Patrum **Ordinumque** inco-
lunitate, dum viuam, precabor.

AD

AD LECTOREM.



CUM omnium non modò Philosophorum, sed & Iurisconsultorum, cæterorumque eruditorum sententiâ receptum sit, vt in tradendis & addiscendis disciplinis à primis principijs atque elementis, & ab ijs, quæ vniuersaliora sunt, initium sumatur, hincque paullatim ad altiora procedatur, donec ad vltima scientiæ vel artis perueniatur fastigia; nec aliter scientiæ vel artis alicuius studiosi, quàm his gradibus ac vijs, ad veram ac solidam perfectamque; eruditionem pertingere valeant: iure optimo à Serenissimis Belgij Principibus constitutum fuit, vt in hac nostra Louanienfi Academia non minùs ad sacrorum Canonum scientiam adspirantibus, quàm ad Legum cognitionem animum applicantibus, Institutiones prælegerentur: quæ non modò prima Iuris Pontificij elementa & principia contineant, sed totum velut corpus atque vniuersalem illius cognitionem exhibeant, & quarum ductu Iuris candidati, ne à recto studiorum cursu in auia perducantur, veluti Thesei quodam filo ad altiora eiusdem scientiæ penetralia feliciter contendant.

Cùm verò ea prouincia mihi demandata esset, omneque ius, quo vtimur, versetur aut circa personas, aut circa res, aut circa actiones, & iudicia, coepi primò quidem totum ius Pontificium Institutionesque in tres partes, quatuor tamen libris ad instar Institutionum Imperialium comprehensas, diuidere: in quarum prima, præmissis nonnullis de Iuris deriuatione, eiusque diuisionibus, subdiuisionibus, membrorumque singulorum naturâ, proprietate, conditionibus, atque inter se tum comparatione tum distinctione, de personis agebam Ecclesiasticis; in secunda de rebus; in tertia de actionibus & iudicijs. Eumque ordinem pluribus annis secutus sum; donec, quibusdam suggerentibus ac suadentibus, satius fore magisque è re iuuentutis, si ordinem

dinem amplecterer Decretalium, quo iuuentus, Iuri Pontificio data opera, librorum ac Titulorum ordini & continuationi assuesceret, coepi deinceps, obsecutus horum consilio, ea, quæ pro maxima parte diuerso ordine ac methodo tradideram, ad ordinem Decretalium non sine magno labore reuocare.

Cùm autem in omnibus scientijs rem ordine debito proponendam sapientissimi quique voluerint, (quippe cùm nihil sit pulcrius ordine, aut ad vltimum accommodatius, contra verò nihil aut aspectu foedius ac deformius, aut quod plura omnibus rebus incommoda adferat, quàm confusio ac perturbatio : vt proinde vel maximè in Iure laudabilis sit ordo, *l. 2. vbi Bald. D. De orig. Iuris*; nihilq; quod magis cōfusione pariat, quàm inordinatū, teste Iustin. *Novel. De hered. & falcid. c. 1.*) meritò culpatur Iuris Interpretes, qui plerumque multa locis prorsus alienis tradiderunt: imò læpius, miris modis miscendo omnia, omnis generis præceptorum ac materiarum farragine reliquerunt, vt, si quis rusticus hordeum, triticum, fabas, aliaque legumina in vnum conferat, vix perturbatiorem horum commentarijs aceruum facturum videatur. Ita enim, vbi de auctoritate Magistratum agitur, aliquid de testamentis videas: vbi de emptione & venditione differitur, de poenis simul aliquid aut de auctoritate tutorum inuenias; nihilque certam sedem domiciliumque habere cernas. Vnde crebræ illæ ex vno loco in alium reiectiones, quibus, quod hîc tractandum erat, ex alio petendum monent, in quo reperiri tale quid, nisi admonitus ne diuinare quidem vnquam quis possit. Qua in parte plurimùm sanè sese deridendos propinant, vt cum Terentio loquar. Dumque ita extra chorum, vt dicitur, saltant & septa transiliunt, Iurisprudentiam reddunt intricatissimam & obscurissimam; efficiuntque vt diligenti & auido lectori sit difficillimum & operosissimum, quid quoquo loco ab ijs dictum sit, perquirere & inuestigare, & sæpè etiam diligentissimè & auidissimè perquisita adhuc desideret.

Quam

AD LECTOREM.

Quam quidē confusi & perturbati ordinis Scyllā vt euitem, omniaq; , quæ quidē ad Institutiones Iuris Canonici spectare videbātur, debito ordine ac methodo pertractarē, singula iuxta seriem Decretalium ad suos Titulos reuocaui, longioresque Titulos in Paragraphos partitus sum. Quam in methodo procedendi si non eum ordinem, quem forsitan quisque optaret, fuero assecutus, velim hoc perpendat, dissoluta dissipataque in debitum ordinem & artificiosam methodum reducere summi esse laboris ac difficultatis; peritiamque partiendi genera in suas species virtutem esse quamdam rarissimam: tantique iam olim etiam apud summos Philosophos habitam, vt Socrates apud Platonem in Phædro dicere fuerit solitus, hunc virum sese tanquam Deum quendam secuturum, si quem reperisset, qui rem vniuersam diuidere nosset. Quamquam verò moneat Fabius, non tentanda esse, quæ omnino effici non possunt, quia tamen laus est interdum velle, quod non possis, si modò id præclarum honestumque sit (in quo quidquid operæ curæque ponitur, iure laudatur) & in præstantibus magna existunt, quæ optimis proxima sunt, aut aliquatenus ad proxima accedunt: non fuit, cur ab hoc ordine, quem in singulorum Titulorum summaria explicatione mihi proposui, & secutus sum, licet fortè multis non ita sit probandus, deterrerer; eoque minùs, quod satis sciam ne Iouem quidem placere omnibus posse.

Quod ad stylum attinet, parùm quoque de eo fui sollicitus, modò neque prorsus incultus esset, neque horridus, neque fucosus, soloque artificio simulationis eruditus. Vt enim pudicæ virgines tanto gratiores sunt & iucundiores, quanto minùs fucatae, ita forensia negotia, ad quæ has Institutiones potissimum accommodare volui, verborum ornatum & nitorem negligunt, vanamque eloquentiam spernunt. Siquidem res ipsa ornari vetat, contenta doceri, præstatque imperitæ loquacitati indiserta prudentia & doctrina. Hinc Cicero ait, se in Philosopho (qualis haud dubiè est verus Iurisconsultus) eloquentiam si adferat non
ē asper-

aspernaturum; si careat, non admodum efflagitaturum. Et viri in Iure ac Republica versati rem spectant, non verba captāt: id enim calumniari est ex sententia Pauli *l. penult. D. Ad exhibendum*. Malui proinde sermone vti facili quàm eo, qui rebus obscuris nullam adferat lucem; claris verò & perspicuis tenebras obducatur. Candido enim & perspicuo sermone interpretatio si fiat, faciliori studio res perspicitur, & difficultas materiæ tollitur. Hinc sæpè multis in suis Iuris Pontificij ac Cæsarei Commentarijs vitio datum est, quòd, dum magno conatu Latinitati atque eloquentiæ operam impenderent, ipsum verum Canonum & legum ac Iurisconsultorum sensum per veram explicationem neglexerint, aut etiam ita expolitis verbis, ne dicam affectatis, materiam, quam declarandam susceperant, exposuerint, vt quandoque magis lectorem ipsum dictionum significatio impediat, quàm propositi Tractatus & materiæ proprius intellectus genuinaque cognitio.

Non inficior barbariem à Iurisconsultis Iurisq; studiosis fugiendam, & ab his Latinam orationem exigì: verum id vnum contendo sufficere, si dictione iam diu recepta ab huius disciplinæ eruditissimis scriptoribus, Bartolo, Bald. Alberico, Panormitano, & alijs, rem ita exponat, vt sensus legum & Canonum percipiatur, quidve hi Iuris vtriusque Interpretes, quos meritissimò omnium facilè Principes opinamur, in suis scriptis tradiderint, lectoribus fiat manifestum: cùm nihilo plus commodi adferat praxi, imò verò theoricæ Iurisprudentiæ polita illa & compta dictio, quàm morbis curandis eloquentia. Hinc Iuris studiosos monet Fachin. *lib. 8. Controuers. Iuris cap. 15.* vt de vocabulis à Doctoribus confictis, si modò res intelligatur nec à Iuris rationibus aliena sit, non sint adeò solliciti, vt hoc nomine veteres Doctores abijciant. Addit ex Mureto *ad Epist. Seneca 58. idē accidere ijs, qui Possibile & Impossibile dicere saltē in disputationibus Philosophicis reformidant: cùm Plato, Aristoteles. Epicurus, Zeno, in lingua infinitis partibus copiosiore innumerabilia tamen vocabula fingere necesse habuerint.* Equidem vt
de meo

AD LECTOREM.

de meo sensu liberè atque ingenuè fatear, inquit Muretus, multa puto ab istis delicatis in S. Thoma, in Ioan. Scoto alijsq; eiusmodi eruditissimis hominibus irrideri, quæ & necessaria sunt, & talia, ut si quis ea vetustis illis temporibus protulisset, magnam ei gratiam omnes Philosophia studiosi habituri fuisse videantur. Nos dum teneris auribus videri volumus tenera nobis ac puerilia esse ingenia, neque vera ac solida eruditionis capacia ostendimus. Quin verò si vel ipsum Ciceronem, Principem eloquentiæ, in Orat. pro Cæcinnâ, audieris, imprudentiam magnam aut stultitiam singularem putabis in verborum amore versari, rem verò & causam & communem utilitatem relinquere; magisq; circa verba quærenda occupatum in lure hallucinari, imò verius peregrinari.

Quod cum ita sit, ut verissimum est, non erit, cur quis iniquiori ferat animo, si in his Institutionibus tradendis stylo utar non ita uniformi, non ita tersâ aure digno; imò si interdum vocabula, quæ Latini sermonis auctores non agnoscerent, intercurrent, quibus practica cognitio tradit cupit, quæque propterea nomenclatori indulgenda sunt. Cur enim, quæso, minùs vernaculæ ac barbaræ voces, quàm Græcæ Latino sermone donentur & in medium proferantur, cum volet usus, penes quem est arbitrium & norma loquendi? Quid, inquit August. in hoc genere proferat clavis aurea, si non aperiat; quid noceat lignea, si aperiat? Quamquam non existimem stylum ac dictionem meam ita horridam atq; incultam, ut eam ob causam politiores vereri debeat, ne stomachum & nauseam eis moueat.

At fortè alij multa me non nisi ex alijs, & ab alijs dicta, proferre inficiabuntur. Verùm is ferè mos est omnium scriptorum, ut aliena suis immisceant: tum ut certiora scribant; tum ut gratius iucundiùsq; legantur. Qua in re apes, præcipiente Quintiliano, imitantur, quæ diutiùs vagantur, ut flores carpant, fauis inferendos ac disponendos, primòque in varium succum, deinde in dulcissimum mellis saporem proprii oris spiritu conuertendos. Sic etiam multa Platonem à Pythagora, complura Aristotelem à Pla-

tone, pleraque Theophrastum ab Aristotele mutuatos esse constat; nec tamen id eis vitio datum est: nec mihi dari debet, qui non aliud proposuerim, quàm quæ in lure dispersa sunt, & ab alijs non vno in loco tradita, in certum ordinem compendiosè per modum Institutionum redigere; eoque minùs, quòd vnicuique portionem suam tribuerim, probè sciens, cum Plinio, candoris, & ingenui animi esse palam profiteri, per quos profeceris, quorumque operâ & industriâ in tuis scripris adiutum te censeris.

Cæterùm vt mordeant vel calumnientur aliqui, non est quòd acerbiori feram animo, quandoquidem cum Salomone *Eccles. 4.* animaduertam, *omnes hominum labores & industriam patere inuidia proximi*; probeque sciam, quàm sit difficile ad omnium saluam loqui aut scribere: procliuiores esse nonnullos ad alios reprehendendos, quàm ad se ipsos moderandos: illud vitium innatum hominibus, atque ita comparatam eorum naturam, aliena vt melius videant & iudicent, quàm sua, vt est apud Terentium. Sic fert vsus, sic se res habet, vt te tua, me delectent mea, inquit Cicero *in Tuscul.* Nemo ab inuidis intactus, nemo ita numeris omnibus absolutus, quin aduersus eum ex Zoili secta aliqui insurgant. Sæpè Solonem stultitiæ, Herculem ignauiæ, Pyladem perfidiæ nonnulli insimularunt: ipseque Homerus in vita Sagarin, post obitum Xenophontem & Zoilum Macedonem æmulum habuit. Alij in Dialogis diuini Platonis ordinem desiderant; Aristotelem, totius Peripateticæ disciplinæ facilè Principem, obscuritatis notant, & in multis eumdem Galenus reprehendit. Virgilius à nonnullis ingenio imbecillis, ab alijs Homericæ laboris compilator habetur. Homerum quandoque dormitasse Horatius scribit; Demosthenes Marco Tullio in omnibus non placuit; Trogi Pompeius Titi Liuij conciones de fictione arguit; Senecam calcem sine arena nuncupant alij. Nec desunt, qui Plinium turbido flumini, quasi multa degustarit, pauca digesserit, assimilent. Accursio nonnulli iudicium iniquè denegant; Bartoli distinctionum longitudinem reprobant; Albe-

AD LECTOREM.

Albetici breuitatem, Baldi inconstantiam, Alexandri perplexam methodum, & vtriusque Raphaelis nimiam subtilitatem culpent: in alijs politioris litteraturæ incuriam, in alijs negligentiam in citandis & allegandis Doctoribus reprehendunt. Et, quòd magis est, ne quidem percelebres illi legum Romanarum antesignani æmulorum hanc censuram dentemque Theoninum effugere, & à reprehensione securi esse potuerunt. Marcellus enim in Saluum Iulianum notas scripsit, quibus eum non explicat tantum, sed & notat atque arguit plerisque in locis. Denique licet nihil Vlpiano eloquentius, Paulo neruosius, Callistrato doctius, Papiniano acutius, Scauola pressius, Caio fluentius, Africano subtilius, Pompeio iucundius, Celso nitidius, Triphonino candidius pænè fuerit, nullus tamen eorum tam fuit felix, vt obrectatorum linguas, morsus, improbamq; inuidiam euadere potuerit; quòd vt varia hominum ingenia ita & varia iudicia, vt nunc sunt, ita & priscis temporibus fuerint, faciliusque sit, vt vetus habet prouerbum *μῶν ἢ μὴ μῶν*, calumniari quàm imitari: inueniaturque hoc genus hominum, qui meliores malint obrectare quàm vel vestigiotenus sequi; qui si, vt Salust. ait, virtute satis valerent, magis æmuli bonorum quàm inuidi essent: sed quia desidia atque inertia & stupore eos atque torpedo inualit, strepunt, obrectant, & alienam famam suum dedecus existimant. Sic alit liuorem infelix inertia, quibus rectè obieceris:

Cum tua peruideas oculis mala lippus inunctis,

Cur in amicorum vitij tam cernis acutum;

Quàm aut aquila aut serpens Epidaurius?

Cum tua non edas, carpis mea carmina, Lali,

Carpere vel noli nostra, vel ede tua.

Accipe quod cruciet: caue, Zoile, carpere tentes,

Carpere nam demens obuia quæque solet.

In te conuertas oculos, qui despicias omnes,

Et te, dum cunctis detrahis, inspicias.

Porro quidquid futurum sit, ab omnibus, qui in hisce

SVMMA PRIVILEGII.

PHILIPPVS Dei gratiâ totius Hispaniæ, vtriusque Siciliæ, Indiarum, &c. Rex Catholicus, Serenissimus Belgarum Princeps, diplomate suo sanxit, Nequis præter IOAN. OLIVERII Bibl. Louaniensis iurati voluntatem, librum, cui nomen, ANDRÆ VALLENSIS *Andanensis* I.V.D. & in alma Vniuersitate Louaniensi SS. Canonum Profess. Ordinarij *Paratitla sine Summaria & Methodica explicatio Decretalium D. Gregorij Papæ IX.* intra septennium in Belgio imprimat, aut alibi locorum impressum in has Inferioris Germaniæ ditiones importet, venalémve exponat. Qui secus faxit, confiscatione librorum, & aliâ graui poenâ multabitur: vt latius patet in litteris datis Bruxellæ anno 1630. die 7. Iunij.

Signat

STEENHVYSE.

I N D E X

T I T V L O R V M

ORDINE ALPHABETICO.

A

Accusationibus, Inquisitionibus,
& Anunciationibus lib. 5.
tit. 1.

Adulterijs & stupro lib. 5. tit. 16.

Ætate, & qualitate, & ordine pre-
ficiendorum lib. 1. tit. 14.

Alienatione iudicij mutandi causa facta
lib. 1. tit. 24.

Appellationibus, Recusationibus, & c.
lib. 2. tit. 28.

Apostatis & reiterantibus baptisma. lib.
5. tit. 9.

Arbitrio. lib. 1. tit. 43.

Auctoritate & usu pallij lib. 1. tit. 8.

B

Baptismo & eius effectu. lib. 3.
tit. 42.

Bigamis non ordinandis. lib. 1. tit. 21.

C

Calumniatoribus. lib. 5. tit. 2.
Capellæ monachorum, & c. lib. 3.
tit. 37.

Causa possessionis & proprietatis. lib. 2.
tit. 12.

Celebratione missarum & sacramento
Eucharistia, & divinis officijs. lib. 2.
tit. 41.

Censibus, exactionibus, & procuratio-
nibus. lib. 3. tit. 39.

Clandestina dissolutione. lib. 4. tit. 3.

Clericis peregrinis. lib. 1. tit. 22.

Clericis peregrinantibus. lib. 2. tit. 29.

Clericis coniugatis. lib. 3. tit. 3.

Clericis non residentibus in Ecclesia vel
præbenda. lib. 3. tit. 4.

Clericis pugnantibus in duello. lib. 5.
tit. 14.

Clerico agrotante vel debilitato. lib. 3.
tit. 6.

Clerico venatore lib. 5. tit. 24.

Clerico percussore. lib. 5. tit. 25.

Clerico excommunicato, deposito, vel
interdicto ministrante. lib. 5. tit. 27.

Clerico non ordinato ministrante. lib.
5. tit. 28.

Clerico per saltum promotus lib. 5. ti-
tu. 29.

Cognitione spiritali. lib. 4. tit. 11.

Cognitione legali. lib. 4. tit. 12.

Cohabitatione clericorum & mulierum
lib. 3. tit. 2.

Collusione detegenda. lib. 5. tit. 22.

Commodato. lib. 3. tit. 15.

Concessione præbendæ & Ecclesiæ non
vacantis. lib. 3. tit. 8.

Conditionibus appositis in desponsatione,
vel in alijs contractibus. lib. 4. tit. 5.

Confessio. lib. 2. tit. 18.

Confirmatione utilis, vel inutili. lib. 2.
tit. 30.

Conjugio leproforum. lib. 4. tit. 8.

Conjugio servorum. lib. 4. tit. 9.

Consanguinitate & affinitate. lib. 4.
tit. 14.

Consecratione Ecclesiæ vel altaris. lib.
3. tit. 3.

INDEX TIT.

3.t.40.
Constitutionib. lib. 1. tit. 2.
 Consuetudine. lib. 1. tit. 4.
 Conuersione coniugatorum lib. 3. tit. 32.
 Conuersione infidelium. lib. 3. tit. 33.
 Corpore viciatu ordinandu, vel non. lib.
 1. tit. 20.
 Crimine falsi. lib. 5. tit. 20.
 Custodia Eucharistia, chrismais, &
 aliorum sacramentorum, lib. 3.
 tit. 44.

D

Decimis, primitiis, & oblationibus,
 lib. 3. tit. 30.
 Delictis puerorum. lib. 5. tit. 23.
 Deposito lib. 3. tit. 16.
 De desponsatione impuberum, lib. 4.
 tit. 2.
 Digamii. lib. 1. tit. 21.
 Dilationib. lib. 2. tit. 8.
 Diuortiis. lib. 4. tit. 19.
 Dolo & contumacia lib. 2. tit. 14.
 Donationib. lib. 3. tit. 24.
 Donationib. inter vir. & vxor. & de do-
 te post diuortium restituenda, lib. 4.
 tit. 20.

E

Ecclésijs edificandis vel reparandis.
 lib. 3. tit. 48.
 Electione & electi potestate. lib. 1. tit. 6.
 Emptione & venditione, lib. 3. tit. 17.
 Eo, qui mittitur in possessionem causa
 rei seruanda lib. 2. tit. 15.
 Eo, qui duxit in matrimonium, quam
 polluit per adulterium. lib. 4. tit. 7.
 Eo, qui cognouit consanguineam vxoris
 suae, vel sponsae. lib. 4. tit. 13.
 Eo, qui ordinem fursinae suscepit. lib. 5.
 tit. 30.
 Exceptionib. lib. 2. tit. 25.
 Excessibus praelatorum & subditorum.

lib. 5. tit. 31.

F

Ferijs. lib. 2. tit. 9.
 Feudis. lib. 3. tit. 20.
 Fide instrumentorum. lib. 2. tit. 22.
 Fideiussorib. lib. 3. tit. 22.
 Filijs presbyterorum ordinandu, vel non.
 lib. 1. tit. 17.
 Foro competenti. lib. 2. tit. 2.
 Frigidis & maleficiatis, &c. lib. 4.
 tit. 15.
 Furtis. lib. 5. tit. 18.

H

Hæreticis. lib. 5. tit. 7.
 His quæ vi metusve causa sunt.
 lib. 1. tit. 40.
 His, quæ sunt à praelato sine consensu
 capituli. lib. 3. tit. 10.
 His, quæ sunt à maiori parte capituli
 lib. 3. tit. 11.
 His, qui filios occiderunt. lib. 1. tit. 10.
 Homicidio voluntario vel casuali. lib. 5.
 tit. 2.

I

Imunitate ecclesiarum, cæmeterij,
 & rerum ad eas pertinentium lib.
 3. tit. 49.
 Infantibus & languidis expositis. lib. 5.
 tit. 11.
 In integrum restitutione. lib. 1. tit. 41.
 Iniurijs & damno dato. lib. 5. tit. 36.
 Institutionibus lib. 3. tit. 7.
 Iudæis & Sarracenis, & eorum seruis,
 lib. 5. tit. 6.
 Iudicijs lib. 2. tit. 1.
 Iuramento culumnia. lib. 2. tit. 7.
 Iureiurando lib. 2. tit. 24.
 Iure patronatus. lib. 3. tit. 38.

L

Libelli oblation. lib. 2. tit. 3.
 Liti contestatione. lib. 2. tit. 5.

Locato

INDEX TIT.

Locato & conducto. lib. 3. tit. 18.

M.

Magistru, & ne aliquid exigatur
pro licentia docendi lib. 5. tit. 5.

Maioritate & obedientia. lib. 1. tit. 34.

Maledictu. lib. 5. tit. 26.

*Matrimonio contracto contra interd-
ictum ecclesie. lib. 3. tit. 16.*

Mutuū petition. lib. 2. tit. 4.

N.

Natu ex libero ventre. lib. 4. ti-
tu. 10.

*Ne Clerici vel monachi secularitū ne-
gotijs se immisceant. lib. 3. tit. 50.*

*Ne pralati vices suas vel ecclesias sub
annuo censu concedant. lib. 5. tit. 4.*

*Ne sede vacante aliquid innouetur. lib.
3. tit. 9.*

Noui operu nuntiatione. lib. 5. tit. 32.

O.

Obligatu ad ratiocinia ordinandu,
vel non. lib. 1. tit. 19.

Observatione ieiuniorum. lib. 3. tit. 46.

Officio archidiaconi. lib. 1. tit. 23.

Officio archipresbyteri lib. 1. tit. 24.

Officio primicerij lib. 1. tit. 25.

Officio sacriste. lib. 1. tit. 26.

Officio custodi. lib. 1. tit. 27.

Officio vicarij. lib. 1. tit. 28.

*Officio & potestate iudicu delegati. lib.
1. tit. 29.*

Officio legati. lib. 1. tit. 30.

Officio iudicu ordinarij. lib. 1. tit. 31.

Officio iudicu. lib. 1. tit. 32.

*Ordinatis ab episcopo, qui renuntiant
episcopatu. lib. 1. tit. 13.*

Ordin. cognitionum. lib. 2. tit. 10.

P.

Pactu lib. 1. tit. 35.

*Parochijs & alienis parochianis.
lib. 3. tit. 29.*

Peculio clericorum. lib. 3. tit. 25.

*Ignoritu & alijs cautionib. lib. 3.
tit. 21.*

Plu petitionib. lib. 2. tit. 11.

Penu lib. 5. tit. 37.

*Penitentijs & remissionib. lib. 5.
tit. 38.*

Postulanda. lib. 1. tit. 37.

Postulatione pralatorum. lib. 1. tit. 5.

Prabendū & dignitatib. lib. 3. tit. 5.

Precarijs. lib. 3. tit. 14.

Presbytero non baptizato. lib. 3. tit. 43.

Prescriptionib. lib. 2. tit. 26.

Presumptionib. lib. 2. tit. 23.

*Privilegijs & excessib. privilegiatorum.
lib. 5. tit. 33.*

Probationib. lib. 2. tit. 19.

Procuratorib. lib. 1. tit. 38.

Purgatione canonica. lib. 5. tit. 34.

Purgatione vulgari. lib. 5. tit. 35.

Purificatione post partum. lib. 3. tit. 47.

Q.

Qui clerici vel vouentes matrimo-
nium contrahere possunt. lib. 4.
tit. 6.

*Qui matrimonium accusare possunt, vel
contra illud testificari. lib. 2. tit. 18.*

Qui filij sint legitimi. lib. 5. tit. 17.

R.

Raptorib. , incendiarijs , & vio-
latorib. ecclesiarum. lib. 5.
tit. 17.

*Reb. ecclesie alienandu, vel non. lib. 3.
tit. 13.*

*Regularib. & transeuntib. ad religio-
nem. lib. 3. tit. 31.*

Regulis iuru. lib. 5. tit. 40.

*Religiosis domitū ut episcopi sint subie-
cti. lib. 3. tit. 36.*

*Reliquijs , & veneratione sanctorum.
lib. 4. tit. 45.*

INDEX TIT.

Renuntiatione. lib. 1. tit. 9.
 Rerum permutatione. lib. 3. tit. 19.
 Rescriptis. lib. 1. tit. 3.
 Restitutione spoliatorum. lib. 2. tit. 13.
 S.
Sacramentis non iterandis lib. 1.
 tit. 16.
 Sacra unctione. lib. 1. tit. 15.
 Sagittariis. lib. 5. tit. 15.
 Scismaticis. lib. 5. tit. 8.
 Scrutinio in ordine faciendis. lib. 1. t. 12.
 Secundis nuptiis. lib. 4. tit. 21.
 Sententia & re iudicata. lib. 2. tit. 27.
 Sententia excommunicationis. lib. 5.
 tit. 39.
 Sepulturis. lib. 3. tit. 28.
 Sequestratione possessionum & fructuum.
 lib. 2. tit. 17.
 Seruis non ordinandis, &c. lib. 1. t. 18.
 Simonia, & ne aliquid pro spiritualibus
 exigatur vel promittatur. lib. 5. t. 3.
 Solutionibus. lib. 3. t. 23.
 Sortilegiis. lib. 5. t. 21.
 Sponsalibus & matrimoniis. lib. 4. t. 1.
 Sponsalibus duorum. lib. 4. t. 4.
 Statu monachorum &c. lib. 3. t. 35.
 Successionibus ab intestato. lib. 3. t. 27.
 Summa trinitate, & fide cath. lib. 1.
 tit. 1.

Supplenda negligentia prelatorum. lib.
 1. t. 10.
 Syndico & actore. lib. 1. t. 39.
 T.

Temporibus ordinationum. &c. lib.
 1. tit. 11.
 Testamentis & ultimis voluntatibus. lib.
 3. t. 26.
 Testibus & attestationibus. lib. 2. t. 20.
 Testibus cogendis, vel non. lib. 2. t. 21.
 Torneamentis. lib. 5. t. 13.
 Transactionibus. lib. 1. t. 36.
 Translatione episcopi. lib. 1. t. 7.
 Treuga & pace. lib. 1. t. 34.

V.

Verborum significatione. lib. 5.
 tit. 40.
 Vita, & honestate clericorum. lib. 3.
 tit. 1.
 Voto, & voti redemptione. lib. 3. t. 34.
 Vsuris. lib. 5. tit. 19.
 Ut ecclesiastica beneficia sine diminutio-
 ne conferantur. lib. 3. ti. 12.
 Ut lite non contestata, non procedatur
 ad testium receptionem, vel ad senten-
 tiam definitiuam. lib. 2. tit. 6.
 Ut lite pendente, nihil innouetur. lib. 2.
 tit. 16.

INDEX

I N D E X

T I T V L O R V M

E T

P A R A G R A P H O R V M

O R D I N E L I B R O R V M.

Ex Libro Primo.

TIT. De summa Trinitate & fi- de Catholica.	28	3. De diuisione Consuetudinis & eius effectibus.	55
§. 1. De summa Trinitate.	ibid.	4. De stylo.	57
2. De Fide Catholica.	34	TIT. 5. De Postulatione Prælato- rum.	58
TIT. 2. De Constitutionibus.	35	TIT. 6. De Electione & electi Po- testate.	60
§. 1. Qui sit Constitutio & quotu- plex.	ibid.	§. 1. Quid sit electio, & quomodo di- stinguatur à Postulatione.	ibid.
2. Quinam possint condere Consti- tutionem: & qua sit vis ac potestas Constitutionis Ecclesiastica.	39	2. Quando facienda sit Electio.	61
TIT. 3. De Rescriptis.	42	3. Intra quod tempus fieri de- beat.	63
§. 1. Quid sit Rescriptum.	ibid.	4. De forma & modo Electio- nis.	64
2. Quis Rescriptum impetrare pos- sit.	43	5. Quinam eligere vel eligi probi- beantur.	66
3. Contra quem & super quibus impetrari possit.	44	6. Qualis debeat esse seu eligi Epis- copus.	67
4. Quotuplicia sint Rescripta.	45	7. De confirmatione Electi.	68
5. E pluribus Rescriptis impetratis, quodnam sit praeferendum.	47	8. De Consecratione Episcopi, & eius forma.	70
6. Qualis interpretatio facienda sit in Rescriptis.	48	TIT. 7. De translatione Episcopo- rum.	72
7. De quibusdam Rescriptis inua- lidis.	49	TIT. 8. De auctoritate & usu pal- lij.	74
TIT. 4. De Consuetudine.	50	§. 1. Quid sit Pallium hoc loco, & cui competat.	ibid.
§. 1. Quid sit Consuetudo.	ibid.		
2. De requisitis ad introducendam Consuetudinem.	52		

INDEX TIT. ET PARAGRAPHOR.

2. De potestate Archiepiscopi.	76	& eorum manumissione.	113
TIT. 9. De Renuntiatione.	78	TIT. 19. De Obligatis ad ratiociniā ordinandis, vel non.	114
TIT. 10. De supplenda negligentia Prælatorum.	81	TIT. 20. De corpore vitiatīs non ordinandis.	115
TIT. 11. De temporibus Ordinationum & qualitate Ordinandorum.	83	TIT. 21. De bigamis non ordinandis.	117
§. 1. Quid sit Ordo.	ibid.	TIT. 22. De Clericis peregrinis nō ordinandis.	119
2. Quot sint Ordines.	84	§. 1. Cur tales ordinari prohibeantur.	ibid.
3. A quo conferantur Ordines.	86	2. De quibusdam alijs ordinari prohibitis.	120
4. Pelitteris dimissorq̃s, seu reuere- rendis, ut quidam v. cant.	88	TIT. 23. De officio Archidiaconi.	123
5. Quibus temporibus conferendi sint Ordines.	90	TIT. 24. De officio Archipresbyteri.	126
TIT. 12. De Scrutinio in Ordine faciendo.	92	TIT. 25. De primicerio eiusque of- ficio.	127
TIT. 13. De Ordinatis ab Episcopo, qui Episcopatu renuntiavit, & ab excommunicato.	94	TIT. 26. De officio Sacristæ.	128
TIT. 14. De ætate, & qualitate, & ordine præficiendorum.	95	TIT. 27. De officio Custodis.	129
§. 1. De ætate Præficiendorum.	ibid.	TIT. 28. De officio, & potestate vicarij.	130
2. De Qualitate.	97	§. 1. Vicarius quis dicatur & quotu- plex.	ibid.
3. De Ordine præficiendorum.	99	2. De vicario Episcopi.	132
4. De ætate ad Ordines requi- sita.	100	3. Qualis debeat constitui Vica- rius.	ibid.
TIT. 15. De sacra Vnctione.	102	4. Quot modis constituatur.	133
§. 1. Quæ dicatur sacra Vnctio, & ṽsus illius.	ibid.	5. De potestate & iurisdictione Vi- carij.	134
2. De Confirmatione.	103	6. Quibus modis finiatur potestas Vicarij.	135
3. De Extrema Vnctione.	105	7. De officio Coadiutoris.	136
TIT. 16. De Sacramentis non rei- terandis.	108	TIT. 29. De officio & potestate iudicis delegati.	137
§. 1. Quid sit Sacramentum.	ibid.	§. 1. Quis sit delegatus & quis dele- gatus possit.	ibid.
2. Quot sunt Sacramenta.	109	2. Qua forma fiat delegatio.	139
3. Quæ Sacramenta reiterari pos- sint, & quæ non.	110	3. Quam delegari possint, vel non.	ibid.
TIT. 17. De filijs Presbyterorum ordinandis vel non ordinan- dis.	111	4. De	
TIT. 18. De seruis non ordinandis,			

INDEX TIT. ET PARAGRAPHOR.

4. De officio Iudicis delegati.	141	2. De divisione Procuratorum.	172
5. Quibus modis finiatur officium & potestas Iudicis delegati.	144	3. Quis possit constituere Procura- torem.	174
6. De Delegatis à iure ipso.	145	4. Quis Procurator dari possit.	175
TIT. 30. De officio Legati.	ibid	5. In quibus causis possit constitui Procurator.	177
§. 1. Legati qui, & quotuplices	ibid	6. De non admittendo Procuratore sine mandato.	178
2. In quo conveniant hi legati.	146	7. Quo pacto finiatur Procuratoris officium.	179
3. In quibus prædicti Legati disse- rant.	148	8. De exceptionibus, quæ contra pro- curatorem obijci possunt.	181
4. Quibus modis finiatur officium Legati.	150	TIT. 38. De Syndico.	183
TIT. 31. De officio Iudicis Ordina- rij.	150	TIT. 40. De his, quæ vi metusve causâ fiunt.	185
§. 1. Quis dicatur Iudex ordinarius & à quo habeatur iurisdictio ordina- ria.	ibid	TIT. 41. De in integrum restitua- tione.	189
2. Quinam iurisdictionem ordina- riam habeant.	152	§. 1. Quid sit restitutio in integrum, & quibus detur.	ibid
TIT. 32. De officio Iudicis.	155	2. Intra quod tempus & coram quo peti debeat in integrum restitutio.	191
§. 1. Quis sit Iudex.	ibid	3. Effectus restitutionis in inte- grum.	192
2. Quod sit officium Iudicis.	156	TIT. 42. De alienatione iudicij mu- tandi causâ facta.	193
5. De divisione officij Iudicis.	ibid	TIT. 43. De Arbitris.	194
TIT. 33. De maiestate & obedi- entia.	157	§. 1. Qui dicantur Arbitri.	ibid
TIT. 34. De Treuga & Pace.	159	2. Quo pacto fiat compromissum.	196
TIT. 35. De Pactis.	160	3. In quos & quales compromitti possit seu debeat.	197
§. 1. Quid sit Pactum.	ibid	4. Quot assumi possint Arbitri, & qua sit eorum potestas.	198
2. De divisione Pactorum.	161	5. Super quibus compromitti possit vel non.	199
3. Qui pacisci possint.	163	6. De effecta compromissi & sen- tentia Arbitrorum.	200
4. Cui, & de quibus quis possit pa- tisci.	ibid	7. Quo pacto Arbitrorum & Ar- bitratorum finiatur potestas.	201
TIT. 36. De transactionibus.	164		
§. 1. Quid sit Transactio.	ibid		
2. Quis transigere possit.	165		
3. De quibus transigi possit.	166		
4. De effectu transactionis.	167		
TIT. 37. De Postulando.	168		
TIT. 38. De Procuratoribus.	170		
§. 1. Quis dicatur procurator, & qui procuratorum nomine veniant intel- ligendi.	ibid		

TIT.

Ex Libro Secundo.

TIT. 1. De Iudicijs.	203	gari possint.	245
TIT. 2. De foro competen- ti.	206	3. Qualia sint tempora dilatio- num.	246
§. 1. Quod sit forum competens & qui- bus modis constituatur.	206	4. De effectu dilationum.	247
2. De requisitis ad prorogationem Iurisdictionis Iudicis.	210	TIT. 9. De Ferijs.	ibid.
3. De citatione seu in ius vocan- do.	211	TIT. 10. De ordine cognitio- num.	254
4. De executione Citationis.	214	TIT. 11. De plus petitionibus.	257
5. De effectu Citationis.	215	TIT. 12. De causa proprietatis & possessionis.	260
TIT. 3. De libelli oblatione.	216	§. 1. De possessione, quid ea sit, & quotuplex, & de iudicij possessionij. ibi.	
TIT. 4. De mutuis petitionib.	221	2. De proprietate, quid sit, & quo- modo differat à possessione.	267
§. 1. Quid sint mutua petitiones.	ibid	3. Coram quo Iudice tractari de- beat causa possessionis & propieta- tis.	268
2. Coram quo Iudice & in quibus causis reconventio locum habeat.	223	4. An causa Possessionis, & proprie- tatis possint cumulari.	271
3. Quando proponi debeat recon- ventio.	225	TIT. 13. De restitutione spolia- torum.	274
TIT. 5. De Litis contestatione.	226	§. 1. Remedium hoc ob quas res, & cur competat.	ibid.
§. 1. Quid sit litis contestatio, & quo pacto inducatur.	ibid	2. De alio remedio recuperanda pos- sessionis.	275
2. De effectu litis cōtestationis.	230	3. De tertio remedio recuperanda possessionis.	277
TIT. 6. Ut lite non contestata non procedatur ad testium receptio- nem vel ad sententiam definiti- uam.	232	4. Quo pacto facienda sit restitutio spoliato.	ibid.
TIT. 7. De iuramento calūniæ.	235	5. Quis dicatur hic spoliatus.	280
§. 1. Quodnam sit hoc iuramentum, & quid continere debeat.	ibid.	TIT. 14. De dolo & contuma- cia.	ibid.
2. A quibus præstari debeat, vel non.	237	TIT. 15. De eo, qui mittitur in possessionem, rei servandæ cau- sæ.	282
3. In quibus causis præstandum sit.	239	TIT. 16. Ut lite pendente nihil in- nouetur.	285
4. De pena illud subterfugien- tis.	ibid.	TIT. 17. De Sequestratione.	286
TIT. 8. De Dilationibus.	241		TIT.
§. 1. Dilatio quid sit & quotuplex.	ibid.		
2. An & quatenus dilationes proro-			

INDEX TIT. ET		PARAGRAPHOR.
TIT. 18. De Confessis.	288	4. De diuisione Iuramenti. 335
TIT. 19. De Probationibus.	292	5. De diuisione Iuramenti Assertorij decisorij. 336
§. 1. Quid sit probatio.	ibid.	6. In quibus causis sit locus iura- mento suppletiuo prob. ationis. 339
2. De diuisione probationis.	293	7. De vi & effectu Iuramenti Vo- luntarij, Iudicialis & Necessarij. 340
3. Cui incumbat onus probandi.	294	8. De vi & effectu Promissorij iu- ramenti. 341
4. Quando faciēda sit probatio.	297	9. Quando iuramentum confirmet contractum, quando non. 343
5. Qualis debeat esse probatio, & quis finis atque effectus.	298	TIT. 25 De Exceptionibus. 344
TIT. 20 De testibus & attestatio- nibus.	299	TIT. 26. De Præscriptionibus. 348
§. 1. Quis dicatur testis, & qualis esse debeat.	ibid.	§. 1. Præscriptio & Vsucapio quid sit. ibid.
2. Quinā à testimonio arceatur.	300	2. De requisitis ad Vsucapionem & Præscriptionem; & primò de Posses- sione. 351
3. De modo producendi testes.	306	3. De bona fide. 352
TIT. 21 De testib. cogendis.	311	4. Quo tempore bona fides requira- tur. 353
TIT. 22. De fide Instrument.	314	5. De Titulo. 356
§. 1. Instrumentum quid & quotu- plex.	ibid.	6. De Tempore. 357
2. De differentia Publicorum & pri- uatorum Instrumentorum.	317	7. Quiram præscribere possint. 360
3. Quomodo instrumenta edi debeant & vbi.	319	8. Quares præscribi possint. ibid.
4. Qualiter produci debeant instru- menta.	320	TIT. 27. De sententia & re iudi- cata. 362
5. De interpretatione instrum.	322	§. 1. Sentent. quid sit & quotuplex. ibi.
TIT. 23. De Præsumptionib.	323	2. De differentia inter Sententiam definitiuam & interlocutoriam. 364
§. 1. Quid sit Præsumptio.	ibid.	3. Quomodo ferenda sit Sent. 367
2. De diuisione Præsumptionū.	324	4. De pluribus Iudicijs eiusdem litis. 372
3. Ex quibus oriantur Præsumptio- nes.	325	5. De fine & effectu Sententia defi- nitua. ibid.
4. De effectu præsumptionis.	326	TIT. 28. De Appellationib. Recu- sationib. & Relationib. 374
5. De vi præsumptionum in con- cursu.	328	§. 1. Quid sit appellatio & quotu- plex. ibid.
6. An Præsumptio allegari debeat, vt pro sit ei, pro quo stat.	329	2. Quis appellare possit. 375
TIT. 24. De Iureiurando.	330	3. A quibus Iudicijs appellare li- ceat
§. 1. Quid sit Iuramentum.	ibid.	
2. An iuramentum per Deum vel creaturas sit licitum.	332	
3. De requisitis ad iuramenti validi- tatem.	333	

INDEX TIT. ET

PARAGRAPHOR.

ceat.	376
4. A quibus sententijs seu actibus ap- pellare liceat, vel non.	378
5. Coram quo sit appellandum.	381
6. Ad quem sit appellandum.	382
7. Quando & à quo tempore inter- poni debeat appellatio.	384
8. Qualiter sit interponenda appel- latio.	386
9. De differentia definitiva ab inter- locutoria quoad interponendam appel- lationem.	387
10. De tempore petendi Apof.	389
11. quibus appellationibus sit defe- rendum.	391
12. De tempore introducenda & pro- sequenda appellationis.	393
13. De causis biennij ad introducen-	

dam prosequendam & finiendam ap- pellationem.	395
14. Quale debeat esse impedimentum primi anni seu primi fatalis, ut pra- beat causam dandi secundum annum seu secundum fatale.	399
15. De effectu appellationis.	401.
16. De privilegijs remedio attenta- torum competentibus.	404
17. Quanam liceant Iudici vel par- tibus, pendente appellatione.	406
18. De Recusationibus.	408
19. De iustis causis & effectu rela- tionis.	411
20. De Relationibus.	412
TIT. 29. De Peregrinantibus.	414
TIT. 10. De confirmatione utili vel inutili.	415

Ex Libro Tertio.

T IT. 1. De vita & honestate Clericorum.	417
TIT. 2. De cohabitatione Clerico- rum & mulierum.	422
TIT. 3. De Clericis coniugatis.	425
§. 1. De Clerico Ordine sacro ini- tiato.	ibid.
2. De Clerico minoribus Ordinibus initiato, contrahente matrim.	427
3. An Clericus coniugatus immuni- tate Ecclesiasticâ perinde gaudeat ac non coniugatus.	429
TIT. 4. De Clericis non residen- tibus.	431
TIT. 5. De præbendis & Dignita- tibus.	434
§. 1. Quid sit Præbenda & Beneficium Ecclesiasticum.	ibid.
2. De diuisione beneficiorum.	435
TIT. 6. De Clerico ægrotando vel	

debilitato.	439
TIT. 7. De Institutionibus.	441
§. 1. Quid sit Institutio & Collatio ibid.	
2. Quiconferri beneficia possint	442
3. Quibus conferri benef. debeant.	446
4. In quibus consistat idoneitas Cle- ricorum ad beneficia.	448
TIT. 8. De concessione præbendæ & Eccles. non vacantis.	450
§. 1. Beneficia quando conferenda. ibi.	
2. Quibus modis benef. vacent.	452
3. Intra quod tempus conferri debeant beneficia.	453
4. De incompatibilitate & plurali- tate beneficiorum.	454
TIT. 9. Ne sede vacante aliquid innouetur.	458
TIT. 10. De his quæ fiunt à Præla- to sine consensu Capituli.	461
TIT. 11. De his, quæ fiunt à maio- re par-	

INDEX TIT. ET PARAGRAPHOR.

reparte Capituli.	464	possit fideiussor.	504
TIT. 12. Ut Ecclesiastica benef. sine diminutione conferantur.	465	2. Quinam fideiubere possint.	505
TIT. 13. De rebus Ecclesiæ alienandis vel non.	468	3. Quo pacto obligetur fideiussor. ibi:	
§. 1. De nō alienandis rebus Eccles. ibid.		4. Quibus modis extinguatur fideiussor.	508
2. Quibus casibus sit permessa rerum Ecclesiæ alienatio.	470	TIT. 23. De Solutionibus.	509
3. Qua sit iusta causa, & in quo consistat solemnitas alienandi res Ecclesiæ.	472	TIT. 24. De Donationibus.	511
TIT. 14. De Precarijs.	474	§. 1. Quid sit Donatio & quotuplex. ibi:	
TIT. 15. De Commodato.	478	2. Qualis in dubio fiat interpretatio donationis inter viuos.	513
TIT. 16. De Deposito.	480	Quo pacto donatio inter viuos perficiatur.	484
TIT. 17. De Emptione & Venditione.	481	3. De alia diuisione Donationis in Propriam & Impropriam.	515
§. 1. Quid sit Emptio-Venditio, & requisita ad eam.	ibid.	4. Quinam donare possint.	516
2. Qua res vendi possint.	483	TIT. 25. De peculio Clericor.	517
3. De rescindenda venditione.	484	TIT. 26. De Testamentis & vltimis voluntatibus.	519
4. Qua res vendi non possint.	485	§. 1. Quid sit Testamentum.	ibi.
TIT. 18. De Locatione & Conductione.	486	2. De diuisione Testamenti.	520
§. 1. Locatio Conductio quid sit. ibid.		3. De Institutione hæredis.	523
2. De Emphyteusi.	488	4. De duplici detractioe legitima & Trebellianica.	524
TIT. 19. De rerum permutat.	490	5. De Substitutionibus.	526
TIT. 20. De Feudis.	492	6. Quinam testari possint.	528
§. 1. Quid sit Feudum.	ibid.	7. De testibus in testamento adhibendis.	531
2. Quis in feudum rem aliquam dare possit.	494	8. De executione testamentorum & vltimarum voluntatum.	533
TIT. 21. De Pignoribus & alijs cautionibus.	496	TIT. 27. De successione ab intestato.	534
§. 1. Quid sit Pignus, & quotuplex ibi.		TIT. 28. De sepulturis.	537
2. Quæ res oppignorari possint.	498	§. 1. Quid sit Sepulcrum ac Sepultura.	ibid.
3. De pactis pignorum.	499	2. Ius Sepultura ad quam Ecclesiam spectet.	538
4. De actionibus resultantibus ex pignore.	501	3. Liberum esse unicuiq; eligere locum Sepultura.	540
5. Quomodo dissoluatur Pignus.	503	4. Quinam sepeliendi sint in Sepulcro maiorum.	542
TIT. 22. De Fideiussoribus.	ibid.	5. De portione Canonica paraciali	
§. 1. Quis decatur Fideiussor.	ibid.	u ij Ecclesia	
In quibus obligationibus abhiberi			

INDEX TIT. ET PARAGRAPHOR.

<i>Ecclesia debita.</i>	544	<i>torum.</i>	585
6. <i>De Canonica portione Epis.</i>	546	TIT. 33. <i>De conuersione infidelium.</i>	586
7. <i>Quibus deneganda sit sepultura.</i>	548	TIT. 34. <i>De Veto & voti redēp.</i>	587
8. <i>An pro sepultura aliquid exigi possit.</i>	550	§. 1. <i>Voti definitio explicata.</i>	ibid.
9. <i>De violentibus sepulcra & pœnis eorum.</i>	551	2. <i>De diuisione Voti.</i>	589
TIT. 29. <i>De Parœcijs & Parœciariis.</i>	552	3. <i>De Obligatione adimplendi rotum, deq; voti solutione.</i>	590
§. 1. <i>Qua dicatur Ecclesia Parochialis, & vnde.</i>	ibid.	TIT. 35. <i>De statu Monachorum & Canonicorū Regularium.</i>	592
2. <i>In quibus consistat ius Ecclesie Parochialis.</i>	556	TIT. 36. <i>De Religiosis domibus, vt Episcopo sint subiectæ.</i>	595
TIT. 30. <i>De Decimis, Primitijs & Oblationibus.</i>	558	§. 1. <i>Dominorum Religiosarum nomine qua hic veniant.</i>	ibid.
§. 1. <i>Oblatio quid sit & quotuplex.</i>	ibid.	2. <i>Quatenus Episcopus visitare possit Hospitalia, & alia pia loca, à laicis regi solita.</i>	597
2. <i>Quibus cedant oblationes.</i>	560	TIT. 37. <i>De capellis Monachorum & aliorum Religiosorum.</i>	599
3. <i>A quibus oblationes sint recipienda.</i>	561	TIT. 38. <i>De iure Patronatus.</i>	600
4. <i>Decima quid sint, & quo iure debita.</i>	ibid.	§. 1. <i>Quid sit, & quibus modis acquiratur hoc ius.</i>	ibid.
5. <i>Ex quibus rebus decima debeantur, & quotuplices sint.</i>	564	2. <i>Quotuplex sit ius patronat.</i>	602
6. <i>Quibus debeantur decima.</i>	566	3. <i>Quo modo differat ius patronatus Ecclesiasticum à laico.</i>	603
7. <i>A quibus debeantur decima.</i>	570	4. <i>Quomodo ius patronatus transferatur.</i>	605
8. <i>Quibus modis quis eximatur à decimarum præstatione.</i>	571	5. <i>De præsentatione.</i>	606
9. <i>De decimis noualium, deq; actione & cognitione decimarum.</i>	573	6. <i>De Institutione.</i>	608
10. <i>De pœnis detinentium vel non soluentium decimas.</i>	575	7. <i>Quomodo amittatur ius patronatus.</i>	609
11. <i>De Primitijs.</i>	576	TIT. 39. <i>De Censibus, Exactionibus & Procuracionibus.</i>	611
TIT. 31. <i>De Regularibus, & transcurrentibus ad Religionem.</i>	577	§. 1. <i>De Censibus.</i>	ibid.
§. 1. <i>Qui dicantur Regulares, & Monachi.</i>	ibid.	2. <i>De exactionibus.</i>	613
2. <i>Quo pacto fiant Monachi.</i>	578	3. <i>De Procuracionibus.</i>	ibid.
<i>De requisitis ad validitatem professionis.</i>	581	4. <i>A quibus debeantur procuraciones & victualia.</i>	615
TIT. 32. <i>De conuersione coniuga-</i>		TIT. 40. <i>De consecratione Ecclesie vel Altaris.</i>	617
		TIT. 41. <i>De celebratione Missarum, &</i>	

INDEX TIT. ET PARAGRAPHOR.

& Sacramento Eucharistiæ, & diuini officijs.	620	TIT. 43. De Presbyt. non bapt.	632
§. 1. Quid sit Eucharistiâ, & de materia huius Sacramenti.	ibid.	TIT. 44. De custodia Eucharistiæ, Chrismatis & aliorum Sacram. ibi.	
2. De forma & Minist. Euchar.	622	TIT. 45. De Reliquijs & veneratione Sanctorum.	634
3. De alijs conscientibus hoc Sacramentum, illud tamē sumentibus.	624	TIT. 46. De obseru. Ieiuniorum.	635
4. De effectu Eucharistiæ.	626	TIT. 47. De purificatione post partum.	637
TIT. 42. De Baptismo & eius effectu.	627	TIT. 48. De Ecclesijs ædificandis vel reparandis.	ibid.
§. 1. Quid sit Baptismus & quod simplex.	ibid.	§. 1. De ædificandis Ecclesijs.	ibid.
2. De Ministris Baptismi, deq. susceptoribus seu patrinis.	629	2. De reparandis Ecclesijs.	641
3. Quinam baptizandi & in quo loco.	630	TIT. 49. De immunitate Ecclesiarum, cæmeterij, & rerum ad eas pertinentium.	643
4. De effectu Baptismi.	631	TIT. 50. Ne Clerici vel Monachi secularib. negotijs se immisceant.	646

Ex Libro Quarto.

TIT. 1. De Sponsalibus & Matrimonio.	648	TIT. 2. De desponsatione impuberum.	666
§. 1. Quid sint sponsalia & quoduplicia.	ibid.	TIT. 3. De clandestina desponsatione.	668
2. Quinam sponsalia contrahere possint & quibus modis.	650	TIT. 4. De sponsa duorum.	673
3. De effectu Sponsaliorum.	651	TIT. 5. De conditionibus appolitis in desponsationibus & alijs contractibus.	674
4. Quibus modis sponsalia dissoluantur.	653	TIT. 6. Qui Clerici vel vouentes matrimonium contrahere possint.	676
5. De Matrimonio, quid nomen & rei.	656	TIT. 7. De eo, qui duxit in matrimonium eam, quàm polluit per adulterium.	678
6. De materia, forma & ministro matrimonij.	659	TIT. 8. De Coniugio leprosorum.	680
7. De ætate requisita ad contrahendum matrimonium.	660	TIT. 9. De coniugio seruorum.	ibid.
8. De consensu contrahentium matrimonium.	661	TIT. 10. De natis ex libero ventre.	683
9. De consensu parentum, an u. necessarius.	663	TIT. 11. De cognat. spiritali.	684
10. Quinam matrimonium contrahere possint.	664	TIT. 12. De cognatione legali.	686

ū iij TIT.

INDEX TIT. ET PARAGRAPHOR.

TIT. 13. De eo, qui cognouit cōsanguiniam vxoris vel sponsæ suæ.	688	pedimentis matrimonij cum dirimentibus tū impredientib.	703
TIT. 14. De Consanguinitate & Affinitate.	691	TIT. 17. Qui filij sint legitimi.	707
§. 1. De Consanguinitate.	ibid.	TIT. 18. Qui matrimonium accusare possunt, vel contra illud testari.	709
2. De gradibus cognationum eorumque subductione.	694	TIT. 19. De diuortijs.	710
3. De Affinitate.	696	§. 1. De dissolubilitate matrimonij rati non consummati.	713
4. De iustit. publicæ honestatē.	698	2. De dissolutione matrimonij quoad thorum.	714
TIT. 15. De frigidis & maleficiatis & impotentia coeundi.	699	TIT. 20. De donationibus inter virum & vxorem, & de dote post diuortium restituenda.	716
TIT. 16. De matrimonio contracto contra interdictum Eccles.	702	TIT. 21. De secundis nuptijs.	718
APPENDIX De alijs quibusdā im-			

Ex Libro Quinto.

TIT. 1. De Accusationibus, Inquisitionib. & Denunt.	720	eorum seruis.	752
§. 1. De Accusationibus.	ibid.	TIT. 7. De Hæreticis.	756
2. Quinam accusare possint.	722	§. 1. Qui dicatur Hæreticus.	ibid.
3. Quinā accusari non possint.	726	2. De pœnis Hæreticorum.	757
4. De Inquisitione.	727	3. De modo procedendi in causa Hæresis.	760
5. De Denuntiatione.	731	TIT. 8. De Schismaticis & ordinatis ab eis.	762
6. De alijs modis procedendi in criminalibus.	733	TIT. 9. De Apostatis & reiterantibus baptismum.	763
TIT. 2. De calumniatoribus.	735	TIT. 10. De his qui filios occiderunt.	766
TIT. 3. De Simonia, & ne aliquid pro spiritualibus exigatur vel promittatur.	737	TIT. 11. De infantibus & languidis expositis.	767
§. 1. De crimine seu delictu in genere.	ibid.	TIT. 12. De homicidio voluntario vel casuali.	768
2. Simonia quid sit.	739	TIT. 13. De Torneamentis.	771
3. Quotuplex sit Simonia.	741	TIT. 14. De Clericis pugnantibus in duello.	772
4. De pœnis Simoniacorum.	742	TIT. 15. De Sagittarijs.	775
TIT. 4. Ne Prælati vices suas vel Ecclesias sub annuo censu concedant.	750	TIT. 16. De Adulterio & Stupro.	776
TIT. 5. De Magistris & ne aliquid exigatur pro licentia docendi.	ib	§. 1. De adulterio & pœnis illius.	ibid.
TIT. 6. De Iudæis & Saracenis, &		2. De stupro & pœnis illius.	778
		3. De	

INDEX TIT. ET PARAGRAPHOR.

3. De Incestu & pœnis eiusdē. 780.	TIT. 33. De priuilegijs & excessi- bus priuilegiatorum. 818
TIT. 17. De Raptoribus & incendiarijs & violatoribus Ecclesiarum. 781	§. 1. De Priuilegijs. <i>ibid.</i>
§. 1. De Raptoribus virginum. <i>ibid.</i>	2. De excessibus priuilegiatorū. 821
2. De pœnis raptus. 782	TIT. 34. De purgatione Canonica. 823
3. De raptoribus rerum, atque incendiarijs. 784	TIT. 35. De purgat. vulgati. 826
TIT. 18. De Furtis. 787	TIT. 36. De iniurijs & damno dato. <i>ibid.</i>
§. 1. Furti definitio Enucleata. <i>ibid.</i>	§. 1. De Iniurijs & earum pœnis. <i>ib.</i>
2. De furti generibus & pœnis. 789	2. De Damno dato. 828
TIT. 19. De Vsuris. 790	TIT. 37. De Pœnis. 829
§. 1. Vsurā quid sit, & quot modis accipiat. <i>ibid.</i>	§. 1. Pœna quoduplices & quo pacto infligenda. <i>ibid.</i>
2. Quib. modis diuidatur vsura. 794	2. De alijs obseruandis circa pœnarum impositionem. 833
3. Quo iure vsura sint prohibita. 795	3. De pœna priuationis. 835
4. De pœnis vsurariorum. 798	4. De pœna Exilij. 836
TIT. 20. De crimine falsi. 800	TIT. 38. De Pœnitentijs & Remissionibus. <i>ibid.</i>
§. 1. Falsum quid, & quibus modis committatur. <i>ibid.</i>	§. 1. De varijs pœnitentia significationibus & diuisionibus. <i>ibid.</i>
2. De pœnis falsi. 802	2. De Pœnitentia, vt est Sacramentum. 838
TIT. 21. De Sortilegijs. 804	3. De Contritione. 840
TIT. 22. De collusionē detegenda. 806	4. De quantitate Contritionis. 841
TIT. 23. De delictis puerorum. 807	5. An & quando obliget præceptum Contritionis. 842
TIT. 24. De Clerico venatore. 808	6. De Confessione. 843
TIT. 25. De Clerico percussore. <i>ibid.</i>	7. Quos & quando obliget præceptum Confessionis. 847
TIT. 26. De maledicis. 809	8. De conditionibus & qualitatibus Confessionis. 849
TIT. 27. De Clerico excommunicato, deposito vel interdicto ministrante. 810	9. De circumstantijs in Confessione exprimendis. 851
TIT. 28. De Clerico non ordinato ministrante. 812	10. Quando liceat diuidere seu diuidiare Confessionem. 853
TIT. 29. De Clerico per saltum promot. 813	11. An Confessio possit esse publica, sive per litteras aut interpretem vel nuntium. 855
TIT. 30. De eo qui furtiue Ordinem suscepit. <i>ibid.</i>	12. De nullitate Confessionis. 856
TIT. 31. De excessibus Prælatorum & subditorum. 815	13. De sigillo seu secreto Conf. 857
TIT. 32. De noui operis nuntiatione. 817	14. De

INDEX TIT. ET PARAGRAPHOR.

14. De Satisfactione, tertia parte pœnitentia. & quotuplex ea sit. 859	2. Quotuplex sit Excommunic. 876
15. Per quanam opera satisfiat, & de modo in satisfact. seruando. 861	3. De effectu maioris excommuni- cationis. 881
16. An pœnitēs teneatur acceptare & adimplere pœnit. sibi imposit. 862	4. De effectu minoris excommuni- cationis. 882
17. An vnus pro alio tam viuo quā mortuo satisfacere possit. ibid.	5. Quinā excommunicare possint. ibi.
18. De Remissionib. seu indul. 863	6. Quinam excommunicari possint vel non. 885
19. Quid sit thesaurus Indulgentia- rum, & vnde originem trahat. 864	6. Quis possit absolvere ab excom- municatione. 886
20. An indulgentiæ possint concedi animab. in purgat. existentib. 865	8. De Suspensione. 889
21. Quibus competat potestas con- cedendi indulgentias. 866	9. Quis possit suspendere & quæ sit forma suspensionis? 890
22. De effectu indulgentiarū. 867	10. De effectu suspensionis & forma absolutionis à suspensione. 891
23. De causa indulgentiarū. 869	11. De interdicto. 893
24. De requisitis & parte volentiū acquirere indulgentias. 870	12. Quis possit & ob quam causam interdicere, quæ sit forma interdicti, quæ interdicto prohibeātur & de pœ- na interdicti violati. 895
25. Quoties quis possit consequi in- dulgentias, & quamdiu durent. 872	13. De Irregularitate. 897
26. De Iubilæo. 873	14. De Depositione & Degrada- tione Clericorum. 898
TIT. 39. De sententia excommu- nicationis. 874	TIT. 40. De Verborum signifi- catione. 902
§. 1. Quid sit Excommunicatio: & species Censura Ecclesiasticæ. ibid.	TIT. 41. De Regulis Iuris. 903

ANDREÆ

ANDREÆ del VAVLX, I. V. D.

& SS. CANONVM Professoris Ordinarij,

PARATITLA

S I V E

S V M M A R I A

ET METHODICA EXPLICATIO

DECRETALIVM

D. GREGORII PAPÆ IX.

PROOEMIUM.

1. Iurisconsulti diligentissimi nominum & etymologiarum intelligatores.
2. Iuris acceptiones & derivationes: varia.
3. 5. Ius à Iustitia rectè dici, secundum Iurisconsultos.
4. Satisfit Grammaticorum regula & obiectioni.



VIA, teste Vlpiano Iurisconsulto in l. i. D. de Iustitia & Iure, Iuri operam danum prius nosse oportet, vnde Iuris nomen descendat;

* Eaqu; perantiqua semper fuit cum Philosophorum tum Iurisconsultorum consuetudo, vt diligentissimè inquirerent etymologiam nominum, & cur vnaquæque res hoc aut illud nomen sortita esset; eò quòd nomina, si rectè imposita sint, ex eodem naturæ fonte, quo ipsarum rerum definitiones, hauriantur, sintque rerum ipsarum cognoscendarum instrumenta: non abs re me facturum pu-

A

caui

caui, si acturus de Iure Canonico, aliud exordiar; & priusquam ad Titulos librorum Decretalium veniam, nonnulla de Iuris derivatione, eiusque diuisionibus, subdiviſionibus, membrorumque singulorum natura, proprietate, conditionibus, atque inter se tum comparationibus tum distinctionibus, praeſero. Eoque magis, quod secundum Ciceronem *lib. 1. Offic.* omnis, quae à ratione suscipitur de re aliqua institutio, debeat à definitione proficisci, ut intelligatur, de quo disceptatur.

2 Ideoque, ut inde exordiamur, sciendum, quod, prout Iuris sunt variae acceptiones, de quibus Ioan. Andreas in *Nouella Non est nouum de Reg. Iuris*; ita & secundum eas variae quoque derivationes assignari possint.

3 Et quidem, ut omittam alias ad propositum minus spectantes, si Ius sumatur pro lege (prout sumitur in *§. singulorum Instit. de rer. diuis.* in *can. ius generale Dist. 1.* in Verb. *Lex autem iuris*, scilicet scripti, est species; & dum dicimus, hoc vel illud est certi iuris, illud facti) rectè dicitur à Iussu seu Iubendo, quia lex in iussu seu imperio superioris est posita. Si verò sumatur, ut est idem, quod iustum, non quidem in ea generali acceptione, quā iustum idem est, quod legitimum, seu legi consonum (quo pacto formaliter acceptum, est obiectum formale obedientiae; quae ideo expresse vult, vel facit aliquid, quia est lege preceptum vel statutum; materialiter autem sumptum est materia omnis virtutis, quia lex in omni materia virtutis aliquid statuit:) sed prout iustum sumitur specialiter pro eo, quod est æquale & alteri debitum, ac formale obiectum est iustitiae particularis, rectè dicitur à Iustitia, ut vult Vlp. in *d. l. 1.*

4 Nec obstat Grammaticorum regula, secundum quam potius Iustitia à Iusto, & Iustum à Iure, tamquam simpliciori nomine, derivari videtur: quia denominatio obiecti rectè potest sumi ab habitu, seu potentiâ in illud tendente: sicut enim Scibile à Scientia; Sensibile à Sensu; Visibile à Visu denominatur. Etiam si loquendo de ordine seu derivatione quoad causalitatem obiecti, ipsa potentia vel habitus dici possit derivari ab obiecto: sicut enim Iustitia à Iure, prout idem est quod iustum, denominari potest, quia ita sumptum est causa iustitiae, per modum obiecti & causae finalis: licet in genere causae efficientis sit effectus iustitiae; quia iustitia facit & constituit obiectum suum, sicut & ceterae virtutes morales.

5 Et hinc patet, etiam Ius, prout significat artē iuris (ut usurpat Vlp. dum ait, Iuri operam daturum prius nosse oportere, unde nomen Iuris descendat, illudque definit, esse artem boni & æqui, quia scilicet *stare, tendens in bonum & æquum*) dici posse à Iustitia, mediante
scilicet

scilicet iusto, à quo tanquam obiecto suo derivatur: iuxta illud, Quid-
quid est causa causarum, est etiam causati causa.

§. I.

1. *Ius variè diuidi.*
2. *Diuisio iuris in ius ad rem, & ius in re.*
3. *Quid sit ius ad rem.*
4. *Quid ius in re.*
5. *Diuisio Iuris in Naturale & Positivum; & huius in Divinum & Humanum, &c.*

Quemadmodum Ius secundum varias sui acceptiones variè
derivatur, ita etiam variè diuiditur. Et quidem, omissis alijs
diuisionibus, solum proponemus eas, quæ ad propositum
nostrum magis spectant.

Ius igitur sumptum, prout idem est, quod potestas legitima,
seu à lege concessa, ex parte termini, quem respicit, diuiditur in ius ad
rem, & ius in re, quod plurimum pendet ex iuris positivi dispositione.
Hac diuisione utitur Pontifex in *Clement. vnica De sequestr. possess.*

Ius ad rem dicitur, quod non tribuit actionem in rem ipsam, ad
quam dicitur esse ius, sed in personam dumtaxat, quia scilicet est ius ad
rem, quæ tali iuri nondum est obligata seu affecta; & ideo potest esse
circa rem nondum existentem. Tale ius est, quod competit alicui per
electionem, præsentationem ad aliquod beneficium, per collationem
ante acceptionem, per successionem hereditatis ante acceptionem,
per emptionem, donationem, stipulationem, vel alium similem con-
tractum ante rei traditionem, quæ regulariter ultra legitimum titulum
(qualis est emptio, donatio, vel alius similis contractus) ad dominium
acquirendum requiritur. Dico regulariter, quia subinde ex speciali le-
gis dispositione non est necessaria: veluti in beneficijs Ecclesiasticis, in
quibus per collationem & acceptionem subsecutam comparatur ius in
re, *cap. si tibi absenti De præben. in 6.* & in hereditate, alijsque iuribus in-
corporalibus, quæ transeunt in aliquem iure hereditario, siue per testa-
mentum, siue ab intestato: nam in ijs acquiritur dominium & ius in re
per solam aditionem, verbo vel facto factam, §. *ult. Instit. De hered. qua-
lit. & differ. l. cum heredes 23. D. De acquirenda vel amitt. possess.* Videatur Did.
Conarruias lib. 2. *Variar. Resolut. cap. 19.*

Ius in re, quod ius perfectum appellatur, dicitur, quod tribuit actio-
nem realem, seu actionem in rem, habetque rem sibi deuinctam & ob-

ligatam: & ideo non potest esse circa rem non existentem. Tale est, quod quis habet per emptionem, aliosque similes contractus, subsecutâ rei traditione per dominum: item ad beneficium per collationem, secutâ acceptatione: per testamentum, aut successionem ab intestato, aditâ hereditate. Hinc cōstat, ius ad rem esse debilius, & facilius amitti, quàm ius in re; vt obseruat Glossa in Clement. unica De Cler. coniugatis.

- 5 Ius verò, sumptum pro lege, seu vt idem est quod lex, diuidi potest, sicuti lex; atque ita in Naturale & Positiuum. Positiuum rursus in Diuinum & Humanum: Diuinum in Vetus & Nouum: Humanum in Ius Gentium, Ius Ciuile, & Ius Canonicum.

§. II. De Iure Naturali.

1. Dari ius naturale, probatur.
2. Definitio seu potius descriptio illius iuris.
3. Ius naturale esse immutabile.
4. 5. Per prescriptionem aut seruitutem non immutari aut tolli ius naturale.
6. Occurritur alijs argumentis.

1 **I**us naturale dari negauit Pythagoras, & nonnulli alij Philosophi, volentes omne ius opinione constare: contrâ dari, cum Platone, Cicerone, Aristotele, tenet communis omnium Theologorum, Philosophorum, & Iurisconsultorum opinio; & colligitur satis ex l. 1. D. De Iust. & Iure, & Institut. De iure natur. gent. & ciuili. Cuius ratio est, quia cum homo multas habeat operationes liberas, & proinde incertas & indeterminatas, debet habere regulam, quâ eas dirigat, vt sint rectæ, & consentaneæ rectæ rationi & fini vltimo. Vnde D. Paulus ad Rom. 2. Gentes, inquit, quæ legem non habent, scriptam scilicet, naturaliter ea, quæ legis sunt, faciunt.

2 Illud definitur ab Vlpiano & Iustiniano, quod natura omnia animalia docuit. Quibus verbis non tam intendunt aliquam definitionem iuris naturalis tradere, quàm signum aliquod inadæquatum, quod dignosci queat. Nec enim voluerunt ius naturale esse hominibus cum brutis commune, vt opinatur Valla, ideo dictam definitionem impugnans: sed quòd in hominibus illud dicatur ius naturale, quod non solum ab hominibus, verum etiam à brutis vsurpatur, vt est maris & faminæ coniunctio, liberorum procreatio & educatio; obligatio antidoralis, quæ est, vt bene facienti bene faciamus: sic tamen, vt quatenus in brutis repetitur, non dicatur ius naturale, quia sicuti bruta sunt incap-

incapaciā iniuriæ, l. 1. §. ait Prætor. D. si quadrupes paup. fecisse dic. ita & iuris quod à ratione, quā bruta destituuntur, deducitur; sed quatenus ab hominibus, & quidem tunc solum, quando non ex sensus, sed rationis ductu, vsurpatur. Quod addo, ne quis inferat hinc, omnia, quæ hominibus cum brutis sunt communia, veluti edere, bibere, flere, irasci, & similia, esse iuris naturalis. Dixerunt autem Vlp. & Iustin. ius naturale non esse proprium generis humani, quia scilicet non ita illi conuenit quin in brutis quoque aliqua eius adumbrata effigies reperiatur.

Hoc verò ius est immutabile ex se & naturā suā: tota quæ variatio 3 eorum, quæ sunt iuris naturalis, contingit non ex eo, quod ius ipsum naturale in se mutetur & varietur, sed quia aduenit noua circumstantia ex parte obiecti seu materiæ, quæ ipsum obiectum seu materiam extrahit è numero eorum, quæ, seclusa tali circumstantiā, erant de iure naturali. Nec enim ius naturale, aliquid præcipiens faciendum, aut fieri prohibens referri debet ad obiectum absolutè consideratum, quia illud non sic præcipit aut prohibet, sed cum certis & debitis circumstantiis: vt v. g. non qualibet occisio hominis est iure naturali prohibita, sed quæ sit auctoritate priuatā, extra casum necessariæ defensionis. Similiter, etsi iure naturali reddendum sit depositum, nunquam tamen iuris naturalis fuit, vt ensis depositus redderetur furioso, aut non furioso quidem, sed in perniciem Reip. aut alterius, *can. ne quis xxii. quæst. 2.*

Hinc patet, quā ratione præscriptio iure civili, & seruitus iure 4 gentium introductæ, non immutent aut tollant ius naturale, quo prohibetur retineri alienum inuito domino, & omnes nascebantur liberi: quia præscriptio, vbi legitimè semel est completa, non facit, vt retineatur alienum, quamdiu manet alienum; hoc enim esset contra ius naturale: sed facit, vt qui præscripsit, retineat suum, & id, cuius dominium per præscriptionem legitimè completam auctoritate legis acquisiuit. Atque ita nihil refert, quod tum sciat fuisse alienum ante præscriptionem.

Eodem modo libertas (quæ non dicitur esse iuris naturalis, quæ 5 si eam præceperit, & seruitutem veruerit, sed partim negatiuè, quia seruitutem ius naturale non inuexit, partim positiuè, quia unicuique ius naturale concessit, vt esset liber, ac dominus suæ libertatis, hoc ipso, quo illum fecit liberi arbitrij) tollitur per seruitutem, absque mutatione iuris naturalis, ob nouam circumstantiam, aduenientem post hominis peccatum ex parte obiecti, nempe licitam in iusto bello capti interfectionem, quæ meritò non solum à iure gentium, sed etiam à quolibet priuato, huiusmodi interfectionis ius habente, commutari potuit in perpetuam seruitutem, l. hostes D. de capt. & postlim. reuersu.

6 DE IVRE POSITIVO, ET EIVS DIVISIONE.

6 Eadem ratione solui possunt omnia argumēta, quibus probari videtur ius naturale esse mutabile, nēpe quòd illud in se & ex parte sua semper vnum & idem maneat; dicatur autem solum mutari per denominationē extrinsecam, ob materiæ, de qua est, variationē, ratione aliarū atq; aliarum circumstantiarum. Huiusmodi circumstantias ex parte obiecti seu materiæ potest ius positivum, siue gentium, siue civile, siue Canonicum, addere vel detrahere, nullā prorsus mutatione factā in iure naturali. Et secundum hoc intelligendus est Iurisconsultus, in l. ius civile D. de Instit. & iure, dicens, Ius civile nec in totum à naturali recedere, nec per omnia ei servire, sed aliquando aliquid ei detrahere, aliquando addere: quia scilicet aliquando circumstantiam aliquam detrahit, aliquando addit, sicque illud determinat, modificat, vel restringit, prout plenius deduxi in Summa ad Decretum Gratiani lib. 1. cap. 10. & sequenti.

Observandum autem hīc, ex ijs, quæ sunt iuris naturalis, aliqua dici prohibita, quia mala, vt odium Dei, blasphemia, furtum, adulterium; non autem mala, quia prohibita: & contra aliqua esse iussa & præcepta, quia in se bona & necessaria, vt Deum esse colendum, parentes honorandos, egenti subueniendum.

§. III. De iure Positivo, & eius diuisione.

1. Descriptio huius iuris,
2. In quo à iure naturali distinguatur.
3. Diuisio.
4. Quid sit Ius positivum Divinum; & subdivisio illius in Vetus & Novum.
5. Præcepta Iurispositivi divini veteris seu legis Mosaitica, alia Moralia, alia Ceremonialia, alia Iudicialia.
6. Ius positivum divinum novum.
7. Ius humanum.

1 **I**us Positivum est & dicitur illud, quod ex libera Dei vel hominis voluntate pendet. Et hoc est, quòd vult Philosophus, illud definiens, quod ab initio, hoc à nullo modo fiat, nihil refert: cum verò constitutum fuerit, tunc demum refert, quia scilicet eius obligatio non ex natura rei præceptæ, sed ex præcepto & voluntate præcipientis oritur, & derivatur ad obiectum. Quò fit, vt mutari possit, etiamsi mantent omnes eadem circumstantiæ, cum quibus antè obligabat. * Et in eo distinguitur à iure naturali: sicut & in eo, quòd quæ iure natura

~~iure~~ prohibita sunt, prohibita sunt, quia in se mala; quæ autem iure positivo è contra mala sunt, quia prohibita.

Ius Positivum diuiditur in ius Diuinum & Humanum, repetito ta- 3
men diuiso in membris diuidentibus, hoc modo, Ius Positivum aliud est ius positivum diuinum, aliud est ius positivum humanum: vt à priori membro excludatur ius naturale, quod certo respectu ac certâ ratione Diuinum appellatur, nempe quatenus à Deo, tanquam ab auctore naturæ, dimanat.

Ius Positivum diuinum est, quod à Deo optimo-maximo, vel Chri- 4
sto, quatenus homo simulque Deus, in tempore latum & conditum est, siue Angelico, siue humano, vt Moyſis & Apostolorum, ministerio, siue per se.

Hoc subdividitur in ius positivum Diuinum Vetus, & in ius positivum Diuinum Nouum. Ius positivum diuinum vetus est, quod in veteri Testamento Deus ipse condidit, de ijs scilicet, quæ ad ius naturale non spectant, vt de caeremonijs & politiâ. Hoc autem ius, quia à Deo acceptum per Angelos, Moyſes, tanquam præco & mediator inter Deum & homines, Iudæis tradidit, promulgauit, & scripsit, *can. Moyſes Dist. 1.* subinde dicitur lex Moyſis seu Moyſaica.

Huius verò iuris præcepta trium generum fuerunt: Alia scilicet 9
Moralia, quæ ad morum disciplinam spectabant: qualia sunt, Non occides, Non mœchaberis, & alia Decalogi præcepta, de quibus Exodi 20. Alia Cæremonialia, quæ ad cultum ritè Deo exhibendum pertinebant, de quorum diuisione videatur D. Thomas 1. 2. *quæst. 101.* Alia deniq; Iudicialia, quæ iustitiæ administrandæ subseruiebant, de quorum diuisione videatur D. Thomas. *d. loco quæst. 104.* Moralia sunt iuris naturalis, ac proinde immutabilia, & indispensabilia. Cæremonialia verò & iudicialia sunt determinitates moralium, & solum vim habebant ex diuina institutione & voluntate, ac proinde ad ius positivum spectabant: & inter Christianos expirarunt, consummato per Christi mortem opere nostræ redemptionis; solaque moralia remanserunt, non quatenus veteris Testamenti, sed quatenus iuris naturalis. Dixi, inter Christianos, quia Iudæi adhuc legem Moyſaicam seruant, & secundum eam viuunt, etiam quoad successiones. Calderinus *Consil. 30. in tit. de Testamentis*, Felinus in *c. Iudæi 2. columna 2. de Iudæis*. Videatur Maranta 3. parte Speculi aurei, nu. 49 & seqq.

Ius positivum diuinum nouum est, quod Christus homo simulque 6
Deus in nouo Testamento condidit. Talia sunt ea, quæ sunt de Sacramentis. Alioquin non omnia, quæ in nouo Testamento reperiuntur, sunt iuris diuini, sed pleraque iuris humani Ecclesiastici, vt illa, quæ non ex ore ipsius inest Christi, sed per solos Apostolos, inspirante Spiritu

Spiritu sancto, decreta fuerunt: veluti Canones, qui Apostolorum dicuntur, & praecepta, quae apud D. Paulum commemorantur, de homicida vel ebrio homine non ordinando, de ieiunio quadragesimae, de trina in aquam demersione eorum, qui baptismo abluuntur, de bigamo non ordinando, & similibus. De convenientia & distinctione iuris positivi diuini veteris à iure positivo diuino nouo plenius egi in Tractatu ad 29. *Distinct. Gratiani.*

- 7 Ius humanum est, quod ex hominis voluntate immediatè pendet, siue quod ab auctoritate humana proximè statuitur, seu cuius obligatio ex mera hominis, aliquid praecipientis vel prohibentis, voluntate oritur. Vnde patet ratio discriminis positi inter leges diuinas & humanas in *can. omnes Dist. 1.* quòd scilicet leges diuinæ & naturales sint eadem apud omnes; humanae autem non, sed aliae atque aliae alijs atque alijs gentibus placeant. Necessarium verò fuit hoc ius siue humanum, ad legem diuinam & naturalem, tanquam generaliores & indeterminatas, solumque generalia praecipientes aut prohibentes, determinandas, temperandas, & cuique societati & communitati accommodandas, ad consensionem & concordiam inter homines de rebus humanis & politicis, diuersimodè saepe opinantes & sentientes conciliandam; &, vt inquit Isidorus, in *can. facta sunt Dist. 4.* vt metu eius humana coërceatur audacia, tutaque sit inter improbos innocentia &c. Nam, vt Plato ait 2. *de Legibus*, si homines absque legibus vixerint, nihil à feris atrocissimis discrepabunt: & Aristoteles 1. *Politic. cap. 2.* sicut homo, si sit perfectus virtute, est optimum omnium animalium, ita si fiat alienus à lege & Iustitia, sit pessimum omnium.

Ius humanum diuiditur in Ius Gentium, Ius Ciuile, & Canonicum.

§. IV. De Iure Gentium.

1. *Definitio huius iuris.*
2. *A naturali in quo distinguatur.*
3. *Quid sit naturale ius.*
4. *In diuisione iuris in naturale, gentium & ciuile, quid per ius naturale & gentium intelligant iuris Interpretes.*
5. *Duplex ius gentium, primum & secundarium.*

(I) **I**us Gentium propriè dictū, & prout à naturali distinguitur, defini potest esse illud, quod vsu ac moribus omnium aut ferè omnium gentium introductum est, non autem instinctu solius naturae, vt colligitur ex §. *ius autem gentium Instit. de iure nat. gent. & ciuili, innoto can. ius gentium Dist. 1.*

Atque

Atque ita distinguitur à naturali, quòd eius obligatio oriatur ex voluntate hominum; sit mutabile, quantum est ex parte sua; non semper omnibus, sed regulariter & ferè omnibus sit commune, *d. can. Ius gentium*: ideoque potest alicubi non seruari, quod apud alios de iure gentium esse censetur. At verò ius naturale est vnum & idem apud omnes, solumque per errorem & ignorantiam potest alicubi non seruari: & insuper eius obligatio non ex alicuius præcipientis aut prohibentis arbitrio & voluntate, sed ex natura rationali & naturali conditione operum oritur. * Et ideo in *can. Ius naturale Dist. 1.* ab Isidoro definitur esse illud, quod est commune omnibus nationibus; eò quòd ubique instinctu naturæ, non constitutione aliquâ, habeatur: & ab Aristotele, esse illud, quod ubique gentium idem valet, non quia ita decretum sit vel non decretum.

Verumtamen melius intelligatur, cur dixerim, ius gentium propriè dictum, & prout à naturali distinguitur, aduertendum est. Vlp. Iustin. & alios, dum diuidunt ius in ius naturale, gentium, & ciuile, solum loqui de iure, quod non transcendit limites naturæ, nihil autem de iure, vt ita dicam, supernaturali, quale est ius diuinum positum: nihil etiam de iure, quod à ministris Ecclesiæ ad finem supernaturalem est conditum, quale est ius Canonicum. Secundò, per ius naturale non intellexisse omne illud ius, quod reuera est naturale, prout sumitur & definitur in *d. can. Ius naturale Dist. 1.* sed solum illud, quod est sic hominibus naturale, vt sit eis cum brutis commune, vt patet ex definitione, quam tradunt, antè à nobis explicatâ. Tertiò per ius gentium intellexisse omne illud ius, quod omnibus aut ferè omnibus hominibus est proprium, àsq; solis conuenit, siue interim reuera pertineat ad ius naturale, siue ad ius gentium, prout de illis loquitur Isid. *d. Dist. 1.* vt patet ex eorum verbis & exemplis. Nam inter exempla iuris gentium referunt religionem erga Deum: item vt patriæ ac parentibus pareamus: fas item esse vim & iniuriam repellere, *l. 2. & 3. D. de Iust. & Iure.* Quæ tamen omnia constat esse iuris naturalis: sicut & præcepta Decalogi, quæ etiam sub iure gentium comprehendunt.

Hinc factum est, quod Iuris Interpretes distinguant duplex ius gentium: alterum, quod solis hominibus conuenit; sic tamen, vt simul cum illis natum sit, quod proinde appellant ius gentium primæum, & ius gentium antiquum, *l. 1. D. de acquir. rer. dom.* nam licet intrinsecè naturale sit, tamè illud Gentium appellant, quia illo gentes communiter vtuntur. Vocant etiam subinde Diuinum, quia ab exordio rationalis creaturæ animis hominum à Deo insculptum est. Vocant & interdum ius Naturale, *§. singulorum Inst. de rer. diuis. l. bona fides D. de positi*, quia non pendet ab aliqua hominum constitutione, sed à naturali instinctu ra-

tionis habetur. Vocant tamen ius naturale secundarium, ad distinctionem prioris iuris naturalis, quod scilicet hominibus simul cum brutis est commune, & ius naturale primum appellant. Ex hoc autem iure gentium descendit religio erga Deum, amor erga parentes, præcepta Decalogi. Eodem iure omnia hominibus erant communia, omnes nascebantur liberi, *d. can. Ius naturale Distinct. 1.* & de hoc iure gentium loquitur Iustin. in §. quod verò naturalis ratio inter omnes constituit, id apud omnes populos per æquè custoditur, illis ipsis verbis.

Alterum verò appellant Ius gentium secundarium, & Ius gentium humanum, ad distinctionem prioris, eò quòd non ab initio cum hominibus natum sit, sed postea vñ exigente & humanis necessitatibus gentes humana illud sibi constituerint, id est, moribus usurparint: & hoc est Ius gentium propriè dictum, antea à nobis definitum, quo introducta sunt Meum & Tuum, bella, discretæ gentes, regna condita, dominia distincta, *l. 5. D. de Inst. & Iure*; captiuitates ac seruitutes seculari: item omnes pænè contractus introducti, §. *Ius autem gentium Instit. de iure nat. gent. & civili.* (vbi de hoc Iure gentiū loquitur Iustin.) aliaque plura, quæ recenset Isidorus in *d. can. Ius gentium Dist. 1.* His obseruatis facile fuerit præcedentes diuisiones intelligere, ac Theologorum diuisiones cum Iurisperitorum diuisionibus conciliare.

§. V. De Iure Ciuili.

1. Descriptio & causa illius.
2. Quo modo à Iure naturali & gentium distinguatur.
3. Ius Feudorum ad Ius civile refertur.

Ius Ciuile, cuius origo traditur in *canon. 1. & 2. Dist. 7.* est, quod quisque populus vel quæque ciuitas sibi proprium constituit, §. *Ius civile Instit. de iure nat. gent. & civili, can. Ius civile Distinct. 1.* Nam cum non omnia omnibus conuenire possint, ob regionum morumque diuersitatem, & leges ad Respublicas, non è contra, accommodandæ sint, fit vt singule pænè ciuitates ius sibi proprium constituent. Vnde & ex vnaquaque ciuitate aut populo nomen sortitur, vt Ius Ciuile Atheniense, Ius Ciuile Lacedæmoniorum, Ius Ciuile Romanorum; quod per antonomasiam intelligitur, quoties fit mentio Iuris Ciuilis, non addito, cuius sit ciuitatis aut populi: vocaturque etiam Ius Quiritum, *can. Ius Quiritum d. Dist. 1.* ob rationem ibidem assignatam.

2 Distinguitur verò Ius Ciuile à Iure Naturali, quòd eius obligatio pendeat

pendeat ab auctoritate humana; sit vnius tantum ciuitatis aut populi; sit mutabile, etiam in totum, quantum est ex parte sua. A Iure autem gentium distinguitur, quod Ius gentium sit commune omnibus, aut fere omnibus hominibus, totumque sit moribus gentium introductum, nec vlllo scripto comprehensum: Ius autem ciuile, siue scriptum sit, siue moribus introductum, quale ius est consuetudo, vnius tantum sit ciuitatis aut populi.

Diuisiones autē Iuris Ciuilis petantur ex Institutionibus Iustiniani.

Ad Ius Ciuile spectat Ius Feudorum, tanquam consuetudinarium, iuxta primam Rubricam Feudorum, *Isenia in Proemio Feudorum colum. fin. & omnes in preliis Feudorum*; & tanquam ius non scriptum. Abbas in *cap. Firmiter, in fine principij, De summa Trinitate*. Quoad eius autem obseruantiam in primis seruanda sunt particulares, cuiusque prouincie circa Feuda Constitutiones: ijs cessantibus seruandum ius consuetudinarium Feudorum; & si casus occurrat, qui in eo non sit decisis, recurrendum ad ius commune, maxime de usufructu & emphyteusi, arguendo de simili ad simile: dissentientibus verò Iure Ciuili & Canonico, recurrendum potius ad Canonicum, ratione iuramenti, quod praestatur per Vassallos, prout hæc latius deducit Maranta, *parte 3. Speculi auri, nu. 83. & seqq.*

§. VI. De Iure Canonico.

1. Quodnam sit Ius Canonicum.
2. Vnde dictum; & varia huius Iuris appellationes.
3. Quo modo à Iure ciuili distinguatur; & finis vtriusque Iuris.
4. Necessitas Iuris Canonici.
5. Origo & incrementum eiusdem.
6. In conflictu Iuris Canonici & ciuilis quodnam seruandum sit.

Ius Canonicum vocatur illud Ius posituum, quod à summis Pontificibus constitutum vel approbatum est, *cap. Non decet, & ibi Abbas, in 3. Notab. 2. De consang. & affinit.*

Appellatur autem Canonicum à Græca voce *Kanon*, quæ latine Regula dicitur, *can. 2. Distinct. 3.* & quidem per antonomasiam Regula Ecclesiastica, *cap. 1. 2. De constitut.* eo quod collectum & coaceruatum sit ex Canonibus, id est, Regulis Ecclesiasticis, ad recte viuendum, æternamque beatitudinem assequendam, institutis. Vocatur etiam Ius Ecclesiasticum, *can. 1. Dist. 3. & alibi ab Ecclesia*, quia scilicet est de rebus ac personis Ecclesiasticis. Dicitur & Pontifi-

tium, ab auctore suo, nempe summo Pontifice, à quo vim & auctoritatem habet. Vocatur insuper subinde Diuinū siue Diuina Lex; partim, quia quædam in hoc iure tradita, ex sacris Scripturis sunt excerpta, & in sacris Concilijs repetita, vt in *cap. Significasti* x. *De electione*, partim, quia Canones Ecclesiastici, tanquam conclusiones vel determinationes quædam, ex lege diuina, veluti è suis fontibus ac principijs, profluunt & eliciuntur, *cap. Qualiter* & *cap. Quando* x. *De constitut.* atque instinctu, dono, & nutu, ac gratiâ Spiritus Sancti editi sunt, *can. Violatores* xxv. *qu. 1.* partim denique, quia ex ipsiusmet Christi ore potestatem legum condendarum Pontifex, vt Petri successor, accepit, *cap. Translato sacerdotio* x. *De constitut.*

3. Hinc non fuerit difficile distinguere Ius Canonicum à iure naturali, gentium, & ciuili; atque ostendere, quanto ciuili sit augustius & sublimius, tum ratione causæ efficientis, tum ratione vniuersalitatis, tum ratione finis, quem spectat: quandoquidem Ius ciuile à potestate prorsus seculari, temporali, ac terrena dimanet; sit tantum vnus ciuitatis aut populi, ac finem merè temporalem & terrenum, nempe vitam ciuium talem, quæ naturali rationi sit conformis: Ius verò Canonicum à potestate merè spiritali, à Christo, Petro, Petrique successoribus communicata, promanet (quæ tanto temporali dignior est, quanto spiritalia corporalibus & anima corpore digniora sunt) & omnes omnino Christi fideles, etiam Reges & Imperatores, astringat; finemque merè spiritualem, æternam nempe beatitudinem, principaliter atque vltimatè intendat. Pleniùs de differentijs eius à ciuili videre licet apud Baptistam de sancto Blasio in *Rubr. Decretis Gratiani* à nu. 43. vsque ad 250. vbi ducentas quinque distinctiones recenset.

4. Necessitas verò Iuris Canonici vix eo satis cõprobatur, quod, vt inquit Arist. *lib. 3. Politic. c. 7. in fine, & lib. 4. c. 1. sub finem*, non Respublicæ ad leges, sed leges ad Respublicas accommodandæ sint. Nam inde sequitur, quòd, quemadmodū duæ sunt in genere Respublicæ, scilicet distinctæ; altera nempe politica seu ciuilis, habens finem planè politicum ac ciuilem, naturalem scilicet felicitatem seu vitam ciuium talem, quæ naturali rationi sit conformis, seu iuxta Ciceronem *lib. 1. De Oratore*, iustitiæ in humana societate conseruationem; altera verò Ecclesiastica, quæ vt tota spiritalis est, finem quoque semper & vbique spiritualem, æternam nempe beatitudinem, vitamque Christianorum talem, quam salus æterna seu sempiterna beatitudo post huius vitæ terminum sequatur, in omnibus intuetur, atque in eundem instar sagittarj respicit ac collinat, & in eum ciues suos per mores homine Christiano dignos reducere ac dirigere nititur: ita etiam necesse sit, vt diuersæ quoque sint leges, & diuersa iura, quibus vtraque Respublica ad finem sibi

propositum & accommodatum dirigatur. Ac proinde necessum, aliud esse ius civile, quo Respublica civilis; alterum Canonicum, quo Respublica Ecclesiastica regatur, & ad suum finem perducatur: idque præter & ultra legem naturalem & diuinam, quandoquidem Deus suis legibus non omnia in particulari statuerit, quæ ad spirituale regimen Ecclesiæ suæ conuenire possunt; necita omnia in particulari determinari ac definiri potuerint, vt essent incommutabilia; sed necessum fuerit, Christum Ecclesiæ suæ Ministris ac Pastoribus multa pro temporum, locorum, personarum, similibumque circumstantiarum varietate, nouis legibus statuenda, disponenda, ac moderanda relinquere.

Incipit vero Ius Canonicum iam inde ab exordio nascentis Ecclesiæ. Siquidem ab ipsismet Apostolis Traditiones quædam ac Constitutiones ad Ecclesiam debitè gubernandam emanarunt, quæ non aliud fuerunt, quàm Canones illi Apostolorum, per Clementem Romanum in vnum congesti, quibus semper vsa est, & nunc etiam vtiur Ecclesiæ: ac Constitutiones pleniores de Sacramentis, ministerijs, ac ritibus Christianis, per eundem Clementem cum prædictis Canonibus in libros quosdam redactæ. Et licet ita exiguis fontibus initio contineretur hoc Ius Canonicum, tamen successu temporis, paulatim, vt fieri solet, crescente omni legislatione, varijs nouis Traditionibus, Canonibus, & Decretis editis, varijsque Concilijs Oecumenicis & Prouincialibus celebratis, pro exigentia negotiorum & status Ecclesiæ, creuit potissimum à tempore Constantini, vt patet ex *can. Canones Dist. 15.* Fueruntque huiusmodi Canones & Decreta superaddita, paulatim per diuersos in diuersa volumina redacta, prout videre licet apud Boëtium Eponem, *De Iure sacro lib. 2.* & postea etiam dicemus.

Illud hæc obseruandum: quod, si Ius Canonicum contradicat Civili, seruandum sit Canonicum, si materia concernat peccatum seu animam; alias vtrumque in suo foro. Sin casus sit decisis à iure civili, & dubius de iure Canonico, seruandum erit ius civile, in vtroque foro: sicut & è contrarij casus est decisis de iure Canonico, & dubius de iure civili. Abbas, late in *c. 1. De nouo oper. nuntiat.* Glossa & DD. in *c. licet ex suscepto.* & *De foro competenti.* Bartol. in *l. privilegia* & *l. omni nouatione C. De sacrosanctis Ecclesijs.* Hinc scribit Archidiaconus, in *can. De libellis Distinct. 20.* & in *can. Si inter v. l. qu. 4.* quod leges civiles, quando non obuiant Canonibus, censentur tacite probatæ & confirmatæ per Canones; reprobatæ verò, quando obuiant Canonibus. In causis verò miserabilium personarum seruandum est Ius Canonicum in vtroque foro, quando Canones contrariantur legibus: & si ius civile foueat lucrum odiosum, & sapiat rigorem, non seruabitur in foro Canonico, etiamsi per Canones non.

fit reprobatum: si verò statuat æquitatem, ius autem Canonicum rigorem, seruandum erit ciuile in vtroque foro. Felinus *in c. in causis colum. 1. De testib. & attestat.* prout citat & tradit Maranta *parte 3. Speculi, nu. 75. & 76.*

§. VII. De diuisione Iuris Canonici, eiusque speciebus ac partibus.

1. Diuisio Iuris Canonici in scriptum & non scriptum.
2. Corpus Iuris Canonici quibus constet libris.
3. Oeconomia & dispositio Decreti Gratiani.
4. Quo pacto Capita Decreti allegari soleant.
5. Quid Palesa nomine in Decreto intelligatur.
6. 7. Decretalium origo, appellatio & dispositio.
8. Sextus Decretalium.
9. Clementina.
10. Extrauagantes Ioannis XXII. & Communes.
11. Septimus Decretalium.
12. Decretum Gratiani quatenus auctoritatem iuris habeat.
13. De inscriptione Decreti, an ea genuina.

Diuiditur Ius Canonicum in Ius Canonicum scriptum & non scriptum. Scriptum dicitur firmitus & nobilius non scripto: firmitus quidem, propter scripturam, §. *constat institut. de iure nat. gent. & ciuili, l. contrahitur D. De pignoris.* nobilius verò, tum ratione principij, nempe Pontificis, à quo dimanat; cum interim consuetudo vsu populi introducatur, & quidem tacito Principis consensu, scriptum verò expresso: vnde dicitur diuinitus per ora Principum promulgatum, *l. fin. Cod. De prescriptione longi temporis, can. fin. xvi. qu. 3.* tum ratione antiquitatis, quia prius constitutum. nam consuetudo legem imitatur, §. *ex non scripto institut. de iure naturali;* & pro lege suscipitur, cum deficit lex, *can. Consuetudo Dist. 1.*

2 Vniuersum autem Corpus Iuris Canonici scripti, quo hodie in scholis ac foro vtimur, constat Decreto Gratiani, quinque libris Decretalium Gregorij Noni, sexto Decretalium Bonifacij Octauij, Decretalibus Clementis Quinti: & denique Extrauagantibus tam Ioannis XXII. quàm Communibus, id est, aliorum summorum Pontificum.

3 Decretum Gratiani diuiditur in tres partes principales. Prima conti-

continet centum & vnā Distinctiones: quarum viginti prioribus Gratianus agit de Iuris Ecclesiastici elementis, principijs, fontibus, atque dignitate. Inde vsque ad 93. agit de Clericis seu personarum Ecclesiasticarum origine, institutione, ac forma instituendi, vitā & moribus, atque officijs: & inde vsque ad finem vltimæ Distinctionis agit de principatu Pontificis, & vniuersa iurisdictionis Ecclesiasticæ siue Pontificiæ præstantia, non solum præ omni ceterorum Ecclesiasticorum potestate, sed etiam præ cuncto sæculari simul imperio, siue Regum, siue Imperatorum, siue Principum quorumcunque.

Secunda pars diuiditur in triginta sex Causas: quarum singule in Quæstiones diuiduntur, & qualibet Quæstio in Capita. In quibus agit Gratianus de generibus causarum seu iudiciorum, sub Ecclesiasticam iurisdictionem cadentium; incipendo à criminalibus, & pecuniarias subiungendo, permixtis tamen subinde criminalibus cum pecuniarijs, pro multiplicium quæstionum ex vnaquaque causa resultantium varietate: excepto, quod Causæ trigesimæ tertiæ, quæ est matrimonialis, Quæstio tertia contineat tractatum de Pœnitentia, diuisum in septem Distinctiones, distinctas quoque per Capita; occasione dubij, quo quærebatur, an ex confessione soli Deo facta, quam mulier quædam à viro separata fecisse proponebatur, peccatum deleri posset.

Tertia denique pars continet tractatum de Consecratione, diuisum in quinque Distinctiones, subdivisas etiam per Capita: in quarum Distinctionum prima agit Gratianus de consecratione Ecclesiarum, & Missarum celebratione: in secunda de Venerabili Sacramento Eucharistiæ inter Missarum solemnia offerendo: in tertia de Festis & Ecclesiasticis caeremonijs promulgandis & obseruandis: in quarta de Baptismi Sacramento: in quinta denique de Sacramento Confirmationis & Ieiunijs Ecclesiæ. Atque ita patet primam & tertiam partem Decreti Gratiani esse potissimum iuris publici, cum partim ad Magistratus Ecclesiasticos, partim ad Sacramenta Christiana caeremoniasque Christianas pertineat: secundam verò partem esse propriè ipsorum iudiciorum, seu causarum quarumcunque, ad forum Ecclesiasticum spectantium, vt rectè tradit Boëtius Epo, mihi quondam, dum Philolephiam apud Duacenses in Collegio Marchianensi proficere, in Iure præceptor plurimum recolendus, de Iure sacro libro 2. cap. 2. m. 97.

Solènt autem Capita Decreti Gratiani citari sub nomine Canonum: 4
& quidem quatuor modis; primo, hoc modo, *can. Humanum Distinct.* 1. *can. Constitutio Distinct.* 2. vel hoc modo, *Distinct.* 1. *can. Humanum, Distinct.* 2. *can. Constitutio.* sic quod *Humanum* & *Constitutio* sunt principia cap.

pia capitum, quæ illis Distinctionibus continentur. Secundò, hoc pacto, 1. q. 1. *can. Quicumque studet*: 6. q. 2. *can. Si tantum*; vel hoc modo, *can. Quicumque studet* 1. q. 1. *can. Si tantum* 6. q. 2. id est, prima causa q. 1. 6. causa q. 2. & sic de alijs. Tertio modo Capita tractatus de Pœnitentia solent sic allegari, *De Pœnitentia Distinct. 3. can. Reperiuntur*: vel hoc pacto. *can. Reperiuntur de Pœnit. Distinct. 3.* Quartò denique Capita tractatus de Consecratione solent hac formâ citari, *De Consecratione Distinct. 1. can. Vasa*: aut, *can. Vasa De Consecratione Distinct. 1.*

5 Reperiuntur tamen in eodem Decreto quædam Capita, quæ inscribuntur sub nomine *Palea*: quo nomine quid veniat intelligendum, variant Interpretes, ut videre licet in admonitione ad Lectorem, eisdem Decreto editioni Gregorianæ præfixa. Verius videtur *Paleas* esse additiones quasdam ad primam collectionem Gratiani postmodum factas, siue ab ipso met Gratiano, siue ab alio. Quas non esse contemnendas constat ex eo, quòd multæ & in Decretalibus & apud vetustiores Gratiani collectores habeantur, prout refertur in eadem admonitione.

6 Quantum verò ad quinque libros Decretalium Gregorij Noni attinet, earum compilatio (ut ipse met loquitur in fine Præfationis Decretalium, maiorum vestigia secutus, non tamen sine Latinorum exemplo, ut constat ex Sexto Pompeio Festo lib. 3. *de verb. veter. significat.* ubi compilare, inquit, est cogere, & in vnum condere) prodijt mandato Gregorij 1 x. per Raymundum, eiusdem Capellanum & Pœnitentiarium, anno Dom. circiter 1230. & per eam omnes anteriores Decretalium editiones & compilationes, quæ variæ erant, partim approbatæ, partim reprobatæ, ut videre licet apud Bœtium Eponem, lib. 2. *de Iurè sacro* à nu. 13. abrogatæ fuerunt: ita ut tum temporis vniuersum Iuris Canonici corpus hisce duobus solis voluminibus contineretur, Decreto, inquam, Gratiani, & quinque libris Decretalium Gregorij 1 x. quos sub nomine *Decretalium* potius edidit, quàm sub nomine *Decreti*, uti Gratianus suum opus ediderat, sumptâ appellationis ratione à maiori parte eorum, quæ in ijs continentur. Nam quia in his libris duplo plures sunt Epistolæ S S. P P. quàm sint reliquæ auctoritates simul iunctæ; apud Gratianum verò è contra longè plura Conciliorum Decreta, quàm Pontificum Constitutiones vel Decretales Epistolæ: ideo Gratianus suam collectionem seu compilationem *Decretum* appellauit, & Gregorius Nonus suam, *Decretales*.

Solentque Decretales citari sub nomine *Extra*, & quidem breuitatis causâ hoc signo x, etiam nullâ librorum mentione factâ, v.g. *c. Quoties* 1. x *De pactis*, *c. Tua nos* x *De iure iurâdo*, *c. Nisi essent* x *De prabendis*, quasi essent extra Gratiani Decretum quod prius tempore fuit.

Hanc

Hanc autem Decretalium compilationem Gregorius Nonus formavit ad rationem & formam Pandectarum & Codicis: nam ut in illis Ius civile, ita & in hac compilatione omne Ius Canonicum ad iudiciorum rationem dirigitur & accommodatur. Primo enim libro in primis Iuris Canonici principia exponit; & mox ad ordines, gradus, iurisdictiones, & officia Magistratum, qui iurisdictioni Ecclesiasticæ præfunt, descendit: ac deinde, priusquam ad iudicia ipsa veniat, subiungit quædam præparatoria iudiciorum; nec non quædam, quibus controversiæ ante litis ingressum amice componuntur, ut sunt pacta, transactiones, procurationes, postulationes, restitutiones in integrum, & arbitria. In secundo verò libro uniuersam iudicarij ordinis rationem ac modum, tam in civilibus quam criminalibus, quod multis præceptis communibus regatur, tradit & explicat. In tertio & quarto agit de materia seu causis civilibus, quæ in iudicium Ecclesiasticum deduci solent: & sunt partim solum Clericorum, ut Ecclesiastica beneficia; partim Clericorum & Laicorum simul, ut contractus, testamenta, usus sacrorum, de quibus libro tertio; partim denique solum Laicorum sunt peculiares & propriæ, ut causæ matrimoniales, de quibus libro quarto. Et denique in quinto subiicit causas iudiciorum criminales. Hisque omnibus, exemplo Pandectarum, ad extremum adiungit duos titulos generales; alterum *De verb. significatione*, alterum *De regulis Iuris*.

Gregorium Nonum subsecutus est Bonifacius Octauus, qui circa 8 annum 1294. partim suas, partim superiorum Pontificum, ut Gregorij x. Innocentij iv. Clementis iv. & aliorum, qui inter ipsum & Gregorium Nonum intercesserant, quin etiam ipsius Gregorij ix. nouellas Constitutiones atque Decretales, ac præcipue duorum generalium Conciliorum Lugdunensium, alterius sub Innocentio iv. circa annum Dom. 1245. alterius sub Gregorio x. circa annum Dom. 1273. celebrati, Decreta totidem libris, quot ipse Gregorius ix. iisdem singulorum librorum titulis, licet non omnibus, compilationi Gregorianæ seu quinque libris Decretalium Gregorij ix. seorsum superadiecit. Inde factum, quod, licet hoc quoque opus Bonifacij Octauus quinque constet libris, sicut Decretales Gregorianæ, tamen sub nomine *Sexti Decretalium* citari soleat, quasi esset sextus liber specialis, & separatim libris quinque Decretalium Gregorij Noni accesserit. Vnde & eius Capita hoc pacto solent citari, *c. Volentes De priuilegijs in 6.* & sic de alijs.

Bonifacio proximè successit Clemens Quintus, qui eodem seruatō ordine Constitutiones Conc. Viennensis, ipso Præsidente circa annū Christi 1310. celebrati, vnā cum cæteris Constitutionibus ac Decretalibus suis epistolis editioni parauerat quidem, sed eo demum rebus humanis exempto, per successorem Ioannem xxii. absolutæ & publicatæ sunt.

C

sub an-

sub an. Christi 1320. Et quia nihil præter solius Clementis, vel Concilii Viennensis, à Clemente confirmati, Constitutiones continent, ideo *Clementina* ab auctore suo vocantur, sub eoque nomine citantur hoc modo, *c. gravis De sententia excommunicationis in Clementinis*; vel sic, *Clementina gravis De sententia excommunicationis*.

- 10 Paulo post hic quoque Ioannes x x i i. suas addidit Constitutiones numero viginti, & iuxta Decretalium ordinem. Eoque defuncto circa annum Christi 1335. variae variorum S S. P P. sequentium prodierunt Constitutiones annorum plus minus 150. nouum ius comprehendentes. Quæ Constitutiones tam Ioannis x x i i. quàm aliorum Pontificum sequentium, quia paucae erant, nec peculiaris alicuius voluminis Decretalium nomen merebantur, ideo *Extravagantes* & Ioannis x x i i. & *Communes* respectiue appellatae sunt; & quidem posteriores *Communes*, quia multis Pontificibus sunt communes, nec vni soli debentur, sicut vel *Clementinae*, vel *Extravagantes* Ioannis x x i i. Ideo autem dictae sunt *Extravagantes*, quod antea extra corpus Iuris Canonici incerta quasi sede vagarentur. Et inde adhuc idem nomen retinent, licet postmodum in ordinem librorum Iuris Canonici redactae sint. Sic enim & olim *Extravagantes* vocari coeperant omnes Pontificiae Constitutiones, quæ Gratiani volumine non erant comprehensae, ut docet Abbas antiquus, in *Præfat. Decretal. Gregorij i x. sub finem*: quamquam postmodum quoad Decretales Gregorij i x. Bonifacij v i i i. & Clementis v. hæc appellatio in usu esse desierit.

- 11 His deniq; & postremo accessit *Septimus Decretalium*, ab eruditissimo viro D. Petro Matthæi, Iurisperito Lugdunensi, collectarum, & in quinque libros distributarum.

- 12 Et si verò de reliquis à Decreto Gratiani partibus Iuris Canonici dubitandum non sit, quin partes iuris sint, atque auctoritatem iuris obtineant, quandoquidem ipsos S S. P P. auctores habeant, atque ab alijs etiam S S. P P. earum compilationes approbatæ sint, veluti Decretalium à Gregorio x i i i. Sexti Decretalium in Concilio Lugdunensi; Clementinarum in Concilio Viennensi; Extravagantiũ ab alijs Pontificibus: aliud tamen dicendum de Decreto Gratiani, quatenus ab ipso emanauit, quandoquidem Gratianus tanquam priuatus homo, patriã Etruscus, Monachus S. Felicis; Ord. S. Benedicti, in monasterio S. Proculi Bononiæ, anno 1150. illud priuato studio consarcinavit, nec auctoritatem legis ferendæ habuerit. Et licet quidã velint illud ab Eugenio i i i. sub quo vixit, approbatum fuisse, tamen contrarium probat Boëtius Epo, d. lib. 2. de Iure sacro nu. 135. Quia verò passim cum reliquo Iuris Canonici corpore circumfertur, frequentatur, atq; in scholis doctetur, fidem facit, ut notat Abbas in c. 2. 2. De rescriptis. Et cum Gregorius

LIUS XII. Summus Pontifex reliquis partibus Iuris illud annumeraverit, atque adeò recognosci, emendari, ac retineri curaverit (ut videre licet ex Epistolis eidem Decreto præfixis) non est, quòd in hac parte amplius laboremus: modò tamen singula, quæ in eo comprehensa sunt, ad suos fontes & origines reuocentur; eò quòd ratione Auctorum, è quibus eius Decreta desumuntur, maior vel minor sit eorum auctoritas.

Non solum autem de auctoritate Decreti Gratiani dubitatur, sed & de eius inscriptione, an legitima sit. Nam etsi passim *Decretum Gratiani* nuncupari soleat: hanc tamen inscriptionem & improbat, & falsam appellat Ant. Augustinus, *Dialogo 1. de emendatione Gratiani*, eò quòd in nullo ferè, ut inquit, veteri libro Gratiani ea inscriptio exstet, sed hæc, *Concordia discordantium Canonum*; & in melioribus editionibus singularis numerus vertatur in pluralem: exemplo Ciceronis, qui libros quosdam à se conscriptos non De Officio, sed De officijs, & alios non De lege, sed De Legibus inscripsit. Ut proinde, cum hoc Gratiani opus non vnus decreti sit explanatio, sed decretorum collectio, non debeat *Decretum* inscribi, sed potius *Decretorum collectanea*, aut *Decretorum corpus*, ut vocat Innocentius III. in epistola ad Archiepiscopum Compostellanum. Quia tamen in admonitione ad Lectorè, editioni Gregorianæ præfixa, proferuntur etiam vetustissima exemplaria, quorum aut initio præfigitur hic titulus, *Decretum Gratiani Monachi*; aut in extremo sic habetur, *Explicit Decretum, compilatum à Gratiano*; varijque Auctores etiam antiquissimi citentur, qui referunt Gratianum Decretum composuisse; & in ipsa editione Gregoriana *Decretum Gratiani* & vocetur, & ita nuncupari significetur: non est, cur ab hac inscriptione vulgari recedamus, in re præsertim tam dubià; potissimum cum non sit Auctoris infrequens, suos libros in singulari numero inscribere, etiamsi æquè commodè aut fortè etiam commodius in plurali inscribere potuissent. Sic enim, ne extra ipsum corpus Iuris civilis exempla quaramus, libri Pandectarum, Digestum Vetus, Infortiarum, & Digestum Nouum inscribuntur, cum tamen non sint vnus aut alterius legis, sed infinitarum pænè digestio.

Cur verò etiam *Concordia discordantium Canonum* inscribatur, ratio est, quòd in hoc suo volumine Gratianus potissimum intenderit, Canonum ipsorum vel veram vel apparentem contrarietatem, quâ totum ius conturbatum fuit, l. 1. circa finem, versic. nostram autem l. 2. in princ. Cod. De vet. iure enucleando, tollere, & ad conformitatem, consonantiamque reuocare: eò quòd magna vis & elucidatio Iuris consistat in concordandis iuribus contrarijs, aut quouis modo discordantibus, ut colligitur ex Proœmio Decretalium, §. sanè, & Proœmio Codicis, Consti-

eur. 1. habeturq; in lege 1. Cod. de nouo Cod. faciendo & in d. l. 2. §. sicut autem in tanta. Eoque fit, vt, licet Gratianus in hoc opere tria præcipuè sibi proposuerit summa genera, vt patet ex antè dictis, ea tamen Rubricis non distinxerit, sed omnibus hanc generalem inscriptionem præfixerit, quia ad hoc maximè nititur, vt discordantes Canones ad concordiam reuocet.

§. VIII. Ex quibus constet Ius Canonicum scriptum.

1. *Ius Canonicum quo modo ex Principum Constitutionibus & S S. Patrum sententijs constare dicatur.*
2. *Leges quo modo & quando non dedignentur imitari sacros Canones, & contrà.*
3. *Ius Canonicum à iure ciuili declarationem accipit, & contrà.*
4. *Canon summi Pontificis dictis S S. Patrum quando deroget.*
5. *Remouetur obiectio.*

Constat Ius Canonicum partim ex sacrae paginae præceptis, partim ex Conciliorum tam vniuersalium quàm particularium, auctoritate Pontificiâ confirmatorum, decretis; partim ex Constitutionibus ac sanctionibus S S. P P. partim ex sæcularium Principū Constitutionibus seu legibus, & sanctorū Patrum sententijs. * Quod tamen intelligi debet de ijs cū constitutionibus sententijs, quæ in corpus ipsum Canonicum relatæ sunt, & à Sancta Sede approbatæ: aliàs enim vim legis Ecclesiasticæ non habent, *can. De libellis Distinct. 20.* non magis, quàm responsa prudentum sine approbatione Principum. Nec enim hoc ipso, quo Gratianus pleraque iura ciuilia in suum Decretum retulit, ea referri debent in numerum sacrorum Canonum; quandoquidem Gratianus ipse, utpote homo priuatus, vt antè diximus, non habuerit auctoritatem ea canonizandi.

2. Idem dicendum de Patrum sententijs, quæ licet ex Leonina Constitutione, in *can. 1. Distinct. 20.* post S S. P P. sacrorumque Conciliorum decreta & sanctiones, secundum in decidendis causis locum fortiantur: Iuris tamen (ad quod condendum non solum scientia, sed magis potestas necessaria, *Dist. 20. in princ.*) auctoritatem non habent: licet quatenus in corpus Canonicum relatæ, & à summo Pontifice approbatæ sunt, siue Principum sæcularium Constitutiones, siue sententiæ Patrum, non sit dubitandum, quin parum cum alijs Pontificum Constitu-

Constitutionibus vim & auctoritatem habeant; iuxta illud vulgatum Iustiniani, repetitum in *c. Si Apostolica De prabendis*, in 6. Omnia nostra facimus, quibus auctoritatem nostram impertimus.

Vt autem leges non dedignantur sacros Canones imitari, ita & sacri Canones Principum Constitutionibus adiuuantur, & adiuuari debent, *c. 1. x. de noui operis nunciat. can. Si in adiutorium Distinct. 20. & similibus alijs*: atque adeo etiam in foro Ecclesiastico recipiuntur, *can. Summopere xi. q. 3. dummodò sacræ Scripturæ, vel Canoniciis sanctionibus, vel bonismoribus non aduersentur, can. 2. 4. 9. cum seqq. Distinct. 10. nec expresse statuunt de rebus aut personis Ecclesiasticis, sed simpliciter loquantur; nisi fortè Ecclesiæ fauorem concernant. Nam de rebus aut personis Ecclesiasticis potestas secularis non potest quidquam validè statuere, c. Qua in Ecclesiarum x. De Constitut. & alijs similibus; sed in illis subest Ecclesiasticis, can. Certum Distinct. 10. eamque manet obsequendi necessitas, non auctoritas imperandi, can. Bene quidem §. cumq; legata Distinct. 96. idque ex constitutione diuina, can. Lege Distinct. 10.*

Hinc patet Iustiniani Constitutiones in Codice & Nouellis, de rebus & personis Ecclesiasticis nominatim disponentes, licet de facto olim obtinuerint, de iure tamen Canonico nullius fuisse momenti.

Ceterum vbi aliquid obscurius aut minus disertè & explicatè iure Canonico constitutum est, quod iure civili apertius est decisum aut declaratum, vel è contrà; alterum ab altero interpretationem siue declarationem rectè mutuatur. Vbi verò ius Canonicum & civile inter se manifestè repugnant aut dissentiunt, vtrumque in suo foro retinendum est; nisi fortè secundum antè dicta ius civile peccatum foueat, vti fouent leges permittentes vfuras, concubinatum, præscriptionem cum mala fide, & aliæ similes: nam tum ad Ius Canonicum, reiecto iure civili etiam quoad forum sæculare, recurrendum est, *c. fin. x. De præscriptionibus*.

Quantum verò ad dicta sanctorum Patrum attinet, cum non ijs, sed summo Pontifici data sit potestas legis Canonice condendæ, Clement. Pastoralis §. fin. De re iudicata, Abbas in *c. Tua x. De decimis*, Felinus in *c. Ne imitarius x. De Constitut.* ideo quoad decisionem causarum, ubi est canon summi Pontificis, ibi cessat auctoritas sanctorum Patrum: nisi dictum sancti Patris fuerit conforme nouo vel veteri Testamento, seu eius auctoritate munitum, quia tunc esset præferendum cuicumque legi, etiam summi Pontificis. Cessante verò dispositione summi Pontificis, possunt dicta sanctorum Patrum allegari ad decisionem causarum, prout ex alijs, quos citat, tradit Maranta p. 3. Speculi sui aurei nu. 77. & seqq. vbi etiam tradit quoad solam interpretationem diuinæ



Scripturæ, non ad decissionem caussarum, magis credi dicto sanctorum Patrum, quàm summi Pontificis.

- 5 Non obstat prædictis, quòd ius Canonicum totum humanum dicatur; vnde videri posset constare non ex sacre pagine præceptis, quæ sunt iuris diuini: nam in primis, vt antè dixi, in nouo Testamento multa sunt iuris humani Ecclesiastici. Quantum verò ad veteris Testamenti præcepta, sola moralia, tanquam naturalia, eaque de causa immutabilia, remanserunt: iudicialia enim & ceremonialia morte Christi, completo nostræ redemptionis opere, expirarunt: & quæ passim in Decretalibus ex ijs inserta & repetita reperiuntur, non obligant nos, vt diuinæ legis præcepta, sed vt humani iuris sunt, noua scilicet sanctione à S S. P P. renouata. Vide Couar. lib. 1. Var. Resolut. cap. 17.

§. IX. De Concilijs.

1. Ratio nominis.
2. Diuisio in Ecclesiasticum & Seculare.
3. Diuisio Ecclesiastici in Vniuersale & Locale seu Particulare.
4. Concilia Vniuersalia quæ, & quæ.
5. 6. Particulare quid, & quotuplex.
7. 8. De Prouincialibus Concilijs: quibus conuocandi ius sit, & qui ad illa vocandi.
9. De Concilijs seu Synodis Episcopalibus: & modus celebrandi.
10. Discrimen Vniuersalium & Particularium, quoad effectum & vim obligandi.

1 **Q**uia diximus Ius Canonicum scriptum partim quoque constatum esse ex Conciliorum decretis, ideo nunc breuiter de illis agendum.

Concilij nomen Latinum est, tractum ex more Romano, dictumque vel à communi intentione: & quidem duplici ex causa, vt dicitur & declaratur in Can. *Canones Distinct. 15.* vel à Consulendo, quasi Consilium, quòd ad Concilia vocentur viri sapientes, ad consulendum super agendis & ad publicam vtilitatem spectantibus. Aliter verò Græcâ voce Synodus appellatur, quasi comitatus vel cætus, à coeundo, id est conueniendo, d. Can. *Canones.* Vtrâque appellatione promiscuè utimur.

- 2 Potest autem Conciliū diuidi; primò in Ecclesiasticum & Seculare. Ecclesiasticum (de quo solo hic agendum) ex Concilij interpretatione,

atione, allatâ ex d. *can. Canones*, definiri potest, Congregatio hominum Ecclesiasticorum, prudentum, auctoritate Prælatorum conuocatorum, ad tractandum communi intentione de rebus Ecclesiæ necessarijs, & vtilitatem eius publicam concernentibus.

Conciliorum Ecclesiasticorum, secundum Glossam in *can. Conuenientibus* 1. q. 7. alia sunt Vniuersalia seu Generalia, alia Localia seu Particularia. Concilium Vniuersale Ecclesiasticum est, quod à Papa vel eius Legato cum omnibus (id est, totius orbis Christiani) Episcopis constituitur. Glossa in *can. Generalia Distinct.* 17. Vnde & Oecumenicum, id est totius orbis Christiani, & Vniuersale, ex parte conuocatorum, appellatur: quia scilicet, vt sit legitimum, requiritur, vt ad illud conuocatio Episcoporum (qui de iure communi ad illud vocari debent, tanquam vocem decisiuam habentes) sit generalis & legitimè facta. Quamuis necesse non sit, vt omnes personaliter compareant, vt videre licet apud Bellarm. *lib. 1. Controuers. De Concilijs cap. 15. & Turrecrem. 3. De Summa Ecclesiæ cap. 10. & aliquot seqq.*

Generalia Concilia in vniuersum dumtaxat nouem recenset Gratianus, quot scilicet ad eius vsque ætatem fuerunt celebrata: alioquin plura sunt, vt videre licet apud Bellarm. *d. lib. 1. c. 5.* è quibus quatuor primatum obtinent, Nicænum, Constantinopolitanum, Ephesinum, & Chalcedonense, quæ ab Ecclesia Catholica tanquam quatuor Euangelia probata & recepta sunt, *can. 1. §. inter cetera, & can. Sicut Distinct.* 14. *Novellâ Iustin. 131. cap. 1. l. 4. & 7. §. sequentes, Cod. De summa Trinit.* Post horum tamen quatuor auctoritatem, etiam reliqua Concilia Vniuersalia auctoritatem habent, si modò auctoritate summi Pontificis conuocata & confirmata fuerint, *d. can. 1. §. hac sunt, & can. Sancta Distinct.* 15. & similibus: alioqui Concilia Vniuersalia, sine summi Pontificis auctoritate congregata, non tam Concilia censenda sunt, quàm conciliabula siue improbata conuenticula, *can. 1. 2. & 5. Distinct.* 17. Ideoque, quòd ex historijs ac varijs Canonibus apud Gratianum legimus, Imperatores & Principes congregasse aliqua Concilia vniuersalia, accipi debet, vel quòd illa congregarint ex sententia & auctoritate Romani Pontificis, & tanquam eius voluntatis ac decreti executores, vt docet Bellarm. *d. loco c. 13.* vel quòd ipsis petentibus, postulantis, & urgentibus congregata fuerint, auctoritate tamen summi Pontificis. Nam cum is sit vniuersalis Ecclesiæ Rector, Pastor atque Imperator in spiritualibus, & Iudex supremus omnium Christi fidelium, supremam & amplissimam habens in eos potestatem, ad eum spectat disponere de ijs, quæ concernunt vniuersalem statum Ecclesiæ, & ad id Concilia vniuersalia conuocare; non ad Imperatorem, vel alium Principem secularem, qui non Præsul, sed filius est Ecclesiæ

Ecclesiæ, si Catholicus sit, vt latius hæc omnia deduxi *ad Distinct. 15. Gratiani. Vide Turrecrem. De Summa Ecclesiæ cap. 6. Bellarm. d. loco cap. 12.*

5 Concilium Particulare est, ad quod non vocantur omnes Episcopi totius orbis Christiani: hoc enim Concilium propriè Particulare vocatur, opponiturq; Concilio Vniuersali ex parte conuocatorum: alioquin Concilium aliter Particulare dici potest, ex parte auctoritatis, seu quoad auctoritatem, illud, quod non astringit omnes Christi fideles.

6 Conciliorum Particulatorum, propriè dictorū, alia sunt Nationalia, alia Prouincialia, alia Diœcesana seu Episcopalia. Nationalia sunt, quæ celebrat aliquis Patriarcha vel Primas, cū Archiepiscopis & Episcopis vnius alicuius regni aut nationis, seu duarum, trium, pluriumue prouinciarum. Talia sunt multa Concilia Romana à summo Pontifice cum Episcopis Italiæ tantum celebrata, de quibus Turrecrem. 3. *De Summa Ecclesiæ cap. 3. Tolertana, item & Africana*, quæ etsi subinde Vniuersalia dicantur, non tamen absolutè, sed vel quia sunt vniuersalia & generalia in isto vel isto regno, natione, aut prouincijs, vel quia sunt vniuersalia quoad auctoritatem, quia scilicet, quatenus approbata à summo Pontifice, omnes Christi fideles ad sui obseruationem astringunt.

7 Prouincialia dicuntur, quæ Archiepiscopus seu Metropolitanus celebrat cum suis Suffraganeis Episcopis, Abbatibus, alijsq; Clericis suæ prouinciæ. Olim quidem bis singulis annis, *can. De Concilijs, can. Quoniam, & alijs. Distinct. 18.* postmodum autem semel, *d. can. Quoniam, cap. Sicut olim x De accusationibus*, hodie verò ex decreto Conc. Tridentini, *Sess. 24. cap. 2. De reformat.* quolibet saltem biennio cogi iubentur per Metropolitanum, aut, eo legitimè impedito, per Episcopum antiquiorem; non tamen per Episcopum exemptum, qui Archiepiscopum semel elegit, etiam si supra omnes sedeat, & promotione sit antiquior, *Zerolap. I. V. Concilium ad §. 7. ex declarat. Card. Interpp. Conc. Trid.* ijsque omnes Episcopi, alijsque, quibus id vel ex iure (vt Abbates in tota prouincia commorantes, siue Abbatis habeant, siue Commendas, *can. Decernimus Distinct. 18.*) vel ex consuetudine competit, sub certis pœnis interesse iubentur. Talia Concilia sunt plurima in Tomis Conciliorum.

Ad eorum conuocationem aut celebrationem non requiritur præsentia vel auctoritas Primatis aut Patriarchæ, *arg. d. can. De Concilijs, & can. Si quis Episcopus Distinct. 92.*

8 An autem ad ea soli Episcopi vocandi sint, controuertitur. Verior affirmatiua sententia: quia iura hac de re loquentia tantum faciunt mentionem

mentionem Episcoporum, *can. Propter Ecclesiasticas, can. Non oportet, can. Peruenit, can. Si quis Episcoporum & can. vlt. Distinct. 18.* Possunt tamen alij vocari, non vt habeant vocem, sed vt sint consultores. Et sæpè vocari expedit, quia *vbi multa consilia, ibi salus & multitudo sapientum est sanitas orbis*, vt inquit Sapiens.

Vocandi tamen sunt præter Episcopos, quicumque iurisdictionem Episcopalem habent, vt colligitur ex *can. Conuenientibus 1. q. 7. can. Hadrianus Distinct. 53.* Et omnes Episcopi ipsius prouinciæ in Prouinciali Synodo comparare debent; aut aliàs, si iustam excusationem habeant, illam litteris vel cæteris nuntijs Metropolitano significare, *Glossa in can. Placuit Distinct. 18.* Episcopi autem, qui nulli subsunt Archiepiscopo, aliquem vicinum Metropolitanum semel eligere debent, & in eius Synodo Prouinciali cum alijs interesse, saluis suis priuilegijs in reliquis, iuxta Concil. Trident. *Sess. 24. cap. 2. De reformat.* Eligere autem potest Episcopus, vel Archipresbyter exemptus, non obstante contradictione Cleri sui: & electio per eum facta obligat successores. *Zerola V. Concilium §. 3. ex Congregat. Cardd. Interpp.* Capitula verò Ecclesiarum Cathedralium inuitanda sunt, non cogenda, *Abbas in cap. vlt. c. De his qua fiunt à Pralato sine cons. cap. eos tamen, qui loco Cathedralium comparent, non habere auctoritatem definiendi, tradit ibidem Abbas.* Quæ autem tractanda sunt in Synodis Prouincialibus, refert *Azorins Instit. Moral. p. 2. lib. 3. cap. 47.*

Ad Concilia Prouincialia reuocari possunt Concilia, quæ Legatus à Latere, vel alius, ex speciali mandato suæ legationis, celebrat cum Metropolitanis, & alijs Clericis prouinciæ aut prouinciarum, intra terminos suæ legationis contentarum, iuxta notata in *cap. vlt. c. De officio deleg. cap. 2. eod. in 6.* Nam & hæc Prouincialia dicuntur, à prouincia, quæ debet habere vnum Archiepiscopum, & decem aut vndecim Episcopos, *can. Scitote vi. q. 3.* Quinimò Gratianus Nationalia, quæ tamen à Prouincialibus distinguuntur, in *can. Regula §. porro Distinct. 3.* Prouincialia vocat, & sub Prouincialibus comprehendit: quia certis prouincijs continentur, nec ad omnes Christianos, vti verè Vniuersalia, pertinent.

Episcopalia sunt, quæ ab Episcopis inter suæ diocesis Clericos, & Abbates indicuntur, *can. Quando Distinct. 38. can. Abbates xviii. q. 2. & fin. libus.* Et quidem quotannis celebrari debent, *can. Quoniam, can. Annis singulis Distinct. 18.* Concil. Trid. *Sess. 24. cap. 2. §. fin. De reformat.* & si Episcopus iusto impedimento detineatur, potest aliquem, in dignitate Ecclesiastica constitutum, deputare, qui loco ipsius Synodum celebret, & ei præsit, *can. Episcopus d. Distinct. 18.* Si verò aliàs celebrare neglexerit, pœnam suspensionis per duos menses sustinere debet, *can.*

ult. iuncta Glossa in v. Excommunicationis d. Distinct. 18.

Modus celebrandi est, ut omnes, qui interesse tenentur, moneantur de Synodo, tali loco & tempore celebranda, *arg. can. Propter d. Distinct. 18.* Sufficitque vnica monitio licet in iudicialibus etiam requiratur, *Glossa in d. can. Si p̄scopus:* & ad hæc Concilia etiam exempti omnes, qui aliàs, cessante exemptione, interesse deberent, nec Capitulis Generalibus subduntur, accedere tenentur, secundum Conc. Trident. *d. loco.* Non tamen vocandus est Metropolitanus, *can. Quando presbyteri Distinct. 38.* Horum verò Conciliorum (quæ magis propriè Synodi quàm Concilia vocantur, ut patet ex *cap. Sicut olim §. 1. x. De accusat.*) statutis neque subditi extra dioccesim, neque ignorantes, nisi ignorantia sit supina, ligantur; ideoque ea suis subditis nota facere non omittat Episcopus. Videatur plenius *Piacet. in Praxi Episcopali p. 2. cap. 2. §. de Synodo.* Episcopalis Concilij addi possunt Concilia seu congregationes, quas ineunt alicuius Ordinis Monachi aut religiosæ personæ, ex Superiorum suorum auctoritate, de quibus in *cap. ea que x. De statu Monachorum.*

20 Distinguuntur Concilia Particularia ab Vniuersalibus, quòd Vniuersalia vim definiendi habeant, & omnes Christi fideles constringant, *can. 1. §. 1. Distinct. 15. cap. 5. x. De constitut. & similibus:* Particularia verò non habeant vim definiendi, sed solum procurandi, ut, quòd aliàs siue generaliter siue specialiter statutum est, obseruetur. Similiter non omnes constringunt, sed solum subditos, quamdiu in regno, natione, prouincia, vel diocesi sunt, iuxta *cap. 2. De constitut. in 6. l. fin. D. De iurisdic. omnium Iudic.* ubi dicitur, quòd extra territorium ius dicenti impunè non pareatur. Hoc tamen discrimen intelligendum est de ijs particularibus Concilij, quæ non sunt vniuersalia quoad auctoritatem, id est, quæ nec sunt à summo Pontifice generaliter ad constringendos omnes Christi fideles approbata, nec in corpus Canonicum relata, ut videre licet in *cap. 2. x. De electione cap. Nec Episcopi x. De temporibus ordinationum, & alibi.* Nam quæ à summo Pontifice generaliter comprobata sunt, perinde obligant omnes Christi fideles, atque si ab ipsomet conuocata & celebrata essent, iuxta illud Iustiniani, *Nostre facimus, quibus auctoritatem nostram impertimus.* Plurima autem Concilia Particularia ordine alphabetico recensita videre licet apud Boëtium Eponem, *lib. 2. de Iure sacro à nu. 150. vsque ad nu. 157. inclusiuè.*

Circa Oecumenica verò, à Gratiano enumerata, illud obseruandum, quòd quinque reliqua à quatuor primis, non sub locorum designatione, sed per enumerandi rationem, quemadmodum & alij plerique scriptores, ea recensent: nam respectu quatuor præcedentium Synodorum Vniuersalium sequentes appellat, quintam Synodum, sextam Sy-

ram Synodum, septimam Synodum, octauam Synodum, nonam Synodum.

Hæc verò explicationi Decretaliū Gregorij ix. præmittenda duxi, quòd iuxta l. 1. D. De origine Iuris, non deceat illotis, vt ibidem dicitur, manibus protinus materiam interpretationis aggredi, sed Præfationes præmittendæ sint, quæ libentiùs nos ad lectionem propositæ materiæ perducant, & cum eò venerimus, eius euidentiore præsent intellectu: ad quod facit textus in l. 1. §. Ideoque iubemus Cod. De vet. iure enucleando: in §. His igitur Institut De Iustitia & Iure, & in §. fin. Institut. De publicis iudijs. Vnde & ipsemet Gregorius Nonus suæ compilationi præfationem præmittit, quâ declarat se intendere, diuersas Constitutiones & Decretales Epistolas prædecessorum suorum, in diuersa sparsas volumina (quarum aliquæ propter nimiam similitudinem, & quædam propter contrarietatem; nonnullæ etiam propter sui prolixitatem, confusionem inducere videbantur; aliquæ verò vagabantur extra volumina supradicta, quæ tanquam incertæ frequenter in iudijs vacillabant) ad communem & maximè studentium vtilitatem in vnum volumen, resecatis superfluis, redigere, & suas Constitutiones ac Decretales Epistolas, per quas nonnulla, quæ in prioribus erant dubia, declarantur, adijcere.




PARATITLA SIVE SUMMARIA ET METHODICA EXPLICATIO LIBRI PRIMI DECRETALIVM.

TITVLVS PRIMVS.

De Summa Trinitate & Fide Catholica.

§. I.

1. Ratio ordinis.
2. Ratio inscriptionis & nominis.
3. Cur in Trinitate prima persona dicatur Pater.
4. Secunda Filius.
5. Tertia Spiritus Sanctus.
6. 7. Ratio distinctionis personarum in diuinis.
8. Vitanda in diuinis nomina diuersitatem essentia significantia.



QUIA iuxta monitum gentile, à loue principium; & vbi fundamentum deficit, nihil superædificari potest, can. Cùm Paulus 1. q. 1. Gutierrez lib. 3. Pract. Quest. q. 15. n. 46. è contra verò tunc firma & solida constituitur fabrica, cùm prius de solido prouidetur fundamento: * ideo, sicut Iustinianus legislationem, suam quam xii. libris Cod. complexus est, à summa Trinitate & fide Catholica orsus fuit, ita & summus Pontifex Ius Canonicum auspiciatur: tum quia, sicut leges ciuiles, vt iustæ sint, ex præceptis iuris naturalis & gentium seu rationis humanæ desumi debent, l. l. D. De Iust. & Iure; ita etiam Constitutiones Ecclesia-

Ecclesiasticæ, vti quædam vel conclusiones vel determinationes, ex lege diuina & præceptis fidei, veluti è suis fontibus eliciuntur, *c. Qualiter & quando x. De Constitut.* tum quia fundamentum Iuris vniuersi Christiani, præsertim Ecclesiastici seu Pontificij, est Deus ipse, trinus & vnus. Vnde in *can. Quo iure Distinct.* 8. dicitur Deus iura humana per Imperatores & rectores sæculi distribuisse humano generi: & in *can. Nemo xv. q. 3.* dicuntur Romanæ leges diuinitus per ora Principum promulgatæ: & in *l. 2. D. De legib.* dicitur omnis lex inuentum & munus Dei. Hinc & ipsi Ethnici legumlatores omnem suam legislationem in diuinum aliquod numen retulerunt: vt Minos, qui Cretensibus legem condidit, in Iouem; Numa, qui Romanis, in Ageriam Nympham; Zoroaster, qui Bactrianis & Persis, in Horomasin; Trismegistus, qui Aegyptijs, in Mercurium; Charondas, qui Thyrijs, in Saturnum; Lycurgus, qui Lacedæmonijs, in Apollinem; Draco & Solon, qui Atheniensibus, in Mineruam; non modò ob maiorem auctoritatem, sed quia, vt omnium creatarum rerum auctor, ita & legum rectè conditarum fons & origo est Deus, iuxta illud Prouerb. 8. *Per me Reges regnant & legum conditores iusta decernunt.*

Inscribitur autem hic Titulus *De summa Trinitate*, vt excludantur alie trinitates, quæ non sunt summæ, qualis v. g. est in candela, in qua est splendor, ignis, & calor. Tamen verò Trinitas secundum etymologiam videatur significare vnā essentiam trium personarum, quasi dicatur trium vnitas: tamen secundum proprietatem vocabuli magis significat numerum personarum vnus essentia adinuicem relatarum, & non ipsas relationes personarum. Et ideo Pater non est Trinitas, quia non est trina seu triplex persona: nomenque hoc, Trinitas, ad aliud non refertur, sed absolutè dicitur. Et licet cum nomine collectiuo conueniat, quòd, vt illud, significet pluralitatem suppositorum, & unitatem quandam, scilicet ordinis alicuius: tamen ab eo differt, quòd in diuinitate, non solum sit vnitas ordinis, sed simul vnitas essentia, prout docet D. Thomas 1. p. q. 31. art. 1. ad 1. & 2. In diuinis igitur est Trinitas, non triplicitas, quia Trinitas dicitur absolutè, nec refertur ad aliud, cum significet numerum ternarium personarum: at verò hoc nomen, Triplicitas, significat proportionē inæqualitatis, vt sit species proportionis inæqualis: nam triplex est maius eo, cuius respectu dicitur triplex, D. Tho. d. loco ad 3. Quando autem dicitur, Trinitas in unitate, non ponitur numerus in unitate essentia, quasi sit ter vna, sed ponuntur personæ numeratæ in unitate essentia seu naturæ, sicut supposita alicuius naturæ dicuntur esse in illa: & è contrà dicitur vnitas in Trinitate, sicut natura dicitur esse in suis suppositis. Trinitas autem non potest dici de Trinitate, quia sic essentia supposita Trinitatis, & no-

uem personæ: sicut sunt tria supposita Deitatis, cum dicitur Deus est trinus; nam trinum significat distinctionem suppositorum illius, de quo dicitur. D. Thom. d. loco ad 4.

- 3 Ex prædictis autem personis diuinis prima propriè dicitur Pater, quia hoc nomen significat paternitatem, per quam persona Patris distinguitur ab omnibus alijs personis, & ideo est proprium nomen illius: nam proprium nomen cuiuslibet personæ significat illud, per quod illa persona distinguitur ab omnibus alijs. Et licet apud nos Pater non significet personam, quia relatio, quam significat, non est subsistens: tamen in diuinis significat personam, quia ibi significat relationem subsistentem in persona diuina; & ideo in diuinis est nomen proprium diuinæ personæ, scilicet Patris, ob rationem antè dictam. Potius autem dicitur Pater, quàm Genitor, licet hoc nomen sit communius, & quâto nomen aliquod est cõmunius, tantò conueniëntius in diuinis accipiatur, quia secundum Aristot. lib. 1. De anima denominatio fieri debet à perfectione & fine: iam verò Generatio significat vt in fieri, Paternitas autem complementum generationis.

- 4 Secunda persona dicitur Filius, atque etiam Verbum, eiusque processio dicitur Generatio. Quæ licet generaliter sumpta (prout ad omnia generabilia & corruptibilia se extendit, & opponitur corruptioni, cuiusque subiectum est materia) nihil aliud sit, quàm mutatio de non esse ad esse: tamen propriè sumpta est in solis viuentibus, estque origo viuentis à principio viuentis, coniuncto secundum similitudinem eiusdem naturæ specificæ; proprièque dicitur Natiuitas: & in diuinis per prius dicitur de filio, quàm de creaturis, quia verior & perfectior est generatio in diuinis, quàm in creaturis. Cum enim de ratione generationis sit, quòd generans generet sibi simile secundum formam; quò forma est similior formæ generantis, eo & perfectior est generatio. Et ideo cum in diuinis, non etiam in creaturis, sit eadem forma geniti & generantis, ibidem etiam est perfecta generatio: siquidem Deus Pater & Deus Filius conueniunt in vnitate numerica naturæ, non item generans & genitum in creaturis; & Deus ac creatura nequidem in specifica vel generica.

- 5 Tertia persona dicitur Spiritus Sanctus. nam licet hoc nomen sumptum vi & potestate duarum dictionum, seu adiectiui & substantiui, sit commune toti Trinitati; cum & Pater dicatur Spiritus, (vt cum dicitur Spiritus Domini super me;) & Filius dicatur Spiritus, (vt cum dicitur Filius, In Spiritu Dei eicio demonia, naturæ suæ potestate se eicere demonia demonstrans;) & Spiritus sanctus dicatur quoque Spiritus (vt in illo, Effundam de spiritu meo super omnem carnem;) & similiter Pater sanctus, Filius sanctus; & Spiritus Sanctus sit sanctus, quia nomine Spiritus

Spiritus significatur immaterialitas diuinæ substantiæ: tamen idem nomen sumptum pro vna & eadem dictione, ex vsu Ecclesiæ accommodatum est ad significandam vnā trium personarum diuinarum; eam scilicet, quæ procedit per modum amoris, sicuti tertia persona in diuinis procedit. Et ideo, licet hoc nomen, Spiritus Sanctus, relatiuè non dicatur, prout dici debent nomina propria diuinarum personarum: tamen pro relatiuo ponitur, in quantum est accommodatum ad significandam personam, solâ relatione ab alijs distinctam; potestque in illo nomine intelligi aliqua relatio, si Spiritus Sanctus intelligatur, quasi spiratus.

Ratio autem huius numeri personarum in vna essentia, prouenit cum ex eo, quod Deo non sit deneganda maxima perfectio, cuiusmodi est fecunditas, quâ simile producit sibi simile, iuxta illud Isaïæ 66. *Nunquid ego, qui ceteros parere facio, sterilis ero?* quasi dicat, carebône illâ perfectione, quam alijs tribuo? tum ex eo quod de ratione summi boni, qualis est Deus, sit, vt summè sit sui communicatiuum. Hinc enim fit, quod, cum non possit se summè communicare ad extra in creatione rerum, cum repugnet creaturam esse summè perfectam, & æqualem seu consubstantialē Deo: necessum fuerit, vt Deus ab æterno se ad intra communicaret, & produceret sibi simile; idque per actionem intellectus & voluntatis, cum præter has nulla sit actio immanens in Deo. Secundum actionem autem intellectus processit secunda persona, quæ dicitur Filius & Verbum. Filius quidem, atque etiam Genitus, quia eius solius processioni conueniunt ea, quæ pertinent ad propriam generationem viuentium: nam eius in diuinis sola processio est, per modum similitudinis, & eiusdem prorsus naturæ cum eo, à quo procedit. Nam licet quod procedit secundum processionem ad extra, debeat esse distinctum ab eo, à quo procedit: tamen quod procedit ad intra processu intelligibili, vt filius à patre, non oportet esse diuersum: imò quanto perfectius procedit, tanto magis est vnum cum eo, à quo procedit. Nam quo magis intellectus actu intelligit, eo magis fit vnum cum re intellecta. Et proinde cum diuinum intelligere sit infinitæ perfectionis, necesse est, quod Verbum diuinum sit perfectè vnum cum eo, à quo procedit, absque omni diuersitate: & quia procedit per modum intelligibilis actionis, & secundum rationem similitudinis, ideo propriè dicitur Filius, & eius processio dicitur propriè Generatio, & Filius genitus potius, quàm Processio Spiritus sancti, quæ est magis secundum modum impulsus & inclinationis, quàm per modum similitudinis. Nam intellectus per hoc fit in actu, quod res intellecta sit in intellectu, secundum suam similitudinem: voluntas autem per hoc, quod habeat quandam inclinationem in rem volitam, non autem

quod

quòd res volita sit in voluntate, secundum suam similitudinem. Et ideo quòd procedit secundum actionem voluntatis, non procedit vt Genitum vel Filius, sed magis vt Spiritus: quo nomine quædam vitalis motio & impulsio designatur, prout aliquis dicitur ex animo moueri vel impelli ad aliquid faciendum. Dicitur verò Verbum, quia secundum operationem intellectus procedit, nempe secundum seu per intellectum siue cognitionem illam perfectissimam Patris, quâ suam essentiam, tres personas diuinas, & omnes creaturas, quæ eminenter continentur in diuina essentia, intuitiue cognoscit & comprehendit. Nam Pater hanc cognitionem eliciendo, producit Verbum: quòd propriè in diuinis reperitur, significatque aliquid ab alio procedens, tanquam terminum dictionis seu intellectiois. Quia verò intelligere diuinum est infinitæ perfectionis, & est ipsa substantia intelligentis, vt tradit D. Tho. 1. p. q. 14. art. 4. necesse est, quòd Verbum diuinum sit perfectè vnum, seu eiusdem naturæ cum eo, à quo procedit, vt proinde rectè quoque dicatur Filius genitus à Patre. Secundum verò actionem voluntatis Patris & Filij processit Spiritus sanctus: nam licet in Deo idem sint intellectus & voluntas, tamen quia de ratione amoris est, quòd non procedat, nisi à conceptione intellectus, eò quòd nihil ametur, nisi ab intellectu conceptum: ideo processio Verbi & processio Amoris seu Spiritus Sancti habet ordinis distinctionem in diuinis: ac proinde Filius à Patre, & Spiritus Sanctus à Patre & Filio procedit. Quia verò quidquid est in Deo est Deus; sic quòd in eo intelligens intelligeret, & intellectus & intellectio sint eiusdem naturæ, & similiter voluntas & actio eius: idcirco per quamlibet processionem ad intra communicata fuit diuina natura, non autem alia natura.

7 Tametsi verò hæ tres personæ diuinæ sint verè vna essentia, natura & substantia, c. *Damnatus* x^o eod, tamen inter se realiter distinguuntur per relationes realiter inter se distinctas, nempe paternitatem, filiationem, spirationem actiuam, & spirationem passiuam, fundatam super processione Spiritus sancti: quæ relationes in singulis personis identificantur realiter & formaliter cum diuina essentia, quandoquidem in diuinis nulla compositio reperiri possit, manente solâ distinctione rationis; quæ sufficit, vt de essentia diuina & relationibus seu personis, diuinis enuntientur contradictoria, vt v. g. quòd Pater generet, Filius generetur, non autem diuina essentia; similiter Deus generet, non autem Deitas, d. c. *Damnatus*.

Non tamen ex eo, quòd in diuinis sint quatuor prædictæ relationes, sequitur esse quatuor personas seu quaternitatem in diuinis (hæc enim damnatur in d. c. *Damnatus*) quia relatio spirationis actiue non differt realiter à paternitate & filiatione, cum nulla sit oppositio inter spirationem

tionem actiuam & paternitatem ac filiationem. In diuinis autem omnia, inter quæ non interuenit relationis vel originis oppositio, sunt vnum; & abstractum & concretum sunt idem. Nec etiam sunt duæ spirationes actiuæ, & duæ relationes illis respondentes, quia Pater & Filius concurrunt ad processionem Spiritus Sancti in ratione vnius principij, & vnicâ eademque spiratione, non autem duabus spirationibus, *c. vnico eod. in 6.* Nam licet sint duæ personæ spirantes, Pater & Filius, sicque dici possit Spiritus Sanctus procedere à Patre & Filio, vt pluribus, si considerentur vt personæ, quia procedit ab eis, sicut amor viuientium duorum: tamen eandem habent naturam, & eundem voluntatis actum, quo spirant Spiritum Sanctum: & sic cum in illis sit idem fundamentum, eadem ratio fundandi, & idem terminus, erit quoque eadem relatio. Nec vlla est oppositio relatiua inter Patrem & Filium spirantem, quia conueniunt in eadem virtute spirandi, & ratione illius virtutis sunt vnum principium, sicut & vnus Deus, propter eandem formam diuinitatis; & vnus creator propter eandem vim creandi. Et hinc licet Pater & Filius possint dici duo spirantes, propter duo supposita, non tamen duo spiratores propter vnicam spirationem. Ratio diuersitatis est, quia spirans est adiectiuum, Spirator verò substantiuum. Nomina autem adiectiua, cum significant formam vt inexistentem, necessariò multiplicantur, seu habent numerum secundum multiplicationem subiectorum seu suppositorum: nomina autem substantiua solum multiplicantur ad multiplicationem formæ, quam significant, licet interdum Patres ponant substantiuum pro adiectiuo.

Vitanda autem sunt in diuinis nomina diuersitatem essentiae significātia, qualia sunt Diuersus, Differens, ne tollatur vnitas essentiae; Diuisus, Separatus, ne tollatur simplicitas diuinæ essentiae; Dispar, ne tollatur æqualitas, Dissimilis, Discrepans, Alienus, ne tollatur similitudo: & sic de similibus: solumque vtendum voce distinctionis, significante solam oppositionem relatiuam, & suppositorum distinctionem. Hinc licet Filius rectè dicatur alius à Patre, quia hoc nomine masculinè accepto significatur distinctio personæ seu suppositi in natura: non potest tamen dici aliud, vel diuersus, *d. c. Damnamus*, quia significatur diuersitas naturæ seu substantiæ, quæ est essentia, in qua sunt vnum & idem: & ideo si quando in scriptura authentica inueniatur diuersitas vel differentia personarum, ea sumi debet & sumitur pro distinctione; benè tamen dicitur aliud suppositum. 8

Vitanda quoque sunt nomina repugnantia distinctioni personarum, qualia sunt Solitarius, Singularis, Vnicus: licet rectè dicamus vnicum filium, quia in diuinis non sunt plures filij.

§. II. De Fide Catholica.

1. Quid sit Fides.
2. Traditiones quotuplices.
3. De Fide quatenus disputare liceat.
4. Qui teneantur prestare professionem Fidei.

Fides varijs modis sumitur, ut videre licet apud Hostiensem h. r. ubi et si velit hic sumi pro collectione articulorum Fidei, qui in Symbolo Arhanasij continentur: tamen quia illi articuli sunt potius obiectum Fidei, & ea quæ credenda sunt, ideo rectius dicetur, Esse donum Dei ac lumen, quo illustratus homo firmiter assentitur omnibus, quæ Deus reuelauit, & nobis per Ecclesiam credenda proposuit, siue scripta illa sint, siue non sint. Et hæc consistunt, partim in libris sacris & Canonicis: qui quot sint, & qui sint, vide Concilium Tridentinū, sess. 4. ubi illos enumerat, & anathemate ferit eum, qui eosdē integros, cum omnibus suis partibus, prout in Ecclesia Catholica legi consueverunt, & in veteri vulgata Latina editione habentur, pro sacris & Canonicis non susceperit; partim in ijs, quæ sine scripto continentur, traditionibus, quæ ipsius Christi ore ab Apostolis acceptæ, aut ab ipsis Apostolis, Spiritu Sancto dictante, quasi per manus traditæ, ad nos usque peruenerunt. Conc. Trid. *ibid.* ubi similiter anathemate ferit eum, qui prædictas traditiones sciens & prudens contempserit.

Traditionum autem aliæ sunt diuinæ, ut quod Spiritus Sanctus a Patre & Filio, tanquam ab vno principio & vna spiratione, ex omni æternitate processerit: quod tres personæ diuinæ in vna substantia sint æquales, & distinguantur realiter per relationes reales. Aliæ sunt Apostolicæ, ut ciborum delectus, ieiunium quadragesimæ, trina immersio, dum quis sacro fonte baptismatis abluitur. Aliæ sunt Ecclesiasticæ, ut mores & consuetudines, quas obseruat Ecclesia consecrando altaria, vasa, calices, templa, vestes, quibus utitur in Missæ sacrificio.

Additur autem in titulo, *Catholica*, id est vniuersalis: de qua Fide disputare publicè vel priuatim prohibetur Laicis sub pœna excommunicationis, in cap. 1. §. 1. *De hæreticis in 6. Concil. Mechl. diocæs. 1609. tit. 1. cap. 1.* & alijs quibusvis publicè turbis coadunatis, in l. *nemo* Cod. *cod.* Nec etiam magistris & custodibus Canonum fas est inire certamen cum hominibus alienæ communionis, ut dicitur in c. *Cum quibus* x. x. v. qu. 3. Quod verum est, si causâ tumultus & perfidiæ defendendæ disputetur, d. l. *nemo*. Aliàs ad confusiones hæreticorum & veritatem eliciendam disputare licet.

Huius

Huius verò Fidei professionem facere tenentur, in primis electus seu promouendus ad Episcopatum. Concil. Trident. *Sess. 24. cap. 1. De reformat.* item prouisi de Canonicatibus & dignitatibus in Cathedralibus Ecclesijs, non solum coram Episcopo, seu eius Officiali, sed etiam Capitulo, sub pena non facendi fructus suos, non suffragante eis professione. Concil. Trid. *d. Sess. 24. cap. 12. §. prouisi De reformat.* Sic refert Franc. Zypæus *De iure Pontificio nouo lib. 1. hoc ne.* Carolus Magnus iam olim iunxisse, ut presbyteri & diaconi per Parochias constituendi hanc professionem suo Episcopo facerent; eiusque formam pro Græcis edidisse Gregorium x i i i. pro Latinis Pium i v. eamque professionem iniungi etiam ijs, qui Doctoratum, Licentiam, aut cuiusvis artis professionem adipiscuntur, Chirurgis, Medicis, Confessarijs, Concionatoribus, Aduocatis, & Procuratoribus in causa Religionis, Magistratibus, Ludimagistris, Bibliopolis, Obstetricibus. Videantur declarationes Cardinalium *ad cap. 2. Concilij Trid. Sess. 25. de reformat.*

TITVLVS SECVNDVS.

De Constitutionibus.

§. I.

1. *Constitutio dupliciter sumitur, generaliter & specialiter.*
2. *Ratio nominis.*
3. *Origo Constitutionum.*
4. *Earum condendarum tres modi, per Epistolam, per Decretum & Edictum.*
5. *Constitutiones Principum secularium plerumque leges; Pontificum Decreta, Canones, & simpliciter Constitutiones appellari.*
6. *Constitutionum Ecclesiasticarum species, Dogma, Mandatum, interdictum, Sanctio, Canon, Decretum, Epistola Decretalis.*
7. *Motus proprius, Responsum S. S. Patrum, Preceptum, Pragmatica sanctio.*

CUm omne Ius Pontificium, quo utimur, constet scripto aut non scripto, & scriptum sit certius nobiliusque, quam non scriptum, ut antè diximus: ideo summus Pontifex, posito fundamento totius Iuris Canonici, incipit à iure scripto, cuiusmodi est Constitutio.

Sumitur autem Constitutio dupliciter, nempe generaliter & specialiter. Generaliter sumpta omnes Iuris scripti, siue Canonici siue civilis,

partes comprehendit; à quocumque, siue à Principe, siue ab inferiori (qui tamen Constitutionis edendæ potestatem habeat) proficiscatur, vt de Ecclesiastica Constitutione patet ex c. 6. 8. 11. & 12. x. eod. & ita in hoc titulo sumitur. Specialiter verò est ius illud scriptum, quod Rex vel Imperator vel Princeps constituit vel edidit, *can. Constitutio Distinct. 2. l. 1. D. eod.* quod enim Principi placuit, legis habet vigorem. *d. l. 1. §. quod Principi, Institut. De iure nat. gent. & civili:* vt de eo dubitare sacrilegium dicatur in *l. fin. Cod. De LL.*

- 2 Dicitur autem Constitutio à *Con*, id est simul, & *statuitio*, id est quasi communis statuitio; Abbas in *Rubrica h. tit.* vel quia lex debeat esse communis, *can. Erit autem Lex Distinct. 4.* vel quia Princeps non solus, sed simul cum Proceribus suis & Consiliarijs leges condant, *l. humanum Cod. de LL.* Nec obstat quod ex Constitutionibus quædam sint personales, §. *ex his Institut. d. tit.* quia quatenus Constitutio est personalis, degenerat à nomine & natura Legis & Constitutionis, & induit nomen & naturam priuilegij, vt patet ex *can. Regula Distinct. 3.* Adde quòd, vt inquit Philosophi, non sit necesse rationem etymologicam conuerti cum nomine: nam Fur dicitur à Furuo, eo quòd de nocte fiat, cum tamen etiam fiat de die, deturque furtum manifestum, *l. 1. D. De furtis*: sic Tutor à Tuendo, Doctor à Docendo, Augustus ab Augendo dicitur, cum tamen sit tutor, qui non tuetur; Doctor qui non docet; Augustus, qui non auget.

- 3 Cœpit autem Ius Constitutionis à iustificationibus, quas Dominus tradidit Moyfi, dicens Exodi 12. *Si emeris seruum Hebræum &c. can. Ius autem Distinct. 7.* Moyfes verò gentis Hebrææ primus omnium diuinas leges sacris litteris explicauit: & Phoroneus Rex Græcis primus leges iudiciaque constituit; & alij alijs: ac inter eos, de quibus antè, Numma Pompilius Romanis. Postea, cum populus seditiosos magistratus ferre non posset, Decem-viros legibus scribendis creauit, qui leges ex libris Solonis in Latinum sermonem translatis duodecim tabulis exposuerunt, *can. Moyfes d. Distinct. 7.* vbi *can. seq.* recensentur nomina eorum, qui Leges duodecim tabularum interpretati sunt. Cæterum paulatim antiquis legibus vetustate & incuriâ abolitis, nouæ leges à Constantino Cæsare & reliquis successoribus cœperunt, vt ibidem dicitur.

- 4 Constitutionis, siue civilis siue Ecclesiasticæ, specialiter dictæ, condendæ tres sunt modi præcipui, per Epistolam, per Decretum, & per Edictum, §. *sed & quod Principi Institut. De iure nat. gent. & civili.* Per Epistolam, cum Princeps, de re aliqua dubia absens consultus, rescribit, quid velit pro iure seruari. Hinc nata sunt Rescripta Principum (cuiusmodi sunt ferè omnes leges Codicis, in quibus Imperator ad petitionem alicuius respondit, & ius constituit, prout sæpius solet,

1. *ſapē D. De officio Praſidis*) & Epistolæ Decretales ſummarum Pontificum. Sic ex Epistola Diui Pij ad Alium ſcripta eſt *lex 2. D. De his qui ſunt ſui vel alieni iurū*, §. *cuius reſcripti Inſtitut. eod. tit.* ex Epistola Hadriani *lex ſin. Cod. De conſtituta pecunia*, §. *ſi plures Inſtitut. De ſideiuſſorib.*

Per Decretum, cū Princeps, ſiue ciuilis ſiue Eccleſiaſticus, de re inter partes controuerſa cognoscens, iudicat, & ſententiam diſinitiuam proferat, *l. 9. §. ubi decretum D. De officio Proconf.* talis enim ſententia vocatur Decretum, & facit ius non modò inter partes, de præſenti colligantes, ſed etiam inter omnes alios, ſimilem controuerſiam habentes. Et in hoc diſtinguitur à ſententia Iudicis inferioris, quæ inter partes dumtaxat colligat facit ius; & de qua proinde intelligitur illud, Res inter alios acta alijs nō præiudicat. Dicitur etiam Decretum Conſtitutio ſummi Pontificis, cum conſilio Cardinalium ad nullius conſultationem edita, *ſecundum Gloſſam in princ. Diſtinct. 3.*

Per Ediſtum, cū Princeps non interrogatus de iure, nec de cauſa cognoscens, ſed caſus futuros proſpiciens, ſponte & proprio motu aliquid pro bono Reip. edicit & promulgat. Vnde ſunt Ediſta Principum, quæ vulgò *Placcants* appellamus, & ſunt Conſtitutiones generales Principis, aliquid iubentis aut prohibentis. Eiuſmodi quoque ſunt Nouellæ Conſtitutiones Iuſtiniani, & pleræque Conſtitutiones in Codicem relatæ, incipientes ab his vel ſimilibus verbis: *Hac perpetuâ*, vel, *perpetuâ valiturâ lege ſancimus* &c. vt in *l. 3. Cod. De LL. & l. Hac ediſta Cod. De ſecundis nuptijs*. Sic Prætores & alij magiſtratus per Ediſta tantum ius conſtituebant, ob doni, odij, amicitiaſue ſuſpicionem, quæ à Principe abſunt. Theophilus in §. *Prætorum quoque Ediſta, Inſtitut. De iure natur. gent. & ciuili.*

Solent autem Conſtitutiones Principū ſecularium preſſius hodie 5 Leges appellari: nam olim *Lex* dicebatur, quam populus, Senatorio Magiſtratu, veluti Conſule, interrogante ferebat, §. *Lex eſt, Inſtitut. De iure nat. gent. & ciuili*. Vnde & à Plebiſcitis, Senatuſconſultis, & alijs Iuris ciuilis partibus ſeparabatur, vt conſtat ex §. *ſcriptum autem ius Inſtit. d. tit. & alijs pluribus locis*: licet interdum etiam latiùs ſumpta Plebiſciturum comprehenderet, *l. 6. D. De pactis, l. 1. D. De off. eius cui mandata eſt iuriſdictio*.

At verò Pontificum Romanorum Conſtitutiones potiùs Decreta, & Conſtitutiones, & Canones, quàm Leges appellantur, & præferri debent Conſtitutionibus Principum ſecularium, *can. ſuſcipitis Diſtinct. 10.* & hæ illis obſequi debent, *can. Conſtitutiones & ſeq. ead. Diſtinct.* Quinimò ſi ſint contra Canones & Decreta Romanorum Pontificum, ac bonos mores, nullius ſunt momenti, *d. can. Conſtitutiones*: & ſi factæ fuerint aduerſus Euangelicam & Propheticam doctrinam, ſtare nequeunt,

queunt, *can. Omne x x v. qu. 1.* Vbi autem Euangelicis atque Canonis decretis non obuiauerint, omni reuerentiâ dignæ habendæ sunt, *d. can. Suscipitis in fine.* Quælibet verò Constitutio, siue Ecclesiastica siue civilis, penitus excludenda est, si iuri naturali vel diuino contraria probetur, *can. Sanè in fine Distinct. 9.*

- 6 Constitutionis Ecclesiasticæ septem videntur esse species, Dogma, Mandatum, Interdictum, Sanctio, Canon, Decretum, Epistola Decretalis, vt docet Turrecrem. in §. *porro Distinct. 3.* Dogma dicitur Constitutio Ecclesiastica, ad fidem pertinens, *can. penult. De Consecrat. Distinct. 5.* Mandatum est Constitutio Ecclesiastica, ad disciplinam pertinens, *can. Denique Distinct. 3. 4.*

Interdictum dicitur Constitutio, quæ ad correctionem præsentium & imminentium malorum ordinatur. Vnde differt ab Edicto, quòd Edictum sit generalis Constitutio, iubens aliquid vel prohibens, in formam legis vniuersalis promulgata, nullâ adiectâ pœnâ, *can. Non oportet De consecrat. d. Distinct. 4.* vt illud ab Augusto de describendo vniuerso orbe.

Sanctio propriè est Constitutio pœnalis, seu quæ certam pœnam, præsertim capitis, non obtemperantibus irrogat, *l. sanctio D. De pœnis, §. sancta Instit. De rer. diuis.* Est enim Sancire, auctore Seruio, sanctum aliquid, id est, consecratum facere, fuso sanguine hostiæ. Huiusmodi sanctio est in *can. Si quis suadente x v i. qu. 4.* Et hinc leges ipsæ sanctæ vocantur, quia sanctione & pœnæ comminatione stabilitæ & confirmatæ sunt. Latè sumpta vox Sanctio omnem Constitutionem principis sæcularis vel Romani Pontificis designat, *Cod. De nouo Cod. faciendo §. quibus vers. colligentes, can. Consulisti 2. qu. 5. cap. Inter corporalia, ibi: quod non est sanctorum Patrum decreto sancitum. & De translat. Episcopi.* Latissimè verò totius Iuris collectionem significat, *d. §. quibus.*

Canon dicitur Constitutio, quæ in Concilio Vniuersali vel Prouinciali promulgatur. Exemplum de generali, in c. *Nonnulli x. De rescriptis:* de prouinciali in c. *1. 2. & 3. x. De foro competenti.* Latius sumitur pro omni Constitutione Ecclesiastica, siue à Pontifice siue à Concilio facta, vt in §. *porro Canonum Distinct. 3.*

Decretum in genere est sententia Principis inter partes, de quarum ipse causâ cognouit, & sententiam dixit, *l. minor autem §. 1. D. De minoribus;* vel interlocutus est, *l. 1. D. De constitut. Principum, l. extat decretum D. Quod metus causa l. penult. D. Ad leg. Iul. de vi priuata.* Hoc loco Decretum est Constitutio, quam Papa non consultus cum Cardinalibus, assensum præstantibus, super aliquo negotio constituit, & in scriptum redigit. Exemplum in c. *Etsi membra x De his, quæ fiunt à Prælato sine consensu Capituli, can. Generali x x v. qu. 1.*

Decretalis Epistola dicitur, quam Romanus Pontifex alicui super aliqua causa dubitanti, & Sedem Apostolicam consulenti, scripto transmittit; siue solus, c. 1. *x. De rescriptis*; siue de consilio fratrum, c. 1. *o. In memoria Maguntinensi*. *x. De electione*: seu est Constitutio Pontificis ad alicuius consultationem promulgata. Indifferentem tamen dicitur etiam Canon & Decretum.

His addi possunt Motus Proprius, Responsum sanctorum Patrum, 7. Preceptum, & Pragmatica Sanctio. Motus Proprius dicitur, cum Pontifex siue Princeps nullius intercedente consilio aut suasu vel petitione aliquid facit. Responsum sanctorum Patrum, est sanctorum Patrum dictum, ad interpretandum seu respondendum prolatum, & in corpore iuris clausum. Preceptum idem videtur quod Mandatum, ut à superiore precipitur, licet inter ea nonnulli distinguant. Pragmatica Sanctio est illud, quod Imperator de consilio Procerum sanxit & statuit, l. ult. Cod. De diuers. rescriptis, & ibi Glossa, ut & in l. iubemus Cod. De sacros. Ecclesijs, & in can. Peruenit Distincti. 100.

§. III. Quinam possint condere Constitutionem: & quæ sit vis ac potestas Constitutionis Ecclesiasticæ.

1. Qui condere Constitutionem Ecclesiasticam possint.
2. Vbi & effectus eiusdem: quod futurum des formam negotijs.
3. Quod omnes fideles liget.
4. Quod posterior de eadem retrahatur ad priorem, & è contrà.
5. Quatenus Constitutiones penales obligent & extendantur.
6. Quatenus ignorantes obligentur; & quodplex ignorantia.
7. Constitutionum alia Generales, alia Speciales.
8. Constitutio propriè dicta debet esse iusta & vniuersalis.

Constitutionem Ecclesiasticam, generaliter dictam, condere potest in primis summus Pontifex: deinde alij Prælati inferiores, ut Legatus Pontificis, Patriarcha, Archiepiscopus, Episcopus, collegia Ecclesiastica, prout de his plenius Hostiensis in *Summa* hoc tit. Constitutionem verò Ecclesiasticam, strictè & propriè dictam, constituere potest solus Pontifex, vel alius ex eius auctoritate.

Vis verò & effectus Constitutionis Ecclesiasticæ est, quod futuris feratur negotijs, non autem præteritis: nec ad ea regulariter extendatur, nisi id exprimat, cap. 2. & fin. *x. Cod. l. leges & constitutiones C. De LL.* aut sub sit causa, cur ad casus præteritos extendi debeat: ut si per eam reprobetur, quod iuri naturali aut diuino repugnat. Vide

Vide Nauarrum *h. tit. Conf. 5. & in Relectione. cap. Si quando De re scripta, exceptione 21.* Hinc Andreas Gaill *lib. 2. Obseruat. 9.* concludit, Constitutiones Caroli V. de reddituum emptionibus, Augustæ promulgatas, ad rationem viginti pro vno, non extendi ad casus præteritos; quodque, quoties noua Constitutio emanat, aliquid circa negotij ordinationem vel contractus disponens, semper considerari debeant mores & consuetudines, quæ tempore contractus exstiterunt, non autem quæ postea introducuntur, quia futurorum scientiam contrahentes habere nequeunt: & ita, inquit, docet Baldus, Bartolus, & alij, quos citat.

3 Quod si verò Constitutio sit summi Pontificis, postquam legitime est promulgata, omnes Christi fideles obligat: si verò sit Principis secularis, vel Prælatorum inferiorum summo Pontifice, solum territorij subditos astringit, *l. extra territorium D. De iurisdic. om. iudicum, DD. in l. cunctos populos Cod. De summa Trinitate: nec potest Pontificiæ Constitutioni repugnare, aut illam tollere, c. Sollicitè x. de maiestate & obedientia, can. Inferior Distinct. 21.* Neque enim regulariter possunt inferiores aliquid contra Canones statuere, licet possint consuetudinem inducere, vt postea dicemus. Dico regulariter, quia quibusdam casibus id possunt, quorum præcipuos videre licet apud Ioan. Pet. Monet. in *Tract. De Distributionibus quotidianis, parte 2. q. 13. nu. 6. & seqq.*

4 Insuper in eo consistit vis Constitutionis, quod posterior de eadem re trahatur ad priorem, & è contrà, declarandi vel supplendi causâ: nisi sit priori contraria; tunc enim eam tollit, etiam nullâ illius factâ mentione: licet speciales consuetudines & statua locorum contraria non tollat, nisi id exprimat, *tex. expressus in c. 1. h. tit. in 6.* Marcus de Mantua *Singul. 233.* Ratio prioris est, quia, vt in *d. c. 1.* dicitur, summus Pontifex censetur habere omnia iura in scrinio pectoris sui; & ideo condendo Constitutionem priori (quam scire reputatur) contrariam, censetur ei derogare. Ratio posterioris est, quia locorum specialium & personarum consuetudines & statuta, cum facti sint, & in facto consistant, potest probabiliter ignorare; & ideo per Constitutionem eis contrariam, à se nouiter editam, nisi in ea expressè caueatur, non censetur ijs in aliquo derogare.

5 Regulatur autem & limitatur Constitutio à ratione finali. Constitutionesque nouæ pœnales velut odiosæ restringendæ sunt; potissimum quæ à iure communi recedunt & exorbitant, id est, iuri communi in aliquo derogant: omnium verò maximè, quæ Ecclesiasticæ libertati etiam rationabiliter contrariantur, *Authent. Cassa C. De sacros. Ecclesijs*, ita vt verborum, quibus conceptæ sunt, tenorem ac rigorem non excedant. Nisi sint Constitutiones, quæ concernant fauorem

Reip.

nec ad successores eorum, contra quos posita sunt, extenduntur, & morte etiam impetrantis expirant, *c. Significavit. x. De rescriptis*: & aliter vocantur Rescripta, de quibus seq. tit.

- 8 Vt autem Constitutio propriè dicta sit valida, debet esse æqua, iusta, & vniuersalis, *can. Erit autem lex Distinct. 4.* & ideo debet maturè & cum iudicio deliberato fieri, non præcipitanter & ex abrupto, *c. Alma, vers. diligenti habitâ deliberatione De sent. excom. in 6. l. 1. D. De LL. facta* que ad rumorem populi non tenet, *arg. l. Si priuatus 17. D. Qui & a quibus &c.* nec debet per eam dari facilis occasio ad delinquendum: aliàs tanquam iniqua reprobatur, *l. Illud conuenire §. 1. D. De pactis dotal. c. Quemadmodum c. Etsi Christus versic. quadam enim. x. De iureiurando. Ludouicus Romanus Singul. 714. incip. Iudex potestatis.*

TITVLVS TERTIVS.

De Rescriptis.

§. I.

1. Quid sit Rescriptum.
2. Qui rescribere possint.
3. Differentia inter Rescriptum & Priuilegium.

Quia Rescripta sunt quædam, vt antè diximus, Constitutiones speciales, per quas vt plurimum dantur ministri, qui iura exequantur, sine quibus parum est iura condere, *c. Commissa c. Vbi periculum, De electione in 6.* ideo Pontifex post titulum de Constitutionibus tractat de Rescriptis.

- 1 Rescriptum in genere nihil est aliud, quàm Constitutio per epistolam specialis; vel iuxta Rebuffum, *Tract. De Rescriptis nu. 5.* est Principis concessio, per litteras authenticas legitimè facta: siue sit secundum ius; vt si mandetur, quatenus fiat ius, *cap. Licet x. de officio ordinarij, iuxta text. in cap. 1. x. eod.* siue contra ius aliquid concedatur, veluti quod condemnatus adhuc audiatur. Nam quod dicitur, rescriptum contra ius non valere, verum quidem est, nisi in rescripto iuri derogetur, vt in *l. fin. Cod. Si contra ius &c.* Nisi enim Princeps expressè deroget iuri, oportet iudicem iudicare secundum ius, *c. Si quando. x. eod.* quia mens Principis præsumitur talis, qualis de iure esse debet, *l. Ex Facto D. De vulgari & pupill. substitut.*

- 2 Dicitur, Principis, id est, cuiuslibet locum primum obtinentis, qui rescribere potest. Cuiusmodi in primis est Papa, *toto hoc tit. & alijs iuribus;*

ius; cuius rescripta interdum vocantur Litteræ Apostolicæ vel rescripta Apostolica: & rescriptum, quo alicui causa committitur, vocatur Commissio, *cap. Sedes & seq. x. eod.* Secundò Imperator, *tit. Cod. De precibus imp. offeren. & de diversis rescriptis.* Et huius rescripta subinde vocantur Diuinæ iussiones, Sacri affatus, Sacra oracula, Sacræ formæ aut iussiones, Imperiales concessiones, Sacræ litteræ. Tertiò Rex Hispaniæ, Franciæ, & quilibet alius Princeps, non recognoscens superiorem. Quartò Cancellaria; siue Papæ, *c. Ad hac x. eod.* siue Imperatoris vel Regis, in sua scilicet prouincia, vbi constituta est, ne impediant se mutuo. Quintò Legatus Papæ, Collegium Cardinalium; & quicumque potest constitutionem condere, & habet iurisdictionem, is potest rescriptum condere. Hostiensis in *Summa huius Tit. §. Quis possit &c.* Videatur plenius Rebuffus, *d. loco.* Inferiorum verò concessiones vix dicuntur Rescripta; magisque Litteræ excommunicationis, restitutionis, commissionis, citatoriæ, inhibitoriæ, absolutoriæ appellantur, *cap. Olim in V. absolutionis litteras, x. eod. & similibus.*

Dicitur, concessio; quia sola partis petitio non dicitur Rescriptum, sed subiuncta ipsius Principis concessio, *l. i. l. Nec damnoſa, iuncta rubr. Cod. De precibus imp. offeren. c. Si gratiosa h. tit. in 6. & ideo pars dicitur Impetrare rescriptum, quando ei conceditur, c. Caterum, in verbis, impetraverit litteras. x. eod. & Impetratum rescriptum, quando pars illud obtinuit, l. Imperata rescripta, Cod. Sentent. rescind. non posse.* Dicitur, per litteras; nam solo verbo concessio facta non dicitur Rescriptum, nisi litteris expeditis: hæ enim sunt, quæ dicuntur Rescripta, & è contra, *c. Ad aures & seq. ac ferè per tot. x. eod.* Dicitur, authenticas, quia aliàs non dicuntur rescripta, *c. 1. & 2. x. De fide instrum.* Dicitur denique, legitime facta, quia non debet subreptitiè vel obreptitiè impetrari.

Differt autem Rescriptum à Priuilegio in pluribus: & inter alia, quòd Priuilegium sit contra ius. *Glossa in Summa 25. q. 2.* Rescriptum verò regulariter sit secundum ius, & ad obseruantiam Iuris communis, *Glossa in c. 1. in V. noscatur in fine, De Constitut. in 6.* Videatur plenius Rebuffus in *Praxi Benef. de differentiis inter Priuilegium & Rescriptum.*

§. II. Quis Rescriptum impetrare possit.

1. Impetrare potest quilibet non prohibitus.
2. Qui prohibeantur.
3. Rescriptum ad lites sine speciali mandato impetrari non potest.
4. Rescriptum gratia potest.

- I**mpetrare potest, quicumque non prohibetur, *c. 1. eod. in 6.* siue sit actor, siue reus, *c. Caterum c. Ad hac, & alijs. x. eod.* etiamsi sit filius familias, quia nō reperitur prohibitus. Nec obstat, quod sine consensu patris non possit agere: quia impetrare rescriptum non est agere. Quin etiam Monachus, licet sit mundo mortuus, *can. Placuit x v 1. q. 1. & seruis Dei non liceat frequentare lites, c. 2. x. De postulando:* tamen rescriptum impetrare potest, in quantum illi conuenire & subseruire valet. Rebuffus in *d. Tract. De Rescriptis nu. 3.* * Impetrare verò non potest; Primò, excommunicatus, *c. 1. eod. in 6.* & ab eo impetratum super alio quàm excommunicationis vel appellationis articulo, est ipso iure nullum, sicut & id quod inde secutum est. Secundò seruus, *l. 1. Cod. De precibus Imp. offeren. l. 1. falsus aut reuocatus procurator, c. Ex parte x. eod. l. 4. Hæreticus, l. 2. c. De summa Trinitate. Glos. in c. Super litteris. x. eod.* * Sic nec litteras ad lites impetrare licet sine speciali mandato; & taliter impetrans tanquam falsarius punitur, *c. Ex parte Decani c. Nonnulli in fine & ibidem Glos. x. eod.* vbi dicit, tale rescriptum esse annullandum per exceptionem, quia parte non contradicente valeret: sicut & si impetretur à coniuncta persona, carnali scilicet, non etiam spirituali tantum coniunctione, *Glossa in c. Cum M. De Constitut. vbi vide Felinum n. 11.*

- 4** At verò rescriptum gratiosum potest sine mandato impetrari, *c. Ex ore, vbi Abbas. x. De his que sunt à maiore parte capituli, Glos. in d. c. Nonnulli §. sunt & alijs:* vt v. g. beneficiorum, priuilegiarum, immunitatum. Vbicumque autem prohibetur quis impetrare rescriptum, si impetret, non ualet: siue prohibeatur ratione personæ suæ, vt excommunicatus, hæreticus; siue ob turpitudinem causæ finalis, vt in nuptijs ex rescripto petitis; siue quia res impetrata sit à lege prohibitâ, veluti vt quis in litiis obtineat.

§. III. Contra quem & super quibus Rescriptum impetrari possit?

1. Impetrari potest contra quemlibet.
2. Nec citatio eius necessaria est.
3. Super causis quibuscumlibet.

- I**mpetrari potest contra quemlibet, siue Clericum siue Laicum, siue maiorem siue minorem; modò is, contra quem impetratur, sub sit iurisdictioni concedentis. Hostiensis *hoc tit §. contra quem.* Si tamen minores & viliores personæ in rescripto exprimantur, non intelliguntur maiores & digniores: nec super maioribus & grauioribus ne-

bus negotijs audiuntur, qui de minoribus dumtaxat mentionem fecerunt, etiam si ad sit clausula, Et quidem alij. Et res alix, c. Sedes. & eod. Impetrari etiam potest contra impetrare prohibitum, veluti contra excommunicatum, ne ex malitia sua lucrum & commodum referat, c. Intellectus. & De iudicijs. * Citatio verò eius, contra quem impetratur, ad impetrationem non requiritur; sed bene in rescripti approbatione, si approbationem seu interimationem, ut vocant, requirat. Rebuffus d. loco n. 42.

Impetrari autem potest super omnibus, tam spiritualibus quàm profanis, c. 2. & per tot. & eod. tam corporalibus quàm incorporalibus, c. Quarelam. & De electione, c. Dispendia h. t. in 6. super Ecclesijs & beneficijs, c. 2. & alij. & eod. sic tamen, ut Papa & Ecclesiastici viri super spiritualibus, seculares verò super temporalibus rebus, & in quibus casibus Iudices seculares de spiritualibus cognoscunt, ut in possessione, rescripta concedant. Rebuffus d. loco n. 66.

§. IV. Quotuplicia sint Rescripta?

1. Rescriptorum tria genera.
2. Rescripta iustitix siue ad lites.
3. Rescripta gratia siue ad beneficia.
4. De clausula, Si preces veritate nitantur.
5. De obreptione & subreptione.
6. Quanam in Rescriptorum impetratione exprimenda.

Rescriptorum specialium, in genere tria sunt genera, iuxta triplicem modum, quo contingit S. Pontificem rescribere. Aut enim contra ius rescribit, aliquid alicui concedendo, veluti immunitatē à collectis, ut in l. & per tot. Cod. De immunit. concedenda, l. 10. aut decimis: vel aliquem suā lege soluendo: vel cum aliquo dispensando. Aut rescribit ad lites: aut denique ad beneficia. Primi modi Rescripta dicuntur Privilegia, de quibus libro 5. Secundi modi, dum scilicet ad lites rescribit, appellantur * Rescripta iustitix: & talia sunt, cum Pontifex de iure partis obscuro consultus, aperit illud, & quid Iudex in iudicando sequi debeat, ostendit, c. Ex parte c. Sedes, & alij, & eod. aut quando causā ad se deuolutā Iudicem aliquem delegat, cap. 1. c. Nonnulli, & alij, & eod. Dicuntur autem Rescripta ad lites seu iustitix, tum quia ad iustitix administrationem pertinent & referuntur: tum quia causā annexam habent, cur concedi debeant, nec sunt meræ gratiæ. Et hæc licet præter ius dentur, in casibus scilicet à iure non decis: tamen dicuntur etiam dari secundum ius, quia vel ad iuris interpretationem, vel ad iuris debitam executionem

3 dantur. * Rescripta denique ad beneficia vocantur Rescripta Gratiae, quia nullam aliam causam habent, cur concedantur, quam concedentis meram liberalitatem. Huiusmodi rescripta sunt, quibus Pontifex mandat alicui provideri de beneficio Ecclesiastico, *c. Mandatum c. Abbatē & eod.* & de his duobus posterioribus Rescriptorum generibus hinc agimus: ita ut Rescripta hinc nihil aliud sunt, quam S. Pontificis Epistolae ad lites vel ad beneficia, ad supplicationem alicuius rescriptae. Alioquin alia sunt Rescripta gratiae, quae à secularibus conceduntur; & sunt remissiones, gratiae, & indulgentiae, de quibus *D. ad Senatusc. Turpill. & Cod. De abolition.* Alia solent dici Rescripta Communia seu mixta, ut quidam vocant, quae scilicet tum à Papa, tum à secularibus Principibus concedi possunt, ut rescriptum legitimisationis.

4 In omni autem Rescripto S. Pontificis haec clausula, *Si preces veritate nitantur*, semper subintelligitur, *c. Ex parte 2. c. Olim & eod.* licet rescripta Principis secularis de iure civili non valeant, nisi expressè eam clausulam insertam habeant, *l. fin. Col. De diversis rescriptis.* Diligenter itaque cauendum, ne obreptitiè vel subreptitiè aliquid impetretur. *

5 Tametsi autem obreptio & subreptio saepe confundantur, & pro iisdem capiantur: cōmuniter tamen ita distingui solent, quod obreptio committatur exprimendo falsum; subreptio verum tacendo, *iuxta notata per Innoc. in c. Cum dilecta & eod.* Ceterum qui subreptionem obijcit, eam probare debet: ei verò, qui falsum narrauit, incumbit probatio illius, quod pro vero suggestit. *Wamel. Conf. 7. n. 2. ubi alios citat.* Si igitur dolo seu malitiosè aut scienter impetrans, falsum in suo libello allegauerit, vel verum tacuerit, rescriptum gratiae seu ad beneficium est ipso iure nullum, *c. Super litteris c. Ad aures. h. tit.* Sin per errorem aut simplicitatem id fecerit, prout in dubio fecisse praesumitur, tunc distinguere solent. Nam si falsum narratum aut verum tacitum sit tale, quod, etiamsi totum negotium ex veritate Pontifici fuisset narratum, is nihilominus verisimiliter rescripturus fuisset, saltem in forma communi; valet Rescriptum, ad hoc, ut Iudex delegatus causam definiat: non quidem secundum formam rescripti, sed secundum ordinem iuris, *d. c. Super litteris, c. Ex insinuatione eod. tit.* Si verò tale sit, quod, ex veritate negotio exposito, Pontifex verisimiliter non fuisset rescripturus, puta quia Canones dari vetant, quod petitur; non valet Rescriptum, *d. c. Super litteris.* At Rescripta ad lites, per falsi suggestionem aut veri suppressionem obtenta, aut etiam sine huiusmodi fraude, dum nodò S. Pontifex aliàs veritate expressa & falsitate suppressa non fuisset rescripturus, valent quidè ipso iure, sed ope exceptionis coram Iudice delegato refelluntur, *d. c. Super litteris.* Ratio diuersitatis est, quia rescripta gratiae sunt ambitiosa, *c. Quamuis De praebeatis in 6.* non itè rescripta ad lites.

Debet

Debet igitur in Rescriptis fieri mentio de omni eo, quod mouere potest Pontificem ad rescribendum, vel non rescribendum, vel etiam non tam facile. Quod Garzias *De Beneficijs* p. 8. cap. 3. asserit generaliter obtinere in Rescriptis ad lites: in Rescriptis verò ad beneficia seu gratia intelligit de ijs, de quibus in iure vel de stylo curiæ cantum est, vt exprimantur; eo argumento, quòd collatio facta criminoso, modò crimen non sit tale, quod inhabilitatem inducat, valida sit; quam tamen verisimiliter Pontifex non fecisset, si crimen nouisset. Erh autem Rescriptum subreptitium tribuat iurisdictionem, tamen stante obreptione & subreptione opposita, processus si quis fiat, est nullius momenti, cap. *Ex tenore* cap. *Ad audientiam*. * *cod. Macerat. lib. 1. Var. resolut. 8. n. 2. & 3.*

Illud etiam obseruandum, Rescriptorum Pontificiorum alia per viam Breuis, alia per viam cognitionis, alia per viam rescripti specialiter nuncupati, concedi.

§. V. E Pluribus Rescriptis impetratis, quodnam sit præferendum?

1. Qualiter posterius Rescriptum præferatur priori.
2. Speciale posterius derogat priori generali.
3. Generale posterius non tollit primum speciale.
4. Cur per posterius reuocetur prius.

SIduo diuersi ad vnum idemque beneficium Rescriptum impetrent; vel etiam ad vnam eandemque litem diuersa Rescripta ad diuersos Iudices; posterius priori præferetur, si modò prioris mentionem faciat: alias valebit prius, & posterius subreptitium habebitur, nec obtrinebit alicuius roboris firmitatem, c. *Ceterum. h. tit.* Nisi primum fuerit impetratum communi consensu partium; nam tunc non valet secundum, impetratum per alteram partem, hoc subdito d. c. *Ceterum*: * aut nisi prius sit generale, & posterius speciale, quia tunc speciale posterius derogat generali priori, quantum ad ea, quæ in speciali specialiter, & contraria contentis in generali, exprimuntur, vel in generali non exprimuntur, licet prioris mentionem non faciat, c. 1. & c. *Pastoralis* §. *quoniam. cod. tit.* * Id ipsum obtinet quoque, si speciale prius fuerit impetratum, quia generi per speciem derogatur, c. *generi* *De reg. iuris* in 6. & quia generalis dispositio, quæ sequitur, non refertur ad specialem præcedentem, l. *Sanctio legum D. De penis*. Quod si verumque sit generale, illud attenditur, quod est magis speciale. Rebuffus in d. *Tract. De Rescriptis* n. 104.

4 Non mirum autem videri debet, per posterius rescriptum reuocari prius: id enim non fit sine causa, cum quod ad preces supplicantis largitur Pontifex sit veluti precarium, quod iure communi ad voluntatem dantis reuocari potest, *l. Ait Frater D. De precario.*

Quod tamen dicitur, in *d. c. Caterum*, secundum rescriptum, non habita mentione de priore, non valere, intelligendum est, si pars opponat. Abbas & alij *ibid.* Facit *c. Plerumque. x eod.* ubi post annum valent secundæ litteræ, quando aduersarius primis non fuit usus: nam inde sequitur, non fuisse ab initio nullas. Quod si quis, impetrato rescripto, videat sibi fore damnosum, non cogitur illud præsentare, *cap. ex questione. x De restitut. foliatorum.* Imò potest ei renunciare, etiamsi præsentauerit. Abbas *ibid.* etiam post citationem; modò parti satisfaciatur de expensis & interesse. Aliud dicendum, si parti sit aliquod ius quaesitum. Rebus. *d. loco n. 160.*

§. VI Qualis interpretatio facienda sit in Rescriptis?

1. *Stricta est interpretatio.*
2. *Clausula in Rescriptis poni vel subintelligi solita ad sententiam iuris communis reuocandæ.*

1 **Q** Vando in Rescriptis validis suboritur aliqua dubitatio, interpretatio strictè est facienda, & quidem secundum ius commune, *c. Causam quæ. x eod.* quia in dubio non præsumitur Princeps aut Pontifex aliquid contra ius commune rescribere; sicut nec derogare iuri, alteri prius quaesito: quod est de natura rescripti, *l. Falsam Cod. De diuersis rescriptis l. Rescripta Cod. De precib. imp. offeren. Montanus De Tutela cap. 33. n. 527. ** Et hinc omnes clausulæ in rescriptis expressæ, vel subauditæ, ad iuris communis sententiam reuocari solent. Vnde & illam clausulam, *Si simul omnes interesse non possunt, vnus nihilominus vel duo negotium exequantur*, interpretatur Pontifex in *c. Sciscitatus. x eod.* tam de impedimento iuris quàm facti: Et per illam, *Si pro alio non scripsimus*, quæ semper intelligitur, nisi contrarium exprimat, declarat se non intendere grauare collatorem duobus mandatis, *c. Mandatum. x eod.* Et denique, dum in aliqua Ecclesia certus est Canonorum numerus, nec vacat locus, regulariter rescriptum impetrans non recipitur, *c. Constitutus. x eod.* Ideoque solet Pontifex addere, *Non obstante Canonorum numero*; per quam clausulam pro illa vice iuri communi derogat, *d. c. Constitutus.*

§. VII. De

§. VII. De quibusdam Rescriptis inualidis?

1. Rescriptum non valet, inhibens causæ cognitionem.
2. Manifestè peccans in linguam Latinam.
3. Pendente lite impetratum.
4. Contra ius vel stylum.
5. Quatenus vitietur Rescriptum.

IN primis suspectum est omne Rescriptum, inhibens causæ cognitionem, *c. Ex parte. h. tit.* quia non præsumitur Pontifex velle pervertere iuris ordinem; & ideo suspicio est tale rescriptum ab eo non proficisci. * Non valet etiam Rescriptum, quod manifestè peccat in linguam Latinam, *cap. Ad audientiam eod.* etiam si rescripta Principum sæcularium in Grammaticam peccantia valeant, *l. Imperator, D. De statu hominum.* Litteræ tamen aut syllabæ vnius defectus non vitiat Rescriptum: nisi defectus talis sit, qui mutet sensum & intellectum dispositivi rescripti, *c. Inter dilectos, x De fide instrum.* * Lite etiam pendente neutri litigantium fas est impetrare rescriptum quo alius de possessione vel quasi possessione deiciatur, *cap. 1. 2. & ult. x Ut lite pendente, &c.* Nec enim lite pendente rescriptum impetrare licet, nisi ut deciditur in *l. 2. & 3. Cod. Ut lite pendente, &c.* Sicut nec post prouocationem, *d. l. 3.*

Similiter non valet rescriptum contra ius, *l. Rescripta Cod. De precibus Imp. offeren. can. Rescripta x x v. q. 2.* siue diuinum, quod inferior tollere nequit; siue naturale, quod est immutabile; siue contra ius gentium, ut si rescriptum dominium rei meæ mihi auferat; siue contra ius ciuile, *can. Imperiali x x v. q. 2.* siue contra Canonicum; siue etiam contra Concilia generalia, *l. Ex parte, x De capellis Monachorum.* Similiter non valet contra ius municipale, vel consuetudinem, non factâ illius mentione: *Rebuff. d. loco nu. 70. in fine.* Ratio horum est, quia talia Rescripta censentur concessa præter intentionem Principis, ob varias occupationes trunci iuris non recordantis, *d. c. Ex parte.* Nec enim præsumitur, voluisse iura, tot vigilijs excogitata, vno rescripto subvertere, *c. Ecclesia. x De electione.* Similiter non valet, si sit contra stylum, *c. Quam graui. x De crimine falsi,* tunc enim nō præsumitur à Papa vel eius Legato emanasse, *c. Porrectum. x De confirmat. vtili.* Item si habeat clausulas insolitas: si tollat ius tertij, quia tum præsumitur falsum: si prohibitum sit impetrari: si careat debita solemnitate: si sit rasum in loco suspecto: si crimen supplicanti indulgeat: si sit fisco damnosum: si sit contra vtilitatem publicam, vel ius publicum, veluti ut ædificetur in via publica in præjudicium

G

trans-

transcuntium. Valet tamen rescriptum contra ius, si sit per modum privilegij, quod iuri solet derogare, *can. Privilegia Distinct. 3.* Si in aliquo solum iuri derogat, veluti ut differatur solutio creditorum per annum aut quinquennium, *l. Quoties Cod. De precibus Imp. offerent.* Si addatur clausula, *summariè & de plano*, quia ordo iuris non tollitur, *Clement. Sapè De verb. significat.* Si fiat mentio iuris contrarij, *l. fin. Cod. si contrarius &c.* Si non ledat alium & prosit petenti.

5 Observandum autem circa hæc, susceptionem in vno capite, seu in vna parte Rescripti, regulariter non vitare Rescriptum quoad alia capita separata, *c. Si eo tempore h. s. in 6.* nisi sit dolosa, quia tum vitiat in totum, *cap. Sedes, c. Ex tenore, c. Super litteris. h. t.* debet enim mendax precatore seu impetrator carere penitus impetratis, *d. c. Sedes.* Similiter si subreptio in vno capitulo fuerit causa obtinendi rescripti quoad omnia, vitiat in totum, *c. Constitutus & ibi Glos. & Abbas, h. tit.*

Observandum præterea, subreptionem tolli per clausulam Motus proprij; per clausulam, Non obstantè; per clausulam, Si non sit alteri ius quæsitum, quia videtur tunc concessum sub conditione, si non præiudicetur alteri in iure quæsito, *c. Quamvis eod. in 6.* item per clausulam, Ex certa scientia; per clausulam, Ex plenitudine potestatis; per clausulam, Pro expressis habentes & suppletes omnes defectus, prout de his videre licet apud Rebuffum, in *d. Tract. De Rescriptis.*

TITVLVS QVARTVS.

De Consuetudine.

§. I. Quid sit Consuetudo?

1 Ius non scriptum partim in Traditionibus, partim in Consuetudine consistit.

2. Definitio Consuetudinis.

3. Consuetudo in facto consistit.

4. Quid Mos.

P Ostquam egimus de Iure Canonico scripto, eiusque partibus, partim in Corpore Iuris clausis, partim non clausis: sequitur ut de non scripto agamus; quod dari constat ex *can. Ecclesiasticarum can. Nolite & alij Distinct. 11. & Distinct. 12. serè per tot.* * Consistit illud partim in Traditionibus, sumpto tamen nomine traditionis specialiter, ut designat tantum doctrinam non scriptam; partim in Consue-

Consuetudine specialiter sumptâ. Traditiones autem, de quibus egimus Tit. primo, nō solum agnoscit Ecclesia Catholica, seu ius Pontificium, sed etiâ Iustinianus ipse varijs in locis, vt in l. *Cunctos*, ibi: *secundum Apostolicam* &c. in l. *Non o*, ibi: *iuxta Apostolicas* &c. in l. *Cum reſtamis princ.* in l. *Cum ſaluatore* Cod. De ſumma Trinit. & in plurimis Nouellis.

Consuetudinis specialiter sumptæ, vt à Traditione distinguitur, variæ à varijs assignantur definitiones. Iustinianus definit, Esse diuturnos mores, consensu vtentium comprobatos. Cuius definitionis explicationem suppono ex Institutionibus eiusdem. Isidorus verò in *can. Consuetudo Distinct.* 1. definit, Esse ius quoddam moribus institutum, quod pro lege suscipitur, cum deficit lex. Quæ definitio datur per genus definiti, quod est Ius; & per differentiam, sumptam à causa efficiente & simul ab effectu, dum dicitur, Moribus institutum, quod pro lege suscipitur, dum deficit lex, scripta scilicet. Censetur autem deficere lex scripta, non solum, quando omninò non est lata, verum etiam, quando est ambigua, vel inutiliter posita, vel dum rationi non innititur. Ideoque non obstat, quòd consuetudine vtamur, etiam lege non absolute deficiente, vt patet *ex c. Cum dilectus h. tit.* quodque detur consuetudo contra legem, seu legi derogans, & præter legem, vel etiam ipsi legi conformis, quæ dicitur optima legis interpres.

Pro pleniori autem explicatione datæ definitionis obseruandum, vocabulum, Consuetudo, duobus modis solere sumi, quantum ad rem præsentem attinet, nempe vel pro ipso usu & frequentibus moribus, seu actibus alicuius communitatis aut populi; & ita dicitur esse facti, & in facto consistere: vel pro ipso iure, quod ex eiusmodi diuturno usu & frequentibus moribus seu actibus nascitur; & hoc modo dicitur esse ius quoddam, distinctum à iure scripto. Quamquam in *cap. 1. hoc tit. in 6.* quod loquitur de consuetudine sumpta pro iure, dicatur esse facti & in facto consistere: non quasi non sit ius, sed quia particulares consuetudines, de quibus *d. cap.* loquitur, dicuntur esse facti, & in facto consistere: vel quia ex facto, nempe ex moribus seu actibus hominum, oriuntur: vel quia sunt pænè infinitæ, vt facta hominum. Vnde & ignorare consuetudinem meritò præsumitur Pontifex, *d. cap. 1. eandemq;* alleganti, nisi notoria sit, incumbit probatio & quidem non in genere, sed specialiter in casu controuerso. *Surd. Consil. 313. n. 32. vbi alios citat.* & probari debet in eadem specie, & concurrentibus ijsdem qualitatibus, *Surd. Decis. 13. nu. 10. & Decis. 87. n. 12.* Quæ autem requirantur, vt probetur, vide remissiuè apud *Surd. Consil. 333. n. 21. & Mascardum De probat. Verbo Consuetudo.*

Similiter vocabulum, Mos, interdum sumitur, prout est idem quod Consuetudo, sumpta pro iure, vti dum dicimus quem sequi morem

patriz, id est consuetudinem. Ita sumitur in *can. Mos Distinct. 1.* dicitur, Mos esse longa consuetudo de moribus tantummodo tracta. Interdum verò sumitur, ut significat actus ipsos, eorumque frequentiam & reiterationem: & hoc modo non est consuetudo, sed potius consuetudinis causa. Ita sumitur in definitione consuetudinis, & in definitione moris, illis verbis, *de moribus tantummodo tracta.* atque ita non definitur idem per seipsum.

§. II. De requisitis ad introducendam Consuetudinem.

1. Primò requiritur diuturnitas & actuum frequentia.
2. Definitio temporis & actuum, relinquitur arbitrio iudicis.
3. 4. Remouetur obiectio duplex.
5. Actus debent esse uniformes & vsitati.
6. Secundò oportet rationalem esse consuetudinem.
7. Tertio requiritur scientia Principis.
8. 9. Scriptura non de essentia legis; ut neque de substantia est consuetudinis, quod sit non scripta.

1. **A**D consuetudinem introducendam requiruntur in primis diuturnitas temporis & actuum frequentia. Nam licet consuetudo inchoari possit ab aliquo actu insigni, quem ceteri postmodum imitentur: tamen non nisi pluribus induci potest, ut constat tum ex l. 1. & 2. Cod. *Quæ sit longa consue.* tum ex definitionibus eius, exigentibus mores & actus frequentes: tum ex ratione etymologica, quia consuetudo vocatur, quòd in communi sit vsu; *can. Consuetudo Distinct. 1.* Vlus enim est actus repetitus, & quidem interpolatè, Bartol. in l. *De quibus D. De LL.* & ideo non sufficit vnicus actus, licet notus sit toti populo vel Collegio: nisi esset successiuus, & haberet continuationem temporis, intra quod introducitur consuetudo, *text. singul. in c. Cum de beneficio De prabendis in 6.* vel nisi esset iudicialius talis, ex quo tanquam notorio detegeretur consensus populi. Tamen si verò utroque iure, tam civili quàm Canonico, determinatum sit, quantum temporis requiratur ad præscriptionem: * neutro tamen definitum est, quantum requiratur ad consuetudinem, quæ vim legis habet, & speciem iuris constituit, atque à præscriptione plurimum differt: sicut nec definitum est, quot actus requirantur; ideoque vtrumque Iudicis arbitrio relinquendum est, *arg. leg. 1. D. De iure deliberandi,*
- 2.

Verandi, ut si iudicet, an tantum temporis, & tot talesque actus, siue iudiciales siue extraiudiciales, interuenerint, ut ex ijs præsumi possit consensus populi, & venisse in notitiam Principis, vel populi superioris non recognoscentis; & consequenter interuenisse tacitum eius consensum, necessarium ad hoc, ut consuetudo vim legis habeat, aut legem abrogare possit.

Non obstat, quòd in quibusdam Iuris textibus consuetudo dicatur *3*
longauus vsus, vel *inueterata*, aut *retustate probata*; vel *longa ac diuturna*: quia illis locis non designatur tempus necessarium ad eius introductionem, sed solum tempus, quo, postquam introducta fuit, durauit aut durat; quia scilicet pleræque consuetudines non tantum receptæ sunt à decem annis (quod tempus in Iuris textibus dicitur longum & diuturnum) sed plurimæ ab hominum memorias atque ita inueteratum, longæum, longum, & diuturnum, sunt accidentia consuetudinis, non etiam ad eius substantiam vel introductionem requisita.

Nec obstat, quòd in *cap. vit. & h. t.* velit Pontifex consuetudinem, *4*
ut derogare possit iuri Ecclesiastico, esse legitimè præscriptā: quia sensus est, quòd debeat esse legitimè introducta. Sic licet quædam iura velint consuetudinem longi temporis habere vim legis, aut etiam legem tollendi: non tamen definiunt, quantum debeat esse tempus ad consuetudinem introducendam. Et dum longum tempus in Iure vocatur tempus decem annorum, id intelligitur, de tempore requisito ad præscriptionem quarundam rerum; quod vocatur longum, ad distinctionem alterius temporis breuioris, puta quadriennij, sufficientis ad præscriptionem aliarum quarundam rerum, ut in *tit. Cod. De quadriennij præscript.*

Quantum verò ad actus, ex quibus consuetudo inducitur, attinet, *5*
ij debent esse uniformes, *l. Nemo, §. temporalis, D. De reg. iur.* Farinac. *2. parte Decis. 112. n. 5.* quia ex actibus, qui difformiter successerunt, remanet dubium, quid populus seruare voluerit: cum tamen sicut lex, ita & consuetudo debeat esse clara & certa, non autem obscura & dubia. *Hoslien. h. t. §. fin. Surd. Conf. 393. n. 23.* Et ideo consuetudo, quæ non fuit conformis, non attenditur. *Surd. Conf. 449. n. 7. vbi plures citat.* Similiter nec ex controuersis aut turbidis actibus, Farinac. *1. parte, Decis. 56. n. 13. & 16.* vel qui à mera facultate vel ex tolerantia procedunt, inducitur, Farinac. *d. Decis. 112.* quia multa per patientiam tolerantur, quæ, si in iudicium deducantur, exigente iustitiâ, tollerari non debent, *c. Cum iam dudum, & De præbendis.* Debent quoque actus esse vsitati publicè, præsentibus & scientibus multis & infinitis personis, ut inde dici possit interuenisse tacitus maioris partis populi consensus, Azo in *Sum. Cod. Quæ sit longa con.* Farin. *1. p. Decis. 155. n. 4. & 2. p. Decis. 318. n. 5.*

imò debent actus isti fieri animo inducendi consuetudinem, *can. Consuetudo Distinct. 1. Abbas in c. fin. vers. 7. requiritur. h. tit. Surd. Conf. 393. n. 28. & taliter facti probari, ad probandam consuetudinem. Farin. 2. p. Decis. 44. n. 2.*

6. Secundò requiritur, ut sit rationabilis, ut patet tùm ex *cap. ult. h. t.* ubi cum id decilum exstet, nec reperiatur ius civile in contrarium, servari in utroque foro debet, *arg. cap. 1. x. De novi operis nuntiat.* tum ex eo, quòd vim legis habere debeat, & pro lege scripta, cum ea deficit, suscipi: atqui ratio est anima legis, ut colligitur ex *l. Scire leges D. De LL.* ideoque consuetudo, quæ est contra rationem aut veritatem, seu contra ius naturale vel divinum, vel bonus mores, nullius est momenti, *can. Veritate, cum aliquot sequ. Distinct. 8. & corruptela dicitur, can. Mala ibid. c. Venerabilis, x. eod. t. & quidem tanto perniciosior, quòd diutius durat, arg. cap. ult. eod. tit.* Erit autem rationabilis, si habeat conditiones legis, enumeratas partim in *can. Consuetudo Distinct. 1.* partim in *can. Erit autem lex Distinct. 4.* quandoquidem legis auctoritatem habere debeat. Ut tamen lex iusta & rationabilis sit, & consequenter consuetudo, sufficit, quòd talis sit ut in pluribus, licet non sit talis in singulis. Præsumitur autem rationabilis, si tanti temporis sit, ut eius initij non exeat memoria.

7. Tertiò requiritur scientia Principis, ubi populus Principem superiorem habet, & eius saltem tacitus consensus. Scientia quidem, quia aliter nec adesse nec præsumi potest tacitus Principis consensus, quàm si usus sit ei manifestus. Requiritur autem tacitus saltem consensus Principis, ad hoc, ut consuetudo vim legis habere possit, vel legem abrogare: nec enim inferior potest condere legem, aut contra legem superioris quidquam statuere. Hic verò tacitus consensus implicite continetur in definitione consuetudinis, in verbo, Moribus; intelligè approbatis: siquidem per alios, quàm per approbatos, non inducitur consuetudo; & ideo dicitur debere inductam esse ex certa scientia, non per errorem, *Glossa in can. Frustra, versic. item quod non per errorem Distinct. 8. Latè Farinac. 1. p. Decis. 524. n. 4.* Sunt tamen, qui velint non requiri specialem scientiam, sed sufficere, quòd Pontifex in *d. c. fin. h. t.* decreverit, ut consuetudo legitime præscripta habeat vim legis statuendæ & tollendæ: quasi talis voluntas, ut eam vim habeat consuetudo, sit tacita scientia & tollerantia consuetudinis in posterum inducendæ legitimè: ut eas vires sortiatur absque alia speciali ipsius consuetudinis in Principe scientia. Sanchez *De Matrim. lib. 7. Disput. 4. n. 11. Surd. Conf. 335. n. 68.* Imò id ipsum obtinere quidam volunt etiam in consuetudine, quæ est contra ius, ut Monetta *De distribut. quotid. 2. p. q. 12. n. 19. & in Tract. De decimis cap. 3. n. 88. Sanchez d. lib. 7. Disputat. 82. n. 20. Wc-*

20. Wefenb. *intit. D. De LL. n. 8.* ubi ait sufficere, quòd Princeps non contradicat, & hanc sententiam esse receptiorem tradit.

Vt autem non est de essentia legis, quòd sit scripta, quandoquidem 8
caussa obligationis legis sit potestas Principis, explicata & applicata per voluntatem eius; aliquo signo externo sufficienter expressam, ad quod nullo modo est opus scripturâ: ita nec est de substantia seu essentia consuetudinis, quòd sit non scripta; non solum, postquam est introducta; quia licet tunc scribatur, nihilominus manet consuetudo, ut pater ex libris Feudorum, qui continent consuetudines, *inxta Rubr. Feud. & omnes scribentes in praludijs Feudorum, Maranta 3. p. Speculi aures n. 83. & ex c. 2. De prabendis in 6.* sed nec quoad eius introductionem.

Non obstat, quòd in eo consuetudo à lege distingui videatur, quòd 9
lex scripta sit, consuetudo non; & per hoc discrimen assignentur definitiones legis & consuetudinis: quia istud discrimen, & definitiones illud continentes, non assignantur per sola essentialia, sed tantum per id, quod ut plurimum accidit, prout plurimum euenit, ut lex scripta sit, consuetudo verò non sit scripta.

Distinguitur igitur in eo quoque consuetudo à lege, etiam non scripta, quòd lex semper constituatur expressio consensu Principis, nec moribus vtentium introducatur: consuetudo verò semper moribus vtentium introducatur, & ut plurimum tacito consensu Principis confirmetur seu approbatur. Insuper de substantia legis est promulgatio, non autem de substantia consuetudinis.

Et hæc quidem intelligenda sunt de consuetudine specialiter sumpta: alioqui sumitur aliquando generalius pro eo iure, quod in communi vfu est, uti in *can. Consuetudo Distinct. 1.* dum dicitur, nihil differre, an scripturâ, an ratione consistat: nam eo pacto sumpta non distinguitur à iure scripto, sed potius illud sub se continet.

§. III. De diuisione consuetudinis & eius effectibus.

1. Effectus consuetudinis in genere.
2. Consuetudo, quæ est præter legem, constituit nouum ius.
3. Consuetudo secundum legem ius dubium interpretatur.
4. Consuetudo contra legem tollit legem.
5. 6. 7. Satisfit objectioni triplici.

Diuiditur Consuetudo in generalem & particularem. Rursus in
Canonicam & Civilem: & vtraque subdividitur in eam, quæ est præter legem seu præter ius; & in eam, quæ est secundum legem seu ius; ac denique in eam, quæ est contra legem seu ius.

Quantum

- 1 Quantum ad effectum consuetudinis in genere spectat, ea est stricti iuris, & seruanda solum in suis terminis, neque extenditur de casu ad casum. *Surd. Conf. 407. n. 3.* nec de persona ad personam, *idem Conf. 371. n. 4.* nec de loco ad locum, *idem Conf. 323. n. 13.* Facit licitum quoad forum fori, quod alias esset illicitum, quoad euitandam poenam temporalem. *Surd. Conf. 327. n. 151.* tribuit iurisdictionem non habenti, *c. Cum contingat, & De fora competenti, can. Conquestus 1 x. q. 3.* Attenditur autem ea, quae viget in locis vicinis, quando deest propria. *Surd. Conf. 311. n. 16.* Si niliter attenditur ea, quae est vltima: item ea, quae est fauorabilior. *Surd. Conf. 448.*
- 2 Consuetudinis, quae est praeter legem, effectus est, constituere ius nouum, vbi deficit lex, *can. Consuetudo Distinct. 1.* obligatque non minus in conscientia ad sui obseruationem, quam lex scripta, cum parem habeat vim & auctoritatem: cuius rei ratio redditur in *l. De quibus, D. De LL.* Exempla huiusmodi consuetudinis habentur in *can. Illa Distinct. 11. c. 2. & De obseruat. ieiunij, c. fin. & De serijs.*
- 3 Consuetudinis, quae est secundum legem, effectus est, non ius nouum constituere, sed ius dubium interpretari: vnde in *d. l. De quibus* dicitur optima legum interpretis: aut legem praexistentem confirmare, & eam adiuuare, vt colligitur ex *c. Sopita, & De censibus.*
- 4 Consuetudinis contra legem effectus est, tollere legem: non quidem naturalem aut diuinam, quando quidem consuetudo ad ius humanum spectet, & ab humana potestate pendeat; sed humanam, siue civilem, siue Canoniceam, modo iusta & rationabilis sit. *c. vl. h. t.* Tollit autem generaliter, si generalis sit: si verò sit specialis, abrogat specialiter in illo loco, in quo introducta est & viget.
- 5 Non obstat, quòd in multis Canonibus dicatur consuetudo non praeualere legi, sed ei, sicut & veritati, cedere debere; imò eam, quae obuiat Canonicis institutis, nullius esse momenti: quia loquuntur de consuetudine mala & irrationabili, quae propriè nō est consuetudine, sed magis corruptela, vt diximus: vel si loquantur de rationabili, vt *c. Consuetudinis, & eod. & 2. Cod. Quae sit longa consuetudo*, loquuntur vel de consuetudine facti; vel solum volunt, consuetudinem non habere ex praecisa ratione consuetudinis, quòd vincat legem, prout verissimum est, & indicant illa verba, non tamen vsque ad eò sui valitura momento, &c. Hanc siquidem vim habet ex eo, quòd sit lege posterior, legi contraria, & tacito Principis consensu approbata.
- 6 Et ideo non obstat, quòd consuetudo contra legem inducatur per actus multitudinis seu populi, & quidem ab initio malos, vtpote contra legem factos: nam ad eam introducendam non requiritur bona fides nec titulus, *Surd. Conf. 335. n. 68.* sed sufficiunt diuturnitas temporis,

ris, actuum frequentia, & tacitus populi vel Principis consensus. Et in eo distinguitur à præscriptione, quæ non potest introduci nisi per possessionem, & actus ab initio iustos & bonæ fidei. Sicut & in eo distinguitur, quòd consuetudo constituat seu potius sit ius commune, non item præscriptio. Et quòd consuetudo possit tollere legem, non habet à multitudinis seu populi, sed à Principis seu legislatoris tacito consensu, cuius eadem vis est cum expressio, & malitia successu temporis purificatur; partim per superuenientem ignorantiam probabilem succedentium, partim per accedentem consensum tacitum legislatoris, qui ut auctor est legis, ita illam tollere potest.

Non obstat denique, quòd lex debeat esse rationabilis & iusta; unde videtur sequi, consuetudinem ipsi contrariam fore iniustam & irrationabilem: quia etsi consuetudo contraria legi, eamque abrogans, sit contra rationem talis legis, non tamen est contra omnem rationem aliam: siquidem contraria diuersis respectibus possunt esse rationalia, arg. c. *Quia non debet*, & *De consanguinitate*. Et hinc fit, quòd consuetudo possit etiam abrogare legem, habentem clausulam, *Non obstante contraria consuetudine*, siue præterita scilicet siue futura, ex noua nimirum & iusta ratione superueniente, quæ iniustitiam seu iniquitatem consuetudinis pro eo tempore, quo lex eam tollit, aufert. An autem consuetudo contraria legi vel statuto probetur per simplicem obseruantiam, an verò demonstrari debeat, quòd in contradictorio iudicio fuerit obtenta, quæri potest. Posterius tenet Surd. *Conf. 393. n. 25. per l. De quibus, in verbis, in omnibus D. De LL. & alios, quos citat.*

§. IV. De Stylo.

1. *Quid per Stylum hic intelligatur.*
2. *Stylus Curie Rom. ius facit.*
3. *Etiam in alijs Curijs obseruandus est.*
4. *Allegans stylum probare cum debet.*

Questadmodum Consuetudo dupliciter sumitur, prout vel est facti, vel iuris seu ius quoddam: ita proportionem quadam Stylus, prout speciatim à Iurisperitis usurpatur, sumi potest vel pro modo ac formula quasi artificiali procedendi in causis & negotijs, ut docet Bart. in *l. De quibus D. De LL.* sicque vocari Stylus facti: vel pro iure quodam ex huiusmodi formula & modo procedendi nato: * sic enim dicimus Stylum Curie Romanæ facere ius, maximeque in rescriptis attendi debere, c. *Quam graui*, & *De crimine falsi*, & allegari posse in decisionibus, quando ius non est in contrarium, c.

H

Litteras

- Litteras* & *De iuramento calumnie*. Videatur Farinac. 2. p. *Decis.* 88. n. 1. vbi dicit, stylum semper attendi debere, quando est Iuri conformis, per e. *Ex litteris*, & *De Constitut.* Et maxime in respicientibus processum & modo procedendi attendi debet, Farinac. 1. p. *Decis.* 704. n. 6. Debet verò necessario stylus Curiae Rom. seruari etiam in omnibus alijs. Curijs. Farinac. d. p. *Decis.* 212. n. 2. etiam extra statum Ecclesiasticum, maxime vbi agitur de interpretatione litterarum Apostolicarum, vel statuti à Sede Apostolica confirmati, vt idem Farinac. docet *ibid.* *Decis.* 196. n. 2.
4. Quemadmodum autem allegans consuetudinem, probare eam debet, ita & allegans stylum alicuius Curiae, eum probare debet, & quidem in indiuiduo & concludenter. Farinac. 2. p. *Decis.* 486. n. 7. & *Decis.* 301. n. 7. vbi alios citat. Quamuis quando respicit ordinaria iudicij possit Iudex se de illo extra iudicialiter informare, vt ibidem docet Farinac. *Decis.* 725. n. 5. alioquin stylus contra ius, & respiciens decisoria, concludenter probari debet, non per simplicem fidem, vt idem docet 1. p. *Decis.* 256. n. 5. nec per fidem extra iudiciale Procuratorum, *Decis.* 644. n. 4. Probatur verò ex assertione plurium Notariorum & Causidicorum, & inspectione aliorum processuum, Farinac. 1. p. *Decis.* 393. n. 2. Quod de styli duplici acceptione diximus, idem dici potest de ritu, qui videtur significare vsum & obseruantiam circa solemnitatem alicuius actus, aut ius quoddam non scriptum, ortum ex tali obseruantia solemnitatis circa tales aut tales actus.

TITVLVS QVINTVS.

De Postulatione Prælatorum.

1. Ratio ordinis.
2. Quid sit Postulatio.
3. Qui postulandi.
4. 5. Debet concors esse Postulatio & certa.
6. Quale impedimentum esse debeat in postulando.

Antea egimus de Iure scripto, eiusque principijs & partibus; & de iure non scripto, eiusque etiam partibus. Quia verò parum est iure condere vel nosse, nisi sint, qui ea tueantur & obseruari curent, l. 2. D. De orig. iuris, c. Vbi periculum §. praterea. De electione in 6. adeo quòd leges absque Magistratibus sint, sicut nauis sine gubernatore, phalanx sine duce, & Magistratus sit lex loquens, vt inquit

inquit Cicero, *lib. 3. De Legibus, & Orat. pro Cluentio*; vt non immeritò dixerit Pindarus, Iustitiam absque interprete mutam esse: ideo nunc de Personis Ecclesiasticis, id est sacrorum Canonum ministris, *Distinct. 21. in princ.* earumque assumptione ad dignitates agendum est. Cum verò tribus potissimum modis ad eas assumi contingat, Postulatione, Electione, & Translatione; idcirco de his tribus in primis tractandum est: & primò quidem de Postulatione, quamvis hæc in subsidium Electionis sit introducta, vt si quis per Canones eligi prohibeatur, saltem subsidio Postulationis admittatur: quia Postulatio innititur gratiæ, iuxta *c. bona memoria 3. in fine, & Abbatem in Rubr. h. t.* Frustraque ageretur de electione eius, qui ob canonicum aliquod impedimentum eligi non potest.

Est autem Postulatio (vt alias eius omittam significationes, & inter eas illam, quæ querelam denotat vel petitionem, quæ fit in iudicio aduersus aliquem) strictè sumpta, & prout ab Electione distinguitur, concors, certa, & simplex Capituli vel aliorum petitio, apud superiorem facta, vt certa aliqua persona ad Prælaturam promoueatur, ad quam ob aliquod impedimentum vel defectum iure eligi non potest, cum tamen Ecclesiæ utilis futura speretur: * veluti si agatur de Laico 3 in Episcopum assumendo, *can. Osius Distinct. 61.* vel de eo, qui illegitimè natus est, *c. Innotuit, & De electione*; vel ætate minor est, *c. Cum in cunctis*; *c. Cum nobis & De Elect.* vel in minoribus constitutus, *c. Præterea, & De ætate & qualitate ordin.* vel si Episcopus aut Archiepiscopus vnius Ecclesiæ expetatur ab alia, *c. vlt. iuncto c. Bona memoria, & h. t.* vel nondum religionem professus exposcatur Abbas, *c. Cum monasterium, & De elect.* Cum enim hi eligi prohibeantur, postulari debent, *d. c. Cum in cunctis.*

Dictum est, concors; quia Postulatio debet à Collegio concorditer fieri, *c. Bona memoria §. nos igitur, & c. vlt. h. t.* id est vel ab omnibus, vel saltem, vt vult Panormit. à maiore parte Capituli seu Collegij, & saniori, *arg. c. 1. in fine & c. vlt. & De his, quæ fiunt à maiori parte Capituli, & colligitur ex c. Scriptum, & De elect.* Quòd si Postulatio cum Electione concurrat, necesse est, vt numerus postulantium duplo sit maior numero eligentium; alioqui electio præfertur, *d. c. Scriptum, & ibi latè Panormit.* Cuius ratio est, quia Postulatio gratia nititur, nec vllum ius postulato tribuit, qui aliquo defectu laborat, & quem proinde superior non cogitur admittere, *c. Postulationem h. t.* At verò Electio iure nititur, quod difficilius expugnatur.

Dictum est, certa; quia incertis verbis Postulatio facta est nulla: vt si dicatur, Eligamus postulando, aut Postulamus eligendo, vel alijs similibus modis, relatis in *c. unico eod in 6.*

Dictum est, ob aliquod impedimentum, non autem, ob delictum; 6

quia qui crimine aliquo aspersus est, vel notatus, neque eligi neque postulari potest, *d. c. unico*. Debet quoque hoc impedimentum esse Canonicum, ut per superiorem tolli possit: & si postulatus sit minor ætate, debet attigisse 27. annum, *c. unico h. t. in Extravagantibus Ioannis XXII.* Debet insuper videri, ne in eiusmodi postulationibus dispensatio super talibus defectibus & Canonicis impedimentis difficilis sit, & dura Ecclesiæ futura: qua de re vide Panorm. *ad c. fin. circa finem h. t.* Hinc postulari non debet tanquam postulatione indignus, qui violauit interdictum, *c. i. h. t.* Debet etiã idoneus postulari; alioqui doctrinã & moribus indignum scienter postulantes, pro ea vice amittunt ius postulandi: sicut & superior amittit potestatem, alium postulatum admitrendi, qui sciens postulatum indignum admisit, *c. i. & 2. eod. tit.* quia sic abutitur suâ potestate, *d. c. Scriptum in fine De electione.*

TITVLVS SEXTVS.

De Electione & Electi Potestate.

§. I. Quid sit Electio, & quomodo distinguatur à Postulatione.

1. Quid significet Electio.
2. Sumitur generaliter & specialiter.
3. Definitio Electionis.
4. Locum habet in dignitatibus Ecclesiasticis.
5. In quibus differat à Postulatione.

DE Postulatione iam dictũ est, qui est modus promouendi ad dignitatem Ecclesiasticam per viam gratiæ: sequitur de Electione, qui modus est promouendi aliquem per viam iuris. *

- Tametsi autem Electionis nomen ex vi sua denotet delectum rei alicuius vel personæ, è duabus vel pluribus, *c. In causis cum seq. h. tit.* tamen in hac materia restringitur ad personam, quatenus quis ad certam Ecclesiæ functionē & dignitatem eligitur. Et hoc modo sumptum dupliciter capi potest; primò generaliter, vt non solum Electionem, specialiter sumptam, sed & Postulationem, Præsentationem, Nominationem ac Collationem comprehendat, quia in his omnibus eligenda est persona, beneficio idonea, quæ postuletur, præsentetur, nominetur, & cui conferatur beneficium: secundò specialiter, & prout à reliquis

reliquis distinguitur ; * sicque est alicuius ad dignitatem aliquam Ecclesiasticam vacantem canonicè facta vocatio , auctoritate superioris confirmanda. 3

Dicitur , ad aliquam dignitatem ; quia in simplicibus beneficijs Electio , propriè dicta , locum non habet , * sed in dignitatibus & Prælaturis Ecclesiasticis , maximè quæ iurisdictionem aliquam in Ecclesiasticas personas habent adiunctam : quæ ideo beneficia Electiva dicuntur , nec ad alicuius dispositionem pertinere. Huiusmodi sunt Pontificatus , Patriarchatus , Archiepiscopatus , Episcopatus , omnesque Collegiatarum Ecclesiarum Præposituræ , nisi aliter ex fundatione , consuetudine , præscriptione legitima aut privilegio obtineat : in quibus Electio potius obtinet , quàm collatio , ut is qui præficiendus est , sit gravior Clero ipsius Ecclesiæ , dum eius suffragijs eligitur. Et ideo si quis aliter , quàm per electionem totius Collegij , ad dignitatem Ecclesiasticam aspiraverit : veluti si fortè per collationem fuerit promotus , tanquam per cupiditatem & contra Canonice regulæ disciplinam , expellendus est , c. 1. h. tit. 4

Licet igitur olim iura promiscuè vterentur verbo Postulationis & Electionis , ut patet ex *can. Statuimus Dist. 61. & can. 1 litteras Dist. 63.* tamen plurimum differunt. Nam , ut dictum est , Postulatio est introducta in subsidium Electionis , ut eius incapax promoveatur : nullum ius postulato tribuit , sed solà gratiâ superioris nititur , qui eam admittere vel reijcere potest : & iure ordinatio à solo Papa admitti potest , quia is solus Canonica seu iuris communis impedimenta iure ordinario relaxare potest. Insuper qui eligi potest , postulari non potest , & è contrà. At verò Electio introducta est , ut capax promoveatur : iure nititur , nam tribuit electo ius ad rem , & per eam initiatur vinculum matrimonij spiritualis inter ipsum & Ecclesiam , ad quam eligitur ; confirmarique potest de iure communi ab alio , quàm à Papa. Et quando ad inferiorem spectat confirmatio , eam , si legitimè facta fuerit , confirmare debet : alioquin si distulerit , potest ei præfigi tempus , intra quod confirmet ; & , si intra illud non confirmaverit , confirmatio devolvitur ad superiorem. 5

§. II. Quando faciendâ sit Electio.

1. Electio non nisi mortuo & sepulto Prælato faciendâ regulariter,
2. Quo loco convenire electores debeant.
3. Convocandi & citandi sunt omnes.
4. Per Procuratorem electio quatenus fieri possit.

5. Electio, non secuto effectu, non euacuatur.

6. A seculari facta electum inhabilem reddit.

Priusquam de electione Prælati Ecclesiæ agatur, Ecclesia debet esse viduata suo pastore seu Prælato, quandoquidem iusti possessoris beneficium alteri dari non possit, *c. 2. & 3. De concessioneprebende*. Nec ante sepulturam defuncti Prælati, saltem ex honestate, fieri debet, aut de ea tractari: alioqui antè facta, nisi aliud obstat, non valebit, *c. Bona memoria 36. iuncta Glos. h. tit.* * Moruo verò & sepulto Prælato, debent electores, scilicet, qui sunt de Collegio Ecclesiæ viduatae, cui Prælatus quaeritur (nam ad hos de iure Decretaliū spectat electio, *c. 1. & c. Cum terra h. t.*) in Capitulo conuenire: diem electionis statuere, eamque per litteras absentibus nuntiare: locum electioni commodum designare; qui locus plerumque est Capitulum, *c. In causis, & eod. tit.* vel choris Ecclesiæ, vel alius honestus & decens secundum consuetudinem, modò non sit clandestinus: nam clandestinas electiones reprobatur Pontifex in *c. Quia propter 9. electiones h. t.* Quòd si non possit conueniri inter Canonicos de loco, is per sortem eligi potest; licet electio per sortem fieri nequeat, Steph. Gratianus *Disceptat. forens. cap. 655. n. 43. ubi alios citat.* Oportet autem omnes, qui ius eligendi habent, siue de iure communi siue ex privilegio vel pacto, siue ex præscriptione, quæ ius eligendi tribuit, *secundum Glos. & alios in c. Humana 50. h. t.* nisi ius repugnet (hinc enim laicis nequidem ex consuetudine vel præscriptione potestas eligendi permitti potest, *c. Messana 56. h. t.*) vocari & citari legitimè, ut electioni intersint, si modò sine periculo Ecclesiæ vocari & exspectari possint: alioqui si aliquis eorū præteritus fuerit, poterit is ob sui contemptum agere, & electionem etiam confirmatam infirmare, *c. Lona 36. h. t.* nisi malit electioni aliorum accedere, eamque ratam habere, prout potest etiam ex postfacto, *c. Quod sicut 28. h. t.* vel consuetudine obtineat, quòd absentes non vocentur. Quòd si quis vocatus & citatus legitimè, ob iustum impedimentum interesse nequeat electioni, licet non possit per litteras suffragium suum conferre, quia non ante electionem, sed in ipsa electione, secretè & sigillatim singulorum vota expromenda sunt, *c. Si quis iusto 9. absense eod. in 6.* * potest tamen per procuratorem, siue vnum siue plures, dummodò ex Collegio assumantur, *c. Quia propter 42. 9. illud h. t.* Et, si plures procuratores constituti fuerint, non aliter admittentur, quàm si singuli in solidum constituti sint: & erit tunc, quia omnes vocari possunt, ne in diuersos vota dirigant, melior conditio præoccupantis, *d. c. Si quis iusto in princ.* Nullo præoccupante, sed utroque, vel omnibus simul concurrentibus, ne in diuersos vota dirigant, is solus

is solus admittetur, quem Collegium vel maior pars elegerit, *d. c. Si quis iusto §. verum.* Dissidentibus verò Canonicis circa admittendum, is admittetur, qui primus in instrumento procuratorio nominatus fuerit, *d. §. verum.* Quòd si vnum dumtaxat procuratorem constituerit, necesse est, vt procurator certam personam expressè designet & suo & domini mandantis nomine, vt eandem, non verò diuerfas, nominet in scrutinio; nisi de certa persona eligenda mandatum speciale habeat: nam tum illam nomine procuratorio nominare debet, & suo nomine aliam eligere potest, si videatur magis idonea, *d. c. Si quis §. porro.* Quòd si nullus è Collegio velit esse procurator, tum receptum est, vt possit permittente, non tamen reclamante aut dissentiente, Capitulo, constituere extraneum, *d. c. Si quis §. absens, ibidemque Glos. in V. nolente.* Opus etiam est, vt procurator constitutus sit saltem Subdiaconus, vt colligitur ex *Clement. Vt ij qui de atate & qualitate* &c. Nemo autem inuitus electioni interesse cogitur, *d. c. Quia propter,* in verbo *nolunt:* potest enim quis iuri suo cedere.

Quòd si vocati fuerint non vocandi, valet electio, ijs non expectatis, *c. Cum inter 21. h. t.* Habens verò facultatem eligendi, præsentandi, aut nominandi, illam non abdicat à se, si electio, præsentatio, nominatio, non sortiatur effectū, quia nunquam in vllis dispositionibus censetur consumpta facultas, quando non est secutus effectus, *Steph. Gratian. Disceptat. forens. cap. 746. n. 13. & seq. tomo 4.*

Denique si quis electioni per abusum secularis potestatis de se factæ consenserit, is carere debet commodo electionis; fitque inhabilis, sic, vt absque dispensatione ad aliam dignitatem eligi non possit. *c. Quisquis. 43. h. tit.*

§. III. Intra quod tempus fieri debeat Electio.

1. *Int' a tres menses facienda Electio.*
2. *Aliàs ad proximum superiorem deuoluitur ius eligendi.*
3. *Ab exemptis ad summum Pontificem.*

IN Ecclesijs Cathedralibus vel Regularibus fieri electio debet intra tres menses, nisi iustū subsit impedimentum, quod non possint electores tollere. Et incipiunt dies computari, non à die vacationis, sed à die, quā Canonicis, vel alijs de Collegio innotuit vacatio Ecclesiæ, *c. Ne pro defectu, iuncto Immo. & alijs h. tit.* * Canonicis verò vel alijs, intra hoc tempus electionem negligentibus, ius eligendi deuoluitur ad proximum superiorem, *d. c. Ne pro defectu:* licet olim deuolueretur

uolueretur ad Romanum Pontificem, *c. Dilectus*, & *De concessione præben-
da*: qui superior debet intra tres alios menses Prælatum eligere ex ipsa
Ecclesia vacante, si in ea dignum inueniat; alioqui ex alia, *d. c. Ne pro
defectu*: eoque negligente deuoluitur electio ad alium superiorem; &
3 sic gradatim vsque ad Papam, *d. c. Ne pro defectu*; * ad quem statim
ius eligendi deuoluitur, quando Canonici, negligentes electionem,
sunt ab Archiepiscopi iurisdictione exempti, ac iammo Pontifici im-
mediate subiecti, *c. icet* & *De supplenda neglig. Prælatorum*. Idem ob-
tinet in Præfecturis, & alijs dignitatibus regularibus exemptis, per ele-
ctionem dari consuetis, *Clement. 1. De supplenda neglig. Prælatorum*. Potest
tamen consuetudine induci, vt vna Ecclesia de gremio alterius tenea-
tur sibi Prælatum eligere, *c. Cum dilectus h. t.*

§. IV De Forma & modo Electionis.

1. Forma Electionis triplex.
2. Electio per scrutinium.
3. Qua dicatur maior & sanior pars.
4. Electio per compromissum.
5. Electio per quasi inspirationem diuinam.
6. An hac forma etiam in Prælatis Episcopo inferioribus locum habeat.

1 **F**ormam Electionis triplicem tradit Innocentius in *c. Quia pro-
pter 42. h. t.* nempe per scrutinium, per compromissum, & quasi
per inspirationem diuinam: & aliter facta electio non valet, &
contra facientes priuandi sunt eâ vice potestate eligendi, *d. c.*
Quia propter.

2 Per scrutinium fit electio, quando præsentibus omnibus, qui de-
bent, volunt & possunt interesse, tres de Collegio fide digni eliguntur,
qui præsentium vota secretò & sigillatim diligenter excipiant, certa
scilicet pura, libera, nullâque adiectâ conditione vel alternatione, *c. 2.*
eod. in 6. iuncto d. c. Quia propter & c. Cum terra h. t. deinde in scripturam
redacta mox scrutinium publicent in communi: vt ex suffragiorum
collatione is vnus sit electus, in quem omnes vel maior & sanior pars
consenserit, *d. c. Quia propter & alijs h. t.* Nam electio per maiorem par-
tem Capituli facta non tenet, nec per subsequentem consensum ratifi-
cari potest, *c. Auditis 29. h. t.* Publicatione autem factâ nullius suffragij
mutatio admittitur, *c. Publicato 58. h. t.*

3 Dixi, maior & sanior pars; quia non sufficit maior, nisi etiam sit sa-
nior, *d. Quia propter*. Maior pars est, vbi est maior eligentium numerus:
sanior verò pars spectatur ex auctoritate & zelo eligentium, & electi
meritis.

meritis. Hinc si in Ecclesia Cathedrali sint octodecim Canonici; & duodecim Trium elegerint, sex Sempronium, qui tamen sint sanioris iudicii: neutra electio subsistit, quia in utraque alterum desideratur, *c. Ecclesia vestra 57. h. t.* nisi numerus eligentium alterius partis alteram in duplum excesserit: nam eo casu nulla habebitur ratio alterius partis, licet sanioris, nisi quod ipsi maneant saluum ius expugnandi aliorum vota ex alio capite, veluti quia sint excommunicati maiori excommunicatione, suspensi per sententiam ab officio, irregulares, *c. Si quando & ibi Glos. eod. in 6.* non quidem ut minuant seu attenuent aliorum vota, sed ut nulla reddant, *Glos. ibid.* Quod si verò maior pars scienter indignum elegerit, valet electio de digno, à minori parte, etiam ex eodem scrutinio facta, *c. Congregato 53. h. t.*

Per compromissum fit electio, quando ij, quorum est eligere, compromittunt in vnum vel plures idoneos, eiusdem vel alterius collegij, qui vice eorū eligant. Et in eum, quem illi elegerint, consentire omnes, & si sit idoneus, recipere tenentur, *d. c. Quia propter, iuncto c. Causam que 2. & alijs h. t.* nisi contra formam compromissi appareat eum electum esse, *c. Cum electus 32. eod.* Dixi in vnum vel plures, quia sufficit in vnum compromittere, *c. Si compromissarius eod. in 6.* Imò subinde expedit, ob hominum ad dissentendum naturalem facilitatem. * Licet autem in alijs Collegij negotijs explicandis sufficiat consensus maioris partis: tamen in compromittendo omnium consensus exigitur, adeo ut vnus dissensus compromissum impediatur, *d. c. Quia propter, ibi: qui vice omnium, & ibid. Panormit.* Nam cum compromissum sit voluntarium, ab omnibus recipi debet, iuxta *c. Quod omnes De reg. iuris in 6.* Quod si compromissum simul concurrat cum scrutinio & permixtum exerceatur, veluti si compromittatur ut compromissarii, siue vnus siue plures, secretò & sigillatim vota exquirant, illumque eligant, in quem maior & sanior pars Collegij consenserit: tunc ea, quæ in scrutinio necessariò obseruanda sunt, etiam in hac specie adhibenda erunt, *c. Si cureod. in 6.* Factà verò electione electores in præiudicium electi compromittere non possunt.

Per quasi inspirationem diuinam seu viam Spiritus sancti dicitur fieri electio, quando ab omnibus vnanimiter, & veluti conspirante consensu, quasi per inspirationem diuinam vnus eligitur sine vicio *d. c. Quia propter.*

Etiā autem non desint, qui velint hanc formam electionis, ab Innocentio præscriptam, etiam in alijs Episcopo inferioribus Praelatis seruati debere: verius tamen est contrarium, cum id iure cautum non sit, præterquam in Praelatis Ecclesiarum Regularium: ad quas eadem forma rectè produciatur ex Innocentio in *d. c. Quia propter. in V. Ecclesia viduata.*

viduata. Verum hanc controuersiam quoad Regulares sustulit nobis Concilium Trid. Sess. 25. c. 6. *De Regularibus*: ubi & de electione Abbatissæ aut Priorissæ, aut cuiusvis alterius nominis Præfectæ seu Præpositæ vide plenius.

§. V. Quinam eligere vel eligi prohibeantur.

1. Eligendi ius non habent laici, impuberes &c.
2. Non potest quis seipsum eligere aut præsentare.
3. Enumerantur, qui eligi non possint.

IN primis ius eligendi non habent laici, nequidem ex consuetudine vel præscriptione, c. *Messana* 56. h. t. Et ideo ad clamorem populi facta electio non debet per superiorem confirmari, c. *Ofius* 2. eod. quamuis patroni circa electionem iam factam meritò postuletur assensus, c. *Cum terra* 14. in fine eod. tit. alioquin ei nequidem per compositionem, cum Prælato & Capitulo factam, potest ius eligendi competere in collegiata Ecclesia, c. *Sacrosancta* 51. eod. Item neque impuberes, factis Ordinibus non initiati, suspensi ab homine seu per sententiam Iudicis; nam secus de suspensis per Canonem: non excommunicati maiori excommunicatione, non irregulares, de quibus in c. *Is cui.* De sent. excommunicat. in 6.

2 Non potest etiam quis seipsum eligere, c. *fin. x. De constitut.* sicut nec præsentare, quia inter dantem & accipientem debet esse distinctio. Nec obstat, c. *Cum in iure* 33. h. t. ubi si ex compromissarijs tres eligantur, quartus electus consentiendo electioni de se factæ, à media parte eligentium auget numerum, & electionem perficit: quia id obtinet, quando proceditur per modum compromissi; secus dum per modum scrutiniij vel quasi inspirationis diuinæ.

3 Similiter non omnes eligi possunt: ut in primis Laici, can. 1. *Distinct.* 61. nisi ex causâ, can. *Statuimus* §. 1. d. *Distinct.* non excommunicati maiori vel minori excommunicatione: non suspensi, c. *Per inquisitionem* 26. h. t. & c. *Cum dilectus* 8. sup. D. De consuetudine: non interdicti, vel impedimento aut vitio corporis affecti, quo nequeant ministerio inservire: non reprehensibilis: non curialis: non neophytus in fide, id est qui nuper fidem Christianam amplexus est, ne in superbiam erigatur: non qui morbo contagioso vel incurabili laborat: non irregularis: non schismaticus, etiam si ad vñionem Ecclesiæ sit reuersus; licet ex dispensatione possit confirmari, c. *Quia diligentia* 5. h. t. Non Simoniacus, publicus aleator, sacrilegus, usurarius: non illegitimus, talem

ralemque eligentes, nisi probauerint se ignorantes elegisse, incidunt in pœnas Concilij Lateranensis, *c. Innotuit* 20. *h. t.* Non denique alio aliquo crimine notatus, ex ijs, quæ enumerantur in *can. Qui in aliquo Distinct.* 51. Licet autem in Abbatem vel Priorem Regularem eligi nequeat nouitius, non profectus Regulam, *c. Cum causam* 27. & *c. Cum in magistratum* 49. *h. t.* in Episcopum tamen eligi potest, *c. Nullus h. t. in* 6. In Prælatum verò Regularem non potest eligi non Monachus, *c. Cum ad nostram* 37. *h. t.* sicut nec in Abbatem non instructus in Regula monachali, *c. Officij* 38. *h. t.* Habens etiam plures dignitates vel beneficia curata, sine dispensatione eligi non potest, *c. Dudum* 54. *h. t.* Quod si verò electio alicuius cassata fuerit, non vitio personæ, sed electionis modo, iterum eligi potest: secus si vitio personæ, *c. Super eo* 12. *h. t.*

§. VI Qualis debeat esse seu eligi Episcopus.

1. Debet in primis esse iusta ætatis, probata vita & scientia.
2. Quanam requiratur scientia.
3. Pœna eligentium indignum.

Eligendus in Episcopum debet esse legitimè natus, tricesimum annū ætatis excessisse; probatæ vitæ & scientiæ, *c. Cum in cunctis* 7. & *c. Innotuit* 20. *h. t.* & alijs qualitatibus præditus, quæ iuxta sacros Canones & Conc. Trid. decreta requiruntur. Conc. Trid. Sess. 24. c. 1. De reform. & Sess. 7. c. 1. De reform. ac insuper in ordine Subdiaconatus, & quidem sex mensium spatium ante electionem. Conc. Trid. Sess. 22. cap. 2. De reformat. * ubi latius vide, quæ & quanta in eligendo scientia requiratur, sicut & in *can. Qui Ecclesiasticus* §. ecce *Distinct.* 36. *can. Qui Episcopus Distinct.* 23. Debet autem in genere esse talis & tantæ, ut muneri sibi iniungendi necessitati satisfacere possit.

Debent verò electores, quantum in se est, adniti, ut semper dignissimi eligantur, iuxta communem sententiam tam Theologorum quam Canonistarum, de qua vide Couar. ad reg. Peccatum p. 2. §. 7. nu. 4. nam aliàs totius familiæ Domini status & ordo nutabit, si, quod requiritur in corpore, non inueniatur in capite. Conc. Trid. d. Sess. 24. cap. 1. Eligentes scienter indignum, pro prima vice sunt privati potestate eligendi, *c. Cum Vintoniensis* 25. *h. t.* & ab Ecclesiasticis beneficijs per triennium suspensi. Nec possunt interim ad illam dignitatem eligi vel assumi, *c. Cum in cunctis innot.* Per inquisitionem 26. *h. t.* & defectum Capituli supplet Episcopus d. c. *Cum in cunctis*, §. Clerici sanè.

§. VII. De Confirmatione.

1 & 2. Qui à quibus confirmandi.

3. Poena ingerentium se adinistratiōi Ecclesie, omisā confirmatione.

4. Ordo petende confirmationis.

5. Quid obseruare debeat, cui ius est confirmandi.

6. Ante confirmationem citandi contradictores.

7. Confirmati potestas ante consecrationem.

Electione canonicè peractā & publicatā, priusquam electus Ecclesie administrationi se immisceat; necessariò confirmari debet, c. *Postquam* 3. h. t. à suo scilicet superiori, cui subijcitur: vt Abbas, alijsque inferiores, ab Episcopo; & iura communi antiquo Episcopus à suo Archiepiscopo; Archiepiscopus à suo Patriarcha vel Primate; Patriarcha à summo Pontifice vel Legato in provincia; sicut & quilibet immediatè subiecti summo Pontifici, vel quorum confirmationem singulari iure Pontifex sibi reseruauit: prout sibi reseruauit confirmationem Episcoporum Germanie, vigore Concordatorum, c. *Nihil* 44. §. *ceterum*. h. t.

2 Hodie verò, postquam Romani Pontifices per secundam Regulam Cancellarie sibi generaliter omnes & ecclesias Patriarchales, Primatiales, Archiepiscopales & Episcopales, reseruauit, omnium horum confirmatio vel institutio ab ipso summo Pontifice petenda est; siue electi fuerint, vbi adhuc viget mos eligendi; siue nominati & designati ex priuilegio à Principibus, Regibus, Imperatoribus, vel alijs Patronis.

3 Quòd si, omisā confirmatione, electus per se vel per alium, in totum vel partem, sub quocumque colore vel prætectu, id est, siue titulo electionis, siue titulo procuratoris vel economi, administrationi Ecclesie se ingesserit, ipso iure priuatur iure sibi per electionem quæsito, c. *Nosti* 9. c. *Qualiter* 17. h. t. c. *Auaritia*, eod. in 6. quia non debet ipse sibi honorem assumere, sed vocari tanquam Aaron. d. c. *Qualiter*. Excipiuntur tamen ij, qui extra Italiam in concordia electi, à summo Pontifice confirmandi sunt: quibus ob Ecclesiarum necessitatem & utilitatem facta est potestas administrandi Ecclesiam, tam in spiritualibus, quam in temporalibus; sic tamen, vt de rebus Ecclesiasticis nihil peritus alienent, d. c. *Nihil* §. *ceterum* h. t. Quod à Bonifacio VIII. ad Abbatissas certo modo portectum est; c. *Indemnitatibus*, si verò & §. *ceterum* eod. in 6.

Fixi antè, electione canonicè peractā; quia nullus nisi canonicè electus.

Etus confirmandus est, *can. Nullus Distinct. 62. & ibi Archidiaconus & Geminianus*. Quod si verò quis non canonicè electus, confirmatus fuerit, angusta per eum valeant, vide Panorm. it. in *d. c. Nullus h. t.*

Ordo petendæ confirmationis hic præscribitur in *c. Quam sit eod. in 6.* 4
 ut in primis, electione peractâ, electores, postquam commodè possunt, intra octo dies electionem nuntient electo; alioquin suspendantur ad tres annos ab omnibus beneficijs ipsius Ecclesiæ, de cuius Prælati confirmatione agitur, *c. Cupientes, §. ceterum, eod. in 6.* Inde electus, 2 die nuntiatur electionis, intra mensem electioni de se factæ consentiat, & eam acceptet, cessante iusto impedimento, sub pænâ excidendi iure sibi per electionem quæsito. Postquam verò electioni de se factæ consensit, & eam acceptavit, intra tres alios menses sequentes confirmationem electionis petere tenetur, cessante iusto impedimento, sub simili pænâ priuationis iuris sibi per electionem competentis: licet non teneatur eam obtinere, quia sæpè plus temporis labitur, antequam cum Camera Apostolica super annatis componatur. Impedito autem, accusato, denunciato, inquisito, tempus nō currit, Mald. *De iust. & iur. & relig. tit. 9. cap. 2. Dubio 10.* Hoc tamen trimestre petendæ confirmationis postmodum Nicolaus I I I. immutavit in electione ad Cathedrales & Regulares Ecclesias: quarum confirmatio ad summum Pontificem spectat, vel, interiectâ appellatione, deuoluitur; ut scilicet intra vnum mensem post consensum vel notitiam electionis ipsemet electus per se, vel, si legitime sit impeditus, per procuratorem ad sedem Apostolicam iter arripiat, & ad illud conficiendum tantum temporis sumat, quantum necesse fuerit pro locorum intervallo. *d. c. Cupientes, iuncto c. Si postquam eod. in 6.* vbi pleraque alia ab eo adiecta videre licet.

Cauere autem diligenter debet is, ad quem ius confirmandi spectat, 5
 ne præcipitanter confirmet; sed ante omnia diligenter de persona electi, eiusque sufficientia, vita, moribus, ac ipsamet electione vel electionis actu seu processu inquirat & exploret: ut tunc demùm, si rite omnia confecta viderit, confirmationis munus electo impendat, *d. c. Nihil & Cum nobis 19. h. t.* alioquin si per negligentiam indignum confirmet, perdit potestatem confirmandi primum successorem & à perceptione fructuum proprii beneficii; & promotus deijcitur, *d. c. Nihil*. Vide quæ statuit Conc. Trid. de examine promouendorum ad Cathedrales Ecclesias, quoad natales, sufficientiam, mores, vitam, doctrinam, ætatem, & alia à sacris Canonibus requisita, faciendo, & ad Pontificem transmittendo, *sess. 2. cap. 2. & sess. 24. cap. 1. De reformat.* cuius ordinationem postmodum renouauit, & in multis ampliavit Gregorius X I I. ut videre licet in eius Bulla, quam refert Piacet. in *Praxi sua Episcop. cop. in proem. de Electione n. 2.*

- 6 Quod si electus coelectum vel alium suæ electionis aduersarium habeat, is ante confirmationem omninò citandus erit : aliàs verò, vbi concors fuerit electio, aut nullus nominatim se opponit electioni, generale & peremptorium edictum proponendum est in Ecclesia, in qua celebrata est electio, quo contradictores, si qui sint, moneantur, & euocentur, vt sit itò die & loco confirmationis faciendæ veniant, causas improbationis electionis & impediendæ confirmationis dicturis : alioqui, prætermisâ hac obseruatione, confirmatio nullius erit momenti, *c. fin. eod. in 6.*

Electus autem à maiori & saniori parte Capitali, si est & fuerit idoneus tempore electionis, confirmabitur: si verò erat indignus in ordinibus, scientia, vel ætate, & fuerit scienter electus, tunc electus à minori parte, si est dignus, confirmabitur, *c. Dudum 22. h. t.*

- 7 Caterùm canonicè confirmatus Episcopus ante consecrationem ex iure communi potest exercere ea, quæ sunt iurisdictionis Episcopalis, vt excommunicare, corrigere, iuramenta à vasallis recipere, beneficia conferre, instituere, & alia similia; non etiam ea, quæ sunt ordinis Episcopalis, veluti Ordines conferre, *c. Nosti 9. & alij. h. t.* sicut nec ea, quæ competunt Episcopo ex priuilegiò: qualia habentur in *c. vlt. De penit. & remiss. c. Quod nonnulli De priuileg. & c. vlt. eod. tit. in 6.* vel ex delegatione, Felinus in *c. Fam te à n. 17. sup. De rescriptis*, Piacel. d. loco. Nec isto iure requiritur, vt Episcopus confirmatus adeptus sit possessionem ad plenam administrandi potestatem, nisi alicubi contrarium consuetudine fuerit receptum. Iure nouo in *c. iniuncta De elect. in Extrauag. communibus*, opus est, vt Episcopus, si velit exercere ea, quæ sunt iurisdictionis, post confirmationem suam obtineat litteras Apostolicas: alioqui nec admitti nec recipi tanquam Episcopus, nec possessionem Ecclesiæ sibi collatæ consequi potest.

§. VIII. De Consecratione Episcopi, & eius forma.

1. Consecratio à confirmatione intra menses tres petenda.
2. 3. A quibus fieri debeat, & quâ die.
4. Formæ Consecrationis.
5. Effectus eiusdem.
6. Electionis hodie exiguum esse vsum in Belgio.

Episcopi electionem & confirmationem sequitur consecratio, sine qua non dicitur Episcopus, *c. vlt. inf. De translat. Episcopi*. Ea ultra tres menses à confirmatione, cessante legitimo impedimento, protrahi non debet, vt colligitur ex *can. Quoniam Distinct. 75.* & nouissimè ex Conc.

Conc. Trid. Sess. 23. cap. 2. De reformat. ubi pœnam statuit, ut si intra tres menses non fiat, promotus teneatur ad fructuum perceptorum restitutionem: sin intra totidem tres alios menses eam petere & procurare neglexerit, ipso iure sit priuatus Ecclesiâ suâ.

Consecrandus vero est Episcopus ex Apostolorum constitutione à tribus ut minitum eiusdem prouinciæ Episcopis, reliquis assensum præbentibus, & accedente de iure communi iussu Archiepiscopi, c. 21 Archiepiscopus inf. De temporib. ordinationum; nisi fuerit vnus ex tribus illis: quamquam melius foret, si ipsemet Archiepiscopus vnâ cum Suffraganeis hoc munus consecrationis obiret, d. c. cum c. seq. uti olim fieri solebat, ut patet ex can. Episcopi, & alijs Distinct. 64.

Congregatis autem eiusdem Prouinciæ Episcopis, fieri debet consecratio die Dominicâ, & horâ tertiâ lucis; scilicet secundam Canones, quia Episcopi vicem Apostolorum obtinent, quibus in die Pentecostes horâ tertiâ Spiritus sanctus datus est. Et præmitti debet scrutinium cum precibus, can. Ordinationes Episcoporum Distinct. 72. ubi scrutinium vocatur examen ordinandi in Episcopum, secundum ea, quæ habentur in can. Qui Episcopus Distinct. 23.

In ipsa consecratione peragenda duo Episcopi ponunt & tenent Euangeliorum codicem super caput & ceruicem eius, qui consecratur, d. can. Ordinationes: vnoque super eo fundente benedictionem, reliqui omnes Episcopi præsentibus manibus suis caput eius tangunt, can. Episcopus Distinct. 25. & illud vnâ cum manibus inungunt sacro chrismate: quod ex oleo; nitorem seu puritatem conscientiæ, & ex balsamo, odorem seu integritatem famæ significante, conficitur. Vide plenius inf. Tit. De sacra vnctione; sicut & de alijs caeremonijs ministeriorum, quæ adhiberi solent, in Pontificali Romano.

His peractis, Episcopus consecratus Ecclesiæ Romanæ, & eius Pontificibus, fidelitatis iuramentum præstat, iuxta formam præscriptam in c. Ego N. Episcopus, & De iureiurando.

Peractâque consecratione, aut elapso termino consecrationi præstituto, omnia beneficia Ecclesiastica, si quæ habet, ipso iure vacant, libereque ab eo, ad quem collatio spectat, conferri possunt. c. Cum in cunctis 7. §. cum verò h. t. si modò habuerit possessionem, vel pereum steterit, quò minùs habuerit: nam ad vacationem vtrumque requiritur, & consecratio & adepta possessio, can. Si qui Episcopi Distinct. 92. Innocent. in d. c. Cum in cunctis, Ioan. Staphil. De vacat. per promotionem n. 2. Antea verò non vacant; quandoquidem consecratio ex causâ reiici possit à superiore, c. Super his inf. De accusationib. Glos. ad dictum §. cum vero: inò nec vacant, lapsis tribus mensibus, nisi habuerit administrationem bonorum. Innocent. d. loco.

Cæterum

- 6 Ceterum hodie exiguus est usus electionis : partim quia omnes Ecclesie Cathedrales & Metropolitane reſervate ſunt diſpoſitioni ſedis Apoſtolice per ſecundam Regulam Cancellarie ; partim quia in plerique regnis, & præſertim in hoc Belgio, Principes ex indulto Pontificis nominant perſonas ſibi probatas, non tantum ad Episcopatus, ſed etiam ad omnes primas dignitates, ſeculares & regulares : & ſuper huiusmodi perſonis nominatis Capitulum fingit electionis ſue proceſſum.

TITVLVS SEPTIMVS.

De Translatione Episcoporum.

1. Quid ſit Translatio.
2. Cur propria auctoritate fieri nequeat.
3. Ex quibus cauſſa fiat.
4. Queſtio, cur matrimonium ſpirituale inter Prælatum & Eccleſiam diſſolui poſſit, non etiam carnale conſummatum.

Non ſolum per Poſtulationem & Electionem, verum etiam per Translationem eorum, qui antè fuerunt, ſive per poſtulationem ſive per electionem, ad aliquam Eccleſiam promoti, Eccleſijs prouidetur : ac proinde, poſtquam actum eſt de duobus prioribus modis, ratio ordinis poſtulat, vt de hoc tertio agamus.

- 1 Eſt autem Translatio, Episcopi ipſius de Eccleſia, quam obtinet, ad aliam maiorem auctoritate ſummi Pontificis, propter Eccleſie neceſſitatem vel euidentem vtilitatem, translatio ſeu mutatio, *can. Mutationes v. l. q. l. Dixi, ad aliam maiorem ; quia ad minorem non fit translatio, can. Legitimus Diſtinct. 93. in fine.*

Dico, auctoritate ſummi Pontificis ; quia licet Episcopus electus iuri ſuo pro arbitrio renuntiare poſſit, *c. In præſentia inf. De renuntiat. nec à principio quis inuitus cogatur acceptare Episcopatum, can. Geſta can. Vbi iſta Diſtinct. 74. tamen, poſtquam confirmatus vel conſecratus eſt, non poteſt propria auctoritate propriam Eccleſiam deſerere, & ad aliam ſe tranſferre, c. 2. 3. & vlt. h. t. adeò vt ſi contrà fecerit, vtraque priueretur, d. c. 3. **

2 Ratio eſt, tum quia maiores cauſſe, cuius modi eſt translatio Episcopi, & alie, quæ à Gloſſa in d. c. *Inter corporalia* certis verſibus comprehenduntur, referendæ ſint ad Sedem Apoſtolicam : tum quia inter Episcopum ſive Prælatum & Eccleſiam ſpirituale quoddam matrimonium per electionem initiatur, per confirmationem ratifi

ratificatur, & per consecrationem consummatur, *d. c. ult.* ac proinde solius S. Pontificis auctoritate solui potest, & ad Ecclesiam aliam Episcopus consecratus transferri, *d. c. 2. & 3.* quia quod Deus coniunxit, homo non separet, *d. c. ult.* * Illud autem separate potest summus Pontifex, quia Christi vicem gerit in terris, *d. c. 3. versic. qui non puri hominis, & d. c. ult.* idque postulante Ecclesiae necessitate, veluti metu hostium, *can. Temporis v 11. q. 1.* vel euidenti utilitate, ut quia in alia Ecclesia plus proficere possit: vel suadente id bono pacis & concordiae, *Roman. Consil. 345.* quo pacto D. Petrus ex Ecclesia Antiochena se Romam transtulit, *d. can. Mutationes, & can. Beati Petrus & Paulus 2. q. 7.* ut ubi caput superstitionis erat, illic fieret caput sanctitatis & religionis; ubi gentilium Princeps habitabat, ibi sederet & moraretur Princeps Ecclesiae. Talis enim translatio antiquis vel nouis Canonibus non est prohibita, si modò fiat auctoritate summi Pontificis; cuius solius est iudicare, subsitne talis utilitas vel necessitas Ecclesiae: sed ea prohibita est, quae ex cupiditate & ambitione fit, tanquam ambitiosa & Ecclesijs pernitiola, *can. Episcopum, can. Propter v 11. q. 1.* Indulgentia verò summi Pontificis super huiusmodi translatione alicui concessa, ad litteram est seruanda, ut si ad maiorem dignitatem alicui transitus permittatur, vigore talis concessionis nequeat ad parem transire, *d. c. ult. h. t.*

Quæres, Cur summus Pontifex hoc matrimonium spirituale, per consecrationem consummatum, magis dissoluere possit, quàm carnale consummatum? Ratio est, quia matrimonium carnale consummatum Christus induxit ad significandam indissolubilem unionem Christi cum Ecclesia per carnem assumptam; & proinde ex ratione huius significationis habet omnimodam indissolubilitatem: at verò matrimonium spirituale, etiam per consecrationem consummatum, non habet hanc significationem: uti nec matrimonium carnale ratum & nondum consummatum, quod proinde per ingressum religionis dissolui potest, ut postea dicetur.

Quo pacto ergo, inquires, *in c. Inter corporalia 2. h. t.* dicitur, spirituale vinculum fortius esse carnali? Resp. non dici fortius quoad omnimodam indissolubilitatem; quandoquidem varijs modis dissoluitur, veluti translatione, depositione, renuntiatione auctoritate summi Pontificis facta: sed quoad alios respectus, veluti quia per matrimonium spirituale solui potest carnale; & spirituale ad se trahit carnale, non è contra. Nam, ut diximus, matrimonium carnale ratum, non consummatum, dissoluitur per ingressum religionis, etiam altero inuito, *c. Ex publico. x De conuersione coniugat.* & post matrimonium carnale, etiam consummatum, possunt coniuges mutuo consensu religionem profiteri, ut etiam postea dicetur: è contra verò matrimo-

nium spirituale non dissolvitur per carnale; nec semel professi religionem possunt postmodum contrahere matrimonium carnale. Adde, quoddam matrimonium spirituale etiam inde fortius vinculum dici possit, quoddam operetur fortius, quatenus imprimit characterem, qui etiam post mortem manet: cum interim matrimonium carnale per mortem alterius prorsus solvatur.

Translatus autem legitimè Episcopus nihil iuris retinet in priori Ecclesia, Calder. *Conf. 1. de translat. Pralat. aliàs 56. n. 2.* si scilicet translationi consenserit, aliàs non.

Denique tamen hic Titulus tantum inscribatur *De translatione Episcopi*: tamen etiam alij possunt transferri, ut Cardinalis, c. *Dilectus*, & *De prebendis*; Archiepiscopus, c. *Bome 4. sup. De postulat. Pralatorum*; Abbas in c. *Venerabilis*, & *De consuetudine, Prapof. in c. dudum*, & *De electione*; & similes imò quicumque beneficiati possunt transferri, c. *Admonet. & De renuntiatione.*

TITVLVS OCTAVVS.

De auctoritate & vsu Pallij.

1. Quid sit Pallium, & unde dictum.
2. Datur in signum potestatis & officij Pontificalis.
3. Quando & quo loco vti eo possit Archiepiscopus.
4. Pontifex Rom. semper & ubique eo vtitur.
5. Quando peti debeat.
6. Episcopis non nisi ex privilegio conceditur.

Quia inter eos, qui ad dignitates promouentur per Postulationem, Electionem vel Translationem, quibusdamius pallij competit de iure communi, uti Archiepiscopis, Patriarchis, Primatibus, & Romanæ Ecclesiæ Pontificibus: ideo nunc, ijs modis explicatis, de illo est agendum.

Est autem Pallium, vel, ut alij volunt, Palleum aut Paleum, ornamentum quoddam, de corpore beati Petri sumptum, Pontificalis officij plenitudinē conferēs, c. *Si significasti sup. De electione, iuncto c. Nisi specialis h. r.* Dixi, vel, ut alij volunt, Palleum aut Paleum; quia non esse scribendum per I, sed per E, tradit Abbas, in *Rubr. h. r.* esse quæ nomen dignitatis; Pallium verò honestatis, quod proinde geri potest etiam à laico: licet utrumque dici possit, quoddam palam seu foris sit; vel à Græca dictione pallim, id est, Latine motu & concussione, quia plurimum mouetur & concuti-

concutitur, ut vult Abbas *d. loco*: subiungens, vel Pallium dici à Pallore vel à Palleo, palles. Alij verò malunt scribi per E, & per simplex L, dicique à Palis humeris, quia sit spallarum vel humerorum ornamentum: nam ponitur loco pallij superhumeralis, quo utebatur summus Sacerdos in lege veteri. Verum satius est, ut rationem etymologicam huius vocabuli, & quo pacto scribendum sit, relinquamus Grammaticis.

Dicitur, de corpore B. Petri sumptum; vel quia super altare beati Petri benedicitur & consecratur à Papa; vel quia à Romana sede proficiscitur. Nam etsi illud etiam conferant quatuor Patriarchæ, nempe Constantinopolitanus, Alexandrinus, Antiochenus, & Ierosolymitanus: tamen priuilegium conferendi à Romana sede habent.

Dicitur, Pontificalis officij plenitudinem conferens; quia sicut Episcopus in Episcopatu suo non habet plenum & consummatum ius, nisi sit consecratus: ita nec Archiepiscopus in sua prouincia plenum ius habet, nisi pallium sit consecutus: adeo ut ante illud acceptum sequidem Metropolitanum, non tamen Archiepiscopum dicere possit, *d. c. Nisi 3. b. t.* nec antè queat exercere ea, quæ sunt ordinis Archiepiscopalis, saltem grauiora ac maioris momenti, veluti Concilium prouinciale conuocare, Episcopos consecrare, chrisma conficere, dedicare basilicas, ordinare Clericos, *c. Quod sicut 18. §. præterea, & c. Significasti sup. De elect.* & cætera, quæ sine sacrificio Missæ non obit. Hostien. in *Summa huius tit.* Potest tamen Episcopis concedere facultatē, ut suum Suffraganeum consecrent, *c. Suffraganeis 11. sup. eod. tit.* aliaque facere, quæ stolā tantum indutus rectè exequitur, veluti calices & alia huiusmodi vasa consecrare, cœmeteria sacrare & dedicare. Hostien. *d. loco §. quid sit Pallium.*

Quod si ante acceptum pallium Archiepiscopus exerceat ea, quæ sunt potestatis ordinem spectantis, nec fuerit antea cōsecratus Episcopus nullius momenti erunt: si verò fuerit consecratus Episcopus, firma erunt & rata; licet peccet contra Canones & iura, possitque per sententiam ab officio remoueri, aut aliā mitiori pœnā puniri.

Potest verò Archiepiscopus de iure communi uti pallio in omnibus Ecclesijs prouinciæ suæ inter Missarum solemnias; extra prouinciam vel Ecclesiam, veluti in supplicationibus, in concessu, in comitijs, non potest, *c. 1. & ult. b. t. c. Pallium Distinct. 100.* nequidem ex consuetudine: nisi ex speciali priuilegio alicui concedatur, ut in aliena Ecclesia, accedente eius consensu, cuius est Ecclesia, eo utatur, *c. Extrarum h. t.*

Præterea alteri pallium cedere nequit, cum illud personam non transeat, sed quisque debeat cum eo sepeliri, *c. 2. b. t.* Quod si ad aliam Ecclesiam transferatur, non potest uti eodem pallio, quo in priori Ec-

clesia vsus fuit, sed aliud petere & expectare debet, *c. Bona memoria 4. in fine sup. De postulat. Prelat. & cum utroque sepeliri; Panormit. in d. c. 27.*

4. Denique solus Romanus Pontifex semper & vbiq; vtitur pallio, quia pallium in eo designat plenissimam potestatem, in quam assumptus est in vniuersam Ecclesiam Christianam quæ eius provincia esse intelligitur, *can. Cuncta per mundum, can. Per principalem 1 x. q. 3.* Alij verò in Ecclesijs suis & certis diebus tantum, quia in partem sollicitudinis, non in plenitudinem potestatis vocati sunt, *c. Ad honorem 4. h. t.*

5. Debet verò Archiepiscopus intra tres menses, à die consecrationis, si antè non fuerit consecratus, vel à die confirmationis, vbi antè fuit consecratus, cessante iusto impedimento per se vel per procuratorem, ad hoc speciale mandatum habentem, petere pallium, & quidem obnixè atque instanter, *can. Prisca distinct. 100.* quod illi datur, præstito prius, & non aliter, Romano Pontifici fidelitatis & obedientiæ iuramento, *can. Optatum d. Distinct. 100.*

Quà autem formà detur, & quibus diebus vti eo possit Archiepiscopus, videatur apud Glos. in d. c. *Ad honorem.* De forma pallij videatur Panormit. in *Rubr. h. t. n. 5. & 6.*

6. Subijciendum hîc, Episcopum non vti pallio, nisi ex privilegio, *c. Cum in iuuentute, à De præsumt.* vbi id de Quinque-ecclesiensi traditur; idemque de Hostienti in hostijs Tyberis fluuij; de Papiensi in Longobardia; Lucensi in Tuscia; Bambergensi in Germania alibi memoratur.

§. II. De Potestate Archiepiscopi.

1. *Archiepiscopus est summus Episcoporum, qui & metropolitanus.*
2. *In quos iurisdictionem exercent.*

1. **A**rchiepiscopus, qui subsequitur Primate, tamquam eo iurisdictione inferior, *can. 1. Distinct. 99.* est maior Episcopis, in sua provincia subiectis per proprias dioeceses, *can. 1. 2. & 3. 1 x. q. 3.* Episcopi autem subiecti in iure Canonico vocantur Suffraganei, quia Archiepiscopis in officio Archiepiscopali suffragantur. *Archiepiscopus* Græcis dicitur Princeps seu summus Episcoporum, *can. Cleros Distinct. 21.* id est primus seu summus Episcopus. Olim quidem solitus fuit vocari *Patriarcha*, sed postea vsus obtinuit, vt soli quatuor, suprâ nominati, post summum Pontificem vocarentur Patriarchæ. Similiter olim Archiepiscopi dicti sunt *Primates*, quia principallium ciuitatum Episcopi: tamen postea nomen illud potissimum attributum fuit ijs, qui præerant ciuitatibus, sub quibus erant ciuitates Archiepiscopos habentes. Aliter Archiepiscopus in utroque iure vocatur *Metropolitanus*, *caussa 1 x. q. 3. setè per tot. & Nouella Iustinian. 5. §. fin.*
- Arque

Atque hæc nomina non differre docet Rebuffus, *ad §. 1. De institutione in Concordatis*: diciturque Metropolitico ius in iure nostro quod competit Archiepiscopis, *c. Ut litigantes De officio ordinarij in 6. & similibus*. Vocatur autem Archiepiscopus *Metropolitanus*, vel, ut vult Isidor. *in d. can. Cleros Distinct. 21.* à mensura civitatum, quia iuxta Pelasium in singulis provincijs præfici debebat vnus Archiepiscopus, & vnaquæq; provincia debebat habere decem vel vndecim ciuitates, totidemque Episcopos, ut colligitur ex *can. Scitote v. 1. q. 3.* vel quia in Metropoli aliqua ciuitate, id est matrice primaria sedem habet, *can. 1. & 2. Distinct. 80.* Nihilominus *in d. can. Cleros* distinguitur Metropolitanus ab Archiepiscopo, ut ibidem videre licet.

Habet autem Archiepiscopus iurisdictionem Episcopalem & ordinariam in sua provincia, cui præest, atque in omnes Suffraganeos, non exemptos, eorumque est Iudex ordinarius; *c. Pastoralis inf. De officio ordinarij*: quorum proinde electiones confirmat, vel infirmat de iure communi, de causis eorum civilibus ac criminalibus cognoscit & iudicat: nisi tales sint criminales causæ, quæ reseruatae sunt summo Pontifici, cuiusmodi est crimen hæresis. Concil. Trid. *Sess. 24. cap. 5. De reformat.* & quæ merentur depositionem seu priuationem officij & dignitatis. Vide quid nouissimè circa hæc statuatur idem Concil. *Sess. 13. cap. 8. & d. Sess. 24. cap. 5. & 8.* In subditos verò Suffraganeorum non habet iurisdictionem ordinariam, nisi certis quibusdam casibus eam vel ex consuetudine aut priuilegio vel præscriptione acquisierit, *c. Duo sunt; & De offic. ordinarij*. Primus casus est in causis, quæ iure appellationis aut deuolutionis ad eundem pertinent, *c. 1. & De offic. Legati*: ubi quoad hoc traditur discrimen inter Archiepiscopum & Legatum Papæ; quòd nempe super causis Episcopatum & per simplicem querelam adiri possit, non etiam Archiepiscopus, nisi per appellationem causæ ad eum deuoluantur. Causâ autem ad Archiepiscopum deuolutâ, acquirit is iurisdictionem quoad personas appellantes tantum, non quoad alios. Neque etiam ad ferendum testimonium in causa citare alium potest, neq; causam delegare, subdito Suffraganei inuito, *c. 1. De foro competenti in 6.* Secundus casus est, si subditus Episcopi delinquat in diocesi Archiepiscopi, vel in ea prædium habeat. Tertius, si absolutus ab Archiepiscopo nō velit parere Episcopo. Quartus, si Clericus habeat causam criminalem contra suum Episcopum, quia deduci debet ad Synodum, in qua Archiepiscopus præest. Quintus, quādo Episcopus est negligens in eo, quod facere debet. Sunt & similes alij, quos breuitatis causâ omitto. Et si verò vnus sit Iudex provinciae, *can. In apibus v. 11. q. 1.* tanquā habēs iurisdictionē Archiepiscopalem, *can. Per singulas 11. q. 3.* non tamen tanquā habēs iurisdictionē ordinariam Episcopalem:

cum in vnaquaque prouincia debeant esse plures Episcopi, vni Archiepiscopo subiecti, habentes iurisdictionem Episcopalem & ordinariam. Et ideo licet Archiepiscopus sit Iudex ordinarius Episcoporum suæ prouinciæ, non tamen subditorum illius. Nec habet hic locum vulgaris illa regula, *Si vinco vincenem te, te vinco*, quia Archiepiscopus habet ligatam & limitatam potestatem quoad subditos Suffraganeorum.

TITVLVS NONVS.

De Renuntiatione.

1. Quid sit Renuntiatio.
2. Diuisio in Tacitam & Expressam; & huius in Puram & Conditionalem.
3. Renuntiatio in fauorem alia simplex, alia qualificata.
4. Fieri debet cum auctoritate & consensu superioris.
5. Episcopatus ex quibus causis renuntiare liceat.
6. Semel admissâ renuntiatione non datur regressus ad idem beneficium.
7. 8. Coram quo fieri debeat, & per quem.
9. Regula Cancellaria de infirmis resignantibus, & de publicandis resignationibus.

H Actenus egimus de modis, quibus potissimum acquiruntur dignitates: sequitur de Renuntiatione, per quam acquisita, tam ab ijs, qui vtuntur pallio, quàm ab alijs, sæpè amittuntur.

1. Renuntiatio in genere nihil aliud est quàm proprii iuris spontanea abdicatio seu cessio. Dicitur proprii iuris; quia iuri, quod habet quis tertius, renuntiare, seu illud resignare non potest, l. *Si vniuersa* Cod. De Legatis, l. *Traditio* D. De acquir. rer. dom. l. *obseruare in fine* D. De offic. Proconsulis, c. *Dilecto in fine* De prebendis.

Hic autem pressius sumitur pro dignitatis vel beneficii seu officij obtentu, seu iuris; quod in eo quis habet, spontanea & libera coram superiore facta dimissione. Dicitur Libera; quia coacta nullius est momenti, c. *Super hoc* §. h. tit.

2. Ea est duplex, Tacita & Expressa. Tacita dicitur, quæ fit ipso iure, nullâ verborum declaratione interueniente. Sic qui acceptat secundum beneficium incompatible, secutâ pacificâ eius possessione, censetur renuntiare primo, c. *De multa* 28. inf. De prebendis, & qui matrimonium cōtrahit, c. *Diuersis* inf. De Clericis coniug. Glossa in c. *Vnico* eod. in 6.

vel

vel sit miles secularis, censetur renuntiare beneficio, si quod habet, *c. In audientia 25. inf. De sent. excom. ubi DD.* Videatur plenius Rebus. in *Praxi Benef. tit. De resignat.* Expressa est, quæ fit verbis ad hoc accommodatis: & hoc dupliciter; vel purè & simpliciter; vel sub conditione aut in fauorem alicuius. Purè & simpliciter fieri dicitur, quando fit in manibus superioris, sic ut nulla fiat renuntianti reservatio, *c. Tuas nos, x. De simonia*: & post huiusmodi renuntiationem potest Ordinarius beneficium resignatum conferre, cui vult, Rebus. *d. loco tit. De resignatione pura.* Conditionalis verò est, quæ fit sub aliqua conditione vel modo. Talis est renuntiatio seu resignatio ex causa permutationis: item quæ fit in fauorem alicuius coram S. Pontifice. Quod addo, quia resignatio in fauorem non potest fieri coram Ordinario: quippe prohibita est iure Pontificio coram eo omnis pactio & conditio in resignatione tamquam simoniaca, *c. Quam pio 1. q. 2. c. Cum pridem, & c. fin. x. De pactis.* Glossa & DD. in *c. Ex parte De officio delegati.* Potest tamen resignans sine simoniæ labe rogare Ordinarium, ut conferat tali vel tali, *d. c. Tuas nos. De simonia*: licet peccet, si is, pro quo rogat, non sit idoneus, *c. Tuas nos. x. De astate & qualitate & ord. præficien.*

Renuntiatio in fauorè simpliciter est duplex, nempe simplex, quando quis simpliciter resignat in fauorem alicuius, absque vlla reservatione: & qualificata, ut quando aliquid reservatur resignanti, veluti regressus, vel fructus aut medietas eorum, aut aliqua pensio. Vide plenius Flaminium, *De Resignat. beneficior. lib. 1. q. 1. & 2.*

Dixi antè, coram superiore factà dimissione; quia sicut miles sine permissu sui ducis non potest deserere militiam, *tit. D. De re militari.* ita quicumque habet dignitatem vel beneficium Ecclesiasticum, etiam minimum, non potest ei renuntiare sine consensu sui superioris, *c. Admonet 4. h. t.* quia præterquam quòd inter dignitatem & Prælatum contrahatur quoddam spirituale matrimonium, quod propriâ auctoritate solui nequit, quodlibet beneficium habet adinnectum officium Ecclesiasticum, *c. ult. De rescriptis in 6.* quod est publicum; & ideo aliter facta renuntiatio est nulla, quoad Ecclesiam scilicet, seu superiorem, qui, non obstante tali renuntiatione, cogere eum potest obire officium suum, *c. 1. h. t.* alioqui renuntians, spontè renuntiando, seipsum excludit seu priuat, si velit Ecclesia seu superior.

Episcopatu verò renuntiare non licet, sine consensu summi Pontificis, *c. Nisi cum pridem 10. & alijs h. t.* sicut nec alijs dignitatibus Episcopatu inferioribus, quando eas obtinentes exempti sunt à iurisdictione Episcoporum aut Archiepiscoporum, & immediatè subiecti summo Pontifici, *c. ult. eod.* Ceterum non solet S. Pontifex ob quamlibet causam admittere renuntiationem, *d. c. 1. eod.* sed potissimum propter sex, quæ

quæ enumerantur & explicantur in d. c. *Nisi cum pridem*; & continentur his versibus:

Debilis, ignarus, male conscius, irregularis,

Quem mala plebs odit, dans scandala, cedere possit.

Prima itaque est debilitas corporis, licet ob eam non debeat quis remoueri, ne afflicto detur afflictio, c. *Percussio cum seqq. v. 11. q. 1.* Secunda est defectus scientiæ, ob quem etiam quis remoueri potest, c. *Quamuis ult. inf. De atate & qualit. prefic.* Tertia est conscientia criminis, veluti simoniæ, homicidij, & similibus. Debent tamen prædictæ tres causæ esse tales, ut ob aliquam earum non possit quis munere suo fungi. Hinc in d. c. 1. h. t. non datur licentia cedendi Episcopo, qui propter senectutem vult cedere, si necessarius vel utilis sit Ecclesiæ suæ. Quarta est malitia plebis, quæ nullo modo patitur Episcopum seu Prelatum. Quinta est graue scandalum euitandum. Deniq; sexta est irregularitas. Porro certas causas, ob quas, & non alias, resignationes omnes beneficiorum coram Ordinarijs fieri & admitti possint ac debeant, sub pœna nullitatis, si ex alia causa fiant, præscribit Constitutio quædam Pij v. verum ea, ut & multæ aliæ, hîc publicata non est, quia restringit Ordinariorum facultates. Vide Flamin. *De Resignat. benefic. lib. 5. q. ult.* & alios, quos citat Garzias, p. 11. cap. 3. §. 3. n. 269.

- 6 Renuntiatione autem semel admissa, cogitur renuntians cedere, licet deinde pœniteat eum renuntiationis factæ, c. *Ex transmiss. h. t.* & contra repetentem beneficium admittitur spontaneæ renuntiationis exceptio, etiam causâ renuntiationis non adiectâ: quia non est verisimile quem beneficium, multis fortè expensis & laboribus quæsitum, quo sustentari debeat, facile sine magna causâ sponte suâ resignasse: quam actor replicare possit, quod non sponte renuntiauerit, c. *Super hoc 5. eod.* & qui renuntiauit litteris beneficialibus, non ideo institutioni iam factæ renuntiare videatur, c. *Sanè dilecto 7. eod.* Sic qui petijt licentiam renuntiandi, & illam obtinuit, renuntiare compellendus est, c. *Quidam cedendi 12 h. t.* quia in huiusmodi postulatione vel commodum Ecclesiæ, cui præest, vel salutem propriam videmur attendisse: quorum neutrum sitationibus aliquorum, quærentium quæ suæ sunt, seu leuitate qualibet impedire debet, d. c. *Quidam cedendi.* Non potest igitur ubi quis semel renuntiauit, ad idem beneficium redire, nisi ad illud iterum eligatur, d. c. *Ex transmissa, iuncto c. Cum inter 2. h. t.* excepto tamen eo, qui propter crimen renuntiauit Episcopatu, & religionem ingressus est: nam hic ad Episcopatum redire non potest licet iterum eligatur, c. *Post translationem eod.* aliàs verò impeditus administrare officium, siue propter persecutionem, siue ob infirmitatem corporis, siue ob defectum scientiæ, & ideo factus monachus, cessante impedimento, potest

potest rursus ad Episcopalem dignitatem readsumi, *d. c. Post translationem*. Quin etiam, si quis asscutus sit Episcopatū simoniacè, sed ignoranter, & postea fiat regularis, licet ad primum reuerti non possit, ad alium tamen readsumi potest, *d. c. Ipsi translationem §. rursus*.

Coram eo autem fieri debet renuntiatio dignitatis, ad quem spectat confirmatio, *c. fin. & ibi c. l. f. eod. tit.* alterius verò beneficii coram eo, qui potest resignantem, etiam inuitum, destituere, *secundum Glos. in Clem. unica in V. manibus, l. renuntiat*. Verum an renuntiatio simplicis beneficii fieri possit in manibus collatoris, inferioris Episcopo, ita ut is solus eam admittat, queritur? negat ex Innoc. Rota in antiquis h. t. Decis. 5. ob rationem antea datam. Cæterum vñs aliud obliuatur, quamuis non possit destituere solus.

Non solum per se ipsum, sed etiam per procuratorem, renuntiare quis potest; valetque renuntiatio, siue dignitatis siue beneficii, per ipsum facta, etiam si prius reuocatus fuerit, ipso tamen & superiori, in cuius manibus facta est renuntiatio, ignorante: nisi per malitiam ipsorum vel aliorum reuocatio fuerit occultata, *Clem. unica eod.*

Denique obseruanda hic est Regula xvi. Cancellariæ, quæ statuit, ut in infirmitate resignantes superuivere debeant viginti diebus, aliàs vacare beneficium per obitum censeatur. Quæ Regula cœpit ab Innoc. vi. & hinc quoque vñ recepta est, teste Zypæo, *de iure Pontif. nouo h. tit. n. 3.* & obtinet in collationibus dumtaxat Papæ, non autem Ordinariorum: eijsq; ut Papa, ita & Legatus eius potest derogare, etiam cum præiudicio graduatorum expectantium, Zyp. *l. loco*. Exstat & alia Regula de publicandis resignationibus: verum quia forma eius hinc nō ita strictè seruatur, cum sufficiat quòd resignatio palam innotescat, nec celeretur, etiam si in templo coram populo, tempore Missæ aut concionis, die festiuo non promulgetur, teste Zyp. *d. loco n. 2.* ideo de ea hinc fusiùs non agam.

TITVLVS X.

De supplenda negligentia Prælatorum.

1. Prælati nomen in h. t. latè sumitur.
2. Negligentia Prælati qua sit; & pœna illius.

3. Committitur ab Episcopo, non conferente beneficium vacans intra præfixum tempus, & patrono non præsentante aliquem.
4. Item ab Episcopo requisito, & recusante benedicere Abbatem sine causa.

Quia sæpè in Prælaturis res negligenter & perfunctoriè aguntur, *can. Ante omnia Dist. 40.* nec solum per cessionem seu renuntiationem dignitas vel beneficium amittitur, verum etiam per nimiam remissionem, *c. Inter corporalia versu. sed neque illud sup. De translat. Episc.* & quia quod negligitur seu omittitur, supplendum & instaurandum est: ideo subiicitur hic Titulus, in quo tractatur, quo modo negligentia Prælatorum deprehendatur & puniatur.

- 1 Prælatus strictè dicitur, quicumque in Ecclesiasticis habet iurisdictionem contentiosam. Abbas in *c. 2. De iudijs.* Latè verò comprehendit Episcopos, Abbates, Priores, Archipresbyteros, Archidiaconos, & alios, usque ad simplicem Curatum: & ita hinc sumitur, quia cuiuscumque Prælati negligentia supplenda est, *c. 2. & fin. h. t.*
- 2 Est autem negligentia Prælati omisso eius, quod de iure vel consuetudine, ratione sui muneris, facere debebat. Eaquæ varijs modis suppletur & coercetur, pro varietate eorum, quæ negliguntur seu omittuntur, & prout negligentia est maior vel minor: sic enim aliquando imponitur excommunicatio duorum mensium, *can. quidquid 1. q. 1.* aliquando pœna depositionis vel priuationis dignitatis vel officij, *c. 1. inf. De officio Custodis:* aliquando verò negligentia & remissio per superiorem datur coadiutor idoneus, *c. Grandi h. t. in 6.* * Quod si Ordinarius non contulerit beneficium vacans intra sex menses, priuatur iure conferendi, & illud deuoluitur ad superiorem: adeò ut collatio post illud tempus per inferiorem facta sit nulla, *c. 3. 4. & 5. h. t.* nisi de misericordia toleretur, *d. t. c. 4.* Similiter si patronus intra tempus à iure præfixum, Laicus scilicet intra quatuor menses, Ecclesiasticus verò intra sex, à die notitiæ vacationis beneficij, ad illud non præsentauerit clericum, amittit ius præsentandi pro ea vice, & illud deuoluitur ad superiorem, *c. 2. & ibi Abbas h. t.*
- 4 Quod si Episcopus, ad quem spectat benedicere Abbates, (quæ benedictione consequuntur, quod possint conferre minores Ordines, *can. Quoniam Distinct. 69. c. Cum contingat x De etate & qual. Clement. Attendentes De religios. dom. iuncta à Glos. in V. benedic.*) tertio cum humilitate ac deuotione requisitus, subditos Abbates sine causa noluerit benedicere, ex tunc Abbates possunt omnia illa exercere, quæ possent benedicti, ac proinde minores Ordines conferre, & proprios Monachos

nachos benedicere; donec ipsi Episcopi suam duritiem recogitent, & Abbates benedicere non reculent, c. 1. h. 1.

Nec obstat, quod qui benedictionem non habet, eam dare non possit, *can. Daibertum* 1. q. 7. quia hanc potestatem in odium Episcopi, sine causa denegantis benedictionem, accipiunt à iure seu canone: & licet non habeant benedictionem Abbatialem, habet tamen simplicem monachalem, ut inquit Abbas ad d. c. 1.

Quod si verò Prælati Monachis suis, ubi commodè fieri potest, dare Lectorem sacræ Scripturæ omiserint, Episcopi eorum, tanquam in hoc Sedis Apostolicæ delegati, eos ad id opportunis remedijs cogere possunt. Concil. Trid. sess. 5. cap. 1. §. in monasterijs. Videatur idem Concil. d. sess. cap. 2. §. si qua, & rursus sess. 25. cap. 8. De regularibus.

TITVLVS XI.

De temporibus ordinationum & qualitate ordinandorum.

§. I. Quid sit Ordo.

1. Ratio & significatio nominis.
2. Definitio, Materia, Forma & Effectus.
3. Character quid sit.
4. Minister Ordinis est Episcopus.

IN promotione Prælatorum, siue eligantur siue postulentur, requiritur certus ordo: neque enim in Episcopum eligi potest, nisi qui saltem sit Subdiaconus. Cum verò Ordines certis temporibus, & cum scrutinio, conferri debeant, atque in his seruandis negligentia committi: ideo nunc, ne vlla huius rei ignorantia prætendi possit, postquam de supplenda negligentia Prælatorum in genere actum est, ordinis ratio dicat, ut de temporibus agamus, quibus conferri Ordines ab Episcopis debent.

Ordo sumitur dupliciter: Primò, pro potestate quadam ac gradu: & hoc modo dicimus in Ecclesia, siue triumphante siue militante, varios esse ordines ac gradus. Secundò sumitur pro ipsa ordinatione seu ritu externo, quo huiusmodi potestas seu gradus hominibus confertur: & ita hic Ordinem spectamus; non quidem in ea impropria ac generali significatione, quâ ordinari censentur omnes ij, qui quo-

quo modo dedicantur diuinis obsequijs, etiamsi non in ordine ad diuinum sacrificium (quâ generali significatione subinde in Concilijs fit mentio sanctimonialium ac viduarum, ad baptisterium ordinarum, pro instructione scilicet mulierum baptizandarum, & presbyterarum, *incan. penult. & ult. 1. istict. 32*) sed in ea, quâ significat ordinationem, quæ certo, sacro ac solemnî ritu ab Episcopo fit & confertur, atque ad certum ministerium sacrificio diuino exhibendum refertur.

- 2 Vnde definiti potest, quod sit Sacramentum, à Christo institutum, quo quibusdam ceremonijs & rebus traditur potestas spiritualis ordinato, conficiendi Eucharistiæ Sacramentum, vel administrandi in ordine ad illud. Nauarrus in *Manuali cap. 22. n. 17*. Materia est illud instrumentum, per cuius traditionem confertur ordo: sicut Presbyteratus per calicis cum vino, & patinæ cum pane porrectionem: Diaconatus per libri Euangeliorum dationem: Subdiaconatus per calicis vacui cum patinâ vacuâ superpositâ traditionem: & sic de alijs, per rerum ad ministeria sua pertinentium traditionem. Forma verò sunt verba, quibus in traditione materiæ vitur Ordinatio. Franc. de Victoria De *Sacramento Ordinis* n. 229: vt sacerdotij v. g. *Accipite potestatem offerendi sacrificium in Ecclesia pro uiuis & mortuis, in nomine Patris & Filij & Spiritus Sancti, Amen*: & sic de aliorum Ordinum formis, prout in Pontificali Romano latius continetur. Debet autem contactus materiæ simul moraliter fieri, quando verba formæ proferuntur. Effectus est gratia, eiusque augmentum, vt quis efficiatur minister Ordinis suscepti; & character, qui imprimitur in anima ordinati. Conc. Trid. *Sess. 23. can. 4. De Sacramento Ordinis*. * Est autem character, vt ex Bonauentura & Angelo tradit Piacet. 1. p. *cap. 1. n. 52*. spiritualis qualitas animæ, signans gratiam gratum facientem, & ad gratiam disponentem & assimilantem: De necessitate supponit characterem baptismi, non item confirmationis: ideoque si quis non baptizatus ordinaretur, ordo non teneret. *
- 4 Minister ordinarius est Episcopus, Victoria *loco citato*. Conc. Trid. *Sess. 23. cap. 4. & 7*: Possunt tamen alij minores Ordines conferre, ex concessione vel priuilegio, vt postea dicemus.

§. II. Quot sint Ordines.

1. Sunt septem numero.
2. Cur alij Maiores & sacri, alij Minores dicantur.
3. 4. Ordines nouem, secundum Canonistas; & eius rei ratio.

1 **O**rdines posteriori modo sumpti septem à Theologis numerantur, Ostiatoratus, Lectoratus, Exorcismus seu Exorcistatus, Acolytatus,

lytatus, Subdiaconatus, Diaconatus, & Presbyteratus seu Sacerdotiū: qui numerus probatur ex *can. Cleros l. 1. §. 21. Conc. Trid. sess. 23. can. 2.*

2
Etsi autem omnes hi Ordines, quater us in se sunt Sacramenta, Sacri dici possunt: ita tamen inter se distinguuntur in *c. 1. 2. & c. Dilectus 15. h. 1.* quod quatuor primi dicantur Minores Ordines, tres verò alij dicantur Superiores, Maiores ac Sacri Ordines, eā propriā ac peculiari ratione, quod versentur proximè circa materiam consecratam, seu res sacras contingant; nempe Sacerdotiū & Diaconatus circa corpus & sanguinē Christi consecratum; Subdiaconatus circa vasa consecrata. Et hinc sumitur ratio, cur tres maiores Ordines suscipientes ex lege Ecclesiastica ad perpetuam castitatē obligentur, ut scilicet mundi sint, qui sancta & sacra contrectant; curq; olim Subdiaconatus nō fuerit dictus Ordo sacer, ut patet ex *c. A multis 9. inf. De atate & qualis. & c. 6. Miramur 7. inf. De servis non ordinandis*: quia olim nō fuit concessum Subdiacono tangere vasa sacra, ut patet ex *can. Nullus Dist. 24. & alijs.* Quatuor verò minores Ordines non dicuntur Sacri, quia non contrectant proximè materiam consecratam seu res sacras.

Prædictis septem Ordinibus Canonistæ addunt duos alios, nempe Clericalem Ordinem seu primam tonsuram: quam esse Ordinem, & ordine primū, probant *c. Cum contingat 11. inf. De atate & qualis. & c. & ibi D. D. & can. Seriatim Distinct. 32.* Deinde postremum Episcopatum ex *d. can. Cleros, can. 1. d. Distinct. 32. & similibus, Conc. Trid. sess. 23. can. 6. & 7.* Atque ita nouem Ordines constituunt, quorum Minores sint quinque primi; quatuor verò reliqui Maiores. Ratio diuersitatis ex diuersa consideratione peti debet: cum enim Theologi considerent Ordines, eorumque distinctionem desumant ex habitudine ad sacrificium diuinum seu Eucharistiæ consecrationem & confectionem, in qua consistit consummatio omnis diuini cultus: meritò Episcopatum non faciunt distinctum Ordinem à Sacerdotio; quandoquidem simplex sacerdos patem prorsus cum Episcopo in ordine ad illam consecrationem & confectionem habeat potestatem, ut satis indicatur in *can. Legimus 24. Distinct. 93.* Similiter primam tonsuram non ponunt tanquam Ordinem, quia non habet vllum certum officium annexū, nec per eam datur ministerij alicuius Ecclesiastici potestas, sed est solum præparatio aliqua ad Ordines & statum Ecclesiasticum; & inde dici solet ianua ad omnes Ordines.

4
Canonistæ verò considerant Ordines in primis, ut constituunt Hierarchiam in Ecclesia militante, ac proinde Clericatum & Episcopatū meritò à ceteris distinguunt, & tanquā diuersos Ordines ponunt: ut sicut in Ecclesia triumphante sunt nouē Ordines, ita etiam sint in militante, quæ triumphante imitatur, tanquā ad illius exemplar ordinata.

Deinde considerant Ordinem, ut significat seu ut per eum confertur potestas, non solum ordinata ad sacrificium diuinum, verum etiam ad conferenda quedam Sacramenta, Ordinis scilicet & confirmationis, atque ad alias quasdam sacras actiones exercendas, veluti ad consecrandum alium in Episcopum, ad consecrandas Ecclesias, Moniales benedicendas, & similes: qualem potestatem cum accipiat Episcopus in sua consecratione, non etiam simplex sacerdos in sua ordinatione, merito Episcopatum tanquam diuersum Ordinem à Sacerdotio constituunt, licet Sacerdotium in sua ratione seu essentia includat: secus ac Diaconatus respectu Subdiaconatus, aut Sacerdotium respectu Diaconatus & Subdiaconatus, quem in sua ratione non includit, ut patet ex c. *Vnico* & *De Clerico per saltum promot.* Ratio diuersitatis est, quia hæc, Subdiaconatus inquam, Diaconatus & Presbyteratus, significant potestates distinctas, & quatum vna de sui natura non requirit aliam in eodem subiecto. Et licet olim Episcopatus & Presbyteratus, ob paucitatem Christi fidelium & Ecclesiæ Præfectorum, concurrerent in eandem personam: postmodum tamen, crescente fidelium ac Presbyterorum numero, ad lites & schismata tollenda, Ecclesia alios creauit Presbyteros, alios Episcopos; ut sicut Episcopi & Presbyteri potestates erant distinctæ, ita etiam in ijs diuersæ personæ constituerentur: idque solum vult *can. Olm Distinct.* 95.

§. III. A quo conferantur Ordines.

1. 2. Conferuntur à proprio Episcopo.
3. Pena ordinantis aliena diœcesis subditum.
4. Quis dicatur proprius Episcopus.
5. Summus Pontifex ubique & quemlibet ordinare potest.
6. Abbatibus ius est conferendi minores Ordines.

IVs & potestatem ordinandi Clericos esse penes Episcopos, tanquam ordinarios ministros Sacramenti Ordinis, ex vi & potestate sui officij, iam antè diximus, & constat ex varijs Canonibus, ut *can. 1. §. ad Episcopum Distinct.* 25. & alijs, ac nouissimè ex Conc. Trid. Sess. 23. cap. 4. & 8. De reformat. & *can. 7. De Sacram. Ord.* modò tamen non sint excommunicati maiori excommunicatione, vel suspensi, interdicti, depositi, degradati, simoniaci, schismatici, vel hæretici: nam qui ab huiusmodi ordinantur, etsi characterè Ordinis, quem ipsi non amiserunt, recipiant, dummodò seruetur forma Ecclesiæ, non tamen accipiunt Ordinis executionem, quam illi amiserunt, & quam proinde dare non possunt, arg. c. *Quod sedem* & *De officio ordinarij, vbi*
Glossa

Glossa in V. gratia, alia iura allegat. Hoc tamen intelligendum, modo sint denuntiati esse tales, Nauar. in *Manuali cap. 27. n. 24. quem plenius videre licet.*

Cauere autem debet Episcopus, ne alienæ diocesis subditum, etiam familiarem suum, absque ipsius superioris licentia, ad Ordinem Ecclesiasticum, etiam primæ tonsuræ, admittat, nisi triennio simulcū ipso præsens commoratus fuerit, & statim cum Ordinibus illi beneficium conferat. Concil. Trident. Sess. 23. c. 9. De reformat. & Sess. 14. c. 2. De reformat. * alioqui aliter ordinans per annum à collatione Ordinum, & ordinatus ab Ordinum susceptorum executione, ipso iure suspenditur, quamdiu Ordinatio videbitur. Concil. Trid. d. Sess. 23. cap. 8. De reformat. cap. 2. & 4. hoc tit. in 6. licet antea talis Episcopus deponi deberet, can. Nullum 1x. q. 2. Hinc tonsuratus ab alieno Episcopo non est habilis ad beneficia, ac si non haberet tonsuram, c. fin. De clerico excommunicato ministrante: quia paria sunt, non habere tonsuram, & habere inutilem, Rebuffus De formula dimissoriarum n. 22.

Proprius autem Episcopus seu Prælati hîc, seu quoad effectum susceptionis Ordinum, censetur Episcopus, è cuius diocesi oriundus est ordinandus, vel in cuius diocesi beneficium Ecclesiasticum obtinet, vel licet alibi natus, domicilium habet, c. Cum nullus eod. in 6. Conc. Trid. Sess. 2. cap. 2. Requiritur etiam beneficium sufficiens ad victum honestum. Episcopi verò nomine hîc comprehenduntur Patriarchæ, Primates, Archiepiscopi, Metropolitani, & simplices Episcopi: sub oriundis in diocesi comprehenduntur etiam alibi nati, sed in diocesi baptizati. Piacet. p. 1. tit. 1. n. 9. Hinc Præfecti locorum seu Prioratum, non exemptorum, eorumque socij, possunt ordinari ab Episcopis, in quorum diocesi sunt, quamdiu ibi morantur, licet aliunde oriundi sint, d. c. Cum nullus eod. in 6. Græci verò à Latinis, vel contrà, vbi eorum ritus differunt, ordinari non possunt, ne rituum fiant commixtiones, c. Cum secundum 9. h. 1. Quod si Græcus, Latino Episcopo subiectus, à Græco sine licentia Latini ordinetur, interdictur ei executio: sin de Latini licentia, toleratur, nec debet ab executione Ordinum taliter susceptorum impediri, c. Quod translationem 11. h. 1. Episcopus quoq; Italiae Ultramontanum sub condigna pœna non debet ordinare; nisi de speciali Papæ licentia, vel per patentes litteras Episcopi illius, continentis iustam causam, cur nolit aut non possit illum ordinare, eidem permittatur, c. 1. & ibi *Glossa in V. Italia De officio Ordinarij in 6.*

Summus quoque Pontifex, qb summam in vniuersam Ecclesiam, quam habet, potestatem, est cuiuslibet Christiani superior, & generalis Episcopus totius mundi: potestque cuiuslibet Ecclesiæ Clericos ordinare,

dinare, *c. penult. & ult. ix. q. 3.* etiam, solo verbo Presbyterum creare, quia ipse introduxit formam, quam tollere potest. Solet tamen & ipse quædam solemnia in Ordinibus conferendis seruare, sine quibus vix actus reciperetur. *Rebus. in praxi tit. De Clericis, & à quibus & quomodo creentur n. 9.* Ab eo verò insignitus ordine aliquo non potest ab alio ad sublimiores promoueri, licentiâ ipsius non impetratâ, *c. Cum in distribuendu 12. h. t.* non ideo tamen subtrahitur ab Ordinarij potestate, *c. Per tuas & De maiestate.*

- 6 Sed & Abbatibus, non quidem ex vi sui officij, sed iure singulari à sacris Canonibus conceditur potestas conferendi primam tonsuram, Lectoratum, Psalmistatum, id est officium cantandi, & Ostiariatum, *can. Quoniam Distinct. 69. c. Cum contingat inf. De etate & qualitat. &c. & alijs*, sed sui dumtaxat monasterij Monachis, & quidem post professionem, ne exeant postea, sicque fraus, quæ præcauenda est, committatur, *Rebuffus d. loco n. 17.* etiam sine examine Episcopi. *Nauar. Consil. 14. De privilegijs*: modò tamen ipsi Presbyteri sint, ac manus impositionem ab Episcopo acceperint, *d. c. Cum contingat, c. Abbatibus De privilegijs in 6.* Alios Ordines minores, nempe Acolytatus & Exorcistatus, conferre non possunt, nisi ex speciali privilegio id eis concessum sit, prout hodie concessum videtur, secundum Zerolam *1. parte Praxis Episcopalis in V. Abbas*: & ita declarasse sacram Congregat. refert Piacelius *1. p. cap. 1. n. 7.* Quod intelligendum de veris Abbatibus, ut sunt Benedictini, & alij, non verò de Commendatarijs, Zerola *d. loco.*

§. IV. De litteris dimissorijs, seu reuerendis, ut quidam vocant.

1. *Quanam dicantur litteræ dimissoria.*
2. *Sunt vel speciales vel generales.*
3. *Quis dare eas possit.*
4. *Non expirant morte dantis.*
5. *Quando sine ijs ab alieno Episc. Ordines conferri possint.*

DE litteris dimissorijs aliquid subiiciendum est ideo, quia Episcopus alienæ diocesis subditum ordinare non potest, absque superioris eius licentiâ.

- 1 Sunt autem litteræ dimissoriae, quibus fit alicui potestas sus-
2 cipiendi Ordines ab alio, quàm à proprio Episcopo. * Et hæc subinde sunt speciales, veluti quòd quis ordinari possit à tali vel tali Episcopo: & tunc nequit ab alio ordinari, quàm ab expresso, quia vnius expressio est

est alterius exclusio, *c. Nonne à De præsump.* Et ideo si nominatus in litteris dimissorijs Episcopus, impeditus nequeat conferre Ordines, curretque in sua dioecesi per alium Episcopum eos conferri, talis non poterit ordinare nisi personas subiectas Episcopo, de cuius licentia & in cuius dioecesi ordinabit. Ita intelligunt *cap. 5. sess. 6. Conc. Trid.* ne repugnet *c. 1. sess. 7. Zerola d. loco.* Aliquando verò sunt generales, veluti quòd à quolibet Episcopo ordinari quis possit.

Hæ litteræ continere debent Ordines, qui illatum vigore conferendi sunt aliàs per facultatem recipiendi Ordines minores vel Ordines tantum, maiores non comprehenderentur, *arg. c. 1. h. r.*

Dare eas potest in primis summus Pontifex, & quidem omnibus Christianis, *c. 1. eod. in 6. ibi, nisi à nobis &c.* quia est generalis Episcopus totius mundi, *can. Cuncta per mundum 1 x. q. 3. & alijs.* Secundò proprius Episcopus suis subditis, siue sit Episcopus originis, siue domicilij, siue ratione beneficij, *c. Cum nullus eod. in 6.* modò tamen sufficientem habere possit informationem de probitate morum, sufficientia & natalibus ordinandi. Episcopi verò superior seu Archiepiscopus iure metropolitano subditis Episcopi dimissorias dare non potest, iuxta communem sententiam scriptionum ad *d. c. Nullus.* Similiter nec Prælati Episcopis inferiores, siue sint religiosi, siue sæculares, eas subditis suis dare possunt, citra sedis Apostolicæ speciale indultum, *c. 3. eod. in 6.* nisi id faciant ex legitima consuetudine. Rebuffus in *Praxi benef. tit. De litteris dimissorijs n. 6.* vel nisi speciali mandato Episcopus hanc potestatem dederit suo Vicario, etiam generali, Piacelius *p. 1. c. 1. n. 13. ubi alios citat;* vel Episcopus ipse longè absit: nam hoc casu dare eas potest ipsius in spiritualibus Vicarius generalis; sicut & sede vacante, mortuo scilicet Prælato, vel ab hostibus capto Capitulum, *d. c. Cum nullus eod. in 6.* à quo tamen non nihil per Concilium Trid. recessum est, partim *Sess. 7. cap. 10. De reformat.* partim *Sess. 23. cap. 10.* prout ibidem videre licet. Sed & ab eodem Concilio, *d. Sess. 7. cap. 11.* statuitur, ne facultates de promouendo à quocumque suffragentur nisi habentibus legitimam causam, cur à proprijs Episcopis ordinari non possint, in litteris exprimendam (qualis est ægritudo, *Conc. Trid. d. Sess. 23. cap. 3.* quo nomine venit omne iustum & legitimum impedimentum; *Zerola 1. p. V. Dimissoria ad quintum versic. tertium*) quodq; tunc non ordinentur nisi ab Episcopo, in sua dioecesi residente, aut pro eo Pontificalia exercente, & diligenti prævio examine. Nam sicut non potest ordinare alienæ dioecesis subditum, ita nec in aliena dioecesi Pontificalia exercere, etiam prætextu cuiusvis privilegij, *can. 1. 3. 6. & 7. 1 x. q. 2. Conc. Trid. Sess. 6. cap. 5. De reformat.* nisi de Ordinarij loci expressa licentia, & in personas eidem Ordinario subiectas tantum. Alioqui, si

fecus factum fuerit, Episcopus ab exercitio Pontificalium; & sic ordinati, ab executione Ordinum sunt ipso iure suspensi, Conc. Trid. d. c. 5.

Litteræ verò dimissoriæ, siue ab Episcopo siue ab alio semel legitime concessæ, non expirant morte, ciuili vel naturali, vel finitâ potestate concedentis, nisi per successorem reuocentur. Nauar. in c. Placuit De penit. Distinct. 6. n. 34. & 163. Cardinalis in Clement. fin. q. 5. de electione. Si nec concessæ à Capitulo expirant finitâ Sedis vacatione. Rebuffus De forma dimissoriar. n. 43. Piacel. 1. par. cap. 1. n. 14. in fine.

Certis tamen casibus ordinari quis potest ab alieno Episcopo sine his dimissorijs. Primò, si proprius Episcopus Clerici fuerit suspensus ab Ordinum collatione, eo quòd alienos sine licentia ordinauerit, & suspensio eius sit manifesta, c. 2. eod. in 6. Secundò, quando quis triennio præsens cohabitauit Episcopo alieno, modo antea dicto. Differunt autem dimissoriæ à commendatitijs, quòd hæc ad effectum suspensionis Ordinum tantum dentur, illæ vero à iurisdictione etiam dimittant. Piacel. d. cap. 1. n. 11.

§. V. Quibus temporibus Ordines conferendi sint.

1. Minores Ordines confert Episc. quando & vbi ei libet.
2. Maiores non nisi in publica ordinatione, & temporibus certis.
3. Summus Pont. quolibet tempore.
4. 5. Pœna ordinatorum & ordinantium extra præscripta tempora.
6. Debent gradatim conferri Ordines.
7. Et per certa interspecta temporis.
8. De qualitate ordinandorum.

Certis & legitimis temporibus ab Episcopis conferri Ordines debent. Et quidem licet minores conferri possint, quando & vbi Episcopo libuerit, can. Quando Distinct. 75. etiam absque Missa, & à non ieiuno Episcopo, Piacel. r. p. cap. 1. n. 49. vbi alios citat: id tamen fieri debet intra dioecesin, Concil. Trident. Sess. 6. c. 5. De reformat. & præsertim Dominicis alijsve festiuis diebus; sicut & Virginum consecratio, c. 1. & 3. h. t. Excipitur prima tonsura, quæ cum voluntariæ sit iurisdictionis, & in Episcopatu, & extra, conferri potest, secundum Rebuff. in Praxi tit. De Clericis, & à quibus & quomodo &c. n. 12. * Maiores verò Ordines non nisi in publica ordinatione conferri possunt, d. can. Quando; & quidem in Missa, c. Quod sicut de elect. de necessitate scilicet præcepti, non de necessitate Sacramenti,

Quanti, Piacet. 1. p. c. 1. n. 49. *versc. ultra prædicta*: & in ieiunio quattuor temporum, nempe in Sabbatho sancto & in die antecedente Dominicam Passionem, non obstante contrariâ consuetudine, c. 1. 2. 3. 8. & alijs h. tit. Conc. Trid. Sess. 23. cap. 8. *De reformat.* Exceptis duobus casibus: Primò, si tanta sit ordinandorum multitudo, ut nequeant omnes in Sabbatho ordinari: tunc enim in diem Dominicam sequentem collatio differri potest. Innoc. in c. *Litteras h. t.* Secundò, si tam ab ordinandis quàm ab ordinantibus seruetur ieiunium usque in sequentem diem Dominicam, *can. Quod à Patribus Distinct. 57.* Conferuntur autem potius in Sabbatho, quàm alijs diebus, quia dies Sabbathi consecrata est Spiritui Sancto, cuius dona in Ordinibus recipiuntur.

Potest tamen summus Pontifex quolibet tempore ac diebus Dominicis & festiuis eos conferre; hancque facultatem etiam alijs Episcopis in fauorem ordinandorum concedere, quia hæc prohibitio originem habet à iure positivo, quo solutus est summus Pontifex.

Quòd si quis extra prædicta tempora ordinatus fuerit, tamen si recipiat characterem & Ordinē; quia tempus non est de substantia Ordinis, ut, nec ieiunium: tamen ex iuris positivi dispositione in pœnam non seruati temporis suspenditur ab executione Ordinis, quousque pœnitentia ab Episcopo (qui scilicet in culpa non fuit) imposita, & implèta fuerit, c. *Cum quidam 8. c. Consultationi tua 16. & utrobique Glos. h. t.* * Quantum verò ad ordinantem extra præscripta tempora attinet, is priuatur potestate conferendi Ordines, quos illicitè contulit, d. c. *Cum quidam c. Sanè 2. & c. Litteras h. t.*

Sed & gradatim debent Ordines conferri, incipiendo à prima tonsura per ordinem, *can. Si officia Distinct. 59.* nam calum appetit, qui ad summi loci fastigia, postpositis gradibus, per abrupta querit ascensum: nec ædificati parietes prius tignorum pondus accipiunt, quàm à nouitatis suæ humore siccentur, ne si antè pondera, quàm solidentur, accipiant, cunctam simul fabricam ad terram deponant, *can. ult. Distinct. 48.* Non tamen vnâ eademque die vel duabus continuato ieiunio ad duos sacros Ordines admitti quis debet, d. c. *Litteras & c. Dilectus eod.* etiam si sit regularis, Conc. Trid. Sess. 23. cap. 13. *de reformat.* Idque sub pœna suspensionis ab executione Ordinis, illegitimè suscepti: adeò ut si eadem die tres suscepit, suspendatur à duobus ultimis; non à primo, qui legitimè susceptus est, ut manifestè colligitur ex d. c. *Litteras.*

Præterea ex Conc. Trid. d. c. 13. requiritur, ut promotus ad Subdiaconatum, nisi per annum in eo versatus fuerit, ad altiore ascendere non permittatur, nisi aliud Episcopo videatur. Similiter cap. 14. vetatur promotus ad Diaconatum, antequam per annum integrum in eo ministrauerit, ad Sacerdotium ascendere, nisi ob Ecclesiæ utilitatem

ad Sacerdotium ascendere, nisi ob Ecclesiæ utilitatem ac necessitatem aliud Episcopo videatur: vbi indicatur, maiorem requiri causam dispensandi hoc casu, quàm in priori, in quo utilitas sufficit. Posse tamen Episcopum dispensare super huiusmodi interstitijs, patet ex eodem Concilio, cùm ad eum quoque, quoad Regulares promouendos, non ad eorum Superiores, itidem Regulares, super huiusmodi interstitijs dispensare pertineat, prout declaratum fuisse per sacram Congregat. ex Quaranta refert Piacel. p. 1. cap. 1. n. 49. §. requiritur item. Vbi subiungit, eadem interstitia posse remittere Capitulum Sede vacante, seu eius Vicarium, in casibus, quibus potest dare licentiam ordinandi, ex declarat. eiusdem Congregat. & nullam pœnam incurrere Ordinarium vel ordinatum, non expectatis interstitijs, licet peccet, ex Nauar. Concil. 4. & 6. De temporib. Ordinationum.

Dixi antè, ad duos sacros Ordines; quia quâuis olim in minoribus quoque suscipiendis certa interstitia temporis præscripta fuerint, vt patet ex can. In singulis Distinct. 77. tamen licet nunc illos omnes etiam eadem die suscipere & conferre, maximè vbi est consuetudo, c. 2. x. De eo, qui furtiuè Ord. suscepit. Episcopus verò conferens eidem vnâ die plures Ordines sacros, etiamsi de mandato Metropolitani hoc faciat, ab ordinandi potestate suspenditur, d. c. Dilectus h. tit.

3. Quantum ad qualitatem attinet ordinandorum vel etiam ordinatorum (de qua hîc quoq; agitur, vt patet ex c. Cum quidam & c. Quod translationem eod.) ea nihil aliud est, quàm accidens aliquod, efficiens personam ordinandi vel ordinati, siue benè, seu sit bona qualitas, vt morum probitas, prudentia, scientia &c. siue malè, seu sit mala qualitas, vt prauitas morum, illiteratura, excommunicatio, suspensio, infamia &c. Sed quia de illa non minùs commodè agetur in Tit. De aetate & qualitat. & ordine præficiendorum. ideo quæ hîc dicenda forent, ad eum Tit. reijcimus.

TITVLVS XII.

De Scrutinio in Ordine faciendo.

1. Quid sit Scrutinium.
2. Duplex est, ante ordinationem & in ipsa ordinatione faciendum.
3. Quid in hac re seruetur circa minores ac maiores Ordines.
4. Primum scrutinium.
5. 6. Secundum scrutinium.
7. Qui à scrutinio excipiantur.

Cum

CV M nullus debeat ordinari Clericus, nisi qui probatus fuerit vel examine Episcoporum, vel populari testimonio, ut habetur in *can. Nullus Distinct. 24.* ideo adueniente tempore ordinationi præfixo, examinari debent ordinandi, *d. can. Nullus, & can. Quando d. Distinct. 24.*

Scrutinium nihil est aliud, quàm examen, per eum factum, ad quem spectat. Dictum à Scrutando; nam is, qui examinat ordinandos, scrutatur siue interrogat, *c. Vnico b. 1.*

Vt verò alias Scrutiniij diuisiones (de quibus Hostiensis in *Summa b. 1. §. quot modis*) omitam, quoad ipsam ordinationem est duplex: vnum, quod ante ordinationem & quidem diligenter faciendum est, *c. Nihil est 44. §. Episcopi sup. De elect.* alterum, quod fit in ipsa ordinatione.

Ad minores itaque promouendi Ordines ex decreto Concilij Trid. *Sess. 23. cap. 5. De reformat.* tenentur habere & exhibere testimonium à Parocho suo & magistro scholæ, in qua educatur & erudiuntur: ad singulos verò maiores assumendi, per mensem ante ordinationem adire Episcopum debent, qui ad detegenda, si quæ fortè subsint, impedimenta occulta & incognita, Parocho aut alteri, cui magis expedire videbitur, committer, ut, nominibus ac desiderio eorum, qui volunt promoueri, publicè in Ecclesia propositis, de ipsorum ordinandorum natalibus, ætate, moribus, & vita, à fide dignis diligenter inquirat, & litteras testimoniales, ipsam inquisitionem continentes, ad Episcopum quamprimùm transmittat.

Deinde feriâ quartâ ante ordinationem, vel quando Episcopo vis debetur, vnâ cum Archipresbyteris ad ciuitatem euocari debent, ipseque Episcopus, adscitis sibi sacerdotibus, & alijs iuris prudentibus, peritis diuinæ legis atque in Ecclesiasticis sanctionibus exercitatis, ordinandorum genus, personam, ætatem, mores, doctrinam & fidem diligenter examinare atque inuestigare, *d. can. Quando, cum duobus seqq. Distinct. 25. c. 4. penult. & ult. inf. De ætate & qual. & ord. præficien. Conc. Trid. Sess. 23. cap. 7. De reformat. & hoc vocatur primum scrutinium.*

Sabbatho verò sequenti, qui probati & idonei reperti fuerint, Episcopo ordinandi præsentari debent per Archidiaconum, qui adstipit Episcopo, & ad quem de iure communi spectat examen & præsentatio ordinandorum ad sacros Ordines, *c. Ad hac 7. c. Vt nostrum 9. inf. De officio Archidiaconi*: ac proinde examinatores, quos sibi adsciscere debet Episcopus ex decreto Concilij Trid. *d. c. 7.* & quos singulis annis in Synodo dioecesana pro examine ad parochiales Ecclesias eligi iubet idem Concilium, *Sess. 24. cap. 18.* accipiendi sunt cumulatiuè cum Archidiacono, non autem cum illius exclusione.

6 Præsentando verò ordinandos dicit Archidiaconus, *Postulat sancta mater Ecclesia hos Diaconos vel Subdiaconos fieri*: & interrogatus, an eos dignos cognouerit; respondet, se nolle & testificari, in quantum humana fragilitas nolle sinit, *c. unico h. t.* & hoc vocatur secundum scrutinium. Ea autem responsione non peccat Archidiaconus, quamuis ordinandus reuera sit indignus, modò non sciat esse indignum, nec per eum stet, quò minus sciat esse talem: quia non simpliciter asserit, illum esse dignum, sed quantum humana fragilitas nolle sinit; præsertim cum illum, quem indignum esse non nouit, dignum debeat æstimare. Simili responsione vtuntur Suffraganei, præsentantes Archiepiscopo electum in Episcopum, vt eum consecraret; interrogari, num sciant illum esse dignum: hæcque interrogatio & responsio vocatur etiam Scrutinium. Imò de eo potissimum hoc Tit. agitur, vt patet ex *d. c. unico*.

Quòd si examinatio prædicta ordinationem non præcedat, vel si infcio Episcopo suo quis ordinetur, censetur furtiuè ordinem suscipere: & qui ordinatus fuerit non examinatus iubetur deponi, *can. ult. Distinct.*

7 24. * Attamen ab examine illo seu scrutinio excipit Conc. Trid. præsentatos, electos seu nominatos ab Vniuersitatibus siue Collegijs Generalium Studiorum, *Sess. 23. cap. 13. De reformat.* quod tamen videtur reuocare *Sess. 24. cap. 18. De reformat.*

TITVLVS XIII.

De ordinatis ab Episcopo, qui Episcopatu renuntiauit, & ab excommunicato.

1. Episcopus renuntians loco rectè confert Ordines.
2. Renuntians loco & dignitati non nisi minores conferre valet.
3. Pœna ordinati ab huiusmodi Episcopo.

Diximus antè, quemlibet ordinandum esse à suo Episcopo, vel ab alio de eius mandato aut licentia. Quia verò Episcopus, qui renuntiauit Episcopatu, desinit esse proprius Episcopus; excommunicatus autem, excommunicatione durante, suspensus est ab executione ordinis Episcopalis: ideo ne quis facile decipiat in Ordinum susceptione, meritò inquirendum nunc est, quid iuris sit de eo, qui ab alterutro eorum ordinatus est.

Quod

Quod ad primum attinet, dicendum est, Episcopum, si renuntia-
uerit loco dumtaxat, rectè conferre Ordines, ab aliquo Episcopo ro-
gatum, siue minores siue maiores, quia manet Episcopus & quoad ha-
bitum & quoad exercitium. * Si verò renuntiauerit loco & dignitati,
quia remanet tunc solum Episcopus habitu, & priuatur exercitio, vt
colligitur ex c. 1. Panorm. *ibid. h. t.* minores quidem conferre potest,
quia etiam non Episcopus illos conferre valet, veluti Abbas: & ideo ra-
tionaliter promotus ad maiores Ordines ascendere non prohibetur, modò
idoneus sit. At verò sacros Ordines seu maiores Episcopus talis con-
ferre nequit: * addò vt, si quis ab eo sacrum Ordinem suscipiat sciens,
characterem quidam accipiat, non tamen in eo Ordine ministrare pos-
sit, quia indignum se fecit. Dixi, sciens; quia si ignoranter, cum eodem,
vt ministrare valeat, Episcopus rectè dispensat: sicut & cum eo, qui
ignorans ab Episcopo excommunicato Ordines accepit, c. 1. & 2. *h. t.*
nisi ipsemet ordinauerit: nam eo casu, ne videatur dispensare super
proprio defectu, summus Pontifex ad eundus est.

TITVLVS XIV.

De ætate, & qualitate, & ordine Præ-
ficiendorum.

§. I. De ætate Præficiendorum.

1. *Ætas requisita ad obtinendum beneficium.*
2. 3. *Ad Episcopatum, & alias dignitates.*
4. *Ad parochiale beneficium.*
5. *Ad Canonatum.*
6. *Abbatissa non nisi quadragenaria eligenda.*

INter ordinandos siue ordinatos, de quibus egimus, quidam præ-
ficiendi sunt dignitatibus, veluti Episcopatibus, de quibus potissi-
mum hoc Tit. tractat Pontifex, vel certis Ecclesijs seu beneficijs,
• ex quibus adscripti militiæ clericali stipendia, quibus sustenten-
tur, percipere valeant, cum nō teneantur proprijs stipendijs militare,
c. *Exstirpanda §. 1. inf. De prebendis, can. Militare xxxi q. 1.* In præficien-
dis verò spectanda & requisita est certa ætas, qualitas & ordo: de quibus nunc agendum est.

notannis x l. & quæ octo annis post emissam professionem laudabiliter vixerit, Conc. Trid. Sess. 25. c. 7. De Regular. Zerola V. Abbatissa. §. 1.

§. II. De Qualitate.

1. Qualitates eadem in præficiendis requisitæ, quæ in ordinandis.
2. De ijs regula.
3. Qualitates in Curato requisitæ.
4. 5. 6. In Archidiacono, Pœnitentiario, Scholastico, &c.
7. Prærogatiua graduatorum.

Quænam ad qualitates præficiendorum attinet; tales, inquit Pontifex in *can. 4. Distinct. 23.* ad ministerium eligendi sunt Clerici; qui dignè possint Dominica Sacramenta tractare. Melius est enim Domini sacerdotium paucos habere ministros, qui possint dignè opus Dei exercere, quàm multos inutiles, qui onus graue ordinatori adducant.

Igitur eadem qualitates in præficiendis requiruntur, quæ in ordinandis: ac proinde spectanda est primò regula Apostoli *ad Timoth. 3. & ad Tit. 1.* quæ his versibus continetur: *

Primum præcipitur, quòd sit sine crimine Præsul.
 Monogamus, sobrius, prudens, ornatus, & hospes:
 Casta docens, non percussor, non litigiosus,
 Non cupidus, benè dispositus, non Neophytusve,
 Talis Apostolica quòd præsit regula iussit.

Nam licet Apostolus hanc regulam de Episcopo tradiderit, tamen Augustinus in *can. Apostolus Distinct. 81.* & Ambrosius in *can. Cognoscamus Distinct. 34.* eam ad alios Clericos ordinandos, & consequenter præficiendos, extendunt. Singulorum autem dictæ regulæ capitulorum explicationem videre licet apud Hostiensensem in *Summa tit. De temporib. ordinat.* & apud Gratianum à 2. parte *Distinct. 25. vsque ad Distinct. 30.* In summa promouendi ad vnumquodque beneficium, officium, vel dignitatem, tales esse debent, vt eius muneri respondere possint, & debite illud exequi valeant, pro varietate & diuersitate beneficiorum, officiorum, vel dignitatum & munerum, ijs incumbentium seu annexorum, iuxta Innoc. in c. *Cum in cunctis sup. De electione.*

Et ideo beneficia, curam animarum habentia, conferri debent personis dignis, & habilibus, & quæ in loco residere ac per seipsos eâ curâ exercere valeant: aliàs collatio est nulla, & conferens pœnas incurrit,

N

G. GRAVE

c. Graue nimis *x De prabendis*, c. Quia nonnulli *x De clericis non resident. c. Licet canon De elect. in 6. Conc. Trid. Sess. 7. cap. 3. De reformat. Teneturque Curatus scire Canones præsertim pœnitentiales, & quæ in administratione Sacramentorum requiruntur.*

- 4 Archidiaconus in Ecclesia Cathedrali doctrinâ ad munus suum necessariâ & vitæ integritate commendabilis esse debet, Doctor aut Licentiatus in sacra Theologia vel Iure Canonico. Conc. Trid. Sess. 24. cap. 12. Non comprehendit tamen eo Concilij decreto quoad qualitatem Doctoratus & Licentiæ Archidiaconum, qui curâ animarum & omni prorsus iurisdictione caret, tradit Piaces. 2. p. cap. 5. n. 20. ex *Declarat. Cardinal.*

- 5 Pœnitentiarius in Ecclesia Cathedrali annorum xli. similiter Doctor aut Licentiatus in alterutra illarum facultatum, seu aliâ qui aptior pro loci qualitate reperitur, Conc. Trid. d. Sess. 24. cap. 8. Vicarius etiam Sede vacante eligendus similiter debet esse Doctor vel Licentiatus, saltem in Iure Canonico, vel aliâ, quantum fieri poterit, idoneus. Trid. d. Sess. 24. cap. 16.

- 6 Scholasticus Doctor aut Licentiatus in sacra pagina aut Iure Canonico, aut aliâ idoneus, qui per se id munus explere possit, Trid. Sess. 23. cap. 18. §. de cetero. De qualitatibus in Episcopum eligendi dixi suprà Tit. De electione.

- 7 Insuper sancta Synodus Trid. d. Sess. 24. cap. 12. hortatur, ut in provincijs, ubi id commodè fieri potest, dignitates omnes, aut saltem dimidia pars Canonicatum in Cathedralibus Ecclesijs, & Collegiatis insignibus, conferantur dumtaxat Magistris vel Doctoribus, vel etiam Licentiatis in sacra Theologia aut Iure Canonico; & ut Canonicatum Cathedralis Ecclesiæ dimidiæ quoque parti ordo sacerdotij annectatur. Hinc in erectione nouorum Episcopatum per Belgium nouem præbendæ, tunc primò vacaturæ, affectæ fuerunt: tres quidem Theologiæ, & totidem Iuris Doctoribus aut Licentiatis, tres verò aliæ Nobilibus dioecesanis, siue Theologiæ siue Iuris Doctoribus aut Licentiatis: & ad eas promouendi actu tales esse debent tempore promotionis, quia Bullæ loquuntur de promotis in aliqua famosa Vniuersitate, quod actum præteritum importat. Wamels. Consilio 18. iuxta ordinem Decretal. n. 1. & seqq. In alijs autem beneficijs simplicibus sufficit doctrina mediocris, vel saltem, quòd beneficiatus sciat legere, construere, canere, horas Canonicas recitare, Clement. unica De concess. præbende, iunctâ Glossa in V. reputamus, Nauar. De horis Canonicis cap. 7. n. 3. Piaces. 2. p. cap. 5. n. 20.

§. III. De ordine Præficiendorum.

1. Ad simplex beneficium sufficit regulariter prima tonsura.
2. Beneficia alia Sacerdotalia, alia Diaconalia, alia Subdiaconalia, & singulis suis Ordo annexus.
3. Ad curatum beneficium nemo assumendus, nisi qui x x v. annum attigerit.
4. In Epi copum vel Abbatem qui eligendi.
5. Ordo dupliciter annexus dicitur beneficio.

Postrema pars Tir. est de ordine præficiendorum. Ad obtinendum itaque simplex beneficium sufficit prima tonsura: quamvis subinde requiratur, ultra tonsuram, Ordo sacer, pro varietate beneficiorum, illum ex consuetudine, statuto, vel fundatione requirementum. * Ideoque, cum beneficiorum alia dicantur Sacerdotalia, alia Diaconalia, alia Subdiaconalia, is Ordo requiritur, quem beneficia postulant, vel saltem capacitas ad Ordinem infra annum, à die pacificæ possessionis, vel ex eo tempore, quo per beneficium steterit, quò minus eam, cessante legitimo impedimento, nactus sit: nam intra illud tempus Ordinem requisitum suscipere tenetur, c. *Licet canon*, c. *Commissa De elect. in 6. Conc. Trid. Sess. 22. cap. 4. De reformat. vbi innouavit Clement. Vi ij qui h. r. & Sess. 24. cap. 12. vbi statuit, vt in omnibus Ecclesijs Cathedralibus Canonicatus omnes seu portiones habeant annexum Ordinem Presbyterij, Diaconatus vel Subdiaconatus: quodque Episcopus cum consilio Capituli (quod tamen sequi non tenetur, vt declaratum fuisse à sacra Congreg. refert Zerola, in sua Praxis. 2. V. Capitulum) delignet & distribuatur, prout viderit expedire, quibus Canonicis & portionibus quilibet Ordo ex sacris annexus in posterum esse debeat: ita tamen, vt saltem dimidia pars Presbyterij sint: nisi fuerit ea loci consuetudo, vt plures vel omnes habeant Presbyteriarum annexum. Dixi Canonicis, quia ijs singulis, & non personis Ordo assignari debet, ex declarat. Card. d. quam refert Piacet. p. 2. cap. 3. n. 73.*

Ad parochialem Ecclesiam nemo assumi potest, nisi sit Subdiaconus: potest tamen Episcopus eum constituto in minoribus Ordinibus dispensare, modò alias sit idoneus, & talis, vt infra breue tempus possit in Presbyterium ordinari, c. *Fraternitas s. b. r.* id est modò attigerit x x v. annum. Similiter ad dignitates quascunque, quibus cura animarum (quæ refertur in c. penult. b. r. dicitur *ars artium*) subest, nemo promouendus est, qui non attigerit x x v. annum, c. *Cum in cunctis s. inferiora sup. De elect. Conc. Trid. Sess. 24. cap. 12.* Ad alias verò dignitates vel per-

N ij sonatus,

sonatus, quibus animarum cura nulla subest, non minores **xxii.** annis assumi debent, Conc. Trid. *ibid.*

4. In Episcopum nemo eligendus, qui non sit Subdiaconus, *c. A multis 9. h. t.* In Abbatem, Præpositum, vel Decanum, qui non sit Sacerdos, vel idoneus, ut breui fiat, *c. i. h. t.* Potest tamen ob necessitatem Ecclesie in minoribus constitutus, etiam irregularis, in Abbatem dispensatiuè eligi, *c. tuam. h. t.* Archidiaconus debet esse Diaconus; Archipresbyter Presbyter *d. i. h. t.*
5. Obseruandum autem hic est, pro priori dictorum cognitione, dupliciter posse ordinem esse annexum beneficio vel dignitati: primò, respectu aptitudinis; & tunc requiritur, ut ad illud vel illam promouendus tempore suæ promotionis talis sit ætatis, ut infra annum possit illum ordinem suscipere, non autem requiritur, ut actu habeat; veluti in Parocho, Decano, Archidiacono, *c. Si pro 8. De prabendis in 6.* Secundò, respectu actus; & tunc necessario requiritur, ut, qui promouetur ad tale beneficium vel dignitatem, tempore promotionis illum ordinem actu habeat: veluti si in fundatione vel statuto habeatur, quòd tale beneficium debeat conferri actu Sacerdoti, vel Diacono, vel Subdiacono; vel non debeat conferri nisi Presbytero, Diacono, vel Subdiacono: quia, ut dici solet, qualitas adiecta verbo debet adesse tempore verbi, seu per verbum significato, *arg. l. In dilectis §. si extraneus D. De noxal. action. & l. i. §. tutoris D. Quod iussu, DD. in l. Ex facto, in princ. D. De vulgari. Surd. De aliment. tit. 9. q. 13. n. 5.* Sic quilibet acceptans beneficium, debet actu esse Clericus, seu habere primam tonsuram; nec in hoc casu cingendus habetur pro cincto, Riccius in *Praxi benef. Decis. 185.*

§. IV. De ætate ad Ordines requisita.

1. *Actus requisita ad Ordines ex iure veteri.*
2. *Ex iure nouo.*
3. *Ex iure nouissimo seu Conc. Trid.*
4. *Pœna Episc. ordinantis, & ordinatorum, ante legitimam ætatem.*
5. *Super ætate solus Pontifex dispensat.*

Docuimus, quis Ordo in præficiendis exigatur: non abs re fuerit hic subiungere, quænam ad quemque Ordinem ætas requiratur.

1. In primis igitur, qui ad primam tonsuram; & tres sequentes minores Ordines, promoueri cupit, annos infantie, qui sunt septem, *l. Si infantis Cod. De iure deliberandi*, expleuerit necesse est: nisi ex deuotione

tionem parentum intret Religionem, *c. fin. & ibi Glossa De temporib. ordinat. in 6.* qui ad Acolytatum & Subdiaconatum, olim annum decimum quartum excessisse debebat, *can. In singulis Distinct. 77. & aliquando attigisse vicesimum; can. Quicumque, cum seq. ead. Distinct. ante x x v. ætatis annum Diaconi ordinari non poterant, can. Placuit, & alijs ead. Distinct. Ad Presbyteratum olim x x x. anni requirebantur, can. 1. ead. Distinct. ** At verò de iure nouo ad Subdiaconatum x v i i i. ad Diaconatum x x. ad Presbyteratum x x v. requiruntur, *can. De his, Distinct. 28. Clement. fin. b. 1.*

Denique hodie ex Concilio Trid. *Sess. 23. cap. 12. De reformat. nullus;* ad Subdiaconatum ante x x i i. ad Diaconatum ante x x i i i. ad Presbyteratum ante x x v. annum promoueri debet: hoc tamen annos sufficit esse inceptos, *Glossa & DD. in d. Clement. fin.* Minoribus vero Ordinibus nullam certam ætatem præscripsit dictum Concilium, quasi hic attendenda sit ea ætas, quam sacri Canones præscripserunt, iuxta declarationem Cardd. apud Piacet. *1. p. Prax. Episc. cap. 1. n. 22.* maiorque litterarum & morum, quam ætatis, habenda sit ratio: ut proinde arbitrio Episcopi relictum videatur, quâ ætate suscipi possint, uti satis insinuat ipsum Concilium Trid. *d. loco, & ead. Sess. cap. 5. & 6.* dum eorum non meminit. In Episcopo ordinando ætas x x x. annorum exactorum ut minimum spectatur, ex eodem Conc. *Sess. 7. cap. 1. De reformat.* sicut & antea semper spectata fuit, *c. Cum in cunctis sup. De elect. iunct. 2. Gloss. in Clement. Generalem De ætate & qualitat. &c.* Prædicta tamen ætas in singulis Ordinibus non est de necessitate Sacramenti (quia quoad illud nulla certa ætas requiritur, cum etiam infans, si ordinetur in Sacerdotem, recepturus sit characterem; licet possit adultus factus reclamare, nisi ratum habuerit in ætate legitima:) sed est de necessitate præcepti. *Piacet. d. loco n. 22.*

Cæterum Episcopus, ordinans scienter aliquem ante legitimam ætatem, suspendi debet à collatione Ordinum: ordinatus verò ab ipso Ordinis sic suscepti executione suspenditur, usque ad legitimam ætatem, idque in iniuriam conferentis, ut, in quo peccauit, puniatur, *c. vel non est compos 14. iuncto c. Dilectus sup. De temporib. ordinat.* Videatur Couar. in *Clement. Si furiosus De homicidio p. 1. §. 1. n. 4.* ubi docet, non esse suspensum ipso iure, sed suspendendum per sententiam, secundum ius commune. Quod addo, quia hodie per Extrauagantem Pij II. incip. *Cum ex sacrorum*, quam refert Piacet. *d. p. 1. cap. 1. n. 24.* est ipso iure suspensus (sicut & ordinatus ab alieno Episcopo sine litteris dimissorijs, vel extra tempora) & celebrans efficitur irregularis, à solo Papa absolendus, beneficijsque priuari potest. Vide & Nauar. in *Manuali Confess. cap. 27. n. 155.*

- 5 Porro Episcopum non posse super ætate dispensare, sed ad hoc ad-
undum esse summum Pontificem, notat *Glos. in d. Clement. fin. in V. an-
num*. Quod si verò Pontifex minori ante iustam ætatem dispensatiue
concesserit aliquam Ecclesiam, eam ante legitimam ætatem per se non
administrabit, sed per alios idoneos; non quidem laicos, sed Clericos,
c. 2. h. t. In materia autem ætatis creditur dicto parentum vel testium,
l. De ætate D. de minoribus, Rebuff. De litteris prima tonsura n. 13.

TITVLVS XV.

De sacra Vnctione.

§. I.

1. Definitio.
2. Diuisio in Exteriorem & Interiorem.
3. Ad exteriorem adhibetur Oleum benedictum & sacrum Chrisma.
4. Chrysma te inungitur Episcopus.
5. Oleo benedicto Sacerdotes & Reges.
6. Christiani omnes cum Oleo benedicto cum Chrysma.
7. Ecclesia, Altare, Calix.

Quia in sacris Ordinibus conferendis & consecrandis Ecclesie
ministris vsus est sacre Vnctionis, ideo sub tractatu ordina-
tionum rectè hic Tit. positus est.

- 1 Est autem sacra Vnctio, iuxta Hostien. in *Summa h. t. n. 2.*
sacri olei materialis delibatio seu delibutio, secundum formam Eccle-
sie traditam.

- 2 Et est duplex, Exterior scilicet, materialis & visibilis, per quam cor-
pus inungitur: & Interior, per quã inuisibiliter cor, id est anima inun-
gitur. Ponitur enim hîc Cor pro Anima; siue quia secundum aliquos
anima in corde sedem habet; siue quia vnctio non fructificat in anima,
nisi ex corde & voluntate procedat. Hinc si quis inuitus & contradi-
cens baptizetur, nec rem nec characterem sacramenti Baptismi reci-
pit, *c. Maiores §. fin. inf. De Baptismo*.

- 3 Ad exhibendam exteriorem vñtionem, quæ est signum interioris,
benedicitur & consecratur oleum ex oleo oliuarum, quod dicitur Ca-
techumenorum & infirmorum: item conficitur & consecratur aliud,
quod vocatur Chrysma, ex oleo, designante nitorem conscientie; &
balsamo, per quod odor bonæ famæ exprimitur.

Chrysma-

Chrismate autem in primis quilibet Episcopus vngi debet; non tam in corpore, quàm in corde: vt & internus nitorem conscientiae quantum ad Deum, & externus habeat odorem bonae famae, quoad proximum. Vngitur verò in capite, & in manibus. Vtriusque vñtionis rationem vide in *c. vnico b. 1.* Videantur & quae supra diximus *Tit. De electione §. 7. de consecratione Episcopi.*

Sacerdotes similiter inunguntur in manibus, sed oleo benedicto; quo etiam in veteri Testamento Reges vngebantur in capite: hodie verò post aduentum Christi, qui est caput totius Ecclesiae, solum inunguntur in brachio, humero vel armo; tum quia ijs propriè designatur Principatus, iuxta illud, *Factus est Principatus super humerum eius*; tum vt designetur differentia inter auctoritatē Pontificis & Principis potestatem. Pontifex tamen etiam hodie in capite inungitur, quia representat personam capitis, scilicet Christum, in Pontificali officio, *d. c. vnico §. 2. in fine.*

In nouo verò Testamento non solum Reges & Sacerdotes inunguntur, sed & Christiani omnes bis ante Baptismum oleo benedicto; primum in pectore, deinde inter scapulas: & post Baptismum bis Chrismate sancto; primum in vertice, demum in fronte, *d. c. vnico §.* quia verò, vbi ratio harum vñtionum, & cur in dictis partibus fiant, redditur.

Ecclesia quoque vngitur Chrismate, cum dedicatur altare, cum consecratur, primum oleo, secundo chrismate: Calix verò, cum benedicatur, sed Chrismate tantum, *d. c. vnico §. vngitur fin.*

§. II. De Confirmatione.

1. Cur necessaria sit confirmatio.
2. Definitio.
3. 4. Materia & forma.
5. Minister huius Sacramenti.
6. Qualitas confirmandorum.
7. De patrinis.
8. Effectus Confirmationis.

Quia per frontis chrismationem manus impositio designatur, quae alio nomine dicitur Confirmatio, *c. vnico §. per frontis b. tit.* & quia de extrema quoque Vñtione incidenter agit Pontifex in *d. c. vnico*: non alienum à re fuerit de vtroque hoc Sacramento aliquid subiungere.

Tamen

- 1 Tametsi verò vt dicitur in *can. 2. De consecrat. Distinct. 5.* continuò transituris sufficiant regenerationis beneficia: victuris tamen necessaria sunt confirmationis auxilia, vtpote per quam baptizatus armatur & instruitur ad agones & certamina huius mundi, accepto per ipsam Spiritu sancto, ad robur & augmentum gratiæ, *can. 1. & 2. & can. Nouissimè Distinct. 5.* Vt proinde nullatenus in Christiano adulto queat à baptismo separari, & vnum sine altero ritè conferri non possit; licet alioquin duo sint Sacramenta, *can. 3. ead. Distinct.*
- 2 Est autem Confirmatio, vnctio chrisimatis consecrati in fronte baptizati, facta ab Episcopo, sub præscripta verborum forma, ad audacter confitendum nomen Domini.
- 3 Eius materia remota est Chrisma, confectum ex oleo & balsamo, per Episcopum benedicto & consecrato, *d. c. vnico h. t.* Proxina verò materia est vnctio ex prædicto Chrismate in fronte adhibita, ad formam seu signum crucis. De cuius, aliarumque vnctionum significatione, vide *d. c. vnicum, & d. can. Nouissimè Distinct. 5.*
- 4 Forma est: *Signo te signo crucis, & confirmo te Chrismate salutis, In Nomine Patris & Filij & Spiritus Sancti, d. c. vnico §. per frontis, can. Numquid De consecrat. Distinct. 5.*
- 5 Minister ordinarius est Episcopus, *d. §. per frontis, can. Presbyterii De consecrat. Dist. 4. Conc. Florent. in instructione Armen. & alijs similibus, Trid. Sess. 7. cap. 3. de confirmat.* Aliquando tamen, ex causa necessitatis ac dispensatione, illud concessum fuit Presbyteris, *can. Peruenit Distinct. 95.* sed postea prohibitum.
- 6 Debet verò confirmandus esse baptizatus, quia baptismus est ianua omnium Sacramentorum: septennis seu eius ætatis, in qua illi pugnandum cum dæmone; quod tamen consilij est, non necessitatis, quamuis tutius fuerit expectare septennium, propter periculum reconfirmationis, *Piacet. l. p. cap. 3. n. 4.* Insuper ieiunium esse oportet, & peccata mortalia, si quæ habuerit, confessum, *Nauar. cap. 22. n. 9.* Si amen necessitas urgeat, veluti infirmitas & mortis periculum, potest non ieiunus confirmari, *can. Vt Episcopi d. Distinct. 95.* quia id etiam est consilij tantum. Imò vsus obtinuit, vt plerumque à non ieiunis conferatur & suscipiatur, *Piacet. d. loco n. 2.* Percutitur verò maxilla confirmati, in signum quòd forti & inuicto esse animo. debeat ad fortiter pugnandum pro fide: ipseque Episcopus cum pluuiali, mitra, stola, & baculo pastoralis confirmare debet, secundum declarat. *Cardd. teste Piacetio d. loco n. 3. & dioecesanos suos tantum. idem ibid.*
- 7 Vt autem in baptismo, ita & in confirmatione patrini seu matrinæ interuenire debent, qui confirmatum in fide ac militia Christianæ plenius instruant: non tamen plures quàm vnus, siue vir siue mulier, aut
adsum-

ad summum duo, vnus & vna, iuxta Concilium Trid. *Sess. 24. c. 2. De reformat. matrim.* inter quos & confirmatum confirmatiq[ue] patrem & matrem, & non vlt[er]ius (licet olim aliter obtinuerit) contrahitur cognatio spiritualis, impediens contrahi matrimonium, & dirimens contractum, Conc. Trid. *d. loco*. Oportet verò patrinus in esse baptizatum & confirmatum, *can. In baptismo De consecrat. Distinct. 4.* aliàs non contrahet affinitatem, *Piacel. d. loco ex Angelo quem citat.* Non tamen debet in confirmatione idem esse patrinus, qui fuit in baptismo, cessante necessitate, *can. In cathecismo De consecrat. Distinct. 4.* nec item parentes filios proprios suscipere debent, alioquin sepatandi sunt, *can. Peruenit x x x. q. 1.* Non debent etiam esse Monachi vel Abbates, respectu alienorum, *c. 2. x De cognatione spirituali can. Non licet, can. monachi d. Distinct. 4. can. Peruenit x v i i i. q. 2. can. Placuit x v i. q. 1.* excepto tempore necessitatis. Nec rursus coniuges sese mutuò suscipere debent ob cognationem spiritualement, quæ inde nascitur, impediens matrimonium.

Proprius effectus Confirmationis est confortatio & corroboratio baptizati in gratia, per baptismum accepta, ad audacter confitendum Christi nomen, fortiterq[ue] contra omnes carnis, mundi & diaboli impetus pugnandum. Alius effectus est, imprimere characterem indelebilem, ratione cuius reiterari nequit, *Piacel. d. loco n. 2. vbi citat Victor. Angel. Armillam.* 8

§. III. De Extrema Vnctione.

1. Definitio.
2. Materia.
3. De Membris inungi solitis.
4. Forma.
5. Qui inungendi.
6. Effectus huius Sacramenti.
7. Minister eiusdem.

Hoc Sacramentum appellatur Extrema Vnctio, quia datur in extremis agentibus, & præter alias vnctiones. * Est autem Sacramentum, quo ægroti oleo consecrato à Presbytero in certis partibus, sub certa verborum forma, inunguntur, & à morbi molestijs releuantur, vt faciliùs ex hoc mundo migrent, & corpora etiam, si ita expedit, sanitati restituantur.

Duplex in hoc Sacramento est vnctio; interior, spiritualis scilicet & inuisibilis, quâ cor id est anima inungitur; & exterior, materialis & visibilis, quâ corpus vngitur, *c. vnico in princ. h. tit.* 2

O

Materia

2 Materia ex institutione diuina est oleum oliuarum, per Episcopum consecratum, *d. c. vnico* Non negandum tamen, quin oleum non consecratum possit consecrari priuquam deficiat, admisceri.

3 Inunguntur autem eo oleo in administratione huius Sacramenti, de necessitate oculi, aures, nares, manus, labia. Si quis verò careat prædictis membris, vnctio fit in locis vicinis: veluti si cæcus fuerit, in organo visus; aut, si organo careat, in loco organi. Ratio, cur ita Christus instituerit, est, quia hoc Sacramentum applicatur infirmo per modum perfectæ medicinæ, ad sanandum omnia vulnera animæ; & ideo congruenter applicatur omnibus sensibus externis, tanquam radicibus omnium vulnerum animæ, seu fenestris & portis, per quas peccata ingrediuntur. Vnde & ex more quarundam Ecclesiarum inunguntur etiam renes, ut in quibus sit sedes concupiscentiæ; & pedes, ob vim progressuam & executionem. Ratio pudoris & honestatis postulat, ne feminae in renibus inungantur.

4 Forma autem Sacramenti est hæc: *Per istam vnctionem sanctam, & suam piissimam misericordiam, indulgeat tibi Deus, quidquid per visum deliquisti: & sic in alijs membris.* Si tamen necessitas urgeat, necesse non est ad singulas vnctiones repetere, *Per istam vnctionem*; sed satis est semel dixisse, & loca necessaria iungendo, addere, *Indulgeat tibi Deus, quidquid deliquisti per visum, per auditum, per odoratum, per gustum, per locutionem, & per tactum*, omissis alijs solemnitatibus & precibus antecedere solitis: quæ postea suppleri possunt cum precibus subsequenter. Habet autem ista forma vim ex opere operato, & non ex fide vel deuotione recipientis.

5 Adhibetur verò hoc Sacramentum baptizatis dumtaxat, quia baptismum dixi esse ianuam omnium aliorum Sacramentorum; & quidem adultis ac graui & periculoso morbo laborantibus, ita ut de vita dubitetur, vti colligitur satis ex illis verbis Iacobi, *Infirmatur quis, alleuiabit, excitabit, &c.* quia adhibetur tanquam remedium supernaturale ad recuperandam sanitatem corporis, si ita expediat. Non est autem recurrendum ad remedia supernaturalia, dum suppetunt naturalia. Hinc non potest dari vltimo supplicio afficiendis, quia non sunt infirmi: nisi forte in infirmitate existentes vel vulnerati vltimo supplicio afficiendi sint: quibus etsi non sit profuturum ad sanitatem corporis, prodesse tamen potest ad salutem animæ. Debet insuper is, cui datur, esse ita adultus, ut vsum rationis habeat, vel habuerit. Hinc non est dandum pueris vel amentibus à natiuitate, quia nullas habent peccatorum reliquias: si verò amentes vsum rationis aliquando habuerint, & hoc Sacramentum saltem implicite ac virtualiter petierint aut desiderauerint, illis esset conferendum, dummodò probabile sit, non incidisse

eos in amentiam, dum in peccato essent mortali: nam in peccato mortali existentibus non est dandum, vti nec impœnitentibus, *can. illud superfluum Distinct. 95.* Quòd si dubitetur, an aliquis sit mortuus, administrari potest sub conditione, *Si non es mortuus.*

Effectus huius Sacramenti in primis est, remissio peccatorum, non tantùm venialium, vt quidam volunt, sed etiam mortalium: tum quia venialia sine Sacramento deleri possunt, nec ad ea tollenda requiritur infusio nouæ gratiæ, quæ tamen est effectus omnium Sacramentorum: tum quia Iacobus absolutè & generatim dicit, *& si in peccatis fuerit, remittentur ei*: tum quia in forma dicitur, *quidquid deliquisti &c.* tum denique, quia non solùm venialia, se etiam mortalia dici possunt reliquæ peccatorum, quas dicitur hoc Sacramentum abstergere. Nam fieri potest, vt quis confessionem ac communionem non ritè peregerit, & hoc ipsum nunc inuisibiliter ignoret, vel vt post confessionem ac communionem legitimè peractam incidat in peccatum mortale, idque etiam ignoret; ac proinde, cùm non possit illud delere per confessionem, expiabitur, & gratiam consequetur per hoc Sacramentum, dummodò sit attributus. Imò ad eum effectum, nempe ad peccatorum remissionem, quæ per Sacramentum pœnitentiæ non sunt expiata, peculiariter à Christo est institutum. Ex quo apertè sequitur, posse fieri vt re ipsâ saluetur aliquis per Extremæ Vnctionis Sacramentum, qui sine eo damnationem incurrisset. *Nauar. in Manual. cap. 22. nu. 13.* Alius effectus est, alleuiare infirmum ab ægitudine, si ita expediat.

Minister denique est solus Sacerdos, ritè ab Episcopo ordinatus, *Concil. Trident. Sess. 14. can. 4. de hoc Sacramento.* Colligitur satis ex verbis Iacobi, *Infirmatur quis ex vobis, inducat Presbyteros &c.* Nam licet vox illa, Presbyter, sit ambigua, & significet tam ætate quàm dignitate maiorem, tamen in illis verbis Iacobi per Presbyterum intelligi solùm Sacerdotem ab Episcopo ordinatum, definit *Trid. d. loco can. 4.* Vñs autè est ibi Iacobus numero plurali pro singulari, eo modo, quo dicimus, confitendum esse Sacerdotibus, cùm tamen sufficiat vni confiteri. Vetus tamen est Religiosis administrare hoc Sacramentum: Clericis aut Laicis absque speciali licentia Presbyteri parochialis, sub pœna excommunicationis ipso facto incurrendæ, cuius absolutio summo Pontifici reservata est, *Clement. 1. in princ. iuncto §. finali De privilegijs*: quod intellige extra necessitatem.

TITVLVS XVI.

De Sacramentis non reiterandis.

§. I. Quid sit Sacramentum.

1. *Varia acceptiones nominis Sacramenti.*
2. *Definitio Sacramenti.*
3. *Signum quid & quotuplex.*
4. *Quid nomine signi & gratia in definitione intelligatur.*

CUm antea egerimus de Sacramento Ordinis, Confirmationis & Extremæ Vnctionis, & inter Sacramenta quædam reiterari seu iterum conferri possint, quædam non: ideo nunc dispiendum quænam sint iterabilia, & quæ non; præsertim ut sciat, quænam sacra Vnctio, de qua Tit. præcedenti, quæ in Sacramentis reperitur, sit iterabilis vel non.

1. Pro faciliiori intelligentia sciendum, Sacramentum dici à Sacro, varijsque modis accipi. Primò, ut significat pignus à litigantibus in loco sacro depositum. Varro 1. *de Lingua Lat.* Secundò, ut significat iuramentum; diuinæ testimonio aut inuocatione alicuius rei sacre confirmatum. Sic frequenter usurpatur in Iure, non modò Canonico, sed etiam Ciuili, ut in *Authent. Sacramenta puberum Cod. Si aduersus venditionem, l. Miles §. ignominiosa D. De re militari*; & apud scriptores tam gentiles quàm Christianos. Tertio, ut significat idem, quod sacrum arcanum. sic 1. *ad Timothi. 3.* Incarnatio vocatur *magnum pietatis sacramentum*. Quartò, extenditur ad designanda occulta mysteria, licet non sint sacra. sic *Apo-calypt. 17.* res illæ occultæ significatæ per bestiam & mulierem vocantur *sacramentum bestie & mulieris*. Quintò, ut significat signum rei sacre. In eaque significatione illud hic accipitur: non quidem ita generaliter, sed prout significat signum rei sacre perfectè sacrantis ac initantis hominem. • Vnde & definiri solet, esse inuisibilis gratiæ visibilis forma, *can. Sacrificium 32. De consecrat. Distinct. 2.* vel explicatiùs, esse inuisibilis gratiæ visibile signum, ad nostram iustificationem institutum. *Cathecismus Romanus de Sacramentis in genere cap. 1. n. 3. in fine. Videatur canon multi 84. circa medium l. q. 1.*
2. Pro cuius definitionis intellectu faciliiori Notandum, quòd, Signum sit res præter speciem, quam ingerit sensibus, aliud aliquid à se faciens

faciens in cognitionem venire, *can. signum De consecrat. Distinct. 2.* Sic ex vestigio alicuius terræ aut niui impresso cognoscimus aliquem transiisse.

Est autem signum duplex, scilicet naturale, quale est fumus respectu ignis; & ex institutione, eaque vel humana, ut hederæ vini; vel diuinæ: & hoc rursus est duplex, aliud speculatiuum, aliud practicum. Speculatiuum dicitur, quod tantum significat, & nihil efficit. hoc pacto serpens æneus erat signum Christi in crucem erigendi, & multa alia in lege Mosaica erant signa futurorum. Practicum dicitur, quod non solum significat, sed etiam efficit & operatur. Huiusmodi est ablutio in Baptismo, quæ significat & efficit abluitionem internam animæ à peccato.

In assignata igitur definitione intelligitur signum diuinitus institutum practicum, sensibile aliquo sensu. Nomine autem gratiæ intelligitur gratia sanctificans & iustificans animam; & quidem perfectè, ut excludantur sanctificationes, quæ sunt solum dispositiones ad perfectam sanctitatem: quales sunt sanctificationes valorum, consecrationes altarium, aquæ benedictæ, & similia. •

§. II. Quot sint Sacramenta.

1. *Sacramenta sunt septem.*
2. *Eorum quadam necessaria ad salutem.*
3. *Quadam voluntaria.*

Sacramenta nouæ legis sunt septem, à Christo instituta, nempe Baptismus, Confirmatio, Eucharistia, Pœnitentia, Extrema Vnctio, Ordo, & Matrimonium. *Conc. Trid. Sess. 7. can. 1. De Sacramentis, Conc. Florent. in instructione Armeniorum:* quæ omnia crucis signaculo perficiuntur, *can. Nunquid De consecrat. Distinct. 5.* Et licet omnia necessaria sint ad statum vniuersalem Ecclesiæ, eorum tamen quædam necessaria sunt ad salutem, alia verò non; sed sunt voluntaria, id est pro cuiusque arbitrio & voluntate suscipiuntur, *Conc. Trid. d. loco can. 4. c. Veniens x De transactionibus §. sed notandum sub can. 39. remissionem r. q. 1.*

Necessaria sunt Baptismus, Confirmatio, Eucharistia, pœnitentia, & Extrema Vnctio, quia sine periculo salutis prætermitti, aut certè temerè negligi non possunt. Nam per Baptismum transimus in numerum credentium, seu regeneramur ad vitam, & in eo Spiritus S. nos abluit, & plenitudinem tribuit ad innocentiam, *can. 2. De consecrat. Distinct. 5.*

absque eo verò nulla salus promittitur, *can. Nulla cum seq. de consecrat. Distinct. 4. can. 1. cum seq. De consecrat. Distinct. 5. per Confirmationem augemur in gratia, roboramurque in fide, can. Spiritus Sanctus De consecrat. Distinct. 5. can. Nullus ministrorum De consecrat. Distinct. 4. c. unico §. per frontis De sacra vinct. renati verò & roborati nutrimur diuinæ Eucharistiæ alimoniâ, can. Omnis Christianus De consecrat. Distinct. 1. can. Qui recedunt, & can. De his xxvi. q. 6. & dum per peccatum incurrimus ægritudine in animæ, per Pœnitentiam spiritualiter sanamur: quemadmodum & simul corporaliter, si animæ expediat, per Extremam Vnctionem, can. Non potest De pœnit. Distinct. 1. & similibus.*

- 3 Voluntaria sunt Ordo, *can. Vbi ista Distinct. 74. can. fin. §. fin. xxi. q. 4. & Matrimonium, can. Vbi non est xxx. q. 2. c. Præterea c. Cum locum & Desponsalib. Per Ordinem Ecclesia gubernatur & spiritualiter multiplicatur; per Matrimonium verò corporaliter augetur. Conc. Florent. d. loco.*

§. III. Quæ Sacramenta reiterari possint, & quæ non.

1. Iterari non possunt characterem imprimentia, Baptismus, Confirmatio & Ordo.
2. Cetera possunt.

1 **E**X prædictis septem Sacramentis quædam imprimunt characterem in animo indelebilem, hoc est signum quoddam spirituale & indelebile: & ideo ne illis fiat iniuria per reiterationem, quasi talem characterem non impressissent, sine sacrilegio reiterari non possunt, ut Baptismus, Confirmatio & Ordo, Conc. Trid. d. loco, *can. Sacrosancta can. Maius 1. q. 1. & alijs, & tit. Cod. Ne sanctum baptisma reiteretur: adeò ut si quid in his administrandis incautè commissum fuerit, illud sine reiteratione reliquorum debitè & cautè supplendum sit, c. 1. & ult. h. tit. Sin dubitetur, an eiusmodi Sacramentum non reiterabile collatum sit, non dicetur iteratum, si conferatur, can. Si nulla De consecrat. Distinct. 4.*

- 2 Alia verò Sacramenta characterem non imprimunt, quæ proinde reiterari possunt, uti de Extrema Vnctione patet ex Conc. Trid. sess. 14. *can. 3. de Eucharistia ex can. Quotidie, can. Si non frequentius De consecrat. Distinct. 2. de Pœnitentia (priuata scilicet) ex c. Omnis x. De pœnit. nam secus de publica, can. In capite Distinct. 50. de Matrimonio denique ex*
toto

toto tit. *Decretal. De secundis nuptijs.* Hinc itaque patet, sacram vñctionem, quæ in administratione Sacramentorum Baptismi, Confirmationis & Ordinis adhibetur, non esse reiterabilem; eam verò, quæ adhibetur in Extremâ Vñctione, esse iterabilem.

TITVLVS XVII.

De filijs Presbyterorum ordinandis vel non ordinandis.

1. Illegitimè nati arcentur ab Ordinibus & beneficijs Ecclesiasticis.
2. Ratio huius.
3. Possunt tamen ingredi monasteria & ordinari.
4. Quoad Ordines maiores solus Pont. cum ijs dispensare potest.
5. Filius patri in beneficio succedere nequit.
6. Pœna eius, qui sine dispensatione est promotus ad Ordines.

ANtea egimus de ætate & qualitate ordinandorum & præficiendorum. Quidam verò ordinari & præfici prohibentur atque impediuntur natalium vitio: de quibus sequitur. Quemadmodum igitur apud Ethnicos sancitum obseruatumque fuit, vt illegitimè nati, quantumlibet sine sua culpa hanc labem contraxissent, honoribus & dignitatibus indigni iudicarentur, vt latè tradit Tiraquel. *De Nobilitate cap. 15.* * ita iure optimo & quidem potiori à sacris Canonibus constitutum fuit, vt ab Ordinibus arceantur in primis filij Presbyterorum, alijque illegitimè nati, c. 2. & c. *Ad hac 12. h. t.* Addidi, alijque illegitimè nati; quia etiam de ijs in Tit. agitur. Vnde idem titulus in 6. habet, *De filijs Presbyterorum, & alijs illegitimè natis.* Arcentur autem hi omnes ab Ordinibus & beneficijs Ecclesiasticis, tribus potissimum de causis: primò, ob excellentiam Sacramenti Ordinis, quæ non solum personæ meritum, sed etiam originis honestatem exposcit, nec infamibus aut turpibus committi debet, c. *Inter dilectus* & *De excessib. Prelator.* Secundò, in detestationem paterni criminis, quod ius plerumque etiam in filijs detestatur, c. *vergentis 10.* & *De hæreticis.* Tertiò, ob timorem incontinentiæ paternæ, cuius imitatores futuri præsumuntur, can. *Si gens Anglorum Distinct. 56.* iuxta ritum illud,

Sepè solet similis filius esse patri.

Si tamen

- 3 Si tamen tales ingrediantur monasteria, vel Canonici fiant Regulares, poterunt omnibus Ordinibus insigniri, *d. c. 1. h. t. can. 1. & can. Nisi Distinct. 56.* à Prælatūra verò abstinere necesse est, *d. c. 1. nisi cum ipsis dispensetur per Pontificem.* Et licet Sixtus V. quadam suâ constitutione prohibuerit illegitimos recipi ad religionem, illam tamen prohibitionem Gregor. XIV. aliâ sua constitutione sustulit.
- 4 Quod si natos illegitimè morum honestas fecerit commendabiles, poterit etiam Episcopus cum eis dispensare quoad minores Ordines, & quoad beneficia simplicia, *c. 1. eod. in 6. Piacensius 1. p. cap. 1. n. 60.* non verò quoad Ordines maiores, nequidem virtute decreti concilij Trid. *Sess. 24. cap. 6. De reformat.* quia hæc irregularitas non oritur ex proprio delicto. Ideoque ad maiores Ordines, & ad maiora beneficia, veluti dignitatem, personatum, aut beneficium curatum, dispensare valet solus Pontifex, *d. c. 1. eod. in 6. iuncto c. ult. h. t.* Idque subinde fieri debere varijs tum exemplis tum auctoritatibus ostendit Gratianus, *totâ Distinct. 56.* quia nullum parentis delictum filio innocenti imputari aut nocere debet, & undecumque homines nascantur, si parentum viria non sectentur & Deum colant, honesti & salvi erunt, *can. Undecumque d. Dist. 56.*
- 5 Ceterum licet cum filio Presbyteri dispensetur, ut ad Ordines promoveatur, nequit tamen beneficium Ecclesiasticum habere in eadem Ecclesia, in qua pater aliquod habet, id enim est indecorum: imò ne quidem illi Ecclesiæ inservire potest, cui pater immediatè tanquam Rector aut Vicarius perpetuus præfuit, quia videretur filius veluti iure hæreditario succedere patri, quod in beneficijs Ecclesiasticis enixè est prohibitum, *c. 1. & alijs inf. De Præbendis, Conc. Trid. Sess. 25. cap. 7. de reformat.* Idque procedit etiam in filijs eorum, qui in minoribus sunt constituti: potest tamen, & quidem solus, in hoc Pontifex dispensare. Dixi, immediatè; quia mediatè potest filius Presbyteri succedere patri, quia tunc ob interiectam personam non potest videri ei iure hæreditario succedere: uti nec quando pater tantum ministrasset in aliqua Ecclesia sine titulo, quo casu etiam non prohibetur filius ad eandem Ecclesiam immediatè promoveri, *c. Constitutus h. t.*
- 6 Quod si illegitimè natus sine dispensatione promoveatur ad Ordines, characterem quidem recipiet, non tamen Ordinis sic suscepti executionem. Similiter & à beneficijs, ad quæ indispensatus fuerit promotus, amoveatur, *d. c. Constitutus: nisi cum eo postea dispensetur à summo Pontifice, c. 3. 4. 5. & ibi Glossa h. t.*

TITVLVS XVIII.

De seruis non ordinandis, & eorum manumissione.

1. Cur serui ordinari prohibeantur.
2. Pœna serui de facto ordinati.
3. Pœna Episcopi seruum ordinantis.

Egimus de illegitimitate, quæ est impedimentum originis: sequitur de seruitute, quæ est impedimentum conditionis. Prohibentur itaque serui ordinari absque consensu dominorum suorum, nisi prius ab illis libertatem fuerint consecuti, *cap. 1. 2. & 5. h. t. totâ parâ Distinct. 54.* ne quando voluerint eorum domini, fiant ex Clericis serui, *can. Quicumque d. Distinct. 54.* & quia immunis esse debet ab alijs, qui diuinæ militiæ est aggregandus, ut à castris Dominicis, quibus nomen eius adscribitur, nullis necessitatis vinculis abstrahatur. Cæterum de seruis ordinandis, vel non ordinandis, videatur insignis distinctio Glossæ, *ad c. 2. h. tit.*

Quod si seruus de facto, qualibet calliditate aut fraude, ad sacros Ordines irreperit, deponitur, & domino suo restituitur, *c. 2. h. t.* & postquam de gradu cecidit, eius conditionis sit, cuius erat ante gradum, *can. Nulli d. Distinct. 54.* Pari ratione ab Ordinibus remouentur originarij (id est nati ex adscriptitijs, nempe ijs, qui colendo agro perpetuo addicti sunt) *can. Generalis, & can. Admittuntur d. Distinct. 54.* item curiales, id est, qui senatui adscripti sunt, aut simili conditioni obnoxij, sine dominorum voluntate, *can. Precipimus ead. Distinct.* Sed nec liberti sine consensu patronorum ordinari possunt, *can. Quicumque libertatem & can. fin. ead. Distinct.* Natus verò matre ingenuâ, licet ex patre seruo, cum non sit seruus, ordinari non prohibetur, *c. fin. h. t.*

Episcopus seruum inscio domino scienter ordinans, tenetur eum reddere domino, cum duplici satisfactione: si verò seruum nescierit, tum qui testimonium perhibuerint aut supplicarint eum ordinari, simili redhibitioni tenentur obnoxij, *can. Si seruus d. Distinct. 54.* Si seruus scienter & non contradicente domino ordinatus fuerit, hoc ipso liber & ingenuus erit, *can. Si seruus seq. ibid.* si verò domino ignorante, licet ei intra annū & seruilem fortunam probare & seruum suum accipere, *ut ibid. habetur.*

TITVLVS XIX.

De obligatis ad ratiocinia ordinandis,
vel non.

1. Cur ordinari vetentur obligati rationibus publicis reddendis.
2. Non etiam priuatis.
3. Non etiam debitores Reipubl. ex alia causa.
4. Quis excipere possit de hac impedimento.

Predictis similes sunt Syndici Vniuersitatum aut Collegiorum, tutores, curatores, actores, executores sententiarum aut testamentorum, procuratores, & id genus hominum, qui reddendis rationibus publicis, quæ hîc ratiocinia appellantur, obligati sunt: hi enim ante officium finitum, & rationes redditas, ordinari prohibentur, *c. vnico h. t. can. Legem Distinct. 53.* tum quia curis ac negotijs ita distrahuntur atque inuoluntur, vt Ordinum ministerio vacare nequeant; tum quia ex talium promotione nota aliqua infamix redundare posset in Ecclesiam: veluti si contingat eos doli in rationibus reddendis argui, aut præmoniti, ad fugiendam laicorum iurisdictionem, se curent in præiudicium creditorum ordinari, *d. c. vnico.*

2. Dixi, qui reddendis rationibus publicis, ob publicam scilicet administrationem, obligati sunt; quia si priuata sit administratio, non impedit ordinationem: nisi vel de dolo in administratione commissio-
lis mota esset, vel in procinctu mouenda, tum enim ante litis exitum tales promoueri non possent; & si de facto promouerentur, digni essent depositione, licet postea in causa vincerent. Glossa & Archidiaconus in *can. Tantis Distinct. 81.*

3. Non tamen ordinari prohibentur debitores Reipublicæ ex alia causa, quàm administratione publica, veluti ex mutuo, locatione, conductione, emptione, & similibus, etiam obligatione adhuc pendente. Glossa & Archidiaconus in *can. Præterea Distinct. 51.* vti nec administratores rerum Ecclesiasticarum; vel miserabilium personarum; aut cuiuslibet alterius piæ causæ publicæ vel priuætæ, etiam administratione pendente.

4. De hoc autem impedimento Ordinum ad exemplum popularis actionis quælibet Ecclesiastica persona potest excipere, multo quæ magis is, cui reddendæ sunt rationes, aut sua interesse putat. Abbas in *d. c. vnico.* Finitur autem finitâ administratione ac rationibus redditis, *DD. communiter in d. c. vnico.*

TIT.

TITVLVS XX.

De corpore vitiatis non ordinandis.

1. Exemplo priscorum sacerdotum apud Ethnicos corpore vitiati repelluntur ab Ordinibus.
2. Dummodò vitium sit impediens Ordinis executionem.
3. Quod declaratur.
4. De eo, qui sibi membrum aliquod sponte absciderit.
5. De eo, qui non culpâ suâ abscissionem patitur.
6. Modicus defectus impedimento non est.
7. Pœna sic ordinati.

DE impedimento Ordinis, proueniente ex obligatione ad rationem iam vidimus: agendum deinceps est de eo, quod prouenit ex corporis vitio, de quo totâ Distinct. 49. & 55. * I Ut igitur apud Ethnicos olim sacerdotes integri corpore esse debebant; & à ministerio Dei, ex præcepto legis veteris *Leuit. 21.* arcebat, habens maculam; item cecus, claudus, grandi vel paruo aut torto naso, fracto pede, mancus, lippus, & similes (quorum defectus mysticè de vitijs animi intelligi pulchrè explicat D. Greg. in *can. Hinc etenim d. Distinct. 49.*) ita merito sacri Canones corpore vitiatos ab Ordinibus repellunt: imò promoti aliquando deijciuntur, *c. Exposuisti 6. h. t.* sicut & à beneficio iam adepti, *vt inf. tit. De clerico agrotante vel debilitato;* eò quòd in compositio corporis inæqualitatem indicet mentis, *can. ult. Distinct. 41.* & natura membra componat, prout moribus animæ conuenit: ita vt, cuius deformis facies est, vix queat præditus esse bonis moribus & fœda facies malos mores significet, iuxta Rhasin Medicum.

Non tamen quodlibet corporis vitium, quod in antiqua lege à ministerio Dei repellebat, hodie impedit susceptionem Ordinum: sed illud in primis, quod Ordinis impedit executionem, aut insignem inducit deformitatem, & consequenter indecentiam, quæ in scandalum publicum vergere possit, *c. 2. & per tot. h. t.* Nec distinguendum, sponte, an alieno facto vel casu, deformitas acciderit: nam à Gelasio Papa rescriptum fuit, in *can. fin. Distinct. 55.* ne is, cui per vim oculus ab alio excussus fuerit, ad sacerdotij gradum euehatur.

3 Dixi antè, Ordinis impedire executionē; quia quoad Ordines susceptum tantum inducitur irregularitas in illo actu Ordinis, qui vel ob insignem deformitatem, vel ob defectum impeditur vitio corporis. Co-uar. 1. parte relact. Clement. Si furiosus De homicidio in princ. cum alijs, quos citat. Hac ratione qui patitur vitium corporis, celebrationem impediens, nempe in ijs digitis, qui ad consecrationem & eleuationem sunt necessarij, solum à Missarum celebratione abstinebit, non à Diaconatus vel Subdiaconatus ministerio: sicut nec à concionibus habendis, confessionibus audiendis, & alijs clericalibus officijs exercendis. Potest enim quis esse irregularis, ne promoueatur ad superiores Ordines, qui tamen non sit irregularis ad ministrandum in susceptis, vt ex Innoc. in c. Ad audientiam & De homicidio tradit Piacel. p. 1. cap. 1. n. 36.

4 Quod si quis sibi membrum seu membri partem aliquam propriā: culpā & voluntate absciderit, licet ea abscissio vsum Ordinis non impediat, nec grauem inducat deformitatem, ordinari tamen nequit, *can. Si quis absciderit, & similibus, Distinct. 33.* etiamsi membrum abscissum sit occultum: veluti in eo, qui sibi virilia præscidit, etiam sedandæ libidinis causā, *d. can. Si quis absciderit, cum seq. c. 4. & 5. h. t.* cum enim nemo membrorum suorum sit dominus, ne quidem causā castitatis aut religionis licet sibi ipsi manus injicere ad occisionē vel mutilationē alicuius membri. Hinc si quis, cum Clericus esset, sibi membrum absciderit, deponitur, tanquam sui homicida, *d. can. Si quis absciderit.* Videatur Couar. d. loco n. 6. & lib. 1. variar. Resol. cap. 2. n. 8. & lib. 2. cap. 1. n. 11.

5 Similiter ordinari nequeunt, qui ab alijs talem abscissionem passi sunt, culpā tamen suā: veluti quia iusserint aut rogauerint, aut quia rei illicitæ operam dantes tale membrum casu perdidierint, *arg. c. Dilectus, c. Ex litteris, & similibus, & De homicidio.* Videatur & Nauarrus in Manuali cap. 27. n. 298. Aliud dicendum, si à Medicis, vel à barbaris, vel à dominis aut parentibus suis sine propria culpa talem exsectionem quis patiatur, (nec hoc casu necessum est, eum virilia sua arefacta, vel in puluerem redacta, secum gestare, vt possit, si sit sacerdos, celebrare, vti ridiculè fabulantur quædam mulierculæ, Nauar. in Manuali cap. 27. n. 20.) aut fortuito vel alieno facto digitum v.g. amiserit, si modò membri abscissio non impediat Ordinis executionem, *can. Si quis à medicis, cum tribus seqq. Distinct. 55. c. 3. 5. & fin. h. t.* Vt enim in illis peruersa voluntas iustè vindicatur, ita in his casus vel alienum factum veniam merito tribuit & meretur, *can. Qui partem, & can. Lator d. Distinct. 55.*

6 Modicus tamen defectus aut modica deformitas non impedit suspensionem Ordinum: veluti macula in oculo, non priuans visu, nec notabilem deformitatem inducens, *c. 2. h. t.* vel carentia vnguis in pollice: item claudicatio eius, cui scipio in altari non sit necessarius, *can.*

Si quis

Si quis; iuncta Glossa Distinct. 55. & lippitudo talis, ex qua non oriatur notabilis deformitas, Piacet. d. 1. p. cap. 1. n. 34. Quis autem defectus aut quæ deformitas sit notabilis determinabit Episcopus, quandoquidem nulla certa regula in hoc constitui possit.

Quod si corpore vitiatus, qui de iure ordinari non potest, de facto 7 ordinetur, verè recipiet Ordinis characterem, sed non eius executionem, ex communi Theologorum & Canonistarum sententia. In hac verò irregularitate solus Pontifex dispensare potest, Piacet. d. loco n. 60. ubi alios citat. Nec obstat. *Significavit h. t.* quia potest intelligi de dispensatione Episcopi, auctoritate Apostolicâ ipsi delegatâ, præstita, ut docet Couar. d. loco. Ad minores tamen Ordines & simplex beneficium dispensare posse Episcopum tradit Piacet. d. n. 60.

TITVLVS XXI.

De Bigamis non ordinandis.

1. Ratio nominis.
2. 3. 4. Bigamia triplex, Vera, Interpretatiua, & Similitudinaria.
5. Ratio, cur bigami ab Ordinibus sacris arceantur.
6. Pœna bigami absque dispensatione ordinati, & Episcopi ordinantis.

Quia inter cæteras irregularitates seu impedimenta ordinandorum non modica reputatur Bigamia, c. 1. & 2. h. tit. can. 1. Distinct. 32. can. 16. Apostol. & seq. ideo de illa nunc videndum est.

Ut autem Monogamus à *μὶς* & *γυνή*, quasi vnius mulieris seu uxoris vir, dicitur, ita etiam Bigamus, quasi duarum mulierum nuncupatur.

Solet verò ex Glossa in r. 2. h. t. triplex Bigamia cōstitui, Vera scilicet, Interpretatiua seu ex interpretatione iuris, & Similitudinaria seu per analogiam quandam. Vera, eaq; iuxta proprietatem nominis dicitur, cum quis successivè plures & legitimas habuit uxores, & cum eis copulam. Quod addo, quia si duas habuerit, & altera ante copulam fuerit mortua, non censetur bigamus, arg. c. Debitum h. t.

Interpretatiua est, quando non intercessit verè duplex matrimonium, sed virtualiter siue ex intentione: ut quando quis contraxit cum vna sola, sed vidua vel repudiata, can. *Si quis viduam* Distinct. 50. (sic tamen, quod illa prius matrimonium consummaverit, nam aliàs non esset defectus significationis) aut cum corrupta ab alio per fornicationem,

nem, *can. Maritum Distinct. 33.* vel cum virgine, quam post commissum ab ea adulterium cognouit, *can. Si cuius & can. Si laici Distinct. 34. & ibidem Glossa*; etiam si per ignorantiam id contigerit: vel si cum vna validum matrimonium contrahat, cum alia inualidum, siue antecesserit validum siue inualidum, Sanchez de Matrim. Disput. 49. sect. 2. in 3. illat. aut si cum duabus de facto & non de iure contrahat ob aliquod impedimentum: aut cum vna mortuâ alterâ, idque scienter vel ignoranter, secutâ scilicet copulâ: hoc enim in omni bigamia est necessarium. Si quis verò contrahat cum ea, quam ipse prius cognouit, non censetur bigamus, *Glossa communiter recepta in c. fin. h. t. & ibi Abbas ac communiter DD. Nauar. in Manuali cap. 27. n. 195. neque is, qui duxit uxorem alterius non cognitam, d. c. Debitum h. t.*

4 Similitudinaria est, quam incurrit Ordine sacro insignitus, vel voto solemniter astrictus, cum aliqua contrahens & consummans, *can. Quorquot x x v i i. q. i. c. Anolus h. t.* licet illa sit virgo: quia etsi neque de iure neque de facto contrahat cum duabus vel vna corrupta validè, tamen affectum habet contrahendi cum opere subsequuto, postquam per Ordinem sacrum vel votum solemniter spiritualiter & similitudinariè contraxit cum Christo, *c. fin. h. t.* Quæ ratio bigamiæ cum cesset in eo, qui minoribus tantum initiatus est, contrahens inualidè matrimonium propter impedimentum aliquod, non mirum, si is non efficiatur irregularis, nec censetur bigamus. Nauar. d. loco. Vnde & Innoc. Pont. in d. cap. fin. loquitur de Subdiacono, qui tenetur solemniter voto castitatis, *c. A multis sup. De etate & qualitat. & c. & in c. Nuper h. t. de Presbytero.*

5 Arcentur autem bigami ab Ordinibus sacris, non ob peccatum; nam nuptiæ, etiam secundæ, tertiæ, vel vteriores non sunt peccatum, *can. Acutius, & similibus, Distinct. 26.* sed ob aliam, eamque duplicem potissimum rationem, vnâ mysticam & primariam, alteram moralem & secundariam. Primaria & mystica est defectus perfectæ significationis Sacramenti, quæ est coniunctio Christi cum Ecclesia, ex Paulo ad Ephes. 5. estque vnius viri cum vnica sponsa: nam licet matrimonium cum corrupta contractum sit verum Sacramentum, per mutuum consensum representans coniunctionem Christi & animæ iustæ: tamen quia in secundo matrimonio non est amplius vnica vnici, nec vnus vnius, *c. Debitum h. t.* ideo quoad significationem non est omnino perfectum Sacramentum, quia non significat coniunctionem Christi cum vnica & immaculata sponsa Ecclesia, *d. can. Acutius & d. c. Debitum.* Et ideo talis remouetur à Sacramento Ordinis, quia non debet pati defectum in Sacramento, qui Sacramenta administraturus est, prout patitur bigamus, qui diuisit carnem suam, *d. can. Acutius & d. c. Debitum.*

Secunda ratio, & moralis est, quòd Clericus debeat esse hortator continen-

continentiæ & viduitatis; non possit autē esse hortator continentiæ & viduitatis, qui ipse conjugia frequentauit, *can. Vna & can. Qui sine crimine Distinct. 26.* quia de incontinentia eius præsumitur, *c. Preposuisti Distinct. 82.* Hanc verò rationem non esse primariam, constat ex eo, quòd bigamus censetur etiam ille, qui vnā vxorem habuit, sed viduam, vel alio modo corruptam, vt patet ex dictis. Non obstat, quòd concubinatus sit longè turpior, quàm bigamia, & ille tamen non remoueat ab Ordinibus: quia nihilominus bigamia ex natura signum est incontinentiæ magis diuturnæ, firmissque inhaerentis.

Quòd si verò bigamus ordinetur absque dispensatione, recipiet quidem characterem, non tamen poterit absque dispensatione in eo Ordine ministrare. Dispensare autem Episcopus non potest cum bigamis veris vel interpretatiuis, non solum quoad sacros Ordines, *c. 2. & ibi Glos. & Abbas h. t.* sed nec quoad minores, aut primam tonsuram, aut beneficium etiam simplex, vt patet ex *c. vnico eod. in 6. ibique Anchar. Franc. Conc. Trid. Sess. 23. cap. 17. De reformat.* nec etiam quoad vsum minorum Ordinum, contra Nauar. quia communior sententia est, nullo casu posse dispensare. Abbas *in c. 1. h. t.* Suarez *De censur. Disp. 49. sect. 6.* & ita declarasse sacram Congreg. refert Piacel. *1. p. cap. 1. n. 6.* vbi tenet Episcopum posse dispensare in bigamia similitudinaria, citans Abbatem, *in c. 1. Qui Clerici vel vouentes &c.* Quòd si Episcopus ordinet bigamum absque dispensatione, priuandus est potestate conferendi Ordines, vt patet ex *d. cap. 2. h. t.* non autem ipso iure suspensus est à collatione Ordinis, quem contulit. Garzias *De benefic. p. 7. cap. 6. n. 6. & seqq.*

TITVLVS XXII.

De Clericis peregrinis nō ordinandis.

§. I.

1. Qui dicantur Clerici peregrini.
2. Illis non creditur, asserentibus se à suo Episc. promotos.
3. Admitti non debent, vt publicè rem diuinam faciant.
4. Ratio horum.

INter eos, qui ordinari non debent, vel non facillè, vel ab executione Ordinum repelli, sunt Clerici peregrini, id est, ij Clerici, qui non subsunt iurisdictioni ordinantis, *totā Distinct. 71.* Idem què dicendum de Laicis respectu Episcopi ordinantis, cui non subsunt, vt probat *cap. vlt. De temporib. ordinat. in 6.* vbi ait Pontifex: Nullus Episcopus absque superioris licentia homini alienæ dioecesis clericalem præsumat conferre tonsuram. Censetur autem Laicus esse sub iurisdictione illius Episcopi, à quo Chrismate inunctus est atq; confirmatus.

Quibus

Quibus modis verò subiiciatur, quis Episcopo, ante diximus?

2 Clerico autem peregrino, iure-iurando asserenti se à suo Episcopo aliquos Ordines accepisse, & desiderare ad superiores promoueri, non creditur, *c. 2. h. tit.* Nec potest ordinari à non suo Episcopo, nisi litteras commendatitias & dimissorias adferat à suo; quarum exemplar descriptum est *Distinct. 73.*

3 Pari modo peregrinus Sacerdos, qui omninò ignotus est, admitti non debet ab Episcopo, ut publicè rem diuinam faciat & celebret, nisi per litteras vel testes probet se ab Episcopo suo ad Ordines promotum esse, *c. 3. h. t.* Inferiores verò Episcopo non possunt Clericum peregrinum in suas Ecclesias recipere absque Episcopi consensu, *c. vlt. h. t.* Imò ex valde longinqua regione Clerici, probare Ordines debent litteris, quinque Episcoporum sigillis munitis, *c. 1. h. t.*

4 Ratio horum omnium est in primis, quòd Episcopus non debeat immittere falcem in messem alienam, quia inde nasci solent discordia, *can. Illud Distinct. 71.* Deinde, quia Ecclesia suspectos habet Clericos peregrinos: solent enim esse criminoli, infames, excommunicati, fugitiui aut in exilium missi, vel alijs similibus obnoxij, affirmantes mentientesque se ordinatos à suis Episcopis.

Differt autem hic Titulus à Tit. *De Clericis peregrinantibus lib. 2. Decretal.* quòd hic agat de Clericis peregrinis, respectu Ordinum suscipiendorum; ille verò respectu litium, quatenus ratione peregrinationis gaudent vel non gaudent aliquibus litigantium priuilegijs.

§. II. De alijs quibusdam, qui ordinari non possunt.

1. 2. 3. Ordinari prohibentur non baptizati, baptizati in aegritudine, rebaptizati & rebaptizantes.

4. Non confirmati.

5. 6. Mulieres & Hermaphroditi.

7. 8. Illiterati; & poena sic ordinatorum.

9. Crimine aliquo infames.

10. Non habentes titulum.

11. Tituli nomine quid intelligatur.

1 S Vnt & alij, præter enumeratos, qui ordinari prohibentur: ut in primis is, qui non est baptizatus, quia baptismus est omnium aliorum Sacramentorum ianua & fundamentum, *c. 1. & 3. 2. De Clerico non baptizato, ibique Abbas, c. 2. De cognatione spiritali in 6. Hostien. in Summa huius Tit. Nauar. in Manuali cap. 27. n. 207. Piacet.*

1. p. cap. 1.

1. p. cap. 7. n. 19. * Secundò ordinari prohibetur baptizatus in agri- 2
tudine, *can. vnico Distinct. 57.* quia fides illius non est voluntaria, sed ex
necessitate: nisi fortè postea ipsius studium & fides probabilis fuerit,
aut hominum raritas exegerit, *d. can. vnico.* Item baptizatus apud hæ-
reticos, *can. Qui in qualibet 1. q. 7.* si modò adultus fuerit, non infans:
nam huic parentum error nihil officit, *can. Placuit cum seq. 1. q. 4.* * 3
Similiter nec rebaptizatus vel rebaptizans, *can. Cōfirmandu Distinct. 50.*
iuncto cap. 2. x De Apostatis. Idquē obtinet etiam in ignoranter rebapti-
zatis ac rebaptizantibus, *can. Qui bis & ibi Glos. quam vide, De consecrat.*
Distinct. 4. Nec solum hanc irregularitatem rebaptizatus in principio
contrahit, sed & qui, postea quam scit se rebaptizatum, id ratum habet:
imò is quoque, qui metu, cadente in constantem virum, rebaptizatus
fuit, secus si per vim coactiuam. Sed & qui rebaptizanti ministrant
Acolyti, Subdiaconi vel Diaconi officio fungentes, eadem irregulari-
tate afficiuntur, *c. 2. x De Apostatis.* Et horum omnium dispensatio ad
solum spectat Pontificem, qui vix cum illis dispensabit, vt religionem
ingrediantur, *d. c. 2.* Licet videatur Episcopus posse dispensare cum re-
baptizato ignorantia probabili, vel metu cadente in constantem vi-
rum, vt tenet Piacet. 1. p. cap. 1. n. 20.

Similiter ordinari nequit non confirmatus: *Conc. Trident. Sess. 23.* 4
cap. 4. De reformat. Si tamen ordinetur, modò non ex contemptu faciat,
nullam censuram incurrer, *Victoria De Sacramento Ordinis n. 232.* Imò
in tali casu nec ordinatum nec ordinantem peccare mortaliter, tradit
Nauiar. in Manuali cap. 22. n. 9.

Item mulier, tanquam Ordinis prorsus incapax, *c. Noua x De Peni-* 5
rentijs, Archidiacon. in can. Diaconissam xxv 11. q. 1. Hostien. in *Summa*
huius tit. §. sed & prater; tenentq; Theologi & Canonista omnes. Nec obstat,
quòd legamus in Ecclesia fuisse Presbyteras, Diaconissas, & Episco-
pas, *can. Mulieres, can. Presbyteræ Distinct. 32. l. generali Cod. De sacros. Ec-*
cles. quia eam appellationem non sunt sortitæ ab Ordine aliquo sacra-
mentali, sed ex eo, quòd fuerint vxores eorum, qui Diaconi, Subdia-
coni, Presbyteri vel Episcopi facti erant, & separatim vitam cœlibem
agebant: vel eam appellationem sortitæ sunt à dignitate aut cura, sibi
inter mulieres concessa & commissa: hoc enim pacto olim Presbyteræ
dicebantur viduæ seniores; & Diaconissarum inunus erat præesse fo-
ribus Ecclesiæ, per quas mulieres ingrediebantur. Idem docent Theo- 6
logi & communiter Interpretes, in *can. Si testes §. Hermaphroditus 1 v. q.*
2. de Hermaphroditis, æquè vel magis participantibus sexum fœmi-
neum, quia tales non sunt absolutè & simpliciter viri. Quòd si magis
declinent ad sexum virilem, capaces quidem erunt Ordinis, tanquam
qui simpliciter censeantur viri, iuxta l. *Quæritur D. De statu hominum: ta-*

men ob indecentiam & monstrositatem repelli debent, *can. 1. Distinct. 36.*

- 7 Sed & ab Ordinibus arcentur illitterati, id est qui nullam omnino litterarum scientiam, vel notitiam, quæ ad Ordinis cuiusque susceptionem & executionem requiritur, habent, *c. Congregato sup. De elect. idque ideo, quia Clericorum ac Præsulum Ecclesiæ est, lucem sapientiæ ac scientiæ alijs infundere, ac populum in via Domini erudire; quod præstare nequeunt illitterati. Adeo ut penitus illiterato ne quidem prima tonsura conferri queat, c. fin. De temporib. ordinationum in 6. Concil. Trident. Sess. 21. cap. 4. De reformat. frustra in hoc dispensante Episcopo. Quæ autem scientia sit sufficiens, Iudicis seu Episcopi arbitrio relictum est: nisi quod hodie Concilium Trid. exactius & melius declararet, quæ & quanta litterarum cognitio in singulis Ordinibus requiratur: de prima tonsura, Sess. 27. cap. 4. quoad minores Ordines, cap. 11. & quoad Subdiaconatum ac Diaconatum, cap. 13. quoad Presbyteratum, cap. 14. quoad Episcopatum, Sess. 7. cap. 1. & Sess. 22. cap. 2.*
- 8 Quod si prorsus illitteratus ordinetur, recipiet quidæ characterem, quia litterarum scientia licet sit de præcepto, non est tamen de substantia Ordinis: & conueniens pœna esse videtur, ut talis ab Ordinibus suspendatur, donec scientiam ad Ordinē sufficientem sibi comparauerit. Tollitur verò hoc impedimentū; primò, si scientia ad Ordinem requisita comparetur: adeo ut tunc non sit opus aliquâ dispensatione, quia cessante causâ cessat effectus: secundo, per dispensationem, quam tamen impartiri nequit Episcopus, eo quod hæc irregularitas sit iuris Pontificij, nec in iure reperitur talis potestas Episcopo data.
- 9 Præterea ordinari prohibentur grauiori aliquo crimine irretiti, ut Apostatæ, Hæretici, Schismatici, Simoniaci, Idololatæ, Adulteri, Incestuosi, Fornicarij, Raptores virginum, Sodomitæ, Periuri, Homicidæ voluntarij aut culpabiles, *c. 1. Continebatur c. De cetero inf. De homicidio & communiter DD. Sub homicidio autem hîc continetur non solum homicidium, ex quo mors sequitur, sed etiam abscissio membri, ut scilicet abscindens membrum hanc irregularitatem contrahat, Piacet. p. 1. cap. 1. Item Falsarij, Usurarij, Fures, Sacrilegi, & alij similes, cap. fin. sup. De temporib. ordinat. Item Scurræ, Scenici, Ludicri, Seditiosi, Iniuriarum tenaces, Vltrores, Adulatores, alex atque ebrietati dediti, can. 3. cum seq. Distinct. 46. alijque similes, de quibus vide can. Infames v. 1. q. 7. & 1. q. 7. per tot. Hi tamen omnes ordinari prohibentur, modò notorij sint, aut per sententiam, aut per confessionem in iure, id est, in iudicio factam, aut per euidentiam facti, quæ tergiversatione aliquâ elidi non possit, c. fin. x. De cohabit. Clericorum.*

Insuper

Insuper solemniter & publicè pœnitentes, excommunicati maiori excommunicatione, Nauar. in *Manuali* cap. 27. n. 12. & 24. Suspensi ab Ordine: interdicti sub pœna suspensionis ab Ordinis sic suscepti executione, aut depositionis in perpetuū: & durante excommunicatione, suspensione, vel interdictō, nequeunt ad superiorem ordinem ascendere. Nauar. d. cap. 27. n. 244.

Denique nullus ordinari debet sine titulo. Conc. Trid. *Sess. 21. cap. 2. De reformat.* adeò vt si Episcopus aliquem scienter sine titulo ordinet, vel det licentiam accipiendi Ordines ab alio, teneatur providere ordinato de alimentis, donec beneficium sufficiens illi contulerit, c. 2. 4. & 6. x *De præbendis.* * Tituli nomine hodie intelligi debet in Regularibus professio, Zerola r. p. V. *Dimissoria versic. ad quintum*; in Sæcularibus verò beneficium sufficiens ad viuendum honestè, vel sufficiens patrimonium aut pensio, c. *Tuis questionibus* x *De præbendis.* Conc. Trid. *Sess. 21. cap. 2. De reformat.* vbi statuit, ne quis deinceps Clericus sæcularis, quamuis aliàs sit idoneus moribus, scientiâ & ætate, ad sacros Ordines promoueat, nisi priùs constet legitimè, habere eum beneficium Ecclesiasticum, ad victum honestum sufficiens: vt nec resignari eiusmodi beneficium queat, nisi factâ eius rei mentione, nempe quòd ad illius titulum sit promotus; nec admitti resignatio, nisi constituto, quòd aliunde commodè viuere possit; vel nisi constet, eum verè patrimonium vel pensionem habere talem, quæ ad vitam sustentandam sufficiat: vt denique nec patrimonium, saltem non reseruato usufructu; nec pensio, sine licentia Episcopi, alienari, extinguì, vel remitti vllatenus possit, donec beneficium Ecclesiasticum sufficiens sit adeptus, vel aliunde habeat, quo vitam commodè toleret. Ratio huius est, ne Clerici in opprobrium & cum dedecore Ordinis mendicare cogantur, Conc. Trid. d. loco. Hinc non potest promoueri quis ad sacros Ordines sub titulo Capellanix vel Vicariæ, ad nutum amouibilis, vel alterius beneficij manualis, Garziàs *De Benefic. p. 1. n. 33.* aut Commendæ, nisi sit perpetua.

TITVLVS XXIII.

De officio Archidiaconi.

1. Quis dicatur Diaconus: nominis ratio, & munus illius.
2. Quis dicatur Archidiaconus.
3. Officium & munus illius in quibus consistat.

Absoluto tractatu ordinationum seu ordinandorum, & explicatis modis, quibus ad dignitates Ecclesiasticas promoveri contingit: nunc agendum est de dignitatum officijs, ut sciatur, quo pacto quisque in dignitate constitutus, officio seu munere suo fungi debeat. Quia verò Archidiaconus post Episcopum in Ecclesia Cathedrali dignitate maior est, *c. Ad hac 7. h. t.* atque etiam potestate, cum secundum Cardinalem, in *Clement. 2. De prabendis*, plura ex iurisdictione seu foro contentioso Archidiacono competant, quàm Archipresbytero, cui cura exercitiumque fori poenitentialis potissimum incumbit, ut patet ex *c. 1. & 2. h. t. & can. Perlectis §. Archipresbyter Distinct. 25.* ideo de illo videndum est primo loco.

1. Vbi notandum est in primis, Diaconi nomen esse generale, posseque etiam personis non Ecclesiasticis accommodari, ob generalem significationem verbi, à quo deducitur. Nam dicitur Diaconus à Græco verbo *δ ακονέω*, quod ministro seu famulo significat, & ad diuersa ministeria referri potest: vnde & Diaconi Latine Ministri dicuntur, *can. Cleros Distinct. 2.* & eorum alij Sæculares, alij Sacri dici possunt. Sumitur tamen hîc nomen illud specialiter pro sacro, diciturque comparatione Presbyteri, cui ministrare, subseruire & subijci debet, *can. Legimus Distinct. 93.* in ijs, quæ traduntur in *can. Perlectis §. ad Diaconum Distinct. 25.* sicut in veteri Testamento Leuitæ, in quorum locum Diaconi successerunt, sacerdoti legis antiquæ ministrabant. Diaconus dum ordinatur, inquit Gregorius, solus Episcopus, qui eum benedicit, manus super caput illius ponit, quia non ad sacerdotium, sed ad ministerium consecratur, *can. Diaconus Distinct. 23.* & sub certis verbis ei traditur stola & codex Euangelij: stola quidem, quia Euangelium, quod per Christi iugum figuratur, lecturus est.

2. Inter Diaconos sunt, qui inserviunt Presbyteris simplicibus, quibus subijciuntur, locumque digniorem cedere debent, *can. Peruenit, & similibus, Distinct. 93.* Alij verò inserviunt Episcopo, qui proinde Archidiaconi, quasi Principes seu primi Diaconorum, dicuntur; sicuti Archiepiscopus dicitur Princeps seu primus Episcoporum, *d. can. Cleros Distinct. 21.* Aliterque Archidiaconus etiam oculus Episcopi vocatur, & vicarius eius reperitur, *c. 7. h. t.* tamquam qui quasi in specula & statione positus prospicere debeat actus totius Ecclesiæ, & ad Episcopum referre, *can. Diaconi Ecclesia & ibi Glossa, & alijs, Distinct. 93.* & ratione Episcopi, cui inservit, dignior est Presbytero & Archipresbytero, non fungente eo officio, *c. inf. De officio Archipresbyteri.* Ei que iure communi adhæret dignitas, quâ maior censetur Monasterijs ipsis & Præpositis eorum.

3. Quantum verò ad officium seu munus Archidiaconi attinet, prævalent

valent constitutiones & consuetudines Ecclesiarum, sicut & in alijs officijs, iuxta c. Cum olim sup. De consuetudine: & ea p̄t̄nē tot sunt in officijs Archidiaconi, Archipresbyteri, Præpositi, & Decani, quot sunt Ecclesiæ: ipsique standum est, & maximè attendi debent.

Cessantibus verò consuetudinibus locum habent ea, quæ tum in d. can. Perlectis Distinct. 25. tum in hoc Tit. nostro, tum alibi passim in iure habentur: veluti quòd ipso iure sit vicarius Episcopi in omnibus, omnemque curam in Clero, tam in vrbe quàm extra urbem habitante, habere debeat c. 1. h. t. quod & curam habeat animarum, c. Cum in cunctis §. inferiora sup. De elect. & Diaconis, Archipresbyteris, Presbyteris, alijsque Clericis sibi subiectis imperet: quòd tertio quoque anno visitare teneatur diocesim, si Episcopus hoc munus per se obire non possit; & singulis annis propriam Ecclesiam, iuxta modum præscriptum à Concilio Trid. Sess. 24. cap. 2. De reformat. Eiusdem est audire iurgia singulorum, & cuncta, quæ correctione & emendatione indigent, corrigere atque emendare: nisi excessus sit grauis, ita vt maiorem poscat auctoritatem, d. c. Ad hæc h. t. Insuper curare debet, vt Ecclesiæ sacra rectæ maneant & seruentur: vt vacante Ecclesiâ parochiali per substitutum aliquem cultus diuinus peragatur, Choppinus lib. 1. De sacra Politia tit. 8. n. 19. Item examinare & præsentare Episcopo ordinandos, de mandato tamen Episcopi; quoad examen scilicet, quandoquidem illud hodie ad Episcopum spectet ex Concilio Trident. Insuper examinare promouendos ad beneficia, eosdemque instituere in beneficijs, mittere in possessionem Abbates & Abbatissas. Aliaque similia sui muneris exequi debet; quæ quia varia sunt, siue ius commune siue consuetudo cuiusque Ecclesiæ Cathedralis spectetur, sit; vt interdum in vna Ecclesia plures Archidiaconi constituantur, prout in Cathedrali Leodiensi cernere licet.

Nemini tamen sine mandato & licentia Episcopi curam animarum committere debet, etiamsi consuetudo alia fuerit, c. 4. h. t. Similiter nec de iure communi excommunicare, suspendere, vel interdicere potest, c. 5. h. t. iuncto c. licet inf. De penis, licet de consuetudine id aliquando permittatur, c. Dudum sup. De electione. Non potest etiam dare commendatitias seu dimissorias ad suscipiendos alibi Ordines, c. Significasti h. tit. Conc. Trid. Sess. 23. cap. 11. De reformat. Non potest etiam visitare monasteria, nisi in quantum ei consuetudo permittit, c. Dilecto filio h. t. Similiter non cognoscit hodie causas matrimoniales & criminales, ex Concil. Trid. Sess. 24. cap. 20. nec causas concubinatorum, idem Concil. Sess. 25. cap. 14. De reformat. Fructus & iura vacantium Ecclesiarum parochialium subinde ex consuetudine vel priuilegio habet; sic tamen vt interim onera adimpleri curet.

Ad Archidiaconatum promouendi, x x v. annis nati sint oportet, ac digni, qui saltem Diaconi sint, & ex Conc. Trid. d. Sess. 24. cap. 12. De reformat. Licentiati in Theologia vel Iure Canonico.

TITVLVS XXIV.

De officio Archipresbyteri.

1. Quia Presbyter.
2. Qui Sacerdotes dicantur.
3. Ordinatio Sacerdotum, & munus illorum.
4. Sacerdotum distinctio.
5. Quis Archipresbyter.
6. Alius Urbanus, alius Ruralis.

Post Archidiaconum proximus dignitate & gradu in Ecclesia Cathedrali est Archipresbyter: ideo de eius quoque officio videndum est.

Quod ut melius intelligatur, sciendum, Presbyterum Græcè, Latine seniore[m] dici: & quia cum olim, tum etiam hodie in Republ. bene constituta senioribus dignitates & honores maiores deferri solent, l. *Ut gradatim D. De munerib.* ideo hoc nomen Presbyter, non solum ætatis nomen est, verum etiam dignitatis; & qui Sacerdotes vocantur, dicuntur Presbyteri, non modò ob ætatem vel decrepitam senectutem, sed ob dignitatem & honorem, quem acceperunt. *can. Cleros §. Presbyter. Distinct.* 21. Est enim venerabilis senectus, & gloria senum est canities, quæ sapientiam designat, *can. Porro Distinct.* 94.

Sacerdotes verò dicuntur, quasi sacrum dantes, nomine veluti composito ex Græco & Latino, d. *can. Cleros §. Sacerdos, iuncta Glos. ibid.* Atque ita Sacerdotis, sicut & Presbyteri, nomen generali notâ potest latius sumi, quàm pro eo, qui initiatus est sacro ordine, scilicet pro omni eo, qui quodlibet offert sacrificium: quo pacto Concilium Laodicenum in *can. ult. Distinct.* 32. ostendit eas mulieres, quæ apud Græcos Presbyteræ appellantur, apud nos Latinos dici viduas seniores, vniuiras, & matricarias, & in Ecclesia tamquam ordinatas constitui non debere. Gentilium porro sacerdotes dicebantur Flamines, d. *can. Cleros §. Sacerdotes autem*, ubi redditur ratio istius appellationis.

Ordinantur propriè Sacerdotes ad sacrificium; eorumque præcipuum munus & officium in ordinatione statuitur, conficere scilicet in altari Sacramentum, vel, ut aliàs legitur, Sacrificium Corporis & Sanguinis Domini, *can. Perlectis Distinct.* 25. & alijs. Qualiter verò ordinetur Sa-

tur Sacerdos seu Presbyter, traditur in *san. Presbyter Distinct. 23. & c. fin. sup. de Sacramentis non reiterandis*. Vnguntur non chrismate, vt Episcopi, sed oleo sacro. Vide Rationale Diuinorum officiorum lib. 2. cap. 12.

Sunt autem Sacerdotum alij, qui simpliciter Sacerdotes appellantur, alij Archipresbyteri, alij Chorepiscopi (quorum institutio & potestas non tantum in Romana, sed etiam in alijs totius orbis Ecclesijs tanquam improba & superuacanea interdicta & sublata est, *can. Quamuis & can. Quod Episcopi Distinct. 68*. Alij Episcopi, alij Archiepiscopi seu Metropolitani, alij Primates, alij Patriarchæ, alij summi Pontifices. Gratianus in *prin. 21. Dist. 9. inter eos*. vbi eam discretionem tradit introductam esse maximè à gentilibus, qui inter suos Flamines alios simpliciter Flamines, alios Archiflamines, alios Protoflamines appellabāt.

Dicitur verò Archipresbyter quasi primus seu princeps Presbyterorum vel sacerdotum, & à plerisque Decanus appellatur, *c. Ad hac. sup. De officio Archidiaconi*. Etsi autem Archidiacono maior sit ordine, quando ille est tantum Diaconus, tamen eo minor est iurisdictione & dignitate, spectato iure communi, *c. 1. & ibi Glos. h. t.*

Archipresbyterorum alius est Urbanus, qui videlicet in ciuitate Episcopali omnibus presbyteris præest, & vicem Episcopi sibi deficientis sustinet, *c. Officium h. t.* Alius Ruralis, quem aliàs communius appellant Decanum Ruralem, quasi qui ruri, id est, extra ciuitatem Episcopalem, plebis ac Presbyterorum, reliquorumque Clericorum sibi subiectorum, curam habet, *cap. vlt. h. t.* Et hic in singulis ciuitatibus constitui debet ab Episcopo, *d. c. vlt. Officium Urbani optime declaratur in c. 1. 2. & 3. h. t.* Ruralis verò in *d. c. vlt.*

TITVLVS XXV.

De Primicerio eiusque officio.

1. Nominis ratio.

2. Primicerij munus & officium.

Dicendum nunc est de Primicerio, eiusque officio, quia is est primus in choro vel cantu, absente Archipresbytero. Panor-
mit. *ad h. rubric.* & in aliquibus Ecclesijs est nomen certæ dignitatis, vt patet ex *c. Cum accessissent sup. De constitutionib. & ex iurisdictione facultateque animaduertendi in Clericos delinquentes, ei annexâ. can. Perlectus §. ad Primicerium Distinct. 25.* quam non modò inferiores sacerdotes, sed & in Canonicos & ipsos dignitate Ecclesiastica præstantes exercet, vt ex Glossa Pragmat. sanct. in §. fin. tit. quomodo diuin. offic. sit celebr. refert Choppin. lib. 1. de sacra polit. tit. 3. n. 10.

Deduci-

1 Deducitur autem Primicerij nomen à Cereis: cum enim ante chartas & membranas inuentionem in pugillaribus, ceratis arborum libris & folijs, aliæ materia, scriberetur, factum fuit, ut quæ in eiusmodi ceratis libellis, & per translationem etiam in alijs, scriberentur, in ceris scripta dicerentur; & quod in primo loco scriptum erat, in prima cera; quod in secundo, in secunda; quod in tertio, in tertia; & quod in postremo, in ima cera scriptum diceretur. Hinc etiam, quia is, qui primus erat seu dignior, primus in albo scribebatur, *l. i. d. De albo scribendo*: Primicerius dictus est, quasi primus in ordine ceræ seu scripturæ, & in omnibus ordinibus dignior: sic enim sæpius legimus, in Nouella 8. *Notariorum primicerium*, id est, primus seu in matricula Notariorum primò scriptum, & in Cod. lib. 12. *primicerium mensorum*, id est, inter mentores primum, *primicerium ex corpore Decanorum*, *primicerium fabricæ*, *prosectorum*, *domesticorum*, *equitum*. Sic Augustinus vocat Stephanum, *primicerium Martyrum*. Is verò, qui Primicerium in quocunque ordine sequebatur, Secundicerius, & sic deinceps, dicebatur.

2 Hinc igitur factum quoque est, ut, qui in Ecclesijs præficietur Diaconis, & alijs Clericis ac cantoribus instituendis ac docendis, ad cantum in choro destinatis, (& à Græcis χοροδιδάσκαλος vel χοροδιδάσκαλος dicitur, id est, Chori magister, Aristot. 3. *Polit. cap. 9.* & Plato *De legibus*) Primicerius dici cæperit, veluti primus in choro, & primus ratione cantus: alioquin non est primus simpliciter, cum sublit Archidiacono, *c. unico h. t.* Aliter Cantor siue Præcentor, sub quo etiam Succentor est, vocatur, secundum Hostiensem in *Summa h. t.* cò quòd officium cantandi Lectiones, Laudes, aliæque, seu eorum distributio ad canendum, illi incumbat, & similiter ordo ac modus canendi, pro tempore & solemnitate, præeatque in cantu. Ad eundem spectat determinatio delationis cereorum seu luminum: leues præterea castigationes Clericorum, aliæque similia, de quibus in *d. can. Perlectus § ad Primicerium Distinct. 25.* & in *d. c. unico h. t.*

TITVLVS XXVI.

De officio Sacristæ.

1. Sacrista quis.
2. Videri eundem cum Thesaurario.
3. Officium illius.

Sequitur

Sequitur proximè de officio Sacristæ. Sacrista dicitur à rerum sacrarum custodia, quasi sacris stans; & idem est, qui Sacrarius: ut enim locus, in quo res sacræ reponuntur & asseruantur, dicitur Sacrarium, *l. sacra §. sacrarium D. De rerum diuis.* ita qui rebus sacris præficitur, vocatur Sacrista, *c. vnico h. t.* * Videturque idem cum eo, quem in Ecclesijs quibusdam Thesaurariū vocant: aliter Cimeliarcha dicitur, *l. fin. in fine Cod. De bonis auct. Iud. possiden.* & vtriusque idem videtur esse munus atque officium, nempe non solum vasorum sacrorum & vestimentorum, sed etiam thesauri Ecclesiæ curam habere, ut colligi videtur ex *can. Perleclis §. ad thesaurarium Distinct. 25. & d. c. vnico h. t.* vbi dicitur subiectus esse Archidiacono, * & ad eius curam pertinere custodiam sacrorum vasorum, vestimentorum Ecclesiasticorum, seu totius thesauri Ecclesiæ (qui magis in vasis sacris & instrumentis Ecclesiasticis, quam in pecunia numerata consistit) nec non quæ ad luminaria pertinent, siue in cera siue in oleo consistant. Videatur plenius *d. §. ad thesaurarium.* Ex quo, ut & ex antedictis patet, nudum habere officium, sine vllâ iurisdictione aut præminencia, *Decis. Rote tit. de prabendis. Decis. 9. alias 153. in nouis.* Potest tamen ei per consuetudinem vel priuilegium attributâ iurisdictione dignitas accedere, *Rota ibid.* Idque ostendunt delegationes Pontificiæ Thesaurariorum Turonensis *in c. Ex tenore inf. De foro compet. Linconiensis in c. Significauit inf. De connexione coniugat. & Niuernensis in c. Cum olim inf. De officio delegati.*

TITVLVS XXVII.

De officio Custodis.

Custos est quasi minister Sacristæ, secundum Glossam & Patrum. *ad rubric. h. tit.* ideo de eius quoque officio aliquid subiiciendum est. Illud autem consistit in his, non tantum ad horas Canonicas pulsare iussu Archidiaconi; sed & pallia & lintheamina altaris, cunctaque utensilia Ecclesiæ indefinenter custodire; lampades & laternam diligenter accendere, & extinguere, *c. 1. h. t.* panem & vinum omni tempore ad Missam præparatum habere, oblationes & eleemosynas singulis Clericis distribuere, *d. c. 1. & c. 2. h. tit.* Ethic vix vinquam videtur habere iurisdictionem, aut dignitatis vel minimam partem.

R

Cæterum

Cæterum non est magna vis facienda in hoc, vel antedictis nominibus, eorumque officijs de iure statutis; sed omnia referri debent ad consuetudines Ecclesiarum, pro quarum diuersitate ista nomina variantur, & pariter eorum officia.

TITVLVS XXVIII.

De Officio & Potestate Vicarij.

1. Vicarius vnde dicatur.
2. Alius Perpetuus est, alius Temporalis.
3. Perpetuus habet se ad instar beneficiarij.
4. 5. Temporalis non vtrique.

Egimus superius de ijs, qui deseruiunt Ecclesiæ nomine proprio: sequitur de ijs, qui deseruiunt nomine alieno; cuiusmodi sunt Vicarij.

Dicitur Vicarius à Vice, quòd vicē alicuius gerat: cū enim in rebus suis interesse vel superesse non potest, Vicarium sibi in ijs constituit, per quem facta perinde habentur, ac si per ipsummet constituentem expedita fuissent, iuxta c. *Qui facit De reg. iuris in 6.*

Duplicis autem Vicarij in Iure Canonico potissimum fit mentio: 2. vnus Perpetui, vt in c. *Ex parte h. tit. c. Extirpandis §. qui verò inf. De præbendis c. G. perpetuus inf. De fide instrument. alterius Temporalis, vt in c. Peruenit & De appellationibus. Perpetuus dicitur, qui canonicè, id est, auctoritate Episcopi constituitur in aliqua Ecclesia parochiali, cum certa & congrua portione annua, tanquam laboris & operæ mercede, ex prouentibus ipsius Ecclesiæ. Sic à sacris Canonibus permittitur habenti parochialem Ecclesiam, suæ vel dignitati vel præbendæ annexam, sibi substituere Vicarium idoneum & perpetuum, auctoritate Episcopi, modo antea dicto, d. c. *Extirpanda §. qui verò, & c. De monachis inf. De præbendis, & similibus. Videatur Conc. Trid. Sess. 7. cap. 6. & 7. & Sess. 25. cap. 16. De reformat. vbi idem permittitur Cathedralibus, Collegiatis seu alijs Ecclesijs, vel Monasterij beneficijs, aut Collegijs, aut pijs locis quibuscumque, quæ beneficia Ecclesiastica curata sibi vnita & annexa habent.**

3. Licet autem mandatum pro arbitrio mandantis reuocetur, non potest tamen eiusmodi Vicarius perpetuus, semel canonicè, id est, auctoritate superioris constitutus, per proprium Ecclesiæ Rectorem aut eius successorem remoueri, aut portione assignatâ fraudari, d. c. *Extirpanda §. qui*

§. qui vero, *Clement. unica h. tit.* Imò nec Episcopus potest ei administrationem auferre, nisi iustis de causis, ut colligitur ex *c. Ad huc h. t.* quia scilicet Vicariatus perpetuus nō habet se ad instar simplicis mandati, sed ad instar beneficii, & Vicarius perpetuus ipso iure beneficiarius censetur, *c. Perpetuus inf. De fide instrument.* *Glos. in c. 1. in V. in diuersis h. t. c. Michael x de filiis Presbyterorum:* eiusque officium refertur inter beneficia in *c. Postulasti sup. De rescriptis;* & penes eum est cura animarum. Abbas in *d. c. Extirpanda §. qui vero:* & ideo curatus primitiuus, ut aliqui vocant, non potest nec debet Sacramenta conferre. Hinc quoque fit, quòd Vicarius, sicut & quilibet in beneficio, auctoritate Episcopi sibi collato, institui debeat, *c. Ex frequentibus inf. De institut.* semelque institutus, non sit temerè & sine causa ac præter iuris ordinem amouendus; ut nec aliquis beneficio priuandus est: quodque quis nequeat esse Vicarius in diuersis Ecclesijs, *c. 1. & 2. hoc tit.* aut sibi alium Vicarium perpetuum substituere, iuxta communem sententiam, sed per seipsum deseruire compellendus sit, per subtractionem fructuum vel ipsarum Vicariarum, *c. ult. h. t.* Non obstante regulà in *c. Qui facit De reg. iuris in 6.* quia non habet locum, quando industria personæ spectatur, uti in Vicario attenditur. Possè tamen ad tempus aliquod ex aliqua iusta causa alium substitui, docet Abbas in *c. Clericos h. t.* Hinc etiam Vicario perpetuo cura incumbit animarum; in eoque iura, de Rectore parochialis Ecclesiæ constituta, etiam locum obinent: veluti quòd infra annum à Vicaria obtenta, Presbyter fieri debeat, sicut parochialem obtinens, *text. in Clement. unica h. t.*

Vicarius Temporalis est, qui in locum alicuius ad tempus substituitur, iustà subsistente causâ, puta quia pluribus Ecclesijs, quas obtinet, simul deseruire nequeat, ut colligitur ex *can. Et temporis x x v 1. q. 1.* aut pluribus negotijs ratione sui muneris & officij distineatur Rector Ecclesiæ, vel ob peregrinationem, ægritudinem aut iustam absentiam ab Episcopo cognitam & approbatam, vel ob aliam aliquam causam, veluti necessitatem aut vtilitatem Ecclesiæ, deseruire suæ Ecclesiæ non possit.

Cum autem ad tempus dumtaxat hic Vicarius constituatur, non habet se ad instar beneficiarij, Glossa in *Extrauag. Ioannis 22. Execrabili De prabendis:* sed iure penes Rectorem principalem manente, penes Vicarium solùm est functio & administratio, quam exercet nomine principalis, & quæ expirat morte Rectoris principalis; ad cuius etiam nutum reuocari potest. Abbas in *d. c. Extirpanda inf. De prabendis.*

§. II. De Vicario Episcopi.

1. Vicarius Episc. quomodo ab alijs distinguatur.
2. Dicitur & Officialis.
3. Necessario constitui debet.

- C**um Episcopus, plurimis negotijs inuolutus, nequeat per se sufficere omnibus, ac spiritualibus potissimum intendere: debeat, Vicarium sibi constituat necesse est, vel unū vel plures, *can. in noua xvi. q. 7. c. Quoniam inf. De officio Ordinarij, Anchar. in Clement. 2. De rescriptis.* * qui proinde Vicarius Episcopi, & quidem, more loquendi recepto, simpliciter Vicarius appellatur: de quo potissimum hoc Tit. agitur, non etiam de alijs, qui licet reuera Vicarij sint Episcopi, uti Archidiaconus, *c. 1. c. Ad hac sup. De officio Archidiacon. Archipresbyter, c. 1. c. Officium sup. de offic. Archipresb.* tamen non solent appellari Vicarij, quia nomen proprium, & administrationem habent expresscripto ipsorum Canonum; nec sunt Vicarij constituti ab Episcopo, sed ab ipso iure, ratione dignitatis & officij, quo funguntur. *
2. Aliter autem Vicarius Episcopi, si generalis sit, appellari solet Officialis Episcopi, & è contra, ut constat ex *d. Clement. 2. De rescriptis, iuncta Glos. ibid. in V. Officialis & in c. ult. hoc tit. in 6. c. 1. & 2. eod. in 6. vbi textus vocat eundem Officialem; & statim d. c. fin. dicitur disiunctiue Officialis aut Vicarius generalis Episcopi.*
3. Aded verò necessum est, ut Episcopus sibi Vicarium constituat, ut, si id agere negligat, Metropolitanus seu Archiepiscopus supplere debeat: eo quæ deficiente antiquior Suffraganeus eundem coget. *Conc. Trid. Sess. 24. cap. 16. De reformat.* Tamen si autem Capitulum, Episcopo viuentem vel absente, vel negligente, non possit Vicarium constituere: potest tamen, eo mortuo, vel electum ab Episcopo confirmare, vel alium eligere.

§. III. Qualis debeat constitui Vicarius.

1. Debet esse probata vitæ ac doctrinæ.
2. Clericus, non laicus, nisi ex causa.

1. **Q**uoniam ex facto Vicarij tenetur Episcopus, sibi quæ imputare debet, si malum elegerit, *c. Ad hac sup. De officio Archidiaconi, Rebuffus in forma Vicariatus n. 188.* ideo videndum, qualis debeat eligi.

Debet

Debet autem constitui Vicarius probatis moribus, ætate **xxv.** annorum, *arg. c. Cum in cunctis §. inferiora sup. De elect. idoneus, ac forensium rerum & caussarum peritus, l. penult. Cod. De iudijs, l. ad Rempub. D. de muneribz: qui sit Doctor vel Licentiatus, saltem in Iure Canonico, vel aliàs idoneus, quantum fieri potest, Conc. Trid. Sess. 24, cap. 16. De reformat. * Clericus, saltem primæ tonsuræ: non conjugatus, Franc. 2 in c. 1. h. t. in 6. nisi certis casibus: veluti si Episcopus iurisdictionem temporalem habeat, cuius laicus est capax, non etiam spiritualis, c. 2. De iudijs: aut adsit licentia Papæ, aut vigeat necessitas. Assessorem tamen laicum Episcopus habere potest. Abbas, Felin. & alij in c. De his & c. Decernimus inf. De iudijs: quia officium Assessoris est consulere, quod etiam in Ecclesiasticis facere potest laicus: licet de honestate potius sit Clericus adhibendus, si reperiatur idoneus, Felin. Dec. in d. s. decernimus.*

§. IV. Quot modis constituatur Vicarius ab Episcopo:

1. Constitui potest vel in spiritualibus tantum, vel in temporalibus tantum, vel simul in utrisque.
2. Vnus, vel plures.
3. Vnus Generalis & aliter Foraneus.

TRipliciter constitui potest: vel in spiritualibus tantum, cuius modi sunt excommunicare, suspendere, interdicere, Sacramenta conferre, beneficia visitare, corrigere, aliaque similia; & talis Vicarij in spiritualibus fit mentio in c. 3. De temporib. ordinat. in 6. & in c. 4. inf. De officio Ordinarij. Vel in temporalibus tantum, cuius administratio consistit in iudicio vel extra iudicium. Vel deniq; Vicarius est in spiritualibus & temporalibus simul: & hic Vicarius Generalis Episcopi appellatur in c. fin. cod. in 6. Crearique debet cum expressione spiritualium & temporalium simul: alioquin non esset generalis, si vel in spiritualibus dumtaxat, vel in temporalibus crearetur, c. si Episcopus & c. Ecclesia De supplenda negligentia Pralat. in 6. aut si simpliciter concederetur potestas administrandi. Videatur Rebuff. in Praxi benef. tit. De forma Vicariatus Archiepisc. Sic nec generalis diceretur, si constitueretur in aliqua speciali parte diocesis, etiam in ipsa ciuitate, in qua residet Episcopus; sed diceretur foraneus & delegatus.

2. Secundò, potest Episcopus vnum vel plures Vicarios constituere, & id consuetudine receptum fuerit, aut si expressè agatur, vt plures constituantur: prout plures constitui expedit, quādo Episcopus in diuersis territorijs dioecesi suam habet. Alioquin per simplicem constitutionem secundi censetur prior reuocari, DD. in c. Clericos h. t.
3. Tertiò, potest constituere vnum generalem, qui vices Ordinarij constituentis gerat in tota dioecesi, & ius dicat in loco ac tribunal, in quo consuevit ipse Ordinarius ius dicere. Sanchez De matrim. lib. 3. Disputat. 29. q. 1. n. 11. & talis est principalis, & dignitatem habere dicitur; licet non eam, quæ sit beneficium Ecclesiasticum, vel incompatibilis cum alia dignitate. Rebuff. in d. Praxitit. De Vicarijs Episcoporum: alium verò constituere potest in aliqua certa parte dioecesis, extra ciuitatem Episcopalem, qui proinde vocatur Foraneus, nec dignitatem habere censetur.

§. V. De Potestate & iurisdictione Vicarij.

1. Rationes, quibus asseritur Vicarium Episcopi esse delegatum.
2. Probat, esse Ordinarium.
3. Satisfit rationibus contrarijs.
4. Officium Vicarij in spiritualibus.

TAmetsi non desint, qui velint Vicarium Episcopi, licet principalis sit, non esse ordinarium, sed delegatum, Goffredus in Summa h. tit. q. 1. eò quòd eius iurisdictione morte Episcopi finiat, sicut iurisdictione delegati re integrâ finitur morte delegantis, c. Gratum, c. Relatum, c. Licet vndique inf. De officio delegati; & vices Episcopi gerat, c. Romana in princ. De appellat. in 6. sicut delegatus fungitur vice delegantis, l. 1. §. qui mandatam D. De officio eius & c. l. solet D. De iurisdic. omnium iudicium: cum tamen ordinaria iurisdictione, concedente mortuo, adhuc remaneat, & Ordinarius propriâ iurisdictione vtatur, & denique cum ordinaria iurisdictione non possit ab Episcopo concedi, vt patet ex can. A iudicibus 2. q. 6. l. & quia D. De iurisdic. Glossa in cap. 2. V. statuitur inf. Ne Prelati vices suas vel Eccles. sub an. censu conc. nihilominus verius videtur, Vicarium Episcopi, si sit principalis, habere ordinariam iurisdictionem, sicut habet Episcopus, cuius vices gerit, prout docet Sanchez De Matrim lib. 3. Disput. 29. Glossa in c. Licet in V. Officialem eod. in 6. in c. Perlectis Distinct 25. in V. iurgia DD. in c. Quoniam in plerisque inf. De officio Ordinarij & c. 2. De consuet. in 6. quia etli constitutatur seu nominetur & designetur ab Episcopo, non tamen ab eo, sed ab ipso canone & iure iurisdictionem accipit, vt constat ex. c. 2. eod. in 6.

in 6. ac proinde ordinariam, d. can. A Iudicibus. Confirmatur ex eo, quòd idem tribunal & eadem iurisdictio sit Episcopi & Vicarij, d. c. Romana & d. c. 2. & ibi Interpp. De consuet. in 6. & propterea, licet à delegato appelletur ad delegantem, c. Super questionum §. porro inf. De officio delegati: tamen à Vicario seu Officiali Episcopi in ijs, in quibus est ordinarius, non ad Episcopum, sed ad Archiepiscopum appellatur, d. c. Romana. d. c. 2. de consuet. in 6. ne ab eodem ad eundem appellari videatur. Idem dicendum de Vicario Capituli, Sede vacante, & Vicario generali habentium iurisdictionem Episcopalem, vt tradit Sanchez d. loco. Et hinc fit, quòd Episcopus non possit reuocare aut impugnare, quod legitimè & canonicè gessit Vicarius. Rebus. in Praxi tit. de Vicar. Episcop. n. 40.

Non obstant in contrarium allata: quia ideo iurisdictione Vicarij ex- 3
ringuitur morte Episcopi, quia illius iurisdictioni tanquam accessoria cohaeret, & sic gerit vicem Episcopi: vt tamen non ab eo, sed à iure iurisdictionem accipiat, idemque cum Episcopo tribunal constituat, non diuersum: prout delegatus diuersum constituit à delegante, à quo suam iurisdictionem habet. Et ideo rectè à delegato ad delegantem prouocatur, sicut & ab Archidiacono, alijsque Prælati inferioribus, rectè prouocatur Episcopus, non autem Archiepiscopus. Rectè etiam à Vicario Episcopi ad Episcopum appellatur, quoad ea, in quibus illius est delegatus: veluti quando illi diuim & seorsim ab institutione committit aliquos casus, qua de re videatur Sanchez d. Disput. 29. quæst. 1..

Officium autè Vicarij in spiritualibus, de quo hoc Tit. Decretalium potissimum agitur, in eo consistit, vt teneatur personis & Ecclesijs de- 4
seruire, vt colligitur ex c. Prouideas 2. h. t. curam animarum habere: ac propterea ab ordine iuris alienum dicitur, vt Vicariam quis habeat præter vnā, d. c. 2. & sit Presbyter necesse est, aut aliàs compellendus, vt fiat, per subtractionem prouentuum vel ipsius Vicariæ, c. vlt. h. t.

§. VI. Quibus modis finiatur potestas Vicarij.

1. Finitur morte Vicarij, item morte constituentis, vel eo excommunicato &c.
2. Item Episc. Ecclesiam suam deferente.
3. Et renouatione.

Finitur

Finitur primò, ipsius Vicarij morte. Secundò per mortem, vel etiam excommunicationem constituentis, c. 1. h. tit. in 6. Glossa in Clement. vlt. De procuratoribus V. contestata: ita vt nequidem ante mortem vel excommunicationem Episcopi constituentis causas cœptas eo mortuo vel excommunicato, perficere queat, Speculator De offic. Ordinarij §. 1. in V. auditores, Glos. in d. Clement. vlt. & in c. 1. De officio Vicarij in 6. quia est prorsus idem tribunal vtriusque, eademque persona vtriusque reputatur, c. 2. De consuet. in 6. c. Romana De appellat. in 6. Ideoque cessante tribunali Episcopi per eius mortem, vel suspensâ eius iurisdictione per excommunicationem (quod euenit, quando est denunciatus excommunicatus, aut notorius Clerici percussor) cessat quoque vel suspenditur tribunal seu iurisdicção Vicarij. Et in hoc differt Vicarius à Legato, cuius potestas non expirat, quoad in cœpta, morte delegantis, sicut nec per excommunicationem eiusdem. Ratio est, quia non idem est tribunal delegantis & delegati. Idem dicendum, Episcopo interdicto vel suspenso; ob eandem rationem, quando scilicet est denunciatus; post Concil. Constantiense, nam antè retinet iurisdictionem.

Tertio finitur, si Episcopus Ecclesiam suam resignet, aut ad aliam transferatur, aut suâ priuetur, vel ab ea remoueat, vel Religionem ingrediatur.

Quartò, reuocatur eius commissio ab Episcopo constituyente, vel eius successore: etiam sine consensu Capituli, sicut absque eius consensu constitui potest, Abbas in c. Sua nobis h. t. Debet tamen ipsa reuocatio ei significari: alioquin si reuocationem ignoret, valent per eundem gesta, donec ei innotescat. Quinetiam, si adit communis error reuocationis, gesta per illum, etiam reuocationis conscium, valebunt, arg. l. Barbarius D. De officio Prætoris: in qua non attenditur ignorantia priuata, vt gesta valeant, sed communis.

§. VII. De officio Coadiutoris.

1. Coadiutor quis.
2. Datur Episcopo, & quandoque alijs inferioribus.
3. Cum futura successionem, nisi ex causa, dari non potest.

Quia subinde Episcopo datur Coadiutor, meritò, Vicarij officio explicato, de munere Coadiutoris aliquid subiiciendum esset.

Dicitur Coadiutor is, qui alteri in subsidium, explendi officij causâ, adiungitur. Quibus autem ex causis, & quâ formâ detur

tur Episcopis & alijs superioribus, explicatur *inc. vnico De Clerico agroto in 6.*

Non solum verò Episcopo, sed etiam alijs inferioribus datur, si res 2
exigat: veluti si morbo impediti superesse muneri suo non possint; vt
de Rectore Ecclesiæ, leprâ; de Archidiacono, paralyti, laborantibus,
rescriptum est *inc. 3. & fin. vbi latè Abbas inf. De Clerico agrotante.* Nec
enim occupatus infirmitate vel ægritudine aliquâ submoueri loco de-
bet, ne afflicto addatur afflictio.

Coadiutorem tamen cum futura successione dari prohibet Conc. 3
Trid. Sess. 25. cap. 7. *De reformat.* ne sic inducatur votum captandæ
mortis alterius: præterquam si Ecclesiæ Cathedralis aut Monasterij
vrgeat necessitas, vel euidens utilitas postulauerit Prælato dari Coad-
iutorem; qui tamen non aliter cum futura successione habetur, quàm
caussa prius à summo Pontifice diligenter cognitâ, & concurrentibus
in illo qualitatibus, quæ à iure & Decretis Conc. Trid. in Episcopo &
Prælato requiruntur: aliàs concessio Coadiutoris subreptitia censetur.

TITVLVS XXIX.

De officio & potestate Iudicis de- legati.

§. I. Quis sit delegatus & quis delegare possit.

1. Quis dicatur Iudex delegatus.
2. Delegare potest summus Pontifex.
3. Et ab hoc delegatus sub delegare.
4. Ampliatio.
5. Item quilibet Ordinarius rectè delegat.

Diximus de ijs, qui vices alienas gerunt & in diuinis officijs &
iurisdictione voluntaria: superest agere de ijs, qui vices alie-
nas gerunt in iudicijs & iurisdictione contentiosa; quales
sunt Iudices delegati, qui magnam affinitatem habent cum
Vicarijs potissimum foraneis.

Est autem Iudex delegatus, qui iurisdictionem contentiosam non 1
suo iure, sed ab alio sibi demandatam & alterius nomine exercet, eius

scilicet, qui causas, ad forum suum spectantes vel deuolutas, cognoscere & dirimere non vult, aut non potest. Et ideo in Digestis appellatur Iudex, cui mandata est iurisdictio, ut patet ex *toto tit. D. De officio eius, cui mandata est iurisdictio*: diciturque proprium nihil habere, nec suam uti iurisditione, sed eius, qui mandauit aut delegauit, l. 1. §. qui mandata D. d. tit. 1. solet 16. D. De iurisdict. omnium Iudicum.

- 2 Delegate verò potest in primis supremus Princeps, ac summus Pontifex, prout frequentissimè facit: tum quia, cum sit iudex omnium, non sufficiat vnus omnibus audiendis; tum quia nimis sumptuosum foret remotioribus Romam proficisci, ad causas suas agendas. Secundò, delegate potest ille ipse, qui à summo Principe vel summo Pontifice delegatus est, si forte causam sibi delegatam per debilitatem vel occupationes cognoscere nequeat, c. Si pro debilitate 3. & alijs h. t. l. à Iudice Cod. De iudicijs: & quidem siue suo coniudici, id est sibi adiuncto delegato, siue alteri & extraneo vices suas potest committere, c. Quamuis 6. b. t. delegando seu, ut vocant, subdelegando vel principium vel medium aut finem causæ sibi commissæ, siue coniunctim siue diuisim, hoc est vni vnâ partem, & alij aliam, c. Super questionum in princ. versic. Quod si delegatus h. t. quia hanc potestatem à iure habet, c. Pastoralis 28. eod. c. Si duo eod. in 6. text. in l. vnica in fine Cod. Qui pro sua iurisditione & c. Vide Marantam Spec. aurei p. 4. Dist. 5. n. 26. Quod si is, quem subdelegauerit, iniuncto munere fungi detrectet, compellere eum ad hoc potest, nisi ipse malitiosè se exonerare studeat: etiam si aliàs, extra causam delegatam, subdelegatus esset maior delegato: veluti si delegatus summi Pontificis subdelegauerit sibi Episcopum suum, prout potest, etiam inuitum, d. c. Pastoralis in princ. & ibi Abbas penult. notab. & c. Sanè 11. eod. quia in ea causâ maior est Episcopo suo, tanquam repræsentans personam summi Pontificis delegantis. Habere tamen debet in eo compellendo gradus ac dignitatis & personæ rationem, d. c. Pastoralis & d. c. Sanè,

- 3 Sed quid si delegato suo mandauerit Pontifex, ut personaliter negotium exequatur? Nihilominus subdelegare poterit, dummodò partes consentiant: præterquam si inquisitionem fieri, vel Ecclesijs de Prælati alijsue ministris prouideri mandauerit, quia istis casibus industria & fides personæ electa videtur, c. fin. §. is autem h. t. c. Is cui 12. eod. in 6. vel nudum ministerium commiserit, veluti ut excommunicet, absoluat, dispense, pœnitentiam iniungat, in possessionem inducat, aut aliud quid simile agat: nam tali casu, excepto legato Sedis Apostolicæ, non potest alteri vices suas committere; quia non iurisdictio, sed potius ceterum ministerium ei committitur, d. c. fin. h. t.

Non potest tamen delegatus Principis subdelegare, cum potestate subdele-

subdelegandi, quia tamen in iure reperitur ei concessa potestas subdelegandi: non tamen reperitur concessa potestas dandi facultatem subdelegandi. In eoque distinguitur ab Ordinario, qui licet sit minimus, cum habeat potestatem vniuersalem & ordinariam, potest delegare cum potestate subdelegandi. Posset tamen subdelegatus à delegato, sicut & delegatus Episcopi, committere aliquem actum causæ absque iurisdictione, Piacet. 2. p. cap. 4. n. 8. versic. subdelegatus.

Tertio, quilibet Iudex ordinarius, cum iure proprio & in se ipso iurisdictionem radicatam habeat, delegare potest, c. Cum Episcopus De officio Ordin. in 6. l. more maiorum D. De iurisdic. om. Iudic. l. Cognitio 4. §. cum propriam D. De officio eius cui mand. &c.

§. II. Qua forma fiat delegatio.

1. Fit delegatio vel ad vniuersitatem causarum, vel ad certum aliquod genus.
2. Item ad vnā aliquam causam vel plures.

Potest quis alium delegare vel ad vniuersitatem, vel ad certum aliquod genus causarum, v. g. quæ tali anno occurrent, quæ centum florenos non excedunt, quæ in tali territorio ventilantur, vel quæ oriuntur ratione mutui vel depositi.

Potest insuper delegare quis alium ad vnā aliquam causam, vel ad plures, verum certo numero definitas, veluti ad quinque vel sex. Rursus non tantum vnus ad vnā aliquam causam delegari potest, sed & plures: atque hi aut simpliciter, aut adiectâ hac clausulâ, *Quod si non omnes interesse possint, alij nihilominus in causa procedant*: aut denique hac formulâ, *Vt omnes, aut duo, aut vnus procedat*, vti hodie fit frequentissimè.

§. III. Quinam delegari possint, vel non.

1. Delegari nequit minor 20. annis, nisi ex causa.
2. Delegandus à summo Pontifice debet esse in dignitate constitutus.
3. Ab Episcopo non vtrique; & ratio diuersitatis.
4. Iudices Synodales.

Delegari nequit minor viginti annis: nisi vel ex consensu partium, quo interueniente quis octodecim annorum delegari potest, vel à Principe non ignorante, quod sit minor, delegetur, c. Cum vigesimum

41. h. t. Nam hoc ipso, quo Princeps vel Pontifex minorem sciens datus Iudicem, intelligitur habere eum idoneum, qui iudicet, l. *Quidam consulebant D. De re iudicata.*

- 2 Ut tamen delegatio à summo Pontifice, vel eius Legato, valeat, præter dictam ætatem, oportet delegatum non solum esse Iurisperitum, & non suspectum, c. *Cum R. Canonicus* 35. h. t. verum etiam in aliqua dignitate vel personatu constitutum (licet non referat, an sit titularis, an Commendatarius, Chail. ad *Consuet. Burgund. tit. de success. prior.* 88. vel alicuius Ecclesiæ Cathedralis Canonicum, c. *Statutum in princ. De rescriptis in 6.* vel Priorem conuentualem, qui ad eum Prioratum non consueuerit per electionem assumi: vel Officiale Episcopi, seu eius Vicarium generalem. Nam Foraneus delegari non potest; sicut nec Religiosus, vel monasterij Prior claustralis, *Clement. 2. de rescriptis & d. 6. Statutum.*

- 3 Potest verò Episcopus causam aliquam delegare etiam simplici Clerico suæ diocesis, c. *Cum Episcopus De offic. Ordin. in 6.* Ratio diuersitatis est; quia Episcopus melius nosse potest suorum Clericorum industriam, & an idonei sint, quam summus Pontifex, vel eius Legatus: fierique potest, vt Episcopus simplicem aliquem Clericum nouerit multo magis idoneum, quam sit alius quilibet in dignitate vel personatu constitutus: & ideo d. c. *Statutum* non concurrat nec tangit Episcopos aut alios inferiores. secundum Archidiaconum post Innocentium & Hostien. *ibid.* At verò summus Pontifex, cum longè absit, de idoneitate cuiusque iudicare debet ex præsumptione, ac proinde præsumit ad dignitatem promotos, vt dignitate, ita etiam moribus & scientiâ præstare cæteris.

- 4 Quia tamen ob malitiosam petentium suggestionem, & quandoque ob locorum disiunctionem, personarum, quibus causæ mandantur, notitia vsque adeò haberi non potest, indeque subinde fit, vt Iudicibus non vndequeque idoneis causæ in partibus delegentur: statuit Conc. Trid. *Sess. 25. cap. 10. De reformat.* vt in singulis Synodis provincialibus, aut dioecesanis aliquot personæ, saltem quattuor, quæ qualitates, in d. c. *Statutum* requisitas, habeant, & alioquin ad id idoneæ designentur, quibus, præter locorum Ordinarios, posthac causæ Ecclesiasticæ ad spirituales, & ad forum Ecclesiasticum pertinentes, in partibus à Sede Apostolica & eius legato delegari possint. Videatur fusiùs dictum Concilium.

- 5 Tamen si autem actor Iudicem habere recusans in rei conuenti ciuitate vel dioecesi, possit alium in alia ciuitate vel dioecesi non propriam impetrare, quando actor & reus sunt diuersarum prouinciarum, non tamen ultra vnam dictam siue vnius dici iter, d. c. *Statutum §. cum au-*

tem.

§, IV. De officio Iudicis delegati.

1. *Officium & Potestas differunt.*
2. *Iudicis delegati officium est; primo, ne procedat ante presentationem
 rescripti delegatorij.*
3. *Secundò, ut diligenter seruet formam mandati.*
4. *Ad connexa tamen sit extensio.*
5. *Dummodò sic non contraueniatur intentioni mandantis.*
6. *Tertiò, ut admittat exceptiones: & qua illa sint.*
7. *Quartò, ut intra annum exsequatur sententiam.*

Differunt Officium & Potestas, quòd Potestas latius p̄t̄eat.
 nam licet quidquid est officij Iudicis, etiam potestati eius sub-
 iiciatur: non tamen è contrà, quidquid Iudicis potestati per-
 mittitur, id subiicitur Iuris necessitati. *l. Non quidquid D. de iu-
 dicij:* nam sæpè potest vnum facere, & alterum facere tenetur. Quia ta-
 men pleraque, quæ Iudex facere potest, & ab eo in causa fieri admo-
 dum expedit, etiam facere tenetur: ideo hic Tit. in Decretal. inscribi-
 tur, *De officio & potestate Iudicis delegati.*

Consistit autem officium & potestas Iudicis in primis in eo, ne pro-
 cedat ante præsentationem rescripti delegatorij, licet sciat se esse con-
 stitutum Iudicem delegatum; & ut procedat post datam rescripti;
 quia ante præsentationem rescripti delegatorij non habet exercitium
 iurisdictionis, *c. Super eo 12. inf. De appellat. & ibi Philippus in vlt. Notab.*
Felinus in c. Sciscitatus 13. col. 8. sup. De rescriptis, Rota Decis. 19. de præbend.
in nouis, latè Flamin. De resignat. benefic. lib. 7. qu. 51. n. 16. Nauar. De remun.
consil. 6. nu. 1. adeò quòd quamuis superueniat rescriptum, non vali-
detur processus antea factus: quia censetur factus à priuato, dummo-
dò tamen opponat & excipiat pars de rescripto non præsentato; aliàs
valeret processus, Maranta p. 4. Spec. aurei Dist. 14. n. 8.

Secundò, ut diligenter seruet formam & tenorem suæ delegationis.
 seu mandati: quia cum nullum habeat officium, nisi quod in sua dele-
 gatione & mandato continetur, & hoc sit stricti iuris atque extraordi-
 nariæ iurisdictionis: non debet extendi ultra personas vel causas in eo
 expressas, *c. P. & G. 40. h. t. & d. c. Super eo De appellat.* Ideoque con-
 stare de eo debet, inserto tenore suæ delegationis: aliàs nullus parere
 tenetur, nisi ostenso & probato mandato, nec sufficit simplex copia,
cap. Cum in iure 31. & ibi Abbas & Felin. hoc tit. & in cap. Præterea 2. inf.

De dilationib. Barthol. in l. 2. D. Si quis in ius vocatus, &c. Maranta d. p. 4. *Distinct.* 5. num. 59. Eritque nullum, si quid egerit contra tenorem rescripti, cap. Cum dilecta sup. *De rescriptis*, tanquam à non habente iurisdictionem, sed à priuato gestum, c. Cum olim 32. h. t. Et in hoc distinguitur delegatus ab Ordinario, quia hic non tenetur inferere suam iurisdictionem, quia semper pro ea præsумitur. Abbas in d. c. Cum iure col. penult. & ideo sufficit, quòd mandet nuntio, vt aliquem citet, siue verbo siue litteris, text. in c. Cum dilecti 6. ibi vnica voce inf. *De dolo & contumacia*, Maranta d. n. 59.

5 Ad connexa tamen & accessoria, etiamsi eorum in rescripto nulla fiat mentio, fit extensio, quia connexorum, vt dicitur, idem est iudicium, c. Translato sup. *de constitut.* & data alicui iurisdictione, ea quoque concessa intelliguntur, sine quibus iurisdictione explicari non potest, l. 2. D. *De iurisdic. omnium Iudic.* Ideoque, si cui causa specialiter delegetur, poterit nihilominus delegatus citare partes, contumaces punire, eligere nuntium, eundemque si falsam relationem fecerit, punire; sicut & quemlibet alium impediētem, quò minus causa exitum aut progressum habeat, c. 1. & c. Præterea 5. h. t. & alia pleraque perficere, quæ ad expeditionem causæ pertinent, quandoquidem hæc omnia delegatione contineantur, d. c. Præterea c. Prudentiam 21. h. t. Quamquam non minus rectè omnes actus iudiciales expressè demandari possint, siue coniunctim siue sigillatim, c. Super questionum 27. c. Pastoralis 28. h. t. sicut & ipsa rei iudicatæ executio, d. c. Pastoralis §. qui verò.

6 Sic tamen seruare debet delegatus formam mandati, vt intentionem mandantis, quatenus fieri potest, potius sequatur, quàm verborum superficiem, c. Super eo 15. h. t. quia actus non debet extendi ad incognita seu non cogitata. Et si tribus v.g. specialiter delegatio alicuius causæ facta sit, vno eorum vel etiam plures, vno absente vel mortuo, nihil agere potest, vel possunt, d. c. Prudentiam, l. Vno ex tribus D. *De re iudicata*, quia iurisdictionem non habent nisi simul omnes, c. Cum causa 22. & c. Vno delegatorum 42. h. t. secus si adiecta sit clausula, Quod si non omnes interesse possint, alij nihilominus in causa procedant: nam tunc procedere poterunt, vbi de impedimento tertij, siue illud sit iuris siue facti, secundum communem, vel quòd requisitus interesse nolit, legitimè constiterit, d. c. Prudentiam & ibi latè Abbas & Felin. aliàs si procedant, antequam collega notificauerit ei suum impedimentum, processus erit nullus. Si etiam formula delegationis hoc modo concepta fuerit, vt omnes, aut duo, vel vnus procedat, tum singulis intelligitur concessa facultas procedendi in solidum, c. Cum super 23. h. t. ita vt præuentioni sit locus, & alij cœptæ ab eo, qui præuenit, causæ se vterius immiscere nequeant: nisi fortè is infirmitate vel aliâ iustâ causâ impediatur, quo minus

nus causam finiat aut maleficiose prosequi detrectet, c. *Cum plures eod. in 6.*

Si verò nulla delegationi forma certa præscripta fuerit, delegatus seruabit formam præscriptam à iure communi, cum in dubio non intelligatur Pontifex iuri communi derogare velle, c. *Ex parte 13. h. t.*

Tertiò, consistit officium Iudicis delegati in admittendis exceptionibus rationabilibus, procedendoque iuxta iuris præscriptum & æquitatem, nisi in litteris delegationis (quod tamen quoad exceptiones vel rarò vel nunquam fit) aliter caveatur, d. c. *Ex parte, c. Causam qua 18. sup. De rescriptis*. Variè autem potest contra delegatum excipi: veluti quòd non sit delegatus, quia non creditur talis, nisi suam delegationem probet, d. c. *Cum in iure*: vel quòd sit delegatus ab eo, qui delegare non potuit: vel quòd ipse delegari non potuerit: vel denique quòd eius iurisdictio expirauerit; & sic de similibus. Quòd si verò diuersæ delegationis litteræ simul præsententur, vt sciatur, quid agendum, videantur quæ suprà diximus, Tit. *de Rescriptis §. 5. de præferentia vnius præ altero*.

Denique consistit officium delegati in exequenda intra annum sententia, à se lata, si sit delegatus Principis vel summi Pontificis, c. *Querenti 26. h. t.* aut ab alio Iudice cum vniuersitate causarum, eamque executionem potest delegatus summi Pontificis etiam ordinario Iudici demandare, c. *Significasti 7. c. Sanè 11. h. t.* ac cogere ad exequendum, licet is sciat sententiam iniustam esse: nisi efficere valeat apud delegatum, vt ab hoc onere liberetur, quia non cognitio, sed executio tantum mandatur, c. *Pastoralis 28. §. quia verò h. t. & notat. in d. c. Sanè & c. Significasti*.

Dixi, aut ab alio Iudice cum vniuersitate causarum; quia delegatus ab Ordinario inferiori summo Pontifice absque cognitione vniuersitatis causarum sententiam suam exequi nequit: quandoquidem officium eius latà sententià expiret, & executio in eum, qui delegauit, reijciatur, l. *à diuo Pio D. De re iudicata c. 4. & ibi DD. inf. De foro competentis*. Et hoc de iure civili, quo ea, quæ sunt mixti imperij, delegari non possunt, l. *Inbere caneri 4. D. De iurisdict. om. Iudic. l. 1. D. De officio sui & c. secus de iure Canonico, si potestatem exequendi habeat, prout hoc iure habere potest, quo ea, quæ sunt mixti imperij, qualis est executio, delegari possunt, secundum Glos. in c. *Quod sedem 10. De officio Iud. ordin. Maranta p. 4. Distinct. 5. principalin. 45. in fine, Abbas in c. Si quis contra clericum 4. De foro compet. col. vlt. & hoc casu, quo inquam habet executionem suæ sententiæ, potest, sicut & Ordinarius, ex causâ ampliare vel minuire tempus, quod datur iudicatis seu condemnatis; secundum Abbatem in c. *Quod ad consultationē 15. De re iudicata*: aliàs verò id non potest, quia hoc esset imponere legem superiori seu deleganti, ad quem**

ad quem spectat executio, c. *Ex insinuatione* 30. inf. *De appellat.* Maranta d. loco n. 46. & seq.

Differt insuper delegatus summi Pontificis vel Principis à delegato ab alio Ordinario Iudice, quòd, vt antè diximus, ille subdelegare possit, hic verò non aliter, quàm si vniuersa iurisdictio ei mandata sit, l. 1. & 2. §. *is quoque* D. *De iudicijs.*

§. V. Quibus modis finiatur officium & potestas Iudicis delegati.

1. 2. *Finitur morte delegantis & delegati.*

3. *Reuocatione.*

4. *Lapsu diei.*

5. *Finito negotio.*

Finitur primò re integrâ per mortem delegantis c. *Relatum* 19. c. *Gratum* 20. c. *Licet vñdique* 30. b. 1. l. Et quas D. *De iurisdict. om. Iud.* Re autem non integrâ nequaquam expirat; vt si delegatus priùs cœperit vti iurisdictione, etiam partem dumtaxat citando, d. c. *Gratum.*

2. Secundò finitur morte delegati, dum scilicet delegatio facta est personæ seu sub proprio nomine delegati. *Glossa in c. Quoniam Abbas* 14. h. 2. & *ibid.* Panormit. n. 3. & 4. alioquin si facta sit dignitati seu sub nomine dignitatis, quæ perpetua sit, v. g. *Rectori talis Vniuersitatis, Decano vel Præposito talis Ecclesiæ,* morte delegati non extinguitur, sed transit ad successorem, d. c. *Quoniam Felix in c. Eam te De rescriptis* n. 17.

3. Tertio finitur reuocatione, re integrâ scilicet, quia regulariter omne mandatum re integrâ reuocari potest, c. *Venerabili* 37. b. 1.

4. Quarto, lapsu diei, ad causam decidendam præstitutz, nisi priùs ea dies consensu partium fuerit prorogata, c. *De causis* 4. & c. *Consuluit* 24. b. 1. nam licet consensus priuatorum nequeat facere Iudicem, potest tamen veri Iudicis iurisdictionem, priusquam ea expirauerit, prorogare, l. 2. §. *sed si iudex* D. *De iudicijs.*

5. Quintò, finito negotio, seu postquam delegatus functus est officio suo. Hostien. b. tit. n. 11. sententiâ scilicet Iudicis delegati mandatâ executioni, quando eam executioni mandare potest, iuxta prædicta, c. *In litteris* 9. h. 1. aut sententiâ latâ, quando eam executioni mandare nequit,

§. VI. De Delegatis à iure ipso.

Delegati vel sunt ab homine, de quibus dictum est: vel sunt delegati iuris, id est, qui à iure delegatam iurisdictionem habent. Sic enim Episcopi quibusdam in casibus, aliàs Sedi Apostolicæ referuatis, præsertim circa Ecclesias & Monasteria exempta, eorumque personas, auctoritate iuris sine alio mandato procedunt, tanquam delegati Sedis Apostolicæ, ut videre licet in *cap. Irrefragabili*: 13. §. *causam inf.* De officio Ordin. in *cap. Ad abolendam* in fine *inf.* De hæreticis, c. *unico* De Clerico agrotante in 6. ac varijs Conc. Trident. locis, ut Sess. 5. *cap. 1. & 2.* Sess. 6. *cap. 2 & 3.* De reformat. Sess. 13. *cap. 5.* De reformat. Sess. 14. *cap. 4.* De reformat. Sess. 21. *cap. 3. 5. 6. & 8.* De reformat. Sess. 24. *cap. 9. 10. 11. & 14.* Sess. 22. in decreto de observandis & evitandis in celebratione Missæ, & *cap. 3. 6. 8. 10.* De reformat. Sess. 25. *cap. 5. 8. & 9.* De Regularibus, & *cap. 9. & 14.* De reformat. Videatur Azorius 2. p. Moral. Institut. lib. 3. *cap. 54.*

TITVLVS XXX.

De Officio Legati.

§. I.

1. Quis dicatur Legatus.
2. Alij sunt Legati à Latere.
3. Alij Missi.
4. Alij Nati dicuntur.

Quemadmodum Iudex delegatus vice ac munere delegantis fungitur, ita etiam Legatus vices summi Pontificis subit in provincia sibi commissâ: sequitur proinde ut de eo quoque agamus.

Dicitur autem Legatus summi Pontificis, qui fiduciarîam & vicariam pro eo operam in aliqua provincia vel regno sibi commissâ subit, c. *Quod translatione* 4. h. t.

Legatorum tria sunt genera, ut colligitur ex c. *penult. h. t. & c. 1. eod. in 6. & utrobique Glossa.* Alij dicuntur Legati Laterales seu à Latere; alij Nuncios Apostolici seu Legati Missi vel constituti; alij denique dicuntur Nati.

T Legati

Legati à Latere ex usu Romanæ Curie dicuntur soli Cardinales, ab ipso summo Pontifice ex urbe & Curia Romana missi, ad certam provinciam administrandam, vel ad negotia cum Regibus, Principibus, aut aliqua Repub. tractanda. Ideo verò dicuntur Legati à Latere, quia quasi à latere Pontificis, cui adsistunt in consilijs & arduis, & veluti ex eius Senatu mitti solent. Nam Cardinales pars corporis Papæ censentur, & in locum Senatorum successerunt, *can. Ecclesia x v i. q. 1.*

3 Legati Missi dicuntur, qui non emanant de latere Pontificis, nec è numero sunt Cardinalium; sed quibus à summo dumtaxat Pontifice Legationis officium committitur: idque de consilio Cardinalium; quamvis sine eo possit Pontifex eos constituere & mittere, *c. Nonit & ibi Abbas h. t.* Licet autem constitui tales à summo Pontifice possint quicumque Clerici: solet tamen Prælatos tantum huic muneri deputare.

4 Legati Nati dicuntur, qui dignitati suæ Ecclesiasticæ officium & munus Legati Apostolici annexum habent. Ideo Nati dicuntur, quia simulatque ad talem dignitatem eliguntur, ei que præficiuntur, vna etiam veluti nascuntur Legati. Talis in Anglia est Archiepiscopus Cantuariensis, de quo, *c. 1. h. t.* item Archiepiscopus Eboracensis, *c. 1. inf.* De appellationibus: in Francia verò Archiepiscopus Remensis, cuius est Regem Franciæ ungere, de quo in *c. Per venerabilem §. verum inf.* Qui filij sint legitimi: in Aquitania superiori Archiepiscopus Bituricensis, de quo in *c. ult. inf.* De maiorit. & obed. & alij, quos recenset Azorius 2. p. Moral. Institut. lib. 5. cap. 27.

§. II. In quo conveniant hi Legati.

1. Conveniunt in his, quod egressi urbem accipiant singuli legationis insignia.
2. Quod ordinariam iurisdictionem habeant.
3. Quod valeant statuta condere, perpetuo duratura.
4. Quod ex tenore litterarum pendeat potestas legationis.
5. 6. Legati benigne recipiendi ac tractandi; & poena non admittentiam.

Conveniunt in primis, quod simplici appellatione Legati veniant intelligendi, Glossa in *c. Statutum De rescriptis in 6. c. Privilegium De verb. significat. eod.* quia vox Legati illis communis est.

Secundò, quod mox atque egressi sunt urbem accipiant Legationis insignia (quæ sunt equus albus, vestes rubæ, frænum & calcæia deaurata. Hostien. in *c. Antiqua inf.* De privilegijs) eisque uti valeant, dum ab urbe mittuntur (sicut olim Proconsules, quibus equiparantur,

parantur, *cap. 2. eodem in 6.* vitem egressi insignibus Proconsularibus uti poterant, & exercere iurisdictionem, non contentiosam, sed voluntariam, *l. 2. D. De officio Proconsulis*) & rursus eadem ingressi vitem deponant.

Tertio, quod in provinciis sibi demandatis idem possint, quod 2
Episcopus in dioecesi sua, habeantque ordinariam iurisdictionem, quam exercent iure suo, ut patet ex *c. 2. eod. in 6.* ubi vocantur Ordinarii, & comparantur Proconsulibus ac Præsidibus, qui olim erant ordinarii. Eorum autem officium est. inibi vice summi Pontificis noxia euellere & dissipare, salutaria inducere & promouere: causas item Prouincialium, quæ per appellationem aut simplicem querimoniam ad eos deferuntur, tanquam ad Iudices ordinarios, audire & cognoscere, *c. 1. h. t.*

Quarto, quod circa ea, quæ ad iurisdictionem ipsorum pertinent, 3
veluti ad mores componendos & vitia corrigenda, valeant statuta condere, etiam perpetuò duratura, ac vim habentia etiam post depositum Legationis officium, *c. ult. h. t.* imò licet expediens videatur leges prædecessorum reuocare: insuper causas ad se pertinentes delegare; sic tamen, ut huiusmodi delegati iurdictio simul cum Legati officio extinguatur, nisi præmissa citatione sit perpetuata, *d. c. ult. & ibi Abbas cum Glossa.* Quod si quis Legatus fuerit in diuersis provinciis, potest in vna expedire negotia alterius, *c. Nouit h. t.* siue sint voluntariæ iurisdictionis (quia talia olim extra prouinciā tractare poterat Proconsul, *d. l. 2. D. De officio Procons.*) siue contentiosæ, iuxta *c. Olim inf. De iniurijs, & c. ult. inf. De iudijs, Villadiegus De Legato q. 5.* Nam licet aliàs quis inuitus extra prouinciā de iure communi ad iudicium trahi nequeat, *can. Neminem 111. q. 6.* tamen eo ipso, quo summus Pontifex, qui iuri communi derogare potest, Legatum ad plures prouincias mittit, censetur etiam concedere, ut negotia vnius in altera explicare possit.

Quinto, in eo conueniunt, quod eorum potestas potissimum ex 4
tenore litterarum suæ Legationis pendeat: sic tamen, ut Legato constituto non credatur, nisi eas ostenderit, *can. fin. Distinct. 97.* Legato autem à latere, etiam ijs non ostensis, credatur: nisi fortè asserat, se à summo Pontifice habere potestatem maiorem solitā, & maiorem eā, quæ ex iure communi competit Legato, vel eam, quæ alteri præiudicet, Azorius 2. p. *Instit. Moral. lib. 5. cap. 27. ubi testatur de communi.*

Postquam verò constiterit de Legatione & aduentu ipsius Legati, benignè recipiendus, tractandus, & honorandus est, sicut ipse summus Pontifex, cuius vicem gerit, *c. Cum venerabilis sup. De consuet.* ei que necessaria in sua Legatione subministranda sunt, prout in consecra-

tione se facturos iurant Episcopi, *c. Ego inf. De iure-iurando*: nec vlla eis circa hoc potest suffragari præscriptio, *c. Accedentes inf. De præscriptionib.*

- 6 Quòd si quis Legatos Apostolicos non admiserit, vel eis impedimento fuerit in officio Legationis, ipso facto excommunicationem incurrit, & loca eis subiecta interdictum incurrunt, cui tam diu subiacent, quamdiu in ea contumacia perseverat, *c. 1. De consuet. in Extravag. communibus.*

§. III. In quibus Prædicti Legati differant.

1. Primò differunt potestate, præsentè Legato à latere.
2. 3. Secundò quoad beneficiorum collationem & reservationem.
4. 5. Exceptio.
6. Questio.
7. Limitatio circa prædicta.
8. Potest Legatus à latere in sua provincia, quod Episcopus in sua diocesi.

1 **T**Ametsi in prædictis, & pluribus alijs, conveniant Legati: tamen in plurimis etiam differunt. * Nam in primis Legato à latere ex sua dignitate competunt quædam supra alios, ac maius imperium habet in provincia sibi commissa, quàm alij, *c. Si Abbatem 36. §. huiusmodi De elect. in 6.* Ideoque, præsentè eo, Legatus missus aut natus executionem suæ Legationis non habet, nec insignibus Legationis utitur, *c. Volentes 8. h. t.* sicut nec Legatus natus iurisdictionem exercere valet, præsentè Legato constituto, qui maioris est potestatis.

- 2 Insuper differunt quoad beneficiorum collationem, cognitionem causarum exemptarum, confirmationem Episcoporum, absolutionem excommunicatorum ob Clerici percussorem in quibusdam casibus, ut tradit Glossa, *in c. 1. eod. in 6.* * Et quidem quoad beneficiorum collationem differunt, quia Legatus à latere potest conferre beneficia propriè dicta, in provincia sibi delegata, tempore Legationis suæ vacantia, *c. 1. & 2. eod. in 6. c. Si à sede De præbendis in 6.* etiam ad Papam devoluta: Ioannes Andr. Goffe. Inno. Speculator & alij, quos citat & sequitur Azorius 2. p. Moral. Institut. lib. 5. cap. 28. q. 14. etiam Canonici in Cathedralibus Ecclesijs; & cætera beneficia, quæ dignitates minores vocantur, nec per electionem conferuntur; & quidem sine consensu, imò & inconsulto patrono, ad quem spectat præsentatio, si sit Ecclesiasticus, *c. Dilectus h. t. & c. Cum dilectus inf. De iure patronatus:*

natus: etiam si eorum collatio spectet ad Clericos, extra suam provinciam existentes, quia in collationibus locus beneficii attenditur, *Clement. 1. De supplenda negligentia Pralat.* Si tamen habenti vnum beneficium conferat aliud, debet illius facere mentionem, aliàs nullius momenti erit collatio, *c. fin. eod. in 6.* licet diuersum sit in alijs collatoribus inferioribus, *Clement. 2. De officio Ordinarij.*

Præterea Legatus à latere potest suæ collationi reservare beneficia non vacantia, etiam in fauorem & gratiam certi alicuius Clerici: licet tribuere nō possit ius ad beneficium vacaturum, *iuxta Glossam in c. 1. h. t.* * Atque ideo potest quidem, non obstante tali reservatione, voluntatem mutare, & alteri conferre: non verò potest promittere vel conferre beneficium vacaturum, ut constat ex *c. 2. inf. De concessione prabenda.* * Similiter nequit conferre aut sibi reservare beneficium iuris patronatus laici, ipso patrono inuito, quando ius patronatus competit ratione dotationis, foundationis, extruccionis, *d. c. Cum dilectus inf. De iure patronatus*: idque propterea, ne laici ab extruendis, dotandis ac fundandis Ecclesijs auertantur. Aliud proinde iuris erit, si competat ius illud ex præscriptione, consuetudine vel priuilegio, tunc enim cessat ea ratio. Ant. Butrius & alij in *d. c. Cum dilectus*, Gambarus *De officio Legati lib. 3. n. 242. & seq.*

An verò beneficia, quæ sunt iuris patronatus Clericorum & laicorum simul, ijs innitis conferre vel reservare valeat, dubitatur. Quidam affirmant; eâ ratione, quòd talia censeantur Ecclesiastica, eò quod dignius trahat ad se minus dignum, *c. Quod in dubijs inf. de consecrat Ecclesia*; quodq; ex societate Clerici cū Laico tota causa iudicetur Ecclesiastica, Bartol. in *l. 1. D. De appellat. Frederic. & alij, quos citat Azorius 2. p. Moral. Institut. lib. 5. q. 2. dubio 1. ubi refert ita olim fuisse iudicatum.* Alij verò negant, arg. eorum, quæ notantur in *c. 1. De iure patronatus in 6. & in l. Communem D. quemadmodum seruitus amittatur.*

Abstinere etiam debet à Prælaturis Cathedralium, Regularium, & Collegiatarum Ecclesiarum: similiter à dignitatibus Cathedralium maioribus, quæ per electionem conferuntur, *c. Deliberatione h. t. in 6.*

Vnâ verò reservatione in aliqua Ecclesia vel de beneficio, ad alicuius collationem spectante, factâ, & pendente, non potest interim aliam facere in eadem Ecclesia, vel de beneficio, ad collationem eiusdem spectante, *c. 1. resenti & d. c. Deliberatione eod. in 6.* At finitâ seu sortitâ effectum primâ reservatione, potest aliam facere, factâ mentione primæ; nam aliàs non subsisteret: ubi verò sortita effectum non fuerit reservatio à Legato facta, ea expirat expirante Legatione. Ceterum alijs Legatis hæc non sunt permessa, absq; speciali Pontificis mandato, *c. eod. in 6.*

Denique, ut alia omittam, Legatus à latere potest in provincia sibi commissa, quidquid Ordinarius in sua dioecesi, & concurret cum eo in collatione beneficiorum, *c. 1. 2. eod. in 6. c. Si à Sede De prabend. in 6.* etiam si is sit Patriarcha; & cetera omnia exsequitur, quæ non sunt reservata summo Pontifici: quia hæc non comprehenduntur in generali illius mandato; ideoque nec Episcopos transferre, nec unam Cathedralē alteri subijcere, nec duos Episcopatus unire, vel unum in duos diuidere potest, absque speciali mandato, *can. Nisi specialis cum seq. can. Commutationis v. 1. q. 1.* Non etiam potest causam specialiter à summo Pontifice alteri demandatam ad suam cognitionem trahere, vel sententiam ab eo secundum formam mandati latam irritare, *c. 2. h. t.* quia speciale mandatum derogat generali: neque de ea cognoscere; quam remisit ad summum Pontificem, *c. 5. h. t.* quia ex quo causam retulit ad Pontificem, desijt esse Iudex illius. Casus autem reservados summo Pontifici videre licet tum apud Hohen. *hos tit.* tum apud Piacet. in *praxi Episcop.*

§. IV. Quibus modis finiatur officium Legati.

1. Finitur morte.
2. Reuocatione.
3. Tempore.
4. Causâ.

Finitur morte Legati, reuocatione, tempore & causâ. Morte quidem Legati; quando eius personæ nominatim, siue expressio nomine personæ Legati tantum munus Legationis est commissum: nam tum commissio ea censetur personalis, & morte Legati extinguitur; nisi aliud ex subiecta materia vel verbis commissionis colligatur, aut commissio inutilis reddatur. Quod si exprimat nomen dignitatis vel officij, perpetuum vel perpetui, sic ut detur successor, censetur commissio realis, & morte Legati non extinguitur, sed transit ad successorem in ea dignitate vel officio, quod non moritur, *c. Quoniam Abbas 14. sup. De officio delegati.* Si verò commissio fiat, simul expressis nominibus personæ & dignitatis, censent quidam attendendum esse, quod prius est expressum: contra alij existimant, eo casu commissionem semper esse personalem, ac proinde semper extingui morte Legati. Videatur Sanchez lib. 8. De Matrim. q. 2. n. 20.

Dixi

Dixi antè, finiri morte Legati ipsius; quia eum habeat iurisdictionem ordinariam, quoad ea, quæ sibi iure suæ Legationis competunt, morte Papæ non extinguitur eius officium, *c. Legatos cod. in 6.* nisi missus sit ad Papæ beneplacitum, quod eius morte extinguitur, *c. Si gratiose De rescriptis in 6.* Multò minùs extinguitur morte Papæ, si non ab eo, sed à Sede Apostolica, quæ nunquam moritur, missus fuerit, *d. c. Legatos;* vel si legatio ei competat ratione dignitatis, *c. 1. h. t.*

Reuocatione finitur, si reuocetur ab eo, à quo missus est, *c. Nonit & c. fin. h. t.* Si tamen ante egressum è prouincia, causas aliquas delegauerit, & delegatus iudicium inchoauerit, poterit in eo procedere; & ab eo appellabitur ad Papam vel successorem ipsius Legati. Causam vero à se vel Auditore suæ curiæ inchoatam non finiet ipse post egressum suum, sed successor eius, vel Papa, si alium non constituerit. Sedo: verò vacante Collegium Cardinalium non potest Legatum reuocare, nisi ex graui causâ. An autem eo ipso reuocatus censeatur, quo summus Pontifex alium Legatum ad eius prouinciam mittit, quæ situm fuit. Affirmant quidam: alij negant, & quidem communius ac verius; tum quia non repugnat iuri, in eadem prouincia duos esse Iudices ordinarios; tum quia primus tutor non censetur eo ipso reuocatus, quo datus est secundus, *l. 2. Cod. De testament. tutela.* Valent autem gesta à Legato reuocato, antequam reuocatio ad eum peruenerit, *c. 1. De concess. prebende in 6.* Nec reuocatus deponit officium legationis, nisi velit, priusquam substitutus prouinciam ingrediatur, *l. Meminisse D. De officio Procons.*

Tempore finitur, id est, lapsu temporis, ad quod Legatus constitutus est, *c. De causis 4. sup. De officio delegat.*

Causâ finitur, si expleta sit causa, ad quam specialiter est constitutus. Non debet tamen è prouincia sibi decreta discedere, nisi venià à Papa impetratâ, aut hoc in litteris contineatur: sicut nec è contra reuocatus à Papa, & è prouincia egressus, debet ad illam redire sine nouo mandato.

TITVLVS XXXI.

De officio Iudicis Ordinarij.

1. I. Quis dicatur Iudex ordinarius, & à quo habeatur iurisdictione ordinaria...

1. *Definitio seu descriptio Iudicis ordinarij.*
2. *Iurisdictio ordinaria à quo detur.*

Quoniam præcedenti Tit. egimus de vno genere Ordinari-
rum Iudicum, nempe de Legato, & antea etiam de Vicario
Episcopi: merito subiiciendum est aliquid de officio Ordina-
rii in genere.

1. Iudex Ordinarius dicitur, qui propriam iurisdictionem habet, id
est quam iure suo seu ex vi Ecclesiasticæ suæ Prælaturæ vel magistratus,
quem gerit, non autem alieno nomine exercet, *l. more maiorum D. De*
iurisdic. om. iud. l. 1. D. De officio eius &c. Eoque pacto differt à delegato
& vicario foraneo, qui iurisdictionem alieno, non suo nomine exer-
cent.

2. Iurisdictionem ordinariam primò dat canon seu lex: secundò sum-
mus Pontifex, & Princeps sæcularis, *can. à Iudicibus 2. q. 6.* & populus
habens supremam potestatem: tertio consuetudo, *c. Cum contingat inf.*
De foro competenti. Sic Vniuersitates etiam Artium ex approbata con-
suetudine Iudicem sibi deligunt Ordinarium, Octau. Vestrius *in praxi*
sua lib. 3. cap. 3. n. 2. Quartò priuilegium, *c. Nouit versic. non enim inf. De*
iudicys. Denique præscriptio.

Iudices verò ipsi Ordinarij, summo Pontifice ac Principe inferio-
res, iurisdictionem quidem suam ordinariam alijs demandare ac dele-
gate possunt, vt antè diximus: non tamen tribuere vlli iurisdictionem
ordinariam, *d. can. à Iudicibus.* nisi fortè tanquam legis ministri: quo
pacto iurisdictionem ordinariam dare dici potest Episcopus, creando
Officiale generalem, seu vicarium perpetuum instituendo, vel con-
firmando, vel conferendo beneficium, cui annexa sit iurdictio de
iure vel consuetudine.

§. II. Quinam iurisdictionem ordinariam habeant.

1. *Iurisdictionem Ordinariam habet in primis summus Pontifex.*
2. *Item Patriarchæ, Archiepisc. Episcopi &c.*
3. 4. 5. 6. *Iurdictio Episcopi quatenus se extendat.*
7. *Item Ecclesiarum Collegiarum Præfecti.*
8. 9. *Abbates & Priores in monachos; Abbatissæ in moniales.*
10. *Quinam prohibeantur esse Iudices ordinarij.*

Iurisdic.

Iurisdictionem Ecclesiasticam ordinariam habent omnes Ecclesiarum Prælati, *Glossa in c. 2. inf. De iudicijs: ** atque in primis summus Pontifex, qui omnium Christi fidelium est Iudex ordinarius, *can. Aliorum, & pluribus alijs, ix. q. 3.* ita ut pro dioecesi propria habeat totum orbem Christianum, *Felinus in c. Gratia n. 2. versic. & de hoc alias inf. eod. per can. Cuncta per mundum d. q. 3. Gonzales ad Regul. 8. Cancell. in proamio §. 1. n. 8.*

Secundò Patriarchæ, Primates, Archiepiscopi, Episcopi, in sua quique prouincia vel dioecesi, *c. 1. h. t. c. Non minus inf. De immunitate Eccles.*

Et quidem Episcopus in sua dioecesi est Iudex proprius fori Ecclesiastici, *c. Conquerente 16. h. t.* In spiritualibus iurisdictione habet tam in laicos, quàm in Clericos, *c. Nouit versic. cum enim inf. De iudicijs:* etiam in causis criminalibus Ecclesiasticis, quales sunt causæ hæresios, Simoniz, adulterij, & similium: potestque, ubi opus fuerit, in criminibus ad forum suum spectantibus vindicandis, implorare brachium sæculare *d. c. 1. h. t.* ut si quæ non possit ipse sufficienter punire censuris Ecclesiasticis vel alijs pœnis, per iudicem laicum sæuiori pœnâ ac corporali animaduersione vel etiam gladio puniantur. Nam veritum est omnibus Clericis, ad sacros Ordines promotis, de pœna sanguinis aut membrorum mutilatione iudicare, vel consilium iudicantibus dare, vel sententiæ eorum subscribere, aut eiusmodi pœnam infligere, ut patet ex *c. Postulasti inf. De homicidio c. Sententiam sanguinis inf. Ne Clerici vel Monachi &c. & similibus.*

In Clericos verò suæ dioecesis habet iurisdictionem ordinariam, in omnibus causis, siue criminalibus siue civilibus, etiam si nonnulli eorum alijs inferioribus iudicibus, veluti Decanis, Præpositis, aut Capitulis immediatè subsint: nec enim per hoc eximuntur à iurisdictione Episcopi, ne quidem in prima instantia, *arg. l. ult. Cod. De iurisd. om. Iudicum.*

Et hinc patet insigne discrimen inter Archiepiscopos & Episcopos, quia Archiepiscopi non habent iurisdictionem ordinariam in subditos Episcoporum, uti nec Patriarchæ in subditos Archiepiscoporum, nisi certis quibusdam casibus, vel nisi eam ex consuetudine aut priuilegio in eos acceperint, ut antè dictum fuit. Si tamen inferiores Iudices, Episcopo subiecti, sententiam aliquam, veluti excommunicationis vel interdicti, in sibi subiectos protulerint, eam Episcopus usque ad dignam satisfactionem inuiolabiliter seruare tenetur, *c. Cum ab Ecclesiarum & c. Ad reprimendam h. t.*

Potest etiam Episcopus in sua dioecesi de adulterijs, alijsque criminibus

Quantum autem ad officium Iudicum ordinariorum attinet, illud est varium pro eorum varietate: & ex antedictis de aliquibus intelligi potest.

Prohibentur fieri Iudices ordinarij, serui, feminae, nisi sint Reginae, Principissae, Comitissae, vel habeant administrationem, vt Abbatissa. Item minor viginti annis, nisi fiat à Principe: ignari & improvidi: & denique qui famam laborant, vt excommunicati, Schismatici, haeretici, & similes.

TITVLVS XXXII. De officio Iudicis.

§. I. Quis sit Iudex?

1. 2. *Quis dicatur Iudex, & vnde.*

3. *Qui, & ex qua causa, potestatem iudicandi non habeant.*

REcè deinceps sequitur de officio Iudicis in genere, prout est commune Iudicibus, Delegato, Legato, & Ordinario.

Dicitur autem Iudex, qui publicam habet de causis & criminibus cognoscendi & iudicandi potestatem, quam iurisdictionem appellant. Dico, publicam; ad excludendum arbitrium, qui non est iudex, nec potestatem iudicandi publicam habet, sed priuatam, nempe ex consensu priuatorum, qui iudicem facere nequeunt.

Dictus verò est Iudex, quasi ius dicens populo, siue quòd iure disceptet. Iure disceptare est iuste iudicare: & ideo Iudex non est; si non sit in eo iustitia, vt expressè habetur, *inc. Forus §. in omni quoque negotio inf. De verb. significat.*

Potestatis autem iudicandi potest quis esse incapax, vel ex aliquo defectu naturali, vt furiosus non habens lucida interualla; surdus, mutus, impubes, quia iudicio caret: & talis defectus potest quandoque obijci, etiam postquam sententia transiit in rem iudicatam, & quandoque obijcitur, reddit iudicium retroactum nullum. Maranta 4. p. *Spec. aurei Dist. 16. n. 3.* vel ex accidentali & inducto per ius posituum, vt quia sit infamis, seruus, excommunicatus, Senatu motus, *cap. Infamis §. tria sunt l. l. q. 7. l. Cum Prator §. non autem omnes D. De iudicij, & ibi Glossa.* Et tum, si isti defectus sint notorij ac manifesti, possunt quandoque opponi ad inuvalidandum iudicium, quando scilicet sunt tales, qui ipso iure iudicium inuvalidat: vt si Iudex sit seruus vel excom-

municatus, c. *Ad probandam inf.* De re iudicata, c. *Pia* 1. De exceptione in 6. c. *Sciscitatus* 13. sup. De rescriptis. Nam secus est de defectu infamiae, quia si non opponatur in initio ante litem contestatam, valet processus & iudicium, Maranta d. loco. Si autem isti defectus sint occulti, tunc distinguendum; ut per Abbatem & Felinum, in d. c. *Sciscitatus*.

§. II. Quod sit officium Iudicis.

1. Iudicis est providere litiganti de aduocato.
2. Oportet esse virum bonum & probata vita.
3. Legisperitum &c.

Officium Iudicis latissimè patere, ait Iurisc. in l. 1. D. De iurisdic. om. Iudicium: idque tam extra iudicium, quam in iudicio: quod hic nimis longum foret singulatim explicare; & pleraque ex antedictis intelligi possunt. * Quibus addi potest, ex c. 1. h. t. eò quoque pertinere, ut si alter litigantium carcat aduocato, iudex ei de aduocato prospiciat, l. *Nec quidquam* §: *aduocatus* D. De officio Procons. Sic etiam ad Iudicem spectat, providere, ut æqua fiat patronorum & aduocatorum distributio, can. *infames* §: *si verò*, 111. q. 7. & ut sit aliquis ordo postulationum, prout præscribitur in d. l. *Nec quidquam* §: *observare*. Ad eundem spectat subuenire oppresso, iudicare pupillo egeno, defendere viduas, humilem & pauperem iustificare.

2. * Debet præterea esse vir bonus, ne fiat iudex alienarum culparum, qui grauatür pondere suarum. Nam durum est, ut, qui nescit tenere moderamina vitæ suæ, is Iudex fiat alienæ. Debet etiam esse semotus ab omni favore & odio, nec acceptor personarum vel munerum.

3. Debet insuper esse legisperitus & secundum leges, consuetudines ac statuta, & secundum allegata & probata, non autem secundum priuatam sententiam, iudicare, can. *Iudices* 111. q. 7. c. 1. iuncta Glos. sup. de Officio Ordinarij.

§. III. De diuisione officij Iudicis.

1. Officium Iudicis aliud nobile, aliud mercenarium.
2. Quid nobile.
3. Quid mercenarium; & discrimen utriusque.
4. Alia differentia.

1. **O**fficium Iudicis diuidunt Interpretes in officium Iudicis nobile,
2. & mercenarium. * Nobile officium Iudicis vocant, quod non subseruit

subseruit vlli actioni institutæ, sed per se imploratur, & à Iudice exercetur auctoritate iuris, siue motu proprio, siue ad petitionem partis, licet nulla proponatur vel etiam competat ordinaria actio: veluti quando minor vel Ecclesia, læsa contractu aliquo, implorat officium Iudicis, vt in integrum restituatur, vel contractus rescindatur, *toto tit. D. De minorib. c. 2. inf. De in integrum restitut.* vel cum quis petit, vt vicinus caueat de damno infecto. Hoc autem Iudicis nobile officium subinde textus Iuris appellant *auxilium Prætoris*; interdum *merum Prætoris officium*.

Mercenarium Iudicis officium vocant, quod iuri & actioni institutæ subseruit, vt scilicet actio instituta melius procedat, & exitum habere possit: adeo vt cessante actione cesset officium illud: veluti cum Iudex volentem agere alieno nomine iubet satisfacere, id est promittere, datis etiam fideiussoribus, dominum rei in iudicio controuersarum habiturum, quidquid in iudicio eius nomine egerit, *tit. D. Rem ratam haberi*: aut iubet reum satisfacere iudicatum solui. Hoc iudicis officium mercenarium Iuris textus appellat *merum Iudicis officium*, vt *Instit. De diuis. stipulat.* Interpretes tamen illud appellant *mercenarium*, quod in eo Iudex non sit liber, sed sequi debeat naturam actionis propositæ: cui proinde officium mercenarium subseruire dicitur. Et hinc fit, quod, cum actionum diuersæ sint naturæ, diuersimodè etiam se habeat hoc Iudicis officium: nam in aliquibus, veluti in bonæ fidei actionibus, latissimè patet; in alijs verò, veluti stricti iuris actionibus, strictim concluditur, §. *actionum autem Instit. De actionibus.*

Sed & hoc discriminis est inter officium nobile & mercenarium, quod in ijs, quæ petuntur officio Iudicis mercenario, non sit opus litis contestatione; in ijs verò, quæ petuntur officio Iudicis nobili, interdum opus sit litis contestatione, nempe quando officium nobile principaliter imploratur: exempli causâ, quando restitutio in integrum imploratur, opus est litis contestatione, quia tunc officium nobile pro actione proponitur, seu habet se instar actionis, in qua opus est litis contestatione, *c. 2. l. 1. Dixi*, quando principaliter imploratur, quia secus est, si incidentur, puta ratione alicuius actionis institutæ.

TITVLVS XXXIIE.

De Maioritate & Obedientiâ.

1. Quid sit Maioritas.

2. 3. 4. 5. 6. Maiorem quem esse alio contingit quinque modis.

V. iij

7. Ex

7. *Ex Maioritate oritur obedientia.*

8. 8. 10. *Ea in tribus consistit.*

- Q**uemadmodum in Ecclesiæ Hierarchia seu Ecclesia triumphante non omnes sunt pares potestate, dignitate, & ordine, sed differentes: ita in Ecclesia, personarum Ecclesiasticarum, seu ministrorum & Iudicum Ecclesiasticorum, de quibus antè egimus, diuersi ac distincti sunt ordines, & alij maiores, alij minores; eaque diuersitas necessaria est ad Ecclesiæ militantis debitam gubernationem, vt explicatur, in *can. Ad hoc Distinct.* 89. Eoque hic Tit. spectat, vt intelligatur, quid pro totius Ecclesiasticæ disciplinæ conseruatione minores seu inferiores Ecclesiasticæ personæ debeant maioribus & superioribus, & è contrà. * Vbi Maioritas nihil est aliud, quàm excellentia vnius personæ præ altera, vel etiam vnius rei præ alia.
1. Potest autem aliquis esse maior alio varijs modis. Primò, ratione Ordinis: hoc pacto Diaconus maior est Subdiacono; Sacerdos Diacono, *c. Statimus* 15. *h. t.* & Episcopus Presbytero, *c. 2. & c. Omnes* 4. *ead.* licet olim Presbyteri, qui in singulis ciuitatibus constituebantur, simul essent Episcopi, eoque sensu appellatio eorum aliquando in antiquis Canonibus confundatur.
2. Secundò, ratione Benedictionis aut Consecrationis, vt Abbas & Abbatisa Monachis & Monialibus, *c. Dilecta filia* 12. *& c. penult. h. t.* Sic Episcopus consecratus maior est solùm electo, & Ecclesia consecrata maior est solùm benedicta.
3. Tertiò, ratione Administrationis, Iurisdictionis & Dignitatis. Sic Archidiaconus maior est Archipresbytero, *c. Ad hoc sup. De officio Archidiaconi.* Similiter Cardinalis maior dignitate est Presbyteris, & cæteris Clericis Capellarum, titulo sui Cardinalatus subiectarum, etiamsi non sit Presbyter vel Episcopus, sed Diaconus dumtaxat, *c. His quæ* 11. *h. t.* Sic quoque Canonista maior est Legista.
4. Quartò, ratione Antiquitatis seu temporis. Sic prius tempore ordinatus maior est posterius ordinato, *c. 1. h. t.*
5. Quintò, ratione excellentiæ ordinantis. Sic ordinatis à summo Pontifice aliquid deferendum est præ cæteris: licet per hoc non eximantur à iurisdictione sui Episcopi, *c. Per tuus* 7. *& ibi Glos. h. t.*
6. Ex eo autem, quod quis sit maior alio, oritur obedientia, quam minor maiori debet, quæ, iuxta Glossam in *can. 1. Distinct.* 93. in *V. obedientia*, in tribus consistit. * Primò, in reuerentia exhibenda: sic in *can. Non oportet ead. Distinct.* præcipitur, ne Diaconus, nisi ex iussione Presbyteri, sedeat, & similiter honoretur Diaconus à sequentibus, id est Subdiaconis, & alijs inferioribus Clericis. * Secundò, in iudicio obeundo:

— obeundo: reuerentiam enim & obseruare debet minor maiorem, eiusque parere iudicio, *c. 2. c. Sollicita 6. & similibus h. t.* nisi fortè minor ordine vel tempore sit maior iurisdictione & dignitate: hoc enim pacto, ut antè diximus, Archipresbyter & Presbyter, quamuis ordine maior fuerit Archidiacono, tamen eidem debet reuerentiam, ratione maioris administrationis, ipsi commissæ, *can. 1. Distinct. 25.* * Tertiò, in mandato suscipiendo. Ita tamen præcepto & iudicio maioris obedire debet minor, dummodò eius iurisdictioni subiectus sit, *c. Pastoralis sup. De officio ordinarij;* & maior intra fines suæ iurisdictionis se contineat, *c. Legabatur 3. & c. Dilecti 13. h. t.* & rursus modò honesta & licita imperet: nam si quid aduersariis iuri diuino aut naturali, aut scandalum pariens, imperet, iustè non obtemperatur; & habet locum regula illa Iuris ex *Act. c. 4.* Oportere Deo magis obedire, quàm hominibus, *can. Si Dominicus x 1. q. 3. & similibus:* etiam si quod præcipitur, aliàs iustum esset, si scandalum pariat: hoc enim ratio vitandi scandali operatur, ut tum cesset lex, dictans superiori obtemperandum, prout probatur, ex *c. Cum teneamur inf. De prabendis.* Vide Couar. 1. p. Relect. c. Peccatum De reg. iuris in 6. n. 7. Prædictis limitationibus addit Glossa, sub finem *can. 1. Distinct. 93.* nisi inferior absoluitur ab obedientia superiori debita, vel per appellationem aut recusationem, aut moueat superiori controuersiam, aut denique superior deponatur.

TITVLVS XXXIV.

De Treuga & Pace.

1. Treuga quid sit.
2. Induciarum & Treuga discrimen.
3. Treuga duplex Conuentionalis & Canonica seu Legalis; & hæc Perpetua vel Temporalis.
4. Definitio Pacis.

Iudicium Ecclesiasticorum, & maiorum, quibus obediendum esse diximus, est, subditos discordantes ad concordiam, quatenus fieri potest, reuocare, *can. 1. & tota Distinct. 90.* ad concordiam verò per treugam & pacem deuenitur, *can. Studendum d. Distinct. 90.* ac proinde recto ordine sequitur Tit. De Treuga & Pace.

Est autem Treuga, secundum Hostiens. in Summa huius tit. securitas, personis & rebus ad tempus præstita, discordiâ nondum finitâ. Et in Legibus dicitur Fœdus vel Induciæ, *l. Postluminium §. induciæ D. De capti-
uæ &*

2 *ut & possim. reuersis.* * Differunt tamen Induciae & Treuga, secundum Interpretes, quod Induciae sint ad modicum tempus; Treuga vero in longum tempus extendatur.

3 Treugae duae sunt species: una Conventionalis, quae scilicet ab hominibus fit, & ex conventionem formam recipit, sicut & quilibet contractus, l. 1. §. si conueniat D. Depositi. Et haec etiam hosti Romani imperij seruanda est, can. Noli xxi. q. 1. si scilicet is quoque ex sua parte fidem seruet, c. Peruenit 3. inf. De iureiurando, can. Si infidelis xxv. q. 1. altera Canonica seu Legalis, quae scilicet à Canone seu Lege introducit. Et haec vel est perpetua, vel temporalis. Perpetuam habent Presbyteri, Clerici, Monachi conuersi, peregrini, & rustici cum animalibus rusticis, quamdiu fuerint in agricultura; sicut milites, dum militant, c. 2. h. r. Temporalē habent omnes à feria quarta post occasum Solis usque ad feriam secundam ante ortū Solis, ab aduentu Domini usque ad octauam Epiphaniae, & à septuagesima usque ad octauam Paschae, c. 1. h. r.

Ceterum neque cap. primum huius Tit. quod tempora induciarum praescribit, neque cap. 2. quod recenset personas, quae tempore belli plenā securitate gaudere debent, usus obseruat. Alioquin poena violantis inducias, in d. c. 1. est excommunicatio, si post tertiam monitionem non satisfecerit damno ob violationem illato. Violantis verò pacem publicam in imperio est bannum, de quo eiusque effectibus vide Tractatum Andreæ Gaill. De Pace publica lib. 2.

4 Pax verò est vinculum charitatis seu amicitiae & concordiae, c. Nouit inf. De iudijs; vel, ut alij volunt, est finis discordiae.

TITVLVS XXXV.

De Pactis.

§. I. Quid sit Pactum.

1. Pactum quo modo à contractu & transactione differat.
2. Quid sit Pactum.
3. In quo à pollicitatione differat.
4. Pactum speciatim sumptum.

Per pacta & transactiones plerumque treuga & pax inducitur ac firmatur, Pacisque nomen à pacto seu pactione appellatum est, l. 1. D. De pactis. Ratio propterea ordinis postulat, ut de pactis & transactionibus agamus: eo quae magis, quod vocati in iudicium

cium, antequam litem ingrediuntur, sepius paciscantur aut transigant.

Differt autem Pactum in genere à Contractu & Transactione, sicut genus à specie; vnde & de pactis primo loco tractatus instituitur. Nam contractus propriè tantum eas conuentiones complectitur, quæ synallagma, id est vtrò citroque obligationem continent, vt sunt emptio-venditio, locatio-conductio, & similes: Transactio duntaxat eas conuentiones continet, quibus res dubiæ terminantur & finem accipiunt, & quidem aliquo dato, vel retento, vel promisso, vel remisso. At verò Pactum continet omnes contractus & transactiones; atque adeò promissiones & conuentiones qualescumque, siue contineant synallagma, siue non; siue rem transigant, siue non; siue pariant actionem, siue non: * ita vt nihil aliud sit Pactum in genere, quàm, vt ait *Ulpianus in d. l. 1. D. eod.* duorum pluriùve in idem placitum consensus. Vnde differt à Testamento, Codicillo, Legato, Fideicommissio, & ab omni alio, quod tantum vnius voluntate constat: * & proinde etiam à Pollicitatione, quæ est solum offerentis promissum, *l. 3. D. De pollicitat.* Vnde etiam cum absente Pollicitatio esse potest, Pactum verò non, nisi sit aliquis præsens, qui nomine absentis acceptet seu consentiat: licet interdum Pollicitatio pro pacto sumatur, *l. 5. Cod. De contrahenda & commit. stipulat.* Dicitur, in idem placitum, id est in eandem conuentionem. Nam Placitum idem significat quod Conuentio, *l. Vix certis 53. D. De iudijs, in verbis*, contra placiti fidem, & *l. 4. D. De feruitutibus*: vt proinde non sit necesse addere expressè, ad idem placitum dando, vel accipiendo, vel promittendo, vel remittendo, quia hoc in vocabulo, placitum, includitur, sicut in conuentione.

Aliàs specialiter sumitur Pactum, prout à transactione & contractibus, tam nominatis quàm innominatis, distinguitur: & tum sumitur pro conuentione, quæ fit super re certa & gratuito, id est animo donandi. Nam licet pactum etiam fieri possit ob causam, tamen natura suâ, quæ magis spectari debet, est gratuitum; licet de facto & actu possit esse non gratuitum. At verò transactio semper fit ob causam, & de re incerta, vt postea dicetur. Hinc ille versus:

Incerta de re transactio dicitur esse,

Sed sunt certa pacta fauore rei.

§. II. De diuisione Pactorum.

1. Pactorum alia publica, alia priuata: item alia expressa, alia tacita.
2. Priuatorum alia iurisdictionum, alia legitima.
3. Alia in rem, alia in personam.
4. Alia nuda, alia non nuda seu vestita.

5. *Ex nudo pacto iure civili non dari actionem.*

6. *An detur Canonico.*

- 1 **P** Actorum alia sunt Publica, alia Priuata. Rursus alia sunt Expressa, alia Tacita. Expressa sunt, quæ vel re, id est inter presentes habito tractatu, vel per epistolam vel per nuntium fiunt, *l. 2. D. b. t.* Tacita sunt, quæ nec re, nec per epistolam, nec per nuntium fiunt. Et ideo si debitori reddiderim cautionem, id est chirographum, videor cum illo conuenisse, ne petam, profuturamque ei conuentionis, id est taciti pacti, exceptionem placuit, inquit Iurisc. *ind. l. 2.* Sic item inuecta & illata in prædium urbanum, censentur ex tacito pacto pignori obligata locatori, pro mercede habitationis.
- 2 Rursus Priuatorum Pactorum alia sunt Iurif-gentium, alia Legitima. Iurif-gentium Pactum est, quod solo iurif-gentium iure, seu solâ æquitatis ratione subsistit: & hoc non parit nec tollit actionem, sed parit exceptionem, *l. iurifgentium 7. §. 4. D. eod.* Legitimum est, quod lege aliquâ siue *x i i. Tabb.* siue aliâ civili confirmatur, *l. 6. eod.* & hoc vel parit actionem, si in eo de obligando agatur, ut in stipulatione; aut tollit actionem, ut illud, quod est liberatorium, & non obligatorium, ut acceptilatio, nouatio.
- 3 Alia item sunt in rem, alia in personam. Pactum in rem est, quando generaliter paciscor, ne petam. In personam est, quando paciscor, ne à persona, v.g. Titio petam, *d. l. 7. §. 8. D. eod.*
- 4 Alia sunt Nuda, alia Non nuda, seu Vestita, ut vocant. Nuda sunt, quæ solâ conuentione paciscentium consistunt, ita ut nec in proprium nomen contractus transeant, neque causam (id est dationem vel factum, ob quod oporteat alterum alteri præstare, quod promisit) habeant: veluti si v. g. inter nos placuerit, ut mutemus libros, & ego tuum accipiam, tu verò meum, nudum erit pactum, quamdiu nec ego tibi meum tradidero, nec tu mihi tradideris tuum. Pacta non nuda sunt, quæ vel transeunt in proprium nomen contractus, ut emptio venditio, locatio conductio; vel, si proprio nomine destituantur, subest causa, id est datum vel factum aliquod ab altero, propter quod alteri dare quoque vel facere, quod promisit, quis tenetur: ut si in antè dato exemplo, ego, conuentionem secutus, tibi meum librum tradiderim, est pactum non nudum, sed vestitum, quia iam subest causa, cur tu quoque tuum mihi tradere debeas.
- 5 **E**x nudo pacto non nascitur actio iure civili, *d. l. iurifgentium, §. 4.* Ex pacto verò non nudo oritur obligatio & actio utroque iure, *d. l. iurifgentium, & toto tit. D. De præscriptis verbis.* Ratio, cur ex nudo pacto iure civili non detur actio, est, quia quando quis nudo pacto promisit aliquid,

aliquid, eo iure intelligitur leuiter & inconsideratè promississe; & ideo ius illud non cogit eum stare promissis, sed hoc eius liberalitati & honestati relinquit. Deinde, quia si ex nudo pacto daretur actio, infinitæ inde lites facillè nascerentur, cum nihil sit in communi vita frequentius, quàm ciuiles illæ nudis pactis promissiones.

Cæterum an iure Pontificio ex nudo pacto oriatur obligatio & actio, admodum controuertunt Interpretes. Communior & receptior sententia est, oriri, *ex c. 1. h. t.* Nam, quod ibi vult Pontifex, ut inita pacta suam obtineant firmitatem, illud videtur etiam de nudis pactis accipiendum: & *ex c. 3. eod.* ubi iubet Pont. ut quæ promittuntur, opere compleantur. Ratio differentia, quia graue est fidem fallere, cum inter simplicem promissionem & iusiurandum apud Deum nihil intersit, *can. Iuramenti x x i. q. 3.* Ius autem Pontificium maximè periculum animæ spectat: non ita ciuile, quod magis inspicit externam & politicam, quàm internam iustitiam. Vnde etiam tollerat quædam vlturas, *l. Eos qui Cod. De usuris; & concubinatū, toto tit. D. De concubinis.*

§. III. Qui pacisci possint.

Quandoquidem pacta fiant consensu, *l. 1. D. eod.* siue expresso siue tacito, pacisci omnes possunt, qui consentire; & è contrà pacisci non possunt, qui nequeunt consentire, ut infans, pupillus, infantia proximus, furiosus extra lucida interualla, mente captus, ebrius; prodigus, cui bonis interdictum est, nisi paciscendo faciat conditionem suam meliorem, ut si paciscatur, ne à se petatur, & similes.

§. IV. Cui, & de quibus quis possit pacisci.

1. Alteri nemo paciscitur.
2. De omnibus, ad rem familiarem spectantibus, pacisci licet.
3. Non valet pactum, bonis moribus aut iuri contrarium.

Vnusquisque sibi pacisci potest, non alteri, nisi eius iuri subiectus sit, *l. Si decem §. si pactus sim D. eod.* * De omnibus autem pacisci licet, quæ ad priuatum paciscentium ius spectant: de publicis non item, *l. iurisdictionum 7. §. si paciscar 14. cum seqq. D. eod.*

Cauendum verò, ne, quod in pactum deducitur, bonis moribus aut iuri aduersetur, *c. fin. h. t.* Hinc non valet pactum, ne dolus præstetur, ne furti vel iniuriarum agatur, si furtum vel iniuria fiat, *d. l. 7. §. 15.*

¶ 16. & l. *Sivmus* 27. §. 4. D. eod. sicut nec valet pactum de rebus spiritualibus vel quæ spiritualibus sunt annexæ, si non sit gratuitum: veluti si quis, re aliquâ temporali datâ, paciscatur cum alio, ut ab eo aliquod beneficium Ecclesiasticum obtineat, c. *Cum pridem* 4. c. *Cum Clerici* 6. & c. ult. h. t. Sed neque momenti alicuius est pactum, licet beneficium pro beneficio detur, c. *Quasitum inf. de rerum permutat.* quia omne huiusmodi pactum est simoniacum, d. c. *Cum pridem*: nisi quis paciscatur, ut beneficium vel pensionem pro beneficio accipiat sub beneplacito superioris. Similiter non potest quis pacisci, ut post mortem alicuius succedat ei in beneficio, c. *Accepimus* 5. h. t.

TITVLVS XXXVI.

De Transactionibus.

§. I. Quid sit Transactio.

1. Transactio & generaliter & specialiter sumitur.
2. 3. 4. 5. Definitio transactionis specialiter sumptæ explicata.

- T**ransactio est species pacti generaliter sumpti; ut vel hinc constet ordinis ratio.
- 1 Sumitur quidem etiam Transactio subinde latè pro omni actu, quo ab obligatione receditur, & negotium aliquod inter aliquos componitur, siue litis causâ, siue non, c. 2. h. t. ubi fit transactio super decimis extra litem: & ita etiam sumitur verbum, transigere, in l. 1. §. 1. D. *De pactis*. At verò hîc specialiter sumitur, * prout est rei dubiæ & litis incertiæ non gratuita remissio, l. 1. D. eod.
 - 2 Dicitur, rei dubiæ; ut distinguatur à Pacto, quod est de re certa; & quia de re certa & indubitata, v. g. de re iudicata, si appellatum non sit, transactio regulariter est nulla, l. *Post rem* 11. D. eod. l. *Si causa* 32. C. eod. l. *Eleganter* §. post rem D. *De condict. indebiti*: quamvis res iudicata pacto remitti possit, d. l. *Si causa* Cod. eod.
 - 3 Additur, & litis incertiæ; quia Transactio propriè accepta non fit de qualibet re dubia, sed de re dubia propter litem susceptam aut suscipiendam, seu quæ timetur, c. *Constitutus* 4. & alijs, h. t. d. l. *Eleganter* §. post rem, & l. *Fratri* Cod. eod. etiam si aliàs in se sit certa, quia nihilominus dicitur dubia, propter litis euentum incertum, l. *In summa* in princ. D. *De condict. indebiti*.
 - 4 Additur denique, non gratuita; quia nullo dato, vel retento, vel promisso,

promisso, aut remisso, non procedit transactio; in eoque differt à pacto specialiter sumpto. Et ideo super spiritualibus, vel ijs, quæ spiritualibus annexa sunt, v. g. super beneficio Ecclesiastico, vel iure patronatus, non potest fieri transactio, c. 4. 7. & c. Præterea 9. h. t. si, quod datur, vel remittitur aut promittitur, sit quid temporale, quia id incidit in crimen simoniæ.

§. II. Quis transigere possit.

1. Transigere possunt, qui consentire, & sanâ mente sunt, mutus, surdus, minor &c.
2. Quatenus procurator transigere possit.
3. Quatenus tutor & curator.
4. Quatenus Tralatus Ecclesiæ.

Transigere potest, quicumque pacisci, id est, qui consentire, & mente sanâ est, quamvis æger sit corpore, l. sanum 27. Cod. eod. atque ita rectè etiam transigit mutus, surdus, similiter pupillus maior infante, ac minor sine tutoris vel curatoris auctoritate, modò rem suam meliorem faciat: quamvis verius sit, locum fore restitutioni, si minor postmodum se læsum tali transactione, etiam iurata, intra legitima tempora probauerit; præterquam si transegerit super iniurijs aut morte patris, & modò ex tali transactione manifestum dedecus minori aut familiæ non inferatur. Vide Treutler. *Select. Disput. volum. 1. disput. 7. Thesi 2. ad litt. B.*

Nec solum dominus, sed etiam procurator transigere potest, si modò ad transigendum speciale habeat mandatum, vel sit procurator cum administratione libera, c. Qui ad agendum versic. procurator eod. in. 6. l. Procurator cui generaliter § 9. D. De procuratoribus, aut in rem suam datus sit, l. iurandum §. fin. cum l. seq. D. De iureiurando: quia talis alienare potest, ac proinde etiam transigere, d. l. Procurator cui D. De procurat. aliàs verò transigere nequit, etiam si esset omnium bonorum procurator constitutus, l. Mandato generali 60. D. De procurat. quia talis alienare nequit; & transigere est alienare, l. Procurator totorum 63. D. eod. licet contrarium nonnulli sentiant.

Tutores verò & curatores, quamvis transigere possint, non possunt tamen transigendo donare vel alienare res alienari prohibitæ, l. 4. Cod. De præijs minorum, l. Nulli Cod. h. t. Idemque in patre, bona liberorum administrante, obtinere verius est, l. Pupillorum §. si pater D. De rebus eorum &c. atque in administratore ciuitatis, qui similiter licet transigere

possit super iure dubio, tamen transigendo alienare vel donare, seu, quod idem est, rem liquidam sine superioris aut publico omnium, aut maioris partis civium consensu, remittere prohibetur, quia remissio certi iuris in donationem incidit, *l. Si quis delegaverit D. De nouat.*

- 4 Ex eo etiam, quod transigere sit alienare, non potest Prælati Ecclesiæ, v. g. Episcopus, Abbas, & similes de rebus Ecclesiæ suæ, sine consensu Capituli aut superioris, transigere, *c. 3. c. Veniens 8. h. t.* etiamsi liberam earum habeat administrationem, *c. Cum nobis in fine sup. De elect.* quia Prælati habet liberam potestatem rei dumtaxat benè gerendæ, non autem perdendæ vel dissipandæ, *can. Episcopus. x. q. 2.* Et ideo ubi agitur de re, in perpetuum præiudicium Ecclesiæ vergente, præter consensum Capituli, requiritur cōsensus superioris, *c. De cetero 5. & d. c. Veniens h. t.* In sui tamen solius præiudicium transigere potest, ut scilicet transactio valeat, quamdiu Ecclesiam relicturus est, non ulterius, *d. c. De cetero.*

§. III. De quibus transigi possit.

1. Transigere licet de qualibet re dubia.
2. De crimine etiam capitali, excepto adulterio.
3. 4. Non verò de crimine non capitali, excepto crimine falsi.
5. Non etiam de spiritualibus, interueniente aliquo temporali.
6. Non de matrimonio.
7. Non de relictis testamentis.
8. Non de alimentis futuris.

1 **T**ransigi potest de qualibet re dubia & litigiosa, *l. 1. D. eod.* id est, de qua est lis, vel esse potest, *l. 2. Cod. eod.* etiam post causæ conclusionem, quia tunc quoque dubius est litis euentus. Non tamen post rem iudicatam, vel iure-iurando decisam, nisi appellatio sit interposita, aut interponi possit, *l. 7. D. eod.* aut negetur iudicatum esse, vel ignorari possit, an iudicatum sit, *l. post rem 11. D. eod.* vel alio modo res iudicata dubia adhuc esse possit, *l. Cum is 32. §. 1. D. de conduct. indebiti*, aliàs enim, cum per sententiam definita & determinata sit, non potest amplius transactione finiri: nec expedit, ut, quæ publico iudicio semel definita sunt, rursus pro priuatorum arbitratu, tanquam indefinita & incerta, transactione definiantur.

- 2 De crimine quoque capitali tam actori seu accusatori, quàm reo, transigere permittitur, *l. transigere 18. Cod. eod.* quia licet unicuique sanguinem suum quouis modo redimere, *l. 1. D. de bonis eorum &c.* Nec pro confesso transigens habetur, quia magis declinandi grauiissimi periculi causa, quàm conscientia facinoris transigere censetur, *l. fin. D. De preuicatorib.*

maricatorib. Excipitur tamen *ind. l. Transfigere* adulterium, quod et si ex lege Iulia capitale non fuerit, *l. Clodius D. De his, quibus ut indignu &c.* sed postmodum esse coeperit, *l. Quamuis Cod. de adulterijs*: tamen de eo nominatim lex Iulia pacisci vetabat, quia talis conuentio in lenocinium incidit; & sufficit, quod tempore posteriori coeperit capitale esse, ut constat, *ex d. l. Transfigere & d. l. Quamuis.*

De alijs autem criminibus, quæ pœnas sanguinis non ingerunt, transfigere non licet, citra falsi accusationem, *d. l. Transfigere*: quia tamen crimini falsi certâ pœna, scilicet deportationis, statuta sit, *l. 1. §. fin. D. De falsis*: tamen postea coepit esse arbitraria, *l. Qui duobus & l. penult. D. De falsis*; ita ut ad mortem deueniri possit, & proinde ob metum mortis etiam in hoc crimine, ut in capitali, transfigere litigatoribus permittitur.

De spiritualibus verò vel his annexis, non licet transfigere, interueniente aliquo temporali, *c. Constitutus 4. c. Super eo 7. c. Præterea 9. h. l.* sed gratis & amicabiliter componere, *d. c. Super eo*. * At in matrimonio nec transactio nec compositio amicabilis admittitur, *c. fin. h. t.* quia si semel legitimè contractum sit, amplius dissolui non potest: si verò illegitimè, id est contra factos Canones, reconciliari non potest partium transactione vel compositione.

De eo quoque, quod in testamento relictum est, transfigere non licet, non inspectis testamenti verbis; quia talis transactio captiosa est, eoque improba, *l. 5. D. eod.*

Similiter nec de futuris alimentis, quauis ultimâ voluntate relictis, sine auctore Prætoris & causæ cognitione, *l. Cum hys 8. D. eod.* ne contenti modico præsentis facili sibi relictâ repudient homines, & inde contra testatoris voluntatem fame laborent: de præteritis verò, quia in ijs hoc periculum cessat, transfigere licet, *l. 8. Cod. eod.*

§. IV. De effectu transactionis.

1. Effectus est, finem controuersie imponere.
2. Retractari ex post facto nequit.

Effectus transactionis est, finem litibus motis & mouendis, aut quæ timentur, imponere. *l. Fratris cod. eod. & similibus.* Præterea quod semel inita nullo prætextu retractari possit, ne quidem rescripto Principis, *l. Cum proponas 17. Cod. eod.* nec sub prætextu specierum vel instrumentorum postea repertorum, *l. Sub prætextu 19. & 29. Cod. eod.* quia qui super principali transigit; etiam super accessorijs, & ijs seruientibus, transigit: & cum transactio fiat libero & mu-

& mutuo consensu, firma manere debet, *c. Statuimus, c. Contingit h. &c.* quod enim semel placuit, amplius displicere non potest. Atque ita licet pristina actio non sit extincta, quia transactio non est modus tollendæ obligationis à Iure civili introductus, *Instit. Quibus modis toll. obligatio*: tamen agenti semper obstat exceptio transactionis, quæ vocatur exceptio litis finitæ, *c. 1. Delitus contest. in 6.* quia transactio non habet minorem vim ad litem dirimendam & finiendam, quàm res iudicata, *l. Non minorem Cod. eod. Steph. Gratian. 2. p. Disputat. Forens. Discept. 400. n. 27.* ubi subiungit, quòd facta super sorte, extendat se ad fructus & accessoria, imò ad pœnam.

TITVLVS XXXVII.

De Postulando.

1. Verbi Postulandi non vna est significatio.
2. Quid significet hoc loco.
3. Qui postulare possint.
4. Quidam edicto prohibentur Prætoris.
5. Quidam lege.
6. Quidam sententia.

SÆpè vocati ad iudicium non paciscuntur vel transigunt, sed malunt iudicio contendere, ideoque querendi sunt aduocati vel procuratores ad causam instituendam & agendam. Quò spectant sequentes Tituli, & in primis hic *De Postulando*: quia postulare est vnum ex præparatorijs iudiciorum, de quibus sequitur agendum.

1. Omissa verò eâ verbi significatione, quâ Postulare significat exposcere in Prælatum, illum; qui propter aliquod impedimentum Canonicum eligi seu promoueri non potest, nisi cum eo dispenseretur, de qua significatione antè egimus; & rursus ea, quâ significat idem, quod acculare, vt cum dicimus, Postulare aliquem criminis: hic nihil est aliud, * quàm desiderium suum vel amici sui apud eum, qui iurisdictioni præest, in iure, id est iudicio exponere (quod ad actorem pertinet) vel alterius desiderio contradicere (quod ad reum spectat) *iuxta l. 1. §. 2. D. h. t.* Atque ita etiam ij, qui aduocati non sunt, dum per se suas rationes coram Iudice allegant, & suam causam agunt, postulare dicuntur; etiam si Postulandi verbum pro aduocatione usurpari certum sit, *4. l. 1. §. 1. & toto tit. Cod. eod.* Ex eo verò quod dicitur, in iure; sequitur

sequitur eum, qui consulit in cubiculo suo, non dici postulare, seu aduocatum agere.

Postulare autem possunt omnes, qui non prohibentur. Prohibentur quidam edicto Prætoris, quidam lege, & quidam sententiâ Iudicis.

Eorum, qui edicto prohibentur, quidam in totum prohibentur, ut minor xvi. annis; alioquin, eâ ætate completâ minori postulare permittitur, ut patet ex d. l. 1. item omnino surdus. Alij autem pro alijs tantum postulare verantur: unde sequitur, ut pro se possint, quia edictum de postulando est prohibitorium. Tales sunt mulier, ne contra pudicitiam, sexui suo congruentem, alienis causis se immisceat, & quia patrocinari alteri est virile, civile, & quodammodo publicum officium. Item cæcus, quia insignia Magistratus videre & reuereri non potest. Et ideo non obstat, quod possit esse Iudex, l. Cæcus Cod. De Iudicij, quia iudicia olim etiam priuatis à Prætoribus mandabantur; & in Iudice priuato nihil nisi iudicium, prudentia & doctrina requiritur. Insuper insigniturpitudine notati, ut damnati de calumnia, de iudicio, de capitali crimine, passi muliebria, & qui operas suas ad depugnandum cum bestiis elocarunt. Alij denique pro se postulare possunt, non tamen promiscuè pro omnibus alijs, sed pro certis tantum personis; ut ille, qui ex edicto tanquam infamis persona notatur. Postulare autem possunt hi pro coniunctis personis, puta parentibus, liberis, fratribus, sororibus, vxoribus, & alijs, edicto Prætoris comprehensis. Et hæc quidem personæ omnes per edictum Prætoris ita postulare prohibentur, ut ne quidem consensu partium, aut aduersario volente, admitti possint, quia etsi iudiciorum illæ partes, quæ potissimum ad litigatores spectant, pactis eorundem murari possint: non tamen eæ, quæ præcipuè ob dignitatem publicam magistratus conseruandam institutæ sunt, uti est hæc postulationis prohibitio, d. l. 1. in princ.

Lege interdicatur quibusdam etiam pro alijs postulare: veluti iudicibus & arbitris, in ea causa, in qua iudicaturi sunt, l. Quisquis Cod. eod. Similiter non Christiano, sub pœna exilij, l. ult. Cod. eod. Sic quoque Clericis à Canonibus interdicatur, ne coram laico Iudice postulent, siue maioribus Ordinibus siue minoribus sint initiati, modò stipendijs Ecclesiasticis sustententur: nisi propriam causam, aut suæ Ecclesiæ, aut miserabilium personarum, quæ proprias causas administrare non possunt, prosequantur, c. 1. & ult. h. t. Quod si Clericus pro extraneo contra Ecclesiam, in qua beneficium obtinet, agat coram Iudice laico, priuari beneficio potest, d. c. ult. Eodem modo nec Monachi, nec Religiosi, licet Clerici non sint, aduocationis officio rectè funguntur, c. 2. h. t. adeo quod ne quidem Monasterij sui causas agere

valeant, nisi Abbas id ipsis mandauerit: idque siue coram Iudice Ecclesiastico siue laico agatur.

Et in hoc differunt Religiosi à Clericis non Religiosis, quòd hi coram Iudice Ecclesiastico aduocatos agere possint. Imò si in minoribus constituti sint, nec habeant iustum stipendium ex officio Ecclesiastico, vnde commodè sustententur, licet in vtroque foro aduocati officium exercere, *arg. d. c. 1. à contrario sensu*, quod valet, quando contrarium nusquam est in Iure expressum. *Panormit. ibidem. Vide Steph. Gratian. Disceptat. forens. tomo 1. cap. 57. n. 22. & seqq. vbi inultos casus refert, quibus Clericus aduocare potest.*

- 6 Denique sententià Iudicis quidam postulare prohibentur: vt si Aduocatis & Procuratoribus postulandi officium ob contumaciam vel delictum, vel aliam causam ad certum aliquod tempus vel in perpetuum Iudex interdicat, prout potest, *l. 1. in fine D. De officio Praefecti vrbi, Maranta p. 6. in princ. in materia inquisitionis*: veluti quia iussi ab eo alicui patrocinari, sine iustà causà id recusauerint, *l. 7. Cod. eod. vel quia cum cliente conuenerit, vt rem, de qua litigatur, aut eius partem honorarij loco accipiant, l. 5. Cod. eod.* Licet enim possit aduocatus de iusto salario pacisci, *l. 1. §. si cui cautū cum seq. D. De varijs extraord. cognit.* tamen huiusmodi pactiones de futuro litis emolumento prohibentur, ne ex ijs occasionem calumniosè litigandi, & varijs artibus veritatem oppugnandi, arripiant, *l. Sumptus D. De pactis.*

TITVLVS XXXVIII.

De Procuratoribus.

§. 1.

Quis dicatur Procurator, & qui Procuratorum nomine veniant intelligendi.

1. 2. Ratio ordinis, & nominis.
3. Definitio Procuratoris enucleata.
4. Iure Canonico accipi latius nomen Procuratoris.

INter eos, qui alieno nomine postulant seu causas agunt, primas obtinent Aduocati, qui aliàs Patroni & Causidici appellantur, tanquam

tanquam qui per allegationes & rationes iuris causas & iura suorum clientum, quippe Iustitiæ ministri, artificiosè Iudici exponant: quod est magnæ artis & doctrinæ. Vnde fit quoque, vt eorum munus sit publicum, honorificum, laudabile, *l. Laudabile Cod. De aduocatis diuersor. Iudicum*: multis gaudens privilegijs, vt *passim videre licet d. tit. Cod.* Secundum verò locum obtinent Procuratores, tanquam qui munus magis priuatum gerunt, aliorum negotia gerentes, siue extra iudicium, siue in iudicio, in litibus sollicitandis & prosequendis: in quibus proinde non tam opus est arte & ingenio, quàm diligentia; & quorum proinde munus est vile & onerosum, *l. Si quis procuratorem 34. C. De decurion. lib. 10.* imò vilissimum. Ioan. de Platea. *ibid.*

Dicitur autem Procurator quasi pro alio curator, nempe pro domino rerum & negotiorum, cuius nomine res & negotia gerit. Introductus enim necessariò vsus fuit procuratorum, vt, qui rebus suis ipsi interesse non possunt, vel non volunt, saltem per alium possint agere & conueniri, *l. 1. §. vsus D. h. r.*

Procurator itaque est, qui aliena negotia mandato domini gerit seu administrat, *d. l. 1. D. h. r.* Genus definiti omissum subaudiendum est, Gestor, seu Administrator, seu Curator. Materia verò indicatur in verbis, *aliena negotia*: nam vt res sua nemini seruire dicitur, *l. In re D. De seruitut. urban. pred.* ita nec in proprio negotio quisquam sibi est procurator.

Per hoc, quod dicitur, *mandato domini*, distinguitur Procurator à Defensore & Negotiorum gestore, qui sine mandato defendit & negotiatur, §. *Igitur Institut. De obligat. que ex quasi contractu nasc.* quamuis varijs in legibus is etià, qui sine mandato negotijs alienis sese offert, & qui aliquid negotij nostro nomine gerit, Procurator vocetur, qui veriùs Negotiorum gestor dicitur, *l. Qui hominem 34. §. si gener, & l. Si quis 58. D. De solutionib. & alijs.* Quoties tamen additur nomen, verus, is solum, qui mandatum habet, vel cui id ipsum, de quo agitur, vel totorum negotiorum administratio commissà & credita est, exaudiri debet, *l. Pomponius 40. §. 2. D. h. r.*

Per eandem partem distinguitur à Tutore & Curatore, alijsque similibus, qui non mandato domini, sed publicà auctoritate, vel legis, vel Magistratus, vel testatoris, administrant.

Verbum, *gerit*, seu *administrat*, distinguit Procuratorem ab Aduocato, quia Aduocatus non gerit priuatim negotia aliena mandato domini, sed pro alterius causa dicit & aduocat, seu ius partis explicat & merita causæ allegat. Similiter à Nuntio, penes quem non est ius administrandi seu gerendi negotium alterius ipsius nomine, sed solum nudum factum exequendi.

- 4 Ceterum iure Canonico latius patet nomen Procuratoris: nam et etiam is dicitur qui à non domino constituitur, veluti à Prælato, vel alijs Clericis in causis Ecclesiasticis, c. 1. & passim h. t. c. Olim inf. De restitut. spoliat. Sic quoque Vniuersitas vel Collegium rectè procuratorem constituit, qui tamen proprio nomine Syndicus vel Actor appellari solet: ideoque vt datà definitione tales etiam procuratores comprehendantur, addi potest, vel quasi dominus.

§. II. De diuisione Procuratorum.

1. 2. *Procuratorum alij Extraiudiciales, alij Iudiciales; & quæ constituantur.*
3. *Vtrique vel Generales vel Speciales.*
4. 5. *In quibus differant.*
6. *Item procurator alius Verus, alius Falsus.*

Procuratorum alij sunt Extraiudiciales, qui scilicet ad negotia extraiudicium tractanda & explicanda constituuntur, de quibus in Tit. D. & Cod. De mandatoribus: alij sunt Iudiciales, qui ad iudicialia tractanda, & lites prosequendas, constituuntur, vocanturque Procuratores ad lites, de quibus passim h. t. & Cod. eod. & vtrique constituuntur tam præsentis & coram, apud acta Præsidis vel Magistratus, quàm absentes per epistolam vel nuntium, l. 1. 2. 3. 6. D. h. t. l. 1. D. Mandati l. Eum §. Iulianus De constituta pecunia, Paulus 1. Sent. 10. §. 1. modò consentiant seu ratum habeant, siue expressè siue tacitè. Et vel purè, vel sub conditione aliqua: vel in præsens, vt scilicet statim negotia gerant seu lites prosequantur: vel in diem, vbi scilicet incipiat officium post certum diem, vt gerant post kalendas talis vel talis mensis, & non antea, l. Item & ad litem 3. D. h. t. vel ad diem, vt vsque ad annum, d. l. Item & ad litem; & tum si exspiret tempus, puta quia Iudex impeditus fuerit, non potest ultra diem illum agere etiam lite contestatà. Caluolus in Praxi §. Procurator conclus. l. n. 4. vbi tamen n. 5. & seqq. ex Aretino distinguit, vt, si constitutus fuerit generaliter ad omnes causas, possit etiam finito tempore causam prosequi: si ad vnā litem tantum, & quidè ex parte actoris, vt tum adueniente die exspiret eius officium; si verò ex parte rei, tum actori liceat ab initio litis eum repellere: quia videtur reus velle actorem distrahere in plures aduersarios, quod facere nequit.

- 2 Rursus constituuntur aut cum clausula, cum libera, hoc est cum potestate plena & libera agendi, faciendi vel administrandi omnia, & quæcum-

quęcumque ipse dominus agere & facere in caussa seu negotio coram possit : vel sine tali clausula.

Extraiudicialis rursus est duplex, aut vniuersorum bonorum seu negotiorum, *l. Procurator 63. D. eod.* aut vnius alicuius vel alterius rei seu negotij, *l. 1. §. 1. D. eod.* Similiter Iudicialis vel est Generalis seu vniuersalis, ad omnes scilicet lites; vel Specialis, veluti ad vnam aliquam litem prosequendam constitutus. *d. l. 1. §. 1. D. eod.* Mandatum tamen generale ad negotia, etiam ad iudicia se extendit, *c. Qui generaliter eod. in 6.*

In eo autem distinguitur Extraiudicialis à Iudiciali, quod ille dari possit maior x v i i. annis : ad lites verò non nisi maior x x v. annis, saltem de iure Canonico, *c. Qui generaliter §. fin. eod. in 6.* tum propter beneficium restitutionis, quod ipsi minori competit, *l. Minor 25. D. eod.* tum quia, cum non habeat legitimam personam standi in iudicio, *l. 1. & 2. Cod. Qui legit. personam &c.* non censetur idoneus ad alienas lites peragendas. Quin imò in proprijs per procuratorem agere cogitur, *l. fin. Cod. De legit. tutoribus* : excepto, quod in beneficialibus & alijs causis spiritualibus, & dependentibus ab ijsdem, possit maior x i v. annis per se, vel per procuratorem, agere & defendere, nullà patrię potestatis vel voluntatis habità ratione. Alioquin si minor sit x i v. annis, in huiusmodi causis nec agere nec defendere per se potest, sed per Episcopum vel eius Officialem ad huiusmodi lites curator ei dandus erit, *c. fin. De iudicijs in 6.* Sic etiam Delegatus Sedis Apostolicę in causis, quę coram se agitantur, minori x i v. annis potest curatorem vel auctoritatem constituendi dare, *d. c. fin. §. delegatus.*

Secundò differunt, quod procurator ad negotia liberè quandoque alijs substituere possit, *d. c. 1. §. fin. eod. in 6.* non item procurator ad iudicia, nisi vel per litis contestationem factus fuerit litis dominus, *l. Neque l. Quod quis l. Nulla Cod. eod.* vel à domino substituendi potestatem habeat, vel in rem suam datus sit, *d. c. 1. eod. in 6.* Dicitur autem in rem suam constitui, qui constituitur quidem ad alienum negotium, mandato domini gerendum, sed ad suum emolumentum, *l. Seruum §. fin. D. eod.* Talis est, cui dominus actiones suas quoquo modo cessit, *l. Si quis & l. Procurator D. eod. l. 8. §. vlt. D. Mandati*, qui cum mandatas & sibi ab alio cessas actiones exerceat, Procurator quidem dicitur, sed quia non in alienam, sed in suam rem & vtilitatem, actiones illę cessę sunt, & omne commodum eum respicit, dicitur datus in rem suam, *l. 4. Cod. eod.*

Denique alius dicitur Verus procurator, qui nempe legitimū mandatum habet, alius Falsus, *l. Licet Cod. eod. l. Falsus Cod. De furtis, l. Licet D. De iudicijs*; qui scilicet mandatum non habet, vel habet quidem,

sed ab eo, qui dare non potuit, vel habet insufficiens, vel ad negotium, de quo agitur, impertinens: ut si proferat mandatum generale in causa exigente speciale, vel denique reuocatum aut alio modo extinctum, & sic de similibus.

§. III. Quis possit constituere Procuratorem.

1. Procuratorem constituere potest dominus rei, idoneus ad se obligandum.
2. Dare procuratorem nemo cogitur.
3. Prohibetur dare minor.
4. Excommunicatus.
5. Bannitus.
6. Captus ab hostibus.
7. Syndicus Vniuersitatis, tutor, ante litem contestatam.

Procuratorem, propriè dictum, constituere potest quicumque ad se obligandum idoneus, rei, de qua agitur dominus; & quidem solus, *Glossa in l. Neque Cod. eod.* idque tam in civilibus, quam in criminalibus, nisi *Legge* expressè prohibeatur. Et ideo minores ipsi, cum auctoritate tutorum & curatorum, si eos habeant, non verò tutores & curatores, procuratorem sibi constituunt, *d. l. Neque*: nisi antea tutor vel curator litem per se contestatus fuerit, sicque eius iam factus sit dominus, *d. l. Neque, l. Quod quis §. & l. Nulla 23. Cod. eod.* Dixi solum dominum rei, de qua agitur, posse procuratorem propriè dictum constituere, quia latius sumpto eo nomine etiam Vniuersitas scholarum procuratorem constituit, *c. Quia in causis 7. h. t.* item Collegium & Monasterium, *c. Cum causam inf. De iuramento calumnie.* Mutus autem & surdus dant procuratorem eo modo, quo possunt, nempe nutu vel scripturâ.

2 Procuratorem verò dare nemo cogitur regulariter, nisi persona, quæ de causâ pecuniariâ litigare vult, sit illustris, quæque terrori esse possit Iudici & aduersario: nam tum & ad agendum & ad defendendum procuratorem constituere cogitur. Sicut & excommunicatus ad defendendum, ne videatur ex malitia sua commodum reportare; itemque Monasterium, quando contra illud agitur, *c. 2. inf. De in integrum restitut.*

3 Prohibetur autem dare procuratorem ad lites, in primis minor, tutorem vel procuratorem non habens; exceptis quibusdam casibus, ut in actione iniuriarum, *l. Filiusfamilias §. D. eod.* Ratio est, quia cum ipse

ipse non habeat legitimam personam standi in iudicio, non potest etiam ad id alium legitimare: quamuis si constituerit procuratorem, & pro eo pronuntiatus fuerit, favore ætatis talis constitutio rata habeatur, *arg. l. Non eo minus Cod. eod.* Quod ipsum à fortiori obtinet in pupillo. Ad extrajudicialia verò cum constituere potest, *l. Mutus §. is qui D. eod.* quia & rectè contrahit.

Secundò, excommunicatus non potest dare procuratorem ad agendum, *c. ult. h. t.* quia iuris fictione pro mortuo habetur, *can. Nemo Episcoporum x 1. q. 3.* Ad defendendum verò dare potest, imò cogitur, *c. Intelleximus inf. De iudijs*, quia absurdum & iniquissimum foret, excommunicationem, quæ est pœna, & quæ proinde nocere debet excommunicato, prodesse eidem in præiudicium alterius, cui non teneretur in iudicio respondere, nec per se, nec per procuratorem, *l. Evidenter D. De excep. rei iudicate.*

Tertiò, bannitus, quia omnia bona amisit, & ciuilitè mortuus censetur, *Gail. lib. 2. De pace publica cap. 12. per tot.*

Quartò, captus ab hostibus non procuratorem, sed tantum actorem constituit, quia quamdiu est in potestate hostiù, sui iuris non est, nec rerum suarum dominus, *l. Ab hostibus D. Ex quibus causis maiores &c.*

Quintò, Syndicus vniuersitatis, tutor, curator, ante litem contestatam non constituunt procuratorem, quia antea non sunt litis domini.

§. IV. Quis Procurator dari possit.

1. Dari potest quilibet non prohibitus, modò consentiat.
2. Etiam filiusfamilias.
3. Vnus duntaxat, vel duo pluresue.
4. Prohibentur dari minor 25. annis, fœmina, miles &c.
5. Non verò insanes, vtique pro laicis.
6. Prohibetur & si scus.

Dari potest quicumque certâ aliquâ lege non prohibetur. Hostensis in *Summa h. t. c. 1. eod. in 6. l. Mutus 43. D. eod.* siue præsens, siue absens, modò consentiat seu ratum habeat, *l. 1. §. fin. & l. 2. D. eod. c. Licet 7. eod. in 6. c. Cum dilecta inf. De confirmat. utili*: & quidem etiam solo consensu, siue expresso, veluti per patetum, nuntium, litteras, ratihabitionem, siue tacito, vt cum dominus præsens permittit alteri suam causam agere, vel procurator constitutus mandatum recipit, nec contradicit, *Clement. 1. eod. tit. etiam solo nutu*, dummodò Notarius, qui conficit instrumentum, exprimat signum, quod habetur loco vocis, *Caluolus ex Baldo in Praxi §. Procurator Concl. 1. n. 1.*

Requiritur

Requiritur tamen utriusque consensus, quia ut nemo regulariter constituere procuratorem cogitur, ita nec aliquis inuitus procuratoris officium subire compellitur, *d. c. Licet eod. in 6. l. Filiusfamilias §. inuitus D. eod.* ubi dicitur, inuitum dici non tantum eum, qui contradicit, sed eum quoque, qui consensisse non probatur.

Potest igitur procurator constitui, non solum paterfamilias, sed & filiusfamilias, etiam sine patris consensu, modo legitimam habeat ætatem, & maior sit x x v. annis.

Insuper potest constitui vel vnus tantum, vel duo, aut plures, *c. Si duo eod. in 6.* & hi vel simul seu coniunctim; quo casu vnus sine alio admitti non debet, *d. c. Si duo*, nisi quod in causis beneficialibus vsu receptum sit in Curia, ut valeat processus cum vno, de qua praxi testatur *Vestrius in Praxilib. 4. cap. 5. n. 18. Piacel. 1. p. cap. 4. n. 17.* vel in solidum; quo casu præuentioni locus est, poriorque conditio occupantis negotium per litis contestationem: nisi in constitutione contrarium caueatur, nempe quod non fiat, vel non fiet melior conditio occupantis. *l. Pluribus § 2. D. eod. d. c. Si duo*: exceptis causis electionum, postulationum, prouisionum, & aliorum negotiorum Ecclesiasticorum, in quibus; quia celeriore expeditionem exigunt, pluribus in solidum constitutus, potest Iudex, ne propter eorum concursum negotia intricari contingat, magis idoneum eligere, alijs exclusis, *d. c. Si duo.*

Prohibentur verò dari procuratores, in primis minor x x v. annis, ut antea diximus. Secundò, mulier, quia officium procuratoris est virile, & à pudore sexus feminei alienum: nisi vel in rem suam aut proprium lucrum illi mandentur actiones, vel causâ cognitâ eidem pro parentibus ægritudine ætatēve impeditis agere, ob defectum aliorum, permittatur, *l. Neque femina l. Feminas D. eod.* Tertiò, miles in aliena causa, etiam volente aduersario, ne eâ occasione à militia auocetur, *l. Militem 7. l. Qui stipendia 9. Cod. eod.* nisi in rem suam aut suæ cohortis nomine agat, *Filiusfam. §. veterani D. eod.* Quartò, Decuriones alijsq; digniores, quia vile est procuratoris officium. *l. Si quis 16. l. Si quis 34. Cod. De decurionib. lib. 10.* Quintò, Medici & Professores. Item seruus, quia legitimam personam standi in iudicio non habet, *l. 1. & toto tit. Cod. Qui legit. person. standi in iud. non habeant.* Similiter furiosus, quia consensu caret, *l. 2. §. furiosus D. eod.* Similiter mutus & surdus, licet ad negotia procuratores dari possint, non tamen ad litem prosequendam, *l. Mutus 43. in princ. D. eod.*

Infames olim nec dare nec dari procuratores poterant. *Paul. lib 1. Sent. tit. 2. at iure ciuili procurare possunt, §. fin. Instit. De exceptionibus;* quia procuratoris officium non est dignitas, à qua remoueantur, sed onus,

onus, & quidem vile reputatum. Iure verò Pontificio pro Ecclesiasticis non admittuntur, *can. 1111. q. 7.* sed pro laicis & secularibus, *Panormit. in c. Imperatorum n. 9. inf. De iuramento calumnia.* Prohibetur etiam reus criminis capitalis, *l. Rem Cod. eod. redemptor alienæ litis, l. Item 15. Cod. eod. excommunicatus, c. Intelleximus inf. De iudijs.* * Præterea ⁶ Fiscus, vniuersitas vel ciuitas, ne potentia vel gratia in re priuata causam alterius partis reddat deteriore, *c. 3. & toto tit. Cod. Ne fisci vel pri. at. &c.* Fiscus quidem prout repræsentat totam vniuersitatem, procurator esse nequit: secus si interueniat vt procurator priuati: nisi aliunde eius gratia aut potentia estendatur formidolosa, *toto tit. Cod. Ne liceat potentioribus &c.* Denique qui Reipublicæ causâ abfuturus est, aut initurus Magistratum, aut perpetuo morbo tenetur, aut inuitus iudicium pati non potest, idoneus procurator ac defensor non intelligitur, *l. Neque 54. D. eod.*

5. V. In quibus causis possit constitui Procurator.

1. Admittitur in omnibus non prohibitis specialiter.
2. Prohibetur in publicis iudijs alieno nomine.
3. Item in criminalibus; & quatenus.
4. In priuatis iudijs quatenus admittatur.
5. Et in popularibus causis.

IN omnibus scilicet causis & negotijs, in quibus non reperitur prohibitum constitui procuratorem. Cum enim hoc edictum sit prohibitorium, quidquid non inuenitur prohibitum, intelligi debet esse concessum, *l. Cum Prætor D. De iudijs.*

Non admittitur autem Procurator, neque ad agendum neque ad defendendum alieno nomine, in publicis iudijs. *l. penult. §. fin. D. De publicis iudijs l. 2. 3. & 5. Cod. De his qui accusare possunt;* nisi quis ita de publico agat, vt & priuatum commodum defendat: nam hoc casu, causâ cognitâ, permittitur procuratorem dare; & postea aliud agens exceptione repellitur, *l. Non cogendum 45. §. 1. D. eod.*

Præterea in non publicis, sed in criminalibus, & eiusmodi, vt pœna supra relegationem damnato imponi possit, *id. l. penult. §. ad crimen D. de publ. iudic. & ibi Bartol. & DD. præterquam ad allegandam absentis causam, l. Absens 71. D. h. t. Maranta p. 4. Spec. aurei dist. 1. n. 3. & seqq.* nisi de crimine agatur ciuilitèr ad pœnam pecuniariam, prout de omnibus agi potest, *l. vnica Cod. Quando ciuili actio præiudicet criminali:*

aut nisi de adulterio agatur coram Iudice Ecclesiastico ad thori separationem, c. *Tu h. r.* Vide Marantam p. 4 n. 51. & seqq.

- 4 An autem in priuatis iudicijs admittatur procurator, controuertitur: & dici potest, admittendum, vbi pœna præstituta est, aut certa petitur, quæ sit minor relegatione, l. *Licet D. eod.* Si autem pœna sit arbitraria, vti quando agitur de suspecto tutore, non admittendum, quia tum pro ratione, circumstantiarum augeri potest, etiam vsque ad mortem; & illa pœna procuratori imponi non potest.
- 5 In popularibus causis distingui solet, vt actor procuratorem dare non possit, nisi suam iniuriam principaliter prosequatur, quia aliàs publica, non sua causa est: pro reo autem alius rectè interueniat, quia priuatam causam, hoc est pecuniariam, quæ istis actionibus peti solet, tuetur, d. l. *Licet in princ.* Vide Wesenb. in *Parat. D. h. t. n. 5.*

¶ VI. De non admittendo Procuratore sine mandato.

1. Regulariter nemo admittitur sine mandato, exceptis coniunctis personis.
2. Etiam cum generaliter ad negotia, & per consequens ad iudicia constitutus intelligitur.
3. Defensionem tamen rei suscipere sine mandato quilibet potest.
4. Fines mandati à procuratore diligenter seruandi.

1 **E**ssi coniunctæ personæ, quales sunt parentes, fratres, affines, liberi, liberi, & similes, vsque ad quartum gradum, secundum Hostiensem in *Summa h. t. n. 13.* inter quos etiam est bastardus, iuxta Peckium *De iure sistendi c. 3.* Reyger in *Thesouro iuris, V. Procurator n. 71.* pro consanguineis; item maritus pro vxore, sine mandato procuratores esse possunt, dummodo caueant de rato, l. *Pomponius §. fin. D. eod. c. Nonnulli §. fin. sup. De rescriptis, Glossa in c. 1. h. t. l. Maritus Cod. eod.* tamen non solet aliàs quis audiri, tanquam alterius procurator ad agendum, nisi de mandato suo docuerit, d. c. 1. h. t. & quidem plenè, l. *Non solum §. qui alieno D. eod. & ibi D D.* vt ex eo appareat, quàm potestatem habeat. Nam constitutus ad agendum in vna causa, non est idoneus ad agendum in alia, c. *Constitutus 12. h. t.* & constitutus ad acceptandum beneficium vigore vnius gratiæ, non potest acceptare vigore alterius gratiæ. Ioseph. Ludouic. *Conclus. 45. n. 29.*

- 2 Similiter licet constitutus generaliter ad negotia, etiam ad iudicia datus intelligatur, vt antè diximus: non tamen ad ea, quæ speciale mandatum exigunt: qualia sunt iuramentum deferre aduersario vel recipere,

recipere, *Mynl. cent. 4. obser. 99. in fine*; vel cum eo transigere aut pacisci; contrahere spōsalia vel matrimonium, & similia, de quibus latissimè Ioseph. Ludouic. *Conclus. 30. n. 7.* vbi enumerat nonaginta tres casus requirentes speciale mandatum: adeò vt, etiamsi sit constitutus ad agendum & defendendum, ac generaliter ad omnia (licet mandatum exigant speciale) nihilominus ex vi generalitatis huiusmodi ad aliquem articulum, in quo exigitur mandatum speciale, admitti non debeat, nisi specificato aliquo vel aliquibus articulis, speciale mandatum exigentibus, adiecta sit clausula generalis, quia tum etiam non expressa continebuntur, *c. 4. & 5. eod. in 6. l. Procurator § 8. cum seq. D. eod.* dummodò tamen hæc non sint grauiora expressis, vt sunt matrimonij contractus, & exceptiones, quæ in electi vel eius, cui prouisio facienda vel facta est, personam obijciuntur: hæc enim propter sui momentum expressum mandatum desiderant, *c. fin. iuncta Glossa eod. in 6. Clement. 2. eod. tit.*

Dixiantè, non solere aliquem admitti ad agendum sine mandato, 3
quia potest quilibet, etiam absque mandato, defensionem rei in se suscipere, etiam inuito actore, modò satisfat, id est, fideiussoribus datis promittat, iudicatum solui, §. *fin. Institut. De satisfat. l. Qui proprio §. 2. D. h. t.* & personam legitimam standi in iudicio habeat: quia naturali rationi conueniens est, alterius conditionem per alterum posse fieri meliorem, præsertim cum alterius non intersit, *l. Soluendo 39. D. De negot. gestis*; publiceque interest absentes omnes, etiam ignorantes, per quemcumque defendi, *l. Seruum quoque 33. §. publicè D. h. tit.* ne ignari damnum patiantur, nemine eos defendente, *l. 1. §. fin. D. Quod cuiusque vniuersitatis nomine &c.*

Debet autem procurator diligenter seruare fines mandati, alioquin 4
in eo, in quo excedit, non præiudicat domino, *l. Diligenter D. Mandati*; & non tam constituenti quàm sibi nocet, *l. Si procurator Cod. Mandati c. 9. inf De arbitrio.*

§. VII. Quo pacto finiatur Procuratoris officium.

1. Finitur mutuo consensu.
2. Renocatione domini ante litem contestatam regulariter.
3. Finita instantiâ.
4. Morte domini.
5. Morte procuratoris.
6. Mutatione procuratoris.

1 **P**rimò, sicut mutuo consensu constituitur, ita mutuo consensu reuocatur, *l. Mutari 24. D. h. t.* iuxta vulgatam iuris regulam, vnumquodque eo modo dissolui, quo colligatum est.

2 Secundò, finitur per reuocationem domini, re integrâ, id est, ante litem contestatam in iudicio, *l. ante litem 16. D. eod.* & ut ait Glossa ad Clement. fin. eod. ante præparamenta in negotijs extra iudicium. Post litem verò contestatam, cum iam sit litis factus dominus, *l. Procuratoribus 22. Cod. eod.* non potest inuitus reuocari, ne damnum patiatur, nisi iusta causa subsit, *c. 2. eod. in 6. l. Post litem 27. D. eod.* veluti si fuerit effectus inimicus domini, Caluolus in Praxi §. Procurator conclus. 17 n. 2. si sit suspectus, affinis vel heres aduersarij, vel eius ætatis aut valetudinis, ut ininùs aptus sit litibus prosequendis aut negotijs gerendis, & sic de similibus, *d. l. Post litem, cum aliquot seqq. D. eod. c. 2. eod. 6.* Sed ne quidem volens post litem contestatam reuocari potest, si aduersarius non sit Suarez in Thesouro recept. sent. V. Procurator. n. 292. Ex iisdem causis potest petere procurator, ut etiam inuito domino liberetur hoc onere, *l. Filiusfamilias 8. §. fin. cum seqq. D. eod.*

Debet tamen dominus reuocationem procuratoris insinuare Iudici vel aduersario, *c. Ex insinuatione 3. & seq. h. t.* aliàs quod his ignorantibus gestum erit, ratum habendum est, *c. Mandato 13. h. t.* si scilicet vergat in præiudicium principalis: imputet enim sibi dominus, quod reuocationem ijs non insinuarit.

Quòd verò dictum est, reuocari ante litem contestatam procuratorem posse, id fallit in procuratore substituto: nam hic suscepto semel mandato, licet eo nondum fuerit usus, non potest à substituente reuocari: nisi is habuerit potestatem reuocandi ab ipso domino, à quo constitutus intelligitur; ita ut principalis procurator substituendo sibi alium censeatur officio suo functus, *c. 3. eod. in 6.*

3 Tertiò, finitur finitâ instantiâ, id est latâ sententiâ definitiuâ: nec enim cogitur procurator iudicium appellationis prosequi, *l. Inuitus Cod. eod.* quia non est grauandus ultra, quàm suscepit, negotium, quod iam per sententiam finitum est. Secus dicendum, si constitutus esset generaliter ad omnes causas & lites, motas & mouendas, quia tunc non solum appellare, sed etiam appellationem prosequi tenetur.

4 Quartò, per mortem domini constituentis, re integrâ, *l. Nulla 23. Cod. eod. l. Si defunctus 15. D. eod.* Sed & interdum re non integrâ, verùm lite iam contestatâ & incepta, per mortem constituentis potest quis desinere esse procurator, ut in casu, quo Prælatus vel quilibet alius pro Ecclesia vel beneficio procuratorem constituit, iuxta Clement. fin. eod. tit. quia nihil agi debet Sede vacante; & si quid fiat, perperam fieri dicitur, *c. 1. & fin. inf. Ne Sede vacante &c.*

Quintò

Quintò, per mortem ipsius procuratoris, non solum re integrâ, sed & si defuerit esse integrâ, l. *Tam ex contractibus* 57. D. *De iudicijs* l. *Si quis* 27. §. *morte* D. *Mandati*, siquidem non transit ad heredes hoc officium, cum videatur electa industria personæ, l. *unica* §. *ubi autem* Cod. *de cad. tollendis*.

Sextò, mutatione procuratoris, seu alio in locum eius substituto: veluti quando diuersis temporibus pro eodem negotio constituuntur plures procuratores, per constitutionem posterioris prior censetur reuocatus. l. *Si quis cum procuratorio* §. *fin.* D. *eod.* nisi exprimat, quod in secunda constitutione non reuocetur prior, arg. c. *Si quem eod.* in 6. vel prior iam litem contestatus fuerit, aut ad certam causam constitutus, & posterior generaliter ad omnia negotia, quia per genus non derogatur speciei, Cabeda *Decis.* 14. n. 15. *cum seq.* lib. 1.

Septimò, si ipse dominus, siue ante siue post litem contestatam, ad causam suam veniat, non ut adlistat procuratori suo, prout potest, c. 2. *eod.* in 6. sed ut eandem causam per se tractet: nam eam per se tractando, censetur tacitè procuratorem reuocare; nisi ex protestatione, aut alijs coniecturis contrarium appareat, d. c. *Si quem*.

§. VIII. De exceptionibus, quæ contra procuratorem obijci possunt.

1. *Exceptiones illæ de sumenda partim ex persona domini constituentur, partim ex parte procuratoris.*
2. *Sed cum distinctione.*
3. *Falsi procuratoris gesta, opposito defectu mandati, rata non sunt.*
4. *De habente mandatum dubium.*
5. *De procuratore excommunicato.*

EX prædictis patet, quænam exceptiones contra Procuratorem obijci possint, siue ex parte eius, à quo constitutus est; veluti quod constitutus sit à non habente potestatem constituendi, uti à non domino, vel eo, ad quem causa non pertinet, & sic de similibus (nam omnia, quæ contra principalem obijci possunt etiam obijci possunt eius procuratori:) siue ex parte procuratoris, veluti quod is procurator esse nequeat, quia sit minor, excommunicatus, reus criminis, &c. Hæc tamen seruata distinctione, quod licet quis procurator id eo esse nequeat, quia legitimam personam standi in iudicio non habet, & iudicium nullum reddatur, illudque in quacunque parte litis obijci & probari possit (quia talis procurator pro nullo

habetur, eo quod paria sint, non esse, & non legitimo modo esse, l. *Quoties D. qui satisfacere cogantur*: & quoties vna persona ex tribus ad iudicium requisitis deest, siue actor, siue iutor, siue reus, toties iudicium est nullum. c. *Forus inf. De verb. significat. l. Iudicium D. De iudicijs*: si tamen ius standi in iudicio habeat, sed aliunde, puta ratione militiæ, dignitatis, aut alterius similis causæ, ab officio procuratorio repelli possit, nihilque initio exceptum fuerit contra eum, valet iudicium, nec post litem contestatam aliquid ei obijci potest, l. *Ita demum 13. Cod. cod. l. Qui procuratorem 57. C. cod.* excepto tamen impedimento excommunicationis: siue ex defectu materiæ controuersiæ, quia non admittat procuratorem, vt quia sit actio criminalis, in qua regulariter non admittitur procurator, qua de re cum limitationibus vide Ant. Gabriel. l. *7. de malefic. conclus. 9.* quamuis si sint plura crimina, & inter ea aliqua capitalia, aliqua pecuniaria, admitti possit pro pecuniarijs, non pro capitalibus, Ios. Ludouic. *conclus. 46. n. 33.* vel quia sit popularis actio, vel quia exigat speciale mandatum, cum exhibeatur tantum generale: siue denique ex parte mandati, vt quia non sit sufficiens, non debitâ formâ conceptum, aut transmissum ad Iudicem vel aduersariû, aut sit reuocatum, vel aliqua in parte mutatum, & sic de similibus.

3 Falli autem procuratoris gesta non possunt, post defectum mandati oppositum, rata haberi: antea verò & quæ damno & quæ vsui domino sunt, rectè confirmat dominus. Soarez in *Thef. recept. sentent. V. Procurator n. 319. & 320.* Fallique procuratoris exceptio est peremptoria, & opponi potest etiam post sententiam, l. *Licet 42. D. De procuratorib.* Et similiter exceptio, *Tu non es procurator*, semper opponi potest: sed exceptio, *Tu non potes esse procurator*, tantum ante litis contestationem. Reyzer in *Thef. suo Iuris V. Procurator n. 85.*

4 Habens verò mandatum dubium, admitti potest cum cautione dato, nisi causâ requirat speciale mandatum; aut sit causâ matrimonialis, in qua quia arduum vertitur negotium, non admittitur cum cautione, si de mandato illius dubitetur. Vestrius in *Praxi lib. 4. cap. 5. n. 19. & 21. in annotat.* Cæterum qui mittit procuratorem non legitimû, pro non comparente & contumace habetur, l. *1. §. vnus autem 12. cod.*

5 Denique quia dixi, excepto tamen impedimento excommunicationis; Notandum est, ita distinguendum videri, vt, si fuerit excommunicatus tempore constitutionis, quia tunc non subsistit constitutio, maneat falsus procurator, & procellus non valeat: si verò post mandatum superuenerit excommunicatio, tum, si non opponatur, valeant acta: quemadmodum alias, vbi quis certâ lege prohibetur esse procurator, procellus nihilominus cum eo factus est validus, nisi contra eundem excipiat ante prolationem sententiæ, Felinus in c. *1. off. cessionem n.*

22. *inf. De probationibus* Ante mandatum verò non valent acta ipso iure, siue opponatur, siue non. Maranta 4. p. dist. 16. n. 42. vbi plenius vide.

TITVLVS XXXIX.

De Syndico.

1. Syndicus in quo distinguatur à Procuratore.
2. Ab Actore.
3. Ab Administratore Vniuersitatis.
4. Ab Oecono.
5. Constitui necessariò debet ab vniuersitate.
6. Et ab omnibus de vniuersitate.
7. An omnium constituentium nomina in instrumento exprimenda.
8. 9. 10. Quis & qualis constituendus.
11. Satisfacere Syndicus non tenetur.

PROCURATORES Vniuersitatum & Collegiorum, qui propriè Syndici vocantur, à procuratoribus priuatorum propriè dictis distinguuntur: quòd hi à dominis, Syndici verò ab Vniuersitate, Collegio, vel alterius cõmunitatis corpore constituentur ad negotia illius tractanda, ac potissimum ad causas & lites in iudicio prosequendas, l. 1. §. quibus permissum D. Quod cuiusque vniuersitatis nomine &c. c. Quia in causis sup. De procuratoribus. Nam Syndicus dicitur à σύν, id est, causa, quæ in iudicio agitur. Vnde & in Decretalibus diuersi exstant Tituli De Procuratoribus & De Syndico: & diuersis nominibus appellantur, quod arguit esse diuersos, arg. l. Si idem codicilli Cod. De codicillis; licet magnam inter se habeant affinitatem. Et ideo, vbi dicitur causam vniuersitatis agi per procuratorem, vt in d. c. Quia in causis, c. Petitiõ 9. h. t. c. Cum causam inf. De iuramento calumnie, id accipi debet de Syndico; quia vbi constat de voluntate constituentis, non est facienda vis in nomine, arg. §. si quidem in nomine Instit. De legatis.

Tametsi autem in eo quidam distinguant Syndicum ab Actore, quòd Syndicus sit is, qui generaliter constituitur ab Vniuersitate vel Collegio aut alio corpore, ad omnes causas, tam præsentes quàm futuras, tractandas, sine decreto; actor verò is, qui constituitur specialiter ad vnã aliquam causam, vel plures præsentes, cum decreto, l. Item eorum §. si decuriones D. Quod cuiusque vniuersitatis nomine &c. tamen in hac materia procuratorum vniuersitatis vel alterius cõmunitatis Actorem pro Syndico, & è diuerso, sumi, patet ex l. 1. in verbis, & actorem siue Syndicum, d. tit & d. c. Petitiõ sup. De procurat.

Differt

- 3 Differt verò Synodus ab Administratore vniuersitatis, quod hic in administratione pecunię, aliorumque negotiorum eò pertinentiũ versetur; Syndicus autẽ in litibus prosequendis. In quo etiam differt à Curatore ciuitatis, qui alia negotia ciuitatis extraiudicialia prosequitur.
- 4 Differt ab Oeconomo, quòd is sit dispensator Ecclesię seu defensor, cui res Ecclesię gubernandę mandantur.
- 5 Debet autem Vniuersitas siue alia communitas constituere Syndicum, quia absque constitutione nec agere quidquam, nec cum ea quidpiam agi rectè potest, *l. Sicut §. 1. D. Quod cuiusque vniuersit. &c.*
- 6 Ad constituendum verò omnes de communitate, qui suffragium habent, conuocandi seu citandi sunt, secundum morem consuetum, quia quod omnes tangit, ab omnibus approbari debet. Si tamen aliqui vocati emanent, possunt præsentes eum constituere, modò sint duę partes, vel maior pars vniuersitatis, *iuxta l. 3. D. d. tit.*
- 7 Non esse tamen necesse in instrumento Syndicatus exprimi omnium constituentium nomina, modò sigillo Vniuersitatis maneat, docet Parnormit. *in c. vnico b. 1.* Alij distinguunt, vt in numerosa Vniuersitate ob difficultatem exprimi non debeant, nisi eo casu, quo ad alienandum Syndicus constituitur, *iuxta c. fin. sup. de procurat. & l. fin. Cod. De vendendis rebus ciuitatis lib. 10.* in parua verò necesse sit exprimi, vt appareat duas partes fuisse præsentes, & nullum constituentium excommunicatum.
- 8 Potest constitui Syndicus siue ex ipsa Vniuersitate, si in ea reperiat idoneus, siue extraneus: quamuis satius fuerit constitui ex ipsa Vniuersitate, quando in ea reperitur idoneus, quia præsumitur talis maiori fide & diligentia causas suę communitatis acturus, quàm extraneus.
- 9 Suadet tamen Pontifex Religiosis, vt causas suas extraneo alicui, non Religioso, demandent, constituto etiam salario aliquo, quia expedit seruos Dei, vel cum aliquo suo incommodo, à strepitu abstinere forensi, ne hoc pacto à diuinis auocentur officijs, *c. 1. inf. Ne Clerici vel Monachi &c.* Nec obstat, quòd Monachi possint esse procuratores superioris licentiã, *can. Monachi v. 1. q. 1.* quia id verum est necessitate cogente: vt si ob paupertatem non possint alicui extraneo salarium constituere.
- 10 Sed & laicus potest esse Syndicus Vniuersitatis Ecclesiasticę, etiam in spiritualibus, quia non exercet aliquam spiritualitatem, vt patet *ex c. 1. De procurat. in 6.* Et ideo non obstat *canon iudicatum distmcl. 89. & canon In noua actione x v. 1. q. 7.* vti videtur requiri, quòd sit Clericus, quia illa iura loquuntur de Oeconomo seu administratore rerũ Ecclesiasticarum, cui scilicet cõmittitur cura rerum Ecclesiasticarum, tam spiritualium quàm temporalium, vt ibidem indicatur: nam ob admixtionem

DE HIS, QUÆ VI METVSQVE CAUSSA FIUNT. 185
mixtionem spiritalium tale officium non cadit in laicum; secus ubi
agitur de cura temporalium tantum. Panormit. in c. vnico h. t.

Sicut autem tutor non cogitur satisfacere, quia auctoritate publicâ
constituitur, l. Tutores Cod. De administrat. tutor. ita nec Syndicus, cum
sit persona publica: nisi cum de syndicato & mandato probabiliter
dubitari potest, Glossa in l. Item §. fin. D. Quod cuiusque vniuersit. &c.
præsertim cum vniuersitas semper præsumatur esse soluendo.

TITVLVS XL.

De his, quæ vi metusve causâ fiunt.

1. Ratio ordinis.
2. Vi gesta ipso iure nulla sunt.
3. 4. Quid sit Vis, & quotuplex.
5. Quid sit Metus.
6. Metu gesta ipso iure valent & obligant.
7. Exceptio.
8. Succurritur metui passo per restitutionem in integrum.
9. Dummodo metus sit cadens in constantem virum.
10. Qualis sit metus eiusmodi.
11. Metus reuerentialis non prodest.
12. Communicantem cum excommunicato per metum non excusari à
peccato.
13. Oportet etiam vt præsens sit metus.
14. Vt ab alio & extrinsecus illatus.
15. Quod si iusto metui iuramentum accesserit, illud seruandum erit.

Postquam egit Pont. de exceptionibus, quæ desumuntur ex per-
sonis eorum, qui alieno nomine in iudicio versantur, quas actor
vel reus, priusquam litem ingrediatur, aduersario suo obijcere
potest, & de ijs, quæ sponte agimus in iudicio, vel extra iudi-
cium, quæque valent & irrefragabiliter seruanda sunt, l. 1. D. De pænis:
merito nunc & recto ordine subiicit de ijs exceptionibus, quæ desu-
muntur ex ijs ipsis personis, ad quas res controuersa pertinet, & de illis,
quæ vi metusque causâ, & non sponte facimus, vt sciatur, an ea quoque
valeant, & quo casu valeant; an etiam irrefragabiliter seruanda sint, an
verò retractari possint & debeant.

Et quidem ea, quæ vi aguntur, esse ipso iure nulla, patet ex eo, quod
vis seu violentia ex se absolutè causet inuoluntarium, vt docet D. Tho-
mas 1. 2. q. 6. art. 5. per tot. ac proinde causat defectum consensus.

- 3 Est autem Vis maioris rei impetus, qui repelli non potest. Dicitur, maioris rei; quia minor, quatenus minor, vim inferre non potest.
- 4 Vis alia est Præcisa; veluti si violentiâ inuitabili eripiam alicui librum, pileum, vel quid aliud, vel in flumen eum deiciam: alia est Conditionalis, quæ non absolutè cogit, sed sub conditione; vt si quem cogam mihi tradere equum suum, vel solvere centum. Alia rursus est vel Publica, vt quæ fit cum armis, & Vis armata dicitur; vel Priuata, vt quæ fit sine armis, & Vis non armata dicitur: vnde & in Digestis exstat Titulus *De vi & vi armata*. Alia insuper Impulsua, quâ scilicet quis impellitur ad faciendum, quod aliàs non faceret: alia Ablatiua, quâ quid immobile ab aliquo aufertur: alia Expulsua, quâ quis è possessione sua eicitur: alia Turbatiua, quâ quis turbatur in sua possessione: alia denique Inquietatiua, quâ quis inquietatur in vsu rei suæ: Et contra has omnes dantur interdicta vim patientibus aduersus eam inferentes.
- 5 Metus in genere dicitur instantis periculi vel futuri causâ mentis trepidatio, l. 1. D. *cod.*
- 6 Quæratum igitur ad ea, quæ metu fiunt, regulariter valent & obligant, prout constat ex l. *Simuliter §. si metu l. si metus causa D. De acquir. hered. l. 1. D. h. t.* vbi ait Prætor, *Quod metus causâ gestum erit, ratum non habeo*: nam verbum futuri temporis non significat esse ipso iure nullum & irritum, sed irritandum. Constat item ex c. 2. h. t. in verbis, *quæ metu & vi fiunt, de iure debent in irritum reuocari*. Item ex Tit. Institut. *De exceptionib. in princ. ibi, Si metu coactus Titio stipulanti promissisti, quod non debueras promittere, palam est iure te obligatum esse*. Præterea ex l. *fin. Cod. h. t.* vbi venditiones, donationes, transactiones per potentiam extortæ, præcipiuntur infirmari: nam inde sequitur, ipso iure valere, & iuris remedio infirmandas, d. c. 2. Confirmatur ex eo, quod Prætor promittat actionem & exceptionem *Quod metas causâ*, ad hoc, vt gesta metu rescindantur, vti constat ex l. *Metum §. 3. & 4. D. *cod.** nam exceptio non solet competere, nisi vt elidatur actio, quæ ipso iure competit, l. 2. D. *De exceptionib.* Ratio autem, cur qui aliquid egit metu, regulariter obligetur, est, quia qui metu consentit, verè & absolutè consentit, & è duobus malis eligit minus, v. g. mauult contrahere, quàm interfici, vel aliud grauius malum pati: atque ita elicit actum ipsius consensus; eiusdemque consensus principium est voluntas, quæ licet quoad actus imperatos simpliciter cogi possit, non tamen quoad elictos, sed solum conditionaliter, quia scilicet, secluso metu, voluntas nollit nec eligeret illud minus malum.
- 7 Dixi autè, regulariter valent & obligant; quia excipiuntur aliqui casus, in quibus metus vitiat ipso facto, vt notatur in c. *Abbas h. t.* vt sunt matrimonium, dotis promissio, rei Ecclesiasticæ alienatio, iurisdic-
dictio.

dictio metu extorta, votum, interpositio auctoritatis tutoris, testamentum, sententiæ pronuntiatio, & procuratoris constitutio: hæc enim si metu, cadente in constantem virum, fiant, sunt ipso iure nulla; & ideo in *d. c. Abbas* qui metu amissionis patrimonij renuntiavit suo beneficio, illud repetere potest, etiam si renuntiate iurasset, *c. 4. h. t.*

Cæterum quamvis regulariter gesta per metum sint valida ipso iure, nihilominus ob iniuriam illatam metum patto, meritò rescindi debet, & aduersus ea potest peti restitutio in integrum, competitque exceptio. Quod metus causâ, quâ vti potest reus aduersus agentem, virtute contractus metu initi, quaque probatâ repellit agentem, siue is, in cuius fauorem contractus celebratus est, metum intulerit, siue alius, quia res metu acquisita transit eo vitio affecta ad quemcumque possessorem, *Glossa in c. 2. h. t. & constat ex l. Item si cum exceptione 14. §. in hac actione D. cod. nisi metum passus suâ culpâ in metum inciderit, iuxta legem Si mulier in princ. D. cod. quia tum, si modò metus iustè inferatur, veluti si maritus minetur vxori accusationem de adulterio; cessat prorsus ratio iniuriæ, ratione cuius contractus metu initus rescinditur.*

Dixi, si modò metus iustè inferatur, quia si iniustè & non iuridicè inferatur, veluti si maritus vxori adulteræ minetur mortem priuatâ auctoritate, subuenitur metum patienti culpâ suâ, *c. Veniens inf. De sponsalibus l. Nec timorem 7. D. h. t.*

Porrò non quilibet metus meretur restitutionem in integrum, sed tantum metus cadens in constantem virum, qui aliàs dicitur iustus, *c. fin. inf. De appellat.* item probabilis & grauis: non etiam cadens in virum inconstantem seu pusillanimum & formidolosum, qui etiam non timenda timet; & qui proinde vocatur metus iniustus, improbabilis, levis & vane, iuxta regulam Iuris, Vani timoris iusta excusatio non est, *l. Vani D. De R. l.* Dicitur autem metus cadens in constantem virum, qui respectiue ad personam patientis, spectatis etiam alijs circumstantijs, veluti an causâ timoris iusta sit, & qualitate personæ metum patientis, atque etiam inferentis, iudicis arbitrio, vbi ex iure non constat, meritò grauis & timor grauis mali censetur, *iuxta l. 3. D. Ex quibus causis maiores, &c.*

Dico; respectiue ad personam patientis; quia metus, qui respectu vnius dici potest cadens in constantem virum, non potest dici talis respectu alterius fortioris & robustioris, ac maioris animi. Et minor metus requiritur in fœmina, quæ suapte naturâ est imbecillis, vt latè Tiraquei. *lib. 1. Connub. n. 71. & seq.* quàm in viro, *arg. can. Indignantur xxxi l. q. 6 ibi; cum tanto grauius, &c. Sicut inf. De homicidio, in princ.* ideoque consideranda, ætas, fragilitas ac magnitudo animi eius, cui incutitur metus; & quando dicitur metus cadens in constantem vi-

rum, nomine viri animi robur pro cuiusque conditione accipi debet.

- 10 Grauis igitur seu cadens in constantem virum metus in iure censetur metus mortis, *c. Cum dilectus 6. h. t. l. Nec timorem D. eod. l. Si per vim Cod. Quod metus causa*: metus mutilationis, quia est quædam mors partialis membri, *can. Si quis absciderit Distinct. 55.* item metus amissionis fortunarum omnium, vel maioris partis, *c. 2. h. t. & sic de similibus.*

- 11 Dubitatur de metu reuerentiali, an cadat in constantem virum. Omisissis aliorum opinionibus, verior est illorum, qui dicunt, non cadere, nisi minæ aut verbera, aut alius grauis metus ei adiungatur, *ex c. Ex litteris inf. De desponsat. impuberum*, in verbis, *volens &c.* quam latè deducit Sanchez *De matrim. lib. 4. Disputat. 6. à n. 7.* Similiter dicendum, solas minas per se non esse iustam causam timendi, nisi procedant ab eo, qui solitus est eas exequi, *iuxta l. Metum 9. Cod. h. tit. ibi, non iactationibus & protestationibus.*

- 12 Ex dictis intelligi potest, cur is, qui metu inductus communicat cum excommunicato in ijs, in quibus Canones communicare prohibent, ut in diuinis, non excusetur à peccato, nec ab excommunicatione, *c. Sacris 5. h. t.* quia scilicet talis metus non potest esse iustus, ut quis peccet, quandoquidem quilibet omne malum potius perpeti debeat, quam semel mortaliter peccare, *can. Ita ne xxxii. q. 5.* Aliud dicendum, si absolute esset coactus, *d. c. Sacris*: licet metus aliàs faciat, ut peccatum sit leuius, *d. c. Sacris.*

- 13 Secundò, requiritur ad restitutionem in integrum metus præsens & iusta illius causæ, veluti præceptum aut preces Principis, & similia, de quibus Sfort. Oddus *1. p. q. 7. art. 9. à n. 34.* & non tantum suspicio eius inferendi, *l. Metum D. eod.* Quamquam si talis suspicio sit quoque iusta & probabilis, sufficiat ad rescindendum contractum, quia tunc habetur pro metu per *l. Nouissime 7. r. quod falso tutore auct. &c. ibi, quid si compulsus, aut metu, ne compelleretur &c.*

- 14 Tertiò, debet esse illatus ab alio & extrinsecus, & quidem eo fine, ut res talis fiat. Hinc si quis aliquid promittat vel voueat agrotus, aut in periculo naufragij ob metum mortis, vel res suas vendat, ne fame pereat; perinde tenetur stare suæ promissioni & venditioni, ac si absque metu promississet vel vendidisset, *c. Siut nobis inf. De Regularibus*; quia non est metus ab aliquo & extrinsecus illatus, sed suapte natura & fortuito accidit. Similiter si quis mihi metum inferat ad matrimonia contrahendum, & eo metu perculsus res meas vendam, non retractabitur venditio.

- 15 Quod si quis iusto metu aliquid promiserit, vel alicui iuri renuntiauerit,

uerit, puta electioni de se factæ, & iuramento promissionem vel renuntiationem firmauerit: dicendum, quòd licet iure civili iuramentum metu extortum sit nullum, *Auth. Sacramenta puberum Cod. Si aduersus renditionem*; iure tamen Pontificio, quod plus defert religioni iuramenti, si tale iuramentum seruari potest sine dispendio salutis æternæ, omninò seruandum est, nec competet exceptio quod metus causa, *c. Ad aures c. Cum dilectus h. t. c. Si verò aliquis inf. De iureiurando*. Si verò quod iuratū est, sit turpe & contra bonos mores, tum iuramentum est nullum, secundum regulam Iuris, Non est, obligatorium contra bonos mores præstitum iuramentum, *s. Non est l. c. R. l. in 6. & teste Ambrosii in can. Vnusquisque xxii. q. 4. tollerabilius est iuramentum non seruare, quàm quod turpe est facere.*

Notandum denique hic est, eum, qui metum passus est, habere duo remedia aduersus ea, quæ metu gessit, scilicet actionem Quod metus causâ, quam intentare potest, dum vult contractum rescindere, & exceptionem Quod metus causâ, quâ vri potest aduersus agentem, virtute contractus metu initi, & quâ probatâ repellit agentem.

TITVLVS XLI.

De in integrum restitutione.

§. I. Quid sit Restitutio in integrum, & quibus detur.

1. 2. Restituere & Restitutio quid sit.
3. Datur minoribus 25. annis.
4. 5. Dummodò duo probent, & aetatem minorem & lationem: & quanta ea esse debeat.
6. 7. 8. Datur præterea Reip. Ecclesiæ, & alijs pijs locis.
9. Item maioribus 25. annis ex iusta causâ.
10. Deq. eo, quo in minori aetate gestum est.

Inscribitur hic Tit. De in integrum restitutione, generaliter, quia, præter metum, ex alijs quoque causis specialibus competit restitutio in integrum, veluti minoribus, & Ecclesijs, & alijs lapsis seu circumuentis, siue in contractu, siue in confessione, siue in probationis omissione, siue in temporis lapsu; & siue calliditate, siue aetate,

siue per absentiam, siue per mutationem status, siue per errorem, inciderint in captionem, iuxta l. 1. & 2. D. h. t.

1 Restituere duo significat: primò reddere: secundò rem in pristinum statum reducere, vt perinde sit, ac si nihil aduersus eam euenisset, l. Restituere D. De verb. signif. l. 1. §. restituas D. Nequid in loco publico &c. & ita hñc sumitur.

2 Est quæ restitutio in integrum hoc loco in pristinum statum repositio seu reductio, can. fin. in fine 2. q. 3. siue pristini iuris reintegratio: sic vt vnusquisque ius suum integrum recipiat, perinde ac si nullum negotium gestum esset, l. Quod si minor §. restitutio D. De minoribus, l. vnica Cod. De reputationibus, quæ sunt &c. & l. 1. Cod. de sententiam passu, Glossa inc. Audistis h. tit. in V. contra reliquam.

Datur verò non statim quibuscumque, sed certis personis, & iustis de causis, cognitis & probatis; eamque infra præscriptum à iure tempus peti necesse est.

3 In primis igitur datur minoribus xxv. annis, si ipsi vel eorum tutores aut curatores aut procuratores ex sententia Iudicis, siue interlocutoria siue definitiua, vel alio actu iudiciali læsi sint, l. 1. & toto tit. Cod. Si aduersus rem iudicatam &c. vel aliàs contrahendo vel omittendo læsos se probent, c. Constitutus 8. h. t.

4 Vt autem minor restituatur, duo probare debet: primò minorem ætatem, in qua quid gessit, d. c. Constitutus; quia regulariter ætatem probare debet, qui in eam fundat, siue agendo, siue excipiendo; siue
5 sit minor, siue maior, l. Nam postea §. si minor D. De iure iurando * Secundò probare debet læsionem ex tali actu, vel dolo aduersarij vel ætaris facilitate: non tamen modicam, l. 4. D. eod. ne tam levis & parua sit, quam iudex meritò contemnat: nec enim facile ob rem minimam rescindi debet id, quod iure subsistit, l. Si ex causa D. De minoribus: neque, vt dicitur vulgò, de minimis curat Prætor, à quo hoc beneficium restitutionis proficiscitur, vt videre licet latè apud Sfort. Oddum 1. p. q. 4. art. 12. Sed neq; maximam læsionem esse oportet, seu quæ tanta sit, vt dimidium iusti pretij excedat, quia cum tunc minor ipso iure sit tutus, & communi auxilio munitus, iuxta l. 2. Cod. De rescind. vendit. non est illi necessarium hoc extraordinarium remedium, l. In causa cognitione 16. in princ. D. De minoribus.

Dico, non esse necessarium; quia licet regulariter cesset restitutio in integrum, quando competit ordinarium remedium, vt latè tradit Sfort. 1. p. q. 17. art. 2. tamen cum eo concurrere potest, quando pinguius & plenius prouideretur per extraordinarium, quam per ordinarium, Sfort. d. q. 17. art. 2. n. 33. vt in casu proposito locupletius est remedium hoc extraordinarium: & minorum interest, posse pluribus actionibus

actionibus ius suum prosequi & remittere.

Secundò, exemplo minorum, competit Reip. l. 4. Cod. Ex quibus causis maiores &c. l. 3. Cod. De iure Reip. lib. 11. * & similiter Ecclesiæ, si læsa sit, siue contrahendo, siue alienando, c. 1. h. t. siue extra iudicium, siue in iudicio, siue per Episcopum vel alium Prælatum, siue per procuratorem vel syndicum, c. 2. 3. & 7. h. t. quia Ecclesia læsa minori comparatur. d. c. 2. & 3. in verbis, iure minoris: & ideo, instar minoris læsi, si læsa sit, restituitur in integrum, etiam aduersus aliam Ecclesiam, d. c. 3. & c. de iurata 6. h. t. In d. etiam contra sententiam Papæ, c. Ex litteris 4. cum seq. h. t. can. Sententiam & can. Veniam x x x v 1. q. 9. sicut & minor aduersus sententiam Principis, l. Minor 18. D. De minoribus. Nec obstat, quod dici solet, priuilegiatum contra priuilegiatum non vti suo priuilegio: quia id verum est in pari vtriusque causâ; puta si vterque læsus sit, & certet de damno vitando, quia tum possidentis melior est conditio, c. In pari De R. l. in 6. Secus, si vnus læsus sit, alter non; vel si vnus certet de damno vitando, alter de lucro captando.

Tertiò, competit alijs locis, v. g. hospitalibus &c.

Quartò, competit etiam maioribus x x v. annis ob iustam causam, d. c. Ex litteris h. t. præsertim absentia causâ Reip. vel etiam ob aliam, l. 1. & 2. Cod. Ex quibus causis maiores &c. l. Non D. eod. tit. veluti iusti erroris, l. 2. D. eod. vel iustæ ignorantia, de quibus latè Sfort. Oddus r. p. q. 8. per tot. iuxta illam Prætoris generalem clausulam, Si qua alia iusta causa mihi videbitur, in integrum restituam, l. 1. D. Ex quibus causis maiores &c. ad quam clausulam toties recurrendum erit, quoties æquitas suggeret, l. Sed etsi §. fin. D. d. tit.

Sed & maioribus competit de gestis in minore ætate, intra quadriennium ab ingressu maioris ætatis, l. ult. Cod. De temporibus in integrum restitut.

§. II. Intra quod tempus & coram quo peti debeat in integrum restitutio.

1. Peti debet intra quadriennium continuum à tempore læsionis.
2. Coram iudice rei.
3. Aduersus sententiam inferioris vel qui equalis sit iurisdictionis.

Debet peti & peragi restitutio in integrum intra quadriennium continuum à tempore læsionis, c. 1. & 2. eod. in 6. Idque cognitâ causâ, ob quam petitur, & præsentē aduersario, vt audiat causas restitutionis allegari ab impetrante, d. c. Ex litteris, l. 3. D. eod.

l. 3. D. *ead.* quia quod aliquem tangit, non potest peragi, nisi is certior-
retur, c. *Quod omnes* De R. l. in 6. aut per contumaciam ablit, l. *In causa*
13. in princ. versic. *caussa* D. De minoribus. Si tamen causa iusta subsit, po-
terit Iudex hoc tempus quadriennij in danda restitutione excedere, d.
c. 1. & 2. *ead.* in 6. Proponitur autem hæc petitio, non iure actionis,
sed implorato Iudicis officio, l. *Quod si minor* 24. §. ult. D. *ead.* & est
communis.

2 Peti verò debet coram Iudice rei, contra quem petitur, d. l. *In caus-*
sa 13. §. fin. cum l. seq. c. *Causa* h. t. quia actor debet sequi forum rei.
Oportet tamen hunc Iudicem habere adimistrationem, iurisdictioni
sui coniunctam, vel esse delegatum ab eo ad vniuersitatem causarum,
vel specialiter ad hoc iudicium exercendum: nam ab Ordinario, ad-
imistrationem non habente, sed tantum iudicandi facultatem, & de-
legato ab eo, peti non debet, vti nec ab arbitro commissario, nisi mora
incidenter fuerit causa, d. c. *Causa* h. t. l. fin. Cod. *Vbi & apud quem &c.*
l. *Quoties* Cod. De iudicijs, Sfort. l. p. q. 31. art. 8. & seq.

3 Minor magistratus aduersus sententiam maioris non restituit, l.
Minor 18. in princ. D. De minorib. at verò aduersus propriam, vel eorum,
qui sunt æqualis iurisdictionis, restituere potest, d. l. *Minor* §. 1. & d. l.
In causa. Aduersus sententiam definitiuam ipsius Principis, vel procu-
ratoris, vel vicarij, vel delegati ipsius, solus restituit Princeps, d. l. *Mi-*
nor l. 3. Cod. *Si aduersus rem iudicatam &c.* Sfort. l. p. q. 31. art. 3. à n. 33.

Debet autem Iudex in concedenda restitutione in integrum aduer-
sus contractum, mero iure validum, prospicere, ne is, aduersus quem
eam concedit, fraudetur pretio vel sumptibus seu melioramentis ne-
cessarijs & vtilibus, quæ fecit, c. 1. h. t.

§. III. Effectus restitutionis in integrum.

1. Pendente restitutione nihil innouandum.
2. Ea obtenta redintegratur pristinum ius.
3. Transit eadem in heredem, non in fideiussorem.

1 **E**ffectus restitutionis in integrum in primis est, quòd pendente
eius iudicio regulariter nihil innouandum sit ab vna vel altera
parte, sed omnia in statu suo manere debeant, donec res finita
sit, l. *unica* Cod. *restitut. in integr.* postulat à ne quid noui fiat: nisi con-
trapetentem restitutionem sit vehemens præsumptio malitiæ, quòd
causâ differendi & protrahendi executionem sententiæ eam perat,
qui

quia hoc casus sit executio, præstita idonea cautione ab aduersario victore de restituendo, quod medio tempore, occasione sententiæ, percipiet aduersarius, si petens restitutionem præualuerit, *c. suscitata h. t.*

Obtentæ verò restitutionis effectus est, quod, si ea aduersus sententiam data sit, ex integro agatur: si verò contra contractum, vel alium actum, res retractetur, & in pristinum statum reponatur.

Præterea is eius effectus est, quod licet remedium sit extraordinarium personale, *l. 3. §. sed utrum 4. D. De minoribus*: tamen, quia est in rem, & iuri familiæ inhæret, *d. l. In causa 13. §. interdum*, ideo ad heredem & ad vniuersalem successorem transeat, *l. 2. & 4. Cod. De temporibus in integrum restitut.* & cedi possit, *l. Quod si minor 24. in princ. D. eod.* Non tamen transit in fideiussorem vel socium, *d. l. In causa l. 1. & 2. Cod. De fideiussor. minor.* quia iniquum & iniurium foret, fideiussori in necem creditoris subuenire, qui in securitatem obligationis eum accepit, *d. l. In causa.* Secundò, quia fideiussor habet recursum aduersus minorem, ut indemnitas maneat: & ideo, cum habeat remedium ordinarium, non debet extraordinarium concedi. Denique, quia minor restituitur, eò quod fragile & infirmum sit eius iudicium, non item fideiussoris: qui cum sit maior, cautiùs prospicere sibi debuit, nec tam facile spondere, cum, ut dici solet, sponde, præsto noxa est.

TITVLVS XLII.

De alienatione iudicij mutandi caussâ facta.

1. 2. Ratio huius restitutionis, ad quid detur & aduersus quem.
3. Quid sit alienare iudicij mutandi causâ.
4. Et quid nomine alienationis intelligatur.
5. Datur illis, quorum interest.

Dispiciendum deinceps est de remedio, per quod prouidetur illis, in quorum præiudicium sit alienatio rei controuersæ, causâ futuri iudicij mutandi, præsertim cum ex eiusmodi alienatione competat quædam species restitutionis in integrum, de qua proximè actum est, quæ iure actionis Prætoris in factum intra annum utilem obtineretur, aduersus eum, qui sic rem alienauit, ad id, quanti nostra interest, alium aduersarium non habere, aut potius (in quo præcipua vis huius restitutionis consistit) ut patiatur secum pristina actione utiliter agi, perinde ac si non alienasset, sed adhuc possideret.

2 Dixi, aduersus eum, qui sic alienauit; id est mutandi iudicij causâ & fraudulentè seu dolo: nam vtrumque ad hanc actionem restitutoriam requiritur, vt constat ex l. 4. *D. eod.* Et ideo, si quis sine dolo possidere desierit, veluti si rem ipsam, quæ petitur, obligatus Titio soluerit, aut venditori redhibuerit, vel alienauerit, vt litis molestias subterfugeret, aduersus eum non dabitur hæc actio. *Wesemb. in Parat. D. h. t.* Sicut nec aduersus eum, qui dolo quidem possidere desijt, non tamen iudicij mutandi causâ.

3 Iudicij autem mutandi causâ fieri dicitur alienatio, cum ad hoc res alienatur, vt durior ac difficilior aduersarius substituatur, aut aliâ ratione agentis conditio fiat durior & deterior, l. 1. 2. 3. 4. *D. eod.*

Et nomine alienationis hic intelligitur omnis actus per quem dominium in alium transfertur, l. 1. *Cod. De fundo dotali*: siue sit conuentio, vt venditio, permutatio, donatio; siue permissio, vt dum quis permittit rem suam vsucapi, l. *alienationis D. De verb. significat.* siue non vsus, vt dum quis non vtendo seruitute, illam amittit. d. l. *alienationis.*

4 Addidi, ad id, quod nostra interest; quia ei, cuius nihil interest, non competit hæc actio restitutoria, vt patet ex l. 3 §. *penult. & ult. D. eod.* Si quis igitur rei meæ detentor, metuens, ne à me conueniatur, quia intelligit me rescriptum aduersus se à summo Pontifice impetrasse, eam rem transferat in alium, eo animo, vt rescriptum, quod ultra expressa in eo non extenditur, nec aduersus alium, quàm qui in rescripto continetur, vim habet, vt dictum est ad Tit. de rescriptis, eludat: tamen eo vti potero etiam aduersus eum, in quem res translata est, licet in rescripto non sit nominatus, c. 1. *h. t.* Similiter si Clericus actionem vel æs alienum alicuius laici in se transferri curauerit eo animo, vt aduersarium suum ad forum Ecclesiasticum trahat, datur aduersus Clericum hæc exceptio, quòd cessio illa actionis, vel æris alieni, sit facta mutandi iudicij causâ. c. 2. *h. t.* quia non debet alteri per alterius factum & dolum præiudicari, l. 1. *D. eod.* l. *Non debet D. De. reg. iuris, c. Mutare De T. I. in 6.*

TITVLVS XLIII.

De Arbitris.

§. I. Qui dicantur Arbitri.

1. 2. *Ratio ordinis & nominis.*

3. *Arbitri alij sunt iuris, alij sponte sumuntur.*

4. *Et horum alij sunt Arbitratores, alij Arbitri Recepti seu Compromissarii.*

5. *Differentia inter Arbitros & Iudices.*

TRactatum fuit antea de officijs Iudicum, tam ordinatorum, 1
quàm delegatorum, de què preparatorijs iudiciorum. Pergendum nunc est ad ipsa iudicia; verùm quia & Arbitri sunt quodammodo Iudices, ad quos recurrere solèt homines, priusquam ad iudicia perueniant, vt per arbitros controuersie vel lites, si fieri possit, terminentur & sopiantur, atque hoc modo impediatur litis ingressus, euitenturq; iudiciorum moræ & sumptus, aliaque incommoda: ideo meritò hinc pramittitur de Arbitris.

Dicitur verò Arbitrator ab Arbitrando, id est æstimando. Est enim 2
Arbitrator vir bonus, ad aliquod negotium æstimandum & terminandum electus.

Solent Arbitri in genere adsumi dupliciter, vel ex necessitate iuris aut 3
statuti, vel sponte. Ex necessitate iuris, vt in causa suspecti Iudicis: nam in ea adsumuntur iuris arbitri, qui de causa suspicionis cognoscant, c. *Suspensionis sup De officio delega i. l. Apertissimi & l. fin. & ibi Bartolus & DD. Cod. De iudicijs*: sicut & quando statutum habet, quòd causæ inter coniunctos compromittantur, Abbas in c. *Cum dilectus* 6. col. 7. h. t. Et hi appellantur Arbitri iuris. * Sponte verò rursus, dupliciter 4
adsumuntur, nempe vel simpliciter & sine aliquo iudicij ordine: vt si in aliquem fiat compromissum, qui de re arbitretur & statuatur, prout æquum sibi videbitur, sine aliquo iuris ordine. Et talis vulgò Arbitrator seu Amicabilis compositor vocari solet; eiusque arbitrium semper referri debet ad arbitrium boni viri, l. *Societatem §. arbitrorum D. Pro socio*. Vel sic adsumuntur, vt de controuersia sibi commissâ, seruato iuris ordine, pronuntient. Et hi propriè Arbitri dicuntur, & in D. & Cod. Arbitri Recepti, quia ex recepto, id est, ex compromisso (vt interpretatur Iustinianus in l. *Rem non nouam Cod. de iudicijs*) ad dirimendam controuersiam eliguntur. Vnde etiam Arbitri Compromissarii appellantur; & in dubio potius videntur electi, quàm arbitratores. Et de horum arbitrijs dicitur, quòd sint redacta ad similitudinem iudiciorum, l. 1. D. *cod.* nam partes coram se citant, libellam petitionis sibi edi iubent, testes examinant, & vt summatim dicam, causam secundum iudicij ordinem per sententiam non secus quàm Iudices terminant: * Licet non pari potestate, quia arbitrorum potestas est priuata, & ab ipsis compromittentibus competit, nec iurisdictionem habent, sed tantum cognitionem; at verò Iudicum potestas est publica, & iurisdictionem habent, ac proinde possunt multare partem, eidem-

que ob contumaciam denegare audientiam, compellere testem, & falsum deponentem punire, quia id potest habens iurisdictionem. Magnam tamen affinitatem habent cum Iudicibus, maiorem quæ cum delegatis, quàm cum Ordinarijs, vt patet d. l. *Apertissimi* G. eod. ibi, *quasi arbitri fuerint* &c.

§. II. Quo pacto fiat compromissum.

1. Fit vel adiecta pœnâ.
2. Vel nulla pœnâ adiectâ.
3. Ex sententia Arbitri iure D. & Cod. quando detur actio.
4. Iure Canonico semper standum esse compromisso.

Interdum fit pœnali stipulatione adiectâ, vt saltem metu pœnæ compromisso stetur. Nec refert, qualis sit pœna, certa an incerta, an quantitas, an verò aliquid aliud, l. *Non autem* 2^a. D. eod. dummodo vtrunque promittatur, l. *Dirigatores*. §. 4. D. eod. & hoc casu qui compromisso vel sententiæ arbitri non steterit, pœnam soluere tenetur, eâque solutâ à compromisso & arbitri sententia liberatur, non solum iure ciuili, l. 1. & *Auth. Decernit ius nouum* Cod. eod. sed etiam iure Canonico, c. *Per tuas* &c. *Dilecti* h. t. etiamsi taciturnitas decem dierum interuenerit, iuxta D^d. in l. *Cum antea* Cod. eod. nisi vnâ cum pœna sit adiecta clausula, *Manente compromisso*, secundum *Glos. in d. c. Dilecti in fine*: quia tum in effectu sunt duo compromissa, vnum pœnale, alterum purum, ex quo etiam solutâ pœnâ agi potest.

2 Interdum verò nulla pœna adijcitur: & tunc contra non stantem compromisso competit actio ad interelle, d. c. *Per tuas versic.* at si nulla pœna.

3 Vbi obseruandum est discrimen inter ius D. Cod. & Canonicum: nam iure D. ex sententiâ arbitri, nisi pœna per stipulationem adiecta esset, compromissum fuisset stipulatione confirmatum, nō nascebatur actio aut velexceptio, quoquomodo fuisset compromissum, l. 2. D. eod. Secus atque in sententia Iudicis, ex qua nascebatur actori actio, & reo exceptio, l. *In iudicari* D. *De re iudicata* & *toto tit. D. De except. rei iudicata*. Iure Codicis ex sententia arbitri homologata, id est expressum, veluti per subscriptionem, vel tacitè, per silentium decem dierum, approbata, nascitur actio & exceptio, sine pœna fuerit adiecta, siue non, d. l. *Cum antea* Cod. eod. Quod sit iuratum si compromissum, statim nascitur actio, l. *Ne in arbitris* Cod. eod. si verò iuratum non sit, tunc intra decem dies retillire licet, ac proinde vtile est stipulari pœnam. Cæterum Iustinianus postea vetuit compromissum fieri sub iuramento, d. *Auth. Decernit ius nouum*.

Actiure

At iure Canonico semper standum est compromisso, siue sit homologatum, siue non; siue adiecta sit pœna per stipulationem, siue per nudum pactum, secundum eorum sententiam, qui putant iure Pontificio ex nudo pacto oriri actionem; siue non sit adiecta pœna, quia hoc casu competit actio ad interesse, *c. 1. & d. c. Per tuas h. t.* Quod si compromissum sit utrimque iuramento corroboratum, omninò seruandum est, nec solutione eius quod interest contingit liberatio, & ex eo nascitur actio secundum Panormit, *in d. c. Per tuas*: nisi compromissum contineat peccatum, veluti si arbiter arbitratus sit, ut pro beneficio detur pecunia, nam tunc, etiamsi iuramento firmatū sit, non est seruandum arbitri iudiciū, *c. 2. h. t. iuxta c. Non est obligatorium De R. l. in 6.*

§. III. In quos & quales compromitti possit seu debeat.

1. Compromitti non potest in seruos, neque in mulieres regulariter.
2. Non in excommunicatos.
3. Non in laicum, utique in re spirituali.
4. 5. In alios potest, & in ipsum quoque iudicem.

Cum arbitria redacta sint ad formam iudiciorum, *l. 1. D. eod.* sicut non omnes sunt idonei, ut sint Iudices, ita nec ut sint arbitri. Ideoque delectus personarum est habendus, & eligendi ij, qui à iure non sunt improbat: prout in primis improbantur serui & mulieres, *l. Padius 7. D. eod. & l. fin. Cod. eod.* nisi tamen mulier de iure communi vel consuetudine loci iurisdictionem habeat, sicut Abbatisa v. g. *c. Dilecti h. tit.* vel ex privilegio Principis, à fortiori, *iuxta notata in c. Supr quibusdam inf. De verb. significat. l. Hoc iure §. dualis aqua. D. De aqua quotid. & astuat, Marcus Ant. De compromissu, q. 2. n. 38.* quod est maius, quàm esse arbitrum.

Secundò, furiosi, surdi, muti, *l. Sed si 9. §. 1. D. eod.* Tertiò, minoris xx. annis, *l. Cum lege 41. D. eod.* * Quartò, excommunicati, quia hi à comunione fidelium excluduntur, *c. penult. inf. De sent. excommunicat.* seruata tamen moderatione, postea tradenda ex Concilio Constantiensi, de duobus tantum generibus excommunicatorum hodie vitandis.

Similiter laicus non potest adsumi in re spirituali, *c. Contingit h. t.* nec principaliter nec incidenter, *c. Decernimus inf. De iudicijs, Marc. Anton. De compromissu q. 2. n. 62.* nisi adsumatur iunctim cum Clerico, ex auctoritate Iudicis Ecclesiastici, *c. Per tuas h. t.* Alioquin etiam in caussa civili potest in laicum etiam à Clericis cōpromitti, *c. dilecti h. t.*

4 Alij rectè in arbitros eliguntur, siue sint ingenui, siue libertini, siue integræ famæ, siue ignominiosi, *d. l. Padius 7. in princ. D. eod.* siue patrefamilias, siue filijfamilias, etiam in re patris, siue clerici, siue laici, modo antea dicto.

5 An autem in ipsum Iudicem compromitti possit, dubitari potest, propter *l. sed si 9. §. 2. D. eod.* Sed verius est posse, siue de delegato, siue de ordinario Iudice agatur, *per text. in c. Cum tempore c. Cum olim c. Ex parte h. t. c. Litteras inf. De præsumptionibus, c. Nisi inf. De præbendis;* modo id fiat à partibus sponte, non autem iubente Iudice; quo sensu accipi debet *d. §. 2. l. sed si.*

§. IV. Quot assumi possint Arbitri, & quæ sit eorum potestas.

1. Compromitti potest in vnum vel plures, pari vel impari numero.
2. 3. Non ita tamen, ut in casu discordiæ ipsi tertium adsumant.
4. In sententia ferenda oportet omnes esse præsentés.
5. Exceptio.

Assumi possunt vnus vel plures, pari vel impari numero: sed consultius est, ut impari numero adsumantur, *c. 1. h. t. ut si non omnes consentiant, saltem maior pars reperiatur, cuius arbitrio stetur, ne ob mutuam dissensionem facile contingat arbitrium impediri, l. Item si vnus 17. §. 6. D. eod.* Hinc si ex tribus arbitris duo condemnent in decem v. g. & tertius in quinque, prævallet sententia duorum concurrentium in decem. Si verò omnes discordent, v. g. si vnus condemnet in quindecim, secundus in decem, tertius in quinque, tenet sententia de summa minori, quæ maiori inest, *c. 1. eod. in 6.*

2 Non valet tamen compromissum in duos vel plures, hoc adiecto, ut in casu discordiæ ipsi eligant tertium aliquem, vel plures, nemine nominato, *c. Innotuit & ibi latius Glos. h. t. quia, ut dicitur in d. l. Item si vnus §. si in duos 5. D. eod.* forte in adsumendo tertio dissenserent, vel eligerent talem, quem, si præuidissent litigatores, nolissent eligi.

3 Nec obstat, *c. Cum à nobis h. t.* vbi contrarium statui videtur, quia in casu illius cap. Legatus, in quem compromissum erat, in primis à se ipso in eligendo dissentire non poterat. Deinde non elegerat arbitros, sed arbitratores, in quos etiam incertos compromitti potest potius, quàm incertos arbitros, ob minus præiudicium. Nam si arbitratorum sententia sit iniqua, non tenentur compromittentes ei stare, sed
reducitur

reducitur ad arbitrium boni viri : sententiæ verò arbitrorum standum est, siue æqua sit, siue iniqua.

Debent autem omnes arbitri adsumpti esse præsentés in sententia 4
ferenda : alicui, vno absente, aliorum, etiam consentientium, sen-
tentia non valet, cum in omnes compromissum sit, *per text. & ibi Glos.*
*in l. Si in tres. & in l. Si vnus §. si in plures D. eod. ** nisi adiectū esset, vt, vno 5
vel altero absente, reliqui nihilominus procedant, *l. Non distinguemus §.*
cum in plures D. eod. aut si absens legitimè requisitus, cessante legitimo
impedimento, nolit interesse causæ cognitioni aut definitioni : nam
tunc ex iuris Canonici dispositione, *in c. 2. eod., in 6.* contra iuris ciui-
lis dispositionem, *in d. l. Si in tres*, ceteri præsentés possunt causam
examinare & liberè definire, non minùs, quàm eo præsentē, nec vo-
lente cum eis in vnam sententiam concordare, vt sic ipsius absentia,
præsentia repleta diuinâ, eum reputari faciat pro præsentē, *d. c. 2.*

§. V. Super quibus compromitti possit, vel non.

1. *Non potest compromitti super causa matrimonij.*
2. *Non super rebus spiritualibus.*
3. *Non ab exemptis in præiudicium exemptionis.*

Compromitti in Arbitros potest super qualibet causâ Canoni-
bus aut legibus non prohibita, ne super ea compromittatur. In
primis igitur, sicut non potest transigi in causâ matrimonij, vt
antè diximus, ita nec ob easdem rationes super ea causâ com-
promitti, *c. Ex parte vlt. sup. De transact.*

Secundò, non potest compromitti super translatione Episcopi, vel 2
alijs rebus spiritualibus, veluti beneficijs Ecclesiasticis, nisi id fiat au-
thoritate superioris, *c. Ex parte 10. h. t.* ne vitiosus ad beneficia, quæ
sine canonica institutione obtineri non possunt, detur ingressus.

Tertiò, exempti & immediatè subiecti summo Pontifici compro- 3
mittere nequeunt in præiudicium exemptionis, *c. Cum tempore §. h. tit.*
quia id vergeret in præiudicium summi Pontificis.

An autem Prælatus Ecclesiæ possit compromittere super rebus Ec-
clesiæ, & an tale compromissum transeat ad successorem, vide remissi-
uè apud Marantam, p. 4. Dist. 14. Marcum Antonium De compromissis
q. 4. in V. Res prohibita alienari.

§. VI. De effectu compromissi & sententiae Arbitrorum.

1. Pendente arbitrio coram iudice agi non potest parte inuita.
2. Arbitri à suscepto semel arbitrio resilire non possunt.
3. Sententia arbitrorum standum est.
4. Neque ab ea appellatur.

1 **C**ompromisso semel in arbitros facto, non potest, pendente arbitrio, causa amplius coram Iudice discuti, inuito altero; & agere valens, exceptione pendentis arbitrij repellitur, l. Si quis rem D. eod.

2 Quod si verò ipsi arbitri, semel electi & arbitrio suscepto, postea causam cognoscere & definire detrectent, potest Iudex eos cogere: quia liberum quidem est illis ab initio arbitrium suscipere, cum id sit extra necessitatem iurisdictionis, sed semel susceptum explicare debent & ad id à Iudice cogi possunt, quia ad Iudicem spectat studere ut lites finiantur: nec debent decipi, qui aliquem quasi virum bonum disceptatorem inter se elegerunt, l. I abeo §. tamen si D. eod.

3 Quantum ad sententiam attinet arbitrorum, cum illi ex mutuo consensu partium adsumantur, hodie standum est sententiae, siue aequa sit, siue iniqua, c. i. c. Per tuas c. Exposita h. t. sibi que imputent necesse est partes, quod in talem vel tales compromiserint, l. Licet proferre 27. §. statim D. eod. l. Societatem §. fin. D. pro socio. Competitque ex constitutionibus Imp. actio & exceptio ex sententia Arbitri, expresso aut tacito decem dierum consensu à litigatoribus semel approbatâ, l. 4. l. penult. Cod. eod. Nisi fortè arbitri compromissi formam excesserint, c. Cum dilectus h. t. aut sordibus vel gratiâ ducti sententiam tulerint, l. Ita demum D. eod. aut non observato iudicij ordine processerint; sunt enim arbitria ad iudiciorum similitudinem redacta, l. i. & ibi Glossa & D D. D. eod.

4 Præterea à sententia arbitri non appellatur. d. l. i. Cod. eod. nisi sit arbiter iuris, id est ex necessitate iuris adsumptus: qualis est, qui de suspecto Iudice cognoscit, aut de reuocatione litterarum Apostolicarum, vel de controuersia ab Episcopo mota aduersus subditum suum, c. Si Clericus x i. q. i. nam ab huius sententia rectè appellatur, c. Ab arbitris sup. De officio delegati. Insuper petitioni penæ, si qua sit adiecta, est locus, c. 4. & 9. h. t.

§. 7. Quo

§. VII. Quo pacto Arbitrorum & Arbitratorum finiatur potestas.

Finitur morte arbitrorum & arbitratorum, vel alterutrius litigantium, *c. Ex parte h. t.* nisi in compromisso heredum utrimque facta sit mentio, *c. fin. h. t. l. Proferre §. 1. D. eod.*

Secundò, re semel per arbitrium seu arbitros definità, *z. Exposita h. t.* & hoc casu, si contingat alterum compromittentium mori, hæres eius succedit in emolumentum & damnum, quod ex sententia contingit, *arg. l. Idem in princ. D. eod.*

Tertiò lapsò termino, id est die, in compromisso expresso, *l. Si cum dies D. eod.*

Quartò, pænæ commissione, nisi adiecta sit clausula, Rato manente compromisso, *l. Si duo, in fine D. eod.* Denique transactione, iudicio facto seu accepto, & alijs similibus modis.

Finis Libri primi.



Cc PARA-

PARATITLA

S I V E

S V M M A R I A

ET METHODICA EXPLICATIO

LIBRI SECUNDI

DECRETALIVM.

P R Æ F A T I O.

1. *Ratio ordinis.*
2. *Obiectum huius libri est ordo iudiciarius.*
3. *Methodus & Oeconomia eiusdem.*

POSTQVAM expositum est libro superiori de fundamento totius Iuris Canonici, eiusdemque divisione, & in partes suas distributione, ac personarum Ecclesiasticarum (à quibus iudicia dependent, & quæ in iudicijs Ecclesiasticis intervenire debent, *c. r. inf. De accusat.*) qualitatibus, officijs, officiorumque distinctionibus, atque alijs eodem pertinentibus, & peculiaribus rei controuersæ, amicè magis, quàm per grauissimas dissensiones vel iudiciales molestias, definiendæ ac terminandæ, modis, tanquam preparatorijs quibusdam ad negotia Christianorum peragenda, & ad iudicia constituenda vel euitanda: sequitur, vt ad ipsa iudicia, seu potius ordinem iudiciarium, vel, vt ita dicam, totale actorum iudicij corpus, gradum faciamus, vtque hoc secundo libro, vnà cum Pontifice, vniuersam ordinis iudiciarij rationem ac modum, tam in causis civilibus, ad quas præcipuè rotus hic liber spectat, quàm in criminalibus, præsertim quoad instruendæ finiendæque causæ rationes, summarie tamen, explicemus. Nam licet diuersus sit instituendi ordinandiue iudicij in vtroque causarum

causarum genere modus; & de criminali agatur libro v. Decretal. tamen probandi ac finiendi p[ar]tē idem reperitur.

Itaque pro obiecto huius libri statui potest ordo iudiciarius, sine te-
la iudiciaria, seu causae cuiuslibet, praesertim civilis, in iudicijs pera-
genda[rum] modus.

Vnde patet, quod, licet citatio & libelli oblatio sint praeparatoria
quedam iudicij, quandoquidem praecedant litis contestationem, a
qua demum iudicium incipere dicitur: non tamen prius de ijs, quam
de iudicijs, agendum fuerit, quia scilicet, tametsi antecedant iudicium
proprie dictum: tamen non antecedunt vniuersum ordinem iudicia-
rium, de quo hoc secundo libro agitur, sed potius ad illum spectant,
tanquam partes integrantes.

Cum vero, secundum *Glos. in 5. igitur in 7. easdem in Proemio Institut.*
Iustin. diuisio in scientijs animum legentis incitet, mentem intelligen-
tis praeparat, & memoriam artificiose reformat: diuidi potest ordo iu-
diciarius in tria potissimum seu principalia membra; quorum primum
est de causa qualibet in iudicijs praesertim civilibus instituenda seu or-
dinanda, inchoandaue, ad quod pertinent primi xvi. Tituli: secun-
dum de eadem deinceps instruenda, ad quod spectant subsequentes
Tituli vsque ad xxvii. qui est de sententia & re iudicata exclusiue:
tertium denique de eadem dirimenda & fine debito terminando, ad
quod pertinent dictus Tit. xxvii. & reliqui vsque ad finem.

TITVLVS PRIMVS.

De Iudicijs.

1. Quid sit hoc loco Iudicium.
2. Ex quibus constet.
3. Diuisiones variae: ex persona Iudicis, Iudicium aliud est Ecclesiasti-
cum aliud Saculare.
4. Item aliud Civile, aliud Criminale, aliud mixtum.
5. Et Criminale, aliud Capitale, aliud non Capitale.
6. A forma, aliud Ordinarium, aliud Extraordinarium.
7. A materia, aliud Petitorium, aliud Possessorium.

DE ordine iudiciario, vt proximè diximus, hoc secundo libro
disceptatur, quo pacto scilicet seu ordine in iudicio seu co-
ram Iudice causa potissimum civilis peragenda sit: & ideo
summus Pontifex hunc librum auspicatur à generali Tit. De
Iudicijs.

- 1 Omissis autem varijs Iudiciorum in iure significationibus, quas tradit Maranta 1. p. Spec. sui aurei, & quindecim proponit Glossa, ad c. In iudicijs 1. De R. Iuris in 6. in presenti Iudicium sumitur pro causæ discussione, quæ coram Iudice pro tribunali sedente fit. Et dicitur, quasi iurisdictio, quòd in eo ius dicatur: & Iudex, quasi ius dicens populo, siue quòd iure disceptet, c. Forus inf. De verb. significat.
- 2 Ad iudicium hoc modo sumptum quattuor potissimum requiruntur, Iudex, Actor, Reus, & Causa, tanquam origo negotij & materia Iudicij: adeoque in iudicio inquisitionis, vel alio simili, hæc quattuor verè vel fictè saltem interueniunt, quia fama præcedens representat actorem, c. Qualiter 17. inf. De accusationibus c. Licet Heli 31. inf. De Simonia in verbis, sed quasi famam deferente vel denunciante clamore.
- 3 Iudiciorum variæ sunt diuisiones, desumptæ à Iudice ipso, materia forma & fine. Ex persona iudicantium aliud est Ecclesiasticum, quod coram Iudice Ecclesiastico agitur, de rebus Ecclesiasticis, maxime spiritualibus, vt matrimonio, beneficijs, & his annexo iure patronatus, de crimine hæresis, simoniæ, & alijs similibus: aliud Sæculare, quod coram Iudice laico inter personas sæculares exercetur.
- 4 Rursus à materia, seu fine circa quem versatur, aliud est Ciuile, aliud Criminale, aliud Mixtum. Ciuile est, in quo principaliter agitur ad commodum priuatum, etiamsi ex delicto agatur: nisi fortè agatur ciuilitè ex crimine infamante, nam tunc dicitur causa criminalis. Foller. ad Marantam 4. p. Spec. Dist. 1. n. 3. ubi alios citat. Criminale est, in quo de crimine principaliter agitur ad commodum publicum seu vindictam publicam, ex delicto tamen: vt si in Ecclesiastico foro agatur ad degradationem, ad officij dignitatis vel beneficij priuationem, aut ad perpetuos carceres, tamquam ad pœnam, c. Et si Clerici 4. c. Cum non ab homine 10. h. t. Vide Bertran. Consil. 319. n. 5. in 1. p. & Consil. 188. in 2. parte, Marant. 4. p. n. 2. & 32. in Sæculari verò ad pœnam capitalem vel membri mutilationem, aut etiam ad pœnam pecuniariam, fisco, non parti applicandam, Bart. Curt. & alij in l. Prator. ait D. De sepulchro violato.
- 5 Hinc subdiuidi potest Iudicium Criminale in Capitale & Non capitale. Capitale est, in quo agitur de crimine capitali; seu in quo venit interroganda pœna capitalis: veluti dum damnatur quis ad mortem naturalem, quia perditur caput naturale: vel dum quis redigitur in seruitutem, aut damnatur in metallum, quia amittitur caput ciuile, quod est libertas: vel dum deportatur, quia tunc caput eximitur de ciuitate. Maranta 4. p. dist. 1. Non capitale, in quo non venit imponenda aliqua ex tribus prædictis pœnis. Maranta d. loco.

Mixtum

Mixtum iudicium est, in quo & ciuilitet & criminaliter agitur: vt dum de crimine aliquo v. g. furto vel iniuria agitur ad interesse partis, & simul ad vindictam publicam, c. *Tue De procuratoribus.*

Ex modo etiam procedendi Iudicium diuiditur, & aliud dicitur Summarium seu Extraordinarium, in quo proceditur simpliciter & de plano, sine strepitu & forma iudicii, vt in causis electionis, postulationis, & similibus, prout optime explicatur in *Clement. Sapè De verb. significat.* Quibus adde causam heredis & læsæ Maiestatis, in quibus etiam ordo solemnis iudicii non seruatur, c. *fin. & Extrauag. Henrici vii. Quomodo in læsa Maiest. &c.* Talia quoque sunt iudicia possessoria, l. 1. *Cod. si de moment. possess. l. Mementaria Cod. Vnde vi, l. vlt. D. De appellat. recip. & similibus.* Sic tamen in summario iudicio remittuntur solemnitates iudicii, vt probationes necessariae & defensiones legitimæ, citatio, præstatio iuramenti de calumniâ vel malitiâ, siue de veritate dicenda, non excludantur, & sententia definitiua in scriptis feratur à Iudice, siue sedente siue stante: quamquam in leuioribus & parui momenti causis, & vbi non sit præiudicium veritati vel causæ principali, sufficiat rem semiplenè & summarie probari, vt in casibus recensitis à *Glossa in l. 3. §. sciendum D. Ad exhibendum.* Aliud verò dicitur Plenarium seu Ordinarium, in quo solemniter & recto iudicii ordine seruato de causâ cognoscitur: puta, vt ait *Canis. in Summa lib 4. tit 1. §. denique,* cum reo citato libellus seu actoris intentio scripto editur, & litis fit contestatio, cum præstatur iuramentum calumniæ, probatione res docetur & excutitur, sententia in scriptis fertur à Iudice sedente; & postremò executioni mandatur: nisi ea per appellationem vel restitutionem in integrum vel supplicationem suspendatur aut rescindatur vel nulla declaretur, l. *Prolatam & ibi D D. Cod. De sent. & interloc. c. In casu 19. inf. De sententia & re iudicata.*

Aliter Iudicium Extraordinarium dicitur illud, quod coram delegato Iudice instituitur, *Glossa in c. Quoniam contra in v. extraordinarium inf. De probationibus:* & de hoc loquitur totus *Tit. x. De officio delegati, & D. De officio eius, cui mandata est iurisdictio.* Ordinarium verò illud, quod coram Iudice ordinario instituitur, de quo loquitur totus *Tit. x. De officio Ordinarij.* Quis autem sit Iudex ordinarius, quis delegatus, diximus lib. 1.

Rursus Iudicium aliud est Petitorium, aliud Possessorium. Petitorium est, in quo de proprietate vel alio iure agitur, extra possessionem vel quasi possessionem: vt si res vindicetur, hereditas petatur, actio empti, depositi, commodati, vel alia similis intentetur. Possessorium est, in quo de possessione vel quasi possessione contenditur, siue adipiscenda, siue retinenda, siue recuperanda. Possessio proprie est rerum corporalium,

poralium, l. 4. in princ. D. De acquir. vel amitt. possess. Quali possessio est incorporalium, l. Si quis diuturno D. Si seruitus vindicetur; cuiusmodi sunt seruitutes, & alia similia iura.

Alias Iudiciorum diuisiones tradit Maranta in Speculo 4. p. prima : principalis quæst.

TITVLVS II.

De foro competenti.

6. I. Quod sit Forum competens & quibus modis constituatur.

1. Quid Fori nomine hîc intelligatur.
2. Quod dicatur Forum competens.
3. Sortitur quis forum, Ratione domicilij.
4. Ratione rei sitæ.
5. Ratione contractus.
6. Ratione delicti.
7. Ratione privilegij.
8. Ratione Collegij vel Vniuersitatis, in quam adsumptus est.
9. Ratione consensûs & prorogationis.
10. Clericus tamen consentire in iudicem laicum non potest.
11. Nisi certis casibus.
12. Laicus quibus casibus subijciatur Iudici Ecclesiastico.

Iurisdicção seu fori competentia totius iudicij contentiosi est fundamentum, ita vt eâ deficiente ne quidem sit iudicium, & nullitas ex eius defectu proueniens, irreparabilis atque insanabilis reputari consueuerit. Ideoque summopere præcauendum est in primis actori, ne coram Iudice incompetente reum conueniat: ac proinde etiam post tractatum de iudicijs in genere, priusquam veniamus ad alios iudicij actus seu partes, dispici debet, quis dicatur Iudex alicuius competens, & quod Forum competens: item quor modis quis forum sortiatur.

I Forus seu Forum, prætermisiss alijs significationibus, dicitur tum locus ipse exercendarum litium, seu vbi quis conueniri potest, c. Fornus inf. De verb. significat. l. Secundum diui, l. In hac Cod. De donat. l. fin. Cod. Vbi in rem actio &c. tum territorium, in quo quisque Iudex habet iurisdictionem: quo pacto tota diocesis dicitur territorium Episcopi, can. Omnis x v l. 7. Aliter dicitur tribunal & sedes iurisdictionis, quæ

contractu, vltro citroque obligatorio, sed pro omni pacto, siue verim- que siue ex altera tantum parte obligatorio, siue pro alio quolibet pa- cto, ex quo obligatio oritur: ita vt etiam hoc nomine veniat admini- stratio tutelæ, curæ, transactio, donatio, & alia similia, *d. l. Hæres absens §. 1. cum l. seq.*

6. Quarto, ratione delicti: nam eius Iudicis forum sortitur quis, in cuius territorio deliquit, *c. Postulasti & c. vlt. h. t.* Et ideo Iudex apprehendens reum, etiam militem, in loco delicti, potest eum pœnâ, tam corporali quàm pecuniariâ, pro qualitate delicti punire, *l. si cui §. idem Imp. & l. fin. D. De accusat.* Cessat enim priuilegium fori ratione delicti, *t. 2. inf. De priuilegijs:* de quo tamen, & quo pacto id verum sit, vide Panormit. *in c. fin. h. t.* Quod si verò delinquens citatione præuentus, fines loci, in quo deliquit, exiuerit, etiam absens, modò legitimâ cognitione præcedente conuincatur, condemnari poterit. Panormit. *in d. c. fin.* Si latitet, quo minus citari possit, aut citatio ad eum peruenire, citabitur per edictum, in loco delicti promulgandum, & valuis portari vel Ecclesiasticum affigendum, *per ea, quæ habentur in Nouel. Nulli Iudicum §. si quis verò,* ad hoc scilicet, vt missio fiat in possessionem bonorum, quæ in loco delicti habet, non vt quidquam in eius personam statuatur, Panormit. *in d. c. fin. n. 6.* Et, si crimen fuerit atrox, poterit Iudex delicti requirere Iudicem domicilij seu loci, in quo degit, yel latitat, vt ipsum citet, & remittat: ei que Iudex rogatus (si nondum eum ipse castigauerit, præmissâ summaria cognitione super veritate commissi delicti) obsequi debet & delinquentem remittere, ex iuris communis dispositione: alioquin hodie in plerisque locis de consuetudine contrarium seruatur. Si verò crimen leuius sit, non habet locum remissio, sed delinquens, vbicumque reperiatur, condignâ pœnâ puniri potest, *l. 1. Cod. Vbi de crimine & c.*

7. Quinto, ratione priuilegij. Sic Clericus non potest conueniri nisi coram Iudice Ecclesiastico, siue criminaliter siue ciuilitèr agatur, *c. Cum contingat 13. & c. Postulasti h. t.* adeò vt laicus, qui Clericum per se perstrinxerit aut condemnauerit, sit eo nomine excommunicatus, *c. 2. eod.*

8. Sexto, ratione adsumptionis in aliquod Collegium vel Vniuersitatem quis subijcitur cognitioni Præfecti ipsius Collegij vel Vniuersitatis, *l. fin. Cod. De iurisd. om. iud. Auth. Habita Cod. Ne plus pro patre & c.* nummodò hæc corpora auctoritate Principis coierint, *l. 3. D. De collegijs illicitis.*

9. Septimò, ratione consensus: vt si quis in Iudicem aliàs non suum consenserit, *c. Significasti 18. h. t. c. P. & G. sup. De off. deleg. l. 1. & 2. & ibi D. D. Cod. De iudicijs. l. Si conuenerit D. De iurisd. om. iud.* Nam cuiusque liberum est suo foro renuntiare, & in alium Iudicem consentire, *l. penult.*

penult. Cod. De pactis: * Excepto tamen Clerico, qui privilegio suo fori **10**
ne quidem iuratio renuntiare, & in Iudicem laicum consentire potest,
c. Si diligenti 12. h. t. quia hoc privilegium non est datum in fauorem Cle-
rici, qui conuenitur, sed in fauorem totius ordinis Clericalis, & est pu-
blicum. Pactis autem priuatorum ijs, quæ sunt iuris publici, derogari
nequit, *l. Invisgentium §. si paciscatur D. De pactis*. Quinimò Clericus veta-
tur prorogare alterius Iudicis Ecclesiastici in se iurisdictionem, nisi vo-
luntas sui accedat Episcopi, *d. c. Significasti h. t.* quamquam laicus id pos-
sit, quia Clericus ratione Ordinis suscepti à suo Episcopo, vel beneficij
ab eo accepti, aut sub eius iurisdictione siti, magis subijcitur Episcopo,
quam laicus suo Iudici. Iurisdictionem verò Iudicis laici in se proro-
gare ne quidem cum consensu Episcopi sui potest Clericus, vt notat
Glossa & Abbas in *d. c. Significasti h. t.*

Sunt tamen casus quidam, quibus Clericus coram Iudice laico con- **11**
ueniri potest, & è contra laicus coram Ecclesiastico. Atque in primis
Clericus coram laico, si sit vasallus laici, & de feudo controuersia oria-
tur, coram domino feudi vel paribus curiæ conueniri debet, *c. Extramissa
& cum c. seq. h. t. Gail. 1. Obseruat. 37. Maranta 4. p. Distinct. 11. n. 75.*
Idque ratione directi dominij, quod penes ipsum dominum est; & quia
natura causæ ad se personam trahit, non è diuerso.

Secundò, si primà tantum tonsurà sit initiatus, aut in minoribus
constitutus, aut coniugatus, secundum tamen dispositionem & formā
Concilij Trid. Sess. 23. cap. 6. De reformat. iuncto *c. vnico De Clerico coniu-
gato in 6.* vel si bigamus sit, *c. vnico De bigamis in 6.* aut ioculatoriam ar-
tem per annum exercuerit, vel saltem eā de re ter monitus non resipue-
rit; nam hoc casu omni privilegio clericali exuitur, *c. vnico De vita &
honest. Clerici in 6.* sicut & is, qui in assassinatus crimine comprehensus est,
c. 1. De homicidio in 6.

E contra laicus secundum Canones subijcitur Iudici Ecclesiastico, si **12**
possideat & detineat res Ecclesiæ vel Clerici, *c. Si Clericus §. h. t.* si rapuerit
vel inuaserit res Ecclesiæ, *c. Cū sit generale 8. eod.* si ius aliquod Ecclesiasti-
cū usurpet, *c. Conquestus 16. eod.* Si Iudex laicus desit officio suo in admi-
nistranda Iustitia, potest & laicus trahi ad Iudicē Ecclesiasticū, *c. Licet
10. c. c. Ex tenore eod.* denique miserabilis persona, veluti vidua, pupillus,
vi de possessione sua deiecta, potest coram Ecclesiastico ad posses-
sionem recuperandam agere, *c. Ex parte 15. eod.*

Vbi autem dubium est, an vocatus sit de foro seu iurisdictione vo-
cantis, tenetur comparere & incompetentiam Iudicis allegare: &
tum Iudex ipse æstimabit, an sit suæ iurisdictionis, an alienæ, *l. Si quis ex
aliena D. De iudicijs, c. 1. c. Cum persona inf. De privilegijs.*

§. II. De requisitis ad prorogationem Iurisdictionis Iudicis.

1. Fieri debet prorogatio in iudicem, qui habeat iurisdictionem.
2. Et quidem ordinariam, non delegatam.
3. Consentiente utroque, & renuntiante & aduersario eius.

VT prorogatio iurisdictionis Iudicis subsistat, necessum est, ut is habeat iurisdictionem sufficientem ad cognitionem & decisionem causæ, quæ inter litigantes vertitur: ut, si causæ sit spiritualis, iurisdictionem habeat spiritualement; si criminalis, non solum possit de causâ civili cognoscere; sed etiam de causâ criminali, criminaliter intentata, habeatque potestatem crimina coërcendi. Alioquin non tam esset iurisdictionis veteris prorogatio, quam nouæ collatio, quæ non est in potestate priuatorum, l. Priuatorum Cod. De iurisd. om. Iudic.

2 Secundò, debet ea iurisdictionis, quæ prorogatur, esse ordinaria, non delegata: nam cum delegata non sit ipsius delegati, sed delegantis propria, l. 1. §. fin. l. etsi Prætor D. De iurisd. eius cui mand. est iurisd. non potest ultra personas, in instrumento delegationis expressas, de ipsarum consensu prorogari, c. P. & G. sup. de officio Iud. deleg. nisi intercedat delegantis consensus, Pānormit. ibid. quamuis mandata alicui iurisdictionis ad certum diem vel tempus, possit de communi partium consensu prorogari, c. De causis sup. cod. l. 2. §. sed si Iudex D. De iudicis. Quemadmodum etiam Iudex, ad certam usque summam iudicare iussus, potest de re maioris minorisue quantitatatis iudicare, si partes consentiant, d. l. 2. §. 1. l. Inter conuenientes 28. D. Ad municipalem: siue is sit Iudex ordinarius, siue delegatus, Accur. in d. l. 1. quia diuersitas quantitatatis non inducit diuersitatem iurisdictionis. Similiter Iudex, iussus de causâ sibi commissâ certo loco cognoscere, potest alio loco de ea cognoscere, si partes expressè consentiant, c. Statutum §. in nullo De re scriptis in 6. dummodò, si Ordinarius fuerit, intra fines sui territorij de ea cognoscat.

3 Tertiò, debet vtriusque, & renuntiantis scilicet suo foro & aduersarij, interuenire consensus, l. 1. D. De iudicis l. 2. Cod. De iurisd. om. Iud. Sufficit tamen consensus tactus, arg. d. l. 2. D. De iudicis, Bartolus in d. l. 1. D. cod. tit. Et eorum, qui de iurisdictione incompetentis Iudicis proroganda conuenierint, potest alter, altero inuito, ab ea conuentione, re adhuc integrâ, recedere, l. Si conuenierit D. De iurisd. Censetur verò hæc res integrâ, si citatio nondum sit emissâ, arg. d. l. Si conuenierit:

conuenient : licet Accurs. Bart. Alexander, Iafon, *ibid.* velint demum per litis contestationem desinere esse integram. Non est autem necessarium ad prorogationem iurisdictionis Iudicis, ut ipsius Iudicis consensus interueniat; d. l. 2. in princ. *versic. conuenire.*

Denique non videtur in Iudicem incompetentem consentire, qui apud eundem Iudicem actionis genus sibi edi desiderat, l. *Non videtur* 33. D. De iudicijs.

§. III. De Citatione seu in ius vocando.

1. Citationis necessitas.
2. Quid sit Citatio.
3. Diuisio in Realem & Verbalem.
4. Item in Simplicem & Peremptoriam.
5. 6. Requisita ad Citationem : ut fiat ad instantiam partis & mandato Iudicis.
7. Ut contineat nomen & cognomen Iudicis.
8. Ut contineat nomen & cognomen citati.
9. Item locum iudicij.
10. Et diem certum, quo citatus compareat.

S Vppositâ iurisdictione & competentîâ Iudicis, principium instituendi iudicij est Citatio seu in ius vocatio, c. *Quoniam contra inf. De probat. Clement. Pastoralis De re iudicata, Gail. 1. Obseruat. 50.* quæ aded est necessaria quoad absentem, ut nullatenus omitti possit, d. *Clement. Pastoralis.* Nam cum ea ad defensionem spectet, iuris est naturalis: imò, secundum aliquos, iuris diuini, inducta, quando Deus citauit Adamum post peccatum commissum, dicens, *Adam ubi es? Genes. 3.* quos refert Caluolus in *Praxi §. Citatio conclus. 1.* Et ideo, eâ omissâ, iudicium redditur nullum, c. *Ecclesia sup. De constitut.*

Est autem Citatio actus legitimus, quo quis, mandato Iudicis, iuris experiundi causâ in iudicium vocatur. * Et vel Realis est vel Verbalis: illa per manus iniectionem & apprehensionem personæ citandæ; hæc aut priuatim per apparitorem vel litteras, aut publicè per præconem, tubam, campanam, aut edictis propositis, fieri solet, l. 8. *Cod. Quomodo & quando Iudex &c.* de qua plenè Felin. in *can. Quoniam frequenter §. porro inf. Ut lite non contestatâ &c.*

Edictali citationi tunc locus est, quando aliàs quis citari nequit: ut si locus non sit tutus, si non proprij sit territorij, si remotus aut varius, ubi citandus moratur, vel si ipse citandus sit vagabundus, aut impediatur, ne ad se citatio verbalis vel per litteras peruenire possit, Menochius

remedio §. *quasi*. 13. *De recup. possess. nu.* 113. & *seqq.* Si contradictor sit incertus, & citentur omnes in genere, quorum interest: vel si interti sint creditores defuncti, & volens adire hereditatem suspectam, cupiat facere inventarium: vel si agatur de materia diffamationis: si sola sufficiat scientia, quæ per edictum induci potest, aut procedatur non servato iuris ordine, Menochius *d. loco num.* 121. & sic de alijs similibus.

- 4 Rursus Citatio vel est Simplex vel Peremptoria. Simplex est, quæ citatum non antè contumacem constituit, quàm si tertio & iusto intervallo, non minùs scilicet decem dierum, in civilibus facta sit, *l. Tres denuntiationes Cod. Quomodo & quando Index &c. l. Et tertium & seq. D. De iudicijs.*

Peremptoria est, quæ simplices citationes ita perimit, ut in ius vocatum, si præfinita die non comparuerit, contumacem constituat, *d. l. Et tertium & l. Nonnunquam D. De iudicijs.* Et quamvis antea per intervallum ad minùs decem dierum singula edicta peremptoria citationum impetrari deberent, *l. Per intervallum D. & l. Properandum Cod. de iudicijs:* tamen hodie singulis citationum edictis necessarium esse intervallum triginta dierum, constat ex *Auth. Qui semel Cod. Quomodo & quando Index &c.* sic tamen, ut iudex pro qualitate personæ, temporis, loci, alijsque similibus circumstantijs, & edictorum numerum & eorundem intervalla, necessitate postulante, augere & diminuire possit, *d. l. Nonnunquam in fine D. De iudicijs & Consuluit in fine sup. De officio delegati, c. 1. inf. De ferijs.* Vnde & post peremptorium edictum absens ex benignitate Iudicis citari potest, *l. Et post peremptorium D. De iudicijs.*

- 5 Ut autem Citatio sit legitima, plura requiruntur: Primò, vestiat ad instantiam partis, dum agitur inter duos litigantes: maximè citatio ad sententiam, nisi Iudex videret perire instantiam, quia tunc ex officio posset citare, Maranta *6 p. Spec. in verbis, citatio rectè concipiatur n. 115. & seq.*

- 6 Secundò, ut fiat mandato Iudicis competentis, siue Ordinarij siue delegati, aliàs citatum non arceat, *l. Neminem Cod. De exhib. reis. latè Gail. 7. Obser. 48. n. 12. & 50.* licet sit realis, quia & hæc requirit causæ cognitionem, quam nuntius non habet, *Gail. d. loco.* Et ideo regulariter citatio fit per apparitorem, speciale mandatum aut commissionem Iudicis habentem, *d. l. Properandum §. nisi quidem Cod. De iudicijs.* Nisi fortè delinquens in flagranti crimine capiatur, nam tunc lex ipsa licentiam concedit, *Gail. lib. 1. Obser. 54.* aut nisi ob tenuitatem negotij & causæ, aut alium fori usum, generale mandatum, ad quasdam citationes faciendas semel datum, sufficiat: quod & Alciat. probavit, in *Rubr. Cod.*

Cod. Ne in ius vocati &c. obtinetque in plerisque Curijs, in quibus, ex fori usu, non requiritur mandatum seu commissio Iudicis, sed ad simplicem petitionem partis fieri solet citatio, quando scilicet citatio fit in foro citantis.

Tertio, continere debet nomen & cognomen Iudicis, ut citatus 7 cognoscat, an Iudicis competentis iussu citatio sit decreta: nam supra iurisdictionem, vel extra territorium citanti impune non paretur, *l. fin. D. De iurisdic. om. Iud. l. 2. D. Si quis in ius vocatus &c. Alexand. in c. Clement. Pastoralis De sententia & re iudicata. Gail. lib. 1. obseruat. 48. n. 7.* Nisi sit Iudex domicilij, qui subditum suum ubique existentem citare potest, *Gail. d. lib. 2. Obser. 56. in fine.* Cuius ratio est, quia quocumque se transferat, semper manet subditus: cum proprie subditus dicatur ratione domicilij, *c. Licet ratione h. t. & ibi Felinus; Gail. 2. Obser. 35.* quod & incolas facit, *l. Domicilium & ibi Glos. D. Ad municipalem, l. Citas l. Si in patria Cod. De incolis lib. 10.* Quod si dubitet reus, an iussu Iudicis competentis citetur, comparere debet, & incompetentiam allegare, *l. 2. D. Si quis in ius voc. non ierit & ibid. D. D. nisi notorium sit, Iudicem non habere iurisdictionem, Gail. lib. 1. Obseruat. 48. nu. 8.* Et de hac competentia Iudex ipse citans cognoscere potest, an scilicet sit suæ iurisdictionis, an alienæ, *l. 2. §. sed si dubitetur, & l. Si quis ex aliena §. D. De iudicijs. c. 1. c. Cum persona inf. De privilegijs.*

Quarto, continere debet nomen & cognomen eius, qui citatur, 8 *c. 34. & 36. sup. De rescriptis, Gail. d. lib. 1. obseru. 49.* & similiter eius, ad cuius instantiam citatur, *Gail. ibid. Obser. 50.* ut intelligat citatus, citationem non ex officio Iudicis, sed ad petitionem & instantiam citantis esse factam.

Præterea causam, saltem in genere, etiam in criminalibus; præsertim dum ex loco remoto citatur, secundum Abbatem *col. 2. in fine inf. De dilationib.* ut instruatur reus, super quo convenitur, *d. c. Præterea & ibi Glos. & paratus ad respondendum accedat, Gail. d. lib. 1. Obseru. 52.*

Insuper locum iudicij, ut citatus sciat, an Iudex non excedat fines suæ iurisdictionis, citando extra territorium suum; & an locus, ad quem 9 citatur, sit tutus & commodus: nam citatus ad locum non tutum vel incommodum non tenetur comparere, *c. Ex parte inf. De appellat. Clement. Pastoralis De sent. & re iudicata, l. Si locus D. De iudicijs.* & Iudex non admittens exceptionem loci non tui (quæ etsi dilatoria sit, nihilominus etiam post litis contestationem opponi potest, tanquam continens grauamen successuum) infert citato grauamen, à quo licite appellatur, *Gail. d. lib. 1. Obseru. 56.*

10 Præterea continere debet diem certum, ac iustum & opportunum, quo citatus compareat, & commodè ad locum iudicij venire possit, ut sciat reus, an dies sit iuridica: nam diebus feriatis, veluti die festo aut vindemiarum vel messium, nemo ad iudicium venire compellendus est, *c. 1. inf. De ferijs l. 1. D. & l. 2 & 3. & fin. Cod. eod. tit.* nisi quis citatus esset die feriata, ad utilitatem hominum, ex commissione Principis, qui potest talibus ferijs derogare, Caluolus in *Praxi §. Citatio concl. 3. n. 21. & 24.* & exceptis causis alimentorum, carceratorum, pupillorum, viduarum, miserabilium personarum, & ijs, quæ moram non patiuntur, veluti si tempore res peritura sit, vel alia urgeat necessitas, & similibus, quæ possunt expediri diebus feriatis, & in citatione sunt exprimenda, ut citatus teneatur comparere: nam aliàs citatus habet intentionem fundatam, non comparendi die feriata; nisi, ut dictum est, sit citatus ex commissione Principis tali die in utilitatem hominum. Non tamen est necesse, ut contineat horam comparendi, sed debet citatus comparere horam causatum solitam, & tali hora, in qua possit actus expediri ante noctis tenebras: & si apponeretur certa hora, & actus non fieret hora assignata, sed alia, non valeret, ut tradit Maranta *6. p. versic. Rectè citatio concipiatur n. 66.* Si verò nimis brevis dies apponatur, citatio non erit valida, *l. aut qui aliter D. Quod vi aut clam &c. & appellari poterit, Gail. d. lib. 1. Observat. 53.*

§. IV. De executione Citationis.

1. Citatio in personam, vel ad domum fit &c. & quando.
2. Deinde relatio apud acta fieri debet.

1 **C**ommissione citationis nuntio facta, debet is eam exequi: & quidem primò diligenter reum citandum perquirere, ut ei coram citationem inlinquet in faciem. Eo autem non inuento, in subsidium potest denuntiationem procuratori illius, si quem reliquerit, vel ad domum domesticis, aut, si nemo adlit, vicinis eius exponere, relicto ibidem suæ commissionis exemplo, ut ad reum citatio perveniat, *l. 2. in princ. D. De agnosc. liberis, c. Causam 3. inf. De dolo.* Quod si verò citandus plures ædes habeat, executio citationis fiet ad eas ædes, in quibus pro maiori parte anni egit, *arg. Clement. Causam, ibi, in domo, quam &c. De elect.* Si autem æquali tempore in omnibus habitauerit, citabitur, ubi citationis tempore agit.

2 Executione facta, incumbit nuntio facere eius relationem, quæ in acta referri debet, ut de legitimè facta executione appareat. Relationi autem executoris creditur, propter fidem eius electam, & iuramenti religionem,

religionem, quâ Iudici est astrictus. Quamquam, asserenti, se ex mādato Iudicis citasse, non credatur, quia ei solum de suo facto, quale est executio, non etiam de facto alieno, cuiusmodi est commissio Iudicis, creditur. Gail. d. lib. 1. Obser. 54. n. 4.

§. V. De effectu Citationis.

1. Citatum constringit ad comparendum.
2. Perpetuat Iudicis delegati iurisdictionem.
3. Præscriptionem interrumpit.
4. Perpetuat & iudicis ordinarij iurisdictionem.
5. Citatio illegitima per comparitionem validatur.

Quod ad effectū citationis attinet, ea legitimè facta in primis constringit citatum ad comparendum, nisi iustā exceptione se tueatur: veluti quòd Magistratum gerat, quòd sit parens vel patronus, quos sine permissu Prætoris in ius vocare non licet; vel quòd propter loci religionem inde se mouere non possit, quòdue finis ducat, aut iusta defuncto persoluat, vel aliā simili causā, de quibus latius videre licet in l. 1. 2. 3. & seqq. D. De iur. vocando & in l. 2. c. in seqq. D. Si quis caution. in iud. sisten. &c. Aliàs autem, cessante legitimā exceptione, contumacia eius variè punitur, vt postea dicetur.

Secundò, perpetuat Iudicis delegati iurisdictionem, c. 10. & fin. sup. 2
De officio Iud. deleg. Et ideo si quis, postquam citatus est, alterius fori esse cœperit, in ea causā ius reuocandi domum non habebit, l. Si quis posteaquam 7. D. De iudicijs l. penult. D. De iurisdic. om. Iud. c. Proposuisti penult. h. t. c. Gratum 20. sup. De offic. & potest. Iud. deleg.

Tertiò, præscriptionem triginta annorum interrumpit, l. fin. Cod. De 3
annali except. * Facit etiam Iudicis ordinarij iurisdictionem perpe- 4
tuam, respectu illius causæ, cuius intuitu citatio semel legitimè facta fuit, etiam si citatus postmodum alienæ iurisdictionis esse cœperit, d. c. Proposuisti, l. Vbi acceptum D. De iudicijs.

Quia verò effectus & finis præcipuus citationis est, vt reus com- 5
pareat: ideo citatio illegitima, quæ tamen ad notitiam citati peruenit, per comparationem eius convalidatur, & reus comparens ad libellum actoris respondere cogitur: quia præsens regulariter citari non debet, Gail. d. lib. 1. Obseruat. 58. Et hinc fit quòd citatus ad certam causam comparens, secundum communio rem sententiam, debeat respondere in alia causā. Gail. d. lib. 1. Obseruat. 52. n. 7. vbi subiungit, eò spectare, quòd actor regulariter ante litis contestationem libellum & genus actionis mutare possit.

TITVLVS III.

De libelli oblatione.

1. Quid sit Libellus.
2. Eius inspiciendi ac describendi copia reo facienda.
3. Libellus debet esse clarus & certus, non alternatiuus, non obscurus.
4. Libellus alternatiuus quando sustineatur.
5. Libellus duplex, Ciuilis seu Conventionalis & Criminalis; & forma vtriusque.
6. De medio seu causa petendi in libello conuentionali, in actione cum rerum tum personali.
7. Eodem libello posse plures cumulari actiones.
8. Libello exhibito ab actore danda reo est dilatio aliqua.
9. In summario iudicio non est necesse libellum scripto tradi.
10. Vt neque coram arbitratore.
11. 12. An & quatenus libellum mutare & emendare liceat.

R Eo legitimè citato comparente, nec Iudicis, ad quem vocatus est, iurisdictionem declinante, actor libellum (* qui non est aliud, quàm breuis scriptura, claram actoris siue accusatoris intentionem, seu rem, quæ petitur, causam petendi, & nomē actoris ac rei continens) si iudicium sit plenarium, exhibebit seu edet

2 Iudici; * siue coram Ordinario siue coram delegato Iudice, siue coram arbitro agatur, siue ciuilitè siue criminaliter; & quidem scripto, licet olim secus fuerit, l. 1. D. De edendo. Eiusque inspiciendi ac describendi copiam Iudex reo faciet, sumptibus actoris, Glossa in Clement. Quamuis, in V. oblatos De appellat. vt inde reus sciat, ob quam causam in iudicium vocatus sit, & deliberare possit, vtrum cedere, an contendere velit, l. Edita & Auth. Offeratur Cod. eod. can. Offeratur 111. p. 3. & super quo exceptiones suas defensionesque formare ac fundare debeat: adeò vt, Iudice reo petenti huiusmodi copiam denegante, à tali denegatione rectè appelletur, c. Significantibus inf. De appellat. Vt etiam, si contendendum putet, veniat & reus ad agendum instructus, cognita actione, quâ conuenitur; & Iudex inspecto libello dispiciat, quo pacto concipienda sit à se sententia, quippe quæ debeat esse libello conformis, l. Vt fundus D. Communidividundo. Vnde constat, libellum non solum esse introductum in fauorem actoris & rei, sed etiam ipsius Iudicis. Et ideo quoque libellum oportet esse clarum & certum, non alter-

alternatiuum, Gail. 1. Obser. 62. Quamuis non statim libellum obscuro reijcere aut confringere debeat Iudex, si modò ex ijs, quæ postea in iudicium deducuntur, apta possit sumi eius declaratio, l. fin. Cod. De annali except. c. 3. inf. De sent. & re iud. Alioquin si eam declarationem ineptam animaduertit, reum ab instantia iudicij absoluet, & actorem in expensas condemnabit: relictâ interim actori potestate petitionis suæ denuò repetendæ & rectè instituendæ, c. Examina 15. sup. De iudicijs. Aliàs sententia super libello euidenter inepto in causis ordinarijs est nulla, etiam parte non opponente: tantaque est vis istius nullitatis, vt non comprehendatur sub statuto, nullitates expressè tollente, Gail. lib. 1. Obser. 66. Obscurior verò redditur libellus, ratione æquiuocationis, generalitatis, alternatiuæ locutionis, non contractæ infinitaris, Gail. ibid. Procedit tamen libellus generalis & obscurus in causis summarijs, parte non opponente, Alexan. Consil. 32. col. 3. lib. 4. imò etiam, secundum Ias. in d. l. Edita n. 6. parte opponente: secus in ordinarijs. Potest autem libellus obscurus declarari per solum libellantem, non etiam per heredem eius vel procuratorem, nisi is ad hoc speciale habeat mandatum: sicut nec dominus libellum procuratoris sui declarare potest. Crauat. ad Vestrium lib. 5. cap. ult. n. 20.

Sustinetur etiam libellus alternatiuus; primò in actione hypothecaria: vt si dicat actor, Pero illum condemnari ad traditionem rei obligatæ, vel ad soluendum debitum, per textum in l. Si fundus 16. §. in vindicatione. D. De pignor. Gail. lib. 1. Obser. 42. n. 8. Nam in actione hypothecaria possessor potest retinere rem & litis æstimationem offerre creditori, l. Si creditor 2. D. Quibus modis pig. vel hypoth. sol. Videatur Socin. in c. 2. h. t. n. 74. vbi hanc regulam, quòd libellus non debeat esse alternatiuus, limitat nouem modis. Secundò, sustinetur libellus alternatiuus in materia l. 2. Cod. De rescindenda venditione, vbi venditor concludere debet, vt emptor aut quod deest iusto pretio suppleat, aut rem emptam restituat, c. Cum dilecti 3. inf. de empt. & vendit. Gail. d. lib. 1. Obser. 62. Tertiò, quando petitur restitutio aduersus contractum, quia tum actor potest alternatiuè concludere, quòd pronuntietur contractum esse nullum, aut, si quis sit, aduersus eum restituatur, Gail. 1. Obser. 62. n. 7. Quarta, quando petitur restitui res, si existat, aut eius æstimatio, si consumpta sit; quando scilicet incertum est, an res exstet, Gail. d. Obser. 62. n. 5. Myns. Cent. 2. Obser. 52. n. 7. Alioquin si sit certum, rem exstare, ea peti debet, non eius æstimatio, quia hæc solum in subsidium debetur, l. fin. Cod. De deicommiss. libert. Panormit. in c. Grauis inf. De restitut. spehat. n. 22. Gail. d. Obser. 62. n. 6. & 7. Similiter quando incertitudo prouenit ex facto aduersarij, Gail. & Myns. d. loci, per text. in l. 1. §. quia autem D. Quorum legatorum. Hinc, inquit, Ec Gail.

Gail. d. Obser. 62. n. 4. valet huiusmodi libellus, Peto rem iure dominiij vel quasi dominiij; vel, Peto me declarari dominū vel quasi dominum.

- 5 Cum verò duplex sit libellus, nempe Civilis seu Conventionalis, *c. fin. h. t.* qui scilicet in rem civilem, id est in id, quod actoris interest conceptus est; & Criminalis, qui criminis accusationem continet, *can. Nullus 1v. quest. 4.* cuius forma exstat in *l. Libellorum 3. D. De accusat.* In Conventionali exprimendum est, quis, quid, coram quo, quo iure petatur, & à quo: in Criminali verò nomen accusatoris, rei accusatis, Iudicis coram quo, delicti locus, annus, mensis, designari debet; quamvis si dies, qui mensem demonstrat, exprimatur, non aliā mensis expressione sit opus.

- 6 Præterea licet in Conventionali non sit necesse de iure Canonico exprimi conceptis verbis nomen actionis, *c. Dilecti sup. De iudicijs*, sufficiatque, ut ex forma conclusionis certum genus actionis intelligatur, quia ex causa petendi vel medio concludendi qualitas intentatæ actionis colligitur & demonstratur, *c. Litera rita inf. De dilation.* Gail. 1. Obser. 61. n. 2. tamen necesse est, ut medium concludendi seu causā petendi exprimatur, Glossa in *d. c. Dilecti*: siue proxima, qualis in personali actione est obligatio, *l. Licet §. ea obligatio D. De procurat.* in reali dominium, *l. In rem D. De reivindicat.* siue remota, qualis in actione personali est contractus, *l. Consensu, l. Actionum genera §. actionum D. De obligat. & act. §. 1. Institut. De obligat. ex consensu*; in reali factum, ex quo causatur dominium, v. g. quod res sit legata, vendita & tradita. Et quidem in actione personali exprimenda est causā remota, *c. fin. h. t.* v. g. Peto à te decem ex mutuo vel ex deposito, quia ex causā remota præsumitur proxima, scilicet obligatio. Nec sufficit exprimere causā proximam, veluti, Peto decem, ad quā mihi obligaris: quia eadem res ex pluribus causis nobis deberi potest, *l. Et an eadem §. actiones D. De excep. rei iudicata*: & reus non posset ex illa, tanquam incerta & non concludente certum aliquod ius agendi, deliberare, an cedere, an verò contendere debeat, *d. o. fin. h. t.* Gail. d. Obser. 61. n. 5. In reali verò, puta in rei vindicatione, sufficit exprimere causā proximam, v. g. Peto rem, quā mea est ratione dominiij vel quasi dominiij, Gail. lib. 1. Obser. 61. n. 7. quia ex ea sufficienter fit certior reus, an cedere, an contendere velit, Glossa in *c. 2. h. t. & in l. 1. D. De edendo*, quandoquidem duo non possint eiusdem rei dominium in solidum habere, *l. Si ut certum §. si duobus D. Commodati, l. Pomponius §. sed & is D. De procuratorib.* neque eandem rem pluribus ex causis obtinere quis possit, *d. §. actiones, l. 3. §. ex pluribus D. De acquir. possess.* *l. Non ut ex pluribus D. De reg. iuris*, Gail. d. Obser. 61. n. 8. Non prohibetur tamen actor causā dominiij simul libello comprehendere,

hendere, afferendo rem suam esse, quia sibi donata vel legata, vel alio simili titulo acquisita sit, c. 3. *inf. De sent. & re iudicata.*

Potest etiam actor plures actiones suo libello simul cumulare, siue ex diuersis causis ad diuersa contra eundem vel diuersum agat, siue etiam ex eadem causa, & ad idem contra diuersos agat, si modò nihil obster cumulationi, l. *Si idem cum eo D. De iurisd. om. iud. Gail. 1. Obser. 63. n. 1.* Idque fauore dirimendarum licium, c. *Nullus De re iudicata in 6.* ijsque sigillatim à reo respondendum est, & à Iudice totidem, secundum cuiusque actionis naturam, sigillatim proferendæ sunt sententiæ in eodem iudicio: quia tot sunt libelli, quot actiones & facta; & ideo, cum separatorum separata sit ratio, totidem sententiæ requiruntur: potestque Iudex partim definitiuè, partim interlocutoriè pronuntiare, vt v. g. si post conclusionem in causâ, quoad aliquod factum in actis allegatum, desideret adhuc aliquam probationem, potest, rescissâ ex officio conclusionem, & ulteriorem probationem iniungere, & nihilominus quoad reliquas actiones, in quibus nihil desiderat, definitiuè pronuntiare. Non obstante, quòd sententia sit indiuidua, l. *In hoc iudicio D. fam. trasi.* quia id verum est, quando libellus vnum factum continet; secus, quando plura & separabilia facta continet, Gail. d. lib. *Obs. 63.*

Libello verò actoris secundum ordinem iuris exhibito, non statim cogitur reus respondere, sed induciæ ei dandæ sunt, vt deliberet, an contendendum sit, an acceptandus, an recusandus sit Iudex, & vt, si quas habeat exceptiones, proponat. Et quidem de iure communi dilatio viginti dierum conceditur, *Auth. Offeratur Cod. De litis contestatione.* Hanc tamen dilationem ex communi obseruatione frequenter à Iudice coartari videmus, arg. l. 2. *D. De re iudicatâ.*

Dixi in initio, libellum ab actore esse exhibendum Iudici, si plenarium sit iudicium; quia in summario iudicio & breuioribus causis etiam de iure communi non est necesse libellum scripto tradi: sed sufficit actoris petitionem coram Iudice nudis verbis proponi, eamque actis inserti, vt re postea exigente eius copia haberi possit, *Clem. Sepè vers. verum De verb. signif. Bartan d. Auth. Offeratur.* Dubio autem existente, an aliqua causa sit de breuioribus, arbitrabitur Iudex secundum qualitatem personarum: nam inter duos Reges aut valde diuites causa centum aureorum est modica; inter pauperes verò eadem putatur magna, Caluolus in *Praxi §. Libellus conclus. l. n. 5.*

Similiter aliud obtinet, si coram arbitratore agatur, quia coram eo nulla solemnitas iudicij necessariò seruanda est, vt Bart. & alij tradunt in l. *Si societatem. §. arbitrorum. D. Pro socio.* Et licet in iudicio ordinario litigatores inter se pacisci possint, ne sibi inuicem libellum edere cogantur, iuxta l. *Si quis Cod. De palliis:* ne tamen Iudici edatur

(in casibus, in quibus requiritur) nec tacite nec expresse paciscuntur: quia, ut antè dixi, sententia conformis libello à Iudice proferri debet, & quia libellus est introductus favore publico, ut lites clarius procedant, Caluolus d. loco conclus. §. n. 1. & 2.

11 Ceterum hic queri potest, an libellus semel editus mutari vel emendari, & quousque, possit. Pro cuius resolutione præmittendum est, discrimen esse inter mutari & emendari libellum: nam mutatur, quando actio proposita vel causa petendi expressa mutatur, & alia proponitur; vel receditur à re petita, & alia petitur; vel factum narratum mutatur. Emendatur verò libellus, quando vitium seu mendum aliquod vel obscuritas tollitur, saluâ ipsius libelli substantiâ: ita ut nec res petita, nec causa petendi, nec ratio mutetur, l. Si quis intentione D. de iudijs.

22 Potest itaque mutari libellus, tam in civilibus quàm in criminalibus, usque ad litem contestatam, quia nondum est ceptum iudicium: at verò post litem contestatam actor eum mutare non potest, nisi velit uti nouo libello & nouâ instantiâ, recedendo à priori, cum refusione expensarum, iuxta c. Examinata sup. De iudijs; ne quidem si partium accedat consensus: quia per litem contestationem obligatur quis instantiæ, ut ab ea recedere & amplius pænitere non valeat, l. Is qui se obrulit, & ibi Glossa in V. qui discessit D. De rei vindicat. l. Sed etsi suscepit D. De iudijs, l. Nemo Cod. De iurisdic. om. Iudic. Nam sic celebratur quidam quasi contractus, per quem obligatur quis ad id, quod in iudicio petatum est, si per sententiam, quo modo consummatur iste quasi contractus, succumbat. Deinde litem contestatio, & alij actus substantiales iudicij, partium consensu tolli nequeunt, Glossa in c. De causis in V. consensus sup. De officio deleg. Emendare verò libellum licet usque ad sententiam, d. l. Si quis intentione, & tradunt Interpp. plerique ad l. Edita 3, Cod. De edendo. Hinc si actor de summa petita aliquid diminueret vellet, usque ad sententiam audiendus est, arg. l. Quidam D. Si certum petatur: sicut & si errore ductus ab initio minus, quàm sibi debebatur, petierit, potest in eodem iudicio eademque instantia errorem suum corrigere, §. Si minus in 2. de actionibus.

Porrò de libelli oblatione vide plenissimè Speculat. in Tit. de libelli concept. Quomodo autem in singulis actionibus formandas sit libellus, tradit Caluolus d. §. Libellus conclus. 6. & seqq.

TITVLVS QVARTVS.

De Mutuis Petitionibus.

§. I. Quid sint mutuæ Petitiones.

1. Ratio ordinis.
2. Mutua petitio nihil aliud est quàm reconuentio coram eodem iudice facta.
3. Etiam Clericus coram iudice laico reconueniri potest.
4. 5. Remouetur obiectio duplex.

Plerumque viso actoris libello, de cuius oblatione iam dictum est, reus vicissim ab actore aliquid petit, cumque reconuenire solet, præsertim quando compensationi locus non est (ut si debitum ex vtraque parte non sit liquidum, nec intra breuem terminum, arbitrio Iudicis statuendum, liquidari possit, secundum Bald. in l. fin. D. De compensat. si neque liquidatum sit per confessionem rei, Maranta 4. p. Dist. 6. nu. 3. vel si legis prohibitio impediatur compensationem, ut in l. 1. 2. 3. 7. 9. & ult. Cod. De compensat. l. ob negotium 20. D. eod. tit. vel speciei ad speciem desideretur compensatio, l. Si conuenierit 18. D. De pignorat. act. vel denique si ex vna parte debeat species, ex altera quantitas, l. fin. Cod. De compensat.) sequitur propterea hic Tit. De mutuis petitionibus.

Nam mutuæ petitiones nihil aliud sunt, quàm conuentio ex parte actoris, & reconuentio ex parte rei: & mutua petitio idem est, quod reconuentio, quâ scilicet reus, viso libello actoris, vicissim aliud ab eo petit, coram eodem Iudice, & in eodem iudicio: etiamsi aliàs ille Iudex non sit actoris competens. Nec enim permittitur reo, durante iudicio conuentionis, actorem conuenire coram alio Iudice, ne in ipsius calumniosa potestate sit, actorem ad alium Iudicem trahere, & sic eius actionem eludere, & actorem à petitionis suæ prosecutione distrahere, l. Si idem §. sed etsi mutua D. De iurisdic. Auth. Et consequenter Cod. De sent. & interlocut. nisi in ijs casibus, quibus vel ob controuersie naturam & qualitatem repugnantem, v. g. feudi aut rei spiritualis, vel aliud impedimentum, actorem coram eodem Iudice nullo tempore conuenire potest reus. Bart. in Auth. Et consequenter nu. 3. & 9. cum sic non actor ipse, sed natura & genus seu qualitas causæ eundem Iudicem dedignetur.

Non potest autem actor quoad reconventionem, ubi ea locum habere potest, se etiam vllâ incompetentis fori exceptione tueri, quò minus coram eodem Iudice respondere cogatur, l. *Papinianus Cod. De sent. & interlocut. om. indic. l. Qui non cogitur* 22. D. De iudicijs, ubi Vlp. ait, qui non cogitur in aliquo loco agere, si ipse ibi agat, cogetur excipere actiones & ad eundem Iudicem mitti: etiam si Clericus sit, qui coram Iudice laico reum conuenit, ex receptiori D.D. sententia, quia scilicet rationi, ob quam coram laico Clericus conueniri non potest, præualeat, æquitate suadente, cum non debeat quis quem dedignari Iudicem, cuius in agendo arbitrium securus est, d. l. *Cum Papinianus, can. Accusatores* §. *cuius in agendo* 111 q. 8. Et huius respectu Abbas & Felinus materiam reconventionis scribunt esse fauorabilem. Cui accedit, quòd in iudicijs inter litigantes seruanda sit æqualitas, l. *Non tamen* 20. in fine D. *Dere iudicata*, l. vlt. Cod. *De fructibus & litium expensis*: nec personarum ratio haberi debeat, c. *in iudicijs* De R. l. in 6. Neque obstat c. *Si diligenti sup. De foro compet.* quo non licet Clerico nec expressè nec tacitè iurisdictionem laici in se prorogare, & ibi communiter Canonista: quia hoc casu non Clericus ipse prorogat iurisdictionem laici in se, sed ipsa lex prorogat seu potius dat & defert laico iurisdictionem in Clericum, d. l. *Cum Papin.* Et ideo hæc prorogatio est legalis, si ita vocare lubeat: nam cum Iulianus Pont. nusquam vetuerit Clericum coram Iudice laico reconueniri, videtur voluisse hac in parte sequi legem civilem, arg. c. 1. inf. *De noui operis nuntiat.* latè Theoph. Gisebert. *De reconuent. cap. 11. n. 11.* præsertim cum videamus Pontificem delegati Iudicis iurisdictionem ad causam, in delegationis rescripto non expressam, speciali reconventionis fauore prorogasse, & modum procedendi, datum in causa conuentionis, voluisse intelligi repetitum in causa reconuentionis, c. 1. & 2. h. t. Constat autem competentem esse Iudicem alicuius, qui in eum iurisdictionem à lege habet, l. 1. D. *De eo cui mand. est iurisdic.*

Adde quòd, cum Clerico liceat laicum coram Iudice Ecclesiastico reconuenire, æquum sit, ut laico quoque liceat Clericum coram laico reconuenire: in ijs scilicet causis, de quibus laicus cognoscere potest, non etiam in ijs, de quibus cognoscere nequit, ut in causa matrimonij, decimarum, & alijs spiritualibus: item criminalibus, quæ infamant aut capitales sunt, Glossa in c. *At si Clerici in V. tenet.* & ibi latè Panormit. n. 20. & seq. sup. *De iudicijs*, Clarus in *Pract. crimin.* q. 36. n. 6.

Nec obstat, quòd priuilegium Clerici, ne conueniatur coram laico, sit toti ordini Clericorum concessum: nam pariter, quòd Legati legationis tempore conueniri non possint, publicæ utilitatis fauore inductum est, & tamen eos reconueniri posse constat, ex l. 2. §. *sed et si agant*

D. De

D. De iudijs. Indeque sequitur dumtaxat ipsum Clericum non posse prorogare iurisdictionem laici in se, in præiudicium ordinis Clericalis, non autem quòd ipsa lex non possit.

Non obstant quoque illa iura, quæ vetant Clericum à Iudice seculari absolui vel condemnari, sub pœna excommunicationis, c. 1. 2. & d. c. Si diligenti sup. De foro competenti, can. Denique Distinct. 96. qui intelligi possunt de causis merè spiritualibus, vel quoad conventionem, prout in c. Qualiter 17. sup. De iudijs, indicant illa verba, Ne Clerici trahantur à laicis ad iudicium seculare.

§. II. Coram quo Iudice & in quibus causis reconuentio habeat locum.

1. Coram iudice etiam delegato reconuenire licet.
2. Et in causis omnibus non prohibitis.
3. Non in causis criminalibus criminaliter intentatis.
4. Non in causis executiuis.
5. Non in causa appellationis.
6. Aut quarum natura & qualitas repugnat.

Potest reus actorem non solum coram ordinario, sed etiam coram delegato Iudice reconuenire, c. 2. h. t. & ibi Abbas, Maranta 4. p. Distinct. 6. n. 13. Nisi Iudex delegatus datus sit de consensu vtriusque partis; tunc enim non est locus reconuentioni: quia eo casu cessat ratio d. l. Cum Papinianus, cum non à solo actore sit impetratus Iudex, sed & à reo. Ob eandem rationem non potest reus actorem reconuenire coram arbitro compromissario, c. Cum dilectum 6. sup. De arbitrio. latè Maranta d. p. 4. Dist. 6. n. 20. qui etiam de ijs tantum potest cognoscere, quæ expresso litigatorum consensu in compromissum deducta sunt, d. c. Cum dilectum, l. De his D. De arbitrio. Nec item coram Iudice, quem Princeps proprio motu elegit, quia etiam tunc cessat dicta ratio, lason in l. 3. in princ. col. fin. D. Quod quisq. iuris &c.

Habet verò locum reconuentio in omnibus causis, in quibus non reperitur expressè prohibita, nec repugnat causæ qualitas. Et proinde etiam in causis summarijs, Clement. Sapè §. veràm De verb. significat. & quidè indubiè, si vtraque causâ sit summaria: alioquin si vna sit summaria, altera plenaria, procedit reconuentio quoad prorogandum Iudicem, vt constat ex d. Clement. Sapè, quæ indistinctè loquitur; sed non quoad hoc, vt vnâ sententiâ terminentur, Maranta d. Distinct. 6. n. 38. & in quibus casibus habeat locum reconuentio de iure communi, videre licet apud Menoch. De arbitrarijs cent. 2. casu 184. Thoming. Decis. 16. Myns. Cent. 1. Obser. 10.

- 3 Non habet verò locum; Primò in causis criminalibus criminaliter intentatis, nisi reus reconueniendo criminaliter vel maius crimen obijciat, vel prosequatur suam suorumve iniuriam, l. 1. & l. *Neganda* 19. Cod. De his qui accus. non pos. l. Is qui §. & ibi. Gloss. & Bart. D. de publ. iudic. quia non obiectione aut relatione criminis, sed suâ innocentia reus purgatur, d. l. Is qui §. can. *Neganda* & per tot. 111. q. 11. Quinimò reus criminaliter conuentus actorem ne quidem ciuilitè reconuenire potest, vel contrà, l. 2. §. *sed et si agant* D. De iudicijs: nam pendente criminali causâ nulli quæstioni ciuili locus est, l. fin. Cod. De ord. iudic. nisi ciuili disceptationi principaliter mota quæstio incidat criminalis, vel criminali iudicio prius instituto ciuilis causa adiungatur: tunc enim Iudex suâ sententiâ, super principali latâ, vtramque quæstionem dirimet, quia sublato principali accessorium quoque corruit, l. Cum principalis D. De reg. iuris, c. Accessorium eod. tit. in 6. Ciuilitè verò de crimine conuentus potest actorem reconuenire de alio crimine ciuilitè, coram Iudice competenti, id est qui sit Iudex competens reconuenti, Maranta d. *Distinct.* 6. n. 68.
- 4 Secundò, non habet locum in causis executiuis, Bald. in d. *Auth.* Et consequenter, Guttierrez i. *Pract. quæst. ciuil.* q. 112. sicut nec in deposito, l. penult. Cod. Depositi, l. ult. §. 1. in fin. D. De compensat. c. fin. inf. De deposito: quia instrumentum depositi habet executionem paratam. Quod intellige de reconuentione, quæ celerem rei depositæ restitutionem impediat, & pari passu ambulet; eo quòd in deposito fides exuberare debeat.
- 5 Terriò, non habet locum in causa appellationis, l. 1. D. Eum, qui appellauit, in provincia defendi: quia necessitate impellente appellatio communiter interponitur, nempe propter iniuriam, quam appellans putat sibi factam esse, Maranta latè d. *Distinct.* 6. n. 24. vt proinde cesset ibi ratio d. l. Cum Papinianus. Quod intellige de appellatione iudiciali.
- 6 Denique non habet locum in ijs causis, quarum qualitas & natura reconuentioni repugnat, & de quibus Iudex conuentionis cognoscere nequit, vti laicus de spiritualibus. Videatur Gisebert. *Tract. De reconuentione* cap. 24. n. 14.
- Non permittitur etiam aitori reconuento reum reconuenire, ex commanifestentia, ne nimia petitionum coaceruatio Iudicem plus satis grauet, sibi quæ mutuò actor & reus officiant.

§. III. Quando proponi debeat reconuentio.

1. Ante vel post litem contestatam proponendam esse.
2. Etiam ad sententiam vsque.
3. Causa conuentionis & reconuentionis pari passu expedienda, si liqueat pariter.

Proponi debet ante, vel statim post litem contestatā, priusquā iuretur de calumnia, dumodò reus velit causam re cōuentionis cum causa conuentionis simul in eodem iudicio terminari, ne aliās conuentionis causam cum graui dispendio actoris differri contingat. Alioquin reconuentioni locum esse vsque ad sententiam, vel saltem conclusionem in causa, durante iudicio conuentionis, verius est, *arg. c. Dispendia §. reus quoque De rescriptis in 6.* vbi dicitur, posse reum reconuenire actorem, durante eodem iudicio: durat enim vsque ad sententiam seu conclusionem in causa. Deinde in Nouella 96. §. *illud versic. sancimus*, dicitur, non prius reconuentionem moueri posse coram alio Iudice, quā prior lis conuentionis finem acceperit; quod fit per sententiam, l. 1. D. *De re iudicata*. Vnde quod in quibusdam textibus dicitur, statim reconuentionem esse mouendam, vt in d. *Auth. Et consequenter*; vel incontinenti, vt c. 1. h. t. non aliud significatur, quā durante adhuc eodem iudicio, si velit coram eodem Iudice reconuenire: quia coram alio non debet audiri, nisi terminatā lite conuentionis, d. *vers. sancimus in fine*. Vel statim & incontinenti proponi debet, id est ante litem contestatam, vel statim post, vt simul terminetur cum causa conuentionis: alioquin pari passu non ambulabit, nec simultaneus fiet processus, nec per eam retardabitur causa conuentionis, secundum Marantam 4. p. *Distinct. 6. n. 5. vbi alios citat*: vt neque quando vna causa celeritatem desiderat, & imminet periculum animarum, nam prius ea deciditur, de qua prius constabit, c. *Ex conuestione inf. de restitut. spoliar.* sicut &, quando petitio actoris altiores exigit dilationes, debet differri conuentio & reconuentio expediri, & è contra: qua de re fuit Marian. Socin. in cap. *Prudentiam 2. h. t. n. 17.* Quamuis & hoc casu, quo, inquam, pari passu non ambulat reconuentio cum conuentione, non minùs subiiciat actorem alienæ iurisdictioni, quā priori casu, isque coram eodem Iudice, nullā obstante fori præscriptione, ad causam reconuentionis respondere cogatur, d. l. *Cum Papinianus*: adeo vt,

Ff

si respon-

si respondere nolit, Iudex ei audientiam & iurisdictionem in causâ conuentionis denegare debeat, *arg. l. Mutus 43. §. pœna D. De procurat. l. 5. Cod. eod. l. Sed etsi 26. §. & adijcitur D. Ex quibus causis maiores &c.*

3 Propositâ verò reconuentione ante vel statim post litem contestatam, Iudex vtramque causam, conuentionis & reconuentionis, simul expediet: sic tamen, vt prius reus ad libellum actoris respondeat, deinde actor ad libellum rei: super vtraque verò petitione lite contestatâ, vtriusque causæ singulos, vel etiam plures, actus iudiciales, vicissim, eodemque die, si fieri possit, habitâ semper in primis actuum conuentionis ratione, iuxta *l. Qui appellat. 29. D. De iudic. Iudex expediet, c. 1. & 2. versic. cum ea inf. De ord. cognit. iunctâ Clement Sape, versic. nos vsus De verb. signif.* Atque ita, si de vtraque causâ pariter liqueat, vtramque vnâ sententiâ terminabit, *c. 1. h. t. Vnâ sententiâ inquam; quia eodem die & eodem contextu, ac denique vnâ scripturâ proferenda est: sic tamen, vt primò scriptum sit caput conuentionis, & postea reconuentionis, & vnum post aliud immediatè legatur & proferatur. Atque ita, secundum iuris dispositionem, & inspectâ rei veritate, tot erunt seu sunt sententiæ, quot sunt causæ & litis species, l. Etiam §. 2. D. De minoribus, l. Quadam mulier 41. D. fam. eriscunda: ac proinde reuera erunt duæ sententiæ, sicut sunt duæ causæ in idem iudicium, partim rei reconuenientis, partim dirimendarum litium fauore deductæ. Si tamen Iudex, propositâ causâ reconuentionis, super conuentione solâ sententiam proferat, ipso iure valebit, iuxta communem in d. c. 1. & d. Auth. Et consequenter. Eoque nomine appellationem interponendam censet Iurisc. in l. 1. in fine D. De sententijs, quæ sine appellat. rescind.*

Illud denique hîc subiiciendum, actorem, si non velit respondere ad libellum reconuentionis, hanc pati pœnam, vt non teneatur reus ad eius libellum respondere, priusquam offerat respondere libello ipsius rei, *d. c. 1. & 2. h. t. & facit c. fin. in fine inf. De iuramento calumnie.*

TITVLVS V.

De Litis contestatione.

§. I. Quid sit Litis contestatio, & quo pacto inducatur.

1. Iudiciorum tres partes.

2. Iudicium improprie sumptum à citatione incipit.

3. Propria

3. *Proprie verò sumptum à litis contestatione.*
4. *Effectus huius.*
5. 6. 7. *Quid sit Litis contestatio, & quo modo inducatur.*
8. 9. *Quo modo impediatur, per protestationem.*
10. *Per exceptionem peremptoriam.*

T Res vulgò faciunt partes iudicij, latius & improprie sumptis: **1** primam à citatione seu in ius vocatione, usque ad litis contestationem: secundam à litis contestatione usque ad sententiam definitivam exclusivè, in qua negotium principale tractatur ac discutitur: & tertiam à sententia definitiva usque ad executionem illius. Expedit à primâ parte, de secunda videamus: & quidem primò de litis contestatione, quia hæc interea, quæ ad iudicium ordinarium seu plenarium necessariò requiruntur, principale fundamentum & veluti basis est. Nam quæ præcedunt, ut iudicis competentis aditio, citatio, libelli oblatio, & reconventio, non acta iudiciorum, proprie dictorum, sed eorum præparatoria dicuntur & sunt.

Etenim licet iudicium, latius sumptum, à citatione, legitimè factâ, **2** incipiat, quoad quosdam Iuris effectus, ad quos sola citatio sufficit: veluti quoad reddendam rem litigiosam, ita ut eius rei sit prohibita alienatio, *Auth. Litigiosa Cod. de litigiosis*; quoad inducendam litispendentiam, ut nihil innouari possit, *Clement. 2. iuncta Glos. in V. ad hoc, Ut lite pendente &c.* ad inducendam præventionem seu præoccupationem, ubi pluribus Iudicibus competit iurisdictio, ut singulis, & in solidum, *L. Si quis posteaquam 7. D. De iudijs*: nam ab vno illorum citatus, si citatio ad eum pervenerit, dicitur præventus citatione, adeò quòd coram alio Iudice, concurrentem iurisdictionem habente, postea citatus, comparere non teneatur, *d. l. 7. & l. Vbi acceptum 30. iuncta Glos. ibid. D. De iudijs, l. penult. De De iurisdic. om. Iud. c. Proposuisti sup. De foro compet. iuncta Glos. ibid. in V. præventus*: insuper quoad perpetuandam iurisdictionem Iudicis delegati; sic ut morte delegantis, ubi semel emanavit citatio, non exspiret, *c. Super questionum &c. Gratum sup. de off. iud. delegati*: ad interrompendam præscriptionem odiosam longissimi temporis, xxx. scilicet vel xl. annorum, de qua præscriptione in *L. Sicut, l. Omnes, l. Acutissimi Cod. De præscript. 30. vel 40. annorum*, prout hæc latius deducta videre est apud Gail. lib. 1. Obser. 74. à n. 16. licet inquam, iudicium latius sumptum, quoad huiusmodi & similes effectus, à citatione incipiat: * tamen iudicium proprie dictum, **3** secundum communem opinionem, à litis contestatione demùm dicitur incipere, *d. c. Super questionum ubi Glos. in V. litis exordium*, latè Gail. *d. Obser. 74. n. 1.* nec antea dicitur lis esse, nec iudicium inchoatum,

nec actor petere, sed tantum petere velle, *l. Amplius D. Remratam haberi, Gail. d. loco n. 2.* Idque procedit non solum in causa appellationis, *l. fin. §. illud Cod. De temporib. appellat. iuncta. Glos. ibid. in V. exordium, Gail. d. loco n. 3.*

- 4 Hinc ante litis contestationem potest, tam in civilibus quam in criminalibus, mutari libellus, quia iudicium nondum propriè est cœptum, non item post, *l. Non potest 23. D. De iudijs*: etiam partium accedente consensu, quia actus substantiales iudicij, qualis est litis contestatio, cum sit basis & fundamentum iudicij, *§. fin. Institut. De pœna temere litig. c. Quoniam contra inf. De probat. l. De vno quoque D. De re iudicata, Gail. d. loco n. 1.* nequeunt partium consensu tolli. *Glossa in c. De causis V. consensu sup. De off. iud. delegati, Gail. d. loco n. 2.* Similiter ante litis contestationem potest adhuc recusari Iudex, *l. fin. Cod. de recept. Glos. inf. Et quia D. De iuri dict. om. iud. in V. antequam, non etiam post, l. Nemo Cod. De iurisd. om. iud. l. Sed etsi suscepit 52. D. De iudijs.* Similiter contra actorem, sine quo tamen iudicium esse nequit, *c. Forus inf. De verb. signif. opponi potest, quod non habeat personam standi in iudicio: ut & aliæ exceptiones fori declinatoriæ, l. Inter litigantes 60. D. De iudic. Glos. in c. Gratum in V. quasi, sup. De off. deleg. non item post litem contestatam, quia ijs censetur renuntiatum per litis contestationem, & cœptum iudicium.*

Item ante litis contestationem potest procurator, quasi re integrâ, etiam sine causa reuocari; nec potest alium sibi substituere, quia non est factus litis dominus, cum lis nondum cœpta sit, *l. Si procuratorem §. si quis mandaverit D. mandati*: nisi sit in rem suam constitutus, vel potestatem substituendi à domino habeat: non autem post litem contestatam, *c. 2. de procurat. in 6. l. procurat. Cod. eod. l. filiusfam l. post litem cum seq. D. eod.* quia iam factus est litis dominus, ac proinde & alium sibi substituere potest: & quia per litis contestationem iudicium incipit, ideo post eam non potest amplius Iudex recusari, *l. Nemo Cod. de iuri dict. om. iud.* Et hinc etiam exceptiones peremptoriæ, si altior rem requirant indaginem, post litem contestatam proponendæ sunt, quia respiciunt merita causæ, quæ ante litis contestationem disputari non possunt, *cap. 1 hoc tit. in 6. exceptis casibus relatis à Philippo Franco in d. c. 1. n. 18. & seq.* Videantur hæc latius deducta apud *Gail. d. loco.*

- 5 Est autem litis contestatio rei ad actoris, vel è contrâ, actoris ad rei petitionem principalem, negando vel affirmando seu confitendo, coram Iudice purè facta responsio, animo contestandi litem, *c. unico h. t.*

- 6 Dico, coram Iudice: nam si reus ante petitionem actoris, in iudicio

dicio factam, debitum v. g. confiteatur, non inducitur per hoc litis contestatio: ac proinde nec definitiva Iudicis sententia, sed solum soluendi præceptum subsequi debet, *l. Si debitori D. De iudicijs*. Similiter nec per responsionem rei ad positiones actoris fit litis contestatio, *d. c. vnico, c. Vndem §. partibus sup. De elect. Bart. in l. vnica n. 13. Cod. h. t.* nam qui ponit, non per hoc ostendit, se agere velle, vt latè ostendit Glossa in *d. c. vnico*. Nec etiam quæ ponit actor, semper petit: imò multa sæpè ponit, quæ tamen postea non petit per sententiam Iudicis sibi adiudicari; & aliud est ponere, aliud petere.

Eodem modo non inducitur litis contestatio per nudam narrationem facti, & secutam responsionem: quia, vt antè dixi, litis contestatio fit solum per petitionis in iure propositionem, responsionemque, siue statim, siue ex intervallo, *arg. Auth. Offeratur Cod. h. t.* siue affirmatiuè, siue negatiuè, *Glossa in d. c. vnico*; siue veritatis, siue credulitatis (vt si dicat reus, *Non credo narrata esse vera*), verbis conceptam, *Bart. in l. vnica Cod. h. t.* animo contestandi litem: non quasi necesse sit, reum expressè dicere, se respondere animo litem contestandi, quia semper ita respondere creditur & præsumitur, nisi expressè contrarium protestetur. *Rota Decis. 12. incip. Si pars in antiquis.*

Quin etiam, si protestetur, quod litem super libello exhibito contestari nolit, & postea simpliciter respondeat ad libellum negatiuè, nihilominus per hoc censetur contestata lis, *d. c. vnico. h. t.* *Ferrariensis in forma declinatoria iudicij n. 4.* Ratio est, quia protestatio actus contraria tollit protestationis effectum, *c. Cum M. Ferrar. sup. De confitut. & ibidem Felin. & communiter Canonista, Gail. l. Obsequ. 73. num. 6.*

Impedit tamen litis contestationem protestatio de non contestando, per reum responsioni suæ subiecta, vt tradunt DD. in *l. vnica Cod. & in c. vnico h. t.* Si tamen in hac protestatione fallaciter perseueret reus, poterit eius contumacia per remedia Iuris coerceri, & ad contestandam litem cogi: veluti actori petenti missionem in bonorum possessionem decernendo ex primo vel secundo decreto: nam ex primo decreto nudam rei detentionem custodiæ causâ & pignoris vice actor consequitur, nec fructus lucratur; ex secundo verò verus possessor efficitur, vt postea dicemus. Quamquam si per huiusmodi compulsionem reus se se grauatum sentiat, appellare possit. *Panormit. in d. c. vnico.*

Sed nec litis fit contestatio, si peremptoria exceptio contra intentionem actoris à reo obijciatur, *Maranta 6. p. h. t. n. 6. vbi alios citat*: quia non negat debitum v. g. qui se tutum exceptione asserit: nec talis exceptio impedit, quo minus litis contestatio fieri debeat, nisi fit exceptio

litis finitæ, veluti rei iudicatæ, transactionis, iurisiurandi, quæ ante litis contestationem cognosci debet, c. 1. h. t. in 6.

Dixeriam, purè, id est sine conditione : quia litis contestatio est actus legitimus, qui neque diem neque conditionem recipit, l. Actus legitimi 77. D. De reg. iuru, Myns. Cent. 3. Obser. 74.

II Fieri verò potest litis contestatio, ut colligitur ex dictis, non solum per simplicem negationem, ut quando reus in iudicio negat simpliciter narrata per actorem, l. unica & ibi Glos. Cod. h. t. sed & per confessionem, Felin. in d. c. unico; & per verbum dubitativum credulitatis: ut si dicat reus, *Non credo narrata esse vera*, aut *vera esse ignoro* : uti communiter fieri solet, quando fit per procuratores vel hæredes, & alios, qui iustam ignorantiam prætendunt in facto alieno, l. Quamquam 7. D. ad Velleianum. Sic enim inducitur, si dicat reus, *Tu mentiris*, uti ex Baldo tradit Maranta 6. p. h. t. n. 4. Alex. in l. Turpia col. 2. De legat. 4. nisi talia verba prolata fuerint calore iracundiz, Abbas in d. c. unico n. 28. h. t. Caluol. in Praxi §. Litis contestatio Conclus. 1. n. 9. Et rursus fit non solum per principales partes, sed etiam per eandem procuratores vel advocatos, modò eorum ad petitiones actoris responsio non fuerit ab ipsis principalibus partibus reuocata, c. Cum causam inf. De appellat.

§. II. De effectu Litis contestationis.

1. Rem reddit litigiosam.
2. Excludit reum ab exceptionibus dilatorijs.
3. Inducit quasi contractum inter partes.
4. Interrumpit præscriptionem.
5. 9. Actiones & iurisdictionem iudicis perpetuat.
6. Actiones pœnales facit descendere ad hæredes &c.

1 **E**ffectus Litis contestationis sunt varij. Nam primò rem deductam in iudicium, tam reali quàm personali actione, reddit litigiosam, ita ut amplius alienari non possit, Authent. Litigiosa Cod. De iudijs.

2 Secundò, excludit reum ab exceptionibus dilatorijs, quia per eam fingitur reus illis renuntiare, l. Pomponius 40. §. rati habitationis D. De procurat. l. Exceptionem Cod. De probat. c. Inter monasterium inf. De sent. & re iudicata: nisi de ijs antè fuerit interiecta protestatio, aut iudicio accepto ex nova causà emerferint, vel nouissimè ad noticiam rei perueniatur: de quibus postea dicendum erit ad Tit. de exceptionibus.

3 Terriò, à die litis contestatæ currit instantia, de què insistendo eadem inter litigatores inducit quasi contractum, l. 3. §. idem scribit D. De pe-

De peculio, Glossa in l. 2. §. fin. D. De Prætor. stipulat. ita ut actor post litem contestatam recedere à lite non possit, licet antè possit, l. Si seruus summus, vbi Bald. D. De noxalib. act. Glossa in l. penult. D. De transact.

Quartò, interrumpit præscriptionem, à reo inchoatam, D. D. in l. 4. Contractibus §. 1. & fin. Cod. de non numerata pecunia.

Quintò, actiones, morte perituras, perpetuat, & ad quadraginta annos extendit, l. 1. §. 1. in fine Cod. De annali except. l. fin. Cod. De præscript. 30. vel 40. annorum; modò scilicet lis fuerit contestata coram Iudice competente, Guido Papa Sing. 578. n. 2.

Sextò, facit, ut actiones pœnales, ex delictis vel quasi delictis descendentes, ad reorum hæredes in solidum transeant, §. 1. in fine Institut. De perpet. & tempor. act. quæ alioquin, ex iuris ciuilibus dispositione, non nisi quatenus ad eos peruenisset, competenterent, l. unica Cod. Ex delictis defunctorum &c. in fine Licet de Iure Pontificio, etiam lite non contestatâ, in solidum hæredes conueniri possint, ut auium defuncti consulatur, c. fin. inf. De sepult. c. Tua nos inf. De usuris. Atque ita litis contestatio circa id, quod interest, damna, sumptus, fructus, reliquasque accessiones, lite prudente emergentes, Iudicis officium parit, l. Aediles §. ceterum D. de Aedilitio edicto; & ab eius tempore in actionibus stricti iuris veniam fructus, l. Videamus 38. §. Si actionem D. De usuris, l. Si filiusfam. 78. §. ult. D. De verb. obligat.

Septimò, ex bonæ fidei possessore efficit malæ fidei, l. Certum 22. & l. Morem 26. Cod. De rei vindicat. Menoch. lib. 2. præsumpt. 31.

Octauò, facit, quod tutor possit constituere procuratorem, l. Neque Cod. De procurat. & procuratoris mandatum confirmat, procuratoremque facit liti dominum; adeò ut à principali reuocari nequeat & alium ipse sibi constituere possit, Myns. Cent. 1. Obser. 42.

Nonò, iurisdictionem Iudicis perpetuat. & quandoque ampliat ac prorogat; adeò ut Iudicem aliàs incompetentem faciat competentem: quod tamen in Clerico non obtinet, ne quidem in actione reali, respectu Iudicis sæcularis.

Decimò, facit, ut ad sententiam definitiuam procedi possit de iure communi, ad quam sine ea procedi non potest, ut in c. Si vera etiam, in Arch. De exhibendis rebus nouella 53. Maranta d. loco n. 15. D. D. in c. Quoniam frequenter inf. sit. prox. Ut lite non contestata &c. Denique alios multos operatur effectus, de quibus videatur Specul. De liti contestat. §. penult. & fin.

TITVLVS VI.

Vt lite non contestata non procedatur ad testium receptionem vel ad sententiam definitiuam.

1. Ratio ordinis.
2. Testes ante litis contestationem recipi regulariter non possunt.
3. Contumax quis dicatur.
4. 5. 6. Casus speciales, quibus recipi possunt testes.

Diximus præcedenti Tit. Litis contestationem esse fundamentum ac principium, & velut angularem lapidem, vt Bald. ait in c. vnico b. t. iudicij ordinarij seu plenarij, l. 1. cum Authent. Offeratur Cod. eod. tit. l. 2. Cod. De iureiur. propter calum. c. Ex parte inf. De verb. significat. atque etiam iuris publici: ita vt neque auctoritate Iudicis neque consensu partium intermitti possit, Rota Decis. 4. De litis contestat. in nouis; neque ante litis contestationem causa principalis dicatur in iudicium deducta, c. Accedens §. cum igitur b. t. Vt vel hinc quoque appareat, recto ordine subiungi hunc Tit. Vt lite non contestata non procedatur ad testium receptionem vel ad sententiam definitiuam: præsertim cum ex eo, quod ante litis contestationem causa nondum sit in iudicium deducta, nihilque peritum, nihil etiam sit, super quo testes recipi possint, aut super quo Iudex sententiam ferre queat, & ideo si eam tulerit, sit ipso iure nulla, d. c. Accedens §. cum igitur & c. vnico tit. præced. c. De causis iuncta Glof. in V. consensu sup. De officio deleg.

2. Quid ergo, inquires, si reus, ter legitime vel semel peremptorie citatus, comparere nolit in iudicio, sicque litis contestationem proteruè impediatur? nihilominus non poterunt testes recipi ad probandam actoris intentionem, c. 1. 2. 3. & 4. b. t. sed eo casu reus habebitur contumax (* est enim contumax, vt ait Iurisc. ind. Contumacia §. contumax D. De re iudicata, qui tribus edictis propositis, vel vno pro tribus, quod vulgò peremptorium appellatur, litteris euocatus, sui præsentiam facere contemnit) & propter hanc rei contumaciam actor mittitur in possessionem bonorum, vt si reus, videns aduersarium suum in possessione rerum suarum, tandem tædio affectus veniat responsurus. Quid autem actor consequatur ex hac missione in bonorum possessionem, postea dicetur. Quod si verò reus nulla bona habeat, in quorum

quorum possessionem actor mitti possit, vel causa sit talis, in qua hæc missio locum non habeat, poterit reus contumax excommunicari: veluti si inter coniuges propter adulterium agatur ad separationem thori, *c. 1. in fine & c. Tuae fraternitatis h. t.*

Dictum fuit, ad sententiam definitivam; quia ad interlocutoriam rectè proceditur, etiam lite non contestatâ, Abbas in Rubr. huius sit.

Sunt tamen speciales aliquot casus, quibus absque litis contestatione possunt testes recipi, qui notantur à Glossa in *c. Quoniam frequenter* §. porro in *V. regulariter h. t.* veluti si moueatur quæstio, an matrimonium siue spirituale (quale est inter Prælatum & Ecclesiam) siue carnale subsistat, & reus non compareat, sed sit contumax, possunt recipi testes, & ad sententiam definitivam procedi potest: idque ne propter moram Ecclesia detrimentum patiatur, vel in matrimonio carnali viro aut mulieri fornicationis occasio præbeatur, *d. §. porro*. Quod tamen accipiendum est, si reus non sit absens à provincia, vel non ignoretur, ubi sit, *d. §. porro vers. si verò aliter*.

Secundò, possunt testes recipi ante litem contestatam, quando agitur per viam inquisitionis, *d. c. Quoniam §. sunt & alij*.

Tertiò, si (prout latissimè deducit Socin. in *d. c. Quoniam frequenter* n. 9.) actor timeat, ne fortè inter litis contestandæ moras, testes, quibus causa probari potest, moriantur, quia senes sint (in quo iudicando etiam DD. variant, tamen communiter iudicium illud Iudicis arbitrio relinqui placuit) aut valetudinarij, vel diu sint absfuturi (mors enim & longa absentia æquiparantur, per text. in *c. Presentata & ibid. Felin. n. 2. inf. De testibus, text. & DD. in c. 2. De procurat. in 6. & in d. c. Quoniam frequenter* (vel ad bellum campestre profecturi, aut mare transfretaturi, vel si timeat actor, ne testes propter moram variant fidem, quòd la: ilis sit hominum memoria, potest hanc receptionem testium ante litem contestatam obtinere, ubi ciuilitè agitur: idque ad perpetuam rei memoriam, ne veritas occultetur, & probationis copia fortuitis casibus subtrahatur, & quidem siue reus sit contumax, siue absens absque malitia vel etiam malitiosè latitet, vt conueniri non possit: dummodò testibus eo modo receptis actor ab initio intra annum utilem (id est qui non currit nisi à tempore, quo potuit agere vel denuntiare, Glossa in *d. c. Quoniam frequenter* in *V. intra annum & Abbas ibid. Socin. ibid. n. 11.*) actionem instituat, aut saltem receptionem huiusmodi reo denuntiet: nam aliàs attestations receptæ nullius essent momenti, *c. fin. in princ. & d. c. Quoniam §. sed etsi actor, iunctâ* *Glos ibid. & Panormit n. 7. Socin. n. 11* quia præsumeretur præsumptione iuris & de iure in fraudem distulisse, per text. in *d. c. Quoniam frequenter & Glos. ibid. in V. in fraudem, Alciat. Tract. De præsumpt. in princ.*

§. 2. n. 15. vt hac prorogatione temporis auferret reo legitimas exceptiones, quas habet contra testes.

Dixi, actorem posse hanc receptionem testium ante litem contestatam obtinere, ex prædictis causis, quas in supplicatione pro commissione receptionis testium ad perpetuam rei memoriam coniunctim aut sigillatim exprimere debet, vnâ cum articulis, super quibus vult testes recipi, cum eorundem designatione, vt cognoscat Iudex, an ob aliquod istorum periculum sit in mora, & an articuli sint tales, vt ad probandum admitti debeant, Gail. 1. *Obfer.* 92. n. 3. quia cum non sit in rei potestate, quando conueniatur, l. *Purè §. fin. D. De doli mali except.* meritò potest is testes suos quandocumque vult producere, & petere eorum receptionem, c. *Significauit inf. De testibus, l. fin. Cod. De usuris pupillaribus l. 3. §. dua D. De Carbonario edicto*, Gail. d. *Obfer.* 92. n. 3.

Dixi etiam, vbi ciuilitè agitur; quia huiusmodi testium receptio ex parte accusatoris non habet locum in criminalibus causis, dum criminaliter agitur, parte alterâ absente, etiam si de eorum morte vel diuturna absentia timeatur, vt tenent communiter DD. in l. *absente Cod. De accusat.* Gail. d. *Obfer.* 92. n. 13. & alij, quoscitat: quia in illis causis probationes debent esse liquidæ & strictissimæ, nec ampliuntur, l. *vlr. Cod. De probat. can. Epiphanius V. q. 6.* & in executionibus pœnarum cessat fauor, l. *Auxilium in princ. D. De minoribus, & Glos. ibid. in V. pœnarum*; cum agatur de grauissimo præiudicio, & satius sit nocentem absolvere, quàm innocentem condemnare, l. *Absentem D. De pœnis* Dixi, dum criminaliter agitur, quia secus dicendum, quando ciuilitè agitur, cum non agatur tunc de tanto præiudicio, & à pari communiter procedant, merè ciuilitè agere, & de crimine ciuilitè agere, vt in l. *fin. D. De priuatis delictis & in c. Tue sup. De procurat. vbi latè Abbas & DD. Socin. in d. c. Quoniam frequenter n. 9. sub finem.*

Dixi, ex parte accusatoris; quia reo licet curare examinari testes ad perpetuam rei memoriam, fauore innocentie, nempe quòd tempore delicti absens vel minor fuerit, vel delictum tale sit, quod pœnam non mereatur, Gail. d. *Obfer.* 92. n. 15. subiungens *Obfer. seq.* quòd ad obtinendam commissionem ad perpetuam rei memoriam Iudex causæ principalis adiri debeat, siue petatur à reo, siue ab actore; & *Obfer.* 94. quòd pars aduersa, contra quam testes producuntur, regulariter citari debeat, ad videndum testes iurare, & dandum interrogatoria, si periculum non sit in mora. Quod addo, quia vbicumque periculum est in mora, receditur à iuris communis regulis, l. *De pupillo §. si quis rimos D. De noui operis nuntiat.* Gail. d. *Obfer.* 93. n. 3. vbi alios citat: aded vt receptio testium, coram incompetente Iudice facta, etiam parte alterâ non citatâ, valeat, si hoc præcens necessitas, v.g. periculum mortis testis

is testis exigat, vt docet Gail. *ibid.* n. 4. *per text. in l. fin. Cod. de testibus, citans Bart. & alios.* Idem dicendum, si periculum non sit in mora, sed aliud periculum sublit, vt si citandus sit tyrannus, quem pars non audeat conuenire, nec ei etiam testium receptionem denuntiare, Soc. *in d. loco n. 11.* Et quamuis, cessante periculo, videatur sufficere, quod ei fiat denuntiatio, *arg. d. c. Quoniam frequenter §. sed etsi actor:* tamen expedit citationem fieri ex parte actoris, ad hoc, vt non teneatur eo casu intra annum agere. Vide Innoc. *in c. Significauerunt inf. De testibus.*

Quod etiam dixi, reum, quandocumque vult, posse curare examinari testes ad perpetuam rei memoriam, non obtinet, quando exceptio illi competit per modum actionis, vt in exceptione de non numerata pecunia, quia cum tunc sit in eius potestate, eam opponere, etiam intra annum agere debet, sicut actor, *Aush. hanc autem querelam Cod. De non numerata pecunia.*

Cæterum longè plures sunt alij casus, in quibus absque litis contestatione ad testium receptionem & sententiam definitiuam deueniri potest: & quidem Marianus Socin. *in d. c. Quoniam frequenter numerat 82.* & videre eos licet apud Caluolum *in Praxi §. Litis contestatio conclus. 2.*

TITVLVS VII.

De iuramento calumniæ.

§. I. Quodnam sit hoc iuramentum, & quid continere debeat.

1. *Necessitas huius iuramenti.*
2. *Calumniari, Calumnia & Calumniator quid sit.*
3. *Inscriptio huius Tituli.*
4. *Capita iuramenti de calumnia.*

FACTA coram Iudice litis contestatione, aut etiam lite non contestata, ijs casibus, quibus litis contestatio non est necessaria, non aliter actori ac reo suis allegationibus uti permittitur, quam suo ordine, prius actor, deinde reus, iuramentum calumniæ, tactis sacrosanctis Euangelijs, præstiterit *c. penult. h. t. c. 2. §. 1. eod. in 6. l. 2. C. eod. Abbas in c. Cum causam n. 5. h. t. Specul. tit. De iuram. calum. §. 1. in princ. & n. 3. Alex. in l. Cum Iudices n. 1. Cod. De iureiurando propter calumniam: de quo proinde sequitur.*

1 Estque adeò necessarium hoc iuramentum, ut si ab alterutra parte exactum & omissum fuerit, eius ommissio vitiet processum, & sententiam latam reddat nullam, l. 2. §. *sed quia* Cod. eod. Bartol. in l. *Cum iudices* §. *sed quia veremur* n. 3. Cod. d. tit. Alexand. in l. *Qui bona* §. *si alieno* n. 14. D. *De damno infecto*. Idque de iure obtinet, licet à fisco exigatur: quia cum hoc iuramentum calumniæ nusquam à lege fisco nominatim remissum reperitur, illud etiam præstare debet, quandoquidem fiscus non nisi in casibus à iure expressis privilegiatus sit, & in non expressis iuris communis dispositioni subiaceat, l. n. Cod. *De usuris fiscalibus*, lib. 10. Dico, de iure; quia de consuetudine id non servari in fisco testari DD. refert Gail. 1. *Obfer.* 90. quia talibus iuramentis non debeat gravari fiscus, tum propter maiestatem mandantis; tum quia calumniari non præsumitur, quem necessitas officij excusat, & personæ qualitas præsumptionem calumniæ excludit. Etsi autem expresso partium consensu hoc iuramentum, tanquam introductum in bonum publicum, ne veritas occultetur, l. 2. §. *sed quia veremur* Cod. eod. & ad coercendos litigatores à malitiosa litiū intentione, remitti nequeat arg. c. *Si diligenti sup. de foro compet.* l. *si unus* §. *illud nulla ff. de pactis*, latè Caluolus in *Praxi* §. *Iuramentum calumniæ, conclus.* 1. n. 14. tamen tacitè remitti potest, c. 1. h. t. in 6.

2 Calumniari in criminalibus est falsa crimina intentare, l. 1. in princ. D. *ad Turpil.* in civilibus verò est per meras frustrationes negotium differre, vel per fraudem alios litibus vexare. Vnde Calumnia propriè est alicuius in litibus per fraudem & frustrationem vexatio; & Calumniatores inde appellati sunt, qui per fraudes & frustrationes alios litibus vexant, l. *Si calumniatur* D. *De verb. significat.* Aliàs Calumniator dicitur, qui ut calumniæ causâ negotium alicui faceret, vel non faceret, pecuniam accepit, ut in Tit. D. *De calumniatoribus*: ubi Prætor in eum intra annum in quadruplum eius pecuniæ, quam accepit, post annum simpli in factum actionem pollicetur. Vide Wesenb. *ad eum tit.*

3 Inscríbitor autem hic Tit. *De iuramento calumniæ*, scilicet vitandæ, ut explicat Abbas in *Rubr. h. t.* sicut & explicatur illud, quod ex Paulo habetur in *can. Nerui Distinct.* 13. propter fornicationem unusquisq; uxorem suam habeat; propter fornicationem, scilicet vitandam.

4 Cæterum hoc iuramentum, utrinque lite contestatâ mox præstandum, plura capita continet. Nam primò actor iurat se nō calumniandi animo litem intentare, sed existimare se iustam causam habere & fovere: reus verò iurat, quòd, putans bonâ instantiâ vri, ad reluctandum & contradicendum venerit, l. 2. iunctâ *Auth. In isto sacramento* Cod. eod. Nec enim hoc iuramentum est de scientia, sed de credulitate; & ideo nullus potest conqueri, quòd ad illud compellatur. Secundò, uterque

utroque iurare debet, ex consuetudine magis, quàm iuris communis dispositione, quòd interrogatus non negabit, quòd verum esse credit, quòdque sciens & prudens falsà probatione non utetur. Tertio, quòd nullam in tota lite superfluam, & quam non existimauerit necessariam, probationem ab aduersario suo exiget, *d. Auth. In isto Cod. eod.* Quarto, quòd dilationem non petet in fraudem, ad protelationem causæ. Quinto, quòd nihil penitus patrocinij causâ iudicibus, vel alijs quibuscumq; personis, pro causâ dederit promiseritue, aut daturus sit, vel per se vel per alios, præterquam aduocatis honoraria, cæterisque personis, quibus à iure dari permittitur, *Auth. Principales Cod. eod. iunct. l. Plebiscito D. De off. Præsidis* Hinc illi versus vulgares, relati à Glossa in c. 1. h. t.

Illud iuretur, quòd lis sibi iusta videretur:

Et si quaeretur verum, non inficietur:

Nil promittetur, nec falsa probatio detur:

Ut lis tardetur, dilatio nulla petetur.

§. II. A quibus præstari debeat iuramentum calumniæ, vel non.

1. Præstari debet à principalibus personis, etiam Ecclesiasticis.
1. Nisi per procuratorem malint agere.
3. Item à tutoribus, curatoribus, & similibus.
4. Item ab aduocatis de iure communi.

Regulariter præstari debet ordine prædicto per ipsas principales personas, etiam Ecclesiasticas, & in principali dignitate constitutas, si ipsæ personaliter suam propriam causam agere velint; non quidem tactis, vt alij, Euangelij, sed propositis duntaxat, *c. fin. in princ. h. t.* Alioquin si causam Ecclesiæ suæ agant, non possunt compelli ad hoc iuramentum, sed illud alijs defensoribus delegare debent, *d. c. 1. h. t.*

Quòd si personæ Ecclesiasticæ non per se, sed per procuratorem int causam agere, tunc possunt non minùs quàm laici hoc iuramentum per procuratorem præstare, dummodò id ei specialiter dederint, *d. c. penult. h. t. c. fin. eod. in 6.* nisi Iudex, inspectâ contrariæ qualitate & personarum principalium conditione, ipsis potius, nearum procuratoribus, etiam speciale mandatum habentibus, iuramentum deferre maluerit: nam eo casu ipsæ principales per illud subire cogentur, *c. Inpertractandu h. t.* Sed et si principales

Auth. de iur. iur. l. 1. c. 1. h. t.

nec actor petere, sed tantum petere velle, *l. Amplius D. Rem ratam haberi*, Gail. d. loco. n. 2. Idque procedit non solum in causa appellationis, *l. fin. §. illud Cod. De temporib. appellat. iuncta Glöf. ibid. in V. exordium*, Gail. d. loco n. 3.

- 4 Hinc ante litis contestationem potest, tam in ciuilibus quam in criminalibus, mutari libellus, quia iudicium nondum propriè est coëptum; non item post, *l. Non potest 23. D. De iudijs*; etiam partium accedente consensu, quia actus substantiales iudicij, qualis est litis contestatio, cum sit basis & fundamentum iudicij, §. *fin. Institut. De pœna temere litig. c. Quoniam contra inf. De probat. l. De vno quoque D. De re iudicata*, Gail. d. loco n. 1. nequeunt partium consensu tolli. Glössa in *c. De causis V. consensu sup. De off. iud. delegati*, Gail. d. loco n. 9. Similiter ante litis contestationem potest adhuc recusari Iudex, *l. fin. Cod. de recept. Glöf. in l. Et quia D. De iurisd. om. iud. in V. antequam*, non etiam post, *l. Nemo Cod. De iurisd. om. iud. l. Sed etsi suscepit 52. D. De iudijs*. Similiter contra actorem, sine quo tamen iudicium esse nequit, *c. Forus inf. De verb. signif. opponi potest*, quod non habeat personam standi in iudicio: vt & aliæ exceptiones fori declinatoriæ, *l. Inter litigantes 60. D. De iudic. Glöf. in c. Gratium in V. quasi, sup. De off. deleg. non item post litem contestatam*, quia ipsi censetur renuntiatum per litis contestationem, & coëptum iudicium.

Item ante litis contestationem potest procurator, quasi re integrâ, etiam sine causa reuocari; nec potest alium sibi substituere, quia non est factus litis dominus, cum lis nondum coëpta sit, *l. Si procuratorem §. si quis mandauerit D. mandati*; nisi sit in rem suam constitutus, vel potestatem substituendi à domino habeat: non autem post litem contestatam, *c. 2. de procurat. in 6. l. procurat. Cod. eod. l. filiusfam l. post litem cum seq. D. eod.* quia iam factus est litis dominus, ac proinde & alium sibi substituere potest: & quia per litis contestationem iudicium incipit, ideo post eam non potest amplius Iudex recusari, *l. Nemo Cod. de iurisd. om. iud.* Et hinc etiam exceptiones peremptoriæ, si altiorum requirant indaginem, post litem contestatam proponendæ sunt, quia respiciunt merita causæ, quæ ante litis contestationem disputari non possunt, *cap. 1 hoc tit. in 6. exceptis casibus relatis à Philippo Franco in d. c. 1. n. 18. & seq.* Videantur hæc latius deducta apud Gail. d. loco.

- 5 Est autem litis contestatio rei ad actoris, vel è contrâ, actoris ad rei petitionem principalem, negando vel affirmando seu confitendo, coram Iudice purè facta responsio, animo contestandi litem, *c. vnico h. t.*
- 6 Dico, coram Iudice: nam si reus ante petitionem actoris, in iudicio

dicio factam, debitum v. g. confiscatur, non inducitur per hoc litis contestatio: ac proinde nec definitiva Iudicis sententia, sed solum soluendi præceptum subsequi debet, *l. Si debitori D. De iudicijs*. Similiter nec per responsionem rei ad positiones actoris fit litis contestatio, *d. c. vnico, c. Dudum §. partibus sup. De elect. Bart. in l. vnica n. 13. Cod. h. t.* nam qui ponit, non per hoc ostendit, se agere velle, vt latè ostendit Glossa in *d. c. vnico*. Nec etiam quæ ponit actor, semper petit: imò multa sæpè ponit, quæ tamen postea non petit per sententiam Iudicis sibi adiudicari; & aliud est pōnere, aliud petere.

Eodem modo non inducitur litis contestatio per nudam narrationem facti, & secutam responsionem: quia, vt antè dixi, litis contestatio fit solum per petitionis in iure propositionem, responsionemque, siue statim, siue ex intervallo, *arg. Anth. Offeratur Cod. b. tit. siue affirmatiuè, siue negatiuè, Glossa in d. c. vnico; siue veritatis, siue credulitatis* (vt si dicat reus, *Non credo narrata esse vera*), verbis conceptam, *Bart. in l. vnica Cod. b. 2. animo contestandi litem*: non quasi necesse sit, reum expressè dicere, se respondere animo litem contestandi, quia semper ita respondere creditur & præsumitur, nisi expressè contrarium protestetur. *Rota Decis. 12. incip. Si pars in antiquis.*

Quin etiam, si protestetur, quòd litem super libello exhibito contestari nolit, & postea simpliciter respondeat ad libellum negatiuè, nihilominus per hoc censetur contestata lis, *d. c. vnico. b. tit. Ferrar. in forma declinatoria iudicij n. 4.* Ratio est, quia protestatio actus contraria tollit protestationis effectum, *c. Cum M. Ferrar. sup. De constitut. & ibidem Felin. & communiter Canoniste, Gail. l. Obsequ. 73. num. 6.*

Impedit tamen litis contestationem protestatio de non contestando, per reum responsioni suæ subiecta, vt tradunt DD. in *l. vnica Cod. & in c. vnico h. t.* Si tamen in hac protestatione fallaciter perseueret reus, poterit eius contumacia per remedia Iuris coerceri, & ad contestandam litem cogi: veluti actori petenti missionem in bonorum possessionem discernendæ ex primo vel secundo decreto: nam ex primo decreto nudam rei detentionem custodiæ causâ & pignoris vice actor consequitur, nec fructus lucratur; ex secundo verò verus possessor efficitur, vt postea dicemus. Quamquam si per huiusmodi compulsionem reus se se grauatum senserit, appellare possit. *Panormit. in d. c. vnico.*

Sed nec litis fit contestatio, si peremptoria exceptio contra intentionem actoris à reo obijciatur, *Maranta 6. p. b. t. n. 6. vbi alios citat*: quia non negat debitum v. g. qui se tutum exceptione asserit: nec talis exceptio impedit, quo minus litis contestatio fieri debeat, nisi fit exceptio

litis finitæ, veluti rei iudicatæ, transactionis, iurisiurandi, quæ ante litis contestationem cognosci debet, c. 1. h. t. in 6.

Dixi etiam, purè, id est sine conditione : quia litis contestatio est actus legitimus, qui neque diem neque conditionem recipit, l. Actus legitimi 77. D. De reg. iuru, Myns. Cent. 3. Obser. 74.

II Fieri verò potest litis contestatio, ut colligitur ex dictis, non solum per simplicem negationem, ut quando reus in iudicio negat simpliciter narrata per actorem, l. unica & ibi Glos. Cod. h. t. sed & per confessionem, Felin. in d. c. unico; & per verbum dubitativum credulitatis: ut si dicat reus, *Non credo narrata esse vera*, aut *vera esse ignoro* : uti communiter fieri solet, quando fit per procuratores vel hæredes, & alios, qui iustam ignorantiam prætendunt in facto alieno, l. Quamquam 7. D. ad Velleianum. Sic enim inducitur, si dicat reus, *Tu mentiris*, vti ex Baldo tradit Maranta 6. p. h. t. n. 4. Alex. in l. Turpis col. 2. De legat. 4. nisi talia verba prolata fuerint calore iracundiz, Abbas in d. c. unico n. 28. h. t. Caluol. in Praxi §. Litis contestatio Conclus. 1. n. 9. Et rursus fit non solum per principales partes, sed etiam per eandem procuratores vel advocatos, modò eorum ad petitiones actoris responsio non fuerit ab ipsis principalibus partibus reuocata, c. Cum causam inf. De appellat.

§. II. De effectu Litis contestationis.

1. Rem reddit litigiosam.
2. Excludit reum ab exceptionibus dilatorijs.
3. Inducit quasi contractum inter partes.
4. Interrumpit prescriptionem.
5. 9. Actiones & iurisdictionem iudicis perpetuat.
6. Actiones pœnales facit descendere ad hæredes &c.

1 **E**ffectus Litis contestationis sunt varij. Nam primò rem deductam in iudicium, tam reali quàm personali actione, reddit litigiosam, ita ut amplius alienari non possit, Authent. Litigiosa Cod. De iudicijs.

2 Secundò, excludit reum ab exceptionibus dilatorijs, quia per eam fingitur reus illis renuntiare, l. Pomponius 40. §. rati habitationis D. De procurat. l. Exceptionem Cod. De probat. c. Inter monasterium inf. De sent. & re iudicata: nisi de ijs antè fuerit interiecta protestatio, aut iudicio accepto ex nova causa emerferint, vel nouissimè ad notitiam rei perueniant: de quibus postea dicendum erit ad Tit. de exceptionibus.

3 Tertiò, à die litis contestatæ currit instantia, de quæ insistendo eisdem inter litigatores inducit quasi contractum, l. 3. §. idem scribit D. De pe-

De peculio, Glossa in l. 2. §. fin. D. De Prætor. stipulat. ita ut actor post litem contestatam recedere à lite non possit, licet antè possit, l. Si seruus communis, vbi Bald. D. De noxalib. act. Glossa in l. penult. D. De transact.

Quartò, interrumpit præscriptionem, à reo inchoatam, D. D. in l. 4. Contractibus §. 1. & fin. Cod. de non numerata pecunia.

Quintò, actiones, morte perituras, perpetuat, & ad quadraginta annos extendit, l. 1. §. 1. in fine Cod. De annali except. l. fin. Cod. De præscript. 30. vel 40. annorum; modò scilicet lis fuerit contestata coram Iudice competente, Guido Papa Sing. 578. n. 2.

Sextò, facit, ut actiones pœnales, ex delictis vel quasi delictis descendentes, ad reorum hæredes in solidum transeant, §. 1. in fine Institut. De perpet. & tempor. act. quæ alioquin, ex iuris ciuilibus dispositione, non nisi quatenus ad eos peruenisset, competere, l. unica Cod. Ex delictis defunctorum &c. in fine Licet de Iure Pontificio, etiam lite non contestatâ, in solidum hæredes conueniri possint, ut animæ defuncti consulatur, c. fin. inf. De sepult. c. Tua nos inf. De usuris. Atque ita litis contestatio circa id, quod interest, damna, sumptus, fructus, reliquasque accessiones, lite prudente emergentes, Iudicis officium parit, l. Aediles §. ceterum D. de Aedilitio edicto; & ab eius tempore in actionibus stricti iuris veniant fructus, l. Videamus 38. §. Si actionem D. De usuris, l. Si filiusfam. 78. §. ult. D. De verb. obligat.

Septimò, ex bonæ fidei possessore efficit malæ fidei, l. Certum 22. & l. Morem 26. Cod. De rei vindicat. Menoch. lib. 2. præsumpt. 31.

Octauò, facit, quod tutor possit constituere procuratorem, l. Neque Cod. De procurat. & procuratoris mandatum confirmat, procuratoremque facit lis dominum; adeò ut à principali renocari nequeat & alium ipse sibi constituere possit, Myns. Cent. 1. Obser. 42.

Nonò, iurisdictionem Iudicis perpetuat. & quandoque ampliat ac prorogat; adeò ut Iudicem aliàs incompetentem faciat competentem: quod tamen in Clerico non obtinet, ne quidem in actione reali, respectu Iudicis sæcularis.

Decimò, facit, ut ad sententiam definitiuam procedi possit de iure communi, ad quam sine ea procedi non potest, ut in c. Si vero etiam, in Auth. De exhibendis rebus nouella 53. Maranta d. loco n. 15. D. D. in c. Quoniam frequenter inf. tit. prox. Ut lite non contestata &c. Denique alios multos operatur effectus, de quibus videatur Specul. De litis contestat. §. penult. & fin.

TITVLVS VI.

Vt lite non contestata non procedatur ad testium receptionem vel ad sententiam definitiuam.

1. Ratio ordinis.
2. Testes ante litis contestationem recipi regulariter non possunt.
3. Contumax quis dicatur.
4. 5. 6. Casus speciales, quibus recipi possunt testes.

I **D**iximus præcedenti Tit. Litis contestationem esse fundamentum ac principium, & velut angularem lapidem, vt Bald. ait in c. unico h. t. iudicij ordinarij seu plenarij, l. 1. cum Authent. Offeratur Cod. eod. tit. l. 2. Cod. De iureiur. propter calum. c. Ex parte inf. De verb. significat. atque etiam iuris publici: ita vt neque auctoritate Iudicis neque consensu partium intermitteri possit, Rota Decis. 4. De litis contestat. in nouis; neque ante litis contestationem causa principalis dicatur in iudicium deducta, c. Accedens §. cum igitur h. t. Vt vel hinc quoque appareat, recto ordine subiungi hunc Tit. Vt lite non contestata non procedatur ad testium receptionem vel ad sententiam definitiuam: præsertim cum ex eo, quod ante litis contestationem causa nondum sit in iudicium deducta, nihilque petitum, nihil etiam sit, super quo testes recipi possint, aut super quo Iudex sententiam ferre queat, & ideo si eam tulerit, sit ipso iure nulla, d. c. Accedens §. cum igitur & c. unico tit. præced. c. De causis iuncta Glof. in V. consensu sup. De officio deleg.

2. Quid ergo, inquires, si reus, ter legitime vel semel peremptorie citatus, comparere nolit in iudicio, sicque litis contestationem proteruè impediatur? nihilominus non poterunt testes recipi ad probandam actoris intentionem, c. 1. 2. 3. & 4. h. t. sed eo casu reus habebitur contumax (* est enim contumax, vt ait Iurisc. ind. Contumacia §. contumax D. De re iudicata, qui tribus edictis propositis, vel vno pro tribus, quod vulgò peremptorium appellatur, litteris euocatus, sui præsentiam facere contemnit) & propter hanc rei contumaciam actor mittitur in possessionem bonorum, vt sic reus, videns aduersarium suum in possessione rerum suarum, tandem rædus affectus veniat responsurus. Quid autem actor consequatur ex hac missione in bonorum possessionem, postea dicetur. Quòd si verò reus nulla bona habeat, in quorum

quorum possessionem actor mitti possit, vel causa sit talis, in qua hæc missio locum non habeat, poterit reus contumax excommunicari: veluti si inter coniuges propter adulterium agatur ad separationem thori, *c. 1. in fine & c. Tue fraternitatis h. t.*

Dictum fuit, ad sententiam definitivam; quia ad interlocutoriam rectè proceditur, etiam lite non contestatâ, Abbas in *Rubr. huius tit.*

Sunt tamen speciales aliquot casus, quibus absque litis contestatione possunt testes recipi, qui notantur à Glossa in *c. Quoniam frequenter §. porro in V. regulariter h. t.* veluti si moueatur quæstio, an matrimonium siue spirituale (quale est inter Prælatum & Ecclesiam) siue carnale subsistat, & reus non compareat, sed sit contumax, possunt recipi testes, & ad sententiam definitivam procedi potest: idque ne propter moram Ecclesia detrimentum patiatur, vel in matrimonio carnali viro aut mulieri fornicationis occasio præbeatur, *d. §. porro. Quod tamen accipiendum est, si reus non sit absens à provincia, vel non ignoretur, ubi sit, d. §. porro vers. si verò aliter.*

Secundò, possunt testes recipi ante litem contestatam, quando agitur per viam inquisitionis, *d. c. Quoniam §. sunt & alij.*

Tertiò, si (prout latissimè deducit Socin. in *d. c. Quoniam frequenter n. 9.*) actor timeat, ne fortè inter litis contestandæ moras, testes, quibus causa probari potest, moriantur, quia senes sint (in quo iudicando et si DD. varient, tamen communiter iudicium illud Iudicis arbitrio relinqui placuit) aut valetudinarij, vel diu sint absfuturi (mors enim & longa absentia æquiparantur, per *text. in c. Presentata & ibid. Felin. n. 2. inf. De testibus, text. & DD. inc. 2. De procurat. in 6. & in d. c. Quoniam frequenter* (vel ad bellum campestre profecturi, aut mare transfretaturi, vel si timeat actor, ne testes propter moram varient fidem, quòd la. ilis sit hominum memoria, potest hanc receptionem testium ante litem contestatam obtinere, ubi civiliter agitur: idque ad perpetuam rei memoriam, ne veritas occultetur, & probationis copia fortuitis casibus subtrahatur, & quidem siue reus sit contumax, siue absens absque malitia vel etiam malitiosè latitet, ut conveniri non possit: dummodò testibus eo modo receptis actor ab initio intra annum utilem (id est qui non currit nisi à tempore, quo potuit agere vel denunciare, Glossa in *d. c. Quoniam frequenter in V. intra annum & Abbas ibid. Socin. ibid. n. 11.*) actionem instituat, aut saltem receptionem huiusmodi reo denuntiet: nam aliàs attestaciones receptæ nullius essent momenti, *c. fin. in princ. & d. c. Quoniam §. sed etsi actor, iunctâ Glos ibid. & Panor. in n. 7. Socin. n. 11* quia præsumeretur præsumptione iuris & de iure in fraudem distulisse, per *text. in d. c. Quoniam frequenter & Glos. ibid. in V. in fraudem, Alciat. Tract. De presumpt. in princ.*

§. 2. n. 15. vt hac prorogatione temporis auferret reo legitimas exceptiones, quas habet contra testes.

Dixi, actorem posse hanc receptionem testium ante litem contestatam obtinere, ex prædictis causis, quas in supplicatione pro commissione receptionis testium ad perpetuam rei memoriam coniunctim aut sigillatim exprimere debet, vnâ cum articulis, super quibus vult testes recipi, cum eorundem designatione, vt cognoscat Iudex, an ob aliquod istorum periculum sit in mora, & an articuli sint tales, vt ad probandum admitti debeant, Gail. 1. Obser. 92. n. 3. quia cum non sit in rei potestate, quando conueniatur, l. *Purè* §. fin. D. De doli mali except. meritò potest is testes suos quandocumque vult producere, & petere eorum receptionem, c. *Significauit inf. De testibus*, l. fin. Cod. De vsuris pupillaribus l. 3. §. *dua* D. De Carbonario edicto, Gail. d. Obser. 92. n. 3.

Dixi etiam, vbi ciuilitè agitur; quia huiusmodi testium receptio ex parte accusatoris non habet locum in criminalibus causis, dum criminaliter agitur, parte alterâ absente, etiam si de eorum morte vel diuturna absentia timeatur, vt tenent communiter DD. in l. *absente* Cod. De accusat. Gail. d. Obser. 92. n. 13. & alij, quos citat: quia in illis causis probationes debent esse liquidæ & strictissimæ, nec ampliantur, l. *vlr.* Cod. De probat. can. Epiphanius V. q. 6. & in executionibus pœnarum cessat fauor, l. *Auxilium in princ.* D. De minoribus, & Glos. ibid. in V. *pœnarum*; cum agatur de grauissimo præiudicio, & satius sit nocentem absolvere, quàm innocentem condemnare, l. *Absentem* D. De pœnis Dixi, dum criminaliter agitur, quia secus dicendum, quando ciuilitè agitur, cum non agatur tunc de tanto præiudicio, & à pari communiter procedant, merè ciuilitè agere, & de crimine ciuilitè agere, vt in l. fin. D. De priuatis delictis & in c. *Tua sup. De procurat.* vbi latè Abbas & DD. Socin. in d. c. *Quoniam frequenter* n. 9. sub finem.

Dixi, ex parte accusatoris; quia reo licet curare examinari testes ad perpetuam rei memoriam, fauore innocentie, nempe quòd tempore delicti absens vel minor fuerit, vel delictum tale sit, quod pœnam non mereatur, Gail. d. Obser. 92. n. 15. subiungens Obser. seq. quòd ad obtinendam commissionem ad perpetuam rei memoriam Iudex causæ principalis adiri debeat, siue petatur à reo, siue ab actore; & Obser. 94. quòd pars aduersa, contra quam testes producuntur, regulariter citari debeat, ad videndum testes iurare, & dandum interrogatoria, si periculum non sit in mora. Quod addo, quia ybicumque periculum est in mora, receditur à iuris communis regulis, l. *De pupillo* §. *si quis rinos* D. De noui operis nuntiat. Gail. d. Obser. 93. n. 3. vbi alios citat: aded vt receptio testium, coram incompetente Iudice facta, etiam parte alterâ non citatâ, valeat, si hoc præsens necessitas, v.g. periculum mortis testis

is testis exigat, vt docet Gail. *ibid.* n. 4. *per text. in l. fin. Cod. de testibus, citans Bart. & alios.* Idem dicendum, si periculum non sit in mora, sed aliud periculum sublit, vt si citandus sit tyrannus, quem pars non audeat conuenire, nec ei etiam testium receptionem denuntiare, Socin. *d.* loco n. 11. Et quatuvis, cessante periculo, videatur sufficere, quod ei fiat denuntiatio, *arg. d. c. Quoniam frequenter §. sed etsi actor:* tamen expedit citationem fieri ex parte actoris, ad hoc, vt non teneatur eo casu intra annum agere. Vide Innoc. *in c. Significauerunt inf. De testibus.*

Quod etiam dixi, reum, quandocumque vult, posse curare examinari testes ad perpetuam rei memoriam, non obtinet, quando exceptio illi competit per modum actionis, vt in exceptione de non numerata pecunia, quia cum tunc sit in eius potestate, eam opponere, etiam intra annum agere debet, sicut actor, *Aush. hanc autem querelam Cod. De non numerata pecunia.*

Cæterum longè plures sunt alij casus, in quibus absque litis contestatione ad testium receptionem & sententiam definitiuam deueniri potest: & quidem Marianus Socin. *in d. c. Quoniam frequenter numerat* 82. & videre eos licet apud Caluolum *in Praxi §. Litis contestatio conclus. 2.*

TITVLVS VII.

De iuramento calumniæ.

§. I. Quodnam sit hoc iuramentum, & quid continere debeat.

1. Necessitas huius iuramenti.
2. Calumniari, Calumnia & Calumniator quid sit.
3. Inscriptio huius Tituli.
4. Capita iuramenti de calumnia.

FACTA coram Iudice litis contestatione, aut etiam lite non contestata, ijs casibus, quibus litis contestatio non est necessaria, nō aliter actori ac reo suis allegationibus vt permittitur, quàm suo ordine, prius actor, deinde reus, iuramentum calumniæ, tactis sacrosanctis Euangelijs, præstiterit *c. penult. h. t. c. 2. §. 1. eod. in 6. l. 2. C. cod. Abbas in c. Cum causam n. 5. h. t. Specul. tit. De iuram. calum. §. 1. in princ. & n. 3. Alex. in l. Cum Iudices n. 1. Cod. De iureiurando propter calumniam: de quo proinde sequitur.*

1. Estque adeò necessarium hoc iuramentum, ut si ab alterutra parte exactum & omissum fuerit, eius ommissio vitiet processum, & sententiam latam reddat nullam, l. 2. §. *sed quia Cod. eod.* Bartol. in l. *Cum iudices §. sed quia veremur n. 3. Cod. d. tit.* Alexand. in l. *Qui bona §. si alieno n. 14. D. De damno infecto.* Idque de iure obtinet, licet à fisco exigatur: quia cum hoc iuramentum calumniæ nusquam à lege fisco nominatum remissum reperitur, illud etiam præstare debet, quandoquidem fiscus non nisi in casibus à iure expressis privilegiatus sit, & in non expressis iuris communis dispositioni subiaceat, l. 1. n. *Cod. De usuris fiscalib. lib. 10.* Dico, de iure; quia de consuetudine id non servari in fisco testari DD. refert Gail. 1. *Obfer. 90.* quia talibus iuramentis non debeat grauari fiscus, tum propter maiestatem mandantis; tum quia calumniari non præsumitur, quem necessitas officij excusat, & personæ qualitas præsumptionem calumniæ excludit. Etsi autem expressio partium consensu hoc iuramentum, tanquam introductum in bonum publicum, ne veritas occultetur, l. 2. §. *sed quia veremur Cod. eod.* & ad coercendos litigatores à malitiosa litiū intentione, remitti nequeat. arg. c. *Si diligenti sup. de foro compet. l. si unus §. illud nulla ff. de pactis*, latè Caluolus in *Praxi §. Iuramentum calumnia, conclus. 1. n. 14.* tamen tacitè remitti potest, c. 1. h. t. in 6.
2. Calumniari in criminalibus est falsa crimina intentare, l. 1. in princ. *D. ad Turpil.* in civilibus verò est per meras frustrationes negotium differre, vel per fraudem alios litibus vexare. Vnde Calumnia propriè est alicuius in litibus per fraudem & frustrationem vexatio; & Calumniatores inde appellati sunt, qui per fraudes & frustrationes alios litibus vexant, l. *Si calumniatur D. De verb. significat.* Aliàs Calumniator dicitur, qui ut calumniæ causâ negotium alicui faceret, vel non faceret, pecuniam accepit, ut in *Tit. D. De calumniatoribus*: ubi Prætor in eum intra annum in quadruplum eius pecuniæ, quam accepit, post annum simpli in factum actionem pollicetur. Vide Wesenb. *ad eum tit.*
3. Inferibitur autem hic *Tit. De iuramento calumniæ*, scilicet vitandæ, ut explicat Abbas in *Rubr. h. t.* sicut & explicatur illud, quod ex Paulo habetur in *can. Nerui Distinct. 13.* propter fornicationem unusquisq; uxorem suam habeat; propter fornicationem, s. ilicet vitandam.
4. Caterum hoc iuramentum, utrinque lite contestatâ mox præstandum, plura capita continet. Nam primò actor iurat se nō calumniandi animo litem intentare, sed existimare se iustam causam habere & fovere: reus verò iurat, quòd, putans bonâ instantiâ vri, ad reluctandum & contradicendum venerit, l. 2. iunctâ *Auth. In isto sacramento Cod. eod.* Nec enim hoc iuramentum est de scientia, sed de credulitate; & ideo nullus potest conqueri, quòd ad illud compellatur. Secundò,
- uterque

uterque iurare debet, ex consuetudine magis, quàm iuris communis dispositione, quòd interrogatus non negabit, quòd verum esse credit, quòdque sciens & prudens falsà probatione non utetur. Tertio, quòd nullam in tota lite superfluum, & quam non existimaueit necessariam, probationem ab aduersario suo exiget, *d. Auth. In isto Cod. eod.* Quarto, quòd dilationem non petet in fraudem, ad protelationem causæ. Quintò, quòd nihil penitus patrocinij causâ Iudicibus, vel alijs quibuscumq; personis, pro causâ dederit promiseritue, aut daturus sit, vel per se vel per alios, præterquam aduocatis honoraria, cæterisque personis, quibus à iure dari permittitur, *Auth. Principales Cod. eod. iunctâ l. Plebiscito D. De off. Prasidis* Hinc illi versus vulgares, relati à Glossa in c. 1. h. t.

Illud iuretur, quòd lis sibi iusta viderur:

Et si quæretur verum, non inficietur:

Nil promittetur, nec falsa probatio datur:

Vel lis tardetur, dilatio nulla petetur.

§. II. A quibus præstari debeat iuramentum calumniæ, vel non.

1. *Præstari debet à principalibus personis, etiam Ecclesiasticis.*
1. *Nisi per procuratorem malint agere.*
3. *Item à tutoribus, curatoribus, & similibus.*
4. *Item ab aduocatis de iure communi.*

Regulariter præstari debet ordine prædicto per ipsas principales personas, etiam Ecclesiasticas, & in principali dignitate constitutas, si ipsæ personaliter suam propriam causam agere velint; non quidem tactis, vt alij, Euangelijs, sed propositis dumtaxat, *c. fin. in princ. h. t.* Alioquin si causam Ecclesiæ suæ agant, non possunt compelli ad hoc iuramentum, sed illud alijs defensoribus delegare debent, *d. c. 1. h. t.*

Quòd si personæ Ecclesiasticæ non per se, sed per procuratorem malint causam agere, tunc possunt non minùs quàm laici hoc iuramentum per procuratorem præstare, dummodò id ei specialiter demandent, *d. c. penult. h. t. c. fin. eod. in 6.* nisi Iudex, inspectâ controuersie qualitate & personarum principalium conditione, ipsis potius, quàm earum procuratoribus, etiam speciale mandatum habentibus, hoc iuramentum deferre maluerit: nam eo casu ipsæ principales personæ illud subire cogentur, *c. Inpertractandis h. t.* Sed et si principales

personæ hoc iuramentum præstiterint, nihilominus earundem procuratores illud etiam suo nomine & in animam suam requisiti, postquam illud susceperunt, præstare debebunt, *c. 2. §. procuratores eod. in. 6. Castren. in d. l. cum Iudices §. fin autem.* Alioquin si recusent, submo- uendi sunt à prosecutione causæ. Eodem modo dicendum, quòd li- cet procuratores illud suorum dominorum nomine præstiterint, ta- men etiam suo nomine, & in animam suam, illud præstare teneantur, si speciale ad hoc habeant mandatum. Quod addo, quia procurator datus à Iudice cogi quidem potest ad præstandum iuramentum ca- lumnix, quoad ea, quæ ad officium procuratoris pertinent, non ta- men quoad merita causæ seu iusticiam vel iniusticiam eius, prout latius deducit Gail. 1. *Obfer. 88.*

3 Tutores quoque, curatores, & alix similes personæ, quæ aliena- rum rerum generalem administrationem legitimâ auctoritate habent & gerunt, vt Xenodochiorum, ciuitatumque rectores, & Ecclesiarum Prælati, etiam si ad hoc speciale mandatum non receperint, in pro- priam animam de calumnia iurare debent, *d. Auth. Principales in fine & d. l. 2. §. quod obseruari oportet.* Idemque de Collegiorum Vniuersita- tumque Syndicis & Monasteriorum Oeconomis, generalem admin- istrationem habentibus, statutum est in *d. c. In pertractandis & c. seq. h. tit.* vt scilicet Ecclesiarum & Vniuersitatum nomine iurent in ani- mas suas, & non in animas singulorum, qui sunt de Ecclesia vel Vni- uersitate, quia Syndici & Oeconomi melius sciunt aut scire debent, quid iuris habeat Ecclesia vel Vniuersitas, cui inserviunt, quàm ipsa Vniuersitas, quæ sensu caret, & quàm singuli qui sunt de Ecclesia aut Vniuersitate.

4 Tamen si verò etiam aduocati ex iuris dispositione de calumnia iu- rare teneantur, *d. l. 2. in princ. l. Rem non nouam Cod. de iudicijs:* quia melius norunt calumniati quam partes, Romanus singul. 428. tamen consuetudo passim eam parte iuri derogauit. Nam in Curijs omni- bus, cum ad munus postulandi admittuntur, illud generaliter in om- ne vitæ suæ tempus & ad omnes causas præstant, vt proinde in sin- gulis causis ab eis repeti superuacaneum visum sit: & Iustinianus in *d. l. Rem non nouam in princ.* sufficere putauit, si Iudices, cum ad iudi- candi munus assumuntur, hoc iuramentum generaliter præstent. Et talem consuetudinem, ob peruersitatem hominum, magis hodie de calumpnia committenda, quàm euitanda, iurantium, maximè si exce- dat hominum memoriam, valere posse existimat Gail *cum alijs quos ci- tat. 1. Obfer. 85.* Aliàs consuetudinem, disponentem, quòd possit pro- cedi in causa absque iuramento calumnix, non valere, tenet Mathesil. *Sing. 75. n. 1. Menoch. De arbitrarijs lib. 1. q. 20. n. 4.*

§. In

§ III. In quibus causis præstandum sit iuramentum calumniæ.

1. *Præstari debet in omnibus causis, etiam appellationis.*
2. *Et in qualibet parte litis exigi potest.*

P Ræstandum est indifferenter in omnibus causis, siue sint ciuiles, siue criminales, siue mixtæ, *arg. l. 1. in princ. Cod. eod. l. fin. Cod. De fide instrument. Menoch. d. loco n. 3.* siue de ijs summarie seu de plano, sine figura & strepitu iudicij, siue plenarie & seruato ordine iudicij agatur, *Clement. Sape De verb. significat. Menoch. d. loco n. 1.* siue sint profanæ, siue spirituales, *c. Caterum h. t. c. 1. in fine eod. in 6.* licet olim in causis spiritualibus non nisi de veritate dicenda iuraretur, *c. Litteras h. t.* Et licet semel in principali causa & prima instantia iuratum sit de calumnia, nihilominus adhuc in causa appellationis iurandum est: sicut & de veritate dicenda, *d. c. 1. in princ. eod. in 6.* quia causa appellationis est alia à prima. *Bart. in l. Cum Iudices n. 7. Cod. eod.*

Præterea licet statim à lite contestata regulariter præstetur: tamen, ² quia est de ordinis iudiciarij substantia, potest à Iudice in qualibet parte litis exigi, *c. 1. & 2. eod. in 6.* etiam post conclusionem in causa, *Glossa in c. Ex litteris in V. occultata inf. De iureiurando Gail. 1. Obser. 74. n. 6.* Sed & in ijs, quæ emergunt ante litem contestatam, & in qualibet exceptione iuratur de calumnia, *secundum Barth. in Auth. Hoc sacramentum Cod. eod. Abbat. in c. cum causam 17. h. t.* Sufficit tamen semel præstare, siue ante siue post litem contestatam, quia, cum sit generale, ad totum negotium se extendit, *d. Auth. Hoc Sacramentum, Abbas d. loco.*

§ IV. De pœnâ subterfugientis iuramentum calumniæ.

1. *Actor ab actione sua cadit, & reus pro confesso habetur.*
2. *Ante sententiam tamen iudicis declaratoriam purgationi locus est.*
3. *In spiritualibus dicta pœna locum non habet.*
4. *In procuratore an habeat, quaritur & affirmatur.*
5. *Quadruplex est iuramentum.*

Si actor

1 **S**I actor sine causa hoc iuramentum præstare nolit, ab instantia & instituta actione quasi improbus litigator cadit, *c. fin. h. t. l. 2. §. quod actor Cod. eod.* accedente tamen Iudicis sententiâ absolutoriâ rei, ut constat ex dictis locis, in quibus verbum *cadat* est futuri temporis, nec inducit canonem late sententiæ. Glossa *ibid.* Gail. 1. *Obser.* 86. num. 1. Reus verò pro confesso habetur, *d. l. 2. §. fin. autem reus, & d. c. fin.* & per Iudicis sententiam definitivam actori, iuxta libelli petitionem, condemnari debet: cum in confessum non sint aliæ partes Iudicis, quam in condemnando, *l. unica Cod. De confesso, & ibid. Glossa in V. solvere.*

2 Ex eo autem, quod utroque casu requiratur sententia Iudicis, sequitur, quod actor vel reus, ante huiusmodi sententiam à Iudice latam, possit suam contumaciam purgare, & pœnam hanc evitare, præstando iuramentum calumniæ; quodque, si ante eiusmodi sententiæ prolationem moriatur, actor vel reus, pœna illa, tanquam nondum commissæ (cum non incurratur ipso iure) non transeat ad hæredes eius, *l. Eos qui in princ. D. De iure iurati, Gail. d. Obser.* 86.

3 Insuper ista pœna non habet locum in causis spiritualibus & beneficialibus: veluti cum agitur de decimis, de iure patronatus, vel aliquo beneficio, ne inde detur vitiosus ad talia ingressus. Similiter nec in criminibus, in quibus non fictæ, sed luce meridianâ clariores probationes requiruntur, Costal. *ad d. l. 2. §. quod si actor n. 5.*

4 Cum verò procurator, speciale habens mandatum, non solum in domini, sed etiam in suam animam iurare debeat, *c. 2. §. procuratores eod. in 6. & d. l. 2. in princ.* eo quod perinde atque ipse dominus, extrahendo processum, vel iniustam causam scienter prudenterque defendendo, calumniari posset: quaeritur an, si iurare nolit in animam suam, contumacia ipsius nocitura sit domino, ut supradicta pœna locum aduersus eum habeat? Et licet benignior sit sententia, non habere (quia contumacia procuratoris nocet quidem domino in his, quæ sunt parvi momenti, non verò in ijs, quæ sunt magni præiudicii, qualis est pœna non iurantis de calumnia:) tamen habere locum de rigore iuris veriùs esse existimat Gail. *lib. 1. Obser.* 89. quia cum lex velit, ut procurator iuret de calumnia, etiam in animam suam, consequenter quoque velle videtur, ut, si non iuret, incidat in pœnam: alioqui iuramentum calumniæ nullum produceret effectum, & lex non rebus, sed verbis posita esset, *contra l. fin. Cod. de usuris.* Deinde quia notum est contumaciâ procuratoris nocere domino, maximè in ijs, quæ pertinent ad iudicii processum, *iuxta l. Si procurator Cod. de procuratoribus & l. Si remunerandi §. 1. D. mandati.*

5 Pro pleniori verò huius iuramenti cognitione sciendum, quadruplex

plex esse iuramentum. Primum est decisorium, de quo *in c. fin. inf. De iurando*: secundum est de veritate dicenda: tertium est de malitia, de quo fit mentio in *c. ult. eod. in 6.* & præstatur vel ante vel post litem contestatam, *c. In causis inf. De testib.* siue iuramentum calumniæ antea præstitum sit, siue non: & non semel duntaxat, sed toties, quoties est præsumptio contra aliquem, quòd malitiosè aliquid proponat, *c. 2. in fine eod. in 6.* in causis seu civilibus, seu criminalibus, *l. Theſaurus D. Ad exhibendum*, siue spiritualibus: veluti si quis post publicationem testium excipiat contra eorum personas, cum antea non sit protestatus, quòd suo loco & tempore excipere vellet, *per text. in c. Presentium inf. De testibus.* De pœna nolentis iurare de malitia vide *Gail. 1. Obser. 87.* Denique quartum est iuramentum de calumnia: quod quo modo differat à iuramento calumniæ patet ex iam dictis.

Præstitum autem iuramentum calumniæ operatur, ut quis excusetur à tacita & præsumpta calumnia, non autem ab euidenti & expressa. Et ideo committens calumniam, etiam in causâ civili, potest criminaliter accusari, finitâ causâ, *Maranta 6. p. sit. de iuramento.*

TITVLVS VIII.

De Dilationibus.

1. Dilatio quid sit.
2. Diuisio in Legalem, Iudicialem & Conuentionalem.
3. Iudicialium dilationum alia sunt Citatoria, alia Probatoria, alia Executoria.
4. Citatoria dantur reo ad comparendum in iudicio.
5. Iusto interuallo & tertio fieri debent.
6. Hodie dilationes omnes sunt arbitrarie.
7. Potest Iudex vnâ citatione peremptoriâ uti pro tribus.
8. 9. Deliberatoria dilationes dantur reo, non actori.
10. Probatoria dantur & actori & reo.
11. Suntq; peremptoria omnes.
12. Iudex tamen ex causâ plures dilationes concedere potest.
13. In concessione earum seruanda aequalitas inter actorem & reum.
14. Executoria dilationes qua dicantur, & quando dentur.

L Ite contestatâ, ac iuramento calumniæ vtriusque præstito, solent litigatores petere inducias & dilationes: actor quidem ad suam intentionem probandam, reus verò ad actoris petitioni respondendum, & exceptionem, si quam habeat, probandam.

- 1 Est autem Dilatio Iudicialis, de qua hîc agimus (nam datur etiam extraiudicialis, Speculat. h. t. §. 1.) in genere iustum temporis intervallum, quod ad aliquem actum iudicalem commodius perficiendum conceditur auctori vel reo, à lege, vel à Iudice, vel ex conventionione partium. Vnde secundum Abbatem inc. 1. n. 15. h. t. diuidi potest in Legalem, Iudicalem (sumendo Iudicalem, vt distinguitur à Legali, & ea, quæ ex conventionione partium competit) & in eam, quæ ex mutua conventionione partium conceditur, quæ ideo Conventionalis appellatur.
- 2 Legalis est, quæ à lege (subintellige, vel statuto vel stylo Curia vel consuetudine) conceditur, absque ministerio Iudicis vel litigantium, l. 1. & 4. D. De re iudicata.
Iudicialis modo prædicto est, quam Iudex ipse dat vel ex præcepto vel ex permissione legis, c. Cum sit Romana inf. De appellationibus.
Conventionalis est, quæ ex conventionione partium competit. c. Pastoralis §. cum autem inf. De officio delegati l. De die D. Qui satisfacere cogantur.
- 3 Vt verò tres sunt iudicij latè sumpti partes; prima à iudicij præparatione vsque ad litis contestationem exclusivè, quæ potius præparatoria est, quàm essentialis, secundum ante dicta; secunda à litis contestatione vsque ad sententiam definitivam exclusivè; tertia à sententia vsque ad eius executionem inclusivè: ita Dilationum Iudicialium tres præcipuè sunt species, Nam aliæ in prima iudicij parte dantur, & dicuntur Citatoria & Deliberatoria: aliæ in secunda parte conceduntur, & vocantur Probatoria: aliæ denique in tertia parte, & sunt Executoria.
- 4 Citatoria dicuntur, quæ citato seu in iudicium vocato dantur, ad comparandum in iudicio: neque enim sic citari potest, vt statim, re-
- 5 lictis omnibus suis rebus, comparere debeat. * Et ideo si primò vocatus non veniat, vocandus est secundò & tertio, iusto tamen temporis, vt minimùm decem dierum, intervallo inter singulas citationes, l. Ad peremptorium & duabus seqq. D. De iudicijs l. Properandum §. 2. Cod. cod. tit. Quamquam sint, qui existiment hodie decem dies inter singulas citationes auctos esse ad triginta, Auth. Qui semel Cod. Quomodo & quando Iudex &c. & hodie passim in hoc intervallo utimur stylo cuiusque Curia, qui est alius atque alius. Potestque Iudex hanc dilationem, pro rei seu causæ & personarum qualitate ac conditione, & temporis locorumque distantia, augere vel minuire seu moderari, c. Consuluit
- 6 sup. De officio delegati l. 1. Cod. hoc tit. l. In oratione D. De ferijs. * Et ob hanc causam iure Canonico ac moribus huius sæculi omnes dilationes à iure statuta dicuntur arbitraria, Badius ad l. 68. n. 8. D. De iudic. Non quia Iudex eas denegare possit (nam si denegaret sine iusta causa,

locus

locus esset appellationi:) sed quia eas, vt dictum est, pro varietate circumstantiarum moderari potest vel prorogare, d. c. *Cum sit Romana & ibi* D. D. & sic termini earū potius sunt arbitrarij, quā ipsæ dilationes.

Quinimō, si vtiue iusta & necessaria subsit causa, veluti propter viarum periculum, vel si celeritatem res desideret, potest pro tribus citationibus vti vnā peremptoriā, c. *Cum ex litteris in fine sup. De restitut. in integrum*, c. *Cum dilectis & c. ult. inf. De dolo & contumacia* l. 2. l. *Contumacia* D. *De rei iudicata*, l. *Nonnunquam* D. *De iudicijs*: & tunc addendum est verbum, *peremptoriē*, vt in d. l. *Ad peremptorium & daabus seqq.* Dixi, si vtiue iusta & necessaria subsit causa, quia etiam absque causa potest, si omnino velit, vnā pro tribus vti, Abbas in d. c. 1. & c. *ult. & ibid. Glossa b. t.* Quod intellige, quando citatio fit ad eū finem dumtaxat, vt inducatur contumacia iudicialis, vt in c. *Quonia frequenter sup. Vt lite non contestata &c.* & d. c. *ult. h. t.* nam secus est in causis grauioribus, ad priuationem alicuius officij vel beneficij tendentibus: quia in talibus non sufficit vna citatio pro tribus, sed distinctæ citationes & distincta edicta esse debent, si de iure trina citatio requiratur, Abbas & Ioan. And. in c. *Ex tua & De Cler. non residen.* Cauendum tamen iudici, ne citatio peremptoriē nimis breue tempus ad comparandum præfigat, maximē si de rebus Ecclesiasticis agatur, nisi urgeat necessitas; alioquin appellationi locus erit, d. c. *b. t.* Sola verō peremptorij edicti seu citationis peremptoriæ assignatio non est causa sufficiens ad appellandum, Innoc. in d. c. 1. sed breuior termini peremptorij assignatio.

Quando autem quis vno edicto seu vnā citatione peremptoriā pro omnibus citandus sit, relinquatur Iudicis arbitrio. Vide plenius Gail. 1. *Obfer. 53.* Butr. in d. c. *ult. h. t.* D. D. in d. c. 1. *h. t.*

Deliberatoria dilatio est, quæ datur reo, vt viso libello actoris secum deliberare possit, an litigare velit, vel non. Et ideo, si reus per litteras citatoriales plenē instrui possit, veluti si libellus fuerit citationi insertus, non conceditur ei dilatio ad deliberandum, c. 2. *h. t.* Dantur verō de iure Nouellarum viginti dies à die porrecti reo libelli actoris, Auth. *Operatur Cod. de litis contestat.* & aliquando plures, pro distantia locorum, c. *ult. h. t. c. Dilectis sup. De procurat.* Quinimō, etiam ijs exactis, pro varietate eorum, quæ vtrunque intra iudicij præparatoria agitanda occurrunt, varijs alijs dilationibus locus esse potest: vt si reus velit Iudicem, vt suspectum recusare, & probare esse talem, l. *Amplissimi Cod. De iudicijs*; vel impugnare rescriptum, cuius vi ad incompetentem Iudicem citatus est, l. 2. *Cod. h. t.* vel si velit auctorem suum laudare, l. 2. *Cod. Vbi in rem actio &c.* vel demonstrationem & ostensionem rei petiti sibi fieri, l. *De pupillo §. 1. D. De noui oper. nuntias.* vel quid aliud simile: nam dilatio ad vnumquemque actum iudicalem debetè per-

II h ij agendum,

agendum, & ne quid præproperè fiat, dari potest maior vel minor, pro arbitrio Iudicis: in quo spectanda cuiusque Curiae consuetudo.

Dixi deliberatorias dari reo, non etiam auctori, quia auctor instructus venire debet, *d. l. 2. Cod. h. t. l. Qui in alterius D. De reg. iur.* Nunquam verò datur dilatio ad id, ad quod quis instructus esse debet, *c. Littera h.*

10 *l. l. Si quando Cod. eod. c. Littera inf. De præsumpt.*

11 Probatoria dilatio est, quæ lite contestatâ & iuramento calumnie præstito, auctori ad suam intentionem, & reo ad exceptionem suam probandam, datur, consideratâ locorum intercapedine, ubi probatio facienda est, *d. c. 1. h. t. ** Et hæc omnis in causis civilibus regulariter est peremptoria, *Myns. Cent. 1. Obser. 71. Gail. 1. Obser. 91.* ac proinde non nisi semel dari debet in singulis iudicii actibus, singulisque negotiis emergentibus, *l. 1. in fine Cod. eod. l. In oratione & l. fin. in princ. D. De feriis.* Et licet non apponatur in eius concessione verbum, peremptoriè: tamen ex iuris dispositione illud subintelligitur, *Maranta 6. p. in tit. De dilationib.* Nec vlla hac in parte est differentia in auctorem & reum, nisi quòd Iudex longiorem dilationem dare possit reo, quàm auctori, eò
12 quòd non perinde reus possit venire ad iudicium paratus, sicut auctor. Utilitatis tamen litigantium causâ receptum est, ut iustis de causis Iudex ad eundem actum, veluti ad convincendam contumaciam, secundam, inò tertiam & quartam dilationem impertiri possit, aut si inopinatum impedimentum emerferit, ob quod non potuerit antè res perfici, *d. l. In oratione;* vel si, lapsa primâ dilatione, superueniant litiganti novæ probationes: in quo probando statuitur iuramento petentis secundam vel ulteriorem dilationem, *c. Pastoralis inf. De exceptionib.* vel alia similis causâ subsit. Non tamen aliter Iudici permittitur plurium dilationum concessio, quàm necessariarum, non autem superuacuarum, *l. 2. Cod. Ut intra certa tempora &c.* & rursus non aliter, quàm causâ cognitâ, *l. 4. Cod. eod.* Si verò dilatio data sit absenti, ea eidem non currit, nisi à die intimationis, nec dies, quo fit intimatio, imputatur,

13 *Maranta 6. p. n. 14.*

Tametsi autem dilationes omnes, ut dixi antè, sint Iudici arbitrarie, etiam legales modo antea dicto, *Maranta d. loco n. 15. & 16. Gail. 1. Obser. 89. n. 13.* tamen semper æqualitas inter auctorem & reum servari debet, ut quantum temporis auctori datur, tantum detur etiam reo, si petat, cum eius partes sint favorabiliores, *l. favorabiliores D. De reg. iuris, c. Non licet eod. tit. in 6.* & in iudicijs æqualitas servanda sit, *c. 1. De sent. & re iud. in 6. c. Nouit S. ceterum sup. De iudicijs;* cum etiam iudicium claudicare non debeat, *c. Cum inter, & ibi Glossa in V. iudicare inf. De exceptionib.* *Gail. d. Obser. 89.* Hinc dilatio probatoria, quæ da-

tur in

tur in iudicio, semper est communis: vt si detur vni parti, proficit etiam alteri, *l. petenda Cod. De temporib. in integ. resistent. Maranta d. loco.* In capitalibus tamen controuersijs reo tres dilationes, accusatori duæ, etiam causâ non cognitâ, dari possunt, *l. fin. in fine D. De Ferijs*: quia in ijs causis maius vertitur præiudicium litigatorum. Excipitur tamen causa criminalis adulterij, in qua nulla dilatio danda est, nisi vt personæ exhibeantur, aut Iudex, negotij qualitate motus, eam causâ cognitâ concesserit, *l. in crimine D. De adulterijs.*

Cæterum cum omnis dilatio probatoria sit peremptoria, vt dictum est, quaeritur, an infra terminum datum ad probandum debeat probatio absolui, an verò facta, postquam dilatio probatoria expirauit, valeat? Responso pendet ex forma concessionis dilationis; eaquæ de re videatur Pelsius in *Processu iudiciario tit. 31. à n. 65.*

Executoria dilationes sunt, quæ dantur condemnato ad satisfaciendum: & sunt quattuor mensium, *c. Quarenti sup. De officio delegati l. 2. & 3 Cod. De vsu rei iudic. l. Si debitori D. De iudicijs.* Hæ dilationes non habent locum in realibus, neque in criminalibus: nam in his executio non differtur, nisi certis casibus, notatis per Hostien. in *Summa tit. De officio delegati §. quæ iurisdictio versic. quamuis*: veluti cum Princeps iubet aliquem acius solito puniri; cum mulier prægnans damnatur ad mortem; cum damnatur seruus ratiocinijs obligatus: cum relegato adfignanda est insula.

Denique quia dilationes hodie & de iure Canonico sunt arbitrariæ, vt antè diximus, ideo Tridentina Synodus *Sess. 25. cap. 10. in fine* admonet tam Ordinarios, quàm alios quoscumque Iudices, vt terminandis causis, quantâ fieri potest, breuitati studeant, ac litigatorum artibus, seu in litis contestatione seu in alia parte iudicij de cunctenda, modis omnibus, aut termini præfixione aut competenti aliâ ratione, occurrant.

§. II. An & quatenus dilationes prorogari possint.

1. Primam probationem prorogari non posse.
2. Quartam ex legitima causa posse.
3. Dilationes à Iudice dari solita prorogari possunt.

4. *Prorogatio quid sit.*5. *Prorogatio dilatione maior esse non debet.*

Primam dilationem probatoriam prorogari non posse docet Gail, l. 1. *Obfer.* 91. quia super sit secunda & tertia; imò & quarta, quando de iusto constat impedimento, & quia dilationes sint amputandæ, l. 2. *Cod. De tempor. appellat.* neque ad extraordinarium prorogationis remedium deueniri debeat, quando superest ordinarium, iuxta l. 1. *In causa cognitione D. De minoribus.* Imò si in prima dilatione multi fuerint testes producti & examinati, non esse dandam secundam & tertiam dilationem docet *Glossa in c. In causis in V. productionem h. t.* quia multitudo testium refrænanda est, c. *Signi, cauerunt inf. De testibus, Gail. d. loco n. 2.*

2. Quartam verò dilationem posse ex legitima causâ prorogari, cum eadem solemnitate, quâ data fuit, licet non faciliè prorogari debeat, docet idem Gail. *d. loco n. 2.*

3. Similiter prorogari possunt dilationes, quæ à Iudice dantur, veluti ad contestandam litem, ad respondendum libello actoris. Imò faciliùs prorogari potest huiusmodi dilatio, quàm noua dari, iuxta *Gloss. in l. fin. Cod. De ferijs*, dummodò intra terminum prorogatio petatur: alioquin eo lapso nequit prorogari, * cum prorogatio nihil aliud sit, quàm dilationis labentis, nondum lapsæ, extensio, l. *Sed si manente D. De precario, l. Bonorum D. Rem ratam haberi.* Et ideo lapso termino non prorogatio, sed nouus terminus seu noua dilatio petenda est, eaque ex causâ dumtaxat concedenda. Dicitur autem noua dilatio, cum finito termino prioris alia datur.

5. Non debet autem prorogatio esse maior dilatione, Rudger. Rudlandus p. 1. *De Commissar. lib. 2. cap. 10.* apud quem *cap. 9.* vide, quomodo dilationes prorogari possint, quæ solemnitates in prorogatione quartæ dilationis requirantur, quo modo contra prorogationem petitam aduersarius protestari debeat. Vide & Menochium *De arbit. lib. 2. casu 52.*

§. III. Qualia sint tempora dilationum.

Tempora dilationum omnium sunt continua, *Glossa in l. 2. D. De diuersis & temporal. prescript.* ita vt comprehendantur tam dies feriati & solemnes, quàm non feriati. Adeò vt ne quidem repentinis ferijs interpolentur: nisi quòd, his superuenientibus, beneficio restitutionis ijs subductis, alij totidem dies subrogentur, l. *Sed etsi §. si feria D. Ex quibus causis maiores &c.*

§. 4. De

§. IV. De effectu dilationum.

1. Excusat dilatio à pœnâ ac mora.
2. Adueniente die habet vim sententiæ interlocutoriæ.
3. An dilatio tolli possit.

Effectus dilationis est, quòd excuset à pœna ac mora, & eâ durante officium conquiescat Iudicis, nihilque sit agendum aut innouandum super articulo seu capitulo, super quo data est, c. 2. & c. Præterea h. t. l. 3. Cod. eod. adeò vt, si quid innouatum fuerit, ipso iure sit nullum, nec queat validari de consensu partium, Caluol. in Praxi §. Dilatio conclus. 6. n. 2. Alioquin super alio articulo non conquiescit officium Iudicis, pendente dilatione: sicut nec finitâ causâ dilationis, quia eâ finitâ immediatè finitur dilatio: vt si fuerit alicui data dilatio decem dierum ad comparandum, & citatus comparuerit in primo die, illa dilatio est perempta, & nullatenus conquiescit officium Iudicis, Caluol. d. loco n. 3. & 4. vbi subiungit, posse etiam Iudicem, pendente dilatione, se intromittere ad fauorem eius, cui data fuit dilatio; parique modo suspectum de fuga posse pendente appellatione capi.

Secundò, is effectus est dilationis, quòd, vbi dies seu terminus eius venit, regulariter habeat vim sententiæ interlocutoriæ, l. Qualem D. De receptis arbitris; & perimat actum, qui in assignato dilationis termino fieri debuit: ita vt pars postmodum comparens amplius super eadem re, nisi ex magna causa, audiri non debeat, l. 1. & ult. D. De ferijs.

Quâ formâ autem, & ob quas causas, dentur dilationes, vide plenius apud Pet. Tholos. in Syntag. Iuris vniuersi lib. 48. cap. 8. n. 17. & seq.

Si verò quærat, an dilatio tolli possit, dicendum, legalem numquam tolli posse, ne quidem in causis summarijs, in quibus procedi potest sine strepitu & figura iudicij: nec etiam in causa dotis, Caluol. d. loco conclus. 7. n. 1. 2. & 3.

TITVLVS IX.

De Ferijs.

1. FERIA à Dilationibus in quo distinguantur.
2. Feriarum nomine quid hic intelligatur.

3. Ratio

3. Ratio & origo nominis.
4. Feriarum alia sunt Solemnnes seu Ordinaria, alia Repentina seu Extraordinaria.
5. Solemnium alia ad cultum diuinum instituta, alia ob necessitates & utilitates humanas.
6. Illis renuntiari non potest, his potest.
7. Quenam tempore feriarum repentinarum aut ad cultum diuinum institutarum expediri possint.
8. Alia differentia prae dictarum feriarum.
9. Prohibentur ferijs, ad cultum diuinum institutis, opera seruilis, non liberalia.
10. Prohibentur item mercatus, placitum, iudicium ad mortem vel poenam, & iuramenti praestatio.
11. 12. Quid nomine Mercatus & Placiti intelligatur.
13. Quaritur, an citatio die festo vel ad diem festum fieri possit.
14. Item an testes die festo examinari possint.
15. Die festo appellationem permissam esse.
16. Quis locus attendi debeat in ferijs obseruandis.
17. An exempti dies festos, ab Episc. statutos, seruare teneantur.

Quemadmodum, dilationibus durantibus, officium Iudicis conquiescit: ita & durantibus ferijs, ideoque rectè Titulo De dilationibus subiicitur hic Tit. De Ferijs, praefertim cum feriae sint quaedam dilationes, quae à iure dantur. * Liceret à dilationibus in eo distinguantur, quòd intra dilationum tempora ea peragi possint, imò debeant, ad quae peragenda dilationes conceduntur: tempore verò feriarum nullus contentiosae iurisdictionis actus regulariter exerceri queat.

2 Nam Feriae hinc generatim dicuntur dies seu tempora, quibus forensis strepitus & contentiosae iurisdictionis exercitium planè conquiescere iubetur, ut constat ex l. 5. D. eod. Et ideo olim dictae sunt Iustitium, quòd iustum staret nec progrediretur. Gellius lib. 20. cap. 1. Noct. Attic. Nec, durantibus illis, vlla committitur contumacia; & alias dies Nefasti appellabantur, iuxta illud Ouidij:

Ille nefastus erit, per quem tria verba silentur,

Fastus erit, per quem lege licebit agi.

Quia non licebat lege agere, & Praetor illa tria verba, Do, Dico, Addico, efficaciter effari non poterat, Varro 5. De lingua Lat.

3 Dicuntur autem Feriae vel à Feriendis hostijs seu victimis, quia diebus feriarum mactabatur seu offerebatur hostia, Festus lib. 6. ynde & ipsae hostiae Feriae dicuntur. Gell. lib. 4. cap. 6. vel à Ferendis epulis, quia

quia in illis epulae feriebantur ex pecorum frugumque prouentibus.

Omissis autem alijs diuisionibus Feriarum (de quibus Tholof. 4
partit. Iurii Canon. lib. 1. tit. 2. cap. 19. & 2. Syntag. Iurii vniuersi cap. 16.
 aliae sunt Solemnnes seu Ordinariae, aliae Repentinae seu Extraordinariae,
 l. 3. *Cod. eod. l. 26. §. 7. D. Ex quibus causis maiores &c.* Solemnnes sunt,
 quae statis diebus & anni temporibus recurrere solent: nam Solemne
 etiā Latine dicitur, quod quotannis fieri seu praestari solet. Extraordi-
 nariae, quae non certa & stabili lege, sed pro re nata & pro rebus oc-
 currentibus vel ab Imperatore (vnde quidam Imperiales eas vocant
l. à nullo Cod. eod.) vel à Rege vel à Consulibus, Dictatoribus, Praetori-
 bus aut Populo, vno vel altero die tantum, indicuntur, vt in l. *Sed essi*
 §. *si feriae D. Ex quibus causis maiores &c.* veluti ob rem bene gestam, ob
 partem à Principe victoriam; quales fuerunt, quas ob bellum cum
 Carthaginienfibus prosperè gestum indixit Scipio, apud Liuium *lib.*
 38. ob natiuitatem filij Imperatoris, Regis aut alterius Principis: ad
 quod alludit Martialis:

Natalem colimus, silete leges: vel ob aliam similem causam. Et haec,
 quae in Principis honorem sunt institutae, Honorariae vocantur, l. 7.
Cod. eod.

Solemniū rursus aliae sunt ad diuinum cultum institutae, quas Dies 5
 Festos appellamus, c. 1. & *vlr. h. t. l. 2. 3. 6. 7. 8. Cod. eod.* aliae verd in-
 stitutae sunt ob necessitates & utilitates humanas: vt sunt feriae, quas
 necessitas & fatalis calamitas pestis publicè grassantis, feruores aestiui,
 belli vel quouis alia causa necessaria constituit, l. 6. & 7. *Cod. eod.*
 & ex feriis, quae messium & vindemiarum, aliorumque fructuum
 colligendorum, iuxta cuiusque regionis consuetudinem, causā indi-
 cuntur, l. 2. & 5. *Cod. eod.* & haec feriae Profanae dicuntur.

Tametsi autem omnibus his Feriarum generibus illud commune 6
 sit, quod earum tempore nullus in ius vocari possit, Iason in l. 1. n. 1.
D. eod. Caluolus d. loco conclus. 2. n. 1. nec lis expediri, quotiescumque
 requirit causae cognitionem, Caluol. *d. loco n. 8. ex Menochio, quem*
citat; imò actus contentiosae iurisdictionis gestus sit regulariter ipso iure
 nullus, c. *vlr. h. t. l. 2. Cod. eod. l. 1. & vlr. D. eod.* vbi expressè dicitur
 nec processum tenere nec sententiam: tamen in eo differunt, quod feri-
 is, ad honorem Dei institutis, & repentinis, quia cultum diuinum
 & publicum magis, quam priuatum honorem, concernunt, renuntiari
 non possit, quandoquidem pactis priuatorum derogari iuri publico
 nequeat, c. *si diligenti sup. De oro compet. l. ius publicum D. De pactis;* nisi
 repentinis renuntiaturum esset communi consensu atque vltu populi,
 quia valeret renuntiatio, Caluol. *d. loco conclus. 3. n. 2.* feriis verd messium,
 vindemiarum & alijs similibus, in gratiam priuatorum principaliter
 consti-

constitutis, renunciari possit, *l. penult. Cod. De pestis*: non solum in iudicio, sed & extra iudicium; & non solum per dominos, verum etiam per procuratores, modò renunciatio non tendat in præiudicium dominorum: præsertim cum verba edicti de his feriis habeant, quod nemo feriatis diebus inuitus in ius vocari debeat; nam inde sequitur à contrario sensu, posse vocari, si partes consentiant, *l. 1. D. eod. Gail. 1 Obser. 53. n. 16.* quodque de mutuo litigantium consensu, tempore feriarum, ob messem & vindemiam indictarum, ad quolibet actus iudiciales procedi possit, *l. 1. & 6. D. eod.* non etiam tempore feriarum repentinarum, vel ob cultum diuinum institutarum, *c. vlt. h. t.*

7 Menoch. *lib. 1. arbitr. q. 30.* * quamvis earum tempore expediri illa possint, quæ causæ cognitionem non desiderant, aut sunt voluntariæ iurisdictionis: vt sunt manymissio, *l. 8. Cod. eod.* dispensationes, indulgentiæ, privilegia, & similia: vel quæ differri non possunt, sed quam citissime expediri debent, veluti si actio vel res tempore, præsertim vindemiarum ac messium, vel morte peritura sit, prout exempla ponuntur in *l. 1. & 2. D. eod.* & varia recenset Zerola in *Præcip. 1. in V. Festa, ad tertium*: si contra latrones sit procedendum, *l. Prouinciarum Cod. eod.* si causæ fiscales & publicæ agenda sint, *l. Publicas Cod. eod.* si alimenta petantur: si atrox delictum cum publico scandalo sit commissum; nam statim iudicari & puniri potest, si ad publicum exemplum ita expediat. Solent quippe propterea hæretici diebus festis iudicari & puniri, vt tanto maior sit populi concursus ad aliorum terrorem. Sic & in paruis oppidis solent similia iudicia permitti festis diebus, quia in profestis non adsunt rustici & agrorum cultores. Similiter & ea diebus festis expediri possunt, quæ vel pietas v.g. absolutio ab excommunicatione, causæ miserabilium personarum, tutoris & curatoris datio, alimentorum constitutio, vel publica vtilitas aut priuata necessitas expediri postulat, *c. 4. & vlt. h. t. l. 3. & penult. Cod. eod.* nam vbi periculum est in mora, receditur à regulis iuris communis, *l. De pupillo §. si quis riuos D. De noui operis nuntiat. Gail. 1. Obser. 53.* quodque legitimum non est, necessitas facit licitum, *c. Quod non est De R. I. in 6. & hinc Prosper:*

Non rectè seruatur legalia sabbatha cultu,

Qui pietatis opus credit in his vetitum.

Similiter nec feriarum extraordinariarum, aut ordinariarum profanarum habetur ratio in supplicationibus, citationibus, & processibus decernendis, exequendis, committendis, sententijs concipiendis, & relatione, Menoch. *d. lib. 1. arbitr. q. 30.* Permissumque diebus feriatis iudicare in causis summatijs, *l. Miles §. 6. D. De adulterijs*: item causas publicas atque fiscales agitare, *l. 5. Cod. eod.* Sic si causa intra certum tempus

tempus terminari debeat, quamuis tempus præfixum incidat in diem feriatam, potest per Iudicem expediri, Caluolus §. *Feria conclus* 2. n. 19. atque ita de similibus.

Cur autem tempore feriarum potius prohibeatur strepitus iudiciorum, quàm alia opera, ut patet ex d. c. *ult. h. t.* ratio est, quia iudicialia nō sunt ita necessaria ad hominū vitam & sustentationem, sicut alia opera.

Insuper in eo differunt prædictæ ferie, quòd ferijs, ad cultum diuinum institutis, non forensia solū negotia prohibeantur, sed & multa alia opera corporalia, nempe seruilia, quæ scilicet commoditatibus corporis seruiunt, & ideo per seruos, id est seruientes fieri solent. Sumitur enim seruitus hic latè, pro famulatu & ministerio corporali, quo quis alteri inseruit & famulatur: cuiusmodi sunt arare, fodere, artificia facere, & similia, quæ diebus festis prohibentur, nisi iure vel consuetudine sint exempta, ut patet ex c. *Liet* 3. h. t. * Libera verò, id est quibus animus excolitur, ut loqui, docere, scribere, & similia, non prohibentur, nisi speciali iure à permissione exempta sint & prohibita. Et ideo licet die festo cuiuslibet scientiæ operam nauare, quamlibet scientiam & artem, prout ad mentem pertinet, tam verbo quàm scripto docere: item scribere, transcribere, iter agere, ut sic; quia hæc non sunt opera seruilia, & lex ipsa expresse limitat prohibitionem ad opera seruilia. Vocantur autem opera quædam seruilia, quædam verò libera, quia humana seruitus secundum corpus attenditur, at animus liber est, Suarez *De diebus festis lib. 2. cap. 17. n. 10.* Prohibentur opera potius seruilia, quàm liberalia, tum quia sunt inferioris ordinis; tum quia magis communia, & potissimum occupare solent homines, eosque distrabere à rebus diuinis.

Sunt tamen nonnulla etiam opera, quæ licet seruilia non sint, tamen speciali iure prohibentur, uti mercatus, placitum, iudicium ad mortem vel pœnam, & iuramenti præstatio, c. 1. h. t. (hæc enim non esse ex se seruilia, constat ex eo, quòd non sint propria seruorum, nec sint mechanica, sed ad cognitionem & conuictum humanum ordinentur, ut inquit Suarez d. loco cap. 29. nu. 1.) ob sacularem distractionem, quam secum adferunt. Vnde vacationem & quietem, in die festo requisitam, & ab Ecclesia intentam, impedire possunt & solent.

Nomine Mercatus veniunt contractus emptionum-venditionum, locationum-conductionum, & similia, præsertim si publicè & publicè solemnitate fiant: item publicæ nundinæ, licet varijs in locis consuetudine receptum sit, ut nundinæ diebus festis, ob maiorem populi commoditatem, fiant, prout recipi & induci potuit, cum observatio Festorum sit legis humanæ (prout latè tradit Suarez *De relig. lib. 2. cap. 1.*) cui per consuetudinem derogari potest.

12 **Nomine Placiti** in iure Canonico tota causa iudicialis & forensis tractatio significari videtur, *can. 1. xv. q. 4.* ita ut prohiberi in die festo placitum, sit idem, quod prohiberi strepitum iudicalem, ut in *d. c. ult. h. t.* dicitur. Nihilominus tamen probabile est, secundum Abbatem in *d. c. 1. h. t.* significari causam dumtaxat civilem, quia placitum significare solet decretum, spectans ad civilem potius gubernationem, quam ad punitionem. Et ideo in *d. c. 1.* ad placitum adijciuntur cetera: iudicium quidem ad mortem vel poenam, ut per illa censeantur prohibita etiam omnes causae criminales; iuramentum verò additur, ut indicetur non solum iudicium ibi prohiberi (nam illud iam antè in prioribus verbis seu ex vi prohibitionis totius iudicii forensis prohibitum censi debet) sed etiam alia quaedam iuramenta, nempe ea, quibus pacta & conventiones inter aliquos firmantur, praesertim illa, quibus contractus ibi comprehensi sub nomine mercatus conferri solent, ut docet Suarez *De diebus festis lib. 2. cap. 30. n. 17.* praecipue ob exceptionem subiunctam, *nisi pro pace &c.* Nam iuramentum pacis non est iudiciale: & tamen, ne comprehensum videatur, excipitur, ac proinde signum est non prohiberi solum iuramentum iudiciale.

13 Sed cum strepitus iudicialis consistat in inchoatione causae, quae à citatione incipit, formatione processus & causae cognitione, ac denique in sententiae prolatione; circa inchoationem dubitatur, an citatio die festo, vel ad diem festum, fieri possit. Respondeo ad primum, magis receptum esse, citationem decerni posse die feriatâ ad diem non feriatam, quia actus citationis non est iudicialis, sed extraiudicialis, & sic cessat ratio *c. 1. & ult. h. t.* Ob eandemque causam executio citationis die feriatâ fieri potest, quia est facti; nec fit per Iudicem, sed per nuntium vel Notarium, vel per litteras, nullamque causae cognitionem requirit, *text. in c. Prudentiam, c. Cum contingat sup. De officio delegatis c. Cum parati inf. De appellat. Gail. 1. Obser. 53. n. 3. & duobus seqq.*

Ad secundum respondeo, citationem factam ad diem feriatam de iure civili, ex sententia Interpretum, non valere, per *l. 2. D. Si quis in ius voc. non ierit & l. fin. Cod. h. tit.* secundum Canonistas verò valere, quia proceditur die sequenti non feriatâ, *c. Cum dilecti inf. De dolo & contumacia, Gail. d. loco n. 2.* Satiùs tamen foret, apponere hanc clausulam, ut citatus compareat tali die, si iuridica fuerit; si autem non fuerit iuridica, ut compareat die iuridicâ sequenti, quia cum terminus comparendi in citatione praefixus demùm currere incipiat à tempore executionis, *c. Super eo 2. §. fin. inf. De appellat. l. 1. D. Si quis caution. &c.* Iudex illud tempus scire non potest, ob locorum distantiam & nuntiorum in exequendo tarditatem, *Gail. d. loco n. 2. & 3.* In ijs tamen causis, quae diebus feriatis expediri possunt, ut sunt causae alimentorum, carcera-

carceratorum, pupillorum, viduarum, miserabilium personarum, & quæ moram non patiuntur, valet citatio ad diem feriatam.

Quoad processum seu progressum liris, etiam quæritur, an testes in die festo examinari possint? De qua quæstione fasius videre licet Suarez *lib. 2. cap. 3.* vbi docet, quod licet multi Canonistæ velint examinationem testium, factam de festo, validam esse, modò iuramentum, quod generaliter & in qualibet causâ, siue temporali siue spirituali, prohibetur exigi die festo in *d. c. 1.* (verba enim textus generalia sunt, & solum duplex exceptio ibi ponitur, quæ non minùs habet locum in temporalibus quàm in spiritualibus) præcesserit in die profesto; quasi tunc examinatio ipsa retrahatur ad diem præstiti iuramenti: tamen sit nulla; subiungens non solum prolationem sententiæ iudicialis esse prohibitam & nullam in die festo, sed etiam eius executionem, per *l. Alius, l. Ut in die & l. ult. Cod. eod.* in qua *l. ult.* expressè dicitur, ut à cunctis executionibus excusetur, nulla quemquam urgeat admonitio, taceat apparitio præconis, horrida vox silescat: ut meritò sub strepitu iudicij comprehendi videatur.

Appellationem verò esse permissam die festo, tanquam iuris naturalis & rem fauorabilem, & quæ sine magno strepitu fieri potest, tradit Glossa & Panormit. in *d. c. ult.* Vbi insuper docet Panormit. non posse coram vero arbitro die festo iudicium agitari, ut expressè habetur in *l. Omnes dies Cod. eod.* quia ille procedit iudiciali modo & ad instar Iudicis. Aliud dicendum de arbitratore, cum sit amicabilis compositor & conciliator pacis; & fœdera ac similia pacta non sint in die festo prohibita.

Quæritur insuper, an in feriis observandis sit attendendus locus rei, an Iudicis, an actoris, dum contingit ferias esse in loco vno, & non in alio. Respondet Abbas in *d. c. ult. n. 23.* communem conclusionem esse, quod attendi debeat locus Iudicis, quia vbi agitur de ordinatione iudicij, attenditur consuetudo fori seu loci, in quo exercetur, non autem consuetudo loci litigantium: & aliàs fieri posset, quod reus vel actor haberet duplicatas ferias, nempe regionis suæ, & loci Iudicis.

Quæritur denique, an exempti dies festos, quos Episcopus in sua diœcesi observari præcipit, servare teneantur. Ita decernit Concil. Trid. Sess. 25. cap. 12. de reformat. Nauar. in *Manuali cap. 13. n. 5. vers. octavo in fine*, Choquier *De iurisdic. Ordinar. in exemptos p. 2. q. 45. n. 55.* (qua in quæstione recenset 116. casus, quibus exempti Ordinarijs subiunguntur) & ea de re exstat declaratio Cardinalium, quam refert Piasec. in *Praxi 2. p. 6. 3. tit. de visitat. Regularium n. 47. quam vide.*

De ordine cognitionum.

1. Pluribus causis concurrentibus, quarum una ab alia dependeat, de hac primò pronuntiandum.
2. Petenti hereditatem obstat exceptio natalium, qua primò terminanda.
3. Mulieri vindicanti maritum obstat exceptio consanguinitatis, qua priùs discutienda.
4. Actione criminali & civili concurrente, ut præcedere debeat.
5. 6. Agenti spolij nomine quatenus obstat exceptio spolij.

L Itē contestatā, iuramento calumniæ præstito, & dilationibus datis vel ab homine vel à Iure, ijsque lapsis, recto ordine vel actor ob contumaciam rei in possessionem mittendus esset, vel utrimq; ad probationem procedendum; sed quia sæpè plures quæstiones in iudicium incidunt vel à litigatoribus proponuntur, de quibus priùs cognoscendum, quàm in principali causa procedatur: ideo dispiciendum antè est, quo ordine de ijs cognoscendum & pronuntiandum sit, ne præpostera cognitio vel earum confusio iudicium impediat.

1. Hic autem ordo seruandus est, ut, quoziescumque una causa pendet ex alia, primò pronuntiari debeat super ea, à qua altera dependet, siue ab eodem siue à diuersis, siue agendo siue excipiendo proponatur, l. 5. §. 8. 9. 10. D. De agnos. & alend. liber l. 16. 17. & 18. D. De except. l. 1. §. 1. D. De rei vindicat. Farinac. De varijs criminibus q. 100. n. 137. & seqq. Hinc rescindens iudicium antecedit rescissorium. Vide Fabr. Decad. 7. Errore 1. & 2.

2. Hinc etiam causæ præiudiciales, in quibus de statu personæ quæritur, semper præmitti debent, quia cæteris præiudicant, id est sententia super ijs lata ostendit, quid in principali pronuntiari debeat, seu parit exceptionē rei iudicatæ in principali, & ius actoris tollit vel actorem ab agendo repellit, Farinac. d. q. 100. n. 78. & seqq. Tesaursus decis. 18 n. 18. Ideoque si quis apud Iudicem laicum petat hereditatem ab intestato, tanquam filius, vel proximus agnatus defuncti, & reus, à quo peritur hereditas, objiciat actorem non esse filium legitimum aut proximum agnatum defuncti, priùs de hac exceptione per Iudicem Ecclesiasticum cognoscendum & pronuntiandum erit, quàm de hereditate actori restituenda per Iudicem laicum pronuntietur, c. 3. b. t. quia decisio quæstionis, an hereditas actori sit restituenda, pender ab ista exceptione natalium: nam si probetur, non esse filium legitimum, aut proximum

proximum agnatum, frustra agitur de hereditate ei restituenda.

Dixi, de ista exceptione prius esse cognoscendum per Iudicem Ecclesiasticum; quia licet de causa status, quando incidenter venit in iudicium, cum causa principali possit & debeat idem Iudex cognoscere, l. *Quoriet* l. *Nulli Cod. de iudicijs*, l. 1. *Cod. de ord. iudic.* tamen quia causa natalium & legitimacionis, pendens ex validitate matrimonij, est Ecclesiastica, Iudex laicus ne quidem incidenter de ea cognoscere potest, vetantibus id Canonibus, c. *Lator inf. Qui filij sint legit.* cum non deceat laicos Ecclesiastica villo modo tractare negotia, c. *Decernimus sup. De iudicijs*.

Similiter si mulieri vindicanti aliquem, tanquam maritum suum, obijciatur exceptio consanguinitatis, seu quod nequeat esse eius maritus, quia sic illi consanguineus in gradu prohibito, iuxta c. *Non debet inf. De consanguinitate*; prius de hac consanguinitatis exceptione cognoscendum erit, quam super causâ principali pronuntietur, quia probatâ exceptione causa principalis perimitur. Non est tamen necesse super hac exceptione pronuntiare, sed sufficit, quod pronuntietur super principali, quod scilicet Iudex declaret, seum non esse maritum, eamq; absoluat, c. 1. h. t. *Facit l. 1. Cod. de ord. iudic.* ubi dicitur, ad officium eius, qui de hereditate cognoscit, pertinere cognitionem incidentis quaestionis, etiam talis, de qua aliâ principaliter non posset cognoscere (vbi est quaestio de statu & ingenuitate, quæ tantum coram Præsidem agitari debet, l. 4. *D. De off. Praes.*) & hoc ideo, quia non de ea, sed de hereditate pronuntiat. Ratio est, quia in effectu hoc ipso, quo sententia fertur super principali, tacite fertur super hac exceptione; quandoquidem propter exceptionem probatam reus absoluitur. Deinde exceptio ista concernit ipsum factum principale, & ad ipsum factum principale, de quo quaeritur, perimendum proponitur; ideoque sufficit, si super ipso pronuntietur, quia tum tacite etiam pronuntiat super exceptione; superflua autem sunt rescanda, c. 2. *inf. De probat. can. Causa; Episcopi Distinct.* 68. Aliud dicendum est de exceptione, quæ concernit & impedit ipsum processum: nam super ea prius est pronuntiandum, vel expresse vel tacite procedendo ad actum contrarium; idque ut appareat, an sit procedendum, an non, Abbas in d. c. 1. n. 21. *versic. subijcio rationem utriusque.*

Non obstat prædictis c. *Causam sup. De officio delegati* 2. *Accedens* 8. *mandans sup. Vel lue non contestata* &c. c. *Ex conuassione* c. *Litteras inf. De restitut. spoliatorum*; in quibus, non obstante consanguinitatis exceptione, proceditur in causâ principali: quia illa capitula obtinent in possessione, id est, ubi mulier fuit in quali possessione matrimonij, & per maritum spoliata: cui propterea agenti ad restitutionem mariti, non obstante exceptione consanguinitatis, restitui maritus debet.

N. G.

Nisi fortè consanguinitas in gradu, lege diuinâ prohibito; statim probari possit; nam tum restitutio denegaretur, *d. c. Litteras §. propterea*. Cæterum in *d. c. i.* mulier agebat non possessorio iudicio, sed petitorio: non enim petebat sibi restitui maritum, sed vindicabat seu petebat sibi adjudicari, ut patet ex textu. Nam licet aliàs libera persona vindicari non possit, *l. i. D. De rei vindicat.* potest tamen adiectâ causâ, v. g. quia est meus maritus, Abbas in *d. c. i. n. 2.*

4 Hinc quoque, concurrente actione criminali & civili, licet arbitrio Iudicis relinquatur, quænam præcedere, quænam sequi debeat, *l. penult. & ult. Cod. De ordine iudic. l. 26. Cod. Ad legem Iul. de adul.* Clarus in *Pract. criminali q. 2. §. ult.* & criminalis principaliter intentata excludat civilem, Farinac. *d. q. 100. n. 59.* Clarus *q. 92. §. fin.* Fachin. *lib. 6. cap. 2.* tamen, ubi civilis præiudicat criminali, vel è contrâ, præiudicialis præcedere debet, & altera sequi, Farinac. *d. loco n. 61. & seqq.* Quando autem altera alteri non est præiudicialis, tum criminalis & civilis coniungi possunt. Vide Farinac. *d. loco n. 75. & seqq.*

5 Quòd si agenti spoliij nomine obijciatur vicissim spolium, multùm refert, an per modum exceptionis, an per modum actionis obijciatur, de quo est *text. in c. Cum dilectus*, & ibi Abbas, & rursus Gloss. & Abbas in *c. fin. h. r.* ubi traditur, quid sit utilius intentare. Nam si per modum exceptionis, seu ad actionem actoris elidendam obijciatur, v. g. si obijciatur de spolio alterius rei, petaturque, ut non audiat actor in petitione sua, nisi antè rem restituat, tunc priùs de exceptione spoliij cognoscendum est, quàm de actione spoliij, *d. c. Cum dilectus, versic. sed quoniam*; quâ suspensâ dabitur terminus ad probandam exceptionem, qui est quindecim dierum, ut in *in c. i. De restitut. spoliat. in 6. & notat Abbas in d. c. Cum dilectus in 6. Notab.* Et probatâ exceptione, non priùs cogendus est reus actori respondere, quàm restitutione sibi factâ *d. c. Cum dilectus §. sed quoniam*: quia quando actor & reus hærent in eadem causâ & delicto seu luto, ut dici solet, fauorabilior est reus, quàm actor, *l. fauorabiliores D. De reg. iuris*. Si verò per modum actionis obijciatur, hoc est si reus non excipiat, sed vicissim contra actorem agat de spolio, tum non repelletur actor ab agendo, nec priùs cognoscetur de causâ rei, quàm actoris, quia hîc cessât ratio *d. l. fauorabilioris*, cum vterque sit actor, sintque duæ quæstiones seu actiones principales, nempe conuentio & reconuentio seu mutux petitiones, de quibus, cum in idem iudicium deducantur, simul etiam debet cognosci; priùs quidem de causâ actoris, tum de causâ rei: sic tamen, ut utraque causâ simul finiatur, secundum ea, quæ suprà de mutuis petitionibus diximus.

6 Rursus spoliatiõne per modum exceptionis contra agentem de spolio,

spolio, velut vicissim spoliatorem, propositâ & probatâ, repellitur quidem actor, seu decernitur, non esse audiendum, donec restituerit: non tamen condemnatur ad restituendum, quia finis exceptionis est repellere, non autem consequi, & exceptio est solum actionis exclusio, ideoque non operatur restitutionem. Dixi, contra agentem, velut vicissim &c. quia secus est, si proponatur contra eum, qui non spoliauit, sed est tertius possessor, Maranta 4. p. *Dislinct.* 6. n. 51. Contrâ verò per viam actionis propositâ & probatâ, consequitur restitutionem, non tamen repellit agentem, quia finis actionis est consequi, non autem repellere. ita Abbas *in d. c. Cum dilectus* n. 7. Ideoque dispicere potest, utro modo proponere sibi magis expediat: nam si ei melius sit incumbere actioni aduersarij, opponat per modum exceptionis, quia interim non procedetur super actione, sed suspendetur & detinebit rem petitam: si verò magis expediat, habere restitutionem spoliij, tum proponat per viam reconventionis, quia per eam obtinebit restitutionem rei, prout declarat Glossa *in c. fin. h. t.*

TITVLVS XI.

De plus petitionibus.

1. Plus petitur quattuor modis Re, Tempore, Loco & Causâ.
2. Pœna plus petentis tempore.
3. Quæstio, an per exceptionem, Tu petis plus tempore, suspendatur iudicium.
4. Pœna plus petentis re, loco vel causâ.
5. Pœnam tripli iure Canonico non obtinere.
6. Quousque actor plus petens euitare pœnas possit.

Quia inter incidentes quæstiones subinde proponit vel excipit reus, quòd actor plus petat, quàm sibi debeatur, & dubitari potest de ordine ac modo procedendi, ideo Titulo De ordine cognitionum in genere subiicit Pont. hunc Titulum.

Petitur autem plus quattuor modis, Re, Tempore, Loco & Causâ, *in unico h. t. §. plus autē Insist. De actionib.* Re plus petitur, si cùm creditori debeantur quinq;, petat decē, vel cùm res sit eius dumtaxat pro dimidia parte, petat totâ vel pro maiori parte. Tempore plus petit, qui petit ante diem, vel cōditionem, pactioni seu obligationi adiectâ. Loco plus petit, qui id, quod certo loco, v.g. Louanij sibi dari stipulatus est, alio in loco veluti Antuerpiæ, sibi dari petit, sine commemoratione loci,

K k

in quo

in quo sibi dari stipulatus est. Causa plus petitur, cum aliquid in genere vel alternatiue debetur, & res in specie, vel vnum præcisè, petitur: ut si is, cui alternatiue debetur equus vel duodecim aurei, equum tantum, vel duodecim aureos tantum, & præcisè petat. Idque obtinet, etiamsi id, quod petit, vilius sit altero, quia sæpè facilius est promissori soluere, quod est maioris pretij, quàm quod est minoris, & contrà: atque ita adimit promissori facultatem eligendi, quam habet, §. *præterea Institut. de Actionibus.*

- 2 Olim qui vno horum modorum plus petebat, causa cadebat, id est rem amittebat, ut explicat Iustinianus in §. *Si quis agens Institut. d. 1.* & constat ex Paulo 1. *Sentent. cap. 10.* ubi ait, Causa cadimus vel loco, vel summa, vel tempore, vel qualitate. Eaque poena usque ad Zenonem retenta fuisse videtur: nam constat ex Hermogeniano Cod. qui passim nunc exstat, tit. *De calumnia & de plus petendo*, hac de re fuisse duas Constitutiones, iuri veteri conformes, Diocletiani & Maximini. Postmodum verò hæc poena mutata fuit: nam qui plus petit tempore, ex Zenonis Constitutione sumptus litis restituit, & dilatio temporis, non quidem totius, sed eius, quod debitori supererat, siue ex conventionem siue ex natura actionis, ad soluendum duplicatur, §. *ult. versic. hodie autem Institut. De exceptionib.* ut sic poena delicto commensuretur. Exemplo relegati ad opus publicum, aufugientis ante tempus, cui duplicatur pro poena residuum temporis, ante quod aufugit, non verò totum tempus relegationis ei statutum, l. *Aut damnum §. quisquis D. De poenis.* Et in hac poena paritas videtur esse conditionis fiscus cum privato, tanquam qui non minus quàm priuatus tempora agendi seruare debeat, l. *Iustas Cod. de iure fisci lib. 10.* Imò non desunt, qui hac in parte existiment duriorẽ esse causam fisci, quàm priuati, arg. d. l. *iustas*, quàm iubentur concremari etiam iustæ fisci actiones, ob hoc solam, quòd suis temporibus prolatae non sint: quasi in fisco iuris veteris poenæ adhuc locus sit.
- 3 Sed cum in c. *unico h. tit.* dicatur, quòd actore plus tempore petente duplicentur reo induciæ, nec cogatur postea litem excipere, nisi ei soluantur expensæ: queri potest, an per hanc exceptionem, *Tu petis plus tempore*, suspendatur iudicium in toto, an verò debeat ferri sententia definitiua, cum poenis apposis? Et respondet Panormit. *ibid.* quòd si ita exceptio proponatur dilatoriè, v. g. ante litem contestatam, tum impediatur iudicium super principali: si verò opponatur peremptoriè, veluti post litem contestatam, tum non impediatur, sed debeat ferri sententia de soluendo debito, finitis scilicet inducijs duplicatis: ita ut illorum verborum, *nec litem excipias, nisi ei soluantur expensæ*, sensus sit, quòd non cogatur suscipere iudicium, non quidem illud, quod iam per li-

per lris contestationem suscepit, sed aliud, quod ex re in hoc iudicio indicata, vel per actionem in factum, vel per implorationem officij Iudicis super executione instituerur, lapso duplicato tempore, & solutis expensis. Vt hæc exceptio, licet vocetur dilatoria exceptio solutionis, tamen hoc casu non retineat naturam suam, id est non maneat dilatoria. Potest tamen subinde etiam suspendere iudicium, iam per lris contestationem susceptum, veluti si pendente iudicio demum superueniat; vt si de non petendo ad tempus pendente iudicio pactum interuenerit; vel si reus eam sibi comperere ignorauerit, vt si non ipse contraxerit, sed hæres sit debitoris, vel si ex alterius contractu conueniatur, c. *Pastoralis inf. De exceptionibus.*

Qui verò plus re vel loco aut causâ petit, ex Iustiniani Constitutione condemnatur in omne damnû, quod suâ petitione reo intulit, & insuper pendere debet triplum eius, quod ob maiore quantitatem, libello conuentionis comprehensam, viatoribus, id est executoribus litium, sportularum nomine, præstandum fuit, §. *tripli Institur. De actionibus.* Vno tamen casu ex eiusdem Imp. Constitutione plus re petens causâ, scilicet cum creditor, exactâ per dolum malum maioris summae, quam sibi reuera debeat, cautione, plus petit, & super huiusmodi petitione litem contestatur: nisi actor conuictus super maiori quantitate cum reo transigat super pœna, vel reus in iudicio confessus sit se totum debere. Cui casui postea in *Novella x v. De Defensoribus ciuitatum. cap. 4.* addit alium casum, scilicet cum quis transferendi iudicij causâ apud Præsidem provinciae maiorem summam petit, quam ei verè debeat, ne cogatur debitorem pro minori summa intra trecentos aureos coram defensore ciuitatis conuenire.

Queritur autem hic, an pœna tripli, de qua antè, etiam iure Canonico obtineat. Verius est, non obtinere, vt docet Pānormit. in c. *vnico h. t. n. 9.* tum, quia summus Pont. tantum dicit condemnandum plus petentem in expensas: tum quia d. §. *tripli* loquitur, de expensis factis nomine sportularum; & ideo, cum sportulae in foro Ecclesiastico non præstentur, c. *Cum ab omni inf. De viis. & honest. Cleric.* non possunt eo iure triplicari. Et hoc intellige, quando plus re vel causâ petitur: nam si petatur plus tempore vel loco, habent locum alia pœna, de quibus d. c. *vnico*: vt scilicet plus loco petens teneatur ad interesse: vbi verò plus tempore petit, duplicentur induciae, & expensas soluat plus petens.

Neque tamen superuacanea est dicta dispositio, quasi per antiqua iura prouisum sit de expensarum condemnatione, respectu temerè & calumniosè litigantium, c. *Calumniam inf. De pœnis*, c. *Finem inf. De dolo & conuentione*, & alij: quia per antiqua iura condemnatio expensarum

venit tantum accessorie; & ideo Iudex, lata semel sententia super principali, non potest amplius condemnare in expensas, *l. Terminato Cod. De fructibus & lit. expens.* per dispositionem vero dicti *c.* potest ea condemnatio fieri principali etiam iudicato, exhibito ad hoc nouo libello, vel etiam pendente iudicio, implorato officio Iudicis.

6. Queritur etiam, quousque has penas actor plus petens euitare possit? Et licet Glossa velit posse euitare, si ante litis contestationem desistat à plus petendo, quam sibi debeat; ut etiam ante litē contestatam desistens merito teneatur seu teneri debeat aduersario ad interesse, si quod sit: tamen verius est euitare posse, etiam si post litem contestatam desistat, dummodò ante sententiam, quia in *d. c.* punitur importunitas plus petentium demum, si super petitione sua duxerint in iudicio persistendum; iam autem iudicium non dicitur, nisi à litis contestatione usque ad sententiam: & ideo non potest dici super petitione sua in iudicio persistere, qui ante sententiam desistit.

Nec obstat, quòd talis videatur temerè litem mouisse, *arg. l. Eum quem D. De iudicijs*, & suo errore, quem iam fatetur, litem retardasse, iniquumque videatur eum errorem aduersario nocere, *arg. l. Nemo D. De reg. iuris, & l. 2. Cod. De fructibus & lit. expensis*: quia non potest dici temerè litem mouisse, qui iusto errore ductus id fecit; nec talis error ei nocere debet, *l. In seruute § si petierit D. De bonis libert. & litis expensæ regulariter non debentur*, nisi quis sine iusta causa litem mouerit, *l. Qui solidum D. De legatis 2. l. Omnes § praterea Cod. De Episc. & Clericis.*

TITVLVS XII.

De causa proprietatis & possessionis.

§. I. De possessione, quid ea sit, & quotuplex, & de iudicijs possessorijs.

1. Quæ dicatur causa possessionis.
2. Quæ proprietatis.
3. Possessio interdum proprietatem significat: hic actum & ius possidendi.
4. Vnde possessio alia facti est.
5. Alia iuris.
6. Diuiditur in Iustam & Iniustam.
7. In Civilem & Naturalem, item Civilem & Naturalem simul.

§. 9. Civilis

8. 9. *Civilis quæ & cur ita dicatur.*

10. *Naturalis quæ sit.*

11. *Possessorium iudicium triplex, adipiscenda, retinenda & recuperanda possessionis.*

12. 13. 14. *Exempla cuiusque.*

15. *Possessorium retinenda aliud Ordinarium, aliud Summarium.*

16. 17. *Summarium quid sit & cur ita dicatur.*

18. *Possessio quibus modis probetur.*

Cum omnium frequentissimè in iure & iudicijs occurrant causæ possessionis & proprietatis, de quæ ijs etiam dubitari contingat, quo ordine proponendæ & cognoscendæ, & an cumulari possint, an verò singulæ singulis iudicijs tractandæ sint, rectè subiungitur hic Tit. in quem concurrunt ferè omnia, quæ in Pand. & Cod. plurimis titulis de interdictis & eorum usu proponuntur.

Causa possessionis vocatur, in qua principaliter agitur de possessione, vel quasi possessione, siue adipiscenda, siue retinenda, siue recuperanda: veluti quando actor principaliter contendit possessionem rei sibi esse restituendam, & reus negat; atq; hoc appellatur Iudicium possessorium, c. Cum super 4. h. t. & causa momenti, c. 1. h. t. non quia semper momento absoluitur; nec enim id interdum patitur improbitas inuasoris: sed quia ex natura sua apta est momento peragi, si de vi litigator statim docuerit, & quia à sententia momentaneæ possessionis non appellatur, l. unica Cod. De momentanea posses. Glossa in d. c. 1.

Causa proprietatis vocatur, in qua principaliter agitur de rei controuersæ proprietate seu dominio, vel alio iure, extra possessionem vel quasi possessionem: ut si actor intendat se esse & declarari dominum rei, reus verò neget; & hoc appellatur Iudiciū petitoriū, d. c. Cum super h. t. Tale iudicium est, cum res vindicatur, l. Qui petitoris D. De rei vindicat. l. Cum iudum §. fin. & ibi Gloss. D. De vi & vi armata, c. Pastoralis h. t. cum hæreditas petitur, toto tit. D. De petis hered. Gloss. penult. in l. 2. Cod. De edicto D. Hadriani tollen. cum quis contendit ius eligendi, præsentandi vel cōferendi sibi competere, c. 3. & 4. h. tit. vel agit ad vsumfructum, vsum, aut aliam seruitutem, quia agens ad ista iura incorporalia, censetur dominus iurium. Maranta 4. p. Distinct. 7. n. 1. Cum quis agit actione personali ad rem, dicitur etiam petitorium iudicium, Maranta d. loco.

Vtro autem iudicio, an possessorio, an verò petitorio agatur, ex conclusione libelli potissimum intelligitur: nam si actor concludat aduersarium suum sibi condemnari ad restitutionem rei, agit iudicio possessorio; si verò se dominum rei controuersæ pronuntiari petat, agit petitorio.

3 Ceterum possessio licet interdum etiam proprietatem significet, ut si quis legauerit possessiones suas, *l. Interdum D. De verb. significat. & plurimis alijs*; per translationem scilicet, quia sæpè dat effectum & com-
moda dominij, *c. Sæpè inf. De restit. spoliat.* & ad dominij proprietatis-
que acquisitionem perducit, *§. Ex his Institut. Per quas personas etc. & contrà* licet dominium subinde significet possessionem, *l. 15. Cod. De rei vindicat.* tamen etiam sumitur possessio, ut quid separatum à pro-
prietate, *l. Questio D. De verb. significat.* Et ita hîc accipimus: non qui-
dem in ea significatione, quâ sumitur in *d. l. Questio*, in qua tribuitur
rebus ipsis possessis; sed capimus hîc possessionem pro actu veliure
possidendi, à quo denominatur quis possessor. Actus possidendi dici
solet possessio facti; ius verò possidendi dici solet possessio iuris.

4 Est autem possessio facti detentio rei corporalis, siue mobilis siue
immobilis, corporis & animi ac iuris adminiculo.

Dicitur, rei corporalis; quia incorporalia cum tangi non possint,
non propriè possidentur, sed quasi possidentur, *l. Seruum §. incorporales
D. De acquir. rer. dominio.*

Detentio ponitur loco generis: nam omnis possessio est detentio,
non è diuerso, quia detentio seu detinere conuenit etiam ijs, qui possi-
dere nequeunt, & ad eum quoque detinendi actum refertur, qui inte-
destituitur, sine quo ne quidem possessio facti, de qua agimus, subsistere
potest: eoque nomine intelligitur etiam apprehensio prima, quæ or-
dinariè requiritur, estque possessionis incœptio & acquisitio.

Additur, corporis adminiculo; quia ut res aliqua incipiat possideri,
debet aliquo modo corporaliter apprehendi, manibus, pedibus, ocu-
lis, vel alio simili modo, in quo continetur. Vnde & possessio dicitur
à pedum positione in *l. 1. D. De acquir. vel amit. possess.* nam per pedum
positionem super bona immobilia, quæ sunt potissima, ut v. g. super
fundum, agrum, prædium, solet acquiri possessio.

Adiicitur etiam, animi adminiculo; quia debet apprehendi animo
possidendi, *l. Si quis ante D. De acquir. possess.* animo enim & corpore
possessionem acquirimus, *l. 3. §. 1. & l. Quemadmodum §. D. d. r.* Hinc
depositarius & commodatarius non dicuntur possidere; quia non de-
tinent depositum & commodatum animo possidendi.

Additur denique, iuris adminiculo; non quasi omnis possessio fa-
cti iusta sit, cum fur verè possideat rem furtiuam, & tamen iniuste:
sed quia ius facit, ut talis detentio sufficiens censeatur ad constituen-
dam possessionem, nec eam impediat: sicuti impedit, ne detentio rei
sacræ vel loci religiosi à laico; vel liberi hominis censeatur possessio,
ut patet ex *l. Qui vniuersus D. eod.*

5 Possessio iuris, est ius reale insistenti alicui rei, tanquam suæ, non
prohi-

prohibita possideri. Per particulam, ius reale, excluditur possessio facti, quæ formaliter est ipsa occupatio & detentio actualis. Similiter excluditur detentio, quam habent inquilinus, depositarius, commodatarius, colonus, quia illa non est ius reale insistendi in re, sed tantum ius personale, nempe ex contractu competens.

Dicitur, insistendi rei; ut excludatur dominium, quod per se & formaliter est tantum ius disponendi de re. Cum interim hoc ius in eo consistat, quod possessor possit rem pacifice tenere, & iuris remedijs, subinde etiam armis, se tueri aduersus perturbantes.

Additum fuit, tanquam suæ; quia si quis insistat rei, nomine alterius, non erit vera possessio. Et hinc rursus colonus, inquilinus, depositarius, commodatarius, non dicuntur possidere, sed ipse dominus per eos, §. *possidere Institut. De interditiis*. Possumus enim per alium possidere, modo is habeat animum detinendi rem nostro nomine: nisi sit seruus noster, aut filius nondum emancipatus, nam hi eius conditionis sunt, ut non sibi, sed nobis acquirant, etiam si eum animum non habeant, §. *item placet in fine Institut. Per quas personas &c.*

Additur, non prohibita possideri; quia nullus potest habere ius possidendi contra iuris dispositionem seu iure resistente, sed solum potest detinere, ut v. g. rem sacram, religiosam, locum publicum, d. *Qui vniversas §. 1.*

Diuiditur Possessio in Iustam & Iniustam. Rursus ex parte causarum seu titulorum, qui ut varij & pæne infiniti sunt, etiam varias & pæne infinitas species seu potius modos possessionis constituunt. Hinc enim alia dicitur Pro emptore, alia Pro donato, alia Pro legato, Pro dote, Pro hærede, & sic de cæteris.

Tertiò diuidi solet in Ciuilem & Naturalem, l. 2. §. 1. D. *Pro hærede*: addunt alij Naturalem & Ciuilem simul. Ciuilem vocant, quæ iure consistit, l. 10. *Cod. De acquir. possess. & solo animo retinetur*. Nam licet ad acquirendam possessionem requiratur adminiculum corporis & animi, nempe ut quis rem apprehendat & occupet, animusque & affectionem sibi possidendi habeat, d. §. *Possidere Institut. De interditiis*: tamen, ut possea retineatur & continetur eius possessio, sufficit animus retinendi rem, nec desistendi à possessione ipsius, d. §. *Possidere*, idque ne per singula horarum momenta rebus nostris insistere necesse sit. Hoc modo possidet, qui à re, quam possidet, corpore discedit, nullo in possessione relicto, absque tamen animo desistendi ab eius possessione, l. *clam possidere §. qui ad nundinas D. De acquir. possess.*

Dico, absque animo desistendi ab eius possessione; nam ut corpore & animo acquiritur possessio, ita etiam corpore & animo perditur; imò etiam solo animo, l. 3. §. *in amittenda D. d. 1.*

Nec obstat, quòd solo animo non acquiratur, quia faciliùs amittitur, quàm acquiritur. Non tamen solo corpore amittitur, nisi etiam adsit animus non possidendi. Et ita intelligitur *l. Quemadmodum 8. D. cod. & l. ferè 153. D. De reg. iur.*, ubi dicitur, quòd, ut nulla possessio acquiri potest nisi animo & corpore, ita nulla amittatur, nisi in qua verūque in contrarium actum est: quando scilicet incipitur à corpore; secus enim, quando incipitur ab animo, qui in amittenda possessione attendendus est *d. §. in amittenda.*

9 Dicitur autem hæc possessio Civilis, quia iure civili fulcitur, seu iure civili magis constat, quàm Naturalis, cum naturalis modus possidendi sit per corporalem inuentionem. Et ideo possessio civilis Iusta appellatur, & Corporali opponitur, *l. 24. D. De acquir. poss.* Deinde quia parit effectus civiles, scilicet usucapionem & dominium.

10 Naturalis possessio est, quæ corpore simul & animo retinetur: ut quando quis occupat rem, ut suam. Potest autem hæc coniungi Civili: uti quando quis est præsens, per se vel per alium, rebus, quas civiliter possidet, & tum dicitur naturaliter & civiliter possidere. Potest etiam separari à Civili: ut si quis me ex fundo meo deiciat, ut fundum meum possideat, ego civiliter ille naturaliter eum possidet: non etiam civiliter, quia cum ius civile eiusmodi vim improbet, & possessionem auferri violento inuasori, & spoliato restitui iubeat, Iuris interpretatione non videtur possidere, *l. Si quis vi 17. l. Non videtur 22. D. d. r.* Aliquando tamen aliter accipiuntur Civilis & Naturalis possessio: ut scilicet Civilis dicatur, quæ res possidetur quoad dominium directum; Naturalis autem, quæ possidetur secundum usumfructum vel usum, vel habitationem, vel pignus, vel alia iura diuersa à dominio, ut constat ex *l. Naturaliter 12. D. cod. l. 2. D. Pro hered.* nam natura non aliud requirit ad constitutionem possessionis, quàm occupationem & frui-tionem.

11 De possessione verò agitur tribus modis, & sic triplex est iudicium possessorium, scilicet adipiscendæ, retinendæ & recuperandæ possessionis: nam omnis controuersia de possessione instituitur vel ad adipiscendam possessionem, quam actor nunquam habuit; vel ad retinendam, quam habet; vel denique ad recuperandam, quam amisit.

12 Exemplum possessorij adipiscendæ est in interdicto, Quorum bonorum, quod competit ei, cui delata est hæreditas ex testamento vel ab intestato, eâ aditâ de iure civili, vel bonorum possessione agnitâ de iure Prætorio, *l. 1. & 2. Cod. Quorum bonorum*; ad auocandam actua-lem & effectualem possessionem (quam nunquam habuit, & quam ipso iure non acquirit, sicut dominium, *l. Cum heredes 23. in princ. D. De acquir. poss.*) ab eo, qui pro hærede eius, de cuius hæreditate agitur, vel pro

vel pro possessore possidet, vel ab eo, qui dolo culpave desijt possidere. Vide Welsenb. ad l. D. *Quorum bonorum*. Dixi, quam nunquam habuit; quia si quando habuit, non competit possessorium adipiscendæ, §. *pro hærede insit*. De interdictis; sed recurrere debuit ad possessorium recuperandæ. Idque est generale in omnibus possessorijs adipiscendæ, Glossa in c. 1. in fine De confesio in 6. Maranta 4. p. *Speculi Distinct.* 7. n. 3. & ideo abusiue restitutorium vocatur.

Secundò, exemplum possessorijs adipiscendæ est in interdicto Quod legatorum, possessionem ab ipsis legatarijs, vbi eam propriâ auctoritate, & non ex voluntate hæredis occuparunt, vt ex legatis Falcidiam detrahere possit: siquidem legatarij legata ab hærede petere, non propriâ auctoritate capere, debent, l. 1. in prin. D. *Quod legatorum*: vbi videatur Welsenb.

Tertio, exemplum est in Saluiano interdicto, quod competit aduersus conductorem prædij alicuius, si inuecta & collata (quæ pensio- nis nomine obligata tenentur) è prædio abduxerit & abstulerit, vt possessionem eorum restituat ei, à quo conduxit. Et datur etiam aduersus tertium possessorem, l. 1. D. *de Saluiano interdicto*, & notat Abbas in c. *Pastoralis* col. 4. versic. 3. h. e.

Quartò, exemplum est in remedio l. fin. Cod. *De edicto D. Hadriani tollendo*, quod competit tantum hæredi scripto in testamento, cuius vigore potest perere se mitti in possessionem: de quo, & qualiter procedat, vide Bart. & D D. *ibid.*

Quintò, generaliter in officio Iudicis, quod imploratur per eum, cui collatum est beneficium aliquod, vt mittatur in possessionem, quam nunquam habuit: idque procedit & seruiatur generaliter de iure Canonico, Abbas in d. c. *Pastoralis* col. 4. versic. *& scias*; & habetur in c. *Accedens* 23. & ibi per Abbat. & D D. inf. *De accusat.*

Possessorijs verò retinendæ possessionis exemplum est in interdicto Vti possidetis & Vtrobi: quorum illud datur pro rebus immobilibus, hoc pro mobilibus, vt declarat Glossa & Abbas in d. c. *Pastoralis* col. 4. versic. 3. Datur autè possessori, quando iniuste & extraiudicialiter turbatur in sua possessione, aduersus turbantem, vt turbare desinat, reneaturque ad interesse turbationis factæ. Dixi, quando extraiudicialiter turbatur; quia si turbetur iudicialiter, vt si moueatur lis super aliqua re, quam possidet, non datur ei hoc interdictum Vti possidetis: quia qui vtitur iure suo per viam iudiciariam, alteri non facit iniuriam, Abbas in c. *Audua* col. 3. circa finem inf. *De restit. spoliat.* Sicut nec datur contra turbantem, deiectum à sua possessione: quia licet non possit deiectorem suum deicere ex intervallo, verum incontinenti dumtaxat, tamen potest impune quandocumque & ex intervallo turbare deie-

ctorem in sua possessione, Maranta 4. p. *Distinct.* 7. n. 18. Quod si vero duo litigent super hoc possessorio, & quilibet pretendat se possidere, is obtinebit, qui probabit de antiquiori possessione: quia iunior possessio præsumitur iniusta & clandestina, *text.* & ibi Abbas col. 4. in c. *Licet* 9. inf. *De probat.* Maranta d. loco n. 19. & 25. ubi consequenter in additionibus vide varias questionis circa hanc materiam remissius decidas.

- 24 Tertium, ut dixi, iudicium possessorium est recuperandæ possessionis: & in hoc fuerunt plura remedia à Iure introducta, prout ea recenset Maranta d. *Distinct.* 7. n. 28. Et in primis est interdictum Vnde vi, de quo ad Tit. *De restitut. spoliat.* agemus: secundum est condictio triticaria: III. condictio incerti: IV. condictio indebiti: V. actio in factum: VI. officium Iudicis: VII. est ex æquitate l. *Si & me & Titium* D. *Si certum petatur*: VIII. est condictio ex l. *Si coloni* 14. Cod. *De agric. & censitis lib.* 11. & sic de similibus alijs: de quibus, & quæ ad singula requirantur, vide apud Marantam d. *Distinct.* 7. à n. 28.

- 25 Possessorium retinendæ communiter duplex statuunt: alterum Ordinarium, quod & plenarium dicitur: alterum Summarium, vel potius Summarissimum siue Extraordinarium seu Momentaneum. Plenarium siue Ordinarium vocant, quando plena causæ cognitio adhibetur & seruatō ordine iuris, plenè discutitur atq; examinatur, utrum actor possideat rem, de qua agitur, non vi, non clam, non precario, ab aduersario suo, ut colligitur ex l. 1. D. *Ut possideris*. Et in hoc requiruntur plenæ probationes, quia magni est momenti, propter commodum possessionis: cum in eo sententia sit definitiua, nec aliam post se super possessione expectet, sed plenum & perpetuum præiudicium in possessorio adferat: licet in petitorio recuperari possit. latè Gail, 1. *Obser.* 7.

- 26 Summarium vel Summarissimum illud dicitur, in quo, nullo iuris ordine seruato, summam Iudex cognoscit, uter ex litigantibus possideat tempore litis motæ; ad eum finem, ut ille tanquam possessor constituarur, & alter sit petitor: ita ut saluum ei maneat ius suum, tam quoad plenarium possessorium, quam quoad petitorium. Huic autem possessorio Summarissimo numquam locus esse solet, quando uterque ex litigatoribus ita contendit se possidere, ut libellum offerre nolit, & periculum est, ne veniatur ad arma: tunc enim Iudex, re summam cognita, solet sine præiudicio partium declarare, interim alterum ex litigatoribus possessorem esse, donec de possessione cognoscatur, *text.* in l. *Aquisitum* D. *De usufructu*, ibi, *Cur enim*, inquit Iulianus, *ad arma & rixam procedere patiatur Prator, quos potest iurisdictione sua componere?*

- 27 Dicitur autem Summarissimum, quia in eo absque tela iudicij, & sine

sine longa protelatione litis, solâ facti veritate probabiliter inspectâ, celeriter & velo leuato, vt aiunt, procedendum est, l. *Si coloni Cod. De agric. & censit. lib. 11. ibi, celeri reformatione, Clement. Sæpè De verb. signifi. cat. Clement. Dispendiosam de iudicijs. Momentaneum verò dicitur, quia sententia in eo lata non perpetuum sed momentaneum & reparabile præiudicium adfert, quod in ordinario & pleno possessorio reparari potest, cùm sit mera puraq̃ue interlocutio, neutri parti, siue in possessorio ordinario siue in petitorio, præiudicialis. Vnde interim aut Fiduciaria aut Depositaria possessio aut Prouisionale remedium vel decretum appellatur: in eoq̃ue imperfecta & semiplena, quia modici est præiudicij, probationes admittuntur, Gail d. *Cbfer. 7. n. 6.**

Denique probatur possessio varijs modis, veluti ex perceptione fructuum, censuum & collectarum solutione, cæterisque actibus iuris possessorij in re factis, demonstratione viciniae, scientia, locatione, plantatione, latrone, & sic de alijs, quos refert Welenb. *ad Tit. D. De acquir. vel amis. possess.*

§. II. De Proprietate, quid sit, & quomodo differat à Possessione.

1. *Definitio Proprietatis.*
2. *Inter Proprietatem & Dominium non esse discrimen.*
3. *Differentia inter Proprietatem & Possessionem.*

Proprietas definitur ius plenè & perfectè disponendi de re pro lubitu & arbitratu, nisi lege vel conuentione quis prohibeatur: Et hinc quisque dicitur rei suæ moderator & arbiter. * **Ve-**
rius tamen est, quidquid alij sentiant, inter Proprietatem &
Dominium nullum esse discrimen, sed promiscuum esse eorum
vsum. Nam quod de proprietate scribit Callistratus in l. *Si de vi 37. D. De iudicijs*, idem de dominio in eadem quaestione scribit Martianus in
l. *Qui cætu 5. §. 1. D. Ad Leg. Iuliam de vi publica*. Id ipsum patet etiam
ex l. *Exitus 35. D. De acquir. possess. l. Ordinarij Cod. De rei vindicat.*

Tametsi autem possessio & proprietas versentur circa idem corpus seu eandem rem, & vtrumque sit ius incorporale & à possessione dominium incipiat, l. *1. §. 1. D. De acquir. possess.* & per eandem personas acquirantur, *Institut. Per quas personas nobis oblig. acq.* tamen aded diuersæ ac separata sunt naturæ, vt dicat Iuriconsultus in l. *Naturaliter §. nihil commune D. De acquir. possess.* proprietatem nihil habere commune cum possessione.

3 Et ut ex multis differentiis paucas delibemus, nihil vetat eum esse possessorem, qui dominus non sit; & contrà, eum dominum esse, qui non possideat, *d. l. Exitus*. Rursus dominium sine titulo non acquiritur, *l. Numquam nuda 31. D. De acquir. rer. dominio*; possessio verò in profanis tituli adminiculum non desiderat, nisi aduersus eum, à quo possidetur, *l. Clam possidere 6. §. qui ad nundinas ff. De acquir. possess.* Nudo etiam animo interdum acquiritur proprietas, *l. Cum heredes 23. D. d. t. possessio numquam, l. 3. in princ. D. eod.* Et contrà solo animo amittitur possessio, *d. l. 3. §. in admittenda*; non etiam dominium, *l. Si quis v. §. 1. D. eod.* Præterea possessio ex pluribus causis haberi potest, *d. l. 3. §. ex pluribus causis*; at verò dominium non nisi ex vna causa acquiritur, *l. Et an eadem §. actiones D. De except. rei iudicata.* Rursus in vitium litigiosi res cadit, si de proprietate controuersia in iudicio moueatur, *l. 1. iunctâ Authent. Litigiosa Cod. de litigiosis*; non item si de sola possessione. Insuper possessor actoris seu petitoris partes non sustinet, nec cogitur possessionem cedere, nisi probanti se esse dominum, *l. vlt. Cod. De rei vindicat.* Et vbique in pari causa, etiam turpitudinis & delicti, potior est eius conditio, *c. Cum partium De R. I. in 6.* & præsumptionem pro se habet. Item re pluribus venditâ, is dominus efficitur, cui prius res traditur, etiam si in contractu sit posterior, *l. Quoties D. De rei vindicat.*

Præterea causa possessoria momentanea & summaria dicitur, nec à sententia super ea lata admittitur appellatio, saltem ad impediendum effectum executionis, *l. 1. Cod. Si de momentanea possess. &c.* Nec publicatio testium productorum in causa possessoria impedit productionem testium in petitoria, etiam super iisdem vel directè contrariis articulis, *DD. in c. Veniens inf. De testibus.* Nec obstat, quò minus testis esse possit in altera causa, qui in vna fuit patronus vel aduocatus, *Felin. in c. Cum à nobis inf. De testibus.* Denique, ut alias differentias omittam, exceptio rei iudicatæ ex alterutra causa alteri non obest, quò minus qui de vna egit, alterâ experietur, *d. l. Et an eadem.*

§. III. Coram quo Iudice tractari debeat causa possessionis & proprietatis.

1. Possessorium iudicium, etiam in spiritualibus, spectare ad iudicem laicum.
2. Sententia contraria.
3. Ea de iure verior.
4. Prior tamen recepta in praxi.

§. Causa

5. *Causa possessionis & proprietatis coram eodem iudice tractanda; & quatenus.*

IN primis, loquendo de possessorio per se & seorsim à proprietate, sunt qui velint, possessorium retinenda & recuperanda ad Iudicem laicum, qui est Ordinarius loci, in quo res, de qua agitur, sita est, spectare, etiam tunc, cum de possessorio beneficiorum, decimarum, Iuris-patronatus agitur, Glossa inc. *Litteras sup. De iuramento calumnia*, Guido Papæ Decis. 71. & 85. Gail 1. Obscr. 37. n. 5. & multi alij. Probatum per c. 7. inf. *Qui filij sint legitimi*, in verbis, Nos attendentes, quod ad Regem pertinet, non ad Ecclesiam, de talibus possessionibus iudicare. Item per can. *Petimus x 1. q. 1. vbi Pont.* indicare videtur, adeundum esse Rectorem provincie in causa possessionis rei Ecclesiasticæ, quam aliquis inuaserit. Per c. *vlr. sup. De iudicijs*, vbi Iudex secularis de possessione inter quendam Abbatem & Monachos, ex vna, & communitatem cuiusdam castri, ex altera, cognoscit: nec tamen improbat Pontifex, sed potius confirmat; eâ scilicet ratione, quod possessorium rei spiritualis non sit quid spirituale, sed temporale, & potius in facto quàm in iure consistat. Et ideo, licet in causis spiritualibus non iuretur de calumnia, c. 2. *sup. De iuramento calum.* tamen si pro re spirituali possessorio agatur iudicio, necesse est iurare de calumnia, c. *l. litteras 8. præterea inf. De restitut. spoliat.* Glos. ibid. in *v. iuramento*, & in d. c. 2. in *v. rebus spiritualibus*.

Contra alij, dum agitur de possessorio rei spiritualis, Iudicem Ecclesiasticum etiam esse competentem volunt, Anton. Butrius in d. c. *vlr. sup. De iudicijs*, August. Bellous ad Rubr. d. 1. n. 55. Couar. *Pract. quest.* 6. 35. n. 1. versic. *Secunda conclusio*. * Et hæc sententia de iure verior mihi videtur; præsertim quando de possessorio rei spiritualis inter personas Ecclesiasticas disceptatur, vel à laico persona Ecclesiastica convenitur. Probatum ex c. *Cum sit generale sup. De foro compet.* vbi dicitur, in fauorem Ecclesiæ introductum esse, ut piorum locorum Rectores possint malefactores suos sub quo maluerint Iudice convenire; eò quod sæculares Iudices in exhibenda iustitia personis Ecclesiasticis sæpè in iudicio sint remissi. Probatum secundò ex Clement. 1. *De causa posses. & propriet.* Clement. 1. *De sequestrat. posses.* vbi habetur, tam possessorium quàm petitorium causæ Ecclesiasticæ tractandum esse apud Sedem Apostolicam. Et denique ex c. 2. *sup. De iudicijs*; vbi dicitur, negotia Ecclesiastica apud Iudices Ecclesiasticos esse tractanda. Ratio est, quia Iudex laicus nullam in Clericos iurisdictionem habet, c. 1. & 2. *sup. de foro compet.* & ideo licet de re temporali agatur, & non de persona: tamen, quia cum persona Ecclesiastica est agendum, illa non

ad laicum, sed ad Ecclesiasticum trahi debet, cum is solus in eam imperium & iurisdictionem (quæ sine modica coercitione nulla est, l. 2. D. De iuri, dist. om. iud.) habeat, & solus eam compellere possit ad comparandum in iudicio.

Non obstat, d. c. 7. *Qui filij sint legitimi*: quia loquitur de rebus temporalibus & possessionibus laicorum.

Ex d. can. *Petimus* solum colligitur, personam Ecclesiasticam posse subsidium & opem secularis Iudicis implorare pro recuperatione vel defensione rei sue: at in d. c. ult. agebatur causa inter Ecclesiasticam personam & secularem, & Ecclesiastica trahebat secularem ad iudicium; ideoque eius forum sequebatur.

5 Ceterum priorem sententiam testatur esse communem Boërius Decis. 60. n. 23. eamque communis iudiciorum usus approbat & amplectitur. Adeoque, & cum Iudicis Ecclesiastici exclusione, de istis possessorijs, etiam rerum spiritualium, cognoscit Brabantix Concilium, & questio in possessorio suspendit petitorium, nisi in petitorio fuerit contestata lis coram Iudice Ecclesiastico. Quinimò, teste Zypæo lib. 2. De iure Pontif. novo h. t. etiam questiones adipiscendæ possessionis recipit & decider, cum tamen per Concordata Brabantix interdictum adipiscendæ Iudici spirituali relinquatur. Et meritò, cum iudicium possessorium retinendæ ac recuperandæ possessionis, sit temporale, & in facto potius, quam in iure consistat: at verò in adipiscenda possessione nihil est facti, sed solum disquisitio Iuris, cum sine iure & titulo possessio beneficij acquiri non possit; de quo iure, cum sit spirituale, laicus cognoscere nequit, Ant. Faber. in Cod. suo lib. 3. tit. 7. De finit. 1. post Guidonem Papæ q. 1.

6 Porro quamvis ita distinctæ sint possessionis & proprietatis causæ, prout antè diximus: tamen utraque coram eodem Iudice proponi & ab eodem terminari debet, c. 1. h. tit. & Iudex simpliciter ad causam delegatus, de utraque cognoscere & iudicare: idque ne connexitas, quam ad se mutuò habent (tum ratione subiecti, quia circa eandem rem versantur, tum ratione facilioris cognitionis & decisionis, quia qui cognovit de possessione, facilius cognoscet & decider de proprietate) diuidatur, contral. Nulli Cod. De iudicijs, c. 1. inf. De sequestratione. Quod tamen ita intelligendum, nisi litigantes sint diuersi fori (ne obstat c. Significauit sup. De iudicijs, ubi dicitur, quòd actus, qui obtinuit in possessorio coram Iudice rei, non teneatur coram eodem respondere super proprietate:) & modò Iudex utriusque causæ cognitionem habeat, quia, exempli gratià, in causà beneficij possessorium coram Iudice laico institutum non trahit ad eandem causam beneficij petitoriam, cum Iudex laicus de ea cognoscere nequeat.

S. 4. An

§. VI. An caussa Possessionis & Proprietatis possint cumulari.

1. Videtur cumulari non posse.
2. Sententia contraria probatur.
3. Queritur de cumulando possessorio retinenda cum petitorio.
4. Probatur etiam illius cumulatio.
5. Respondetur contrarijs.
6. Quo modo de utroque pronuntiare debeat iudex.
7. 8. Actorem, suspenso petitorio, posse experiri possessorio.

QUæritur hîc, an vnus & idem actor aduersus eundem possit agere possessorio & petitorio simul, eiusdem rei nomine. Videri potest, quòd non, sed prius experiendum possessorio, eoq; absoluto demùm agendũ esse petitorio, siue agatur possessorio adipiscendæ, siue retinendæ, per l. Incerti Cod. De interd. vbi dicitur, ortâ proprietatis & possessionis lite, prius possessionis decidi oportere quæstionem: vt ex hoc, ordine factò, de dominijs disceptatione probationes ab eo, qui de possessione victus est, exigantur. Secundò, per l. Ordinarij Cod. De rei vindicat. vbi dicitur, ordinarij iuris esse, vt de possessione iudicetur, & tunc demùm proprietatis caussa ab eodem Iudice decidatur. Cum enim hæ leges non distinguant, quo possessorio agatur, videntur intelligendæ de omni possessorio, iuxta illud vulgatum, Vbi lex non distinguit, nec nos distinguere debemus. Et quòd in possessorio recuperandæ possessionis prius agendum sit de possessione, quàm de proprietate, probati videntur per l. Si de vi D. De indicijs, l. Qui cæta §. si de vi D. Ad leg. Iuliam de vi publica, iunctâ l. 1. Cod. De appellat. & per §. retinenda possessionis Institut. De interd. vbi dicitur, non posse petitoriam actionem, id est actionem de proprietate institui, nisi ante exploratum sit, vtrius eorum sit possessio. Accedit regula Iuris, quæ habet, quòd, cùm alicui competunt plures actiones, eiusdem rei nomine, vnâ experiri debeat.

Nihilominus tamen posse in eodem iudicio aduersus eundem cumulari, probatur ex c. Cum Ecclesiæ c. Cum super c. Cum dilectus hoc tit. l. Cum fundum D. De vi & vi armata, vbi, pendente rei vindicatione seu petitorio iudicio, respondet Iurisc. nihilominus rectè agi interdicto. Et d. §. nihil commune ait, non denegari interdictum Vti possideris ei, qui cæpit vindicare.

Ratio

Ratio huius est, quia hoc pacto minuuntur lites, & ex duabus fit una: ad quod Iurifconsulto omninò ad laborandum est, *l. Properandum Cod. De iudijs, & Institut. De pœna temere litigant. in princ.*

Et hoc quidem communiter receptum, quando quis onus probandi possessionem & dominium simul suscipere vult; non modò quando agitur possessorio adipiscendæ vel recuperandæ, sed etiam quando agitur possessorio retinendæ, respectu diuersarum possessionum: veluti si agam rei vindicatione aduersus possessorem, ratione naturalis possessionis, quæ penes eum est, & simul interdicto retinendæ agam aduersus eundem, ratione ciuilibus possessionis, quam penes me esse contendo: tum quia id valet ad expediendas lites, tum quia nulla hîc est contrarietas.

- 3 Verùm admodum controuertitur, an etiam possessorium retinendæ cumulari possit cum petitorio, respectu eiusdem possessionis, v. g. naturalis? Non posse, ex eo videtur probari, quòd inter se pugnare videantur: nam qui agit possessorio retinendæ, contendit se possidere, & retinere velle possessionem, quam habet, ac proinde aduersarium non possidere: qui verò agit petitorio, tacitè saltem videtur fateri, se non possidere, sed aduersarium: quia ei, qui possidet, non datur actio in rem, sed ei, qui non possidet, §. *quod genus actionis Institut. De actionibus*. Et ideo, qui petitorio iudicio utitur, inquit Caius Iurisc. *inst. Qui petitorio D. De rei vindicat.* ne frustrà experiat, inquirere debet, an is, cum quo instituit actionem, possessor sit, nec ne. Atque ita cumulans possessorium retinendæ cum petitorio, allegat contraria seu contradictoria, nempe se possidere, & non possidere; ideoque non est audiendus, *l. Vbi pugnancia D. De reg. Iur. & similibus*: ita Bart. & alij ad d. l. *Naturaliter*.

- 4 Contrarium tamen apparet verius, ex d. l. *Naturaliter*; vbi dicitur, non denegari interdictum Vti possidetis ei, qui cœpit rem vindicare, quia non videatur possessioni renuntiassè, qui rem vindicauit: vbi quia non distinguitur, indicatur eum, qui rei vindicatione agit, neque ciuili neque naturali possessioni renuntiare. Nec verum est, agentem possessorio retinendæ & simul petitorio contraria allegare, nempe se naturaliter possidere, & non possidere naturaliter: nam agens possessorio retinendæ concedit quidem se possidere, & per consequens aduersarium suum non possidere; dum verò simul agit petitorio, scilicet simul rem vindicat, ne tacitè quidem hoc ipso fatetur aduersarium suum possidere, quia rei vindicatio datur etiam aduersus eum, qui neque naturaliter neque ciuilitè possidet, sed detinet tantum; veluti aduersus depositarium & commodatarium; utpote qui habent facultatem rei restituendæ, *l. Officium in fine D. De rei vindicat.*

Non

Non obstant in contrarium allata, quia obtinent illa, quando uterque litigantium & de possessione & de proprietate contendit, ita ut neuret eorum onus probandi dominium velut suscipere in se, sed in alterum rejicere (prout actor prudens non faciliè suscipit, quia difficilis est probatio dominij, l. *Ad probationem Cod. De probat.*) nam tunc, quia sciri non potest, uter litigantium probare debeat, priusquam exploratum sit, utrius sit possessio, eò quòd is demùm in petitorio teneatur probare dominium, qui causâ cecidit in possessorio, si in petitorio obtinere velit, l. *Exitus D. De acquir. posses.* ideo eo casu prius debet decidi possessorium, quàm petitorium. At verò cum quis ab initio suscipit in se probationem possessionis & dominij, cessat illa incertitudo seu ratio: & proinde postulat æquitas, ut utrumque simul eodem iudicio expediatur, ut tanto citius lites dirimantur & diminuantur; præsertim cum petitorium & possessorium tendant ad diversa, nempe possessorium ad possessionem, & petitorium ad proprietatem.

Susceptâ igitur per actorem possessionis & proprietatis probatione, si utrumque probet, potest iudex vel de utroque simul sententiam ferre; sic tamen, ut in pronuntiatione præmittat possessionem, in executione verò proprietatem, c. l. c. *Cum dilectus h. t.* vel prius, probationibus de possessione examinatis, de possessione tantum pronuntiare, c. 2. h. t. Alioquin quando agitur petitorio simul & possessorio, non posse iudicem à principio solum admittere probationes super possessorio, tradit Abbas in d. c. 2. n. 2. Sin autem actor, utriusque probatione susceptâ, possessionem quidem probaverit, sed non dominium, iudex ei ad iudicabit possessionem, non verò dominium, c. *Cum Ecclesia h. t.*

Sed quid, si ab initio solum propositum fuerit petitorium, ac etiam desuper lis sit contestata, imò usque ad probationes processum, licet bine actori (si fortè videat se non faciliè posse probare dominium, contidat verò se faciliè probaturum possessionem) intentare possessorium, suspensio petitorio? Non posse, videtur: tum quia post litem contestatam non potest imutari libellus, l. *Edita Cod. De edendo*: tum quia petitorium ab initio propositum videtur prius ad finem deducendum, quàm ad aliud procedi possit; quia qui semel aliquam actionem proposuit, necesse habet usque ad finem litem exercere, *Auth. Qui semel Cod. Quomodo & quando iudex &c.* Nihilominus responder Pont. in c. *Pastoralis h. t.* eum, qui ab initio egit de proprietate, posse usque ad conclusionem in causa, suspensio petitorio, intentare possessorium ad adipiscendam vel recuperandam (idem esto iudicium de possessorio retinenda; licet aliqui aliter sentiant:) quia, ut antè diximus, agendo petitorio non censetur remittisse possessorio, quandoquidem

M m

nihil

nihil commune habeat proprietas cum possessione: nec hic mutatur libellus, sed ei aliquid superadditur, nempe possessorium.

- 8 Non obstat *d. Auth. Qui semel*; quia huc petitorium non suspenditur, tergiuerlandi causâ, quod *d. Auth. veratur*, sed ex iusta causâ, ne scilicet actor deficiens in probatione dominij, omninò cadat causâ, sed probans possessionem saltem obtineat in possessorio: post conclusionem autem in causâ non potest, nisi subsistente causâ.

TITVLVS XIII.

De restitutione spoliatorum.

§. I. Remediū hoc ob quas res, & cui cōpetat.

1. 2. *Competit hoc remedium ob ereptionem rerum immobilium.*
3. *Cui & aduersus quem competat.*
4. *In quo differat ab interdicto retinenda possessionis.*

- T** Amethi in præcedentem Titulum incurrant ferè omnia, quæ in Pandectis & Cod. de varijs interdictorum generibus & eorum usu proponuntur: tamen eirectè subijcitur specialiter hic Tit. *De restitutione spoliatorum*, seu de interdicto recuperandæ possessionis, tanquam qui specialem requirat tractatum, eò quod plurima ab alijs diuerſa contineat, & ex atrocitate facinoris descendat, l. 1. §. *hoc interdictum D. De vi & vi armatâ*. Vnde in Institutionibus & Cod. vocatur Interdictum Vnde vi, scilicet à primis edicti verbis, *Vnde tu illum vi deieciſti*: in Pandectis verò inscribitur Tit. *De vi & vi armata*, veluti à causâ efficiente, quia non nisi ei competit, qui vel vi simpliciter, vel vi armatâ deiectus est de possessione * rerum scilicet immobilium, vt fundi, vel ædium. Subaudiendum verò est, vel quasi possessione; quia iura incorporalia, veluti seruitutes, redditus, beneficia, pensiones, iurisdictiones, & similia, rebus immobilibus comparantur; & tamen non propriè possidentur, sed quasi possidentur. Et ideo, si quis vi prohibeatur vt i seruiture aut iurisdictione suâ, dabitur ei hoc interdictum Vnde vi, c. *Olim inter 17. c. Pisani 19. b. t.* & similiter si beneficio suo Ecclesiastico vi priuetur, c. 2. §. 7. b. t. Baldus *Conf. 425. vol. 3.*
- 2 Dixi, rerum immobilium, l. *Prætor ait §. & generaliter & §. illud D. De vi & vi armata*; quia ei, cui res mobilis erepta est, non competit aliquod interdictum possessorium recuperandæ possessionis, sed actio vi bonorum raptorum, vel furti, vel ad exhibendum, d. l. 1. §. *illud*. Quamuis, si res

si reseiusmodi fuerit in fundo vel ædibus, vnde quis deiectus est, atque ita eam amiserit, etiam eius nomine, saltem accessoriè, licet non principaliter, hoc interdictum competat, *d. l. 1. in princ. & §. illud 6. versic. planè, l. Si quando 9. C. Vnde vi, Alex. in l. Vindicatio 56. D. Derei vindic.*

Datur autem hoc interdictum ei, qui vi deiectus est, siue fuerit dominus rei, siue non; veluti si sit usufructuarius, *l. 3. §. fin. D. De vi & vi armata*: modò tamen rem verè possederit, cum fuit deiectus, *d. l. 1. §. interdictum autem hoc 23. c. Consultationibus 10. sup. De officio delegati*; siue naturaliter siue ciuilitè, *d. l. 1. §. deijciatur 9.* siue iustè siue iniustè. Item hæredi ac cæteris eius successoribus competit, *d. l. 1. §. hoc interdictum 44.* non quidem aduersus quemlibet possessorem aut tertium aliquem, qui non spoliauerit, & eandem rem possidere cœperit, *l. Cum à te 7. D. d. tit.* sed aduersus eum, qui per se vel per alium deiecit, vel deijci mandauit, (modò factum fuerit subsequutum, quia, vt dixi, ex facti atrocitate descendit) vel etiam deiectionem ratam habuit, *d. l. 1. §. deijcisse 12. iuncto §. sed etsi 14.* aut accedere prohibuit.

Differt verò hoc interdictum ab interdicto retinendæ possessionis, quòd detur per vim deiecto aduersus deiectorem, etiam si deiectus vitiosè, vi vel clam vel precariò ab ipsomet deiectore aduersario suo possederit, *l. Sed si vi 14. D. eod.* Idque in odium eius, qui posterius vi deiecit: & proinde non habet hic locum regula iuris, quòd rei sint fauorabiliores, quàm actores, quodque in pari causâ potior sit conditio possidentis. Hoc tamen limitandum est, nisi vi deiectus incontinenti deijcentè iterum deijciat, *c. Olim causam 12. h. t.* quia vim vi repellere licet, modò non fiat ex intervallo, hoc est modò fiat, priusquam ad alios actus extraneos progressum sit, etiam si aliquid temporis intercesserit.

§. II. De alio remedio recuperandæ possessionis.

1. Interdictum Vnde vi aduersus quem competat.
2. Remedium ex c. Sæpè 18. h. t. competit aduersus quemlibet possessorem.
3. Modò sciens possideat iniustè.
4. Licet scientia superueniat demum acceptà re.

Quia per interdictum Vnde vi, de quo iam dictum est, non satis consultur spoliatis, ex quo illud datur dumtaxat aduersus eum, qui per se vel per alium deiecit, vel deijci mandauit, vel deiectionem ratam habuit, aut accedere prohibuit, non autem aduersus alium, ne

M m ij

quidem

idem

- quidem heredem aut successorem vniuersalem (nisi quod in hos, quatenus ad eos peruenit, competat actio in factum, *d. l. i. §. ult. Abbas & DD. plene in c. Quia sol. §. De iudicijs;*) nec in singularem successorem, Maranta 4.p. *Distinct. 7. n. 26.* ne quidem quatenus ad eum peruenit, siue iusto titulo & bonâ fide, siue absque titulo & malâ fide rem, vnde quis deiectus est, possideat; & durum admodum esset, aduersus huiusmodi possessorem non competere nisi rei vindicationem, ad quam instituendam actori incumbit probare dominium, quod sæpè probatu est difficile: ideo Innoc. *in c. Sæpè contingit 18. h. t.* introduxit aliud remedium recuperandæ possessionis, simile interdicto Vnde vi quo actor agere potest ad recuperandâ possessionem, aduersus quemlibet possessorem, spoliationis conscium, siue is rem immediatè à spoliatore acceperit, siue mediatè, etiam à possessore bonæ fidei intermedio; eâ ratione, quod non multum intersit quoad periculum animæ, an quis ipse inuaserit alienum, an sciens iniuste possideat: quandoquidem vitium deiectionis seu spoliationis non purgetur, nisi res reuerfa sit in potestatem possessoris, qui deiectus est, vel domini, si is dominus sit: adeò vt si verus dominus possessorem deiciat, non purget hoc vitium, imò interdicto Vnde vi directò teneatur, *l. Sequitur §. si tu me vi cum §. seq. D. De vsucapionibus.*
- 3 Dixi, an sciens iniuste possideat; quia hoc remedium non competit aduersus eum, qui rem vi inualam ignorans, eam possidet: hoc enim casu cessat periculum animæ seu peccati, quod sine scientia non committitur. Et ideo actori incumbit probatio clara & specifica scientiæ huiusmodi; nam aliàs generaliter ignorantia præsumitur, & obiecta scientia probari debet, *l. Verius D. De probat.* Quamquam stante ignorantia spoliationis huic remedio possessorio locus esse possit, eo casu, quo quis vacuum seu vacantem possessionem ingreditur, maximè ex qua alius deiectus est: nam vt ad eum casum Iustinianus, *in l. ult. Cod. Vnde vi*, extendit vsum interdicti Vnde vi, etiamsi illi verba edicti non quadrent; ita verius est & hunc casum hoc remedio, quod ad exemplum interdicti Vnde vi introductum est, comprehendere.
- 4 Cæterum à plerisque dubitatur, an hoc remedium competat aduersus eum, qui bonâ fide rem à spoliatore acceperit, & demùm, eâ accepta, vitio violentiæ laborare cognoscit? Et communius obtinuit, superuenientem scientiam perinde atque eam, quæ ab initio fuit, singulari successoris nocere, cum verum sit, eam rem scienter detineri iniuste, & iniustam detentionem inuasioni æquiparet Pontifex: nec minus subsit hîc periculum animæ, quàm cum ab initio nouit vi ablatam. Idque obtinet, siue titulo lucratiuo siue oneroso successerit, siue soluendo sit, siue non, primus spoliator: quia hîc Pont. non tam spectat causam

causam acquisitionis, quàm modum, hoc est scientiam acquirentis & recipientis ac detinentis iniuste, seu periculum animæ.

§. III. De tertio remedio recuperandæ possessionis.

1. *Remedium redintegranda possessionis cui datur & aduersus quem.*
2. *Simile actioni quod metus causâ.*

Est & tertium remedium recuperandæ possessionis, quod à Pragmaticis appellatur remedium redintegrandæ ex *can. Redintegranda* 111. q. 1. quod quia latissimè patet & plenissimum est atque vtilius inter omnia possessionis remedia, & cum omnibus alijs remedijs concurrit, Maranta 4 p. *Distinã.* 7. n. 58. hodie est in frequentissimo vsu. * Datur enim ei, siue Clerico siue Ecclesiæ siue laico, qui de re aliqua, etiam mobili, vi deiectus est, vel cui aliàs quouis modo sine iusta causâ ablata res est, Maranta d. n. 58. absque vlla temporis præfinitione, aduersus quemlibet eius rei possessorem, quamvis ipse non spoliauerit, nec etiam spoliationis sit conscius, sed bonæ fidei possessor, d. *can. Redintegranda*, & ibi *Glossa*; & siue cum vitio seu absque vitio, siue cum titulo siue absque titulo ad eum res peruenerit Maranta d. loco: * quia hoc remedium est in rem scriptum, sicut & actio quod metus causâ, quæ coërcet non tantum personam vim facientis, sed datur etiam aduersus omnes eos, ad quos res peruenit, l. *Metum* §. *ult.* D. *De eo quod metus causâ* Eoque uti potest etiam colonus & inquilinus, si de detentione sua fuerit per vim deiectus, etiam aduersus quemlibet possessorem.

§. IV. Quo pacto facienda sit restitutio spoliato.*

1. *Spoliatus ante omnia restituendus.*
2. *Exceptio ab hac regula.*
3. *Restitui debet res cum sua causâ.*
4. *Quid probare debeat actor in hoc iudicio.*

Traditur in hoc Tit. hæc regula, quòd in iudicio spoliationis spoliatus, etiamsi prædo sit, ante omnia sit restituendus, c. *In litteris* 1. adedò ut, quamuis aliàs regulariter reus nò condemnetur, nisi prius

auditus in suis exceptionibus, l. 1. *Col. Deprobat.* tamen spoliator, conuentus à deiecto seu spoliato, ne in suis quidem exceptionibus (veluti si actori obijciat aliquod crimen, vel quòd vi aut clam possederit, c. *Cum quis h. t.* aut si agatur de beneficio, quòd non sit canonicè institutus, d. c. *In litteris*) audiat, priusquam restituerit, quod vi abstulit, c. *Conquerente in fine h. t. l. 1. Cod. Si per vim vel alio modo &c.* ibi, *sine vlla cunctatione restituatur, l. Si quis 7. ibi, eademq., protinus restituta Cod. Ad Leg. Iuliam de vi publ. vel priuata*: etiamsi de dominio exciperet, id est diceret se esse dominum rei, de cuius possessione actorem deiecit, c. 1. *h. t. c. Frequens eod. in 6.* etiamsi incontinenti illud probare vellet; nisi spoliatus consenserit, Panormit. in d. c. 1. Secus atque in interdicto adipiscendæ & retinendæ, vbi exceptio dominij, maxime si incontinenti probari possit, obstat agenti. Idque singulare est in hoc iudicio spoliationis, in odium volenti spoliatoris, l. *Si quis intantam Cod. Vnde vi, c. Exm qui De prabendis in 6. Menoch. De recuperanda possess. remed. 1 q. 1. n. 38.* qui licet fortè ius aliquod vel etiam dominium in re habuerit, non tamen debuit rem propriam auctoritate auferre, sed iudicio experiri oportuit, non vim facere, nec ex delicto suo commodum reportare, *contra l. Auxilium 38. D. De minoribus*: & ideo nec temporis momento debet res penes spoliantem esse, l. *vnica Cod. Si de moment. possess. &c.* Nec habet hic locum regula iuris, quòd dolo faciat, qui petit, quod est restitutus, l. *Dolo D. De doli mali except.* prout habet in interdicto adipiscendæ & retinendæ possessionis.

- 2 Sunt tamen aliqui casus, quibus spoliatus non est ante omnia restituendus: veluti si spoliatus beneficio Ecclesiastico, ante spoliationem beneficio suo spontè renuntiauerit, c. *Accepta 3. h. t.* Alioqui si post spoliationem renuntiauerit, restituendus erit, quia præsumitur vi renuntiassè, nisi a & or contrarium probet, c. *Sollicitè 2. h. t.* Similiter si agenti possessorio recuperandæ vxoris, vel recuperandi mariti, obijciatur consanguinitas vel affinitas in gradu, iure diuino aut Canonico prohibito ad contrahendum matrimonium; si promptè & incontinenti probari potest, recepto ab opponente iuramento de malitia, negabitur restitutio quoad thorum, & prius cognoscetur de consanguinitate vel affinitate, c. *Litteras h. t.* idque ob animæ periculum. Pari modo, si marito, agenti possessorio recuperandæ vxoris, obijciatur magna in vxorem seuitia, prius cognoscendum, erit de mariti seuitia, quam vxor restituatur, c. *Extransmissa 8. h. t.* Et sic de alijs quibusdam casibus.

- 3 Restituere autem debet spoliator rem cum omni causâ, id est cum omnibus fructibus, quos percepit aut percipere potuit, à die, quo vi actorem

actorem deiecit, cæterasque utilitates, *c. Grauis 11. h. t. l. 1. §. eum qui §. non solum D. De vi & vi armata, l. Qui restituere D. De rei vindicat.* nam æquum est, ut spoliatus tantum consequatur, quanti eius interest. Et ideo quæcumque habiturus vel assecutus erat, si non fuisset spoliatus, ei restitui debent, vel illa ipsa, vel saltem eorum æstimatio, *d. l. 1. §. quod autem & l. penult. D. De vi & vi armata.*

Ut tamen actor hanc restitutionem obtineat, si agat interdicto. Vnde vi, probare debet; primò se possedisse tempore spoliationis. Secundò, se de possessione fuisse deiectum, & quidem ab aduersario, in quem agit, vel ab alio, eius nomine, vel saltem eum spoliationem ab alio factam ratam habuisse. Si verò agere velit remedio recuperandæ possessionis, per *c. Sapè* introducto, sufficit probare, se possedisse, ac spoliatum fuisse, & possessorem rei contum esse spoliationis, quia Pont. per *d. cap. Sapè* constituit, ut non tantum spoliator, eiusque hæres, sed etiam singularis eius successor, non solum primus, sed quilibet, etiam centesimus, ex Panormit. & aliorum sententia, quifcienter recepit rem, virtute *d. c. Sapè* conueniri possit.

Quòd si verò alterum prædictorum probare nequeat, cadit causa. Hinc qui mulierem aliquam absque sponsalibus vel inualidis donum suam traduxerat, quasi suam uxorem, agens tanquam spoliatus, quia ea ab eo discessisset, cecidit causa, *c. Ex parte 14. h. t. nam per solam traductionem, absque sponsalibus validis præcedentibus vel subsequenter, non potuit cum ea contrahere aliquod vinculum obligatorium, nec accipere possessionem mulieris, tanquam vxoris suæ, d. c. Ex parte.* Ideoque ut mulier viro restituatur, probare debet, sibi desponsatam, & à se cognitam fuisse, *c. Ex transmissa 8. hoc tit.* & insuper cauere debet de impunitate: nisi tanto odio mulierem prosequatur, ut merito de ipso diffidat, nam tunc alicui probæ & honestæ mulieri usque ad decisionem causæ vxor custodienda committi debet, in loco, ubi vir vel parentes eius mulieri nullam possint vim inferre, *d. c. Ex transmissa.* Si deniq; spoliatus agere velit ex *can. Redintegranda*, solum probare debet, se possedisse & spoliatum fuisse.

6. V. Quis dicatur hic spoliatus.

1. *Spoliatus etiam à iudice extraiudicialiter quis dicitur.*
2. *Requisita ad hoc, ut quis priuetur beneficio.*

Illud postremò notandum, spoliatum hoc loco dici, qui è cuiuscunque rei, siue mobilis siue immobilis, corporalis siue incorporalis, possessione vel quasi possessione, iniuste vel indebite, eiectus aut eà priuatus est. * Ideoque si iudex, prætermisso iuris ordine, id est extraiudicialiter vel aliàs absque causæ cognitione, aliquem possessione rei suæ, veluti beneficij aut alterius, spoliauerit aut priauerit, is ante omnia, perinde atque si à priuato spoliatus esset, plenè restitui debet, *c. Conquerente h. t.* Neque enim Iudici, sub fiducia Magistratus, id est ut est Iudex, magis quàm ut est priuatus, quidquam contra ius facere permittitur, *l. Nec Magistratibus D. De iniurijs*; ne inde nascatur occasio iniuriarum, vnde iura descendunt, *l. Meminerunt Cod. Videri*: vsque adeò, ut iudici, sic de facto iniuriosè procedenti de facto quoque resistere liceat, *l. Prohibuit Cod. De iure Fisci lib. 10.* etiamsi rescripto delegatorio inserta esset clausula, *Contradictores compescendo, Lud. Roman. Consil. 482.*

2. Et propterea ut quis iure priuetur beneficio suo, tria concurrere debent; primò grauis & rationabilis causa, quæ per se mereatur priuationem, *can. Inuentum xvi. q. 1. c. 1. & ibi Glos. De capellis Monachorum in 6.* Secundò, debet hæc causa esse manifesta seu notoria, *can. Nos in quemquam 1. q. 1.* Neque enim creditur Iudici, etiam Episcopo, asserenti aliquem criminofum esse, sed oportet quòd manifestè constet, *can. Si tantum & can. Placuit vi. q. 2.* Tertio, quòd priuetur in iudicio seu iuris ordine seruato, *d. c. Conquerente 7. h. t.*

TITVLVS XIV.

De Dolo & Contumacia.

1. *Dolus duplex bonus & malus.*
2. *Contumacia quæ sit.*
3. *Et quis contumax.*
4. *Pæna contumacium.*

Titulus hic præcedenti ideo subiungitur, quia spoliatus quandoque dolo vel contumaciâ rei restitutionem consequi non potest.

1. Est autem Dolus duplex, scilicet bonus & malus. Bonus, veluti hostibus

hostibus parare insidias, l. 1. D. De dolo. Malus definitur omnis calliditas, fallacia, machinatio, ad circumueniendū, fallendum, decipiendum alterum adhibita, d. l. 1. §. 1. vbi exempla ponuntur. Agitur hīc de dolo malo, non simpliciter, sed quatenus contumaciā adharet.

Est autem Contumacia erga Iudicem vel Prælatum seu superiorem commissa inobedientia, secundum Hostien. in *Summa h. t.* Significat enim Contumacia inobedientiam, & propriè contemptum potiorum, licet aliquando sumatur in bonam partem, vt apud Ciceronem 1. *Tuscul.* Adhibuitque liberam contumaciam à magnitudine animi inductam, non à superbia.

Itaque contumax litigator hīc censetur, qui tribus edictis, vel vno peremptorio euocatus, & nullā iustā causā impeditus, non compareret, l. Contumacia 13. D. De re iudicata; vel si compareret, Iudicis dicto obtemperare recusat, l. vnica D. Si quis ius dicenti &c. vel sine Iudicis licentia recedit, c. *Causam* h. t.

Dixi, nullā iustā causā impeditus; quia si ob valetudinem vel aliam iustam causam non compareat, vel non obtemperet, à contumacia excusatur, d. l. Contumacia versic. penam cum seq.

Litigatorum autem contumacia variè coërcetur; nunc litis damno, d. l. Contumacia; nunc mulctā à Iudice inflictā, l. 2. D. Si quis inius vocatus &c. D. D. in l. Omnibus D. Si quis ius dicenti &c. (quæ duæ pœnæ tantum locum habent in vero contumace, iuxta DD. in d. l. Omnibus §. finali, Maranta d. tit. De contumacia n. 9.) nunc in expensas condemnatione & earum refectione, c. Cum dilecti h. t. vel aliter secundum Iudicis arbitrium, si non sit soluendo, c. Finem litibus h. t. Interdum ad iudicium inuicis ducitur, l. Consentaneum Cod. quomodo & quando Iudex &c. Subinde rei sequestratione punitur, c. Ex litteris h. t. Interdum excommunicatione afficitur, c. Tue fraternitatis sup. Vt lite non contestata &c. Glossa in c. Actor hoc tit. in 6. & in c. Constitutionem 9. De sententia excommunicat. in 6. nisi quod hodie ad pœnam excommunicationis non deueniatur, quando potest aduersus eum fieri realis aut personalis executio. Vide Conc. Trid. Sess. 24. cap. 3. De reformat. Aliquando etiam missionem in bonorum possessionem patitur, ijs scilicet casibus, in quibus locum habere potest.

TITVLVS XV.

De eo, qui mittitur in possessionem, rei seruandæ causâ.

1. Ob contumaciam rei ex primo decreto mittitur actor in possessionem, bonorum custodiae causâ.
2. Post annum constituitur verus rei possessor, etiam extra decretum in actione reali.
3. In actione personali non nisi ex secundo decreto.
4. Reo contumace, postquam contestata lis est, iudex procedet ad sententiam definitiuam, si constet de causæ veritate.
5. Sin minùs, adiudicabit aëtori possessionem.
6. Missio in possessionem locum non habet in beneficialibus.
7. De aëtoe contumace.

Diximus Tit. præcedenti, aëtoem aliquando ob contumaciam rei mitti in possessionem bonorum seu rei petiti: hîc docetur, quid iuris aëtor ex hac missione consequatur.

- I** Quod vt melius intelligatur, diligenter attendendum est, **1** utrum reus, ante litem contestatam contumax, reali an personali actione conueniatur, & an suo an alieno nomine possideat rem. Nam si reali actione conueniatur, & rem petitam suo nomine possideat, aëtor custodiæ causâ mittitur ex primo decreto in possessionem rei petiti, iuxta debiti petiti & in libello declarati mensuram, *c. Quoniam §. in alijs sup. Vt lre non contestata &c.* vt hac ratione tædio affectus reus veniat responsurus. Quod si intra annum venerit, cautione iudicio sisti præstitâ, & exhibitâ satisfactione congruâ expensarum, possessionem recuperabit. **2** * Alioquin si intra annum à die missionis cautionem huiusmodi dare neglexerit (modò per reum non steterit, quo minùs data sit, *c. 3. h. t.*) aëtor statim quasi ex secundo decreto verus constituitur rei possessor, & fructus facit suos, super proprietate dumtaxat aduersæ parti defensione legitimâ reseruâtâ, *d. c. Quoniam §. in alijs, & c. 1. & 2. h. t.* Imò etiam, aëtoe petente, potest procedi ad rei petiti venditionem, vel constituto summarie de debito petito, potest adiudicari aëtori in solutum, pro modo petiti debiti, *l. Cum proponas Cod. De bonis aëtoris. Iudici possid.* Si verò actione reali conueniatur is, qui alieno nomine possidet, prout conueniri potest, *l. Officium D. De rei vindicat.* tum aëtor nominabit dominum in iudicio; &, si post insinuationem,

DE EO, QUI MITT. IN IN POSSES. REI SERV. CAUS. 283
nem, eidem domino infra præscriptum à Iudice terminum factam, ipse dominus per se vel per procuratorem non compareat, ac tribus edictis legitimè euocatus in eadem contumaciâ persistat, actor post summariam cognitionem mittetur in rei possessionem, absenti proprietatis quæstione reservatâ, *d. c. Quoniam §. in alijs.*

In actione personali ob contumaciam rei mittetur actor in bonorum possessionem, primò mobilium, deinde immobilium, si mobilia non habeat, & postremò iurium, pro modo declarati debiti, *Aush. Et qui iurat Cod. De bonis auctoris. Iudicij possid.* (licet olim ex actione personali missio fieret in omnia bona, exceptâ causâ damni infecti, *l. 1. D. Ex quibus causis in possessionem eatur:*) aut excommunicabitur reus, pro arbitrio Iudicis, *d. c. Quoniam §. fin. & ibi Panormit.* Intra annum tamen vel post annum veniens audietur, & possessionem recuperabit, si promittat iudicio sisti, & offerat satisfactionem expensarum. Alioquin, lapso anno, actor verus possessor, sed non nisi decernente Iudice, efficitur, saluâ reo proprietatis quæstione & defensione, *d. c. Quoniam.*

Decreto iudicis hîc propterea opus est, ad hoc, ut actor verâ rei possessionem consequatur, quia mittitur in possessionem rei non suæ, sed tantum sibi debite. At in reali mittitur in possessionem rei, quam suam esse contendit, & quæ propter contumaciam rei præsumitur esse actoris, ideoque ibi secundo decreto opus non est. Vide *Wesemb. ad tit. D. De damno infecto.*

Sin autem reus, actione reali conuentus, lite iam contestatâ contumax fuerit, modò de controuersie motæ veritate constet aut constare possit ex actis, diligenti examine adhibito, puta quia testes recepti sunt aut recipi possunt, vel instrumenta sunt exhibita, confessiones factæ, potest Iudex, reo absente, ad sententiam definitiuam procedere, vel eum absoluendo, si iustam causam habuerit, vel condemnando, si noxius inuentus fuerit, eamque executioni mandare, *l. Properandum §. sin autem ex gestis & §. sin autem reus Cod. De iudicijs, c. Prout sup. De dolo & contumacia.*

Nec obstat, quòd sententia contra absentem & indefensum lata sit nulla, *l. 1. Cod. De sententijs & interlocut. om. Iud.* quia id quidem verum est regulariter, sed excipitur hic casus, propter contumaciam ipsius rei, absentis, & litigatoris absentia, inquit Imp. Dei præsentia repletur, *d. l. Properandum §. cum in terribiles:* usque adeò, ut ne quidem reus ob contumaciam absens condemnatus, postea veniens ac fideiussores offerens audiatur, *d. §. sin autem:* nisi fortè confestim, & Iudice adhuc pro tribunali sedente, venerit, *l. Divus D. De restitut. in integrum.* Sicut etiam non est audiendus, si à sententia condemnatoria appellare voluerit: quia non debet de Iudice queri, sed de seipso: nisi fortè in ex-

N n ij hibendo,

hibendo, quod exhibere iussus erat, contumax exstiterit, *l. Creditor §. iussus D. De appellat.*

- 5 Si verò de causa nō constet, nec constare possit, ut quia actor nullos testes aut instrumenta produxit, nec vlla confessio facta est, tum actori sola possessio adiudicabitur, & incontinenti efficietur verus rei possessor, saluā absenti proprietatis questione, *d. c. Prout.* Quod si adiudicationi possessionis locus non fuerit, tum reus, etiam inuitus, cogendus est, ut compareat, *d. l. Consentaneum circa finem.* Sin autem actor, ob potentiam aut dolum rei contumacis, non possit possessionem sibi adiudicatam intra annum ingredi, vel acquisitam amiserit, nihilominus, ne contumax sit melioris conditionis, quā obediens, anno elapso efficietur verus possessor, *c. Contingit h. t. nisi cautionem præstiterit reus de stando iuri, c. i. h. t.*
- 6 Habet autem missio in possessionem locum, cū de rebus profanis disceptatur, non etiam cū de beneficialibus, ut dignitatibus, personatibus, vel beneficijs Ecclesiasticis, ut euitetur vitiosus ingressus ad beneficia, quæ sine canonica institutione obtineri non possunt. Ideoque in illis causa dirimitur etiam lite non contestatā, *c. unico eod. in 6.* Idemque obtinet in causa matrimoniali, vbi alter coniugum ita abest, quod peremptoriè citatus venire contemnat, aut malitiosè se occultet, vel impediatur, ne ad se perueniat citatio, *c. fin. §. porro sup. Ut lite non contestatā &c.* Cæterum quibus casibus non est locus missioni in possessionem, reus ante litis contestationem contumax, ut iuri pareat, per Ecclesiasticam censuram compellendus est, *c. Tuæ fraternitatis sup. Ut lite non contestatā &c.*
- 7 Quantum ad actorem attinet, si is constituto sibi tempore in iudicio non comparuerit, potest reus instare, ut in expensas condemnentur, *c. i. De dolo & contumacia in 6.* imò in omnia damna, *l. Sancimus Cod. De iudicijs.* Nec citabitur ulterius reus ad eius petitionem, nisi caueat de veniendo & comparando, *d. c. i. in 6.* Vel petere potest, ut, actore legitimè citato & non comparente, ad probationem admittatur, & cognitā negotij qualitate sententia feratur, etiam lite nondum contestatā, *c. Caussam sup. De dolo & contumacia.* Secus atque in reo contumaci, in quo ad sententiam non deuenitur, nisi lite contestatā: idque propter contumaciam actoris, quæ maior est, quā rei, receptū est, *Glossa in d. c. Caussam*: nam actor agere non tenetur, *toto tit. Cod. Ut nemo inuitus agere vel accusare cogatur*; reus verò citatus necessariò comparere debet, *c. Veniens inf. De accusat.* Quod si de negotij qualitate commodè constare non possit, reus à iudicij instantia & obseruatione relaxabitur, eique actor absens in expensas frustra factas condemnabitur, *d. c. i. De dolo & contumacia in 6.*

TITVLVS XVI.

Vt lite pendente nihil innouetur.

1. *Regula, Lite pendente nihil innouandum esse.*
2. *Lis pendere quando dicatur.*

NE quis existimet, regulariter aliquid posse pendente lite innouari, quo status causæ pendens immutetur in alterius præiudicium, quia suprà dictum est, actorem ob rei absentis contumaciam posse mitti in possessionem bonorum: ideo hic subiicitur regula generalis in contrarium, nempe quòd lite pendente nihil sit innouandum, quo vel actoris vel rei persona, vel eorum conditio, aut litis pendens qualitas statusve aliquo modo immutetur in præiudicium alterutrius: adeò vt lite pendente ne quidem Principi vel summo Pontifici supplicare liceat, sed rescripta, lite pendente impetrata, non facientia litis pendens mentionem, tanquam subreptitia, viribus destituantur, *c. 1. & fin. h. tit.* quia præsumitur Princeps aut summus Pont. non fuisse concessurus, si intellexisset litem super ea rependere, *c. Super litteris sup. De rescriptis.* Hinc etiam actionum & rerum litigiosarum alienatio, pendente lite quouis titulo facta, est prohibita, & ipso iure irrita, *c. 3. & 4. h. t.* Imò is, qui recepit, non tantum cogitur eam rem confestim alienanti reddere, sed etiam pretium amittit ac tantumdem fisco præstat, si sciens rem litigiosam emerit, seu per aliam speciem contractus receperit: sin ignarus, pretium eiusdem vel veram estimationem, vbi pretij datio non fuit, vnà cum alia tertia parte eiusdem ab alienante recuperabit. Et, si res, pendente lite alienata, recuperari non possit, debet is, qui alienauit, aliam equiualentem in eius locum surrogare, *c. 3. & 4. h. t.*

Lis autem pendere dicitur, non tantum, quando est contestata, sed simulatque reus ab actore in ius vocatus est, additâ & clarè expressâ causâ, ob quam vocatur, *Clement. 2. h. tit.* Litigiosa verò res dicitur, de cuius dominio causa mouetur inter possessorem & petitem iudiciariâ conuentione, *l. 1. iuncta Auth. Litigiosa Cod. De litigiosis.* Et ideo controuersia super possessione non facit rem litigiosam, *Glossa in c. 1. inf. De confirmat. vtili vel inut.* Accusatus igitur de adulterio, ob quod agitur ad diuortium, id est ad separationem thori, non debet pendente lite ab vxore separari, seu priuari possessione coniugali, *c. 2. h. t.* quia litis pendencia non suspendit exercitium matrimonij, *Panormit. in c. 2. n. 4. inf. Qui filij sint legitimi.*

Similiter si ex duobus litigantibus super electione, de se in discordia facta, alter decedat, vel renuniet, vel prosecutione causæ excludatur, ad nouam electionem, ante litem super electione alterius finitam, procedi non potest, c. 1. eod. in 6. Pari modo, altero ex litigantibus super beneficio Ecclesiastico cedente, vel decedente, non potest, ante finitam litem cum superstiti, beneficium alteri conferri, vel ad illud alius eligi aut præsentari. Iratumque ipso iure habetur, si quid secus factum fuerit, c. 2. eod. in 6. C. e. ment. 1. versic. si vero eod. tit.

TITVLVS XVII.

De Sequestratione.

1. *Sequester quis & vnde dicatur.*
2. *Sequestrum à Deposito in quibus differat.*
3. *Sequestratio duplex, Voluntaria & Necessaria.*
4. *Et hæc sit dupliciter: vel ex officio Iudicis.*
5. *Vel ad petitionem partis; quæ regulariter prohibita.*
6. *Certis tamentis sibus permissa.*
7. *Potissimum ubi subest periculum dilapidationis vel interitus rei.*
8. *Euitari sequestrationem per idoneam vel etiam iuratoriam cautionem.*
9. *Aduersus sequestrum datur actio depositi sequestraria.*

A Deo lite pendente nihil est innouandum, vt etiam sequestratio rei, de qua inter aliquos contenditur, prohibita sit lite pendente, l. vnica Cod. De sequestrat. pecunia prohibita, c. 1. versic. Celestinus Papa h. t. c. 1. sup. Vt lite pendente &c. Franc. Curcius in Tract. de Sequestro n. 6.

1. Sequester dicitur is, apud quem plures, nempe actor & reus, eandem rem, de qua controuersia est, deposuerunt, l. Sequester D. De verb. significat. & dicitur ab eo, quod occurrenti aut quasi sequenti eos, qui contendunt, res committatur.
2. In eo differt inter cætera Sequestrum à Deposito, quod non modò plures, sed etiam vnus apud depositarium, deponere possint: apud sequestrum non nisi plures, l. licet deponere 17. D. depositi. Secundò, res, de quibus nulla est controuersia, & custodix tantum causà, deponuntur: sequestrantur autem res, de quibus est controuersia, d. l. Licet deponere. Tertiò, qui rem communem deponunt, singuli pro parte sua deponere censentur: qui verò apud sequestrum rem litigiosam deponunt,

nunt, singuli in solidum deponunt. Quartò, qui deponit simpliciter, proprietatem & possessionem retinet: qui apud sequestrum communi consensu deponunt, possessionem amittunt, nisi auctoritate iudicis res sequestratur, invito possessore, l. 3. D. De acquir. posses. aut inter eos expressè actum probetur, quòd tantum custodiæ causâ res apud sequestrum deposita sit, d. l. Licet, l. Interesse 39 D. De acquir. posses.

Sequestratio est duplex, Voluntaria & Necessaria. Voluntaria est, quæ fit consensu vtriusque partis: & hæc semper est permessa, l. Si soluturus D. De solutionibus: in eaque transfertur possessio in sequestrum, d. l. Interesse D. De acquir. posses. 3

Necessaria fit per Iudicem, partibus etiam inuitis: idque dupliciter; primò ex officio, ut quando vterque litigantium contendit se rem possidere, & periculum est, ne ad manus veniant: nam tum Iudex ex officio rem litigiosam sequestrare potest. Et hæc quoque sequestratio est permessa. * Secundo, fit ad petitionem vnius partis, alterâ contradicente: ut si actor petat sequestrari rem litigiosam, contradicente reo. Et hæc regulariter lite pendente ante sententiam de utroque iure est prohibita: quia non oportet iudicium ab executione inchoare, nec possessorem, durante lite, commodò suæ possessionis priuare, c. 2. iunctâ Glos. in V. sequestrari h. t. & ibid. latissime Panormit. ne ex rescripto quidem Imperiali, d. c. 2. & ibi Panorm. n. 5. 4

Dixi, regulariter esse prohibitam; quia multis casibus est permessa: 6 quorum quatuor enumerat Glossa in d. l. 1. Cod. De prohibita pecunia sequestrat. vndecim verò in d. c. 2. in V. sequestrari; sedecim autem Abbas ibid. n. 7. viginti octo Iacobus Sahagum in Repetit. d. c. 2. Idque non solum in profanarum rerum, sed etiam spiritualium seu beneficiorum Ecclesiasticorum controuersijs. Ita enim, si super beneficio contra possessorem, qui triennio non possedit, in petitorio vel possessorio lata & promulgata sit in Curia Romana vna sententia definitiua, debet Ordinarius loci beneficium vnâ cum fructibus sequestrare, Clement. vnica h. t. vbi statuuntur pœnæ in eos, qui sequestrationem huiusmodi impediunt, vel fructus sequestratos occupant. Dixi, contra possessorem; quia si lata sit pro possessore, deneganda esset sequestratio, Glossa in d. Clement. in V. contra possessorem, Vestrius lib. 7. cap. 2. n. 6. Si verò prænuerit Iudex Romanæ Curiae seu superior in decernendo sequestro, inferior amplius decernere non poterit, Piasc. 2. p. cap. 4. in fine. Similiter fructus rei, in cuius possessionem actor ex primo decreto missus est, sequestrari possunt, si eos pro arbitrio suo distrahat & dissipet, d. c. 2. h. t. Eodemque modo si reus à sententia contra se lata appellabit, possunt fructus possessionis, stante periculo dissipationis, sequestrari, donec causa appellationis sit terminata, l. Imperatores 21 §. fin. D. De

D. De *appellationibus*, c. ult. h. t. Maranta 6. p. tit. De *appellat.* n. 88. Et quidem, si hæc sequestratio petatur, antequam appellatio sit præsentata Iudici ad quem, & per eum recepta, debet fieri per Iudicem à quo; aliàs per Iudicem ad quem, Maranta d. loco.

- 7 Tamen si autem generaliter Iudex ex qualibet causa, quæ sibi iusta sit visa, possit ex officio apponere sequestrum in omnibus, in quibus ad instantiam partis fieri sequestratio non posset, ut ex Bartol. & alijs tradit Gonzales in §. 7. *proximali ad Reg.* 8. *Cancell.* n. 27. tamen potissimum permittitur, quando subest timor dilapidationis aut interitus rei, quæ sequestrari petitur: nam eo casu lite pendente res immobilis, vel alia, quæ servando servari potest, rectè sequestratur, ne iudicium reddatur elusorium, *contra l. Si Prætor D. De iudicijs*; & ne executio reddatur inanis, *l. Ab executione Cod. Quorum appellat. non recip.* Mobilis vero, quæ ætatem & moram litis non fert, sed tempore fit deterior, aut omnino perire posset, lite pendente, iudicis implorato officio, vendi & prærium loco rei sequestrari potest, Gail. 1. *Obser.* 148. n. 3. ubi n. 4. subiungit, eas res propriè dici servando servari non posse, quæ ultra triennium in sua naturali bonitate conservari nequeunt, *per Glos. singularem in l. 1. in usucapione Cod. Si adversus usucapionem*; * & regulariter sequestrationem in casibus permissis evitari posse, si idonea satisfactio præsterur de rebus conservandis: imò etiam iuratoriâ cautione sequestrum tolli, si modò persona, illam offerens, sit integræ vitæ & probatæ existimationis; secus, si sit suspecta & leuitatis opinionem apud omnes habeat. Suspectum autem quem reddunt tria potissimum, paupertas, mali mores, & improbitas antea vitæ, Gail. d. loco n. 7.
- 9 Finito autem sequestrationis tempore, vel conditione, sub qua facta est, adveniente, sequester depositi sequestrariâ actione conveniri potest, ut rem sequestratam exhibeat & restituat, *l. Ei apud quem §. 1. D. Deposit.* Quamquam possit etiam sequester, iustâ causa interveniente, Iudicis auctoritate officium deponere. Quod dum fit, non ei, qui præsens est, res restituenda est, sed Iudicis arbitratu apud eundem aliquam sacram deponi debet, *d. l. Ei apud quem §. fin.*

TITVLVS XVIII.

De Confessis.

1. *Legitima probatio quotuplex.*

2. *Positionibus hinc inde exhibitis, respondendum per verbum Credit vel Non credit.*

3. *Respon-*

3. Respondere recusans obstinatè, pro confesso habetur.
4. Ex caussa tamen quis respondere non tenetur.
5. Confessio simplex in iudicio & per verbum Credo in quo differat.
6. Confessio extra iudicium non probat.
7. Nisi interdum semiplenè.
8. Confessio de alio facta alteri non nocet.
9. Confessio ab ignorante facta non nocet, si in facto erret.
10. Hodie confessio vim probationis potius habet, quàm sententia.

HActenus à Tit. De ordine cognitionum adum est de ijs, quæ præter causam principalem in iudicium incidunt. In ipsa verò causâ principali à lite contestatâ, ad probationes hinc inde procedendum est. Et quidem prius actor suam intentionem legitime probare debet, l. Qui accusare Cod. De edenda; eâque legitime probatâ, reus suam exceptionem, si condemnationem evitare velit, l. Exceptio in fine Cod. De probat.

Legitima verò probatio fit vel per aduersarij confessionem, vel per testes, vel per instrumenta, vel per iuramenti præstationem. Facillima est, quæ fit per partis aduersæ confessionem, atque ad litium expeditionem promptissima.

In primis obseruandum hîc est, quòd longæus vsus in causis admiserit, vt, lite contestatâ, priusquam deueniatur ad aliquod genus probationis (loco interrogationum, quæ olim de iure veteri Digest. in iure fieri solebant, de quibus in tit. D. De interrogat in iure faciendis, v.g. an aduersarius possideret, an pro hærede, an ex testamento, an ab intestato esset hæres, & pro qua parte) tam actor ex suo libello semel exhibito, quàm reus ex sua exceptione, eliceret quasdam positiones, easque, præstito prius calumniæ iuramento, quod iuramentum Dandorum Practici appellant, suo aduersario in iudicio proponeret, atque adeas aduersarius, præstito pariter calumniæ iuramento, quod iuramentum Respondendorum vocant Practici, teneretur respondere, Clement. Sape §. quia positiones De verb. signif. iunclo c. Dudum sup. De elect. & c. vnico sup. De litis contestat. Idque vt plurimum per verbum Credit, vel Non credit, vel quibusuis alijs, absente aduocato, nisi sit idiota & rusticus, Caluolus in Fraxi §. Positiones conclus. 2. vt quas aduersarius veras esse fateretur, non teneretur probare, c. 1. & 2. eod in 6.

Dixi, per verbum Credit vel Non credit; quia responsio per verbum Dubitat seu Dubito non admittitur, nisi fortè positio consistat in facto alieno, ad causam tamen controuersam faciente: aliàs enim responsio negari posset, l. fin. in fine D. Pro suo.

- 3 Quod si alter litigatorum, postquam semel comparuit, & litem contestatus est, positionibus aduersarij sui respondere iussus, obstinatè & absque causa respondere recuset, ea, quæ in positionibus continentur, ipso iure confessus vel inficiatus esse censebitur, prout ei magis damnosum fuerit. *c. 2. eod. in 6. Gail. 1. Obser. 80. n. 2.* modò tamen id pronuntiet Iudex, Caluolus *d. loco conclus. 3. n. 4.* & in pertinaciæ pœnam aduersus eum, tanquam verè confessum vel verè negantem, procedetur, *d. c. 2.*
- 4 Dixi, obstinatè & absque causa; quia ex causa responsionem denegare potest: veluti si positio sit incerta vel dubia (vt enim responsio certa esse debet, ita & positio, cum vtraque probandi causâ fiat:) vel si sit manifestè & ex omni parte impertinens, id est non tangens aliquo modo causam, in libello expressam, aut superflua, idque iisdem vel æquipollentibus verbis repetita, vel captiosa, cauilliosa, seu talis, vt per responsionem, ad eam respondens inducatur in perplexitatem, & in quancumque partem respondeat, contra se dicat: si item sit calumniosa, impossibilis, obscura, vel alteri positioni contraria, Glossa *in d. c. 2. eod. in 6.* si denique negatiua, scilicet respectu sensus, non autem verborum.
- 5 Differt verò confessio ea, quæ fit per verbum Credo seu Credit, ab ea, quæ fit simpliciter in iudicio, quod illa tantum ad probationem faciat, & aduersarium releuet ab onere probandi, *d. c. 2.* hæc non modò aduersarium ab onere probandi releuet, sed etiam pro iudicato habeatur, *l. vnica Cod. eod.* Nam confessus in iudicio habetur, quasi propriâ sententiâ condemnatus, *l. 1. D. eod.* Idque siue ipse dominus confiteatur, siue alius eius nomine, qui speciale ad hoc mandatum habeat, *c. 3. h. t.* nam & procuratoris & syndici & oeconomi confessionem domino nocere, constat ex *d. c. 3.*
- 6 Sed hoc locum habet, quando quis in iudicio coram Iudice confiteretur aliquid contra seipsum, sciens quid agat: nam confessio extra iudicium facta, etiam coram testibus, ne quidem releuat aduersarium ab onere probandi, nisi adiecta sit specialiter causâ, cur facta fuerit, *l. Cum de indebito in fine D. De probat.* quia huiusmodi confessio pro indiscreta habetur: atqui in iudicio nemo quid indiscretè & sine magna deliberatione confiteri creditur, vt tradunt *D D. in d. l. vnica Cod. eod.*
- 7 Sin autem confessio facta fuerit extra iudicium, absente aduersario, adiectâ causâ; si duobus legitimis testibus probari possit, semiplenam tantum probationem efficiet, vt communiter receptum est in *c. Si cautio inf. De fide instrum.* sin, præsentè aduersario, extra iudicium facta fuerit, & duobus testibus probari possit, verius videtur, plenam probationem facere, *arg. l. In exercendis Cod. De fide instrument. & argumeto*

mento confessionis in scriptis ritè emissæ, quæ tam plenam & efficacem probationem facit, vt non nisi euidentissimis probationibus, habitis in scriptis, reprobati possit, *d. l. Cum de indebito.*

Dixi, contra seipsum; quia confessio vnius alteri non nocet, *c. 1. h. t.* 8 Et ideo si quis in iudicio confiteatur, se crimen aliquod perpetrasse cum socijs, quos fortè nominat, ex eius confessione non possunt socij condemnari, *d. c. 1.* Imò prohibet lex, ne Iudex de proprio crimine confitentem super aliena conscientia interroget, *l. ult. in fine Cod. De accusat. can. Nemini xv. q. 3.* ita scilicet, vt ex alterius confessione alteri pœnam infligat: nam ex socij confessione oritur suspicio quædam contra locium, *d. c. 1. in fine.*

Dixi, sciens quid agat; nam si ignorans aliquid confiteatur, si quidem in facto erret, illud vsque ad sententiam reuocare potest, & de contrario docere, *c. ult. h. t.* quia qui errat, non fatetur: nisi ius ignoret, *l. 2. D. eod.* Cum enim omnes scire debeant leges, *l. leges sacratissima Cod. De L. L.* error iuris latam culpam continet, ac proinde non excusat, sed pœnam meretur.

Vt autem confessio in iudicio facta confitenti præiudicet, plura alia requiruntur, de quibus & eorum explicatione videatur Glossa in *d. c. ult. h. t.*

Et si verò ex eo, quòd in iudicio confessus habeatur pro iudicato, *l. unica Cod. eod.* in eumque, tanquam propriâ sententiâ damnatum, nullæ amplius videantur esse partes Iudicis in cognoscendo vel iudicando, iuxta *l. Postrem D. De re iudicata*, sed duntaxat in exequendo & præcipiendo, vt quod in iudicio confessus est, intra legitima tempora sibi præscripta præstet, *l. Si debitori D. De iudicijs* (quod communiter admittitur, quando Iudex de plano & sine forma iudicij cognoscit, non etiam quando ordine iudiciario proceditur, quia tum sententiam ferre oporteat, & potissimum in criminalibus, in quibus quia ordo iudiciarius, qui maximè in sententia vertitur, exactè seruandus est, ob rei magnitudinem & vitæ hominis periculum, opus est sententiâ, *l. Si confessus D. De custodia reorum:*) nihilominus hodie receptius est, vt talis confessio vim probationis potius habeat, quàm sententiæ, ac proinde semper sententiâ opus sit. Welenb. *D. ad h. t. n. 8.* 10

Denique statuit Paulus I v. & Pius v. vt confessi crimen carcerati non relaxentur, nisi parito iudicato, nec sufficiat cautio, etiamsi pecuniariâ tantum pœnâ damnentur, possitque Iudex exequi pœnam, non obstante appellatione aut inhibitione, prout refert Zyp. *De iure Pontif. nouo lib. 2. h. t.*

TITVLVS XIX.

De Probationibus.

§. I. Quid sit Probatio.

1. Probare & Probatio quid.
2. Quæ iuris sunt, probari non debent.
3. Notoria non indigent quoque probatione.

Non semper reus admittit positiones actoris, tanquam veras, sed ad quasdam respondet negatiuè & per verbum Non credo, ideoque has actor probare debet, *l. Actor Cod. h. t.* aliàs enim, a Store non probante, reus absoluitur, *d. l. Actor, l. Qui accusare Cod. De edendo & ibi DD. præsertim Alciat. ac proinde post Tit. De confessis rectè subiicitur hic Tit. in quo agitur de probationibus in genere, priusquam de singulis probationum modis, qui varij sunt, agatur.*

1 Omisissis autem varijs acceptionibus verbi Probare, hic idem significat, quòd Iudici fidem facere de facto aliquo dubio, de quo in iudicio est controuersia, *l. 50. D. eod.* Et Probatio non est aliud, quàm Iudici rei dubiæ, apud eum controuersiæ, per legitimos modos facta ostensio. Dico, Iudici; quia probatio fit non ad instruendum aduersarium, sed ipsum Iudicem, *c. Ex litteris in verbis, ad cognitionem Iudicis instruendam h. t.*

2 Dixi, de facto aliquo; quia quæ sunt iuris probari non debent, quādoquidem Iudici nota sint vel esse debeant, & secundū leges, ex quibus causæ decisio pendet, iudicare eum oporteat, licet ex à litigatoribus non allegentur, *l. vnica C. Vt quæ desunt aduocatis partium Iudex suppleat: nisi ius ipsum negetur, l. 5. D. h. t.* At verò ea, quæ sunt facti, Iudici sunt ignota, nisi illi probentur, *arg. c. 1. De constitut. in 6.*

3 Addidi, dubio; quia notoria non indigent probatione, *c. Evidentiæ inf. De accusationib. can. De manifesta 2. q. 1. vbi videatur quadam distinctio: & notorium non probari sed potius allegari debet, secundum DD. in Rubr. h. t.* Item allegatio notorij probatio probata dici solet: illudque attendere potest Iudex, etiamsi non allegetur à parte; nec illud inficit partis negatio nec etiam reddit dubium, *c. Super eo inf. De testib. cogendis.*

§. II. De diuisione Probationis.

1. Probatio alia est Artificialis, alia Inartificialis.
2. Item alia Plena, alia Semiplena.
3. 4. Exempla vtriusque.
5. Item alia Iudicialis, alia Extraiudicialis.

Probatio, secundum Aristotelem & Ciceronem, diuiditur in Artificialem & Inartificialem. Artificialis est, quæ ex ipsa causa argumentis & indiçijs trahitur. Inartificialis est, quæ extra causam accipitur, vel à legibus, vel à testibus, vel tabulis, vel confessione, vel iuramento, vel alijs similibus, DD. in l. Admonendi D. De iureiurando.

Secundum Iurisconsultos verò, spectantes in primis effectum & vim, quam probatio habet in iudicijs, diuiditur in Plenam & Semiplenam. Plena dicitur, quæ plenam fidem Iudici facit de re, qua de agitur: ita vt secundum eam ferre sententiam & controuerſiam definire possit, nullo alio vltèrius requisito; ideoque qui taliter probauit, non potest amplius compelli super ita probato ad iuramentum, c. 2. h. t. Et pro hac specie plerumque in iure nostro sumitur nomen Probationis, Glossa in Clement. Constitutionem De elect. Alioquin suâ generali significatione etiam præsumptionem denotat.

Huiusmodi est probatio, quæ fit per duos vel plures testes, omni exceptione maiores, id est quorum fides nulla ex legitima causa eleuari potest, & qui communi hominum opinione reputantur boni viri, c. 2. & 3. hoc tit. Et regulariter ad plenam fidem faciendam in qualibet causa duo tales sufficiunt, l. Vbi numerus D. De testibus, cap. In omni 4. cap. Licet 23. inf. De testibus.

Dico, regulariter; nam pluribus in casibus requiritur maior numerus: vt de iure ciuili ad testamentum septem, ad codicillos & donationem causâ mortis, & quamlibet vltimam voluntatem, à testamento distinctam, quinque, & sic de similibus. Sic de iure Canonico testes contra Episcopum requiruntur septuaginta duo; contra Presbyterum x l i v. contra Diaconum x x v i i. contra Subdiaconum, Acolytum, Exorcistam, Lectorem, Ostiarium septem; contra Clericum tres; non notati aliquâ infamia, can. Presul, & can. Flacuit 2. q. 4. Similiter plena probatio est, quæ fit per instrumenta publica. Nam testes & instrumenta indubitæ probationis appellantur, l. Eman-
cipatione Cod. De fide instrument. & D D. in l. fin. Cod. De probationib.

Interdum etiam, quæ fit per priuata: nam priuata scriptura, signa, & sigilla, aduersus eum, qui scripsit, signauit vel sigillauit, plenam fidem faciunt, *l. Publica §. ult. D. Depositi*; licet pro eo nullam fidem habeât, *l. Exemplo l. Non epistolæ Cod. h. t.* Insuper illa, quæ fit per confessionem partis in iure, id est in loco iudicij, seu vbi ius dicitur, *l. 1. D. De confessis*, (quamquam confessio non tam sit probatio, quàm releuamen ab onere probandi, *D D. inc. 1. sup. eod.*) vel per iuramentum, quod ab altero litigatorum deferretur alteri, *l. 1 & 2. D. De iureiurando*: quamquam iuramentum quoque potius releuet ab onere probandi, quàm probet; sic de similibus.

4 Semiplena probatio, quæ etiam imperfecta dici potest, est, quæ Iudici facit quidem aliquam, non tamen plenam fidem, id est non tantam, vt ex ea iure moueri possit ad ferendam pro hac vel illa parte sententiam, sed opinionem tantum ingerit. Talis est, quæ fit per vnū testem, omni exceptione maiorem, *l. Iurisiurandi Cod. De testibus*. Secundò, talis est in causis ciuilibus, quæ ex fama cōstanti producitur, vnus tamen testis; de veritate deponentis, testimonio confirmata, Glossa & *D D. inc. Veniens inf. De testibus*. Aliàs fama inconstans non probat, sed tantum coniecturam facit: sæpè enim fallax est rumor, *l. ult. D. De hered. instituend.* Tertiò, quæ ex comparatione litterarum elicitur: nam talis comparatio firmam probationem non facit, eo quòd scriptura, ætatis, valetudinis, calami, atramenti, vel chartæ vitio mutetur, nec eandem semper retineat similitudinem.

Hinc patet, probationum semiplenarum quasdam esse maiores, quasdam minores: nam probatio, quæ fit per vnum testem, omni exceptione maiorem, & per aliqua indicia, quæ tamen ad plenam fidem faciendam non sufficiunt, maior est, quàm quæ fit per vnicum testem tantum.

5 Aliter diuidi potest probatio in Iudicalem, quæ scilicet fit in iudicio, post litem contestatam, & in Extraiudicalem, quæ fit extra litem: qualis est, quæ fit ad perpetuam rei memoriam, *c. fin. §. 1. sup. Vt lite non contestata &c.*

§. III. Cui incumbat onus probandi.

1. Quisque fundamentum intentionis sue probare debet.
2. 4. Etiam negatiuum certis casibus.
3. Satisfit obiectioni.
5. In duplicibus vterque, actor & reus, probare debet.
6. Reus aëtori propria instrumenta edere non tenetur.
7. Probato delicto, rei probatio contraria non admittitur.

Hac de

HAc de re duæ traduntur regulæ. Prima, quòd vnusquisque debeat probare fundamentum suæ intentionis, siue sit affirmatiuum, siue negatiuum: ideoque actor probare debet suam petitionem ac libellum, atque omne id, per quod petitionem & libellum sustinet seu defendit; & vicissim reus probare debet suam exceptionem, *c. 1. 2. c. In presentia 8. c. Ad nostram 12. h. tit.* quia excipiendo fit actor, *l. 1. D. De except.* & agendo ipso facto suscipit in se onus probandi, *l. fin. Cod. eod.* Pacianus *De probat. 1. c. 7.* siue neget siue affirmet, de quo idem auctor *lib. 1. cap. 57.*

Dixi, siue sit affirmatiuum siue negatiuum, id est siue verbis negantibus concipiatur: quia licet regulariter neganti non incumbat probatio, *l. Ei incumbit D. eod. l. Actor Cod. eod.* tamen id fallit quibusdam casibus. Primò, quãdo quis fundat intentionem suam in negatiua, siue agendo siue excipiendo, siue sit negatiua iuris, siue facti, aut qualitatis, *iuxta Glos. in l. 2. D. eod. Latè Mascar. De probat. concl. 1092. n. 1.*

Nec obstat, quòd dicitur, per rerum naturam factum negantis nullam esse probationem, *d. l. Actor*; cã ratione, quòd non entis, vt dicitur, nullæ sint qualitates, *l. Eius qui D. Si certum petatur*: quia id obtinet in negatiua vaga, puta indeterminata, indefinita, absoluta & simplici, quæ sine determinatione seu coarctatione loci, temporis, vel alterius circumstantiæ proponitur; talis enim negatiua nec directè nec indirectè probari potest (vt si quis neget, se in ius vocatum, se contraxisse, aduersarij procuratorem non habere mandatum:) adeò vt testis deponens super negatiua sit suspectus de falso, *DD. in c. Cum Ecclesia 3. sup. De causa possess. &c. Gail 1. Obser. 64.* magisq̃ne credatur duobus affirmantibus, quàm mille negantibus, *Mascar. d. loco n. 7.* Non autem obtinet, quãdo quis in negatiua se fundat, vel allegat eam, tacitè vel expresse aliquid asserendo, quia tum eam probare debet, *l. Optimam Cod. De contrah. & commit. stipulat. l. In illa, vbi Bart. & DD. D. De verb. obligat. Surd. Decis. 316. n. 14.* Hinc petens contractum declarari nullũ, tanquam à minore celebratum, tenetur etatem probare: & qui dicit institutionem non esse legitimam ob vitium vel defectum, vel obijcit electo aliquem defectum, grauatur onere probandi, *Surdus Decis. 104. n. 21.* Similiter si reus, conuentus de indebito sibi soluto, neget se quidquam accepisse indebitum, & actor testibus vel instrumentis (non tamen iurisiurandi delatione, iuxta *l. Eum qui D. De iureiurando*) probauerit solutionem, reo incumbit probare, quòd pecuniam debitam acceperit, *l. Cum de indebito & ibi Glos & DD. D. eod.*

Secundò, negatiuam probare debet, qui sponte eius probationem in se suscepit, *c. 1. sup. De restitut. spoliat. l. Circa D. h. t. Pacian. d. lib. 1. cap. 7. n. 45. & seqq. & cap. 69.* Hoc tamen casu, si in probatione fecerit,

fecerit, nihilominus venit absolvendus, auctore non probante, ex communi regula, Auctore non probante reus absolvitur, Bart. & alij in d. l. Circa D. h. t.

5 Altera regula est, quod in iudicio communi diuidendo, familiæ erciscundæ & finium regundorum, atque in interdicto retinendæ possessionis vterque probare debeat, quia vterque est actor & reus, c. 3. & c. Licet h. t. Et ideo Iustinianus prædicta iudicia vocat duplicia, §. duplicia Institur. De interdictis: v. g. in iudicijs finium regundarum vterque contendit se fines suos tantum occupare: in interdicto retinendæ possessionis vterque contendit se possidere. Itaque in his iudicijs is obtinebit, qui probabit suam intentionem, altero non probante. Quod si probet vterque, iudicis erit, videre, vter melius probauerit, vtrius testes sint magis idonei; vel, si agatur de possessione, vter probauerit antiquiorem vel iustiorum titulum, d. c. Licet hoc tit. Sin æquè probauerit vterque, pro possessore iudicandum erit, c. Ex litteris 3. h. t. tum quia in pari causa potior debeat esse conditio possidentis, l. In pari D. De reg. iuris; tum quia promptiora sint iura ad absolvendum, quàm ad condemnandum, d. c. Ex litteris §. quod si ambarum.

6 Queritur, an, si actor laboret in probatione suæ intentionis, reus compelli possit ad exhibenda propria instrumenta, si fortè ex illis putet actor posse se probare intentionem suam? Respondet Pont. in c. 1. h. t. quod non: quia, ut dicitur in l. Nimis graue Cod. De testib. actor adferre debet probationes suæ intentionis, non eas ab aduersario petere, qui, auctore non probante, absolvendus est, licet ex parte sua nihil præstiterit, l. Qui accusare Cod. De edendo.

Dixi, propria; quia aliud dicendum, si sint communia actori & reo: veluti si sit testamentum, quo vtrique aliquid sit legatum vel aliter relictum; aut instrumentum contractus, qui vtrumque concernat; vel si sint publica instrumenta: tunc enim, si ea habeat reus, cogi potest ad exhibenda, l. Is apud quem Cod. De edendo.

7 Queritur secundo, an, si probetur plenè, reum deliquisse, reus autem probare velit, se non deliquisse, audiri is debeat? Respondet Pont. in c. Ad nostram 12. h. t. negatiuè. Quod videtur intelligendum, quando vult probare talem negatiuam, seque purgare per suum iuramentum, & aliorum compurgatorum, iurantium solum de credulitate, iuxta c. Quoties §. porro inf. De purgat can. vel per testes, de credulitate deponentes. Alioquin si vellet probare talem negatiuam indirectè per testes, de veritate deponentes, audiendus esset, iuxta Abbatem in d. c. n. 3. per c. Ex tenore inf. De testib. ut si quis probet aliquem homicidium tali die commississe, potest contrarium indirectè probare, probando se toto eo die in alio fuisse loco.

§ 4. Quando

§. IV. Quando facienda sit probatio.

1. Iudicialis facienda post litem contestatam.
2. Atque absoluenda intra certa dilationum tempora.
3. Post quartam productionem non admittitur vltior.
4. Fieri potest tam extra, quàm in iudicio.
5. Extraiudicialis fit etiam ante litem contestatam.

Iudicialis, de qua agimus, facienda est post litem contestatam, quia ¹ tum demùm dicitur cœptum iudiciũ, nec scitur antè, an reus sit negaturus, an confessurus id, quod intenditur, quia id fit per litis contestationem, l. 1. Cod. De litis contestat. ac proinde sciri antea nequit, quid probandum sit, vel non. Tum verò facienda est, iudice, cui fieri debet, eam per sententiam interlocutoriam decernente, exceptâ probatione exceptionum dilatoriarum, quæ vt regulariter ante litem contestatam, tanquam litis ingressum impediẽtes, proponuntur, ita etiam statim in initio regulariter probari debent.

Soletque Iudex sub certis dilationibus probationem decernere, & ² intra illas facienda atque absoluenda est, secundum ea, quæ antè de dilationibus diximus. Quamquã hoc non vltique adẽ observetur; sufficiatque hodie litigarorem exhibuisse articulos & nominasse testes ad iuramentum & examen, cùm reliqua non sint in eius potestate: ac proinde nec illi imputandum, sed potius Iudici, si intra præstitutum terminum non absoluat, Panormit. teste: secundum quem potest etiam absque termino in iudicijs probatio fieri & recipi, quando nullus præscribitur, intra quem fiat.

Post quartã tamen productionem testium aut publicata testimonia ³ non est admittenda probatio, Auth. Qui semel Cod. h. t. vt nec post conclusionem in causa: * nisi in criminalibus, ad innocentiam rei probandam; quo casu etiam post sententiam & rem iudicatam recipi debet.

Cæterum fieri probatio potest tam in loco iudicij, quàm extra, vbi- ⁴ cumque Iudex, qui examinationi præst, sederit. Debet tamen Iudex ad egregias personas & feminas mittere notarium, qui inibi eas examinet, l. Ad personas, vbi D D. D. De iurciurando.

Extraiudicialis verò probatio, vt illa, quæ fit ad perpetuam rei memoriam, vel per modum simplicis inquisitionis, aut vbi ex convention- ⁵ tione partium citra solemnem ordinem litigatores procedunt, fieri potest, nullã expectatã litis contestatione; imò ante libellum exhibitum. Videatur W esenb. ad tit. D. De probat. n. 9.

§. V. Qualis debeat esse probatio, & quis sit finis eius atque effectus.

1. Debet esse clara & certa.
2. Finis est, si iudici facere.
3. Effectus, secundum eam ferre sententiam.
4. Et quidem in pari pro reo vel qui melius probauerit.
5. Actor ex nouis probationibus redintegrare instantiam potest.

IN primis debet esse clara & certa probatio, c. In praesentia 8. & ibi DD. h. t. & quidem in criminalibus, praesertim capitalibus, propter maximum praepudicium, luce meridiana clarior, l. ult. Cod. eod. can. Sciat 2. q. 8. satius enim est nocentis facinus impunitum relinquere, quam innocentem condemnare, l. 5. in princ. D. De penis. Sed nec probatio generis in quaestione speciei, nisi etiam in specie fiat, sufficit, c. Constitutus 6. inf. De religiosis domibus. Et ideo probatio soluti tributi non sufficit ad probandum quem esse suum subditum: quia tributi praestatio aliud designare potest, quam subiectionem, c. Recepinus 8. inf. De privilegijs, c. Praeterea 8. & c. Quanto 16. inf. De censibus: quia non probat hoc esse, quod ab hoc contingit abesse, c. Tua inf. De sponsalibus, l. Neque natales Cod. De probat. Neque enim omnes, qui subsunt Romanae Ecclesiae, ei annuatim aliquem censum soluunt: nec omnes, qui censum annuatim soluunt, ideo à iurisdictione Ordinarij exempti sunt, d. c. Recepinus inf. De priuil. quia possunt eum soluere ratione protectionis, ut ibidem dicitur, & in c. Ex parte 18. eod. tit.

- 2 Finis autem probationis est, fidem iudici facere, l. Quingenta 12. D. h. t.
- 3 Effectus vero, quod secundum eam, si sufficiens fuerit, Iudex pronuntiare debeat sententiam, l. Argentarius 10. §. fin. & ibi DD. De edendo, l. 2. §. 9. Cod. De rei vindicat. Alioquin, tanquam litem faciens suam, in id, quod litigatoris interest, condemnabitur, d. l. 10. in fine. *
- 4 Quod si pares fuerint probationes actoris & rei, pro reo, tanquam fauorabiliori, pronuntiabitur, c. Ex litteris 3. h. t. l. 125. D. De reg. iuris, l. 5. 32. & 42. D. De penis. Aliàs pro eo, qui intentionem suam melius & magis sufficienter probauerit, c. Licet §. ex praemissis h. t.

Nec obstat, quod probationes dicantur esse arbitrariae, & ab arbitrio iudicis pendere, l. 3. §. tu magis scire D. De testib. quia nihilominus Iudex eas probationes, quas leges pro integris & plenis habent, sequi & pro integris habere debet, ne ius commune partibus inuertat, per d. l. 10. §. fin. in verbo, de iudice queri, & ibi DD. Nam secundum allegata &

ra, & probata Iudicem iudicare oportet, nō secundum scientiam suam, l. *Illicitas* §. *veritas* D. *De officio Prasidis*, & ibi DD.

Sed cū auctore non probante reus sit absoluendus ab instantia, l. 4. §. *Cod. De edendo*, l. 2. & 23. *Cod. h. t.* & l. 9. *Cod. De except.* quaeritur, an actor ex nouis probationibus eam redintegrare valeat? Dicendum posse, dummodò reus ob defectum probationum, non etiam ex contraria probatione, aut purgatione, ab instantia sit absolutus, d. l. 10. §. 3. D. *De edendo*.

Denique plena probatio releuat actorem ab onere iuramenti præstandi, c. 2. h. t.

TITVLVS XX.

De Testibus & attestationibus.

§. I. Quis dicatur Testis, & qualis esse debeat.

1. *Modus hic probandi in omnibus iudicijs locum habet.*
2. *Testis quis dicatur.*
3. *Testes debent esse idonei.*

INter modos negata ab aduersario probandi frequentissimus est, qui fit per testes, multo que efficacior ac dignior, quàm qui fit per instrumenta, cū etiam falsitas instrumenti vel quod deest instrumento, per testes probari possit, c. *Cum Ioannes inf. De fide instrument.* Innoc. & alij in c. *Cum P. tabellio eod. tit.* & ideo post probationes in genere videndum primo loco de testibus & attestationibus.

Modus hic probandi frequentissimus, vt dixi, in omnibus omninò iudicijs locum habere potest, tam criminalibus, quàm ciuilibus, c. *In omni* 4. c. *Super eo* 13. & alijs h. t. tam Ecclesiasticis & spiritualibus, quàm profanis, c. *Cum mutui* 12. c. *In causis* 15. h. tit. tam in prima, quàm in secunda instantia, c. *Fraternitatis* 17 eod.

Dicitur autem Testis is, qui ad fidem alicuius rei faciendam accersitur. Et Testes antiquitus Superstites dicebantur, quia super causæ statu proferebantur. Vnde Plautus: *Mihi licet quiduis loqui, nemo adest supersites*. Nunc verò, ablata priori parte nominis, Testes vocantur: & horum assertio dicitur Testimonium.

Vt autem probent testes, debent esse idonei & fide digni, seu, vt dicitur, omni exceptione maiores, c. 1. h. t. *tan. Placuit* 1 v. q. 2. l. *Optimam* *Cod. De contrab. & commit. stipulat.* quales olim antiquo verbo

Legis xii. Tabb. affidui vel classei vocabantur, Wesenb. ad D. h. tit. n. 2. Tales verò censentur, quicumque à Canonibus vel legibus approbantur, seu à testimonio dicendo non arcentur, l. 1. D. eod.

§. II. Quinam à testimonio arceantur.

1. Quidam prohibentur generaliter ob aetatem & infirmitatem iudicij.
2. 3. Pubes de ijs, qua impubes vidit, testificari potest,
4. Prohibentur & generaliter damnati iudicio publico.
5. Surdus de auditu, cæcus de visu testificari nequit.
6. Quidam prohibentur in certis causis, pro vel contra certas personas.
7. Nemo idoneus testis in propria est causa.
8. Idonei non sunt domestici, familiares, consanguinei &c.
9. Excepta causâ matrimoniali.
10. Qui dicantur testes domestici.
11. 12. 13. 14. Qui inter domesticos numerentur.
15. 16. Idonei testes non sunt infames.
17. Non etiam heretici, Iudæi & pagani.
18. Non inimici capitales.
19. Non iudex, advocatus &c. in causa, cui patrocinatus est.
20. Non mulier in testamento.
21. Ne quidem in testamento ad piam causam.
22. In codicillis potest esse testis.
23. Ut & in alijs causis, etiam criminalibus, de iure civili.
24. Laicus contra Clericum quatenus testificari possit.
25. Monachi & Religiosi non remouentur à testimonio.
26. Minor 20. annis in criminalibus remouetur.
27. Quid circa qualitatem testium moribus obtineat.

Cum edictum de testibus sit prohibitorium, fit, ut quicumque à Canonibus vel legibus expressè non prohibentur, ad testimonium ferendum admitti debeant, l. 1. D. eod. Ideo dispiciendum, quinam prohibeantur, ut, ijs cognitis, appareat, qui admittantur.

I Qui prohibentur, alij generaliter testimonium ferre verantur. Et in primis, ob defectum vel infirmitatem iudicij, tam in criminalibus quam in civilibus, prohibentur furiosi, non habentes lucida interval-
la, mente capti, & pupilli, c. 1. h. t. l. 2. & 3. §. lege Julia D. eod. quia iuramentum, sine quo testi non creditur, præstare nequeunt, l. 4. D.

De in

De in litem iurando. Excipitur tamen, respectu pupilli, crimen læsæ Maiestatis, quia in eo, quod grauius est, torqueri etiam potest, & in ea causa omnium æqua conditio est, *l. Nullus 4. Cod. Ad Leg. Iul. Maiestatis.*

Verius etiam est, pupillum, maiorem factum, rectè testimoniū perhibere de ijs, quæ in pupillari ætate viderit, dummodò fuerit pubertati proximus, quando res, de qua perhibet testimonium, gesta fuit: quia non prohibetur, ergò admittitur, *per d. l. 1. D. eod.* Sic seruus factus liber, de eo dicere testimonium potest, quod in seruitute existens vidit, *l. Notionem 99. in fine D. De verb. signific.*

Nec obstat, quòd pupillus nihil scire aut videre; sed omnia ignorare dicatur, *l. ult. D. De iuris & facti ignorantia, & similibus;* quia hoc intelligitur quoad sui præiudicium, ut scilicet nihil scire videatur, quando ex scientia damnum aliquod ad ipsum perueniret.

Secundò, generaliter prohibentur dampnari iudicio publico, & à Principe non restituti: item qui in vinculis custodiae publica fuerunt, iudicio publico rei: item qui cum bestiis ut depugnarent, se locauerunt: & alij, de quibus in *d. l. 3. §. lege Iulia.* Præterea serui, quia pro nullis habentur, *l. Quod attinet 32. D. D. reg. iuris.*

Surdus quoque de auditu, cæcus de visu testis esse non potest. Cæcitas tamen superueniens non impedit, quo minus testificetur de ijs, quæ gesta sunt, aut equam fieret cæcus: quandoquidem etiam iudicantis officio fungi possit, si illud videns suscepit, *l. Cæcus D. De iudicijs.* De eo quoque, quod gestum est, postquam cæcitas superuenit, si vocem eorum, qui quid fecisse contraxissent dicuntur, nouerit, perhibere testimonium potest.

Alij prohibentur ferre testimonium pro certis vel contra certas personas, vel in certis causis dumtaxat. Et in primis nullus est idoneus testis in re sua aut propria causa, *l. Nullus 10. D. eod.* Propria autem causa dicitur, cuius emolumentum vel damnum ad aliquem suo nomine pertinet, *l. 1. §. in propria D. Quando appellandum sit.* Hinc hæres institutus in testamento testis esse non potest, *§. Neque hæres Institus. De testamentis.* Contrà verò legatarius & fideicommissarius particularis rectè in testamento, in quo sibi legatum vel fideicommissum relictum est, tanquam testis de iure communi adhibetur, *l. Qui testamento D. De testam.* quia non tam sibi, quàm hæredi, eiusque institutioni & testamento, licque in causa hæredis, ad quem principaliter testamentum pertinet, & non in propria causa, nisi ex consequenti & secundariò, testimonium dicit. Atqui multa ex consequenti tolerantur, quæ principaliter prohibentur, *l. 1. D. De auctoritate tutorum.*

- 8 Secundò, domestici testes & familiares, *c. in Litteris 14. h. t. l. 2. C. eod.* item consanguinei & affines à testimonio repelluntur. * Excep-
 9 ptà causâ matrimoniali, & religionis: nam ex prerogatiua coniugij, & quia fauorabilis res est, sicut & religio, parentes, fratres, & cognati vtriusque sexus, in testificatione in suorum, ad matrimonium coniungendum vel dirimendum, rectè admittuntur. *c. Videtur nobis 3. inf. Qui matrim. accus. possint.* Vt si queratur, an matrimonium ob affinitatem vel consanguinitatem contrahi possit, an non, *can. 1. x x x v. q. 6.* Si tamen queratur, an matrimonium sit contractum, & sponsa asserat, sponsus verò neget, & hic sit ditior aut nobilior, pater & mater sponse non admittuntur, *c. Super eo 22. h. t.* Similiter si dubitetur, an filius intret religionem, animo profitendi, rectè admittuntur, *can. Praesens x x. qu. 3.*
- 10 Dicitur autem testis domesticus propriè, qui ex eadem domo est, & nobis cohabitatur, *iuxta l. Per spiciendum 11. §. furta domestica D. De pœnis.* Ad hoc tamen, ut quis sit talis domesticus, qui testificari prohibeatur, non videtur sufficere communis habitatio, sed quòd debeat concurrere alia etiam causâ, nempe vel potestas vel obedientia vel obsequium aut nimia affectio, vel alia similis: nam dominus mercenario, qui secum habitat, & patronus liberto, iure communis domicilij & habitationis iunctus est, & tamen pro eo, vel contra, testimonium dicere non prohibetur: quamquam si pro eo dixerit, videri possit suspectum; grauissimum verò, si contra, nec videatur ad hoc cogendus, si nolit, *l. 4. in fine D. eod.* E diuerso quia mercenarius domino, libertus patrono alio iure, quàm domicilij, obligatus est, nempe obedientiæ & obsequij, ideo pro eo dicere testimonium prohibetur.
- 11 Inter domesticos primum locum obtinet vxor, quæ meritò à testimonio in causâ mariti repellitur, *l. penult. D. eod.* siue pro marito, ob nimiam affectionem, siue aduersus maritum, ob reuerentiam, quam eidem debet & communiter exhibet aut exhibere debet. Excipitur tamen crimen læsæ Maiestatis, in quo, ut antè diximus, omnium æqualis est conditio. * Secundum locum obtinent liberi, si modò vnà habitent, *d. §. furta domestica.* Et hi quidem regulariter, siue sint domestici, siue non, neque pro parentibus, neque contra parentes in iudicio admittuntur; propter reuerentiam, quam eis debent. Idemque dicendum de parentibus, respectu liberorum, *d. c. Super eo 22. h. t. & l. Parentes Cod. eod. l. Idonei 6. & l. Testis idoneus 9. D. eod.* propter nimiam affectionem parentum in liberos. Idque verum est in infinitum, *arg. l. Quique litizandi 4. D. De in ius vocando.* Et hoc ad naturales quoque extenditur, *Glossa in d. l. Parentes.* Dixi, in iudicio; quia in extraiudicialibus, si modò emancipatione vel alio modo dissoluta sit patria potestas,

testas, filius patris & pater filio rectè testimonium perhibet in ijs, in quibus nulla vertitur filij vel patris testantis utilitas. * Tertiò, inter domesticos testes referuntur fratres, & exfratrilis descendentes, qui simul adhuc sunt sub patria potestate, & vnà habitant: qui tamè quavis simul non habitent, neque pro se inuicem neque contra se inuicem idonei sunt testes; quia, vt dixi, inter domesticos non tam propter còmunem habitationem, quàm propter alias concurrentes causas introducta est hæc testimonij ferendi prohibitio. Et ideo, etiam semotà cohabitatione, manet prohibitio, remanente causâ prohibitionis, qualis hic est patria potestas. * Quattò, liberti, qui cum patrono morantur, in causâ patroni. Et hi non solum à testimonio repelluntur, quamdiu domestici sunt, iuxta l. penult. D. eod. l. Etiam Cod. eod. sed etiam postquam desierunt esse domestici, tanquam adhuc liberti; ne ob memoriam beneficij inæstimabilis, nempe libertatis, l. Libertas 106. D. De reg. iuris, quod à patrono acceperunt, facile pro patrono à religione iuramenti præstiti recedant. Quintò, serui adscriptitij, ab hostibus redempti, & addicti, itemque mercenarij, qui mercede constitutâ nobis seruiunt, si modò vnà nobiscum habitent, iuxta d. l. Perspicendum §. 1. D. De panis. Et hæc tenus, quinam sint testes domestici.

Tertiò, à testimonio repelluntur infames infamiâ iuris, c. Ex parte 7. 13
6. Testimonium §. 4. b. t. tam in ciuilibus quàm criminalibus, adeò vt nec contra infamem admittantur, Farinac. q. 56. n. 98. & 99. in quo tamen dissentit Mascard. Concluf. 462. & 1356. Excipiuntur casus quidam, veluti crimen læsæ Maiestatis, d. l. Nullus: item crimen hæresis, c. Tanta inf. De simonia. can. Nos sequentes §. sed licet v1. q. 1. Nec iuuat, si tempore despositionis sint emendati, nisi etiam sint restituti fama: aliàs nihil probant. Quamquam si tempore depositionis non fuerint habiti & reputati infames, cum reuera essent tales, probent: sicut &, quando aliter veritas haberi non potest, testi infami cum tortura plena fides adhibetur, Caluol. in Praxi §. Exceptio contra testes, conclus. 8. n. 5. vbi n. 7. tradit, quòd quando principalis excipiens est ipsamis, non possit contra testes opponere exceptionem infamiz.

Quoad infames infamiâ facti distinguere solent: vt in causis criminalibus arceantur à testimonio, Glossa & D D. in l. 2. in v. turpitudinem D. De Senatorib. Farinac. q. 56. n. 115. & seqq. Clarus q. 24. §. fin. in ciuilibus verò admittantur, l. 1. & ibi Bart. & alij Cod. De summa Trinit. l. 2. D. De obsequijs præstandis; idque pro Iudicis arbitrio. De iure tamen Canonico ne quidem in ciuili causâ tales admittendos esse colligunt quidam ex d. c. Testimonium, in verbis, aut grauata sit eius opinio. Nam licet quidam intelligant de causâ criminali: idem tamen vide-
tur esse

tur esse in ciuili, vt ibidē notatur. Vide *can. Infames* v. q. 1. Restitutus autem ad famam & honores admittitur, *Farinac. q. 5. n. 79.* vti vitam probatam & emendatam post pœnitentiam agens, *Farinac. d. l. n. 134. & seqq. Mascard. conclus. 1356. vbi limitat n. 16.*

17 Quintò, Hæretici, Iudæi & pagani non possunt esse testes contra Christianum & Catholicum, *can. Non potest & can. Pagani* 11. q. 7. l. Quoniam 21. C. De hereticis; tum ratione odij, quo illum prosequuntur, *can. Nonne* 1. q. 1. tum quia non potest erga homines esse fidelis, qui Deo extiterit infidelis: cum tamen testis debeat esse fidelis, c. *Licet* 13. h. t. Valeret tamen testificatio Iudæi pro Christiano contra Christianum, quia sicut par affectio omnem tollit suspicionem, ita & par causa odij; cum contrariorum eadem sit ratio. Aduersus Iudæum verò rectè testificatur Christianus.

18 Quintò, à testimonio repelluntur inimici capitales, *Novella* 90. De testibus cap. 7. qui locus non solum de seruis, vt Authenticarum in Codicem relator voluisse videtur, sed generaliter de omnibus intelligendus est. Idque obtinet, etiamsi inimicus fuerit reconciliatus: quia nisi amicitia longo tempore confirmata fuerit, adhuc præsumitur durare inimicitia, licet etiam agatur de crimine læsæ maiestatis, simoniæ, hæresis, & alijs enormissimis criminibus, *Caluol. d. 5. Exceptio contra testes conclus. 4. n. 2. & 3.* Capitalis autem inimicus dicitur, cum quo est controuersia seu lis capitalis, vel quæstio de libertate, cum seruitus morti compareretur, l. *seruitutem* 209. D. De reg. iuris; vel etiam de existimatione seu fama, l. *Licet* 103. D. De verb. signif. quandoquidem existimationis & sanguinis eadem sit ratio: imò illius maior vis bonis, quàm vitæ, l. *Isti* 8. §. 2. D. Quod metus causa & c. Inimicitia autem non capitalis neutrquam repellit quem à testimonio, *Abbas inc. Inquisitionis* 21. §. tertia inf. De accusat. *Caluol. d. loco, n. 4.*

19 Sextò, Iudex, assessor, executor, aduocatus & procurator, non possunt produci testes in ea causa, de qua cognouerunt vel in qua patrocinium præstiterunt, l. *ult.* D. h. t. etiam in causa appellationis, pro ea parte, pro qua in prima instantia lata fuit sententia, c. *fin. eod. in 6.* Vt neque administrator neque negotiorum gestor pro suo principali, in gesto vel gerendo negotio, etiam finito negotio, quando adhuc agitur de eiusdem commodo vel incommodo, laude vel vituperio, *Farinac. q. 60. n. 261. & seqq. Mascard. conclus. 232. n. 29. & 30. & concl. 1357. Spec. in tit. De teste, §. 1.* Si autem is, contra quem quis fuit aduocatus, procurator, assessor, vel executor, petat eum in testem, tunc rectè admitteatur. *Specul. d. loco.*

20 Septimò, mulier in testamento nequit esse testis, l. *Qui testamento* 2. mulier D. De testam. ne quidem confecto à rustico; quia licet in eo minutus

minutus sit numerus testium, tamen quoad idoneitatem nihil reperitur immutatum. Potest verò adhiberi testis ad testamentum militis, stantis & testantis in acie, in quo testes non debent esse rogati, & in quo remissa est solemnitas iuris ciuilis, solumq; ius gentium spectatur. Quemadmodum & in testamento patris inter liberos, Glossa in l. *Hac consultatione* §. *ex imperfecto Cod. De testamentis*: quia in eo quoq; remissa est solemnitas iuris ciuilis, spectaturque ius gentium.

An autem possit esse testis in testamento ad pias causas, quaeritur. 21
Et communis opinio videtur eò inclinare, quia & in illo spectetur ius gentium, c. *Relatum* c. *Cum esses* inf. *De testamentis*. Attamen contra urget, quòd in d. c. *Relatum* exigantur duo testes legitimi, qualis non est mulier; quodque, licet in d. c. *Relatum* derogetur solemnitati iuris quoad numerum testium, non tamen reperiatur ius ciuile correctum quoad habilitatem, vt proinde seruandum sit, arg. l. *Præcipimus* D. *De appellat.* vt taceam alias rationes, quibus id ipsum probari potest.

Quæritur etiam, an in codicillis mulier testis esse possit. Et posse verius est, ex quo non reperitur prohibitum, secundum Gloss. in l. *fin. in V. quinque* Cod. *De codicillis*. Nec obstat, quòd codicilli largo modo veniant appellatione testamenti, Gloss. ult. in l. 1. D. *De testam.* videanturque esse pars testamenti, ab eoque dependere, Gloss. in d. §. *mulier*: quia non sunt verè testamentum. 22

In alijs verò mulier testis esse potest, non tantum in ciuilibus, l. *Ex eo* 18. D. *h. t.* sed etiam in criminalibus de iure ciuili: eo argumento, quòd lex Julia à testimonio vis publicæ eam dumtaxat remoueat, quæ palam quæstum corpore fecerit, l. 3. §. *penult.* D. *eod.* & in iudicio adulterij tantum damnatam eodem crimine repellat, d. l. *Ex eo*. Nam inde à contrario sequitur, mulierem, ab his criminibus immunem & alienam, etiam in criminalibus idoneè testificari: nisi de crimine ciuilitè agatur, veluti contra Clericos, siue per viam inquisitionis, siue per viam denuntiationis vel exceptionis, c. *Quoniam* §. *h. t.* Ratio autem, cur de iure ciuili in testamento non admittatur, & tamen admittatur in causâ criminali, quæ est maioris præiudicij, est hæc, quia testamentum olim fiebant calatis comitijs, in quibus mulieres suffragium non habebant. 23

Præterea laicus contra Clericum non admittitur, quando criminaliter agitur, c. *De cetero* 14. h. t. quoad plenam scilicet probationem. Nam admittitur ad iudicium faciendum: sic saltem, vt Clericus subijciatur torturæ, secundum Panormit. in d. c. *De cetero*. Excipit tamen Lopez ad cap. 4. *Pract. crimin.* Bernar. Dias, decem casus, quibus laico permittitur accusare Clericum, nempe hæresis, læsæ Maiestatis, dilapidationis bonorum Ecclesiæ, simoniæ, sacrilegij, notorij criminis: item 24

dum semel admissus est laicus, dum suam vel suorum iniuriam prosequitur, vel parochianus suum pastorem denuntiat, quia illius interest habere bonum; licet Canon 8. 11. q. 7. non permittat laico accusare suum superiorem, nisi in fide errauerit: & denique dum patronus presbyterum, malè curantem aut dilapidantem bona Ecclesiæ, accusat.

15 De Monachis, Canonicis regularibus & alijs Religiosis queritur, an possint esse testes. Et verius est, posse: quia licet arceantur à negotijs sæcularibus, veluti iudicandi munere, tutela, procuratione, & similibus alijs actibus atque officijs ciuilibus ac forensibus, *can. Monachi xvi. q. 1. c. 2. sup. De postulando & toto tit. Ne Clerici vel Monachi sacul. negot. &c.* non tamen inueniuntur remoueri à testimonio ferendo, ac proinde admitti debent, *arg. d. l. 1. D. h. t. & aliàs neque in causâ Ecclesiæ suæ vel monasterij testificari possent: quod falsum esse patet ex can. Super xiv. q. 2. c. Cum Nuntius 12. & c. Nuper 51. h. t. c. Etsi Christus 26. inf. De iureiurando.* Requiritur tamen licentia superioris, cum velle aut nolle non habeant, sitque eorum voluntas in arbitrio superioris, *c. Si religiosus c. Si Abbatem De elect. in 6. c. fin. De sepulturis in 6.*

16 Denique, vt alios omittam, minor xx. annis in criminalibus nequit esse testis, quia habetur iudicij imbecillioris, lubrici & temerarij, *c. In testimonium 20. D. h. t. Farinac. q. 58. n. 10. & seqq. Mascari. Concl. 1246. n. 5. 6. & seqq.* In ciuilibus verò, præsertim exiguis, testificari non prohibetur. *Farinac. & Mascari. d. locis.*

17 Illud quoque postremo loco hîc obseruandum est ex Zypæo lib. 2. De Iure Pontif. nouo tit. De testibus, moribus passim obtinuisse, vt testem Iudex non repellat, nisi quid ei pars opponat, aliàs suspectum haberi. Insuperque Principem nostrum anno 1611. statuisse, ne probationes per testes recipiantur in negotijs excedentibus 300. florenos.

§. V. De modo producendi testes.

1. Primò actor vel reus petit admitti ad probandum.
2. Et dari terminum probandi ac producendi testes.
3. Dein aduersario, citato, & comparenti ac iudici exhibet articulos.
4. Aduersario licet obijcere in personas testium & repellere.
5. Idque ante eorum receptionem & examen regulariter.
6. Aliàs statim ad dicendum testimonium admittendi sunt.
7. Examinabit eos iudex vel commissarius illius.
8. Debet in primis iuratus esse testis.
9. Quod tamen iuramentum ex causa remitti potest.
10. Modus & forma examinandi.
11. 12. Testis debet reddere rationem dicti sui.

13. Dum:

13. *Dummodo interrogetur expresse vel implicite.*
14. 15. *Præterquam in certis causis, ut in criminalibus &c.*
16. *Examine factò tunc reus admittitur ad probationem obiectorum.*
17. *Et ad reprobationem actor.*
18. *Quarta productio testium non admittitur regulariter.*
19. *Hinc publicantur attestations: & fit copia partibus.*
20. *Ut contradicant depositionibus testium.*
21. *Post publicationem non admittuntur testes.*
22. *Publicatio tamen non est de substantia processus.*

V Idimus, quoniam ad testimonium admitti possunt, vel non. Deinceps videndum est de modo recipiendi & producendi testes.

In primis si actor suam intentionem, vel reus suam exceptionem, per testes probare velit, debet in iudicio petere ab ipso Iudice admitti ad probandum, & dari sibi terminum probandi, Gail. 1. *Obfer.* 96. * Eoque factò, intra statutum sibi à Iudice terminum testes producendi sunt: citato tamen & euocato aduersario, ut videat testes produci & iurare, c. 2. h. t. ut, si quid fortè habeat, quod contra personas eorum obijciat, quò minùs idonei sint ad testimonium ferendum. id ante eorum receptionem vel examen vel saltem publicationem depositionum proferat. Alioqui contra non citatum facta receptio testium est nulla, tanquam facta contra leges & iudiciorum ordinem, d. c. 2. in fine.

Quod si citatus aduersarius compareat, tunc producens testes exhibet ei & Iudici articulos, super quibus eos producit, & præterea nomina testium. * Tum si quid aduersarius obijciat testibus, quod eos à testimonio repellat, erit in arbitrio Iudicis, prout ei æquum videbitur, vel admittere priùs aduersarium ad probandum obiecta, suspensò interim examine, vel contrà, dilata probatione obiectorum, examinare testes, c. *Ex parte* 7. h. t. Nisi fortè obijciens obiecta incontinenti probare offerat, d. c. *Et parte versic. Tandem*; vel in dilatione examinationis aut probationis obiectorum periculum esset interitus testimonii Specul. tit. *De teste* §. 1. versic. *quia ergo*.

Sin autem citatus aduersarius & præsens nihil obijciat in personis testium ante eorum receptionem vel examen, vel saltem publicationem depositionum, regulariter post illatum publicationem aliquid obijcere volens non auditur, quia tacendo vique ad publicationem censetur exceptionibus contra testes renuntiare, c. *Qui tacet* De R. l. in 6. Nisi vel proprio iuramento affirmet, quòd malitiosè ad hoc non procedat, c. *Præsentium* 31. h. t. vel ante publicationem protestatus fuerit, quòd sibi referuet ius obijciendi, quod videbitur, d. c. *Præsentium vers. Nisi*,

vel docuerit exceptiones, quas publicatione factâ obijcere vult, de nouo tunc ad suam notitiam peruenisse, *d. c. Prasentium*; vel nisi probauerit legitimè, quòd eas antè publicationem obijcere volens, à Iudice impeditus fuerit, (quo casu etiam post sententiam eas obijcere poterit, *Glossa in c. Cum 1. & A Canonici, in V. iuramenta in fine inf. De sententia & re iudicata*;) vel denique nisi sint tales exceptiones, quæ post attestationum publicationem ipsos testes inhabilitent, veluti quòd testis sit excommunicatus, Iudæus, hæreticus, & similes, quibus renuntiare non intelligitur, *Felinus in d. c. Prasentium col. 2.*

6 Si verò testibus productis nihil obijciatur, quo eorum testimonia eneruentur, statim ad testimonium dicendum admittendi sunt. Item aduersarius, si velit, potest exhibere Iudici interrogatoria sua, vt vocant, super articulis sibi priùs exhibitis, secundum quæ petat à Iudice testes interrogari & examinari, *c. Prasentium §. testes eod. in 6.* Vt si fortè testes à producente sint subornati, id Iudex, insequendo interrogatoria aduersæ partis, faciliùs deprehendat. Et ideo cauere debet Iudex, ne istorum interrogatoriorum aduersarius copiam consequatur, ne eâ occasione suos testes ad falsitatem instruat & per subornationem fraus committatur, *Glos. in d. §. testes, Caluol. in Praxi §. Interrogatoria concl. 1.*

7 Testibus deinde ad testimonium dicendum admissis, & tam partis producentis articulis, quàm partis aduersæ interrogatorijs Iudici exhibitis, Iudex ipse testes receptos diligenter examinabit, vel, si grauioribus distineatur negotijs, aut aliàs commodè non possit eos examinare, examen alteri, cui volet, idoneo tamen & discreto, vel etiam Iudici territorij, in quo testes degunt, committet, *c. Si qui testium 8. h. t. l. Iudices Cod. De fide instrument.* si scilicet ciuilitè agatur: nam in criminalibus hæc commissio non est permissa, *Auth. Apud eloquentium Cod. De fide instrument.*

8 In ipso verò examinis limine Iudex ipse, vel is, cui examen testium demandauerit, iubebit, præsente aduersario, vel etiam eo absente, si citatus comparere noluerit, *d. c. 2. versic. si verò noluerit*, testes iurate, quòd neque odio, neque amicitia, neque fauore, neque aliquo commodo, quod habuerint, vel habituri sint, inducti, sed solius veritatis amore moti, ad ferendum testimonium venerint, quodque super omnibus de quibus interrogabuntur, rei veritatem, prout secundum conscientiam nouerint, dicturi sint, *c. Quoniam 5. §. 2. c. Tuis questionibus 39. c. Nuper 51. h. t. l. Iurifurandi Cod. eod.* quodque depositiones suas ante legitimam earundem publicationem neutri parti manifestabunt seu aperient. Nam testis non iurato minimè creditur, etiamsi esset religiosus, in præiudiciu alterius, *d. c. Tuis questionibus & d. c. Nuper.* Idque maximè obtinet in criminalibus.

Cùm

Cum autem hoc iuramentum non sit de calumnia, sed de veritate dicenda, respiciatque fauorem partis, pro qua testis producitur, & non publicam vilitatem, partium consensu remitti potest, prout plerumque remittitur personis illustribus, aut in aliqua dignitate, vel officio publico constitutis, *per text. in d. c. Tuus questionib. & ibi Glos. in V. remittatur*: nisi ageretur de preiudicio publico, aut animarum, vt in causa matrimoniali. Vide Gail. 1. *Obser.* 101.

Inde Iudex examinabit singulos testes separatim, remotis litigantibus, *c. Venerabili 52. h. t.* & adsumptis tam producentis articulis, quam aduersæ partis interrogatorijs, vnumquemque interrogabit, cuius sit ætatis & conditionis; an litigatores nouerit, & quâ notitiâ, vulgari an aliâ; an vni parti magis faueat quàm alteri; an sit vnius aut alterius consanguineus vel affinis; an ex testimonio suo commodum speret, vel incommodum timeat. Item interrogabit de loco, tempore, visu, auditu, credulitate, scientia, fama, certitudine, & alijs similibus causæ circumstantijs *per c. Cum causam 37. h. t.* * & potissimum de ratione sui dicti seu depositionis siue scientiæ: adeò vt, si producentis aduersarius in suis interrogatorijs id fieri iusserit, & examinador dolo vel negligentia omiserit, ad omne interesse parti aduersæ teneatur, Panormit. *in d. c. Cum causam*: vt etiam, si testis, interrogatus rationem sui dicti, eam non reddiderit per aliquem ex quinque sensibus, qui negotio & facto, de quo interrogatur, congruit, Farinac. q. 70. n. 128. Menoch. *De arbit.* q. 25. n. 3. depositio eius præsertim in criminalibus sit nulla, *l. Solam Cod. eod.* Si verò reddiderit, sed non probabilem, testimonio eius non credetur, *c. Præterea 27. h. t.*

Nam ratio in teste dat esse eius testimonio, & illud saluat vel destruit. Et ideo licet dictum eius per se non probet, tamen ratio dicti reddita sufficiens probat: vt si dicat, Nihil scio, nisi quòd viderim contenta in articulo fieri. Contrà verò, si dicat, Scio, quia audiui ab alio, iam deficit ratio & fundamentum sui dicti, nec probat: nam testimonium de auditu alieno regulariter est nullum, *c. Licet 47. h. tit.* Dico, de auditu alieno; quia si res sit perceptibilis auditu, & testis de proprio auditu deponat (vt si dicat, Sempronium esse obligatum Seio; quia audiuit promittentem, *c. 2. sup. De consuetudine*) probat, *c. Tam 33. h. t.* Debet etiam ratio dicti esse separata ab ipso dicto. Et ideo, si deponat Titium mutuasce Seio centum, pro causâ scientiæ dicere debet, quia vidi centum numerare ex causâ mutui; non autem dicere, quia scio: nam tunc ratio esset eadem cum dicto, atque ita non probaret.

Non tenerur tamen testis præcisè reddere causam suæ scientiæ, nisi expressè vel implicite interrogetur, *d. l. Solam & ibi Bald. & colligitur*

ex d. c. *Cum causant*, ubi communiter omnes: quia non debet esse verbosus, nec respondere ad ea, de quibus non rogatur. Felinus in d. c. *Cum causam n. 2.* * præterquam in causis criminalibus, & ubi agitur de factis, quæ solo iudicio intellectus percipiuntur: veluti si deponat aliquem esse sanæ mentis, esse diuitem, esse dominum alicuius rei, habere ius decimandi, vel aliquid aliud simile, quod potius iudicio intellectus, quàm aliquo sensu corporeo percipitur, de quibus latè Farinac. q. 70. Mascardus *De probat. concl.* 1376. Nam in ijs etiam non interrogatus debet reddere rationem suæ scientiæ, Abbas in d. c. *Cum causam col. 3.* quia de supradictis nudè asserere potius iudicare est, quàm testificari, quod ad testem non pertinet.

15 Similiter ut probatione facta per vnum testem, deferatur iuramentum suppletorium probationis, necesse, quòd ille testis, etiam non rogatus, reddiderit causam dicti sui seu scientiæ: aliàs non facit semiplenam probationem.

16 Examine testium ex parte actoris producentis ita facto, admitti debet vicissim aduersarius ad probationem eorum, quæ in personas testium, ab actore productorū, obiecit, si antè ad hoc non fuerit à Iudice admissus. Et si ad hæc obiecta probanda aliquos produxerit testes, *

17 permittitur etiam vicissim actori hos testes, ad fidem eorum enervandam vel minuendam, per alios testes reprobare. Vtteriùs vero testium reprobatio non est permissa. Et hoc est, quòd dici solet, testes probatorios & reprobatorios probatoriorum reprobare licere, sed nõ reprobatorios reprobatoriorum, d. c. *Licet dilectus* 49. b. t. ne ita litigatores vicissitudine probationum & reprobationum in infinitum progrediantur, ac lites protrahant.

18 His ita peractis, Iudex litigantes, in sua præsentia constitutos, interrogabit, an plures testes producere velint: & si dixerint, se velle, audientur, c. *Cum venisset* 25. h. t. ut si fortè timeat quis, ne audiri super articulis, super quibus eos produxit, non satis pro se deposuerit. Admittique debebit secunda & tertia productio, non autem quarta, c. *In causis* 15. h. t. nisi quartò producere petens iureiurando affirmet, se id petere, non dolo, neque aliquo modo, testificata didicisse, sed quia eorum, quos nunc producere intendit, copiam priùs habere non potuerit, c. *Ultra penult. h. t.* quia effrænata & nimia multitudo testiũ à Iudice refrænanda est & inhibenda, c. *Significauerunt* 36. b. t. Et ideo multitudo testium quadragenarium numerum super iisdem articulis excedere non potest, d. c. *Cum causam* 37. §. *volentes h. t.*

19 Si verò negauerint se velle plures producere, & ulteriori productioni renuntiauerint, petentibus utrimq; litigantibus, vel altero absente, iurato tamen & contumace, Iudex testium dicta & attestaciones publicabit,

blicabit, interloquendo hoc vel simili modo, *Dicta testium in hac causa publicamus, eaq; pro publicatis & apertis habere volumus.* Facietque litigantibus potestatem habendi eorum copiam, & examinandi, intra competentem terminum, quatenus pro se vel contra faciant, *d. c. In causis 15. in fine c. Significauit 41. & c. Albericus 43. h. t. ** & dispiciant, quid 20 aduersus testes, contra se productos, scripto postmodum obijcere possint: veluti quòd obscure & confuse deposuerint, vt ex eorum dictis elici & declarari veritas non possit, *c. Cum clamor 53. h. t. adeoq; obscure dictum pro non dicto habetur, l. De aetate 9. nihil interest D. De interrogat. actiō.* quòd item in depositionibus sibi contrariantur & contradicant: testis enim contrarium lux priori attestatiōi, postea deponentis, sine vlla vel erroris vel iustæ causæ allegatione, testimonium nullum est, *l. 2. D. h. t. c. Cum Ecclesia versic. nos igitur sup. De causa possess. & propriet. vel quòd sint singulares, qui regulariter non probant, can. Nihilominus & ibi Glos. 111. q. 9. c. Tam litteris 33. & ibi Glos. in V. soli h. t. Vide plenè Gabriel. Com. conclus. lib. 1. tit. De testibus concl. 2. vbi tradit, quando probent, vel non, aut quòd falsum deposuerint, quodque in aliqua sui parte falsitatis vitio laborans testimonium in totum reprobari debeat, Glosa in can. Si ad scripturas Distinct. 9. & sic de similibus.*

Publicatione attestatiōum factâ, super iisdem, vel directè contrariis articulis, in eadem vel alia instantia, iidem vel alij testes produci nequeunt, *c. Fraternitatis 17. & ibi communiter Interpp. h. t. Couar. Pract. quest. c. 18. n. 6.* Sicut nec quando vltiori testium productioni renuntiatum est, *c. Inimauit 18. & c. Cum venisset 15. versic. Questiones h. t.* Idque ob metum subornationis nouorum testium. Hoc tamen fallit pluribus casibus, de quibus videre licet Gail. lib. 1. Obser. 105. 21

Obseruandum autem est, hanc publicationem non esse de substantia processus, secundum communem sententiam: ac proinde processum ac sententiam, eâ omiſsa vel denegatâ, latam, si appellatum non sit, valere, ac transire in rem iudicatam, Gail. d. loco nu. 1. quia eius omiſsio ius litigatoris lædit, non autem ordinem iudiciorū peruertit. 22

TITVLVS XXI.

De Testibus cogendis.

1. Testes cogi possunt ad dicendum testimonium.
2. Idq; vel captis pignoribus, vel mulctâ, vel per censuras.
3. In causis cum civilibus tum criminalibus.

4.5. Satisf.

4. §. Satisfit obiectionibus, quoad criminales.

6. Quidam tamen cogi non possunt.

7. Nisi defectu testium aliunde veritas haberi non possit.

- T** Estes quandoque, auctoritate Iudicis & legitimè ad ferendum testimonium citati, comparere refugiant, & vel odio, vel timore, vel alia simili de causâ sese subtrahunt, aut, licet compareant, testificari nolunt: * ideo nunc subiicitur, eos, si citati & moniti non venerint, vel testimonium perhibere noluerint, per Iudicem veleius commissarium compelli ad hoc posse. Idque obtinet utroque iure, *toto h. t. l. Si quando, cum Auth. seq. Cod. De testibus:* tum ob publicam utilitatem, ne veritas occultetur, in alicuius præiudicium, *can. Quamquam xiv. q. 2.* tum quia testimonium perhibere est munus publicum, ad quod etiam inuitus quis compellitur, *l. Cum ab initio, & ibi Glos. in V. cogat, & l. Sed si quis D. Quemad. testam. aperiantur.* Imò adeò necessarium, ut quis repellatur à munere iudicandi propter actum testificandi, *c. Dilecto 40. sup. De testib.* quia facilius reperiuntur centum Iudices, quàm vnus testis, Abbas *in d. c. Dilecto n. 3. vbi n. 10.* tradit praxim, quâ quis possit in testem producere Ordinarium causæ Iudicem, quando ille sibi pro teste est necessarius. Videatur Grætanus *in can. Si testes §. si exigat. v. q. 3.*
- 2 Compelluntur autem testes, secundum fori qualitatem, vel captis pignoribus, vel multa inflictâ, *arg. l. 1. §. 3. in fine D. De inspiciendo ventre:* vel per censuras Ecclesiasticas, videlicet suspensionem, interdictum, excommunicationem, aut depositionem, vel degradationem, *c. 1. 2. & 5. h. t.*
- 3 Et hoc quidem in causis civilibus indubitatum est, *c. 1. 2. 6. & 7. h. t.* An verò etiam in criminalibus cogi possint, non immeritò quis dubitet, propter *c. 3. & 10. h. t.* Eoque magis, quòd nemo debeat alterius secreta propalare vel ei detrahere, deferendo alicui eius delicta, *can. Ex merito v. 1. q. 1.* Adeò ut tale quid faciens, actione in factum ad interesse, vel actione iniuriarum conueniri possit, *l. Si quis testamentum §. sed etsi quis D. Ad Legem Aquil. & quandoque etiam falsi teneatur, l. 1. §. is qui D. Ad leg. Corn. De falsis:* ut proinde ad id non posse cogi videatur. Verius tamen est, & communius obtinuit, etiam in criminalibus posse testes cogi dicere testimonium. Idque probatur per *c. Peruenit 4. & 5. c. Super his c. Cum contra h. t.* quia hoc non est alteri detrahere, sed veritatem dicere, non animo detrahendi, sed veritatem detegendi: quam interrogatum à Iudice celare, esset graue, imò mortale peccatum, *can. Quisquis xi. h. 3. Glos. in c. 1. V. occultent h. t.* Expedi enim Reipubl. ne crimina maneant impunita, *c. Ut same 35. inf. De sent.*

sent. excommunicat Et ideo licet quis iurasset, se non testificaturum, nihilominus ad id compelli posset, non obstante iuramento, *d. c. Peruenit 4. b. t. & ibi Glof. c. Intimauit 18. sup. De testib.* quia cum tale iuramentum sit contra bonos mores & temerarium, non est obligatorium, *c. Non est obligatorium De R. I. in 6.* Potestque iurans in testem vocatus, etiam propriâ auctoritate, & nullâ praua absolutione petita, illi contrauenire, absque vilo periculo periurij, prout habet communis opinio, *in c. Constitutus 43. & ibid. Glof. in V. teneri sup. De testib. latè Gail. l. 1. Obser. 100.*

Dixi, in testem vocatus; quia extra eum casum iurans non reuelare secreta, si contrâ faciat, periurus efficitur. Quin imò licet non iurauerit, nefariè & improbè facit, secreta alterius propalando: adeoque actione in factum ad interesse vel iniuriarû conueniri potest, & quandoque falsi tenetur, vt antè diximus, & tradit Gail. *d. loco.*

Non obstat *d. c. 3.* quia cum dicit, testem monendum esse & non cogendum ferre testimonium veritati, vult solùm, non esse cogendum à principio, sed prius monendum esse; quia monitio præcedere debet coactionem, *c. 1. h. t.* Non autem prohibet, quò minus cogatur, si monitioni non pareat. Ita Glossa *ibid.*

Non obstat quoque *d. c. 10.* quia ibi agitur de criminibus, quæ ipsis testibus obijciuntur, non quidem vt puniantur seu criminaliter, vt patet ex eo, quòd ibi quæstio erat super conuentione & reconuentione, quæ in criminalibus locum non habet, saltem vt simultaneo processu terminetur, quia non criminis relatione, sed innocentia reus purgetur, *l. Si is qui D. De publ. iudicijs.* Item agebatur per procuratorem, qui in criminalibus non admittitur: sed agitur de istis criminibus, ad hoc, vt à testimonio repellantur. Ad hæc autem probanda crimina non coguntur testes, quia nemo cogitur ad denudandam famam alterius. Videatur Hostien, *in Summa h. t. n. 2.*

Sunt tamen nonnulli, qui ad testimonium ferendum cogi non possunt: vt in primis Sacerdos ne quidem à summo Pontifice compelli potest, vt secreta confessionis reuelet, quia illa non vt homo, sed vt Dei Vicarius scire intelligitur, vt postea dicemus. Secundò, excipiuntur multe personæ, quæ enumerantur, partim in *l. Inuiti 19. D. De testibus*, vt senes, valetudinarij, milites, qui cum magistratu Reip. causâ absunt, vel quibus venire non licet: partim in *can. Si testes 5. item in Legge Iulia 1 v. q. 3.* partim iterùm in *l. 4. D. De testib.* inter quos sunt cognati & agnati, non quidem omnes, sed qui à latere se contingunt, & nullo communi patriæ potestatis vinculo tenentur: hi enim licet possint esse testes, non tamen ad hoc cogi possunt, vsque ad septimum gradum, vt colligitur ex *d. l. 4.* At verò qui sibi parentum & liberorum

Rr

loco

loco sunt, quiq̃ue in alterius sunt potestate, tantum abest, vt ad testimonium cogantur, vt ne volentes quidem admittantur. Terriò, affines, non quidem omnes, sed qui sibi ad instar parentum & liberorum sunt, vt socer, socrus, gener, nurus, vitricus, nouerca, & similes, durante nimirum affinitate. Quartò, liberti contra patronos, *d. l. 4. & similes.*

- 7 Quandoque tamen etiam hi ad testimonium compelluntur, nempe si ob defectum aliorum testium veritas aliter indagari & haberi nequeat: nam eo casu meritiò cessare debent eorum priuilegia, fauore eruendæ veritatis, quam erui publica vtilitas exposcit, *Panormit. in d. c. 1. h. t.* Adeò vt in Clericis quoque receptum sit, vt, licet ad testificandum in causis laicorum compelli nequeant, tamen, deficientibus aliunde probationibus, cessante eorum prærogatiuâ, coram suo Indice Ecclesiastico testificari debeant, *can. Quamquam & ibi Glos. xi v. q. 2.* vel etiam coram sæculari, cum superioris tamen licentia. Videatur *Gail. d. Obser. 100. n. 15.*

TITVLVS XXII.

De fide Instrumentorum.

§. I. Instrumentum quid, & quotuplex.

1. Instrumentum vnde dicatur, & quid sit.
2. Instrumenta alia Publica, alia Priuata, & forma Publicorum.
3. Quadam etiam quoad effectum Publica sunt.
4. Item Publica alia sunt Iudicialia, alia Extraiudicialia.
5. Instrumentum Priuatum quod dicatur.
6. Eius variae species, Apocha, Antapocha &c.
7. Item aliud propriè priuatum, aliud quasi publicum.

Probationis in genere diximus frequentissimam esse speciem, quæ fit per viuam vocem siue per testes, de quibus egimus: sequitur de ea, quæ fit per vocem mortuam siue per instrumenta.

Dicitur autem Instrumentum ab Instruendo, *l. 1. D. h. t.* Et ideo in hac probationum materia Instrumentum generaliter significat omne id, quo causa instrui & fides Iudici fieri potest, siue sint testes, siue scripturæ, siue confessio, siue quæuis alia probatio, *d. l. 1. & l. Notionem §. instrumentorum D. De verb. sig.* Specialiter verò & propriè Instrumentum capitur pro qualibet scriptura, quæ fidem rei, quam continet, Iudici facit, & causam instruit, *Felin. & alij in Rubr. h. t.*

Sunt

Sunt autem Instrumenta in hac significatione duplicia : alia enim sunt Publica, alia Priuata l. 5. Cod. De probat. l. Scripturas Cod. Qui potior. in pig. hab. Nouel. 73. De instrumentor. cautela & fide. Instrumentum Publicum propriè dicitur ea scriptura, quæ publicæ personæ, veluti Tabellionis seu Notarij, publici vel alterius, ad cuius officium publicum spectat instrumenti confectio, Mascar. conclus. 1302. n. 48. manu debita formâ confecta est, d. Nouel. De instrum. cautela & Nouel. 44. De Tabellionibus c. 1. Debita forma consistit in hoc, quòd fiat à Notario publico, ex mandato Iudicis, aut à partibus ad hoc rogato, rei, de qua agitur, gnaro, cum expressione anni, indictionis, mensis, diei, loci, in quo fit contractus ipse vel actus, qui instrumento continetur : quòd præterea inscribantur nomina testium, cum ipsius Notarij seu tabellionis subscriptione, c. 2. c. Inter dilectos & ibid. DD. h. t. Couar. Pract. quest. cap. 20. n. 2. De iure communi requiritur quoque expressio nominis aut Imperatoris aut Principis, in cuius ditione conscribitur; sed id vsus non obseruat, Couar. d. loco n. 1.

Dixi, quod publicæ personæ manu confectum est; quia sunt quædam instrumenta, quæ licet non sint à persona publica confecta, tamen quoad effectum probandi dicuntur Publica, quia scilicet perinde plenam fidem faciunt, ac si essent à publica persona confecta. Huiusmodi est scriptura alicuius priuati, sigillo aliquo publico & authentico signata, d. c. 2. b. t. quale est sigillum Episcopi, cui statur, donec contrarium ostendatur, c. Post sessionem sup. De probationib. can. Cura x 1. q. 3. item Principis sæcularis, iuxta consuetudinem, per quam ei creditur, c. Cum dilectus h. t. similiter Capituli, c. 3. sup. De probat. insuper Ciuitatis, Vniuersitatis & alterius communitatis, ius sigilli habentis, d. c. Inter dilectos h. t. Secundò, scripturæ qualescumque, quæ ex archiuo publico extrahuntur, c. Ad audientiam, vbi Felin. inf. De prescript. l. In fraudem §. quoties D. De iure Fisci. Tertiò, quæ fiunt apud acta publica, l. 1. & 2. Cod. qui in Eccles. manumittuntur. Quartò, scriptura, habens subscriptionem scribentis & testium, l. Scripturas Cod. Qui potiores in pig. habeantur & d. c. 2. h. t. Subscriptio vel superscriptio, in scriptura vel instrumento facta, continet & arguit subscribentis approbationem, perinde ac si totam scripturam manu propriâ scripsisset, Mascar. concl. 1341. n. 14. & 15. Gabriel. lib. 1. conclus. 3. nisi scripturâ non lectâ sit facta subscriptio, nomine vel testis vel alieno, Mascar. d. loco n. 16. 17. 18. & seqq. Sigilli verò appositio vim subscriptionis & confessionis obrinet, Gabriel. tit. De probat. concl. 4. Mascar. concl. 1302. per tot. Et à domino sigilli facta præsumitur, quando est sigillum eius, qui sigillauit, aut subscriptione hoc testatus est, Menoch. 2. præsumpt. q. 58. Mascar. d. concl. 302. Gabriel. d. concl. 4. n. 20.

dum semel admissus est laicus, dum suam vel suorum iniuriam profectur, vel parochianus suum pastorem denuntiat, quia illius interest habere bonum; licet *Canon* 8. 11. q. 7. non permittat laico accusare suum superiorem, nisi in fide errauerit: & denique dum patronus presbyterum, malè curantem aut dilapidantem bona Ecclesiæ, accusat.

15 De Monachis, Canonicis regularibus & alijs Religiosis quæritur, an possint esse testes. Et verius est, posse: quia licet arceantur à negotijs sæcularibus, veluti iudicandi munere, tutela, procuratione, & similibus alijs actibus atque officijs ciuilibus ac forensibus, *can. Monachi* xvi. q. 1. c. 2. *sup. De postulando & toto tit. Ne Clerici vel Monachi sacul. negot. &c.* non tamen inueniuntur remoueri à testimonio ferendo, ac proinde admitti debent, *arg. d. l. 1. D. h. t. & aliàs* neque in causâ Ecclesiæ suæ vel monasterij testificari possent: quod falsum esse patet *ex can. Super* xiv. q. 2. c. Cum Nuntius 12. & c. Nuper 51. h. t. c. *Et si Christus* 26. *inf. De iureiurando.* Requiritur tamen licentia superioris, cum velle aut nolle non habeant, sitque eorum voluntas in arbitrio superioris, *c. Si religiosus c. Si Abbatem De elect. in 6. c. fin. De sepulturis in 6.*

16 Denique, vt alios omittam, minor xx. annis in criminalibus nequit esse testis, quia habetur iudicij imbecillioris, lubrici & temerarij, *c. In testimonium* 20. *D. h. t. Farinac. q. 58. n. 10. & seqq. Mascar. Concl. 1246. n. 5. 6. & seqq.* In ciuilibus verò, præsertim exiguis, testificari non prohibetur. *Farinac. & Mascar. d. locis.*

17 Illud quoque postremo loco hîc obseruandum est ex *Zypæo lib. 2. De Iure Pontif. nouo tit. De testibus*, moribus passim obtinuisse, vt testem Iudex non repellat, nisi quid ei pars opponat, aliàs suspectum haberi. Insuperque Principem nostrum anno 1611. statuisse, ne probationes per testes recipiantur in negotijs excedentibus 300. florenos.

§. V. De modo producendi testes.

1. Primò actor vel reus petit admitti ad probandum.
2. Et dari terminum probandi ac producendi testes.
3. Dein aduersario, citato, & comparenti ac iudici exhibet articulos.
4. Aduersario licet obijcere in personas testium & repellere.
5. Idque ante eorum receptionem & examen regulariter.
6. Aliàs statim ad dicendum testimonium admittendi sunt.
7. Examinabit eos iudex vel commissarius illius.
8. Debet in primis iuratus esse testis.
9. Quod tamen iuramentum ex causa remitti potest.
10. Modus & forma examinandi.
11. 12. Testis debet reddere rationem dicti sui.

13. Dum.

13. Dummodo interrogatur expresse vel implicite.
14. 15. Præterquam in certis causis, vt in criminalibus &c.
16. Examine factò tunc reus admittitur ad probationem obiectorum.
17. Et ad reprobationem actor.
18. Quarta productio testium non admittitur regulariter.
19. Hinc publicantur attestations: & sit copia partibus.
20. Vt contradicant depositionibus testium.
21. Post publicationem non admittuntur testes.
22. Publicatio tamen non est de substantia processus.

Vidimus, quinam ad testimonium admitti possint, vel non. Deinceps videndum est de modo recipiendi & producendi testes.

In primis si actor suam intentionem, vel reus suam exceptionem, per testes probare velit, debet in iudicio petere ab ipso Iudice admitti ad probandum, & dari sibi terminum probandi, Gail. 1. *Obfer. 96.* * Eoque factò, intra statutum sibi à Iudice terminum testes producendi sunt: citato tamen & euocato aduersario, vt videat testes produci & iurare, c. 2. h. t. vt, si quid fortè habeat, quod contra personas eorum obijciat, quò minus idonei sint ad testimonium ferendum, id ante eorum receptionem vel examen vel saltem publicationem depositionum proferat. Alioqui contra non citatum facta receptio testium est nulla, tanquam facta contra leges & iudiciorum ordinem, d. c. 2. in fine.

Quòd si citatus aduersarius compareat, tunc producens testes exhibet ei & Iudici articulos, super quibus eos producit, & præterea nomina testium. * Tum si quid aduersarius obijciat testibus, quod eos à testimonio repellat, erit in arbitrio Iudicis, prout ei æquum videbitur, vel admittere priùs aduersarium ad probandum obiecta, suspensò interim examine, vel contrà, dilatà probatione obiectorum, examinare testes, c. *Ex parte 7. h. t.* Nisi fortè obijciens obiecta incontinenti probare offerat, d. c. *Et parte versic. Tandem*; vel in dilatione examinationis aut probationis obiectorum periculum esset interitus testimonii Specul. tit. *De teste §. 1. versic. quia ergo.*

Sin autem citatus aduersarius & præsens nihil obijciat in personàs testium ante eorum receptionem vel examen, vel saltem publicationem depositionum, regulariter post illarum publicationem aliquid obijcere volens non auditur, quia tacendo vique ad publicationem censetur exceptionibus contra testes renuntiare, c. *Qui tacet De R. l. in 6.* Nisi vel proprio iuramento affirmer, quòd malitiosè ad hoc non procedat, c. *Præsentium 31. h. t.* vel ante publicationem protestatus fuerit, quòd sibi referuet ius obijciendi, quod videbitur, d. c. *Præsentium versic. Nisi*.

vel docuerit exceptiones, quas publicatione factâ obijcere vult, de nouo tunc ad suam notitiam peruenisse, *d. c. Prasentium*; vel nisi probauerit legitimè, quòdeas antè publicationem obijcere volens, à Iudice impeditus fuerit, (quo casu etiam post sententiam eas obijcere poterit, Glossa in *c. Cum 1. & A Canonici, in V. iuramenta in fine inf. De sententia & re iudicata*;) vel denique nisi sint tales exceptiones, quæ post attestationum publicationem ipsos testes inhabilitent, veluti quòd testis sit excommunicatus, Iudæus, hæreticus, & similes, quibus renunciare non intelligitur, Felinus in *d. c. Prasentium col. 2.*

6 Si verò testibus productis nihil obijciatur, quo eorum testimonia eneruentur, statim ad testimonium dicendum admittendi sunt. Item aduersarius, si velit, potest exhibere Iudici interrogatoria sua, vt vocant, super articulis sibi prius exhibitis, secundum quæ petat à Iudice testes interrogari & examinari, *c. Prasentium §. testes cod. in 6.* Vt si fortè testes à producente sint subornati, id Iudex, insequendo interrogatoria aduersæ partis, faciliùs deprehendat. Et ideo cauere debet Iudex, ne istorum interrogatoriorum aduersarius copiam consequatur, ne eâ occasione suos testes ad falsitatem instruat & per subornationem fraus committatur, Glossa in *d. §. testes*, Caluol. in *Praxi §. Interrogatoria concl. 1.*

7 Testibus deinde ad testimonium dicendum admissis, & tam partis producentis articulis, quàm partis aduersæ interrogatorijs Iudici exhibitis, Iudex ipse testes receptos diligenter examinabit, vel, si grauioribus distineatur negotijs, aut aliàs commodè non possit eos examinare, examen alteri, cui volet, idoneo tamen & discreto, vel etiam Iudici territorij, in quo testes degunt, committet, *c. Si qui testium 8. h. t. l. Iudices Cod. De fide instrument.* si scilicet ciuilitè agatur: nam in criminalibus hæc commissio non est permixta, *Auth. Apud eloquentissimum Cod. De fide instrument.*

8 In ipso verò examinis limine Iudex ipse, vel is, cui examen testium demandauerit, iubebit, præsente aduersario, vel etiam eo absente, si citatus comparere noluerit, *d. c. 2. versic. si verò noluerit*, testes iurare, quòd neque odio, neque amicitia, neque fauore, neque aliquo modo, quod habuerint, vel habituri sint, inducti, sed solius veritatis amore moti, ad ferendum testimonium venerint, quodque super omnibus de quibus interrogabuntur, rei veritatem, prout secundum conscientiam nouerint, dicturi sint, *c. Quoniam 5. §. 2. c. Tuis questionibus 39. c. Nuper 51. h. t. l. Iurisiurandi Cod. eod.* quodque depositiones suas ante legitimam earundem publicationem neutri parti manifestabunt seu aperient. Nam testi non iurato minimè creditur, etiam si esset religiosus, in præiudicium alterius, *d. c. Tuis questionibus & d. c. Nuper.* Idque maximè obtinet in criminalibus.

Cum

Cùm autem hoc iuramentum non sit de calumniâ, sed de veritate dicenda, respiciatque fauorem partis, pro qua testis producit, & non publicam vtilitatem, partium consensu remitti potest, prout plerumque remittitur personis illustribus, aut in aliqua dignitate vel officio publico constitutis, *per text. in d. c. Tuis questionib. & ibi Glos. in v. remittatur*: nisi ageretur de præiudicio publico, aut animarum, vt in causâ matrimoniali. Vide Gail. 1. *Obfer.* 101.

Inde Iudex examinabit singulos testes separatim, remotis litigantibus, *c. Venerabili* 52. *h. t.* & adsumptis tam producentis articulis, quàm aduersæ partis interrogatorijs, vnumquemque interrogabit, cuius sit ætatis & conditionis; an litigatores noverit, & quâ notitiâ, vulgari an aliâ; an vni parti magis faueat quàm alteri; an sit vnius aut alterius consanguineus vel affinis; an ex testimonio suo commodum speret, vel incommodum timeat. Item interrogabit de loco, tempore, visu, auditu, credulitate, scientia, fama, certitudine, & alijs similibus causæ circumstantijs *¶ c. Cum causam* 37. *h. t.* * & potissimum de ratione sui dicti seu depositionis siue scientiæ: adde vt, si producentis aduersarius in suis interrogatorijs id fieri iusserit, & examinador dolo vel negligentia omiserit, ad omne interesse parti aduersæ teneatur, Panormit. *in d. c. Cum causam*: vt etiam, si testis, interrogatus rationem sui dicti, eam non reddiderit per aliquem ex quinque sensibus, qui negotio & facto, de quo interrogatur, congruit, Farinac. q. 70. n. 128. Menoch. *De arbit.* q. 25. n. 3. depositio eius præsertim in criminalibus sit nulla, *l. Solam Cod. eod.* Si verò reddiderit, sed non probabilem, testimonio eius non credetur, *c. Præterea* 27. *h. t.*

Nam ratio in teste dat esse eius testimonio, & illud saluat vel destruit. Et ideo licet dictum eius per se non probet, tamen ratio dicti reddita sufficiens probat: vt si dicat, Nihil scio, nisi quod viderim contenta in articulo fieri. Contrà verò, si dicat, Scio, quia audiui ab alio, iam deficit ratio & fundamentum sui dicti, nec probat: nam testimonium de auditu alieno regulariter est nullum, *c. Licet* 47. *h. tit.* Dico, de auditu alieno; quia si res sit perceptibilis auditu, & testis de proprio auditu deponat (vt si dicat, Sempronium esse obligatum Seio, quia audiuit promittentem, *c. 2. sup. De consuetudine*) probat, *c. Tam* 33. *h. t.* Debet etiam ratio dicti esse separata ab ipso dicto. Et ideo, si deponat Titium mutuassee Seio centum, pro causâ scientiæ dicere debet, quia vidi centum numerare ex causâ mutui; non autem dicere, quia scio: nam tunc ratio esset eadem cum dicto, atque ita non probaret.

Non tenerur tamen testis præcisè reddere causam suæ scientiæ, nisi expressè vel implicite interrogetur, *d. l. Solam & ibi Bald. & colligitur*

ex d. c. *Cum causam*, ubi communiter omnes: quia non debet esse verbosus, nec respondere ad ea, de quibus non rogatur, *Felinus in d. c. Cum causam n. 2.* * præterquam in causis criminalibus, & ubi agitur de factis, quæ solo iudicio intellectus percipiuntur: veluti si deponat aliquem esse sanæ mentis, esse diuitem, esse dominum alicuius rei, habere ius decimandi, vel aliquid aliud simile, quod potius iudicio intellectus, quàm aliquo sensu corporeo percipitur, de quibus latè *Farinac. q. 70. Mascardus De probat. concl. 1376.* Nam in ijs etiam non interrogatus debet reddere rationem suæ scientiæ, *Abbas in d. c. Cum causam col. 3.* quia de supradictis nudè asserere potius iudicare est, quàm testificari, quod ad testem non pertinet.

15 Similiter vt probatione factâ per vnum testem, deferatur iuramentum suppletorium probationis, necesse, quòd ille testis, etiam non rogatus, reddiderit causam dicti sui seu scientiæ: aliàs non facit semiplenam probationem.

16 Examine testium ex parte aëtoris producentis ita facto, admitti debet vicissim aduersarius ad probationem eorum, quæ in personas testium, ab actore productorû, obiecerit, si antè ad hoc non fuerit à Iudice admissus. Et si ad hæc obiecta probanda aliquos produxerit testes, * permittitur etiam vicissim aëtori hos testes, ad fidem eorum eneruandam vel minuendam, per alios testes reprobare. Vltèrius vero testium reprobatio non est permissa. Et hoc est, quòd dici solet, testes probatorios & reprobatorios probatoriorum reprobare licere, sed nõ reprobatorios reprobatoriorum, d. c. *Licet dilectus 49. b. t.* ne ita litigatores vicissitudine probationum & reprobationum in infinitum progrediantur, ac lites protrahant.

18 His ita peractis, Iudex litigantes, in sua præsentia constitutos, interrogabit, an plures testes producere velint: & si dixerint, se velle, audientur, c. *Cum venisset 25. h. t.* vt si fortè timeat quis, ne audiri super articulis, super quibus eos produxit, non satis pro se deposuerit. Admitti quæ debeat secunda & tertia productio, non autem quarta, c. *In causis 15. h. t.* nisi quartò producere petens iureiurando affirmet, se id petere, non dolo, neque aliquo modo testificata didicisse, sed quia eorum, quos nunc producere intendit, copiam prius habere non potuerit, c. *Ultra penult. h. t.* quia effrænata & nimia multitudo testiû à Iudice refrænanda est & inhibenda, c. *Significauerunt 36. b. t.* Et ideo multitudo testium quadragenarium numerum super iisdem articulis excedere non potest, d. c. *Cum causam 37. §. volentes h. t.*

19 Si verò negauerint se velle plures producere, & vltèriori productioni renuntiauerint, petentibus vtrinq; litigantibus, vel altero absente, citato tamen & contumace, Iudex testium dicta & attestaciones publicabit,

blicabit, interloquendo hoc vel simili modo, *Dicta testium in hac causa publicamus, eaq; pro publicatis & apertis habere volumus.* Facietque litigantibus potestatem habendi eorum copiam, & examinandi, intra competentem terminum, quatenus pro se vel contra faciant, *d. c. In causis 15. in fine c. Significauit 41. & c. Albericus 43. h. t. ** & dispiciant, quid 20
 aduersus testes, contra se productos, scripto postmodum obijcere possint: veluti quòd obscure & confuse deposuerint, vt ex eorum dictis elici & declarari veritas non possit, *c. Cum clamor 53. h. t.* adeoq; obscure dictum pro non dicto habetur, *l. De atate §. nihil interest D. De interrogat. actio.* quòd item in depositionibus sibi contrariantur & contradicant: testis enim contrarium suæ priori attestationi, postea deponentis, sine vlla vel erroris vel iustæ causæ allegatione, testimonium nullum est, *l. 2. D. h. t. c. Cum Ecclesia versic. nos igitur sup. De causa possess. & propriet.* vel quòd sint singulares, qui regulariter non probant, *can. Nihilominus & ibi Glos. 111. q. 9. c. Tam litteris 33. & ibi Glos. in V. soli h. t.* Vide plenè Gabriel. *Com. conclus. lib. 1. tit. De testibus concl. 2.* vbi tradit, quando probent, vel non, aut quòd falsum deposuerint, quodque in aliqua sui parte falsitatis vitio laborans testimonium in totum reprobari debeat, *Glosa in can. Si ad scripturas Distinct. 9. & sic de similibus.*

Publicatione attestationum factâ, super iisdem, vel directè contrarijs articulis, in eadem vel alia instantia, iidem vel alij testes produci nequeunt, *c. Fraternitatis 17. & ibi communiter Interpp. h. t. Couar. Pract. quest. c. 18. n. 6.* Sicut nec quando vltiori testium productioni renuntiatum est, *c. Intimauit 18. & c. Cum venisset 15. versic. Questiones h. t.* Idque ob metum subornationis nouorum testium. Hoc tamen fallit pluribus casibus, de quibus videre licet Gail. *lib. 1. Obser. 105.* 21

Obseruandum autem est, hanc publicationem non esse de substantia processus, secundum communem sententiam: ac proinde processum ac sententiam, cā omissa vel denegatâ, latam, si appellatum non sit, valere, ac transire in rem iudicatam, Gail. *d. loco nu. 1.* quia eius omissio ius litigatoris lædit, non autem ordinem iudiciorū peruertit. 22

TITVLVS XXI.

De Testibus cogendis.

1. Testes cogi possunt ad dicendum testimonium.
2. Idq; vel captis pignoribus, vel multâ, vel per censuras.
3. In causis cum civilibus tum criminalibus.

4. 5. Satisf.

4. 5. Satisfit objectionibus, quoad criminales.
6. Quidam tamen cogi non possunt.
7. Nisi defectu testium aliunde veritas haberi non possit.

- T** Estes quandoque, auctoritate Iudicis & legitimè ad ferendum testimonium citati, comparere refugiunt, & vel odio, vel timore, vel alia simili de causâ sese subtrahunt, aut, licet compareant, testificari nolunt: * ideo nunc subiicitur, eos, si
- 1 citati & moniti non venerint, vel testimonium perhibere noluerint, per Iudicem vel eius commissarium compelli ad hoc posse. Idque obtinet utroque iure, *toto h. t. l. Si quando, cum Auth. seq. Cod. De testibus*: tum ob publicam utilitatem, ne veritas occultetur, in alicuius præiudicium, *can. Quamquam XIV. q. 2.* tum quia testimonium perhibere est munus publicum, ad quod etiam inuitus quis compellitur, *l. Cum ab initio, & ibi Glos. in V. cogat, & l. Sed si quis D. Quemad. testam. aperiuntur.* Imò adeò necessarium, ut quis repellatur à munere iudicandi propter actum testificandi, *c. Dilecto 40. sup. De testib.* quia facilius reperiuntur centum Iudices, quàm unus testis, Abbas in *d. c. Dilecto n. 3. vbi n. 10.* tradit praxim, quâ quis possit in testem producere Ordinarium causæ Iudicem, quando ille sibi pro teste est necessarius. Videatur Grâianus in *can. Si testes §. si exigat. v. q. 3.*
 - 2 Compelluntur autem testes, secundum fori qualitatem, vel captis pignoribus, vel mulcta inflicta, *arg. l. 1. §. 3. in fine D. De inspiciendo ventre*: vel per censuras Ecclesiasticas, videlicet suspensionem, interdictum, excommunicationem, aut depositionem, vel degradationem, *c. 1. 2. & 5. h. t.*
 - 3 Et hoc quidem in causis civilibus indubitatum est, *c. 1. 2. 6. & 7. h. t.* An verò etiam in criminalibus cogi possint, non immeritò quis dubitet, propter *c. 3. & 10. h. t.* Eoque magis, quòd nemo debeat alterius secreta propalare vel ei detrahere, deferendo alicui eius delicta, *can. Ex merito v. 1. q. 1.* Adeò ut tale quid faciens, actione in factum ad interesse, vel actione iniuriarum conueniri possit, *l. Si quis testamentum §. sed etsi quis D. Ad Legem Aquil. & quandoque etiam falli teneatur, l. 1. §. is qui D. Ad leg. Corn. De falsis*: ut proinde ad id non posse cogi videatur. Verius tamen est, & communius obtinuit, etiam in criminalibus posse testes cogi dicere testimonium. Idque probatur per *c. Peruenit 4. & 5. c. Super his c. Cum contra h. t.* quia hoc non est alteri detrahere, sed veritatem dicere, non animo detrahendi, sed veritatem detegendi: quam interrogatum à Iudice celare, esset graue, imò mortale peccatum, *can. Quisquis XI. h. 3. Glos. in c. 1. V. occultent h. t.* Expedi enim Reipubl. ne crimina maneant impunita, *c. Ut same 35. inf. De sent.*

sent. excommunicat Et ideo licet quis iurasset, se non testificaturum, nihilominus ad id compelli posset, non obstante iuramento, *d. c. Peruenit 4. h. t. & ibi Glos. c. Intimavit 18. sup. De testib.* quia cum tale iuramentum sit contra bonos mores & temerarium, non est obligatorium, *c. Non est obligatorium De R. I. in 6.* Potestque iurans in testem vocatus, etiam propria auctoritate, & nullâ praua absolutione petita, illi contrauenire, absque vllò periculo periurij, prout habet communis opinio, *in c. Constitutus 45. & ibid. Glos. in V. teneri sup. De testib. latè Gail. l. 1. Obser. 100.*

Dixi, in testem vocatus; quia extra eum casum iurans non reuelare secreta, si contrà faciat, periurus efficitur. Quin imò licet non iurauerit, nefariè & improbè facit, secreta alterius propalando: adeoque actione in factum ad interessè vel iniuriarû conueniri potest, & quandoque falsi tenetur, vt antè diximus, & tradit Gail. *d. loco.*

Non obstat *d. c. 3.* quia cum dicit, testem monendum esse & non cogendum ferre testimonium veritati, vult solùm, non esse cogendum à principio, sed prius monendum esse; quia monitio præcedere debet coactionem, *c. 1. h. t.* Non autem prohibet, quò minùs cogatur, si monitioni non pareat. Ita Glossa *ibid.*

Non obstat quoque *d. c. 10.* quia ibi agitur de criminibus, quæ ipsis testibus obijciuntur, non quidem vt puniantur seu criminaliter, vt patet ex eo, quòd ibi quæstio erat super conuentione & reconuentione, quæ in criminalibus locum non habet, saltem vt simultaneo processu terminetur, quia non criminis relatione, sed innocentia reus purgetur, *l. Si is qui D. De publ. iudijs.* Item agebatur per procuratorem, qui in criminalibus non admittitur: sed agitur de istis criminibus, ad hoc, vt à testimonio repellantur. Ad hæc autem probanda crimina non coguntur testes, quia nemo cogitur ad denudandam famam alterius. Videatur Hostien, *in Summa h. t. n. 2.*

Sunt tamen nonnulli, qui ad testimonium ferendum cogi non possunt: vt in primis Sacerdos ne quidem à summo Pontifice compelli potest, vt secreta confessionis reuelet, quia illa non vt homo, sed vt Dei Vicarius scire intelligitur, vt postea dicemus. Secundò, excipiuntur multæ personæ, quæ enumerantur, partim in *l. Inuiti 19. D. De testibus*, vt senes, valetudinarij, milites, qui cum magistratu Reip. causâ absunt, vel quibus venire non licet: partim in *can. Si testes 5. item in Lege Julia 1 v. q. 3.* partim iterùm in *l. 4. D. De testib.* inter quos sunt cognati & agnati, non quidem omnes, sed qui à latere se contingunt, & nullo communi patriæ potestatis vinculo tenentur: hi enim licet possint esse testes, non tamen ad hoc cogi possunt, vsque ad septimum gradum, vt colligitur ex *d. l. 4.* At verò qui sibi parentum & liberorum

Sunt autem Instrumenta in hac significatione duplicia : alia enim sunt Publica, alia Priuata l. 5. Cod. De probat. l. Scripturas Cod. Qui potior. in pig. hab. Nouel. 73. De instrumentor. cautela & fide. Instrumentum Publicum propriè dicitur ea scriptura, quæ publicæ personæ, veluti Tabellionis seu Notarij, publici vel alterius, ad cuius officium publicum spectat instrumenti confectio, Mascar. conclus. 1302. n. 48. manu debita formâ confecta est, d. Nouel. De instrum. cautela & Nouel. 44. De Tabellionibus c. 1. Debita forma consistit in hoc, quòd fiat à Notario publico, ex mandato Iudicis, aut à partibus ad hoc rogato, rei, de qua agitur, gnato, cum expressione anni, indictionis, mensis, diei, loci, in quo sit contractus ipse vel actus, qui instrumento continetur : quòd præterea inscribantur nomina testium, cum ipsius Notarij seu tabellionis subscriptione, c. 2. c. Inter dilectos & ibid. DD. h. t. Couar. Pract. quest. cap. 20. n. 2. De iure communi requiritur quoque expressio nominis aut Imperatoris aut Principis, in cuius ditione conscribitur; sed id vsus non obseruat, Couar. d. loco n. 1.

Dixi, quod publicæ personæ manu confectum est; quia sunt quædam instrumenta, quæ licet non sint à persona publica confecta, tamen quoad effectum probandi dicuntur Publica, quia scilicet perinde plenam fidem faciunt, ac si essent à publica persona confecta. Huiusmodi est scriptura alicuius priuati, sigillo aliquo publico & authentico signata, d. c. 2. h. t. quale est sigillum Episcopi, cui statur, donec contrarium ostendatur, c. Post sessionem sup. De probationib. can. Cura x 1. q. 3. item Principis sæcularis, iuxta consuetudinem, per quam ei creditur, c. Cum dilectus h. t. similiter Capituli, c. 3. sup. De probat. insuper Ciuitatis, Vniuersitatis & alterius communitatis, ius sigilli habentis, d. c. Inter dilectos h. t. Secundò, scripturæ qualescumque, quæ ex archiuo publico extrahuntur, c. Ad audientiam, vbi Felin. inf. De prescript. l. In fraudem §. quoties D. De iure Fisci. Tertiò, quæ fiunt apud acta publica, l. 1. & 2. Cod. qui in Eccles. manumittuntur. Quartò, scriptura, habens subscriptionem scribentis & testium, l. Scripturas Cod. Qui potiores in pig. habeantur & d. c. 2. h. t. Subscriptio vel superscriptio, in scriptura vel instrumento facta, continet & arguit subscribentis approbationem, petinde ac si totam scripturam manu propriâ scripsisset, Mascar. concl. 1341. n. 14. & 15. Gabriel. lib. 1. conclus. 3. nisi scripturâ non lectâ sit facta subscriptio, nomine vel testis vel alieno, Mascar. d. loco n. 16. 17. 18. & seqq. Sigilli verò appositio vim subscriptionis & confessionis obrinet, Gabriel. tit. De probat. concl. 4. Mascar. concl. 1302. per tot. Et à domino sigilli facta præsumitur, quando est sigillum eius, qui sigillauit, aut subscriptione hoc testatus est, Menoch. 2. præsumpt. q. 58. Mascar. d. concl. 302. Gabriel. d. concl. 4. n. 20.

- 4 Dividi possunt Publica Instrumenta in Iudicialia, quæ scilicet fiunt apud auctorem & in iudicio, auctore Iudice, & in Extrajudicialia, quæ fiunt in contractibus à Notario, extra iudicium, ad id rogato. Alioquin si ad hoc rogatus non fuerit, censetur illud confecisse tanquam priuatum, sicque erit priuatum, non publicum instrumentum.
- 5 Priuatum Instrumentum generaliter est omnis scriptura, à priuata persona, non autem à Notario confecta, siue sit authentica, siue non: quod alio nomine vocatur Instrumentum Domesticum, l. *Instrumenta Cod. De probationib.* Et hac ratione scriptura Iudicis, etiamsi habeat testes subscriptos, censetur priuata, quia scribere non est officium Iudicis, sed tabellionis. Similiter litteræ propriâ manu Regis, vel Principis, vel Parochi, scriptæ, censentur scripturæ priuatæ: nec enim inconueniens est, scripturam priuatam à publica persona, qualis est Rex, Princeps, Parochus, emanare, quia quoad scribendum non est publica, sed priuata persona. Aliàs sumitur Instrumentum Priuatum pro instrumento non publico, nec authentico.
- 6 Instrumenti Priuati seu scripturæ priuatæ variz sunt species: hæ tamen principales communiter constituuntur, Apocha, Antapocha, Syngrapha, Liber rationum & Epistola, Rebuff. in *Tract. De chirographis & scedula recognitione n. 13.*
- Apocha Græcè, Latinis idem est quod receptio, estque scriptura, à creditore debitori dari solita, quâ creditor fatetur se recepisse pecuniâ, sibi ab eo debitam, de qua in l. *Acceptolatum D. De acceptilatis.* Differt autem ab Acceptilatione, quod à acceptilatione omnimoda liberatio contingat, licet pecunia soluta non sit: quia etsi soluta non sit, tamen creditor eam tanquam receptam & solutam habet. Apochâ verò non aliter contingit liberatio, quàm si pecunia soluta sit.
- Antapocha vice versâ dicitur priuata scriptura, quam debitor creditori de solutis facit & tradit; vulgò *Contrecedulle* vocatur. Estque necessaria in pensionibus & præstationibus annuis, ad impediendam præscriptionem exemptionis à solutione; soletque ita fieri: *Fateor me sanctum pensionis aut usurarium nomine soluisse.*
- Syngrapha dicitur scriptura siue scedula, quæ fit propriâ manu eorum, qui paciscuntur, in alicuius rei fidem.
- Libellus rationum est ille, quem quilibet sibi sponte facit, de quo in l. *Rationes & in l. Instrumenta Cod. De probat.*
- Epistola est scriptura priuata, quam aliquis alicui vel socius socio mittit.
- 7 Aliter dividi possunt Instrumenta Priuata in propriè priuata, quæ scilicet confecta à priuata persona non faciunt plenam fidem, seu non sunt authentica, qualia sunt iam enumerata: & in ea, quæ sunt quasi publica,

publica, quæ scilicet licet à priuata persona confecta sint, tamen sunt authentica, & perinde plenam fidem faciunt, ac verè publica. Talia sunt, quæ antè diximus esse publica, quoad effectum probandi.

§. II. De differentia Publicorum & Priuatorum Instrumentorum quoad fidem & effectum.

1. *Instrumenta publica plenam fidem faciunt.*
2. *Etiam ex originali & protocollo desumpta, iussu iudicis.*
3. *Donec contrarium probetur: & quo modo infirmantur.*
4. *Instrumentum priuatum non probat proferente.*
5. *Exceptio.*
6. *Contra scribentem probat, etiam plene.*

Differunt in eo Publica à Priuatis, quòd non solum ipsa originalia, vt nostri vocant, id est prima & principalia instrumenta, publica per se, sine alio adminiculo, plenam fidem faciant de eo, quod dispositiuè continent, siue pro proferente siue contra proferentem, *c. 2. h. t.* * sed etiam eorum exempla seu exemplaria, id est ex originali ipso desumpta, dummodò iussu Iudicis desumpta seu exemplata fuerint, quo verbo utitur Pont. *inc. vlt. h. t.* aliàs enim sine originalibus nullam fidem faciunt, *c. 1. h. t. iuncta l. 2. D. eod.* sed tantum coniecturam & suspicionem inducunt, vix delationi iurisiurandi sufficientem. Quinimò etiam illud, quod ex abbreviatura seu protocollo (de nominis ratione vide Couar. *Prætic. quæst. cap. 19. n. 2.*) tabellionis mortui auctoritate Iudicis in publicam formam redactum est ab alio, similem fidem facit, *c. penult. h. t. Couar. ibid. cap. 21. n. 3.*

Dixi, plenam fidem facere de eo, quod dispositiuè continent; quia quoad ea, quæ in illis enuntiatiuè & incidenter narrantur, non probant, in præiudicium tertij, *l. Ex hac D. De Donationib.* nisi in antiquis, quorum scilicet origo & initium centesimum annum excedit, *c. Cum causam sup. De probat.*

Deinde quod dictum est, publicum instrumentum plenam fidem facere, intelligendum est, donec contrarium probetur, *l. Cum precibus Cod. De probat.* & ibi D D. siue per testes contrarios, minimum tres, vel duos, omni exceptione maiores, *c. Cum Ioannes 10. h. t. Couar. lib. 2. Ver. re. el. cap. 13. n. 11.* siue per aliud instrumentum, alteri contrarium: & modò aduersarius nihil obijciat; veluti quòd non sit confectum à

Notario, qui eidem subscripsit; quod rasuram seu cancellationem habeat circa substantiale instrumenti, vel etiam rasuram dictionis vel syllabæ aut litteræ, quæ immutet sensum instrumenti, vel aliud, quod circa instrumentum vel eius sensum dubitationem inducat, quia inde reddi potest aut falsum aut saltem suspectum, *c. Inter dilectos §. instrumentum h. t. c. Licet inf. De crimine falsi.*

4 Instrumentum autem priuatum regulariter non facit fidem pro scribente, *l. Instrumenta, l. Rationes Cod. De probat.* quamuis esset confectum manu Notarij, si desint solemnia, ad scripturam publicam requisita, aut conscriptum manu Episcopi: quia nullo iure cauetur, quod cuiusmodi scriptura habeat vim publicæ scripturæ, *c. Cum à nobis in fine sup. De testib.* etiam si agatur de fauore piæ causæ, quia, ut dicitur in *l. Exemplo Cod. De probationib.* perniciosum est, ut ei scripturæ credatur, quâ unusquisque sibi annotatione propriâ debitore constituit: adeò ut ex scriptura merè priuata, iuxta communem sententiam, ne quidem semiplena probatio inducatur.

5 Facit tamen instrumentum priuatum fidem pro scribente. Primò, quando est trium testium subscriptione munitum, *d. c. 2. h. t.* quia tum quasi publicè confectum creditur, *l. Scripturas Cod. Qui potiores in pig. habeantur, Couar. Pract. quest. c. 22. n. 3.* Secundò, si instrumentum longo tempore inter partes obseruatum sit, & in iudicio pro tali sæpiùs habitum atque exhibitum. Tertiò, si item agatur de modica summa. IV. si recipiat aliquod fomentum vel supplementum, vnde fiat authenticum, quia alia adminicula, veluti quod scribens sit vir bonæ opinionis & famæ, & solitus semper scribere veritatem, quod vir sit legalis, summa præditus integritate, & scriptura contineat verisimilia. V. si sit iuramento confirmatum. VI. si inter partes conuenerit, ut instrumentum priuatum plenè probet; prout conuenire potest, cum, quod scriptura priuata non probet, sit introductum fauore partium, cui renuntiare possunt. Denique si ab aduersario scribentis approbatum sit, etiam plenam fidem facit, licet non sit testium subscriptione munitum, *l. Publica 26. §. fin. in fine D. Depositi.*

6 At verò contra scribentem, si causam expressam habeat, ex qua debitum petitur, veluti ex mutuo, ex empto, ex locato, plenam fidem facit, etiam nullo teste adscripto: modò tamen is, qui scripsit, fateatur se scripsisse, quia quisque debet suæ confessioni contra se stare, *l. Generaliter Cod. De non numer. pecunia.* Sin autem causam expressam non habeat, nequiquam probat aduersus scribentem, *c. Si cautio 14. b. t. l. Cum de indebito D. De probat.* quia censetur indiscretè scripsisse.

§. III. Quomodo Instrumenta edi debeant, & vbi.

1. Edi debent in iudicio parte citatâ vsque ad conclusionem in causâ.
2. Non verò post conclusionem.
3. Quod tamen fallit vndecim modis.
4. Interdum partis citatio necessaria non est.
5. Interdum etiam ante litem contestatam produci debent:

EDi in iudicio debent instrumenta, instar aliarum probationum: & quidem parte citatâ, ac post litem contestatam; aliàs non probant. Quamquam in eo differant à reliquis probationibus, quoad productionem, quòd produci possint non solum in termino probatorio, seu intra terminum, intra quem examinari debent testes, sed vsque ad conclusionem in causâ, *c. Cum dilectis 9. & ibi DD. h. t.* quia in hac productione non subest metus subornationis, qui subest in testibus: nisi fortè Iudex præscripserit certum tempus, intra quod instrumenta omnia edi debeant.

Post conclusionem verò in causâ produci amplius non possunt, quia 2
is est terminus exclusiuus omnium probationum, cùm factâ conclusionem, de causâ liquere dicatur, iuxta *Glos. in c. Significauerunt V. liquere & ibi Felin. sup. De testib.* Sic etiam produci nequeunt, quando expressè renuntiatum est omnibus probationibus.

Hoc tamen fallit; Primò, si ex iusta aliqua causâ Iudex, postquam 3
conclusum est in causâ, ea admittere velit, quia quoad Iudicem nunquam in causâ concluditur; ideoque conclusionem rescindere & vltiorem probationem partibus iniungere potest, *c. Cum Ioannes 10. & ibi Glos. & Felin. n. 12. h. t.* partemque interrogare non solum ad declarationem retroactorum, verùm etiam ad fundandam de nouo intentionem partis, in vim nouæ probationis, *arg. d. c. Cum Ioannes.* Secundò, si producens instrumenta fidem faciat iuramento, ea demùm post conclusionem in causâ venisse ad suam notitiam, factâ prius diligenti inquisitione, *c. Pastoralis inf. De exceptionib.* Ad hoc autem iuramentum præstandum opus est speciali mandato in procuratore, vt illud præstet nomine domini sui, & in animâ eius. Tertiò, in causâ matrimonij, in qua sententia, maximè contra matrimoniû lata, nunquam transit in rem iudicatâ, *c. Lator 7. & ibi Glos. inf. de re iudic. IV.* quando instrumentum non ad probandum, sed ad priores probationes declarandas, profertur: quia

quia aliàs prohibitus probare, non vetatur probationem à se factam declarare. V. in criminalibus, in quibus non concluditur in causa quoad reum, quin semper usque ad sententiam possit eius innocentia detegi; idque favore defensionis receptum est. VI. si ex beneficio restitutionis in integrum subueniatur minori, vel Ecclesie, aut etiam maiori, ex clausula generali, *Si qua mihi iusta &c.* VII. in causa appellationis possunt ea instrumenta produci, quibus in priori instantia obstabat conclusio, iuxta *l. Per hanc, ubi communiter D. D. Cod. De temporibus appellat.* VIII. dicta regula procedit in probationibus facti, non etiam probationibus Iuris, quibus per conclusionem non censetur præclusa via; sed leges semper allegari possunt, modò ad hoc non petatur noua dilatio, quæ esset deneganda. IX. in causa beneficii, secundum aliquos. X. fallit quoad recognitionem sigillorum, nam fieri potest tunc probatio post conclusionem in causa. Denique si facta sit conclusio cum clausula, *Saluâ reproductione scripturarum, & alijs casibus.*

4 Subinde etiam non requiritur paritas citatio: veluti quando instrumentum solum producit ad totam instructionem Iudicis, vel sit productio in fine termini, aut intra terminum datum, ad producendum scripturas seu instrumenta, vel ad probandum per omne genus probationis.

5 Similiter interdum produci debent ante litem contestatam: ut si in libello facta sit mentio instrumentorum: nam tum illa vnà cum actione aduersario perenti edenda sunt, *l. 1. §. 1. & fin. D. De edendo* Quamquam instrumentum cum libello productum non probet, nisi post litem contestationem in vim probationis repetatur seu reproducat.

§. IV. Qualiter produci debeant Instrumenta.

1. Edi debet ipsum originale instrumentum.
2. Aut exemplar, iussu iudicis inde desumptum.
3. Et quidem iudici totum, parti solum capitulum, de quo agitur.
4. 5. Questio, an reus auctori teneatur edere instrumenta.
6. Quatenus tertio alicui edendum sit instrumentum.

1 **P**roduci debent in primis Iudici ipsa instrumenta originalia, quia exemplis seu exemplaribus eorum regulariter non creditur, *c. 1. h. t. l. 2. D. eod.* * nisi auctoritate Iudicis exemplata sint, concurrentibus ijs, quæ ad exemplationem requiruntur. Potest tamen producere, originali semel exhibito, eo recepto, relinquere

quare in actis copiam collationatam, ne fortè originale aliquo casu in actis perdatur vel surripiatur. Nisi fortè sit instrumentum originale mandati procuratorij; nam hoc, si sit simplex, relinqui in actis debet, neque aliàs probat. Sin plura contineat capita & mandata ad plures causas, debet originale restitui producenti, & registrari in actis ea pars mandati, quæ ad causam facit.

Ei autem oportet instrumentum totum Iudici: ac parti tantum eius capituli copia danda, de quo est quæstio, *c. Contingit §. h. t. restituito originali instrumento.*

Ceterum an reus auctori sua instrumenta edere teneatur, ad fundandam eius intentionem, queri potest. Et dicendum, prout superius insinuavi ad *Tit. De probationib. §. 3. na. 6.* non teneri illi edere ea, quæ sibi propria sunt, seu quæ suis sumptibus redemit, *arg. c. 1. in fine sup. De probat.* quia neque iuris neque æquitatis ratio permittit, ut quis inuitus arma & tela, quibus confodiatur & conficiatur, aduersario suo tradere cogatur, *l. Qui accusare 4. Cod. De edendo, l. Nimis grane 7. Cod. De testib.* Secus, si sint communia, v. g. communibus sumptibus confecta, vel testamenta inter hæredes ac legatarios: quorum nomine comparata sunt duo edicta. Primum, De tabulis exhibendis, aduersus eum, qui negat, se testamentum habere, vel asserit se exhibere non posse: alterum, Quemadmodum testamenta aperiantur, aduersus eum, qui non diffiteretur testamentum apud se esse; quo casu compelli potest, ut aperiat, *toto tit. D. & Cod. Quemadmodum testamenta aperiantur.*

Sed cur, inquires, minus reus tenetur auctori edere sua instrumenta, ad fundandam eius intentionem, quam actor tenetur edere sua reo ad fundandam eius exceptionem, iuxta *l. Non est nouum §. Cod. De edendo;* præsertim cum reus in suis exceptionibus sit actor, *l. In exceptionib. 19. D. De probat.* Respondeo, quia licet reus in sua exceptione sit actor, tamen est actor necessarius, & ut ita dicam, inuitus, cum non sit in eius potestate, an & quando conueniatur, *l. Purè §. rlt. D. De dolimali except.* uti est in potestate actoris, an & quando velit conuenire reum, sequæ præmunire probationibus sufficientibus: ac proinde hac in parte fauorabilior est reus. Et hinc quoque fit, quod cum & actor in sua replicatione sit reus, *l. 1. D. De except.* ei ad fundandam replicationem vicissim reus teneatur sua exhibere instrumenta, *l. penult. §. fin. D. Ad leg. Falcid.*

Ut verò intelligatur plenius, quando instrumentum alicui tertio edendum sit, vel non; sciendum est, communem conclusionem esse, quod editio instrumentorum ei non sit decernenda, qui non mandauit per se vel per alium illud confici, nec successit in locum mandantis, per *l. Si quis ex argentariis 6. §. unde apparet & l. Quada §. fin. D. De edendo.*

SI

Fallit

Fallit autem conclusio ista; Primò, si inter sit eius, qui petit sibi edi instrumentum: tunc enim potest vel per edictum de edendo, vel actione in factum subsidiariâ illius editionem petere, licet mandato eius non sit confectum, *d. l. Quadam §. fin. & l. 2. Cod. De edendo*. Ratio est, quia instrumentum est pars probationis; & ideo, sicut testis cogitur testimonium dicere pro tertio, ita & instrumentum edi tertio debet, quando ipsius tertij edi interest: modò tamen Iudici de tali interesse constet summarie; neque enim creditur soli assertioni petentis editionem instrumenti, ob rationem antè allatam, ex *l. Qui accusare Cod. De edendo*.

Secundò fallit, si à Magistratu petatur editio alicuius statuti, ab una parte in iudicio allegati, & ab altera negati: nam cum tale statutum sit ius publicum, & proprium loci, ubi illud servatur, & per consequens omnibus commune, nemini denegandum est; sed edi debet, utique capitulum allegatum, non verò totus statutorum liber.

Fallit tertio, in procuratore Fisci, quoad causas civiles exemptionum & contributionum: nam hic potest petere, sibi edi instrumenta, non modò à tertijs, sed & ab ipsis reis conuentis, ad probandam suam intencionem, siue contra alios, siue contra reos conuentos; idque fauore speciali Fisci & Reipublicæ, *l. 2. §. item diui fratres D. De iure fisci*.

Quartò, in usurarijs, qui tenentur codicem rationum edere, *Clement. 1. §. ceterum De usuris*. Idem dicendum de publicanis, cauponibus, stabularijs, & similibus, fraudem in contractibus committere solitis. Videatur de his plenius Gail. 1. *Obfer. 106*.

§. V. De interpretatione Instrumentorum.

1. *Instrumentum est stricti iuris.*

2. *Prodest & obest tantum in eo nominatis.*

I Nstrumenti, cum sit stricti iuris, interpretatio sumi debet ex verbis: ita ut, quod non dicit instrumentum, nec nos dicere debeamus, neque extendi possit extra ea, de quibus fuit rogatus Notarius, & quibus ipse interfuit.

2 Et quemadmodum instrumenta ijs tantum profunt, qui nominantur, non alijs: ita etiam non alijs obsunt, quam qui in ijs sunt nominati, neque contra alios probant, nec in præiudicium tertij iniquâ interpretatione extendi debent. Licet ad successores vel Iuris vel rei, etiam singulares, extendantur, & contra hos & pro his peræque fidem faciant atque contra auctorem, cuius iure utuntur, prout hæc latius deducit *Wesembec. ad D. b. tit.*

TIT. 23. De

TITVLVS XXIII.

De Præsumptionibus.

§. I. Quid sit Præsumptio.

1. *Præsumptio quid sit.*
2. *Semper circa rem dubiam versatur.*
3. 4. 5. *Fictio quid sit, & in quo differat à Præsumptione.*

Loco probationum sunt etiam Præsumptiones, quæ quandoque plenè, quandoque semiplenè probant, interdum alias præsumptiones adiuuant: de quibus proinde nunc agendum est.

Est autem Præsumptio nihil aliud quàm coniectura probabilis, ex certo aliquo signo proveniens, ad adstruendam rei dubiæ fidem, seu quæ, alio non adducto, pro veritate habetur.

Dicitur, rei dubiæ; quia præsumptio semper versatur circa rem dubiam, quæ scilicet esse vel non esse potest. Et ideo sæpè conuenit cum veritate; in eoque differt à Fictione, * quæ est indubiæ falsitatis pro veritate assumptio, ex causâ aliqua iusta: fitque semper super certo contra veritatem ipsam, l. *Qui in aliena D. de acquir. hereditate in princ.* & propterea nunquam potest conuenire cum veritate.

Præterea fictio non inducitur ab homine sed à lege dumtaxat, & est quædam legis dispositio, ideoque non admittit directè probationem in contrarium: alioquin indirectè potest contra fictionem probari, demonstrando, cessare æquitatem, super qua fundatur. At verò præsumptio de sui natura semper admittit probationem in contrarium: ut de præsumptione hominis & iuris clarum est; & de præsumptione iuris & de iurè patet ex eo, quòd, licet regulariter excludat omnem probationem in contrarium, tamen admittat confessionem partis in contrarium, atque etiam indirectam.

Insuper præsumptio vna alteri aduersari potest: & inde potentior tollit minùs potentem probationem, l. *Diuis B. De in integ. restitut.* Potest etiam cum alia vel alijs concurrere: versatur circa ea, quæ sunt facti: extenditur de persona ad personam, & allegari debet. Atqui fictio vna non potest alteri contrariari, l. 3. §. *è contrario D. De acquir. possess. nec cum alia vel alijs concurrere, quia duo specialia, cuiusmodi sunt, duæ fictiones simul esse non possunt: versatur circa ea, quæ sunt facti & iuris simul: nec extenditur de persona ad personam: neque est necesse eam allegare, cum sit dispositio quædam iuris.*

§. II. De diuisione Præsumptionum.

1. *Præsumptio alia est Hominis, alia Iuris.*
2. *Præsumptio Hominis alia est Leuis, alia Probabilis.*
3. *Præsumptio Iuris alia est Iuris tantum, alia Iuris & de Iure.*

1 **P**ræsumptionum alia est Hominis, alia Iuris. Præsumptio Hominis est quidam conceptus in mente hominis, causatus ab aliqua coniectura. Et dicitur Hominis, quia nullo iure confirmata reperitur.

2 Diuidi ea potest in Leuem seu Temerariam & Probabilem. Temeraria est conceptus in mente hominis, causatus ex aliqua coniectura non probabili. Et hæc nihil probat, & à iure respuitur, *c. Inquisitioni §. in 2. distinguimus inf. De sent. excommunicat. can. Oues pastorem*, in verbis, *Omnis suspicio est potius repellenda, quam approbanda vel recipienda, vi. q. 1.* & ideo, inquit Pontifex, nullum suspicionis arbitrio iudicandum, *can. Primo semper 2. q. 1.* Probabilis hominis præsumptio est conceptus, causatus in mente ipsius ab aliqua coniectura probabili. Estque nunc maior, nunc minor. Vnde eandem quidam diuidunt in Vehementem seu Violentam, quæ facit plenam probationem, & non Vehementem seu Minorem, quæ facit semiplenam probationem, *d. c. Inquisitioni versic. fin.* Et si famâ publicâ vel alijs adminiculis adiuta fuerit, etiam plenam fidem facit, *c. Tertio loco 13. h. t.* Sed hæc non sunt diuersæ species, *arg. l. ult. D. De instructo vel instrum. legato.* Et cum variæ atque multiplices sint hominis præsumptiones, & ex varijs causis oriri possint, non potest de his certa tradi doctrina, verum ea relinquuntur arbitrio Iudicis.

3 Præsumptio Iuris dicitur, quæ in Ipso iure est scripta, vel à lege approbata. Et hæc diuiditur in præsumptionem Iuris tantum & in præsumptionem Iuris & de iure.

4 Præsumptio Iuris tantum est, quando Ius in re dubia aliquid præsumit, nihil de super constituendo, quod pro iure habeatur. Talis est præsumptio solutionis, quæ ex cancellato chirographo oritur, *l. Si chirographum 24. D. De probat.* Item ea, quæ præsumitur, patrem ante filium puberem decessisse, cum ascendens prius intelligatur mortuus, quam descendens; aut filium impuberem prius decessisse, ubi vterque vno casu, v. g. naufragio, extinctus est, cum ætas impuberis videatur magis obnoxia repentino casui, *l. Qui duos 9. §. cum bello & §. fin. D. De rebus dubijs.* Talis quoque est, quæ præsumitur is, qui in adolescentia probis fuit moribus, etiam in senectute probus, & contrà, *c. Ex studijs*

3. c. Man-

3. c. Mandata 6. c. Cum in iuventute 15. h. t. & sic de similibus alijs.

Præsumptio iuris & de iure est, cum Lex aut Canon ita aliquid præsumit, ut super tali præsumptione ius firmum statuatur, & eam pro veritate habeat. Dicitur præsumptio iuris, quia à iure introducta; & de iure, quia super tali præsumptione lex inducit firmum ius, & eam pro veritate habet: ita ut non admittat contrariam probationem, uti admittit præsumptio iuris tantum. Talis est præsumptio matrimonij, quæ oritur ex concubitu sponsi cum sponsa, c. *Qui fidem inf. De sponsalibus*. Vbi tamen aduertendum, tale matrimonium præsumptum inter sponsum & sponsam, propter carnalem copulam subsecutam, esse abrogatum per Concil. Trid. Sess. 24. cap. 1. ut postea dicemus. Tales quoque sunt, quæ existant in l. *Antiqua Cod. ad Senatusc. Vellianum in l. fin. Cod. Ad Macedonianum, in l. fin. circa princ. Cod. Arbitrium tutela*.

§. III. Ex quibus oriuntur Præsumptiones.

1. *Oritur Præsumptio vel ex naturali causa.*
2. *Vel ex principijs humanis alijsve circumstantijs.*
3. *Præsumptio iuris & de iure ex actis præteriti temporis.*

Oriuntur ex varijs, nempe vel ex naturali causa, & naturalibus principijs: ut præsumptio, quæ præsumitur, non esse virginem, quæ peperit, & corruptam fuisse ac concepisse mulierem, quæ lac habet in mammis, eò quod natura, non ars efficiat, ut mulier lac habeat in mammis propter generationem. Non est tamen certum hoc indicium corruptionis & conceptionis, quia potest fieri, ut lac habeat, nec tamen corrupta sit: ut si illi menstrua non fluant. Sic præsumitur esse ignis, unde fumus exire conspicitur; & sic de similibus. Et huiusmodi præsumptio merito dicitur necessaria seu violenta, imò violentissima, nec admittere contrariam probationem.

* Vel oritur præsumptio ex principijs seu indicijs & coniecturis vel exemplis humanis, & lege humanâ approbatis. Vel denique ex alijs negotijs ac personarum circumstantijs, ex quibus, tanquam signis & argumentis, inducitur lex aut Canon vel homo ad aliquid de re proposita credendum, pro ratione argumenti, ex quo credulitas inducitur.

Præsumptio tamen iuris & de iure semper desumitur ex actis præteriti temporis, non autem futuri. Euerard. *in loco à tempore ad tempus*.

§. IV. De effectu Præsumptionis.

1. Præsumptio temeraria non probat.
2. Probabilis, adiuta adminiculo, etiam plenè.
3. Vt & Violenta aut Vehemens, regulariter.
4. Præsumptio iuris est liquidissima.
5. Nisi per contrariam probationem elidatur.
6. Præsumptio iuris & de iure probationem in contrariū non admittit.
7. 8. 9. 10. Nisi certis casibus.
11. Et rejicit onus probandi in aduersarium.

- P** Ræsumptio temeraria, vt antè dixi, nullam fidem facit, & à iure rejicitur. Probabilis verò semiplenam probationem facit, c. *Inquisitioni versu. fin. inf. De sent. excommunicat.* Eamque ad torturam solam sufficere vult Bart. in l. 1. in princ. D. De questionib.
- * Famā verò publicā, vel alijs adminiculis adiuta, plenam probationem facit, c. *Tertio loco* 13. h. t. * Si verò violenta, vehemens aut vehementissima fuerit, plenam fidem facit, non secus, quàm testes & instrumenta; & ad condemnationem sola sufficit, tam in ciuilibus, quàm in criminalibus, c. *Adferte* 2. h. t. Exceptis tamen grauioribus criminibus, quale est crimen hæresis, & similia, in quibus tales præsumptiones non sufficiunt, c. *Litteras* 14. h. t. quia in illis requiruntur probationes luce clariores, l. *fin. Cod. De probat.*
- 4 Sin autem fuerit præsumptio iuris, dicitur liquidissima probatio, l. *Licet Imperator* 74. D. De legat. 1. c. *Cum dilecti & ibi Abbas & alij inf. De donat.* & pro veritate habetur: ei que statur, donec contrarium probetur, l. *fin. in princ. D. Quod metus causa &c. & ibi Glos. & DD. c. 1. h. t.*
- 5 Dixi, donec contrarium non probatur; quia cum præsumptio solum habeat locum in casu dubio, admittit probationem in contrarium; l. *Cum de indebito* 25. in fine D. De probat. l. *fin. D. Quod metus causa &c.* Errorem constat de veritate, cessat præsumptio, d. l. *fin.* nam veritas semper præualeat, ei que omnia cedunt, l. *penult. §. mulier D. De probat.* ac fides, quæ à probatione prouenit; magis est certa, quàm quæ à præsumptione hominis voluit. A fortiori autem contrariā tollitur probatione præsumptio hominis, quæ est debiliior præsumptione iuris.
- 6 Aliud dicendum est de præsumptione iuris & de iure, quæ regulariter non admittit probationem in contrarium, c. *Is qui fidem* 39. inf. De sponsalib.
- 7 Dico, regulariter; quia certis casibus admittit. Vt in primis per confessionem eius, pro quo stat præsumptio, tunc ea confessio sit iudicialis,

cialis, siue extraiudicialis, vt verius est, modò hæc testibus rectè probetur, vel iam sit probata, vt quia de ea per scripturam constat: & modò confessio sit de his, quæ pendent à voluntate confitentis: v. g. Præsumptio Iuris & de Iure est aduersus eum, qui fassus est, se recepisse pecuniam, & intra biennium non obiecit exceptionem non numeratæ pecuniæ, l. *In contractibus Cod. De non num. pecunia*; & tamen contrà admittitur probatio ex confessione creditoris. Similiter præsumptio Iuris & de Iure est pro sententia, quæ transiit in rem iudicatam: & tamen admittitur aduersus eam probatio, ex confessione eius, qui pro se sententiam obtinuit. Licet enim præsumptio Iuris & de Iure habeatur à lege pro veritate: tamen verè & propriè non est ipsa veritas, cum versetur circa dubium, & in clavis non sit locus coniecturis vel præsumptioni; ideoque potest in contrarium detegi veritas per confessionem eius, pro quo stat præsumptio: cum nulla melior nullaque efficacior sit probatio, quàm proprii oris confessio; nisi statuto, ultra ius commune, caueretur, ne contra præsumptionem Iuris & de Iure admittatur probatio.

Dixi, & modo confessio sit de his, quæ pendent à voluntate confitentis; quia in non dependentibus à confitentis potestate confessio non diluit præsumptionem Iuris & de Iure. v. g. Præsumptio Iuris & de Iure est, quòd qui contraxit sponsalia, & cognouit sponsam carnaliter, contraxerit matrimonium; & tamen aduersus hanc præsumptionem non admittitur probatio per confessionem vtriusque contrahentium, si dicant, se non contraxisse: quia ab eorum voluntate & potestate non pendet matrimonij contractus & distractus. Licet autem in dependentibus à potestate confitentis contra præsumptionem Iuris & de Iure admittatur probatio per confessionem eius, pro quo stat præsumptio: tamen cogi ad eam non potest, nisi fortè magnà suadente æquitate eam exigat.

Secundò, admittit probationem in contrarium non solum per quinque testes, sed etiam per duos vel tres multum legales. 8

Tertiò, & quidem indistinctè per indirectum: quia cum lex ad hanc præsumptionem requirat certas qualitates & circumstancias, semper admittitur probatio, quòd non sumus in tali casu, vel quòd non concurrat aliqua ex requisitis qualitatibus, etiam per duos testes. v. g. Præsumptio Iuris & de Iure est, quòd mulier, si, contracto matrimonio per metum, diu cum viro moram traxerit, in virum consenserit, & metum purgauerit, c. *Ad id 21. inf. de sponsal.* & tamen aduersus eam admittitur probatio indirecta, nempe quòd illa cohabitatio fuerit quoque violenta: nam, violentà cohabitatione probatà, tollitur præsumptio purgati metus. 9

Quartò,

10 Quartò, per notorium: quia probatio, quæ fit per facti evidentiam, nunquam censetur exclusæ, licet cæteræ omnes sint exclusæ; modò hoc notorium sit permanens, & allegetur. Nam cum allegatur notorium facti transeuntis, illud per testes probari debet: & licet notorium non indigeat probatione, indiget tamen allegatione.

11 Alius effectus præsumptionis iuris, quam lex pro veritate habet, donec contrarium non probatur, est, quòd reiiciat probationem in aduersarium, *c. Ex insinuatione 3. sup. De procurat. c. unico inf. Ecclesiastica benef. sine deminut. confer.* & grauet aduersarium durioribus probationibus. Nam qui habet præsumptionem iuris contra se, debet illam fortioribus & apertissimis probationibus diluere, *l. ult. & ibi Glos. D. Quod metus causa &c. Abbas in c. Quia verisimile in 2. Notab. h. 1.* Et ita potentior est hæc præsumptio, quàm semiplena probatio, quæ non reiicit onus probandi in aduersarium. Cumque à iure pro veritate habeatur, donec contrarium probetur, necessarium non est deferre iuramentum suppletium probationis: quamquam qui eam pro se habet, possit illud deferre ad maiorem cautelam & firmitatem.

Dixi, præsumptionem iuris, quam lex pro veritate habet, reiicere onus probandi in aduersarium; quia si talis sit iuris præsumptio, quam lex non habeat pro veritate, sed leuem tantùm iudicet, habeatque solum pro auxilio probationis, non transfert onus probandi in aduersarium. Sicut nec præsumptio, quæ oritur ex sententia, pendente appellatione: nec præsumptio hominis, nisi sit violenta, Menoch. lib. 1. De sumpt. q. 82.

§. V. De vi Præsumptionum in concursu.

1. Præsumptio potentior tollit debiliorem.
2. Quenam censeatur potentior.

1 Q Vando plures concurrunt præsumptiones, tunc potentior perimit debiliorem, *l. Diuus D. De in integrum restitut. & ibi Glos. in V. existimari*: sicut & coniectura potentior debiliorem, si modò distet coniectura à præsumptione; & verisimilitudo potentior tollit minùs potentem. Idque obtinet, licet præsumptio hominis concurrat cum præsumptione legis, modò appareat validior & firmior. *arg. l. Lucius 93. §. quasitum 3. D. De legatis 3. vbi masculinum ex legis dispositione concipit femininum: & tamen ab ea dispositione receditur, quando constat de contraria voluntate testatoris.* A fortiori præsumptio tollit suspicionem, quæ videtur esse quid minus præsumptione. Sic etiam vna præsumptio cedit pluribus, nisi sit talis,

talís, quæ pluribus sit potentior & efficacior: & specialis vincit generalem. Et sicut vna præsumptio tollit aliam, ita etiam vna aliam elidit; sicut vna probatio aliam.

Dum autem agitur de duabus præsumptionibus iuris vel hominis, Iudicis arbitrio relinquendum est, quæ sit potentior. Interim ab Interpretibus solet censeri potentior & firmitior, quæ facit subsistere & valere actum. Item quæ benignior: quæ magis verosimilis: quæ pro reo est: quæ absurdum & iniquum euitatur. Similiter præsumptio, proveniens à substantia, potentior est eâ, quæ provenit à solemnitate: quæ iuri communi inhaeret, potentior eâ est, quæ iure speciali nititur: specialis item firmitior est generali; & inter duas speciales illa, quæ specialior: naturalis item accidentalis: & quæ descendit à quasi possessione potentior est eâ, quæ quæque res præsumitur libera: item fundata in ratione naturali potentior est fundatâ in ratione civili: & denique quæ fauet animæ potentior eâ, quæ dicimus delictum non præsumi.

§. VI. An Præsumptio allegari debeat, ut profit ei, pro quo stat.

1. *Præsumptio iuris & de iure allegari non debet.*
2. *Præsumptio iuris alleganda, quando oritur ex facto proprio.*
3. *Iudex quatenus supplere eam possit.*
4. *Non verò alleganda, quando ex facto adversarij oritur.*
5. *Præsumptio hominis semper alleganda.*
6. *Quo tempore præsumptio in iudicio allegari debeat.*

Hanc quæstionem latè tractat Menochius De præsumpt. lib. 1 q. 48. ubi in primis tradit, non esse necesse, allegari præsumptionem iuris & de iure, quia illam lex habeat pro veritate, quam Iudex velit nolit sequi debet: * præsumptionem vero iuris allegari tunc debere, quando oritur ex facto proprio, vel circa factum proprium versatur. Idque varijs demonstrat exemplis. Ut v. g. licet is, qui olim fuit dominus alicuius rei, etiam hodie præsumatur dominus, & sic de alijs: tamen huiusmodi præsumptio, etiam notoria, allegari debet, cum ex parte agentis tum ex parte excipientis, siue in criminalibus siue in civilibus, (nisi fortè colligi possit ex actis probatorijs aut versetur in causis summarijs, quibus casibus necesse non est eam allegare:) quia alioquin posset Iudex existimare, non allegantem eâ nolle vii. Et licet Iudex possit talem præsumptionem, si non allegetur, supplere & sequi, tamen supplere non tenetur, imò non potest, quando pars nullum factum in iudicium deduxit, ex quo colligi

possit, sed tunc solum, quando factum aliquod tale in iudicium deduxit, ex quo resultet huiusmodi præsumptio; quia ea, quæ sunt iuris, cuiusmodi est præsumptio iuris, Iudex supplere tenetur, *l. unica Cod. Ut quæ desunt aduocatis partium &c.* Hinc cum ex possessione de præterito præsumatur possessio de præsentis, sufficit allegare possessionem præteritam: & cum ex diutina præstatione resultet præsumptio causæ subsistentis, sufficit allegare ipsam diutinam præstationem, & illam probare, quia Iudex supplere debet præsumptionem inde resultantem.

4. Secundò tradit, non videri necessariam allegationem, quando oritur ex facto aduersarij, vel circa eius factum versatur, quia nihil impurari possit ei, pro quo est talis præsumptio, si eam non alleget, cum pendeat ex facto alterius, cuius mentem & animum non nouit. Quòd si præsumptio iuris resultet ex facto vtriusque, non esse allegandam, censent Abbas & Felin. *in c. Afferte 2. h. t. vbi præsumptio oriens ex facto vtriusque non fuit allegata: qua de re videndus est Couar. in c. Rainutius §. 11. n. 1. vers. sed quoties De testamentis.*

Tertiò docet, quòd, quando hæc præsumptio ex nullius oritur facto, uti est illa, quæ homo præsumitur viuere usque ad centum annos, non satis constet inter DD. an allegari debeat, nec ne.

5. Quartò docet, præsumptionem hominis solius omninò allegandam esse, cum hæc sit prorsus ignota iudici.
6. Denique si queratur, quo tempore præsumptio in iudicio alleganda sit. Respondet Menoch. *lib. 1. q. 50. & alijs, quos citat*, quouis tempore allegari posse, siue quando offertur libellus, modò tamen repetatur in termino probatorio, aliàs enim non probaret; siue quando dantur positiones; siue tempore aliarum allegationum & probationum; siue post conclusionem in causa.

TITVLVS XXIV.

De Iureiurando.

§. I. Quid sit Iuramentum.

1. Iuramentum vnde dicatur, & quid sit.
- 2.3. Præstari debet per verum Deum.
4. Etiam cum per creaturas fit.

PER IUREIURANDUM, delatum ac relatum siue à parte parti siue à iudice, nonnunquam etiam rei dubiæ fides inducitur, nempe alijs legitimis

gitimis probationibus deficientibus, *c. fin. h. t.* Estque maximum litium expediendarum remedium, *l. 1. D. cod.* & omnis controuersia finis, *c. Et si Christus 26. v. sic homines h. t.*

Dicitur autem Iuramentum à Iure, quia quod iuratur, instar iuris habendum est, & veluti ius sanctè seruandum, *arg. l. 5. §. dato D. cod.* Et nihil est aliud, quàm attestatio seu inuocatio diuini numinis in testimonium, ad fidem faciendam vel promissionem firmandam. Nam qui aliquid affirmat vel negat esse verum cum iuramento, vel se aliquid facturum cum iuramento promittit, Deum in testem illius veritatis aut promissionis appellat. Et ideo, qui falsum iurat, quantum in se est, facit Deum approbare falsum: sicut qui dicit, Deus sit mihi socius, adiutor, fautor huius furti, homicidij, affectu, & quantum in se est, facit ipsum auctorem & fautorem furti, homicidij.

Dicitur, inuocatio diuini numinis; quia cum iuramentum fiat ad confirmandam veritatem infallibili testimonio, quantum ab homine fieri potest, præstari nisi per verum Deum, nequit, quia is solus mentem & intentionem hominum, à qua veritas maximè dependet, certò cognoscit, & proinde solus in infallibilem testem inuocari potest. Et hinc sequitur, iuramentum per falsum Deum non esse verum iuramentum, nec obligare nisi ex conscientia erronea, quæ habet vim obligandi sub ea ratione, sub qua concipitur, nempe sub ea ratione, quâ putatur esse verum iuramentum, & factum per verum Deum. Vnde, cognita falsitate, & luce fidei adueniente, depulsaque conscientia erronea, non amplius obligat, quia est destructum eius fundamentum.

Non obstat, quod D. Augustinus ait in *can. Ecce dico xxii. q. 5.* periurum esse, qui super falsum lapidem iurat; quia intelligi potest esse periurum, vel ex opinione Ethnici, cui tale iuramentum præstatur, & cui fides in contractibus seruanda est; vel quia externâ specie periurus videtur.

Aliud autem dicendum est de iuramento per creaturas, prout Ioseph *Genes. 42.* videtur iurasse per salutem Pharaonis; & Moyses *Deuter. 3. & 4. Testes inuoco cælum & terram;* Paulus *1. ad Corinth. 15. per gloriam vestram*: quia illud est verum iuramentum; nam dum per creaturas iuramus, non volumus ipsas nobis esse testes, sed Deum, qui in ipsis singulari modo præsidet & relucet; ita vt capiatur continens pro contento, & signans pro signato. Atque hoc modo omne iuramentum est inuocatio diuini numinis, expressè vel tacitè, verè vel ex opinione.

§. II. An iuramentum per Deum vel creaturas sit licitum.

1. Videtur non esse licitum.
2. Probatur esse licitum, non solum per Deum.
3. Sed & per creaturas.
4. 5. 6. Respondetur ad obiecta.

1. **N**on esse licitum, olim docuerunt multi hæretici. Et colligi videtur ex his Matth. 5. *Dico autem vobis, nolite iurare omnino: neque per cælum, quia thronus Dei est: neque per terram, &c. & subiungitur, Sit sermo vester, Est est, Non non.* Secundo ex can. Clericum x x i i. q. 1. vbi traditur, Clericum; per creaturas iurantem, acerrimè obiurgandum, & si perstiterit in vitio, esse excommunicandum.
2. Dicendum nihilominus, interdum licitum esse iuramentum, non solum per Deum, vti constat ex veteri Testamento, Deuteron. 6 v. 13. dum dicitur, *Dominum Deum tuum timebis & illi soli seruias, & per nomen illius iurabis;* & Psal. 14. vbi laudari videtur hoc iuramentum: *Laudabuntur omnes, qui iurant in eo.* Item ex secundo præcepto Decalogi, quo prohibetur, ne assumamus nomen Domini Dei in vanum & frustra: nam inde sequitur, specialiter non prohiberi, nec per se malum esse, si non frustra nec indebito modo proferatur. Confirmaturque ex consuetudine Ecclesiæ, cuius auctoritate sæpè exigitur huiusmodi iuramentum; vel in iudicijs, vt patet ex toto h. t. & sup. tit. De testib. vel ad abiurandam hæresim, vt patet ex tit. De hæret. vel ad expurgationem alicuius criminis, vt patet ex tit. De purgat. canonica; vel ad pacem confirmandam, obedientiam promittendam, vel alias similes causas: sed etiam per creaturas, modo iam antè dicto.
3. Licitum autem esse hoc iuramentum omni iure patet: & quidem in primis, de iure naturali & diuino veteri constat ex iuramento Iosephi & Moylis: de iure nouo diuino ex iuramento Pauli: de iure ciuili ex l. 3. §. iurari, l. Qui per salutem D. h. tit. de iure Canonico ex can. Si aliqua, can. Habemus x x i i. q. i. vbi supponitur, esse licitum iuramentum per Euangelia, per Reliquias, vel Altare; can. Qui peierat x x i i. q. 5. vbi pariter supponitur, licitum esse iuramentum per Crucem consecratam vel non consecratam; & sic de similibus.
4. Non obstat, quod ex Matth. 5. in contrarium adducitur, quia ibi prohibetur iuramentum per creaturas, non quia per se sit malum, sed ob nimiam frequentiam, & ne leui de causa iuretur, vti Iudei iurabant. Vnde & in d. c. Et si Christus h. t. dicitur, quod si fiat per creaturas,

ruras, esse seruandum, quia ibi agitur de iuramento per creaturas, vt relatas ad verum Deum, vti patet ex ratione, quã ibi subdit Pontifex.

Potest tamen hoc iuramentum ratione scandali esse malum: nam cum iurare per creaturam, secundum se & absolutè spectatam, sit idololatria, facile contingere potest, vt si fiat absolutè inter eos, qui non facile discernere valent, quo sensu fiat, ij scandalizentur.

Non etiam obstat, quod postquam ibidem Christus dixit, *Sit sermo vester, Est est, Non non*, subiiciat, *Quod autem his abundantius est, à malo est*: quia non dicit, iuramentum esse malum, quando necessitas illud exigat, sed à malo esse, quia scilicet necessitas eius à malo prouenit, nempe, vel ab incredulitate audientium alterum aliquid simpliciter asserentem, vel negantem, vel promittentem, cui fidem adhibere nolunt, nisi assertionem aut negationem vel promissionem iuramento confirmet; vel à defectu veritatis humanæ in natura corrupta: vt sic intelligatur non de malo culpæ, sed de malo pœnæ seu imperfectionis humanæ: quia inde euenit, quod iuramentum aliquando reputetur atque etiam sit necessarium, vt constat ex Paulo ad Hebr. 6. Necessitas iuramenti est, vt sit omnis controuersia finis & confirmatio.

Non obstat d. canon Clericum; quia ille loquitur de iurante per creaturas more Ethnico, tanquam per Deos quosdam, veluti Iouem & similes.

§. III. De requisitis ad iuramenti validitatem.

1. Requiritur ad essentiam iuramenti, primò intentio iurantis.
2. Dicens Per fidem meam, vel simile quid, non iurat.
3. Secundò requiritur locutio, saltem interior.
4. 5. 6. Comites iuramenti liciti sunt Veritas, Iustitia & Iudicium.

Supposito iuramentum licitum esse, videndum nunc est, quænam ad eius validitatem requirantur. In primis requiritur intentio iurandi seu Deum in testem vocandi. Hinc enim dormiens vel amens non dicitur iurare, licet verba ad iuramentum apta & sufficientia proferat: quia iuramentum significat actum humanum, qui non potest esse absque intentione & voluntate. nam & ideo votum sine intentione vouendi non est verum votum, sed fictum. * Hinc etiam, qui dicit, *Per fidem meam*, *Per fidem seu fide boni viri*, *Per conscientiam meam*, secundum ordinariam huiusmodi formularum usurpationem, non censetur iurare, quia non intendit iurare, sed solum significat se loqui ex virtute fidei suæ vel veritatis, vel ex conscientia sua; vt si fallat, non habeatur verax aut fidelis, Lessius 2. De Iust. & Iure cap. 24. n. 4.

Secundò, requiritur locutio, saltem interior, quâ Deus vocetur in testem.

3 Dico, saltem interior; quia verius videtur, ne quidem in ijs, qui loqui possunt, requiri verba ad essentiam iuramenti, sed tantum ad certior probacionem iuramenti, vel ad manifestandam mentis significationem, Couar. *ad c. Quamuis pactum*, Depactis in 6. p. 1. in princ. n.

4 Probat: quia iuramentum soli Deo præstatur, qui solus & etiam solius mentis inspector est, *can. Si quid inuenisti* x i v. q. 5, *can. Erubescant*. *Distinct.* 32. Videatur latius Couar. *d. loco*.

4 Tertiò, præteriam dicta, quæ ad essentiam iuramenti pertinent, ita vt, altero deficiente, non sit iuramentum, alia requiruntur, vt sit licitum, & tres, vt vocant comites habeat necesse est, scilicet Veritatē, Iustitiam & Iudiciū, *d. c. Etsi Christus h. t. & tradunt Canonistæ in cau. Animaduertendum* x x i i. q. 2. Requiritur Veritas, vt scilicet id, quod asseritur vel negatur, sit verum, & quod promittitur suo tempore impleatur: alioquin iurans esset periurus, *c. Debitores c. Ad nostram c. Querelam* 10. *& alijs, h. t.* nam defectus veritatis est directè & maximè contrarius fini iuramenti, qui est confirmatio veritatis, *ad Hebr. 6.* prorsusque destruit & eleuat auctoritatem illius.

5 Requiritur Iustitia, vt iuretur id tantum, quod est licitum & honestum: alioquin contra bonos præstitum iuramentum non est obligatorium, nec seruandum, *c. Non est obligatorium De R. I. in 6. & similibus*. Quin imò qui, quod turpiter iurauit, adimpleret, duplici se crimine inuolueret. Et ideo dicitur, melius esse, vota stultæ promissionis non implere, quàm crimen committere: & in malis promissis rescindendam esse fidem: in turpi voto mutandum esse decretum, nec esse faciendum, quod incautè quis vouit, quia impia est promissio, quæ scelere adimpletur, *can. Si publici, can. In malis cum seq.* x x i i. q. 4. & iuramentum non vt esset vinculum iniquitatis, est institutum, *c. Quanto* 17. *h. t. c. 1. eod. in 6.* Hinc igitur si, quod promittitur, sit illicitum, siue ex se, quia prohibitum, ita vt illud exequi sit malum, & peccatum seu mortale seu veniale, iuramentum promissorium adiectum non obligat, *d. c. Quanto d. c. Non est obligatorium & c. Si verò* 8 *c. Cum contingat* 23. *h. t.* quia inuoluit contradictionem, quem obligari ad peccatum veniale vel mortale, cum nemo peccet adimplendo id, ad quod obligatur: nec potest idem simul præcipi & prohiberi. Et ideo qui promissit latroni, se illum non denuntiaturum Iudici, non obligatur eo casu, quo in contrarium esset superioris præceptum, aut denuntiationem exposceret publica utilitas, vel salus Reipublicæ: nec enim potest quis se obligare contra præceptum superioris aut legis seu bonum commune Reip. Aliud dicendum foret, si denuntiare esset solum consilij, quia

quia tum non posset eum denuntiare, nisi prius relaxato iuramenti vinculo: cum enim iuramentum eo casu sit in alterius fauorem, & seruari absque peccato possit, obligat, nisi ipse vel alius, habens potestatem, illud relaxet, d. c. *Quamuis pactum De pactis in 6.*

Requiritur Iudicium, ut scilicet cum debita & prudenti consideratione iuretur, & tunc duntaxat, quando necessitas, iuxta prudentis arbitrium, iuramentum postulat, pro re non leui. Exemplo Pythagorici Cliniae, qui maluit pati trium talentorum mulctam, quam eandem iuramento (uti poterat) euitare; licet non fuisset falso iuraturus. Nam qui pro re leui iurat, licet verum sit, quod iurat, tamen peccat, c. *Tua nos 24. h. t.* Ut autem sit inter hos tres comites distinctio, sub Iudicio comprehendi poterunt reliqua omnia, quae praeter Veritatem & Iustitiam ad debitum modum iurandi, secundum rectam prudentiam, quae est auriga omnium virtutum moralium, desiderari possunt.

§. IV. De diuisione Iuramenti.

1. *Iuramentum aliud est Assertorium.*
2. *Aliud Promissorium.*
3. *Aliud Comminatorium.*

Iuramentum varijs modis diuidi potest. Nos hanc tantum diuisionem prosequemur, quae ad institutum nostrum maxime est accommodata. Ea est, quae diuiditur in Assertorium, Promissorium & Comminatorium.

Assertorium est, quo aliquid affirmamus aut negamus esse, fuisse aut futurum esse, sine aliqua promissione: ut, Iuro, Petrum hesternodie fuisse Louanij; hodie profectum esse Mechliniam; cras rediturum. Tale quoque iuramentum est, quod praestare testes solent in dicendo testimonio, c. *Nuper 51. sup. D. testibus*: item quod praestat pars parti ex delatione Iudicis vel partis ad litem dirimendam, & vulgo litis decisorium appellatur. Et in hoc iuramento vna tantum veritas requiritur, nempe illa, quae asseritur: nam ita iurando nullam intendimus nobis imponere obligationem, sed solum facere fidem eius, quod asserimus vel negamus. Sunt tamen, qui iuramentum de futuro absque promissione non minus probabiliter referant ad promissorium, ut Suarez, lib. 1. *De iuramento cap. 8. lib. 2. cap. 1.* prout videre ibi licet.

Promissorium est, quo sanctè confirmamus nostram promissionem vel pollicitationem, seu quod aliquid promittendo adhibemus. Atque ita per illud intendimus nos obligare ei, cui promittimus, ad faciendum.

faciendum id, quod promittimus. Et ideo qui iuratam promissionem non implet, periurus censetur, c. *Tua nos* II. h. t.

3. **Comminatorium** est, quo rem aliquam Deo ultori subijcimus, si non sit verum, quod iuramus, seu quod sit per pœnæ imprecationem; quâ nos vel aliam personam deuotemus pœnæ & vindictæ diuinæ, si fallamus: vt dum dicimus, *Ita me Deus adiuet, Ita mihi sit propitius*: nam huiusmodi formulis non tantum significatur, vt sit nobis propitius, si ita sit, sed etiam, vt non sit, si ita non sit. In his autem duobus posterioribus iuramentis duplex requiritur veritas, vna præsens, scilicet quod iurans habeat animum exequendi, quod promittit; & hæc est principalis & necessario requisita, ita vt si absit, sit periurium: altera futura, quæ consistit in executione, & est secundaria & plurimum absque peccato abesse potest, quia sæpè expedit, quod promissum vel comminatum est, non exequi, mutatis circumstantijs.

§. V. De diuisione Iuramenti Assertorij decisorij.

1. Aliud est *Voluntarium*: quod referri non potest.
2. Aliud est *iudiciale*.
3. Aut iurandum, aut iuramentum delatum referri debet.
4. Ex causa tamen recusari potest.
5. Iuramentum relatum necessario præstandum ab eo, qui detulit.
6. Ex causa tamen referri nequit.
- 7.8. Hoc iuramentum à iudice approbatum recusari à reo non posse.
9. Deferens prius ipse iurare debet de calumnia.
10. Aliud est *Iuramentum Necessarium & suppletium probationis*.
11. Cui deferri illud debeat, auctori an reo.

Decisorij Iuramenti tres species assignari solent, nempe Iuramentum Voluntarium, Iudiciale & Necessarium. Voluntarium est, quod extra iudiciū pars parti defert. Dictum inde Voluntarium, quod non nisi ex eius, cui defertur, voluntate suscipiatur, l. 1. 2. 3. & alijs D. h. t. nisi fortè inter partes cōuenierit, vt ab eo, cui defertur, præstetur; tunc enim ab eo præstandum erit: sicut & semel susceptum, ab eo, cui defertur, præstari debet, nec potest referri, l. *Iusiurandum* 17. D. *cod.* quia licet ab initio sit voluntarium, tamen ex conuentione aut susceptione fit necessarium. Et hoc parit exceptionem reo, si iurauerit, l. 6. & 9. D. *cod.* Datur quæ etiam iuramentis tam in rem, l. 8. D. *cod.* quàm in personam; l. 7. D. *cod.* itemque

itemque fideiussoribus rei competit, l. 28. §. 1. eod. Actori verò, si ipse iurauerit, parit actionem in factum, l. Actori Cod. De reb. cred. vel actionem ex contractu, si de ipso contractu iuratum fuerit, l. Si duo §. si quis iurauerit D. eod.

Iudiciale Iuramentum est, quod in iudicio à parte parti defertur, 2
 approbante Iudice, l. Delata Cod. De reb. cred. Dicitur Iudiciale à loco, in quo defertur seu præstatur. Non est autem Necessarium, quia & liberè suscipitur, & ab eo, cui delatum est, referri potest, c. fin. versic. quamvis h. t. l. Iusiurandum 34. §. ait Prator 6. D. eod. nisi & simul iusserit Iudex præstari iuramentum: * alterutrum tamen facere cogitur, 3
 aut, inquam, iurare, aut iuramentum referre, quando iudex illud detulit, nisi soluere malit, d. §. ait Prator, d. l. Delata. Nam manifestæ turpitudinis & confessionis est, nolle nec iurare, nec iusiurandum delatum referre, l. Manifesta 38. D. eod. * Nisi fortè subsit iusta causa recusandi: veluti si quis à te exigat iuramentum de facto alieno, quod 4
 iustè ignoras, non teneris iurare, neque iuramentum tibi delatum referre, d. c. fin. l. Marcellus §. 1. D. Rerum amotarum.

Similiter actor, qui plenè probavit suam intentionem, non tenetur iuramentum, sibi à reo delatum, præstare vel referre, c. 2. sup. De probat. quia tunc actor sufficienter de iure suo docuit, nec iuramento indiget. Simili modo, si actio proposita talis sit, quâ reus conveniri non possit, non tenetur reus præstare iuramentum, ab actore sibi delatum, vel illud referre.

Quòd si verò iuramentum delatum referatur, necessariò præstandum erit ab eo, qui detulit: aliàs vel super principali causa ulterius 5
 non audietur, d. l. Iusiurandum 34. §. datur D. eod. vel, auxilio provocationis secluso, super eâ convictus censebitur, l. Generaliter 12. §. 1. Cod. De reb. cred. Nec immeritò, cum non debeat displicere conditio iurisiurandi, quam detulit prius, d. l. Iusiurandum §. ait Prator. * Ex- 6
 cipiuntur tamen aliqui casus, quibus iuramentum delatum referri non potest: veluti si is, qui offert, ignarus sit rei gestæ: si ex abundanti illud delatum sit; cur enim iurare cogatur, qui sufficienter de iure suo docuit, & cui ad victoriam consequendam nihil superest agendum, sed solum restat iudicandum?

Sed an iurisiurandi iudicialis, à Iudice approbati, iusta causa erit 7
 recusandi, si ab actore, qui nullo modo intentionem suam probauerit, reo deferatur? Ita censebat Panormit. in d. c. fin. & alij nonnulli, quia, actore deficiente in probatione, reus, etsi nihil præstiterit, obtinere & omninò absolui debeat, d. c. fin. l. Qui accusare Cod. De edendo. Excepto casu, quo quis propriam scripturam negat, Novella 73. De instrument. cautela §. si tamen quisquam.

At verò alij censent, etiam tunc reum, cui deferretur, esse compellendum, ut iuret, arg. l. Tutor D. h. t. ubi dicitur, tutorem pupilli, omnibus probationibus alijs deficientibus, iusiurandum deferentem audiendum esse, item l. ult. Cod. De fideicommissis, l. generaliter Cod. De rebus creditis, l. Manifesta D. h. t. ubi non distinguitur, an actor probauerit, nec ne, sed dicitur, manifestæ turpitudinis esse & confessionis, nolle iurare, aut iuramentum referre.

8 Non obstat, quòd dicitur, actore non probante reum esse absolvendum: quia illud hoc sensu verum est, quòd reus nihil probare teneatur. Cæterum si iusiurandum ei offeratur, tenetur iurare, quia cum tunc testis & Iudex in propria constituatur causa, ac proinde non desumantur probationes ex domo rei, si iurare recuset; censetur fateri se malam causam habere, præsertim cum illud deferre possit.

9 Qui autem hoc iuramentum deferret, prius ipse iurare debet, si exigatur, se non calumniandi animo iusiurandum deferre, d. l. Iusiurandum 34. §. qui iusiurandum 4. l. Si non fuerit 37. D. h. t. non item is, qui refert, quia non est ferendus actor, si conditionis, quam ipse detulit, nomine velit sibi iurari de calumnia, d. §. ait Prator.

10 Iusiurandum Necessarium est, quod in causa dubia à Iudice deferretur reo vel actori, propter defectum plenæ probationis, l. Admonendi 31. D. h. t. Dicitur Necessarium, cum quia à Iudice necessario deferendum, si partes petant; tum etiam quia ab eo, cui delatum est, necessario subeundum: aliàs enim, tanquam confessus, omni etiam provocationis auxilio excluso, condemnari potest, d. l. Generaliter §. 1. in princ. Cod. cod. nisi & hic subsit iusta causa reculationis, d. c. fin. h. t. & d. l. Generaliter §. fin. autem & seq. veluti si, actore plenè probante, reo nihil, Iudex illud actori deferat, c. Sicut 2. sup. De probat.

11 Defert autem hoc iuramentum Iudex actori vel reo, prout viderit, inspectis personarum & causæ circumstantijs aut præsumptionibus, magis expedire. Ideoque si actor minùs quam semiplenè probaverit suam intentionem, non nisi reo ad suspicionem, aduersus se conceptam, propullandam & purgandam deferri poterit, d. c. fin. §. sanè h. t. & inf. toto tit. Depurgat. canon. Nec licet sic delatum referre, d. c. fin. V. famosa. Ideo verò deferri eo casu actori non debet, quia cum iuramentum tantum semiplenè prober, non efficeret plenam probationem, Abbas in d. c. fin. in V. præsumptione. Sin actor semiplenè, aut plus quam semiplenè probaverit, ita ut Iudicis animus magis in causam actoris propendeat, tum actori potius, in supplementum probationis, utique in civilibus, deferendum erit, ut communiter tradunt D D. in d. l. Admonendi D. cod. & in d. c. fin. nisi, ut loquuntur, persona rei sit legalior, aut actor putetur veritatem ignorare. Verius autem videtur ex d. c. fin.

d. l. Ad.

d. l. Admonendi & l. In bonafidei 3. Cod. eod. non esse necesse exigi hoc iuramentum à litigatoribus, ut Iudex illud deferre possit, quia dicitur ijs locis, solere Iudices in causis dubijs, probationum inopiâ, iusiurandum deferre, & secundum eum, qui iurauit, pronuntiare.

§. VI. In quibus causis sit locus iuramento suppletiuo probationis.

1. *In causis omnibus locum habet.*
2. *Exceptis arduis & criminalibus criminaliter intentatis.*
3. *Reo tamen etiam in his deferri potest.*
4. *Qua in dilatione eiusdem consideranda.*

Responderetur ex *l. 3. §. 1. D. h. t.* habere locum, quacumque actione quis conueniatur, siue in personam, siue in rem, siue in factum, siue pœnali actione vel quauis aliâ, siue etiam de interdicto. Vnde in *l. In bonafidei 3. Cod. eod.* dicitur, In bonæ fidei contractibus, nec non in cæteris causis, inopiâ probationum, per Iudicem iureiurando causâ cognitâ res decidi oportere: in ciuilibus scilicet causis, ijsque non arduis, nec grauioribus: aut in criminalibus, ciuilitè intentatis. • Nam cum in arduis & criminalibus causis, criminaliter intentatis, probationes debeant esse iustæ, & quidem in criminalibus luce meridianâ clariores, *l. ult. Cod. De probat.* locus huic iuramento esse non potest, secundum communem opinionem in *d. l. 3. & d. l. Admonendi*, colligiturque ex *d. l. 3.* illis verbis, *actione pœnali*: nam ubi agitur criminaliter, dicitur potius accusatio, quàm actio, *l. De crimine Cod. Ad Leg. Cornel. de falsis*. Atque ita illa *d. l. In Bona fidei* verba, & etiam in cæteris, de ciuilibus causis accipienda sunt.

Ex parte rei tamen in criminalibus indifferenter, siue ciuilitè siue criminaliter intentatis, ad suam innocentiam purgandam, posse eisdem deferri huiusmodi iuramentum, verius videtur, *arg. d. c. fin. h. t.* ibi, *Præsumptione verò faciente pro illo, reo deferri potest, ad ostendendam suam innocentiam.*

Cæterum quoad delationem huius iuramenti quattuor potissimum in causæ cognitionem venire debent, cognitio personarum, natura causæ, quantitas rerum, & qualitas factorum: nam regulariter in causis magnis & arduis non deferretur, nisi plusquam semiplenè probatum sit, qualis est causa matrimonij.

§. VII. De vi & effectu Iuramenti Voluntarij, Iudicialis & Necessarij.

1. *Causa iureiurando decisa non retractatur per noua instrumenta.*
2. *Prætextu iuramenti necessarij Iudex decidere causam potest.*
3. *Quo tamen casu retractatur sententia per noua instrumenta.*
4. *Ex iuramento datur actori in factum actio, & reo exceptio.*
5. *Idq̃, delato vel relato iuramento.*
6. *Vel etiam remisso ab aduersario.*
7. *Causa debiti expressâ etiam utilis ex contractu actio datur.*

Voluntarij & Iudicialis in primis ea vis est, quòd causâ iureiurando decisa non retractetur per instrumenta, postea de nouo reperta, nisi specialiter hoc lege excipiat, *l. 1. Cod. h. t. & similibus*: aut nisi litigatorum consensu, occasione instrumentorum de nouo repertorum, efficiatur, vt alia sententia feratur, per quam prior, quæ in rem transiuit iudicatam, rescindatur, *arg. l. 1. Cod. Quando prouocare non est neceße*. Ratio est, quia tum res & controuersia potiùs tacitâ litigatorum transactione (quæ regulariter non rescinditur per instrumenta de nouo reperta, *l. Subpretextu 19. Cod. De transact.*) decisa videtur, propter mutuum consensum, quàm sententiâ, *l. 1. & fin. D. h. t.*

2. Iureiurandi Necessarij vis & effectus est, quòd eius prætextu valeat Iudex confestim causam decidere, & sententiam definitiuam, vel absoluendo vel condemnando reum, ferre, *d. l. Admonendi D. eod. **
3. ita tamen, quòd sententia huiusmodi, licet in rem iudicatam transiuerit, rescindi possit prætextu nouorum instrumentorum, modò per ea iuramentum necessarium, quod sententiæ latæ causam dedit, falsò præstitum fuisse, plenè & sine alterius adminiculo probetur, *d. l. Admonendi in prim.* Ratio est, quia tale iuramentum non defertur ex pacto litigantium, sed officio Iudicis, etiam inuito aduersario, aduersus quem sententia lata est, & qui petit eam rescindi. Pari modo talis sententia per novos testes, id est non productos antea, rescindi potest, quia testes appellatione instrumentorum continentur, *l. 1. D. De fide instrument.*
4. Præterea supradictorum iuramentorum ea est vis, quòd ad rei iudicatæ exemplum ex eis actori iuranti Prætor in factum actio acquiratur, ad consequendum id, quod sibi deberi iurauit, *l. Actori Cod. eod. §. Item si quis Instituit. De actionib.* Neque in hac actione queritur, an debeat id, quod petitur, sed an iuratum sit, quia ex iuramento præstito

fito deberi constat, *l. Nam posteaquam* 9. §. 1. *l. Noverit* §. *dolo* D. *eod.* Nam sicut res iudicata pro veritate habetur, ita & iuramentum, etsi falsò præstitum sit, pro veritate accipitur, cum habeat maiorem auctoritatem, quàm res iudicata, *l. 2. D. eod.* Reo verò ex huiusmodi iuramento, v. g. si iuraverit se non debere, quod petitur, non actio, sed exceptio acquiritur, *d. l. Nam posteaquam* §. 1. ad actoris intentionem, etiam ante litis contestationem seu ingressum, perimendam, *c. 1. De litis contestat. in 6.* Nisi talis exceptio iurisiurandi altiore indaginem postularet: nam tum litis postmodum subsequenter ingressum non impediret, *d. l. Nam posteaquam in princ.*

Et hæc quidem obtinent, quando delato vel relato priùs ab adversario iuramento, eo modo, quo delatum vel relatum est, actor vel reus incontinenti iuravit, vel saltem delatum aut relatum incontinenti suscepit; & post dilationem ad deliberandum, sibi ex iusta causa concessam, illud præstitit, *l. Iusiurandum* 34. *in princ. D. eod.*

Neque ad hoc, ut supradicta locum habeant, refert, an delato vel relato semel iuramento iuratum sit, an verò ei, qui paratus erat iurare, remissum, *d. l. Nam posteaquam* §. 1. quia hæc actio & exceptio non tam oritur ex iureiurando, quàm ex conventionione, quæ non minùs remissio, quàm præstito iuramento, locum habet. Nec rursus refert, an à Iudice, an à parte, in iudicio vel extra iudicium, delatum sit, *Glossa in l. 1. l. Actori Cod. eod.* Quin & procuratoris, & advocati iuramentum legitime præstitum, actori actionem & reo exceptionem parit.

Observandum autem hic, quod, quando causâ expressâ, ex qua, v. g. ex empto, sibi debitum asserit, iurat actor, non tantum in factum ex iureiurando actio oritur, sed & utilis ex contractu, quem iurat, *l. Si duo* §. *si quis iuraverit* D. *eod.* Quando verò nullâ causâ expressâ iurat, sola actio in factum oritur. Excepto, quòd in rei vindicatione utraque actio oritur, & in factum ex iureiurando, & utilis in rem, siue causam, unde dominium nactus est, expresserit, siue non, *d. l. Nam posteaquam in fine.* Ratio diversitatis est inter actionem in personam & actionem in rem, quòd dominium non possit nobis nisi ex vna causa competere; & proinde de ea sola causa iuratum esse intelligitur, etiamsi non fuerit expressa. At verò idem sæpiùs & ex pluribus causis potest nobis deberi; & ideo de nulla certa iuratum intelligitur.

§. VIII. De vi & effectu Promissorij iuramenti.

1. Inducit obligationem ad sui observationem.
2. Promissionem & contractum confirmat.

V. 1. 19

3. INTA

3. *Iuramentum quando dicatur validum & obligare ad sui observationem.*
4. *Quando confirmare contractum.*
5. 6. 7. *Discrimen inter hac duo.*

Iuramenti Promissorij effectus imprimis est, inducere obligationem ad sui observationem, dummodò verâ & seriâ atque absolutâ intentione sit emissum, & reliqua adsint ad validitatem eius requisita; licet etiam illud emittens ex eo obligari nolit: quia non magis est in potestate hominis, impedire, ne iuramentum, verâ & seriâ intentione iurandi præstitum, obliget, quàm in eius sit potestate, impedire exustionem domus vel stuppæ;posito, quòd ei de facto igne applicet, licet maximè nolit exuri. Nam sicut ex igne appposito sequitur necessariò exustio: ita ex iuramento, verâ intentione præstito, sequitur naturaliter & necessariò obligatio. Ratio est, quia talis obligatio non pendet directè & proximè à voluntate & intentione iurantis, sed tantùm remotè; & immediatè provenit ex iuramento, vel alio actu, ad quem necessariò sequitur.

Dixi, absolutâ intentione emissum; quia si conditionata fuerit, tunc sicut suspendit consensum, ita etiam consequenter effectum seu obligationem, donec adueniat & existat conditio.

- 2 Secundus effectus est, confirmare ipsam promissionem vel pollicitationem; & aliquando etiam contractum. Quod ut intelligatur, sciendum est, * differre ista, iuramentum esse validum, obligareque ad sui observationem, & iuramentum confirmare contractum; sed habere se ut magis & minùs communia. Nam iuramentum dicitur validum, quodcumque servandum, ob honorem diuini nominis, etiamsi illi, in cuius fauorem præstitum est, nullum ius per illud acquiratur. Sic iuramentum de soluendis vsuris validum est, quia servandum, ob honorem diuini nominis, cum seruari possit absque dispendio salutis æternæ & sine præiudicio tertij: & tamen per illud nullum ius creditori acquiritur; ideoque relaxato iuramento, vel impleto per solutionem vsuratum, repeti solutæ possunt. * Confirmat autem contractum, quando non solum servandum est, sed etiam alteri, in cuius fauorem præstat, ius tribuit, & contractum in sua specie validum efficit. Et hinc fit, quòd quamuis relaxetur iuramentum, maneat nihilominus obligatio iustitiæ ex contractu, quæ transit ad hæredes.

- 5 Hinc quoque patet, magnum esse discrimen inter iuramentum, quod confirmat contractum, & illud, quod non confirmat: nam quando obligat, nec tamen confirmat contractum, relinquit contractum in sua natura inualidum atque inefficacem, si talis in se sit: quia ei vinculum nullum adijcit, sed solum obligat in ordine ad Deum, ne sit falsus testis.

Handwritten notes at the bottom of the page, including the word "Iuramentum" and other illegible scribbles.

testis. Et ideo, relaxato iuramento, potest immediatè contraveniri contractui ex se inualido, quia nulla remanet obligatio.

Quando autè confirmat contractum, tunc licet, secluso iuramento, 6 sit nullus, tamen efficitur firmus & irrevocabilis, ratione iuramenti, ut communiter tradunt DD in c. Cum contingat 28. h.t. & in c. 2. De pactis in 6. Ideo q; relaxato iuramento ab alio, quàm à creditore, ex iusta aliqua causa, v.g. ob læsionem, remanet adhuc contractus validus: quia cum acceperit firmitatem ex iuramento, & illa dependeat à iuramento solum in fieri, ut loquuntur, non autem in conservari, non debet causâ firmitatis cessante, rescindi, nisi superveniat causa aliqua annullans, c. Factum legitimè de R. 1. in 6.

Dixi, relaxato iuramento ab alio, quàm à creditore; quia si creditor ipse relaxet, etiam contractus dissolvitur, & cessat omnis obligatio. Nā creditor non potest relaxare iuramentum, quasi per se, & immediatè, sed cedendo iuri suo, & quasi tollendo fundamentum iuramenti.

Secundò differunt, quòd, quando contractus firmatur iuramento, 7 cum iam sit ius parti quæsitū, non liceat amplius contravenire contractui, nec peti possit absolutio, nec factâ solutione detur repetitio, sed contractus maneat omninò firmus & irrevocabilis, ut indicant in Auth. Sacramenta puberum Cod. Si adversus venditionem &c. verba illa, inviolabi- ter custodiantur: & illa in d. c. 2. De pactis in 6. omninò servari debent. Quādo verò iuramentum est servandum ob Dei honorem, ut in c. Debitores 6. h.t. tum relaxatio licitè peti potest. Et verò facilè concedi debet, quia cum nullum ius acquiratur homini, cui iuramentum præstatur, sed Deo dumtaxat, idè Prælati, tanquam Christi vicarius potest illud eius nomine relaxare, subsistente iustâ causâ relaxandi. Sin autem iurans nolit petere relaxationem, satisfaciet, licet statim, ut solvit, repetat solutum, quia implevit iuramentum, & alter solutum iniuste retinet.

§. IX. Quando iuramentum confirmet contractum, quando non.

1. Actus iure naturæ irritus non confirmatur iuramento.
2. Non etiam actus prohibitus ob fauorem publicum.
3. Confirmatur verò ob priuatam utilitatem prohibitus principaliter.

HAc de re aliquot regulæ assignari possunt. Quarum sit hæc. Prima: Actus, qui iure naturæ est irritus vel irritari potest, non confirmatur iuramento, secundum communem opinionem DD. uti quando vi vel dolo extortus est: nam tunc ratione iniuriæ tenetur extoror ad restitutionem, nec vllum ius solidum ac-

inimicus est qui sequebatur
ex parte
 igitized by Google

quit. Si tamen id, quod promittitur, non sit illicitum, seruandum est iuramentum, cum seruari possit sine dispendio salutis æternæ, nec vergat in præiudicium tertij, si utique ille, in cuius fauorem est præstitum, illud seruari velit, & aliàs legitimè non relaxetur.

2 Secunda regula: Quando actus prohibitus est principaliter & immediatè ob fauorem publicum, qui immediatè respicit ipsum statum Reip. & bonum communitatis, vt communitas est, non confirmatur iuramento, *c. Si diligenti* 12. *sup. De foro compet.* Ratio est, quia nullus priuatus potest renuntiare fauori publico, seu fauori legis, immediatè prospicientis communi bono, *l. Ius publicum D. De pactis, d. c. Si diligenti.* Talis verò actus est contra bonos mores naturales, hoc ipso, quo est contra bonum commune: & proinde iuramentum, illi adiectum, non obligat, *c. Non est obligatorium De R. I. in 6.*

3 Tertia: Quando contractus est prohibitus principaliter & immediatè ob priuatam vtilitatem & bonum cuiusque ciuis, secundariò verò ob publicam vtilitatem ac bonum commune, quatenus illud ex singulorum commodis exurgit, tunc confirmatur iuramento, *d. c. 2 De pactis in 6. & d. Auth. Sacramenta puerum;* vbi contractus fauore minoris nullus, confirmatur iuramento: & *d. c. Cum contingat h. t. vbi alienatio fundi dotalis, fauore mulieris nulla,* similiter iuramento confirmatur. Ratio est, quia vnusquisque potest renuntiare fauori pro se per legem introducto, *d. c. Si diligenti.* Et præiudicium boni communis, cum eo casu sit modicum, Lex canonica non curat. Confirmatur autem tunc contractus, nisi sit reprobatus odio creditoris, in cuius fauorem præstatur, quia in eo sit turpitudine. Nam licet iuramentum seruandum sit, donec relaxetur, ne Deus in falsum testem adducatur: tamen tunc non confirmat contractum, ne sit vinculum iniquitatis, *contra c. Quanto* 18. *h. t.* Debet autem turpitudine ista esse de iure naturali vel diuino: nam si sit de iure humano, iuramentum confirmat contractum, quia supplet vitium, *c. Quamuis De pactis in 6.* purgatque vitium nullitatis, iure ciuili inductæ.

TITVLVS XXV. De Exceptionibus.

1. 2. Ratio ordinis, & Exceptio quid sit.
3. Alia est Exceptio Facti seu intentionis, alia Iuris.
4. Exceptionum Iuris alia Dilatoria, alia Peremptoria.
5. Dilatoria qua dicantur.

6. Earum

6. Earum quædam desumuntur ex persona Iudicis.
7. Quæ regulariter proponi debent ante litem contestatam.
8. Recusatio Iudicis qui & coram quo proponenda.
9. 10. Quædam ex persona actoris & rei conventi.
11. Ea quoque proponenda regulariter ante litem contestatam.
12. Peremptoria quæ sint.
13. Ea regulariter vsque ad sententiam proponi possunt.
14. Exceptio eliditur Replicatione, & hac Duplicatione &c.

HUc vsque sufficienter ostensum est, quo modo actor suam intentionem probet: sequitur de Exceptionibus, quibus reus vicissim se aduersus actorem defendit: nam Exceptiones nihil aliud sunt, quàm defensiones reorum, quibus probationes seu actiones aduersariorum, siue iure cõpetentes, siue de facto intentatas, elidunt. Tamen si verò dilatoriae exceptiones ante litem contestatam regulariter opponi debeant; vnde hic Tit. videbatur præponendus Titulo *De litis contestatione*: tamen vt simul & semel de exceptionibus agatur, rectè hoc loco subiicitur, quia exceptiones peremptoriae, quæ magis negotium principale afficiunt, post litem contestatam vt plurimum opponuntur.

Est autem Exceptio actionis vel intentionis agentis exclusio, l. 2. in princ. D. h. t. 2

Ea in genere vel est facti seu intentionis, vel Iuris. Facti seu intentionis est, quæ actoris, nullo iure agentis, intentionem excludit; v. g. eius, qui agit ex mutuo, nec vnquam mutuum dedit, vel, si dederit, exsolutum est. 3

Exceptio Iuris est, quæ actoris ius, id est actionem, ei ipso iure competentem, excludit, quia ob aliquam causam iniquum esset reum eo nomine condemnari; vt v. g. eius, qui ex promissione, metu: dolove malo impellente, sibi facta, ad id, quod promissum est, agit metu, inquam, cadente in constantem virum, c. Cum dilectus sup. De his quæ vi metusve causa fiunt, qualis est metus mortis, amissionis omnium vel maioris partis bonorum, c. 2. 3. 4. d. t.

Exceptionum Iuris alia sunt Dilatoriae & temporales, alia Peremptoriae & perpetuae. l. 2. §. vlt. & l. 3. D. h. t. §. appellantur Instituit. 4
cod.

Dilatoriae sunt, quæ principale negotium, eiusque cognitionem & iudicium ad tempus differunt, neque omninò actionem excludunt, d. l. 2. §. vlt. & d. l. 3. Et propterea actor illas evitare potest, d. l. 3. §. vlt. respiciuntque incidentes quæstiones, ac præparatoria iudiciorum, l. Exceptiones D. cod.

- 6 Harum verò exceptionum quædam personam respiciunt Iudicis: quia scilicet sit incompetens, aut suspectus, propter cognitionem, affinitatem, necessitudinē domesticam aut familiaritatem, quæ actorem contingit, *l. Qui iurisdictioni* 10. *D. De iurisdic. om. Iudic.* quia inimicitias habeat cum reo, *l. Si pariter* 9. *D. De liberali causa*: quia imperitus sit iuris, aut impar magnitudini causæ, vel quia in eadem causâ aduocatum egerit, vel eiusdem ferè generis litem habeat, vel ob aliam iustam causam, quæ meritò moueat suspensionem reo, *c. Postremo* 36. *inf. De appellat.*
- 7 Hæ exceptiones, quæ etiam declinatoriæ fori appellari possunt, proponendæ sunt in principio litis, ante omnem actum iudicalem, ceterasque dilatorias exceptiones, ne aliàs reus in Iudicem consentire, vel eius iurisdictionem prorogare, ubi is incompetens est, vel suspensionis causam negligere videatur: nisi fortè postea causâ suspensionis de nouo emerlerit, quæ nouo opus habeat remedio, *l. De aetate* 11. §. *ex causa* *D. de interrogat. actionib.* aut in notitiam eius venerit reus; ignorantia quippe iusta excusat, *l. Qui in alterius* *D. De reg. Iuris*: ideoque etiam tunc meritò Iudicem recusare potest, *c. Insinuante* 25. *sup. De officio delegati.*
- 8 Proponi verò debet recusatio Iudicis scripto; & quidem coram eodem Iudice, causâ suspensionis insertâ, & coram arbitris utrimque electis probandâ: cāque probatâ, Iudex cognitionem causæ alteri demandabit, ex consensu recusatoris, vel ad superiorem remittet: non probatâ causâ idem perseuerabit Iudex, *c. Secundò requiris* 41. §. *tertio & c. Cum speciali* 61. *inf. De appellat.* Quamuis de iure ciuili Iudex ordinarius recusari non possit, ut suspectus, ad hoc, ut remoueatur; sed ei, si subsit aliqua causâ suspensionis, alius adiungendus est, *Authent. Si verò contigerit* *Cod. De iudicijs.* Delegatus verò recusari potest, *l. Apertissimi & l. fin. Cod. De iudicijs.* Verùm de hac exceptione postea latius agemus ad d. tit. *De appellationibus.*
- 9 Aliæ exceptiones personam vel actoris concernunt: quòd is sit filiusfamilias, minor xxv. annis, seruus, Religiosus, excommunicatus, proscriptus, criminosus, mente captus; & sic de similibus: vel procuratoris, ut quòd sit miles, foemina, mutus & surdus, accusatus de crimine, minor xxv. annis: quòd careat mandato, vel non habeat sufficiens, quòd nō sit legitimè constitutus, veluti à minore sine auctoritate tutoris vel curatoris, vel à procuratore, qui ius substituendi non habeat; & sic de similibus. Quæ etiam in procuratorem rei conuenti rectè obijci possunt, nisi quòd hic absque mandato defensionem rei legitimè in se suscipiat.
- 10 Aliæ personam rei conuenti concernunt: ut si reus conuentus que-

tarur coram Iudice, se ab auctore spoliatum, & ideo restitutionis beneficium, antequam cogatur respondere, impleret, vel auctorem ex legitima causa reuocet domum.

Denique alia ex causae & actionis qualitate, ex loco vel tempore, vel alijs huiusmodi circumstantijs delumuntur: vt quod libellus sit ineptus vel obscurus, quod citatio tempore feriarum, aut ad locum non tutum facta sit, c. *Pastoralis* 4. h. t.

Dilatoriae (quae non sunt declinatoriae) regulariter ante litem contestatam, intra terminum à Iudice assignatum, proponendae sunt, c. *Inter monasterium* 20. inf. *De re iudicata*, c. *Cum causam* 62. inf. *De appellat.* nisi demum post litem contestatam vel elapsum tempus exortae fuerint, aut ad noticiam suam peruenisse reus iureiurando affirmet, d. c. *Pastoralis*, vel talis sit exceptio, quae retroactum processum reddat nullum: cuiusmodi est, quae vel mandati vel iurisdictionis defectum arguit, c. *Cum venerabilis* 6. versic. *licet autem h. tit. & c. In nostra sup. De procurat.* Item exceptio excommunicationis maioris, quamnis sit dilatoria, tamen & ante & post litem contestatam obijci potest, non obstante termino peremptorio, à Iudice, ad exceptiones declinatorias vel dilatorias proponendas, praefixo. Hoc ideo, ne quis in periculum animae suae cogatur cum excommunicato communicare, *Clement. 1. h. t. c. Exceptionem* 12. h. tit. & *Clement. 1. eod. tit.* In ea tamen proponenda seruari debet forma praescripta in c. 1. eod. in 6. ne per inualitiam opponatur. Et hoc procedit in prima instantia: nam si succumbens auctor appellauerit, praetextu excommunicationis oppositae à prosecutione appellationis repelli non debet, cum omnis legitima defensio in iudicio reseruetur etiam excommunicato, c. *Significauerunt* 11. h. t.

Exceptiones Peremptoriae sunt, quae ius auctoris perimunt, & semper agentibus obstant, c. 1. *De litis contestat. in 6. §. appellantur & §. perpetua Insist. eod.* vt exceptio doli mali, metus, pacti conuenti de non petendo seu perpetui, transactionis, solutionis, iurisiurandi, praescriptionis, rei iudicatae, Senatusc. Velleiani, Macedoniani; & si quid aliter contra leges factum esse dicatur.

Haec autem exceptiones perpetuae & peremptoriae regulariter ante & post litis contestationem usque ad sententiam proponi possunt, l. 2. *Cod. Sententiam rescindi non posse l. praescriptionem Cod. hoc tit.* Nam exceptiones peremptoriae litis finitae (quales sunt, exceptio rei iudicatae, transactionis post litem contestatam initae, iurisiurandi voluntarij, iudicialis, aut necessarij, ad controuersiae decisionem lite contestata praestiti,) & similiter exceptio rei finitae, (qualis est exceptio transactionis ante litem contestatam initae, iurisiurandi voluntarij, iudicia-

lis aut necessarij, nondum lite contestata præstiti) licet peremptoriæ sint, tamen dirimendarum litium favore ante litem contestatam proponi possunt, propositæque ipsam litem impediunt, *c. 1. & 2. h. t. in 6.* Quinimò certæ sunt peremptoriæ exceptiones, quæ post sententiam definitivam, & quidem postquam illa in rem transiit iudicatam, opponi possunt, & oppositæ probatæque executionem impediunt: quæ recensentur à Glossa in *l. 1. Cod. De iuris & facti ignorantia*. Huiusmodi est Senatusc. Macedoniani & Velleiani. Vide plenius *Canisium lib. 4. tit. 4.*

- 14 Et hæc quidem, quæ de exceptionibus rei conuenti dicta sunt, nonnumquam contrarijs exceptionibus rursus ab actore retunduntur. Nā uti actionem excludit aut elidit exceptio rei, ita exceptionem rei exceptio actoris, quæ propriè vocatur Replicatio, quasi per eam replicetur, id est, resoluaturs rei exceptio. Quod si & hæc rursus aliâ exceptione à reo impugnetur, vocatur Duplicatio, & contra hanc solet dari Triplicatio; contra Triplicationem iterum Quadruplicatio; & ita deinceps, multiplicatis nominibus, donec conclusione disputationi partium finis imponatur, *l. 2. D. h. t. & tit. Institut. De replicat.* Hæc tamen multiplicatio de Iure Canonico non admittitur, saltem quoad testes, antea productos, quos tertio refutare non licet, ut antè diximus, ne nimium extrahatur iudicium, *c. Licet sup. De testibus, ubi latè Panormit.*

TITVLVS XXVI.

De Præscriptionibus

§. I. Præscriptio & Vsucapio quid sit.

1. *Præscriptio generaliter accipitur pro omni exceptione.*
2. *Specialiter pro exceptione peremptoria.*
3. *Differentia inter præscriptionem & vsucapionem quoad effectum.*
4. *Hodie non minus præscriptione quàm vsucapione acquiri dominium.*
5. *Nec minus vsucapi res mobiles quàm immobiles.*
6. *Definitio præscriptionis & vsucapionis.*

Titulo præcedenti actum est de exceptionibus in genere. Species verò exceptionis peremptoriæ est exceptio præscriptionis, de qua plerumque dubitatur, an & quando competat.

Pro clariori intelligentia sciendum est, veteres vsurpasse Præscriptionem pro Exceptione. Primò quidem generatim, pro omni exceptione,

exceptione, quæ opponitur generatim ad excludendam actionem, intentatam ab actore. Vnde sicut Exceptionum alia est Dilatoria, alia Peremptoria: ita & Præscriptionum alia est Dilatoria, alia Peremptoria. Hoc modo accipitur in *tit. D. De exceptionibus & præscriptionibus*. atque ita Præscribere pro excipere, in *l. ult. D. De suspectis tutoribus. l. 1. §. ult. D. Ne de statu defunctorum &c. l. 52. & ult. D. De iudijs*. Sic quoque in *l. 3. D. De prauariicatoribus*. Præscribere accusatori, est oppositâ exceptione accusatorem submouere & repellere.

Secundò specialius, pro exceptione peremptoria, proueniente ex eo, quòd tempore legibus definito quis possedisset rem aliquam, vel iure aliquo fuisset usus, vel alius ab usu rei abstinuisset seu cessasset tanto tempore, ut patet ex *tit. Cod. De præscript. longi temp. & l. e præscript. 30. vel 40. annorum*. Nam possidens rem aliquam tempore legibus definito, si impeteretur à domino, præscribebat, id est excipiebat tanti temporis possessionem, per quam excludebat intentionem actoris.

Et hinc patet, quomodo olim præscriptio ab usucapione distingueretur. Nam per usucapionem acquirebatur directum dominium, & directa in rem actio: per præscriptionem non acquirebatur directum rei dominium, nec directa actio in rem, sed tantum exceptio peremptoria. Quamuis iure nouo ex Constitut. Iustiniani per præscriptionem utilis actio acquisita fuerit, *l. penult. Cod. De præscript. 30. vel 40. ann.* Idque secundum leges anteriores ita quoque obtinuisse indicat ibidem Imp. & constat ex *l. Si duo §. 1. D. De iureiurando*, illis verbis, *post longi temporis præscriptionem etiam utilem actionem habere debere*; item ex *l. Si quis diuturno D. Si seruitus vindicetur, & l. 1. §. fin. D. De aqua pluvia arcenda*.

At verò in Iure Canonico, & passim ab Interpretibus, præscriptio accipitur pro dominij acquisitione vel iuris alieni elisione, proueniente ex tempore legibus definito. Hoc modo sumpta præscriptio propriè ad usucapionem se habet, ut magis commune; omnisque usucapio est præscriptio, non contrà. Præscriptio enim, quâ extinguitur actio personalis vel realis, non est propriè usucapio.

Dico, propriè; quia generaliter dici potest usucapio, quatenus ius & libertas ab aliqua obligatione dicitur usucapi: atque ita rectè dixeris, usucapionem & præscriptionem hodie non distingui, & patere æquè latè, nec minùs per præscriptionem quàm per usucapionem acquiri dominium.

Nam licet non desint, qui usucapionem à præscriptione distinguant, quasi usucapio sit rerum mobilium, præscriptio immobilium: tamen ea differentia satis subuertitur ex eo, quòd constat, etiam ante Iustinianum, usucapionem promiscuè auctoritate Legis XII. Tabb. fuisse

rerum tam immobilium, quàm mobilium, §. 1. *Institut. De vsucap.*
l. Si per errorem, cum seq. l. Eum qui ades 23. D. eod. in quibus exem-
 pla vsucapionis ponuntur, fundi, ædes, prædia. Neque in eo quid-
 quam postea à Iustiniano mutatum est, *l. unica Cod. De vsucap. transfo-*
randa. Nam constituit Imp. in ealege, ut res mobiles, quæ antea ex
 Lege XII. Tabb. anno vsucapiebantur, non nisi triennio vsucaperen-
 tur: deinde ut res immobiles omnes, non solum Italicæ, sed & prouin-
 ciales siue prædi tributaria & stipendiaria præscriberentur, transfor-
 matâ ita vsucapione, simulque prorogato tempore in vtrisque, quod
 statuit decennium inter præsentis, viceannum inter absentes. Videatur
Couar. ad reg. Possessor. §. unico relect.

6. Præscriptionem igitur, postremo modo sumptam, prout in hoc Tit.
 sumimus, definire licet, quemadmodum Vsucapionem definit Mode-
 stinus I. C. quòd sit adiectio dominij per continuationem possessio-
 nis temporis lege definiti, *l. 3. D. De vsucapionib.* Quæ definitio intelli-
 gi potest dupliciter; Primò causaliter, ut causa definiatur per effe-
 ctum. Quod neque absurdum neque nouum est in iure nostro: sic enim
 Tutela, §. *tutela Institut. De tutelis*; & Iustitia, *Institut. De iust. & iure,*
 definitur per effectum. Etenim vsucapio est causa adiectionis domi-
 nij: formaliter verò videtur esse ipsa possessio rei alienæ. Hinc enim di-
 citur diutina possessio, *Institut. eod.* hinc vsucapionem inchoari, *l. iusto*
44. §. fin. D. De vsucap. cœptam esse, l. Cœptam 40. D. eod. durare &
perseuerare, l. Ei à quo 21. & l. Non solum 33. §. 6. eod. interpellari, in-
terrompi, cessare, d. l. 33. §. 4. l. 1. §. 2. & l. 5. D. Pro donato. Item dici-
 mus quem implere vsucapionem, *d. l. 44. §. eum qui*: quod sanè dici
 non posset, si nomine vsucapionis acquisitionem dominij, quæ mo-
 mento contingit, designare velimus.

Secundò intelligi definitio potest formaliter, seu accipi pro ipsa for-
 mali & actuali dominij acquisitione: quo pacto sumitur Donatio,
Institut. De donat. illis verbis, Est & aliud genus acquisitionis, Donatio, nam
 indubitatum est, donationem ibi capi pro modo acquirendi domi-
 nium. Atque ita non ipsa acquisitio dominij est effectus vsucapionis
 ac præscriptionis, sed dominium acquisitum: sicut donationis effe-
 ctus non est acquisitio dominij, sed dominium acquisitum seu trans-
 latum. Hinc dicimus, neminem videri rem vsucepisse, nisi dominium
 acquisuerit. Adiectio igitur dominij ponitur loco generis definiti,
 tanquam latius patens: quandoquidem & donatio & traditio & vsur-
 pario rectè dicatur adiectio seu adeptio siue acquisitio dominij. Nam
 per adiectionem dominij definiuit Vsucapionem Modestinus. *d. l. 3.*
 per adeptionem Ulpian. in *Fragmentis tit. 19.* Et notandum, vsucapio-
 nem non minùs rectè dici adiectionem seu modum acquirendi do-
 minium,

minium, quàm ademptionem seu modum adipiscendi dominium: adiectionem quidem, non quia dominium iurisperitorum, quod olim tantum per traditionem acquirebatur, adiciat dominio iuris civilis, ut quidam existimant; sed quia possessioni civili, quam vsucapiens habet, adijcit etiam dominium: ademptionem verò, quatenus illà mediante vsucapiens dominium adipiscitur, sibi quæ acquirit.

Non obstat dictæ definitioni, quòd in ea non fiat mentio tituli & bonæ fidei; quæ tamen adeò necessaria sunt ad vsucapionem, ut sine illis non procedat: quia illa, sicut & alia ad vsucapionem requisita, satis intelliguntur & comprehenduntur in eo, quod dicitur, *per continuationem possessionis temporis lege definiti*: nam illis verbis satis indicatur agi de tali possessione, quæ bonâ fide & titulo subnixa sit, alia quæ contineat, quæ ad acquisitionem dominij requiruntur.

§. II. De requisitis ad Vsucapionem & Præscriptionem; & primò de Possessione.

1. *Sine possessione non contingere vsucapionem.*
2. *Modò sit continuata.*
3. *Quo modo interrumpatur.*
4. *Præscriptio alia odiosa, alia mixta, alia favorabilis.*

AD Vsucapionem & Præscriptionem primò requiritur Possessio vel quasi possessio, sine qua ista contingere non potest, *l. Sine possessione 25. D. De vsucapion. c. Causam qua 7. c. Cum olim 18. h. t.* & quidem necessum est, ut præscribens sibi, non alteri, possideat, *c. Si diligenti 17. h. t.* siue per se siue per alium, *l. Si is qui 15. in princ. D. eod.* adeò ut tantum præscriptum, quantum possessum dicatur, & non amplius.

Debet autem possessio ista seu quasi possessio esse continua, *l. 3. & l. Nunquam 31. §. 1. D. eod.* id est non debet ante tempus, ad rei, de qua agitur, præscriptionem seu vsucapionem à lege definitum, vllò momento esse interrupta, * *c. Illud 8. c. Auditis 15. h. t. l. Naturaliter 5. D. eod.* Nam si interrupta fuerit, siue per possessionis ablationem, quæ dicitur naturalis interruptio, *d. l. Naturaliter*, siue per litis motionem seu contestationem, quæ dicitur civilis interruptio, *l. Nemo Cod. De acquir. posses. l. Mora 26. Cod. De rei vindicat.* siue etiam per citationem, vsucapio ad effectum perducere nequit, *d. l. Nemo & alij, Cod. De acquir. posses.*

Solet

3. *Iuramentum quando dicatur validum & obligare ad sui observationem.*
4. *Quando confirmare contractum.*
5. 6. 7. *Discrimen inter hac duo.*

Iuramenti Promissorij effectus imprimis est, inducere obligationem ad sui observationem, dummodò verâ & seriâ atque absolutâ intentione sit emissum, & reliqua adsint ad validitatem eius requisita; licet etiam illud emittens ex eo obligari nolit: quia non magis est in potestate hominis, impedire, ne iuramentum, verâ & seriâ intentione iurandi præstitum, obliget, quam in eius sit potestate, impedire exustionem domus vel stuppæ;posito, quòd ei de facto igne applicet, licet maximè nolit exuri. Nam sicut ex igne appposito sequitur necessariò exustio: ita ex iuramento, verâ intentione præstito, sequitur naturaliter & necessariò obligatio. Ratio est, quia talis obligatio non pendet directè & proximè à voluntate & intentione iurantis, sed tantùm remotè; & immediatè provenit ex iuramento, vel alio actu, ad quem necessariò sequitur.

Dixi, absolutâ intentione emissum; quia si conditionata fuerit, tunc sicut suspendit consensum, ita etiam consequenter effectum seu obligationem, donec adueniat & existat conditio.

- 2 Secundus effectus est, confirmare ipsam promissionem vel pollicitationem; & aliquando etiam contractum. Quod ut intelligatur, sciendum est, * differre ista, iuramentum esse validum, obligare quæ ad sui observationem, & iuramentum confirmare contractum; sed habere se ut magis & minùs communia. Nam iuramentum dicitur validum, quandocumque seruandum, ob honorem diuini nominis, etiamsi illi, in cuius fauorem præstitum est, nullum ius per illud acquiratur. Sic iuramentum de soluendis vsuris validum est, quia seruandum, ob honorem diuini nominis, cum seruari possit absque dispendio salutis æternæ & sine præiudicio tertij: & tamen per illud nullum ius creditori acquiritur; ideoque relaxato iuramento, vel impleto per solutionem vsuratum, repeti solutæ possunt. * Confirmat autem contractum, quando non solum seruandum est, sed etiam alteri, in cuius fauorem præstat, ius tribuit, & contractum in sua specie validum efficit. Et hinc fit, quòd quamuis relaxetur iuramentum, maneat nihilominus obligatio iustitiæ ex contractu, quæ transit ad hæredes.

- 5 Hic quoque patet, magnum esse discrimen inter iuramentum, quod confirmat contractum, & illud, quod non confirmat: nam quando obligat, nec tamen confirmat contractum, relinquit contractum in sua natura inuvalidum atque inefficacem, si talis in se sit: quia ei vinculum nullum adijcit, sed solum obligat in ordine ad Deum, ne sit falsus testis.

Quia iuramentum non est in se ipsum obligans, sed in Deum, ne sit falsus testis.

testis. Et ideo, relaxato iuramento, potest immediatè contraveniri contractui ex se inualido, quia nulla remanet obligatio.

Quando autè confirmat contractum, tunc licet, secluso iuramento, 6 sit nullus, tamen efficitur firmus & irrevocabilis, ratione iuramenti, ut communiter tradunt DD in c. Cum contingat 28. h.t. & in c. 2. De pactis in 6. Ideoq; relaxato iuramento ab alio, quàm à creditore, ex iusta aliqua causa, v.g. ob læsionem, remanet adhuc contractus validus: quia cum acceperit firmitatem ex iuramento, & illa dependeat à iuramento solum in fieri, ut loquuntur, non autem in conservari, non debet causa firmitatis cessante, rescindi, nisi superveniat causa aliqua annullans, c. Factum legitime de R. I. in 6.

Dixi, relaxato iuramento ab alio, quàm à creditore; quia si creditor ipse relaxet, etiam contractus dissolvitur, & cessat omnis obligatio. Nā creditor non potest relaxare iuramentum, quasi per se, & immediatè, sed cedendo iuri suo, & quasi tollendo fundamentum iuramenti.

Secundò differunt, quòd, quando contractus firmatur iuramento, 7 cum iam sit ius parti quæsitū, non liceat amplius contravenire contractui, nec peti possit absolutio, nec facta solutione detur repetitio, sed contractus maneat omninò firmus & irrevocabilis, ut indicant in Auth. Sacramenta puberum Cod. Si aduersus venditionem &c. verba illa, iniurabi inter custodiantur: & illa in d.c. 2. De pactis in 6. omninò servari debent. Quādo verò iuramentum est servandum ob Dei honorem, ut in c. Debitores 6. h.t. tum relaxatio licitè peti potest. Et verò facilè concedi debet, quia cum nullum ius acquiratur homini, cui iuramentum præstatur, sed Deo dumtaxat, idè Prælatus, tanquam Christi vicarius potest illud eius nomine relaxare, subsistente iustà causa relaxandi. Sin autem iurans nolit petere relaxationem, satisfaciet, licet statim, ut solvit, repetat solutum, quia implevit iuramentum, & alter solutum iniuste retinet.

§. IX. Quando iuramentum confirmet contractum, quando non.

1. Actus iure naturæ irritus non confirmatur iuramento.
2. Non etiam actus prohibitus ob favorem publicum.
3. Confirmatur verò ob priuatam utilitatem prohibitus principaliter.

HAc de re aliquot regulæ assignari possunt. Quarum sit hæc Prima: Actus, qui iure naturæ est irritus vel irritari potest, non confirmatur iuramento, secundum communem opinionem DD. uti quando vi vel dolo extortus est: nam tunc ratione iniuriæ tenetur extoror ad restitutionem, nec vllum ius solidum ac-

inimicus qui sequebatur
extoror qui sequebatur

quirit. Si tamen id, quod promittitur, non sit illicitum, seruandum est iuramentum, cum seruari possit sine dispendio salutis æternæ, nec vergat in præiudicium tertij, si utique ille, in cuius fauorem est præstitum, illud seruari velit, & aliàs legitimè non relaxetur.

2 Secunda regula: Quando actus prohibitus est principaliter & immediatè ob fauorem publicum, qui immediatè respicit ipsum statum Reip. & bonum communis, vt communitas est, non confirmatur iuramento, *c. Si diligenti* 12. *sup. De foro compet.* Ratio est, quia nullus priuatus potest renunciare fauori publico, seu fauori legis, immediatè prospicientis communi bono, *l. Ius publicum D. De pactis, d. c. Si diligenti.* Talis verò actus est contra bonos mores naturales, hoc ipso, quo est contra bonum commune: & proinde iuramentum, illi adiectum, non obligat, *c. Non est obligatorium De R. I. in 6.*

3 Tertia: Quando contractus est prohibitus principaliter & immediatè ob priuatam vtilitatem & bonum cuiusque ciuis, secundariò verò ob publicam vtilitatem ac bonum commune, quatenus illud ex singulorum commodis exurgit, tunc confirmatur iuramento, *d. c. 2 De pactis in 6. & d. Auth. Sacramenta puberum;* vbi contractus fauore minoris nullus, confirmatur iuramento: & *d. c. Cum contingat h. t. vbi alienatio fundi dotalis, fauore mulieris nulla,* similiter iuramento confirmatur. Ratio est, quia vnusquisque potest renunciare fauori pro se per legem introducto, *d. c. Si diligenti.* Et præiudicium boni communis, cum eo casu sit modicum, Lex canonica non curat. Confirmatur autem tunc contractus, nisi sit reprobatus odio creditoris, in cuius fauorem præstatur, quia in eo sit turpitudine. Nam licet iuramentum seruandum sit, donec relaxetur, ne Deus in falsum testem adducatur: tamen tunc non confirmat contractum, ne sit vinculum iniquitatis, *contra c. Quanto* 18. *h. t.* Debet autem turpitudine ista esse de iure naturali vel diuino: nam si sit de iure humano, iuramentum confirmat contractum, quia supplet vitium, *c. Quamuis De pactis in 6.* purgatque vitium nullitatis, iure ciuili inductæ.

TITVLVS XXV.

De Exceptionibus.

1. 2. Ratio ordinis, & Exceptio quid sit.
3. Alia est Exceptio Facti seu intentionis, alia Iuris.
4. Exceptionum Iuris alia Dilatoria, alia Peremptoria.
5. Dilatoria quæ dicantur.

6. Earum

6. Earum quædam desumuntur ex persona Iudicis.
7. Quæ regulariter proponi debent ante litem contestatam.
8. Recusatio Iudicis qui & coram quo proponenda.
9. 10. Quædam ex persona actoris & rei conventi.
11. Ea quoque proponenda regulariter ante litem contestatam.
12. Peremptoria qua fiunt.
13. Ea regulariter vsque ad sententiam proponi possunt.
14. Exceptio eliditur Replicatione, & hac Duplicatione &c.

HUc vsque sufficienter ostensum est, quo modo actor suam intentionem probet: sequitur de Exceptionibus, quibus reus vicissim se aduersus actorem defendit: nam Exceptiones nihil aliud sunt, quàm defensiones reorum, quibus probationes seu actiones aduersariorum, siue iure cõpetentes, siue de facto intentatas, elidunt. Tamen si verò dilatoriarum exceptiones ante litem contestatam regulariter opponi debeant; vnde hic Tit. videbatur præponendus Titulo *De litis contestatione*: tamen vt simul & semel de exceptionibus agatur, rectè hoc loco subiicitur, quia exceptiones peremptoriæ, quæ magis negotium principale afficiunt, post litem contestatam vt plurimum opponuntur.

Est autem Exceptio actionis vel intentionis agentis exclusio, l. 2. in princ. D. h. t. 2

Ea in genere vel est facti seu intentionis, vel Iuris. Facti seu intentionis est, quæ actoris, nullo iure agentis, intentionem excludit; v. g. eius, qui agit ex mutuo, nec vnumquam mutuum dedit, vel, si dederit, exsolutum est. 3

Exceptio Iuris est, quæ actoris ius, id est actionem, ei ipso iure competentem, excludit, quia ob aliquam causam iniquum esset reum eo nomine condemnari; vt v. g. eius, qui ex promissione, metu: dolove malo impellente, sibi facta, ad id, quod promissum est, agit metu, inquam, cadente in constantem virum, c. Cum dilectus sup. *De his quæ vi metusve causa fiunt*, qualis est metus mortis, amissionis omnium vel maioris partis bonorum, c. 2. 3. 4. d. t.

Exceptionum Iuris alie sunt Dilatoriarum & temporales, alie Peremptoriæ & perpetuæ. l. 2. §. ult. & l. 3. D. h. t. §. appellantur Institut. 4
cod.

Dilatoriarum sunt, quæ principale negotium, eiusque cognitionem & iudicium ad tempus differunt, neque omnino actionem excludunt, d. l. 2. §. ult. & d. l. 3. Et propterea actor illas evitare potest, d. l. 3. §. ult. respiciuntque incidentes quæstiones, ac præparatoria iudiciorum, l. Exceptiones D. cod.

X

Harum

- 6 Harum verò exceptionum quædam personam respiciunt Iudicis: quia scilicet sit incompetens, aut suspectus, propter cognitionem, affinitatem, necessitudinē domesticam aut familiaritatem, quâ actorem contingit, *l. Qui iurisdictioni* 10. *D. De iurisdic. om. Iudic.* quia inimicitias habeat cum reo, *l. Si pariter* 9. *D. De liberali causa*: quia imperitus sit iuris, aut impar magnitudini causæ, vel quia in eadem causâ aduocatum egerit, vel eiusdem ferè generis litem habeat, vel ob aliam iustam causam, quæ meritò moueat suspensionem reo, *c. Postremo* 36. *inf. De appellat.*
- 7 Hæ exceptiones, quæ etiam declinatoriæ fori appellari possunt, proponendæ sunt in principio litis, ante omnem actum iudicalem, ceterasque dilatorias exceptiones, ne aliàs reus in Iudicem consentire, vel eius iurisdictionem prorogare, ubi is incompetens est, vel suspicionis causam negligere videatur: nisi fortè postea causâ suspensionis de nouo emerferit, quæ nouo opus habeat remedio, *l. De etate* 11. §. *ex causa* *D. de interrogat. actionib.* aut in notitiam eius venerit reus; ignorantia quippe iusta excusat, *l. Qui in alterius* *D. De reg. Iuris*: ideoque etiam tunc meritò Iudicem reculare potest, *c. Insinuante* 25. *sup. De officio delegati.*
- 8 Proponi verò debet recusatio Iudicis scripto; & quidem coram eodem Iudice, causâ suspensionis insertâ, & coram arbitris utrimque electis probandâ: câque probatâ, Iudex cognitionem causæ alteri demandabit, ex consensu recusatoris, vel ad superiorem remittet: non probatâ causâ idem perseuerabit Iudex, *c. Secundò requiris* 41. §. *tertio & c. Cum speciali* 61. *inf. De appellat.* Quamuis de iure ciuili Iudex ordinarius recusari non possit, ut suspectus, ad hoc, ut remoueatur; sed ei, si subsit aliqua causâ suspensionis, alius adiungendus est, *Authent. Si verò contigerit* *Cod. De iudicijs.* Delegatus verò recusari potest, *l. Apertissimi & l. fin. Cod. De iudicijs.* Verùm de hac exceptione postea latius agemus ad d. tit. *De appellationibus.*
- 9 Aliæ exceptiones personam vel actoris concernunt: quòd is sit filiusfamilias, minor xxv. annis, seruus, Religiosus, excommunicatus, proscriptus, criminofus, mente captus; & sic de similibus: vel procuratoris, ut quòd sit miles, foemina, mutus & surdus, accusatus de crimine, minor xxv. annis: quòd careat mandato, vel non habeat sufficiens, quòd nō sit legitimè constitutus, veluti à minore sine auctoritate tutoris vel curatoris, vel à procuratore, qui ius substituendi non habeat; & sic de similibus. Quæ etiam in procuratorem rei conuenti rectè obijci possunt, nisi quòd hic absque mandato defensionem rei legitimè in se suscipiat.
- 10 Aliæ personam rei conuenti concernunt: ut si reus conuentus que-

tatur coram Iudice, se ab auctore spoliatum, & ideo restitutionis beneficium, antequam cogatur respondere, impleret, vel auctorem ex legitima causa reuocet domum.

Denique alia ex causae & actionis qualitate, ex loco vel tempore, vel alijs huiusmodi circumstantijs detumuntur: vt quod libellus sit ineptus vel obscurus, quod citatio tempore feriarum, aut ad locum non tutum facta sit, *c. Pastoralis 4. h. t.*

Dilatoriae (quae non sunt declinatoriae) regulariter ante litem contestatam, intra terminum à Iudice assignatum, proponendae sunt, *c. Inter monasterium 20. inf. De re iudicata, c. Cum causam 62. inf. De appellat.* nisi demum post litem contestatam vel elapsum tempus exortae fuerint, aut ad notitiam suam peruenisse reus iureiurando affirmet, *d. c. Pastoralis*, vel talis sit exceptio, quae retroactum processum reddat nullum: cuiusmodi est, quae vel mandati vel iurisdictionis defectum arguit, *c. Cum venerabilis 6. versic. licet autem h. tit. & c. In nostra sup. De procurat.* Item exceptio excommunicationis maioris, quamvis sit dilatoria, tamen & ante & post litem contestatam obijci potest, non obstante termino peremptorio, à Iudice, ad exceptiones declinatorias vel dilatorias proponendas, praefixo. Hoc ideo, ne quis in periculum animae suae cogatur cum excommunicato communicare, *Clement. 1. h. t. c. Exceptionem 12. h. tit. & Clement. 1. eod. tit.* In ea tamen proponenda seruari debet forma praescripta in *c. 1. eod. in 6.* ne per inlicitam opponatur. Et hoc procedit in prima instantia: nam si succumbens actor appellauerit, praetextu excommunicationis oppositae à prosecutione appellationis repelli non debet, cum omnis legitima defensio in iudicio reseruetur etiam excommunicato, *c. Significauerunt 11. h. t.*

Exceptiones Peremptoriae sunt, quae ius actoris perimunt, & semper agentibus obstant, *c. 1. De liti contestat. in 6. §. appellantur & §. perpetua Instit. eod. vt exceptio doli mali, metus, pacti conuenti de non petendo seu perpetui, transactionis, solutionis, iurisiurandi, praescriptionis, rei iudicatae, Senatusc. Velleiani, Macedoniani; & si quid aliter contra leges factum esse dicatur.*

Haec autem exceptiones perpetuae & peremptoriae regulariter ante & post liti contestationem vsque ad sententiam proponi possunt, *l. 2. Cod. Sententiam rescindi non possel. praescriptionem Cod. hoc tit.* Nam exceptiones peremptoriae liti finitae (quales sunt, exceptio rei iudicatae, transactionis post litem contestatam initae, iurisiurandi voluntarij, iudicialis, aut necessarij, ad controuersiae decisionem lite contestata praestiti,) & similiter exceptio rei finitae, (qualis est exceptio transactionis ante litem contestatam initae, iurisiurandi voluntarij, iudicialis aut

lis aut necessarij, nondum lite contestata præstiti) licet peremptoriae sint, tamen dirimendarum litium favore ante litem contestatam proponi possunt, propositaeque ipsam litem impediunt, *c. 1. & 2. h. r. in 6.* Quinimò certae sunt peremptoriae exceptiones, quae post sententiam definitivam, & quidem postquam illa in rem transiit iudicatam, opponi possunt, & oppositae probataeque executionem impediunt: quae recensentur à Glossa in *l. 1. Cod. De iuris & facti ignorantia*. Huiusmodi est Senatusc. Macedoniani & Velleiani. Vide plenius *Canisium lib. 4. tit. 4.*

84 Et haec quidem, quae de exceptionibus rei conuenti dicta sunt, nonnumquam contrarijs exceptionibus rursus ab actore retunduntur. Nā uti actionem excludit aut elidit exceptio rei, ita exceptionem rei exceptio actoris, quae propriè vocatur Replicatio, quasi per eam replicetur, id est, resoluatur rei exceptio. Quod si & haec rursus aliā exceptione à reo impugnetur, vocatur Duplicatio, & contra hanc solet dari Triplicatio; contra Triplicationem iterum Quadruplicatio; & ita deinceps, multiplicatis nominibus, donec conclusione disputationi partium finis imponatur, *l. 2. D. h. r. & tit. Institut. De replicat.* Haec tamen multiplicatio de Iure Canonico non admittitur, saltem quoad testes, antea productos, quos tertio refutare non licet, ut antè diximus, nè nimium extrahatur iudicium, *c. Licet sup. De testibus, ubi latè Panormit.*

TITVLVS XXVI.

De Præscriptionibus

§. I. Præscriptio & Vsucapio quid sit.

1. Præscriptio generaliter accipitur pro omni exceptione.
2. Specialiter pro exceptione peremptoria.
3. Differentia inter præscriptionem & vsucapionem quoad effectum.
4. Hodie non minùs præscriptione quàm vsucapione acquiri dominium.
5. Nec minùs vsucapi res mobiles quàm immobiles.
6. Definitio præscriptionis & vsucapionis.

Titulo præcedenti actum est de exceptionibus in genere. Species verò exceptionis peremptoriae est exceptio præscriptionis, de qua plerumque dubitatur, an & quando competat.

Pro clariori intelligentia sciendum est, veteres usurpasse Præscriptionem pro Exceptione. Primò quidem generatim, pro omni exceptione,

exceptione, quæ opponitur generatim ad excludendam actionem, intentatam ab actore. Vnde sicut Exceptionum alia est Dilatoria, alia Peremptoria: ita & Præscriptionum alia est Dilatoria, alia Peremptoria. Hoc modo accipitur in tit. D. De exceptionibus & præscriptionibus. atque ita Præscribere pro excipere, in l. ult. D. De suspectis tutoribus. l. 1. §. ult. D. Ne de statu defunctorum &c. l. 52. & ult. D. De iudicijs. Sic quoque in l. 3. D. De prauaricatoribus. Præscribere accusatori, est oppositâ exceptione accusatorem submouere & repellere.

Secundò specialius, pro exceptione peremptoria, proueniente ex eo, quòd tempore legibus definito quis possedisset rem aliquam, vel iure aliquo fuisset usus, vel alius ab usu rei abstinuisset seu cessasset tanto tempore, ut patet ex tit. Cod. De præscript. longi temp. & l. e præscript. 30. vel 40. annorum. Nam possidens rem aliquam tempore legibus definito, si impeteretur à domino, præscribebat, id est excipiebat tanti temporis possessionem, per quam excludebat intentionem actoris.

Et hinc patet, quomodo olim præscriptio ab usucapione distingueretur. Nam per usucapionem acquirebatur directum dominium, & directa in rem actio: per præscriptionem non acquirebatur directum rei dominium, nec directa actio in rem, sed tantum exceptio peremptoria. Quamuis iure nouo ex Constitut. Iustiniani per præscriptionem utilis actio acquisita fuerit, l. penult. Cod. De præscript. 30. vel 40. ann. Idque secundum leges anteriores ita quoque obtinuisse indicat ibidem Imp. & constat ex l. Si duo §. 1. D. De iureiurando, illis verbis, post longi temporis præscriptionem etiam utilem actionem habere debere; item ex l. Si quis diuturno D. Si seruitus vindicetur, & l. 1. §. fin. D. De aqua pluuia arcenda.

At verò in Iure Canonico, & passim ab Interpretibus, præscriptio accipitur pro dominijs acquisitione vel iuris alieni elisione, proueniente ex tempore legibus definito. Hoc modo sumpta præscriptio propriè ad usucapionem se habet, ut magis commune; omnisque usucapio est præscriptio, non contrà. Præscriptio enim, quâ extinguitur actio personalis vel realis, non est propriè usucapio.

Dico, propriè; quia generaliter dici potest usucapio, quatenus ius & libertas ab aliqua obligatione dicitur usucapi: atque ita rectè dixeris, usucapionem & præscriptionem hodie non distingui, & patere æquè latè, nec minùs per præscriptionem quàm per usucapionem acquiri dominium.

Nam licet non desint, qui usucapionem à præscriptione distinguant, quasi usucapio sit rerum mobilium, præscriptio immobilium: tamen ea differentia satis subuertitur ex eo, quòd constet, etiam ante Iustinianum, usucapionem promiscuè auctoritate Legis xii. Tabb. fuisse

minium, quàm adeptionem seu modum adipiscendi dominium: adiectionem quidem, non quia dominium iurilgentium, quod olim tantum per traditionem acquirerebatur, adiciat dominio iuris civilis, ut quidam existimant; sed quia possessioni civili, quam vsucapiens habet, adijcet etiam dominium: adeptionem verò, quatenus illà mediante vsucapiens dominium adipiscitur, sibi que acquirit.

Non obstat dictæ definitioni, quòd in ea non fiat mentio tituli & bonæ fidei; quæ tamen ad eò necessaria sunt ad vsucapionem, ut sine illis non procedat: quia illa, sicut & alia ad vsucapionem requisita, satis intelliguntur & comprehenduntur in eo, quod dicitur, *per continuationem possessionis temporis lege definiti*: nam illis verbis satis indicatur agi de tali possessione, quæ bonâ fide & titulo subnixa sit, alia que contineat, quæ ad acquisitionem dominij requiruntur.

§. II. De requisitis ad Vsucapionem & Præscriptionem; & primò de Possessione.

1. *Sine possessione non contingere vsucapionem.*
2. *Modò sit continuata.*
3. *Quo modo interrumpatur.*
4. *Præscriptio alia odiosa, alia mixta, alia favorabilis.*

AD Vsucapionem & Præscriptionem primò requiritur Possessio vel quasi possessio, sine qua ista contingere non potest, *l. Sine possessione 25. D. De vsucapion. c. Causam qua 7. e. Cum olim 18. h. t.* & quidem necessum est, ut præscribens sibi, non alteri, possideat, *c. Si diligenti 17. h. t.* siue per se siue per alium, *l. Si is qui 15. in princ. D. eod.* adeò ut tantum præscriptum, quantum possessum dicatur, & non amplius.

Debet autem possessio ista seu quasi possessio esse continua, *l. 3. & l. Nunquam 31. §. 1. D. eod.* id est non debet ante tempus, ad rei, de qua agitur, præscriptionem seu vsucapionem à lege definitum, vllò momento esse interrupta, * *c. Illud 8. c. Auditis 15. h. t. l. Naturaliter 5. D. eod.* Nam si interrupta fuerit, siue per possessionis ablationem, quæ dicitur naturalis interruptio, *d. l. Naturaliter*, siue per litis motionem seu contestationem, quæ dicitur civilis interruptio, *l. Nemo Cod. De acquir. posses. l. Mora 26. Cod. De rei vindicat.* siue etiam per citationem, vsucapio ad effectum perducere nequit, *d. l. Nemo & alijs, Cod. De acquir. posses.*

Solet

4 Solent tamen distinguere inter prescriptionem odiosam, mixtam, & fauorabilem: quod odiosa seu 30. vel 40. annorum solâ citatione, legitimè factâ, interrumpatur, Gail. 1. *Obser.* 45. n. 20. *Glos. fin. in c. Cum plures De officio delegati in 6.* Panormit. in c. *penult.* n. 2. *sup.* De foro comper. quia procedit ex negligentia non contradicentis: quod mixta, id est 10. vel 20. annorum, non citatione, sed litis contestatione interrumpatur, d. l. *Mora Cod. De rei vindicat.* quia cum partim sit fauorabilis, respectu scilicet præscribentis, partim odiosa, ob negligentiam non repetentis rem suam, media via eligitur: quod denique fauorabilis, id est triennalis, quæ cum titulo & bona fide obtinet in rebus mobilibus, neque citatione neque litis contestatione interrumpatur; sed sententiâ definitiuâ opus sit: quia huiusmodi præscriptio in fauorem præscribentis introducta sit, l. *Si post acceptum D. De rei vindicat.* l. 2. §. 1. *D. De vsucap. pro emptore*, latius Gail. d. loco n. 22.

Illud quoque hîc specialiter statutum est, ut anterioris iusti possessoris possessio cum sequentis possessoris possessione continuetur, & in triennium, decennium, vicennium, tricennium connumeretur, l. *vnica circa finem Cod. De vsucap. transformanda.*

§. III. De bona fide.

1. Bona fides quid sit.
2. Iuris error ad bonam fidem non sufficit.
3. Nisi sit ius dubium.
4. De dubitante, an & quatenus sit bona fidei.
5. De possessore iustum & coloratum titulum habente.

1 **S**ecundò requiritur bona fides, c. *Mala fidei. possessor De R. I. in 6. c. fin. h. t.* id est credulitas, quâ quis prudenter credit & sibi persuadet, rem esse suam, aut saltem nescit esse alienam: ut si putet eum, à quo accepit, fuisse dominum, cum non esset, aut saltem ius transferendi habuisse, l. *Bona fidei D. De verb. significat.* nam malæ fidei possessor non præscribit, d. c. *Mala fidei & d. c. fin. l. Si aliena D. eod.*

2 Dixi, prudenter; quia si ex ignorantia crassa vel inordinata cupiditate procedat persuasio illa, non erit bona fides. Et hinc iuris clari error, veluti si quis rem contractu usurario, quem putabat esse iustum, sibi comparauerit, aut vestem vel equum à Religioso acceperit, nesciens Religiosum donare non posse, tanquam improbabilis, possessoribus ad bonam fidem non sufficit, l. *Iuris & l. Error D. De iuris & facti ignorantia d. l. Nunquam in princ.* licet talis ignorantia seu error inculpatus sufficiat ad præscribendos fructus, ex ipsa re perceptos, Couar. l. *Var.*

1. *Var. resol. cap. 3. n. 8. Nauar. lib. 1. Concil. 6. tit. De officio Iudicis, l. Sed etsi §. scire D. De petit. heredit.* quia error circa fructus videtur esse error facti: existimat enim possessor, se illos percipere ex re sua. Iam autem ignorantia facti ad præscriptionem prodest, *d. l. Iuris & d. l. Error.*

Dixi, iuris clari ignorantiam non prodesse; quia aliud dicendum de ignorantia iuris valdè dubij, vel etiam verè dubij, *Nauar. d. loco: quia quando ius est verè dubium, id est de quo utrimque multorum sunt sententiæ, licet in praxi utramlibet sequi sententiam, perinde ac si clarum ius esset, Lessius 2. De iustit. cap. 6. Disputat. 5. n. 16.*

Quòd si verò dubitet quis, an res sit sua, non erit bonæ fidei, ad inchoandam possessionem, quamdiu manet dubitatio, *Couar. ad Reg. Possessor 2. p. §. 7. n. 3. & seq.* quia ut quis rem, quam antea non habebat, sibi vindicare & usurpare incipiat, requiritur, ut determinatè iudicet eam vel nullius esse, & ita fieri suam per occupationem, vel certè esse suam, licet id antea non aduerterit. Censetur tamen talis habere bonam fidem, sufficientem ad continuandam possessionem, bonâ fide cœptâ. Probatur ex *can. Si virgo x x x i v. q. 1. vbi dicitur in iure pradiorum tamdiu quemque possessorem bona fidei dici, quamdiu se possidere ignorat alienum: & ex d. l. fin. h. t. vbi dicitur, oportere, ut qui præscribit, in nulla temporis parte rei habeat conscientiam aliena.* Etenim dubius non est sibi conscius rei alienæ, & ignorat se possidere alienum; atque in dubio melior est conditio possidentis, quàm non possidentis. Videatur *Couar. d. loco §. 7. Lessius d. cap. 6. Dubitat. 3. & 4. vbi tradit, quòd dubitans, num res sit sua, & simul dubitans, an liceat eam sibi retinere, & tamen retinens rem, malâ fide continuet possessionem, nec ei currat præscriptio, l. Si fur D. De vsucap.*

In possessore autem, titulum iustum & coloratum habente videtur in dubio rectiùs præsumi bona fides, *arg. l. Verius D. De probat. nisi fortè à rei domino, ne emeret, admonitus, emerit, l. Si fundum Cod. De rei vindicat. vel aliàs contra legum interdicta mercatus fuerit.*

§. IV. Quo tempore bona fides requiratur.

1. *Mala fides superueniens iure civili non interruptit vsucapionem.*
2. *Quia vsucapio est iuris.*
3. *Heres proinde mala fidei succedens defuncto rectè præscribit eo iure.*
4. *Non è diuerso.*
5. *Singularis successor quando accessionis iure utatur.*
6. *Iure Pontificio bona fides omni tempore adesse debet.*
7. *Bona fides à quo tempore adesse debeat in contractibus.*
8. *Mala fides, post completam vsucapionem superueniens, non nocet.*

9. *Per vsucapionem acquiritur dominium etiam directum.*
 10. *Ratio introducenda vsucapionis.*
 11. 12. 13. *Remouentur opposita vsucapioni.*

R Equiritur de iure civili solùm ab initio bona fides: nam eo iure mala fides superueniens non interruptit præscriptionem, quia illa est facti, vsucapio verò seu præscriptio (nam hæc duo hodie confunduntur) iam inchoata est iuris: quæ autem sunt facti, non debent tollere ea, quæ sunt iuris, *l. Si vnus §. pactus ne peteret D. De pactis.* * Et ideo iure civili si defunctus possederit bonâ fide rem aliquam aliquo tempore, poterit eius successor vniuersalis, v. g. hæres aut bonorum possessor aut fideicommissarius, licet malæ fidei fuerit, vsucapere, vtendo accessione illius temporis, quo defunctus possedit, & cœpit vsucapere: quia sufficit defunctum ab initio fuisse bonæ fidei possessorem, cum eius personam repræsentet, sitque successor vniuersalis, *l. Hæres 22. D. De vsucap.* & eiusdem cum illo iuris, *l. Hæredem D. De reg. iuris;* habeaturque pro eadem persona, *d. l. Hæres.* Hinc etiam è diuerso, si defunctus fuerit malæ fidei possessor, hæres eius quantumuis bonæ fidei, nullo tempore poterit præscribere, licet non vtatur accessione temporis, quo defunctus possedit: quia repræsentat personam defuncti, in illiusque omne ius succedit, & vitia refert, nec malam fidem suâ ignorantiam excludit. *l. Cum hæres D. De diuersis & temporal. præscript.*

4 In singularibus autem successoribus quouis titulo, siue lucratiuo siue oneroso, non aliter tempora coniunguntur, quàm si vterque, tam auctor quàm successor, bonæ fidei initium habuerit. Ideoque si venditor fuerit bonæ fidei possessor, emptor verò malâ fide cœperit possidere rem, non poterit vti accessione temporis, quo venditor possedit, neque etiam absque accessione per se vllò tempore vsucapere, *l. 2. §. si eam rem D. pro emptore.* Et contrà, si venditor malâ fide cœperit possidere, emptor verò bonâ fide, poterit hic quidem per se tempore legitimo vsucapere, quia in successorem singularem vitia auctoris non transeunt nec impediunt vsucapionem, *c. Cura inf. De iure patronatus:* non tamen poterit vti auctoris sui accessione.

5 At verò iure Pontificio malæ fidei possessor nullo tempore, quantumuis longo, præscribit, & mala fides superueniens interruptit præscriptionem, *c. fin. h. t.* quia qui scit rem esse alienam ante completam vsucapionem, & tamen retinet tanquam suam, mortaliter peccat, *d. c. fin. c. an. Si quid manifesti x x x i v. q. 5.*

6 Nec obstat ratio iuris civilis, quia illa ex iuris quadam subtilitate nata est, quæ animæ periculo non est præferenda. Et ideo etiam in foro seculari

laicari seu laico ius Canonicum seruandum est; quia regula est, quòd, quando ius ciuile pugnat cum Canonico, & agitur de peccato vitando, sequendum sit Canonicum, etiam in foro ciuili, *c. Nolit 13. sup. De iudicijs.*

Obseruanda verò hic est differentia inter emptionem & alios contractus: nam in alijs contractibus sufficit adesse bonam fidem à tempore traditionis, licet ea non adfuerit à tempore contractus, *l. Si aliena 10. l. Si is qui 15. l. Iusto 44. D. De vsucap.* In emptione verò non solum tempore traditionis adesse debet, sed & tempore ipsius contractus. Ratio diuersitatis est, quia improbè facit, qui, dato pretio, rem alienam inuito domino in se transferri per venditoris fraudem studet: nec potest in mala fide non esse, qui rem ab eo nundinatur, quem scit non esse dominum, nec ius alienandi habere, *l. Si in emptione 34. §. item D. De contrah. empt. l. Alienum 6. l. Eos 14. & l. Si seruum 16. Cod. De furtis.* At verò si v. g. mihi stipuler ab aliquo rem alienam sciens, sufficit ad præscriptionem, quòd existimem esse eius, quando eam mihi tradit, quia possum meritò existimare, illum sibi eam rem comparasse, ad satisfaciendum promissioni suæ. Quamquam si quis, iustissimo errore ductus, putet se emisse rem, quam non emit, vt quia persuasum ei sit, à seruo vel procuratore suo esse emptam, poterit, non obstante errore, rem talem præscribere, *l. 2. §. si à pupillo, cum seq. D. Pro emptore.*

Sed quid si, præscriptione legitimè completâ, superueniat deinde scientia rei alienæ? Poterit qui præscripsit, non obstante tali scientiâ rem præscriptam retinere, tanquam iam non amplius alienam, sed suam: quia per præscriptionem auctoritate legis dominium illius (*) non tantum utile, sed etiam directum, siue sit res mobilis, siue immobilis, vt patet ex *l. 3. D. de vsucap.* vbi vsucapio dicitur esse adiectio siue acquisitio dominij, sine distinctione vtilis vel directi. Similiter Canones indistinctè loquuntur de dominio, dum agunt de vsucapione seu præscriptione: & in *can. Clerici xxvi. q. 3.* dominium, per præscriptionem acquisitum, vocatur proprietas. Idque obtinet, siue dominus fuerit negligens, siue non: * quia leges introduxerunt præscrip- 10
tionem non tam ob negligentiam dominorum, quàm ob bonum publicum, ne diu & ferè semper incerta essent rerum dominia, *l. 1. D. De vsucap.* vtque litium aliquando esset finis, *l. fin. De Pro suo;* & longi temporis error ac confusio euitaretur, *c. Vigianti 5. h. t.*

Ideoque non obstat, quòd dicitur, neminem priuandum esse re suâ sine culpa: quia id non obtinet, quando, vt priuetur, exigat ratio boni communis seu publici. 11

Hinc etiam non obstat Reg. quâ dicitur, id, quod nostrum est, sine facto nostro ad alium transferri non debere, *l. Id quod nostrum D. De reg.*

iuris: quia id fieri potest postulante bono publico: & diuturnū dominii silentium est veluti factum eius, alienantis rem suam, *l. Alienationis D. De verb. significat*. Idque ex dispositione legis, quæ propter bonum publicum præsumit dominum, tanto tempore tacentem, & in rebus suis requirendis ac recuperandis negligentem, in alienationem earum consentire. Ideoque non potest etiam dici præscribens locupletari cum alterius, scilicet domini, iactura, *contra l. Nam hoc natura D. De condict. indebiti*: quia is sibi imputare debet, quod intra statutum à lege tempus rem suam inquirere & à possessore recuperare non studuerit.

Non obstat quoque, quod is, cui res est adiudicata per sententiam Iudicis, nitentem & subnixam falsā præsumptione, teneatur ad restitutionem: tum quia Iudex per suam sententiam non intendit transferre dominium, sed solum declarare, utrius sit; cum interim per legem præscriptionis intendat, ita exigente bono publico, transferre dominium in præscribentem: tum quia præscriptio non nititur falsā præsumptione negligentiz, sed exigentiā boni communis.

§. V. De Titulo.

1. *Ad vsucapionem necessarius est titulus siue causa possidendi.*

2. §. *Titulum sufficit esse putativum, non verum.*

3. 4. *In præscriptione longissimi temporis non est necessarius.*

Insuper ad præscriptionem requiritur iustus titulus, id est causa habilis ad transferendum dominium vel vsucapiendi conditionem. Talis est stipulatio, emptio, donatio, permutatio, testamentum, legatum, & similes, *l. Diutina Cod. De præscript. longi temporis*. Nam titulus huiusmodi est causa iustæ possessionis, quæ est proxima causa vsucapionis seu præscriptionis. Et regula Iuris est, absque iusto titulo non posse dominium per vsucapionem seu præscriptionem acquiri, *l. Nullo iusto 23. Cod. De rei vindicat*. Hinc commodatarius, depositarius, conductor, colonus, inquilinus, rem commodatam, depositam, conductam præscribere non possunt: quia non sunt illi iusti tituli, id est, habiles & sufficientes ad transferendum dominium.

2. Necesse tamen non est, hunc titulum esse verum, sed sufficit esse putativum, seu quod merito & iusto errore putetur esse verus. Hinc etiam nunc pro emptore, nunc pro legato, nunc pro dote, nunc pro suo, & sic de similibus, quamvis verus titulus non adsit, ratione iusti erroris permixta est vsucapio: ut v.g. si fundum, quem mihi tradis, dicas te vendidisse patri meo, nec tamen vendideris, *l. Si ancillam D. Pro suo*: vel dixeris mihi rem legatam, cum non esset, *l. fin. D. Pro legato*.

3. An verò de iure Canonico etiam requiratur titulus, merito dubitari potest, præsertim ob *c. Ad aures c. Si diligenti h. r. c. 1. eod. in 6. vbi traditur, sufficere*

sufficere bonam fidem, neq; esse necessarium titulum, nisi præsumptio vel ius commune sit contra præscribentem.

Cæterum hoc intelligendū videtur de præscriptione longioris temporis, quàm ordinarij, ad præscribendum, veluti centum annorum vel 30. vel 40. Nam regulariter in huiusmodi præscriptione neque de iure Canonico, neque de iure civili requiritur titulus, sed sufficit bona fides cum possessione tanti temporis: quia sæpè multa habemus in rebus nostris, quæ propter diuturnitatem temporis quo titulo acceperimus, ignoramus. Videatur Couar. *ad reg. Possessor §. 5. n. 2.*

Vt verò breuiori vel alio tempore ordinario, v.g. 10. vel 20. annorū, contra priuatum præscribatur, verus vel putatiuus requiritur titulus, l. *Celsus D. eod. c. Si diligenti h. t. l. vnica Cod. De vsucap. transformanda*: nisi sit præscriptio rerum incorporaliū, l. *Si quis diuturno D. Si seruitus vindicetur*: quia tractatur de modico præiudicio; secus, si de magno: vel nisi sit præscriptio statutaria, in qua secundum Bald. in l. 2. *Cod. de præscript. longi temp.* non requiritur titulus.

§. VI. De Tempore.

1. Tempus ad vsucapionem requisitum est varium.
2. Res mobiles priuati hominis triennio vsucapiuntur.
3. 5. Res mobiles & immobiles sine titulo 30. annis.
4. Immobiles cum titulo 10. vel 20. annis.
6. Contra Ecclesiam Romanam centum annis.
7. Contra aliam piam causam quadraginta.
8. Exceptio.
9. Nomine rerum immobilium qua veniant.
10. Seruitutes etiam præscribi ad instar rerum immobilium.
11. Seruitus mixta & realis qua dicatur.
12. A quo tempore seruitutum currat præscriptio.
13. Quo pacto iura incorporalia dicantur vsucapi.

D Enique requiritur, vt tempus ad præscriptionē seu vsucapionem à iure præscriptum, sit completum: quod tempus pro varietate rerum, quæ præscribuntur, varium est. Et quidem ante Iustiniani tēpora res mobiles in Italia poterant vsucapi annali possessione, immobiles verò biennio, *Institut. De vsucap. in princ.* Cū verò hoc ius non satis esset consentaneū æquitati, Iustinianus illud reformauit, & statuit, * vt res mobiles hominis priuati vel etiā Ecclesiæ cuiusuis triennali possessione vsucaperētur; prout de rebus priuati hominis constat ex l. *vnica Cod. De vsucap. transfor. & Institut. d. t. & de rebus Ecclesiæ ex Auth. Quas actiones Cod. De sacrosanctis Eccles.* quæ Authentica recepta est ab Ecclesia, vt patet ex can. *vl. & penult. x v l. 9. 3.*

- 3 Ad usucapionem rerum mobilium sine titulo requiruntur triginta anni, siue expriuatæ sint, *l. 3. Cod. De præscript. 30. vel 40. annorum*; ubi res immobiles contra priuatum præscribuntur triginta annis sine titulo (nam inde idem iudicandum est de mobilibus, quandoquidem de ijs nihil aliud statutum sit deficiente titulo;) siue Ecclesiæ, quia cum Ecclesia in mobilibus non habeat priuilegium, sed tantum in immobilibus, quoad res mobiles censeretur eodem iure debet, quo priuatu. Videatur Couar. *ad Reg. Possessor §. 5. n. 2.*
- 4 Quod ad res immobiles attinet, ex quoque vel sunt priuatorum, ad quarum præscriptionem cum titulo requiruntur decem anni inter præsentem, viginti inter absentes, *Institut. d. loco & d. l. vnica.* Præsentem dicuntur, qui in eadem ciuitate vel prouincia habitant: absentes, qui in diuersis prouincijs, Abbas in *c. De quarta h. t.* siue res sit sita in eadem ciuitate vel prouincia, siue alibi, etiam trans mare: nam in præscriptione situs rei præscribendæ non attenditur, *l. Cum in longi §. sancimus Cod. De præscript. longi temp.*
- Quod si quis præsens fuerit octo annis, & postmodum aliò migret mutandæ habitationis causâ, ut res immobilis contra ipsum præscribatur, seu potius ut præscriptio, inchoata per octo annos, compleatur, opuserit adhuc quattuor annis, quia supererant duo anni ad eam complendam contra præsentem, qui duplicari nunc debent ratione absentis, *Auth. Quod si quis Cod. De præscript. longi temp.*
- 5 Sine titulo præscribuntur res immobiles triginta annis, ex *c. Sanctorum 3. h. t. l. Si quis §. 2. Cod. De præscript. 30. vel 40. annorum.*
- 6 Vel sunt res immobiles Ecclesiæ; exque vel Romanæ, ad quarum præscriptionem contra ipsam Ecclesiam requiruntur centum anni, *c. Cum vobis 14. h. t. c. fin. eod. in 6. Auth. Quas actiones Cod. De sacros. Eccles.*
- 7 Vel alterius Ecclesiæ, hospitalis, Monasterij, aut piæ causæ, veluti legata & donationes ad pias causas, & requiruntur quadraginta anni, ut de Ecclesia habetur, in *c. De quarta 4. h. t.* de alijs vero pijs locis & causis *d. Auth. Quas actiones, Couar. in in d. Reg. Possessor §. 2. n. 3.*
- 8 Idque obtinet, siue sit priuatus, qui præscribit, siue alia Ecclesia, etiam Romana seu summus Pontifex, præscribat. * Attamen aduersus monasteria quædam & Collegia Regularium ex priuilegio non præscribitur, nisi sexaginta annis: veluti aduersus Monasteria Ordinis Sancti Benedicti, eosque qui illorum priuilegijs gaudent, & aduersus Congregationem Sancti Saluatoris. Quod si, postquam quis per quinquennium cœperit præscribere rem immobilem priuati cum titulo, ea res deuenit ad Ecclesiam inferiorem Romanâ, satis erit possidere deinceps cum bona fide per viginti annos, ut aduersus eam Ecclesiam valeat

valeat præscriptio, quia deerat solum dimidium temporis requisiti ad præscribendum contra priuatum inter præsentēs: si verò ad Ecclesiam Romanam pertinere incipiat, sufficiet deinceps possessio quinquaginta annorum. Cæterum ipsa Romana Ecclesia seu summus Pontifex, & quilibet alius Princeps aduersus priuatum eodem tempore præscribere potest, quo quilibet priuatus aduersus alium priuatum.

Nomine autem rerum immobilium comprehenduntur etiam iura & actiones ad immobilia: item census, redditus, beneficia, ius patronatus ac seruitutes: * nam & hæ quoque, saltem mixtæ & merè reales præscribuntur eodem tempore, quo res immobiles, nempe cum titulo decem annis inter præsentēs, viginti inter absentes, & sine titulo triginta annis, *l. fin. versic. fin. Cod. De præscript. long. temp.* ne eo casu, quo adest titulus, in merè reali seruitute requiritur scientia & patientia eius, contra quem præscribitur, *d. l. fin. 1. sed tunc solum, quando abest titulus, l. 1. & 2. Cod. De seruitutib. & aqua.*

Seruitus mixta dicitur, quæ à re debetur personæ. Talis est usufructus, qui præscribitur non ratione possessionis, quam usufructuarius habet in fundo, cum illa possessio sit tantum naturalis, sed ratione civilis possessionis ipsius iuris vtendi fruendi, seu iuris, quod vocatur usufructus, *Gomel. Var. resolut. lib. 2. cap. 15. sub. n. 20. versic. item etiam quia illa possessio.* Seruitus merè realis dicitur, quæ à re rei debetur. Et licet quidam hic distinguant inter merè reales continuas, quales volunt esse tigni immittendi, oneris ferendi, stillicidij & similes, & inter discontinuas, quales ponunt seruitutem itineris, viæ, actus: tamen hanc distinctionem alij meritò improbant, cum omnes seruitutes habeant causam continuam, licet exercitium interdum intermittatur, *l. 14. Cod. De seruitutibus l. 28. D. eod. tit. animo quæ perpetuò retineantur.*

Cum autem proxima causa præscriptionis sit continua possessio, sciendū, eam aliter incipere in seruitutibus affirmatiuis, id est in quibus tribuitur ius ad aliquid agendū, circa rem alterius, vt est tigni immittendi, aquæ ductus, & similes; aliter verò in negatiuis, id est quibus ius datur ad impediendum, ne quis aliquid agat, v. g. ne aliùs tollat domum, ne venetur in tali silua, ne eruat lapides in tali fundo: nam in affirmatiuis incipit ab eo die, quo quis tali iure vitur bonâ fide; in negatiuis verò incipit ab eo die, quo quis prohibet vel impedit alterum, ne quid agat.

Sed quomodo, inquires, seruitutes, aliaque iura incorporalia, usufructu & præscribi possunt, cum neque tradi neque possideri queant, & sine possessione non contingat usucapio seu præscriptio? quia licet propriè non tradantur, nec etiam propriè possideantur; tamen, licet
quasi

quasi traduntur, & quasi possidentur, ita etiam quasi usufructualem seu prescriptionem admittunt, & quidem instar immobilium, l. fin. Cod. De prescript. long. temp. l. 2. & penult. Cod. De servitutib. quia immobilibus annumerantur, l. 13. Cod. d. r.

§. VII. Quinam præscribere possint.

1. *Tantum præscriptum, quantum possessum.*
2. *Etiam filiusfam. & pupillus usufructualem potest.*
3. *Non vero servus.*

Preæscribere possunt, qui suo nomine possidere: quia, ut dictum est, sine possessione non currit præscriptio; * & inde tantum dicitur præscriptum, quantum possessum, & non amplius, c. Cum olim & ibi D. D. h. t. l. 1. §. Iulianus & ibi Gloss. Bart. & alij, D. De itinere actusque privato. Ideoque præscripta servitute pascendi centum oves in fundo alieno, si maior numerus pascatur, non censetur aucta servitus, d. §. Iulianus l. 12. Cod. De servitutibus, l. 1. §. 18 D. De aqua quotid. & aestiva.

Hinc igitur non solum paterfamilias, sed etiam filiusfamilias, maxime castrensis & quasi castrensis peculia, usufructualem potest: & similiter pupillus, l. 4. §. 1. & 2. D. De usufructu, etiam sine tutore, modo habeat animum possidendi, d. §. 2. Azo in Summa tit. De usufructu pro emptore nu. 4. Item infans, sed tutore auctore, l. 32. §. 2. D. De acquir. possess. Sic etiam furiosus, quod ante furorem possidere cepit, usufructualem, d. l. 4. §. 3. Hostien. in Summa h. t. n. 3. * Aliud dicendum de servo: nam is usufructualem non potest, d. l. 4. §. 4. l. 22. & 118. D. De reg. iuris, quamvis dominus etiam ignorans ex causa peculiari per servum possit usufructualem, l. 1. §. 5. D. De acquir. possess. l. 2. D. Pro soluto.

§. VIII. Quæ res præscribi possint.

1. *Præscribi possunt res omnes, non prohibita specialiter.*
2. *Prohibentur, Exemptio ab obedientia superioris.*
3. *Ius visitandi, procuratoris exigenda.*
4. *Res, quæ non sunt in commercio.*
5. *Limites provinciarum.*
6. *Res pro indiviso communes pluribus.*
7. *Res mera facultatis &c.*

Præscribi

Præscribi seu vſucapi poſſunt omnes res, cùm corporales, ſiue i
 ea mobiles ſint ſiue immobiles, *Inſtitut. De vſucap. in princ.* tum
 etiam incorporeales, modo antea dicto; niſi aliquâ lege vel ſpe-
 ciali ratione vſucapi prohibeantur.

Prohibentur autem præſcribi; Primò, Exemptio ab obedientia ſu- 2
 perioris, c. *Cum non liceat* 12. h. t.

Secundò, Ius viſitandi & procurationis exigendæ, aduerſus ſupe- 3
 riorem, quando ſcilicet ea procuratio ex iure competit: non etiã ſi ex
 priuilegio competat vel conſuetudine, quia præſcribi poterit, c. *Cum*
ex officij 16. h. t. *iunctâ doctrinâ D. D. ibid. Capella Tholoſ.* 332. cùm, quod
 priuilegio, etiam præſcriptione acquiri poſſit. Hinc quia Legatus Se-
 dis Apoſtolicæ ex iure procurationes exigat, ideo aduerſus eum præ-
 ſcribi nequeunt, c. *Accedentes* 11. h. t. Alius tamen, præter ſubditum,
 poteſt præſcribere contra Prælatum, vt ad ſe pertineant ſubditi ipſius
 Prælati, & à ſe in poſterum viſitentur, ſibi que, non antiquo Prælato,
 procuratio debeat, d. c. *Cum ex officij* h. t.

Tertiò, Res vſibus publicis deputatæ, vt forum, theatra, via publi- 4
 ca, & ſimiles; item que res commercio hominum exemptæ, vt res ſa-
 cræ, religioſæ, §. *ſed aliquando Inſtitut. eod. l. 9. D. eod.* Item ius decima-
 rum à laico poſt Concilium Lateranèſe præſcribi non poteſt, ſicut nec
 alia res ſpiritualis, quia eius eſt incapax laicus, c. *Cauffam* 7. h. t.

Quartò, Limites prouinciales Episcopatum ac Parochiarum, & 5
 quæ huiusmodi finibus cohærent, modò tamen conſtet tales fines præ-
 fixos conſtitutosque fuiſſe, c. *Super eo* 4. inf. *De parochijs, can. Quicumque*
iunctâ Gloſ. can. Licet cum can. ſeq. xvi. q. 4. ne ſcilicet prouinciarum
 termini confundantur, d. *can. Quicumque.* Aliàs ſi de his non conſtet, vel
 probari non poſſint, præſcribi poterunt, c. *Quia iudicante* 9. h. t. *can.*
Volumus xvi. q. 5.

V. liber homo. VI. Res furtiua & vi poſſeſſa, & quæ ex ea naſcitur,
 §. *furtiua Inſtitut. De vſucap.* VII. Res filci, *Inſtitut. eod.* VIII. Res alie-
 nari prohibitæ, vt res pupillares, l. 10. *D. Quemad. ſeruitus amit.* IX. Res
 dotales, l. 4. & 16. *D. De fundo dotali*: niſi inchoata fuerit præſcriptio,
 antequam res fierent dotales, l. 30. §. *fin. Cod. De iure dotium.*

X. Res indiuiſum communes pluribus, ab aliquo ſociorum præſcri- 6
 bi non poſſunt, cùm is nomine aliorum poſſideat, l. *Communem D.*
Quemad. ſeruitus amit. niſi, iuxta diſtinctionem Boerij *Deciſ.* 58. conſor-
 tes ſeu fratres aut cohæredes æquis portionibus pro diuiſo poſſederint:
 nam tunc præſumitur inter eos facta diuiſio.

Denique, vt alias ſimiles omittam, res, quæ ſunt meræ facultatis, præ- 7
 ſcribi nequeunt, l. 2. *D. De via publica*: niſi prohibitioni interpoſita iſ,
 qui meram facultatem habet, cum patientia acquieuerit. Vide Gail. 2.

Obfer. 18. n. 4. vbi tradit iuri offerendi propterea non præscribi, ne quidem spatio triginta annorum, quia consistat in mera facultate; & simul ostendit, ius offerendi habere quoque locum inter creditores, si tamen præscribi spatio 30. annorum, quia non competat creditoribus per modum facultatis, sed per modum actionis, cum sit accessorium ad ipsam actionem: ad exemplum actionis hypothecariæ, quæ similiter triginta annis præscribitur, l. Cum notissimi C. De præscript. 30. vel 40. annor. Gail. d. loco n. 12.

TITVLVS XXVII.

De sententia & re iudicatâ.

§. Sententia quid sit & quotuplex.

1. Ratio ordinis.
2. Sententia quæ dicatur.
3. Res iudicata quid sit.
4. Sententiarum alia Definitiuæ, alia Interlocutoria.
5. Definitiuæ alia Condemnatoria, alia Absolutoria.
6. Interlocutoria quæ sit.
7. Vnde sic dicatur.
8. 9. Alia est merè interlocutoria, alia vim habens definitivæ.

EXpeditis ijs, quibus se actores ad agendum, & intentionem suam fundandam, muniunt, & ijs, quibus è diuerso rei sese ad propulsandas & elidendas actiones, & intentionem actorum eneruandam, atque absolutionem ab impetitione eorundem per sententiam iudicis assequendam, defendunt: sequitur, vt agamus de ipsa iudicis sententia, quâ, visis actis, probationibus, allegationibus atque exceptionibus, secundum quod ex ijs sibi iustum visum fuerit, super causâ controuersâ pronuntiat, & finem controuersie imponit, vel absoluendo vel condemnando; & consequenter de re iudicata.

- 2 Nam Sententia hîc est ipsa pronuntiatio seu definitio iudicis, finem
- 3 controuersie imponens. Res verò iudicata est ipsa causâ controuersâ, quæ finem controuersie pronuntiatione iudicis accepit, vel absolutione vel condemnatione, l. 1. D. De re iudicata. Quamquam & sententia, quatenus decurso ab ea appellationis tempore manet, veluti à

luti à partibus approbata & iudicata, non malè quoque res iudicata dicatur; eoq̃ue pacto dici soleat, sententiam transire vel transiisse in rem iudicatam.

Sententiarum alia est Definitiva, alia Interlocutoria. Definitiva est sententia Iudicis, quæ principalem causam seu controuersiam definit ac terminat, absolviendo vel condemnando, l. 1. *D. De re iudicata, Glos. in Clement. 2. De sequestrat. possess. & fructuum.*

Per hoc quod dicitur, Sententia Iudicis, excluduntur Arbitrium, Transactio, Iusiurandum, Præceptum de soluendo, quod sit in confessum, non seruato ordine iuris, & sine causæ cognitione: quia licet hæc causam definiant, non tamen sunt sententiæ definitiue.

Dicitur, absolviendo vel condemnando; quia aliàs non esset definitiua, d. l. 1. *D. De re iudicata & l. Praeses 3. Cod. De sent. & interlocut. om. iud.* Nisi sit sententia in causâ appellationis, in qua sufficit dicere Iudicem, malè esse appellatum, benè iudicatum, vel contrà l. *Eos qui 6. Cod. De appellat.* Non tamen necesse est Iudicem uti verbo Condemno vel Absoluo, sed sufficit, quòd utatur æquipollentibus, *Glossa in d. l. Praeses:* quia licet, ubi certa verba pro forma requiruntur uti in Baptismo & Eucharistia, non sufficiant æquipollentia, tamen sufficiunt, ubi solum verba in genere pro forma requiruntur, ut in sententia definitiua, in matrimonio, in quo sufficit consensum per quæcumque verba exprimere, c. *Ex litteris c. Ex parte inf. De sponsalib. & in stipulatione, l. 1. §. Si quis ita & §. fin. D. De verb. obligat.*

Hinc autem patet Definitiuam esse duplicem, scilicet Condemnatoriam & Absolutoriam. Exempla sententiæ definitiue sunt, si Iudex pronuntiet satisfidandum esse, vel non esse, quando principaliter petitur, aliuquin non esset definitiua: si de nullitate sententiæ principaliter dubitetur, & super eo sententia feratur: si pronuntietur rem esse peritoris: si quis condemnatur ad restituendum rem aliquam; & sic de similibus.

Sententia Interlocutoria propriè dicitur, quæ inter principium & finem causæ super aliquo incidenti velemergenti profertur, *Glossa in Clement. 1. De sequestrat. possess. in V. definitiua, Maranta in Spec. p. 6. tit. De sententijs n. 2.*

Dico, propriè; quia interdum interlocutoria fertur post finem causæ & sententiam latam, & tamen manet interlocutoria, l. *Cum Clericu Cod. De Episc. & Clericu, l. Iubemus, & ibi Glos. Cod. De advocat. diuers. iudicior.* Interdum etiam, ubi non est aliud aliquod principium vel finis, §. *si quis autem Nouel. De heredit. & Falcidia.* Ideoque generaliter definiri posse videtur, quòd sit pronuntiatio Iudicis, facta ad aliquius articuli expeditionem.

7 Dicitur autem Interlocutoria, & Interlocutio simpliciter, à modo proferendi, vel quia Iudex per eam non definit causam, sed ut plurimum summarie inter partes, interim, & dum expectatur iudicium definitivum, super aliquo incidenti vel emergenti interloquitur: vel quia inter partes loquendo sine solemnitate scripturæ pronuntiat. Hostiens. in Summa h. t. §. 2. in princ. Veluti si Iudex interloquendo concedat vel denegat parti petenti dilationem aut testium productionem: si dicat procedendum esse in causa: si declaret se Iudicem competentem: & breuiter, omne Iudicis decretum est sententia interlocutoria.

8 Sententia Interlocutoria diuiditur in Interlocutoriam meram, & interlocutoriam, quæ habet vim sententiæ definitivæ. Merè Interlocutoria est, quæ neque instantiæ neque negotio principali, nec etiam articulo substantiali negotij principalis finem imponit, seu quæ quoad id, super quo fertur, non parit præiudicium irreparabile, nec, quantum est ex se, facit cessare officium Iudicis, sed potest ab eodem Iudice reuocari. Talis est, quæ defert appellationi; licet hæc non possit reuocari, quia id fit ex eo, quod Iudex deferendo appellationi, abdicet à se omnem iurisdictionem. Talis quoque est omnis pronuntiatio Iudicis post definitivam, quia finito negotio, nihil quoad illud superest definiendum.

9 Sententia Interlocutoria vim definitivæ habens dicitur, quæ quoad id, super quo fertur, parit præiudicium irreparabile per definitivam, vel appellationem à definitiva, & postquam non expectatur alia sententia super eo, super quo lata est; seu quæ causam principalem non definit, sed vnam partem substantialem negotij principalis, & post se aliam expectat sententiam, quæ toti causæ finem imponat. Talis est, quæ pronuntiatur causa deserta. Item præceptum de soluendo: & omnis sententia, quæ definit vnum articulum substantialem negotij principalis: ut si Iudex minorem, petentem restitui in integrum, pronuntiet non esse minorem: si admittat vel reiicit exceptionem peremptoriam: insuper omnis interlocutoria, quæ continet aliquid dari vel fieri. Videatur Maranta p. 6. in V. & demùm fertur sententia §. decisoria iudicij à n. 42. vsque ad 45.

§. II. De differentia inter Sententiam definitivam & interlocutoriam.

1. Definitiva totum negotium definit, non interlocutoria.
2. Definitiva reuocari non potest.

3. *Modò sententia fit valida.*
4. 5. 6. *Interlocutoria reuocari potest.*
7. *Etiā tacitè.*
8. *Etiā à successore & iudice appellationis.*
9. *Item à delegante delegati interlocutoria.*
10. *Nisi fuerit mandata executioni.*
11. *Nisi transierit in formam contractus, & alijs modis.*
12. *Reuocari etiā nequit interlocutoria vim definitiua habens.*
13. *Definitiva in scriptis ferri debet.*
14. *Et seruato iuris ordine.*
15. *Et citatà parte absente.*

PAtet in primis ex antedictis in eo distingui, quòd definitiua totum negotium principale definiat eique finem imponat: interlocutoria non, sed tantum articulum, super quo fertur.

Secundò differt, quòd definitiua reuocari non possit ab eodem Iudice, ne de consensu quidem partium, siue lata sit in ciuili siue in criminali causa, ne quidem prætextu erroris, neque etiā infra decem dies, licet eam Iudex in melius reformare vellet. Ratio est, quia eā latā Iudex functus est officio suo, l. *Iudex posteaquam* 55. D. *De re iudicata*; & quia litium finis aliquis esse debet.

Neque verò quoad principale dumtaxat negotium Iudex suam sententiam definitiuam reuocare non potest, sed nec quoad accessoria, v. g. quoad expensarum aut fructuum condemnationem vel absolutionem, quia accessorium sequitur principale. Et ideo sicut principale, quod est sententia definitiua, reuocari nequit, ita nec accessorium. Sed nec Iudicis, qui sententiam definitiuam tulit, successor eam reuocare potest, l. *Post sententiam* C. *De sent. & interloc.* Quamquam Princeps suam sententiam mutare & ad nutum corrigere possit: quia sententia est de iure ciuili, quo solutus est Princeps.

Prædicta tamen intelligenda sunt de sententia definitiua valida. Nam si sit ipso iure nulla, tunc eadem causa ab eodem Iudice iterum cognosci potest: veluti si vnus ex Iudicibus, quibus causa fuit delegata, dum sententiam cum alijs ferret, fuerit publicè excommunicatus, sententia ipso iure est nulla, quia in publicè excommunicato non inhaeret iurisdicctio, c. *Ad probandum* 24. h. t. Et propterea alij Iudices, iidemque non excommunicati, iterum de eadem causa cognoscere possunt.

At verò merè interlocutoriā Iudex, qui eam tulit, reuocare potest, etiā nemine petente, ac consensu partium vel alterius non interueniente, r. *Cum cessante* & ibi DD. in P. *libere. inf. l. e appellat.* Sicut &

omne grauamen, quod intulit, *c. Concertationi 8. & c. 10. De appellat. in 6.* adeò quòd, inspectà nudà potestate Iudicis, eam reuocare possit, etiam in deterius; quāuis secus ex æquitate, *d. c. Cum cessante, ibi, sano vsus consilio*: & siue sit lata in iudicio siue extra iudicium, quia *d. c. Cum cessante* loquitur generaliter, & de cominatione, quæ extra iudicium fieri potest. Et hoc obtinet tam in delegato Iudice, quàm in Ordinario, *d. c. Cum cessante & ibi Glos.* licet etiam ab interlocutoria sit appellatum, *d. c. Cum cessante*: quia, licet per appellationem à definitiua desinat esse Iudex, & iurisdictio transferatur in superiorem, non tamen per appellationem ab interlocutoria vel grauamine, saltem incommutabiliter, *l. Quod iussit D. De re iudicata*. Si tamen Iudex à quo statuerit appellanti terminum recipiendi Apostolos, & arripiendi iter ad superiorem, interim quiescere officium eius debet.

5 Rursus reuocari potest sententia merè interlocutoria, siue erratum fuerit interloquendo, siue non; licet pars, ad cuius vtilitatem lata fuit, possit à tali reuocatione appellare: & rursus siue lata sit super incidenti velemergenti aut super processu, siue valida sit aut nulla, siue ante aut post decem dies, vsque ad sententiam definitiuam; quia licet quoad partem transeat in re iudicatam, non tamen quoad Iudicem, *Glossa in d. c. Cum cessante*.

6 Nec obstat, quòd post decem dies sit parti quæsitum ius, quod Iudex non videtur posse tollere, *l. Id quod nostrum D. De reg. Iuris*: quia licet Iudex ius parti quæsitum irreuocabiliter, veluti per sententiam definitiuam, tollere nequeat, tamen quæsitum reuocabiliter, veluti interloquendo, tollere potest: sic enim in donationibus causà mortis, & contractibus innominatis ius parti quæritur, & tamen tollitur alterius pœnitentià.

7 Potest item Iudex reuocare interlocutoriam non solùm expressè, sed etiam tacitè: ut si, postquam pronuntiauit testes audiendos non esse, eos dein admittat, censetur tacitè reuocare suam interlocutionem; quia non minùs est facere, quàm dicere.

8 Rursus non solùm Iudex, qui sententiam interlocutoriam tulit, & grauamen intulit, eiusque successor, reuocare illam potest, sed & Iudex appellationis, *c. Non solùm & c. fin. De appellat. in 6.* in quem per appellationem est potestas transfusa.

9 Similiter sententiam interlocutorià delegati potest Iudex delegans reuocare, atque etiam totum negotium ad se trahere: quin & reuocare Iudicem, qui eam tulit, si eundem delegauerit, *l. Iudicium soluitur § 8. D. De iudicijs*.

10 Si tamen interlocutoria fuerit mandata executioni, cum sic res designat esse integra, reuocari non potest: nisi subsit iusta causa, aut reuocetur con-

aut consensu partium, quæ possunt iuri suo renunciare: vel nisi nullius aut modici sit præiudicii, quia tunc etiam absque consensu partium potest reuocari; sicut & quando non concernit commodum partis, sed Iudicis potestatem: vel nisi sit nulla, quia sicuti de facto est lata, ita de facto potest reuocari.

Reuocari etiam nequit, si transierit in formam contractus vel quasi contractus: si sit lata cum principali, id est definitiua, quia tunc censetur pars illius: si fuerit confirmata per Principem: si appellatum sit à Iudice, qui eam tulit, & is detulerit appellationi, quia deferendo abdicat à se iurisdictionem, & illam transfundit in superiorē: si Iudex superior inhibuerit: si lata sit de consensu partiū, aut per partes confirmata, nam tunc reuocari nequit absq; partium consensu, nisi causa subsit. Sic nec interlocutoria, lata antè definitiuam, post definitiuam potest reuocari: & generaliter toties Iudex non potest eam reuocare, quoties interlocuendo sanctus est officio suo.

Dixi antè, meram interlocutoriam posse reuocari; quia interlocutoriam, vim definitiuam habentem, Iudex nequit reuocare, nisi lata sit super incidenti, non finiente litem, sed vnum articulum tantum, non substantialē negotij principalis: aut lata sit officio Iudicis nobilis.

Tertiò, differunt definitiua & interlocutoria, quòd definitiua ferri in scriptis debeat, vt postea dicemus, non item interlocutoria, quæ nudo facto sine scripto ferri potest: nisi in illa magna causæ cognitio verteretur, aut simul cum principali feratur, aut per eam appellatio ad Pontificem interponatur, c. 1. b. t. n. 6.

Quartò, definitiua non valet, si feratur non seruato Iuris ordine; secus de interlocutoria, *can. Si Episcopus* xi. q. 3.

Quintò, sententia definitiua non valet, etiam in fauorem partis absentis, non citatæ: secus de interlocutoria. Et sic de similibus, de quibus videri potest Rebuffus, in l. Quod iussit D. de re iudicata versic. Capiamus.

§. III. Quomodo ferenda sit Sententia.

1. Primò in causa concludendum.
2. Tum citandæ partes ad audiendum ius dici.
3. Deinde iudex ipse pro tribunali sedens sententiam feret.
4. Idque in loco publico & consueto.
5. Ferenda in scripto sententia.
6. Seruato iuris ordine.
7. Secundum allegata & probata, & secundum ius.
8. Debes certa esse sententia & conformis libello.

9. Debet ferri tempore congruo.
10. Die iuridicâ, non feriâ.
11. Et quidem de die, & non de nocte.
12. Eteâ die, ad quam facta est citatio.
13. Confinere debet condemnationem vel absolutionem.
14. Victus victori in expensas condemnandas.

A Legatis & probatis hinc inde, tam ex parte actoris quàm ex parte rei, omnibus, quæ ad suam causam & intentionem spectare iudicauerint, Iudex ex officio suo mercenario litigatores interrogare solet, an aliquid aliud ad intentionis suæ probationem allegatum velint. Quòd si se allegare velle dixerint, audientur. & Iudex competentem terminum statuet, intra quem illud allegent, *Auth. Iubemus Cod. De indicij:* quia Iudex nequit ferre sententiam, nisi omnibus auditis, quæ litigatores utrumque producere & allegare volunt, *can. Iudicantem 111. quest. 5.* * Si verò dixerint, se nihil aliud proponendum habere, iubet eos utrumque ulterioribus probationibus renuntiare, & in causa concludere. Eaque renuntiatio & conclusio confestim in actis inseritur, *c. Quoniam sup. De probat.* nec postea vlla vel allegatio vel probatio vel exceptio admittitur, *c. Cum venisset 25. versic. renuntiatum fuit sup. De testibus.*

2 Indeque Iudex ad causæ principalis decisionem se accinget, & allegatis ac probatis omnibus diligenter & maturè discussis atque examinatis, curabit citari utrumque litigantium, ut certo die compareat ad audiendum ius dici & sententiam ferri, *c. Bertholdus 18. h. t. in verbis, nec per se &c. c. 2. De dolo in 6.* Alioquin contra absentem non citatum lata sententia est nulla, *l. Ea que Cod. Quomodo & quando Iudex &c.* quia sic adimitur defensio.

3 Itaque die dicto, presentibus litigatoribus seu eorum procuratoribus, vel etiam absentibus (dummodò legitimè citati fuerint, & in assignatione diei dictum, quòd siue comparuerint siue non, ad sententiam ferendam procedetur), Iudex ipse pro tribunali sedens, & iustitiam æquitatemque ac solum Deum præ oculis habens, Christi nomine inuocato (prout semper in principio sententiæ inuocari debet, *arg. c. Veritatis, ibi, in nomine Domini sup. De dolo,*) sententiam in scripto secundum eum, qui iustiore causam sustinuerit, feret, & finem controuersię principali imponet.

Dixi, Iudex ipse; quia sententiâ ipsemet ferre debet, nisi consuetudo vel stylus aliud induxerit, aut etiam iura per alium ferri permittant. Sic enim Episcopi, aliæque personæ illustres, per substitutos sententias suas ferre possunt.

Debet

Debet autem Iudex recitare sententiam in loco publico, & maiorum suorum, si sit Ordinarius; qui certam sedem habet, *l. penult. D. De iustitia & iure*. Alioquin delegatus ad vnam causam locum iurisdicendi causâ, honestum tamen, eligere potest, *l. Si cum dies §. si arbiter D. De arbitrio*: quia is non habet certam sedem deputatam: secus in delegato ad vniuersitatem causarum, qui tenetur seruare locum delegantis. Episcopus verò in quolibet loco suæ dioecesis sententiam ferre potest, *c. Cum Episcopus De officio ordinarij in 6*. Potest tamen Iudex ex consensu partium ferre sententiam in loco non solito, modò non egrediatur suum territorium: & similiter Iudex appellationis in quolibet loco honesto. Idem dicendum, si locus solitus non sit tutus: si Episcopus sit vi expulsus extra suam sedem seu dioecesim: si procedatur de plano, aut in causis voluntariæ iurisdictionis.

Sententia de scripto recitari debet, vt sit valida, *c. fin. eod. in 6*. Idque vt euitetur fraus in iudicijs, quæ faciliè eueniret, vnum pro alio protestando. Excipiuntur tamen leues causæ seu lites, maximè vilium personarum & causarum, in quibus non est opus ferri sententiam scripto, *Auth. Nisi breues Cod. De sent. ex breuiculo recitandis*. Item causa matrimonialis, idque speciali fauore matrimonij & liberorum.

Insuper ferri debet, seruato iuris ordine, aliàs est nulla, *c. Ad probandum 24. h. t.* adeò quòd ne quidem summus Pontifex ab eo recedere soleat, nisi necessitas vel vtilitas hoc postulet, *c. In causis 19. h. t.* Ideoq; ferri debet lite contestatâ, auditis vtriusque probationibus, causâque plenè cognitâ; aliàs non valet, *l. Prolatam Cod. De sent. & interlocut. & c.* & in eo distinguitur ab interlocutoria.

Priusquam secundum allegata & probata ferenda sententia, non secundum scientiam priuatam, *can. Iudicat. 111. q. 7. l. Illicitas §. veritas D. De officio Prasidis*: item secundum legum præscripta, *c. 1. b. t.* Nam sententia lata contra leges aut Canones, si contineat iuris errorem expressum, est ipso iure nulla, *d. c. 1. c. Cum inter 13. in verbis, cum contra ius constitutionis expressè lata h. t. & l. Si expressum 19. D. eod.* Vt si Iudex pronuntiet minorem x i v. annis posse facere testamentum, quia lex id expressè prohibet, *l. A qua etate 1. Qui testam. facere pos. l. 2. C. Quando prouocare non est necesse*. Si verò contineat iuris errorem non expressum, quamuis lata contra leges & Canones, valet, quia præsumptio iuris est pro sententia, quòd scilicet Iudex iustâ causa motus eam tulerit. hoc est, quod dicitur, sententiam contra ius litigatoris latam ipso iure valere & transire posse in rem iudicatam, *d. c. Cum inter versio. etsi contra ius h. t.* Vt si motâ lite, aut aliquis possit condere testamentum, Iudex pronuntiet, defunctum potuisse facere testamentum, nec addat maiorem x i v. annis, valet sententia ipso iure, & succurrendum erit

ei, contra quem lata est, per appellationē intra debitum tempus interpolitam, l. 2. *Cod. Quando prouocare non est necesse*: vel per restitutionem in integrum, vel alio extraordinario remedio. Quod si verò Iudex, securus falsa testimonia vel instrumenta sententiam tulerit, summo iure valebit, sed per restitutionem in integrum & ex integro de causa agi poterit, *toto tit. Cod. Si ex falsis instrumentis &c.*

- 8 Insuper sententiā regulariter oportet esse certā & conformē libello, *6. Licet inf. De simonia, Clement. Sæpè §. verum De verb. significat.* Difformis tamen libello fieri potest in causis criminalibus: nam licet accusator libello suo petat reum puniri hac vel illā pœnā, potest Iudex, nō attento libello, infligere eā, quæ sibi iusta videbitur. Similiter in ciuilibus potest Iudex quoad modos, qualitates & tempora, non sequi petitionem libelli, sufficit q̄; si sententia sic conformis libelle in re petita, in causa & actione. In re quidē petita sic, quod Iudex de alia non pronuntiet, nisi fortē vnā in libello petatur, & pēdente iudicio incipiat constare de alia, debita vel per probationem vel per confessionem. Quā ratione potest Iudex etiam petentem debitum condemnare ad restitutionē pignoris, licet ea non sit petita: quia illa restitutio venit ex natura actionis. Atque ita sententia potest ferri super non petitis in libello, quando sunt vel de natura peritorum, vel correlatiua, vel correspondentia, vel ex eodē fonte manant. Papa quoq; & Princeps, quia soluti sunt legibus, solā veritate facti inspectā, pronuntiare possunt. Quod intellige de ueritate legibus roborata, *Gail. 1. Obser. 42. quem vide.*

In causa verò petendi sic conformis esse debet, quod Iudex aliam non proferat, l. *Habeat D. De instit. actione.* Denique in actione, vt Iudex sequatur actionem, quam actor instituit, l. *Edita Cod. De edendo.* Attamen libellus, vt sententia ei conformis sit valida, debet esse aptus: nam super inepto lata ipso iure, etiam parte non opponente, est nulla, c. *Cum dilecti inf. De emptione*: adeò quod Iudex appellationis eam non possit reformare, sed necessariò super nullitate pronuntiare debeat, actorem in expensas condemnando. Vide *Gail. 1. Obser. 66.*

- 9 Ad hæc ferri debet sententia tempore congruo: & quidem in criminalibus intra duos annos, à contestatione litis numerandos; aliàs lapsu biennij instantia accusatoris perit & accusator punitur, l. 1. & *fin. Cod. Vt intra certum tempus criminalis questio terminetur*: In ciuilibus autem intra triennium, à cōtestatione litis numerandum, aliàs triennij lapsu iudicij instantia extinguitur, l. *Properandum in princ. Cod. De iudicijs.* Licet ius Canonicū, quod à quolibet iusto grauamine prius admiserat appellationem, noluerit instantiam lapsu triennij perire, c. *Venerabilis sup. De iudicijs.*
- 10 Præterea ferri debet die nō feriata, sed iuridica, c. 1. *sup. De ferijs*; aliàs non tenet, l. *Si ut proponis in princ. Cod. Quo modo & quando Iudex &c. siue ferie*

feriæ sint indiçtæ in honorem Dei, *l. fin. Cod. De ferijs*; siue ob necessitatem hominum, *l. D. eod.* siue sint repentiæ, siue non, *Clement. Sapè De verb. significat.* Hoc tamen discrimine, quòd ferijs in dictis in honorè Dei lata sentètia, ne quidè ex consensu partium valeat; in dictis autem in priuatâ hominum vtilitatè lata, de partium consensu expressio vel tacito, valeat, *c. fin. sup. De ferijs, l. omnes Cod. eod. tit. d. l. Si vs proponis.* Aliud dicendum de extraiudiciali vel interlocutoria sententia.

Debet etiam ferri de die: nam de nocte lata communiter non valet, *11 c. Consuluit, & ibi Glos. sup. De officio delegati.* Et in hoc distinguitur iterum definitiua ab interlocutoria, quæ noctu & quolibet tempore ferri potest: sicut & quolibet loco, nisi requirat causæ cognitionem. Si tamen consuetudo obtineret, sententiam noctu ferri, valeret: sicut &, si ambæ partes sint præsentès, & non contradicant.

Rursus ferenda eâ die & horâ, ad quam facta est citatio, non ante *12 vel post*, quando scilicet citatus non fuit contumax: nam si fuerit contumax, potest Iudex postea quando cumque sententiam ferre, sine alia citatione; ex quo propter contumaciam semper est in mora.

Potest etiam ferri sententia dilatione pendente, *l. Siue pars Cod. De delationib.* aliàs est nulla.

Semperque continere debet condemnationem vel absolutionem, *13 expresse vel virtualiter, l. Quid tamen si arbiter D. De arbitris*; alias vel aliter non valet, *l. 1. D. De re iudicata, c. Illa inf. De accusationibus.* Potest tamen eadem sententia & absolutionem & condemnationem continere, respectu diuersorum articulorum.

Causam verò condemnationis vel absolutionis regulariter exprimi non oportet, *c. Sicut 16. vbi Parnor. h. tit.* neque consuetum est exprimi, quia eâ probatâ falsâ sentètia esset ipso iure nulla, quæ nõ expressâ causâ præsumitur ritè & legitimè secundû causas exactis apparentes lata.

Deniq; incumbit Iudici regulariter victum, tanquam temerarium *14 litigatorem, condemnare in expensas, l. Properandum §. siue autè Cod. De iudicijs*, tam in ciuilibus, quàm in criminalibus, *c. Calumniam inf. De penis.* Nam regula est, victum victori in expensas condemnandû esse: nisi sententia pro absente feratur, *d. l. Properandum & d. c. Calumniam*, aut fortè causam litigandi probabilem habuerit, *c. Sacro §. cumque: e sent. excommunicat.* Non tamen in omnes omnino, sed tantum necessarias expensas condemnandus est: nõ etiam in voluntarias seu voluptuarias *Glos. in c. Finem litibus sup. De dolo & contum.* Quare si rusticus pedester ire solitus, eques vel vehiculo ad iudiciû veniat, hæ expensæ non veniunt in condemnationem, *Glos. in l. Idemque §. idem Labeo D. mandati.* Deduci quoque expensæ debent, quas victor domi factururus fuisset: quas Iudex & testes non deducunt, quia pro iure alieno laborant, victor autè pro suo.

§. IV. De pluribus Iudicibus eiusdem litis.

1. Hoc casu omnes sententiam dicent.
2. Vno condemnante, altero absolvente tenet pro reo sententia.
3. Delegatis dissentientibus in pendentem est sententia.

SI aliquis sit solus Iudex, sententiam solus ferre potest & debet, l. Diem proferre 27. §. 4. D. De arbitris, c. fin. h. t. in 6. Si vero plures fuerint constituti Iudices, proferent omnes sententiam, idque coram, nec valebit sententia reliquorum, vno absente, d. l. 27. §. 4. Si autem adsit, & contra alios sentiat, vel etiam iuret, sibi non liquere, statuit reliquorum sententia, d. l. 27. Sin omnes sint presentes, sed in diuersas summas condemnent, stabitur minimæ, nisi plures in maiores summas consentiant, c. 1. De arbitris in 6. nam & deterior pars præualeat, si numerosior sit, d. l. 27. §. 3. D. eod.

2 Quod si è duobus vnus absoluat, alter condemnet, præualebit sententia absolutoria, seu pro reo lata, c. fin. h. t. iuxta regulam iuris, quæ dicat, cum partium sunt obscura, reo potius esse fauendum, c. Comparitum De R. I. in 6. & l. Favorabiliores D. eod. tit. Nisi agentis causa sit fauorabilis, veluti causa libertatis, dotis, matrimonij, testamenti, secundum quam lata sententia actori magis proficiet, quam alia lata pro reo, d. c. fin. & l. Si pars 10. D. De inoff. testamento; aut absolutoria sit manifestè iniqua, d. l. Si pars.

3 Et hæc quidem in iudicibus ordinarijs, qui iurisdictionem exercent suo nomine: nam si duo delegati dissentiant, sententia vtriusque erit in pendentem, donec delegans, cuius nomine exercent iurisdictionem, alteram, prout sibi videbitur, eligat & cõfirmet d. c. fin. & l. duo Iudices: 28. D. De re iudic. Arbitrorum verò dissentientium sententiæ nullius sunt momenti, d. c. fin. d. l. Diem 27. §. 3. D. De receptu arbitris.

§. V. De fine & effectu Sententiæ definitiue.

1. Finit litem & potestatem iudicis.
2. Facit ius inter partes.
3. Producit a Tori a Tionem iudicati, reo exceptionem.
4. Non retrahatur ob noua instrumenta aut errorem calculi.

Finit

Finis & effectus sententiæ definitivæ in primis est, finire litem, *c. 2. h. t.* & finire potestatem iudicis, quia is, posteaquam semel sententiam dixit, quoad eam causam cōfinit esse iudex, *l. iudex 55. D. De re iudicata*. Et ideo sententiam semel latam non potest mutare, emendare, corrigere, revocare, *l. Quod iussit 14. D. De re iudicata*, nec in ea reservare sibi condemnationem in expensas, quia iam functus est officio, *l. Paulus 42. D. d. tit. & d. l. iudex*. nec potest pro parte decidere, pro parte non. Si tamen in prolatione sententiæ omiserit condemnationem in expensas, poterit totâ eâ die, quâ sententiam tulit, quæ eidem desunt, veluti condemnationem ac taxationem expensarum, supplere, postea verò non potest, *d. l. Paulus*, nec amplius illæ peti poterunt, *l. 3. Cod. De fructibus & lit. expensis*.

Secundò, facit ius inter partes, inter quas lata est, ubi in rem transiuerit iudicatam, id est ubi intra decem dies à die prolationis vel sciente ab ea non fuerit appellatum, *c. Inter monasterium 20. h. t.* aut appellatio fuerit deserta: quia tum pro veritate habetur, *l. Res iudicata D. De reg. iur.*; idque præsumptione iuris & de iure: licet contra ius litigatoris lata fuerit, *c. Cum inter vos 13. h. t.*

Dixi, facere ius inter partes, inter quas lata est; quia res inter alios acta ac iudicata alijs regulariter non nocet, *c. penult. h. t.* Et in hoc differt sententia & res iudicata à lege & Canone, quia lex & Canon omnes omninò obligant, *c. 1. sup. De constitut.* Et ideo, si ex duobus hæredibus debitoris alter condemnatur, alteri integra defensio est, etiamsi ex eadem causa cum hærede sciuerit agi, *l. Sape D. De re iudicata*.

Dixi, regulariter; quia hæc regula, quod res inter alios acta alijs non præiudicet, patitur quasdam exceptiones, de quibus in *d. l. Sape D. De re iudic.* Nam si quis de eâ re, cuius actio vel defensio primum sibi competit, agi cum sequenti vel alio patiatur, & taceat, sententia contra sequentem lata, ipsi etiam præiudicabit, *d. l. Sape. v. g. si gener socerum vel possessor venditorem, de proprietate rei emptæ vel in dotem datæ experiri patiatur, condemnato socero vel venditore, sententia nocebit genero vel possessori*: quia licet cum his actum non sit, tamen quia ex eorum voluntate actum esse intelligitur, eis scientibus præiudicabit.

Tertius effectus est, producere actori, pro quo lata est, actionem iudicati siue rei iudicatæ, ut præstet reus id, in quo condemnatus est, satisfaciatq; sententiæ, *l. Actori 8. Cod. De rebus creditis*. Estque civilis ea actio, descendens ex lege xii. Tabb. personalis, *l. 3. §. 11. D. De peculio*: perpetua & rei persecutoria, hæredi & in hæredem competens, *l. Miles §. ult. D. De re iudicata*. Reo verò per sententiam absoluto producit exceptionem rei iudicatæ, contra actorem eiusque hæredem, vel alium,

eius nomine agentem, l. *Rei iudicata* D. *De excep. rei iudic.* nisi fortè nunc ab intestato conueniatur, qui antè ex testamento conueniebatur.

- 4 Denique sententia semel lata non rescinditur prætèxtu instrumentorum de nouo repletorum, vel aliarum probationum, c. *Inter monasterium* c. *suborta* 21. h. t. l. *Sub prætèxtu.* Cod. *De transact.* l. *Sub specie* D. *De rei iudicata.* Nisi lata sit ex præsumptionibus, aut ex opinione peritorum in aliqua arte, aut in causa matrimoniali, alijsque causis exceptis, de quibus *Glos. in c. Lator.* 7. h. t. nec item ratione erroris in calculo seu computatione, l. 2. Cod. *De rei iudicata* l. *unica* Cod. *De errore calculi;* nisi error calculi in sententia exprimat, l. 19. §. 1. D. *quæ sententia sine appellat. rescinduntur.* Solutum quoque auctoritate rei iudicæ non repetitur tanquam indebitum, l. 1. Cod. *De condict. indebiti,* l. *Si fideiussor* §. *in omnibus* D. *mandati* l. *Cum putarem* D. *Familie erciscunde.*

TITVLVS XXVIII.

De Appellationibus, Recusationibus, & Relationibus.

§. I. Quid sit Appellatio & quotuplex.

1. Ratio ordinis.
2. Appellatio quid sit.
3. Alia est Iudicialis, alia Extraiudicialis.
4. Extraiudicialis quo modo fiat.
5. Item appellationum alia rationabiles, alia frustratoria &c.

Quia sententia subinde fertur contra ius alterius litigantium, siue per imperitiam Iudicis, siue quia litigator non satis ius suum deduxerit & probauerit: ideo necessarium fuit, vt introduceretur appellandi vsus, l. 1. D. *h. t.* nam per appellationem effectus sententiæ impeditur, quæ aliàs transiret in rem iudicatam; & quia Recusatio ac Relatio conueniunt cum Appellatione in iurisdictione Iudicis suspendenda, ideò, ne Tituli multiplicentur, simul & semel de his tribus tractandum erit.

2 Est autem Appellatio hoc loco ab inferiore Iudice ad superiorem facta prouocatio, ratione grauaminis illati vel inferendi.

3 Ea est duplex, Iudicialis, quæ propriè & strictè dicitur Appellatio; & Extraiudicialis, c. *Clement.* 3. eod. tit. & hæc dicitur Appellatio latè
supra.

sumpta. Illa est à sententia siue de finitiua siue interlocutoria, vtea corrigatur: hæc autem ab actibus & decretis extraiudicialibus, c. 1. c. *Concertationi* h. t. in 6. l. 1. §. *solent*. D. *Quando appellandum sit*, vt dum appellatur ab electione, spoliatione, & iimilibus, *Clement. Sicut* 3. *cod. tit.* Et solet dici Prouocatio ad causam, & habet vim conuentionis, c. *Cum sit Romana*. §. §. *si vero* h. t. ideoque fieri debet ad Iudicem ordinarium, coram quo citandus & vocandus esset aduersarius pro lite, dum est litigandum viâ ordinariâ, d. c. *Cum sit Romana in fine*, *Glos. in d. c. Concertationi in V. grauatum*: nec vnquam suspendit executionem, nec causat attentata, c. *Cum inter* 21. *sup. De electione*, *Gonzales ad Reg. VII. Cancell. Glos. 9. in annotat. contra nullitates & attentata n. 29.* vbi subiungit, hanc esse vnâ differentiam inter appellationem extraiudicialem & iudicialem, ex quatuordecim, quas assignat Abbas in c. *Bona memoria* §1. h. t.

Rursus Extraiudicialis est duplex: aut enim non à Iudice, sed à parte extra iudicium appellatur, d. c. *Bona memoria*; vel à Iudice extraiudicialiter procedente. 4

Appellationum, siue Iudicialium siue Extraiudicialium, aliæ sunt rationabiles & iustæ seu legitimæ, aliæ frustratorix, friuolæ, inanes & leues. Frustratorix, vt quæ morandæ solutionis vel suspendendi iudicij causâ interponuntur, l. *Tutor* D. *De vsuris*. Friuolæ autem & leues, quæ pro minimis rebus interijciuntur, quæque vt tales & temerariæ reijciuntur, & quas etiam reijcit Vlp. in l. *Si rem alienam* §. *solutam autem* D. *De pignorat actione*. 5

§. II. Quis appellare possit.

1. Appellat quilibet, cuius interest.
2. Vnius è socijs appellatio etiam alijs prodest.
3. Et domini prodest subdito.
4. Excommunicatus in iudicio rectè appellat.
5. Item procurator habens mandatum.
6. Non grauatus non appellat.

Appellare potest non solùm is, qui condemnatus est, nomine siue suo siue alieno, veluti procuratorio, tutorio, l. 4. §. *fin. & tutor* : 7. D. h. t. modò non sit condemnatus verè contumax, l. 1. *Cod. Quorum appellat. non recip.* sed etiam quilibet alius, cuius interest, licet condemnatus non sit, l. 1. D. *De appellat. recip.* Hinc

Hinc enim humanitatis ratione receptum est, ut pro damnato ad supplicium prouocare quilibet possit, l. 6. D. h. r. quasi omnium interit, innocentem defendi, & hominem hominis beneficio affici, l. *Seruus D. De seruis exportandis.*

- 2 Quod si vnus è pluribus appellauerit, & causa sit communis, & vna eademque omnium defensio, appellatio eius etiam proderit alijs, qui non appellauerint, l. 1. & 2. *Cod. Si vnus ex pluribus appell. l. 10. §. fin. D. eod.* Quo l obtinet etiam in correis criminalibus, Iul. Clarus §. *fin. q. 94. versic. Quero numquid.* Licet aliud obtineat in beneficio restitutionis, in quo vnus restitutio alteri non prodest, d. l. 2. & l. 1. *Cod. Si in communi eademque causa in integ. restit. postuletur.*
- 3 Sed & domini appellatio subdito prodest, si subditi saltem per consequentiam interfit, arg. c. *Dilectus 55. h. r.*
- 4 Excommunicatus appellare quidem potest iudicialiter, quia illa appellatio est species defensionis, quam ne quidem diabolo denegandam scribit Speculator; extra iudicialiter verò appellare non potest, quia talis appellatio habet vim conuentionis: atqui excommunicatus alterum conuenire non potest.
- 5 Ut autem procurator possit appellare, debet habere mandatum, saltem generale, hocque sufficit, cum appellatio sit de prosecutione primæ instantiæ: & ideo tenetur quoque appellare, & appellationem à se interpositam denuntiare domino, illis casibus, quibus prosequi non tenetur, c. *penult. sup. De procurat.* An autem & quando possit vel teneatur aut non teneatur eam prosequi, vide Sacciam *Tract. De appellat. q. 5. Caluolum in Praxi §. Procurator Conclus. 1.*
- 6 Quemadmodum verò quilibet grauatus & cuius interest potest appellare, ita è diuerso nō grauatus, & cuius nō interest, nō appellat, quia grauamen est causa appellationis, quo proinde cessante cessat appellatio. Hinc ob veram contumaciam condemnatus non appellat, quia nō dicitur is grauatus. Similiter nec notorius delinquens seu confessus & conuictus, quia non dicitur quoque grauatus. Sed & friuolè appellans audiri non debet, quia grauatus non sit, sed alium grauare studeat: vnde etiam mulctari vel excommunicari potest.

§. III. A quibus Iudicibus appellare liceat.

1. Regulariter ab omnibus iudicibus appellatur.
2. Falit in Principe, non recognoscente superiorem.
3. Falit item in supremis Concilijs.

4. In Episcopo, cuius prorogata est iurisdictio.
5. In delegato à Principe.
6. In arbitro.
7. In iudice, qui reuocauit grauamen.

Regulariter appellari potest ab omnibus Iudicibus, qui sententiam tulerunt, siue sint ordinarij siue delegati, *can. Omnia, can. Ad Romanam 2. quest. 7. Speculator h. t. §. videndum restat 18. & latè Scaccia De appellat. q. 16.* Cùm enim appellatio habeat naturam defensionis, *c. Cum specialis 61. §. porro h. t.* debet omnibus regulariter esse permissa: nec facit iniuriam Iudici, qui ab eius sententia appellat. *Rebuff. Tract. De supplicat. n. 49.*

Fallit autem hæc regula; Primò, in Principe, non recognoscente² superiorem, nisi ad aliorum relationem pronuntiauerit, aut ab eo male informato ad melius informandum appelletur, *Scaccia q. 8. n. 65.* quia de substantia appellationis est, quòd fiat à minori ad maiorem, qualem non habet, qui alium non recognoscit superiorem. Si tamen sententia Principis secularis huiusmodi contineret manifestam iniquitatem, posset ab ea ad Papam appellari, *arg. Glos. in c. Ex transmissa sup. De foro competentis*: quia Papa ratione peccati omnium talium Principum est Iudex competens.

Secundò, fallit in supremis Concilijs, quia eorum sententia censetur³ sententia Regis aut Principis.

Tertiò, in Episcopo, cuius iurisdictio fuit prorogata, *l. Episcopali Cod. De Episcopali audientia.* Idque speciale est in Episcopo: nam secus obtinet in alio Iudice prorogato, vel dato de communi consensu partium, *l. Ex consensu 23. h. t.*

Quartò, in delegato à Principe, cum clausula, *Remotà appellatione, c. 5. Pastoralis 53. h. t.* quæ tamen clausula de friuola & leui, non etiam de graui & legitima appellatione intelligi debet, *d. c. Pastoralis, Gail. 1. Obser. 33. n. 4. & 5.* De effectu verò istius clausulæ vide citatos à Maranta, *6. p. principali actu 2. n. 238.*

Quintò, in arbitro, nisi fuerit arbiter Iuris, vt antè diximus, *ad Tit. de arbitris.* Vide Marantam *d. 6. p. actu 2. principali n. 162. & seqq. & 4. p. principali Distinct. 6. versic. Quæro, ancoram arbitro &c.*

Denique in Iudice, qui reuocauit grauamen, quod fuerat commi-⁷ natus; nisi alio modo sit suspectus, *c. Cum cessante 60. h. t.*

§. IV. A quibus sententijs seu actibus appellare liceat, vel non.

1. Iure civili appellatur à sententia definitiva.
2. Et ab interlocutoria, vim definitivam habente.
3. Iure Canonico ab omni gravamine.
4. Ex Concil. Trid. tantum à gravamine irreparabili.
5. Ab eadem sententia tertio appellare non licet.
6. Non appellat verus contumax.
7. Non confessus & convictus.
8. Non reus de crimine notorio.
9. Aut condemnatus de crimine hæresis &c.
10. Non condemnatus pro debito publico.
11. Non Officialis condemnatus à suo iudice.
12. Præterea non appellatur à sententia in causa decimarum.
13. Non ab eo actu, quem quis probavit.
14. Non in causis requirentibus celeritatem.
15. Non à nominatione ad munera publica.
16. Non ex vi clausula Appellatione remotâ &c.

Regulariter appellari potest à quacumq; sententia, & in quibuscumq; causis seu casibus, siue civilibus siue criminalibus, c. Cū Romana §. h. t. nisi inveniatur à iure prohibitum, Rebuff. Tract. De appellat. in præfat. n. 72. quia regulariter appellatio est magis favorabilis, quàm sententia, Gonzales ad Reg. VIII. Cancell. in annotat. ad Glossam 9. contra nullitates & attentata n. 25. Hoc tamen discrimine inter ius civile & Canonicum, quòd iure civili tantum permittatur appellatio à sententia definitiva, & quidem valida: nam ab invalidis, cum ipso iure nullæ sint, frustra appellatur, toto tit. Cod. Quando provocare non est necesse, & tit. D. Quæ sententiæ sine appellat. rescinduntur. l. Si expressim 19. l. Ex consensu 23. §. 1. D. h. t. licet in dubio nullitas possit per alternatiuam appellationi coniungi, DD. in d. l. Si expressim. * Ab interlocutoria autem hoc iure appellare non licet, l. Ante 7. Cod. Quorum appellat. non recip. l. fin. Cod. De sentent. & interlocut. om. iud. nisi certis casibus, quibus scilicet interlocutoria habet vim definitivæ, & continet gravamen, quod per sententiam definitivam vel appellationem ab ea reparari non possit, l. Intra 47. D. De minoribus, l. 2. D. De appellationibus recipiend. l. Arbitro D. Qui satisd. cogant. Vide latius Hostien. in Summa h. t. tum quia aliàs Iudex interlocutoriam, quam tulit, reuocare potest; tum quia

quia si quid in ea peccatum sit, potest corrigi per sequentem sententiam definitivam: & ideo præsumit lex, tales appellationes interponi tantum differendæ litis causâ; & appellationes eiusmodi Interpretes vocant appellationes frustratoriarum dilationis.

At verò iure Canonico ab omni interlocutoria & omni gravamine, etiam extrajudiciali, illato vel inferendo, appellare licet, d. c. *Cum sit Romana* §. si vero c. *Bona memoria* §2. c. *Vt debitus* §9. & alijs h. t. quia appellatio est species defensionis, & in præsidium innocentiarum comparata, c. *Pastoralis* §3. & c. *Cum speciali* 61. §. porro h. t. & ius Canonicum omnem iniquitatem corrigi statim cupit, nec vult differri in sententiam definitivam, quæ sæpè multo post tempore sequitur.

Cæterum Concilium Trid. Sess. 24. cap. 20. *De reformat. & Sess. 13. cap. 1. De reformat.* non aliter permittit appellari ab interlocutoria, quam si vim definitivam habeat, & gravamen contineat irreparabile, cuiusmodi est incarceration, tortura, excommunicatio, suspensio, interdictum, Piasc. *Praxis Episcop.* p. 2. cap. 4. tit. *De appellat.* n. 100. omnisq; actus irrettractabilis, & quo executioni mandato pars gravata amplius sublevari non potest per definitivam, aut appellationem à definitivam, vel non sine difficultate & præiudicio partis aut negotij principalis, Gonzales ad Reg. v 111. *Cancel. in Annotat. ad* §. 9. n. 176. & tribus seqq.

Dixi, regulariter appellari posse à quacumque sententia; quia multi sunt casus, quibus appellatio non licet. Nam in primis ab una & eadem sententia, siue definitiva siue interlocutoria, & ab uno & eodem iudice, tertio appellare non licet, c. *Sua nobis* 65. h. t. l. 1. *Cod. Ne liceat in una eademque* & c. quia lex & Canon præsumit esse iustum, quod tribus diversis iudicijs ac conformibus sententijs est firmatum; & quidem præsumptione iuris & de iure, & quia alias lites in infinitum protraherentur. Si tamen per tertiam sententiam inferatur novum gravamen, ut si tertius Iudex condemnet in expensas, in quas alij non condemnarunt, poterit ab ipso gravamine appellari: sicut & is, qui bis appellavit, potest sententiam tertiam dicere nullam; & si super ista nullitate succumbat, licebit iterum appellare, tanquam à novo gravamine.

Secundò, verus contumax non appellat, l. 1. *Cod. Quorum appellat. non recip. l. Ex consensu* 23. §. fin. D. h. t. Vide Sacciam *De appellat.* q. 17. limitat. 3. n. 4. quia appellatio datur oppresso & gravato à Iudice, non autem ei, qui Iudici est rebellis. vti est verus contumax.

Tertio, Confessus & simul conuictus non appellat, si utique sponte sua confessus, & clara probatione conuictus sit: non verò si per tormenta sit confessus, aut dubiâ probatione conuictus, aut si confessus

solum fuerit, & non conuictus, vel contrà: nam rum appellare posset, quia illa duo copulatiuè requiruntur, de iure non tantum civili, sed & Canonico, tam in civilibus, quàm in criminalibus, vt tradit Maranta 6. p. 4. tu 2. n. 292. vbi declarat, quo pacto intelligendum sit *c. Romana 3. §. si autem h. t. in 6.* quo innui videtur, confessum, & non conuictum, audiendum non esse: ex quo aliqui differentiam inter ius civile & Canonicum desumunt.

8 Quirto, non appellatur in factis notorijs, *c. Cum sit §. in fine c. Peruenit 13. c. Consuluit 14. h. t.* nisi in appellatione inseratur causa rationalis, *Glos. in d. §. si autem in V. mandetur*: quia constat reum, de crimine notorio condemnatum, si appellet, tantum appellare differendæ pœnæ causâ: quod admitti non debet, cum, vt ait Pont. appellatio non sit remedium, ad defensionem iniquitatis, sed ad præsidium innocentie constitutum, *c. Cum speciali 61. §. porro h. t.*

9 Quinto, condemnatus de crimine falsæ monete, *l. 1. Cod. De falsa moneta*; læsæ Maiestatis, *l. Constitutiones D. h. t. aut hæresis, c. Vt inquisitionis De hæreticis in 6.* aut de raptu virginis, *l. unica §. si autem Cod. De raptu virg.* In quibus tamen criminibus appellari potest ante sententiâ.

10 Sexto, condemnatus pto debito publico seu fiscali, *l. Abstinentium 4. l. fin. Cod. Quorum appellat. non recip. can. Ei qui appellat §. quoties 2. q. 6.* quando scilicet fiscus certat de damno vitando: secus, si de lucro captando.

11 Septimò, Officialis alicuius Iudicis, pro gestis in officio condemnatus, à suo Iudice non appellat, *l. Nulli Cod. Quorum appellat. non recip.* sicut nec quilibet Officialis, condemnatus in syndicato, ad effectum retardandæ executionis.

12 Octauò, non appellatur à sententia lata in causa decimarum, *c. Tua nobis, & ibi Glos. inf. De decimis*: nec item de iure civili à sententia lata in causa possessorij, *l. 1. Cod. De momentanea possess.* quando scilicet causa est modici præiudicij; cuiusmodi est iudicium spoliationis, quod summarie & veluti in momento expediri consuevit. Et hoc quoad effectum retardandæ executionis: alioquin valet appellatio quoad effectum deuolutiuum. Similiter de iure civili non appellatur in causis minimis, & breuioribus: secus de iure Canonico.

13 Nonò, non appellat quis ab eo actu, quem probauit, *l. Ab eo Cod. Quomodo & quando Iudex &c.* Similiter non appellat, qui renuntiavit appellationi suæ, siue expressè siue tacitè, vt renuntiare potest, *l. fin. Cod. De temporibus, appellat.* vti quando accepit terminum ad soluendû.

14 Decimò, non appellatur in causis requirentibus celeritatem, saltem ad impediendam executionem; nec vbi agitur de regularis disciplinæ correctione, *c. Ad nostram & alijs h. t.* quia, vt ait Pont. in d. c.

Ad nostram.

Ad nostram, remedium appellationis non ideo est inuentum, ut alicui à religionis & ordinis obseruantia exorbitanti debeat in sua nequitia patrocinium exhibere: nisi corrigens excedat modum in corrigendo, quia tum appellare licet, causâ grauaminis expressâ, *c. De Priore* 31. *h. t.*

Vndecimò, non appellatur à nominatione ad munera auctoritate publica, & utilitate priuata, v. g. ad tutelam, *l. 1. §. si quis D. Quando appellandum sit*. Alioquin à nominatione ad munera, auctoritate & utilitate publica, licet appellare, *l. 2. Cod. De decurionibus*.

Duodecimò, non etiam ab actu, qui fit secundum iuris dispositionem, nisi expressâ & insertâ rationabili causâ, ob quam admitti debeat appellatio: quia regula generalis est, quod à lege generali, latâ ab eo, qui habeat potestatem ferendæ legis, non possit appellari, *textus & D. D. in c. Quia nos* 32. *h. t.*

Denique, ut alios casus omitтам, non appellatur in causis commissis cum clausula, *Appellatione remota*: quâ clausulâ, quoad appellationem à definitiua, solus Princeps in rescriptis suis uti potest; quoad interlocutoriam verò etiam inferior. Nec item à sententia excommunicationis, iam lata, saltem ad effectum retardandæ executionis. Nec insuper à monitione & mandato de residendo in Ecclesia, quam quis obtinet, *c. Peruenit* 28. & ibi *D. D. h. t.*

Notandum postremò, pro complemento, quod in omnibus casibus, in quibus non potest appellari à sententia definitiua, possit appellari ab interlocutoria: quia eius grauamen non speratur posse reparari per appellationem à definitiua.

§. V. Coram quo sit appellandum.

1. *Appellandum à iudice & coram eo, qui sententiam tulit.*
2. *Absente iudice facta appellatio cui intimanda.*

Appellandum, siue iudicialiter siue extraiudicialiter, corâ Iudice, qui sententiam tulit, & à quo appellatur, *c. Ut debetur* 59. *h. t.* quia illi debet innotescere appellatio, ad hoc, ut ulterius non procedat; & si processerit, reuocentur per eum acta tanquam attentata. Et ideo, si plures de causâ cognouerint, & sententiam dixerint, debet coram omnibus simul collectis, vel, si omnium copia simul haberi non possit, coram singulis vel maiori parte ipsorum separatim appellari, *Clement. 1. h. t.* Quod si nequidem maioris partis copia haberi possit, sufficiet appellare coram eo, vel ijs, cuius vel quorum copia haberi potest, adiectâ protestatione. Si denique nullius copia haberi queat, aut etiam coram Iudice, à quo præsentem quis ob iustum metum appellare non audeat, protestatione super hoc interpositâ,

& causis appellationis saltem in genere expressis, coram probis viris vel coram Notario & testibus, etiam extraiudicialiter, appellare potest, *c. vlt. & ibi Glos. & Francus h. t.* vel adire Iudicem ad quem, porrigendo ei appellationem suam. Quis autem dicitur metus iustus, relinquitur Iudicis arbitrio, *Franc. in d. c. vlt. n. 12.*

Quando verò appellatio interponitur absente Iudice & parte, debet ob absentiam, quia scilicet copia eorum haberi non possit, appellatio, coram superiore Iudice vel honestis personis interposita, utrique & Iudici & parti intimari, ad hoc, ut suspendatur iurisdictio Iudicis à quo: nisi aliter ad eorum notitiam pervenerit, ut latè deducit Saccia *De appellat. q. 6. n. 31. & seqq.* Sin autem interposita sit in absentia Iudicis, propter eius metum, non est necesse ipsi intimari: quia sicut metus iustus excusat ab appellatione, coram eo facienda, ita & ab intimatione appellationis eidem faciendæ. Similiter si appelleretur extraiudicialiter in absentia aduersarij, debet intra mensem ei vel eius procuratori intimari, *Clement. Causam. 3. De elect.*

6. V L. Ad quem sit appellandum.

1. Appellandum à iudice inferiore ad superiorem.
2. Et quidem gradatim, non omisso iudice intermedio.
3. Quod tamen fallit iure Canonico quoad Summum Pontificem.
4. Ratio diversitatis.
5. Nisi etiam partes prorogent iurisdictionem alterius iudicis.
6. Fallit quoque in delegato iudice regulariter.
7. De provocante per errorem ad alium iudicem, quàm debuit.

Appellandum est à Iudice inferiore, qui sententiam tulit, ad eius superiorem, & quidem gradatim ad proximum & immediatum, non autem ad alium, siue æqualem siue superiorem, non proximum, *l. Imperatores 21. in princ. h. t.*

Dico, ab inferiori ad superiorem; quia superioris est corrigere factum seu errorem inferioris, non contrà, *c. Cum inferior sup De maiorit. & obed.* adeò ut ne quidem consuetudine induci possit, ut ad minorem vel parem fiat appellatio, quia consuetudo inducens, ut minor in maiorem vel par in parem habeat iurisdictionem, non valet, *Archidiacon. in can. Inferior Distinct. 21.*

Dixi, & quidem gradatim ad proximum, *c. Dilecti 65. h. t. c. Romana eod. in 6.* quia confundi iurisdictiones non debent, *l. Nemo Cod. De iurisdic. omnium iudic. Glos. ibid. in v. auxilium.* Idque adeo obtinet iure civili, ut ne quidem ad Imperatorem seu Principem, omisso medio Iudice, liceat appellare, *d. l. Imperatores D. b. t.*

Dico,

Dico, iure civili; quia iure Pontificio à quolibet inferiore Iudice, 3
in causis fori Ecclesiastici, vel etiam secularis, quoad eos, qui subsunt
temporali iurisdictioni Ecclesiæ, ad summum Pontificem immediatè,
omissis intermedijs iudicibus appellare licet, c. 7. c. De priore 31. c. Ad
audientiam 34. c. Dilecti 52. h. t. Sicut & ad Legatum de Latere, in pro-
uincia sibi decreta existentem, c. 1. sup. De officio Legati, & ibi Panormit.
Maranta 6. p. acti 2. n. 371. quia gerit vices Papæ, & concurret cum
quolibet Ordinario in provincia sibi decreta. Aliàs regulariter etiam
iure Canonico oportet gradatim appellare ad proximum superiorem,
nisi fortè consuetudo loci (quæ iurisdictionem tribuit, c. Cum contin-
gat sup. De foro compet.) aliud terat, c. 3. §. ab Archidiacono eod. in 6.

Ratio diuersitatis inter Ius civile & Canonicum est, quia summus 4
Pontifex omnium inferiorum Iudicum est Ordinarius, & cum omni-
bus Ordinarijs, ob Sedis Apostolicæ prærogatiuam, concurret, d. c.
Si duobus 7. & alijs similibus, Concil. Trid. Sess. 24. cap. 20. De reformat.
nec communicando aliquibus iurisdictionem ordinariam vel delega-
tam, abdicat à se suam iurisdictionem: At verò Princeps iurisdictionem
inferiorum Iudicum à se abdicauit, d. 1. Imperatores.

Intellige tamen, appellationem ad alium, quàm ad immediatum 5
superiorem, non subsistere de iure civili, si contra eam excipiat, aliàs
valebit, Glossa in d. c. Dilecti: quia partes prorogare possunt in se iurif-
dictionem alterius Iudicis, etiam sine consensu Iudicis prioris.

Intellige rursus prædicta quoad appellationem ab Ordinario Iudi- 6
ce: nam à delegato ad delegantem vel eius in officio successorem ap-
pellatur, ut antè diximus: nisi Ordinarius delegans causam delegaret,
quia suspectus, nam tunc non ad ipsum delegantem, sed ad immédia-
tum eius superiorem appellabitur: aut nisi delegans totius causæ iurif-
dictionem delegauerit, c. Super questionum 27. §. porro sup. De officio Iud.
delegati.

Quod si Iudex laicus commiserit causam Episcopo, ab eius senten-
tia ad delegantem laicum vel eius superiorem laicum appellabitur. Si
verò duo Iudices pronuntiauerint, quorum vnus sit laicus, alter Eccle-
siasticus, appellari debet ad superiorem Ecclesiasticum, quippe dignio-
rem, Maranta 6. p. acti 2. n. 392. Sicut & quando laicus & Clericus
sunt arbitratores, reductio fit ad superiorem Ecclesiasticum. Maranta
d. loco n. seq. Si laicus pronuntiauerit se Iudicem competentem in ali-
qua causa spiritali, non appellabitur ad eius superiorem laicum, sed
Episcopum. Maranta d. loco n. 397.

Denique si per errorem quis ad alium Iudicem quàm debuit, prouo- 7
cauerit, distinguendum: nam si ad alium maiorem prouocauerit, error
ei non nocebit, secus, si ad minorem, l. 1. §. si quis in princ. D. h. t.

5. VII. Quando & à quo tempore interponi debeat appellatio.

1. Tempora fatalia appellationis tria.
2. Tempus introducendæ appellationis hodie 10. dierum.
3. Idque à die lata sententiæ, vel scientiæ; & est continuum.
4. Lapsò eo tempore appellatio fit deserta.
5. De appellatione tertij.
6. Currit decendum, si grauiamen sit momentaneum.

Circa appellationem tria potissimum considerantur tempora; nempe tempus interponendæ appellationis, tempus petendi apostolos, & tempus proseguendæ ac finiendæ appellationis. Et hæc tempora vocantur tempora fatalia appellationis, quia nisi intra ea respectiue interponatur appellatio, petantur apostoli, & fiat prosecutio appellationis, eiusque causa terminetur, ijs elapsis appellatio efficitur deserta & quasi moritur aut fato quodam extinguitur, l. Cum lite mortua D. Iudicatum solui.

Quintum ad primum tempus aginet, olim de iure D. & Cod. poterat quis in causa propria appellare intra biduum, in causa aliena intra triduum dumtaxat, & non ultra, l. Si quidem §. biduum §. dies §. in propria D. quando appellandum sit, l. Eos 6. §. fin. autem Cod. De appellat. q. 12. in princ. Hodie ex Iustiniani Constitutione appellari debet intra decendum id est decem dies, à die latæ sententiæ, vel certè à die scientiæ, quo sententiam latam esse intellexerit is, qui appellare velit, late Scaccia De appellat. q. 12. n. 7. Idque obtinet, siue à definitiua, siue ab interlocutoria, siue ab alio grauiamine, etiam extraiudiciali, appelle- tur, Auth. Hodie Cod. De appellat. c. Quod ad consultationem 15. sup. De sent. & re iudicata, c. Cum dilectus §. fin sup. De elect. & alijs similibus, Gail. 1. Obser. 139. sine discrimine propriæ aut alienæ causæ: licet etiam sententia sit sub conditione lata, l. 1. §. biduum D. Quando appellandum sit, can. Biduum 2. q. 6. Scaccia d. loco n. 111. Atque hoc tempus etiam locum habet in supplicationibus, Auth. Quæ supplicatio Cod. de precib. imp. offeren. Glos. in c. significauerunt sup. de testibus: neque ex Iudicis permissio- ne aut partium consensu prorogari potest, Glossa communiter approbata in d. c. Cum sit Romana §. h. t. Gail. 1. Obser. 139. n. 6. licet valeat statu- tum vel stylus illud augens vel diminuens.

Currit autem, secundum ius commune, de momento ad momen- tum, à die latæ sententiæ vel scientiæ, d. Auth. Hodie d. c. Quod ad consul- tationem.

ationem, *Glos. in Clement. Sicut De appellat. in V. die*: ita tamen, - ut ab initio sit utile, quia non currit impedito vel ignoranti, nisi sit verè contumax; sed postmodum efficitur continuum, l. 1. §. dies D. Quando appellandum: ita ut etiam feriae solemnes includantur, l. 1. Cod. De feriis. l. Siue pars §. feria Cod. De dilationibus. * Et si infra hoc tempus non appelleretur, sententia transit in rem iudicatam, & appellatio efficitur desertam, d. Auth. Hodie & ibi communiter DD. d. c. Quod ad consultationem & d. c. significauerunt. Nec sufficit appellanti, si probet se appellasse, nisi probet etiam se intra debitum tempus appellasse, Scaccia De appellat. q. 12. n. 40 In dubio autem, an lapsum sit ultimum momentum decendi, iudicandum, non esse lapsum, & consequenter appellationem non esse desertam, ne ius alterius pereat: quò fit, ut in dubio etiam deferendum sit appellationi.

Sed & tertius aliquis pro suo interesse velit adherere appellationi, per alium interpositæ, vel appellationem ab alio absque mandato legitimo nomine suo interpositam, ratificare, id etiam facere tenetur intra decem dies, c. Ut circa De elect. in 6, Gail. 1. Obser. 122 Sin autem velit solum prosequi appellationem ab alio interpositam, pro suo interesse, admitti debet, licet non appellauerit, l. Ab executore 4. §. 2. D. h. s. c. Cum super 23. sup. De officio iud. delegati: quia per appellationem principalis suspensa est sententia, & omnibus, quibus grauamen illatum est, aperta via; ita ut aliâ appellatione opus non sit. Ideoque appellatione semel coram Iudice ad quem introductâ, ipse appellatus potest adherere appellationi appellantis, & deducere sua iura, antea non deducta, perinde ac si ipsemet ab initio debito tempore appellasset, quamuis appellans nolit suam appellationem prosequi, quia appellatio est communis utrique parti.

Quod autem diximus, appellandum esse intra decem dies à die latæ sententiæ vel saltem scientiæ, illud obtinet, quando grauamen est momentaneum: secus, quando tractum successiuum, & causam habet continuam, cuiusmodi est incarceratio, excommunicatio, interdictum: nam tunc, quandiu durat sine præfinitione temporis, quasi à presenti & continuo grauamine appellare licet. Sic incarceratus semper appellare potest, etiam ultra menses, quia semper grauatur. Similiter toties quis appellare potest, quoties citatur ad locum non tutum, quia grauamen habet causam continuam; & quoties de nouo citatur, toties de nouo grauatur.

Hoc tamen non procederet, si Iudex esset interlocutus, illum fuisse iuste carceratum, aut locum esse tutum: quia tunc intra decem dies à die interlocutionis appellandum esset, & aliàs sententia transiret in rem iudicatam, nec ulterius appellare liceret, Gail. 1. Obser. 139. n. 14.

quia sententia contra ius partis lata, si ab ea non appelleretur, transferretur in rem iudicatam, l. Cum prolati D. De iudicijs. Et propterea hoc tempus decem dierum dicitur fatale, quia eo lapsa perit facultas appellandi.

§. VIII. Qualiter sit interponenda appellatio.

- 1. *Appellatio presentanda est Iudici vel causa Notario.*
- 2. 3. *Libellus appellatorius quid contineri debeat.*

IN primis ita interponenda est, ut de ea interposita appareat. Non tamen est necesse illam presentare Iudici, sedenti pro tribunali, sed potest ubique presentari, ad hoc, ut sententia non transeat in rem iudicatam: imò sufficit illam presentare actorum magistro seu Notario, absque Iudice, Maranta 6. p. actu 2. n. 134.

2. Tametsi verò plerumque in usu sit, ut in libello appellatorio exprimatur nomen Iudicis à quo, Iudicis ad quem, & aduersarij, l. 1. §. libelli D. h. t. tamen non videtur omninò necessaria ista expressio, ut, si quid istorum omittatur, metuenda sit præscriptio, l. Scio 3. in princ. D. h. t. Quamquam commodissimū foret, exprimi nomen Iudicis à quo, ut intelligi possit, à quo Iudice & à qua sententia appelleretur, & an ordine debito.

3. Nomen verò Iudicis ad quem licet non exprimatur, tamen censetur prouocatum ad eum, ad quem de iure prouocari debet, l. 1. §. si quis in appellatione l. Imperat. D. h. t. Et ideo huiusmodi appellatio generalis, etiam de iure Canonico, subsistit, quia illo quoque iure gradatim appellari debet, exceptis paucis casibus specialibus: nam in dubio quis censetur velle ut iure communi, non speciali, Imola in l. 1. n. 16. D. h. t. Decius in c. 2. n. 4. h. t. & incertitudo, si quæ sit in huiusmodi appellatione, aptissime declaratur, dum appellans suam appellationem introducit & prosequitur. Reliqua huc spectantia patebunt ex §. seq.

§. IX. De

§. IX. De differentia definitiuæ ab interlocutoria quoad interponendam appellationē.

1. A definitiua statim & incontinenti appellatur viua voce.
2. Ab interlocutoria non nisi in scriptis.
3. Nisi vim definitiuam habeat.
4. Appellatur a definitiua non expressa causa.
5. Ab interlocutoria non nisi expresso grauamine.
6. Appellatio a definitiua ex nouo actu iustificari potest.
7. Ab interlocutoria non nisi ex antiquo actu.
8. Pendente appellatione ab interlocutoria, Iudex procedere potest.
9. Non a definitiua.

A definitiua potest statim à latâ sententiâ appellari viua voce, l. 5. §. fin. D. h. t. quod dicunt illicò appellare, l. Litigatoribus 14 Cod. eod. Sufficitque dicere, Appello, l. 2. D. h. t. & hoc scribi in actis per Notarium. Statim, inquit, à latâ sententiâ, id est Iudice adhuc sedente pro tribunali. Si verò non fuerit incontinenti viua voce appellatum, debet scripto interponi appellatio, l. 3. D. eod. Exceptis causis breuioribus, de quibus in *Auth. Breuiiores Cod. De sententijs ex breuiulo recitandis*; in quibus potest appellari viua voce, Maranta 6. p. actu 2. n. 143. Et debent in appellatione scripto interposita inseri hæc verba, *Pronoco & Appello*; aut æquipollentia, veluti *Submitto me protectioni & tuitioni talis Iudicis &c.* Maranta d. loco p. 135.

In interlocutoria verò, siue statim & incontinenti siue ex interuallo 2
appelletur, siue Iudice adhuc pro tribunali sedente, siue non, semper in scriptis porrecto libello appellatorio, (qui contineat nomen appellantis, l. 1. §. ult. D. h. t. non tamen necessario nomen eius, contra quem, l. 3. D. eod.) appellandum est, c. 1. eod. in 6. c. *Ut circa c. Si postquam c. Quamuis De elect. in 6.* Exceptis aliquibus casibus, de quibus Phil. Francus d. c. 1. & Præpositus in c. *Ut debitus* 59. h. t. etiam si appelletur ad alium, quàm ad Papam, Rebuff. in l. *Quod iussit D. De re iudicata versic. Nota 2. n. 134. in fine*, vbi plenius vide. Dixi, porrecto libello appellatorio; quia non sufficit dicere Notario, *Scribe, qualiter appello*, seu *quòd appellem*.

Si tamen sententia interlocutoria habeat vim definitiuam, potest in- 3
continenti viua voce ab ea appellari, quia in ea omnes solemnitates seruari debent, quæ in appellatione a definitiua, cui æquiparatur.

Ccc ij

Quòd

Quod si verò quis appellauerit viua voce, cum reservatione facultatis postea appellandi in scriptis, & postmodum etiam appellet, unde tunc incipiat currere tempus prosequendæ appellationis, an à prima an verò à secunda appellatione, vide Marantam d. 6. p. 282 n. 144.

- 4 Præterea in appellatione à definitiua vel definitiuæ vim habente, cum ius ipsum permittat appellationem, non requiritur expressio causæ in specie, l. Scio 3. D. h. t. sed sufficit, quod appellans dicat se grauatum, & sententiam esse iniustam, Maranta d. loco n. 152. nisi appellans sit tertius aliquis, prætendens aliquod interesse, Felin. & alij in c. Quod ad consultationem sup. De sent. & re iudicata; aut appelletur in casibus, à iure vel ab homine prohibitis, Glos. in c. Romana §. si autem in v. mandetur eod. in 6. Nā cum eo casu appellans habeat iuris præsumptionem contra se, non tenetur Iudex deferre eius appellationi; nisi alleget rationabilem causam, ob quam cesser ista præsumptio, aut appelletur in materia visitationis aut correctionis, Conc. Trid. Sess. 13. cap. 10. §. in causis, Nauar. consil. 1. h. t.

- 5 At verò in appellatione ab interlocutoria requiritur expressio grauaminis seu causæ, coram eodem Iudice, c. Cum causam 62. c. Ut debitus 59. h. tit. vbi Præpositus ponit nouem limitationes; & quidem legitimæ ac probabilis, d. c. Ut debitus, atque in specie; si plures sint, omnes debent nominatim exprimi, nec sufficeret facere relationem ad acta. Quinimò causa exprimi debet, etiam notoria: quia licet notorium releuet ab onere opponendi, Maranta d. loco n. 154. Idque ut debitus honor deferatur Iudici. Nam cum fieri possit, ut à Iudice, expressâ causâ rationabili, iustitiam consequatur appellans, non debet permitti ab eodem recedere, non expressâ causa, d. c. Ut debitus c. 1. eod. in 6. Dicitur autem causa rationabilis, quando cum Iudex grauatur contra ius scriptum, vel denegat iuris beneficium, arg. c. De his sub finem Distinct. 28. c. penult. & vlt. inf. De secundis nuptijs: ut si neget restitutionem spoliato, priusquam de proprietate cognoscat: vel si neget quartam productionem testium cum solemnitate legali, c. Ex conque- sione sup. De testibus: vel non admittat recusationem, propter affinitatem, consanguinitatem, c. Postremo 36. & generaliter, vbi non admittuntur legitimæ exceptiones, c. Ex parte sup. De officio iud. delegati. Quo casu cautè faciet excipiens, si apud Iudicem instet, ut super exceptione admittenda vel non admittenda interloquatur, secundum Glos. in Clement. vlt. h. t. in v. repulsione, ut facilius coram Iudice ad quem ostendat, se ex hac causa grauatum, quod exceptionem suam non admiserit, c. Dilecti c. Interposita 70. h. t. vel eâ neglectâ ulterius processerit, c. Ex parte 97. h. t.

Rursus

Rursus appellatio à definitina potest ex nouis actis seu causis & probationibus iustificari, l. eos §. 1. Cod. eod. l. Per hanc Cod. De tenpor. & reparat. appellationum: * Appellatio uero ab interlocutoria iustificanda est ex antiquis actis, Clement. appellanti cod. tit. quia ab interlocutoria non appellatur, nisi Iudex iniuriam fecerit appellanti. Ista autem iniuria non potest detegi, nisi ex iisdem actis & causis, coram Iudice à quo deductis, non autem de nouo deducendis: nisi aliquid de nouo veniat in notitiam appellantis, arg. c. Insinuante sup. De officio iud. delegati; vel nisi interlocutoria contineat grauamen irreparabile, ut si Iudex pronuntiarit aliquem torquendum; aut alias habeat vim definitiuam; aut appellans obtulerit causas grauaminis & probationis coram Iudice à quo, & non fuerit admissus; aut sententia lata sit contra contumacem: quia his casibus iustificari potest ex nouis actis, causis & probationibus.

Denique, ut alias differentias omittam, in interlocutoria Iudex à quo, nisi detulerit appellationi, aut contineat grauamen irreparabile, procedit, donec illi, parte legitime citatâ, sit inhibutum per Iudicem ad quem, c. Non solum eod. in 6. valereque processus, c. fin. De dolo in 6. etiam absque ulteriori citatione appellantis: ex quo appellando videtur se facere contumacem & declarare, quod non velit comparere, d. c. fin. Nec potest Iudex ad quem inhubere Iudici à quo ulteriorem progressum, priusquam constiterit legitime fuisse appellatum, Glos. in c. Romana eod. in 6.

At pendente appellatione à sententia definitiua nihil innouandum est, l. Appellatione Cod. eod. d. c. Non solum eod. in 6. quia statim atque interposita est, ligat manum Iudicis à quo. Idque obtinet etiam ante interpositam appellationem intra 10. dies.

§. X. De tempore petendi Apostolos.

1. 2. Apostoli qui & unde dicantur.
3. Sunt triplices, Dimissorii, Reuerentiales, Refutatorii.
4. Petendi & recipiendi hodie intra triginta dies.
5. Qui dies currunt à die scientia.
6. Potest tamen Iudex breuiorem terminum statuere, non longiorem.
7. Tutius est statim à lata sententia perere apostolos.
8. Queritur, an in appellatione extraiudiciali peti possint.

Apostoli (qui etiam sunt pars appellationis, ut latè Scaccia q. 12. n. 24.) hoc loco dicuntur litteræ dimissoriae, quas Iudex, à quo appellatum est, transmittit ad Iudicem, ad quem appellatum est, in testimonium & fidem appellationis interpositæ.

Dicuntur Dimissoria, quia per eas causa transmittitur ad Iudicem ad quem, *l. Dimissoria D. De verb. signif. l. vnica D. De libellis dimiss.*

2 Dicuntur autem Apostoli id est Nunrij, à Græco ἀποστέλλω, quod est Mitto, quia mittuntur ad Iudicem ad quem, vt de causa appellationis instrui possit.

3 Sunt autem triplices Apostoli in frequentiori vsu, nempe Dimissorij, Reuerentiales & Refutatorij. Dimissorij sunt litteræ, ad Iudicem appellatum directæ, testificantes de appellatione, coram Iudice à quo vel honestis personis interposita & admissa.

Reuerentiales sunt, quando non ob causæ Iustitiam, sed solum ob reuerentiam superioris, ad quem appellatur, Iudex à quo defert appellationi, *c. 1. eod. in 6. l. Eos 6. §. super his Cod. De appellat.*

Refutatorij sunt, quibus Iudex à quo significat Iudici ad quem, se non admisisse appellationem, de quibus in *l. fin. §. in refutatis Cod. eod. Glos. in d. c. 1. in V. exhiberi*. Quando autem Iudex appellationem rejcit, adijcere causam debet, *d. c. 1. l. penult. D. De appellat. non recipien*. Aliàs si recuset absque causa punitur, *l. Quoniam Iudices Cod. eod.*

4 Apostolis olim petendis & recipiendis, ac Iudici ad quem porrigendis, præscripti erant quinque dies, Paulus *5. Sent. tit. 34. can. Ab eo 2. q. 6.* & intra hos dies de iure Canonico instantèr & sæpius, saltem vno contextu, peti debebant. At verò postea præscripti sunt triginta dies, intra quos similiter instantèr & sæpius, saltem vno contextu, peti debent: alioquin si intra dictos xxx. dies appellans apostolos non perat, vel non recipiat, censetur appellationi renuntiasse, & efficitur appellatio deserta, *d. can. Ab eo 2. q. 6. Clement. Quamuis h. t. c. 6. eod. in 6. l. Iudicibus 24. Cod. eod. l. vnica D. De libellis dimissorij*. Similiter efficitur deserta appellatio, si apostolos oblatos intra idem tempus recipere recuset, *d. Clement. Quamuis §. verum*. Quòd si verò per Iudicem à quo stet, quo minùs eos recipiat, debet de eo protestari, *d. Clement. Quamuis*: & si absque causa intra eos dies dederit, puniendus est, *d. l. Iudicibus*. Quinimò post elapsum tempus potest appellans Iudicem à quo coram Iudice, ad quem prouocauit, conuenire, *l. Si appellationem 31. Cod. eod.*

5 Verius autem est, dies hos currere à die scientiæ, quo quis sententiam latam esse intellexerit, & à quo habuit facultatem appellandi, ne aliàs hoc inconueniens eueniat, quòd ignoranti præclusum sit tempus petendi apostolos, cui nondum præclusum est tempus appellandi, Mirapra *6. p. a 7u 2. n. 130*. Et ideo *d. l. Iudicibus*, definiens, currere tempus à die late sententiæ, intelligi potest, quando appellans habuit notitiam sententiæ late vel incontinenti à sententia lata viua voce appellauit.

pellatur: vt sic concordet cum *c. Ab eo eod. in 6. & Clement. Quamuis*, quæ volunt currere à die appellationis interiectæ.

Atque hæc ita intelligenda sunt, nisi Iudex à quo breuiorem terminum petendi apostolos statuerit appellanti. Nam licet verius sit, non posse longiorem præscribere, Capel. Tholos. *decis. 44.* tamen breuiorem præscribere potest: quo elapso, si non fuerint petiti, non minùs efficitur appellatio deserta, quâ lapsis triginta diebus; quia eiusmodi terminus breuior, à Iudice præscriptus, succedit in vicem termini iuris, & eundem parit effectum, *c. Ex insinuatione 50. h. t.*

Tamet si autè sufficiat intra terminum, siue Iuris siue hominis, petere apostolos, etiam ultimâ die: nihilominus tutius est, eos incontinenti & simul cû appellatione petere: quia si appellatum sit à definitina, Iudex à quo post petitos apostolos nequit vltius procedere, nisi prius dederit refutatorios, quamuis appellatio esset merè friuola. At verò non petitis apostolis potest vltius procedere, quâdo appellatio est friuola.

An verò etiâ in appellatione extraiudiciali peti Apostoli debeant, quæritur. Et distinguendum est: vel enim appellatur à Iudice, extraiudicialiter procedente; & tunc peti debent, quia est, qui eos dare potest, nempe Iudex à quo: vel appellatur à parte; & tum non est necesse eos petere, quia non est, qui eos det. Quamuis tutius sit etiam tum petere, sub hac conditione, si sit, qui dare possit. Scaccia *De appellat. q. 13. art. 2. n. 32.*

Denique si quærat, cuius expensis dandi sint apostoli, communis responsio est, quòd expensis appellantis, Maranta *d. loco n. 224.* Scaccia *q. 14. n. 114.*

§. XI. Quibus appellationibus sit deferendum.

1. 2. 3. Quatenus iudex puniendus, non deferens appellationi.
4. Deferre tenetur etiam appellationi ab interlocutoria sententia.
5. Quod tamen fallit iure Canonico.
6. Nisi ex iusta causa appelletur.
7. Vt & in dubio deferri satius est.
8. Concil. Trid. hac de re sanctio.
9. Stylus Curia Romana.
10. De appellationibus ad futurum Concilium, ad tribunal Dei.

Regulariter Iudex à quo tenetur cuilibet appellationi deferre adeò vt, si non deferat, quando est interposita ex iusta causa, puniatur de iure ciuili pœnâ 30. librarū auri, si causa sit ciuilis; sin criminalis, arbitrariâ, *l. Quoniam Iudices 21. C. h. t.* Maranta *6. p. adu 2. n. 210.* Iure verò Canonico, si Iudex non deferat appellationi ad summum Pontificem interpositæ, ad ipsum Pontificem puniendus

niendus mitti debeat, *c. De priore* 31. *h. t.* sicut ad Imperatorem pro merito puniendus mittitur, qui appellationem ad eum interpositam in causa cum civili tum criminali non receperit, *l. A Proconsulibus* 6. in fine *Cod. h. t.*

2 Quod si appellatum fuerit ad inferiorem Papâ, plerique existimant poenam non deferentis appellationi in causa civili esse arbitriam, & sic in viâ magis pecuniariam, *Franc. in d. c. De priore*; in criminali verò causa poenam depositionis, *can. Decreto* 2. q. 6.

3 Expectandus tamen hac in re est finis appellationis, ut non puniatur Iudex, qui reiecit appellationem, si iudicatum fuerit malè appellatum fuisse, ut qui in exitu deprehendatur iustè non detulisse.

4 Sed an Iudex à quo perinde debeat deferre appellationi ab interlocutoria, atque à definitiua, quaeritur: nam *Imp. in d. l. Quoniam Iudices*, agere de sententia definitiua, manifestè patet ex eo, quod loquantur de sententia terminante intentionem iurgantium, quod præstat sola definitiua, *l. Praeses Cod. De sent. & interlocut. om. Iud.* Sed dicendum id, quod hac in re statuit lex civilis de definitiua, producentem ad interlocutoriam, vim definitiuae habentem, à qua perinde atque à definitiua permittitur iure civili appellatio.

5 At verò iure Canonico licet permittatur appellatio ab omni interlocutoria, grauamen aliquod inferente, *c. Super eo* 12. *h. t.* tamen Iudex à quo non tenetur ei semper deferre, verum potest, non obstante appellatione ab interlocutoria, in causa progredi, quamdiu per Iudicem prouocatum ei non fuerit legitimè facta inhibitio, id est cum causæ cognitione, ut sciatur, an iustè appellatum sit, *c. Cum appellationibus* c. *Non solum cod. in 6.* Maranta *d. l. n. 257.* potestque de apostolis refutatorijs respondere, si hoc ei æquum visum fuerit. * Si tamen appellatur ab interlocutoria ex iusta causa, tenetur deferre appellationi; & si non detulerit, perinde poterit puniri, ac si appellationi à definitiua non detulisset, Maranta *d. loco*: ideoque iura volunt exprimi causam grauaminis in appellatione ab interlocutoria, ut si ea iusta sit, appellationi deferatur.

7 In dubio quoque latius est, ut ei deferat Iudex, quia licet sententia, quæ transiit in rem iudicatam, habeat præsumptionem iustitiæ, *c. Bona* 23. §. *porro sup. De elect.* imò pro veritate habeatur, *l. Res iudicata D. De reg. Iuris*: tamen ea, quæ nondum transiit in rem iudicatam, non magis iustitiæ quàm iniustitiæ præsumptionem habet, sed ad vtramque partem ita se habet, ut vel iusta vel iniusta pronuntietur, *l. Chirographis* 57. §. *ult. D. De administrat. tutorum*, *l. Herennius* 63. §. 1. *D. De cutionibus.*

Dixi autè, regulariter omni appellationi esse deferendum; quia
Iudex

Iudex ei deferre non tenetur ijs casibus, quibus de iure prohibita est appellatio, de quibus antea egimus.

Ceterum Conc. Trid. Sess. 22. cap. 7. De reformat. ordinavit, ut ab omnibus Legatis, Nuntiis Apostolicis, Metropolitanis, aliisque superioribus Iudicibus, in admittendis appellationibus & concedendis inhibitionibus servetur Constitutio Innocentij I V. relata in c. Romana eod. in 6. & eleganti analysi enucleata à Cl. V. Stephano Weymsio, Antecessore & Collega nostro.

Servat quoque stylus Curie Romanæ usitatus, ut non deferatur appellatio in rebus parvi momenti, v. g. in summa non excedente decem ducatos, uti ex Vestris testatur Piasc. in Praxi Episc. p. 2. cap. 4. art. 15. n. 8. quod & statuta curie Metropolitane Mechliniensis habent, ad taxam scilicet quinquaginta florenorum, teste Zypzo b. t. n. 8.

Denique, prouocationes à summo Pontifice ad futurum Concilium, tanquam erroneæ & schismaticæ, damnatæ sunt à Pio 11. & Iulio 11. eodem Zypzo teste, d. loco n. 16. ubi etiam tradit Reges reum læsæ Maiestatis habere eum, qui ab eorum sententijs ad Papam appellat, profert exempla illorum, qui ad tribunal Dei prouocarunt.

§. XII. De tempore introducendæ & proseguendæ appellationis.

1. Tempus est vel annus vel biennium.
2. Quod currit de momento ad momentum.
3. Licet iudici breuius tempus præscribere.
4. Atque etiam ipsi appellanti, non appellato.
5. Ad finiendam appellationem iudex à quo terminū præscribere nequit.
6. Terminus breuior quo tempore præscribi possit.
7. Iudex ad quem appellanti præscribere terminum non potest.
8. Fit deserta appellatio per lapsum terminum.

Hoc tempus hodie de iure communi vel annus est, vel ex causa biennium, à die interpositæ appellationis, quando in iudicio appellatur, c. Cum sit Romana §. c. Ex ratione 8. h. t. Clement. Sicut & ibi Glos. eod. Auth. Es qui appellat. Cod. De temporib. appellat. aut ubi extraiudicialiter appellatur, vel ubi sententia nulla est lata, à die illati grauaminis: quandoquidem talis appellatio sit veluti conditionalis, si grauamen inferatur.

Ceterum hoc tempus non currit de momento ad momentum, sicut currit decendium ad appellandum, quia dies appellationis non consideratur, Glos. in Clement. Sicut h. t. nec durante compromisso cursum habet, Clement. Quandoquid eod. t. Auth. Si tamen Cod. De temporib. appellat.

3 Permittitur autem iudici, ut breuius tempus ad introducendam & prosequendam appellationem præscribat, si velit, *d. c. Cum sit Romana*: ita ut appellatio, si appellans intra tempus illud non introduxerit & prosecutus fuerit eandem aliquo & qualicumque modo, efficiatur deserta, & sententiæ ac Iudicio Iudicis à quo stare compellatur, *c. Personas 4. h. t.* perinde atque per lapsum termini iure definiti, in cuius locum succedit terminus à Iudice præscriptus, *Glos. in d. Clement. Sicus. Innoc. in c. Ex ratione 8. & in d. c. Personas n. 3. & 4. Panormit. in d. c. Cum sit Romana n. 4. Gail. 1. Obser. 104. n. 2.* Potestque Iudex, lapso termino à se præscripto, sententiam suam mandare executioni, etiam non expectato lapso termini iuris, *d. c. Personas*, ibi, *ex tunc iudicio tuo stare compellas*; item, *ex tunc sententiæ tuæ parere constringas*: nam dictio *ex tunc* extraneum temporis momentum significat, *l. 4. §. ult. D. De condit. & demonstrat. l. 1. In substitutione D. De vulgari & pupil. substit.*

4 Idem obtinet, si ipsemet appellans sibi breuiorem terminum præscripserit, prout præscribere potest, *c. Sapè 44. c. Oblata 57. c. Nicolao 64. h. t.* modò tamen is sit congruus & conueniens, *c. Consuevit 14. h. t.* Ut verò appellatus appellanti talem terminum præfigat, non permittitur, ne in illius sit potestate, appellantem nimium coarctare, & aduersario suo legem ponere, *Ioan. Andr. & Panormit. in d. c. Personas*: sicut nec nimis accelerando permittitur terminum aut appellantem præuenire, *c. Sapè 44. in fine h. t.*

5 Ad finiendam tamen appellationem Iudex à quo terminum breuiorem præscribere non potest, sed tantum ad introducendam & prosequendam: quia Iudici ad quem nequit præscribere legem, ut scilicet intra hunc vel illum terminum causam appellationis expediat, *c. Ex insinuatione 50. h. t.* Et in hoc differt terminus ab homine seu Iudice præscriptus à termino Iuris, quòd terminus Iuris sit etiam ad definiendam appellationem, terminus autem hominis ad inchoandam prosecutionem, *Wamesl. in d. c. Personas n. 5.*

6 Verius autem est Iudicem à quo posse hunc terminum breuiorem præscribere, non solum, quando adinstit appellationem, verum etiam quando eandem reiecit: quia id facit ad celeriores causæ expeditionem, ne sententia à se lata maneat diutius in suspensio, & ut occurratur malitiæ appellantium, ad executionem sententiæ differendam, ac tantò citius per superiorem cognoscatur, rectene appellationem admiserit vel reiecerit. Quin etiam verius est, Iudicem à quo, postquam detulit appellationi, posse huiusmodi terminum præscribere ex interuallo, *c. 1. versic. post hoc eod. in 6.*

Facilius verò eidem permittitur, postquam talem breuiorem terminum præscripsit, eundem, priusquam lapsus sit, prorogare, *l. Sed si §. D.*

§ 5. D. De precario, quasi quamdiu decurrit, is in eius sit potestate, & ad illum perduret iurisdicção, Rota Decis. 35. aliàs 384. in antiquis, Decius in d. c. Personar. Dixi, priusquam lapsus sit; quia cum sit peremptorius. d. c. Sapè 44. h. t. lapsus eius facit, vt sententia immutabiliter transeat in rem iudicatam, d. c. Personar h. t. l. ult. §. illud Cod. De temporib. appellat. nulla que admittatur moræ purgatio, quia morâ contractâ statim subintrat legis dispositio, hoc est desertæ appellationis effectus.

At verò Iudex ad quem præfigere appellanti terminum huiusmodi 7 ad prosequendam appellationem nequit, quia habet terminum à iure statutum: nisi vbi periculum ex nimia dilatione immineret, vti in causis spiritualibus, electionum, postulationum, & alijs beneficiis; quæ cum causam aliquo modo publicam contineant, accelerari debent: sicut & causa matrimonialis, ob periculum incoestus vel adulterij, c. Quoniam frequenter §. 1. sup. Vt lite non contestata: item causa alimentorum, ob periculum vitæ, l. Necare D. De agnoscendis liberis.

Cæterum vt per lapsum termini tam à iure quam ab homine defini- 8 niti desertâ fiat appellatio, consummatum tempus vtriusque termini, seu ultimus dies eiusque lapsus expectandus est, quamuis iam antè constet appellationis prosecutionem fieri non posse, Wames. in d. c. Personar h. t. Et si Iudex à quo simpliciter, prout fieri sæpè solet, præscripserit terminum ad appellationem prosequendam, sufficit qualitercumque prosequi, etiam per solam itineris arreptionem, vel per solum impetrationis rescripti actum, vt in c. Ex parte h. t. c. Dilectus sup. De rescriptis. licet non doceatur de litteris impetratis; nisi consuetudine vel statuto aliud obtineat.

§. XIV. De causis biennij ad introducendam prosequendam & finiendam appellationem.

1. Causa concedendi biennij ad introducendâ &c. appellationem varia.
2. Ex parte appellantis infirmitas & paupertas.
3. Quæ etiam excusat à cursu fatalium.
4. Ex parte appellati, si is prosecutionem impediat.
5. Ex parte vtriusque, si partes suspendant aut prorogent tempus.
6. 7. 8. Remouentur objectiones.
9. Ex parte Iudicis, si per eum fiet, quo minus appellatio finiatur.
10. Ex parte tertij impediens, vel ex negligentia procuratoris.

11. *Ex casu & fortuna.*12. *Solet quandoque ex causa etiam tertius annus indulgeri.*

1 **A**D introducendam, prosequendam, & finiendā appellatio-
nem diximus dari de iure tam civili quā Canonico annū,
& ex causa biennium, ita tamen, ut Iudex à quo brevius
tempus praescribere queat. Dispicendum nunc est de tem-
poris huiusmodi causis. Ex variis esse & concurrere possunt, vel ex
parte appellantis, vel ex parte appellati, vel utriusque, vel Iudicis, vel
alicuius tertij, vel denique ex casu & fortuna.

2 Ex parte appellantis: ut si infirmitate ita detentus fuerit, vel pau-
pertate aut inopiā ita laborauerit, quod appellationem interpositam
prosequi & finire non potuerit, c. *Ex ratione* §. ibi, *per impotentiam h. r.*
c. *penult. inf. De solutionib.* Scaccia. q. 15. art. 3. Nam si difficultas ex-
cuset à mora, *Glos. in l. Quod D. Si certum petatur, lason ibid. & commu-*
niter D D. multò magis paupertas & inopia à desertione appellationis,
cū impossibilia nulla sit obligatio, l. *Impossibilia D. De reg. iuris,*
& est communis, teste *Gail. Obser. 142.*

3 Sed dubitatur, an etiam paupertas & inopia excuset à cursu fata-
lium interponendae appellationis? Et verius est, excusare, quando ad
appellandum opus est sumptu aliquo, uti quando ex intervallo in scrip-
tis appellandum est. Secus, quando nullo sumptu est opus, ut quan-
do incontinenti vivā voce appellari potest. Nec videtur opus prote-
statione pauperis, ut tenet *Bald. in c. 3. n. 2. sup. De rescriptis*; maxime
si sit nota Iudici: alioqui si ignota sit, cū in facto cōsistat, allegari &
probari debet, per l. *In bello §. facta D. De captivis & passim. reuers.* tan-
quam fundamentum intentionis pauperis, si utique miserabili privi-
legio paupertatis uti velit, *Gail. d. Obser. 142. n. 3. ubi plenius vide.*

4 Ex parte appellati: ut si is de facto, vel per se vel per alium, extra iu-
diciū appellantem impediatur, quod minùs appellationem prosequi
possit; vel in iudicio frustratorijs dilationibus efficiatur, ne appellatio
debito tempore finiatur: nam & hoc casu appellanti conceditur ipso
iure secundus annus vel saltem servatur appellans illesus, ut tempora
prosequendi appellationem ei non currant, *Rota Decis. 102. incip.*
fatalia, in novis, Scaccia d. loco n. 61. quia tempus fatalium hoc casu labi-
tur culpa & facto aduersarij, & desertio fieri debet contra culpabi-
lem & negligentem, non contra impeditum, *Scaccia d. loco.*

5 Ex parte utriusque: ut si partes, durante appellatione, mutuo con-
sensu peregrinationem aliquam suscipiant, vel compromittant in arbi-
tros: nam, durante eiusmodi peregrinatione vel compromisso, tem-
poris cursus suspenditur ipso iure, nec proinde opus est secundo anno,

Clement.

element. Quamdiu h. t. Auth. Si tamen Cod. De temporib. appellat. Scaccia. d. loco, n. 165. & seq. Ratio est, quia cum tempus prosequendæ appellationis deur utrique parti, potest pacto & mutuo consensu partium suspendi. Quin & hoc iure nostro permittitur litigantibus, non tantum suspendere fatalia, d. Clement. Quamdiu: sed etiam prorogare, l. fin. §. fin. Cod. De temporib. appellat. l. Quod si nolis §. si quid ita D. De AEdilitione edicto c. De causis 4. sup. De officio iud. delegati.

Nec obstat, quod tempus primæ instantiæ, puta triennium, consensu partium prorogari nequeat, ne quidem mediante iuramento, vel per compromissum, aut adiectionem pœnæ, licet abbreviari possit favore boni publici, ut lites citius finiantur, *Glos. in l. Troperandi m. v. triennium Cod. De iudicijs, Gail. 1. Obser. 141. n. 5. quia non est simile. Ratio differentiæ est, quod, finita primâ instantia per cursum triennij, saluum adhuc maneat ius agendi de integro, solumque acta pereant, saluo iure partis: at verò, finita causâ appellationis, totum ius appellantis corrui & intercidit, totaque causâ perimitur, & sententia à qua in rem transit iudicatam, Clement. Sicut h. t. ei que stare cogitur appellans, licet iniqua sit, c. Personas 4. h. t. & appellationi renuntiare intelligitur, c. Directa 39. h. t. Ideoque merito tempus prosequendæ appellationis prorogari potest de consensu partium, propter præiudiciū aliàs irrecuparabile. Vide latè Maran. 5. p. n. 23. Gail. 1. Obser. 141.*

Non obstat c. Oblata 57. h. t. quia loquitur de Iudice, cui licet permittatur abbreviare hoc tempus, non tamen prorogare: at verò partes litigantes & abbreviare & prorogare possunt.

Non obstat etiam l. Nemo Cod. De temporib. appellat. quia loquitur de reparatione, quæ fit finito tempore, ut colligitur ex eadem lege, faciente mentionem reparationis: hic autem loquimur de prorogatione, quæ fit durante tempore, l. Sed si manente 5. D. De precario.

Ex parte Iudicis potest interuenire impedimentum, si vel ob infirmitatem vel ob aliam causam pro tribunali non sedeat, vel aliàs per eum stet, quod minus causâ appellationis ad finem intra debitum tempus perducatur. Et hoc casu, si iudex ille sit Princeps, non recognoscens superiorem, ipso iure appellans seruatur indemnus, ita ut ei tempora appellationis non currant, *Auth. Sed & licet cum seq. Cod. De temporib. appellat. can. Anteriorum §. ad hac sancimus 2. q. 6. Gail. 1. Obser. 141. n. 7* Idque propter multitudines curarum & negotiorum, ob quam non decet Principem temporum angustijs concludi, l. Pracipimus Cod. De appellat. Quam rationem Pontifex transfert quoque ad appellationes, quæ ad auditorium Papæ deferuntur, c. Ex insinuatione 50. ibi, *licet integra permaneat hoc ius.* Si verò sit Iudex inferior Principe, tunc ipso iure per iudicem indulgetur impedito secundus annus,

l. vlt. §. vlt. Cod. De temporib. appellat. Sed hoc casu debet appellans, seu eius procurator, prout praxis obseruat, protestari, & quidem sæpius, quòd per se partemque suam non ster, quò minus in caussa celerius procedatur, quòdque proinde fatalia sibi parti que sue currere non debeant, *Glos. in c. Cupientes §. quod si per viginti De elect. in 6. Maranta 6. p. act. 2. n. 230. Gail. d. loco n. 9.* At verò quando impedimentum aliunde prouenit, quàm ex parte Iudicis, non est necessaria huiusmodi protestatio, sed sufficit, quòd impedimentum probetur: tutius tamen est, vt omni casu interponatur.

10 Ex parte alicuius tertij vel etiam ex negligentia procuratoris potest euenire impedimentum, ne intra debitum tempus seu annum appellatio finiatur; & tunc rata manet: ab eaque nec datur appellanti secundus annus, sed datur contra tertium impediens, si soluendo sit, actio ad interessè, *l. Arbitrio 18 §. dolo D. De dolo malo.* Exemplo debitoris, qui dolo malo facit, vt legitimis temporibus transactis dies actionis pereat in temporalibus actionibus, *d. §. dolo &c.* vel instantia biennij in criminali, *l. 1. & 2. Cod. Vt intra certum tempus;* & in ciuili triennalis, *l. Properandum Cod. De iudicijs.* Contra procuratorem verò, si soluendo sit, datur actio mandati ad damna & interessè, *l. Si remunerandi §. 1. l. Si procuratorem & l. A procuratore D. Mandati, l. Si procurator Cod. De procuratorib.* Nam sibi imputet necesse est, quòd negligentem procuratorem elegerit, *c. Sape 44. h. t. l. Sed etsi §. fin. D. De instit. actione l. Cum mandato in fin. D. De minoribus, Glos. in c. 1. & 2. in V. restituimus De in integrum restitut.* Si verò tertius vel procurator soluendo non sit, succurratur ei per restitutionem in integrum, *Glos. in c. Ex ratione 8. h. t. d. l. Properandum §. vlt. Cod. De iudicijs.*

11 Denique prouenire impedimentum potest ex casu & fortuna.

12 Quòd si verò & in toto secundo anno appellans fuerit impeditus, solet ei dari ex iustissima caussa etiam tertius annus, *d. c. Ex ratione:* non tamen ipso iure, vt datur secundus, sed à Iudice per viam restitutionis in integrum. Et quidem integer annus, si toto secundo anno fuerit impeditus: alioquin annus non integer sed solum tantum temporis ei restituitur, quantum abstulerit impedimentum, Abbas *in d. c. Ex ratione;* iuxta naturam scilicet restitutionis in integrum, quæ est, vt tantum restituatur, quantum abstulerit læsio, Clement *unica & ibi notata de restitut. in integrum.* Quia vero ista restitutio incidenter petitur, ideo datur præuiâ summaria cognitione, sine libello aut litis contestatione, vel alia speciali causæ cognitione, præuiâ tamen citatione partis ad videndum restitutionem fieri, *Gail. 1. Obser. 143. in fine.* Aliàs, vbi restitutio in integrum principaliter deducitur, ordo Iuris est necessarius, *Gail. ibid.*

§. XV. Quale

§. X V. Quale debeat esse impedimentum primi anni seu primi fatalis, ut præbeat causam dandi secundum annum seu secundum fatale.

1. Debet iustum esse impedimentum.
2. Deq. eo constare euidentissimè.
3. Nec sufficit iuramentum appellantis.
4. Neque credendum iudici, afferenti tale impedimentum.
5. Si de eo non constiterit, iudex post lapsum anni poterit sententiam exequi.
9. Dummodò appellans etiam de diligentia sua doceat.
7. 8. Iustè impedito primo anno dari semper secundum integrum.
9. Discrimen inter primum & secundum annum.
10. Cur legitimè impedito in secundo anno non detur tertius.

Debet esse iustum & ineuitabile seu inexorabile impedimentū, & non affectatum: nam si appellans illud affectarit, vel suā culpā illi causam præbuerit, æquum non est ei hac in parte subueniri, l. 2. §. si quis tamen D. Si quis cautionibus &c. * Cū autem in facto consistat, & ex veritate facti dependeat, non debet præsumi, c. 1. De constitut. in 6. c. Cum in iure sup. De officio iud. delegati, sed omninò & plenè atque euidentissimè probari, l. ult. §. illud Cod. De temporib. appellat c. Ex ratione 8. h. t.

Et ideo non sufficit iuramentum appellantis, nisi fortè in causis modici præiudicii: nam iuramentum, præsertim vltroneum, nec à Iudice nec ab aduersario delatum, non potest seruire pro vilo genere probationis; & quando eius vñs permittitur, est potiùs exoneratio quàm species probationis. Imò cū Iustinianus in d. §. illud requirat euidentissimam probationem, non sufficit iuramentum appellantis cum vñus testis testimonio: quia quando à Iure vel Canone, liquida seu euidens (à fortiori quando euidentissima) probatio requiritur, ea non potest confici ex coniunctione duarum imperfectarum; & proinde in proposito impedimentum huiusmodi probari debet, vel per duos testes idoneos, vel per partis aduersæ confessionem, vel per instrumentum; nisi aliàs sit notorium euidentiā facti.

Et ne Iudici quidem credi debet, afferenti tale impedimentum, etiam ex propria persona (ut si fateatur, se ob valetudinem non potuisse vacare

vacare causæ cognitioni, aut pro tribunali sedere:) ne facile fraus fiat. l. Si forte D. De castrensi peculio; neue in iudicio tam iudicantis quàm testificantis personâ fungatur, c. Ex litteris sup. De probat. l. Fama D. De verb. signif. Ad eò ut, licet in iudicio testis vnus probet semiplenè, tamen iudici in iudicio non aliter credatur, quàm per acta iudicialia, vel aliàs per legitima constet documenta, c. Quoniam contra 11. sup. De probat. Et hinc licet facilis sit præsumptio iuris pro iustitia sententiæ, latæ à Iudice, c. Bone 23. sup. De elect. non tamen pro iudicis factò.

5 Quòd si igitur de impedimento non constiterit euidenter, nec appareat de protestatione de non lapsu fatalium, poterit Iudex à quo, lapso termino seu anno, sententiam suam, velut deserta appellatione, mandare executioni (parte tamen citatâ, vt tenet Bald, in l. Si contra 8. Cod. De appellat. & in l. 1. in fine Cod. De temporib. appellat. & Franc. in d. c. Ex ratione h. t.) non expectato lapsu biennij, secundum Marantam, p. 6. act. 2. n. 23. tum quia lex non dat biennium, nisi iustâ subsistente causâ, & quidem euidenter probatâ: tum quia primum annum lex appellat primum fatale, & secundum annum vocat secundum fatale, l. 2. in princ. & ibi Glos. Cod. De temporib. appellat. quod non rectè diceretur, nisi primi anni lapsus perinde atque lapsus secundi anni perimeret appellationem, non dato & probato impedimento, Clement. Sicut h. t. l. fin. Cod. d. rit.

6 Non tamen sufficit sola impedimenti probatio, nisi vtrâ appellans de diligentia sua doceat, etiam ad impedimentum amouendum: quia tunc demùm dicitur ex iusta & necessaria causa impeditus, quando factâ diligentia remanet impedimentum; & qui potest facere, vt possit, iam dicitur posse, l. 135. D. De reg. Iuris. Nec dicitur impeditus, qui facile potest impedimentum amouere, imò dicitur illud volens pati, latè Scaccia q. 15. art. 16.

7 Caterùm hâc queritur, an iustè impedito in primo anno semper detur integer secundus annus? Et quidem non est dubium, dari integrum, quando toto primo anno fuit impeditus, vel diligentiam debitam adhibuit, licet impedimentum parum durauerit, Scaccia d. loco artic. 5. versic. Primus casus est, cum seq. At verò quando non fuit toto primo anno impeditus, sed aliquo tempore tantum, an ei tunc detur secundus annus integer, non sitis conuenit.

8 Omissis aliorum varijs distinctionibus, tametsi ea sententia de rigore iuris verior videatur, quæ subsistente in aliqua parte primi anni impedimento, existimat, dandum esse secundum annum; non vt indistinctè eo toto appellans vti possit, sed vt inde tantum desumat, quantum in priori anno per quodcumque iustum impedimentum ei fuit ademptum, arg. l. Ab hostibus 5. sed quod simpliciter D. Ex quibus causis

causis maioribus &c. tamen usu fori, præsertim Ecclesiastici, magis obtinuit, ut propter quodcumque impedimentum primi anni detur secundus integer; modò extet aliqua diligentia appellantis, & totus primus annus non fuerit negligentia lapsus, siue potuerit, siue non potuerit appellans, deducto impedimenti tempore, in reliquo causam appellationis peragere: quia tale impedimentum non debet appellanti ad damnum referri, sed appellato ad poenam, *c. Significante 69. h. t.* Capella Tholos. 9. *Decis. 331.* Probatur ex *Auth. Si appellat. Cod. d. tit. vbi dicitur*, quòd ad obtinendum hunc secundum annum sufficiat, si vel nouissimà iudiciarum die appellans ad agendam causam coram Iudice compareat. Confirmatur ex eo, quòd totus primus annus sit in arbitrio appellantis, quando velit incipere & proseguere appellationem, modò supersit sibi tempus sufficiens ad eam finiendam, arbitrio Iudicis determinandum, iuxta *Oldrad. Cons. 60. n. 3. vers. quod si impeditur.* Videatur de his *Scaccia quest. 15. art. 5.*

Illud autem discriminis est inter primum & secundum annum, quòd 9 primus simpliciter & ipso iure detur; secundus autem etiam ipso iure detur, sed non nisi ex iusta & necessaria causa. Insuper quòd primus annus non sit præcisè fatalis, sed solum sub conditione, si nulla iusta interuenerit causa, quæ appellantem impediuerit, quia ex tali causa datur secundus annus. At verò secundus est præcisè fatalis.

Cur autem in secundo anno legitimè impedito non tam detur ter- 10 tius annus ipso iure, quàm impedito in primo anno datur secundus, ratio est, quia ius præsumit quemlibet appellantem posse quamlibet causam appellationis quatumvis arduam intra bienniū peragere, modò summā ope summoque opere, prout lex requirit ad hoc nitatur, eo quòd in usu id sit frequentius aut fieri possit, *arg. l. Ex his cum l. seq. D. De legibus.* Et ideo hoc præcisè tempus proseguendæ appellationis præscribit, ut tanto certior celeriorque sit litium finis.

§. XV. De effectu appellationis.

1. Regulariter appellatione pendente nihil innouandum.
2. Attentata post appellationem à definitiua statim reuocanda.
3. Ab interlocutoria non aliàs, quàm ubi constiterit de causa.
4. Idque in appellatione cum iudiciali tum extra iudiciali.
5. Non indistinctè tamen; & ratio differentia.
6. Præterea appellationem oportet esse intimatam iudici & parti.
7. In quacumque parte iudicij reuocatio fieri potest.
8. Forma petendi reuocari attentata duplex.
9. Vbi interest, utrum pars appellans, an verò appellata attentauerit.

Ecc

Regula

Regula Iuris est, quòd pendente decendio ad appellandum, aut etiam pendente appellatione, siue recepta sit, siue non, nihil possit innouari seu attentari in causa, sed omnia in eodem statu, in quo erant tempore introducendæ vel introducæ appellationis, quamdiu de ea cognoscitur, manere debeant, *l. vnica D. Nihil innouari appellat. interpos.* Et quidem si recepta sit, quia recepta est; si verò non sit recepta, ne ei præiudicium fiat, priusquam deliberatum fuerit, an recipienda sit, vel non, *d. l. vnica, c. Non solum h. t. in 6.* Deinde quia appellatio iurisdictionem Iudicis à quo suspendit, *c. Si à Iudice h. t. in 6. l. ult. §. fin autem Cod. de temporib. appellat. c. Cum inter sup. De sent. & re iudicata, & quasi dormire facit, c. Pastoralis §. 1. h. t.*

2 Ideoque si post appellationem à definitiua aliquid innouauerit seu attentarit Iudex à quo, illud in primis statim & ante omnia per Iudicem appellationis remedio attentatorum reuocari, irritari seu cassari debet, Philip. Franc. *int. Consulit & c. Bone §. 1. h. t.* nisi fortè causa attentatorum altiore requirât indaginem, nec probari incontinenti possit: nam tunc principalem causam non suspendit nec impedit; sed utramque simul prosequi oportet, *l. Si constiterit Cod. Finium regund. Gail. 1. Obser. 146.*

3 Si verò post appellationem ab interlocutoriâ quid innouauerit, id reuocari & cassari debet, ubi appellationis causam veram esse constiterit, *d. c. Non solum*: nisi Iudex appellationis, deuoluto ad se negotio, Iudici à quo inhibuerit, ne procedat ulterius, *d. c. Non solum.*

4 Habet autem hoc remedium attentatorum locum, non tantum in appellatione iudiciali, sed & extraiudiciali, quia non solum prohibet lex aliquid innouari, pendente appellatione, sed generaliter lite pendente, *c. 1. & 2. sup. Ut lite pend. nihil innouetur.* Et ideo, cum appellatio extraiudicialis ut minimum sit prouocatio ad causam, *c. Cum sit Romana §. vers. si verò h. t.* etiam litis constituit pendentiam; ac proinde quod post eam innouatur, rectè pendente lite innouari dicitur, & per consequens etiam ante omnia reuocari oportet.

5 Hoc tamen est discrimen inter appellationem iudicalem & extraiudicalem, quòd in iudiciali reuocentur omnia, licet non sint directè contra appellationem; in extraiudiciali verò ea dumtaxat, quæ sunt directè contra appellationem, & non alia, ut tradit Maranta *6. p. 488 n. 4.* Ratio differentię est, quòd appellatio iudicialis etiam in vno articulo, siue habeat connexitatem cum tota causa, siue non, in totum & quoad totam causam suspendeat iurisdictionem Iudicis; ideoque omnia reuocantur. At verò appellatio extraiudicialis non suspendit iurisdictionem, ex quo extraiudicialiter proceditur; ideoque reuocatur

atur dumtaxat, quod est in grauen appellacionis, seu contra appellacionem.

Dixi, siue habeat connexitatem cum causa principali, siue non; quia licet iuxta aliquos & quidem in puncto iuris appellatio ab vno articulo, qui separatus sit à causa principali, non suspendat iurisdictionem, nisi respectu illius articuli; tamen secundum Glossam & Abbatem in *c. Super eo* 10. h. t. cui conformis est praxis, suspendit, siue sit connexus, siue non, ne, cum arbitrio Iudicis relinquatur, quæ sint connexa, quæ non, facile inclinetur ad iudicandum pro connexitate, vt sic totam causam ad se trahat. Videatur Scaccia q. 17. limit. 47. memb. 2. n. 12.

Insuper vt attentata in iudiciali appellacione reuocetur, necesse est, quòd appellatio fuerit intimata Iudici & parti: nam aliàs Iudex & pars, ignorantes appellacionem, possunt de iure procedere in causa, nec reuocantur tunc per eos attentata, Maranta d. loco. Secus in extraiudiciali, in qua reuocantur, licet non fuerit intimata appellatio, vt ibid. tradit n. 403.

Potest autem peri reuocatio attentatorum in quacumque parte iudicij, vsque ad conclusionem in causâ, non vltra, Maranta d. loco, Gail. 1. Obser. 146. n. 10. Rora 27. Decis. Licet pars, in nouis h. t. Quod intellige quoad attentata ante conclusionem: nam secus obtinet in commissis post conclusionem.

Petuntur reuocari dupliciter: aut implorato principaliter officio Iudicis, pro ipsorum reuocatione; aut accessorie, prosequendo appellacionem. Et hoc casu, quamuis super libello attentatorum contestata lis fuerit, si à causâ principali separati queât, reuocari ante sententiam definitiuam poterunt; aliàs si talia sint, vt non possint rescindi nisi per sententiam definitiuam, ea expectanda erit, vt in casu l. Chirographis §. 1. D. De administrat. tutor. Gail. 1. Obser. 146. n. 8.

Cum verò attentata fiant aut per partem aut per Iudicem, & vtroque casu ante omnia reuocanda sint, prout latè tradit Monachus in *c. Cupientes* n. 132. cum seqq. De elect. in 6. multum interest, vtrum appellans, an appellatus attenter: quia si appellans aliquid attenter, quod sit contra propriam appellacionem, veluti si pendente appellacione aduersarium suâ possessione, quæ controuertitur, spoliet, eo ipso tanquàm sibi contrarius censetur non deferre propriæ appellacioni, & ius sibi ipsi dicendo Iudicem contemnere, sicque indignum se facere appellacionis beneficio; cum frustra legis imploret auxilium, qui contra legis nititur voluntatem, *c. Bona memoria* sup. De elect. l. Auxilium §. fin. De minorib. Ac proinde sententia à quâ statim transit in rem iudicatam; eamque Iudex à quo potest executioni mandare, perinde ac si nunquam fuisset

Ecc ij

appella-

appellatum, c. Cum stat §. h. t. Nec hoc casu opus erat appellato exhibere libellum, vt attentata reuocentur, sed solum vt ijs probatis Iudex appellationis causam tanquam desertam pro executione ad Iudicem à quo remittat. Secus autem, si attentata non sint contraria appellationi, quia eo casu reuocari debent. Videatur Gail. d. Obser. 146. vbi n. 19. tradit, quo pacto pronuntiari debeat, quando appellatus vel Iudex à quo pendente appellatione attentat.

§. XVI. De priuilegijs remedio attentatorum competentibus.

1. Huic remedio non potest opponi exceptio proprietatis.
2. Nullam requirit prioris status iustitiam.
3. Non requirit ordinem iudicarium.
4. Agenti hoc remedio non potest opponi exceptio excommunicationis.
5. Datur aduersus quemcumque possessorem.

Remedium attentatorum plurima priuilegia habet, estque longè promptius remedium spoliato seu turbato in sua possessione, quàm interdictum vnde vi: nam licet spoliatus ante omnia sit restituendus, ita vt attentata & innouata ante omnia sint reuocanda, c. Non solum h. t. in 6. tamen agenti, vt attentata reuocentur, non potest opponi vlla exceptio proprietatis aut potioris iuris, Afflict. Decis. 352. sed sufficit constare quoquo modo aduersus eum attentatum & innouatum fuisse. At verò agenti interdicto vnde vi notorius defectus proprietatis obijci potest, & sæpè restitutionem remoratur, c. Ad decimas De restitut. spoliat. in 6. Item opponi potest exceptio alterius spoliij, c. 2. §. sed quoniam sup. De ordine cognit. Innouati autem reuocationem non moratur partis aduersæ attentatum: licet de eo quoque reuocando æquè expeditè agi possit, vtrique parti ex æquo patente Iudicis officio, Panormit. in c. Bonæ memoriæ §. h. t.

2. Insuper in interdicto ex causa spoliij beneficij requiritur allegatio & probatio seu iustificatio alicuius tituli, saltem colorati, Clement. 1. De causa possess. & propriet. non verò in remedio attentatorum, in quo nulla requiritur prioris status iustitia, sed sufficit sola veritas.
3. Præterea in interdicto, quia est ad instar actionis, §. ult. Institut. De interdictis, ordo iudicialis obseruandus est: nec sine libello, litis contestatione, & alijs, quæ in ordinarijs iudicijs plerumque requiruntur, ad restitutionem peruenitur, c. 2. sup. Vt lite non contestata. In reuocatione verò attentatorum, si notoria sint, non requiritur ordo iudiciarius, nec litis contestatione opus est; sed implorato Iudicis officio mercedatio de plano proceditur, cum sola citatione & causæ cognitione, alijs

alijs solemnibus omisſis, d. c. ult. ſup. De ordine cognit. c. 1. *Vel lite pendente in 6.* Gail. d. Obſer. 146. Quoties enim aliquid Iudicis officio mercenario explicatur, non eſt opus libello, ſed de plano proceditur, D D. ad rubr. D. De interrogat. actionibus. Imò Iudex ex officio, parte non preſente, & ſic non iure actionis talia attentata reuocare poteſt: quia per attentata plus Iudex quàm pars læditur, & lex prohibens lite pendente aliquid innouari, contemnitur, Gail. d. loco.

Rurſus agenti interdicto poteſt obijci exceptio excommunicationis, quia pro actore habetur, c. Intelleximus ſup. De iudijs, c. Cum inter c. ult. ſup. De except. non etiam petenti reuocationem attentatorum, Decius Conf. 200. col. fin. verſic. Secundo. Ratio eſt, quia iſta petitio, ſaltem in appellatione iudiciali, magis ſapit naturam deſenſionis, quæ excommunicato permittitur, d. c. Intelleximus & d. c. ult. De except. quàm actionis ſeu impetitionis, quæ excommunicato denegatur.

Dixi, ſaltem in appellatione iudiciali; quia, cùm extraiudicialis appellatio, præſertim quæ à parte interponitur, non tam ſit appellatio, quàm prouocatio ad cauſam, c. Cum ſit 5. verſic. Si verò h. iur. & pro actione magis ſit, l. Qui appellat 29. D. De iudijs. verius videtur, quòd in huiusmodi extraiudiciali appellatione petenti reuocationem attentatorum obſtet exceptio excommunicationis, quia illa verè agenti obijcitur, non autem deſendenti: ſecus autem in ea, quæ à Iudice interponitur; præſertim in mixta executione, quia cùm ſit quoque ſpecies deſenſionis, verius videtur, exceptionem excommunicationis non poſſe morari attentati reuocationem.

Denique Interdictum vnde vi non datur contra quemcumque, ſed eum dumtaxat, qui vi deiecit, vel deijci mandauit, aut deiectionem ſuo nomine factam, ratam habuit, l. 1. D. De vi & vi armata, c. Cùm ad ſedem. c. Sape ſup. de reſtitut. ſpoliat. Et ideo ne quidem datur contra eum, ad quem res ſine vitio ſpolij peruenit, v. g. contra emptorem rei, ab alio per vim occupatæ: & quidem iure civili indiſtinctè, iure autem Canonico, ſi modò ad eum bonâ fide peruenietit, d. c. Sape. At verò remedium attentatorum datur aduerſus quemcumque poſſeſſorem, ſiue bonâ fide ſiue malâ, ſiue ſcienter ſiue ignoranter; ſiue per partem ſiue per Iudicem res ad eum peruenierit, c. Ex parte ſup. de teſtibus. Non quòd attentatum grauius ſit, quàm ſpolium, quippe cùm ſpoliator ſit prædo, qui vim vel publicam vel priuatam committit, l. 1. §. ne quid autem, l. Si de fundo D. De vi & vi armata; & atrocitatem facti in ſe contineat, d. l. 1. §. interdictum; nec verba ſufficiant, l. Si quis uxorem §. ſi neque D. De furis; attentatum verò ſine vllâ ſpecie delicti fieri poſſit: ſed quia qui attentat non ſolùm aduerſarium lædit, ſed & Iudicem, & quidem magis offendit & legis prohibitioni reſiſtit.

§. XVIII. Quenam liceant Iudici vel partibus, pendente appellatione.

1. Pendente appellatione licet non allegata allegare &c.
2. Potest fieri innouatio contra tertium.
3. Quaeque fieri poterant pendente causâ principali.
4. Similiter denunciare licet quem excommunicatum.
5. Si friuola sit appellatio, rectè proceditur ad executionem sententiae.
6. Pendente appellatione licet facere, quae eandem promoueat.

T Ametsi regula Iuris sit, pendente appellatione nihil innouandum esse, plurima tamen cum Iudici tum etiam partibus pendente appellatione permixta sunt. * Nam in primis utrique parti licet non proposita proponere, & non probata probare, atque exceptiones opponere, modò tamen actionem & causam, coram Iudice à quo propositam, respiciant, & ei connexa sint, l. Per hanc Cod. De temporib. appellat.

2. Secundò, potest innouatio fieri contra tertium, etiam super eadem re, si nihil intersit appellantis eam innouationem fieri, vel non fieri. Exempli gratiâ, si ex duobus reis debendi in solidum vnus conuentus & condemnatus appellauerit, non obstante eâ appellatione, alius conueniri, & aduersus eum Iudex æquè procedere potest, l. Creditor in princ. D. Mandati; quia res inter alios acta alijs non præiudicat, c. Romana §. in alijs h. t. in 6. Gail. 1. Obser. 144. Et sicut exceptio spolijs, ita & attentatorum alicui tertio opponi non potest, Glos. in d. l. Creditor in V. posse in fine, modò non habeat causam ab ipso spoliante vel attentante.

3. Tertiò, ea attentari & innouari possunt pendente appellatione, quæ poterant fieri & innouari pendente causâ principali: quale est, compellere litigantem ad cauendum, vt in l. Postquam heres §. Imperator & ibi Bart. D. Vt legatorum & fideicommissorum nomine caueatur. Hinc possessor, pendente appellatione, commodò fruitur possessionis, & rectè possessionem suam continuat, nemoque ob contradictionem vel appellationem ulterius fructu possessionis suæ carere debet, Ioan. Monachus in c. Cupientes n. 138, De elect. in 6. Nec attentare dicitur, qui ius suum prosequitur, continuando scilicet possessionem suam, fructusque percipiendo, sed veteri iure vti, c. 1. sup. Vt lite pendente &c. Gail. 1. Obser. 147. Similiter patronus, cui comperit ius præsentandi plures ad beneficium vacans, præsentato vno potest secundum præsentare, non

care, non obstante appellatione: quia ante appellationem licita ei erat huiusmodi presentatio, nec debet hac facultate priuari per appellationem prius presentati.

Quartò, si debitor, qui appellauit, ex noua causa factus sit suspectus de fugâ, potest non obstante appellatione capi à creditore, etiam propriâ auctoritate.

Quintò, si appelletur à sententia excommunicationis vel alterius censuræ Ecclesiasticæ, veluti interdicti & suspensionis, iam lata, potest Iudex à quo, non obstante appellatione, denuntiare & publicare appellantem excommunicatum, vt ab alijs vitetur, *c. Pastoralis* 53. §. *verum* & ibi Abbas *h. t.* & similiter declarare suspensum, interdictum: quia excommunicatio est censura medicinalis, tendens ad correctionem, sicut & alia censuræ; & in potestate est appellantis censuras huiusmodi euitare. Ideoque aliud esset dicendum, si infligerentur in pœnam, sicut infertur depositio, quæ proinde per appellationem suspenditur, *Secaccia* 9. 3. *art. 1. n. 77. & seq.* Similiter Iudex potest excommunicatum priuare fructibus sui beneficii & distributionibus, Abbas *in d. c. Pastoralis*: quia ex quo exemptus est à communione Ecclesiæ, non debet ex fructibus eius alimentari.

Dixi, si appelletur à sententia excommunicationis vel alterius censuræ Ecclesiasticæ, iam lata; quia si appelletur à declaratoria, quâ Iudex declaret quem incidisse in sententiam excommunicationis, non potest, eâ appellatione pendente, aliquid innouare: quia cum fieri possit, vt male declaret, meritò permittitur ab huiusmodi declaratoriarum appellatio; sicut & permittitur extraiudicialis appellatio à sententia excommunicationis ferenda, tanquàm à futuro grauamine; ita vt sententia excommunicationis postea lata sit ipso iure nulla, *c. Dilecti* *h. t.* Pari modo potest Iudex excommunicatum absoluerè ab excommunicatione, non obstante appellatione aduersæ partis, ne absoluator; idque ne in excommunicatione decedat, *c. Quâ fronte* 26. *h. t.*

Sextò, si appellatio sit manifestè friuola, potest Iudex à quo, dummodò ei non detulerit, procedere ad executionem sententiæ suæ, *c. Cum appellationis* 5. *cod. in 6.* sicut & ijs casibus omnibus, quibus de iure appellare non licet, *c. Non solum* *cod. in 6.* vel vbi statuta aut iura concedunt paratam executionem: nisi in casibus eiusmodi prohibitis appellans alleget iustam aliquam causam, ob quam admitti debeat appellatio, *Glossa in d. c. Romana* §. *si autem* *cod. in 6.* Similiter appellatio in possessorio non retractat executionem iure ciuili, *l. vnica* *Cod. Si De memorantia* *possess.* & c. licet secus sit de iure Canonico, *Clement. vnica* *De sequestrat. possess.* & c. *Glos. in c. Cum ad sedem in V. interdictum* *sup. De resistit. spoliat.* Sic quoque in factis notorijs appellatio non suspendit executionem.

tionem; ideoque dicitur notoriè criminofum non eſſe audiendum, *c. Propoſuit* 24. *h. t.*

Septimò, ſi alicui mandatum ſit, vt reſideat in loco beneficij ſui, & is appellet, poteſt Iudex, non obſtante appellatione, committere vi- ces eius alteri, qui interim de fructibus beneficij alatur, *c. Peruenit* 28. *h. t.*

Denique, vt alia omittam, generaliter poteſt Iudex à quo penden- te appellatione omnia illa facere, quæ tendunt ad faciliorem & exped- itioſiorem exitum cauſſæ appellationis, dummodò ſe non immiſceat appellationi. Et ideo poteſt ſaltem incontinenti taxare expenſas, in- quas condemnauit: quia tunc non dicitur innouare, nec propriè in- terloqui, ſed declarare pronuntiata. Similiter appellanti poteſt ſtatuerè certum terminum ad recipiendos apoſtolos; ita vt, ſi intra aſſignatum terminum eos non receperit, appellatio efficiatur deſerta, *Clement. Quamuis eod. tit. vel ad iter accipiendum ad Iudicem ſuperiorem, c. Per- uenit* 28. *h. t.* vel ad ſe præſentandum coram Iudice, *c. Perſonas* 4. *h. t.* vel ad appellationem proſequendam, *c. Ad hæc* 20. *h. t.* & ſic de alijs ſimilibus, quibus non præſcribit legem ſuperiori, quod facere nequit. Aduertendum autem, quòd licet in caſu, quo de iure appellare non licet, attentata non reuocentur, ex priuilegio attentatorum, tamen reuocari poſſint per viam querelæ à ſuperiori, *Maranta p. vlt. ſexta par- ti princip. actu* 2. n. 117.

§. XVIII. De Recuſationibus.

1. Recuſatio ſuspendit iuriſdictionem iudicis.
2. Debet eſſe legitima.
3. Debet proponi ante omnem actum iudicialeſ.
4. Et quidem libello ac ſcripto.
5. Iure Canonico cauſſa ſuſpicionis in libello exprimenda.
6. 7. De cauſſa ſuſpicionis intra præfixum tempus cognoscunt arbitri.
8. Sin neglexerint vel detrectarint, procedet Iudex recuſatus.
9. Iure civili non eſt neceſſe exprimere cauſſam ſuſpicionis.
10. Iure Canonico tam Ordinarius, quàm delegatus recuſari poteſt.
11. Iure civili delegatus, non etiam ordinarius recuſatur.
12. Etiam commiſſarij ad audiendos teſtes recuſari poſſunt.

S Equitur de Recuſationibus, quæ in multis conueniunt cum ap- pellationibus, & à pari ferè procedunt: cùm ſicut per appella- tionem, ita & per recuſationem iudicis ſuspendatur omnis iuriſdi- ctio; nec poſſit in cauſſa, in qua recuſatur, ad aliquem actum procedere, & ſi proceſſerit, proceſſus ſit nullus: niſi recuſans poſt
recuſatio-

recusationem consenserit in Iudicem recusatum; vel coram eo comparuerit, nullâ protestatione interiectâ, quod velit sibi saluam manere suam recusationem. Videatur Vantius *De nullitatibus Tit. De nullitat. ex defectu iurisdic. ordinariæ n. 140.*

Recusatio legitima sit necesse est & legitimè proposita, quia friuolam seu frustratoriam potest Iudex recusatus contemnere, eâque contemptâ aduersus recusantem vltius progredi, ad exemplum friuolæ seu frustratoriz appellationis.

Cum verò exceptio recusationis sit dilatoria, *secundum communem in l. Apertissimi Cod. De iudicijs & in c. Postremo 36. iuncto c. Cum speciali 61. h. t.* & simul declinatoria; debet non solum ante litem contestatam, sed & ante omnem actum iudicalem proponi, ne aliàs reus in Iudicem consentire seu iudicium suscipere, vel suspicionis causam non curare videatur, *l. fin Cod. De exceptionibus & d. l. Apertissimi*: nisi fortè postmodum, id est post aliam dilatoriam exceptionem, vel post litis contestationem, causâ suspicionis superuenerit: quia quæ de nouo emergunt, nouo opus habent remedio, *l. De atate 11. §. ex causa 8. D. De interrogat. actionibus*; vel exstiterit quidem ante, verum post litis contestationem demùm in notitiam rei venerit, quia iusta ignorantia excusat, *l. Qui in alterius D. De reg. iuris*: ideoque tunc post litem quoque contestatam obijci potest, *c. Insinuante sup. De officio Iud. delegati.*

Proponi debet recusatio Iudicis, non verbis, sed scripto, quia huiusmodi recusatio interlocutoriz æquiparatur, à qua in scripto appellari debet, *c. Cordi eod. in 6.* Ideoque libello opus est, qui Iudici exhibeatur, si is fuerit præsens; secus, si absens, *d. l. fin. Cod. De except.*

Sed & iure Canonico causâ suspicionis in libello recusatorio exprimenda est. Et tunc Iudex recusatus subsistet, mandabitque vtrique litigatorum, vel etiam coget, si opus sit, vt communi consensu eligant vnum vel plures arbitros, & in dissensu singuli vnum. * Qui quidem arbitri electi, arbitrio recepto, non cognoscent de causâ principali, sed suspicionis dumtaxat, de quæ veritate & idoneitate illius, *c. Legitima eod. in 6.* statuentque recusatori terminum ad eam probandam, *c. Secundò requiris 41. §. 1. & c. Cum speciali 61. h. t.* Quod si in cognoscendo conuenire nequeant, assument tertium, qui cum ijs iudicet: & ad hoc per Iudicem recusatum cogi poterunt, *d. c. Cum speciali*; sicut & vt ferant sententiam intra certum terminum.

Probatâ coram arbitris sufficienter iustâ causâ suspicionis, & sententiâ desuper per arbitros latâ, Iudex cognitionem causæ alteri demandabit, de consensu recusatoris, vel ad superiorem remitteret, *d. c. Cum speciali vers. causa.* Nō probata verò, vel probatâ quidem, sed illegitimâ & inidoneâ iudicatâ causâ, ad Iudicem recusatum remittetur, ilq; perse-

nerabit Iudex, d. c. *Secundò requirũ* §. 3. d. c. *Cũ speciali* in d. c. 4. *ſup. De foro competentĩ*: ſicut & quando Iudex appellationis pronuntiat bene iudicatum, & malè appellatum, remittitur cauſa ad Iudicem à quo, 6. *Vt debitus* §. 9. in fine h. t.

8 Quòd ſi verò arbitri intra præfixum ſibi tempus vel neglexerint vel detrectarint declarare, an cauſa ſit iuſta, & Iudex recuſatus malit finem temporis ijs præfixi exſpectare, quàm ad id cogere, lapſo tempore ſine vlla arbitrorum ſententia, poteſtas procedendi ulterius ad iſum reuertitur ſeu eius tollitur ſuſpenſio, d. c. *Legitima* in fine.

9 Cæterum iure civili non eſt neceſſe cauſam ſuſpicionis in libello recuſatorio exprimi, ſed ſufficit nuda allegatio cauſæ. Vnde & in genere, ſecundum formulam recuſandi traditam à Gloſ. in d. l. *Apertiſſimi* in *V. recuſare* & *V. libello*, poteſt allegari quis ſuſpectus, etiam ſine cauſæ expreſſione, dummodò recuſans iuramentum præſtet de calumniis, quòd calumnioſè non recuſet: nam hoc iuramentum erit loco probationis, eò quòd quilibet præſumatur memor ſuæ ſalutis, Gloſ. in d. l. *Apertiſſimi* in *V. recuſare*. Et ideo arbitri, à partibus electi, ſecundum ius civile, omiſſo articulo ſuſpicionis, in cauſa principali cognoscunt tanquam ſi à Principe eſſent eius dati Iudices: quia ex quo ſuſpicionis cauſa non eſt inferenda, nec conſequenter eſt probanda, l. fin. *Cod. De iudijs*.

10 Sed & illud discriminis eſt inter ius Canonicum & civile, quòd iure Canonico tam Ordinarius, quàm delegatus recuſari poſſit, etiam Episcopus, d. c. *Secundò requirũ* §. 3. & d. c. *Cũ speciali*, & alijs ſimilibus.

11 At verò iure civili delegatus quidem recuſari poteſt, vt ſuſpectus, d. l. fin. *Cod. De iudijs* & d. l. *Apertiſſimi*: niſi delegatio expreſſè facta ſit à Principe, cum clauſula, *Remotà recuſatione*; prout indubiè de iure communi delegare poteſt, quandoquidem poſſit cauſam alicui committere, remotà appellatione, l. 1. §. fin. *D. A quibus appellare non licet*; quæ eſt ſpecies deſenſionis, in præſidium innocentiz introducta, & proinde iuris naturalis, d. c. *Cũ speciali*: nam inde à fortiori poterit delegare cum clauſula, *Remotà recuſatione*, cùm hâc ademptâ ſuperſit adhuc remedium appellationis, vt notat Gloſ. in d. l. *Apertiſſimi* in *V. recuſare*. Cæterum eodem iure Ordinarius Iudex nequit recuſari, vt ſuſpectus, ad hoc, vt remoueatur, tanquam ſuſpectus; ſed ſi ſubſit aliqua cauſa ſuſpicionis, alius ei adiungendus eſt, *Auth. Si verò contigerit* *Cod. de iudijs*. Gloſ. in d. l. *Apertiſſimi* *V. Iudices*.

12 An autem commiſſarij dati ad recipiendos & examinandos teſtes recuſari poſſint, dubitatur. Et verius eſt, poſſe: quia ſunt Iudices delegati, omniſque victoria in probationibus conſiſtit. Ac proinde plurimum

plurimum interest partium, habere commissarios, omni exceptione maiores. Non tamen hoc casu ad arbitros, sed ad dantem recurri vel prouocari, ut alios commissarios non suspectos det, tradit Gail. 1. *Obser.* 33. ubi videtur, an totum aliquod Collegium vel Vniuersitas aut Synodus vel Parlamentum recusari possit, eo quod caput illius sit suspectum.

§. XIX. De iustis causis & effectu relationis.

1. *Causa recusationis iusta in arbitrio Iudicis posita.*
2. *Sunt varia & multiplices.*
3. *Effectus recusationis est, suspendere iurisdictionem Iudicis.*
4. 5. *Alias processus erit nullus ipso iure.*

QUæ sit iusta causa recusandi Iudicem certò definiri nequit: 1
ideoque magis in arbitrio Iudicis, quàm certâ legis definitione ea res consistit, Panor. in c. *Cum speciali* 61. h. t. Et hinc fit, quod recusatione propositâ plerumque cognitio illius ad arbitros reiiciatur, c. *Suspicionis* sup. De officio delegati d. c. *Cum speciali* & c. *Legitima* eod. in 6. Ad quos non esset necesse recurrere, si eius in iure certa extaret definitio. Iusta interim & indubitata reputatur omnis illa, quam Canon vel Lex pro tali habet.

Sunt autem variae & multiplices eiusmodi iustæ causæ recusationis. 2
Et quidem Maranta in *Spec. suo* aureop. 6. De appellat. actu 2. à n. 27. enumerat quadraginta: quarum prima est, si Iudex sit familiaris alteri parti, magnâ scilicet non modicâ familiaritate. Secunda, si Iudex ordinarius ex aliqua iusta causa sit suspectus, potest & vicarius eius ex eadem causa recusari, licet in specie aduersus vicarium nulla alia sit suspicio. Tertia, si Iudex sit consanguineus alterius partis, & non æqualiter vtriusque. Quarta, si dominus sit suspectus, ex eadem suspicionis causa tota ipsius familia potest allegari suspecta: & sic de alijs similibus, de quibus vide Marantam d. loco.

Effectus recusationis est, quod postquam fuerit proposita, pēdente 3
desuper cognitione, nisi friuolam esse constiterit, Iudex in causâ suspendere, nec ad vltiora procedere debeat: aliàs processus erit nullus, & sententia, si quam tulerit, nulla. * Cæterum an ipso iure, an verò 4
validitas vel nullitas sententię seu processus pendeat ab euentu probandæ vel improbandæ causæ, ut probatâ causâ recusationis declaratur nullus, improbatâ verò validus (sicut attentata per Iudicem à quo,

post interpositam appellationem ab interlocutoria ante inhibitionem Iudicis ad quem legitimam, non reuocantur, priusquam de veritate constiterit) variant Interpretes, Gail. l. Obser. 33. n. 12. Sed verius est, ipso iure & quidem utroque, esse nullum, secundum Glos. in can. Quoties 2. q. 6. Marantam 4. p. Lysinect. 16. versic. 2.

S Dicitur, esse nullum; tum quia satius est ut impediatur, ne quid fiat, quam ut factum postea cum verecundia Iudicis recusati retractetur: tum quia generaliter sicut inimici, ita quoque suspecti non debent esse causæ Iudices, c. Secundo requiris §. tertio postulas h. t. Est enim periculosissimum & à ratione alienum coram Iudice suspecto litigare, c. Cum inter sup. De except. c. Accedens sup. Ut lite non contestata, & d. l. Aperti simi: ita ut Iudex recusatus non assimiletur ei, à cuius interlocutione dumtaxat est appellatum, sed ei, cui post appellationem ab interlocutione per Iudicem prouocatum facta est inhibitio vltioris prosecutionis; quasi vti ibi hominis, ita hinc inhibitio sit Iuris: constat autem omnia acta post inhibitionem esse ipso iure nulla, c. Non solum h. t. in 6.

§. XX. De Relationibus.

1. Relationum affinitas cum appellationibus.
2. Differentia.
3. Quid sit Relatio.
4. Fit dupliciter.
5. Hodie utroque iure serè extra vsum abijt.
6. De relatione ad Principem.
7. Differentia Relationis & Consultationis.

Appellationibus rectè quoque subiiciuntur Relationes, sicut & in Pandectis, propter similitudinem, quam cum ijs habent: nam sicut appellatio fit ab inferiore ad superiorem, ita & relatio; & sicut pendente appellatione, ita & pendente relatione, imò etiam promissâ, dumtaxat nihil attentari seu innovari debet, c. Licet sup. De officio iud. delegati. l. 1. D. Nihil innovari appellat. interpositâ, l. Ex illo Cod. De appellat. l. Si quando Cod. De relation. & ibi Bald. quia sicut per appellationem causæ cognitio deuolvitur ad superiorem, ita & per relationem; sic quòd apud referentem seu remittentem esse desinat, l. Ad Principem 22. D. De appellat. & relation.

2 Quamuis in eo differat relatio ab appellatione, quòd appellatio post, relatio autem ante sententiam interponatur: exceptis causis criminalibus, l. Inter penas 6. D. De interdictis & releg. l. Si quis filio §. quid amen D. De iniuriis rupto testam.

Est enim

Est enim Relatio hoc loco, omissis alijs eius acceptionibus, de quibus Maranta 6. p. *actu* 2. n. 10. Iudicis inferioris, de iure dubitantis, ad superiorem, Pontificem vel Principem, aut etiam Proconsulem vel Præsidentem transmissa consultatio, ut sciat quid in iudicando sequendum sit, *l. Eumque* §. 1. D. De iudicijs. Dixi, de iure dubitantis, quia in ambiguitatibus factorum improbata est relatio. W esemb. ad tit. D. De appellat.

Fit autem relatio dupliciter: aut simpliciter, prout olim iuxta Canones in magna Iudicum ignavia aut timiditate fieri solebat, c. *Dudum De elect.* c. 1. *Ut lite non contestata &c.* vel addita declaratione eius, in qua est referens.

Vsui huius olim de iure civili frequens fuit, & obuius, *l. 1. & seq.* 5 *Cod. De relationib.* ac deinceps etiam Nouellis Iustiniani constitutionibus retentus & ampliatus. *Nouell.* 82. §. *ult.* & 113. & 115. *in princ.* Verum postea per Nouellam 125. penitus ferè sublatum est. Sic & Pontificiæ relationes usum quoque suum ferè amiserunt, vel eo argumento, quod earum unico ferè loco dumtaxat in hoc titulo fiat mentio, c. *Intimasti h. t.* nisi quòd in inferioribus rusticorum tribunalibus adhuc utcumque retineantur, in quibus ad proxima superiora tribunaia fieri solet relatio. Et hodie plerisque in locis fieri solet relatio causæ ad consilium, ut vocant, sapientis, & plerumque Iurisperitorum, quâ relatione durante etiam suspenditur iurisdictio Iudicis inferioris, c. *Cum in veteri sup. De elect.*

Dum verò ad Principem fit relatio, exemplum partibus edendum est, ut si fortè relatio alicui minùs plena videatur, suas rationes & refutatorios libellos Principi offerre queat, *l. 1. & 2. & toto tit. Cod. De relationibus,* W esemb. ad D. eod. tit. *in fine.*

Porrò licet Consultatio & Relatio in usu appellationis plerumque confundantur, cum per consultationem fiat relatio, & per relationem consultatio, transmissis actis: tamen Iustinianus hæc separauit *tit. Cod. De relat. & tit. Cod. De appellat. & consultat.* eo quòd consultatio in sola & nuda interrogatione super aliquo iuris dubio plerumque consistat; relatio autem in explicatione totius causæ, transmissis etiam actis, *l. Sciendum D. De appellat. recipien. l. ult. Cod. de relat.*

Denique de specialibus priuilegijs quorundam Flandrorum circa materiam huius tituli vide apud Zypzum *De iure Pontif. nouo lib. 2. hoc tit. in fine.*

TITVLVS XXIX.

De Peregrinantibus.

1. Peregrinans hoc loco qui dicatur.

2. Peregrinatio ad sedem Apostolicam quando effectum appellationis habeat.

3. Et quis sit effectus.

Habet & peregrinatio ad sedem Apostolicam vim & effectum appellationis: unde hic Tit. subiicitur. * Peregrinans in genere dicitur, quicumque per aliena loca peragrans proficiscitur: & Peregrini Romanis fuerunt, qui ciues Romani non erant, l. 6. §. *solemus* D. De hered. instituendis, l. 1. Cod. eod. tit. seu qui ius ciuitatis non habebant, vt quia Latine essent conditionis, vel penitus alienigenæ, indeque Peregrinitas statum & conditionem peregrinorum significat. Hoc verò loco Peregrinans specialiter capitur pro eo, qui ad sedem Apostolicam proficiscitur, c. vnico h. 1. siue ex causa peregrinationis ad limina Apostolorum, siue ex alia, vt ibid. tradit Abbas n. 2.

2. Habet autem talis peregrinatio seu profectio effectum & vim appellationis, si modò secuta fuerit intra decem dies à die illati grauaminis, & fuerit intimata Iudici vel parti, Scaccia De appellat q. 6. n. 42. quia sicut appellans eximit se à iurisdictione Iudicis à quo, & se confert in iurisdictionem & tutelam Iudicis ad quem: ita etiam qui post causam motam ad sedem Apostolicam proficiscitur, licet verè non appellet, tamen petinde se confert cum omnibus rebus in protectionem summi Pontificis, atque si verè appellaret, quoad articulum, super quo appellaret, d. c. vnico. Sic vt eo ipso, quo iter arripit, censetur ipso facto appellare, quod plus est quàm verbis appellare, c. Dilecti filij 52. sup. De appellat. Rota Decis. 54. alias 385. Si appelletur n. 1. De appellat. in nouis, Franc. in d. c. Dilecti n. 1. & Cardinalis n. 4.

3. Et ideo quemadmodum Iudex à quo pendente appellatione nihil innouare potest, quoad articulos seu articulum, super quibus vel super quo appellatum est, sic etiam nihil innouandum est in rebus eius, qui Romam proficiscitur ad sedem Apostolicam: aded vt quidquid post arreptum iter ablatum vel subtractum fuerit, ei restitui debeat.

Deat. Nec solum vim appellationis habet huiusmodi itineris arreptio, sed etiam releuat ab onere petendi Apostolos, vt ex Innoc. refert & sequitur Ancharanus, in cap. 6. nu. 3. notab. 4. De appellationib. in 6.

Dixi, post motam causam; quia itineris arreptio ad Papam ante ceptam causam non habet vim appellationis: quamquam si ex iusta causa facta fuerit, suspendat iurisdictionem inferioris Iudicis, & tueatur eum, qui ipse proficiscitur; non verò eum, qui nuntium mittit, Scaccia q. 6. n. 43. vbi subiungit, non habere quoque vim citationis, si fiat, postquam fuit citatus vel habuit notitiam litterarum, quas aduersarius impetrauit à Papa per c. *Memini* in 9. & c. *Suggestum* 25. sup. De appellat.

TITVLVS XXX.

De confirmatione utili vel inutili.

1. Confirmatio ex certa scientia est utilis.
2. Subreptitiè vel obreptitiè obtenta est inutilis.

Visum est de suspensione sententiæ seu iurisdictionis Iudicis à quo, quæ sit beneficio siue appellationis, siue peregrinationis. Caterum quia contingit sententiam seu processum iudicialem non semper retractari à superiore Iudice, siue summus Pontifex sit, siue alius, ad quem appellatum est, sed subinde confirmari, vt cum pronuntiat, benè iudicatum & malè appellatum: ideo hic Tit. sequitur.

Multum autem interest, an aliquid cōfirmetur à summo Pontifice, an ab alio inferiori: nam quod Pontifex ex certa scientia confirmauit, siue sit sententia, siue arbitrium, siue priuilegium, siue quid aliud, c. *Cum dilecta* & c. penult. h. t. illud firmum manet, nec mutari vel de eo per inferiorem aliquem ampliùs cognosci potest, nisi ex speciali Pontificis mandato, c. 1 & 2. h. t. & hæc dicitur *utilis confirmatio*. Sic in c. *Vt nostrum* 56. sup. De appellat. habetur, quòd, postquam Papa tenocauit ad se negotium aliquod, ita ligentur manus inferiorum, vt nihil ulterius validè in eodem negotio per eos fieri possit.

Dixi.

Dixi, ex certa scientia: nam si confirmatio fuerit obtenta per subreptionem vel obreptionem, tum quilibet Iudex competens de ea cognoscere potest, *c. Bona memoria, c. Ad nostram, c. Porrecta, c. Examinata hoc tit.* quia quod summus Pontifex re non satis cognita, prout se habet seu habebat, sed vel falso narrato vel vero suppresso, confirmavit, non intelligitur confirmasse; qui si rem plenè intellexisset, non fuisset confirmaturus, *c. Super litteris sup. de rescriptis*. Hinc si Religiosus impetrauerit à summo Pontifice confirmationem super administratione temporali, subdito quod esset Regularis, tanquam subreptitia non valet: si verò expresse, rescriptum præsumitur falsum, quia summus Pontifex non consuevit tale quid concedere, *d. c. Ad nostram & d. c. Porrecta*. Et hæc dicitur *confirmatio inutilis*: quia licet non statim sit ipso iure nulla, tamen per exceptionem repelli potest, secundum ea, quæ suprà diximus Tit. De Rescriptis.

De confirmatione contractuum & priuilegiorum, quid ea opereatur, & quando tribuat nouum ius, vel non, vide Gail. lib. 1. Obser. 1. per totam.

Finis Libri Secundi



PARA.

PARATITLA
S I V E
S V M M A R I A
ET METHODICA EXPLICATIO
LIBRI TERTII
DECRETALIVM.

TITVLVS I.

De vita & honestate Clericorum.

1. *Causarum fori Ecclesiastici alia Temporales, alia Spirituales.*
2. *Item alia Ciuiles, alia Criminales.*
3. *Ciuium alia propria Clericorum, alia communes Clericis & laicis.*
4. *Methodus libri huius.*
5. *Clerici quo modo instituere & componere vitam debeant.*
6. *Debent esse continentes.*
7. *Abstinerè à crapula & ebrietate.*
8. *Vitare tabernas cauponarias.*
9. *Alieni ab omni auaritia.*
10. *Abstinerè à lusu alearum & taxillorum.*
11. *A mimis, ioculatoribus, & inhonestis spectaculis.*
12. *A negotijs & commercijs secularibus.*
13. 14. 15. *Deserentes vestes congruentes ordini suo.*
16. *Non portantes arma.*
17. *Non comam aut barbam nutrientes.*
18. *Dum diuina celebrant, separari à populo.*
19. *Denique ab omni crimine abstinentes.*



OST explicatam toto præcedenti libro vniuersam ordinis iudiciarij rationem, proximum est, vt ad materiam ipsam seu res & causas, quæ in forum seu iudicium Ecclesiasticum deduci solent, transeamus.

1 Earum aliæ sunt Temporales; vt si de fundo, equo, domo, pecunia, & similibus agatur, de quibus etiam Iudex laicus cognoscere potest in suo foro. Aliæ sunt Spirituales, vel spiritualibus annexæ, de quibus, quando quæstio est iuris, ne quidem incidenter Iudicem sæcularem cognoscendi potestatem habere, diximus supra, & tradit Foller. ad Marantam 4. p. *Distinct.* 13. n. 2. & 3.

2 Rursus aliæ sunt Ciuiles, quarum appellatione comprehenduntur etiam multæ spirituales, secundum Cardinalem, in *Clement.* 1. col. 4. q. 3. *De officio delegati*; vt cum agitur de iure aliquo incorporali, veluti Sacramentis Ecclesiæ, officio & administratione Ecclesiæ, præbenda, dignitate, Canonicatu, personatu, decimis, vestibus, & alijs ornamentis Ecclesiæ, *Clement. Dispendiosam De iudicijs*, Abbas in c. *Consultare* 38. c. *Ad nostram*, c. *Ad aures* 24. inf. *De Simonia*: item de causa matrimoniali, legitimatione proles, & generaliter vbicumque agitur de causis beneficalibus; quoad petitorium scilicet: nam si iudicio agatur possessorio, puta ad recuperandam possessionem beneficij Ecclesiastici, non est causa spiritualis, vt notant *Glos. & Abbas in c. Cum dilectus* 32. sup. *De elect.* & rursus *Glos. & Abbas in c. Litteras* 7. sup. *De iuram. calumnia*, Cardin. in d. *Clement. Dispendiosam* in 10. quæst. Aliæ verò sunt Criminales, vt cum agitur de hæresi, apostasia, vsuris, & similibus. Primò agemus de Ciuilibus; postea de Criminalibus auri.

3 Cum autem Ciuiliū aliæ sint propriæ Clericorum (sumpto hîc eo nomine generaliter, vt comprehendat omnes, qui diuinis ministerijs & officijs sunt mancipati, licet nullo ordine Ecclesiastico, & ne tonsurâ quidem, insigniti sint; vt Moniales, & olim Monachi, & alij huiusmodi) quales sunt causæ beneficiorum Ecclesiasticorum; aliæ verò sint communes tam Clericis quàm Laicis, vt sunt contractuum testamentorumque iura, cum iuramentorum & Sacramentorum vsu; aliæ denique laicorum dumtaxat, vt causæ matrimoniales: 4 de duobus prioribus generibus hoc libro agendum est; hoc ordine, vt primum de Clericorum moribus seu vita & honestate tractetur: cum quia hæc potissimùm in Clericis requiruntur, qui toti populo se exemplum & vitæ formam exhibeant necesse est, de ijsque controuersiis existere possunt; tum quia in bonorum diuisione, animi, corporis & fortunæ, tanquam animi bona, quæ consistunt in virtutibus, primum locum obtinent.

Quibus

Quibus autem præditi moribus, & quâ conuersatione debeant esse Clerici, præclare describit Isidorus *De Ecclesiast. officijs lib. 2. c. 2.* indeque Gratianus in *Can. Hic igitur Distinct. 23.* & vel ipsa nominis indicat notio: cum enim, vt lib. 1. diximus, Clerici dicantur à Græca voce *κλῆρ*, quasi de sorte vel in sortem Domini vocati sint, decet eos omninò, vt verbis utar Concil. Trid. *Sess. 22. cap. 1. De reformat.* vitam moresque suos omnes ita componere, vt habitu, gestu, incessu, sermone, alijsque omnibus rebus nil, nisi graue, moderatum, ac religione plenum, præ se ferant; leuia etiam delicta, quæ in ipsis maxima essent, effugiant; vt eorû actiones cunctis adferant venerationem.

Cùm igitur nihil sit à purissimis & mundissimis illis mysterijs diuinis, quibus mancipantur, alienius, quàm polluti corporis polluta conscientia, peculiariter Clericos non solum ab incontinentia, verum etiam ab omni incontinentiæ ac libidinis Venereæ suspitione oportet esse alienos & immunes, *c. Vt Clericorum 13. h. t.* illamque quàm maximè à locis ac rebus sacris reijcere & propulsare. Et propterea Clericus Moniales vel earum monasteria frequentans familiarius, quàm deceat, si monitus non desistat, deponitur; laicus verò excommunicatur, *c. Monasteria 8. h. t.* Deque hæresi suspectus est vehementer, & contra eum tanquam hæreticum procedi potest. qui in eam proruperit iniquitatem, vt pœnitentem ad libidinem actusque illicitos alliciat prouocetque, quemadmodum Archiepiscopo Hispalensi rescripsit Pius V. apud Piasc. p. 2. *cap. 4. artic. 6. n. 10.*

Ac proinde etiam ad vitam & honestatem spectat Clericorum; Primò, vt à crapula & ebrietate (quæ omnium vitiorum fomes ac nutritrix est, *can. fin. Distinct. 35.*) diligenter abstineant, vt vinum sibi temperent, & se vino; quandoquidem ebrietas, & mentis inducat exilium, & libidinis prouocet incentiuum, *cap. A crapula 14. h. t.* vbi qui calices fecundiores exhaurit, & ad æquales haustus alium obligat (scilicet ad se mutuo ingurgitandum & inebriandum) si monitus à superiore non desistat, ab officio vel beneficio suspenditur. Aliàs ad æquales haustus potatio, quæ causâ honoris aut voriuæ salutis pro Principibus aut amicis fit, licita est; modò ea cautio adsit, ne quis inebrietur, Zypæus *De iure Pont. nouo h. t. n. 8.*

Secundò, vt prorsus euitent tabernas, nisi forrè causâ necessitatis in itinere constituti, *can. Non oportet, can. Nulli Clerico, & can. Clerico Distinct. 44. c. penult. h. t.* Quod & Synodus prouincialis Mechliniensis an. 1607. præcipit. In istis autem Canonibus non est constituta pœna contrarium facientibus; & ideo relicta videtur arbitrio superioris, vt eam, consideratis frequentatione actuum, personarum qualitate, & videntium scandalo, maiorem vel minorem infligat.

9 Terriò, vt ab omni auaricia sint maximè alieni: nã qui festinat dirari non erit innocens, vt ait Sapiens, *Proverb* 28. imò auaro nihil est sceleratius; nihilque iniquius, quàm amare pecuniam, *Eccles.* 10. Et proinde Iudices Ecclesiastici, siue Ordinarij siue delegati, gratis iudicare debet, *c. Cum ab omni* 10. *h. t.* si scilicet habeant aliunde, ex quo honestè viuant.

10^o Quartò, vt ad aleas & taxillos non ludant, nec huiusmodi ludis interlint, *c. penult. h. t.* Alea ludus tabulæ est, eoque nomine intelligitur omnis ludus, in varietate fortunæ consistens, quique casu potius quàm arte dirigitur. Prohibetur autem ludus iste, sicut & taxillorum, Clericis, propter plurima, quæ occasione illius perpetrari solent crimina; quorum sedecim refert, & certis versibus comprehendit Hostien. in *Summa tit. De excessibus Prælatorum §. Clericus*. Et sanè alearum taxillorumque nulli prosperi euentus: nam & qui perdit, affligitur; & qui vincit, illicitur, inque insidias protrahitur, omnesque huiusmodi ludimagistri nudi, inopes atque egeni existere solent. Vnde Horat. *lib. 1. epist. 18.*

Quem daniosa Venus, quem præcepit alea nudat.

11 Quintò, vt nimis, ioculatoribus & histrionibus non intendant, *d. c. penult. h. t.* vt à ludis theatralibus abstineant, *c. Cum decorem* 12. *h. t.* nec huiusmodi ludos aut inhonesta spectacula in Ecclesijs exhibeant, *d. c. Cum decorem*: quia per huiusmodi ludos & inhonesta spectacula Ecclesiæ inquinaretur honestas & dignitas, quam tamen decet decor & sanctitudo, *Psal. 92.* quæq; esse debet domus orationis, *Marci 11.* Vide Conc. Trid. *sess. 22. in decreto de obseru. & evitandis in celebratione Missæ.*

12 Sextò, vt negotijs & commercijs sæcularibus sese non implicent; aliàs post monitionem tertiam quoad bona sua priuilegium perdant clericale, *c. vlt. h. t.*

13 Septimò, vt vestes congruentes suo ordini semper deferant, (quamuis aliàs habitus non faciat Monachum) vt per decentiam habitus extrinseci, morum honestatem intrinsecam ostendant, Conc. Trid. *sess. 14. cap. 6.* Nam forma vestium, inquit S. Bernardus *De considerat. lib. 3. cap. 11.* deformitatis mentium, & morum indicium est. Quid sibi vult, quòd Clerici aliud esse, aliud videri volunt? nempe habitu milites, quæstu Clericos, actum neutrum exhibent: nam neque pugnant, vt milites, neque, vt Clerici, euangelizant. Ita ille. Ideoq; licet proprius habitus Clericorum nullibi determinetur, teste *Glos. fin. in Clement. 1. De elect.* tamen à vestibus inhonestis, & luxum præ se ferentibus, veluti rubeis & viridibus, abstinere debent. Exceptis S. R. Ecclesiæ Cardinalibus, quibus ab Innoc. 1v. in Concilio Lugdunensi anno 1240. concessus fuit galeri & purpuræ vsus, vt ex Platina refert *Piasec. in Praxis Episc. 2 p. cap. 3. art. 2. n. 29.* Habitu præterea longiori aut breuiori vi

non decet, quàm qui ordini cuiusque conueniat, nullo alio admixto, *c. penult. h. t. & vestem oportet esse talarem, can. penult. Distinct. 23.*

In Synodo autem Mechliniensi 1607. *tit. 18. c. 4.* statuitur, vt Clericus & togam & pileum deferat quadratum: verùm eius decreti obseruantiam remisisse Reuerendiss. Ioan. Miræum Clero ciuitatis Antuerpiensis, in acceptione eiusdem Synodi, ob singulares istius loci respectus, testatur Zypæus *h. t. n. 6.* Dum verò peregrinatur, vel est in villa Clericus, modò habitu vtatur vltra genua pendente, excusatur per d. Synod. Mechlin.

Excusat etiam paupertas & metus & verisimile periculum itineris, *d. c. penult. h. t.* Nec propter vnicam habitus omissionem priuatur Clericus privilegio clericali; verùm ad hoc requiritur perseuerantia, & vt ex tali habitus indecentis vsu communiter existimetur laicus, vti ex Prospero Farinac. notat. *Piasec. d. loco n. 30.* Qui ibidem tradit *n. 29.* honestatem vestium Clericalium ponderandam esse ex consuetudine & vsu cuiusque regionis, per *can. Si quis virorum Dist. 30.* videlicet ne sint communes cum illis, quibus laici & militares in illa regione vtuntur, *Glos. in d. can. Si quis virorum, & alia similis in d. c. penult. V. de auratis, Steph. Weyms. in Analyfi sua ad lement. Quoniam h. tit. n. 14.* Quare prohibentur etiam vti frænis, sellis, pectoralibus, calcaribus auratis, fibulis, corrigeis auri vel argenti ornatum habentibus, an nullo: exceptis ijs, quibus ratione dignitatis id concessum est, *d. cap. penult. h. t.*

Postremò notandum hîc est, Constitutionem Sixti V. contra non vtentes aut abutentes habitu Clericali, quam cum eiusdem moderatione refert *Piasec. d. loco n. 18.* non esse receptam vsu quoad pœnam priuationis ipso facto incurrendam.

Octauò, cum officium clericale reddat inhabiles ad pugnandum Clericos, etiam contra Saracenos, *c. Ex multa 9. in fine inf. De voto & voti redempt.* quippe cum simul nequeant Deo & sæculo militare, *can. Quicumq; xxiii. q. 8.* & lacrymæ atq; orationes sint munimenta sacerdotum, *can. Conuenior 5. quid ergo d. causa & quest.* arma portare non debent, *c. 2. h. t.* ad offendendum scilicet: nam ad se, vel res suas, vel proximum defendendum, vel ad latronum terrorem, si per loca periculosa transituri sint, ea deferre possunt, *c. Dilecto De sententia excommunicat. in 6. can. Maximianus xxiii. q. 3.* & notat Panormit. *in d. c. 2.* adiiciens, nomine armorum non venire paruum cultellum ad sciendendum fortè panem aptatum. Licet autem Clerici sæculares ob delationem armorum non sint ipso facto excommunicati, sed excommunicari possint, *d. c. 2.* tamen Religiosi arma tenentes intra septa monasterij absque licentia Superioris, sunt ipso facto excommunicati, *Clement. Ne in agro De statu Regularium.*

- 17 Nonò, interdictum Clericis, vt comam aut barbam non nutriant, c. 4. §. 7. h. t. quia ministri altaris debent mentem habere eleuatam, non velatam, D. Thom. p. 3. q. 40. art. 1. (capilli autem in velamen dati sunt, 1. ad Corinth. 11.) & quia omnis superfluitas temporalis à Clerico abesse debet, c. penult. h. t. superflua autem per capillos signantur, cum ex superfluis generentur, D. Thom. d. loco. Hac tamen in re videmus passim obtinere in contrarium consuetudinem, quæ valet, arg. c. fin. sup. De consuetudine.
- 18 Decimò, vel communiter, c. Quoniam 9. h. t. vel separatim inter se viuentes rebus diuinis vacare debent, nec permittere, dum sacra faciunt, populum intra cancellos ad altare consistere; vt separatus sit clerus à populo, c. 1. h. t. & vt liberius sacra officia exercere & intendere diuinis valeant, can. Sacerdotum 30. De consecrat. Distinct. 2. cumque laicis sint digniores, can. Duo sunt XII. q. 1. debent in loco & sedibus præferri laicis.
- 19 Denique, vt summam dicam, debent ab omnibus criminibus, imò ab omni eo, quod speciem criminis habet, vel alteri scandalo esse potest, omni diligentia sibi cauere & abstinere. Vide præclaram admonitionem Concilij Trid. Sess. 2. in Decreto de modo viuendi §. Episcopos verò & quoscunque alios, & in præmio Decreti De reformat. Sess. 14. & cap. 6. eiusdem Sess. item Sess. 22. cap. 1. & Sess. 24. cap. 12.

TITVLVS II.

De cohabitatione Clericorum & mulierum.

1. Interdicta Clericis habitatio cum mulieribus, excepta matre, auia &c.
2. Nisi & tales de lubrica vita sint suspectæ.
3. 5. Pæna Clericorum non abstinentium à consortio mulierum.
4. Ratio huius interdictionis.
6. An liceat Clerici concubinarij Missam audire.

Solent mulierum consortia reddere vitam Clericorum de incontinentia suspectam; vnde meritò hic Tit. sequitur.

1. Venerunt proinde & interdixerunt Canones Clericis non solum matrimonium ac matrimonij vsum, verum etiam quamlibet periculosam ac suspectam cum mulieribus cohabitationem, præterquam cum auia, matertera, amita, matre, sorore, filia, nepte, & quacum-

quæcumque ex familia sunt domesticâ necessitate, veluti ancillæ & pedissequæ, *can. Cum Volumus 24. can. Omnibus 26. Distinct. 81. & can. Interdixit Distinct. 32.* Ratio huius exceptionis est, quia in illis personis naturale fœdus nihil permittit sæui criminis suspicari, *c. A nobis 9. h. t.* Ideoque idem dicendum de alijs prouectioris ætatis fœminis, modò honestè sint & omnem suspensionem excludant.

Quòd si & tales de incontinentia & lubrica vita sint suspectæ, ne Clericis quidem licebit cum eis cohabitare, quia instigante diabolo & in illis scelus perpetratum reperitur, aut etiam in pedissequis earumdem, *c. 1. h. t.* nam & Thamar à fratre suo oppressa & corrupta fuit, *2. Reg. 13.* Vnde de D. Augustino legitur, quòd ne cum sorore quidem habitare voluerit, dicens: Quæ cum sorore mea sunt, sorores meæ non sunt, *can. Legitur 25. Distinct. 81.* Sin autem ex his Clericis sacris initiatus indigeret aliquâ, habeat eam in vico aut in villa, longè à sua conuersatione, & inde ei, quæ sunt necessaria, subministret, *d. c. 1.*

Alioqui Clericus sacris initiatus, qui cum mulieribus suspectis versatur, si ab earum colloquio ac consortio ter monitus non abstineat, excommunicandus est *c. 2. h. t.* Si verò fornicariam seu concubinam habeat, & monitus eam non dimittat, suspendi debet à beneficijs Ecclesiasticis, priuandus fructibus beneficij sui; & si suspensus, eandem retinere adhuc præsumpserit, deponi seu priuari beneficio *c. 4. eod.* si tamen exactâ probatione constet teneri concubinâ à Clerico: nec enim mox & præcipitanter ad sententiam priuationis aut depositionis profiliendum est; & non solum præsumptionibus, sed concludentibus probationibus ad hoc opus est. Ad eam tamen abiurandam, compelli non debet ob periculum periurij, *c. 3. eod.* Et licet, vbi crimen Clerici concubinarij notorium est, ad condemnationem eius ac punishmentem, nec testis nec accusator sit necessarius, aut opus præuia monitione, *c. Tuas nos 8. eod.* cum excessus notorius examine non indigeat, *c. Bona sup. De elect.* nullaque validior sit probatio, quàm per euidentiam rei, *Glos. in c. Ad nostram sup. De iureiurando*: tamen sine monitione præuia ad priuationem perueniri non potest, *c. Sicut 4. c. Si autem 6. h. t. Conc. Trid. Sess. 25. cap. 14.*

Episcopi verò & Religiosi nullam omninò ad cohabitandum admittere mulierem debent, *Novell. 5. De Monachis cap. 3. Novell. 123. De sanctiss. Episcopis cap. 29. in fine, l. Eum qui, & Auth. Episcopus Cod. De Episc. & Clericis, & similibus, Hostien. in Summa h. tit.* idque ob statum perfectionis, in quo tales sunt.

Porro tam strictæ prohibitionis Clericorum cum mulieribus cohabitationis rationes assignari variæ possunt; Prima, quòd difficillimum sit Clericis castitatem seruare illibatam, cohabitando, conuer-

sando,

sando, aut familiaris agendo cum mulieribus: imò pœnè tam impossibile, quàm stupam aut ceram appositam igni illatam seruare, aut abscondere fouereque ignem in sinu, vt vestimenta non ardeant, aut ambulare super prunas, vt plantæ non adurantur, *Proverb. 6.* Nec est, quòd quis viribus suis confidat: nam quis Dauide vel Sampsonè fortior? aut Salomone sapientior? quos tamen incauta familiaritas & pernitiosa mulierum vicerunt & deceperunt blandimenta. Et vt cessaret periculum, tamen talis conuersatio, inquit August. suspicionis malam porrigit famam & pudicitiae bonum frustra intrinsecus laborioso agone custodit, quod extrinsecus efficit infamari. Secunda, quia huiusmodi cohabitatio & conuersatio plurimum arcet Clericos à perfectione in illis requisita, *can. Hospitalium 17. Distinct. 32.* Tertia, est excellentia ministerij sacerdotalis, quæ ex parte ministri requirit maximam munditiem.

5 Quid autem de Clericis incontinentibus quoad pœnas & modum procedendi statuat Concilium Trid. breuitatis causâ videre ibidem licet, *Sess. 25. cap. 14. seq. De reformat.* Quâq; ratione idem Concilium aduersus concubenarios laicos procedendum putet, & quibus pœnis afficiendi sint, traditur *Sess. 24. cap. 8.*

6 Tantum superest hîc dubium, an, qui nouit Clericum concubinarium siue fornicatorem, Missam eius licitè audire vel ab eo Sacramenta percipere valeat? Id enim vetare videtur *canon Nullus 5. Distinct. 32.* Sed dicendum ex *c. Vestra & c. vlt. h. t.* quòd, cum Clericus aut Presbyter fornicarius quoad se tantum suspensus sit, id est, non percipiat fructum diuinorum mysteriorum ac Sacramentorum ad suam salutem, non verò quoad alios; in officio nequaquã vitari debeat, quamdiu toleratur: nisi peccatum huiusmodi sit notorium per sententiam, vel per confessionem iniurè factam, (quod Interpp. vocant notorium iuris) aut per euentiam rei, quæ tergiuersatione aliquâ celari non possit, nempe quando crimen ita est publicum, vt toti populo pateat (quod vocat notorium facti:) *c. Tu nos 8. & d. cap. vlt. h. t.* hoc enim casu, de quo intelligitur *d. canon Nullus*, vitari debet: non quòd diuina Sacramenta, quæ purgatoria cunctarum cogitationum existunt, pollueri valeat; sed vt peccandi licentia cæteris auferatur, & ipse, videns se contemni ob fornicationem, citius ad pœnitentiæ fructum trahatur, *d. c. Vestra h. t.*

TITVLVS III.

De Clericis coniugatis.

§. I. De Clerico ordine sacro initiato.

1. *Cœlibatus Clericis semper commendatus.*
2. *Matrimonium sacris initiati ipso iure nullum est.*
3. 4. 5. 6. *Alia pœna è veteribus Canonibus, & Conc. Trid.*
7. *Ratio prohibitionis.*
8. *In Græcanica Ecclesia licet retinere vxores antea ductas.*

C Anones sacri castitatem Clericis ita commendatam esse voluerunt, vt non solum illis prohibuerint cohabitationem cum mulieribus, sibi non iunctis matrimonio, sed etiam iam inde à temporibus Apostolorum cœlibatum ad eò annexum esse voluerint sacris Ordinibus, vt ijs initiati neque vxores ducere, neque ductis antea post ordinationē vt permittantur, saltē in Ecclesia Latina: quin etiam castitatem perpetuam vouere debeant sacris initiandi, vt constat ex *can. Apostolorum 15.* varijsque auctoritatibus summi Pontificum, Conciliorum, & veterum Patrum, *Distinct. 28. & 32. per tot.* varijs item ea de re editis ciuilibus Constitutionibus, *l. Eum qui & Auth. Multo magis Cod. De Episc. & Clericis. & similibus.*

Dispiciendum autē potissimum hīc est, quatenus Clerici coniugati beneficia habere vel retinere possint, vel non: nam de validitate matrimonij per Clericum contracti agetur *lib. 1 v. Tit. Qui Clerici vel vouentes matrim. contrahere possunt.*

Cœlibatus igitur à sacris Canonibus ita annexus semper fuit Ordinibus sacris, vt si quis ordine sacro initiatus vxorem duxerit, & matrimonium sit nullum, prout definit Conc. Trid. *Sess. 14. cap. 9.* & compelli debeat ad ductam abiurandam, ac pœnitentiā agendam de commissio, per excommunicationis & suspensionis ab executione Ordinum sententiā, simulq; priuari officijs & beneficijs Ecclesiasticis, *c. 1 h. t.*

Quin imò decreto Conc. Toletani *iv.* permissum fuit Episcopis, faminas huiusmodi, coniunctas Clericis illicitē, auferre & venundare; illis pro tempore relegatis ad pœnitentiā, quos suā libidine infectissent. Sed & Urbanus II in *can. Eos qui Distinct. 32.* Principibus Indulgentiam redigendi in seruitutem fœcarias, si Clerici, ab Episcopo moniti, nollent ab illis separari.

- 4 Vnde pater Canonum Ecclesie circa hanc rem alios mitiores, alios seueriores olim fuisse. Nam & Conc. Toletanum *viii. cap. 6.* iubet eiusmodi feminas recludi in monasterijs, vtridem sub grauibz pœnitentiz oneribus vsque ad finem vitæ degant. Ancyranum verò, *cap. 20.* annos pœnitentiz septem adultero imponit. Neocesarien. *cap. 1.* Presbyterum, vxorem ducentem, deponi; fornicantem vel adulterantem extra Ecclesiam abijci, & inter laicos ad pœnitentiam redigi mandat. Eliberit. *cap. 13.* statuit, virginibus votifragis, etiam resipiscantibus, in fine tantum dandam esse communionem. Virginibus sine voto in corpus suum peccantibus annus præscribitur, priusquam reconciliantur, si modò violatoribus suis nupserint; sin alijs, quinquennij pœnitentia. Idem Concil. *cap. 17.* statuit, si vidua peccauerit, post quinquennem pœnitentiam communioni restituendam, si correat nupserit; sin alteri, nec in fine dandam communionem. Concilium verò Mariscon. *cap. 2.* statuit, vt nulla mulier in cubiculum Episcopi absque duobus Presbyteris aut certè Diaconis ingredi permittatur, referente Zypæo *De Iure Pontif. nouo lib. 3. h. t. n. 2.* * Verum, vt antè diximus, hodie & quoad pœnas & quoad modos procedendi contra concubinarios Clericos, sequendum est Conc. Trid. *sess. 25. cap. 14. De reformat.*

- 6 Insuper Clerici coniugati sunt irregulares; ita vt nec in susceptis Ordinibus ministrare, nec ad maiores promoueri valeant.

Præterea sunt excommunicati ipso iure, *Clement. vnica De affinitate & consanguinit.* reseruata absolurione Episcopo, *Glos. ibid. in v. obtinere.* Vide Sanchez *De Matrimonio lib. 7. Disputat. 48.* fusiùs d. *Clement. ex-plicantem.*

Item redduntur suspecti de hæresi; & potest contra eos per Inquisitores procedi.

Incurrunt etiam pœnam stipti, si virginem sub figura ac prætextu matrimonij violarint, quamuis verba de præsentì ac benedictiones præcefferint, *Dias in Praxi crim. Canonica cap. 74.*

- 7 Cæterum meritò hæc ita constituta sunt à sacris Canonibus: nam si in veteri lege, qui adstebant altari, ad offerendum panes materiales, & sacrificia animalium mortuorum, iuebantur esse mundi, *Exod. 9.* & continentes abstinentesque ab vxoribus, pro tempore, quo ministraturi erant, *can. Tenere 9. nam si prius Distinct. 31.* si item Flamines gentiles seu sacerdotes Ethnici in supersticijs suis cultibus ac ritibus, ipsi satanæ seruientes, tanto opere ac studio castitatem seruauint: quàm castos & puros esse decet sacerdotes Dei, ac reliquos Clericos, sacris initiatos, qui velut templum ac vasa sunt Domini & sacrarium Spiritus sancti, iugiterque altari adstunt, *can. Decernimus Distinct. 18.* & similibus.

& similibus: præsertim cum non accedant ad offerendas carnes vitulorum aut hircorum, ut in veteri lege, sed ad immolandum agnum immaculatum, ipsum Salvatorem IESUM Christum, verum Deum & hominem.

Dixi autè, saltem in Ecclesia Latina; quia licet in Ecclesia Orientali seu Græca nunquam licuerit post sacros Ordines susceptos uxorem ducere, ut patet ex *can. Si quis eorum Distinct. 32, c. A multu sup. De aetate & qualitate ordinum*, tamen concessum tandem fuit, ut saltem antea ductis vterentur, uti constat ex *c. Cum olim h. r. can. Aliter Distinct. 31*.

Vbi tamen obseruandum, olim, ante tempora D. Gregorij, Subdiaconatum non fuisse Ordinem sacrum, ut supra diximus, ac proinde licuisse tunc Subdiaconis uxores ducere, & ductis uti.

§. II. De Clerico minoribus Ordinibus initiato, contrahente matrimonium.

1. Talis ducta uxore amittit beneficium ipso facto.
2. Nec resignare illud potest in favorem tertij.
3. 4. Licet etiam matrimonium sit nullum, vel irritum.
5. Clericus impubes, vel pubes cum pubere, contrahens non excidit beneficium.
6. Aliàs ne quidem consensu Episc. beneficium simplex retinere potest.
7. 8. Convigatus quibus casibus beneficium retinere possit.

QUOD si verò Clericus, in minoribus Ordinibus constitutus, continere se non possit, aut non velit, permittendus est uxorem sortiri, *can. Si qui verò Distinct. 32. can. Quia tua §. si qui x i. 1. quest. 1.* Verùm si contraxerit validè, beneficium, si quod habuerit, statim ducta uxore vacat, *c. 1. b. r. sicut & pensio*, si quam habeat titulo clericali, seu loco beneficii, quod resignavit: quia per matrimonium, licet copula non sequatur, vinculo incompatibili cum beneficio sese quis astringit; sicque eo ipso per ipsontancam dimissionem videtur beneficium repudiare, nec illud recuperatam sponsam decedente vel monasterium ingrediente, *D. D. in d. c. 1.* quia quod semel extinctum est, non reuiuiscit amplius, licet causa extinguens cesseret, *can. Quampericulosum v i. 1. q. 1. Clement. Gratia De rescriptis*. Ob eandem rationem accessus, regressus, ac quodlibet aliud ius ad beneficium Ecclesiasticum vacat ipso iure, *d. Clement. Gratia*: quia facilius perditur ius ad rem, quàm in re, *c. Quemadmodum sup. De iurcurando*.

Hinc sequitur Clericum, post contractum validè matrimonium, non

posse beneficium, quod antè obtinebat, resignare in alicuius fauorem, sed teneri possessionem eius statim dimittere, posseque illud, tanquam vacans ipso iure & facto, impetrari.

- 3 Quod si matrimonium sit nullum, iam grauissima est quaestio, an vacet similiter beneficium: de qua varij variè sentiunt, vt videre est apud Sanchez *De matrim. lib. 7. Disput. 43.* vbi, relatis tribus sententijs, adharet tertiæ, nempe per matrimonium quomodocumque & quacumque ex causa nullum non amitti ipso iure beneficium, sed sententiâ Iudicis opus esse; eâ inter alias ratione, quod non præster impedimentum, quod de iure non sortitur effectum; quodque paria sint esse nullum ipso facto & non factum; nec in vlllo textu inueniatur decisum, solam attentionem cum ipso facto irritum sufficere in hoc casu.

- 4 Hinc etiam verius est, Clericum initiatum sacris Ordinibus, contrahentem matrimonium, sed irritum, propter consanguinitatem, vel aliud impedimentum dirimens, non amittere beneficium suum ipso iure, vt tradit Sanchez *d. loco.*

- 5 Quid si Clericus impubes cum sponsa impubere aut pubere, vel pubes cum impubere per verba de presenti contraxerit, nec malitia suppleat ætatem? (cuiusmodi matrimonium resoluitur in sponsalia de futuro, c. unico *De desponsat. impuberum in 6.*) Talis non excidet beneficio suo, nisi adueniente legitimâ ætate matrimonium sic contractû ratificetur, ijs modis, de quibus per text. Glöf. & D.D. in d. c. unico: siquidem constat apud omnes, non amitti beneficia per sponsalia de futuro, quandoquidem statum incompatible cum beneficio non inducant, sed sint duntaxat via ad illum.

- 6 An autem consensu Episcopi Clericus beneficium simplex, ante contractum matrimonium obtentum, retinere possit, matrimonio contracto cum virgine, quæri etiam potest? Comuni opinione receptum est, non posse; quia coniugati beneficiorum sunt incapaces. Non obstat canon *Si quis Distinct. 32.* & canon *Quia tua x 11. qu. 1.* quia non loquuntur de beneficijs Ecclesiasticis, sed de stipendijs sustentationis, quæ dantur Clericis coniugatis, clericaliter viuentibus, & Ecclesiæ deseruientibus; idque de gratia magis, quàm de iure, & tanquam elemosyna. non tanquam præbenda.

- 7 Cæterum ijs casibus, quibus coniugatus potest suscipere Ordines, secundum dicta à nobis *lib. 1.* potest etiam beneficium obtinere. Et ita intelligendus est canon *De Siracusana Distinct. 28.* vbi habens uxorem, eligitur in Episcopum.

- 8 Potest etiam coniugatus obtinere beneficium ex dispensatione, non quidem Episcopi, sed summi Pontificis, c. *Diuersis s. b. t.* vbi iubetur, vt Episcopus coniugatos beneficijs, post coniugium adeptis,

pruici;

privet; & statim subditur, *Nisi forte tu talibus scienter contuleris Ecclesiastica beneficia, quibus eos non per te, sed per superiorem decernimus spoliandos: nam inde colligitur, non sufficere dispensationem Episcopi, quæ si sufficeret, non esset spoliandi beneficijs, ab Episcopo sibi collatis.*

Non obstat, quòd Episcopus dispense cum homicida & irregulari, c. *Ad audientiam* 12. inf. l. *de homicidio*; & cum deposito, can. *Sodomitæ* Dist. 63. qui sunt casus grauiores: quia in materia dispensationis, quæ est exorbitans à iure, non valet argumentum à casibus permixtis ad non permixtos etiam minores. Vide Sanchez *De matrim.* lib. 7. *Disputat.* 42. n. 17. & seq.

§. III. An Clericus coniugatus immunitate Ecclesiasticâ perinde gaudeat ac non coniugatus.

1. Clericus coniugatus qualiter priuilegio fori gaudeat.
2. In Clerico coniugato quis censetur habitus clericalis.
3. Quid in eodem requiratur Conc. Trident.
4. Quoad cetera priuilegia reputatur laicus.
5. Separatus ab uxore & ordinatus gaudet priuilegijs clericalibus.
6. Contrâ Clericus ordinatus per dispensationem uxorem ducens.

ITa videtur de iure antiquo: at verò iure nouo, in c. *unico h. t. in 6.* statuitur, vt præter priuilegium canonis *Si quis suadente x v i l. q. 4.* (quò manus violentas in Clericum iniiciens excommunicationem incurrit, non nisi à summo Pontif. absolendus) gaudeat duntaxat priuilegio fori: & quidem, vt docet Sanchez. *d. lib. 7. Disp. 46. n. 21.* quoad causas, non ciuiles, sed criminales, siue ex criminaliter siue ciuilitè intententur, prout Clericis conceditur in c. 2. *sup. De foro comper.* id què non aliter, quàm si cum vnica & virgine contraxerit, & tempore commissi delicti (quod ad hoc, vt quis gaudeat foro, etiam attenditur, arg. l. 1. D. *l. e parric*) tonsuram & simul habitum deferat seu detulerit clericalem, exteriorèm scilicet & apparentem, d. c. *unico*, ibi, *vestes deferant clericales, & similibus.*

Dicitur autem habitus clericalis, cùm eius nō sit à iure determinata qualitas, quo ex regionis vsu honesti Clerici coniugati vtuntur, arg. c. *Ioannes 7. h. t.* ita scilicet, vt ex aspectu à quolibet iudicetur Clericus, *Glos. communiter approbata in c. penult. sup. De vita & honest. Clericor.* Neque enim cogendus est ijs vestibus indui, quibus Clerici non coniugati, ministerio Ecclesiæ vacantes, vtuntur.

- 3 Cæterum decretum d. c. vnici confirmat Concilium Trident. *sess. 23. cap. 6. De reformat.* ei que hæc superaddit, modò Clerici tales Ecclesiæ alicuius seruitio vel ministerio ab Episcopo sint deputati, eisdemque Ecclesiæ in clericali habitu & tonsura deferuiant & ministerent.

Quòd si harum conditionum vel vna defecerit, nullo priuilegio clericali gaudebunt, consuetudine in contrarium, etiam immemoriali, nequidquam suffragante. Sed & amittent cetera, præter priuilegium canonis & fori, eo ipso, quo contrahunt matrimonium: fori verò & canonis eo ipso, quo non seruant conditiones requisitas, etiam citra admonitionem vel declarationem Iudicis; quia ista priuatio non imponitur vt delicti pœna, sed ob defectum conditionis requisitæ. Vide Steph. Weynsl. in *analysi sua ad d. c. 1.*

- 4 Infuper quoad cetera priuilegia Clericus coniugatus reputatur omninò laicus, etiam per matrimonium nondum consummatum. Sanchez *d. loc. n. 13. & seq.* Ideo que nec Vicarius Episcopi in spiritualibus esse potest, nec interesse diuinis tempore interdicti, nec gaudet priuilegio clericali, quoad gabellas, indictiones, numera secularia, & quæcumque alia obsequia.

- 5 Quòd si verò coniugatus cum vnica & virgine separetur ab vxore communi consensu, legitimoque modo ordinetur, perinde gaudebit immunitate Ecclesiastica ac ceteri non coniugati, quia talis reputatur ab Ecclesiâ non tanquam coniugatus, sed tanquam viduus continens; & ciuili quodam modo, quoad vsum & societatem matrimonij, vxor illi quasi mortua censetur. A fortiori idem dicendum, si illa moriatur, & ipse redeat ad propria Clericorum ministeria. Videatur plenius Sanchez *d. loc.*

- 6 Aliud dicendum de eo, qui in sacris constitutus per dispensationem ducit vxorem, quia talis omninò abstrahitur & quasi deponitur à statu clericali. Sanchez *d. loc.* vbi docet Clericum coniugatum per negotiationem honestam non amittere dicta priuilegia, modò conditiones requisitas seruet. Similiter docet Clericum coniugatum cum vnica & virgine, amittentem priuilegia clericalia ob depositionem habitus clericalis & tonsuræ, ea recuperare, resumptis habitu & tonsurâ, nec per vnâ aut alterâ habitus dimissionem amitti priuilegia, modò aliâs continuò deferat.

TITVLVS IV.

De Clericis non residentibus.

1. Residere quid sit.
2. Tenentur beneficiati ad residentiam; etiam ratione simplicis beneficij.
3. Quod tamen fallit ex generali consuetudine.
4. Ideoq; per substitutum quis deferuire potest.
5. Quo pacto procedendum contra non residentes.
6. 7. Causse iustae excusantes à residentia.
8. Quo casu debentur grossi fructus, non distributiones.
9. Nisi ex certis causis.
10. Decreta Conc. Trid. circa residentiam Clericorum.

Clerici non solum inhonestè viuunt, mulierum consortia familiaritatèq; consecretando, sed & non residendo in Ecclesijs suis, & interim fructus percipiendo; eam ob causam quandoque etiam puniendi & priuandi beneficijs.

Est autem Residere nihil aliud, quàm deferuire, *Flaminii De Resignat. benefic. lib. 1. q. 10.* & Residere personaliter non est aliud, quàm personale debitum per se prestare.

Cum igitur beneficium detur propter officium, *s. fin. De rescriptis in 6.* ideo nullus ad beneficium Ecclesiasticum adsumendus est, nisi qui in loco eiusdem residere & per se deferuire possit, *c. 3. & 4. h. t.* Omnesq; beneficiati ad residentiam personalem, id est ad personale ministerium in loco beneficij, Episcopi quidem & Pastores, qui curam animarum habent, de iure naturali & diuino, *Lessius 1. De iure & Iuri. cap. 34. Dubitat. 39.* reliqui uero de iure communi tenentur; siue dignitatem annexam habeant, *c. 1. 2. 3. & 8. h. t.* siue aliud quodcumque, & quantumuis tenue ac modicum, *c. Conquerente 6. & c. Inter quatuor 10. h. t.* Ad eò ut ipse Iustinianus Imp. in l. *Generaliter sancimus Cod. De Episc. & Clericis*, lanxerit, eos tantum Clericos & Monachos immunitatis beneficio à cura & tutela gaudere, qui apud sacrosanctas Ecclesia: vel monasteria permanent, non vagantes, & qui circa diuina ministeria non sunt desides.

Nec hic habet locum regula Iuris, quòd quis possit per alium facere, quod per se ipsum potest: quia patitur exceptionem, quando electa est industria & opera personæ; ut in collatione beneficij semper electa intelligitur, *c. Iscus De officio Iud. delegati in 6.* nam opera vnius non est

non est opera alterius, l. Si non sorem §. liberum D. De condit. indebti. Excipiuntur tamen præstimonía seu præstimoniales portiones habentes: cum enim hæc ex sua institutione non videantur habere vllum seruitium annexum, præter lectionem horarum, non videntur quoque requirere residentiam, Garzias De benef. 3. p. cap. 2. n. 2.

3 Dixi, de iure communi; quia ex generali totius Ecclesiæ consuetudine beneficia simplicia residentiam non requirunt, Flamin. d. loc. n. 67. Ideoque potest quis per substitutum illis deferuire.

4 Hinc quoque fit, quòd, vbi fundator in erectione alicuius Capellaniæ, vel alterius simplicis Beneficii, disposuerit, vt, contingente eius vacatione, conferatur alicui, qui celebret tot Missas in hebdomada vel mense, non teneatur talis prouisus esse sacerdos, nec possit cogi per Episcopum, vt per se celebret; nisi fundator discretis verbis expresserit, vt per se celebret, aut vt Capellanus sit actu sacerdos, Capellania sit sacerdotalis, vt præsentandus sit sacerdos, vel quid simile, vt latè docet Gonzal. ad Reg. v l l l. Cancell. Glos. 3. à n. 74. vbi de hoc refert declarationem Cardd. Et ratio est, quia cum aliàs fundator se semper censeatur conformare dispositioni iuris ciuilibi seu vniuersalis consuetudinis, l. 2. ibi, ad ius rescribitur, Cod. De hered. instituendis, l. Cum quidam §. quemadmodum Cod. De verb. significat. secundum quam beneficia simplicia non requirunt residentiam; ideo per verba illa, celebret tot vel tot Missas, non prohibet, ne per alium celebretur; nec ea verba important obligationem sacerdotij, nec celebrationem per ipsummet Capellanum, sed designant onus ipsi Capellaniæ seu simplici beneficio, quod per alium expleri potest, nisi aliter fundator expressè disposuerit.

5 Quòd si Prælati vel alius Clericus, residentia adstrictus, ab Ecclesia sua aut beneficio, residentiam requirente, sine iusta causa abfuerit, monendus est per superiorem, vt ad Ecclesiam redeat: qui tum, si intra tempus congruum, sibi præfixum, non redierit, iure suo ac beneficio priuari potest, atque alius eligi, & beneficium alteri conferri, c. Ex parte 8. c. Qualiter 9. & c. vlt. h. t. idque remota quoque appellatione, c. Relatum 4. & c. Conquerente 6. eod. quamuis sit Cardinalis, c. 2. eod.

Si verò nesciatur, vbi terrarum degat Clericus, tribus edictis publicis, Ecclesiæ eius valuis affigendis, citandus & euocandus est: qui si intra sex menses non reuertatur, beneficio suo exui potest, c. 1. c. Ex sua deuotione 11. h. t. Idque in simplici etiam beneficio obtrinet, quia licet illud non requirat residentiam ex generali consuetudine, tamen ob delictum vagationis potest quis eo priuari, Zerola 1. p. V. Priuatio.

Dixi,
à sua Ecclesia.

6 Dixi, absque iusta causa; quia sunt nonnullæ causæ, ob quas quis à sua Ecclesia vel beneficio abesse potest: veluti, causa studiorum in aliqua

aliqua Vniuersitate, petitâ tamen priùs à Superiore licentiâ, *c. Tua fraternitatis* 12. *h. t.* si Romano Pontifici quis inseruiat, *c. Cum dilectus* 14. *ead.* vel proprio Episcopo, *c. Ad audientiam* 15. *ead.* vel propriæ Ecclesiæ negotia curet, *c. Ex parte* 13. *ead.*

Similiter abesse quis potest ob pestem grassantem in loco beneficij: 7
ob capitales inimicitias, post beneficium obtentum ortas: ob aeris intemperiem, vel iustam & rationabilem corporis necessitatem, vel ob morbum, *c. 1. inf. De Clerico agrotante.*

Ex aliqua harum causarum, vel alia simili, absentes grossos fructus, 8
vt loquuntur, beneficiorum suorum percipere poterunt, *d. c. Tua fraternitatis & d. c. Cum dilectus*; sed distributiones amittent quotidianas (quæ aliàs manualia beneficia seu victualia nuncupantur, *c. vnico eod. in 6.*) exceptis casibus à Iure expressis: quia illæ præsentibus dumtaxat pro officio diuino, cui statis horis interfunt, debentur, *c. De cetero* 7. *in fine h. tit.* & qui aliter nomine distributionum quicquam receperit, dominium illius non acquireret, imò tenebitur ad restitutionem, *d. c. vnico eod. in 6.* Cuius Capituli decretum, quod Bonifacium VIII auctorem habet, in vsum reuocat Conc. Trid. *Sess. 24. cap. 12. De reformat.* Vide omninò Analysin ad *d. Constitut. Bonifac. V. Cl. Steph. Weymsij.*

Dixi, exceptis casibus à Iure expressis; quia in *d. c. vnico* tres casus seu causæ excipiuntur, ob quas absentes à diuinis officijs distributiones percipiunt. Prima est corporalis languor & infirmitas grauis, ob quam 9
quis diuinis interesse non possit, de qua postea latius *Tit. De Cler. agrotante.* Secunda est iusta & rationabilis corporis necessitas: quam distinctam esse causam à priori ostendit *Weyms. ib. n. 16. & seqq.* Tertia cuiusdam Ecclesiæ utilitas. Adde senium, ob quod quis nequit diuinis interesse, *Weyms. ib. n. 20.* Prædictis tamē causis non obstantibus, si Ecclesia patiatur ministrorum, qui officium diuinum peragant, defectū, possunt ex iusta aliqua causa absentes reuocari ad Ecclesiæ ministerium, & compelli ad hoc per subtractionem fructuum, *c. penult. h. t.*

Ceterum quia iuxta veteres Canones, qui aliquantisper absunt, non videntur abesse, quia statim reuersuri sint, *can. Non oportet, & can. seq. VII. q. 1.* ideo Conc. Trid. hac in parte modum statuit, multaq; circa 10
residentiam Clericorū innouauit: veluti de residentia Primatum, Patriarcharum, Metropolitanorum & Episcoporū, *Sess. 6. c. 1. & Sess. 23. c. 1. De reformat.* de residentia verò eorū, qui obtinent beneficia, de iure vel consuetudine requirentia residentiam, *Sess. 6. c. 2. De reform.* & de residentia obtinentium Dignitates, Personatus, Officia, *Sess. 21. c. 3. & Sess. 22. c. 3. De reform.* Denique de residentia obtinentium Canonicatus, Præbendas aut portiones, *Sess. 24. c. 12. & de pœnis non residentium* iisdem locis.

De Præbendis & Dignitatibus.

§. I. Quid sit Præbenda & Beneficium Ecclesiasticum.

1. Præbenda propriè qua dicatur; & varia illius acceptiones.
2. Qua Canonica seu Canonicatus.
3. Quid sit Beneficium Ecclesiasticum.
4. In eo tria considerari; primò Officium.
5. 6. Deinde ius percipiendi fructus, & ipsos fructus.
7. Beneficium ex sua institutione perpetuum esse debet.

DE bonis Clericorum internis tam animi quàm corporis iam dictum est. Dicendum nunc est de bonis eorū externis, nempe de Præbendis & Dignitatibus, cæterisq; beneficijs, in quibus residere debent.

1. Præbenda propriè dicitur canonica portio, *c. Vacante 26. c. Dilectus 27. & alijs h. t.* Estq; spiritualis, ratione Canonice seu Canonicatus, cui annexitur, *d. c. Dilectus*. Cæterum in hoc Titulo capitur generaliter pro omni beneficio Ecclesiastico, sicut & in *c. Maioribus 8. c. Tui questionibus 23. h. t.* Quin etiam subinde capitur pro quadam fructuum perceptione à Canonatu seu Canonica seiuncta, quæ licet ex Ecclesiæ bonis præstetur, non tamen ratione officij diuini, sed pro temporali aliquo labore benè meritis de Ecclesia datur, *c. fin. inf. De Magistris, can. Possessiones 161. xvi. q. 1. d. c. Maioribus & d. c. Dilectus*. Ea que in significatione etiam laicus est capax præbendæ, & subinde in iure nostro præbendam habere dicitur: cum alioquin præbendæ, id est, portio-
nis canonice, ut est spiritualis, ratione Canonice, cui annexitur, in-
incapax.

2. Canonica verò seu Canonicatus propriè dicitur ius spirituale, eo ipso proueniens, quo quis recipitur in Canonicum, id est adsumitur ad tale ministerium officij Clericalis, quale habent Canonici.

3. Ut autem generaliter de beneficijs agamus Ecclesiasticis, omissis varijs Beneficij significationibus, Beneficium Ecclesiasticum hoc loco dicitur ius perpetuum percipiendi fructus ex bonis Ecclesiasticis seu Deo dicatis, propter aliquod officium spirituale, auctoritate Ecclesiæ constitutum.

Vnde

Vnde patet in beneficio Ecclesiastico tria distingui. Primum est ipsum officium seu obligatio, quâ quis tenetur spiritualem aliquam functionem obire, veluti horas Canonicas legere, Sacramenta administrare. Et hoc est omninò spirituale; non tamen est beneficium sed fundamentum & causa beneficii: nam beneficium datur propter officium, *c. fin. De rescriptis in 6.* * Secundum est ius percipiendi fructus ex bonis Ecclesiasticis, quia æquum est, ut qui altari seruit, de altari etiam viuat, *c. Cum secundum 14. h. t.* Ideoque si Episcopus aliquem admiserit ad Ordines absque titulo seu beneficio, qui non habeat de suo, vnde viuat, tenetur ipse eidem providere & subministrare necessaria ad subsidium vitæ, *c. 2. h. t. donec aliunde Clerico suppetat, c. Episcopus 4. h. t.* Hinc etiam in Ecclesia non oportet plures esse Clericos, quam ali possunt: & ei, qui in Canonicorum numerum receptus est, absque præbenda seu portione canonica, vti fieri quandoque solet, primo quoque tempore præbenda seu canonica portio est assignanda, *c. Relatum 9. c. Dilectus 19. eod.* Hoc autem ius propriè Beneficium dicitur, & est spirituale, quia oritur ex spirituali officio, tanquam causa suæ qua non, cui inseparabiliter est annexum * Tertium sunt ipsi fructus, percipiendi ex bonis Ecclesiasticis, id est, ex bonis Deo dicatis, & Ecclesiæ donatis; & sunt quid temporale. Constatque eos olim diuisos fuisse in quatuor portiones, & ex illis auctoritate Ecclesiæ postea fuisse beneficia erecta, singulis titulis certâ portione fructuum assignatâ. Lessius 2. *De iure & iust. cap. 34. Dubit. 1. n. 1. & 2.*

Dicitur, ius perpetuum; saltem ex sua institutione, *can. Precepta Distinct. 55. can. Sanctorum Distinct. 70. & similibus* Ideoque quòd beneficia regularia sint ad nutum superioris amouibilia, exceptis curatis & electiuis, id non habent ex sua institutione, sed ex eo, quòd ea obtinentes sint subiecti superioribus suis, quoad officia, habitationem, & vitæ directionem. Quòd si auctoritate Pontificis beneficium aliquod seculare fiat amouibile, desinit esse propriè beneficium. Et similiter si quod ex fundatione, constitutione, vel statuto erigatur temporale, non erit propriè beneficium, de quo Canones loquuntur; licet quidam aliter sentiant.

§. II. De diuisione Beneficiorum.

1. Diuiduntur in Maiora & Minora.
2. In Curata & non Curata.
3. In Duplicia & Simplicia.
4. 5. 6. 7. Quid sit Dignitas, Personatus & Officium.
8. Item diuiduntur in Secularia & Regularia.

9. 12. 13. *Quodnam censeatur Regulare.*

10. 11. *Regulare quando Clerico seculari conferri valeat, & contrā.*

14. *Regula, Sacularia secularibus, Regularia Regularibus conferenda.*

15. *Præterea diuiduntur in Collatiua & Electiua.*

16. *In Manualia & non Manualia.*

17. *In Patrimonialia & non Patrimonialia.*

18. *In Monocula & non Monocula.*

19. *In ea, quæ sunt iuris patronatus, & ab eo libera.*

20. *In beneficia villa murata & non murata.*

21. *Item Ecclesiarum Collegiatarum & non Collegiatarum.*

Beneficia diuiduntur; Primò in Maiora & Minora. Maiora sunt Papatus, Archiepiscopatus, Episcopatus, Abbacia. Minora sunt his inferiora.

Secundò, in Curata & non Curata. Curata dicuntur, quæ animarum curam annexam habent: idque vel propriè, seu quoad forum interius, quia beneficiato sit data potestas populo, certis limitibus distincto, siue parochiæ suæ Sacramenta administrandi, & verbum Dei annuntiandi, citra ullam aliam iurisdictionem. *Clement. 2. §. verum De sepulturis*: vel impropriè, seu quoad forum exterius aut contentiosum, quia scilicet beneficiatus ea exerceat, quæ sunt iurisdictionis spiritualis, qualia sunt inquirere, suspendere, excommunicare, absolvere. Vide Concil. Trid. *Sess. 32. cap. 1. De reformat.* Talem curam habet Archidiaconus, *c. 1. sup. De officio Archid.* Archipresbyter, *c. 1. sup. De officio Archipresb.* Non curata sunt, quibus nulla eiusmodi cura annexa est. Et in dubio beneficium censeatur non curatum; ac proinde asserenti curatum incumbit probatio.

Tertiò, alia sunt Duplicia, alia Simplicia. Duplicia dicuntur omnia illa, quæ curam animarum, vel administrationem, vel dignitatem, vel personatum, vel officium adiunctum habent. Vnde eorum subdiuisio oritur in membra iam enumerata.

Dignitatem habent, quæ præminentiam, seu administrationem rerum Ecclesiasticarum cum iurisdictione; vt Præpositura, Decanatus, Archidiaconatus, Abbacia secularis & regularis. Et Dignitas non est aliud, quàm huiusmodi præminentia seu administratio.

Personatum habent, quæ præminentiam sedis & aliorum, sine iurisdictione; v.g. honorificum locum in choro, in processionibus, in suffragiis, vt Cantoria, & similia. Et Personatus dicitur huiusmodi præminentia.

Officium habent, quæ administrationem rerum Ecclesiasticarum, sine iurisdictione, præminentia atque honore, vt Sacrista, Custos. Et Officium dicitur huiusmodi administratio: licet administratio etiam

iam latius sumatur, ut comprehendat alia quoque beneficia, c. 2. *sup. De aetate & qualitate ordin.*

Cæterum licet hæc tria, Dignitas, Personatus & Officium iure Canonum subinde ita distinguantur, id tamen non est perpetuum; verum interdum eodem iure pro vno & eodem accipiuntur, ut in c. *Cum accessissent* 8. *sup. De constitutionibus*. Ideoque tutius erit, quoad vim istorum nominum spectare consuetudinem cuiusque Ecclesiæ, *iuxta communem sententiam*: sic ut beneficium illud censeatur habere dignitatem vel esse dignitas, quod ex consuetudine pro tali habetur, maxime quando in creatione illius non reperitur assignata beneficio dignitas.

Sed & illud hic notandum, hodiè de consuetudine plerosque personatus inter simplicia beneficia censer; adeò ut etiam minoribus ætate conferantur, teste Zypæo Tit. *De Clerici non resident.* n. 5.

Quartò, diuiduntur in Sæcularia & Regularia. Sæculare est, quod addictum & debitum est sæcularibus Clericis, id est qui nullam sunt professi regulam, sed in sæculo militant & seruiunt Deo: idque vel ex fundatione, vel consuetudine aut præscriptione, c. *Cum de beneficiis* 5. eod. in 6. præscriptione inquam x l. annorum, cum bona fide & titulo, c. *Cum Ecclesia sup. De causa possess. & propriet. iuncto c. Vigilanti sup. De præscriptionib.*

Beneficia verò omnia censentur sæcularia, nisi contrarium probeatur: veluti primò, quia in fundatione ita cautum reperiatur, vel quia præsumantur esse regularia ex x l. annorum decursu, quo per Regulares eis deseruitum fuit, Nauar. *Conf. 3. De præbend.* Gonzal. *ad Reg. VIII. Cancell. Glos. 7. in princ. Zerola V. Beneficium* p. 2. n. 11.

Potest tamen beneficium regulare, & Regularibus professis in titulum conferri solitum, etiã Clerico sæculari conferri, modò is quoque emittat professionem, c. *Cum causam* 27. c. *Officij* 38. *sup. De elect.* Abbas *ibid.* n. 5. Idque non à Papa dumtaxat, sed ab alijs quoque Ordinarijs Collatoribus, iuxta declarationem Cardd. quam refert Gonzal. *ad d. reg. Glos. 8. n. 78. Piafec. 2. p. cap. 5. artic. 3. nu. 27.* Excipiuntur, iuxta eandem declarationem, Abbatia & beneficia administrationem habentia, quæ non nisi professis secundum Canones per inferiores Ordinarios conferri possunt, Piafec. *d. loco.* Teneatur autem sæcularis eo modo promotus, intra sex menses profiteri, Concil. Trid. *Sess. 25. cap. 21. De Regularib.* vel aliud tempus, iuxta arbitrium Superioris, pro diuersitate qualitatis ipsorum personarum, *Glos. in d. c. Officij in V. competent.* Piafec. *d. loco* n. 29.

Similiter Regularis quoque præficitur Ecclesiæ sæculari, causâ necessitatis id exigente, deque consensu Superioris, *Clement. 1. iuncta Glos. in V. secularis De electione.* Non tamen licet Regularibus, etiam de

licentia sui Superioris, absque dispensatione summi Pontificis, obtinere curatum beneficium, etiam ad tempus, iuxta declaratione Cardd. quam refert Gonzales *Glos. 7. n. 25. & Piafec. d. loc. n. 30.*

12 Secundò, Beneficium præsumitur regulare, si sit capella erecta in monasterio, per Regularem regi solita. Nam si per sæcularem regi talis capella sit solita, idque quia is fuerit primus cleri status, Gonzal. *d. Glos. 7. n. 1.* beneficium erit sæculare.

13 Regulare itaque beneficium est, quod regi debet per Regularem, vel ex fundatione, vel Ordinarij seu superioris institutione, *c. 2. & ibi DD. inf. De capellis Monachorum*, vel annorum XL. præscriptione cum bona fide & titulo, *arg. d. c. Vigilanti sup. De præscrip. & d. c. Cum de beneficio h. t. in 6.* * Hinc Axioma illud iuris, Sæcularia beneficia Sæcularibus & Regularia Regularibus esse conferenda, *c. Cum ad nostram 37. c. Officij 38. sup. De electione d. c. Cum de beneficio, Conc. Trid. Sess. 14. cap. 10. De reformat.*

15 Quintò, Beneficiorum Ecclesiasticorum alia sunt Collatiua, quæ scilicet collatione, aut alio quàm electionis modo, obtinentur: alia sunt Electiua, quibus prouidetur per electionem, à superiore confirmandam; potissimum dum in electione seruetur forma *cap. Quia propter 42. sup. De electione.* Eiusmodi sunt Papatus, Patriarchatus, Episcopatus, collegiatarum Ecclesiarum Præposituræ: nisi aliter ex fundatione, consuetudine, præscriptione legitima, aut priuilegio obtineat.

16 Sextò, alia sunt Manualia, alia non manualia. Manualia vocantur, quæ ad nutum conferentis auocari possunt. Et hæc diximus non esse propriè beneficia, quia non sunt iura perpetua percipiendi fructus. An autem sine causa quis possit amoueri à beneficio manuali, latè disputat Riccius in *Praxi Decis. 398.* ubi affirmatiuè resoluit. Cætera autem, quæ adimi nequeunt, nisi certis de causis, à iure permisis, dicuntur non manualia, *Glos. in Clement. Quia regulare De supplenda neglig. Prælator.*

17 Septimò, alia dicuntur Patrimonialia, alia non patrimonialia. Patrimoniale dicitur, non quod patrimonij naturam & rationem habeat, sed quia non potest conferri nisi Clerico, ex patria, loco, vel parochia oriundo. Videatur Couar. *Pract. quæst. cap. 35. nu. 5. & cap. 38. nu. 4.* Garzias *De benef. 7. p. cap. 15.* Non patrimoniale dicitur, quod cuilibet siue ex patria, siue ex loco, siue ex parochia oriundo, siue externo, conferri potest.

18 Octauò, aliud vocatur Monoculum, aliud non monoculum. Monoculum dicitur, quando Prælatus tantum illud habet ad conferendum. Vnde faciliè intelligitur quodnam sit non monoculum.

Nonò,

Nonò, diuidi possunt in ea, quæ sunt iuris patronatus, & ea, quæ 19
non sunt iuris patronatus, sed ab eo libera.

Decimò, diuidi quoque possunt in beneficia villæ muratæ & non 20
muratæ: quæ diuisione maximè consideratur in Gallia. Vide Pet. Greg.
Tolosanum *Syntag. iur. vniuersi lib. 17. cap. 3. & Tract. De beneficijs cap.*
10, nu. 17.

Vndecimò, in beneficia Ecclesiarum collegiarum, & non colle- 21
giatarum: de qua diuisione vide Tolosan. *dictus locus*; sicut & de illa,
quæ diuiduntur in Nominata & Innominata.

Denique subiiciendum hîc foret, quibus modis beneficia acqui-
rantur, qui quibus conferant: verùm de his non minùs commodè di-
cetur postea ad Tit. *De Institutionibus*: ex quo, quæ ibidem proponen-
mus de Collationibus, reuocari huc poterunt.

TITVLVS VI.

De Clerico ægrotante vel debilitato.

1. Clerico ægrotanti debentur fructus & distributiones.
2. Qualis esse debeat infirmitas.
3. Quo modo probari.
4. Coadiutor incurabili morbo laboranti dandus.
5. De Clerico debilitato.

Dixi antè, omnes omninò Clericos, qualecumque beneficium
Ecclesiasticum habeant, de iure communi teneri ad residen-
tiam; & præbendas, aliaque beneficia, non nisi ijs, qui per se
residere valeant, esse conferenda; imò beneficia ob non resi-
dentiam Clericis esse auferenda: quid igitur statuendum de Clericis
ægrotantibus vel debilitatis? * Dico, tantùm abesse, vt tales mor-
bo tali laborantes, ob quem officium & ministerium suum obire aut
residere nequeant, beneficijs suis exuendi sint; quin potius omnes
eorum fructus atque etiam distributiones quotidianæ cedere eis de-
beant, c. 1. & 2. h. t. c. *vnico De Clericis non resident. in 6. Abbas Conf. 70.*
per tot. lib. 1. quia afflicto non est danda afflictio, imò potius ipsius mi-
seriæ miserendum, c. *Ex parte h. t.*

Infirmitatem, oportet esse grauem, & quæ sit immediata causa ab- 2
sentix, vt scilicet Clericus ægrotans, dum sanus est, solitus sit inter-
esse

esse diuinis: alijs leuis infirmitas, veluti febricula aliqua, aut quartana inueterata, aut morbus fonticus, non excusat: vt neque excusat, quando infirmitas non est vera & immediata causa absentiae, vt si Clericus infirmus, dum sanus est, non sit solitus interesse diuinis: nam tunc, durante ægitudine, non recipiet distributiones, Couar. 3. *Var. resol. cap. 13. n. 8. versic. Sexto, vbi alios citat, DD. communiter in d. c. vnico De Clerico non resid. in 6.*

3 Probatur autem infirmitas præcipuè per iurata assertionem ipsius infirmi, nisi sit persona suspecta, cui non sit deferendum iuramentum. Præterea per attestationem Medici: per aspectum corporis, veluti quia facies appareat admodum extenuata: denique per domesticos. Semel autem infirmus semper præsumitur infirmus, donec contrarium probetur, Mascard. *De probat. Concl. 397.*

4 Itaque si Ecclesiæ Rector, siue Episcopus siue alius Episcopo inferior, lepræ maculâ inficiatur, aut alio graui & incurabili morbo ita laboret, vt munus suum obire nequeat (cùm iniustum sit quem ob molestiam corporis irrituentem priuari honore suo, & nusquam Canones præcipiant, vt ægroto & amoto Prælato alius succedat) datur ei Coadiutor, qui vices eius suppleat, *can. 1. VII. q. 1. c. 3. & 4. h. t.* Sic & Prælato senectute grauato Coadiutor dandus est, *c. vnico eod. in 6. can. Nihil §. ecce & duobus cann. seqq. VII. q. 1. item furioso, d. c. vnico eod. in 6. §. si verò; & paralytico; c. ult. h. t.* Et hic ex fructibus beneficij ægro- tantis, si opulentum sit; sin minus, ab Ecclesia, cui seruit, ali debet, *d. c. 3. & 4. h. t. d. c. vnico eod. in 6. Conc. Trid. Sess. 21. cap. 6.* Datus autem sine futura successione Coadiutor, censetur datus & datur in Ecclesiæ ac Prælati fauorem. Quando autem datur cum futura successione, datur in fauorem ipsius Coadiutoris; & ideo dari prohibetur à Concil. Trid. *Sess. 26. cap. 7. De reformat.* nisi vrgens necessitas aut euidens Ecclesiæ utilitas postulet, & in Coadiutore dando concurrant omnes qualitates, quæ à Iure ipsoque Concilio in Episcopo & Prælatis requiruntur.

5 Quòd si Clericus sacerdos debilitatus aut mutilatus, fortè digitis sine sua culpa truncatus, rem diuinam facere & Missam celebrare nequeat, fructus nihilominus beneficij sui percipiet, & cæteris ordinis sui muneribus, quibus sine scandalo & offensione populi licet, fungi potest, *c. 2. h. t.*

TITVLVS VII.

De Institutionibus.

§. I. Quid sit Institutio & Collatio.

1. Beneficia duobus modis acquiri, iuste & iniuste.
2. Institutionis variae acceptiones.
3. Generaliter accepta comprehendit quamlibet prouisionem.
4. Collatio quid sit, & quoruplex.
5. In quo differat ab electione, praesentatione & postulatione.
6. Beneficium à quo acceptari possit.

DE præbendis & dignitatibus atque alijs beneficijs in genere dictum est antea. Deinceps dicendum est, quomodo beneficia Ecclesiastica acquirantur; qui ea conferant, & quibus conferri debeant.

Duobus modis in genere beneficia acquiruntur, scilicet iuste vel iniuste. Iuste per canonicam institutionem: iniuste verò sine canonica institutione, veluti per simoniam, per preces hæreticorum, per iniuriam. Regula autem iuris est, Beneficium Ecclesiasticum non posse licite sine canonica institutione obtineri, c. 1. *De R. I. in 6.*

Pro cuius intelligentia obseruandum est, Institutionem interdum sumi pro libera collatione beneficij Ecclesiastici, *vt passim in h. t.* interdum pro deductione in possessionem ipsius beneficij, quæ iure communi ad Archidiaconum spectat quando scilicet collatio vel institutio collatiua seu auctorisabilis, *vt vocatur, præcessit. c. 7. sup. De officio Archidiaconi.* Quamquam hodie plerisque in locis ea Archipresbyteris seu Decanis ruralibus demandetur; & passim Collegia ac Capitula suos collegas in possessionem mittant & titulum admittant, à patronis fortè datum, quod est vice canonicæ institutionis. Aliquando verò pro collatione beneficij, nō libera, qualis est ea, quæ fit ad præsentationem patroni, & specialiter Institutio appellatur: ei que similis est ea, quæ fit ad nominationē vel mandatum alterius, puta Principis aut Pontificis.

Igitur in d. c. 1. nomen Institutionis sumitur generaliter, *vt comprehendat quamlibet prouisionem seu modum, quo acquiritur beneficium, siue sit electio specialiter dicta, cum confirmatione sequenti; siue postulatio cum admissione; siue nominatio ac præsentatio patroni, cum institutione secuta; siue collatio libera; siue prouisio Papæ; siue permutatio; & sic de similibus.*

Dicitur autem Canonica, quando fit secundum Canones seu à Canonibus approbatur. Vt verò sit Canonica, requiritur potestas in institute, & habilitas ex parte eius, qui instituitur, cum alijs solemnitatibus à iure requisitis.

Porro, omissis alijs modis acquirendi beneficia Ecclesiastica, de quorum nonnullis libro I. egimus, vt de Electione, Postulatione, Translatione, hinc potissimum agendum de Collatione atque Institutione, specialiter sumpta.

4 Collatio specialiter dicta est assignatio seu concessio beneficii vacantis, facta ab habente potestatem. Diuiditur in Liberam & non Liberam. Libera dicitur gratuita beneficii vacantis concessio, facta ab habente potestatem, seu quæ fit solo iure Prælati. Vnde & donatio dicitur, *c. fin. De officio Vicarij in 6.* Non libera quæ fit ad præsentationem nominationem, aut mandatum alicuius, seu quæ non fit solo iure Prælati.

5 Differt Collatio ab Electione, Præsentatione & Postulatione, quòd per Collationem acceptatam, etiam ante adeptam possessionem, acquiratur ius in re, *c. Si tibi absenti 17. De prabendis in 6.* sicut & per Institutionem: per Electionem verò & Præsentationem acceptatam tantum ius ad rem. At per Postulationem nullum ius acquiratur postulationis: sicut nec per Præsentationem ante acceptationem.

6 Potest autem acceptari beneficium non tantum ab eo, cui collatum est, sed & ab alio eius nomine, puta procuratore, siue Ecclesiastico siue laico, qui in hoc nudum ministerium præstat; modò tamen speciale mandatum habeat ad acceptandam possessionem, licet speciatim beneficium aliquod in eo nominatum non fuerit: alioqui generale mandatum etiam cum libera administratione non sufficit. Vide Couar. *lib. 3. Var. resol. cap. 16. n. 4.* Quamquam beneficium absenti collatum, & ab alio, qui mandatum non habuit, eius nomine acceptatum, censetur acquisitum à die acceptationis, modò intra tempus ad acceptandum secuta fuerit ratihabitio, Couar. *ib. n. 5. Piasec. p. 2. c. 5. a. 3. n. 10. & seqq.*

§. II. Qui conferre beneficia possint.

1. Conferre potest indistinctè beneficia omnia summus Pont.
2. Legatus à Latere in prouincia sibi decreta.
3. Episcopus in sua dioecesi.
4. Nisi sint beneficia reseruata aut affecta.
5. Cathedralis Ecclesia prabendas confert simul cum Capitulo.
6. Similiter Ecclesiarum collegiarum Prælatus & Capitulum.
7. Capitulum Sede vacante quatenus conferre possit.

8. Item

8. Item Vicarius Episcopi.
9. Et sequester.
10. Bona item fidei possessor.
11. Interdum ius conferendi alijs competit, etiam laicis.

VT collatio sit canonica fieri ab eo debet, qui conferendi habet potestatem. Itaque nunc videndum, quis beneficia conferre possit.

Et quidem in primis summus Pontifex, tanquam Vicarius Christi & D. Petri successor, cum summam & amplissimam potestatem habeat, quoad ea, quæ in beneficijs iuris sunt positiui, *c. Licet De prabendis in 6. Clement. 1. Ut lite pendente &c.* omnia & qualiacumque beneficia, siue electiua siue collatiua, siue iuris sint patronatus, conferre potest, non modò in perpetuum seu ad vitam collatarij, sed & ad tempus, *c. Si gratiose De rescriptis in 6.* Vnde beneficia omnia, respectu illius, dicuntur manualia.

Potest etiam iuri patronorum, siue Ecclesiasticorum siue laicorum, itemque iuri Ordinariorum derogare: cum Ordinarijs cumulatiuè concurrere, eosdemque in mensibus eorum, etiam alternatiuis, præuenire; ita vt collatio prior à Pontif. facta præferatur collationi posteriori Ordinarij, nisi prouiso à Papa obstet regula de verisimili notitia, Garzias *De benef. p. 6. cap. 1.* Potest insuper beneficia non vacantia promittere & conferre. Rursus beneficia suæ collationi reservare, siue generaliter, siue specialiter, vt constat ex *Extrauag. Execrabilis Ioan. x x i i. De praben. & Extrauag. Ad regimen eod. tit. in communib. c. Licet 2. & c. Prasenti 34. eod. in 6.*

Secundò, Legatus à Latere potest conferre beneficia in prouincia sibi decreta, tempore suæ Legationis vacantia; & in eorum collatione concurrat cum Ordinario, *c. 1. & 2. De officio Legati in 6.* prout latius docuimus, *lib. 1. eod. tit. §. 3.* ad quem hic remitto.

Tertiò, beneficia cōferre possunt Ordinarij Collatores inferiores, qui suo iure ea conferunt, siue ius illud habèant à iure, seu Canone, siue à Papa, siue à consuetudine vel præscriptione. Et quidem de iure communi Episcopus est Collator ordinarius beneficiorum in sua diocesi, *can. Omnes basilica & seq. x v i. q. 7. c. Conquerente 16. sup. De officio iud. ordin. c. Ex frequentibus 3. h. t. Piafec. 2. p. cap. 5. art. 2. n. 10.* Certe tamen casibus ea conferre nequit: veluti si sint reservata vel affecta, si iuris patronatus, vel alia de causa spectent ad aliorum collationem.

Ceterùm an collatio præbendarum in Ecclesijs Cathedralibus ad solum spectet Episcopum, variant Interpretes. Probabilior sententia

est eorum, qui volunt spectare ad Episcopum & Capitulum simul, per *c. Grauenimis* 29. & *c. Cum Ecclesia* 31. in fine sup. De elect. & ibi Glos. quia cum Episcopus & Capitulum sint vnum corpus, æquum est, vt simul concurrant in collatione præbendarum; nisi consuetudine, priuilegio, vel statuto, quæ seruanda sunt, aliud obtineat, *d. c. Cum Ecclesia*: prout passim obtinere videmus.

Non obstant iura, quibus alij nituntur in contrarium: quia illa non sunt clara; & quædam loquuntur iuxta consuetudinem ac speciale ius Ecclesiæ, de qua agebatur, & quidem narrative, non dispositiue. Vide Garziam 5. p. cap. 1. n. 52. & seq.

Quando autem collatio ad Episcopum & Capitulum simul spectat, tunc Capitulum habet dimidiam vocem & Episcopus aliam dimidiam, id est tantum valet vox Episcopi, quantum vox totius Capituli, vel maioris partis, *c. Pastoralis* & ibi Glos. sup. De rescriptis. Adeo vt, si Episcopus vni contulerit, & Capitulum alteri, neutra subsistat collatio, licet etiam Canonici aliquot ad suffragium accesserint Episcopi. Quamquam intra semestre, datum ad conferendum, si interim Papa non contulerit, possint consentire in vnum: si non consenserint, deuoluitur collatio ad superiorem, *c. Postulasti inf. De concess. præbende*. Si vero præbendam huiusmodi, ad collationem vtriusque spectantem, Episcopus solus contulerit, nec intra semestre Capitulum contradixerit, subsistet collatio.

Potest autem Episcopus beneficia, ad suam collationem spectantia, etiam dum moratur in aliena diœcesi, conferre; sicut & eorum resignationes admittere, quia vtrumque est voluntariæ iurisdictionis, *c. Nouit iunctâ Glos. in V. terminos sup. De officio Legati*, Piasec. 2. p. cap. 5. art. 3. n. 87.

- 6 Quarto, licet nonnulli velint collationem ac prouisionem Canonicatum & dignitatum in Ecclesijs Collegiatis spectare ad Episcopum, iuxta *d. can. Omnes basilica*: verius tamen est præsentationem seu electionem ad eiusmodi beneficia spectare simul ad Prælatum Ecclesiæ, veluti Præpositum, & Capitulum, institutionem vero seu confirmationem ad Episcopum, *c. Ex frequentibus* 3. h. t. Nisi Ecclesia Collegiata careat Prælato, & subiiciatur immediatè summo Pontifici: quo casu spectabit electio ad solum Capitulum. Et hæc ita de iure communi: nam ex consuetudine, quæ alia atque alia est in singulis ferè Ecclesijs, vel ex priuilegio aut præscriptione aliter obtinuit, vt scilicet prouisio vel ad solum spectet Capitulum, vel ad solum Episcopum, vel ad Prælatum Ecclesiæ, vel ad hebdomadarium seu turnarium, vt vocant, vel ad Capitulum & Episcopum alternatim. Aliorum vero beneficiorum in Ecclesijs inferioribus collatio ad solum Episco-

Episcopum de iure communi spectat, etiam sine consensu Capituli, si sint minora; sin maiora, non nisi de consilio sui Capituli, *iuxta c. Nouit inf. De hijs qua sunt à Pralato sine cons. Capit. Videatur plenius de his Garzias §. p. cap. 4.*

Quintò, Capitulum, Sede vacante, vel suspenso Episcopo, potest conferre ea beneficia, quæ sunt necessariæ collationis, non etiam ea, quæ liberam collationem spectant Episcopi, vt postea dicemus latius. Beneficia tamen, quæ sunt simultaneæ collationis, id est, quæ spectant ad collationem Episcopi & Capituli simul, liberè conferre potest, *c. vnico Ne sede vacante &c. in 6. Pialec. d. c. §. att. 2. num. 42.*

Sextò, Vicarius Episcopi potest conferre beneficia necessariæ collationis, non etiam ea, quæ sunt liberæ collationis, absque speciali commissione & licentia Episcopi, *c. fin. iuncta Glos. in V. commissæ De officio Vicarij in 6. Vnde confirmat electos, instituit præsentatos; imò etiam vni ex præsentatis gratificari potest, Pialec. d. loco num. 37. & seqq.*

Septimò, Sequester conferre beneficium potest, quando collationis est capax: nam laicus citra priuilegium spiritualia tractare prohibetur, *c. 2. sup. De iudicijs. Vide Garz. d. p. §. cap. 6.*

Octauò, Bonæ fidei possessor; quia collatio numeratur inter fructus, qui ad bonæ fidei possessorem spectant. Adeo quæ prouisus à possessore bonæ fidei præfertur prouiso à proprietario, *c. Querelam sup. De elect. Videatur Garz. d. p. §. cap. 5. Gonzal. ad reg. VIII. Cancell. Glos. 45. §. 2.*

Quandoque etiam Abbatibus, Prioribus, seu alijs inferioribus Prælati ex singulari iure seu priuilegio comperit ius beneficia conferendi, *Clement. vnica De supplenda neglig. Pralat. imò etiam laicis ac mulieri ex priuilegio & indulto Apostolico, Boërius Decis. 32. n. 10. Caslad. Decis. 1. tit. De iure patronatus.*

An verò Imperator, Rex Franciæ, vel alij Principes habeant ius conferendi beneficia in suis regnis, vide Boër. Decis. 32. & Rebus. Tract. De Regia ad Pralat. nominatione in V. Cathedralibus.

§. III. Quibus conferri beneficia debeant.

1. Conferri debent Clericis idoneis.
2. Preferendus doctior minùs docto.
3. Et quandoque minùs doctus doctiori.
4. Nemo instituendus, nisi examinatus & idoneus repertus fuerit.
5. 6. Nisi Episcopus aliquem nominauerit: & de hoc questio.
7. Institutio de iure ad Episcopum spectat.
8. De consuetudine ad Archidiaconum.
9. Semel examinatus, iterum ab eodem vel successore non examinandus.

Conferri debent Clericis, ijsque idoneis, qui Deo & Ecclesijs velint & valeant gratum impendere famulatum, *c. Graue 29. sup. De preben.* siue nobiles sint, siue ignobiles: licet etiam invaluisse consuetudo in aliqua Ecclesia, ut quædam beneficia solis nobilibus conferantur, quia non generis, sed virtutum nobilitas, vitæque honestas Deo gratos facit, *c. penult. eod. tit.* Hinc rescripsit summus Pont. pueris non posse beneficia Ecclesiastica conferri, quia ad deseruiendum in Ecclesia non sint idonei, *c. Super inordinata 35. h.t.* Hinc etiam Concil. Trid. *Sess. 22. cap. 4. in fine* generatim statuit, ut non alijs fiat collatio seu prouisio, quam qui iam ætatem & cæteras habilitates integrè habere dignoscantur; aliterq; irrita sit.

2. Preferendus propterea est doctior minùs docto, cæteris paribus, Couar in *c. Peccatum p. 2. §. 7. n. 4. De R. I. in 6. & Piafec. in Praxi 2. p. c. 5. art. 3. n. 10.* * Quamuis dignus & minùs doctus, cuius noti & probati sint mores, præferti possit digniori & doctiori, cuius vita ignoratur, ex declaratione Card. quam ibidem refert Piafec. Item idoneum ex eadem ciuitate, vel de gremio Ecclesiæ, vel si de genere fuerit fundatoris, externo magis idoneo præferendum docet ibidem Piafec. post Lambertin. *De iure patron. lib. 2. p. 3. art. 6. & Zecchum De benef. c. 12. n. 26.*

4. Statuit etiam Concil. Trid. *Sess. 7. cap. 13.* ne præsentati seu electi vel nominati à quibusvis Ecclesiasticis personis, etiam Sedis Apostolicæ Nuntijs, ad quævis Ecclesiastica beneficia, instituantur, nec confirmantur aut admittantur, etiam virtute cuiusvis priuilegij seu consuetudinis, nisi fuerint priùs à locorum Ordinarijs examinati & idonei reperti; neve ullus appellationis remedio se tueri possit, quo minùs examen subire teneatur. Præsentatis, electis seu nominatis ab

Vniuersi-

Vniuersitatibus seu Collegijs Generalium Studiorum exceptis, de quibus Rebus. *in Praxi Benef. tit. De rescripto in forma pauperum.* * Si tamen nominatio ad Episcopum spectet, & institutio ad aliquem inferiore, fuerit satis, si Episcopus Clericum nominet & offerat, *secundum Abbatem in c. Significasti 18. inf. De iure patronatus*: quia presentando approbat, eiusque est approbare Clericos suae dioecesis, *c. vlt. sup. De Clericis peregrinan.*

Verum si nominatio spectet ad vnum Episcopum, & institutio ad alium alterius dioecesis, in qua situm est beneficium, an etiam sola sufficiet nominatio & oblatio, vt instituatur? Sufficere quidam putant, quia verum sit, eum approbatum esse ab Ordinario. Azorius *lib. 2. Institut. Moral. cap. 22. q. vlt.* Attamen verius videtur ex Conc. Trid. examinandum & approbandum ab Ordinario loci, in quo situm est beneficium: quia non statim ex eo, quod quis sit idoneus in vno loco, inferre licet æquè idoneum fore in alio: ipsumq; Concil. mandat presentatum & electum à Nuntio Apostolico, qui & Ordinarius est intra limites suae legationis, examinari ab Ordinario loci, quippe cui exploratū magis sit, quàm idoneis in sua dioecesi opus habeat Clericis & ministris. *Zyp. h. t. n. 2.* * Cum etiā presentatus siue electus aliū pro obtinenda institutione adire non possit, quàm Episcopum, loci Ordinarium, qui super hoc habet fundatam intentionem in iure: & quidē sub pœna nullitatis, nisi ex priuilegio vel aliter institutio pertineat ad alium Prelatum, inferiorem Episcopo, Conc. Trid. *Sess. 14. c. 13. De reform.* Quo tamen casu instituendus non nisi ab Episcopo examinari potest super idoneitate, maximè ad beneficia curata: nam ad eum spectat examen non ad alium inferiorem, Conc. Trid. *Sess. 25. c. 9. De reformat. Piasec. p. 2. c. 5. artic. 2. n. 27.* * Vbi verò ex consuetudine constitutio beneficiorum spectat ad Archidiaconum, vt in his locis passim, ei per dictum Concilium non derogatur.

Cæterum non potest Episcopus examinare promotum ad Ordinem vel beneficium à suo antecessore, nisi post promotionem superuenerit aliqua causa, vt in *c. Accepimus sup. De aetate & qualitate ordinand.* Sic enim & sacra Congregatio declarauit, Regularem, semel examinatum & idoneum repertum ad confessiones audiendas, non debere ab eodem Ordinario vel eius successore denuò examinari, *Zerola 1. p. V. Confessor §. 2.*

§. IV. In quibus consistat idoneitas Clericorum ad beneficia.

1. Consistit ea in ordine, ætate, & cæteris qualitatibus.
2. Incapaces beneficiorum enumerantur.
3. Inter eos etiam filij sunt hæreticorum.
4. 5. Item excommunicati, interdicti, & irregulares.
6. Quis ordo & quæ ætas requiratur, remissivè.
7. Quæ scientia & literatura.
8. Beneficia quadam certa familia debita sunt.
9. Prouisi tenentur facere Fidei professionem.

- 1 **C**onsistit hæc in ordine, ætate, scientia, morum probitate, natalibus, & alijs, quæ ad quadraginta septem cumulat Cæsar Lambertinus, referente Gonzales ad reg. v i i i. Cancell. Glos. 4. n. 109. vbi subiungit, Quis est hodie, in quo illa concurrunt, & laudabimur? Sed illa moraliter accipienda sunt, vt scilicet secundum mores humanos adsint, quatenus fieri potest.
- 2 Vt verò summatim perstringam, consistit primò idoneitas in defectu canonici impediimenti. Hinc incapaces sunt beneficiorum Ecclesiasticorū; Primò, nō baptizati, c. 1. sup. De presb. non baptizato. Secundò, non insigniti tonsurâ, c. Ex litteris sup. De transact. Tertiò, illegitimi, quiue defectum patiuntur natalium, c. 1. & 2. De filiis presb. in 6. Cum eo tamen Episcopus dispensare potest ad minores Ordines, & ad simplex beneficium, d. c. 1. Vide suprà lib. 1. eod. tit. * I V. filij hæreticorum, & qui in Iure dicuntur credentes hæreticis, veluti hæreticorum fautores, defensores, receptatores, c. Quicumque 2. §. hæretici & c. Statutum 15. De hæret. in 6. Intellige de filiis hæreticorum, qui tales esse, vel tales etiam decessisse probantur, de quæ illis hæreticorum fautoribus & receptatoribus, quos similiter per sententiam in iudicio constitit fuisse & obijisse tales, d. c. Statutum, id quæ vsque ad secundum gradum in linea paterna; in materna verò ad primum dumtaxat, d. c. Statutum. V. Coniugati, sup. De Clericis coniugatis §. 2. V I. Bigami, sup. De bigamis non ordin. in ne. * V I I. Excommunicati, c. Postulasti 7. in prin. inf. De Clerico excommunicato, Couar. inc. Alma mater p. 1. §. 7. n. 1. Si tamen conferatur beneficium excommunicato, ignorantem se esse excommunicatum, poterit illud retinere post absolutionem, dispensante eo, ad quem collatio spectabat, Riccius in Praxi Decis. 184. n. 173. vbi subiungit, posse quem acceptare beneficium; sibi ante

ante excommunicationem collatum, & post absolutionem idem possidere ac retinere. VIII. Suspendi, c. *Dilectus sup. De consuetudine.* *
 IX. Interdicti & violatores interdicti, c. 1. *sup. De postulat. 1. ratat.* X. Irregulares, ex quocumque irregularitatis capite. Idque procedit, licet quis ignarus & nescius sit huius irregularitatis. Et collatio facta irregulari nullum ei tribuitur, proindeque fructus receptos tenetur restituere; non tamen priuatur prius acquisitis, nec impeditur ab actu iurisdictionis, sed Ordinis dumtaxat. Ita latè Riccius *Decis.* 185. *Piassec.* p. 2. c. 5. *artic. 3. n. 16.* XI. hostiliter persequentes, insequentes, percutientes aut capientes S. R. Ecclesie Cardinalem, & eius criminis socij: item filij & nepotes in recta linea, c. *Felicis 5. in princ. De pœnis in 6.* Huc referuntur percutientes, capientes, bannientes Episcopum, eiusque criminis socij, consiliarij, fautores & defensores: nam hi omnes itemque filij ac nepotes redduntur ipso facto inhabiles ad acquirenda beneficia in ea Ecclesia & dioecesi, in qua Episcopus præsider, non etiam in alijs. *Clement. 1. in princ. De pœnis & Glos. ibid.* XII. Cœci, qui horas Canonicas recitare nequeunt. Denique Simoniaci, & alij similes.

Quantum ad ordinem & ætatem attinet ordinandorum, & præficiendorum beneficijs, videri possunt quæ alibi de his diximus, *lib. 1. tit. 14. §. 3. & 4.* Quibus illud hîc addo, semper eum Ordinem attendi oportere, quem ipsa dignitas vel beneficium ex sui natura vel consuetudine aut statuto requirit, non autem, quem fortè requireret aliud beneficium eidem vnitum: nam hoc non alterat, sed sequitur naturam eius, cui vnitum est, prout in simili declarauit sacra Congregatio Cardd. Interpp. Conc. cuius declarationem refert *Piassec. p. 2. cap. 5. artic. 3. num. 17.*

Scientia verò talis requiritur, quæ ad munus beneficio annexum ritè & debitè obeundum est necessaria, arbitrio Episcopi & examinatorum; ideoque maior vel minor, pro diuersitate munerum. *Piassec. d. art. 3. nu. 11. & seqq.* Repetenda hîc quoque sunt, quæ de qualitate scripsimus ordinandorum, *d. lib. 1. tit. 14. §. 2.* Quod autem DD. communiter asserunt, collationem factam illiterato esse nullam, limitandum puto ad omnimodam illiteraturam, cum quis Grammaticus non est, vel nescit legere: alioqui quando vel mediocris est doctrina ac literatura, existimo tenere collationem, sed beneficiatum beneficio priuandum, tenerique ad renuntiandum, c. *Dudum sup. De electione c. ult. sup. De ætate & qualitat. &c. c. Nisi sup. De renuntiatione.*

Videndum etiam est, ut, si beneficia debeantur certis personis, seu certo generi personarum, ex fundatione (cuius forma seruanda est in provisione beneficiorum, *Garz. 7. p. cap. 15. n. 4. & 5.*) institutione,

statuto, consuetudine vel privilegio, ijs conferantur, modò scilicet sint habiles, *arg. l. Ut gradatim versic. et si lege D. De muneribus & honoribus. Garz. d. loco n. 2 & 3. iun. lo n. 12.* nam aliàs præsentatio vel promissio facta non habentibus qualitates, ex fundatione requisitas, est inualida, nempe si quis, eas qualitates habens, contradicat & sibi provisionem fieri petat. Videatur plenius Garz. d. loco.

- 9 Præterea observandum est, Conc. Trid. Sess. 24. cap. 12. statuere, ut provisi de beneficijs quibuscumque, curam animarum habentibus, teneantur à die adeptæ possessionis ad minus intra duos menses coram Episcopo, vel, eo impedito, coram generali eius Vicario seu Officiali publicam Fidei facere professionem: provisi autem de Canonicatibus & dignitatibus in Ecclesijs Cathedralibus non solum coram Episcopo seu eius Officiali, sed etiam in Capitulo idem præstare teneantur, sub penis ibidem statutis. Vide Piassec. d. c. 5. art. 3. n. 89. & Zypæum Tit. De præbendis n. 3. Denique subiiciendum hoc loco foret de modo, quo conferri debent beneficia; sed quia de eo pro parte agitur infra in Tit. *Ut Ecclesiastica beneficia sine diminutione conferantur*: ideo hic dicenda, ut simul & semel ea de re tractetur, ad eum Tit. reijcimus.

TITVLVS VIII.

De concessione præbendæ & Ecclesiæ non vacantis.

§. I.

1. 2. Beneficia non conferenda aut promittenda, nisi vacent.
3. icet in genere quis promittat.
4. 5. Expectatiua sublata, etiam olim in Belgio.

Solent præbendæ ac dignitates, aliaque beneficia Ecclesiastica conferri aut promitti, antequam vacent; & quandoque, dum vacant, non conferri: sequitur proinde, ut videamus tam de promissionibus & concessionibus non vacantium, quàm de negligentia circa concessiones vacantium, & tradamus breuiter, quando conferri debeant, vel non.

- 7 Conferri autem debent, quando vacant, & non antè, quia non vacantis beneficij collatio, tanquam continens votum captandæ
moris

mortis alterius, (quod est contra bonos mores, l. ult. c. De pactis) est ipso iure reprobata & nulla, c. 1. & 2. & per tot. b. t. can. Non furem v. 11. q. 1. Aded quidem, ut si quis impetret scienter, aut se patiat in beneficium viventis institui, ab Ecclesiastica communione sit arcendus & deponendus, id est sacris ordinibus, quibus initiatus est, spoliandus, d. c. 1. b. t. sitque inhabilis, etiam eo mortuo, ad illud consequendum, absque dispensatione, summi Pontificis, Panormit. ibid.

Si vero non patiat quidem se institui, sed tantum promissionem beneficii non vacantis acceptet, ius nullum ad beneficium acquirit, quia vetat etiam Canon beneficia non vacantia promitti, d. c. 2. & c. Ex tenore 13. b. t. Conc. Trid. Sess. 24. cap. 10. *De reformat.*

Nec refert, an generaliter an specialiter vacat beneficii non vacantis promissio, d. c. 2. ideoque non obstante tali promissione, potest beneficium, simul atque vacat, alteri, quam cui promissum est, conferri; non obstante etiam appellatione eius, cui promissum est, c. Relatum 3. b. t. Et licet iure Decretalium Greg. 1 x. Prælati, qui promississet fortè in genere se alicui de beneficio prospecturum, videatur ad hoc obligatus, c. Accedens 14. b. t. eo quod promissio huiusmodi non ita adiunctum habeat votum captandæ mortis, cum multis alijs modis adimpleri possit, quam per mortem alterius, veluti si beneficium adhuc obtinens coadiutorem petat, c. De rectoribus 3. sup. De Cler. agrotante; si præbendam opulentam inter duos Episcopus diuidat, c. Vacante 26. sup. De præbendis: tamen iure Decretalium Bonif. v. 111. talis promissio est vetita, c. Detestanda eod. in 6.

Nec obstat d. cap. Relatum: quia ibi Episcopus iam recepto in Canonicum promiserat præbendam, ad quam conferendam etiam sine promissione tenebatur, cum Canonicatus non debeat nec possit esse diu sine præbenda.

Sed nec expectatiuæ dari amplius possunt ad primum beneficiū vacans: quia illas nouissimè dari vetuit Concil. Trident. Sess. 24. cap. 19. *De reformat.* ut etiam frustra Ordinarij accedat consensus, uti ex declaratione Cardd. tradit Gonzales ad Reg. v. 111. Cancell. §. 1. proœmiali num. 63. ubi subiungit eandem Congregationem declarasse, ex eodem decreto expectatiuarum prohibitarum seu abrogatarum non posse erigi Canonicatum supernumerarium ad futuram præbendam: atque insuper per illud decretum tolli omnes mentales reservationes; quales erant, quando Papa reservabat beneficium vel, in specie vel in genere, per Bullam vel per Breue, ad providendum personæ, quam non exprimebat, sed in mente retinebat.

- 5 Sed & hic in Belgio nostro iam olim prohibitas fuisse expectat-
uas per Maximilianum Imp. litteris Edicti datis Mechlinia 12. Septemb.
1485. & regressus ad beneficia resignata, reservationes pensionum,
translationes, inscijs & inuitis ijs, qui grauata beneficia possiderent,
refert Zypzeus *De Iure Pontif. nouo lib. 3. h. 1. in fine.*

6. II. Quibus modis beneficia vacent.

1. *Vacare contingit beneficia varijs modis.*
2. *Qui ad tria vel quattuor genera reuocari possunt.*

1 **V**arijs modis vacant beneficia; Primò, per mortem natura-
lem beneficiati. Secundò, per renuntiationem simplicem,
vel ex causa per se non rationis: ita tamen, vt, si beneficium sit
iuris patronatus, consensus interueniat patroni, quem suffi-
cit superuenire postea. Riccius *latè Decis. 219.* Tertiò, per priuatio-
nem & depositionem. IV. per electionis cassationem. V. per transla-
tionem. VI. per adeptionem secundi incompatibilis pacificam. VII.
Si quis habens parochialem Ecclesiam non fuerit promotus intra an-
num. VIII. Si beneficiatus contrahat matrimonium vel sponsalia per
verba de presenti, modo antea explicato. IX. Si quis per vim obti-
neat seu occupet secundum. X. per ingressum Religionis, professione
secutâ. XI. Si electus intra mensem. à tempore presentata electionis,
vel à tempore præsstituto, non consenserit, vacat Prælatūra: &, si in-
tra tres menses, post contentum electioni datum, non petierit confir-
mationem, ipso iure amittit ius sibi quæsitum per electionem. XII.
Vacant beneficia Episcopi electi & confirmati, postque menses tres,
datos ad petendam consecrationem. XIII. Quando beneficium ha-
betur pro derelicto. XIV. Quando quis alienat res beneficii sui. XV.
per crimen hæresis, simoniæ, læsæ Maiestatis, sententiâ declaratoriâ præ-
cedente: & pluribus alijs modis, quos vide apud Staphilæum *De litteris
gratia Tit. De varijs modis vacationis.* Rebuffum *in Praxi benefic. Tit. Requisi-
ta ad collationem bonam à n. 49. & Tra. 3. De Regia ad Prælaturas nominatione,
§. monasterijs V. vacantibus, vbi enumerat triginta & vnum modos.*

- 2 Possunt tamen omnes reuocari ad tria vel quattuor genera. Nam
beneficia vacant vel de facto tantum; vel de iure tantum, vel per sen-
tentiam Iudicis, vel denique de iure & facto simul. Ipso facto tantum
vacat beneficium, quando quis de facto, vi vel metu, cogitur relin-
quere sui beneficii possessionem, vel vi de possessione deiicitur, c. 2. &
3. *sup. De his quæ vi metu, &c. causa sunt.* Ipso iure tantum vacare dicitur,
quando ab ipso iure inducitur vacatio, seu quando, certo aliquo casu
adueniente,

DE CONCESSIONE PRAEB. ECCL. NON VACANTIS. 453
 adueniente, ab ipso iure declaratur quis priuatus beneficio, ita vt
 absque alia declaratione Iudicis aut monitione vel citatione illud al-
 teri conferri possit, licet is, qui iure priuatur, possideat beneficium.
 Per sententiam Iudicis vacat, quando ab ipso Iudice ob aliquod deli-
 ctum inducitur vacatio seu priuatur quis beneficio. Ipso iure & facto
 vacat per mortem beneficiai vel per renuntiationem vel resignatio-
 nem veritituli.

§. III. Intra quod tempus conferri debeant beneficia.

1. Conferri debent intra sex menses.
2. De beneficij. in Commendam dari soliti.

Conferri debent intra statuta tempora, id est intra sex menses: alio-
 quijs elapsis, ab Episcopo, si ad eum spectet collatio, ea deuol-
 uuntur ad Capitulum, & contra à Capitulo ad Episcopum.
 Hinc ad Metropolitanum, c. 2. b. 1. & ab hoc ad Patriarcham,
 cui Metropolitanus subijcitur, vel, si nulli Patriarchae subijciatur, ad
 summum Pontificem. Hoc tamen tempus sex mensium computatur
 non à die vacationis, sed à die, quo collator sciuit vel scire debuit be-
 neficium vacare; neque illud legitime impedito currit, c. Quia diuer-
 sificatem. 5. h. t. c. 3. sup. De supplenda negligentia Praetor. Quod si collator
 post tempus sibi praefixum contulerit beneficium adhuc vacans alteri,
 iustinetur quidem eo casu collatio, sed ex patientia, dummodò con-
 tulerit idoneo.

Quandoque verò beneficia vacantia non conferuntur in titulum, 2
 sed commendantur. Est autem Commendare nihil aliud, quàm depo-
 nere, l. Commendare 108. D. De verb. signif. l. lucium D. Depositi, cap. Ne
 quis arbitretur x x Pi. q. 2. c. 1. inf. De Deposito Glos. in c. Nemo sup. De ele-
 ctione in V. commendare. Sed quia de commendatione beneficiorum
 nec tempus nec breuitas, cui studeo, fusiùs agere permittit, videri po-
 test Azor. 2. p. Institus. moral. lib. 6. cap. 31, & alij, quos citat Gonzal.
 ad Reg. viii. Cancell. Glos. 5. §. 8. n. 62. & Garz. De benefis. 4. p. cap. 4.

Illud tamen notandum, quòd beneficium commendatum, siue
 ad tempus siue in perpetuum, morte commendatarij non censea-
 tur vacare per obitum. Latè Gonzales d. loco à num. 48. Quod-
 que, vt in Gallia nihil parè frequentius est Vicarijs perpetuis, ita
 nihil quoque videatur Ecclesiae Gallicanae esse perniciosius, dum vt
 plurimum pueris & infantibus dignitates & beneficia in Comendam

LII iij dantur.

dantur. Prudentius sanè Principes Belgici Ecclesiæ consulunt, dum huiusmodi Commendas non concedunt, nec ullis nisi professis Regularibus dignitates conferunt: tantaque circumspectione indulto suo quoad nominationem ad primarias dignitates utuntur, ut ipsæ Ecclesiæ sperare non possint à Cleri electione meliorem sortem, quam à nominatione Principali, ut rectè scribit Zyp. Tit. *De Clerico agrotante*, n. 3. subiungens n. 4. iam olim in Brabantia Ordines à Principibus suis stipulatos fuisse, ne ipsi ullas dignitates in Commendam darent, aut permitterent dari; idq; summo Reip. bono, quamvis in Burgundia nonnihil ab huiusmodi voto desleatantur; ex vitio vicini, inquit, aëris.

6. IV. De incompatibilitate & pluralitate beneficiorum.

1. 2. *Beneficia quadam compatibilia, quadam incompatibilia.*
3. *Incompatibilia vel sunt primi generis.*
4. *In quibus solus Pont. dispensat regulariter.*
5. *Vel sunt incompatibilia secundi generis, id est quoad retentionem.*
6. *In quibus Episcopus dispensare potest.*
7. *Compatibilia sunt simplicia beneficia.*
8. *Dummodo alterum non sit sufficiens ad sustentationem.*
9. *Nec tunc dispensatione opus est de consuetudine.*
10. 11. *Quodnam dicatur sufficiens.*
12. *Difformia sub eodem tecto esse compatibilia.*
13. *Nullus triplex esse potest in eadem Ecclesia.*
14. *Ex quibus causis beneficia sine dispensatione sibi compatiuntur.*
15. *Ex quibus cum dispensatione.*

Non abs re fuerit, hic aliqua de incompatibilitate & pluralitate beneficiorum subnectere.

Et tamen varij existent Iuris textus, quibus probari videatur, beneficia omnia esse incompatibilia, quia quodlibet beneficium de iure communi personalem requirat residentiam, unde potissimum resultat incompatibilitas: non desunt tamen alij, ex quibus probari potest, eorum quædam esse compatibilia, quædam incompatibilia, ut in c. *Gratia sup. De rescriptis*, in *Clement. Gratia ad. tit. Unde & Conc. Trid. Sess. 7. cap. 4. De reformat.* supponit quædam esse compatibilia.

Dicuntur

Dicuntur autem compatiblea, quæ vel ex iure communi, vel ex consuetudine, vel statuto aut fundatione, simul obtineri ac retineri possunt. Incompatiblea verò, quæ nec de iure communi, nec ex consuetudine, statuto aut fundatione, simul possunt retineri. Talia sunt duo beneficia curata, duæ dignitates, duo personatus, duo officia, siue in eadem Ecclesia, siue in diuersis; & pleraque alia, personalem residentiã requirentia, c. *Ad hac* 13. c. *Præterea* 14. c. *Cum non ignores*, c. *De multa* 28. *sup. De præbendis.*

Incompatiblea sunt duplicis generis: nam alia ita sunt incompatiblea, vt per adeptionem secundi pacificam, vnà cum libera fructuum perceptione, aut vbi per beneficiatum steterit, quò minùs acceperit possessionem, vacet prius ipso iure. Talia sunt duo curata beneficia, duæ dignitates, duo personatus, duo officia, & alia, quæ iurisdictionem aliquam annexam habent, vt visitandi, corrigendi, excommunicandi, d. c. *De multa*, & *Extraneazante Excecrabilis* Ioan. xxii. *De præbendis.* Item vnum cathedrale cum parochiali, ex noua dispositione Concilij Tridentini, *Sess. 24. cap. 17. De reformat.* Item duo vniformia sub eodem recto, id est, in eadem Ecclesia, ad eandem functionem instituta, idemque onus & officium habentia, eodem tempore explendum; cuiusmodi sunt duo Canonicatus, duæ Capellanix in eadem Ecclesia. Alioquin ad inducendam huiusmodi incompatibilitatem non sufficit, quòd sint in vna Ecclesia, vel quòd simili nomine nuncupentur. Nauar. *Consil. 16. De præbendis.* Piasec. 2. p. cap. 5. artic. 3. num. 72. Vide latè Riccium in *Praxi Decis. 41.* Et hæc vocantur *Incompatiblea primi generis*; & prius, quod vacat ipso iure per adeptionem secundi, reseruatür Secundi Apostolicæ, d. *Extraneaz. Excecrabilis.*

Intelligitur autem tunc demùm vacare primum, postquam quis fuerit nactus pacificam possessionem secundi, cum libera fructuum perceptione, fraude cessante. Vnde si fructus secundi ex aliqua causa alteri ad tempus debeantur, non censetur vacare primum, c. *Si tibi absenti* *De præbendis* in 6. & *ibid.* Franc. Gemini Dias in *Praxi* cap. 42. Piasec. d. loco n. 74.

In huiusmodi verò beneficijs simul retinendis non potest dispensare Episcopus, cum id apertè prohibeatur in d. c. *De multa*; & quia prohibitio est Concilij, contra quod dispensare non potest Episcopus, c. *Cum dilectus iuncta* *Glos. in V. in astate sup. De elect.* nisi grauis sub sit necessitas, quæ legem non habet, aut euidentis vtilitas; potissimum vbi Pontifex consuli nequit, qui alioqui solus relaxare ius commune potest, non etiam Episcopus vel Legatus, Piasec. d. loco n. 78. ex Archid. Staphil. Rebuffo, quoscitat.

Alia

- 5 Alia sunt incompatibilia quoad retentionem tantum, quia scilicet simul retineri non possunt absque dispensatione. Non tamen ita sunt incompatibilia, ut per acceptionem secundi & possessionem pacificam vacet prius ipso iure, sed datur optio habenti, ut eligat retinendum; altero vero potest per superiore[m] priuari. Et hæc vocantur *incompatibilia secundi generis*: cuiusmodi sunt dignitas & Canonicatus in diuersis Ecclesijs, & reliqua, residentiam quidem personalem requirementia, non tamen habentia curam animarum, dignitatem, personatum, vel officium annexum; nec sunt vniformia sub eodem tecto, licet simplicia sint. * Et quoad retentionem huiusmodi beneficiorum dispensare potest Episcopus, iuxta *Glos. communiter receptam in c. Dudum 2. in V. intitulatam sup. De elect. cum nullibi prohibeatur. Imò & consuetudo iusta in talibus excusare potest, cum eodem modo consuetudo, quo dispensatio, derogare iuri possit, c. ult. sup. De consuet. Piafec. d. loco n. 81.*
- 7 Compatibilia sunt simplicia beneficia, quæ ex statuto, vel consuetudine, vel fundatione, personalem residentiam non requirunt, vel
- 8 quorum vnum requirit residentiam, alterum non vtrique, * quando scilicet alterum non est sufficiens ad congruam sustentationem beneficiati: alioqui si vnum sufficiat, retineri simul de iure communi nequeunt, c. Conquerente 6. sup. De Clericis non resident. can. Singula Distinct. 89. & similibus; quibus statuitur, ut singula Ecclesiastici iuris officia singulis quibusque personis conferantur. Conc. verò Trident. Sess. 24. cap. 17. *De reformat.* statuit, ut in posterum singulis vnicum dumtaxat beneficium conferatur: quod quidem si ad vitam eius, cui confertur, honestè sustentandam non sit sufficiens, liceat eidem aliud simplex sufficiens, dummodò vtrumque personalem residentiam non requirat, conferri; non contrà, ut habenti beneficium sufficiens concedatur aliud insufficiens.
- 9 Et generali consuetudine obtinuit, ut in talibus simul retinendis non petatur dispensatio, sed conscientie cuiusque relinquatur, ut secum iudicet, an vnum non sufficiat ad sui sustentationem, quo excusari possit apud Deum, Piafec. d. loco n. 84. ubi tamen subiungit, tutiorem & communiorem sententiam esse, ut hoc in arbitrio sit iudicis, utque æstimet sufficientiam beneficii, consideratâ qualitate personæ, loci & temporis, cum vnum & idem beneficium, respectu temporum & personarum, nunc magnum & sufficiens, nunc paruum seu tenue videri possit.
- 10 Interim illud sufficiens dici potest. ex quo Clericus, pro gradu sui conditione, sc. suisq; familiaribus, parentes, fratres & consanguineos egentes, honestè sustentare valeat, non etiam augere studeat, ut ex
- Conc.

DE CONCESSIONE. PRÆB. ET ECCL. NON VACANTIS. 457
Conc. Trid. Sess. 25. cap. 1. De reformat. tradit Zypæus De iure Pontif.
nouo lib. 3. Tit. De Clericis non residentibus, n. 3.

Præterea in dijudicanda sufficientia huiusmodi non est habenda ratio bonorum patrimonialium, cum illa, fructusque eorum, reservare sibi beneficiatus possit, & ex fructibus solius vivere beneficii, secundum communem D.D. sententiam, teste Placc. d. loco n. 86. ubi Felin. Couar. Nauar. & alios citat.

Cæterum memorat Zyp. d. loco n. 4. ex certis & iustis causis indultum Canonicis Anruerpensibus privilegium, ut plura beneficia possint obtinere & retinere, modò non sint curata, aut personalem residentiam de iure vel consuetudine non requirant; atque illi hodieque locum esse.

De beneficijs difformibus sub eodem tecto, an ea sint incompatibilia, dissentiunt Interpretes. Verius est, de iure communi esse compatibilia, si modò aliàs sibi mutuo non pugnent, ratione residentiae aut servitij, Lessius 2. De iure & Iustit. cap. 34. n. 44.

Dixi, de iure communi; quia sunt quaedam declarationes Cardd. quibus difformia sub eodem tecto declarantur ex mente Conc. Trid. esse incompatibilia: secundum quas declarationes, si à summo Pontifice sint approbatæ, consequenter dicendum, post Conc. Trid. per assensionem secundi, cum pacifica possessione & libera fructuum perceptione, vacare primum ipso iure.

Non potest tamen quis in eadem Ecclesia esse triplex absque dispensatione summi Pontificis; nec valet consuetudo aut statutum in contrarium, c. 1. De consuet. in 6. Garz. p. 11. cap. 5. n. 23.

Porro, ut summam dicam, certis casibus plura simul beneficia obtinere quis potest, aut sine dispensatione, aut cum dispensatione. Sine dispensatione; Primò, quando sunt purè simplicia, etiam Canonicatus, quorum neutrum sufficiat ad congruam sustentationem beneficiati, & alterum non requirat residentiam, siue ex institutione, siue ex præscripta consuetudine: imò etiam, quando vnum est sufficiens, modò non sit Canonicatus, & alterum insufficiens non requirat residentiam.

Vbi observandum, quòd licet ante Conc. Trid. duo curata beneficia ita tenuia, ut non possent Rectorem alere, potuerint retineri absque dispensatione, c. Eam te sup. De etate & qualitat. ordin. tamen post Conc. Sess. 24. cap. 17. De reformat. nequeant retineri absque dispensatione summi Pontificis.

Secundò, si Ecclesia Cathedralis vel parochialis, aut dignitas, propter angustias reputareque non sufficiat sustentationi congruæ sui Rectoris, potest simul cum ea obtineri beneficium simplex, non requirens

M m m

quirens residentiam. Colligitur ex Conc. Trid. d. Sess. 24. cap. 13. & 17.

Tertiò, quando dignitati aut Canonicali accessorie annexa est parochialis, quæ per Vicarium administrari solet: quia beneficium vnitum alteri perpetuò & accessorie censetur vnum cum illo, & naturam eius induit, licet simplex fuerit; imò prædium eius reputatur, vt proinde hoc casu magis vnicum beneficium obtineatur, quàm plura.

Quartò, si vnum detur in titulum, alterum in commendam ad tempus, veluti sex menses, quamuis sit parochialis Ecclesia, quia commendam non datur titulum, nec inducit incompatibilitatem, *can. Qui plures* x x i. q. 1. c. *Dudum* 54. circa fin. sup. De elect. & ibi Glos. in v. intitulatam, c. *Nemo eod. tit. in 6. Piafec. d. art. 3. n. 76.* Eo tamen casu videtur requiri saltem Ordinarij dispensatio.

Per dispensationem verò incompatibilia quis obtinere potest, ex iusta causa: veluti ob Ecclesiæ necessitatem, vt quia alij idonei desint; vel ob magnam vtilitatem, vt si non sint alij potentes satis ad Ecclesiæ tuitionem; vel ob meritorum euidentem prærogatiuam, qualis est nobilitas, dignitas personæ, litteratura insignis, industria, prudentia, c. *De multa* 28. & d. *Extrauag. Execrabilis.* Sed hæc causa reuocatur ad secundam. Dispensat autem in incompatibilibus primi generis solus Pont. regulariter, vt antea monuimus: in alijs etiam Legatus vel Episcopus, modò vtrumque personalem residentiam non requirat, Conc. Trid. d. Sess. 24. cap. 17. Cæterum conuiuentia plura possidenti nihil prodest, quia hæc non est aut intelligitur dispensatio, c. *Cum iam dudum* 18. in fine sup. De præbendis.

TITVLVS IX.

Ne sede vacante aliquid innouetur.

1. Capituli nomine quid hic intelligatur.
2. Sede vel Ecclesiâ vacante nihil innouandum.
3. Capitulum Sede vacante beneficia conferre nequit.
4. Potest tamen conferre beneficia deuoluta.
5. Potest & dare in commendam ad tempus.
6. Sede vacante administrat & iurisdictione Episcopali fungitur.
7. Vnde iudicat &c. item confirmat vel infirmat electos.

8. Recipit

8. *Recipit resignationes beneficiorum & instituit presentatos.*
9. *Dispensat cum illegitimo quoad Ordines minores.*
10. *Vni beneficia.*
11. *Absoluit à casibus Episcopo reservatis.*
12. *Non tamen exercet ea, quæ sunt ordinis Episcopalis.*
13. *Ex decreto Conc. Trid. Capit. Sede vac. Oeconomum & Vicarium constituit.*

Constat ex antedictis, collationem præbendarum & dignitatum de iure communi pertinere ad Episcopum. Vnde dubitari poterat, an Sede vacante, id est mortuo Episcopo, vel etiam excommunicato, aut suspenso ab officio, Capitulum succedat Episcopo in eorundem collatione.

Vbi pro clariori intelligentia præmittendum est, nomine Capituli hic intelligi ipsum Canonorum Collegium, seu Canonicos congregatos: nam soli Canonici (nō etiam alij Clerici, quantumvis in eadem Ecclesia beneficiati) vnā cum eo, qui illis præest, siue Decano, siue Præposito, pro diuersa Ecclesiarum consuetudine, Capitulum constituunt, Ioan. And. & alij passim in c. *Ex eo De elect. in 6.* Et hinc quoque qui eis præest, siue Decanus, siue Præpositus nomine Capituli venit, c. *Nouit. inf. De his quæ fiunt à Prælo sine cons. Capituli.*

Hoc præmissis, dicendum, regulariter, vacante Ecclesiâ, nihil esse innouandum, id est faciendum, quod præiudicet Ecclesiæ vel Prælato defuncti successor, c. 1. §. *attendentes h. t.* adeò vt iudicium contra Ecclesiam, Sede vacante, ea quæ de causâ legitimo defensore carentem, habitum, sit nullum, d. c. 1. b. t. Sicut & iure civili sententia est nulla contra minores, tutorem vel curatorem non habentes, atque indefensos (quibus Ecclesia Prælato carens comparatur in d. c. *ult.*) lata, l. *Alia 43. D. De re iudicata.*

Similiter dicendum, Capitulum non posse beneficia vacantia, quæ de iure communi vel consuetudine ad solius Episcopi collationem spectant, conferre, c. 2. b. t. tum quia id nusquam inuenitur cautum in iure, c. 2. b. t. tum quia collatio illorum beneficiorum inter fructus Episcopi connumeratur, c. *fin. De officio Vicarij in 6.* quos Capitulum dilapidare non potest, sed futuro Episcopo reservare tenetur, c. *Cum vos 4. sup. De officio Ordinarij, c. Quia sæpè 40. De elect. in 6.* Id quæ obtinet, etiamsi aliàs Episcopus non consueuisset talia beneficia conferre sine consilio & assensu Capituli. Et nec Archiepiscopo quidem, Sede vacante vel suspenso Episcopo, in beneficijs huiusmodi conferendis sese ingerere licet, nisi in certis causis deuolutionis, Piasec. p. 2. cap. 5. art. 2. num. 28. & seqq.

- 4 Potest tamen Capitulum conferre beneficia, quæ vel ad Episcopi collationem, per negligentiam inferioris Collatoris, deuoluta sunt. Abbas *in d. c. 2. h. t.* quia cum talium collatio non proueniat ex ipsa dignitate Episcopali, sed ex accidente, scilicet negligentia inferiorum, non potest dici fructus aut inter fructus dignitatis censeretur, Zyp. *De Iure Pont. nouo h. t. n. 7.* vel quæ simul ad collationem Episcopi & Capituli spectant; nam tunc totum ius Capitulo accrescit, *c. unico eod. in 6.* Videatur Garz. *§. p. cap. 4. n. 49. 50. & 51.*
- 5 Potest etiam, Sede vacante, beneficium, spectans ad collationem solius Episcopi, commendare ad tempus, donec alius succedat, Piasec. *d. loco n. 43.*
- 6 Præterea quia, Episcopo mortuo, non statim illi alius sufficitur, ideo, ne mora hæc vacanti Ecclesiæ dānosa sit, prudenter à sacris Canonibus statutum fuit, ut interea eiusdem Ecclesiæ Capitulum in iurisdictionem & administrationem tam spiritualium quàm temporalium rerum, exceptis casibus à Iure denegatis, succedat. *3. De supplenda neglig. Prælat. in 6. c. Cum olim sup. De maiorit. & obed. & similib.* Idemq; obtinet, Episcopo à paganis & schismaticis capto, & nondum Ecclesiæ suæ restituto, nisi aliter ea de re consultus Pontifex statuerit, *d. c. 3.* Similiter propter absentiam vel etiam subinde propter delictum Episcopi, *Glos. in c. Ab abolendam inf. De heret. ** Hinc Capitulum iudicat, condemnat, absoluit, excommunicat, Sede vacante, vice Episcopi, perinde ac si Episcopus viueret, *c. Hic qua sup. De maiorit. & obed.* Similiter electos Prælatos Ecclesiarum, quæ sunt in diocesi Episcopali, confirmat vel infirmat, *c. Cum olim, iuncta Glos. in V. capitulo sup. d. tit. Piasec. d. loco n. 44.* Adeoque si electio spectet ad Capitulum, & confirmatio ad Episcopum; Capitulum, iure capitulari eligeret, & confirmabit iure Episcopali, *arg. l. Si consul D. De adoptionib.*
- 8 Pari modo permutationes seu resignationes beneficiorum ex causa permutationis recipere potest, Abbas *in d. c. Cum olim, ibi, Sexto dubitatur, Piasec. d. loco n. 45.* sicut & instituere præsentatos à patronis, *c. 1. De institut. in 6.* quia hoc, sicut & prius, est quid necessarium & debitum, nec sic vllum futuro Episcopo procreatur præiudicium. *
- 9 Potest & dispensare cum eo, qui defectum patitur natalium, ad minores Ordines, & ut simplex beneficium obtineat. * Unire beneficia, vel vnioni auctoritatem præstare, dummodo iuri Episcopali nihil detrahat, *c. unico h. t. in 6. Piasec. d. c. 5. artic. 3. n. 61. vbi alios citat.*
- 11 Potest insuper absolvere à casibus, Episcopo reseruatis, & dispensare in censuris & irregularitatibus, in quibus dispensandi facultas competit Episcopo; cui Capitulum succedit in his, quæ sunt necessaria & contentiosa iurisdictionis, Panormit. *in c. 2. circa fin. h. t. & in*

DE HIS QUÆ FIUNT A PRÆL. SINE CON. CAP. 461
c. Cum olim sup. De maioris. & obed. Sunt autem casus reservati Episcopis alij de iure, alij de consuetudine, alij denique, quos ipsimet sibi reservant. Videatur Piafec. p. 2. cap. 1. artic. 3.

Dixi antè, Exceptis casibus à Iure denegatis; quia quædam excipiuntur à Iure: nam, præter enumerata iam antè, nō potest exercere ea, quæ sunt ordinis Episcopalis, puta ordinare Clericos, consecrare Ecclesias, & eiusmodi alia: licet possit efficere, ut ea expediantur per Episcopos vicinos, sine præiudicio futuri successoris, c. Is cui 24. De elect. in 6.

Observandum postremò hîc est, quòd Conc. Trid. Sess. 24. cap. 16. De reformat. mandet, ut Capitulum, Sede vacante, ubi fructuum percipiendorum ei munus incumbit, Oeconomum vnum, vel plures fideles ac diligentes decernat, qui rerum Ecclesiasticarum & prouentuum curam gerant; eorum rationes ei, ad quem pertinebit, reddituri. Item ut Officiale seu Vicarium infra octo dies post mortem Episcopi constituat, vel existentem confirmet: de cuius officio lib. 1. egimus satis. Currit autem octiduum illud à die notæ vacationis, etiam per translationem, nondum adeptâ quoque possessione, ex congregat. Interpp. Concilij, Quaranta V. Capitulum q. 12.

Cæterum de administratione Capituli, Sede vacante, plenius videre licet Panormit. & alios ad d. c. Cum olim sup. De maioris. & obed. Patauin. Tract. de hac. re, & Conc. Trid. d. Sess. 24. cap. 1. & 16.

TITVLVS X.

De his, quæ fiunt à Prælato sine consensu Capituli.

1. Prælati in arduis pleraque expedire nequit sine consensu Capituli.
2. In leuibus negotijs solo consilio est opus.
3. Ut & in statutis condendis.
4. Nisi in casibus à Iure expressis.
5. Decretum Conc. Trid. de iudicanda persona Capitulari.
6. 7. 8. Quanam in condendis statutis seruanda sint.
9. Qualiter Episc. Capitulo quid proponat ad deliberandum.

Quemadmodum Sede vacante nihil est innouandum per Capitulum; ita è diuerso, Sede non vacante Episcopus vel alius Prælati de rebus Ecclesiæ pro arbitrio disponere, sine consensu aut con-

1. **1** silio Capituli, * multaq; alia expedire non potest. Veluti ardua in primis: qualia sunt, Abbates & Abbatissas, aliasq; personas Ecclesiasticas, in beneficijs instituere vel destituere, *c. Nouis. 4. h. t.* collationes beneficiorum & electiones confirmare, *c. Quanto 5. h. t.* Ecclesias, sibi aut suae Ecclesiae subiectas, alijs Ecclesijs, etiam Monasterijs attribuire, *c. Tua nuper 8. & c. Pastoralis 9. eod.* veteres dignitates suppressas in sua Ecclesia suscitare: Ecclesiae statum mutare. Sic irrita est Episcopi donatio, venditio, commutatio rei Ecclesiasticae absque tractatu, consensu, & subscriptione totius Cleri vel Capituli, *c. 1. & d. c. Tua nuper*, quamuis confirmari possit ex ratihabitione Capituli.
2. **2** In leuibus verò negotijs non requiritur consensus Capituli, sed satis est consilium adhibere, quod tamen sequi non tenetur, *Innoc. in c. fin. sup. De maiorit. & obedien.*
3. **3** Similiter in statutis condendis opus quidem consilio est Capituli, *d. c. Quanto h. t. & ibi Abbas n. 4.* nec valeret consuetudo in contrarium, secundum Hostien. in *Summa h. t. n. 2.* verum id quoque non tenetur sequi, nisi in casibus à Iure expressis, prout sacra Congregatio respondit apud Piasec. 2. p. cap. 2. art. 2. n. 7.
4. **4** Casus autem à Iure expressi sunt hi. In primis de iure requiritur non tantum consilium, sed & consensus Capituli, quotiescumque illius vertitur interesse particulare, *c. vlt. b. t.* Ideoque si collatio beneficiorum spectet iunctim ad Episcopum & Capitulum, non potest Episcopus sine consensu Capituli quicquam de illis disponere, *c. Ea noscitur 6. h. t.* Secundò, nihil potest sine consensu Capituli in casu, quo diminueretur Ecclesiae auctoritas, seu ei prauiudicium fieret, *c. Dilecti sup. De maiorit. & obedien.* nec enim Episcopus potest facere Ecclesiae suae conditionem deteriore, Tertiò, in casu, quo agitur de alienatione bonorum, Ecclesiae damnosa, *d. c. 1. h. t.* vel de obligatione Ecclesiae, *c. Quod quidam inf. De fideiussoribus.* Quartò, vbi ageretur de prauiudicio, quoad subiectionem vel exemptionem Capituli, *c. vlt. sup. De maiorit. & obed.* Denique in casuum seu causarum criminalium agitatione, *caussa xvi. q. 7. per tot.*
5. **5** Et in iudicanda persona aliqua Capitulari non nisi de consilio & assensu duorum, à Capitulo in principio cuiuslibet anni ad hoc deputandorum Episcopus vel eius Vicarius procedere potest, ex noua ordinatione, Conc. Trid. *sess. 25. cap. 6. De reformat.* Quòd si Capitulum eam deputationem neglexerit, tum, post monitionem prauiam de electione in principio anni facienda, potest Episcopus procedere & iudicare solus, *Piasec. d. loc. n. 9. ex declarat. Cardd. Interpp.* Et procedit dictum decretum sine distinctione in delictis tam grauib; quam leuib; , etiam vbi absque forma iudicij proceditur. Latè Riccius in *traxi*

DE HIS QUÆ FIUNT A PRÆL. SINE CON. CAP. 463
Praxi Decif. 566. vbi subiungit Decreto illi locum esse quoad Capitula exempta dumtaxat. Deputatio tamen Procuratoris fiscalis etiam hoc casu ad solum spectat Episcopum, absque consilio Capituli, Zerala in *V. Fisiu* §. 3. ex *sacra Congregat.* Sed & quando totum Capitulum deliquit, non est locus Decreto, potest quæ Episcopus solus procedere contra Capitulares, absque adiunctis: modò delictum non sit in personam vel contemptum Episcopi, vel Episcopus non habeat interesse; nam tum ea facultas procedendi deuoluitur ad proximum superiorem.

Illud quoque specialiter aduertendum esse tradit Piascc. d. loco, vt quàm rarissimè in condendis statutis Episcopus pœnas apponat excommunicationis, ne ex frequentia abeant in contemptum: sed vt potius pœnis vtatur temporalibus; rariùs pecuniarijs, ad euitandam auaritiæ suspensionem, quæ ab Episcopo abesse debet longiùs, c. *Cum ab omni* 10. sup. *De vita & honest. Clericorum.*

Et quia statuta Episcopi ligant tantùm quoad pœnam, non etiam quoad culpam, idèò necessum est, vt virtutem sui statuti declarer apertius.

Denique abstinere debet à multitudine statutorum & præceptorum, quia quemadmodum vbi plures sunt Medici, plures existeret morbi solent, ita etiam, vbi plurimæ leges, plurimum est vitiorum. Et interdum toleranda sunt potiùs mala aliqua, ne eueniant grauiora: quia, vt *Prov.* 30. ait Sapiens, *Qui multum emungit, elicit sanguinem, can. Denique Distinct.* 4. & qui multum corrigit, offendit. Leuiter castigatus reuerentiam exhibet castiganti, asperitatis autem nimix increpatio nec increpationem recipit, nec salutem, c. *Cum beatus* 8. *Distinct.* 45. Ideoque meminerit semper Prælati illius B. Chrysostomi, apud Piascc. d. loco n. 10. *Circa vitam tuam esto austerius, circa aliorum benignus. Audiant te homines parua mandantem & grandia facientem.*

Quod si Episcopus aliquid Canonicis ad deliberandum velit proponere de re nec ad suum, nec suorum commodum spectante, poterit ipse Capitulum conuocare, vota exquirere, & iuxta ea concludere. Absente verò Episcopo, omninò hoc ab ijs, qui sunt de Capitulo, ad quos illud de iure vel consuetudine spectat, perficiatur, nec ad id Vicarius Episcopi admittatur, secundum Conc. Trid. *Sess.* 25. cap. 6. *De reformat.* nisi fortè Præles Capituli fuerit Vicarius, quia tum eà qualitate id facere posset, Zyp. h. tit. in fine.

TITVLVS XI.

De his, quæ fiunt à maiore parte Capituli.

1. *Requiri à hoc consensum maioris & sanioris partis.*
2. *Maiorem dici respectu totius Capituli.*
3. *Non sufficere maiorem partem, nisi & sanior sit.*
4. *Admittitur tamen contradictio minoris partis.*

Occasione eorum, quæ superiori Tit. dicta sunt de his, quæ fiunt à Prælato & Capitulo, vel de consensu aut consilio Capituli, quæritur hîc, quid iuris sit circa consensum vel dissensum eorum, qui sunt de Capitulo, si plures sint.

1 Et dicendum, ad hoc, vt Vniuersitas aliqua, Collegium vel Capitulum, aliquid censeatur facere, vel consensum suum præbere, vbi is requiritur, non semper exigi totius Vniuersitatis, Collegij vel Capituli consensum; sed sæpè sufficere, si maior & sanior pars consentiat, *c. 1. h. t. l. Quod maior D. Ad municipalem, & similibus.*

2 Maior verò pars & sanior pars quæ dicatur, repete ex lib. 1. Tit. 6. §. 4. *De forma & modo electionis.* Quibus illud adde, maiorem partem Capituli dici respectu totius Capituli, non autem respectu partium, Zerola 1. p. 7. *Capitulum* §. 13. Ideoque si duodecim sint Canonici, & tres eligant Titium, tres Sempronium, sex verò Mæuium, nulla istarum partium potest dici maior pars Capituli; sed necesse est, vt saltem sint septem ad maiorem partem constituendam. Quamquam obtineat aliud in maiori parte patronorum, siue laicorum siue Clericorum, quando præsentant, vt singuli: nam tunc sufficit habere maiorem partem, respectu minorum partium; veluti si ex sex patronis duo præsentent Titium, vnus Sempronium, & tres Mæuium, hi tres prævalent.

3 Deinde notandum, quòd, vbi ad actum aliquem consensus requiritur maioris & sanioris partis, non sufficiat consensus maioris, nisi ea simul fuerit & sanior; *c. 1. & ult. h. t.* quia vbi duo requiruntur coniunctim, alterum eorum non sufficit, §. *Si illud & illud Infit. De heredib. institu. l. Si heredi plures D. De condit. infit.*

4 Quod verò à maiori & saniori parte Vniuersitatis, Collegij vel Capituli sit, regulariter præualet, nisi minor pars vel etiam vnus aliquis de

quis de Capitulo iusta de caussa ab eo appellauerit, aut exprisè contraxerit, *c. 1. & c. Ex ore h. t.* vel negotium tangat omnes, vt singulos, iuxta regulà iuris, Quod omnes tangit, ab omnibus approbari debet.

In Collegijs tamen passim obtinuisse, vt, quòd maior numerus non respectu totius sed minoris partis decreuerit, ratum sit, & plenum habeat vigorem, testatur Zyp. *h. t. n. 1.* quamuis, inquit, in electione Monialium aliam opinionem secuta sit Congregatio.

TITVLVS XII.

Vt Ecclesiastica beneficia sine diminutione conferantur.

1. Beneficia sine diminutione aut reservatione fructuum conferenda.
2. nisi ex caussa necessitatis vel alia iusta.
3. Potest & ex caussa imponi pensio beneficio.
4. In collatione facienda seruari debet forma eidem praescripta.
5. De concursu & examine quoad curata beneficia iuris patronatus.
6. Debent beneficia conferri gratis, sine modo & conditione.
7. Non ad tempus; & limitatio huius.
8. Quatenus sub conditione fiat collatio & praesentatio.
9. 10. Debet & liberè, non subreptitiè aut obreptitiè.

PRAecedentibus titulis abundè actum fuit de collationibus beneficiorum, siue ea Episcopus conferat, vel solus, vel cum Capitulo aut consensu Capituli, siue ipsum Capitulum solum, vel quilibet alius collator: nunc videndum est, quo pacto conferri debeant.

Et in primis tenetur omnis collator conferre beneficium Ecclesiasticum sine diminutione, *c. vnico h. t. cum similibus.* Adcò vt ex eo neq; sibi aut nepoti, neque alteri cui libet reservare possit partem aliquam proventuum, *d. c. vnico;* aut collationem differre, vt ipse interim percipiat fructus, *c. Extirpanda 30. in fine snp. De prabendis, c. Prohibemus 7. in fine inf. De censibus;* nec item vnù beneficium duobus conferre, *c. Maioribus. c. Vacante 26. c. Cum caussam 36. sup. De prabend.*

Attamen si iusta subsit caussa, veluti si Ecclesia magno ære alieno grauetur, vel alia virgeat necessitas, potest ad tempus, priusquam beneficium conferatur, pars fructuum in vsus Ecclesiae seruari, *c. penult. inf. De verbor. signif. d. c. vnico & ibi Innoc. & Abbas.* Imò potest Prælati,

de consensu sui Capituli, iustâ & necessariâ subsistente causâ beneficium aliquod extinguere in perpetuum, *c. Cum accessisset 8. sup. De consuet.* vel ad sustentandam suam dignitatem Episcopalem, antequam beneficium conferat, partem aliquam fructuum sibi retinere ad tempus, *Glos. fin. in d. c. unico.* Quamvis in talibus foret tutius, petere concessionem à Sede Apostolica, *Piasec. p. 2. c. 5. arg. textus c. Tua nobis de verb. significat.* sed hæc retentio fructuum non debet fieri à Prælato, mediante pactione aliquâ cum eo, cui confert beneficium, quia hoc superet simoniacam prauitatem, *d. c. unico circa finem.*

3 Potest etiam Episcopus, iustâ subsistente causâ, beneficio conferendo imponere pensionem, puta ob bonum pacis & utilitatis vel ad sopiendam litem, quando beneficium est litigiosum, ad redimendam vexam, ut loquuntur, *c. Nisi essent 21. sup. De prabendis, c. Audiuimus inf. De collus. deteg. Piasec. d. loco n. 64.* vel ut subueniatur & alimenta præstentur seni parochio, qui amplius deservire nequit, *Gigas De pensionib. q. 6. n. 3. post Ancharan. Conf. 279.* vel in permutatione beneficiorum, ratione inæqualitatis, si beneficium alterum alteri præponderet in fructibus, *c. Ad questiones 6. inf. De rerum permutat.* Aliàs pensio, per Episcopum sine iusta causâ beneficio imposita, est nulla, *Garz. 1. p. cap. 5. n. 296. Gonzal. ad Reg. v 111. Cancell. Glos. 5. cap. 5. vbi plenus de pensionis impositione videre licet.*

4 Insuper in collatione seu provisione beneficiorum seruanda est forma, à iure statuto, consuetudine, aut fundatione præscripta; aliàs namque provisio esset nulla, *Garz. 9. p. cap. 1.* Et in provisione Ecclesiarum parochialium seruanda est forma, à Conc. Trid. tradita, *sess. 24. cap. 18. De reformat.* alioquin provisio præter & contra formam, præsertim quoad concursum & examen instituendum, facta, est omninò nulla, ex Constitutione Pij V. quam refert *Piasec. d. loco n. 4.* vbi etiam tradit *n. 5.* ex declaratione Cardd. quam refert, ne quidem Doctorem vel Licentiatum; in aliqua Iuris vel Theologiæ professione, excusari ab hoc examine, petentes sibi provideri de Ecclesia parochiali: & in beneficijs curatis, Sedi Apostolicæ, vel cui-cumque alteri reservatis vacantibus, similem concursum siue examen posse institui ab Episcopo & eligi digniorem, instituendum à Sede Apostolica, seu alio, cui fuerit reservatum beneficium. De curatis tamen inquit, vacantibus in Curia, siue per resignationem in manibus Papæ, solet Dataria providere sine concursu, præmisso solo examine.

5 Quantum ad curata beneficia attinet, quæ iuris sunt patronatus: ea vel sunt iuris patronatus Ecclesiastici quæ si vacauerint in mensibus Apostolicis, illis quoque per concursum & examen provideri debet: si verò vocauerint in mensibus non reservatis, patronus nominabit plures

plures examinandos, vel etiam Episcopus alios inuitabit ad concursum & tunc demum quem patronus digniorem inter probatos ab examinatore iudicauerit, eliget & presentabit Episcopo, instituendum in beneficio vacante *Piafec. d. loco. n. 7.* Vel sunt iuris patronatus laicorum; & tunc non requiritur huiusmodi concursus, sed tantum examinari debet presentatus, & admitti, si idoneus repertus fuerit, *Conc. Trid. d. Sess. 24. c. 13. §. Quod si ius patronatus.* Nisi plures sint presentati, quia tunc institui potest concursus inter presentatos tantum, *ex declarat. Cardd.* Vbi subiungit, in parochialibus Ecclesijs, quæ regularibus conferri consueuerunt, non requiritur concursus, sed solum examen sufficere: vt &, quando cura animarum spectat ad Collegium, vel est annexa alicui præbendæ seu beneficio ex natura simplici.

Debent præterea beneficia conferri gratis, id est non interueniente pretio, vel aliquo, quod pretio sit æstimabile: taliterque beneficium obtinens, tamquam simoniacus, est ipso iure excommunicatus, & collatio ipso iure nulla, *Extravag. Cum detestabile De simonia.* Item purè, id est sine conditione, sine pacto, non alternatiuè, *can. Quamplio 1. q. 2. c. fin. sup. De pactis & c. 2. De elect. in 6.* quia talia quoque redolent simoniam. Item sine modo, quia hic accedit prohibitiæ conditioni, *c. Verum 4. inf. De condit. appetit.*

Præterea in perpetuum seu ad vitam, collatarij non verò ad tempus, *c. vnico iuncta Glof. in V. perpetui De capellis Monach. in 6. Rebus. De re d. collationem n. 13.* Vicarius tamen vel Oeconomus ad tempus. *Cum vos 4. sup. De officio Ordinarij.* Beneficium etiam curatè Episcopus in commendam ad sex menses, *c. Nemo 15.* & talis Commendatarius non dicitur verus Prælati vel sed Depositarius & Procurator; nec fructus facit suos, sed gere, & in necessitates Ecclesiæ dispensare potest, *Glof. in. d. o in V. commendare.* At verò beneficia simplicia etiam ad vitam collare potest Episcopus, *c. Si consisteris 13. inf. de accusat.* quod ont. in maioribus beneficijs sæpè facit, Et talis Commendatarius dicitur verus Prælati, habet eandem auctoritatem & potestatem iurisdictionis & administrationis, quam habet obtinens beneficium in titulum, & facit fructus suos, potestq; vti baculo & mitrâ, si hoc competat beneficio commendato ex vsu loci vel aliâ ratione, *Piafec. d. loco n. 40. & 41.* Datur etiam beneficium ad tempus, quando datur coadiutor ægroto, seni, illiterato, *c. penult. & sup. De Clerico ægroto, vbi vide, & quæ lib. 1. ad Tit. De officio & potest. Vicarij §. 7. de Coadiutore diximus.*

Potest etiam fieri collatio sub conditione, quæ ipso iure vel statuto, 8

quirens residentiam. Colligitur ex Conc. Trid. d. Sess. 24. cap. 13. & 17.

Tertiò, quando dignitati aut Canonicali accessorie annexa est parochialis, quæ per Vicarium administrari solet: quia beneficium vnitum alteri perpetuò & accessorie censetur vnum cum illo, & naturam eius induit, licet simplex fuerit; imò prædium eius reputatur, vt proinde hoc casu magis vnicum beneficium obtineatur, quàm plura.

Quartò, si vnum detur in titulum, alterum in commendam ad tempus, veluti sex menses, quamuis sit parochialis Ecclesia, quia commendam non datur titulum, nec inducit incompatibilitatem, *can. Qui plures* x x i. q. 1. c. *Dudum* 54. circa fin. sup. De elect. & ibi Glos. in v. intitulatam, c. *Nemo eod. tit. in 6. Piafec. d. art. 3. n. 76.* Eo tamen casu videtur requiri saltem Ordinarij dispensatio.

Per dispensationem verò incompatibilia quis obtinere potest, ex iusta causa: veluti ob Ecclesiæ necessitatem, vt quia alij idonei desint; vel ob magnam vtilitatem; vt si non sint alij potentes satis ad Ecclesiæ tuitionem; vel ob meritum euidentem prærogatiuam, qualis est nobilitas, dignitas personæ, litteratura insignis, industria, prudentia, c. *De multa* 28. & d. *Extrauag. Execrabilis.* Sed hæc causa reuocatur ad secundam. Dispensata autem in incompatilibus primi generis solus Pont. regulariter, vt antea monuimus: in alijs etiam Legatus vel Episcopus, modò vtrumque personalem residentiam non requirat, Conc. Trid. d. Sess. 24. cap. 17. Cæterum conuiuentia plura possidenti nihil prodest, quia hæc non est aut intelligitur dispensatio, c. *Cum iam dudum* 18. in fine sup. De præbendis.

TITVLVS IX.

Ne sede vacante aliquid innouetur.

1. Capituli nomina quid hic intelligatur.
2. Sede vel Ecclesiâ vacante nihil innouandum.
3. Capitulum Sede vacante beneficia conferre nequit.
4. Potest tamen conferre beneficia deuoluta.
5. Potest & dare in commendam ad tempus.
6. Sede vacante administrat & iurisdictione Episcopalis fungitur.
7. Vnde iudicat &c. item confirmat vel infirmat electos.

8. Recipit

8. *Recipit resignationes beneficiorum & instituit præsencatos.*
9. *Dispensat cum illegitimo quoad Ordines minores.*
10. *Vni beneficia.*
11. *Absoluit à casibus Episcopo reservatis.*
12. *Non tamen exercet ea, quæ sunt ordinis Episcopalis.*
13. *Ex decreto Conc. Trid. Capit. Sede vac. Oeconomum & Vicarium constituit.*

Constat ex antedictis, collationem præbendarum & dignitatum de iure communi pertinere ad Episcopum. Vnde dubitari poterat, an Sede vacante, id est mortuo Episcopo, vel etiam excommunicato, aut suspenso ab officio, Capitulum succedat Episcopo in eorundem collatione.

Vbi pro clariori intelligentia præmittendum est, nomine Capituli hic intelligi ipsum Canonorum Collegium, seu Canonicos congregatos: nam soli Canonici (nō etiam alij Clerici, quantumvis in eadem Ecclesia beneficiati) vnā cum eo, qui illis præest, siue Decano, siue Præposito, pro diuersa Ecclesiarum consuetudine, Capitulum constituunt, Ioan. And. & alij passim in c. *Ex eo De elect. in 6.* Et hinc quoque qui eis præest, siue Decanus, siue Præpositus nomine Capituli venit, c. *Nouis. inf. De his quæ fiunt à Prælato sine cons. Capituli.*

Hoc præmissis, dicendum, regulariter, vacante Ecclesiâ, nihil esse innouandum, id est faciendum, quod præiudicet Ecclesiæ vel Prælati defuncti successoribus, c. 1. §. *attendentes h. t.* adeo vt iudicium contra Ecclesiâ, Sede vacante, ea quæ de causâ legitimo defensore carentem, habitum, sit nullum, d. c. 1. b. t. Sicut & iure civili sententia est nulla contra minores, tutorem vel curatorem non habentes, atque indefensos (quibus Ecclesia Prælato carens comparatur in d. c. *vlr.*) lata, l. *Alia 43. D. De re iudicata.*

Similiter dicendum, Capitulum non posse beneficia vacantia, quæ de iure communi vel consuetudine ad solius Episcopi collationem spectant, conferre, c. 2. b. t. tum quia id nusquam inuenitur cautum in iure, c. 2. b. t. tum quia collatio illorum beneficiorum inter fructus Episcopi connumeratur, c. *fin. De officio Vicarij in 6.* quos Capitulum dilapidare non potest, sed futuro Episcopo reservare tenetur, t. *Cum vos 4. sup. De officio Ordinarij, c. Quia sæpè 40. De elect. in 6.* Id quæ obtinet, etiam si aliàs Episcopus non consueuisset talia beneficia conferre sine consilio & assensu Capituli. Et nec Archiepiscopo quidem, Sede vacante vel suspenso Episcopo, in beneficijs huiusmodi conferendis sese ingerere licet, nisi in certis causis deuolutionis, Piasc. p. 2. cap. 5. artic. 2. num. 28. & seqq.

- 4 Potest tamen Capitulum conferre beneficia, quæ vel ad Episcopi collationem, per negligentiam inferioris Collatoris, deuoluta sunt. Abbas *in d. c. 2. h. t.* quia cum talium collatio non proueniat ex ipsa dignitate Episcopali, sed ex accidente, scilicet negligentia inferiorum, non potest dici fructus aut inter fructus dignitatis censeretur, Zyp. *De iure Pont. nouo h. t. n. 7.* vel quæ simul ad collationem Episcopi & Capituli spectant; nam tunc totum ius Capitulo accrescit, *c. unico eod. in 6.* Videatur Garz. *5. p. cap. 4. n. 49. 50. & 51.*
- 5 Potest etiam, Sede vacante, beneficium, spectans ad collationem solius Episcopi, commendare ad tempus, donec alius succedat, Piasec. *d. loco n. 43.*
- 6 Præterea quia, Episcopo mortuo, non statim illi alius sufficitur, ideo, ne mora hæc vacanti Ecclesiæ dānosa sit, prudenter à sacris Canonibus statutum fuit, ut interea eiusdem Ecclesiæ Capitulum in iurisdictionem & administrationem tam spiritualium quàm temporalium rerum, exceptis casibus à iure denegatis, succedat, *c. 3. De supplenda neglig. Pralat. in 6. c. Cum olim sup. De maiorit. & obed. & similib.* Idemq; obtinet, Episcopo à paganis & schismaticis capto, & nondum Ecclesiæ suæ restituto, nisi aliter ea de re consultus Pontifex statuerit, *d. c. 3.* Similiter propter absentiam vel etiam subinde propter delictum Episcopi, *Glos. in c. Ab abolendam inf. De heret.* * Hinc Capitulum iudicat, condemnat, absoluit, excommunicat, Sede vacante, vice Episcopi, perinde ac si Episcopus viueret, *c. Hic qua sup. De maiorit. & obed.* Similiter electos Prælatos Ecclesiarum, quæ sunt in dioecesi Episcopali, confirmat vel infirmat, *c. Cum olim, iuncta Glos. in V. capitulo sup. d. tit. Piasec. d. loco n. 44.* Adeoque si electio spectet ad Capitulum, & confirmatio ad Episcopum; Capitulum, iure capitulari eligit, & confirmabit iure Episcopali, *arg. l. Si consul D. De adoptionib.*
- 8 Pari modo permutationes seu resignationes beneficiorum ex causa permutationis recipere potest, Abbas *in d. c. Cum olim, ibi, Sexto dubitatur, Piasec. d. loco n. 45.* sicut & instituere præsentatos à patronis, *c. 1. De institut. in 6.* quia hoc, sicut & prius, est quid necessarium & debitum, nec sic vllum futuro Episcopo procreatur præiudicium. *
- 9 Potest & dispensare cum eo, qui defectum patitur natalium, ad minores Ordines, & ut simplex beneficium obtineat. * Unire beneficia, vel vnioni auctoritatem præstare, dummodo iuri Episcopali nihil detrahat, *c. unico h. t. in 6. Piasec. d. c. 5. artic. 3. n. 61. vbi alios citat.*
- 11 Potest insuper absolvere à casibus, Episcopo reservatis, & dispensare in censuris & irregularitatibus, in quibus dispensandi facultas competit Episcopo; cui Capitulum succedit in his, quæ sunt necessaria & contentiosa iurisdictionis, Panormit. *in c. 2. circa fin. h. t. & in s. Cum*

DE HIS QUÆ FIUNT A PRÆL. SINE CON. CAP. 461
c. Cum olim sup. De maioris. & obed. Sunt autem casus reservati Episcopis alij de iure, alij de consuetudine, alij denique, quos ipsi sibi reservant. Videatur Piafec. p. 2. cap. 1. artic. 3.

Dixi antè, Exceptis casibus à Iure denegatis; quia quædam excipiuntur à Iure: nam, præter enumerata iam antè, nō potest exercere ea, quæ sunt ordinis Episcopalis, puta ordinare Clericos, consecrare Ecclesias, & eiusmodialia: licet possit efficere, ut ea expediantur per Episcopos vicinos, sine præiudicio futuri successoris, *c. Is cui 24. De elect. in 6.*

Observandum postremò hic est, quòd Conc. Trid. Sess. 24. cap. 16. *De reformat.* mandet, ut Capitulum, Sede vacante, ubi fructuum percipiendorum ei munus incumbit, Oeconomum unum, vel plures fideles ac diligentes decernat, qui rerum Ecclesiasticarum & prouentuum curam gerant; eorum rationes ei, ad quem pertinebit, reddituri. Item ut Officialem seu Vicarium infra octo dies post mortem Episcopi constituat, vel existentem confirmet: de cuius officio lib. 1. egimus satis. Currit autem octiduum illud à die notæ vacationis, etiam per translationem, nondum adeptâ quoque possessione, ex congregat. Interpp. Concilij, Quaranta V. Capitulum q. 12.

Cæterum de administratione Capituli, Sede vacante, plenius videre licet Panormit. & alios ad d. c. *Cum olim sup. De maioris. & obed.* Patavin. Tract. de hac. re, & Conc. Trid. d. Sess. 24. cap. 1. & 16.

TITVLVS X.

De his, quæ fiunt à Prælato sine consensu Capituli.

1. Prælati in arduis pleraque expedire nequit sine consensu Capituli.
2. In leuibus negotijs solo consilio est opus.
3. Ut & in statutis condendis.
4. Nisi in casibus à Iure expressis.
5. Decretum Conc. Trid. de iudicanda persona Capitulari.
6. 7. 8. Quanam in condendis statutis seruanda sint.
9. Qualiter Episc. Capitulo quid proponat ad deliberandum.

Quemadmodum Sede vacante nihil est innouandum per Capitulum: ita è diuerso, Sede non vacante Episcopus vel alius Prælati de rebus Ecclesiæ pro arbitrio disponere, sine consensu aut con-

- x filio Capituli, * multaq; alia expedire non potest. Veluti ardua in primis: qualia sunt, Abbates & Abbatillas, aliasq; personas Ecclesiasticas, in beneficijs instituere vel destituere, *c. Nouit. 4. h. t.* collationes beneficiorum & electiones confirmare, *c. Quanto 5. h. t.* Ecclesias, sibi aut suae Ecclesiae subiectas, alijs Ecclesijs, etiam Monasterijs attribuere, *c. Tua nuper 8. & c. Pastoralis 9. eod.* veteres dignitates suppressas in sua Ecclesia suscitare: Ecclesiae statum mutare. Sic irrita est Episcopi donatio, venditio, commutatio rei Ecclesiasticae absque tractatu, consensu, & subscriptione totius Cleri vel Capituli, *c. 1. & d. c. Tua nuper*, quamuis confirmari possit ex rati habitatione Capituli.
- 2 In leuibus verò negotijs non requiritur consensus Capituli, sed satis est consilium adhibere, quod tamen sequi non tenetur, *Innoc. in c. fin. sup. De maioris. & obedien.*
- 3 Similiter in statutis condendis opus quidem consilio est Capituli, *d. c. Quanto h. t. & ibi Abbas n. 4.* nec valeret consuetudo in contrarium, secundum Hostien. in *Summa h. t. n. 2.* verum id quoque non tenetur sequi, nisi in casibus à Iure expressis, prout sacra Congregatio respondit apud Piafec. 2. p. cap. 2. art. 2. n. 7.
- 4 Casus autem à Iure expressi sunt hi. In primis de iure requiritur non tantum consilium, sed & consensus Capituli, quotiescumque illius vertitur interesse particulare, *c. vlt. h. t.* Ideoque si collatio beneficiorum spectet iunctim ad Episcopum & Capitulum, non potest Episcopus sine consensu Capituli quicquam de illis disponere, *c. Ea noscitur 6. h. t.* Secundò, nihil potest sine consensu Capituli in casu, quo diminueretur Ecclesiae auctoritas, seu ei praeiudicium fieret, *c. Dilecti sup. De maioris. & obedien.* nec enim Episcopus potest facere Ecclesiae suae conditionem deteriore, Tertiò, in casu, quo agitur de alienatione bonorum, Ecclesiae damnosa, *d. c. 1. h. t.* vel de obligatione Ecclesiae, *c. Quod quidam inf. De fidei iussoribus.* Quartò, vbi ageretur de praeiudicio, quoad subiectionem vel exemptionem Capituli, *c. vlt. sup. De maioris. & obed.* Denique in casuum seu causarum criminalium agitatione, *caussa x v i i. q. 7. per tot.*
- 5 Et in iudicanda persona aliqua Capitulari non nisi de consilio & assensu duorum, à Capitulo in principio cuiuslibet anni ad hoc deputandorum Episcopus vel eius Vicarius procedere potest, ex noua ordinatione, Conc. Trid. sess. 25. cap. 6. *De reformat.* Quòd si Capitulum eam deputationem neglexerit, tum, post monitionem prauiam de electione in principio anni facienda, potest Episcopus procedere & iudicare solus, Piafec. d. loc. n. 9. *ex declarat. Cardd. Interpp.* Et procedit dictum decretum sine distinctione in delictis tam grauib; quam leuibus, etiam vbi absque forma iudicij proceditur. Latè Riccius in

Fraxi

DE HIS QUÆ FIVNT A PRÆL. SINE CON. CAP. 463
Praxi Decis. 566. vbi subiungit Decreto illi locum esse quoad Capitula exempta dumtaxat. Deputatio tamen Procuratoris fiscalis etiam hoc casu ad solum spectat Episcopum, absque consilio Capituli, *Zerola in V. Fisiu* 9. 3. *ex sacra Congregat.* Sed & quando totum Capitulum deliquit, non est locus Decreto, potestque Episcopus solus procedere contra Capitulares, absque adiunctis: modò delictum non sit in personam vel contemptum Episcopi, vel Episcopus non habeat interesse; nam tum ea facultas procedendi deuolvitur ad proximum superiorem.

Illud quoque specialiter aduertendum esse tradit *Piassec. d. loco*, vt 6
quàm rarissimè in condendis statutis Episcopus pœnas apponat excommunicationis, ne ex frequentia abeant in contemptum: sed vt potius pœnis vtatur temporalibus; rariùs pecuniarijs, ad evitandam avaritiæ suspicionem, quæ ab Episcopo abesse debet longiùs, *c. Cum ab omni* 10. *sup. De vita & honest. Clericorum.*

Et quia statuta Episcopi ligant tantùm quoad pœnam, non etiam 7
quoad culpam, ideò necessum est, vt virtutem sui statuti declareret apertius.

Denique abstinere debet à multitudine statutorum & præceptorum 8
rum, quia quemadmodum vbi plures sunt Medici, plures existere morbi solent, ita etiam, vbi plurimæ leges, plurimum est vitiorum. Et interdum toleranda sunt potius mala aliqua, ne eueniant grauiora: quia, vt *Prou.* 30. ait Sapiens, *Qui multum emungit, elicit sanguinem, can. Denique Distinct.* 4. & qui multum corrigit, offendit. Leuiter castigatus reuerentiam exhibet castiganti, asperitatis autem nimix increpatione nec increpationem recipit, nec salutem, *c. Cum beatus* 8. *Distinct.* 45. Ideoque meminerit semper Prælatus illius B. Chrysostomi, apud *Piassec. d. loco n. 10.* *Circa vitam tuam esto austerus, circa aliorum benignus. Audiant te homines parua mandantem & grandia facientem.*

Quòd si Episcopus aliquid Canonicis ad deliberandum velit proponere de re nec ad suum, nec suorum commodum spectante, 9
poterit ipse Capitulum conuocare, vota exquirere, & iuxta ea concludere. Absente verò Episcopo, omninò hoc ab ijs, qui sunt de Capitulo, ad quos illud de iure vel consuetudine spectat, perficiatur, nec ad id Vicarius Episcopi admittatur, *secundum Conc. Trid. Sess.* 25. *cap. 6. De reformat.* nisi fortè Præses Capituli fuerit Vicarius, quia tum eâ qualitate id facere posset, *Zyp. h. tit. in fine.*

TITVLVS XI.

De his, quæ fiunt à maiore parte Capituli.

1. *Requiri ad hoc consensum maioris & sanioris partis.*
2. *Maiorem dici respectu totius Capituli.*
3. *Non sufficere maiorem partem, nisi & sanior sit.*
4. *Admittitur tamen contradictio minoris partis.*

Occasione eorum, quæ superiori Tit. dicta sunt de his, quæ fiunt à Præfato & Capitulo, vel de consensu aut consilio Capituli, quæritur hîc, quid iuris sit circa consensum vel dissensum eorum, qui sunt de Capitulo, si plures sint.

1. Et dicendum, ad hoc, ut Vniuersitas aliqua, Collegium vel Capitulum, aliquid censeatur facere, vel consensum suum præbere, ubi is requiritur, non semper exigi totius Vniuersitatis, Collegij vel Capituli consensum; sed sæpè sufficere, si maior & sanior pars consentiat, c. 1. h. t. l. *Quod maior D. Ad municipalem, & similibus.*
2. Maior verò pars & sanior pars quæ dicatur, repete ex lib. 1. Tit. 6. §. 4. *De forma & modo electionis.* Quibus illud adde, maiorem partem Capituli dici respectu totius Capituli, non autem respectu partium, Zerola 1. p. 7. *Capitulum §. 13.* Ideoque si duodecim sint Canonici, & tres eligant Titium, tres Sempronium, sex verò Mæuium, nulla istarum partium potest dici maior pars Capituli; sed necesse est, ut saltem sint septem ad maiorem partem constituendam. Quamquam obtineat aliud in maiori parte patronorum, siue laicorum siue Clericorum, quando præsentant, ut singuli: nam tunc sufficit habere maiorem partem, respectu minorum partium; veluti si ex sex patronis duo præsentent Titium, vnus Sempronium, & tres Mæuium, hi tres prævalent.
3. Deinde notandum, quòd, ubi ad actum aliquem consensus requiritur maioris & sanioris partis, non sufficiat consensus maioris, nisi ea simul fuerit & sanior; c. 1. & ult. h. t. quia ubi duo requiruntur coniunctim, alterum eorum non sufficit, §. *Si illud & illud Instit. De heredib. instituend. l. Si heredi plures D. De condit. instit.*
4. Quod verò à maiori & saniori parte Vniuersitatis, Collegij vel Capituli sit, regulariter præualet, nisi minor pars vel etiam vnus aliquis de

quis de Capitulo iusta de causa ab eo appellauerit, aut expresse contraxerit, c. 1. & c. Ex ore h. t. vel negotium tangat omnes, ut singulos, iuxta regulam iuris, Quod omnes tangit, ab omnibus approbari debet.

In Collegiis tamen passim obtinuisse, ut, quod maior numerus non respectu totius sed minoris partis decreuerit, ratum sit, & plenum habeat vigorem, testatur Zyp. h. t. n. 1. quamuis, inquit, in electione Monialium aliam opinionem secuta sit Congregatio.

TITVLVS XII.

Vt Ecclesiastica beneficia sine diminutione conferantur.

1. Beneficia sine diminutione aut reservatione fructuum conferenda.
2. nisi ex causa necessitatis vel alia iusta.
3. Potest & ex causa imponi pensio beneficio.
4. In collatione facienda seruari debet forma eidem prescripta.
5. De concursu & examine quoad curata beneficia iurii patronatus.
6. Debent beneficia conferri gratis, sine modo & conditione.
7. Non ad tempus; & limitatio huius.
8. Quatenus sub conditione fiat collatio & presentatio.
9. 10. Debet & liberè, non subreptitiè aut obreptitiè.

PRecedentibus titulis abundè actum fuit de collationibus beneficiorum, siue ea Episcopus conferat, vel solus, vel cum Capitulo aut consensu Capituli, siue ipsum Capitulum solum, vel quilibet alius collator: nunc videndum est, quo pacto conferri debeant.

Et in primis tenetur omnis collator conferre beneficium Ecclesiasticum sine diminutione, c. unico h. t. cum similibus. Adeò ut ex eo neque sibi aut nepoti, neque alteri cuiuslibet reservare possit partem aliquam proventuum, d. c. unico; aut collationem differre, ut ipse interim percipiat fructus, c. Extirpanda 30. in fine sup. De prabendis, c. Prohibemus 7. in fine inf. De censibus; nec item unum beneficium duobus conferre, c. Maioribus. c. Vacante 26. c. Cum causam 36. sup. De prabendis.

Attamen si iusta sublit causa, veluti si Ecclesia magno ære alieno gravetur, vel alia urgeat necessitas, potest ad tempus, priusquam beneficium conferatur, pars fructuum in usus Ecclesiæ seruari, c. penult. inf. De verbor. signif. d. c. unica & ibi Innoc. & Abbas. Imò potest Prelatus,

Nam

de con-

de consensu sui Capituli, iustâ & necessariâ subsistente causâ beneficium aliquod extinguere in perpetuum, *c. Cum accessisset 8. sup. De constitut. vel ad sustentandam suam dignitatem Episcopalem, antequam beneficium conferat, partem aliquam fructuum sibi retinere ad tempus, Glos. fin. in d. c. unico. Quamvis in talibus foret tutius, petere concessionem à Sede Apostolica, Pialec. p. 2. c. 5. arg. textus c. Tua nobis de verb. significat. sed hæc retentio fructuum non debet fieri à Prælato, mediante pactione aliquâ cum eo, cui confert beneficium, quia hoc saperet unioniacam prauitatem, d. c. unico circa finem.*

3 Potest etiam Episcopus, iustâ subsistente causâ, beneficio conferendo imponere pensionem, puta ob bonum pacis & utilitatis vel ad sopiendam litem, quando beneficium est litigiosum, ad redimendam vexam, ut loquuntur, *c. Nisi essent 21. sup. De præbendis, c. Audiuimus inf. De collus. deteg. Pialec. d. loco n. 64. vel ut subueniatur & alimenta præstentur seni parochio, qui amplius deservire nequit, Gigas De pensionib. q. 6. n. 3. post Ancharan. Conf. 279. vel in permutatione beneficiorum, ratione inæqualitatis, si beneficium alterum alteri præponderet in fructibus, c. Ad questiones 6. inf. De rerum permutat. Aliàs pensio, per Episcopum sine iusta causâ beneficio imposita, est nulla, Garz. 1. p. cap. 5. n. 296. Gonzal. ad Reg. v 111. Cancell. Glos. 5. cap. 5. ubi plenius de pensionis impositione videre licet.*

4 Insuper in collatione seu provisione beneficiorum seruanda est forma, à iure statuto, consuetudine, aut fundatione præscripta; aliàs namque provisio esset nulla, Garz. 9. p. cap. 1. Et in provisione Ecclesiarum parochialium seruanda est forma, à Conc. Trid. tradita, Sess. 24. cap. 18. De reformat. alioquin provisio præter & contra formam, præsertim quoad concursum & examen instituendum, facta, est omninò nulla, ex Constitutione Pij V. quam refert Pialec. d. loco n. 4. ubi etiam tradit n. 5. ex declaratione Cardd. quam refert, ne quidem Doctorem vel Licentiatum, in aliqua Iuris vel Theologiæ professione, excusari ab hoc examine, petentes sibi provideri de Ecclesia parochiali: & in beneficijs curatis, Sedi Apostolicæ, vel cui-cumque alteri reservatis vacantibus, similem concursum siue examen posse institui ab Episcopo & eligi digniorem, instituendum à Sede Apostolica, seu alio, cui fuerit reservatum beneficium. De curatis tamen inquit, vacantibus in Curia, siue per resignationem in manibus Papæ, solet Dataria providere sine concursu, præmisso solo examine.

5 Quantum ad curata beneficia attinet, quæ iuris sunt patronatus: ea vel sunt iuris patronatus Ecclesiastici quæ si vacauerint in mensibus Apostolicis, illis quoque per concursum & examen provideri debet: si verò vocauerint in mensibus non reservatis, patronus nominabit plures

plures examinandos, veletiam Episcopus alios inuitabit ad concurrere & tunc demum quem patronus digniorem inter probatos ab examinatore iudicauerit, eliget & presentabit Episcopo, instituentum in beneficio vacante *Praefec. d. loco. n. 7.* Vel sunt iuris patronatus laicorum; & tunc non requiritur huiusmodi concursus, sed tantum examinari debet presentatus, & admitti, si idoneus repertus fuerit, *Conc. Trid. d. Sess. 24. c. 13. §. Quod si ius patronatus.* Nili plures sint presentati, quia tunc institui potest concursus inter presentatos tantum, *ex declarat. Cardd.* Vbi subiungit, in parochialibus Ecclesijs, quae regularibus conferri consueuerunt, non requiri concursum, sed solum examen sufficere: vt &, quando cura animarum spectat ad Collegium, vel est annexa alicui praebendae seu beneficio ex natura simplici.

Debent praeterea beneficia conferri gratis, id est non interueniente pretio, vel aliquo, quod pretio sit aestimabile: taliterque beneficium obtinens, tamquam simoniacus, est ipso iure excommunicatus, & collatio ipso iure nulla, *Extravag. Cum detestabile De simonia.* Item pure, id est sine conditione, sine pacto, non alternatiue. *can. Quampropter. q. 2. c. fin. sup. De pactis & c. 2. De elect. in 6.* quia talia quoque redolent simoniam. Item sine modo, quia hic accedit prohibita conditioni, *c. Verum 4. inf. De condit. appositis.*

Praeterea in perpetuum seu ad vitam, collatori non verò ad tempus, *c. vnico iuncta Glof. in V. perpetui De capellis Monach. in 6. Rebus. De requisitis ad collationem n. 13.* Vicarius tamen vel Oeconomus ad tempus dari solet, *c. Cum vos 4. sup. De officio Ordinarij.* Beneficium etiam curatum dare potest Episcopus in commendam ad sex menses, *c. Nemo 15. De elect. in 6.* & talis Commendatarius non dicitur verus Praelatus vel curatus, sed Depositarius & Procurator; nec fructus facit suos, sed eos colligere, & in necessitates Ecclesiae dispensare potest, *Glof. in. d. c. Nemo in V. commendare.* At verò beneficia simplicia etiam ad vitam commendare potest Episcopus, *c. Si consisterit 13. inf. de accusat.* quod & Pont. in maioribus beneficijs saepe facit, Et talis Commendatarius dicitur verus Praelatus, habet eandem auctoritatem & potestatem iurisdictionis & administrationis, quam habet obtinens beneficium in titulum, & facit fructus suos, potestque vti baculo & mitra, si hoc competat beneficio commendato ex usu loci vel alia ratione, *Praefec. d. loco n. 40. & 41.* Datur etiam beneficium ad tempus, quando datur coadiutor aegroti, seni, illiterato, *c. penult. & sup. De Clerico aegrotante;* vbi vide, & quae lib. 1. ad Tit. *De officio & potest. Vicarij §. 7.* de Coadiutore diximus.

Potest etiam fieri collatio sub conditione, quae ipso iure vel statuto, 8

vel fundatione, institutione, aut consuetudine legitimâ inest, hîc modo exprimat, quo inest, cum conditio, quæ sui naturâ inest, non efficiat contractum conditionalem; veluti si parochiale beneficium conferatur alicui sub conditione, ut aliud simile deponat; ut retideat; vel sub conditione, si vacet; si sit dignus, *Glos. in c. 2. De elect. in 6. in v. incerta* Rebuff. *De requisitis ad collationem num. 2. Piafec. d. loca num. 32. in fine.* Similiter valet præsentatio, non modò alternatiua, sed etiam conditionalis, incerta, dubia & obscura, dummodò intra tempus, quod datur ad præsentandum, conditio purificetur, incertitudo, dubietas & obscuritas tollatur.

9 Ad hæc conferri debet beneficium liberè, id est, non per metum, non per vim, *c. 2. c. Ad aures sup. De his quæ vi metusve causâ fiunt*; quia collatio est quædam donatio, quæ liberaliter fit.

10 Denique non subreptitiè aut obreptitiè si fiat à Papa, vel eius legato, sub pœnâ nullitatis, *c. Cum adeo sup. De re iudicatâ*, nam collatio Ordinarij, qui motu proprio & Ecclesijs, non personis, uti Pontifex & Legatus eius, prouidet, non potest impugnari subreptionis, *Clement. 2. De officio Ordinarij.*

TITVLVS XIII.

De rebus Ecclesiæ alienandis vel non.

§. I.

1. Clericis omnibus prohibita alienatio rerum Ecclesiasticarum.
2. Episcopus tenetur facere inuentarium bonorum suæ Ecclesiæ.
3. Et iurare de non alienando.
4. Nomine alienationis quid hic intelligatur.
5. Etiam iura alienari nequeunt.
6. Pœna alienantium res Ecclesiæ.

DE collatione præbendarum ac beneficiorum, & modis, quibus ea fieri debet, satis superque dictum est. Deinceps videamus, quid iuris Clerici beneficiati in rebus Ecclesiæ & bonis beneficiorum suorum habeant, potissimum circa alienationem talium bonorum. Inscriptio verò Tit. huius duplex membrum habet. De alienandis rebus Ecclesiæ vel non alienandis.

Quod

Quoad secundum hoc attinet, alienatio ista à sacris Canonibus vetita est Clericis, *oro tit. hoc in 6. Clement & Extrauag.* Non tantum simplicibus, sed etiam Prelatis, Episcopis & Archiepiscopis, *c. si quis, presbyterorum. 6. c. Ad audientiam 9. b. t. &* multò magis laicis, id est, Regibus & Principibus, in quorum territorio res illa sita sunt, *c. 2. b. t.* non tantum in extraneum vel laicum, verum etiam in aliam Ecclesiam vel personam Ecclesiasticam, *c. 1. b. t.* Ea ratione, quòd bona Ecclesiae sint ipsius Ecclesiae, non Clericorum, qui ante distributionem & applicationem, sibi legitimè factam, sunt tantum administratores & procuratores *can. Si priuatum vlt. xii. q. 1.* qui nequeunt donare seu remittere, *c. 2. inf. De donat. l. filiusfam. D. cod. tit. l. Contra iuris 28. §. 2. l. Imperatores 37. D. De pactis, l. Pactum curatoris 22. Cod. De pactis, l. Praeses 12. Cod. De transact. Garz. De benef. p. 3. cap. 3. num. 46.* Vnde neque Episcopus vel alius Clericus sibi ea bona usurpare potest, *d. can. Si priuatum, can. Monemus xii. q. 2.* sed custodire tenetur Episcopus, & vel cum vitae periculo defendere, *can. Conuenior 12. iuncta Glof. in V. pro altaribus xxiii. q. 8.* * facere item repertorium seu inuentarium omnium bonorum & iurium suae Ecclesiae & aliorum beneficiorum Ecclesiasticorum suae dioecesis, & construere archiuum, in quo huiusmodi iura deponantur & adseruentur, *Piassec. 2. p. cap. 5. artic. 4. num. 2.* ubi refert de archiuo in Ecclesia Cathedrali construendo emanasse Constitut. à Sixto V. incip. *Provida*, publicatam Romae anno 1587. die 8. Iunii.

Tanto verò minùs potest Episcopus alienare bona Ecclesiae suae, quia is in promotione sua solet iurare hoc modo: *Possessiones vero ad mensam meam pertinentes, non vendam, neque donabo, neque impignerabo, neque de nouo infeudabo, vel aliquo modo alienabo, etiam cum consensu Capituli Ecclesiae meae, inconsulto Romano Pontifice. Et si ad aliquam alienationem deuenero, poenas, in quadam super hoc edita Constitutione contentas, eo ipso incurvere volo, &c.* *Piassec. d. loco n. 5.*

Nomine autem alienationis licet propriè veniat omnis actus, per quem transfertur rei dominium, hic tamen id latius sumitur, vt contineat donationem, venditionem, permutationem, emphyteusim, infeudationem, vsumfructum, hypothecam, locationem ad longum tempus, *c. Nulli §. 5. alienationis b. t. l. vlt. C. De reb. alienis non alienan.* Haereditatem item institutionem, legatum, fideicommissum, *cap. 1. cap. Cum in officijs cum duobus seqq. sup. De transact.* etiam transactionem, quando per eam res traditur: secus enim, quando per eam res tenetur, *Rebuff. in compendio alienationis rerum Ecclesiae num. 2.* Imò & iuxta *Extrauagantem Ambrosia h. tit. in communibus*, locationem vltra triennium, quando scilicet res quotannis dat fructum.

Alioqui si res alternis annis dumtaxat, fructum ferat, potest locari ad sexennium: sicut &, quando eius conditionis est, ut non nisi quolibet triennio ex ea fructus percipiatur, ad nouennium, Couar. 2. *Varias. resol. cap. 16. n. 6.*

5 Sed nec iura, actiones vel nomina debitorum alienari permittuntur, Abbas in *d. c. Nullin. 9. b. t.* Neque etiam seruitus aliqua de nouo Ecclesie imponi potest, Piasec. *d. loco n. 2.*

6 Quod si Clericus vel Prælatus, non obstante hac prohibitione, rem Ecclesie, alienauerit, & alienatio ipso iure est nulla, & tam alienans, quam qui accepit, nisi mox eam rem restituat cum fructibus, excommunicatur, *c. Si quis 6. h. t.* Et quilibet Clericus Ecclesie, cuius res est alienata, imò etiam ipse Prælatus, qui alienauit rem, potest eam repetere à quolibet possessore, vnà cum fructibus, à tempore alienationis, *d. c. Si quis.* Quin etiam emptor, licet fortè bonà fide emerit, ignorans rem esse Ecclesie, cogitur eam restituere, non recepto ab Ecclesia, cuius res est, pretio: sicut & iure ciuili emptor rei alienæ, *l. Si mancipium Cod. De rei vindicat.* Quia alienans rem meam, sine meo consensu, non potest mihi nocere & damno esse, *l. Non debet 74. D. De reg. iuris.* Poterit tamen emptor bonæ fidei pretium repetere ab auctore suo, id est ab eo, à quo emit, *c. Ad audientiam 9. b. t.* Si verò fuerit malæ fidei emptor, is & rem restituere cogitur, & pretium amittit, quod cedit non lucro vendentis, sed Ecclesie, cuius res alienata est, *l. Iubemus 14. § 1. Cod. De sacrosanct. Ecclesijs.* Neq; contraria consuetudo alienandi iuuat alienationem, quia censetur irrationabilis, *Glos. in c. Cum caussa in V. praiudicat. sup. de sent. & re iudicata.* Piasec. *d. loco n. 13.*

§. II. Quibus casibus sit permessa rerum Ecclesie alienatio.

1. Res qua seruando seruari non possunt, licitè alienantur.
2. Res item in feudum dari solita de nouo in feudum.
3. Item res exigui valoris.
4. Vt & res nondum quasita Ecclesie.
5. Vel relicta incapacibus, veluti Mendicantibus.
6. Item usufructus bonorum, durante vità Prælati.
7. Alias non possunt, nisi ex iusta caussa & solemniter.

2 **S** Equitur alterum membrum de alienandis rebus Ecclesie, quia regula de non alienandis patitur certis casibus exceptionem. * Et in primis licitè alienantur res mobiles, quæ seruando seruari nō possunt, id est quæ sine notabili deterioratione nō durarent, quæque

quæque vtendo absumuntur, vt sunt arborum fructus, vinum, oleum, frumentum, iumenta & pecora singularia, *Piasec. d. loco n. 19.* Pecunia etiam regulariter numeratur inter res, quæ seruanda seruari nequeunt, cum retenta nihil operetur, *Panormit. in c. Nulli §. n. 11. b. s.* nisi hæc rei immobili comparandæ, voto, iuramento, aut præcepto superioris destinata sit, quia tum inter res immobiles numeranda est, *Piasec. d. loco* vbi refert ita decisum fuisse in Rota. Similiter arbores grandes, quæ non cõsueuerunt cædi, annumerantur immobilibus, *Choppin. De sacra politia lib. 3. tit. 8. n. 12.* nec possunt etiam siluæ cædæ taliter excindi, quo bona Ecclesiæ deteriorescentur, *Panormit. in d. c. Nulli, Nauar. Conf. 6. nu. 2. eod. tit.*

Præterea res antè infeudari vel in emphyteusim dari solita, feudo 2 huiusmodi vel emphyteusi expirante, iterum in feudum seu emphyteusim dari potest, absque solemnitate iuris ad alienationem præscripta; modò id fiat in Ecclesiæ euidentem vtilitatem, & antequam illius rei fructus Ecclesiæ incorporentur: quia tum non censetur noua alienatio, quæ à iure prohibetur, sed continuatio quardam alienationis antea factæ. Vt autem res dicatur in feudum vel in emphyteusim dari solita, sufficiunt duo actus concessionis factæ, vel vnus sollemnis cum x l. annorum decursu, *Piasec. d. loco n. 20.* vbi subiungit, quòd, cessante causâ primæ concessionis, non possit de nouo concedi: quodque, si maior offeratur census vel canon, non debeat concedi pro antiquo canone; neque cum tali conditione, quæ grauior sit Ecclesiæ, quàm antè fuit, neque pro fæminis, si masculis tantum concedi consueuerit.

Terrulæ quoque, vineolæ, & aliæ res, siue immobiles siue mobi- 3 les modici & exigui valoris, si id postulet Ecclesiæ vtilitas & necessitas, alienari possunt, *can. Terrulæ x 11. q. 2.* cui neque per *Extravag. Ambitiosa in Communib. h. t.* neque per Conc. Trid. derogatum esse, idque declarasse sacram Congregat. Cardd. testatur, *Quaranta V. Alienatio n. 14.* & ex eo *Piasec. d. loco n. 24.* Quæ autem dicatur res modici & exigui valoris, arbitrio relinquitur Iudicis seu boni viri, qui, consideratis Ecclesiæ alienantis facultatibus, valore rei alienandæ, & loci consuetudine, æstimabit & iudicabit, an res sit modica seu modici valoris, *arg. textus in c. Caterum inf. De donat. Piasec. ibid. n. 25.*

Pari modo potest terra Ecclesiæ non fertilis dari in emphyteusim hæredibus eius, cuius studio primùm ad culturam est redacta, *c. Ad iures 7. h. t.*

Potest etiam licitè alienari res, nondum quæsitæ Ecclesiæ, id est, 4 nondum cæpta possideri ab Ecclesia: sic enim remitti potest legatum, vel hæreditas relicta testamento Ecclesiæ; maxime si timeantur odia, vel scan-

vel scandala. Etenim in acquirendis potest Prælatas præiudicare Ecclesie suæ: nisi legatum communiter seruiret Episcopo & Capitulo; quo casu illi Episcopus renuntiare non posset in præiudicium Capituli.

5 Similiter relicta Ecclesie incapaci, v. g. Mendicantibus, licite alienantur, *Piaſec. d. loco n. 32.* Vbi subiicit, posset etiam Regulares bona sua vigore priuilegiorum sibi indultorum alienare; ac specialiter Gregorium XIII. indulſisse Patribus Societatis IESU, vt possint bona sua alienare arbitrio sui Præpositi Generalis, nullâ aliâ petita licentiâ à Sede Apostolica vel loci Ordinario.

6 Denique vsumfructum bonorum mensæ suæ Prælatas ad beneplacitum suum, vel vitâ suâ durante licite alteri concedit, *Piaſec. d. loco num. 35.*

7 Aliarum verò rerum immobilium, atque etiam mobilium, si pretiosæ sint, & seruando seruari possint, vt sunt vasa aurea, argentea, casulæ, tapetes, & quæcumque triennio non corrumpuntur, vel notabiliter non deteriorantur, alienatio non aliter permittitur, quàm ex iusta causa, & seruata formâ à iure præscriptâ, *c. vnico 17. Extrauag. h. 8. can. Sine exceptione XIII. q. 2.* Quæ duo ad validitatem alienationis coniunctim requiruntur, vt vnum sine altero non sufficiat, & altero deficiente alienatio sit ipso iure nulla, *c. vlt. h. 1. De vtroque proinde specialiter nunc videamus.*

§. III. Quæ sit iusta causa, & in quo consistat solemnitas alienandi res Ecclesie.

1. Iusta causa alienandi res Ecclesie.
2. Ritus & solemnitas.
3. An inconsulto Pont. alienatio sit licita, & quatenus.
4. In dubio præsumuntur seruata solemnitates.
5. Enormiter laesa Ecclesia restitui potest.

1 **I**usta igitur causa alienandi res Ecclesie est quadruplex. Prima est Necessitas, cui aliter succurri nequeat, *Clement. 1. b. 1. c. 1. inf. De pignoribus*: vt si Ecclesia re alieno grauata sit, nec habeat res mobiles vllas, vnde soluat. Secunda Vtilitas manifesta: vt si res aliqua Ecclesie alienetur ad aliam meliorem emendam, *d. Clement. 1. & d. can. Sine Exceptione c. Vt super 8. in fine h. 1.* Tertia Pietas, veluti ad redimendos captiuos, pauperes tempore famis alendos, *can. Aurum, can.*

Cloria

Gloria x i i. q. 2. Quarta est Incommoditas, ut si res Ecclesiae sit sumptuosa, & parum utilis; sed hæc reuocatur ad secundam.

Solemnitas seu forma consistit in his quattuor; Primò, ut à Prelato cum Capitulo vel Clero super re alienanda fiat tractatus, an expediat rem alienari, *d. can. Sine exceptione*: & sufficit vnus tractatus. Secundò, ut Capitulum consentiat expressè in alienationem, saltem pro maiori & saniori parte, *d. c. 8. in fine h. t. & c. Quanto sup. De hijs que fiunt à Prelato sine cons. Capit.* Tertiò, ut Capitulum subscribat: hoc tamen non requiritur, nisi in donatione, venditione, & permutatione. Imò iam consuetudine receptum est, ut sufficiat subscriptio Notarij. Quòd si alienetur res Ecclesiae, habentis Rectorem vnum, eo quoque inconsulto vel inuito res alienari nequit, *c. Placuit i s i. x i i. q. 2. ne quidem vacante Ecclesiâ, can. vlt. x. q. 2.* Quartò, ut Superioris accedat auctoritas; qui in non exemptis est Episcopus, à quo saltem in his ditionibus concedi facultatè alienandi res, ad Ecclesias sibi subiectas spectantes, testatur Zyp. *h. t. n. 2.* In exemptis est Prelatus, cui Ecclesia vel Monasteriũ immediatè subest. In alienatione tamè rerum Monasterij non tantum opus est consensu Capituli & Abbaris, sed & Episcopi, qui cognoscat, an expediat Ecclesiae alienationem fieri, *can. Abbatibus x i i. q. 2. can. In venditionibus x v i. q. 7.* In patronatus Ecclesijs consensum Patroni non necessariò requiri, tenet Abbas in *c. vnico sup. Ut Ecclesiast. benef. sine dimittunt. confer. Piasec. d. loco n. 16.* nisi quoad bona, quæ ab ipso patrono prouenerunt: quo pacto intelligi potest Choppin. *De sacra polit. lib. 43. tit. 2. n. 28.* vbi consensum requirit patròni.

Præter hanc formam Paullus i i. in *d. Extrauag. Ambitiosa* statuit, sub grauibuspœnis, ne vlla fiat alienatio concessioque bonorum Ecclesiasticorum aut pij loci, inconsulto Romano Pontifice; & ut facta aliter nullius sit reboris & momenti. Hæc tamen Extrauagans non videtur passim vsu recepta, præsertim quoad locationem & quoad pœnas, Siluester in *Summa V. Alienatio §. 15.* Nauar. in *Manuali cap. 27. n. 149.* Couar. *lib. 2. Var. resol. c. 16. n. 6.* Neque opus est hac consultatione in rebus exigui momenti: nec quando de facili adiri & consuli Pontifex non potest, vel vbi constat alienationem esse necessariam & in mora periculum esset, veluti pro alimonia pauperum urgente famæ vel aliâ necessitate, pro redemptione captiuorum, *can. Gloria Episcopi x i i. q. 2. Piasec. d. loco n. 28.* Nec item in alienatione summæ pecuniariæ ad pium vsu, quantumuis ea magna sit, si ad mensam pertineat Prelati, Lessius *De iustit. & iur. lib. 2. cap. 24. Dubitat. 11.*

In dubio autem præsumuntur seruata solemnitates, ex diuturnitate temporis. Nec id mirum, cum temporis etiam diuturnitate nempe x l. annorũ præscribi res Ecclesiae possint, *Piasec. ibid. n. 17. vbi alios utat.*

Nec obstat Constitutio Pauli IV. quam refert Petr. Mathæus in suo VII. Decretal. lib. 2. Tit. 2. c. 2. quâ omnes alienationes bonorum quorumvis Ecclesiasticorum, sine requisitis solemnitatibus, & in damnum Ecclesiarum factas, reuocauit, nullâque temporis præscriptione validari posse decreuit: quia illam Constitutionem Pius IV. reuocauit & reduxit ad terminos Iuris communis, Piafec. ibid.

Multò magis præscripta censebitur res Ecclesiæ, si à tempore alienationis intercesserit tempus immemoriale, vel centum annorum, etiam contra Ecclesiam Romanam, c. *Ad audientiam sup. De præscript.* etiam in casu, quo lex prohiberet præscriptionem, quia talis prohibitio non excludit immemoriam, nisi & hæc expressè nominetur Piafec. d. loco n. 18. Si tamen ex iustrumento alienationis appareret iniustus titulus, qui caussaret malam fidem, tum non induceretur præscriptio, c. *fin. sup. De præscript. Nauar Conc. 3. & 5. De censibus.*

5. Obseruandum postremò hic est, quòd ubi subsistit alienatio, quia fuit facta & ex iusta causa, & solemniter, id est seruata formâ à iure præscriptâ, si tamen per eam inueniatur Ecclesia enormiter læsa, possit petere restitui in integrum, & rescindi alienationem, c. *Ad nostram II. h. t.*

TITVLVS XIV.

De Precarijs.

1. Nomen Contractus aliquando propriè, quandoque latèus sumi.
2. Contractuum aliq Nominati, aliq Innominati.
3. Item aliq bone fidei, aliq stricti iuris.
4. Aliq Re, aliq Scriptura, aliq Verbis, aliq Consensu perficiuntur.
5. Precarium quid sit.
6. In quo à Commodat differat.
7. Sumi pro contractu, & pro re, qua precario datur.
8. In quo à Precarijs differat.
9. Precariam à Precarijs non distingui.
10. Precaria quinto quoque anno renouanda.
11. Et ex causa reuocari potest.

Quoniam superiori Tit. dictum est, alienationem rerum Ecclesiæ regulariter esse prohibitam: ideo nunc sequitur de quibusdam alienationis speciebus seu contractibus, quibus sit alienatio; & quidem

quidem primò de precarijs, quia cùm per eas non transferatur dominium, sed solùm utilitas, dubitari potest, an sint licitæ an non.

Pro pleniori autem intellectu eorum, quæ hoc Tit. aliquot sequentibus dicuntur, præmittendum est, Contractum aliquando sumi propriè pro obligatione vtro citroque, quam Greci συνλλαμα vocant, *l. Labeo 19. D. De verb. significat.* id est pro conuentione, quæ vtrimque obligationem parit; nam obligatio non est propriè contractus, sed eius effectus: aliàs verò latius sumi nec distingui à Pacto, nihilque aliud esse, quàm duorum pluriùmve in idem placitum consensum, seu conuentionem; siue pariat vtrimque obligationem, vt Emptio-venditio, Locatio-conductio; siue ex altera parte tantùm, vt Donatio, Promissioque acceptata, Depositum, Precarium. Et in hac acceptione Contractus in primis diuiditur in Nominatum & Innominatum.

Nominatus contractus dicitur, qui certum & distinctum ab alijs contractibus nomen habet. Cuiusmodi sunt Emptio-venditio, Locatio-conductio, Commodatum, Depositum, Mutuum, Pignus, Fideiussio, & nonnulli alij, *l. 1. §. fin. & l. 7. circa prin. D. De pactis.* Quibus adiicitur Precarium, Precaria seu Precariæ, Feudum & Donatio, licet Feudum quidam numerent inter Innominatos.

Innominatus contractus dicitur, qui quantumuis nomen generale habeat, vel circumscriptioe aut circumlocutione aliquâ designetur, tamen in certum aliquod & proprium nomen contractus non abiit; quamuis subsit causa, cur nascatur obligatio, puta quia alter alteri quippiam fecit aut dedit. Huius quattuor genera recensentur, Do vt des, Facio vt facias, Do vt facias, & Facio vt des, *d. l. 7. de quibus in hoc iure Pontificio nihil peculiariter traditur.* Huc referri potest Permutatio, de qua hic quoque agitur.

Secundò diuiditur in contractum bonæ fidei & stricti iuris. Nam licet ad omnem contractum bona fides requiratur, *l. Bonam fidem Cod. De actionibus*: tamen bonæ fidei contractus specialiter dicitur, in quo exuberat bona fides, & in quo potest multa Iudex ex æquo & bono arbitrari, nempe illa, quæ ex bona fide, ex æquo & bono alterum alteri præstare oportet, quamuis de ijs nihil sit conuentum, vt Emptio, Locatio, Societas, Commodatum, Depositum, & alij, qui in *§. actionum Institut. De actionibus numerantur.*

Stricti iuris sunt, in quibus Iudex ad verba contractus astringitur, nec alter alteri in plus obligatur, quam inter contrahentes actum est. Tales sunt omnes stipulationes, contractus emphyteuticus, feudalis &c.

- 4 Tertio, alius perficitur re, alius scripturâ seu litteris, alius verbis, alius consensu. Re perfici dicitur, in quo obligatio non oritur ex sola conventionem seu consensu, sed ex ipsa rei traditione. Huiusmodi sunt Commodatum, Depositum, Mutuum, Permutatio: nam hi contractus ante traditionem rei dicuntur nuda pacta, nec pariunt obligationem; nec in plus potest quis per hos contractus obligari, quam acceperit. De Mutuo non agit Pontifex.

Scripturâ perficitur, qui ante scripturam ratus non habetur, ut Emphyteutis, & omnis alius contractus, quem contrahentes nolunt concludere, nisi coram Notario, qui de eo instrumentum conficiat.

Verbis dicitur perfici, qui præter consensum requirit certam verborum formulam, ut omnes stipulationes, quæ constant præiâ unius interrogatione & alterius subsequenti responsione: ut, *Promittis dare centum? promitto; Facies? faciam; Fideiubes? fideiubeo*; & sic de ceteris. Et de his duobus generibus contractuum, nihil quoque specialiter tradit Pontifex, legibus contentus civilibus.

Consensu perficitur, ad cuius substantiam non requiritur interveni-
tus certæ formulæ verborum, nec scripturæ, nec rei traditio, sed sufficit consensus, *l. consensu D. De obligat. & action* ut Emptio-venditio, Locatio-conductio, Mandatum, Societas. Ideoque licet ad omnem contractum requiratur res aliqua, quæ in contractum deducatur, non tamen contractus omnis dicitur re perfici, quia scilicet non est necesse, ut eius traditio ad substantiam contractus interueniat, prout intervenire debet ad substantiam contractuum, qui re incuntur, seu perficiuntur.

Potest autem & solet tripliciter quæri de contractibus; primo de ipsis incutendis & inter se distinguendis: secundo de eorundem accessionibus; & denique de iisdem dissolvendis atque finiendis.

- 5 Agit verò Pontifex in primis de precarijs, quia regulariter fructus rerum Ecclesiasticarum dari possunt precario. Estque contractus, quo alicuius rei usus petenti gratis conceditur, ad arbitrium concedentis reuocandus, *l. 1. & 2. D. De precario, c. fin. h. t.* Nam de natura precarij est, ut danti restituatur, quandocumque ei libuerit; pactumque in contrarium repugnat naturæ precarij, nec concedentem obligat, quo minus pro arbitrio suo precarium reuocare possit, *d. c. fin. l. Cum precario D. eod.*

- 6 Atque ita in hac parte distinguitur Precarium à Commodato, quod non nisi expleto usu, ad quem datum est, repeti potest: sicut & in eo, quod Precarium concedatur sine præfinitione certi usus, Commodatum verò ad certum & determinatum usum, *Glos. in c. 1. in V. commodatum inf. De commodato.*

Sumitur tamen precarium non solum pro contractu, prout illud 7 ante definiuimus, sed etiam pro re ipsa, quæ precario datur & accipitur. Ita sumitur à Glos. in c. fin. in V. *precarium h. t.* dum dicit precarium esse, quod precibus ad vtendum datur, quam diu patitur is, qui concessit. Ita etiam sumitur, quando dicimus precarium danti esse restituendum, quodcumque ei libuerit.

Cum Precario affinitatem habent Precariæ, quæ tamen ab eo inter cætera distinguuntur, quod non possint reuocari pro arbitrio concedentis, sintque contractus, quo veluti precarius vsufructus prædij Ecclesiastici alicui conceditur, quinto quoquo anno renouandus, cap. 1. h. t.

Et licet Hostien. distinguat Precarias in plurali numero à precaria 9 in singulari, quasi Precariæ sint contractus, quo veluti precarius vsufructus prædij Ecclesiastici conceditur alicui, etiam ultra vitam, quinto quoquo anno renouandus, d. c. 1. can. *Precaria x. q. 2.* at verò Precaria sit contractus quo conceditur alicui vsufructus prædij alicuius Ecclesiastici in tempus vitæ dumtaxat, ad triplum vel duplum fructuum ipsius rei, quam Ecclesiæ dedit, d. can. *Precaria* & Glos. ibid. qui de quinquennio in quinquenniū non renouetur. Verius tamen est, nō differre Abbas in d. c. 1. n. 3. secundum communē DD. opinionē: prout hæc duo, Precarias, inquā, & Precariam confundit etiam Cuiacius lib. 1. *De feudis Tit. 5.* Quamquam varijs modis, & potissimum tribus, quos recenset Abbas d. loco, precariæ fieri possit.

Dixi autem precariam seu precarias renouandas de quinquennio in 10 quinquennium: quod sit non tam de iuris dispositione, quam secundum consuetudinem, vt patet ex d. c. 1. Idque ad perpetuam rei memoriam, ne scilicet, cum ad hæredes & de persona ad personam precaria transeat (nisi ad vitam alicuius concessa fuerit, quod non constituit diuersam speciem ab ea, quæ ultra vitam conceditur, sed modum dumtaxat diuersum) facile eius inducatur obliuio, arg. can. *Longinquitate x 1. q. 2.* dicatque tandem rem accipiens, vel eius hæres, eam esse propriam, & non Ecclesiæ. Ideoque sicut non petens inuestituram à nouo domino, cadit iure suo: ita non petens renouationem precariæ, elapso quinquennio; etiamsi in diuturnius tempus concessa fuerit, Abbas in d. c. 1. n. 5.

Potest verò precaria reuocari, si irrationabiliter facta fuerit, & quidem ab ipso concedente. Est enim singulare in alienatione rei Ecclesiasticæ in Ecclesiæ præiudicium, vt possit alienans rem alienatam repetere, & contra factum proprium venire, t. *Si quis sup. De rebus Ecclesiæ non alienandis.*

Denique licet precaria iure ciuili videatur incognita, tamen vesti-

gium ciuilitate videtur apud Iustinianum in *Novella 120. §. si quis aliquis.*

TITVLVS XV. De Commodato.

1. *Commodati acceptiones.*
2. *Definitio eiusdem explicata.*
3. *Commodatarius tenetur de dolo; de culpa, lata, leui, & leuissima.*
4. *Actio commodati directa & contraria.*

CVM Precarijs multum conuenit Commodatum cum & hoc ad preces alterius, & recipientis gratia regulariter fiat, §. *Item is cui Institut.* Quibus modis re contrahitur obligatio. * Et sicut Precarium diximus sumi quandoque pro ipsa re precario data, interdum verò pro contractu, quo aliquid precario datur: ita etiam ista vocabula Commodatum, Depositum, Mutuum, Pignus subinde, accipiuntur pro ipsa re commodata (quasi ad commodum utentis data, *Glos. in c. unico in V. commodatum h. t.* vel quasi cum modo & praescripto fine data) deposita, mutuata, pignori data; interdum verò pro ipso contractu commodati, depositi, mutui, pignoris.

Et in hac posteriori acceptione Commodatum est contractus nominatus, quo res aliqua gratuito alicui vtenda conceditur, ad tempus, finem, ac modum certum, eâ lege, vt eadē res in specie reddatur, d. §. *is cui l. 1. §. item is cui D. De obligat. & action.* Atque is quidem, qui sic rem suam alteri ad vtendum concedit, dicitur Commodator seu Commodans; qui verò accipit, Commodatarius.

Per particulam, *gratuito*, excluditur locatio, quā quidem res vtenda datur, sed mercede constitutā. Per particulam, *vtenda*, excluditur Pignus & Depositum; & similiter contractus innominati, quia in his contractibus non datur res ad vtendum. Per particulam, *ad tempus, finem, ac modum certum*, excluditur Precarium, vt constat ex antedictis. Et quia commodatum datur ad certum vsum; ideo si quis re commodatā aliter vtatur, quā commodata est, tenetur non tantum commodati, sed etiam furci, l. *Si videro §. quin imò D. Commodati.*

Postremis verbis, *ea lege &c.* excluditur Mutuum, in quo non eadem res, sed alia eiusdem generis & qualitatis redditur. A quo distinguitur insuper commodatum, quod in mutuo, transferatur rei dominium; in commodato vero nec rei dominium seu proprietas, nec etiam

etiam possessio, *l. Rei commodata D. eod.* sed tantum usus conceditur. Ideoque si res commodata casu fortuito, sine culpa commodatarij perierit, non commodatario, sed commodanti perit, quia res perit suo domino, *l. Signus Cod. De pignorat. act.* & debitor speciei interitu speciei liberatur.

Cum autem commodatum commodatarij tantum gratia contrahi 3
soleat, ideo etiam regulariter commodatarius tenetur de dolo, de lata, leui, & leuissima culpa, *d. l. Si ut certo §. nunc videndum.* In qua hæc regula traditur, ut si contractus ineatur solius dantis gratia & commo-
do, uti fit in deposito, tum præstetur dolus & lata culpa tantum; excep-
tis quibusdam contractibus, nempe mandati, tutelæ, negotiorum
gestorum, ob specialem in ijs rationem: si verò solum gratia accipien-
tis, prout regulariter fit in commodato, tum præstetur & dolus &
culpa omnis lata, leuis & leuissima; excepto precario, in quo, quia ad
libitum concedentis reuocari potest, non nisi dolus & lata culpa præ-
statur, ut sic rem precario accipiens, grauatus in vno, releuetur in
alio: si denique gratia vtriusque, uti in pignore, præstetur dolus, item
culpa lata & leuis, non etiam leuissima. Hinc etiam in commodato
præstabitur dolus & lata culpa tantum, si detur gratia solius commo-
dantis, v. g. ad excipiendos eius amicos. Casus verò fortuitus ex na-
tura contractus regulariter non præstatur, nisi æstimatio rei in contra-
ctum venerit, vel conuentio aut culpa vel mora aliqua præcesserit, *d. l. Si ut certo §. nunc videndum & d. c. unico h. t.*

Ex commodato duæ oriuntur actiones ciuiles, vna directa, altera 4
contraria, quasi ex opposito respiciens directam. Directa datur com-
modatori, vel eius hæredi, aduersus commodatarium, & eius hære-
dem, *l. In commodato §. si ex hoc facto D. h. t.* ad rem commodatam, fi-
nito usu, integram & saluam, & cum accessorijs, omniq[ue] utilitate, si
quæ contigerit, repetendam. Contraria datur commodatario, & eius
hæredi, contra commodatorem, vel eius hæredem, ad id, quod sua
interest, si res commodata ante usum expletum auferatur, aut non
permittatur commodatarius eâ uti ad eum usum, ad quem commo-
data fuit: item ad consequendum damnum, si quod vitio rei com-
modatæ, celato à commodatore, illatum fuerit; & simul ad repeten-
dos sumptus, in rem commodatam factos: exceptis tamen cibarijs,
& modicis impendijs, quæ naturali ratione ad eum, qui se vitur, per-
tinent. Videatur Wesenb. *D. ad hunc Tit.*

TITVLVS XVI.

De Deposito.

1. Depositum unde dicatur & quid significet.
2. Definitio.
3. Depositarius teneri de dolo regulariter.
4. Actiones commodati, directa & contraria.

Precarium & Commodatum diximus esse contractus, qui sunt gratiâ recipientis: sequitur Depositum, quod fit gratiâ concedentis.

Depositum, inquit Iurisc. in l. 1. D. h. t. est quod custodiendum alicui datum est. Dictam ex eo, quod ponitur; præpositio enim De auget positum, ut ostendat totum fidei eius esse commissum, quod ad custodiam rei pertinet. Sed ibi sumit Iurisc. Depositum pro ipsa re deposita; hic autem illud sumimus pro contractu.

2 Et hoc modo definitur.

Depositum est contractus, re initus, quo aliquid custodiendum datur seu traditur; nullâ mercede datâ aut promissâ. Ideoque cum in deposito, res alicui tantum, custodienda detur, si depositarius eâ utatur, & depositi & furti tenebitur; nisi pactus sit cum deponente ut eâ uti possit, l. Si sacculum D. Depositum, & deponens rem repetere eam potest, quandocumque illi libuerit, nec contra compensationi aut deductioni locus est; l. ult. Cod. De compensat. c. 2. h. t. ne contractus, qui ex bona fide oritur, ad perfidiam referatur, d. c. 2. §. sanè. Et propterea non obstat, quod regulariter secus sit in alijs contractibus, l. ideoq; D.

3 De compensat.

Quia verò depositum regulariter contrahitur gratiâ solius deponentis, ideo depositarius dolum præstare tenetur, l. Contractus 23. D. De reg. iuris etiam si pactus esset, ne de dolo teneretur, quia tale pactum est contra fidem, in omnibus contractibus requisitam, d. l. contractus; & contra bonos mores, l. 1. §. si conuenit D. h. t. Absesse autem bona fides præsumitur, si rebus tuis saluis res depositas amiseris, d. cap. 2. Potest tamen dolum præteritus, etiam admissus, pacto remitti ab eo, cuius interest, quia hic periculum non est, ne Depositarius inuitetur ad peccandum in rem depositam, uti in priori casu.

Teneretur etiam de lata culpa, quæ est non intelligere quod omnes intelligunt, l. Lata culpa D. De verb. signif. Ut si aperto ostio, ubi res est deposita,

deposita, domum relinquat, quia inquit Paulus in l. *Magna negligentia* D. *De verb. signif.* magna negligentia culpa est, magna culpa dolus est, id est dolo in Iure comparatur, l. 1. *versic. sed etsi* D. *si mensor &c.*

De leui & leuissima culpa depositarius non tenetur, nisi certis casibus. Nam primò, si aliquid sibi dari pro custodia pactus sit, aut receperit aliquid, tenetur de leui culpa, d. c. 2. h. t. l. *Si ut certo §. nunc videndum* D. *Commodati*; quia tum etiam depositarij gratiâ contractus est initus: non tamen tenetur de leuissima. Secundò, si se deposito obtulerit, d. c. 2. l. 1. §. *sape* D. *eod.* Tertiò, si inter deponentem & depositarium conuenerit, ut depositarius de leui & leuissima culpa teneatur, quia pacta dant legem contractibus. Quartò, si sit in mora restituendi depositum.

Casum verò fortuitum nunquam præstat depositarius, nisi conuenerit, vel culpâ aut morâ ipsius casus acciderit, d. c. 2. & d. l. 1. §. *si conuenit* D. *eod.*

De deposito apud Clericum, si fortè dolo aut culpâ eius res perierit, aut deterior reddita fuerit, non tenetur Ecclesia: sicut nec de mutuo, quod Clerico datum fuerit, nisi quatenus probetur in Ecclesiæ utilitatem versum, c. 1. h. t. c. *penult. inf.* *De fideiuss.* ne hoc casu locupletetur cum alterius iniuria, l. *Nam hoc natura* D. *De condict. indeb.* Aliàs delictum personæ non debet redundare in damnum Ecclesiæ, c. *Cum venerabilis §. licet autem sup.* *De except. arg. c. 1.* & ibi *Glos. in V. sacrum De prescript. c. Si Episcopum x v 169. 6.*

Ex deposito duæ similiter oriuntur actiones, directa & contraria. Directa est, quæ datur deponenti, vel eius hæredi, aduersus depositarium, vel eius hæredem, ad repetendam rem depositam, vel eius æstimationem, vel damnum, vel quid simile. Et hæc rursus est vel ciuilis, bonæ fidei, rei persecutoria & perpetua; vel Prætoria, Wesenb. ad D. h. t. Contraria datur depositario, aduersus depositorem, ad repetenda impendia in rei depositæ custodiam facta. Wesenb. d. loco.

TITVLVS XVII.

De Emptione & Venditione.

§. I. Quid sit Emptio-Venditio, & requisita ad eam.

1. *Frequentia & utilitas huius contractus.*
2. *Definitio; & requisita ad hunc contractum.*
3. *Cui solo consensu contrahi dicatur.*

4. De emptione-venditione scripto contracta.

5. In quibus à permutatione differat.

Vltimum est, de nonnullis contractibus, qui re ineuntur, & alterius tantum gratia: deinceps videndum est de aliquibus, qui consensu & utriusque partis causa contrahuntur. * Ac primò quidem de emptione-venditione; quia is præ cæteris contractibus & frequentior est & utilior: nam lex XII. Tabb. emptionis nomine omnem alienationem complexa fuit, *l. Statu liberi D. De statu liberis* & veteres emptionis ac venditionis nomine promiscuè utebantur, *l. Veteres D. De actionibus empti*, & ibi Gothof. omnisque hodie mercatus præcipuè emptione & venditione sustinetur.

Licet autem hic contractus sit vnicus, tamen diuersâ consideratione duplex nomen sortitus est: nam respectu eementis dicitur Emptio; respectu vendentis Venditio nuncupatur.

2 Emptio-venditio igitur est contractus Iuris gentium, nominatus, bonæ fidei, de re certo pretio habenda. Ad cuius substantiam tria hæc requiruntur. Primò, Res, quæ veneat, siue illa nunc existat; siue futura sit, ut fructus nascituri; siue etiam solum sit spes futuram esse: nam sine re non potest intelligi emptio-venditio. Secundò, Pretium: nam & sine pretio nulla est emptio-venditio, *l. Inter patrem §. vel sine pretio D. eod.* Et hoc consistere debet in pecunia numerata, §. *pretium Instit. eod.* Tertiò, Ut in rem venditor & emptor consentiant, verè, non simulate, *c. Ad nostram h. t.* quia plus valet, quod agitur, quam quòd simulate concipitur, *toto tit. Cod. Plus valere quod agitur & c.* Interdum & arrha interuenit in hoc contractu daturque vel in signum celebrati contractus, *l. 35. D. De contrah. empt. aut inchoati*, postmodum perfiniendi: qua de re vide Wescenb. *D. ad h. t.*

3 Cæterum licet ad emptionis-venditionis substantiam requiratur res, ut diximus, rectè nihilominus solo consensu contrahi dicitur, quia non est necesse, ut ad eius substantiam & perfectionem interueniat rei traditio, aut verba, aut litteræ, sed mox atque de re certo pretio habenda conuenit, etiamsi res non tradatur, perfectionem suam accepit quoad vim scilicet obligandi & actionem producendi, quia tunc nascitur efficax obligatio & actio, nec potest alter, altero inuito, ab emptione discedere, *l. De contractu Cod. De rescind. vendit.* & omne periculum ac commodum, quod rei venditæ accidit, ad emptorem pertinet, etiam re non traditâ.

4 Aliud dicendum, si placuisset emptionem fieri in scriptis, ut plerumque fieri solet in emptionibus utique rerum immobilium: tunc enim non antè perfecta censetur, quam instrumentum emptionis fuerit omnibus numeris suis absolutum, §. 1. *Instit. eod.* Non potest tamen

men emptor perfectâ sic emptione agere aduersus venditorem, ut rem tradat, nisi pretium conuentum integrum afferat, *l. Iulianus D. De actionibus empti.*

Ex prædictis faciliè fuerit distinguere emptionem & venditionem à permutatione: nam in emptione res pro pecunia, in permutatione res pro re datur: in illa ex sola conuentione seu consensu nascitur obligatio, in hac non nisi re traditâ: in illa venditor solû tenetur ad possessionem præstandam, in hac permutator tenetur dominium transferre: illa potest consistere in traditione rei alienæ, non item hæc, prout ista patent ex *l. 1. D. De rerum permut.*

§. II. Quæ res vendi possint.

1. *Vendi possunt res etiam aliena.*
2. *Quo casu conditionem vsucapiendi transfert venditio.*
3. *Teneturq, de euictione regulariter.*

QVarumlibet autem rerum, quas habere, possidere, aut quasi possidere, aut persequi possumus, rectè sit venditio, modò eas vel natura, vel ius gentium, vel mores ciuitatis commercio hominum non eximerint, *l. Si in emptione §. omnium D. eod.* vel nisi aliunde, siue iure, siue statuto, vendi prohibeantur. Ideoque nihil interest, an res sit mobilis, an immobilis; an corporalis, an verò incorporalis, veluti hæreditas, seruitus, obligatio, actio, & similes, *l. 3. & ibi Glos. in V. corporalia, D. De acquir. rem. dominio.* * an item sit propria, an aliena. Nec enim tenetur venditor rem facere emptoris propriam, seu transferre in eum rei dominium: sed satis est, quòd faciat emptori rem licere habere, *l. Si ita distrahatur §. fin. D. De contrah. empt.*

Si tamen venditor sit rei dominus, eam tradendo, transfert in emptorem eiusdem dominium: si autem vendiderit rem alienam, non nisi vsucapiendæ conditionem transfert, id est solùm facit, ut emptor illam legitimo tempore possit præscribere.

Teneturque hoc casu venditor emptori de euictione, *d. l. Iulianus;* id est si contingat currente tempore præscriptionis rem à domino euinci & auocari ab emptore, tenetur ei venditor quanti interest ipsius rem euictam non fuisse. Idque siue venditor sciuerit esse alienam, siue ignorauerit, quia scire is debuit conditionem rei, quam vendidit, *l. Quisquis Cod. De rescind. vendit.* alioquin si vterque sciuerit esse alienam, ex neutra parte contrahitur obligatio, *l. Si in emptione §. si & emptor. D. eod.* Si verò solus emptor sciuerit, non tenetur ei venditor, nisi de euictione conuenerit, *l. Si fundum D. De euictionib.* Sibi enim imputet,

quod sciens rem alienam emerit. Alios casus, quibus venditor non tenetur de eviccióne, enumerat Pontifex in c. ult. b. t.

Primus est, si emptor non denunciauerit venditori, sibi litem mortuam esse. Secundus, si denunciauerit quidem, sed emptor ex propria contumacia condemnatur. Tertius, si per iniuriam Iudicis condemnatur: quia his casibus nulla interuenit culpa venditoris, quam prestare teneatur.

§. III. De rescindenda venditione.

1. *Lesus ultra dimidium iusti pretij quis dicatur.*
2. *Venditor vel emptor lesus ultra dimidium ad quid teneatur.*
3. *Quatenus contrahentibus alteri alterum circumuenire liceat.*

INter modos, quibus ab emptione-venditione perfecta receditur, frequentissimus est, qui fit propter læsionem ultra dimidium iusti pretij. * Verius autem est siue emptorem siue venditorem dici deceptum ultra dimidium iusti pretij, quando non accepit dimidium eius, quod dedit: ut v.g. emptor dicatur deceptus ultra dimidium, si rem, valentem decem, emerit viginti vno; venditor verò, si rem, valentem decem, vendiderit tantum quatuor: siquidem neuter his casibus accepit dimidium eius, quod dedit. Vnde facile refellitur opinio volentium emptorem dici ultra dimidium deceptum, si rem, valentem decem, emerit sedecim: nec enim potest dici tum deceptus ultra dimidium eius, quod dedit, cum plus quam dimidium illius acceperit. Igitur in æstimatione læsionis ultra dimidium spectari debet non solum pretium, ut volunt; sed & res ipsa, eaque conferenda cum pretio dato: nam hac consideratione patet emptorem, qui pro re valente decem, dedit viginti vnum, esse deceptum ultra dimidium, quia non accepit dimidium eius, quod dedit; quamuis tum etiam dici possit deceptus ultra duplum, si solum pretium spectetur.

2 Non potest tamen præcisè agi ad rescindendam venditionem ex capite læsionis ultra dimidium, sed emptor deceptus potest vel rescissâ venditione rem restituere, repetito pretio, vel, manente venditione, repetere partem pretij, quam ultra dimidiû soluit. Similiter si venditor deceptus sit in electione, in arbitrio est emptoris, vel supplere, quod iusto pretio deest, vel rem restituere. c. Cum dilecti versic. quia vero h. t.

3 Tamen si autem ob læsionem infra dimidium iusti pretij lex non rescindat venditionem, sed talem læsionem toleret: tamen non ideo licet alterum contrahentium usque ad dimidium iusti pretij circumuenire, sed iusto pretio res vendi & emi debet. Nec obstat l. In causa

D. De

D. De minorib. quia quòd ibi dicitur, licere contrahentibus naturaliter se circumuenire, intelligi debet infra latitudinem iusti pretij, quod est vel summum, vel medium, aut infimum. Et ideo vetat Pontifex in *c. 1. h. t.* ne quis carius vendat transeuntibus, quàm alijs.

§. IV. Quæ res vendi non possint.

1. *Vendi non possunt res spirituales, sacra, publica &c.*
2. *Res item dotales regulariter.*
3. *Duplex ex hoc contractu actio nascitur, empti, & venditi.*

Dixi antè, quamlibet rem vendi posse, nisi vel natura, vel ius gentium, vel mores ciuitatis eas commercio hominum eximerint. Nam imprimis res, quæ non est, nec futura speratur, seruus vel equus mortuus, vendi non potest. Secundò, Res spirituales, vt iurisdictio Episcopalis, beneficia, ordines Ecclesiastici. Terriò, Res sacræ, religiosæ, sanctæ; vt vasa sacra, vestes, altaria, reliquæ Sanctorum. IV. Homo liber. V. Publicis vsibus destinata, seu res vniuersitatis, vt forum publicum, via publica, basilica: à priuatis scilicet hominibus; alioquin talia ab vniuersitate ipsa vendi possunt. VI. Res dotalis, vel donata propter nuptias, licet vxor consentiat. ² Exceptis certis casibus: vt in *c. Peruenit h. t.* veluti si pretio æstimata sit dos & maritus alia bona habeat; si vendat dotem ex causâ necessariâ, non voluntaria; si conuertat in vtilitatem vxoris, vel si vxor consentiat, iureiurando adhibito, si ue per se, siue per procuratorem, cui ad hoc dederit speciale mandatum, *c. ult. De procurat.* in 6. aut si maritus ad diuisionem fundi dotalis prouocet à socio, qui habeat fundum communem. VII. Litigiosa res, vel restitutioni obnoxia. VIII. Venena, nisi alterius materiæ adiectione possint fieri salubria, *l. Quid sapè §. veneni D. h. t.* IX. Non licet Iudici iudicium iustum vendere, vel testi testimonium. Aduocato tamen permissum est vendere patrocinium iustum; & Iurisconsulto consilium iustum, *can. Non licet xi. q. 3.* & sic de similibus, quæ breuitatis causâ omitto.

Denique ex hoc contractu dux oriuntur actiones: vna dicta ex ³ emptio, quæ datur emptori contra venditorem, ad petendam rem venditam: altera dicta ex vendito, quæ datur venditor contra emptorem, ad petendum pretium; de quibus in *Tit. D. De actionibus empti & venditi.*

TITVLVS XVIII.

De Locatione & Conductione.

§. I.

1. Locatio-conductio quid sit; quis Locator & quis Conductor.
2. In quibus distinguatur ab emptione-venditione.
3. Locator perfecto contractu ad quid teneatur.
4. Ad quid conductor.
5. Locationes, anticipatis solutionibus factas, Conc. Trid. decernit nullas.
6. Successor quando stare teneatur locationi sui predecessoris.

E mptioni-venditioni proxima est Locatio-conductio, iisdemque ferè iuris regulis consistit: adeò, vt in quibusdam quæri soleat, an sit emptio-venditio, an verò locatio-conductio, l. 1. D. h. t.

Est autem Locatio-conductio contractus solo consensu initus, quo aliquid vtendum-fruendum vel faciendum datur, certâ mercede constitutâ.

Dico, solo consensu initus; quia mox atque inter contrahentes de mercede seu pensione pro vsu alicuius rei vel opera hominis conuenit, perfecta est locatio-conductio, etiam si nec res ipsa, nec verba, nec litteræ interueniant; ita vt neuter, altero inuito, possit resilire. Locatorem existimant quidam esse illum, qui mercedem accipit; Conductorem eum, qui dat: sed verius est, cum dici locatorem, qui aliquid vtendum-fruendum, vel faciendum dat; Conductorem verò, qui aliquid vtendum-fruendum, vel faciendum suscipit, vtercumque det vel accipiat pecunias. Sic enim qui fulloni dat vestimenta polienda, locator dicitur, & tamen pecuniam dat. Similiter dominus locat domum ædificandam, & pecuniam dat. E diuerso qui vestimenta polienda vel domum ædificandam suscipit, conductor dicitur, & tamen pecuniam accipit.

Distinguitur Locatio-conductio ab emptione-venditione, quòd in emptione-venditione transferatur dominium, securâ traditione, si venditor sit dominus rei venditiæ, non item in locatione, saltem ad modicum tempus; quodque in hoc solum detur aliquid vtendum, fruendū, faciendum. Et ideo licet Clerico sit permissum vendere bona Eccle-

na Ecclesiæ, ea tamen locare potest ad modicum tempus, *c. Ut vestra h. t.* Præterea in emptione-venditione pretium consistere debet in pecunia numerata: in locatione merces potest consistere etiam in rebus fungibilibus, *l. Si olei Cod. eod.* id est quæ pondere, numero, aut mensurâ constant, vel etiam in quota parte fructuum; ut si colonus pro prædio conducto soluat annuè certam partem fructuum, ut secundam, tertiam, aut quartam.

Non obstat, *l. 1. §. si quis seruum D. Depositi* ubi dicitur, mercedem in locatione consistere in pecunia: quia ibi nomen pecuniæ sumitur generaliter, ut etiam comprehendat res fungibiles: ut & *l. fin. Cod. De constituta pecunia, l. 1. §. creditum D. De reb. creditis.*

Perfectâ locatione tenetur locator conductori rem locatam præstare, ut eâ utatur, fruatur tempore conuento, nec ante illud tempus finitum regulariter expellere conductorem licet, *c. 1. h. t.* Dico, regulariter; quia tres casus enumerat Pontifex in *c. Propter §. verum h. t.* quibus permissum est eum expellere. Primus, si superueniat necessitas aliqua, v. g. domum reficiendi, quæ tempore locationis non imminabat. Secundus, si conductor in re conducta malè versetur. Tertius, si, ubi locatio plurium est annorum, conductor toto biennio mercedem non soluat, *l. Aede Cod. eod.* etiam si pactus esset, ne expelleretur, *l. Quæro §. inter D. eod.* quia hoc pactum intelligitur, modò pensionem debito tempore soluat; Si verò locatio sit ad minus tempus statim quoque decurso tempore ob defectum solutionis expelli conductor potest.

Aliàs si locator vel non præstet rem locatam, vel cogat conductorem ante tempus locationis finitum emigrare, tenetur conductori præstare, quanti ipsius interest, non posse uti frui re conductâ, aut emigrare ante tempus conuentum, *l. Si tibi alienam D. eod.* nisi conductor aliam domum æquè commodam præstet, *l. Si quis domum D. eod.* Et ideo locator volens rem locatam vendere, potest vendere eâ lege, ut emptor sinat conductorem explere tempus conductionis, *l. Si merces §. quis fundum D. eod.*

Contrà conductor prædij v. g. tenetur statim temporibus pensionem seu mercedem soluere. Cuius tamen subinde facienda est remissio: veluti si sine culpa conductoris seu casu fortuito, vel vitio rei contigerit sterilitas, quæ cum vbertate præcedentis vel sequentis anni, ubi plurium annorum est locatio, compensari non possit, *c. Propter sterilitatem h. t.* Modicam tamen sterilitatem æquo animo ferre debet colonus, cui immodicum lucrum non aufertur, *l. Si merces §. vis maior D. eod.* Nec enim ob magnam anni sequentis vbertatem augeri pensio debet, Castren. ad *d. l. Si merces §. vis maior.* Ratio autem, cur locator pensionem

pensionem remittere debeat pro rata damni, casu fortuito dati, cum casus fortuitus à neutro contrahente sit præstandus, est, quia casus ille seu sterilitas contingit in ipsa re locatoris, nempe in fructibus adhuc pendentibus; quorum est dominus, cum sint pars fundi: ideoque casum illum ferre debet, iuxta l. Pignus Cod. De pignoris. Aliud proinde esset, si fructus à colono percepti, & in horreum coniecti pereant aut perierint, l. Damnum Cod. eod.

5. Observandum autem hîc, Conc. Trid. Sess. 25. cap. 11. omnes locationes, anticipatis solutionibus in præiudicium successorum, & quascunque locationes rerum Ecclesiasticarum in damnum Ecclesiæ, contra Canonicas sanctiones factas, etiam si confirmatz sint à Sede Apostolica, decernere nullas & irritas.
6. Insuper notandum, successorem stare locationi prædecessoris sui non teneri, quando is nomine proprio & in suam utilitatem locavit fructus & redditus suæ dignitatis, beneficij, vel officij; nisi in casu, quo res non esset integra: ut si consiti sint agri, si pendeant fructus, vel inchoatus sit annus. Latè Riccius in Praxis Decis. 112. Vide varios citatos à Gallemært. ad d. cap. 11. Conc. Trid.
7. Denique ex hoc contractu duæ oriuntur actiones: una, quæ dicitur ex locato vel locati, & datur locatori aduersus conductorem: altera ex conducto vel conducti, quæ datur conductori aduersus locatorem; de quibus vide Wefenb. D. h. t.

§. II. De Emphyteusi.

1. Emphyteusis unde dicatur, & quid sit.
2. In quo distinguatur ab emptione-venditione, à locatione-conductione.
3. Emphyteuta amittit ius emphyteusis, si non soluat canonem.
4. Si item vendat rem non factâ à denuntiatione domino directo.
5. Cui propter alienationem soluitur 50. pars pretij seu laudemium.

AD Tit. de locato retulit Pont. Emphyteusim, ob maximam eius cum locatione-conductione affinitatem. Emphyteusis autè Græcè idem valet, quod Implantatio & Insitio: diciturq; ager dari in emphyteusim, quâdo datur, ut conferatur arboribus, vel legentibus. Inde verò accommodatum est hoc nomen ad significandum contractum, quo res in Emphyteusim datur.

Quo pacto definiri potest contractus, iuris civilis, bonæ fidei, quo, scripturâ interueniente, fundus vnus alteri fruendus in plures annos, quàm decem, aut in perpetuum traditur, eâ lege, ut cum meliorem, fructuo-

DE LOCATIONE ET CONDVCTIONE. 489
fructuosioremq̃ue reddat, sub onere annuæ pensionis, tradenti seu domino directo soluendæ.

Est autem hic contractus veluti medius inter emptionem-venditionem & locationem-conductionem: aded, vt cum olim dubitaretur, essetne emptio-venditio, an verò locatio-conductio, ob similitudinem, quam cum illis habet, tandem Zeno Imperator distinctum & specialem contractum fecerit.

Differt ab emptione-venditione, quòd in emphyteusi non transferatur dominium directum, vt in venditione: à locatione verò, quòd non tantum vsus, sed etiam vtile dominium transferatur, directo apud dominum remanente. In cuius directi dominij recognitionem cum emphyteuta soluat canonem seu pensionem annuam, non autem in compensationem fructuum, quos ex fundo percipit, vti conductor mercedem soluit; ideo propter sterilitatem non fit ei remissio, sicut fit conductori: nec potest meliorationes, quas fecit in fundum emphyteuticum, alteri vendere, nisi cum consensu domini, à quo eum in emphyteusin accepit. Cum enim is sit directus dominus, nec intersit emphyteutæ, à quo pretium meliorationum accipiat, an à domino directo, an verò ab alio; meritò præfertur cuilibet alteri. Et ad hoc, vt secum deliberet, an eas velit emere, an non, habet spatium duorum mensium *c. Potuit b. 1. l. 3. Cod. De iure emphyteut.*

Id quoque receptum est in emphyteusi, vt emphyteuta, solutionem canonis ultra biennium protrahens, emphyteusin Ecclesiasticam amittat, nisi celeri satisfactione moram soluendi canonis purgauerit, *d. c. Potuit §. fin.* Idque etiã licet ei, vt canonem solueret, non fuerit nuntiatum, quia hoc casu dies pro homine interpellat. Civilem verò amittit, si per triennium cessauerit: nec in hac videtur posse mora postmodum oblatione purgari, quia longius tempus hinc præstitutum meritò loco purgationis censetur.

Similiter excidit emphyteuta iure suo, si emphyteusin vendiderit nullâ denuntiatione factâ domino directo, aut factâ quidem, sed non expectato termino duorum mensium, qui domino conceduntur ad deliberandum, num velit oblato pretio emphyteusin recipere ad se.

Cæterum quando emphyteusis ex consensu domini alienatur, soluitur ei quinquagesima pars pretij, *l. 3. Cod. De iure emphyteut.* quæ pars vocari solet Laudemium. Videatur Iulius Clarus *§. emphyteusis q. 23. & 25.* & Geor. Frantzkius *Traët. singulari de Laudemijs.*

TITVLVS XIX.

De rerum permutatione.

1. *Definitio Permutationis.*
2. *Qua res permutari possint.*
3. 4. *Permutari possunt beneficia cum beneficijs auctoritate superioris.*
5. *Dummodo alia etiam concurrant.*
6. *Et nihil admisceatur temporale.*

Posteaquam Pont. egit de nonnullis contractibus nominatis, aliquid etiam subiicit de innominatis, & nominatim de permutatione. Quod nomen liceat videatur proprium, tamen generale est, nec significat aliquam certam speciem contractus, quandoquidem quilibet contractus, in quo aliquid vltro citroque praestatur, permutatio quaedam sit: nam in emptione res vendita verè permutatur cum pretio; in locatione merces cum opera; & sic de ceteris. Hic autem sumitur specialiter, prout distinguitur ab alijs contractibus.

1. Quo pacto definiri potest contractus, Iuris gentium, innominatus, bonae fidei, re & consensu constans, in quo certa species cum alia certa specie commutatur. Nam si genus cum genere vel specie commutetur, existimant quidam esse contractum Do vt des, ex quo oritur actio stricti iuris, cum ex permutatione oriatur actio bonae fidei.

2. Possunt autem permutari omnes certae species, quae sunt in commercio hominum, modò permutantium sint, nec permutari prohibeantur: non tantum res corporales cum corporalibus, sed etiam corporales cum incorporalibus, dummodò merè temporales sint, vt v. g. fundus cum annua pensione permutari possunt.

3. Dico, dummodò merè temporales sint: nam temporalia cum spiritualibus absque simoniae labe permutari non possunt, sed benè spiritualia cum spiritualibus, vt beneficia cum beneficijs inter personas idoneas, auctoritate tamen Superioris, c. *Qua situm* c. *Ad quaestiones h. t.* Sic quoque aliae res Ecclesiasticae cum alijs item Ecclesiasticis permutari possunt, etiam addito pretio, ad aequalitatem fructuum & reddituum compensandam, d. c. *Ad quaestiones.*

Quia verò permutatio est species alienationis, ideo in permutatione rerum Ecclesiae eadem solemnitates requiruntur, quae in earumdem alienatione; & ubi alienatio permittitur, à fortiori permitti debet per-

bet permutatio, modò ratio, cur alienatio permittitur, ad permutationem adaptari possit.

Dixi antè, spiritualium cum spiritualibus, & beneficiorum cum beneficijs permutationem fieri posse auctoritate Superioris; quia licet beneficiari de suorum beneficiorum permutatione facienda agere & tractare valeant, tamen permutationem ipsam priuatâ auctoritate facere aut concludere nequeunt, quia talis permutatio labem simoniz semper continget; & proinde vterque suo beneficio permutato priuari potest, *d. c. Quasitum*.

Ad beneficiorum verò permutationem plura requiruntur. Primum, 5
ut vterque permutantium ius habeat in beneficio, quod permutat, *c. Cum vniuersorum*, in verbis, *præbendarum suarum h. t. l. 1. D. eod.* Adeò ut alter, qui beneficium suum resignauit, ex causâ permutationis possit ~~ne~~ noua collatione ad illud redire, *d. c. Cum vniuersorum, c. Si beneficia l' e præben. in 6.* Secundò requiritur, ut beneficia vtriusque resignentur in manibus superioris; & ut is vtriusque ex causâ permutationis resignatum & vacans alteri alterius beneficium conferat: alioquin si conferat alicui tertio, collatio est nulla, *c. vnico h. t. in 6.* etiamsi is tertius haberet expectatiuam ad primum beneficium vacans, quia beneficia ex causâ permutationis resignata, non simpliciter resignata sunt, nec vacant, sed sub ea conditione duntaxat, ut alter alterius beneficium consequatur, *d. c. vnico*.

Nec obstat, quòd resignatio beneficij debeat esse pura absque vlla conditione vel pacto, *d. c. Quasitum*; quia hoc verum est, quando adijceretur conditio, modus vel pactum ab ipsis resignantibus, citra auctoritatem Superioris; & vbi conditio non admittitur à Iure, ut fit in permutatione, *Clement vnica eod. tit.* Quòd si resignatione ab vna parte factâ, alter nolit ex sua parte eam adimplere, prior ad beneficium suum redibit. Vtriusque factâ resignatione, si vnus nolit alterius beneficium habere, alter vtrumque obtinebit.

Cauendum verò, ne in permutatione beneficiorum aliquid admisceatur temporale, quia sic committeretur simonia. Et ideo consultus Pontifex in *d. c. Ad quasiones*, an duæ parochiales Ecclesiæ permutari inuicem possent, attributis vtriusque possessionibus, & pro minus valentibus suppleri pretium, respondit, posse fieri, dummodò Ecclesiæ ipsæ & possessiones separatim permutentur, & contractus isti non misceantur inuicem.

TITVLVS XX.

De Feudis.

§. I. Quid sit Feudum.

1. *Contractum feudalem esse nominatum.*
2. *Definitio Feudi.*
3. *In quo contractus feudalis ab emphyteusi differat.*

SVnt qui ad contractus innominatos referant contractum Feudalem, quia à Iure scripto proprium nomen non habeat; imò sit prorsus incognitus. Verius tamen & communius obtinuit, esse nominatum; quia tametsi à Iure scripto non habeat nomen, habet tamen à consuetudine, nempe hoc, Feudum. Quod licet frequentius ita sumatur, prout significat rem ipsam, quæ in feudum conceditur; tamen quandoque etiam sumitur, ut ipsum contractum designet feudalem, seu pro ipso contractu feudali.

2 Atque hoc pacto sumptum nomen Feudi definiri potest, quòd sit beneuola & libera rei immobilis vel æquivalentis concessio, cum translatione utilis dominij, retentâ proprietate seu directo dominio, sub onere fidelitatis, & obsequij personalis exhibendi.

Dicitur, beneuola & libera concessio; ut distinguatur à Locatione & Emphyteusi, in quibus usus rei conceditur, sed propter pensionem & annum canonem. In puro autem Feudo non soluitur pensio vel canon, sed obsequium tantum personale exhibetur. Quòd si aliquando in Feudo aliquid soluatur in recognitionem directi dominij, ex ea parte declinat ad naturam emphyteusis, & deficit à natura Feudi.

Dicitur, rei immobilis; quia res mobilis in feudum dari nequit, Tit. 1. lib. 2. *De vsibus Feudorum*. Nomine autem Rei continetur non solum res soli seu fundi, sed quidquid solo seu fundo cohæret, ut ædificia, vineæ, arbores in superficie soli constitutæ: item ea, quæ immobilibus comparantur, ut seruitutes; nam & in ijs quasi possessionem & quasi dominium esse dicimus, l. *Seruitutes D. De seruitut. urban. praediorum* l. *Possessores* 12. Cod. *De fundis patrimon. lib. 11.* Item annui redditus, qui ex aliqua re immobili debentur, vel saltem ex perpetua aliqua negotiatione, ut cum de cella vinaria feudum conceditur, sap. 1. §. *sciendum De feudi cognit.* Si quis autem ignorans rem alienam, aut al-

aut alteri obligatam, in feudum acceperit, potest agere, ut alia res eiusdem bonitatis & æstimationis sibi detur in feudum, cum prima cuius: secus, si sciens; nisi speciali pacto sibi prospexerit, c. 1. Tit. De investitura de re aliena lib. 2.

Dixi, sic ut in eum transferatur utile dominium; ut distinguatur ab usufructu simplici, qui iure servitutis debetur, & quo non transfertur utile dominium; estque servitus personalis, quæ morte usufructuarij extinguitur: cum interim Feudum transeat ad hæredes masculos, imò etiam ad fæminas, si de his nominatim sit dictum. Quia verò in feudo transfertur dominium utile, ideo res alienari prohibita in feudum novum dari nequit, c. 1. Tit. Per quos fiat investitura lib. 2.

Additum est, sub onere fidelitatis &c. quia si res aliqua in feudum detur, eâ lege, ut nihil servitij præstetur domino, erit improprie Feudum, quod Francum, id est, liberum appellant. Tenetur autem Vasallus domino directo non solum fidelitatem promittere, sed & iurare: de quo iuramento vide Tit. De nova forma fidelitatis lib. 2. Illud tamen de substantia feudi non est, quia remitti potest.

Differt insuper contractus feudalís ab emphyteusi in eo, quòd, ortâ inter aliquos controuersia de feudo, de ea dominus cognoscat; non autem in emphyteusi. Præterea Vasallus seu feudatarius non potest sine consensu domini feudum oppignorare; emphyteuta verò potest fundum emphyteuticum. Similiter feudatarius non potest alteri feudum absque consensu domini dare, quia manet domino obligatus, nec potest alium in suum locum subrogare; emphyteuta potest ius suum alteri cedere, quia non ipse, sed res emphyteutica est domino obligata. In Feudo fæmina non succedit, nisi sit fæmineum, aut nisi id expressè actum sit, quia nequit personale obsequium æquè ac vir præstare: at verò rem in emphyteusin accipere potest, quia æquè ac vir rem meliorare potest, qui est finis emphyteuseos. Feudatarius non cogitur domino obsequium præstare, nisi illo petente; emphyteuta verò tenetur constituto tempore pensionem soluere. Feudatarius denique potest se abdicare feudo, sine voluntate domini; non item emphyteuta emphyteusi.

6. II. Quis in feudum rem aliquam dare possit.

1. Dare potest quilibet laicus, rerum suarum liber dominus.
2. Clericus quoad bona Ecclesiastica non item.
2. Exceptio triplex.
4. Vasallus sine consensu domini feudum alienare nequit.
5. Quid iuris de eo sit in Brabantia ac Flandria.

1. **C**oncessio feudi unicuique laico, qui liberam rerum suarum administrationem habet, permessa est; etiam feminæ, s. i. *Per quos fiat inuestitura, & arg. l. In re mandata Cod. Mandati. Quamquam non desint, qui rusticis & plebeis eam negent, Fachin. 7. Controuers. cap. 84. alijs tamen id affirmantibus.*

2. Ecclesiastico verò infra summum Pontificem, sine eius auctoritate, quoad bona Ecclesiastica, non ita permittitur dare in feudum, c. *unico De reb. Ecclesia non alienan. in Extrauag. commun. c. Per tuas inf. De donationibus c. 2. sup. De locato*: licet Abbas, Abbatisa, & Præpositus id facere potuerint, ut patet ex tit. 6. lib. 1. *Feud.* Ratio est, quia datio in feudum est alienatio; imò donatio quædam, quæ facta à Prælato, in præiudicium Ecclesiæ, est nulla, Adeoque Pius IV. excommunicauit omnes persuasores & mediatores infeudationum bonorum Ecclesiasticorum, 4. Kalen. Aprilis 1566. apud Pet. Matthæum 7. *Decretal. lib. 1. tit. 1. cap. 6.* Et proinde non posset hodie Episcopus ius decimarum dare in feudum, ut colligitur ex c. *Prohibemus inf. De decimis*: ubi etiam prohibetur, ne laici decimas, quas ante Concilium Lateranense habuerunt, transferant in alios laicos.

3. Excipiuntur tamen certi casus. Nam Prælatus Ecclesiæ, res in feudum dari solitas, si morte Vasalli vel aliter ad Ecclesiam redierint, priusquam factæ sint de mensa Ecclesiæ, potest iterum alteri in feudum dare, si modò id ex Ecclesiæ utilitate esse arbitretur, c. 2. h. s. etiam si iurasset, se res Ecclesiæ de nouo non daturum in feudum, inconsulto Romano Pontifice: quia illud iuramentum intelligi debet de ijs rebus, quæ antea non sunt solitæ in feudum dari.

Secundò, si illicite à Vasallo alienatum fuerit feudum, & sic ipso iure commissum, potest Prælatus idem alteri dare, etiam filio vel consanguineo eiusdem Vasalli.

Tertiò, Feudum Ecclesiæ ita alienatum, ut facile recuperari non possit, potest alicui laico potentiori concedi, qui illud recuperet & ab Ecclesia recognoscat.

Quin

Quin autem Clericus in proprijs bonis, id est quæ non inuitu Ecclesie acquisiuit, possit feudum constituere, non est dubitandum, c. 1. in princ. De clerico qui inuestituram &c. cum hæc bona nihil à laicorum bonis distent, c. Quia nos c. Relatum inf. De testamentis.

Non potest autem Vassallus feudum sine consensu domini alienare 4 vel oppignorare: & si id fecerit, feudum amittit; sicut & qui feudum domino negat. Cum consensu verò domini potest illud alienare, vel etiam pignori dare, tam directo domino, quàm extraneo, c. 4. h. t. Quòd si directo domino pignori det, dominus abstinendo à vassalli seruitio, fructus ex feudo perceptos non tenetur computare in sortem, id est non deducit eos de principali debito, quia scilicet eos percipit pro fidelitate & seruitio, ad quod obligatus est Vassallus, d. c. 1. Licet aliàs regulariter creditor fructus ex pignore perceptos computet in sortem.

In Brabantia potest quis ex indulto Principali feudum, cui libuerit, 5 testamento relinquere, vel aliàs inter viuos alienare. In Flandria verò non nisi iuratâ coram Feudalibus necessitate, quòd scilicet non possit iuxta suam qualitatem se exhibere, nisi feudo vendito. Ut proinde allodialia, si quæ habeat, præcedere debeant: aded ut, si verè necessitas non fuisse probetur, alienatio debeat declarari nulla, prout in Parlamento Mechliniensian. 1617. factum fuisse testatur Zyp. De Iure Pontif. nouo lib. 3. h. t. vbi subiungit, existere quandam Ordinationem Comitis Flandriæ Ludouici, innouatam per Philippum Bonum 27. Augusti 1460. ne feuda alienentur sine indulto Principis, neve pro debitis subhastentur, nec à proximo agnato haberi possint, etiam quæ sunt ex prouidentia maiorum, nisi is hæres fuerit. Quòd si possidens feudum nobile, quod seruitium personale debet, monasterium ingrediatur, statim transmittit, c. vnico De Vassallo milite, qui bellica arma deposuit. Allodia verò venerabilem domum sequuntur, si ea bonorum sit capax, Nouella 76. & 123. cap. 38. Si verò feudum fuerit non nobile, nec seruitium personale debeat, retinet vsumfructum ad vitam naturalem, & postea transmittit ad proximum agnatum. ita Zyp. d. loco ex Aluaroto & D D. in d. c. vnico De vassallo milite.

TITVLVS XXI.

De Pignoribus & alijs cautionibus.

§. I. Quid sit Pignus, & quotuplex.

1. *Cautio multiplex est.*
2. *Pignus & Hypothecam sapius confundi.*
3. *Vtrumque tripliciter usurpari.*
4. 6. *Contrahitur pignus vel expresse vel tacite.*
5. *Pignus Pratorium & Iudiciale.*
7. *De hypotheca obligatione ex moribus hodiernis.*

S Equitur nunc de his, quæ contractibus perfectis, tam nominatis quàm innominatis, ad eorum maiorem securitatem adhiberi solent; cuiusmodi sunt, simplex promissio, & Iuramentum seu iuratoria cautio de soluendo vel adimplendo debito, Pignus & Fideiussio; & quidem nominatim de duobus posterioribus, primoque loco de Pignoribus, quia plus cautionis est in re, cuius accessione contrahitur pignus, quàm in persona, cuius accessione contrahitur fideiussio, *l. Plus cautionis D. De reg. Iuris.*

- 2 Inscríbítur autem hic Tit. *De pignoribus & alijs cautionibus*; quia præter pignus multiplex est cautio. Nam cum cautio significet securitatem, quâ quis redditur securus de eo, quod sibi promittitur vel debetur, & hoc multipliciter contingere soleat; fit, vt multiplex quoque resultet cautio; alia simplex, quæ fit solâ promissione; alia fideiussoria, quæ fit datis fideiussoribus; alia hypothecaria, quæ fit cum hypotheca: & sic de alijs. Pontifex tamen hic ferè agit de pignoribus tantum, non etiam de alijs cautionibus in particulari.

Et si autem hæc nomina Pignus & Hypotheca sic distinguantur, vt Pignus propriè dicatur rei immobilis, inspectâ etiam notione nominis, quia pugno id est de manu in manum traditur; hypotheca verò rei immobilis, & non traditæ, quæque nudâ conuentione contrahitur, §. *Item Seruiana Instit. De actionibus, l. Si rem §. propriè D. De pignorat.*

- 3 *action.* tamen sæpius confunduntur. * Et vtrumque tripliciter usurpatur; Primò, pro ipsa re, mobili vel immobili, creditori in securitatem debiti obligata. Secundò, pro ipso contractu seu conuentione, quâ

quâ pignus vel hypotheca contrahitur. Tertiò, pro obligatione seu iure, quod ex contractu in re nascitur, quoque creditor nomine eius, quod sibi debetur, rem obligatam tenet.

Secundo modo sumptum, pro contractu scilicet, definiri potest, esse contractus, Iurisperitorum, nominatus, bonæ fidei, quo creditori ius in re alicuius constituitur, ut debitum ei sit tanto tutius.

Contrahitur autem pignus vel Expresè, vel Tacitè. Expresè quidem dupliciter, vel mutuâ partium conuentione, quo casu non est opus præsentia vel traditione rei, l. 1. D. De pignorat. act. Vel citra conuentionem; idque vel iussu testatoris, rem aliquam suo creditori iubentis esse pignori; vel decreto Iudicis aut Magistratus, per missionem in possessionem & detentionem rei. Et hoc est vel Prætorium vel Iudiciale.

Prætorium dicitur, quando Iudex ex primo decreto nullâ præcedente sententiâ mittit creditorem in possessionem rei. Iudiciale, quando ex sententia præcedente vel re iudicata mittit agentem ex primo decreto. Ita distingui, conuincunt diuersi Tituli Codicis, De Prætorio pignore, & Si in causa iudicati pignus captum sit. Alioquin utrumque largo modo dici potest Iudiciale, eò quod à Iudice detur: vel etiam Prætorium, ut colligitur ex l. 1. & 2. Cod. De Prætorio pignore & l. Non mirum D. De pignorat. act.

Tacitè contrahitur pignus, quando ex vi & dispositione legis vel statuti introducitur. Hoc pacto omnia bona, debitoris Fisci vel Principis, siue ratione contractus siue tributi, sunt ipsi tacitè oppignorata. Excepto minori, qui si aliquid emerit à fisco, sola res empta manet obligata pro pretio. Similiter bona tutoris, curatoris, administratoris Ecclesiæ, ciuitatis, sunt tacitè obligata pupillo, minori, Ecclesiæ, ciuitati, pro administratione. Item bona mariti, uxori pro dote; bona patris, filio pro administratione bonorum aduenturorum filij; bona defuncti, legatario pro legato; emptum pecuniâ pupilli, ipsi pupillo, pro pretio: idque cum priuilegio prælationis ante omnes creditores, in re empta hypothecam habentes. Similiter fructus rei conductæ, domino fundi, pro pensione: inuecta & illata in prædium, pro pensione & damno rei locatæ conductæ; in urbanum quidem indistinctè; in rusticum, si domino sciente inuecta sint: & sic de similibus, de quibus vide Neguzant. De pignorib. p. 2. memb. 4. Aliud exemplum taciti ac præsumpti pignoris adfert Pontifex in cap. Illo vos h. t. quando scil. verbis simulatur emptio: quod ibidem breuitatis causâ videatur.

Rursus utrumque pignus seu hypotheca, id est tacita vel expressa, est duplex, nempe alia Vniuersalis, alia Particularis. Vniuersalis est, in qua omnia bona, non modo præsentia, sed & futura obligantur. Et

hoc non impedit rei alienationem, quia in locum eius succedit pretium. Particularis est, quando res aliqua particularis obligatur. Et hæc semper afficit ipsam rem ad quemcumque possessorem deveniat, donec debitum fuerit solutum, aut obligatio fuerit condonata vel præscriptione extincta.

- 7 Notandum verò hîc ex Zypæo *De Iure Pont. nouo lib. 3. h. 1.* hodie ex Edicto Caroli V. an. 1529. & multarum provinciarum moribus, non contrahi hypothecæ obligatione, nisi coram Magistratu loci, ubi res sita est; ac proinde non esse ordinem prælationis inter generalem hypothecam habentes. Verùm Edictum illud locū habet dumtaxat in hypotheca conuentionali, non autem legali. Facta quæ obligatione coram Iudice loci, non opus est aliâ rei apprehensione: prout nec rerum dominium acquiritur ex dicto Caroli Edicto, repetito per edictum Alberti an. 1611. 12. Iulij art. 14. & 15. & vñ hîc inueterato, nisi coram Magistratu loci, adhibitis consuetis solemnitatibus.

§. II. Quæ res oppignarari possint.

1. Oppignorari possunt res omnes alienari non prohibita.
2. Prohibentur res sacra, sancta, religiosa.
3. Res Ecclesiæ.
4. In patronatus.
5. Res pupillares, minorum, litigiosa, &c.

Oppignorari possunt res omnes, quæ sunt debitoris, vel in quibus ius aliquod habet, siue ex mobiles sint, siue immobiles, siue corporales siue incorporales, vt census, debita seu nomina, tam futura quàm præsentia, vectigalia; & sic de cæteris: nisi à natura, vel lege, vel statuto, aut persona, alienari prohibeantur. Nam oppignoratio est quædam alienatio: licet enim debitor retineat proprietatem rei oppignoratæ, tamen alienat ius pignoris, quod est ius reale, afficiens & sequens ipsam rem. Quinimò etiam pignus ipsum oppignorari potest, quia creditor ius suum, quod in pignore habet, potest alteri oppignorare, quamuis res, in qua pignus constitutum est, sit debitoris, l. 1. & 2. *Cod. Si pignus pignori datum sit*. Verum simulatque solutionem acceperit, desinit secunda oppignoratio, quippe desinente primâ, in qua fundabatur secunda. Quod si ager pignori datus sit, etiam fructus ipsi oppignorati censentur, licet de ijs nihil actum sit.

- 8 Dixi, nisi à natura, vel lege &c. Hinc enim res sacre, sancte, religiose, quia in commercio non sunt, & alienari prohibentur, etiam oppignorari nequeunt, l. 3. *Cod. Quæ res pignori dari non poss.* l. 3. *Cod. De religios.*

religios. & sumptibus funerum. Similiter liber homo, *c. 2. h. t.* licet sit filiusfamilias, *l. Qui filios 6. Cod. Quare pignori &c.* Potest tamen captus & redemptus ab hostibus seipsum tradere in pignus, pro pretio, quod alius eius nomine persoluit, donec pretium vel obsequio vel pecuniâ restituerit. Potest etiam dari obles, maximè in causâ belli, ut pactis stetur.

Secundò, oppignorari nequeunt bona mobilia pretiosa, cultui diuino dicata, atque aliæ res Ecclesiæ immobiles, alienari prohibitæ; nisi sit iusta causâ, & adhibeatur solemnitas, ad alienationem requisita.

Aliàs si quis horum aut similium oppignorauerit aliquid, poterit Ecclesia vel reperere & vindicare pignus à possessore, vel si maluerit, cogere hæredem eius, qui rem Ecclesiæ obligauit, ut eam redimat & restituat Ecclesiæ, *c. 3. & ibi Glos. h. t.* Teneturque hoc casu hæres in solidum, ob dolum aut culpam defuncti, qui oppignorauerit res, quas sciuit esse Ecclesiæ. Possunt tamen res Ecclesiæ titulo generalis hypothecæ obligari, ut colligitur ex *c. Nulli sup. De rebus Eccles. non alien.*

Ius quoque patronatus licet cum vniuersitate bonorû vendi queat, modò ratione eius non exigatur maius pretium, tamen oppignorari non potest; quia non est res, per quam debitum pecuniarium possit compensari. Ideoque si castrum, cui est annexum tale ius, oppignoretur, manet ius patronatus penes priorem patronum.

Tertiò, oppignorari nequeunt res pupillares, res minorum, litigiosæ, fundus dotalis, instrumenta rustica & ad cultum agri spectantia. Item, secundum aliquos, seruitutes prædiorum tam urbanorum quàm rusticorum; inter quas tamen alij discrimen constituunt. Insuper res fidei commisso subiectæ, præmium futuræ victoriæ, feudum sine voluntate directi domini; licet fructus feudi pignori esse posse receptum sit, *Speculat. De pignor. §. 1.* Res item alienæ, nisi ex voluntate domini. Si tamen debitor, qui rem alienam oppignorauit, postea fiat eius dominus, pignus conualescet.

§. III. De pactis pignorum.

1. Pactum antichresios improbat iure Pontificio.
2. Pactum item legi commissoria in pignore vtrumque ius improbat.
3. 4. Quod si tamen iuratum fuerit, seruandum est iuramentum.
5. Dominus directus ex feudo oppignorato recte fructus percipit.

Recipit hic contractus pactiones, conditionē ac diem, *l. Si conuenit D. De pignor. act.* dummodò legibus vel Canonibus non aduersentur. Quod addo, quia licet pactum de lucrands per credito-

rem fructibus rei pignoratæ (quos alioquin, quando pignus datum est in securitatem tantum debiti, in sortem imputare tenetur; nisi forte ratione lucri cessantis vel damni emergentis vel ex alia causa eos retinere permittatur, vt colligitur ex c. 1. & 2. inf. De usuris) quod antichresin vocant, legibus ciuilibus approbetur, id tamen improbant Canones.

Dixi, quando pignus datum est in securitatem tantum debiti; quia si datum sit, vt etiam creditor eo fruatur interim, loco rei debitæ, non tenetur imputare fructus in sortem, c. Salubriter 16. inf. De usuris: vbi gener non tenetur fructus pignoris, à socero recepti, pro dote promissa perceptos, in sortem imputare, quia non fuit ea mens soceri, vt ratione horum fructuum minueretur dos, sed vt gener illis fruëretur ad sustinenda onera matrimonij, donec illi dos reputaretur. Alioqui si constaret dedisse pignus tantum in securitatem dotis, nulla subesset ratio fructus illos retinendi, nisi ratione lucri cessantis.

2 Sic quoque licet in emptione-venditione pactum legis commissoria, id est, vt, nisi intra certum diem pretium soluatur, res fiat inempta; approbetur Tit. D. De lege commissoria: tamen in pignore tam à legibus, quam Canonibus, tanquam usurarium, improbat, l. ult. Cod. De pact. pignor. c. Significante 7. h. t. veluti si datâ mutuo pecuniâ, eiusque nomine pignore constituto, conueniatur, vt, nisi intra certum diem pecunia soluatur, pignus sit creditoris. Ratio est, quia cum pignus plerumque plaris sit, quam debitum, pro quo est obligatum, creditor per tale pactum verè paciscitur sibi aliquid vltra sortem dari; quod est usurarium.

3 Quod si tamen iurauerit debitor se, nisi intra certum diem pecunia debita soluatur, pignus non repetiturum, istud iuramentum seruandum esse non obscure indicat Pont. in d. c. Significante, in verbis, iuramenti debitum adimpleuit. Ratio est, quia Iure Pontificio omne iuramentum seruandum est, quod absque præiudicio tertij & dispendio salutis æternæ seruari potest. Sic enim seruandum est iuramentum de soluendis usuris, c. Debitores sup. De iureiur. quia eas soluere non est peccatum, sed accipere.

4 Non obstat, quod pactum legis commissoria in pignore sit nullum, vt pote contra legem & Canonem; ac proinde & iuramentum nullius roboris, tanquam illius accessorium, videatur, arg. l. Cum principalis D. De reg. iur.: quia præterquam quod illa lex non habeat locum, vbi diuersa est ratio accessorij & principalis, vti hoc casu, vbi dictum pactum est prohibitum in odium creditoris, aliquid vltra sortem exigentis; iuramentum verò spectat ad reuerentiam diuini numinis, ideoque seruandum, cum non tendat in præiudicium tertij aut salutis æternæ: dicendum est, iuramentum hîc non tam esse accessorium quam

quàm principale, quia primaria obligatio per illud acquiritur Deo, secundaria parti, *Couar. ad. Quamvis De pactis in 6. §. 3. n. 3.*

Sunt & alij duo casus in d. c. *salubriter*, quibus creditor fructus ex pignore perceptos in sortem imputare non tenetur, sed eos retinere potest, sorte manente integrâ; nempe quando feudum directo domino à vasallo est oppignorum, c. 1. *sup. De feudis*: & quando emphyteuta oppignoraui directo domino rem emphyteuticam, Ratio est, quia contractus feudalis & emphyteuticus inter alias tacitas conditiones, cum quibus semper censentur celebrari, nisi contrarium exprimitur, habent & hanc, vt, si feudum vel fundus emphyteuticus oppignorentur directo domino, possit ipse percipere fructus, sorte non minuatâ; idque ne res apud directum dominum existens fructificet alteri, quod non videtur rationi consonum.

Non debet tamen hoc casu, quo, inquam, vult percipere fructus directus dominus, exigere obsequium vel pensionem solitam, nec percipere fructus, quos res producit, quâ parte ea melior est effecta per industriam emphyteutæ: Insuper non debent feudum vel emphyteutis esse comparata magnâ pecuniæ summâ, vel magnis obsequijs antecedentibus, sed bona ex parte concessa gratis. Videatur *Nauar. in Manualicap. 17. n. 217.*

§. IV. De actionibus resultantibus ex pignore.

1. *Actio pignoratitia vel directâ est, competens debitori.*
2. *Vel contraria, quâ datur creditori aduersus debitorem.*
3. *Hypothecaria actio quâ fit:*
4. *In quo differat à pignoratitia.*
5. *Quando cumulari hæ actiones possint.*

Constituto pignore, duplex ex eo oritur actio: vna, quæ propriè vocatur Pignoratitia; altera Hypothecaria. Pignoratitia vel est Directa vel Contraria.

Directa datur debitori, persoluto debito, aduersus creditorem, vt rem sibi pignoratam restituat, vnâ cum fructibus, & damnum dolo culpæ datum resarciat. Cum enim pignus vtriusque gratiâ contrahatur, & vt creditoribus magis in tuto sit debitum, & vt debitoribus magis pecuniâ credatur, ideo dolus, lata, & levis culpa præstatur à creditore, non etiam leuissima: sicut nec vis maior aut casus fortuitus, *arg. l. si ceteris D. De actionibus empti.* Nisi hoc casu culpâ

creditoris perijsse rem debitor probet, *Glof. in l. Si creditor Cod. De pignorat. act.* Et hæc non datur debitori, nisi prius pignus sit traditum creditori, quia oritur ex interuentu rei, *Inst. Quib. modis. re contrah. obligatio*; vel saltem fingatur traditum, vt in locatore, cui finguntur tradita bona conductoris, quæ habet sibi obligata pro pensione, etiam si verè tradita non sint, *Negulant. Depignorib. p. 7. membro 1. n. 2.* Quæ autem veniant in actionem pignoratiam, tradit idem auctor *memb. 3. eiusdem partis.*

- 2 Contraria datur creditori, aduersus debitorem, ad id, quod sibi pignoris nomine abest: vt si fortè sumptus in rem pignoratam fecerit, aut res aliena sibi oppignorata fuerit. Et hæc datur creditori, etiam si pignus ei traditum non fuerit, *Negulant. d. loco n. 3.* Varios verò casus, quibus pignoratitia contraria competit creditori aduersus debitorem, vide apud eundem *d. p. 7. membro 3. à. n. 13. & præsertim à n. 22.*

- 3 Hypothecaria actio datur creditori, ad vindicandum pignus à quocumque possessore, debito non soluto; vt ita rei pignoratæ incumbens, si non solvatur debitum, possit eam distrahere, & ex eius pretio, quod sibi debetur, decerpere: siue de ea distrahenda nominatim conuenerit, siue non; imò etiam si conuenerit, ne distraheretur, factâ denuntiatione à legibus statutâ, seu seruato Iuris ordine.

Differt insuper Pignoratitia ab Hypothecaria, (quæ & Seruiana & quasi Seruiana appellatur) quòd pignoratitia sit personalis, *l. fin. Cod. De distract. pignor.* quia oritur ex contractu: bonæ fidei ac civilis; & cùm sit personalis, tollitur præscriptione 30. annorum, *l. Sicut Cod. De prescript. 30. annorum.* Hypothecaria verò realis seu in rem, *l. Pignoris 18. Cod. De pignorib.* stricti iuris, vel arbitraria, Prætorica: tolliturque interdum decem annis, interdum 20. interdum 30. & interdum 40. vt in *l. 1. Cod. Si aduersus creditorem.* Latius *Negulant. Distinct. 6. in 2. membr. n. 1. & 2.* Illud etiam obseruandum hic, quòd quando agitur contra debitorem, possint cumulari in eodem libello personalis & hypothecaria, vt in *Novel. De fideiussorib. 9. sed neque, latè Myns. cent. 1. Obser. 58.* non autem, si agatur simul contra debitorem & tertium possessorem, quia tum prius agi debet contra debitorem, & postea contra tertium possessorem, *Auth. Sed hodie Cod. De actionibus & obligat. Authent. Hoc ita si debitor Cod. De pignorib.* Nec potest agi contra tertium possessorem hypothecariâ, nisi prius actum fuerit personali contra principalem debitorem, vel eius hæredes, vel hæreditatem iacentem, vel fideiussores, si exstent, & nisi obtentâ prius aduersus eos sententiâ, *Negulant De pignorib. p. 8.*

rib. p. 8. membro 1. n. 9. & 10. Factâ autem excussione principalis potest creditor experiri in solidum aduersus quemlibet possessorem, etiam diuissim & pro parte possidentem, prout latè tradit Guido Papæ Decis. 432. Si tamen diuissim semel petierit, amplius solidum à singulis non petet, arg. l. Liberum fuit 16. Cod. De fideiussor. Et si lite iam contestatâ debitor bona hypothecata alienauerit, possessor habens causam à debitore conueniri poterit ante ipsum debitorem, Negulant. d. memb. 1. n. 10.

§. V. Quomodo dissoluatur Pignus.

Dissoluitur integrâ debiti solutione, remissione, oblatione, consignatione & depositione, l. 1. Cod. Qui potiores in pig. hab. Item rei interitu, mutatione debitoris, nouatione voluntariâ, dominij impetratione, tempore, sententiâ vel iureiurando: vt si iuratum vel iudicatum sit, pignus obligatum non esse. Vide Welenb. in Parat. Tit. Quib. mod. pig. vel hypoth. soluitur.

Quod si quæras, an re auocatâ per remedium legi 2. Cod. De rescind. vendit. resoluatur hypotheca, medio tempore ab emptore constitutâ. Resolui verius est.

TITVLVS XXII.

De Fideiussoribus.

§. I. Quis dicatur Fideiussor.

1. Fideiussor dicitur qui pro alio accessoriè se obligat.
2. In quo differat à Constitutore.
3. 4. A Mandatore & Expromissore
5. A correis debendi.

Fideiussor latâ significatione omnis is dicitur, qui alterius obligationem in se suscipit, & suâ fide esse iubet: indeque nomen existit, l. Quamuis §. simulier D. Ad S. C. Velleian. siue sit fideiussor propriè dictus, siue mandator siue constituens seu constitutor, siue expromissor. * Propriè verò dicitur fideiussor, qui per stipulationem pro alio accessoriè se obligat.

Dico

- 2 Dico, pro alio; quia nemo pro se ipso, id est pro eo, quod ipsemet debet, fideiubere potest. In quo differt in primis à Constitutore, quia potest quis constituere, quod ipsemet debet, §. *in personam Instit. De actionibus*. Sicur & in eo, quod possit quis constituere siue pro se siue pro alio, etiam nudo pacto, vel per epistolam; & constitutor principalem obligationem tantum sequatur.
- 3 Differt à Mandatore, quia mandator nudo consensu constituitur, etiam absens: fideiussor non nisi per stipulationem & præsens, l. 12. *Cod. h. t.* Rursus mandator suo nomine obligatur, & obligationem principalem præcedit; nam mandator dicitur, qui mandat alicui credi, vel cum aliquo contrahi, & id suâ fide esse iubet, id est promittit se soluturum, si is, pro quo mandat, non soluat, l. 12. §. *si post creditam D. Mandati*. Fideiussor autem solum alieno nomine obligatur, & plerumque sequitur obligationem principalem; quam tamen etiam præcedere potest, §. *Fideiussor Instit. h. t.*
- 4 Ab Expromissore verò differt, quod expromissor, etiam si pro alio obligetur per stipulationem, ita tamen obligatus sit, ut rem principalem liberet. Vnde per expromissionem fit nouatio, non etiam per fideiussionem, cum principalis maneat obligatus.
- 5 Denique à correis debendi differt, quod correi suo nomine, & quidem principaliter, promittant; fideiussor pro alio tantum, & quidem accessorie: unde & adpromissor vocatur.

In quibus obligationibus adhiberi possit fideiussor.

1. *Omni generi obligationum accedere fideiussor potest.*
2. *Etiam ex delicto descendantium, si ad pœnam agatur pecuniariam.*
3. *Fideiussor dotis quando datur.*

1 **A**dhiberi potest in omni genere obligationum, quomodocumque contractæ fuerint, §. 1. *Instit. h. t. l. 1. 2. 8. §. 1. l. 26. D. cod.* Nec refert, an obligatio cui accedit, sit civilis tantum, an naturalis tantum, an civilis & naturalis simul; an Prætoria, an principalis vel accessoria, cum & fideiussor fideiussoris dari possit: an item sit contracta, an contrahenda, l. *Stipulatus §. adhiberi D. cod.* Nam licet fideiussio hæc de facto præcedat obligationem principalem, tamen quoad vim suspenditur, donec principalis obligetur.

- 2 Non refert quoque, an ex contractu, vel quasi, ex delicto vel quasi, oriatur. Saluo, quod in criminalibus non aliter adhiberi possit, quam si agatur

si agatur ad poenam pecuniariam, quia pro criminis poena corporali exsoluenda, cum nemo sit membrorum suorum dominus, *l. Liber homo D. Ad. L. Aquiliam*, dari non potest fideiussor.

Similiter fideiussor dotis, vel pro conseruatione dotis, aliter dari nequit, quàm si maritus ad inopiam notoriè vergat, *c. Per vestras inf. De donat. inter virum & vxor.* vel, vt aliqui volunt, nisi vltro à marito offeratur. Et ideo dixi, fideiussorem adhiberi posse in omni genere obligationum, quia non in singulis obligationibus adhiberi potest. Quando autem dicitur, posse adhiberi in omni obligatione, hoc ita intelligendum est, vt sit distributio pro generibus singulorum, non autem pro singulis generum, vt loquuntur Dialectici.

§. II. Quinam fideiubere possint.

1. Possunt omnes, qui obligari.
2. Etiam Clericus pro laico.
3. Non tamen Religiosus.

Fideiubere possunt omnes, qui obligari: nisi specialiter prohibeantur, vt faminae, milites, serui, & similes. Vt autem laicus pro Clerico fideiubere potest, *c. Constitutus h. t.* ita & Clericus pro laico, si videat illum de fideiussore laborare, *c. 2. eod.*

Nec obstat *cap. 1. h. t.* vbi dicitur Clericus ab Ecclesia abijciendus, qui fideiussionibus inseruit: quia id accipiendum est de Clerico, qui frequentibus fideiussionibus se immiscet, & consequenter se nimium saecularibus inuoluit negotijs, *can. Te quidem xi. q. 1. & Tit. Decretal. Ne Clerici vel Monachi saecul. neg. se immisceant.*

Religiosus tamen fideiubere nequit, nisi impetratâ facultate à suo Prælato, *c. penult. h. t.* quia non habet velle aut nolle aliquid, nisi auctoritate Superioris, cui voluntatem suam subiecit. Adeò vt ne quidem quicquam sibi donatum accipere valeat, nisi Prælatus annuat, *can. Non dicatis xxi. q. 1.*

§. III. Quo pacto obligetur fideiussor.

1. In plus obligari non potest, quàm principalis debeat.
2. In maiorem summam adsumptum teneri pro concurrente quantitate.
3. Etiam in partem debiti rectè adsumitur.
4. Accepti simpliciter, si plures sint, singuli in solidum tenentur.

§ § §

§. Hodie

5. *Hodie tamen ei competit beneficium diuisionis.*
6. *Vt & beneficium ordinis, ne ante principalem conueniantur.*
7. *Fideiussor soluens habet regressum aduersus principalem.*
8. *Etiam aduersus Clericum.*

DEbet esse paris aut non deterioris conditionis cum principali. Et ideo licet in æqualem quantitatem vel minorem, atque etiam efficacius se obligare possit, quàm principalis obligetur; veluti cum pro naturaliter tantum obligato fideiubet, quo casu non modò naturaliter, sed etiam ciuilitè & proinde arctius obligatur: non tamen in maiorem quantitatem seu duriorè causam, vel in plus, quàm debeat principalis, se obligare potest.

2 Quòd si tamen ita fideiusserit aliquis, sunt, qui velint, fideiussionem in totum corruere, arg. l. *Gracè §. illud. D. h. t.* vbi dicitur, fideiussores in duriorè causam adhibitos omninò non obligari: nam *omninò non* idem est, ac nullo modo. Sed verius est obligari, saltem ad concurrentem quantitatem: vt, si pro obligato in quinque fideiusserit pro decem, obligetur in quinque; quia minor quantitas inest minori, & qui interrogat decem, interrogat quinque, l. 1. §. *si stipulanti D. De verb. obligat. l. Rogatus 33. D. Mandati, & l. Si à reo 70. in princ. D. h. t.*

Non obstat d. l. *Gracè*: quia verba citata ita sunt conuertenda, & legenda, *non omninò obligari*: vel si retineatur vulgata lectio, ea intelligenda erit conformiter ad alias leges; vt dicatur, omninò non obligari, id est, nullo modo, in plus scilicet, quàm debeat reus principalis.

Non obstat quoque, quòd fideiubens purè, pro eo, quod principalis debet in diem vel sub conditione, nullo modo obligetur; quia non est par ratio. Neque enim inest dies aut conditio in obligatione pura, sicut minor quantitas inest maiori.

3 In partem debiti rectè quoque adsumitur fideiussor, si hoc ipsum exprimatur, l. *Fideiussores 9. D. h. t.* sicut & in id, quod minus creditor à suo debitore consequetur: quo casu fideiussor, nisi excusso principali, conueniri non potest, l. *fin. & ibi DD. D. Si certum petatur.*

4 Alioqui acceptus simpliciter, adeò in solidum obligatur, vt, licet plures pro eodem debitore accepti sint, singuli ipso iure in solidum teneantur, §. *Si plures Instit. h. t. l. Reos Cod. eod.* Et ideo iurè Pandect. &

5 Cod. liberum erat creditori petere debitum, à quo vellet. * Verùm hodie ex epistola D. Hadriani habent beneficium, vt vocant, diuisionis, quo cogitur creditor diuidere actionem, & accipere à singulis viriles partes, dummodò litis contestata tempore soluendo sint; idque ope exceptionis. Nec enim ipso iure creditoris diuiditur actio, l. *Inter fideiussores 26. D. h. t.* Ideoque si, omisà exceptione, vnus solidum soluerit,

uerit, non repetet, *l. Si testamento 49. §. 1. D. eod.* neque à creditore, quia soluit ei, quod debebat; neque à confideiussoribus, quia sibi imputet, quod soluerit solidum, nec exceptionem D. Hadriani obicerit.

Nec potest actione negotiorum gestorum repetere partes, quia solvendo non tam gessit negotium confideiussorum, quam suum: solidum enim soluit, ut se liberaret ab obligatione.

Quòd si tamen, prius quam soluat, petierit à creditore cedi sibi actionem, quam habet, aduersus confideiussores, poterit postea actione sibi celsà à confideiussoribus repetere partes, *l. Ut fideiussor 39. D. eod.* Sin autem creditor credere actionem nolit, non nisi ad partem soluendam compelli potest, doli exceptione creditori agenti opposita, *l. 2. Cod. eod.*

Cæterum quia fideiussor æquè ac principalis obligatur, ad id scilicet, quod tempore fideiussionis erat in obligatione, *l. 4. & 10. Cod. eod.* (quod addo, quia ne usuraram quidem nomine, vel ex culpa morave debitoris regulariter tenetur, nisi in omnem causam se obligauerit, *l. Quæro 54. D. Locati*) ideo iure veteri ante principalem conueniri poterat. *l. 2. 3. 5. Cod. h. t.* Hodie verò ex nouella Constitutione Iustin. 4. cap. 1. & Auth. *Præsentè Cod. eod.* non nisi excussio principali; nisi is sit absens à prouincia, ut conueniri non possit, *d. Nouel. 4.* aut notoriè non sit soluendo; aut huic beneficio quod vocant beneficium ordinis, renuntiauerit fideiussor, potissimum si iurato, *Gail. 2. Obser. 27.*

Iuuatur autem fideiussor hoc beneficio tantum ope exceptionis; eaque non opposita, valebit iudicium, *Gail d. loco.*

Quòd si verò debitor principalis vel absit, aut sit excussum; vel aliàs constet eum non esse soluendo, cogitur fideiussor soluere: qui tamen solutione factà habet regressum aduersus debitorem, ut repetat, quod soluit, & præterea omne damnum, expensas atque interesse consequatur, *Bald. in l. Si pro ea Cod. Mandati.* Idque vel actione mandati, si soluerit pro principali, eo vel expressè vel tacitè mandante, ut puta præsentè & patiente, *l. inter causas 26. §. Si is qui D. Mandati;* vel negotiorum gestorum, si pro absente fideiussor, *l. Ex mandato 20. §. 1. D. eod. tit.*

Et hæc quoque obtinent, si quis pro Clerico fideiussor, qui fideiussorem suum tenetur facere indemnem: adeò ut, si nihil aliud habeat, quam fructus sui beneficii, possint illi per iudicem assignari fideiussori, donec ipsi satisfiat, *c. 2. h. t.*

Nec obstat, quòd iure civili non possit oppignorari spes præmiorum, quæ pro coronis Athletis pensanda sunt, *l. Spem eorum Cod.*

Quæ res pignori oblig. poss. Quibus non absimiles videntur fructus beneficiorum: quia licet dicta præmia obligari non possint, tamen capi ex iudicato possunt, *l. Stipendia Cod. De execut. rei iudicatæ*, Ideoq; & fructus beneficiorum ex causâ iudicati, id est, iam iudicato & condemnato Clerico, ut fideiussori soluat, rectè addicuntur fideiussori. *d. cap. 2.*

§. IV. Quibus modis extinguatur fideiussio.

1. *Extinguitur varijs modis, sicut obligatio principalis.*
2. *Fideiussor, priusquam solutum sit, quando liberetur à fideiussione.*

EXtinguitur ijs modis fideiussio, quibus stipulatio vel contractus principalis: quod pluribus modis fieri potest, *de quib. Tit. Institut. Quib. modis tollit oblig.* veluti integrâ solutione principalis debiti, nouatione, actionis confusione, nempe si creditor succedat principali debitori; si etiam fideiussor succedat debitori, quia extinctâ accessoriâ obligatione fit ipse debitor principalis, vel contrâ, si debitor succedat fideiussori; & similibus alijs, de quibus videatur Treutler. *Selectar. Disputat. vol. 2. Disput. 28. thesi. 7. Pet. Greg. 2. Tolosan. Partit. Iuris Can. lib. 3. tit. 11. c. 7.*

Sed queritur hîc, an fideiussor, priusquam soluerit, possit conuenire debitorem, ut se à fideiussione liberet, vel soluendo creditori, vel aliter ei satisfaciendo? Et dicendum, regulariter non posse, *l. Si pro ea Cod. Mandati*: tum quia aliàs fideiussionis beneficium esset debitori inutile, quia statim post fideiussionem posset agere ad liberationem: tum quia fideiubendo pro alio, non solum se obligat pro eo, sed etiam promittit se pro eo soluturum, ac proinde quamdiu non soluit, nondum perficit, quod promissit. Attamen quattuor modis, quos enumerat Pont. *inc. Constitutus & cap. ult. h. tit.* compellitur debitor absolvere à fideiussione suam fideiussorem. Primus est, si debitor solutionem nimis diu protrahat, quod arbitrio Iudicis relinquitur. Secundus, si debitor principalis bona sua dissipare incipiat. Tertius, si fideiussor sit condemnatus solvere. Quartus, si ita conuenit ab initio.

De Solutionibus.

1. *Nomen Solutionis generaliter & specialiter sumitur.*
2. *Debitor etiam est hæres debitoris principalis.*
3. 4. *Quatenus Prælati teneatur ad æs alienum sui prædecessoris.*
5. *Quatenus cogi possit ad soluendum, qui soluendo non est.*
6. 7. *Et quid de Clerico.* 8. *De eo, qui per errorem soluit indebitum.*

Dictum est hætenus satis de contractibus, quo modo inean-
tur, & quo pacto cautionibus, pignoribus scilicet & fideiuf-
soribus firmentur. Sequitur nunc de eorum solutionibus.

Solutio namque generaliter hîc sumitur pro omni libera-
tione, quoquo modo contingat, *l. Solutionis verbum 54. D. h. t.* siue
ipso iure, veluti solutione propriè dictâ, nouatione, confusione,
transactione, & similibus; siue ope exceptionis, veluti pacto de non
petendo, sententiâ, tempore, cōtingat liberari. Specialiter verò sumi-
tur pro naturali præstatione eius, quod debetur, *l. 49. & l. penult. D. eod.*

Debitor autem hîc dicitur non tantum principalis, sed & fideiuf-
sor & hæres: ille quia spontè ad obligationem accedit; hîc quia succ-
dit in locum & ius defuncti, quo debitum continetur, *l. fin. §. fin. vero*
D. De iure deliberandi l. Hæredem 59. l. Hæreditas 62. D. De reg. iuris. Æ-
quum verò est, vt ad quem deuenerint bona defuncti, idem & onera
ferat, *l. Secundum naturam 10. D. eod. tit.*

Pariterè ratione successor in Ecclesia vel beneficio tenetur soluere
æs alienum sui prædecessoris, pro necessitate vel vtilitate Ecclesiæ suæ
contractum, *c. 1. h. t.* Non quod in Ecclesia seu beneficio sit hæres sui
prædecessoris, sed quia in ipsa Ecclesia seu beneficio, quod debito ob-
noxium est, succedit.

Dixi, pro necessitate vel vtilitate Ecclesiæ, quia ipsa Ecclesia non re-
netur pro alienis debitis. Imò Prælati, qui pro alienis debitis Eccle-
siam obligat, remouendus est ab administratione rerum Ecclesiæ, *c.*
2. h. t. Et ideo nec successor eo nomine tenetur. Alioqui & hæredem
ipsius prædecessoris teneri suprâ dictum est, *c. Ex presentiam sup. De pignorib.*

Sed quid si debitor non sit soluendo? Olim quidem, qui non ha-
bebat in ære, luebat in corpore, & incarcerationi poterat; sed quia id du-
rum erat, cum afflicto nō sit addenda afflictio, ex benignitate conces-
sum fuit postea, vt bonis cedere posset, per quod duplex beneficium
consequitur: prius, vt non possit trahi in carcerem, *l. 1. Cod. Qui bonis*
cedere possunt: alterum, vt non possit in plus conueniri & condemnari,
quàm facere potest, *toto tit. D. & Cod. De cess. bonorum.*

6 Quid de Clerico? Plerique veteres, cum *Glas. inc. Odoardus b. f.* putauerunt etiam Clericum ad euitandum carcerem teneri cedere bonis: quia scilicet iure Ciuili ita constitutum sit, nec vsquam iure Pontificio id expressim correctum in Clerico repetiatur, vt proinde in hoc Canones debeant leges imitari, *s. i. inf. De noui operis nuntiat.* Attamen benignior est aliorum sententia, qui volunt Clericum non indigere hoc beneficio, quia comparetur militi, qui condemnatus eatenus tantum cogitur soluere, quatenus facere potest, nec trahi potest in carcerem ob debitum ciuile, *l. Miles 6. & ibi Zasius, l. Item miles 18. D. De re iudicata, Franc. Viuius Decis. 29. n. 17.* vt proinde nec ob simile debitum Clericus sit incarcerationandus. Alioqui quin propter delicta incarcerationati queat, dubium non est.

7 Probatur hæc sententia ex *d. c. Odoardus*, vbi iubet summus Pont. Clericum, non habentem, vnde soluat, relaxari ab excommunicatione, receptâ prius ab eo cautione idoneâ (iuratoriâ scilicet) de soluendo, cum ad pinguiorem fortunam peruenerit, nullâ factâ mentione cessionis; quam tamen dubio procul expressisset, si eâ opus fuisset.

Dixi, iuratoriâ; tum quia qui soluendo non est, quo modo fideiussorem aut pignus inueniet? tum quia qui pignus & fideiussorem dare potest, aut dedit, non potest dici non esse soluendo: quia si ipse non soluerit, fideiussor soluet, vel pignus distrahetur. Hinc Vlpianus in *l. Nemo D. De reg. iur.*, nemo dubitat, inquit, soluendo videri eum, qui defenditur, quia scilicet idoneus defensor nemo est, nisi qui satisfecerit, id est fideiussorit. *§. Si verò in personam, in lit. De satisfactionib.* Ideoque notandum, verba aliquando improprie sumi pro subiecta materia, vt in *d. c. Odoardus* verba, idoneâ cautione.

Sanè Philippus Pulcher, Rex Galliz, referente Choppino Politia *sacra lib. 3. cap. 2. n. 2.* vetuit bona mobilia Clericorum pro debito apprehendi, & venire publicè seu subhastari, quantumvis Pontificibus inimicus. Et Clemens v i i. *per Bullam incip. Cum ex multorum*, decreuit causas cessionis vel discussionis bonorum, aut dilationis quinquennalis, expediendas infra breuem terminum. Paulus verò i i i. *per Bullam incip. Nota*, vetuit litteras moratorias per quoscumque Iudices concedi. *Zyp. d. tit.* vbi subiungit, Edicto anni 1540. presbyteros, si adstant, quos vulgò Banex-ruptos seu Fallitos vocant, eorumve occultent bonis, puniri per apprehensionem temporalium: ac solutiones hodie non impediti per exceptionem non numeratæ pecuniæ; cui hodie locum non esse, censuit Concilium Brabantiz 4. *Septemb. 1545.*

8 Alioqui si quis per errorem indebitum soluerit, quin solutum repetere possit, dubium non est, *rote Tit. D. De condit. indeb.* Sed quia hoc casu actor intendit se indebitum soluisse, & reus negat, quaeritur, vter probare

probare debeat, quòd fuerit indebitum. Distinguit Pontifex in *cap. ult. hoc tit.* Si reus idemque creditor fateatur sibi solutum esse, sed neget indebitum fuisse, quod solutum est, tum actori incumbet probatio indebitum solutum fuisse, quia is actor est, & contra actorem præsumptio est iuris, cum nemo præsumatur iactare suum, nec verisimile sit, quemquã tam esse supinum in rebus suis, ut soluat aliquid, quod non debet. Sin reus neget sibi solutum esse, & actor probet, tunc erit rei probare debitum fuisse, quod solutum est, quia tam præsumptio iuris est contra reum, propter mendacium, l. Cum de indebito 25. D. De probationib.

TITVLVS XXIV.

De Donationibus.

§. I. Quid sit Donatio & quotuplex.

1. 2. Donatio vnde dicta, & definitio.
3. Duplex est, mortis causã, & inter viuos.
4. Mortis causã donatio in quo legatũ aequiparetur.
5. Donatio inter viuos quæ sit.
6. 7. Illam faciliè reuocari, hæc non nisi ex certis causis.

QUamquam veriùs sit, donationem de iure nouissimo esse contractum, iurisperitum, nominatum, l. penult. §. fin. Cod. b. t. & quidem stricti iuris, l. Eum 22. & l. Hereditatem 28. D. eod. tamen summum Pontificem imitati, rectè eam à contractibus separamus, & subijcimus Tit. De solutionibus: tum quia magis pertinet ad causam liberalitatis, quàm obligationis seu contractus, quandoquidem qui donat non id agat, ut alterum sibi obliget, quod contractibus est proprium, sed ut donatariũ, id est eum, cui donat, beneficio afficiat; nec aliam ob causam det, quàm ut liberalitatem exerceat: tum ut paulatim à donationibus proprijs, de quibus hæc agendum, ad vltimas voluntates, quæ etiam sunt quædam donationes, sed improprie, perueniamus.

Dicitur autem Donatio à Donando, quasi Dono datum ve Doni datio, l. Senatus 35. §. 1. D. De mortis causã donat.

Definiri vero potest liberalitas, quæ nullo iure cogente exercetur, l. 1. in princ. l. Donari 29. D. b. t. l. Donari 28. D. De reg. iur. Exercetur, inquam,

inquam, donando vel remittendo: nam remissio certi alicuius iuris donatio est, *l. Si quis 12. D. De nouationib. & similibus.*

3 Donationum alia est mortis causâ, alia inter viuos. Mortis causâ donatio est, quæ fit propter mortis suspicionem; ita scilicet, vt donator exprimat se mortis causâ donare, vel aliunde ita donare constet: aliâs enim præsumitur absolute & inter viuos donare, licet ægrotus & in extremis vitæ constitutus donet, *l. Seia 42. in fine D. De mortis causâ donat.* Et propterea impropria hæc donatio est, quia non fit ex mera liberalitate, vt perpetuò res fiat donatarij, sed vt certis casibus ad donatorem redeat, *l. 1. D. d. tit.*

4 Cùm verò ob mortis fiat suspiciōe, ad exemplum legatorum, modus acquirendi dominij est ciuilis, quia dominium rei donatæ à morte donantis transfertur in donatarium citra traditionem, sicut legatum in legatarium, *l. 1. & 2. D. De Publ. in rem act.* & ferè legatis exequatur. Nam & eodem modo reuocatur, & morte donatoris demùm confirmatur, & Lex Falcidia, quæ legatis modum imponit, etiam ad donationes mortis causâ porrecta est.

5 Dico, ferè; quia naturâ & substantiâ differt donatio causâ mortis à legato. Neq; enim perficitur nisi consensu duorum, scilicet donatoris & donatarij, cùm legatum solius testatoris constet voluntate. Et qui donat mortis causâ, potest sibi hanc legem imponere, ne rem donatam reuocare possit, *l. Si alienam 13. §. fin. D. De mortis causâ donat.* quod non potest, qui legat, *l. Si quis 22. D. De legat. 3.*

6 Inter viuos donatio est, quæ fit sine vlla mortis suspiciōe, ex mera liberalitate, & eâ mente ac proposito, vt res donata statim fiat accipiētis, nec vllò casu ad donatorem reuertatur. Et ideo semel perfecta temerè reuocari non potest: in quo distinguitur à donatione causâ mortis, quæ faciliè reuocatur. Primò quidem, si factâ tali donatione in infirmitate, conualuerit dein donator. Latè Costalius ad *l. Non omnis 19. D. Si certum petatur.* Secundò, si donatarius ante donatorem decesserit, *l. Si filiofamilias 23. D. De mortis causâ donat.* Tertiò, si donatorem præiituerit donationis, *d. l. Non omnis in princ. l. Qui mortis 30. D. d. r.* siquidem donans causâ mortis, mauult quidem donatarium habere rem donatam, quàm heredem suum, magis tamen se, quàm donatarium. In quo posteriori rursus distinguitur à donatione inter viuos. Datur autem ad hanc reuocandam conditio ob causam dari, vel vtilis in rem actio, *l. Qui mortis 30. & d. l. Senatus §. 3. d. tit.*

7 Dixi, non posse temerè reuocari; quia ex certis causis potest: veluti ob ingratitudinem donatarij probatam; vt si probetur impias manus, vel atroces iniurias, vel graue damnum donatori intulisse, vel vitæ eius insidiatum, reuocari quidem tunc potest à donatore,

donatore, non tamen ab eius hærede, *c. ult. h. t. l. fin. Cod. eod.* Idque obtinet, licet adiecta esse clausula in instrumento donationis, de re non reuocanda ob ingratitudinem.

Similiter probabile est, donationem omnium bonorum, vel maioris partis, (quam validam multi probabiliter existimant, per *l. 8. Cod. De reuocan. donat. l. 5. Cod. De inofficios. donat.*) reuocari per supernascentiam liberorum, iustorum scilicet, vel per subsequens matrimonium legitimatorum, non etiam naturalium aut beneficio Principis natalibus restitutorum, per *text. in l. Si vnquam Cod. De reuoc. donat.* ad quam late Tiraq. etiam si facta esset Ecclesiæ, *can. Licet & ibi Glos. xvii. q. 4.*

§. II. Qualis in dubio fiat interpretatio donationis inter viuos.

1. Donationes huiusmodi plenissimè interpretamur.
2. Vltimas voluntates plenius.
3. Contractus plenè.

Quia verò donatio hæc inter viuos ex mera liberalitate donatoris proficiscitur, ideo in dubio, hoc est quando non constat satis ex verbis, quid donator senserit, latissima fit interpretatio pro donatario, *c. Cum dilecti 6. h. t.* Et propterea si quis donauerit aliquem ex equis suis, nec appareat, de quo senserit, optimus præstari debet, quia præsumit Lex & Canon hanc fuisse mentem & intentionem donatoris, *d. c. Cum dilecti*. Pari modo si Episcopus cum consensu patroni vratur hac simplicitate verborum, *Concedimus vobis illam Ecclesiam*, censetur vterque totum ius concedere, quod quique habet in ea Ecclesia: patronus quidem ius patronatus, Episcopus verò quod temporaliter obtinet in eadem, *c. Pastoralis 7. h. t.*

Secus in vltimis voluntatibus, in quibus non plenissima, sed plenior fit interpretatio, *l. In testantis 12. D. De reg. iuris*. Vnde si quis equum aliquem ex suis alicui legauerit, nec expresserit quem, datur quidem legatario electio, vt non cogatur pessimum accipere, non tamen potest optimum eligere, sed aliquem inter optimum & pessimum, *l. Legato generaliter 37. D. De legat. 1.* quia testator non intelligitur tam liberalis, quàm qui donat inter viuos. Nam testator donat, cum morietur, & cum amplius bonis suis frui non poterit; donator verò etiam cum vti possit.

In contractibus autem non plenissima, nec plenior, sed plena fit interpretatio, id est vt contractus potius valeat, quàm pereat, *l. Quoties D. de reb. dubijs*. Et ideo si quis equum aliquem ex suis vendiderit, sine expressione vilius, potest tradere, quem voluerit, etiam pessimum, quia

T r

id sufficit,

id sufficit, ut contractus subsistat. Et hoc est, quod habet Regula Iuris: Semper in obscuris quod minimum est sequimur, l. Semper 9. D. De R.I.

§. II. Quo pacto donatio inter viuos perficiatur.

1. Iure veteri non nisi traditione rei perficiebatur donatio.
2. Iure nouo etiam solo consensu.
3. Donatio excedens 500. solidos insinuari debet.
4. Exceptis quibusdam casibus.

Iure veteri D. & Cod. donatio huiusmodi non perficiebatur nudo pacto seu consensu, sed traditione rei: & hac solâ ratione dici poterat modus naturalis acquirendi dominij, iuxta §. Per traditionem 40. Instit. De rer. diuis. nec aliter oriebatur actio ante traditionem, quàm si donatarius fuisset stipularus, rem donatam sibi tradi. * Ceterum Iustinianus Imp. id correxit, voluitque donationem solo consensu seu voluntate, quouis modo manifestatâ, perfici, ac solo consensu perfectam habere in se necessitatem traditionis, ad exemplum venditionis, etiam si donatarius non fuisset stipularus sibi rem tradi, §. Alia autem Instit. h. t. l. Si quis argentum, Cod. eod. quod sequitur Pont. in cap. 1. h. t. idque conditione ex lege vel ex stipulatu, si stipulatio adiecta fuerit. Vnde patet, donationem inter viuos non esse modum acquirendi dominij, sed causam, quia est causa traditionis, per quam dominium proximè acquiritur.

Quod si hæc donatio excesserit quingentos solidos seu aureos, actis interuenientibus apud Magistratum insinuari debet, ex eiusdem Iustiniani Constitutione, in l. penult. Cod. eod. Olim verò si excederet ducetos solidos, insinuatione opus erat, ad obuiandum fraudibus nonnullorum, qui possent subornare falsos testes, aut falsum instrumentum, aut chirographum. Ideoque simpliciter & nudè ei renunciari nequit, arg. l. Nemo potest 55. D. De legat. 1. & absque insinuatione facta donatio est inualida, non quidem in totum, ut verius est, ne vtile per inutile vitietur, sed ex parte, quâ quingentos solidos excedit.

Ab hac tamen necessitate insinuationis, excipiuntur quædam donationes: ut in primis ex, quæ fiunt in redemptionem captiuorum, in refectionem ædium, ruinâ aut incendio consumptarum, vel à magistris militum factæ ipsis militibus, l. penult. Cod. eod. Secundò, donationes factæ à Principe, superiorem non recognoscente, alicui priuato, vel contrâ, Glos. in l. Sancimus & Authent. Item Cod. eod. Sed & insinuationis defectum supplet iuramentum, Gail. 2. Obser. 39.

§. III. De alia diuisione Donationis in Propriam & Impropriam.

1. *Donatio alia Propria est, alia Impropria.*
2. 3. *Impropria, quæ ex causa fit: veluti propter nuptias.*
4. 5. *Donatio causâ dotis, remuneratoria.*
6. *Et donatio, quæ fit sub modo vel conditione.*

ALiter diuidi potest Donatio in Propriam, quæ etiam pura & simplex dicitur, & in Impropriam. Propria iam antè à nobis definita est, quam scilicet donator sine vlla causa, ex mera liberalitate, eâ mente peragit, vt nullo casu velit eam reuocari. * Impropria est, quæ fit ob causam aliquam, vel sub modo, aut sub conditione. Ob causam, vt Donatio propter nuptias; Donatio causâ dotis, Donatio remuneratoria, Donatio causâ mortis.

Donatio propter nuptias est, quâ vir aliquid vxori dat, in vicem & securitatem dotis, ab ea, vel alio eius nomine, pro sustinendis oneribus matrimonij, acceptæ. Et hæc olim vocabatur Ante nuptias, neque post celebratas nuptias fieri poterat, cum prohibita esset donatio inter virum & vxorem. Hodie verò vocatur Propter nuptias, quia Iustinianus Imp. permisit donationem huiusmodi non solum augeri constante matrimonio, sed etiam initium sumere: exemplo dotium, quæ constante matrimonio nõ solum augentur, sed etiam fiunt, *l. vlt. Cod. De donat. ante vel propter nuptias, §. Est & aliud genus Instt. h. t.*

Donatio causâ dotis est, quæ fit marito ab vxore, vel ab alio eius nomine, pro sustinendis oneribus matrimonij, *l. Pro oneribus & passim Cod. De iure dot.* Vnde & constante matrimonio reuocari non potest, nisi maritus ad inopiam vergat, vel bona eius fisco inferantur, *l. Si constante iuncta l. Si marito D. Solutio matrim.*

Donatio remuneratoria est, quæ fit in vicem præstiti officij; unde irreuocabilis est, *l. Aquilius & l. Si pater 34. D. h. t.*

Donatio sub modo est, quâ aliquid cum certo modo, certave lege donatur, *toto Tit. Cod. De donat. quæ sub modo &c.* Et hæc priuato facta, si adiecto modo satisfactum non fuerit, à donatore impunè reuocatur, *l. vlt. Cod. eod.* Cæteroquin facta Ecclesiæ non reuocatur, ob modum non impletum, sed agitur ad eius impletionem: nisi ipsi modo adiecta sit clausula reuocatoria, hæc vel similis, Et si modo non fuerit paritum, res donata repetatur, *c. Verum inf. De condition. appositis.*

§. V. Quinam donare possint.

1. Donare possunt rerum suarum plenè domini.
2. Clerici proinde res Ecclesia donare non possunt.
3. Nisi forte Episcopus construat & dotet Ecclesiam.
4. Limitatio huius.

OMnes & soli domini, qui liberam bonorum suorum administrationem habent, cum potestate alienandi. Hinc furiosus, prodigus, cui bonis est interdictum, donare nequit. Similiter nec minor xxv. annis, licet sit rerum suarum dominus. Sed neq; permessa est donatio coniugibus inter se, *toto Tit. Cod. De donat. inter vir & uxorem*; nec inuicem parentibus & liberis, in eorū potestate constitutis, *l. Cum de bonis 11. & l. siue emancipatus 17. Cod. h. t. l. Donationes 25. Cod. De don. inter vir. & uxore.* Licet his duobus casibus morte donatoris donatio conualescat, *d. l. 17. Cod. h. t. l. 2. Cod. si quis alteri vel sibi emerit. Sicut & iuramento, c. Cum contingat sup. De iureiur. Gail. 2. Obser. 38.* Quin etiam donatio parentis in filium emancipatione confirmatur, *d. l. 11. & 17. C. h. t.*

Cæterum tamen Clerico de bonis proprijs seu patrimonialibus & quasi patrimonialibus donare liceat, quantum velit, vel alio quocunque modo disponere, ut dicemus proximo Tit. *De peculio Clericorum*: bona tamen Ecclesiæ donare non potest: aded ut nequidem Episcopus aut quilibet Prælati, cum non dominus, sed tantum procurator sit rerum Ecclesiasticarum, eas donare possit, *c. 2. h. t. nisi rei quantitas seu modicitas, vel loci consuetudo, à Canonibus non improbata, donationem permittat, c. 3. h. t. * vel nisi Episcopus in sua dioecesi Monasteriū vel Ecclesiam aliquam construat: nam hoc casu potest illud quidem ex rebus suæ Ecclesiæ usque ad quinquagesimam partem reddituum eius, hanc verò ad centesimam, & non ultra, dotare, can. Bona rei 74. XII. q. 2. c. Apostolica h. t.*

Quamquam si his casibus Ecclesia cathedralis grauitè lædatur, talis donatio foret reuocanda, *d. c. Apostolica.* Et in his distinguitur Prælati Ecclesiæ à procuratore: cui licet à domino permessa sit libera rerum administratio, nihil tamen earum, siue immobilium, siue mobilium, quæ seruando seruari possunt, alienare potest sine consensu domini, *l. Procurator totorum D. De procurator.* Res verò Ecclesiæ non exiguas non aliter donare potest Prælati, quàm cum consensu Capituli, & ex iusta causa; aded, ut nequidem Episcopus Ecclesiā suæ dioecesis pio alicui loco concedere possit sine consensu sui Capituli, *c. Pastoralis h. t.*

TITVLVS XXV.

De peculio Clericorum.

1. *Peculium quid sit.*
2. *Constat vel ex proprijs & patrimonialibus bonis Clericorum.*
3. *De quibus disponunt liberè.*
4. *Vel ex bonis Ecclesia.*
5. *Vel ex bonis intuitu Ecclesia vel beneficij quasitæ.*
6. *Clericos etiam illorum esse plenè dominos, prebatur.*

Non importunè, vbi de donationibus egit Pont. & quia de testamentarijs dispositionibus deinceps acturus est, interijcit hunc Tit. *De peculio Clericorum*, vt distinctius & melius intelligatur conditio bonorum, quæ Clerici sibi acquisierint, & quatenus ex ijs donare, testari, aliterve disponere valeant.

Dicitur autem Peculium, auctore Vlpiano in l. *Depositi* §. 2. D. *De peculio*, quasi pusilla pecunia. Illudque inprimis Clericis competit, si veteres Canones spectemus, *can. Clericus, can. Duo sunt* XII. q. 1. Verù cum hodie per recentiores Canones Clericis rerum possidendarum amplior facta sit potestas, ideo peculium eorum triplex solet statui. Velenim constat ex proprijs Clericorum bonis, siue ea patrimonialia sint, siue quasi patrimonialia; vel ex bonis Ecclesiæ; vel denique ex bonis intuitu Ecclesiæ acquisitis, *toto h. t. can. 1. & 2. XII. q. 3.*

Propria bona Clericorum sunt, quæ vel ex successione hæreditaria, legato, fideicommisso, donatione, aut alio quocumque titulo, dummodò non occasione Ecclesiæ vel beneficij, Clericis obuenerint. Ac proinde eorum nomine comprehenduntur quasi patrimonialia, quæ scilicet acquirunt ratione Clericalis ordinis vel officij, sed aliâ ratione quàm beneficij, veluti celebrando, concionando, canendo, confessiones audiendo, Vicariæ temporali deseruiendo, aut alias similes actiones spirituales exercendo. Similiter ea, quæ proprio labore & personali industriâ lucrantur, ex alijs, quàm suorum beneficiorum, bonis.

Cum verò Clerici bonorum patrimonialium plenè sint domini, perinde vt laici suorum, *can. Episcopi & duobus seqq. XII. q. 1. c. Quia nos inf. De testam.* de ijs etiam quouis modo, siue inter viuos siue testamento aut aliâ ultimâ voluntate, disponere possunt, *d. can. Episcopi & alijs cap. 1. versic. Si autem cum seq. c. Relatum c. Requisisti inf. de testam.* Idem dicen-

dum de quasi patrimonialibus, iuxta Nauar. *De rebus Eccles. q. 1. mō- nito 29.* quia illa dantur Clericis in mercedem laboris ac seruitij & operæ personalis præstitæ, vel liberaliter in sustentationem, absque vllō onere, tacito vel expresse, dandi superflua pauperibus. Idem etiam dicendum de ijs, quæ beneficiatus sibi subtrahit ex debita sustentatione, parcius viuendo, quàm possit.

4 Bona Ecclesiæ dicuntur, quæ Ecclesiæ eiusque Ministris consecrata vel destinata sunt, siue immobilia, siue mobilia, vt agri, domus, silua, calices, & alia, quæ quocunque titulo, siue donationis, siue emptionis, siue legati &c. ad Ecclesiam peruenerint. Inter quæ censendi sunt fructus pendentes, cùm sint pars fundorum. Et hæc sunt in dominio Ecclesiæ: nec in ijs quicquam iuris, præter administrationem, sibi vindicare Clericus potest, c. 2. *sup. De donat. can. Episcopi, can. Manifesta, can. fin. xii. q. 1.*

5 Bona intuitu Ecclesiæ acquisita sunt fructus & prouentus beneficiorum, collecti & percepti, aliaque generaliter, quæ quauis Ecclesiæ vel beneficij occasione Clericis acquiruntur.

6 Et de his, quid iuris in ijs habeant Clerici, variant admodum Interpretes. Dux sunt celebriores sententiæ. Prima asserit, Clericos fructuum eiusmodi tantum est vsuarios, id est posse eos sumere inde, quantum necessarium est ad commodam sui sustentationem; reliquum verò ex lege, non solum charitatis sed & iustitiæ, erogandum in plos vsus & vsus pauperum, iuxta illud D. Hieronimi, *Tibi o Sacerdos viuere de altari non luxuriari permittitur*, referente Gratiano *Distinct. 44. in princ.* Idemque apertius *Dist. 42. in princ. Aliena capere conuincitur, qui ultra necessaria sibi retinere probatur.* Altera & probabilior sententia est, Clericos omnium fructuum & prouentuum, quos ex beneficijs suis percipiunt, siue sint distributiones, siue fructus alij, esse absolute dominos; non solum quoad partem, congruæ sustentationi necessariam, verum etiam quoad redundantem: ita vt, si profanè expenderint, non teneantur ad restitutionem, licet grauiter peccent sic expendendo. Hanc tenet Sarmiento *De rebus Ecclesiast. p. 2. c. 1. & 2. & plures alij.*

7 Quoad distributiones idem probatur ex c. *unico De Clerico non residenti. in 6. Concil. Trid. Sess. 22. cap. 3. De reformat.* Similiter quoad alios fructus probatur ex eodem Conc. *Sess. 23. c. 1. De reformat.* & alijs tum eiusdem Conc. locis tum Iuris Pontificij textibus, in quibus indicatur, Clericos facere tales fructus suos, vel certis casibus non facere suos. Ideoque non rectè æquiparantur vsuarijs vel usufructuarijs, aut non nisi certo respectu & secundum quid, vt loquuntur: nam maiorem in ijs habent facultatem, quàm vsuarij. Et licet sint eorum domini,

DE TESTAM. ET VLTIMIS VOLUNTATIBVS. 519
domini, tamen minorem habent, quàm usufructuarij, qui in vita & morte fructus suos, cuiuscumque voluerint, relinquere possunt, absque ullo paupertatis aut pietatis intuitu: hanc enim potestatem non habent Clerici, vt constat ex Conc. Trid. Sess. 25. c. 1. *De reformat.* Vide Sarmiento d. loco.

TITVLVS XXVI.

De Testamentis & vltimis voluntatibus.

§. I. Quid sit Testamentum.

1. Testamentum vnde dictum, & definitio.
2. In quo consistat solemnitus testamenti iure ciuili.

Absoluto tractatu de peculio Clericorum, id est de bonis, quæ Clericis ex propria industria vel amicorum liberalitate aut successione obueniunt, de quæ modis aliquot, quibus inter viuos de ijs bonis disponere possunt, sequitur vt videamus, quâ ratione de iisdem testamento vel aliâ vltimâ voluntate disponere liceat.

Testamentum (ex eo appellatum, quòd sit testatio mentis, quia declarat, quæ sit mens & vltima voluntas hominis, *Institut h. t. in princ.*) est voluntatis nostræ iusta sententia, de eo, quod quis post mortē suam fieri velit, l. 1. D. *Qui testam. fac. poss.* Iusta sententia, id est, sollemnis & legitima, vel secundum legum præscriptum de testamentis ordinata. Atque per hanc partem excluduntur ceteræ vltimæ voluntates, vt legata, codicilli, fideicommissa, donatio causâ mortis, (quæ & ipsa inter vltimas voluntates refertur, quia morte confirmatur, l. *Non videtur* D. *De mortis causâ donat.* ad instar legati l. *ult. in fine Cod. h. t.* licet aliàs sit contractus:) quia non sunt sententiæ iustæ, id est sollemnes, nec regulis de testamentorum ordinatione conformes.

Consistit autem solemnitas testamenti de iure ciuili in eo, quòd fiat a vno tempore & contextu; ita vt nullus actus extraneus & alienus à testamento intermisceatur, l. *Heredes in fine* D. *Qui testam. fac. poss.* l. *Antiquitas* Cod h. tit. quòd item fiat coram septem testibus, ad hoc euocatis & rogatis, d. l. *Heredes §. in testamento*; qui nomina sua subscribant, & signent testamentum annulo, vel proprio vel alieno, aut alio signaculo,

signaculo, §. *Sed cum paullatim Institur. h. t.* Ac denique in hæredis institutione directa, hoc est vt nominetur aliquis, qui in vniuersum ius defuncti sit successurus, l. *Hæredem* §9. D. De R. I.

Per sequentia verba excluduntur omnes contractus & donationes inter viuos, quæque effectum suum, non expectatâ morte contrahentium, consequuntur.

§. II. De diuisione Testamenti.

1. Testamentum aliud Scriptum, aliud Nuncupatiuum.
2. Vtrumque vel Paganicum vel Militare.
3. Testamenta hodierna esse nuncupatiua.
4. Forma testandi iure Pontifici præscripta.
5. 6. Per hoc non videri derogatum Iuri civili.
7. Cur proprius Parochus requiratur.
8. 9. Fautor testamenti ad piam causam.
10. Testamentum ad causam non piam, non solemne, an sit validum in foro conscientia.
11. Fautor testamenti inter liberos.

R Eiectis testamentorum generibus, quæ apud veteres in vsu fuerunt, vt quod calatis comitijs dicebatur, quod in procinctu, quod per æs & libram fiebat, tanquam antiquatis, & quæ in desuetudinem abierunt, diuidi solet in testamentum Scriptum, de quo iam egimus, & Nuncupatiuum, quo testator, non interueniente scripturâ, coram septem testibus, ad hoc conuocatis, nuncupat & exprimit palam nomen hæredis & legatorum dationem, l. *Iubemus* §. quod si & §. oportet l. *Hac consultissima* §. per nuncupationem Cod. h. t. & l. *Hæredes* §. penult. D. eod. tit. Atque ita distinguitur à testamento scripto, quod ad substantiam huius non requiratur scriptura, nec testium subscriptio aut subsignatio, sitque ex mero iure Civili. Et propterea Prætor ex eo non decernebat bonorum possessionem, l. *si ita scriptum* D. De bonor. posses. secundum tabb.

- 2 Vtrumque testamentum, scriptum, inquam, & nuncupatiuum vel Paganicum est, vel Militare. Paganicum est eius, qui non est miles: & hoc regulariter requirit septem testes, eosque rogatos, dictis ll. *Iubemus*, & *Hac consultissima*, ibidemq; D D. Militare est militis: & hoc si fiat à milite in expeditione bellica, nullam requirit solemnitatem Iuris Civilis, sed ad eius validitatem sufficit, quod constet quoquo modo de militis voluntate, siue scripta, siue non scripta, l. *Ex testamento* l. *Milites* Cod. De testam. milit. Instit. eod. tit. in princ. quia arma magis, quam

quàm leges scire præsumuntur milites, nec simunt occupationes bellicæ Iurisperitos adhibere, aut quid leges iubeant inquirere. Quod quia facere possunt mulieres & rustici, etiamsi imperiti sint Iuris, non gaudent simili priuilegio.

Dixi, si fiat à milite in expeditione bellica; quia si testetur post missionem, aut extra castra, licet militet adhuc, solemni iure testari debet, *l. penult. Cod. De testam. milit. §. 4. Instit. eod. tit.*

Hodie verò passim receptum est moribus, vt testamentum fiat coram Notario, & duobus pluribusve testibus. Quod testamenti genus esse nuncupatiuum verius est, quia testator voluntatem suam coram testibus nuncupat, Notarius verò voluntatem nuncupatam excipit scripto: non ad substantiam testamenti, sed ad rei gestæ comprobationem, nempe testamentum nuncupatiuum factum fuisse.

Similiter Iure Pontificio valet testamentum, factum coram Parocho & duobus tribusve testibus, potissimum si fiat ad piam causam, veluti si pauperes hæredes instituantur, vel Ecclesia aut Monasterium aliquod. Quo casu ad validitatem testamenti, etiam in foro externo, non requiri vllas solemnitates, Iure ciuili introductas, sed sufficere ea, quæ iuris sunt gentium, vt scilicet duo adsint testes, nec aliam qualitatem in testibus exigi, quàm quæ ex ipso iure gentium insit, docet Couar. *De testamentis c. 11. n. 9. Iul. Clarus §. Testamentum q. 6. n. 1. & facit tex. in c. Relatum 11. h. t.* Quinimò nequidem requiri duos testes, ad hoc, vt testamentum sit validum, dummodò sit potestas in disponente, capacitas in eo, in cuius fauorem disponitur, & libertas in dispositione, docet Lessius *2. de iust. & iure c. 19. dub. 2. n. 7.* Ita vt testes ad probationem dumtaxat sint necessarij. Id quæ obtinet etiam, vbi testamentum non fit principaliter ad piam causam; veluti vbi laicus instituitur hæres, vt in *c. Cum esses 10. h. t.* quia, inquit, Pont. scriptum est, quòd in ore duorum vel trium testium stet omne verbum.

Quamquam hoc casu, quo, inquam, non fit ad piam causam testamentum, positâ contrariâ consuetudine & vsu, verius videatur, vtrumque ius in suo foro seruandum esse: Ciuile quidem in foro ciuili, & terris Imperij; Pontificiũ verò in foro Ecclesiastico, & ditionibus Rom. Ecclesiæ, etiam quoad temporalem iurisdictionem, subiectis, Iul. Clarus *d. §. Testamentum q. 57.* Nam decisio & responsio in *d. cap. Cum esses* directa est ad Episcopum Hostiensem, qui in temporalibus subiectus est Romano Pontifici.

Nec obstat illud *Deuteron. 17. & 19. Ioan. 8. & 2. ad Corin. 13.* quod in ore duorum vel trium testium stet omne verbum, cuius meminit Pont. in *d. c. Cum esses & d. c. Relatum*: nam hoc ita accipi debet, quòd non possit aliquis condemnari, nisi testes minimum duo vel tres con-

tra eum deponant; non autem, quasi nullus actus celebrari queat, adhibitis pluribus testibus, quàm tribus vel duobus, & quasi hoc sit contra legem diuinam. Etenim Pontifex ipse in *d. c. Cum esses* præter duos testes vult adhiberi presbyterum parochialem. Præterea non damnat consuetudinem Hostiensis Episcopatus, requirentem ad testamentum septem testes, quasi diuino iuri contrariam, sed quia ea contra generale Ecclesiæ ius receptum non legitimè inducta esset.

- 7 Loquitur verò Pont. in *d. c. Cum esses* de proprio Parocho, quia non est tanta præsumptio falsitatis in eo, atque in extraneo. Si tamen loco presbyteri interueniant duo alij testes, valebit testamentum, quia duo idonei testes suppleant vicem Parochi, maiorisque sunt auctoritatis, quàm solus Parochus, *arg. c. Licet ex quadam* 47. *sup. De testibus*, Abbas in *d. c. Cum esses* n. 7. Non tamen alterius Confessarij, etiam à Parocho specialiter deputati, sufficeret præsentia, *secundum Choppin. De sacra Polit. lib. 2. tit. 1. n. 14.* Et Ediçtum Principis nostri an. 1611. art. 12. requirit Notarium, Pastorem aut eius vicarium, certamque formam præscribit testamentis ordinandis, de qua vide Zyp. *de iure Pont. nouo h. t. n. 13. & 20.*
- 8 Valere quoque testamentum, quoad legata pia, non instituto hærede aliquo, existimat Eman. Sa V. *Testamentum* §. 4.
- 9 Similiter licet vltima voluntas pendere ex alieno arbitrio non debeat, improbetque ius ciuile dispositionem testamentariam in alterius arbitrium relata, *l. Illa institutio D. De hered. instituendis*: de æquitate tamen Canonica, fauore piæ causæ, is, qui extremam suam voluntatem in alterius dispositionem committit, non videtur decedere intestatus, *c. Cum tibi* 13. *h. t. Bart. in l. 1. Cod. De sacros. Eccles. Marc. Anton. Genuen. in Praxi cap. 2. n. 13. per l. Theopompus D. De dote prælegata, l. Quem heredi D. De rebus dubijs.* Quamquam alij malint *d. c. Cum tibi* intelligi de ipsa executione vltimæ voluntatis, non de dispositione. An autem testamentum ab infirmo in extremis constituto ad interrogationem alterius factum, valeat, videatur Alexan. *Conf. 33. incip. Ponderatis.*
- 10 Illud quoque hîc controuertitur, an testamentum factum ad causam non piam sit validum in foro conscientiæ, si desint solemnitates, Iure positiuo requisitæ? Negat Couar. *c. 10. n. 12.* affirmat Less. 2. *De Iure & Iust. c. 19. per l. Etsi inutiliter Cod. De fideicom. & §. ult. Instit. De fideicom. heredit.* Eâ ratione, quòd extali testamento, iuxta communem sententiam, oriatur obligatio naturalis, & solemnitas Iuris tantum requiratur in testamentis, vt fidem faciat in foro externo, & falsitas omnis deceptioque euitetur, *l. Questionem* 32. *Cod. De fideicommissis.*

Neg

Nec obstat, inquit, l. *Hac consultissima Cod. De testam.* nec § *Ex eo Instit. Quib. mod. testam. infirmantur*, ubi tale testamentum dicitur esse nullum: quia illi textus loquuntur de nullitate in foro externo, in quo iustis de causis ex tali testamento, perinde ac si nullum esset, non datur actio. Et si autem lex civilis tali testamento non adsistat, non tamen ei resistit; ideoque oritur saltem obligatio naturalis, sicut ex nudo pacto. Sic fideicommissum, si ex testamento nullo agnoscat, solui debere, non ut ex testamento, sed quasi alia relinquentis voluntate, iudicatum refert. Charondas lib. 3. *Respons.* 47. Denique II ut in testamento ad pias causas non requiruntur solemnitates Iuris civilis, ita nec in testamento inter liberos utriusque sexus, d. l. *Hac consultissima* §. *ex imperfecto*; sed tantum attenditur dispositio Iuris gentium. Ideoque sicut in testamento ad pias causas duo sufficiunt testes, etiam non rogati, ita & in testamento inter liberos.

§. III. De Institutione hæredis.

1. *Institutio hæredis est caput testamenti.*
2. *Codicillis institui hæres directò non potest.*
3. *Liberi, in potestate existentes, necessario instituendi vel exheredandi.*
4. *Instituendi liberi in legitima portione.*
5. *Absque ullo onere vel gravamine.*

Testamenti basis & fundamentum est hæredis institutio, sine qua inutile est testamentum, *Instit. De fideicom. hered.* §. 2. Quod & in hac causa, sicut & in numero testium, distinguitur à Codicillis, in quibus sufficiunt quinque testes, * nec continent hæredis institutionem, saltem directam. Quod addo, quia per fideicommissum hæreditas codicillis iure relinquitur, *Instit. De codicillis in fine* l. 2. & l. *Si idem Cod. eod. tit.* sicut & legata, fideicommissa, & alia similia, *Instit. De sing. rebus per fideicom. relictis*. Vnde si quis hæredem in codicillis instituat, ea institutio flectitur in fideicommissum, censeturque hæres successurus ab intestato, rogatus restituere hæreditatem instituto in codicillis.

Tametsi verò quis, quem velit, hæredem instituere possit, cum nihil sit, quod magis hominibus debeatur, quam ut supremæ voluntatis liber sit stylus, l. 1. *Cod. De sacros. Eccles.* si tamen testator liberos habeat in potestate, qui etiam viuo patre rerum paternarum quodammodo domini existimantur, §. *Sui* 2. *Instit. De hered. qualis.* eos aut nominatim instituat necesse est, aut exheredet nominatim & ex certa causa

aut exheredationis, per scriptum hæredem probanda, Nouel. 115. cap. 3. Alioqui si in potestate existentes præterierit, testamentum est ipso iure nullum; quoad institutionem scilicet, nam legata & fideicommissa firma manent, d. Nouel. 115. c. 3. in fine & Auth. ex causa Cod. De liberis præteritis. nimirum ut in eo puniatur testator, in quo peccauit. Si verò liberos præterierit emancipatos, testamentum quidem subsistet ipso iure, sed Prætor vel Iudex dabit præteritis bonorum defuncti possessionem contra tabulas testamenti, §. Emancipatos 3. Instit. De exheredat. liberorum.

4 Institui autem debent liberi ut minimum in legitima sua portione: quæ olim fuit quarta pars, hodie verò si liberi sint quattuor aut pauciores, est triens, id est tertia pars; si plures, quàm quattuor, est semis, id est dimidia pars eius, quod habituri essent ab intestato. Quòd si minus quàm legitima vel quantacumque pars eis fuerit relicta, tunc agere poterunt, non quidem querelâ inofficiosi testamenti, ut olim, l. Papinianus 8. §. quoniam D. De inoff. testam. sed ex Constitutione Iustiniani condictione ex lege, ad supplementum, l. Omnimodo 30. l. Scimus 36. Cod. d. t. quæ non finitur quinquennio, ut querela inofficiosi, sed durat triginta annis, uti omnes actiones personales, d. l. Scimus.

5 Hæc verò legitima portio nullo onere, veluti usufructu, fideicommissio, condictione, modo, aliave re grauari potest. Quod si secus fiat, onus pro non adiecto habetur, l. Quoniam in prioribus 32. Cod. eod. c. Raynutius 17. in verbis, ipsam in legitima non potuit aggrauare h. t. Dicitur-que ibidem, legitima iure naturæ debita: & natura debitum, in c. Raynaldus 18. h. tit.

§. IV. De duplici detractione legitimæ & Trebellianicæ.

1. Detractio hæc iure Canonico fieri potest.
2. 3. Probatur etiam iure ciuili illi locum esse.
4. Grauatæ legatis detrahit quartam ex Lege Falcidia.
5. Episcopus ex legatis Ecclesiæ detrahit portionem Canonica.

1 **L**egitimam dixi naturæ debitum, nulloque onere grauandam. Et propterea si filius, à patre institutus hæres, iussus sit hæreditatem alteri restituere, non solum legitimam suam portionem ab hoc onere fideicommissi seruabit liberam, sed præterea iure Pontificio quartam detrahet Trebellianicam, id est quartam partem totius hæreditatis, quam iussus fuerit restituere; & utramque por-

que portionem, cui voluerit, relinquere poterit, vel ab intestato ad legitimos suos hæredes transmittere, quia reliquum dumtaxat fideicommissio continetur, *c. Raynutius & c. Raynaldus h. t.* Habetque locum duplex hæc detractio etiam in testamentis liberorum, respectu parentum, ijs scilicet casibus, quibus permissum est liberis condere testamentum, *arg. d. c. Raynutius & c. Raynaldus, iunctâ l. Nam etsi parentibus 15. in princ. D. De inoff. testamento.*

Verum, an vtraque hæc deductio seu detractio etiam Iure civili obtineat, admodum controuertitur. Non obtinere, probari videtur ex *l. In ratione 11. §. quod vulgò D. Ad L. Falcidiam*, vbi vnica quarta detrahitur; & *l. Iubemus Cod. Ad S. C. Trebell.* vbi iubentur liberi, qui rogati sunt restituere hæreditatem, dodrantem, id est nouem vncias tertius hæreditatis restituere.

Cæterum verius videtur, filium fideicommissio grauatum posse etiam Iure civili detrahere vtramque quartam; siue sub conditione vel in diem rogatus sit restituere, vt vult communis Interpp. sententia, siue purè: quia tanquam regulare traditur à D D. *ad l. Qui non militabat 78. D. De hered. instituen.* quòd quando auxilia plura per leges promittuntur ex causis diuersis, competant singula, nec vnum per aliud excludatur, nisi per alias leges aliud statuatur. Ideoque cum filius habeat legitimam ex vna causa, nempe pro debito naturæ, ad excludendam querelam inofficiosi testamenti, & insuper Trebellianicam ex alia causa, scilicet pro præmio aditionis, ad hæreditatem restituendam, poterit vtramque deducere: sicut filius, cui aliquid prælegatum est, si ita grauetur legatis, vt legi Falcidiæ locus sit, prælegatum suum retinet, & nihilominus de cæteris legatis quartam Falcidiæ detrahet, prælegato in Falcidiam non computato, *d. l. Qui non militabat, iunctâ l. Ex facto proponebatur 35. D. De hered. instit. l. In quartam 91. D. Ad L. Falcid.* quia hæc duo ex diuersis causis competunt; prælegatum ex voluntate testatoris; Falcidia beneficio legis.

Et hoc quoque videtur indicare Iustinianus Imp. qui cum in *l. Si pater & in l. Quoniam in prioribus Cod. De inoff. testam.* voluisset onere fideicommissi vniuersalis grauatum, liberari ab eo onere, quoad legitimam, sicutamen, vt legitima querelam inofficiosi excludat; nihilominus postea in *l. Iubemus Cod. Ad S. C. Trebelli.* eidem filio concedit quartam Trebellianicam, pro præmio aditionis. Ideoque sicut rogatus hæres, idemque creditor, alicui alteri hæreditatem restituere, non alia bona censetur rogatus restituere, quàm quæ, deducto per hæredem debito proprio, supersunt (iuris siquidem est notissimi, cuiusque ea demùm censerì bona, quæ deducto ære alieno supersunt:) ita filius iussus restituere hæreditatem, non alia restituet bona, quàm quæ, de-

ductâ legitimâ, tanquam sibi naturaliter debitâ, supersunt, cûmea fideicommissio grauari non possit: & deducet Trebellianicam ex ijs, quæ iussus fuerit restituere. Plura de hac quæstione vide apud Fachin. §. *Controuers. cap. 2.*

4 Quemadmodum autem grauatus fideicommissio detrahit quartam Trebellianicam, ita grauatus legatis ultra dodrantem, id est nouem uncias (omnis enim hæreditas cuiuscumque quantitatæ in duodecim uncias à Iure distribuitur, tota quæ hæreditas venit Assis nomine:) detrahit quartam Falcidiæ, beneficio Legis Falcidiæ, *toto Tit. D. & Cod. & Institut. Ad Leg. Falcidiam.* Exceptis legatis pijs, & nonnullis alijs, quæ deductionem illam non admittunt: de quibus latè D D. *ad l. In testamento cum Auth. seq. Cod. Ad. L. Falcid.*

5 Denique obseruandum hîc est, Episcopum de legatis Ecclesiæ, in sua dioecesi sitæ, detrahère portionem Canonicam (quæ respectu consuetudinis cuiusque loci varia est, *Glos. in c. Requisisti 15. in V. quartam h. t.*) prout præscribitur in *c. Officij 14. h. t. d. c. Requisisti*: nisi citra fraudem legata fuerint Ecclesiæ pro ornamentis, fabrica, cereis, luminaribus, vel alijs similibus pijs causis, vt pro alendis pauperibus, maritandis, aut in monasterio collocandis puellis pauperibus, *c. ult. h. t. vbi fusiùs D D. sicut & in d. Officij.* Vide & Piafec. 2. p. *Praxis Episcopalis c. 5. art. 4. n. 40. & seqq.*

§. V. De Substitutionibus.

1. *Substitutio alia Directa, alia Indirecta seu Obliqua.*
- 2.3. *Directa alia est Vulgaris, alia Pupillaris; eaq; Tacita vel Expressa.*
- 4.5.6. *Alia item Exemplaris, Reciproca, Compendiosa.*

Potest testator plures gradus hæredum & institutionum facere, sed quælibet post primam vocatur Substitutio, quæ nihil aliud est, quàm hæredis secundo gradu vel deinceps, in locum prioris, institutio. Est quæ Directa vel Indirecta seu Obliqua.

1 Directa est, quæ fit verbis directis, seu quâ hæreditas substituto defertur directè & immediatè à testatore, absque alicuius ministerio, qui illam alteri restituat, vt si testator dicat: *Titius hæres esto, si Titius hæres non erit, Caius hæres esto.*

Indirecta est, quæ verbis fit indirectis, obliquis vel precarijs, seu quâ hæreditas substituto defertur per alterum, qui illi eam restituat; vnde & Obliqua & Fideicommissaria appellatur: vt si testator institutum à se hæredem roget, vel fidei eius committat, vt hæreditatem alteri restituat.

Directa

Directa vulgò diuiditur in Vulgarem, Pupillarem, Exemplarem, 2 Reciprocam & Compendiosam. Quibus addi potest Militaris. Vulgaris est, quæ concipitur in casum, quo institutus hæres non erit, siue quia noluerit, siue quia non potuerit: atq; in vnum casum concepta comprehendit & aliū. Dicitur Vulgaris, quia à quolibet testatore fieri potest cuilibet; & per eam substitutus fit testatori hæres.

Pupillaris est, quæ fit impuberi, in potestate testatoris existenti, nec 3 per mortem ipsius in potestatem alterius recasuro, instituto in casum, quo hæres erit, & ante pubertatem decesserit: & per hanc substitutus non testatori, sed impuberi fit hæres. Vtraque hæc substitutio est vel Expressa vel Tacita. Expressa est, quando testator exprimit conditionem, quæ omni substitutioni vulgari vel pupillari inest; videlicet, Si institutus hæres non erit, aut, Si filius meus intra pubertatem moriatur. Tacita est, quando conditionem illam non exprimit, sed subintelligitur ex præsumptione legis, præsumentis talem esse voluntatem testatoris. Vulgaris vtraque expirat aditâ hæreditate; pupillaris verò non per aditionem hæreditatis, sed demùm cùm pubes fit, cui pupillariter facta est substitutio. Continent autem se mutuò vulgaris & pupillaris, quando casus vtriusque in eandem personam concurrere potest: vt in impubere; si ei vulgariter substituatur, continetur tacita pupillaris.

Exemplaris est, quæ fit liberis furiosis aut mente captis, in casum, 4 quo adhuc furiosi aut mente capti decesserint. Dicitur Exemplaris, quia ad exemplum pupillaris, intuitu humanitatis, introducta est, l. Humanitatis Cod. De impub. & alijs substit. Et hoc modo etiam mater & auus maternus substituere potest, licet non pupillariter, quia exemplaris substitutio non dependet à patria potestate, vt pupillaris.

Reciproca, quæ & Breuiloqua dicitur, quia breuibus fit verbis, est, 5 quando plures hæredes instituti sibi inuicem substituuntur, vt si testator dicat: *Caium & Seliū hæredes meos instituo, & eosdem inuicem substituo.*

Compendiosa est, quæ plures quoad diuersa tempora continet 6 substitutiones, vt si dicat testator: *Instituo filium meum hæredem, & quandocumque decesserit, substituo ei Caium.* Vnde distinguitur à Reciproca, quòd illa contineat plures substitutiones quoad personas, pluresque similes substitutionum species continere possit; Compendiosa verò plures quoad tempora, respectu vnius personæ & necessario dissimiles, prout latius de his, & alijs discriminibus, videre licet *Glos. & D D. add. cap. Raynucius h. r.*

§. VI. Quinam testari possint.

1. Prohibentur quidam subiecti potestati alterius.
2. Quidam ob defectum animi vel corporis.
3. Quidam ob crimen.
4. Clericus de bonis patrimonialibus testari potest.
5. Item de ijs bonis, quæ industriâ suâ acquisiuit.
6. Quæq; viuendo parciâs congruæ sustentationi subtraxit.
7. De bonis intuitu Ecclesia quasitis testari nequit.
8. Quatenus & quibus donare ex ijs bonis possit.
9. Hodie de consuetudine Clerici passim permissa facultas testandi.

Testari possunt omnes, qui non prohibentur, l. 4. D. *Qui testam. fac. pos.* Prohibentur autem quidam, vel quia potestati alterius subiecti sunt, vti filiusfamilias, extra castrense & quasi castrense peculium, etiam consentiente patre, l. *Qui in potestate* 6. D. *eod.* quia vult Lex x i i. Tab. vt qui testatur sit paterfamilias, & de re sua testetur. Et testamentorum iura per se firma esse oportet, non ex alieno pendere arbitrio, l. *Illa institutio* 32. D. *De hered. instituen.* Ideoque non obstat, quod filiusfam. consentiente patre donare possit causâ mortis, quia cum donatio talis magis sapiat naturam cuiusdam contractus, ab alterius pendere arbitrio potest.

Similiter Religiosi professi, *Auth. Ingressi Cod. De sacros. Eccles. can. Quia ingredientibus & seqq. x i x. q. 3.* nisi ex concessione summi Pontificis. Vide Couar. *De testam. c. 2. nu. 17. & 18.* Nauar. in *Commentario* 2. *De Regularibus* n. 58.

Serui item, l. 16. 19. & 20. §. 7. D. *Qui testam. fac. pos.* Qui etiam de statu suo dubitantes vel errantes, l. 14. 15. D. *eod.* Capti ab hostibus §. *ult. Instit. Quib. non est permissum fac. testam.*

2 Vel prohibentur propter defectum aliquem; eumque vel animi, vt impuberes, mente capti, furiosi, prodigi, quibus est interdicta bonorum administratio; vel corporis, vt surdi & muti à natiuitate: item cæci, nisi certâ aliquâ obseruatione, quàm præscripsit Iustin. Imp. in l. *Hac consultissima Cod. h. t.*

3 Vel denique prohibentur propter crimen, vt si quis commiserit crimen aliquod, cui à Iure annexa sit pœna, quâ ipso facto sit intestabilis, l. *Is cui* 18. & l. *Cum lege* 26. D. *eod.*

4 Præcipua hîc difficultas est de Clericis beneficiatis. Et dubium non est, quin de bonis patrimonialibus & quasi patrimonialibus testamentum facere possint, c. 1. 6. 4. c. *Quia nos* 9. c. *Relatum* 12. h. t. quemadmodum

admodum & donare ea possunt inter viuos pro arbitratu suo, vel reseruare consanguineis, & viuere ex bonis Ecclesiæ, quantumuis diuites sint, cùm nemo teneatur proprijs militare supendijs, *c. Cum secundum* 14. *sup. De prabendis*, Pialec. 2. p. cap. 5. artic. 4. n. 45. ne quidem Episcopus, qui tamen mensâ victuque frugali, & suppellectili modestâ uti debet, Conc. Trid. Sess. 25. c. 1. *De reformat.* seruatâ ratione qualitatis, personæ, nobilitatis, gradus, & consuetudine loci: quandoque enim quod vni sufficere honestè potest, non sufficeret alteri, *can. Clericum*, iunctâ *Glos. in V. necessitatem* x x 1. q. 1. Nauar. *De reddit. Eccles.* q. 1. n. 92.

Pari modo testari potest Clericus de ijs bonis, quæ labore personaliq̃ue operâ sibi comparauerit, etiam per eos actus, ad quos ipsum beneficium obligabat: vt si Curatus extra prouentus sui beneficij aliquid lucretur, celebrando Missas, concionando, audiendo confessiones, inseruiendo Capellanæ, Vicariatus officio fungendo, administrando Sacramenta, quia taliter quæsitâ equiparantur patrimonialibus, de quibus liberè disponere Clericum posse, perinde ac laicum de suis, diximus antè, *ad. Tit. De peculio Clericorum per can. Episcopi* x 1 1. q. 1. *can. Fixum* *ibid.* q. 5. c. *Quia nos* 9. h. 1.

Item dicendum de ijs, quæ parciùs viuendo ex prouentibus sui beneficij congruæ sustentationi substraxerit, Nauar. *d. q. 1. num.* 59. & dixi *suprà ad d. Tit. De peculio Cleric.* Quantum autem requiratur ad honestam sustentationem cuiusque, cùm non possit illud certâ regulâ determinari, relinquitur arbitrio conscientie timoratz, Pialec. *d. loco* n. 52. post Nauar. *d. loco* q. 2. n. 20. Regulariter in beneficio modici valoris, vt ducatorum x x x. ultra victum nihil præsumitur superesse; & ideo bona, quæ supersunt, censentur acquisita proprio labore, vt proinde de illis testari liceat.

Sed quæritur de bonis, quæ Clerici intuitu Ecclesiæ acquisuerunt, veluti de fructibus beneficiorum suorum, qui congruæ sustentationi supersunt. Et dicendum, quòd, licet eorum sint domini, *c. vnico De Clericis non resident.* in 6. Conc. Trid. Sess. 22. cap. 3. & Sess. 24. cap. 12. *De reformat.* tamen Iure Pontificio ne quidem ad piam causam testari possint, *c. 1. & 2. Cùm in officijs* 7. c. *Quia nos* 9. l. *Relatum* 12. h. 1. *can. Episcopi* x 1 1. q. 1. Adeò vt ne Pontifex quidem de redditibus sui Pontificatus testari consueuerit, Pialec. *d. loco* n. 49. post Nauar. *d. q. 1. n.* 27. & 73. Ratio est, quia Ius Pontificium voluit bona eiusmodi post mortem beneficiati redire ad Ecclesiam, *d. c. 1. in fine*, & *d. c. Cùm in officijs in fine*. Idq̃; vt auerteret Ecclesiasticos ab accumulâdis opibus, incitaretq̃ue ad eas res in vita liberaliter in pios vsus expendendas. Et ideo Clericis donationem talium bonorum inter viuos ad pios vsus

X x x permissit,

permisit, *can. Quod autem x. q. 7.* non autem testamenti factionem vel quali, id est donationem causâ mortis. Nisi facultatem de ijs testandi à summo Pont. obinuerint, qui eam concedere potest, & de facto sæpè cōcedit, *Piasec. d. loco in fine, ex Nauar. & Staphileo, quos citat.*

- 8 Possunt tamen Clerici in ægritudine constituti ex fructibus beneficiorum suorum, non testamentariâ dispositione, sed eleemosynâ intuitu donare & erogare aliquid, etiam amicis vel familiaribus suis, ratione obsequij aut beneficij sibi vel Ecclesiæ præstiti; moderatè tamen, *c. Ad hæc 8. d. c. Relatum 12. h. t.* imò & intuitu sanguinis consanguineis, si egeant, ad decentem eorum sustentationem, *can. Non sa is, can. Est probanda Distinct. 86.* consideratâ qualitate, quam tales acquirunt per promotionem eius, qui donat, ad aliud beneficium vel dignitatem: crecit enim Clerici promotione etiam consanguineorum dignitas; & in tali gradu non sufficeret eis ad decentem sustentationem, quod antea sufficere poterat, *Piasec. d. loco n. 47.* Attamen dari tantum non debet, quo augeantur & ditescant, *Conc. Trid. Sess. 25. cap. 1. De reformat. Vnde D. Ambros. 1. Officior. cap. 3. Melius est, inquit, ut ipse tuis subuenias. quibus pudor est ab alijs sumptum deposcere; non tamen, ut illi dit ores fieri velint ex eo, quod tu conferre potes inopibus.*

- 9 At verò hodie generali ferè consuetudine receptum videmus, ut Clerici de fructibus beneficiorum suorum validè testentur, etiam ad profanos vsus, vbi cumque talis consuetudo legitimè præscripta est; dummodò fines illius non transgrediantur, & congruentem portionem erogent in pauperes & pios vsus. Ratio huius, quia prohibitio, ne Clerici de talibus bonis testentur, non est iuris diuini, naturalis, aut gentium, sed iuris merè positiui, ut proinde contrariò iure positiuo, nempe contrariâ consuetudine, tolli possit.

Nec potest dici, talem consuetudinem testandi, in profanos utique vsus, tacitè improbari in *d. c. Relatum*: quia eadem alibi saltem ex parte videtur probari in *c. Suscepti D. elect. in 6.* Vide Couar. ad *d. c. Cui in officijs*, Less. 2. *De Iure & Iust. cap. 19. Dubitat. 4. à n. 42.*

Planè licet in *c. 1. h. t.* prohibeatur Episcopo testari de rebus intuitu Ecclesiæ quæsitis; & Paulus III. Prælatos aded fecerit inhabiles, ut ne lotis quidem pijs vltra decimam partem relinqui quocumq; titulo velit, omnesq; testandi contrarias concessiones eò reducat, ut refert Pet. Mat. in VII. *Decretal. lib. 2. t. 14. c. 1.* tamen & S. Willibrordū, à quo initia nostræ fidei hæc regio suscepit, testamentum sine vllius Pontificiæ facultatis mentione cōdidisse, & se nullius Episc. testamentum eo nomine, quod non habuerit facultatem testandi à summo Pont. in Belgio irritatum scire testatur Zyp. *De Iure Pont. nouo h. t. n. 7.*

§. VII. De testibus in testamento adhibendis.

1. Prohibetur mulier testis esse in testamento.
2. Non in codicillis, remissive.
3. Non in testamento patris inter liberos.
4. Non in testamento ad piam causam, ex communi sententia.
5. Quæ hic refellitur.
6. Prohibetur & impubes, & servus, &c. item ipse heres.
7. Non verò legatarij & fideicommissarij singulares.
8. Denique prohibentur, quos leges intestabiles esse iubent.

T Estes similiter in testamento adhiberi possunt, qui non prohibentur. Prohibetur autem in primis mulier: nam licet ea in iudicio dicere testimonium possit, etiam in causis criminalibus, secundum Ius Civile, non verò secundum Canones, ut dixi suprà, *Tit. De testibus §. 2. n. 23.* non tamen in testamentis, *l. Qui testamento 20. §. 6. D. Qui testam. sac. pos.* non solum ob iudicij infirmitatem: sic enim & à iudicio repellenda esset: sed quia iuris publici, à quo testamenti factio est, communionem non habet. Præterea testamenta olim calatis comitijs fieri solebant, in quibus mulieres ius suffragij non habebant. Tum etiam propter fraudes, quæ facilius in testamentis, quàm in iudicijs, etiam criminalibus, committi possunt, Vnde verius videtur, ne quidem Iure Canonico posse mulierem in testamento ad causas profanas condito esse testem, *Iul. Clarus §. Testamentum q. 55. n. 3.*

An autem in codicillis testis esse possit, dixi suprà ad *Tit. De testibus d. §. 2. n. 22.* id verius videri, ex quo non reperiatur prohibitum, secundum *Glos. in l. fin. in V. cuique Cod. De codicillis.*

Docui ibidem, posse testem esse in testamento patris inter liberos, *Glos. in l. Hac consultissima §. ex imperfecto Cod. De testamentis:* ut & in testamento militis in acie testantis; quia in his remissa est solemnitas iuris civilis, spectaturque solum ius gentium.

Sed quid de testamento ad pias causas? Communis opinio mulierem hinc admittere videtur, quia & in eo spectetur ius gentium, *c. Cum esses &c. Relatum 11. h. t. ** Contrà tamen urget, quòd in *d. c. Relatum* exigantur duo legitimi testes, qualis non est mulier in testamento. Secundo, quòd, licet in *d. c. Relatum* derogetur solemnitati iuris, quoad numerum testium, non tamen reperiatur ius civile correctum, quoad

Xxx ij habili-

habilitatem, ac proinde seruandum sit, l. *Sancimus Cod. De appellat.* Tertiò, quòd mulier non possit esse testis in testamento, ob sexus fragilitatem; quæ ratio hîc æquè militat, atque in quouis alio testamento. Quartò, quòd si in testamento, in quo septem requiruntur testes, non possit cum alijs adhiberi; quo tamen casu numerus aliorum facillè suppleuerit eius fragilitatem, l. *Si quis ex argentarijs §. 1. D. De edendo*: multò minùs in hoc testamento, in quo minor numerus requiritur.

Nec est par ratio testamenti patris inter liberos: quia ibi causâ intestati fouet causâ testati, D. D. in d. §. *ex imperfecto*, Facit textus in l. 1. *Cod. De his qui sibi ascribunt in testam.* in verbis, *Si cùm testamentum scriptum non esset iustus successor suus esset.*

Nec verùm videtur, in testamento ad piâ causâ solùm attendi ius gentium, cùm vltra numerum duorum testium requiratur præsentia Parochi, quam non exigit ius gentium.

- 6 Secundò, prohibentur, impubes, seruus, furiosus, mutus, surdus, prodigus, cui bonis interdictum est, hæres scriptus, & qui eidem vel testatori ratione patriæ potestatis coniunctus est, §. *In testibus 9. & 9. seq. Instit. De testam. ordinar.* * Iure tamen speciali non denegatur testimonium legatario & fideicommissario singulari, eorumque filijs puberibus, & alijs, in potestate existentibus, §. *Legatarijs autem Instit. eod.* quia cùm plerumque testibus aliquid relinquatur, vt fideiiores existant, & remunerandi causâ, non debet destrui testamentum eo, quod ad confirmationem illius factum est. Neque hinc sequitur, eos esse testes in propria causâ, saltem principaliter, & non nili ex consequenti & secundariò: *de quo sup. Tit. De testib. §. 2. n. 6.*

- 8 Tertiò, prohibentur esse testes, quos improbos intestabilesque vocant, id est quibus leges denegant testamenti factionem, aut testimonij dictionem, l. *Is cui §. ult. D. Qui testam. fac. poss.* Cuiusmodi sunt damnati ob crimen famosum.

Denique notandum hîc est, Edicto Principum nostrorum an. 1611. art. 19. cautum esse, ne probationes per testes fiant, non tantum in contractibus, excedentibus summam trecentorum florenorum, sed & in testamentis, quasi plus dictum, quàm scriptum appareat. Insuper art. 12. requiri, vt non solum scribantur testamenta, sed & subscribantur à testatore & duobus testibus, ad hoc vocatis, si scribere nonerint; cuius etiam mentio instrumento inferenda sit à tabellionibus vel pastoribus.

§. VIII. De executione testamentorum & vltimarum voluntatum.

1. *Executores alij legitimi, alij testamentarij, alij datiu.*
2. *Intra quod tempus executio fieri debeat.*
3. *Nulla existente executore cogi potest heres soluere legata.*
4. *Episcopi omnium piarum dispositionum sunt executores.*

Explicato iure testandi, superest ius testamenta exequendi siue mandandi executioni supremæ voluntatis elogio iudiciaque defunctorum. Igitur executores testamentorum, siue sint hæredes ipsi, *c. Si heredes 7. h. t.* siue alij, *c. Tua nobis 17. eod.* siue per testatorem dati (quos testamentarios non malè appellaueris,) siue à iure constituti, *l. Nulli Cod. De Episcopis & Clericis* (quos legitimos appellare licet) siue per iudicem aut magistratum, quos datiuos D. D. vocant, *l. Solent Iudices §. 1. De aliment. & cib. leg.* licet ab initio & re adhuc integrâ liberum eis sit suscipere officiû; tamen eo semel suscepto cogi possunt, vel ab Episcopo suæ diocesis, eiusve Vicario, vel etiam à Principe sæculari, exequi vltimam voluntatem defuncti, *c. penult. b. t. iuncta Nouel. 131. De Ecclesiast. titulis cap. 10. & l. Heredes 50. D. De hered. petis.* * Idque intra tempus à testatore definitum: quod currit non à die facti testamenti vel mortis testatoris, sed à die aditæ hæreditatis, *l. Statu liberos 3. §. si quis 11. D. De statu liberis.*

Alioqui nullo tempore à testatore ad exequendum testamentum definito, datur iure Pontificio anni spatium, eoque elapso, si executores vota defuncti non adimpleuerint, sed executionem protraxerint, ius exequendi deuoluitur ad Episcopum, *c. Nos quidem 3. b. t.* nisi quod ad pia legata dentur sex menses, secundum Panorm. *ad d. c. Nos quidem.*

Quod si nullus testamento executor nominatus sit, potest ipse hæres cogi ab Episcopo per censuram Ecclesiasticam, vt expleat defuncti voluntatem, & legata soluat: & nisi exequatur, potest ei interdici administratio bonorum defuncti; imò etiam priuari omni commodo, quod ex testamento fuerit consecutus, *d. c. Si heredes h. t. Auth. Hoc amplius Cod. De fideicommissis, desumpta ex Nouel. 1. cap. 1.*

Dixi, cogendos executores, vel hæredes defuncti, si executor non sit, ab Episcopo, eiusve Vicario, vel Principe; nam Episcopum esse executorem vltimarum voluntatum, patet ex *d. t. Nos quidem c. Si heredes, c. Tua nobis b. t.* ac statuit nouissimè Conc. Trid. *Seff. 22. cap. 8.*

De reformat. ut Episcopi, etiam tamquam Sedis Apostolicæ delegati, in casibus à Iure concessis, omnium piarum dispositionum, tam in ultima voluntate, quam inter viuos, sint executores. De Principe verò seculari, etiam in pijs causis, constat ex d. *Noxel* 131. *De Ecclesiast. titulis* cap. 10. & 11. & d. l. *Hereditas* D. *De hered. petut.* Ita ut hanc rem appareat esse mixti fori; sitque præventioni locus, Sanchez *De matrim.* lib. 2. *Disputat* 250. nu. 1. nihilque noui quoad huiusmodi pias dispositiones Concil. Trid. statuisse videatur.

TITVLVS XXVII.

De successione ab intestato.

1. *Intestatus decedere qui dicatur.*
2. *Ab intestato vocantur primò descendentes, id est liberi.*
3. *Secundò ascendentes.*
4. *Tertiò laterales.*
5. *Quartò, vir uxori, & contrà succedit, ac postremò fiscus.*
6. *Clericis ab intestato quo modo succedatur.*
7. *Et quid de hac successione mores dicunt hodierni.*
8. *Basardis intestatis succedit hodie Princeps.*

Successio omnis iure civili vel ex testamento defertur, quæ ideo dicitur testamentaria, vel ab intestato & à lege, vnde & legitima nuncupatur: cui tunc demùm locus est, quando certum est, ex testamento succedi non posse, l. *Quamdiu* 39. D. *De acquir. vel omis. heredit.* Ideoque postquam dictum est de successione testamentaria, rectè sequitur de successione, quam ab intestato defert

1 Lex vel Canon.

Intestatus dicitur decedere, qui vel omninò testamentum non fecit: vel fecit quidem, sed non Iure, id est non adhibitis solemnitatibus à Iure requisitis: vel cuius testamentum ex post facto ruptum irritumve factum est: vel denique ex cuius testamento nemo hæres ex-

2 stiterit, tex. in prin. *Instit. De hered. quæ ab intest. deser.*

Quòd igitur ad hanc successionem attinet in bonis secularium, in primis intestati bona deferuntur iustis liberis, id est descendentes eius, ex legitimo matrimonio procreatis, aut per subsequens matrimonium, etiam in articulo mortis, legitimatis: & quidem in capita, si primi gradus sint; sin vltioris, in stirpes, omni agnationis emancipa-

tionisve

nonisve discrimine hodie sublato, *Novel. 118. cap. 1.*

Iustis verò liberis non exstantibus, deferuntur ascendentibus, saluâ gradus prærogatiuâ, ita scilicet, ut proximiores excludant remotiores, v. g. pater auum paternum & maternum, & similiter mater auum paternum & maternum, *Couar. De succes. ab intestato conclus. 3. & 4.* Et si plures parentes concurrant in eodem gradu, v. g. auus & avia materni generis, & auus paternus distributio fiet in stirpes, non in capita.

An autem pater & mater ad filij intestati successionem æqualiter admittantur variant Interpretes. Bartolus quidem patrem ad bona paterna, vel patris intuitu acquisita, matrem ad bona materna, vel matris intuitu quæsitâ, admittit: Baldus verò, Cynus, Salicet. eos æqualiter admittunt; & quidem æquius. In bonis autem per defunctum quæsitis omnes admittunt æqualiter.

Quòd si defuncto sint fratres aut sorores, ex utroque parente sibi iuncti, ij, exclusis alijs collateralibus vltioribus, cum proximis gradus ascendentibus concurrent in capita, *d. Novel. 118. cap. 2.*

Deficientibus ascendentibus, primo loco fratres sororesve ex utroque latere coniuncti, si soli existant, in capita; si verò cum fratrum filijs concurrant, in stirpes, ad defuncti hæreditatem vocantur. Quòd si soli extent fratrum filij, eos ad patruj intestati successionem vocari in capita potius, quàm in stirpes, verius est, *Couar. d. loco.* Non extantibus verò fratribus utrimque coniunctis, vocantur vno tantum latere iuncti; ita tamen ut vterinis materna, consanguineis paterna bona deferantur.

Quòd si neque fratres neque fratrum liberos defunctus reliquerit, tum proximior quisque consanguineus succedet usque ad decimum gradum, sublato sexus, item cognationis atque agnationis discrimine, *d. Novel. 118. c. 3. in fine & c. 4.*

His omnibus deficientibus, succedit vir uxori, & contrà, *l. unica Cod. Unde vir & uxor;* & postremò Fiscus, *l. 1. & 4. Cod. De bonis vacantibus:* nisi consortes eum excludant; veluti Decurioni intestato succedit Curia; nauiculario corpus nauiculariorum. Et hæc quidem quoad successionem in bonis allodialibus sæcularium: nam in feudalibus alius ferè est successionis ordo, ut patet ex *cap. 1. De natura success. Feud. & cap. 1. De successione Feudi.*

Clericis verò succedunt ab intestato, in bonis quidem patrimonialibus & proprio labore atque industriâ quæsitis primo loco liberi, si quos habeant ex legitimo matrimonio, ut si Clericus ante sacros ordines coniugatus vixerit. His deficientibus secundo ordine parentes vocantur vnâ cum fratribus & sororibus germanis, hoc est ex utroque latere

latere iunctis. Quòd si defunctus parentes superstites non habeat, tum tertio ordine succedunt à latere venientes, secundum gradus prerogatiuam, usque ad decimum gradum. Consanguineis verò usque ad decimum gradum deficientibus succedit Clerico Ecclesia, vel altare, cui seruiuit, *can. fin. x 1 1. q. 5. c. 1. & ibid. Glos. & D D. h. t.*

In bonis autem intuitu Ecclesie quæsitis succedit Collegium Clericorum, vel successor ipsius Clerici, si is bona separatim extra Collegium possidebat, vti Episcopus, Parochus, & similes. *c. Relatum 12. sup. De testam. c. fin. De officio Ordinarij in 6. Clement. 2. De elect. Vide c. Quia sæpè 11. De elect. in 6. can. Quoniam quidam Distinct. 75. can. Illud tum seq. x 1 1. q. 2. Latè Guil. Redoanus De spolijs Ecclesie q. 8.*

Quòd si appareat demortuum & suo labore industriaque quæsiuisse, & ex patrimonio habuisse bona aliqua, tum diuidi ea debent in quattuor partes; quarum vnam Episcopus, alteram Ecclesia, tertiam pauperes, quartam consanguinei capient, *c. 2. h. t. vel loci cuiusque consuetudo attendi circa hæc debet, Piafec. 2. p. cap. 5. artic. 4. n. 41.*

- 7 Plurisque hodie locis Clericis ab intestato decedentibus succedunt consanguinei hæredes, prout in tota Gallia obtinere, nisi sint bona comparata sub nomine & ad opus Ecclesie, testatur Zyp. *De Iure Pontif. nouo lib. 3. Tit. De testam. n. 1.* vbi subiungit, hîc in Belgio Clericis intestatè defunctis quoad bona mobilia succedere Capitula aut Episcopos: licet olim Comites Flandrie Clericis testatis & intestatis in semissem mobiliū successerint, usque ad Robertum Frisium, qui hoc onus remisit, siue ob metum Urbani II. siue vt scelera sua expiaret.

In Brabantia ac Comitatu Namurcensi bona Clericorum bastardorum, etiam in sacris constitutorum, ex Concordatis anni 1541. 18. Augusti 5. bona verò, nisi à Principe testandi licentiam obtinuerint, vel naturalibus fuerint restituti, immobilia quidem spectant ad Principem, mobilia verò diuidi debent inter Principem & Episcopum, donec de iure vel consuetudine aliter fieri debere constiterit, Zyp. *d. loco.*

- 8 Et moribus ferè passim obtinuit, vt bastardis seu naturalibus succedat Princeps, si modò sine testamento, sine legitima prole, sine matre, fratribus vel sororibus, ex eadem matre natis, decedant, qua de re fusius videre licet Griuel. *Decis. Dolanâ 144.* In Brabantia tamen non videntur habere testamenti factionem, aliter actiuam quàm inter liberos, nisi à Principe impetrent, vt testatur Zyp. *d. lib. Tit. De success. qua ab intestato defer.* vt nec passiuam etiam de iure habent, respectu patris, *Auth. Excomplexu Cod. De incestis nuptijs, Mynsing. cent. 1. Obseru. 35. Zyp. & Griuel. dictis locis fusè.*

TITVLVS XXVIII

De Sepulturis.

§. I.

1. 2. Quid sit Sepulcrum & Sepultura.
3. Olim ne in ciuitate quidem qui sepeliebatur.
4. 5. Hodie in Cœmeteriis, in & apud Ecclesias.

IVS sepulturæ, vt & iura decimarum, primitiarum & oblationum, spectât ad bona Clericorû externa, quæ non ab Ecclesia accipiunt, sed à laicis quoque ratione ministerij Ecclesiastici. Sed & de sepulturis ideo sequitur, quia spectat ad Episcopum, quem diximus antè esse executorem vltimarum voluntatum, non solum vt bona testatorum atque intestatorum legitimè distribuantur, verùm etiâ, vt corpora eorum, si Christiani & Catholici piè in Domino obdormierint, iuxta morem consuetum sepulturæ mandentur.

Obseruandum in primis hic, Sepulcrum dici locum concauum, in quo corpus ossa quæ hominis condita sunt, à Sepeliendo; vt Simulachrû à Simulando, Lauacrum à Lauando: licet alij aliunde deriuent. Quo pacto distinguatur à Monumento, vide in l. Monumentum 41. D. De religiosis & sumpt. funerum. Sepulcri autem appellatione omnis locus sepulture continetur, l. Prætor §. sepulchri D. De sepulcro violato.

Sepultura verò quandoque sepulchrum dicitur, *can. Aurum xii. q. 2. can. Secundum canonicam xxi. q. 8. cap. penult. h. t.* Sic vsurpat Cicero in Epistolis: *Ab Atheniensibus locum sepultura intra urbem vt darent, impetrare non potui*: quandoque actus ipse sepeliendi, seu officium, quod sepeliendis corporibus impenditur, *can. Precipiendum xiii. q. 2. c. Non satis inf. De Simonia*, vbi prohibetur venditio sepulturæ. Hinc Cicero in Verrem: *Dico mercedem funeris ac sepultura constitui nefas fuisse.*

Olim nec in Ecclesijs, nec in ciuitate quidem sepulcra fieri permittebantur: sicut enim ait Lex xxi. Tab. *Hominem mortuum in vrbe ne sepelito, neue vrito*, Cicero lib. 2. De Legib. Quod ipsum vetarunt Dioclet. & Maximian. in l. Mortuorum 12. Cod. De religiosis & sumpt. funerum; & Hadrianus, teste Vlpiano in l. 3. D. De sepulcro violato: sed extra opidum more Græcorum mortui sepeliebantur, & si intro ferrentur,

Yyy. id summo

id summo honori concedebatur, ut notat Cicero *pro Flacco*. Videatur hac de re latius Petrus Greg. Tholos. *Syntag. Iuris vniversi lib. 23. cap. 23.*

4 At apud Christianos hodie locus communis sepeliendis corporibus est destinatus, & Cœmeterium appellatur, à Græco verbo κοιμητήριον, quod sopio significat seu dormire facio, quasi Dormitorium, quia mortui in eo dormire dicantur, 1. *ad Thessal. 4. can. Aurum XII. q. 2. can. Vbicumque 26. & can. Qui diuina XIII. q. 2.* donec scilicet in resurrectione generali à Deo excitati euigilent. Et ideo nimia mortuorum lamentatio ex pusillanimitate & desperatione futurę resurrectionis quodammodo prouenit, *d. can. Vbicumque cum seq.*

Sunt autem Cœmeteria per Episcopum ab alijs locis profanis & puris diuidenda ac consecranda iuxtas Ecclesias vel intra confinia earum, *can. Sicut xvii. q. 4.* ad sepeliendos Christianos, *d. can. Aurum XII. q. 2.* Idque iustis de causis; veluti ut mortuorum cadauera minus ab immundis vexentur spiritibus, & mortui Sanctorum illorum commendentur patrocinijs, quorum nomini consecrata est Ecclesia, in qua vel cuius cœmeterio sepulti sunt, *can. Non astimemus XIII. q. 2.* Præterea ut defunctorum proximi, ad loca sacra venientes, suorum, quorum sepulcra contuentur, recordentur, & pro ijs pias Deo preces fundant, *can. Cum gratia XII. q. 2.*

Vnde & sepulcra seu cœmeteria apud illas Ecclesias & Monasteria ex antiquo disposita reperiuntur, in quibus Religiosorum fratrum conuentus sunt constituti, & orationes atque Missarum solemnia tam pro viuis quàm pro defunctis frequentius celebrantur, *c. Fraternitatem 3. h. t.*

§. II. Ius Sepulturæ ad quam Ecclesiam spectet.

1. Sepeliendus quilibet in Ecclesia parœciali.
2. Etiam cum ruri agens, ruralia exercendi causâ, ibidem decesserit.
3. In loco interdicto nemo sepeliendus.
4. De peregrinis, exteris & scholaribus.
5. De Prælati & Religiosis.
6. De Clericis.

¶ **Q**uisque regulariter sepeliendus est in Ecclesia Parœciali, vel cœmeterio eius, in qua recepit aut recipere debuit Sacramenta, & audire diuina, *c. x. c. In nostra io. h. t. c. Is qui eod. in 6.* Quod si quis in vna

in vna Ecclesia audiuerit diuina, in alia perceperit Sacramenta, aut fuerit parœcianus duarum Ecclesiarum, habentium ius sepulturæ (veluti si domicilia duo in diuersis habuerit parœcijs, & in vtroque pariter habitauerit, aut habuerit domicilium partim vnius, partim alterius parœciæ, iuxta *Glos. in c. Cum quis in 3. notab. eod. in 6.*) locus erit præuentioni, arg. *c. Duobus Descriptis in 6. d. Cum quis, & Glos. ibid. diuisa quartâ inter dictas Ecclesias, d. c. Cum quis & ibi Glos.* Alioquin contendentibus de sepultura alicuius sese interponet Episcopus, & definiet, eo inspecto, vbi quis pro maiori tempore habitauit.

Habens domicilium in ciuitate vel castro, seq̃ue ad villam conferens ruralem recreationis aut ruralia exercendi causâ, ibique inopinato interitu, non electâ sepulturâ, decedens, non in Ecclesia parœciali dictæ villæ, sed suâ seu ciuitatis, vel potius in sepulcro maiorum, si alibi habeat, sepeliri debet, dum modò absque periculo ad illud asportari valeat, *c. Is qui h. t. in 6.* quartâ tamen datâ Ecclesiæ rurali, in qua percepit Sacramenta.

Tempore verò interdicti Ecclesiastici, is, quem aliàs in sepulcro maiorum suorum sepeliri oportuit, sepelietur in Ecclesia parœciali, vel Cathedrali, si & ista sit interdicta. Quòd si hæc omnes interdicto subiaceant, in nulla earum sepeliri quis potest, *c. Vt priuilegia sup. De priuilegijs*; sed in Monasterio proximiori. Syluester in *V. Sepultura n. 8.*

Peregrini, si deferri commodè ad sepulcra maiorum possint, in ijs sepeliendi; sin minùs, aut si maiorum sepulcra ignorentur, præuentioni locus erit inter Cathedralē & parœcialem Ecclesiam, nisi Sacramenta perceperint in parœciali, quia tunc tacitè censentur elegisse inibi sepulturam: quemadmodum & aduenæ, qui primùm venerint, animo manendi in eo loco. Idem dicendum est de Scholaribus aut damnatis ad mortem, nisi contraria sit consuetudo: de quæ exteris ac forensibus, habentibus hospitium in ciuitate, cùm in ea Sacramenta percipiant: inò etiam de viatoribus transeuntibus, nec habentibus hospitium. Nam licet hoc casu *Glos.* & nonnulli alij ius sepulturæ asserant vindicentque Cathedrali: verius tamen est, spectare illud ad parœcialem Ecclesiam, præsertim si per presbyterum parœcialem fuerint administrata Sacramenta, Riccius in *Praxi Decis. 659.*

Prælati Regulares sepeliri debent in Ecclesia suæ Prælaturæ, vel, si in duabus Ecclesijs Prælati existant, vbi moriuntur, Archidiac. in *d. c. Cum quis h. t. in 6.* Religiosi verò non peregrini in loco suæ religionis, vel aliàs in Monasterijs sui Ordinis, si illuc commodè transferri possint, aut in parœcia loci, in quo decedunt, *can. 1. xvi. q. 1.*

Denique Clerici in Ecclesia, in qua sunt beneficiati, quia ibi censentur habere domicilium, *c. 3. De tempor. ordinat. in 6.* maximè Præ-

Yyy ij lati, qui

lati, qui habentur pro viris & coniugibus Ecclesiarum, *can. si vir VII. q. 1. c. 2. & 3. sup. De translat. Episcopi.*

§. III. Liberum esse vnicuique eligere locum Se- pulturæ.

1. *Libera cuique electio est sepultura.*
2. *Etiam uxori, inconsulto marito. & filiofamilias.*
3. *Non verò Religiosis.*
4. *In hac electione variare licet.*
5. *Pœna sepelientis alienum paracianum.*
6. *Electio sepultura alteri committi potest.*
7. *Ius funerandi quibus Ecclesijs competat.*

Regula superior, dictans quemque sepeliendum in Ecclesia parochiali, seu eius cœmeterio, in qua recepit aut recipere debuit Sacramenta, & audire diuina, fallit, si ve elegerit alibi sepulturam, aut alibi sepulcra maiorum habeat: liberum enim est cuilibet, quo velit loco, dummodò vel ex iure communi vel ex priuilegio ius funerandi illi competat, sepulturam sibi deligere; *6. r. in V. nulli tamen negamus, & c. Cum super h. tit. c. 2. §. fin. h. tit. in 6.* Sic Christus natus in Bethleem, nutritus in Nazareth, *Matth. 2.* sepultus fuit Ierosolymis in sepulcro Ioseph.

- 2 Adeò autem electio sepulture libera est, vt etiam uxor, inconsulto marito, & filius existens in potestate patris, modò sit pubes, sine patris consensu hanc potestatem sibi vindicet, *cap. De uxore h. tit. & cap. penult. eod. in 6.* quia effectus electionis confertur in tempus, quo mulier soluitur à lege viri, & filius à patriæ potestate. In ijs autem, in quibus attenditur effectus, paria sunt, disponere tempore habili, vel inhabili, modò effectus in tempus habile conferatur, *l. Quod sponsa Cod. De donat. ante nuptias, l. In tempus D. De hered. instituendis.* Et propterea, sicut liberum viro est eligere sepulturam, ita & mulieri, *d. cap. De uxore:* ob eandemque causam etiam seruus sepulturam eligere potest, *Ioan. Andr. in d. cap. De uxore,* quia in spiritualibus cessat patria aut dominica potestas, *cap. 1. infra De coniugio seruorum.*

Filio verò impuberi ob defectum iudicij pater sepulturam eligit, si id ferat loci consuetudo: alioquin ea cessante in sepulcro maiorum

maiorum vel parœciali Ecclesia sepeliendus est, *d. c. penult.* Pubes autem liberè sibi eligit sepulturam, quamvis absque assensu patris pro refrigerio animæ suæ nihil legare possit, extra peculium castrense aut quasi castrense, *d. c. penult.*

Religiosi quoque, cum non habeant velle aut nolle, eligere sibi sepulturam nequeunt, nisi fortè adeò remoti à suis degant monasterijs, ut cum moriuntur ad ea commodè transferri non possint, *cap. ult. h. tit. in 6.*

Similiter nec adiudicati morti per sententiam, Lælius Zechus *De Republica Christiane cap. 28. versic. Secundò fallit*, licet Sacramenta percipere valeant, *Clement. 1. De penit. & remissionib.* Vri nec furiosus, *arg. cap. si sup. De success. ab intestato.*

Cæteroquin adeò libera electio est in cæteris adultis seu pueribus, siue masculis siue fæminis, ut etiam, antiquâ sepulturâ dimissâ, nouam eligere cuilibet liceat, & quidem in loco minùs religioso, veluti in Capella, in qua rariùs, aut semel tantùm in anno celebretur, *cap. 2. §. fin. h. tit. in 6.* modò id malitiosè non fiat.

Quin etiam in hac electione variare quis potest usque ad extremum vitæ spiritum, licet promississet antè se tali loco inhumandum, vel aliam Ecclesiam non electurum, *cap. 1. h. tit. in 6. c. 1. De pallis in 6.* Imò verò districtè inhihetur Clericis ac Religiosis, ne quem inducant ad eligendum apud se sepulturam, vel iam electam ulterius non mutandam: aliterque facta electio nullius firmitatis decernitur, iubeturque defunctus deferri ad eum locum, in quo, cessante tali electione, sepeliendus erat, *d. cap. 1. hoc tit. in 6.*

Quòd si qui alienum parœcianum sepelierint, quem sepelire non debebant, vel quia canonicam portionem suæ ecclesiæ non reliquerit, *c. Fraternitatem h. tit.* vel quia ibi non elegerit aut potuerit sepeliri, *c. In nostra 19. versic. Eisdemq; h. tit.* tenentur illi, quicumque demùm sint, ad restitutionem cadaveris cum omnibus, quæ occasione sepulturæ quomodolibet acceperint, *cap. Ex parte 5. cap. Cum liberum 6. h. tit.* Quam nisi fecerint intra decendium, Ecclesia, in qua sepultus fuerit, simulque cœmeterium eo ipso Ecclesiastico subijcitur interdicto, quousque restitutioni satisfiat, *c. 1. h. tit. in 6. & ibid. Gloss.*

Nec etiam in potestate consanguineorum est, ut defunctum extra parochiam aut maiorum sepulcrum sepeliant: excepto patre, qui pro filio impubere sepulturam eligit, *c. De vxore 7. h. t. & c. Licet eod. in 6.*

* Posset tamen quem sepulturæ suæ electionem alteri committere.

tradit Riccius in *Praxi Decis.* 663. vbi *Decis. seq.* subiicit, electionem sepulturæ probari etiam per testes singulares, & sepulcrum familiæ vel hæreditarium probari ex inspectione litterarum, ipsi sepulcro inscriptarum.

7 Dixi antè, quemlibet sepeliendum in Ecclesia, quæ ius funerandi habeat: nec enim ius illud omnibus Ecclesijs competit, sed tantum habentibus populum seu parœcianos, vel ex priuilegio aliquo, c. *Nimis iniqua* 16. & c. *seq. inf. De excessibus Prælatorum*, c. *Vt priuilegia* 24. *inf. De priuilegijs*. Cuiusmodi priuilegium Prædicatoribus & Minoribus competit, *Clement. Dudum h. t.*

8 An autem hi possint de iure communi processionaliter intrare parochiam, & per se, inuito Pastore, accipere funus, in sua Ecclesia sepeliendum, quæri potest. *Possè* tradit Emanuel Roderic. *Quæst. Canon. & Regular.* tomo 3. & Oldradus *Conf.* 252. Nihilominus nuper consultus in hac causâ contrarium respondi, motus *tex. in can. Ecclesijs* xiii. q. 1. Idque etiam tradit & probat Oldrad. sibi contrarius *Conf.* 82. Latè Rebuff. *Ad Constitutiones Regias De sent. excommunicat. art. 3. Glossa* 1. n. 3. Si quæ verò sit hac in re consuetudo vel pactum, omninò seruari debet.

§. IV. Quinam sepeliendi sint in Sepulcro maiorum?

1. Conceditur etiam laici habere sepulcra in Ecclesijs.
2. Sepulcra alia Familiaria, alia Hæreditaria.
3. Pacisci non licet ut quis solus in loco aliquo habeat sepulturam.
4. Qui veniant nomine Maiorum quoad sepulcra maiorum.
5. Filij apud quos sepeliendi.
6. Vx & vbi sepelienda.

1 **C**Essante dictâ electione, si quis sepulcrum maiorum habeat, in eo sepeliri debet, c. 1. h. t. c. 1. *eadem* 6. Sic Abraham, Isaac & Iacob, in remotis existentes, voluerunt sepeliri in sepulcro maiorum suorum, *Genes.* 25. 49. & 50. Et licet aliquando fuerit prohibitum sepeliri laicos in Ecclesia, *can. Præcipiendum* xiii. q. 2 tamen ex humanitate quadam conceditur ijs, ut etiam in Ecclesia aliqua vel cœmeterio sepulcra maiorum habeant, quæ alioquin ipsis tamquam res spirituales competere nequeunt, nec quoad proprietatem, nec quoad possessionem aut quasi, Abbas in c. *Quanto ad finem sup. De iudicijs*.

Hinc

Hinc iuxta Caium I. C. in l. *Familiaria* §. D. De religiosis & sumpt. fun-
nerum, distingui potest inter Familiaria & Hæreditaria sepulcra, quòd
Familiaria sint, quæ quis sibi familiæque suæ constituit: quorum ius
non transit ad cognatos vel affines, si non instituantur hæredes, l. *ius*
familiarium Cod. De relig. & sumptib. funer. hæredibus tamen, quamquam
extraneis, competit, l. *is consequenter* §. 1. D. *Familia herciscunda* l. *ius*
sepulcri 13. Cod. d. tit. Hæreditarium verò, quòd quis sibi hæredibus-
que suis constituit, vel, vt Vlpian. ait in l. 6. D. *De religiosis &c.* quòd
paterfamilias iure hæreditario acquisiuit.

Non potest tamen iniri pactum, vt in sacello aliquo præter posteros;
fundatoris nulli alij sepeliantur. Quin tali pacto, tamquam turpi, non
obstante, poterit Prælatus urgente necessitate, veluti si locus alius ad
sepeliendum non sit, alios inibi sepelire, Archidiac. in can. *Præcipimus*
xii q. 1. Lud. Rom. *Singul.* 189. Cessante verò necessitate, vel iustâ
caussa, non debet Prælatus seu Rector Ecclesiæ electam vel propriam
alicuius sepulturam eo iniuto alteri concedere, Bart. in l. 2. §. 1. D. *De*
operib. publ. l. 2. & l. *Si plures* D. *De relig. & sumptib. fun.* At deficiente
familiâ concedi ea alijs potest, Zechus *De Republ. Christiana* cap. 28. n.
16. dummodò insignia primi fundatoris non auferantur à sepulcro, vt
ex alijs docet Zech. d. loco.

Cæterùm Maiores dicuntur pater, auus, & alij superiores, l. *Iuriscon-*
sultus 10. §. *parentes* 7. D. *De gradibus*, l. *Quæcumque* §. *parentes* D. *De in*
ius vocando. Hic verò Maior propriè dicitur pater & auus, eò quòd
vniò sepulturæ procedat ex affectione, quæ inter viuos fuit, quæque
maior esse solet inter filium & patrem, nepotem & anum, quàm inter
alios superiores, Oldrad. *Conf.* 25. Ideoque si pater & auus sint sepulcri
in vno loco, proauus & tritauus in alio, sepelietur filius cum patre &
auo: sin pater in vno loco sepultus sit, auus & alij maiores in alio, se-
pelietur cum auo, Zech. d. loco.

Frater autè & soror in eodem sepulcro sepeliendi sunt, can. *Vnaqueque*,
xiii q. 2. * Filij verò naturales in sepulcro patris, nisi is fuerit in
dignitate constitutus, arg. l. *Ex facto* §. *si quis* 4. D. *Ad S.C. Trebell.* Spuriij
& legitimati à Principe sepeliuntur cum matre, nisi ea illustris fuerit,
l. 1. D. *Ad municipalem*; aut aliud petierit pater. Legitimi verò & natu-
rales cum patre, licet hæredes eius non existant, can. *Ebron* xiii q. 2.
Oldrad. d. *Conf.* 25. & 257.

Quantum ad uxorem attinet, si sepulturam non elegerit, sepelien-
da est in sepulcro viri, d. can. *Vnaqueque* xiii q. 2. vt quos coniunxit
vnum coniugium, quorumque mens vna fuit in vita, coniungat &
sepulcrum, d. can. *Ebron* & d. can. *Vnaqueque*. nisi à viro separata aut
vir ipse excommunicatus fuerit. Quòd si plures habuerit viros, nec
elegerit.

elegerit sepulturam, cum ultimo, cuius domicilium retinet & honorem, tumulanda est, *c. Is qui b. t. in 6.* licet vidua facta transtulerit se ad domum patris vel alium locum. Si verò decedat ante virum, statur consuetudini, vel sepelietur in sepulcro maiorum mariti sui, si is declaret se velle ibi sepeliri, vel in alio loco, quem sibi elegerit pro sepultura. Si non constet, ubi velit sepeliri, sepelietur in sepulcro maiorum suorum, Abbas in *c. De vxore circa finem b. t.* ubi dubitat, an vir, non electa sepulturâ, sepeliendus sit in sepulcro vxoris.

§. V. De portione Canonica parœciali Ecclesiæ debita.

1. *Portio Canonica ex quibus bonis detrahenda.*
2. *Quantitas illius.*
3. *Privilegiati an & quatenus exempti à Canonica portione.*
4. *Ex quibus non debeat dicta portio.*

SI quis sepeliatur extra Ecclesiam suam parœciale, siue propter electionem sepulturæ alibi, siue ob sepulcrum maiorum, debetur ab Ecclesia sepulturæ, etiam exempta, Ecclesiæ parœciali, in qua percepit Sacramenta, & audiuit diuina, vel percipere atque audire debuit, pro labore & cura animarum, quam Curatus gessit, portio, ut vocant, Canonica, *c. Requisisti sup. De testamentis c. Relatum 2. & ibi Innocent. c. Cum super 8. c. In nostra 10. h. t. c. Cum quis eod. in 6.* Detrahiturque hæc portio ex ijs, quæ defunctus, in legitima ætate constitutus, pro salute animæ & ratione sepulturæ reliquerit Ecclesiæ, in qua sepulturam elegit. Sed etsi quis, in ægritudine constitutus, se suæque monasterio offerat, debetur portio Canonica Ecclesiæ parœciali, dummodò ex ægritudine illa decesserit: secus si in sanitate, *c. De his 7. h. t.*

- 2 Hæc autem portio quandoque est quarta, ut in *d. c. Cum super 8. h. t.* quandoque tertia, ut in *c. 1.* quandoque media, ut in *d. c. Relatum 2.* quandoque minor; ideoque in eius quantitate definienda loci cuiusque spectanda est consuetudo, *c. Certificari 9. & ibid. DD. h. t.* Notatque Abbas, sufficere consuetudinem decem annorum, quia non sit contra ius, sed præter ius; maximeque attendi hic debent statuta & concordata, si quæ sint, *c. ult. De pactis in 6.* Et hinc Conc. Trid. sess. 25. cap. 13. decernit, ut quibuscumque in locis iam ante annos quadraginta, quarta, quæ funeralium dicitur, Cathedrali aut parochiali Ecclesiæ solita fuerit persolui, eadem integro iure & eadē portione, ut antè, eidem Ecclesiæ

Ecclesiæ persoluantur, non obstantibus concessionibus, gratijs, priuilegijs, etiam Mari magno nūcupatis, aut alijs quibuscumque.

Estque hæc mens Pontificum, huiusmodi priuilegia concedendum, vt ijs priuilegia ciuilitè & vrbane vtantur, vt scribit Zyp. *h. tit. n. 7.* Vnde quamuis à Pio V. & antè à Iulio III. & alijs, quorum meminit Choppin. *Monast. lib. 2. tit. 1. n. 3.* per specialia priuilegia Prædicatores, Minores, & cæteri Mendicantes Ordines, exempti videantur à quarta funeralium, quam antè de iure soluere tenebantur, *iuxta d. c. In nostra 10. h. t. & Clement. Dudum versic. Verùm eod. tit.* vbi iubentur soluere quartam parœcialibus Ecclesijs tam de obventionibus quàm funeralibus (id est ijs, quæ cum funere deferuntur) quibuscumque, & quomodocumque relictis, distinctè vel indistinctè, ad quoscumque certos vel determinatos vsus, etiam de quibus Canonica portio ab alijs Ecclesijs dari vel exigi non consuevit, vel non debet de iure, prout latius in *d. Clemen. Dudum Glos. ibid. ad V. funeralibus*: vbi ostendit per *d. Clement. corrigi cap. 2. in Extrauag. communib. h. t.* secundum cuius dispositionem etiam candelas sibi ex integro retinebant: tamen idem Pius V. Pont. declarauit mentem suam fuisse hanc, inuitandi scil. Parochos, vt quoties eorum parochiani in Ecclesijs Mendicantium sepeliuntur, ipsi quoque præsentés intersint, ac propterea quartam partem consequantur omnium, quæ ab hæredibus defunctorum pro funeralibus dantur. Officia tamen mortuorum, & alia munia, quæ in huiusmodi monasterijs adhiberi solent, non à Canonicis, Parochis, aut Clero, sed ab ipsis fratribus peragi debent. Mar. Antonius Genuen. *in Praxi Neapol. cap. 62.*

Cæterum Canonica hæc portio non debetur nec detrahitur ex ijs, quæ relictæ sunt alijs Ecclesijs seu pijs locis, quàm vbi quis sepelitur, Glossa & Abbas in *c. 1. in d. c. Cum super in c. Certificari 9. h. t.* Nec item ex legatis pro ornamentis, pro fabrica, luminaribus, anniuersario, septimo, vicesimo aut tricesimo die, siue alijs, ad perpetuum cultum diuinum relictis, modò non subsit fraus aliqua, nec iure suo priuetur Episcopus vel Parochus, *c. fin. sup. De testamentis c. Ex parte vestra 31. inf. De verb. significat.* Nec item ex donatis Ecclesiæ inter viuos, Hostien. in *d. c. 1. h. t.* Non de equis & armis, quæ indulta sunt militibus Ierosolymitanis seu Hospitalarijs, in subsidium terræ sanctæ, *c. In nostra h. t.* Non de relictis pro incertis malè ablati. Videatur plenius de his tractans Lælius Zechius *De Repub. Christiana cap. 18. n. 18.*

§. VI. De Canonica portione Episcopali.

1. Canonica Episcopalis portio quanta.
2. Quatenus detrahere eam possit Episcopus.
3. Ex eo, quod Episcopo relictum est, quatenus Ecclesia debeatur sua portio.
4. Non detrahitur portio Episcopalis ex relictis pauperibus in genera.
5. Non ex relictis pro restauratione & adificatione Ecclesia.
6. Non ex relictis pro ornamentis, luminaribus &c.
7. Non ex legato pro maritandis virginibus.
8. Non ex legato, quod sit Regularibus.
9. Non fit detractio, nisi deductis oneribus.
10. Consuetudine introduci potest, ne quarta Episcopo debeatur.

Reperitur & alia portio Canonica in iure Pontificio, quæ dicitur Episcopalis, quia Episcopo debetur, pro cura, quam in suam dioecesim impendit, ex relictis alicui Ecclesiae, c. Conquerente in V. mortuario um sup. De officio Ordinarij, c. Officij cum se 1. sup. De testamentis. * Et hæc quoque nunc est quarta, nunc tertia pars, c. Requisisti sup. De testamentis, can. Vobis, can. Concesso, can. Vulcaniana XII. q. 2. d. c. Conquerente: quandoque media, can. Antiquos X. q. 1. c. 2. b. t.

2 Hanc autem portionem detrahere potest Episcopus, licet testator seu defunctus expresserit, quod non velit aliquid Episcopo relictum, sed Ecclesiae, quia priuata testatoris dispositio generalem Canonis constitutionem immutare nequit, d. c. Requisisti vers. secus autem.

3 Quemadmodum verò Episcopo competit sua portio, si quid Ecclesiae relinquatur, ita si quid Episcopo relictum fuerit, ex eo Ecclesia parochialis suam Canonica detrahit portionem, nisi expresserit testator, quod velit illud esse Episcopo tantum, aut præsumatur relictum Episcopo intuitu personæ, & non Ecclesiae; veluti quia à coniuncto ac propinquo relictum ei sit, d. c. Requisisti vers. Si verò relinquatur. Aliàs quando relinquitur aliquid Episcopo intuitu Ecclesiae, veluti ab extraneo, tunc ex eo portionem habebit Ecclesia parochialis. Quòd si coniunctim Episcopo & Ecclesiae Cathedrali legetur aliquid, de eo inter ipsos Canonica est diuisio facienda: quemadmodum & si istud Episcopo, & illud Ecclesiae relictum sit; nisi stare malint voluntari & dispositioni testatoris, d. c. Requisisti vers. Si verò istud, aut testator iusserit Episcopum

Episcopum sibi relicto contentum esse, *d. c. Officij*. Cum Ecclesijs verò inferioribus Episcopus non diuidit sibi relictum, quia non est illi tanta communio cum talibus Ecclesijs, sicut cum Cathedrali: quartam tamen ex ijs, quæ hisce Ecclesijs relinquuntur, rectè detrahit, *d. c. Requisisti §. Secus autem*: vbi de hac re plenius videre licet, vt & in Decisione Rotæ Romanæ, quam refert Piasec. 2.7. cap. 5. artic. 4. n. 40. Vbi in primis dicitur regulare esse, * quodd de ijs, quæ 4 relinquuntur pauperibus in genere, nulla debeat quarta. Cuius ratio est, quia quando relinquitur aliquid pauperibus in genere, illud relinquitur personis, non autem pijs locis: de relictis verò personis non detrahitur quarta Episcopalis, *c. Ex parte 31. De verb. significat.* Nisi relictum esset pauperibus certi loci, quia legatum tunc videtur factum intuitu pijs loci & ipsi loco.

In eadem Decisione resoluitur de relictis pro restauratione Ecclesiæ matricis, ædificatione & reparatione Ecclesiarum, Monasteriorum, Hospitalium, & aliorum piorum locorum, non deberi quartam, *per text. in c. ult. ibi, seu fabrica sup. De testam. & in d. c. Ex parte, ibi, vel ad fabricam.* 5

An verò si de præsentī Ecclesiā non indigeat restauratione, debeat hoc casu quarta, dubitatum fuit. Et alijs negantibus, alijs affirmantibus, in eadem Decis. resolutum fuit, attendendam esse formam legati: v. g. si testator velit statim vel in singulos annos aliquid solui pro restauratione Ecclesiæ, quæ reparatione non indigeat, vt tunc debeat quarta: non si pro restauratione Ecclesiæ ita legauerit, quoties ea indigebit. * Et ita quoque dicendum de relictis pro subuentione luminarium, ornamentorum, & aliorum, ad cultum diuinum pertinentium, ex ijs non debeti quartam, *d. c. fin.* nisi vsus esset indeterminatus, & non destinatus cultui diuino, *d. c. Ex parte & d. c. Requisisti.* 6

An autem debeat ex relictis pro alijs pijs operibus in genere, pendet, inquit eadem Decisio, à futuro euentu: quia si executores distribuerint legatum in fabricam, luminaria, ornamenta Ecclesiæ, vel in concernentia diuinum cultum, non detrahitur quarta, *d. c. fin. & d. c. Ex parte*: secus si in piorum locorum vsum non priuilegiatum.

Sed neque detrahitur ex legato relicto pro maritandis anno quolibet duabus puellis, vel pro vna puella consanguinea: quia vel sunt pauperes, & constat non debeti quartam, cum legatum sit factum personæ, & non loco; vel non sunt pauperes, & tunc quoque non debetur, cum ob eandem rationem, tum quia tale legatum non dicitur pium. 7

Non deducitur quoque ex legatis, quæ sunt Regularibus, *Extrahag.* 8

1. *b. t. in communib.* De bonis verò relictis à Clerico intestato permittitur Episcopo retinere quartam, vbi talis est consuetudo, *arg. c. vlt. De officio Ordinarij in 6. c. Sancto, iuncta Glos. in V. morientium sup. De success. ab intestato.*

Sed & de bonis laicorum, ab intestato decedentium, potest Episcopus deducere quartam, distribuendam in pios vsus, vbi consuetudo talis viget, vt de consuetudine regni Neapolitani testatur Genuens. *in Praxi cap. 66. vbi refert responsum sacre Congregat. super tali dubio, & ex co Piasec. d. cap. 5. art. 4. n. 42.*

9 Deducenda autem hæc quarta est, deductis prius oneribus, id est, solutis debitis, si quæ sint, & impensis in pompam funebrem factis, ceterisque, quæ fuerint necessaria pro seruitoribus & ministris, *d. c. vlt. §. porro De officio Ordinarij in 6. Piasec. d. loco n. 42. in fine.*

10 Potest deniq; consuetudine siue præscriptione legitimâ induci, ne quarta Episcopo debeat, *c. De quarta sup. De præscript.* Consuetudo tamen, ne Ecclesia parochialis aliquid capiat nomine quartæ, est irrationabilis, secundum Piasec. *d. loco n. 40. in fine ex Hostien. in Summa b. t. n. 8.*

§. VII. Quibus deneganda sit sepultura.

1. *Sepultura fauorabilis, nec facile deneganda.*
2. *Denegatur omnibus excommunicatis, vt hæreticis, vsurariis &c.*
3. *Item Monachis proprietarijs.*
4. *Quosque in peccato mortali sine contritione decessisse constiterit.*
5. *In loco interdicto nemo sepeliendus.*
6. *Pœna contrauenientium huic legi.*

1 **Q**uamquam ab Ecclesiastica sepultura nemo arcendus videatur, iuxta illud *Eccles. 7. Mortuo non prohibeas gratiam, sciens quoniam omnes moriemur*, vt habetur in *can. In Ecclesiastico 4. xlii. q. 2.* tantaque fuerit cura apud Romanos in sepeliendis corporibus, vt hæreditate indignum iudicarent eum, qui defunctum debitè non sepeliisset, *l. Hereditas D. De hered. petit. l. Milites Cod. eod. ** tamen ex Iuris dispositione nonnullis iustè denegatur, imò planè interdicatur Ecclesiastica sepultura: veluti paganis, *can. Ecclesiam 26. cum seq. De consecrat. Distinct. 1. Iudæis, hæreticis, etiam post mortem damnatis, eorumque fautoribus & receptatoribus, can. Sanè xxiv q. 2. c. 2. De hæret.*
in 6.

in 6. c. *Excommunicamus* §. *credentes inf.* De heret. ceterisque excommunicatis, quia quibuscum non communicamus viventibus, cum eis nec mortuis communicare debemus, c. *Ex parte*, c. *Sacris h. t.* Clement. 1. eod. c. *Ad hac inf.* De priuilegijs: veluti vsurarijs publicis, nisi pœnituerint, & cauerint de restitutione facienda, c. *Quia in omnibus inf.* De vsuru, c. *Quamquam eod. tit. in 6.* Clement. 1. eod. tit.

Insuper denegatur sepultura ijs, qui sibi ex proposito & sponte manus mortemque intulerint, can. *Placuit* xxiii. q. 5. can. *Quibus* xiii. q. 2. secus si casu aut fatuitate, can. *De occidendis* xviii. q. 5. In duello item interfectis, Conc. Trid. Sess. 25. cap. 19. De reform. at. c. 1. inf. De *torneamentis*. Item blasphemis impœnitentibus, c. *Statuimus inf.* De maledictis: Raptoribus, non satisfaciuntibus, c. 2. inf. De raptorib. Furibus & latronibus, in flagranti crimine occisis: secus, si comprehensi aut vulnerati, & confessi presbytero fuerint, can. *Fures & latrones* xiii. q. 2. c. 2. inf. De *furtis*. * Monachis, qui in extremis cum peculio & habere propriū 3 inuenti fuerint, c. *Monachi* 2. c. *Super quodam* 4. c. *Cum ad monasterium* §. *quod si proprietates inf.* De statu Monachorum. Nominatim interdictis, Clement. 1. De *sepult.* Tutorem testamento constituentibus presbyterum, can. *ult. Distinct.* 88. Ad hæc nec semel in anno peccata sua ritè confessis, quiq̃ue ad minus in Paschate Eucharistiæ Sacramentum non sumplerint, c. *Omni vtriusque inf.* De pœnit. & remiss. Exenteratis item seu quorum ossa nudata & separata sunt à carne, aliò transferenda, c. 1. De *sepult.* in *Extravag. communib.* Ultimo etiam supplicio damnatis, si moriantur impœnitentes, aliàs sepeliuntur, can. *Quæstum* xiii. q. 2. l. 1. & fin. D. De *cadaueribus punitorum*: accedente tamen Principis aut Iudicis auctoritate, qui subinde iubet ad exemplum aliorum cadauera eorum in loco supplicij remanere, l. 2. D. d. tit.

Denique ijs omnibus, quos in grauioribus peccatis impœnitentes 4 decessisse constiterit, can. *Quibus* can. *Pro obeuntibus* xiii. q. 2. nisi signa contritionis dederint; ad quod probandum sufficere vnum testem notat Zech. De Rep. Christiana cap. 28. n. 26.

Sed & tempore interdicti generalis omnibus in eo loco denega- 5 tur sepultura. Exceptis Clericis, qui si seruarint interdictum, sine campanarum pulsatione ac cessantibus solemnitatibus omnibus cum silentio sepeliri in cœmeterio possunt, c. *Quod in te* 11. inf. De pœnit. & remiss. Similiter si Ecclesia vel cœmeteriū subiaceat interdicto, nemo inibi sepeliri potest.

Quod si de facto sepeliantur, qui de iure prohibentur, Ecclesia vel cœmeterium polluitur, reconciliariq̃; debet, priusquam alij Christiani ibi inhumentur, c. *Consuluisi inf.* De consecrat. Ecclesie, & ossa eorum, si discerni queant, exhumari, c. *Sacris* 12. h. t.

- 6 Qui verò huiusmodi personas, sepeliri prohibitas, contemptis Ecclesiarum clauibus, aut interdicti tempore in Ecclesia aut cœmeterio sepelire ausus fuerit, ipso facto excommunicationis sententiam incurrit, à qua non prius absolui potest, quàm ad arbitrium diœcesani Episcopi, eis, quibus iniuria irrogata est, satisfactionem competentem exhibuerit, nullo exemptionis aut alio priuilegio illi suffragante, *Clement. 1. h. t.*

Hæc tamē intelligenda sunt de ijs, qui impœnitentes decesserint, nec in articulo mortis reconciliati Ecclesiarum fuerint: nam si quis, dum in extremis ageret, legitimè absolutus fuerit, ei cœmeterium, aliaque Ecclesiarum suffragia minimè deneganda sunt, *d. c. Sacris h. t.* Et si tales damnum aliquid alijs intulerint, non obstante absolutione, hæredes eorum & propinqui, ad quos bona deuenerint, ad restitutionem damni illati conueniri compelli que per censuras Ecclesiasticas poterunt, *d. c. Sacris & c. In litteris 5. inf. De raptoribus.*

In eo verò, quem casus inopinatus oppressit, hanc regulam sequimur, vt cui communicabamus viuenti, etiam defuncto communicemus, *c. Ex parte 11. h. t.* nisi constiterit in peccato mortali cum improba & impœnitenti conscientia è vita migrasse, *Glos. & Panormit. ad d. c. Ex parte per text. in can. Non astimemus, can. Pro obeuntibus XIII. q. 2.*

§. VIII. An pro sepultura aliquid exigi possit.

1. Terram semel consecratam pro sepultura vendi non posse.
2. Quatenus consuetudo toleret pro sepultura exigere aliquid.
3. Vt & pro licentia sepeliendi quem alibi.

- T**amet si quis terram, profanam adhuc & puram, seu nondum consecratam, sanctam aut religiosam factam (per inhumationem scilicet alicuius corporis humani, *l. Purus Cod. De religiof. & sumptibus funerum*) possit pro sepultura emere, *can. Aurum XI. q. 2.* * tamen terram semel religiosam factam, seu cultui diuino dicatam auctoritate Episcopi, pro sepultura vendere & emere absque Simoniarum labe non licet: neque pro exequijs aut sepultura aliquid exigere, etiam prætextu alicuius consuetudinis, *c. Abolenda 13. h. t. c. Suam nobis & c. Audiuimus c. Non satis c. Ad Apostolicam inf. De Simonia can. Quæstia can. In Ecclesiastico can. Pracipiendum can. Postquam pretio XIII. q. 2.*

- 2 Quod tamen intelligendum est de consuetudine, proueniente ex coacta

coacta solutione : aliud enim dicendum de ea, quæ introducta fuit ex pia & laudabili deuotione fidelium ; nam illa seruanda est, & populus ad illius obseruationem cogi potest, si non iure actionis, saltem officio Iudicis, c. *Ex parte* 18. inf. *De censibus*, latè Riccius in *Praxi Decis.* 665. n. 4. Quare si sepeliendus aliquid Ecclesiæ, in qua vel cuius cœmeterio sepulturam elegit, viuens tradi iusserit, aut post mortem parentes proximi vel hæredes pro luminaribus vel eleemosyna vltro dare voluerint, spontè oblatum accipi poterit, non etiam exigi, ne aut venalis dicatur Ecclesia, aut Clerici de hominum morte gaudere videantur, si ex eorum cadaueribus studeant quærere quolibet modo compendium ; nisi, vt dictum est, pia & laudabilis consuetudo aliud dictauerit, d. c. *Ad Apostolicam*. Hæc enim in recipiendis muneribus circa spiritualia inspici debet, can. *Agarbo Distinct.* 63. can. *Conquestus* 1 x. q. 3.

An autem pro concedenda licentia sepeliendi alibi eum, qui sepulturam non elegerit, aliquid exigi iure possit, quærit Riccius in *Praxi Decis.* 665. Et refert posse, itaque fuisse resolutum à Curia Romana, quia talis licentia peti soleat causâ consequendi honorabiliorem locum in alia Ecclesiâ ; ideoq; propter eiusmodi præminentiam posse honorem illum pretio æstimari & vendi : cum hoc casu non vendatur sepultura, quæ gratis præstanda est defunctis. Videatur fusiùs Pet. Greg. Tholosan. *Partit. Iuris Canon. lib. 1. Tit. 15. cap. 5. Zech. De Repub. Christiana cap. 28. n. 19. vers. Caucant etiam.*

§. IX. De violantibus sepulcra & poenis eorum.

1. Duplex in violatores est pœna, Ciuilis & Criminalis.
2. Quibus modis sepulcrum violetur.
3. Arma & insignia à sepulcris amoueri non posse.

Sepulcrorum violatores & ciuilitè & criminaliter puniuntur, l. 3. & l. *De sepulcro* D. *De sepulcro violato*. Ciuilis pœna est pecuniaria, soluenda ijs, quorum interest, vel denuntiantibus ; estq; centum aureorum, d. l. 3. §. 1. & §. *si quis in sepulcro* & d. l. *De sepulcro*, & quanti interest, l. *Liberum* D. *De religiosis & sumpt. funerum*. Criminalis est modò mulcta, modò capitalis.

Violatur autem Sepulcrum varijs modis : vt si quis in sepulcrum alterius, eo inuito, cadauer inferat : si dolo malo quis in eo habiter, aut ædificium, aliudve, quod causâ sepulcri factum non est, habeat : si

ossa

ossa aliò transferat, non petitâ licentiâ à Pontifice, olim Principe, vel etiam à Magistratu, si causâ rationabilis transferendi occurreret. Quod obtinet, quando cadauer ibi sepultum est eo animo, vt perpetuò illic maneat: alioquin si eo animo, vt postea aliò transferatur, licebit illud transferre sine licentia, nec sepultura temporalis locum religiosum facit. Item si quis sepulcrum demoliatur: & si seruus id fecerit, iubente domino, pœna est metallum; si adsq̃ue iussu, relegatio.

Actio etiam de sepulcro violato infamiam irrogat, prout hæc latius deducit & probat, aliaq̃ue eodem spectantia tradit Tholosan. Syntag. Iuris vniuersilib. 33. cap. 23. à n. 11.

An autem affixio armorum in proprijs sepulturis prohiberi possit, querit Riccius in *Praxi Decis.* 667. & resoluit non posse: subiungens, contra amouentes arma atque insignia ex sepulturis dari actionem iniuriarum.

TITVLVS XXIX.

De Parœcijs & Parœcianis.

§. I. Quæ dicatur Ecclesia Parochialis, & vnde.

1. Ecclesiarum varia diuisiones & differentia.
2. Curata Ecclesia quæ sit.
3. Quæ Parochialis.
4. 5. Parochus & Parochia, item Parœcus & Parœcia vnde dicantur.
6. 7. Ratio instituendarum Ecclesiarum parochialium.
8. Substantialia Ecclesia Parochialis.
9. Parœchia distincta esse debent.
10. Item dotata pro decente sustentatione: & ratio dotandi.
11. Vnus dumtaxat præficiendus Ecclesia.
12. Parochianus seu Parœcianus quis censeatur.

O Missis Ecclesiarum varijs diuisionibus, differentijs, nominibus, pro varia ratione dignitatis, loci, formæ viuendi, & similium (vt quòd alia dicatur Romana, alia Primatialis, Patriarchalis, Archiepiscopalis, Episcopalis seu Cathedralis, à Cathedra seu sede Episcopi: alia Collegiata, eaq̃ue vel Regularis vel Sz-

vel Sæcularis, alia non Collegiata: rursus alia Curata, alia Parochialis, alia Matrix, quæ subinde dicitur Parochialis Ecclesia, cui alia adiungitur in subsidium, ut in *c. Ad audientiam inf. De Ecclef. adificandis* 6. *Ex transmissa sup. De præscript.* subinde verò eo nomine appellatur Cathedralis Ecclesia, ut in *c. Venerabili inf. De verbor. significat.* estque principalis, primaria ac maior cæteris in loco aliquo, *Clement. 1. De sent. excommunicat.*) breuiter hîc dicendum de Parochiali, eò quòd superiori titulo tractatum sit de quodam eius iure, quod consistit in fune-
rando, dubitarique posset generaliter de alijs ipsius iuribus.

Notandum verò Curatam Ecclesiam subinde sumi, ut à Parochiali distinguitur, & tum ea dicitur Curata, quæ habet curam animarum tam interiorem, quàm exterioriorem, id est, tam in foro pœnitentia-
li, quàm contentioso, *Innocent. in c. Dudum sup. De elect.* Et ideo Ecclesie Curatæ hoc modo sumptæ Præfectus potest excommunicare, suspen-
dere, interdicere, visitare, inquirere, facinorosos capere, & in carco-
rem mittere, aliaque huiusmodi, quæ ad morum correctionem spe-
ctant, exercere, *d. c. Dudum versic. Sed cum in iure, vbi Glos.* Et si sit Re-
gularis, Monachos; sin Sæcularis, Clericos alios sibi subiectos habet.

Parochialis autem Ecclesia dicitur ea, quæ habet curam animarum interiorem seu in foro pœnitentia-
li, non autem exterioriorem seu in foro contentioso: & quidem sine aliqua prærogatiua vel prælacione; aliàs diceretur Dignitas vel Personatus.

Originem trahit à Græca voce vel *παροχή*, quasi à præbendo, 3
vel *παροχία*, quasi à vicinia seu accolaru. Siquidem nonnulli, ut
Budæus in Annotat. post. ad l. fin. D. De muner. & honoribus, volunt Pa-
rochum dici, quasi *Paræcum* seu habitatorem, à Græco *παροικῆν*.
Incola enim, inquit *Pomponius in l. Pupillus D. De verb. signific. est*, qui in
aliquam regionem domicilium suum contulit, quem Græci *παροχον*,
id est, iuxta habitantem vocant. Ut Parochia dicatur, quasi vicinia &
Parochiani quasi vicini & incolæ, seu habitatores eiusdem viciniae sa-
cræ, & Parochus, quasi præcipuus in eiusmodi sacra vicinia, seu in spi-
ritualibus præpositus.

Alij verò existimant Parochum dictum à *πρεβν*, id est Præ- 4
bendo. Dicebantur enim apud Ethnicos Parochi, qui Legatis publicè
Romam missis, & alijs alicuius dignitatis hospitibus, salem & ligna
cæteraque necessaria præbebant, ut notauit *Acron ad illud Horatii*
lib. 1. Verm. Sat. 5.

Et parochi, qua debent, ligna, salemq.

Hinc igitur à præbendo seu subministrando Parochum apud Chri-
stianos dici alij malunt, eò quòd commissæ sibi plebi, seu populo sa-

crum diuini Verbi & Sacramentorum pabulum ad pascendas animas præbeant & subministrent.

- 6 Cum enim augeretur Romæ populus Christianus, distribuit Euaristus I. Pont. teste Platina *in eius vita*, Sacerdotes per singulas Urbis curias, qui præberent Sacramenta & alia sacra populo, & vicissim ab illo necessaria ad victum acciperent; indeque partes illas Urbis sic distributæ dictæ sunt Parochiæ, & subditi Parochi.

- 7 Deinceps circa an. Domini 266. Dionysius Pont. similem procurauit distributionem Parochiarum per vniuersum orbem, Curionibus seu Parochis, pro necessarijs ad vitam, assignatis decimis, quæ intra terminos Parochiæ cuiusque continerentur, *can. 1. can. Ecclesiæ xiii. quest. 1. can. 1. Distinct. 90. can. Episcopi Distinct. 80. c. Pastoralis sup. De his, quæ sunt à Prelato &c.* Petrus Greg. Tholos. *Syntag. Iuris Vniuersilib. 16. cap. 8 num. 33.* Idque ne quis alterius parochiæ fines aut ius inuaderet, sed quisque curam Ecclesiæque haberet sibi legitimè assignatam.

Vnde Abbas vult Parochiam dici, quasi partitionem curæ, quia cuilibet presbytero parochiali, detur certa pars ciuitatis vel diocesis per eum curanda: qui inde & Curatus appellatur, & subinde Curio à Curia, id est, regione urbis, cui præponitur in sacris, vt apud Varonem *lib. 4. De lingua Latina*. Erant enim Romæ Curiones olim Curiarum sacerdotes, qui in Curijs diuina curabant, & ex lege Romuli Curiarum suffragio creabantur. Dionys. *Halicar. lib. 2. Antiq. Roman.*

- 8 Licet igitur Parochia subinde accipiatur pro tota dioecesi, *can. Si quis ordinandus cum duobus seqq. Distinct. 92. can. Licet in regulis xvi. q. 4.* hinc tamen sumitur pro certa alicuius dioecesis Ecclesia, quæ habet populum, certis limitibus distinctum, cum potestate fori pœnitentialis, id est ligandi & soluendi, subditis Sacramenta administrandi, idque ex necessitate oneris Ecclesiæ imposita: hæc enim omnia simul requiruntur, vt Ecclesia dicatur & sit Parochialis, prout latius tradit Gonzales. *ad Reg. viii Cancell. Glos. 6 à n. 34.* Choquier *in Scholijs ad Preces Imperiales primarias sect. 2. in verbis, Cum cura.* Ideoque licet Ecclesia aliqua habeat fontem baptismalem atque etiam ius sepulture, ex consuetudine vel auctoritate Superioris Antistitis, non tamen dicitur Parochialis, nisi habeat populum certis finibus distinctum: quem si olim habuerit, & nunc non habeat, vel ob bellorum calamitatem, vel pestem seuientem, vel loci inundationem, dicitur Parochialis habitu, non actu, donec populus redierit. Hinc etiam licet Minoribus ac Prædicatoribus ex priuilegio competat audire confessiones, non tamen Curati dicuntur. Aliquando etiam sumitur pro loco ipso, in quo

In quo huiusmodi populus, Ecclesiae deputatus, degit: ut cum dicimus, hunc vel illum habitare in hac vel illa parochia.

Debent autem Parochiae esse distinctae, ne ordo Ecclesiasticus confundatur, neve una & eadem Ecclesia duarum quodammodo fiat dioecesis, cum graui incommodo subditorum. Et ideo quoque non debet parochia vnus dioecesis quacumque de causa alterius dioecesis beneficio, aut Monasterio seu Collegio, vel loco etiam pio perpetuò vniri, Conc. Trident. Sess. 14. cap. 9. De reformat.

Fines verò Parochiae & distinctio populi probantur per testes, deponentes, quòd à tempore immemoriali tales fines fuerint obseruari. Et vbi de finibus, & his, quae finibus cohaerent, constat, nequeunt praescribi, c. Super eo 3. hoc tit. d. can. Licet in regulis. Si verò Ecclesia Parochialis certos & proprios non habeat fines, nec eius Rector proprium populum, quem regat, sed promiscuè petentibus Sacramenta administret, mandat Synodus Trid. Sess. 24. cap. 13. De reformat. Episcopis, ut distincto populo in certas propriasque parochias, unicuique suum perpetuum, peculiaremque Parochum assignet.

Insuper requiritur ad parochialem Ecclesiam, ut sit fundata auctoritate Episcopi, qui fines designet, plebem constituat, & Parochialem nominet, can. Nullus omnino xvi. q. 7. Conc. Trid. d. loco.

Praeterea competenter dotari debet, cap. 1. De praebendis in 6. c. Quisquis sup. De vita & honest. Clericorum, habità scilicet ratione qualitatis, loci, personarum, & temporis. Si verò adeò tennes sint redditus, ut debitis oneribus nequeant sufficere, prouidebit Episcopus per vnionem beneficiorum simplicium, vel etiam curam habentium, quae tamen regularia non sint, & sine obtinentis praedictio, Concil. Trid. Sess. 21. cap. 5. De reformat. & d. Sess. 24. cap. 13.

Quòd si id fieri nequeat, prouidebit per adsignationem primitiarum, ad quas populum posse cogi certis casibus, dicam postea, aut decimarum, etiam infeudatarum, secundum Choppin. De sacra Polit. lib. 3. tit. 4. n. 19. 21. & 22. Rebuff. Tract. De decimis. q. 5. (quamquam secus statuit edictum ad Synodum Cameracensem anni 1586. art. 12. & Mechliniensem art. 15. & 16.) vel per Parochianorum symbola & collectas, aut quā aliā commodiori ratione, quā necessitati Rectoris aut Parochiae decenter succurratur.

Poterit etiam vnire duas Parochiales Ecclesias, vnā non sufficiente ad Rectoris decentem sustentationem, modò populus non ita sit numerosus, ut vnus sufficere Rector nequeat: vel etiam nouam parochialem Ecclesiam erigere, vbi id necessitas exigit, ob locorum distantiam & amplitudinem parochiae, erectamque dotare ex fructibus Ecclesiae matricis, si haec abundet, Conc. Trid. Sess. 21. c. 4. Pia sec. p. 2. c. 3. a. 3. in fin.

Refert autem Zyp. *b. tit. n. 10.* Pium V. statuisse, vt non infra quinquaginta & non vltra centum aureos hæc prouisio extendatur: Synodum verò Mechliniensem anni 1607. vt non infra triginta libras Flan-
dricas & non supra quinquaginta, nisi Episcoporum iudicio Parochiæ
amplitudo aliquid vltra requireret, computatis certis prouentibus, &
incertis, quo dicta prouisio ad certam summam, inspectis tribus aut
quatuor annis vltimis, redigi possit.

Ibidem tradit, in hac prouisione procuranda summarie & sine stre-
pitu iudicij procedendum esse: & quando ad collectas deuenitur, im-
plorandum subsidium Conciliorum prouincialium.

Rursus Ecclesiæ Parochiali institutæ debet præfigi vnicus Sacerdos,
qui in ea baptismum & reliqua Sacramenta populo ministret, *c. 1. &
alijs h. t. can. Sicut in vnaquaque xx1. q. 2.* curamque animarum proprio
nomine, non alieno, exercent. Alioqui si duo instituuntur, neuter Cu-
ratus dicetur, Oldrad. *Conf. 67.* quia vt humana sponsa duos coniuges
habere nequit eodem tempore, *c. 1. inf. De sponsa duorum:* ita Ecclesia
duos Clericos sponso, qui eiusdem eodem tempore curam habeant,
d. can. Sicut in vnaquaque. Et aliàs haberet duo capita, quod prodigio-
sum esset. Hinc cura animarum dicitur esse pænes Prælatum non pæ-
nes eius Vicarium, etiamsi sit perpetuus, Mascardus *De probat. Conclus.*
489. n. 13.

Qualis autem, quâ formâ & quo ordine quis præfigi debeat Paro-
chiali Ecclesiæ, videatur Conc. Trid. *Sess. 24. cap. 18. De reformat. &
ibid. declarationes Cardd.*

Cæterum Parochianus seu Parœcianus dicitur & habetur alicuius
Ecclesiæ, qui intra Parochiæ limites habitat, animo ibidem manendi,
ita vt sit verè translatus, non iuris fictione, siue audierit ibi diuina, siue
non, *can. 1. Distinct. 28. c. 3. De sepulturis in 6.* Etiamsi sit beneficiatus
& Curatus alienæ Ecclesiæ, dummodo in ea non resideat, Frederic.
de Senis *Conf. 254.* Canonici tamen vel alius Clericus Cathedralis
Ecclesiæ habitans in aliena parochia, vt resideat in Cathedrali, non
fit Parochianus Ecclesiæ Parochialis, sed Cathedralis, Lapus *Allegat.*
63. sub. finem vers. Hoc dico.

§. II. In quibus consistat ius Ecclesiæ Parochialis.

1. Parochiani in Ecclesia sua baptizandi.
2. Et quid circa hoc incumbat Parocho.
3. Pœccata sua confiteri & communicare debent in Paschate.

4. Parochi

4. *Parochi circa agrotos officium.*
5. *Nuptia in Ecclesia solemniter celebranda.*
6. *Missa & diuina in eadem audienda.*
7. *Mortui sepeliendi.*

I Vs Ecclesiæ Parochialis consistit in pluribus. Et primò quidem **1** in eo, quòd populus illi subiectus seu parœciani debeant in ea baptismum recipere. * Et ad hoc incumbit Parocho, fontem **2** baptismalem diligenter mundeque custodire, ac videre, vt semper adsit sufficiens aqua, cauteque occlusa: cauere insuper, ne suâ culpâ quis decedat absque baptismo, sub pœna depositionis, *can. Quicumque De consecrat. Distinct. 4.* Habere librum, in quo nomina baptizatorum, parentum & patrinorum diligenter describat, Conc. Trid. *Sess. 24. cap. 2. De reformat. matrim.* notetque annum, mensem & diem, quo singuli baptizantur: vt & in alio libro nomina confirmatorum, parentum ac susceptorum.

Subditos præterea Ecclesiæ parochialis oportet semel saltem in **3** anno sacram suorum peccatorum confessionem facere, sacrosanctum Christi corpus quotannis in Paschate percipere, *c. Cunctis vtriusque inf. De penitent. & remissionib.* insuperque iusto ac debito tempore sacri olei vnctionem petere, *Clement. 1. §. Dudum De sepulturis.*

Et ad eum finem incumbit Parocho diligenter visitare infirmos, **4** hortari ad pœnitentiam, ad benè moriendum: grauiusque puniri debet, si appareat aliquos eius negligentiam absque susceptione Sacramentorum mortuose esse, *can. Si presbyter x x v 1. q. 6.* Nullo siquidem casu excusari potest Parochus, quo minùs adsistat & ministret Sacramenta morientibus, ne quidem metu pestis vel alterius contagiosi morbi, vt ex Ripa, *Tract. De peste n. 147.* & alijs, tradit Piafec. **2. p. cap. 2. art. 3. n. 27.** Et *n. seq.* refert Constitutionem Pij V. *an. 1566. die 11. Martij*, innouantis Constitut. Innoc. III. quâ præcipitur Medicis, vt, cum ad agrotos vocari contigerit, ipsos ante omnia moneant, vt animarum medicos vocent, quibus omnia peccata sua iuxta ritum sanctæ Romanæ Ecclesiæ confiteantur.

Ad hæc quia clandestina matrimonia Ecclesia semper detestata est, **5** *can. Non omnis can. Honorantur & can. fin. x x x 11. q. 2.* ideo nuptiarum, qui matrimonio iunguntur, non nisi solemnî ritu & coram proprio Parocho, vel alio sacerdote, de ipsius Parochi vel Ordinarij licentia, in facie Ecclesiæ celebrari debent, Conc. Trid. *Sess. 24. cap. 1. De reformat. matrim.* Mandatque Conc. Parocho, vt librum habeat, in quo coniugum, & testium nomina, denique & locum contracti matrimonij describat; quem diligenter apud se custodire teneatur.

Et Sereniss. Princeps noster edicto anni 1611. ad obuiandum difficultatibus super probatione ætatis, temporis matrimonij contracti, aut obitus personarum, siue in ordine ad promotionem ad Ordines sacros, aut ad beneficia vel officia secularia, & alia similia, mandauit huiusmodi annotationis copiam authenticam quotannis in archiuis Episcopalibus deponi. Eademque ex causa art. 21. decreuit, vt probationes Ordinum susceptorum, & votorum monasticorum, fiant per litteras, & non per testes. Zyp. h. t. n. 6.

6 Diebus item Dominicis & Festis populus in Ecclesia sua parochiali rem diuinam audire debet, c. *Vt Dominicis* 2. h. t. Conc. Trid. Sess. 5. cap. 2. & Sess. 24. cap. 4. Vbi mandat Episcopis, vt moneant populum diligenter, teneri vnumquemque parochiæ suæ interesse, vbi commodè id fieri potest, ad audiendum verbum Dei. Quamuis cogi ad hoc nemo possit, quia Conc. vitur verbo, *moneant*. Et ita responsum fuisse à sacra Congregat. & à Leone X. refert Piascc. d. loco n. 21. nempe satisfieri præcepto Ecclesiæ, si audiarur Missa in Ecclesia Regularium.

Planè iam olim in Germania & Flandria ea de re fuisse controuersiam inter Religiosos Mendicantes & Parochos, argumento est Constitutio Sixti I V. in *Extrauag. communib. Vices illius, De treuga & pace*, quâ eandem decidit sub certis formis & modis. Quamquam ne sic quidem, nostrâ etiam ætate, cessent lites, propter priuilegia à posterioribus Pontificibus concessa Mendicantibus, de quibus videre licet Azor. 1. p. *Institut. Moral. lib. 13. cap. 2.* quæ quantum vsus probauerit, vel abusus prorogauerit, non facile dictu est, inquit Zyp. h. t. n. 2.

7 Denique, vt alia omittam, in parochiali Ecclesia sepeliendi mortui, *Clement. Dudum* §. *verum De sepulturis*: nisi alibi sepulturam elegerint, iuxta ea, quæ Tit. præcedenti de hac re diximus.

Quænam verò, vltra prædicta, ex decretis Conc. Trid. incumbant Parocho, videre ibi passim licet, & colligit pleraque Piascc. d. loco *De visitatione Parochialis Ecclesiæ*.

TITVLVS XXX.

De Decimis, Primitijs & Oblationib.

§. I. Oblatio quid sit & quotuplex.

1. Oblatio in genere complectitur etiam Decimas & Primitias.
2. Oblatio in specie quid sit.

3. Tres

3. Tres illius species.

4. Oblationes certis casibus sunt de necessitate.

Rectoribus Parochiarum debentur Oblationes, quæ diebus Dominicis & Festis in Missa offerri solent, insuperque soluenda ijs Decimæ ac Primitiæ: de quibus proinde agendum nunc est.

Et quidem primò de Oblationibus, tanquam generalioribus: nam Oblatio in genere videtur idem esse, quod alicuius rei non petitiæ spontanea largitio. Illa fit aut homini, & Donatio appellatur, aut Deo, & magis Oblatio in Iure Canonico vocatur, quia cum Deus sit rerum omnium dominus, nihil ei dari potest.

Oblatio in genere diuidi potest in Oblationem specialiter dictam, contractâ voce generis in speciem, & in Decimas ac Primitias: quæ tria in solis Ecclesiæ bonis præcipuè numerantur, *c. Causa Carpensis* 13. *inf. De verb. signif. & Dei censentur, can. Saluator* 1. q. 3.

Oblatio specialiter dicitur, quidquid à Christi fidelibus de proprijs & licitis ad diuinum cultum vel honorem Deo vel Ecclesiæ datur, *d. c. Causa Carpensis*, siue sit res mobilis, vt monilia, pecunia, ornamenta, & similia, siue immobilis, vt ager, prædium, fundus.

Sunt autem oblationum huiusmodi tres species siue modi potiùs. 3
Prima, quando aliquid donatur Deo vel Ecclesiæ inter vivos, de qua suprâ *Tit. De donationibus*. Secunda, quando aliquid datur Deo vel Ecclesiæ causâ mortis, de qua in *c. Officij & in c. Requisisti sup. De testam.* Tertia, quæ fit ad altare vel manum Sacerdotis celebrantis, *can. Antiquos* x. q. 1. Et hæc ex consuetudine specialiter Oblatio dici solet: & sine ea parochiani ad Ecclesiam diebus festis & Dominicis inter Missarum solemnias facienda, iuxta consuetudinem receptam, accedere non debent, *can. Quia Sacerdotes* x. q. 1. Eaquæ consuetudo ex deuotione populi, non ex exactione Clericorum, initium habuit.

Tametsi verò oblationes de sui natura sint voluntariæ, & communi lege nemo teneatur diebus Dominicis & Festis ad offerendum: tamen subindisunt de necessitate; Primò, ratione consuetudinis receptæ, cui satisficit communiter, quando maior pars populi, Capituli aut Collegij offert. Secundò, si ministri Ecclesiæ egeant: nec enim suis stipendijs militare tenentur, *c. Cum ex officij sup. De prescrip.* Tertio, si concedatur fundus vniuersitati aut congregationi seu communitati, eâ conditione, vt fiat oblatio Ecclesiæ, *can. Oblationes* xiii. q. 2. Quarto, ex deputatione aut promissione, vt si quis inter viuos vel in vltima voluntate aliquid relinquat, Ecclesiæ soluendum aut offerendum, *can. Nulli* xii. q. 2.

§. 2. Qui.

§. II. Quibus cedant oblationes.

1. Cedunt Parocho vel Pralato Ecclesia.
2. Etiam Capella.
3. Nisi intuitu ipsius Capella fiant.
4. Quatenus Episcopo debeantur.

¹ **S**I fiant in Ecclesia Parochiali cedunt Parocho: si in alia Ecclesia, Pralato illius, *can. Quia Sacerdotes* x. q. 1. * Similiter si fiant Capellæ intra limites parochiæ, cedunt Parocho, non Sacerdoti Capellæ, *Panormit. inc. Pastoralis* n. 2. *sup. De his qua fiunt à Pralato &c.* *Azor. 1. Institut. Moral. lib. 7. cap. 27. q. 13.* nisi Capella habeat bona distincta aut gubernationem separatam ab Ecclesia, vt ex Felino tradit Wamel. *Cons. 436. n. 9.* Idem dicendum, si fiant picturæ in pariete domus priuatæ, intra parochiam sitæ: nisi consuetudo introduxisset, vt ad dispositionem Episcopi spectarent.

³ Si autem offeratur quid altari seu Capellæ in Ecclesia existenti, non intuitu Ecclesiæ, sed intuitu ipsius altaris siue Capellæ, habentis bona distincta, cedit vsui altaris siue Capellæ, *Felin. inc. Dilectus* n. 2. & 3. *sup. De officio Ordinarij, Pias. 2 p. cap. 5. art. 4. n. 44.* Cuius verò intuitu aliquid oblatum esse dicatur, ex coniecturis iudicandum est.

⁴ Sed & de oblationibus, quæ fiunt Ecclesijs, participare potest Episcopus, *can. Concesso* x i. q. 2. nimirum vbi talis esset consuetudo. Alioquin regulariter Parochus habet intentionem fundatam de iure, super oblationibus, quæ fiunt intra fines parochiæ suæ, vel quæ fiunt circa benedictiones nuptiarum, purificationes post partum, in administratione Sacramentorum, celebratione Missarum, *can. Statuimus* x v i. q. 1. etiamsi hæc per alium, & non per Parochum, exercentur, quia per se facere videtur, qui per alium facit, *c. Quis facit De R. I. in 6. Piasec. d. loco.*

Si verò Episcopus ipse celebret in Cathedrali vel in parochiali Ecclesia, vel alia quacunque, oblationes ei soli cedunt, *c. Super eo sup. De Parochijs, Hostiens. in Summa d. tit. n. 2.* Sicut & Archiepiscopo cedunt, quando celebrat in prouincia, nisi consuetudo sit in contrarium aut nimis frequenter ibi celebret. Vbi tamen Episcopo in parochia celebrante oblationes ex consuetudine percipit Parochus, debetur Episcopo Canonica portio, *c. Conquerente sup. De officio Ordinarij.* Quòd si Episcopus vel Archiepiscopus celebret in locis exemptis, oblationes cedunt ei, qui ius habet parochiale.

Nolentibus autem parochianis consuetas oblationes facere, non ideo

DE DECIMIS PRIMITIIS ET OBLATIONIBVS. 561
ideo ijs Sacramenta subtrahere debet Parochus, sed, ijs ministratis,
potest officium Superioris, nempe Episcopi, implorare, vt suas obeant
partes.

§. III. A quibus oblationes sint recipiendæ.

1. Non ab hæreticis, excommunicatis &c.
2. Laici oblationum incapaces.
3. Et Religiosi regulariter.

Non ab omnibus promiscuè: quia non ab hæreticis, excom-
municatis, Simoniacis, oppressoribus pauperum, raptoribus,
vñrarijs manifestis, & alijs similibus, vt fusiùs videre licet
apud Clem. Romanum, lib. 4. *Constitut. Apostolic. cap. 6.* Id-
que in detestationem huiusmodi criminum: vt ita reiecti, resipiscant,
neve Ecclesia videatur delictorum faulrix, oblationes ex maleficio
percipiendo.

Insuper non à publicis pœnitentibus: nec item, secundum aliquos, à
meretricibus: neque ab ijs, qui aliena offerunt, c. *Causa Carpensis*, in
verbis, *de proprijs, inf. De verb. signif.* Sed & indignum est offerre Deo, quod
non dignatur homo accipere, *can. fin. Distinct. 49.*

Laicis autem interdictum est sub pœna Papalis excommunicationis
oblationes accipere, vel alijs accipiendas committere, *can. Quia sacerdo-*
tes 13. & seq. x. q. 1. Conc. Trid. Sess. 22. cap. 15. & cùm sint earum inca-
paces, non valet consuetudo in contrarium.

Sed nec Religiosi eas percipere possunt, nisi de licentia Rectoris
Ecclesiæ, vel per ordinationem Ecclesiæ, vel tanquam ministri altaris,
si ijs obid dentur. Vide *can. Oblationes cum duobus seqq. XIII. q. 2. &*
can. In canonibus XVI. q. 7.

§. IV. Decimæ quid sint, & quo iure debitæ.

1. Decima & in genere & specialiter sumitur.
2. Specialiter prout est pars fructuum non taxata, & taxata.
3. Quaritur, quo iure decima debeantur.
4. Deberi solo iure Ecclesiastico.
5. Multorum fructuum & insolitas non deberi decimas.
6. Soluuntur contraria.

I **D**ecima in genere nihil aliud est, quàm decima pars quarumcumque rerum, quæ Principibus, aut Sacerdotibus seu Ministris Ecclesiæ persoluitur, quâ sublatâ relinquuntur nouem, *c. Cum homines 7. h. t.* Hic autem specialiùs sumitur pro decima parte omnium bonorum mobilium, siue fructuum, iure quæsitorum, quæ Ministris Ecclesiæ quotannis persoluitur.

Dico, omnium bonorum mobilium; quia id colligitur ex *c. Non est 22. in verbis, & de omnibus bonis decima &c. & c. Nuntios 6. ibi, de apibus & de omni fructu, h. t. Dixi, iure quæsitorum, ex c. Transmissa, ibi, quia fidelis homo &c. h. t. & species furti est, de alieno largiri, & beneficii debitorem sibi acquirere, l. Si pignore D. De furtis. Dixi, pro decima parte, ex c. 1. & per tot. h. t. quia licet subinde solvatur duodecima, vicesima vel alia, tamen portio illa semper habetur pro decima.*

2 Ut autem sciatur, quo iure inuenta & debita sit Decima, notandû est, Decimam posse dupliciter considerari; primò quatenus est pars quædam fructuum, quos percipimus, non tamen certa & definita, sed tanta, quanta est necessaria ad debitam Clericorum, nobis spiritualia ministrantium, & pro nobis preces Deo fundentium, sustentationem; siue sit pars decima, siue octaua, siue vicesima, siue alia. Et in hac acceptione satis conuenit inter omnes, deberi decimam non modò iure naturali, sed etiam diuino, quia vtrumque ius præcipit, vt Ministris Ecclesiæ, nobis spiritualia subministrantibus, necessariam sustentationem præbeamus, iuxta illud Pauli, 1. ad Corinth. 9. *Si nos vobis spiritualia seminamus, magnum est, si nos carnalia vestra metamus: & illud Christi, Dignus est operarius mercede.*

Secundò, considerari potest, quatenus est certa & taxata pars fructuum, nempe decima, quæ soluitur ad Ministrorum Ecclesiæ sustentationem: de quæ hac tota est difficultas, an debeat iure naturali & diuino, an verò solo iure Canonico. Et quidem in veteri lege debitam & solutam fuisse decimam partem constat ex *Leuit. 22. & 27.*

3 An verò etiam in lege Evangelica iure diuino debeat, non ita constat. Deberi est communis Canonistarum opinio; Primò ex *Matth. 23. 7. 23.* vbi cum dixisset Christus, *Decimatis mentham & anethum*, subiungit, *Oportuit hac facere & illa non omittere*: nam verbum, *oportuit*, indicat obligationem iuris diuini. Secundò ex illo *Matth. 5. Nisi abundauerit iustitia vestra plusquam Scribarum & Phariseorum, non intrabitis in regnum Cælorum*: nam inde sequitur, quòd si illi soluerint decimas ex præcepto diuino, multò magis nos teneri. Tertiò ex varijs Capitulis *h. t. c. Tua 25. & seq. c. In aliquibus 32. in fine & alijs*; varijsque Canonibus, *vt can. Decimas can. Decima & can. vlt. xvi. q. 1. & similibus*; quibus videtur dici, decimas deberi ex constitutione diuina.

Yerior

Verior tamen est contraria Theologorum communis sententia, 4
 istam quoram tempore legis Euangelicæ solo iure Ecclesiastico, quan-
 tumuis iam inde à temporibus Apostolorum, deberi: quam sequitur
 Couar. 1. *Var. resol. cap. 17.* quia in lege Euangelica nullum extat præ-
 ceptum de hac quantitate fructuum persoluenda, sed solum dicitur
 ministris rerum spiritualium deberi congruam sustentationem: nus-
 quam autem habetur, an decima, an alia pars fructuum debeatur.
 Deinde si esset iuris diuini, non posset consuetudine tolli aut minui;
 & tamen tolli aut minui posse, constat ex *d. c. In aliquibus § fin. **
 Imò in quibusdam locis multorum fructuum, vt olerum, raparum,
 fabarum, & similium, sublatae sunt decimæ. Et hinc Carolus V. Imp. 5
anno 1520. edixit in Belgio, ne à subditis suis exigenteretur decimæ eo-
 rum fructuum, de quibus à quadraginta retrò annis nullæ exactæ
 aut solutæ essent, cum tamen cogniti essent fructus. Et postmodum
 declarauit, vt de insolitis fructibus soluerentur decimæ, si in alijs locis,
 vbi soliti sunt seminari, & colligi, solitæ sint solui. Deficiente ve-
 rò consuetudine ad ius recurrendum, quo de omnibus, quæ terra gi-
 gnit, decimæ debentur, vti patebit ex mox dicendis. Huc facit, quod
 ex Boerio, *ad Consuet. Bituric.* refert Zypæus *h. t. n. 2.* Episcopum
 Abbiensem, cum decimas crocorum exegisset, subditiq; solutio-
 nē detrectarent, sub prætextu, quòd eas antea non soluissent, senten-
 tiam obrinuisset, eâ ratione, quòd alijs in locis decimæ de croco sol-
 uerentur. Memorat idem, Brabantia Concilium 2. *Aprilis 1545.* pro
 Abbate Canonorum Regularium S. Gertrudis Louanij iudicasse,
 non censi nouas decimas lignorum, in locis, vbi ex lignis decimæ
 soluuntur, quamuis siluæ infra quadraginta annos plantatæ vel sponte
 enatæ essent. Addit ibidem, in materia panici iudicasse eundem Sena-
 tum contra incolas de Willebroeck: eamque sententiam quoad om-
 nes ius facere, cum decidat qualitatem istius frumenti, scilicet quòd
 sit decimabile.

Non obstat præceptum legis veteris de decima soluenda: quia cum 6
 illud fuerit iudiciale, & non morale, morte Christi fuit abrogatum;
 licet auctoritate Ecclesiæ de nouo constitutum fuerit, vt decima pars
 solueretur.

Non obstat quoque, quod ex Matth. 23. allegatum fuit: quia
 Christus ibi loquitur de tempore illius legis, quo decimæ iure diuino
 debitæ erant.

Pariter non obstat illud, *Nisi abundauerit iustitia vestra &c.* quia de-
 bet esse maior, non in soluenda decima (alioquin deberemus plus
 quam decimam soluere, quandoquidem illi accuratissimè decimam
 de omnibus soluerint) sed in reformandis internis affectibus, quia

iustitia illorum solum erat externa, putabantque sufficere, si non occiderent, aut non mœcharentur exterius, interiora verò negligebant.

Non obstant deinceps Iura in contrarium allata, cum alijs similibus: in ijs enim decimæ dicuntur deberi ex constitutione diuina, quia scilicet, quòd debeantur, ortum habet ex constitutione & lege diuina in veteri Testamento, ad cuius imitationem Ecclesia eas solui præcepit in nouo Testamento. Vel dicendum, in ijs non sumi decimas, prout sunt certa & definita pars fructuum, quò pacto dicimus deberi solum iure Ecclesiastico, sed prout sunt pars fructuum, necessaria Clericis, ad congruam eorum sustentationem.

Dicuntur autem decimæ esse Dei & ei solui, quia soluantur Ecclesiæ ministris, quibus quod soluitur & datur, Deus sibi solui & dari dicit.

Dicuntur etiam subinde non posse minui, quamdiu scilicet viget lex Ecclesiastica, quæ ad imitationem legis veteris hanc quotam iustissimis de causis taxauit, præceptum iam abrogatum renouando.

§. V. Ex quibus rebus decimæ debeantur, & quotuplices sint.

1. Debentur ex omnibus omnino fructibus, & lucro negotiationis.
2. Decima alia Prædiales, alia Personales, alia Mixta.
3. Differentia inter has species.
4. Decimarum incapaces sunt laici.

Iure communi debentur decimæ de omni frumento, grano, vino, & leguminibus omnis generis, *c. Ex multiplici 3. & c. Non est 22. h. t.*
 2. *Paralip. 13.* de redditibus molendinorum, etiam vento agitatorum,
c. Peruenit 5 c. Ex transmissa 23. h. t. de fœno, lana, apibus, agnis, galinis, columbis, *d. c. Ex multiplici & d. c. Ex transmissa:* de fructibus arborum, *d. c. Non est & c. Cum homines 7. eod.* ex conductione domus, prædij, & cuiuscumq; rei. *c. Ex parte 22. c. A nobis 24. eod.* à quocumq; teneantur, nisi se exemptos speciali iure doceant. Deniq; ex quacumq; lucrosa, honesta tamē & licita negotiatione, atq; adeò ex stipendio militiæ, *d. c. Non est.*
 2 Hinc diuidi solēt decimæ in Personales, Prædiales & Mixtas: Prædiales sunt, quæ soluantur de prædiorum fructibus, veluti fœno, vino, fructibus arborum, obuentionibus molendinorum, locatarum ædium, aliorumq; similium.

Personales dicuntur, quæ ex rebus, quas quisq; sibi industria & operâ suâ acquirit, persoluantur, *c. 20. & c. Tua nobis 26. in fine h. t.* veluti ex lucro negotiationis cuiuscumq; honestæ, vel similis artificij. *c. 28. h. t.* ex stipendio militiæ vel alterius muneris, aut ex venatione, *d. c. Non est.*

Mixtæ

Mixtæ dicuntur, quæ partim prædiales, partim personales sunt. Huiusmodi sunt, quæ ex fructibus pecorum, veluti ex fœtu, lana, lacte, soluuntur, *c. Peruenit 5. cum seq. h. t.* Sunt tamen, qui malint huiusmodi decimas reuocare ad prædiales, quando animalia in pascuis pascuntur: ad personales verò, vbi domi porrecto pastu aluntur; & tum demùm constituere mixtum genus, quando vtrunque æquè pascuntur, *arg. 9. Si Titius Institut. De rer. diuisione.*

Differunt autem prædiales à personalibus, quòd prædiales statim atque collectæ sint solui debeant & quidem integræ, sine vlla expensarum deductione, quæ fieri solent in colenda prædia, in quærendos & colligendos fructus, *d. c. Cum homines 7. & d. c. Non est 22. h. t.* Et solui debent Parocho, in cuius parochia crescunt & colliguntur, etiam si colonus in alia habitet, *c. Quoniam 13. h. t.* nisi consuetudine contrarium obtineat, quæ hoc casu esset seruanda, *c. Cum sint homines 18. h. t.* Personales verò soluuntur Ecclesiæ seu Parocho, in cuius parochia habitat persona, ratione perceptionis Sacramentorum, deductis tamen expensis, *c. Ad Apostolica 20. & c. Pastoralis 28. eod.* Ratio differentiæ, quoad deductionem expensarum, est, quòd fructus prædiales sint & censeantur fructus, etiam non deductis expensis: secus in personalibus, quia in negotiatione nihil censetur acquiri, nisi quod superest, deductis expensis, *l. Mutius 30. D. Pro socio.* At in prædijs nulli fructus acquiruntur, nisi saluâ decimâ, quam sibi Dominus in signum vniuersalis dominij reseruauit, *d. c. Pastoralis:* & ideo prius soluendæ sunt decimæ, quàm census & tributa, *c. Cum homines 7. & c. Cum non sit in homine 33. h. t.*

Quia verò ius decimarum est spirituale, cùm propter diuina & Sacramentorum administrationem decimæ soluantur, ideo laicis eas possidere non licet, ne quidem Principis aut alterius cuiusvis concessionem, *c. Quamuis 17. c. Tua 25. & c. Dudum 31. h. t.* Quod intelligendū est de decimis acquisitis post Lateranense Concilium: nam ante Conc. illud acquisitas etiam hodie retinere possunt, *c. Prohibemus 19. h. t.* Quamuis enim laici iuris primarij decimarum (quod scilicet nascitur ex eo, quod ministris rerum spiritualiū à populo vicissim debeat iustentatio) tanquā spiritualis, & fundati in titulo spirituali, nēpe in munere Ecclesiastico administrandi Sacramenta, sint incapaces, *can. Reuerimini xv. q. 1.* sunt tamen capaces iuris decimarū cuiusdam secundarij, quod ab illo primario oritur. Et ideo laicis fructus decimarū ad firmā dari possunt, vt loquitur Pont. in *c. 2. sup. De locato & conducto, & c. fin. inf. Ne Prelati rices suas &c.* Et huiusmodi ius subinde Pontifices Imperatoribus, Regibus, alijsque Principibus ob bene merita in Ecclesiā concesserunt: quas decimas Pragmatici vocant decimas infeudatas.

Ioan. Imbert. *Institut. forens. lib. 1. c. 25.* Extra quas laicis nullæ aliæ vel decimæ vel oblationes Ecclesiæ concedi possunt. Et Prælati contra faciens grauius puniendus ac deponendus est, *c. Quamuis sit graue 17. h. t.* Nec potest laicus transferre decimas in alium laicum, etiam si cum titulo illas possideat, *d. c. Prohibemus 19. h. t.* nec etiam donare, licet sit Rex: adeo ut nec ex eius titulo præstetur causa præscribendi, *d. c. Dudum.* Vide Couar. *lib. 1. Var. res. c. 17. n. 5. & Gutierrez lib. 1. Quæst. ciuil. qu. 15.* ubi latè de intellectu *d. c. Prohibemus*, ut probet laicos ante Lateran. Concil. capaces fuisse decimarum: & *qu. 16.* asserit, si dubitetur, an decimæ titulo feudi à laicis possessæ, fuerint concessæ ante vel post dictum Concilium, probatà earum possessione à tempore immemoriali, præsumi concessas ante Concilium.

§. VI. Quibus debeantur decimæ.

1. Decima primò debita fuerunt cœtui Clericorum in genere.
2. Postea singulis, ratione beneficij & tituli.
3. Ex lege iustitia debentur soli Curatis.
4. Qui ad eas de iure communi habent fundatam intentionem.
5. Prædiales decima debentur Ecclesiæ prædiali.
6. Personales Parochiali Ecclesiæ.
7. Licet quis in Monasterijs audiat diuina & percipiat Sacramenta.
8. Habens plura domicilia vel in consinjs habitans cui decimas debeat.
9. Vel si dubitetur, cuius sit parochia.
10. Mixta decima cui debeantur.
11. Decima an debeantur baptismali Ecclesiæ, an verò parochiali.
12. Baptismalis Ecclesiæ qua dicatur.
13. Variè distinguitur circa præcedentem questionem.
14. Decimæ quibus casibus Episcopo debeantur.
15. Et quando summo Pontifici.
16. Debentur autem Clericis, quantumuis diuitibus.

Illud verò hîc latiùs pertractandum est, quibus debeantur decimæ. Ex prima igitur Ecclesiæ ordinatione debebantur cœtui Clericorum in genere, qui populo spiritualia administrabat, vel in hac administratione eidem adfitebat, vel pro populo preces fandeat: hos enim omnes Ecclesia voluit ex decimis ali, omniumque intuitu eas imperauit, relictâ distributione Prælati, quorum auctoritate dabatur singulis, quantum opuserat, cum ex decimis, tum alijs fidelium oblationibus.

At verò postquâ in Ecclesiâ diuisio facta est beneficiorum, singulis Clericis debetur ea portio, quæ titulo cuiusq; beneficii est attributa & annexa.

annexa. * Alioquin, sepositâ omni Ecclesiæ assignatione, præcepto & taxatione, ex lege iustitiæ ijs solis debentur decimæ, qui curam gerunt animarum, quia ius percipiendi decimas consequitur illud debitum, quo seminantibus spiritualia debentur temporalia. Ex ideo etiam his ante omnes vel ex decimis, vel ex oblationibus, vel fidelium contributionibus, vel alijs bonis Ecclesiasticis, est prouidendum.

Hinc postquam Dionysius Pont. distinctis parochijs Ecclesias singulas & prouentus earum singulistribuit presbyteris, *can. Ecclesias xlii. q. 1. c. Pastoralis 9. sup. De his que fiunt à Prelato &c.* quilibet Parochus habet intentionem fundatam de iure communi ad has decimas, ut non teneatur probare eas ad se spectare, postquam à iure sunt attributæ Parochis, *c. A nobis 24. c. Cum contingat 29. &c. seq. h. t. Rebuff. Tract. De decimis q. 7. n. 4.* etiam contra Episcopum, *c. fin. sup. De parochijs*: * Parochus quidem Ecclesiæ prædialis ad decimas prædiales, seu decimas soluendas ex fructibus prædiorum, intra fines suæ parochiæ, licet non administret Sacramenta domino prædij alicuius, si fortè is moretur extra parochiam (tenetur enim orare parochus etiam pro illis, qui prædia in sua parochia habent, ideoq; de fructibus prouenientibus ex huiusmodi prædijs debentur eidem decimæ, Turcrem. in *can. 1. §. ad hac xvi. q. 1.*) * parochialis verò ad personales; idque ratione perceptionis Sacramentorum, quia scilicet in ea parochia quis audiat diuina & recipiat Sacramenta seu recipere debeat, per totum anni circulum, *can. Quæsti xvi. q. 1. Rebuff. q. 6. n. 2.* vel per maiorem anni partem. Alioquin si æqualiter in duabus Ecclesijs diuina audiat, diuidentur æqualiter hæ decimæ, aut aliàs pro rata temporis, *Rebuff. d. q. 6. n. 2. Alex. Moneta De decimis cap. 7. nu. 19.*

Neque si quis in Monasterijs audiuerit diuina, aut etiam perceperit Sacramenta, ut hodie fit, ideo decimæ personales illis debitæ sunt, sed Ecclesiæ parochiali, in qua domicilium habet, cum in ea Ecclesia & diuina audiri & Sacramenta percipi debeant, *c. 2. sup. De parochijs &c. Cum quis §. 1. De sepulturis in 6.* pariaq; sint, recipere, vel recipere posse, & per quem stare, quo minus recipiat, *l. Quod te D. si certum petatur, cum similibus*: ut proinde cum per Curatum non fiet, quo minus recipiat vel audiat, non sit ei imputandum, *l. In Iure D. De reg. iuris*, latius Moneta *d. loco n. 20.*

Quid si quis plura habeat domicilia in diuersis parochijs? Tunc illi soluet decimas, in qua principale domicilium habet, ut ex Bohic. & Rebuffo docet idem Moneta *d. loco n. 21.* ubi subiungit, domo sitâ in confinio duarum parochiarum, ytrique deberi decimam personalem: * An dubitetur, cuius parochiæ sit domus, inspiciendum esse situm

situm ianue, quia illius censebitur parochia, in qua ianua sita est. Si verò duo habuerit ostia, illud attendi debet, quod anterius & nobilius est.

Quod si quis mutauerit domicilium, decimæ non debebuntur amplius priori Curato, sed secundo, si in eius parochia audiantur diuina & recipiantur Sacramenta. Sin autem sit dubium de voluntate constituendi domicilium, tunc requiritur, quod per multum temporis ibi mora trahatur.

10 Porro decimæ mixtæ diuidendæ sunt inter prædialem & parochialem Ecclesiam, iuxta quod de reali & personali decima participant. Videri possunt hæc fusiùs tractata apud Monetam *d. loco à n. 21.* & Rebuffum *d. q. 6.*

11 Sed quid si controuersia oriatur inter baptismalem Ecclesiam & parochialem, quando ab ea est diuersa? Pro resolutione notandum,

12 * Baptismalem Ecclesiam dici, in qua fons est baptismalis, & parochiani baptizantur, *Glos. & Abbas in c. Cum contingat 29. h. t.* nec potest esse nisi vna, cum suis Capellis, in vna parochia, *can. Plures xvi. q. 1.* Et hæc licet regulariter sit quoque curata, non tamen necessariò, nec semper: & tunc per Parochialem intelligitur illa, quæ intra fines baptismales posita est; sic tamen, vt in ea administrentur Sacramenta: & ab aliquibus Capella vel Oratorium vel Succursus appellatur.

13 Hoc prænotato, dicendum, quod, licet seclusâ consuetudine, conventionione, & priuilegio, regulariter & in dubio, decimæ debeantur baptismali, *can. In diocesi xiiii. q. 6. can. De decimis & can. Statuimus xvi. q. 1.* Moneta *d. loco n. 27. vbi alios citat*, hac distinctione vtendum videatur. Vel enim prædia, de quorum fructibus decimandis agitur, sita sunt infra limites Ecclesiæ baptismalis; & tunc dubium non est, quin illi decimæ debeantur: vel sunt sita infra limites Ecclesiæ parochialis, quæ non est sub limitibus baptismalis; & tunc quoque non est dubium, quin ad Ecclesiam spectent parochialem. Neque eo casu contendere debet cum baptismali Ecclesia, sed cum Episcopo, Moneta *d. loco n. 28.* Vel parochialis est sub baptismali, prædia verò sita sunt infra limites parochialis; & tunc iterum distinguendum. Vel enim baptismalis erecta fuit in baptismalem post parochialem, ita vt comprehendar sub se parochialem, tanquam ea ellam: & tum Ecclesia parochialis habebit suas decimas antiquas, quia non censetur erecta cum incommodo & præiudicio iam antè erectarum. Et hæc quidem quoad decimas reales: nam personales diuidendæ sunt inter Ecclesiam baptismalem, propter baptismum, & Parochialem, propter alia diuina. Vel Ecclesia parochialis est infra limites baptismalis, constatque baptismalem priùs fuisse erectam; & tunc, si etiam constet decimas

decimas assignatas fuisse parochiali in eius constructione, eidem debita sunt, vt latius deducit & probat Moneta, *d. loco*. Quòd si dubiteretur, an prius fuerit erecta parochialis, an baptismalis, tunc baptismalis de iure communi habet fundatam intentionem. Si verò baptismalis Ecclesia consenserit assignationi limitum & foundationi parochiae, tum censetur remisisse ius decimandi, & alia iura parochialia, quoad illam portionem limitum, qui nona Ecclesiae assignati sunt: non tamen potest pro huiusmodi consensu aliquid accipere, Moneta *d. loco n. 30. & 31. vbi alios citat.*

Certis tamen casibus decima de iure Episcopo debetur. Primò, 14 quando praedium est situm in parochia Ecclesiae Cathedralis, & ad Episc. proximè spectat Ecclesiae parochialis cura. Alioquin si illius alius sit Curatus, ipsi decima debetur, Rebuff. *q. 7. n. 7.* Moneta *d. cap. 7. n. 7.* Secundò, quando praedium in nulla parochia est situm, *c. Quoniam 13. & ibi Abbas n. 2. & 4. hoc tit.* Rebuff. *d. loco num. 8.* & Moneta *num. 9.* Tertiò, quando parochiae non sunt distinctae, quia tunc tota dioecesis est Episcopi parochia, *can. Omnes basilica x v 1. quest. 7.* Quartò, quando consuetudo id habet, vt ad Episcopum spectent decimae, ea seruanda est, Moneta *d. loco n. 12.* & Rebuff. *d. q. 7. n. 10.* Quintò, decimis donatis Ecclesiae Cathedrali, vel alio modo ei debitis, tunc Episcopus de iure communi in illis est fundatus, Moneta *ibid. n. 13.* post Rebuff. *d. q. 7. n. 13.* subiungens, illas decimas inter fratres, qui sunt Canonici Cathedralis Ecclesiae, diuidendas. Sextò, Episcopus similiter est fundatus de iure communi in sua Canonica portione seu quarta decimarum, Moneta *d. l. n. 14. per c. Conquerente sup. De officio Ordinarij & c. De quarta sup. De praescript.* subiungens hanc quartam deberi Episcopo, ratione coniunctionis & vniuersalis curae, quā habet in Ecclesijs subiectis, Ecclesiaeque Cathedrali seu matri nullum competere ius in Ecclesijs seu Capellis ciuitatis; posseque Episcopum, nomine cuiuslibet Ecclesiae parochialis sibi subiectae, ad decimas agere, quando non est Curatus, qui agat.

Sed & summo Pontifici debetur decima, si eam, postulante necessitate, exegerit: prout exigere potest, triplici ex capite; nempe tamquam pastor vniuersalis omnium Christi fidelium; tamquam supremus administrator omnium bonorum Ecclesiasticorum; & denique tamquam supremus Princeps in spiritualibus. Vnde non solum ab Ecclesiasticis omnibus, sed ab omnibus omninò Christianis, non decimam dumtaxat, sed & plures, & in summa eam contributionem, quae est necessaria ad bonum spirituale Ecclesiae ruendum, exigere potest. Videatur Lessius 2. *De iust. & iure cap. 39. Dubitat. 5.*

Porro decimae Clericis siue Parochis debita sunt, non intuitu per-

Cccc sonarum,

sonarum, sed intuitu Dei & seruitij, seu ministerij & officij Ecclesiastici, ideoque illis, quantumvis diuitibus, persoluendæ sunt, *can. Decima xvi. q. 1.* nec enim ob diuitias alicui sua iura auferri oportet, *can. 1. xxi. q. 1.* vti nec Principi aut Regi opulento tributa, vel creditori copioso pecuniæ debitæ denegantur: licet etiam mali & improbi sint Clerici vel Sacerdotes, *can. Si Episcopus xvi. q. 6. c. Tua nobis*, *vbi Glos. Abbas & alij hoc tit.* vel in malos vsus conuertant. Vide Rebuff. d. loco nu. 16. & q. 13. in princ. Monetam loco citato n. 32. & duobus seqq.

Illud hîc postremò subiungendum, quòd si aliqua fuerit consuetudo, præscriptio, vel compositio legitima de transferendis decimis ab vna Ecclesia ad aliam, eam seruandam esse, *Moneta d. l. n. 6.*

§. VII. A quibus debeantur decimæ.

1. *Prædiales debentur ab omnibus, qui prædia possident & colunt.*
2. *Etiam Iudæis & Saracenis.*
3. *Modus eas soluendi.*
4. *Personales ab omnibus, qui diuina audiunt.*

1. **D**ebentur generaliter ab omnibus Christianis, etiam Religiosis, nisi speciali iure aut priuilegio sint ab earum solutione exempti, *c. Commissum 4. c. A nobis 24. h. t. iuncto c. fin. §. ceterum eod. in 6.* Et quidem prædiales debentur ab omnibus, qui prædia possident in parochia aliqua, siue propria, siue aliena, *c. Tua nobis 26. h. t.*
2. * Quin & Iudæi de agris, quos sub ditione Principum Christianorum colunt, vel qui ad eos peruenerunt, cum antea decimis essent subiecti, soluere eas tenentur, *c. De terris 16. hoc tit.* Idem tradunt DD. de Saracenis & paganis, quia cum decima sit onus annexum rei, transit illud vnà cum re ad quemcumque possessorem, *can. Si quis laicus, cum similibus xvi. q. 1. c. Cum non sit 33. h. t.*

Quòd verò ad modum attinet soluendi decimas istas, Carolus V. 7. Iunii 1554 & Philippus II. 1564. 6. Iunii sub graui pœna edixerunt, vt decimæ integrè soluantur, neque fructus ex agris auellantur ante vel post Solis occasum, vel non monitis decimatoribus, vel antequam in manipulos colligantur & in acervos componantur, & vt decimis suis pacificè vti frui Ecclesiastici sinantur, referente Zyp. h. tit. n. 3. Quod & plures, inquit, sanxerunt Galliarum Reges, quos refert Choppin.

Choppin. *De sacra Politia* lib. 2. tit. 4. n. 3. Et ita quoque de iure fieri oportere asserit Riccius, in *Fraxi Epif. Decif.* 544.

Ad personales decimas tenentur omnes & soli illi, qui diuina percipiunt vel audiunt, aut percipere vel audire debent in aliqua Ecclesia, *D D. in c. 2. h. t. latè Rebuff. De decimis q. 5. vbi n. 11. aduersus Glos. tradit, etiam Iudæos taneri ad personales, quia quòd diuina non percipiant vel non audiant, non stat per Ecclesiam, quæ nemini gremium claudit.*

§. VIII. Quibus modis quis eximatur à decimarum præstatione.

1. *Eximitur quis priuilegio.*
2. *Limitatio illius.*
3. *Item consuetudo eximit.*
4. *Præscriptio. 5. Compositio. 6. Remissio.*

Potesť quis siue laicus siue Clericis eximi à præstatione decimarum, quatenus iuris sunt Canonici seu positiui, iuxta antè dicta. Et primò quidem priuilegio, non quidem Principis laici *c. Anobis 24. c. Tua 25. c. Dudum 31. h. t. aut Episcopi, aut ius Canonicum relaxare nequit, sed Pontificis, c. Ex multiplici 3 d. c. Anobis & alijs h. t. Sic leprosi, communiter viuentes, eximuntur à solutione decimarum de hortis & nutrimentis animalium suorum, c. 2. inf. De Eccles. adificandis. Similiter Cisterciensibus, Templarijs & Hospitalarijs indultæ sunt decimæ laborum, id est, prædiorum suorum, non noualium, quæ proprijs colunt manibus & sumptibus, c. Ex parte 10. c. Ad audientiam 13. hoc tit. modò acquisita sint ante Concilium Lateranense, c. penult. h. t. Alijs verò Religiosis in d. c. Ex parte conceditur, ne soluant decimas de hortis & nutrimentis animalium suorum, id est, de animalibus, quæ ipsi nutriunt, vt exponit Glossa, & de noualibus, quæ proprijs manibus & sumptibus excolunt.*

Hoc tamen priuilegium non extenditur ad decimas, in quarum perceptionis possessione erat Ecclesia parochialis, vel alia, Oldrad. *Conf.* 268. Choppin. lib. 3. *De sacra Polit.* tit. 2. num. 7. Sicut nec extenditur ad prædia, ab alijs conductæ, c. Dilecti 8. h. t. Neq; priuilegium super decimis laborum extenditur ad terras, quæ alijs colendæ traduntur, c. Licet 11. eod. nisi id ipsum exprimatur, prout refert Choppin. d. tit. 2. num. 7. priuilegium Bonifacij VIII. quo indulgit Cisterciensibus, ne de terris suis, quas alijs colendas concederent, de quibus tamen

nullus decimas vel primitias percepisset, soluerent decimas, aut earum cultores. Cuiusmodi priuilegium eis antea ab Eugenio III. indultum fuit. Refert ibidem n. 9. Bulla Martini V. quâ ampliorem Cisterciensibus immunitatem à decimis concessit. Post Cistercienses verò similem immunitatem à decimis, quoad terras ab ipsis excultas, obtinuerunt omnes Mendicantes Ordines: maioremque libertatem Collegijs Societ. Iesv concessit Gregor. XIII. *Constitut. suâ incip. Pastoralis* 1. Ianuarij 1578. quam refert Piassec. p. 2. *praxis Episc. cap. 4. art. 9. num. 17.* Cæterum priuilegium hoc non soluendi decimas reuocatur, si ex post facto incipiat esse nocium, c. *Suggestum* 9. h. t.

3 Secundò, eximitur quis à præstatione decimarum per consuetudinem legitimè introductam. Hinc valet consuetudo, vt ex quibusdam fructibus vel bonis, vti minutis, v. g. oleribus, rapis, fabis, & similibus, non soluatur decima, vel non integra, sed minor, v. g. duodecima, vicesima, tricesima, c. *Commissum* 4. c. *Dilecti* 8. c. *In aliquibus* 32. h. t. Guido Papæ *Conf.* 284. Ideoque iura dicentia decimam soluendam esse cum integritate debita, c. *Non est* 22. & c. *Tua nobis* 26. in fine, intelligenda sunt de integritate solui solita. Hinc etiam valet consuetudo, vt Clerici nullas soluant decimas, vt laici non soluant personales, vel non nisi in fine anni, aut vt decima vni parochiæ iure debita soluatur alteri, c. *Ad Apostolica* 20. cum similibus h. t.

Planè personales decimas seu ex lucro industriæ nullibi ferè solui testatur Nauar. in *Manuali* c. 21. n. 31. vsumque in hac materia decimarum, si qua alia, valde variare, notat Zyp. h. tit. sub n. 5. nam alibi decimas deberi lignorum, alibi animalium, alibi leguminum. Sic, eodem referente, in maritimis locis harum ditionum consuetudo obtinere dicitur, quòd is, qui terram aliquam natantem, concedente Principe (in cuius alioqui regalia ea transit, dum mare aut flumen non recedit eodem impetu, sed longissimo tempore inundat, mutatque planè formam) vindicat à mari & aggeribus munit, lucretur decimas, quâdo ab hominum memoria culta non fuit, & Ecclesia decimas nunquam habuit. Alioquin si Ecclesia semel decimas habuerit, & Princeps concedat prioribus dominis vindicationem, tunc sicut proprietas redit ad dominum, ita & decimæ ad Ecclesiam. Si tamen agri, ex quibus decimæ debebantur, maneant inculti per annos centum, & postea nascantur fruges, debebuntur decimæ, quia hoc casu non fuit mutata forma, vt in priori per inundationem.

Tertiò, præscriptione: nam licet laici sint incapaces iuris percipiendi decimas, ac proinde nullâ præscriptione etiam immemorali illud acquirere valeant, c. *Causam sup. De præscript.* tamen nullibi habetur expressum, quòd sint incapaces exemptionis ab earum præstatione;

& ideo

& ideo illam præscribere possunt, sine titulo quidem tempore hominum memoriam excedente, quia iuris præsumptio est in contrarium, *c. 1. De præscript. in 6.* cum titulo verò spatio quadraginta annorum, quia non minori tempore contra Ecclesiam currit præscriptio, *c. 4. 6. & 8. sup. De præscript.* nisi fortè ob specialem aliquam rationem, ut in *c. Si De terra inf. De priuilegijs.*

Quartò, compositione, *c. Ex multiplici 3. c. Nuper penult. h. t.* Sic inter Clericos fieri potest compositio, ut vni, non alteri, decima solvatur, *c. Dilecti 8. h. t. & ibi Abbas,* modò nihil temporale ab altero præstandum intercedat, *c. fin. sup. De rerum permutat.* Eritque talis compositio perpetua, & ligabit successores, dummodò auctoritate Episcopi facta fuerit, *c. Statuimus sup. De transact.* Nec tollitur per priuilegium sequens, nisi de illa mentionem faciat, *d. c. Ex multiplici.*

Quintò, per remissionem. Sic Clerici à præstatione decimarum Episcopaliū per remissionem Canonice factam, id est de consensu Capituli & ex causa eximi possunt, *c. Quia circa 22. inf. De priuilegijs.* Sic paupertatis intuitu pauperibus decima remitti debet, *can. fin. xvi. q. 1.*

§. IX. De decimis noualium, deque actione & cognitione decimarum.

1. Quid sit Nouale.
2. Decima noualium debentur Ecclesie parochiali.
3. Priuilegium de percipiendis decimis non comprehendit nouales.
4. Præscriptio decimarum non extenditur ad nouales.
5. Præscripta vnâ specie decimabili etiam alia præscripta censentur.
6. Cognitiono decimarum ad quem spectet.

DE decimis quoque noualium hîc aliquid subiiciendum est. Solet autem Nouale varijs modis exponi: nam Iurisc. in *l. Silua 30. §. noualis D. De verb. signif.* Noualem interpretatur terrâ præcisam, vel, ut alij legunt, proscissam, quæ anno cessauit. Quam interpretationem sequitur Isidor. 15. *Etymolog. cap. 13.* Noualis, inquit, ager est primùm proscissus, qui alternis annis vacat, nouandarum sibi virium causâ. Vnde illud Virgilij 1. *Georg.*

Alternis idem consas cessare nouales.

Et confirmat Varro lib. 4. *De Latina,* ei opponens agrum restibilem, id est qui restituitur ac feritur quotannis. Interdum sumitur Nouale pro terra, quæ singulis annis semine renouatur. Valla lib. 6. iuxta illud Virgilij *Ecl. 1.*

Impius hæc tam culta noualia miles habebit

Alij Nouale vocant siluam, quæ extirpatis arboribus ad culturam redigitur, *per text. in l. ult. in fine D. De termino moto.*

- 2 Noshic in materia decimarum vnâ cum Innoc. *in c. Quid per nouale inf. De verbor. significat.* Nouale sumimus pro agro de nouo ad culturam redacto, de quo non extat memoria, quod aliquando cultus fuerit. Non tamen pro quolibet tali agro hic specialiter sumitur, sed pro eo, qui ante culturam vel modicum vel nullum fructum adferebat, *Glos. in c. Commissum 4. in V. pascuis h. t.*
- 3 Debentur verò decimæ noualium, seposito priuilegio, præscriptione, consuetudine aut compositione, Parochiali Ecclesiæ, in cuius finibus exsurgunt, & quidem pro modo limitum, sicut & aliæ decimæ, *c. Non est 22. c. Cum contingat 29. h. t.* Ac proinde, si noualia appareant inter duas parochias, prout intra limites huius vel illius exsurgent, ad hanc vel illam pertinebunt ex illis decimæ, pro modo limitum: adeò vt si tres partes noualium exsurgant intra limites vnius parochiæ, & quarta pars intra limites alterius, illa tres partes decimarum, hæc quartam habere debeat. Si verò nulli appareant limites, quibus noualia regi possint, tum fiet inter eas diuisio, vt voluit Henric. Bohic. *per cap. Peruenit 5. h. tit.* aut Episcopus, cui voler, suo iudicio eas assignabit.
- 4 Nec priuilegium alicui, etiam Clerico vel Monasterio, de decimis in aliena parochia percipiendis, concessum, comprehendit noualia, nisi rationabilis causa ostendatur, cur comprehendere debeat, *d. c. Cum contingat*: nam verius est, vt docet Rebuffus *d. q. 14. n. 13.* illum textum intelligi generaliter de omni eo, qui vel præscripserit, vel consuetudine aut concessione etiam à Papa acquisiuerit in aliqua parochia, vt is noualium non habeat decimas, nisi has quoque ad se pertinere doceat.
- 5 Similiter si quis, siue Clericus, siue laicus, siue Monasterium, præscripserit decimas in aliquo loco, & fiant ibidem noualia, decimæ eorum non habebit, sed illius loci Curatus, *d. c. Cum contingat & ibi Glos. ac D D.* Ratio est, quia præscriptio in vno prædio non extenditur ad aliud, *c. Cum in tua 30. h. t.* nisi etiam possedisset noualium decimas tempore immemoriali, sine titulo aut cum titulo, quadraginta annis, vel nisi præscripserit decimam in vna parte prædij & alia pars fiat noualis, *d. cap. Cum in tua*; modò scilicet appareat esse vnum prædium.
- 6 Vbi etiam notandum circa præscriptionem decimarum, eum, qui præscripsit decimas frumenti in aliquo prædio, si ibi seminetur auena vel alia species, habiturum etiam auenæ vel alterius rei ibi seminatae

minatæ decimam, ne res diuerso iure censeatur, *c. Cùm in tua l. Eum qui D. De vsucap.* Et in dubio decimæ præscriptio est realis censenda, id est terram concernens, non speciem fructuum perceptorum: ac proinde qui in certa terra decimam præscripsit, videtur quoad omnes illius terræ fructus præscripsisse. Qui plura de decimis nouallium desiderat, videat Rebuff. *d. q. 14.* & Alex. Moneta *De decimis cap. 4. à n. 50.*

Denique circa actionem, quâ decimæ exigì possunt, & modum procedendi in earum exactione, videatur Rebuffus *d. Tract. De decimis q. 9.* Moneta *cap. 8. cum alijs, quoscitat.* Vbi tamen obseruandum ex Concordatis Brabantia, decimarum cognitionem in possessorio ad Principem, in petitorio ad Ecclesiam spectare, si non agatur de decimis infeudatis, etiam per Ecclesiam possessis, *ex §. in causis merè in Concord. Brab.* vbi inter decimas infeudatas maximè censent referendas, quæ ad ipsum Principis dominium spectant, de quo priuatiuè Concilium solet cognoscere. Ita Zypæus *h. tit. num. 2. in fine.*

§. X. De pœnis detinentium vel non soluentium decimas.

Quemadmodum detinentes tributa multis afficiuntur pœnis, ut in *can. Si tributum x. q. 1. Tit. Cod. Sine censu vel reliquis fundum comparari non posse, & Tit. De annonis & tributis lib. 10.* ita etiam non soluentes aut detinentes decimas, quæ sunt tributa agentium animarum, *can. Decima xvi. q. 1. c. Tua 26. h. t.*

Ac primò quidem tamquam configentes Deum, humano more loquendo, *can. Reuertimini xvi. q. 1.* digni sunt animaduersione diuini iudicij, *iuxta c. Quamuis 17. h. t.*

Secundò, semper infame & penuria maledicti erunt: nam timendum est, ut quisquis Deo debitum suum subtrahit, ne ei auferat Deus necessaria sua, *can. Admonemus xvi. q. 2.* Contrà verò eas soluens diueserit & benedictus, *d. can. Reuertimini in verb. & effundam &c.* Hinc maiores nostri ideo copijs omnibus abundabant, quia Deo decimas dabant, & Cæsari censum reddebant: modò autem quia decessit deuotio Dei, accessit indiçtio fisci. Noluimus partiri cum Deo decimas, modò autem totum tollitur. Hoc tollit fiscus, quod non accepit Christus. Ita Diuus Augustinus. *can. Maiores xvi. q. 7.*

Tertiò,

Tertio, non soluens decimas infirmitatem & ægritudinem, tandemque mortem etiam æternam incurrit: soluens verò sanitatem corporis & animæ ac cælestia dona consequetur, *d. can. Decima.*

Quarto, non soluens decimam ad decimam reuocabitur, *d. can. Decima*, id est, tantum decima ei remanebit, aut dæmonibus, qui sunt decima pars Angelorum, associabitur, *vt ibidem exponit Glos.* impioque militi dabit, quod non vult dari Sacerdoti, *d. can. Decima.*

Quinto, res alienas inuadit & rapit: nam idem est iniuste detinere, quod rapere, *Glossa ad d. can. Decima*: imò sacrilegium committit, *can. fin. xvi. q. 1. can. Quisquis ibid. q. 4. & can. Decimas ibid. q. 7.*

Sexto, excommunicari potest & debet, *can. Omnes decima xvi. q. 7. can. Statuimus ibid. q. 1. c. Peruenit, c. Ad hac, & similibus, h. t. Clement. Dispendiosam De iudicijs, Conc. Trid. Sess. 25. cap. 12. De reformat. non tamen ipso iure est excommunicatus, vt colligitur ex citatis Iuribus, solum comminantibus excommunicationem.*

Denique indignus Ecclesiasticâ est sepulturâ, *Rebuff. De decimis qu. ult. n. 15. per c. Prohibemus 19. h. t. vbi Glos. Abbas, & alij.*

De pœnis Religiosorum grauantium vel fraudantium Ecclesias circa decimas videatur *Clement. 1. De decimis.*

§. XI. De Primitijs.

1. *Primitiæ qua dicantur.*
2. *Debitas esse ex præcepto.*
3. *Quantitas Primitiarum ex consuetudine definienda.*
4. *Debentur proprio Parocho.*

Primitiæ distinguuntur ab Oblationibus, quòd oblationes, vt diximus, sint, quæcumque de proprijs & licitis rebus à fidelibus Deo offeruntur: Primitiæ verò vocentur primi fructus agrorum & arborum, Deo, vt largito omnium bonorum, vel eius Ecclesiæ dati, priusquam alij eiusdem generis nostris vsibus deputentur. Æquum enim est, vt Deum, cunctorum bonorum largitorem, primorum oblatione in signum grati animi recognoscamus. Sic Abel, de pecoribus, Cain de frugibus terræ obtulit, *Genes. 4.*

Et quidem primitias olim lege diuinâ scriptâ debitas fuisse, constat ex varijs Scripturæ locis, & nominatim *Malach. 3.* vbi conqueritur Deus de Iudæis, quòd decimas & primitias non soluerent.

2 At verò Iure Canonico quidam non deberi existimant; alij contrà, *arg. can. Decimas & can. Reuertimini xvi. q. 7.* Sed verior aliorum sententia, qui opinantur ex præcepto eas deberi duobus casibus, scilicet
si sit

si sit consuetudo eas præstandi, & quando Ministri Ecclesiæ indigent: hisque duobus casibus eas retinentes excommunicari, *iuxta can. Frater hoc* 9. 2. *Distinct.* 32. aliàs autem esse de consilio.

Quantum verò ad quantitatem primitiarum attinet, probabilius est, eam non esse speciali nomine definitam à iure, ac proinde arbitrio offerentium relictam, aut recurrendum ad consuetudinem, quæ est optima legum interpret, ut ea pars solvatur, quæ vñ & consuetudine præstari solet. Nam & parvam fuisse primitiarum quantitatem patet ex *d. can. Reuertimini*. Nec obstat *c. i. h. r.* quia quod ibi dicitur non est definitio legis seu iuris, sed sola magistrorum traditio ad occurrendum avaritiæ sacerdotum. Vide *can. fin. xvii. q. 4. & can. Diaconi Distinct.* 93.

Quod si magna sit penuria Parochi, seu eius, cui primitiæ debentur, nec sit ibi aliqua consuetudo, spectanda erit consuetudo viciniore loci, si quæ sit, ut in *c. Cum olim sup. De consuetudine*. Si verò vicinorum locorum diuersæ sint consuetudines, eligenda erit mediocritas, vel quod minimū est, aut arbitrio solventis standum. latè Boerius *Decis.* 236. n. 3. 4. 5.

Cæterum licet primitiæ Deo offerantur, tanquam bonorum largitori, *d. can. Reuertimini*: tamen quia Deus suam partem Sacerdotibus & Leviticis, cultui diuino inferuentibus, dedit, ideo soluendæ sunt & debentur proprio Parocho aut Clericis, qui pro offerentibus preces fundunt, *can. Ecclesias* 9. *item cum decimis* XIII. q. 1. & *similibus*. Quarum quidem primitiarum solutionem non tenetur Parochus statim maturis fructibus acceptare, sed nouem diebus debent esse apud matrem, id est, in spica, quæ est mater grani, *Glos. in l. Stipulatio ista* 38. in *7. incertam* D. *De verb. obligat.* maximè in primitiis & decimis vitulorum & agnorum, si voluerit Sacerdos, tempus in solutione expectandum est, ut tamdiu sint apud matrem, quamdiu periculum est ne pereant, si à matre separentur. Boer. *d. Decis.* 236. *sub. n.* 2.

TITVLVS XXXI.

De Regularibus, & transeuntibus ad Religionem.

§. I. Qui dicatur Regulares, & Monachi.

1. *Regulares dicti à Regula speciali.*
2. *Monachi & Moniales à solitudine.*
3. *Mendicantes non propriè Monachos esse.*

Clerici in genere alij sunt Sæculares, de quorum moribus & bonis externis expositum est hætenus, alij Regulares, de quorum etiam vita & moribus bonisque videndum est.

Regulares dicuntur à Regula speciali, quam profitentur, aliterque Religiosi appellantur, quia certæ Religioni adstricti sunt. Et inter hos alij sunt & dicuntur Abbates vel Abbatissæ, alij Priores, ijque vel claustrales vel conuentuales, alij Superiores, alij simplices Monachi seu Religiosi aut Moniales. Tales quoque sunt Canonici Regulares, milites Hospitalarij, Teutonici, alijque, qui sub certa & approbata à Sede Apostolica regulâ ad tria vota substantialia, paupertatis scilicet, obedientiæ, & castitatis se obstrinxerunt, *c. fin. inf. De religiosis domibus, iuncto cap. unico eod. in 6.*

Monachi verò & Moniales à solitudine claustrum, cui se adstrinxerunt, nomen sortiti sunt, *can. 1. & 8. xvi. q. 1.* Monachus enim Græcè idem est, quod Latine solus ac singularis, *d. can. 1. & 8.* non quòd seorsim, extra aliorum fratrum consortium, viuat vel viuere debeat, cum id vetent sacri Canones, *c. 2. De statu Monach. & similibus:* sed quòd semotus à vita & moribus sæcularium soli Deo, quasi mundo mortuus, viuat, *d. can. 8. iuncto can. Qui verè xvi. q. 1.* Vitare enim debet hominum commercia & frequentiam, ut vita nomini conueniat, *can. Si cupis ibid.*

Hinc nomen Monachi propriè non conuenit omnibus Religiosis, sed ijs solis, qui vitæ contemplatiuæ dediti sunt. * Adeoque Mendicantes, cum assiduè inter homines versentur, non sunt propriè Monachi: multò minùs, qui ex instituto sunt Clerici seu Sacerdotes, ut Canonici Regulares & Religiosi Societatis Iesv, *Less. 2. De Iure & Iustitia cap. 41. dubitat. 1.* Alia enim, ut ibidem ait, est Religio Clericorum, alia Monachorum, ut constat ex *c. Licet 18. h. t. can. Nullus, can. Mandamus xix. q. 3. & alijs iuribus:* quamquam in fauorabilibus nomine Monachorum veniant omnes Religiosi, ut docet Panormit. in *9. Ex parte sup. Depostulas. Prelator.*

§. II. Quo pacto fiant Monachi.

1. *Fiunt dupliciter vel parentum oblatione, vel professione.*
2. *Professio vel expressè fit. 3. Vel tacitè.*

A. Decretum

4. *Decretum Conc. Trid. de tempore professionis Monastica.*5. *Quatenus Conc. admittat tacitam professionem.*

Monachi fiunt vel parentum deuotâ oblatione, vel propria professione, *can. Monachum xx. q. 1. c. Cum virum 12. h. tit.* Parentum oblatione, veluti si pater vel mater filium filiamve impuberem adhuc monasterio tradat. Hoc tamen casu potest filius maior factus & ingressus annos pubertatis, dissentire, & ad sæculum redire, *d. c. Cum virum, cum similibus*: nam Religionis Monasticae professio ante pubertatem emissâ non obligat, ob defectum iudicij, *c. Significatum 11. h. 1. & c. 1. eod. in 6.*

Propria professio duobus sit modis, expressè vel tacitè. Expressè, si pubes Religioni nominatim se deuoueat (quibuscumque verbis utatur, modò per illa intendat se Deo & Religioni obstringere; *Less. De iust. & iure c. 41. n. 57.*) in manibus Abbatis vel alterius Superioris, aut etiam simplicis Monachi, à Prælato mandatum habentis, eius Religionis, quâ sibi elegerit, aut si professionem antea factam expressè ratam habeat, etiamsi habitum Monachalem non assumpserit nec assumat, quia Monachum non habitus sed professio facit, *c. Porrectum 13. c. Ad Apostolicam & c. Ex parte 22. h. 1.* imò licet Monasterium antea nunquam fuerit ingressus, *c. Sicut nobis 17. eod.*

Nec obstat, quòd intra tempus probationis (quod arbitrarium est, interdum scilicet annus, interdum biennium, subinde triennium, prout Prælato discreto expedire visum fuerit) nec fieri nec recipi debeat professio, *d. c. Ad Apostolicam*: quia illud obtinet, ubi professio nondum facta est; aliàs facta & recepta tenet, iuxta illud, multa fieri prohibentur, quæ tamen facta tenent, *d. c. Ad Apostolicam.*

Excipiuntur tamen Ordines Mendicantium, veluti Minorum, Prædicatorum, aliorumque similium, in quibus singulari iure cautum est, ne quis intra probationis annum ad professionem Ordinis admittatur: & si secus factum fuerit, ut nec receptus alligetur Ordini, & ipsi recipientes à receptione professionis aliorum sint suspensi, aliaque pænâ, pro grauioribus culpis infligi ipsis solitâ, puniendi, *c. 2. & 3. eod. in 6.* Nam licet Alexander IV. id statuerit tantum in Prædicatoribus & Minoribus, Bonifacius VIII. tamen ad omnes cuiusvis ordinis Mendicantes prorogauit, *d. c. 2. eod. in 6.*

Tacitè fit professio, quando quis non verbis & scripturâ, sed alio indicio mentem suam religionis à se susceptæ declarat: veluti si masculus maior xiv. annis, femina xii. Religionis habitum gesserit per annum, ubi is habitus communis est & indistinctus nouitijs ac professis, hoc ipso censetur tacitè professus, *c. 1. h. tit. in 6. Clement.*

Eos qui eod. vel, ubi distinctus est habitus & proprius professorum, si post annum xiv. sciens & volens perseveret per triduum in eo habitu, c. 1. & 3. eod. in 6. c. Ad nostram 7. h. t. vel si actibus professorum proprijs se ultro ingesserit. c. Vidua 4. h. t. & Abbas ibid. ut si in Capitulo suffragium dederit: nec tunc requiritur triduum. Debent tamen ista fieri animo profitendi, & consentiente eo, cuius est admittere, Less. 2. De Inst. & Iure cap. 41. dubitat. 7. n. 57. in fine.

4 Et ita quidem de iure communi: nam Concil. Trident. cuius constitutione hodie utimur, *Sess. 25. cap. 15. De Regular. abrogando d. c. Ad Apostolicam*, statuit, ne in quacumq; Religione, tam virorum, quam mulierum, professio fiat ante decimum sextum annum expletum, neve qui minori tempore, quam per annum, post susceptum habitum in probatione steterit, ad professionem admittatur: & ut professio, antea facta, sit nulla, nullamque inducat obligationem, ad aliquius Regulæ vel Religionis vel Ordinis observationem, aut ad alios quoscumque effectus. Et *cap. seq.* decrevit, ut nulla renuntiatio aut obligatio, antea facta, etiam cum iuramento, vel in favorem cuiuscumque causæ piæ valeat, nisi cum licentia Episcopi siue eius Vicarij fiat, intra duos menses proximos ante professionem: nec aliàs intelligatur effectum suum sortiri, nisi secutâ professione; aliterque facta, etiam cum huius favoris expressa renuntiatione, vel iurata, sit irrita, & nullius effectus.

5 Vnde patet inter alia, per dictum decretum Concil. Trident. sublatam esse professionem tacitam, quæ intra annum probationis Iure Decretalium fieri poterat, veluti per gestationem habitus proprij professorum ad triduum, vel quoddam deferens habitum sciens & ultro opus faceret proprium professorum, *d. c. Ad Apostolicam & c. 4. h. t. & c. Constitutionum eod. in 6.* exemplo matrimonij carnalis, *c. Is qui inf. De sponsal.* cum Conc. integrum annum requirat, Navar. *Conf. 35. n. 5. De Regularib. & Azor. Institut. Moral. lib. 12. c. 4.* Alioquin si quis, probationis & ætatis anno sexto-decimo expleto, per alium annum detulerit habitum, professorum & novitiorum communem, & non manifestè distinctum, censetur tacitè etiam nunc professus; nec enim hanc tacitam professionem Conc. excludit: sicut nec illam, quæ inducitur per taciturnitatem quinquennij à die professionis inualidæ, modò sciuerit inualidam; sed eam approbat, *d. Sess. cap. 19.* Et aliàs inualidè professus, nisi, sciens inualidam fuisse professionem, eam postea ratam habuerit vel tacitè vel expressè, potest absque scandalo habitum dimittere. Sed quia huic rei facilè fraus fieret, statuit Conc. *d. c. 17.* ut nemo audiatur nisi intra quinquennium à die professionis, allegatis causis coram Superiore suo & Ordinario.

Mandat

Mandat idem Conc. d. 6. 16. ne ante professionem, excepto victu & vestitu, quocumque prætectu à parentibus vel propinquis aut curatoribus, aliquid monasterio ex bonis novitij tribuatur; ne hac occasione discedere nequeat, quòd totam, vel maiorem partem substantiæ suæ, monasterium possideat, nec facilè, si discesserit, id recuperare possit.

Imò mandat, vt abeuntibus ante professionē omnia sua restituantur, sub pœna anathematis. Ideoq̃ue dicendum, si ante professionem quis moriatur, restituenda bona esse, quibus ea competunt, Zerola p. 2. V. Moniales §. 11. post Navar. Gutierrez Can. quilibet. 2. cap. 1. n. 107.

Porrò decreto Conc. Trid. d. 6. 15. non comprehenduntur Ordines militares, ex declaratione Sacra Congregat. quia non sunt in strictissimo rigore Religiosi, de quibus Conc. loquitur, vti patet ex cap. seq. quod loquitur de Religiosis, qui veram paupertatem vouent; quales non sunt hi Ordines, Sanchez De matrim. lib. 7. Disputat. 44. n. 48.

§. III. De requisitis ad validitatem professionis.

1. Religionem ingrediens debet esse sui iuris.
2. Episcopus relicta Ecclesiâ ad Religionem transire nequit.
3. 4. Profiteri nequit furiosus & illegitimus.
5. Debet liber & voluntarius esse ingressus.
6. Conc. Trid. circa hoc decretum.
7. Requiritur & consensus Capituli.
8. Vt nulla adsit conditio, repugnans substantia Religionis.
9. Vt contineat tria vota, obedientia, paupertatis, & castitatis.
- 10 11. Beghinas & Canonicas feminas non esse Religiosas.
12. Potest quis professus in vna ad strictiorem Religionem transire.
13. Quot admitti possint ad monasterium.

VT valida sit professio, præter ætatem legitimam & annum probationis, plura alia requiruntur. * Atque imprimis, vt Religionē ingredi volens sit sui iuris, & non alteri adstrictus. Hinc seruus absque consensu domini, vel eo ignorante, Religionem ingressus, imò etiam professus, cum ijs, quæ secū introduxerit, intra triennium restituitur domino repetenti; fide tamē acceptâ de impunitate, can. Si quis xvii. q. 2. Hinc etiâ Religionē ingredi nequeūt impuberes, sine consensu parentum aut tutorū, quibus subsunt quoad vitæ dispositionē: ingressosq̃; absq̃; suo consensu possunt reuocare parentes

aut tutores intra annum dumtaxat, *c. 2. & c. Ad nostram 8. h. t.* Puberes autem facti, etiam illis inuitis, ingrediuntur & profitentur, *c. Cum vires 12. h. t.* quia per pubertatem quoad statum & electionem vitæ efficiuntur sui iuris & arbitrij. Vbi verò dura atque austera est Religio, requiritur plena pubertas, id est ætas xviii. annorum, *c. 6. h. t.*

Secundò, Episcopi relictis suis Ecclesijs absque Romani Pontificis consensu & auctoritate transire ad Religionem nequeunt, *c. Licet 18. in fine h. t. & arg. c. Nisi cum pridem sup. De renuntiat.* vbi inter causas concedendæ renuntiationis non enumeratur ingressus in Religionem. Deinde quia Episcopi sunt adstricti suæ Ecclesiæ, sicut maritus uxori; & proinde vt maritus non potest deserere uxorem suam absque eius consensu, ita nec Episcopus Ecclesiam: quem consensum summus Pont. tanquam omnium Ecclesiarum curam habens, sibi reservauit.

Tertio, Coniuges consummato matrimonio: *de quo ad Tit. seqq.*

3 Quarto, Furiosus profitendo non obligatur, ob defectum iudicij, nisi factus sanæ mentis ratam habuerit professionem, *c. Sicut 15. h. t.*

4 Quintò, Illegitimus non admittitur ad Religionem, in qua pater eius siue ante siue post natiuitatem professus fuerit, si is adhuc sit superstes.

5 Sextò, Debet voluntarius esse ingressus, voluntaria & libera professio à metu, præsertim candente in constantem virum, etiam reuerentiali, quando is adiunctus est minis. Qua de re hæc statuit Conc. Trid. *Sess. 25. cap. 18. De regularibus*, anathemati subiiciendo omnes & quoscumque, cuiuscumque qualitatibus & conditionis, qui quomodo-cumque coegerint puellam, viduam, aut aliam quamcumque mulierem inuitam, præterquam in casibus à iure expressis, ad ingrediendum monasterium, emittendam professionem, quique auxilium, consilium vel fauorem dederint. Simili quoque anathemati subiicit eos, qui volentes ingredi Religionem quoquo modo sine iusta causa impederint. Metus verò ab intrinseco proueniens, vt in vouentibus ob metum mortis naturalis, vel naufragij, & similiter metus levis non cadens inconstantem virum, attentâ ingredientis personam & qualitate, non inualidat ingressum, Couar. *in 4. Decretal. 2. p. cap. 3. §. 4.* Sicut etiam non irritatur, si cessante causâ metus, perseueret in Religione.

6 Sed &, vt liberior sit Virginum professio, mandat Conc. Trid. *d. Sess. 25. cap. 17.* vt, si puella, habitum regularem assumere volens, sit maior duodecim annis, ante susceptionem habitus & rursus ante emissionem professionis, examinetur & exploretur virginis voluntas diligenter, an non coacta aut seducta fuerit, an sciat, quid agat: idque extra septa Monasterij, in Ecclesia scilicet aut circa, præsentibus Notario & duabus grauib. matronis, non consanguineis, nec puellæ coniunctis

conuinctis, Zerola ex *Congregat. Cardd. Interpp. p. 1. V. Moniales*. Tene-
turque Præfecta Monasterio, ne professionis tempus Episcopus igno-
ret, eundem ante mensem finiti nouitiatus certiozem facere, sub pœ-
na suspensionis ab officio, quamdiu Episcopo videbitur, Conc. Trid.
d. loco. Quod si verò ea examinatio fuerit omiſſa, Ordinarius nihil à
professa ſciſcitari debet, ſed eam ſibi relinquere, & animaduertere
in Præfectas, Zerola *d. loco*. Nullique permittitur professionem ſuam
inualidam dicere & ad libertatē proclamare, niſi intra quinquenniū à
die professionis, nec aliter, niſi deductis cauſſis coram Ordinario &
ſuperiore ſuo, vt ex eodem Conc. *d. Seſſ. 25. cap. 19. Seſſ. 25. antè*
diximus. Sin autem Ordinarius ſit ſimul ſuperior, veluti ſi Mona-
ſterium ſit Episcopatuui vnitum, tunc ille ſolus, de nullitate po-
terit cognoſcere, quia Conc. dum coniungit vtrumque, ſupponit
vtrumque adeſſe, nempe quem ſimul eſſe Episcopum & ſuperiorem.
Poſt quinquennium tamen ex cauſſa iuſta poteſt quis reſtitui aduerſus
professionem à ſe emiſſam per vim aut metum, vel ob aliam cauſſam
inualidam, veluti durante vi aut metu aut alio reclamandi impedi-
mento, vltra quinquennium, Riccius *Deciſ. 657*. Et ideo quod Conc.
ſtatuit, poſt quinquennium non eſſe quem audiendum, intelligi de-
bet de communi via, non autem de extraordinario remedio reſtitu-
tionis in integrum ex iuſta cauſſa, Azor. *p. 1. Inſtit. Moral. lib. 12. c. 4.*
verſic. Poſtremo.

Septimò, requiritur conſenſus Capituli, nec ſufficit adhiberi conſi- 7
lium *c. Ea neſcitur 6. ſup. De hijs, quæ ſunt à Pralato &c.*

Octauò, requiritur, vt fiat profeſſio in Religione aliqua per Se-
dem Apoſtolicam approbata, *c. vnico De voto in 6.*

Nonò, vt nulla adſit conditio, ſubſtantia Religioniſ repugnans: 8
qualis eſt, ſi profiteatur eà lege, vt poſſit ſua bona retinere, egredi ſuo
arbitratu, ducere vxorem, & ſimiles. Secus, ſi profiteatur abſolutè,
licet antè pactus eſſet, vt ſibi liceret habere pecuniam, vel manere
domi, vel habere vſum bonorum ſuorum; de licentia tamen ſeu de-
pendentia ab arbitrio Superioris, *c. Inſinuante 7. inf. Qui Clerici vel vo-
nantes &c.* Verumtamen poſt Conc. Trid. talia pacta fieri nequeunt
ſine Pontificis auctoritate.

Decimò, requiritur, vt profeſſio fiat de tribus votis ſubſtantiali- 9
bus, Obedientia ſcilicet Paupertate & Caſtitate, & quidem in perpe-
tuum, *c. Cum ad monaſterium 6. inf. De ſtatu Monach.* Sufficit tamen ea
fieri expreſſè vel implicite, vt latiùs deducit Leſſ. *lib. 2. De Inſtit. & Iure*
cap. 41. dubit. 1. Hinc qui in Monafterijs Conuerſi & Oblati dicuntur,
non ſunt verè Religioſi, ſi prædicta vota non emittant: • Vt nec 10
quæ Beghinæ vulgò dicuntur, quippe quæ nullam approbatam regu-
lam pro-

lam profiteantur, neque obedientiæ aut paupertatis voto sint adstrictæ: quarum statum, quod aliter de mysterijs fidei nostræ sentirent, licet penitus abolendum decreuerit Clemens V. *Clement. 1. De religiosis domib. & Clement. 3. De heret.* tamen eâ Clementis abrogatione non continerent eas, quæ culpâ carent, nec suspectæ sunt, declarauit Ioan. xxii. c. *vnico De relig. domibus in Extrauag. communib.* Et in d. *Clement. 1.* dicitur, quod si fideles aliquæ mulieres, promissâ vel non promissâ continentia, in suis hospitij honestè conuersantes pœnitentiam agere uoluerint, & virtutum Domino in humilitatis spiritu deservire, hoc eisdem liceat, prout Dominus ipsis inspirabit.

- 11 Similiter ob eandem causam Religiosæ non sunt Canonice feminae, quas Canonissas vocamus, quæ viuunt exemplo Canonico-
rum secularium, nec renuntiant proprijs, neque vllam professionem emittunt: vnde nec ad clausuram cogi possunt, Azor. *lib. 13. Institut. moral. cap. 9.* exeuntque liberè & nubunt: exceptis paucis, vt Abbatissâ, Priore, Sacristâ, Præpositâ, Decanâ, quæ virginitatem vouent, vt dicunt. Et licet harum status improbari videatur per Innoc. II. in *can. Pernitiosam xviii. q. 2.* tamen eam viuendi rationem non esse damnatam, etsi nec approbata sit, tradit Azor. *d. loco.* Item licet Pont. in *Clement. Attendentes De statu Monachor.* velit eas per locorum Ordinarios, si exemptæ non fuerint, suâ, si verò exemptæ fuerint, Apostolicâ auctoritate visitari; non intendit tamen per hoc earum statum, Regulam seu Ordinem approbare: sicut nec in *c. Indemnitatibus §. penult. De elect. in 6.* vbi decreta in Canonicis electionibus præscripta iubet seruari in Abbatissarum seu alio nomine nuncupatarum Præfectarum. De his plenius videre licet apud Tolosan. *Syntag. Iuris vniuersi lib. 15 cap. 17. num. 9. & apud Zyp. h. tit.* vbi plura etiam tradit de earum origine, ac norma viuendi: quæritque *ibid. num. 7.* an tam Beghinæ, quàm hæ Canonice censeantur personæ Ecclesiasticæ & Religiosæ, eo sensu, quo loca pia & congregationes religiosæ dicuntur, ad eum scilicet effectum, vt sub sint Episcopo, & coram eo stare iuri teneantur, nec forum Episcopi declinare valeant.

- 12 Vndecimò, qui Religionem in monasterio aliquo professi sunt ad aliud strictioris Regulæ & sanctioris vitæ transire possunt, non verò Religionis laxioris, *c. Sanè 10. & c. Licet 18. h. 2. Conc. Trid. Sess. 25. c. 19. in fine De Regularibus.* Idq; non nisi petita prius facultate à suo Prælato: qui si facultatem neget transeundi poterit nihilominus ad aliam Religionem migrare, *d. c. Licet.*

- 13 Denique quod ad numerum attinet recipiendorum ad Monasterium aliquod, Bonifac. VIII. in *c. Periculoso §. sanè De statu Regular. in 6.* statuit, ne in monasterio faminarum, quod proprios habet reditus, plu-

tus, plures recipiantur, quàm de illius bonis siue prouentibus possint sine penuria sustentari: aliterq; factam receptionem decreuit irritam. Conc. verò Trid. Sess. 25. c. 3. statuit, vt in monasterijs & domibus tam virorum quàm mulierum, bona immobilia possidentibus, vel non possidentibus, is tantum numerus constituatur, & in posterum conseruetur, qui vel ex redditibus proprijs monasteriorum, vel ex consuetis eleemosynis comòdè possit sustentari Vide Zyp. Tit. De Regularib. n. 34. Less. De iure & iust. l. 2. c. 35. dub. 12. Gutierrez l. 1. Can. q. 32. n. 61. & seqq.

TITVLVS XXXII.

De conuersione coniugatorum.

1. Alter coniugum, inuito altero, ingredi Religionem nequit.
2. Mutuo consensu, etiam consummato matrimonio, licet.
3. 4. 5. 6. Quandoque altero etiam inuito.

Non tantum cœlibes, sed & quandoque coniugati Monasterium ingrediuntur ac Religionem profitentur: de quorum tamen ingressu dubitari poterat, ex quo Religio votum contineat castitatis, quod matrimonij vsui repugnat.

Vnde dicendum, coniuges consummato matrimonio non posse validè profiteri Religionem, seu eam ingredi, sine mutuo consensu: adeò vt si, maritus inuitâ vel ignorante vxore profiteatur, repeti ab ea possit & redire cogatur ad vxorem, ac petenti debitum reddere, licet exigere illud non possit, sed quantum in se est seruare teneatur castitatem. Vnde mortuâ vxore non quidem ad monasterium redire cogendus est, quamuis ei congruentius esset ad salutem, si rediret; verum cum alia contrahere matrimonium non potest, propter votum continentiae semel liberè emissum, c. Quidam 3. & c. Placet 12. h. t. Si verò vxor à mariti ingressu adulterium commiserit, repetere maritum non potest, licet eidem licentiam ingrediendi non dederit, vel etiam ad eam dandam dolo metuve inducta fuerit, c. Constitutus 15. & c. Accedens 17. h. t.

Mutuo verò & libero consensu ingredi possunt: ita tamen, vt maritus consentiente vxore ingredi nequeat, nisi & ipsa Religionem aliquam profiteatur, si iuuenis si, vel talis, quæ in sæculo manens meritò de incontinentia possit fieri suspecta. Alioquin si senex sit & sterilis, aut talis, vt sine suspitione manere in sæculo possit, votum sufficiet continentiae, in manibus Episcopi emissum, cap. Cum su 4. & seq. cap. Vxoratus, & alijs hoc tit. Et hæc omnia fieri
Eccc debent

debet, auctoritate vel Episcopi, vel Archiepiscopi interpositâ, *can. Si vir xxvii. q. 2.* Quomuis irrita non sit professio, si aliter facta fuerit: & maritus, consentiente vel sciente ac dissimulante vxore suâ, Religionem ingressus & professus, eâ mortuâ redire ad sæculum nequit, vel aliam sibi matrimonio copulare, *c. Ex parte 9. & c. Consultuit seq. h. t.* Vide Less. 2. *De iust. & iure cap. 41. Dubit. 3. n. 23.*

3 Potest tamen alter coniugum, altero etiam inuito, Religionem ingredi certis casibus. Primò, si matrimonium necdum sit consummatum; & tum manenti in sæculo licitum est ad secunda vota transire, *c. Verum 2. c. Ex publico 7. h. t.*

4 Secundò, etiam post consummatum, secundum probabiliorem sententiam, vxor ingredi potest, si maritus per vim illud consummauerit, ante expletos duos menses, qui ei à iure, *in d. c. Ex publico*, conceduntur: idque ob grauem iniuriam, quam eidem intulit; vt propterea iure suo priuari non debeat, Sanchez 2. *De matrim. Disputat. 23. n. 6. vbi alios citat.* Idem videtur dicendum, si per grauem metum consummationem extorserit, quia similis iniuria est.

5 Tertiò, si alter coniugum committat adulterium, licet innocenti Religionem ingredi, *can. Agathosa xxvii. q. 2. & colligitur ex c. Constitutum, cum duobus seqq. h. t.* Vt tamen id ordinatè procedat, primò auctoritate Iudicis, causâ cognitâ, separatio fiat necesse est, partim ad vitandum scandalum, partim ne repeti possit, & cogi ad redeundum. Quòd si alter quoque adulterium occultè commiserit, puta maritus, non potest vxorem dimittere, vt Religionē ingrediatur, quia paria delicta mutuâ compensatione tolluntur, *c. fin. inf. De adulterijs.* Idem dicendum, si cognito vxoris adulterio, debitum petijt vel reddidit, quia illi censetur reconciliatus, ac ius suum remisisse, *can. i. xxxii. q. 1.*

6 Quartò, si alter incidat in heresin, & iudicio Ecclesiæ fiat separatio, potest innocens ad Religionē transire, etiamsi ille conuertri voluerit: si verò non fuerit facta separatio iudicio Ecclesiæ, tum tenetur emendatum recipere, nec potest Religionem ingredi, *c. fin. h. t. iuncto c. De illa inf. De diuortijs.*

TITVLVS XXXIII.

De conuersione infidelium.

1. Infidelis quis hic dicatur.

2. Infidelis conuersus rectè contrahit cum fidele.

Etiā

Etiam infideles subinde ad fidem Christianam conuertuntur: idèd & de horum conuersione dicendum est aliquid. Infidelis generaliter dici potest quilibet discrepans à fide, quia quidquid à fide Catholica discrepat, fidei Christianæ est contrarium, *l. Cælicolarum in fine Cod. De Iudæis & Cælicolis*, Hostien. in *Summa h. t.* Hic autem specialiter sumitur pro eo, qui nunquam fidem suscepit, qualis est Iudæus, Paganus, Saracenus. Et ideo hæreticus non dicitur conuerti, sed reuerti.

Si igitur infidelis conuertatur ad fidem, poterit contrahere matrimonium cum fidei, nisi cum adhuc esset in infidelitate, machinatione & dolo maritum eius occideret: alioqui si absque machinatione, veluti in bello, nihil prohibet, quo minùs illam conuersus ad fidem in uxorem ducat, *c. 1. h. t.* Quod si verò alter infidelium (inter quos potest esse matrimonium, vt contractus est ciuili, non vt Sacramentum, *c. Gaudemus inf. De diuortijs*) conuertatur ad fidem Catholicam, communis proles assignari debet conuerso, ne ab infideli inducatur in errorem, *c. 2. h. t.* Nam placuit summam esse rationem, quæ pro religione facit, *l. Sunt persone 43. in fine D. De relig. & sumptib. funerum*. Cæterum de matrimonio infidelium, cum inter se, tum cum fidelibus, postea fusiùs agemus.

TITVLVS XXXIV.

De Voto & voti redemptione.

§. I.

1. Quid sit Votum.
2. Votum debet esse deliberatum.
3. 4. Liberum & cum effectu.
5. Qui vouere non possint.

Quia antè dictum est de Regularibus & Religionem intrantibus, de quæ infidelibus, qui ad fidem conuertuntur, qui omnes votum quoddam emittunt, illi eligionis, quod Monachum facere dicitur, & non habitus, hi verò fidei: meritò nunc sequitur de voto in genere, eiusquæ redemptione.

Votum autem est alicuius boni operis cum deliberatione liberè Deo facta promissio; cum animo scilicet obligandi se, ab eo, qui se obligare potest.

Dico, alicuius boni operis, quale est peregrinari ad loca sancta eleemosynam dare, *c. 1. & 2. h. t.* quia in malis promissis frangenda fides potius quàm seruanda, *can. In malis xxii. q. 4.* Et si quid vo-

ueatur, quod corpori vel animæ certum adferat discrimen, non acceptatur à Deo, nec obligat, *c. Inter ceteras sup. De iureiurando*. Hinc etiam votum debet esse de meliori bono, quàm sit eius oppositum; ideoq; non obligat votum de non mutuando, de non dando eleemosynam, non ingrediendo Religionem, quia oppositum est Deo gratus.

- 2 Dixi, cum deliberatione; id est cum perfecta & plena animaduersione eius, quod agitur, quia nemo censetur sibi alicuius obligationis vinculum, quale est votum, imponere, nisi plenè aduertat, quid agat. Hinc qui in ætate tenera, facilitate potius, quàm ex arbitrio discretionis, vouerat, facilè fuit à voto absolutus, *c. 2. eod. & feruore passionis vouens ingredi Religionem, non obligatur, can. Consaldu xvi. q. 2.* Sed neque furiosi vouendo aut profitendo obligantur, nisi sanæ mentis effecti votum in furore emissum ratum habuerint, *c. Sicut tenor 15. sup. De Regularibus*. Idem dicendum de infantibus.

- 3 Dixi, liberè; quia votum meru vel dolo iniurioso extortum est irritum, *c. 1. & 2. sup. De his quæ vi metusve &c.* Idem dicendum de voto per errorem emissio.

• Dixi, Deo facta promissio; quia homini facta non est votum *c. Magna 8. ibi, Vouete & reddite Domino Deo vestro h. t.* nam Vouere est aliquid Deo sanctè promittere, vt constat ex auctoribus Latinis, licet aliàs sumatur pro desiderare, & Votum pro Desiderio.

- 4 Dixi, facta promissio; quia ex sola boni faciendi conceptione seu proposito, quantumuis deliberato, non obligatur quis, tamquam ex voto, si vltèrius ad promissionem non sit progressus, *can. Qui bona xvi. q. 1.* ne quidem eo casu, quo quis Religionem intrat animo & proposito in ea perseverandi ac perpetuò Deo seruiendi, Nauar. in *Manuali cap. 12. n. 26. & communiter Theologi*, & colligitur ex *c. Litteraturam 3. h. t.* vbi expressè dicitur, eum, qui vltra propositum mutandæ vitæ non est progressus, voto non teneri; item ex *Conc. Trid. Sess. 25. cap. 13.* vbi concedens nouitijs annum probationis, vult eos toto eo tempore manere liberos ad egrediendū, si putent disciplinā sibi non conuenire.

Non obstat *c. Statuimus & c. Consulti sup. De Regularib.* quatenus ibi statuitur, nouitios posse liberè ad sæculum intra annum redire, nisi euidenter appareat, quòd tales absolutè voluerint vitam mutare & in religione perpetuò Domino seruire: nec similiter *c. Beneficium eod. t. in 6.* vbi dicitur beneficium ingressi Religionem posse alteri dari, si constet absolutè voluisse vitam mutare: quia illis locis agitur de proposito, quod promissione seu voto firmatum est, licet exterius verbis vel nullis vel nullam voti speciem præ se ferentibus fuerit expressum.

Addidi, cum animo se obligandi; quia actus agentium ex intentione non operantur vltra intentionem.

Denique

Denique additur, ab eo, qui se obligare potest; quia quidam sese voto obligare non possunt; vel absolutè, vt infantes & furiosi, ob defectum iudicij; vel non ita validè, quin votum eorum ab alio, in cuius sunt potestate, irritari possit, vt impuberes, sine consensu parentum aut tutorum, *can. 1. 2. & 3. xx. q. 2.* Item coniuges post consummatum matrimonium, sine mutuo consensu.

Sic nec Episcopus vouere peregrinationem potest, absque consensu suæ Ecclesiæ, *c. Magna 7. h. t.* nec Clericus, absque licentia sui Episcopi, licet sine eius consensu Religionem ingredi possit. Similiter Monachus sine consensu Superioris, quia velle aut nolle non habet, *c. Quorundam c. Si Religiosi De elect. in 6.* Denique serui, coloni adscriptitij vel originarij, in præiudicium suorum dominorum, vouere nequeunt, *can. Generalis Distinct. 54.*

§. II. De diuisione Voti.

1. *Votum aliud Solemne & Simplex.* 2. *Aliud Expressum & Tacitum.*
3. *Aliud Purum & Conditionale: item Personale, Reale, Mixtum.*
4. *Aliud Perpetuum & Temporale.*

Votum variè diuidi solet. Primò in Solemne & Simplex. Solemne generaliter dici potest, quod fit publicè, certis solemnitatibus, v. g. testibus aut iuramento, adhibitis. Vel specialiter, quantum ad matrimonium post contractum dirimendum, Solemne votum dicitur, quod ex decreto Ecclesiæ annexum est susceptioni Ordinis sacri: & professione vel expressâ vel tacitâ Religionis per sedem Apostolicam approbatæ continetur, *c. vnico h. t. in 6.* Simplex verò votum hodie est omne aliud votum, licet professione Religionis non approbatæ contineatur.

Secundò diuiditur in Expressum & Tacitum. Expressum est, quod verbis discretis exprimitur. Tacitum, quod eo ipso fieri censetur, quo voluntariè aliquid agitur, cui ipsum votum est annexum vel supponitur. Huiusmodi est, quod fit susceptione Ordinis sacri.

Tertiò, diuiditur in Purum & Conditionale. Item in Personale, Reale & Mixtum. Personale est, dum promittitur, quod personam solum attingit, v. g. aliqua actio vel omissio, vt peregrinatio ad visitandum sepulcrum Domini, *c. 2. h. t.* Tale etiam est votum Religionis aut ieiunij. Reale est, quo res externa promittitur, vt in *c. Ex parte 18. inf. De censib.* Mixtum, quo vtrumque, veluti peregrinatio cū oblatione, vel profectio Ierosolymam ad eam armis liberandam, *c. Non est & seq. h. t.*

Denique diuiditur Votum in Perpetuum & Temporale.

Ecce ii §. 3. De

§. III. De obligatione adimplendi votum, deque voti solutione.

1. *Votum ab initio voluntatis est, ex postfacto necessitatis.*
2. *Solvitur votum defectu materiae. 3. Et Conditionis.*
4. *Irritatione. 5. Commutatione 7. Dispensatione.*
6. *Quilibet commutare potest, qui dispensare.*

T Ametsi ab initio liberum sit vouere, vel non vouere, tamen non est liberum à voto semel emisso resilire, absque propriae salutis dispendio, nisi eius solutio interuenerit, *c. licet 6. cum c. seq. h. t. can. 1. & seqq. xvii. q. 1.* adeò vt ne quidem causâ conuertendi aliquem ad fidem liceat infringere votum, *can. Non solum xxxii. q. 8.* Quin imò hæres etiam defuncti votum adimplere tenetur, si tale sit, quod per alterum impleri possit, vti est votum reale, aliàs paternâ successionem se indignum reddet, & reum anathematis, *d. c. Licet & c. Si heredes 6. sup. De testamentis.*

2. Solui seu redimi votum potest quinque modis. Primò, defectu materiae, si voti legitima materia desinat esse, vel absolutè vel respectu vouentis: vt si turpe votum fuerit, si quid incautiùs quem vouisse contigerit, vel si propter infirmitatem, vel paupertatem, vel aliam iustam causam, votum non possit vtiliter adimpleri, *can. 5. & alij xxii. q. 4. c. Quod super 8. in princ. cum cap. seq. h. t.*

3 Secundò, defectu conditionis: vt si quis quid vouerit sub certa conditione, quæ non eueniat, aut si causâ voti cesseret, *c. Magna 7. §. fin. h. tit.*

4 Tertiò, irritatione: vt si obligatio voti perfecta pendeat aliquo modo ab alterius voluntate, qui non vellent eam approbare; nam tale votum velex natura, vel ex Iuris dispositione hanc tacitam habet conditionem, nisi superior, vel alius, cuius interest, contradixerit. Ita omnia vota Religiosorum, præter votum arctioris Religionis, posse à Prælato irritari, docet Nauar. in *Manuali cap. 12. n. 65.* Similiter vota impuberum irritari possunt à parentibus & tutoribus, *c. Si quis 2. sup. De regularib.* Vota item seruorum à dominis, quatenus eorum obsequijs obesse possunt. Hinc quoque maritus omnia vota coniugis, quæ sibi incommodent, & ad familiæ administrationem pertineant, cuius ipse, vti & mulieris, caput est, irritare potest, vt passim docent Canonistæ.

5 Quartò, commutatione: nam in primis quilibet auctoritate propria vo-

priâ votum suum in id, quod manifestè melius & Deo gratius est, potest commutare, *c. Feruenit 3. sup. De iur. iur.* Nec obstat *c. 1. h. t.* ubi dicitur, commutationem voti pendere ab arbitrio eius, qui præsidet, seu superioris: quia huius requiritur auctoritas, quando non constar, id, in quod fieri debet commutatio, esse melius. Non obstat etiam, quòd debitor soluens creditori rem, etiam meliorem, non liberetur, sed teneatur soluere, quod debet: quia creditori solui potest melius, quando id ipsi gratius est. Non obstat denique, quòd quis in propria causa nequeat esse Index: quia potest, parte consentiente, non autem inuitâ.

Præterea quilibet votum commutare potest, qui in eo dispensare, 6
sive potestate ordinariâ, sive delegatâ; licet non è diuerso. Ratio est, quia commutatio voti est quædam veluti imperfecta dispensatio seu relaxatio, *arg. c. 1. h. t.* Nam dispensare in voto nihil aliud est, quàm nomine Dei absolutè condonare obligationem: Commutare verò est condonare cum onere, ut scilicet loco prioris obligationis aliam suscipias. Iam autem regula iuris habet, quòd cui licet id, quod est plus, liceat etique, quod est minus, non contrâ. In commutatione voti haberi debet ratio expensarum, quæ in expletionem voti fuissent faciendæ, habitâ personarum ratione, ut illæ impendantur in aliquod opus pium. In voto autem de dando, faciendo, videndum, an inde non sit ius quæsitum alteri, quia tum dispensare ampliùs non posset Episcopus, sine illius assensu, cui ius esset quæsitum: nisi sit illius dominus superiorve tam absolutus, ut possit ipsi auferre rem quæsitam, & dare alteri, *Piafec. 2. p. cap. 1. artic. 3. n. 8. versic. In commutatione.*

Quintò, dispensatione: nam Episcopus, & qui Episcopalem iuris- 7
dictionem habet, potest dispensare in omnibus votis suorum subditorum: exceptis ijs, quæ summo Pontifici reservata sunt, nempe, *iuxta communem sententiam*, voto castitatis perpetuæ, voto approbatæ Religionis, voto peregrinationis ad Terram sanctam, ad limina Apostolorum, & Compostellam ad S. Iacobum. Nam licet Iuris textus aliquis non reperiatur, qui hæc quinque vota soli Papæ reservet, præter votum transmarinum, *c. Quod super & c. Ex multa h. t.* ex stylo tamen Romanæ Curie, qui satis colligitur ex *Extrauag. Etsi domini De penit. & remissionib. in commun.* omnia hæc reservata sunt summo Pontifici. Ex causa tamen dispensare debet Episcopus: nam sine causa dispensare nequit, *can. Non potest & seq. 1. q. 7.* contrâ verò si non dispensaret, cum adest causa iusta, peccaret, *Piafec. d. n. 8. vers. Et generaliter.*

TITVLVS XXXV.

De statu Monachorum & Canoniorum Regularium.

1. Status sumitur & generaliter & strictè.
2. Ad statum Monachorum spectat, seruare Regulam quam professi sunt.
3. Proprium habere aut possidere non possunt.
4. Quatenus circa hoc dispensare valeat Pont.
5. Quatenus ab vno monasterio ad aliud migrare liceat.
6. De clausura monialium, remissiue.
7. Monachi ad Ecclesias parochiales adsumi nequeunt, vt Regulares.
8. Singulis triennijs instituenda Concilia Regularium prouincialia.

Plerumque emittentes votum Religionis, fiunt & dicuntur Monachi ac Canonici Regulares, de quorum proinde statu, id est conditione viuendiue ratione deinceps tractatum instituit Pontifex.

Notandum verò est ex Lessio 2. *De Iustit. & Iure cap. 41. dubitat. 1.* Statum sumi & generaliter & strictè. Generaliter pro quauis vitæ conditione, in qua homo ad tempus vel perpetuò stat & permanet. Sic dicitur Status innocentia, Status legis naturæ, legis Moysaicæ, Evangelicæ, Status huius vitæ vel futuræ, Status Ecclesiasticus, sæcularis, seruorum, liberorum, viduarum, & sic de similibus. Strictè verò sumitur pro conditione vitæ immobili, per quam alteri obstricti sumus; vt firmitatem quandam denotet. Et hoc modo tres dumtaxat Status in Ecclesia constituuntur à D. Thoma, scilicet Episcoporum, Religiosorum, & Coniugatorum. Nam Episcopi perpetuo vinculo obstricti sunt obsequio suæ Ecclesiæ, Religiosi obsequio diuino, Coniuges obsequio mutuo. Ex his duo priores sunt spirituales, & vocantur Status perfectionis, tertius est sæcularis.

2. Status autem Religiosus seu Religiosorum vel Monachorum rursus sumi potest dupliciter, nempe vel in actu primo, vt loquuntur, siue in habitu, & sic nihil est aliud, quàm debitum religiosè seu monachaliter, vt ita dicam, viuendi; vel in actu secundo, & sic est ipsa religiosa seu monachalis vita. In hoc igitur Tit. Status sumitur strictè pro ipsa conditione vitæ Monasticæ immobili, per quam suis Superioribus obstringuntur & Regulæ, quam professi sunt.

Ad sta-

Ad statum & mores Monachorum ac Canonicorum Regularium 2
 pertinet in primis, vt ad Regulæ, quam professi sunt, præscriptum vi-
 tam instituant & componant, *c. Cum ad monasterium 6. h. t. Conc. Trid.*
Sess. 25. cap. 1. De Regularib. vbi præcipit, vt diligenter obseruent, quæ
 ad suæ professionis perfectionem, vt obedientiæ, paupertatis & casti-
 tatis, ac si quæ alia sint suæ Regulæ & Ordinis peculiaria, quæ emise-
 rint vota vel præcepta. Ac proinde, cum Religio sit status pœnitentiæ
 ac tristitiæ, & contemptus diuitiarum fastusque ac gloriæ mundanæ, *S.*
Thom. 2. 2. q. 187. art. 6. vilibus indui & vti debent vestibus, quem-
 admodum pœnitescentes exemplo Regis Niniues, qui *Iona 3.* indutus
 fuit sacco; & Achab, qui *3. Reg. 21.* operuit cilicio carnem suam. Qua
 de causa vetuit *Innoc. III. Pont.* ne quis Monachorum lineis camisijs
 vteretur, *c. Cum ad monasterium h. t.*

Item districtè inhibetur, ne quis Monachorum proprium quoquo 3
 modo possideat, *can. Non dicatis XII. q. 1. d. c. Cum ad monasterium, &*
c. Ioannes 5. sup. De Regularib. & Conc. Trid. Sess. 25. cap. 2. Sin autem
 aliquid habere proprij deprehensi fuerint, regulari præuiâ monitione,
 expelli è monasterio debent, nec vltèrius recipi, nisi pœniteant, *d. c.*
Cum ad monast. Quinimò si Monachus vel Canonicus Regularis post
 mortem inueniatur aliquid proprij habuisse in vita, illud cum eo extra
 monasterium in loco non sacro humari debet, *d. c. Cum ad monasterium,*
ibi in sterquilinio. Et quod amplius est, sepultus in loco sacro effodi iu-
 betur, & proijci ab Ecclesia, *c. Super quodam 4. h. t.* Ex permissione
 tamen Prælati peculium aliquod pro administratione rerum habere
 Monacho licet, *c. Monachi 2. v. r. f. Qui verò peculium,* non etiã pro-
 prietate tenus, quia abdicatio proprietatis, sicut & custodia castitatis,
 adedò annexa est Regulæ Monachali, * vt aduersus eam ne summus 4
 quidem Pont. possit licentiam indulgere: quod passim intelligunt
 DD. remanente statu Monachali seu religioso, cui repugnat habere
 aliquid proprium, prout eo nomine significatur dominium & vsus,
 independens ab arbitrio Superioris. Alioquin vt Religiosus possit ha-
 bere dominiũ alicuius rei, quod assiduè à Superioris nutu dependeat,
 dispensare potest Pont. quia tale dominium statui religioso non repu-
 gnat, neque proprij nomine comprehendi solet, quando dicitur Re-
 ligiosus non posse proprium habere, vt tradit *Less. 2. De Instit. cap. 4.*
dubitat. 5. n. 22. & cap. 41. dubitat. 9. Ratio autem, cur Religiosus, so-
 lemniter professus, nihil omninò possit habere tanquam proprium,
 est, quia per solemne votum paupertatis non solum se spoliavit omni
 dominio, sed & incapacem reddidit omnis dominij & iuris tempo-
 ralis, idque vi voti sollemnis, quod eam vim habet ex ordinatione Ec-
 clesiæ, vt docet *Less. d. t. 4. dubitat. 5.* Verum quid de his distinctius

*Regulatum prouincialia, c. In singulis in princ. h. t. Conc. Trid. Sess. 25. cap. 8. De Regularib. in quibus corrigantur, quæ videbuntur corrigenda. Visitatores etiam creandi, qui visitationis officium diligenter exequantur, omniaque & singula obseruari fideliter curent, quæ de statu Monachorum constituta sunt in d. Clement. Attendentes. Iuxta quam ordinationem refert. Choppin. lib. 2. Monastic. Tit. 2. n. 17. Benedictinos exemptos in plerisque Galliarum prouincijs, sese in congregationes redegis-
se, ac varia cõdidisse Regularis disciplinæ statuta, quæ à Sixto V. & Gregorio XIII. confirmata sint, teste Zyp. Tit. De Regularib. Quod si id negligant Regulares, cogere eos adhuc potest Metropolitæ seu Archiepiscopus, eoque negligente Episcopus, in cuius dioecesi sunt Monasteria, tamquam Sedis Apostolicæ delegati, Concil. Trid. d. cap. 8. Zerola p. 2. §. Monasteria §. 2.*

TITVLVS XXXVI.

De Religiosis domibus, vt Episcopo sint subiectæ.

§. I.

1. Hospitalium nomine quæ veniant.
2. Monasteria, vt & Ecclesia omnes, subiecta Episcopo loci.
3. Item Hospitalia omnia.
4. Dummodò exempta non sint.
5. Quæ tamen visitari ab Episcopo possunt.

DE Monachis ac Religiosis duo expediuius, nēpe de ingressu ac professione, deq; statu, id est regulis & institutis vitæ monasticæ ac religiosæ. Sequitur tertium de rebus, id est de domibus & monasterijs, alijsque religiosis ac pijs locis. Cuiusmodi sunt Hospitalia, quæ pietati exercendæ ex professo dedicata sunt, & plerumque Ecclesijs coherent, toto h. t. & eod. in 6. Dicunturq; ab hospitibus piè excipiendis & tractandis; proq; eorum varietate varia sortiuntur nomina. Alia enim sunt Xenodochia, quibus peregrini; alia Orphanotrophia, quibus orphani; alia Gerontocomia, quibus senes; alia Brephotrophia, quibus egentium infantes; alia Nosocomia, quibus ægroti excipiuntur; alia denique Prochorotrophia, in quibus pauperes aluntur; alijs atque alijs nominibus appellantur, de quibus in *can. In qualibet* xxi. q. 2. l. Illud 17. l. Sancimus 18. *Cod. De sacros. Ecclesijs,* & plenius apud Tholosan. *Syntag. Iuris vniuersi* lib. 15. cap. 28.

- 2 De his autem omnibus videndum est, quibusnam subiiciantur. Et in primis dicendum, Monasteria, sicut Ecclesias omnes, subijci Episcopo loci, in quo sita sunt, *c. 1. 3. 7. & ult. h. t. can. Quidam, cum seq. can. Monasteria xviii. q. 2. can. Omnes basilica xvi. q. 7.* Habetque Episcopus quoad hoc de iure communi fundatam intentionem suam, *d. c. 7. h. t.* etiam si sint alterius loci aut dioecesis Monasterijs atque Ecclesijs vnita, quia per vnionem nihil deperit Episcopo loci, in quo situm est Monasterium, *c. 2. h. t.*
- 3 Idem dicendum de Hospitalibus, vt Xenodochijs & alijs similibus, *d. c. 3. c. 4. & alijs h. t.* Ita vt ad Episcopum loci, in quo sita sunt, spectet, providere, ne eorum res dissipentur, ne talia loca ad alios vsus, quam ad quos fidelium largitate & auctoritate Episcopi destinata sunt, conuertantur, neve in beneficium cuiquam sæculari Clerico conferantur, etiam si consuetudine id fuerit aliàs obseruatum (nisi vel in eorum fundatione aliter constitutum fuerit, vel per electionem de Rectore huiusmodi loci sit providendum:) sed vt gubernatio eorum committatur viris prouidis ac boni testimonij, qui instar tutorum & curatorum iuramentum præstent, repertorium siue inuentarium bonorum faciant, atque Ordinarijs, vel alijs, quibus huiusmodi loca subsunt, vel ab ijs deputandis, quotannis administrationis suæ rationem reddant, *Clement. Quia contingit 2. h. t.* vbi plenius de huiusmodi locorum administratione, & in *Analyti D. Steph. Weymsij ad d. Clement. Concil. Trid. Sess. 7. cap. 15. De reformat. Sess. 22. c. 8. & 9. & Sess. 25. cap. 8. De reformat. Choppin. De Politia sacra lib. 3. tit. 5. n. 2.* vbi latè tradit eiusmodi piorum locorum curam iam olim quoque spectasse ad Episcopum, vt proinde Conc. Trid. non adeò quidquam noui quoad hoc statuisse videatur.
- 4 Et hæc quidem procedunt, dummodò talia pia loca auctoritate Episcopi sint exstructa, *c. Ad hac 4. h. t.* & nisi probentur exempta, vel priuilegio, vel præscriptione xl. annorum, *c. Cum dilectus 8. h. t. c. Cum olim 18. & seq. sup. De præscript.* Sic tamen, vt si priuilegio exempta sint, priuilegium huiusmodi, tanquam iuri communi derogans, ac proinde strictè accipiendum, *c. ult. in fine De filiis presbyteror. in 6.* non producatul ultra loca ipsa exempta, & iura sua Episcopis inuiolata seruentur, *c. Porro 7. c. Petijsta 20. inf. De priuilegijs.* Et ideo si Parochiæ vel Capellæ alicui Monasterio exempto subiectæ sint, non tamen ideo & ipsæ exemptæ censeri debent, *c. 1. h. t. c. Ex ore 17. inf. De priuilegijs.* nisi & in his quoque legitimâ præscriptione aut priuilegio derogatum sit iuribus Episcopalibus, *d. c. Cum olim.*
- 5 Vt autem huiusmodi loca probentur exempta à iurisdictione Ordinarij, poterit nihilominus Ordinarius auctoritate Apostolicâ visitare ac refo-

ac reformare, si reformatione aliquâ opus fuerit: ita tamen vt per hoc nullum exemptionibus seu priuilegijs, quoad alia, præiudicium generetur, *d. Clement. 2. in princ.*

Predicta etiam non habent locum in Hospitalibus militarium Ordinum, aut Religiosorum, *d. Clement. 2. §. Præmissa.* Et si quæ sint Hospitalia, in quibus consueuerint ab antiquo exerceri spiritualia & exhiberi Sacramenta pauperibus, ea consuetudo seruanda est, *d. Clement. in fine.*

§. II. Quatenus Episcopus visitare possit Hospitalia, & alia pia loca, à laicis regi solita.

1. Hospitalia à laicis regi solita etiam à laicis visitari possunt.
2. Hospitalia, superflite fundatore, non subsunt Ordinario.
3. Post mortem tamen visitari ab eo possunt.
4. Vt & Confraternitates qualibet.
5. Vltra triennium non committenda vni administratio Hospitalium.
6. Ex Concord. Brab. visitatio Hospitalium est mixti fori.

Ceterum circa decretum Conc. Trid. quoad propositam materiam, obseruandum est, quòd licet tribuat Concilium Episcopis facultatem visitandi Hospitalia & alia pia loca; non tamen prohibeat, quin etiam Iudices sæculares eadem visitare possint, si hoc eis aliàs legitimè liceat. Insuper Episcopum non habere potestatem visitandi Hospitalia & Confraternitates, quæ à laicis reguntur, nisi in casibus à Iure communi permissis.

Et ideo hæc potestas non extenditur ad Hospitalia, & alia similia loca, absque auctoritate Episcopi erecta, superflite fundatore, cum non dicantur propriè loca religiosa, sed subsint omninò dispositioni ipsius fundatoris; ita vt ab eodem destitui, & de illis pro arbitratu suo, prout & de alijs bonis, disponere valeat, *Glos. in can. In Ecclesiasticis XIII. q. 2. Siluester V. Hospitalia. Zerola p. 10 V. Hospitale §. 1. Piafec. p. 2. cap. 3. artic. 5. n. 12.*

Quamquam Episcopus talia post mortem fundatoris visitare possit, ad hoc, vt videat, an & quo modo satisfiat ordinationi defuncti: audire item, inspicere atque examinare computus & administrationem Rectorum ac procuratorum: idque, vt tradit Zerola *d. loco §. 2. & 3.* virtute decreti Concil. Trid. *sess. 12. cap. 9.* vbi statuitur, vt admini-

stratores, tam Ecclesiastici, quàm laici, cuiusvis fabricæ hospitalis, confraternitatis, & quorumcumque piorum locorum, singulis annis teneantur reddere rationem administrationis Ordinario, nisi secus sit cautum in fundatione, cui non derogavit Concilium. Ideoque si in fundatione cautam sit, ne Episcopus se visitationi vel rationibus immisceat, id seruandum erit, Zerola *d. loco* §. 5.

Nec obstat, quòd non sint loca religiosa: quia ad hoc, vt visitari possint, sufficit, quòd sint loca pia. Non obstat quoque quòd *d. c. 9.* tollat priuilegia, statuta & consuetudines quascumque in contrarium: quia non tollit fundationem.

4 Verùm quoad Confraternitates laicorum, siue regendas, siue visitandas, attinet, exstat insignis Constitutio Clementis VIII. 24. Decemb. 1604. quam refert Piafec. *d. loco* n. 8. per quam, vt summarie dicam, statuit, ne ullæ eiusmodi Confraternitates erigantur, nisi de assensu Ordinarij loci: vt Confratrum statuta ab eodem Ordinario examinentur, approbentur, & corrigantur: vt indulgentias concedendas prius cognoscat & promulgandas decernat: vt eleemosynæ & collectæ non nisi arbitrio eiusdem in pios vsus Confratres erogent: vt Confessarij Confraternitatis ab Ordinario approbentur, qui nec à casibus reueruatis absoluerè possint.

5 Insuper ad hoc quoque sedulo aduigilare & prouidere Episcopus debet, ne hospitalium, & aliorum similium locorum, administratio seu gubernatio vni & eidem ultra triennium committatur, nisi aliter in fundatione cautum reperiatur, Conc. Trid. Sess. 25. cap. 8.

6 Sed nec illud hic prætereundum est, quòd refert Zypæus *h. tit. in princ.* ex Concordatis Brabantæ, §. *Si Magistri fabricarum*, contineri inibi hanc distinctionem, vt si Rectores Hospitaliũ & Fabricarum sint laici, & à laicis institui soleant, correctio & destitutio, & rationum exactio, præsentè tamẽ Curato, à laicis fiat; & si negligentes fuerint, pro illa vice Episcopus in omnibus suppleat: si autem Ecclesiastici sint, aut laici ab Ecclesiasticis instituti, omnia faciat Episcopus. Quamquam dici possit etiam priori casu, saltem post Conc. Trid. Sess. 22. c. 9. vbi Episcopo differtè auctoritatem facit exigendi rationes ab administratoribus, tam Ecclesiasticis quàm laicis quorumcumq; piorũ locorum, Episcopũ eiusve delegatũ suam quoq; auctoritatem posse interponere. Quod & in Belgio est receptum. Imo Sereniss. Principes nostri in edicto pro feliciori exitu & executione Conc. Mechlin. an. 1607. maiorẽ etiã potestatem Episcopis & ab eis deputatis concesserunt. Sed hoc interest, quòd dum proceditur iuxta concordata. Episcopi iure suo nitantur; dũ ex edicto, tanquã Principis delegati, veluti ex eius cõmissione: quodq; si à decretis appelletur, ad laicos causa deuoluatur; illo autẽ casu ad superiores Episcopi,

DE CAPELLIS MONACH. ET ALIORVM RELIG. 599
Episcopi, iuxta ius commune. Dictis verò concordatis nō videri derogatum per illud edictum docet Zyp. *ibid.* eā ratione, quòd generi per speciem non vice versā derogetur.

TITVLVS XXXVII.

De capellis Monachorum & aliorum Religiosorum.

1. *Capella, Capellania, vnde nomen habeant.*
2. *Distinctui vulgò Capellaniam & Capellam.*
3. *Capella habens populum, cum cura animarum, à saculari regi debet.*
4. *Aliàs duo tre, ve Monachi Capellis praeficiendi.*
5. *Novam Religionem quis propria auctoritate constituere non potest.*

Non semper Monachi omnes habitant in Monasterijs, sed sæpè ad Capellas ac Prioratus mittuntur, dependentes ab ipsis Monasterijs, quæ sunt domus principales Religiosorum.

Capellæ non vna etymologica ratio est seu deductio, de qua Tholosan. *Syntag. Iuris Vniuersilib.* 15. n. 29. Azor. 2. *Moral. Institut. lib. 3. cap. 8.* Verius videtur nomen esse Gallicum, diciq; à simplici tecto, quo Reges Francorum, exiit à Normannis ac Sclauis sacris ædibus, Oratoria campestria lateribus vndique patentibus & patulis tegebant: nam tectum Gallis simpliciter *Chapelle* dicitur, indeque alia nomina formata sunt. Et quia eiusmodi tectum fieri solebat ex pellibus caprarum, inde Capellam à caprinis pellibus dici quidam volunt, *Glos. in can. Concedimus De consecrat. Distinct. 1. & Sacerdotes,* qui in huiusmodi oratorijs seu tentorijs præfecti erant, Capellani dicti sunt. Factumque, vt Iure Canonico Capellæ nomine significetur aliquando Altare, in aliqua sacra æde constructum, *can. Quasitum can. Altare 1. q. 3.* aliquando Oratoriū, seu sacra ædícula, à templo seiuncta; interdum etiam Oratorium, extra templum quidem positum, sed eidem templo annexum & adhærens; subinde etiam locus sacer in templo ferreis aut ligneis cancellis clausus, vnū vel plura altaria continens.

Cæterum Præctici Romani Capellam à Capellania distinguunt, vt 2
Capella sit corpus, & Ecclesia per se, Capellania verò dicatur altare, in aliqua Ecclesia existens, teste Rebuffo in *Praxi benef. Tit. Saculare benef. quoduplex m. m. 14.* Et ita Capella hîc sumitur, pro Ecclesia scilicet minori, existente per se & seorsim ab Ecclesia maiori vel Monasterio.

Capella itaque hoc modo sumpta vel habet populum aliquem sub- 3
ditum, & curam animarum, vel non habet. Si habeat, & spectet ad Monasterium, non debet à Monachis regi, sed in ea Episcopus Capel-
lanum

lanum secularem, qui populum regat, consilio Monachorum instituere debet: ita ut ex solius Episcopi arbitrio tam ordinatio eius, quam depositio, & totius vite pendeat conuersatio, c. 1. h. t.

4 Sed & Episcopus curare debet, ne Abbates vel aliorum Religiosorum Prælati singulos Monachos aut Religiosos in huiusmodi Capellis vel Prioratibus constituent, sed tres, vel saltem duos. Nec proderit rescriptum Prælato, si quod habeat à summo Pont. quod singulos constituere valeat, fortè ob paupertatem Capellæ aut Prioratus, nisi rescriptum mentionem faciat Conc. Lateranensis, c. *Ex parte 3. h. t.* nam aliàs illud rescriptum habetur obreptitium vel subreptitium.

Quod si verò Abbas aliquem Monachum solum in Capella constituerit, potest Episcopus eum cogere, ut vel reuocet illum ad claustrum, vel socium ei vel socios adiungat, c. *Ad audientiam 4. h. t.* Idque ne sibi relictus ad peiora diffuat.

5 Illud etiam in c. *fin. eod. tit.* constituitur, ne quis nouam Religionem constituat sine auctoritate summi Pont. neve in diuersis monasterijs quis sit Abbas vel Monachus.

TITVLVS XXXVIII.

De iure Patronatus.

§. I. Quid sit, & quibus modis acquiratur hoc ius.

1. *Quid sit ius patronatus.*
2. *Præter presentationem an ius aliquod competat patrono in beneficio.*
3. *Acquiratur hoc ius fundatione, constructione, dotatione.*
4. *Item præscriptione & privilegio.*

QUæ deinceps traduntur in hoc libro de iure Patronatus, de Censibus, de Sacramentis, de Ecclesijs earumque immunitatibus, communia ferè sunt Clericis Regularibus & Laicis, vel sunt loco appendicis & supplementi cuiusdam ad superiora: veluti ius patronatus ad præbendas & dignitates, in quibus nonnunquam fit institutio ad præsentationem patroni.

Est autem Ius patronatus, prout ei correspondet institutio, ius præsentandi instituendum ad beneficium vacans: ita ut eius sic sumpti tres sint termini, Præsentatio, Admissio, & Institutio, Riccius in praxi post De-

post Decis. 230. in 2. Notab. Alioquin etiam in Prælaturis, quæ sine institutione per electionem conferuntur, ius patronatus locum habet: non quidem vt patronus prius præsentet eligendum, sed vt vel electioni faciendæ interlit, *c. Nobis 25. vers. nisi aliter h. t.* vel factam electionem suo assensu comprobet, *d. c. Nobis c. Cum terra 14. c. Sacrosancta 51. sup. De elect.*

Dixi, præsentandi; quia non potest patronus propriâ auctoritate aliquem in beneficium intrudere, vel in eo instituere, *c. Præterea 4. c. Cum laici 10 & alijs h. t.* Vt neque in perceptione fructuum, prouentuum, obuentionum, vllatenus vllave ex causa vel occasione sese ingerere patroni debent, sed illos liberè Rectori seu beneficiato distribuendos dimittere, *Conc. Trid. Sess. 25. c. 9. De reformat. & colligitur ex d. c. Præterea h. t.* Multò minus immiscere se ijs possunt, quæ ad Sacramentorum administrationem spectant: visitationi verò ornamentorum Ecclesiæ aut bonorum stabilium seu fabricarum prouentibus non aliter, quàm quatenus id eis ex institutione ac fundatione competit, *Conc. Trid. Sess. 24. cap. 3. in fine, Riccius Decis. 165.*

An autem in alienatione rerum Ecclesiæ patronatæ, vt ita loquar, requiratur consensus patroni, tractat idem Riccius *Decis. 178.* vbi negatiuè resoluit, cùm quia id nullo iure cautum reperitur, tum quia ius patronatus ad actum præsentationis limitatum sit. Competit tamen patrono ius sese opponendi, si res Ecclesiæ dissipentur, aut sine causa distrahantur, *can. Filijs xvi. q. 7.* Cæteraquæ patrono competentia his versibus comprehendit *Glos. in d. c. Nobis*

Patrono debetur honos, onus, utilitasq;

Præsens vt præsit, defendat, alatur egenus.

Tribus autè potissimùm modis acquiritur ius patronatus. Primo, per fundationem; si prædium donetur, aut relinquatur Ecclesiæ extruendæ, *can. Abbatem 4. xviii. q. 2. c. Quoniam 3. & ibi Glos. h. t.* Secundo, per constructionem; cùm quis Ecclesiâ suis sumptibus construit, *can. Monasterium & similibus xvi. q. 7.* vel etiam planè dirutam ac destructam reparat; licet ex ijsdem lapidibus, & eadem materia, & altare intactum manserit: secus, si non planè dirutam repararit. Tertiò, per dotationem; si congruam & sufficientem dotem Ecclesiæ quis assignet, vel ministris Ecclesiæ & luminaribus necessaria constituat, *can. Nemo De consecrat. Distinct. 1. Vt tamen vbique Episcopi accedat consensus, d. c. Nobis h. t. & ibid. D D. can. Pie mentis can. Filijs can. Considerandum xvi. q. 7. Garz. p. 5. cap. 9. n. 71.* quia non spectat ad laicos, imponere onus aliquod

Ecclesijs, *c. Ecclesia 10. sup. De constitut.* Quamuis sufficiat ex postfacto superuenire, Riccius *Decis. 143. n. 3.* & in dubio ex diuturnitate temporis interuenisse præsumatur, Garz. *d. loco n. 72. 73. & 74.* Alioquin Vicarius Episcopi absque speciali mandato in reservationem huius iuris consentire non potest, Garz. *d. loco n. 75.* Capitulum verò Sede vacante potest.

Cæterum per foundationem vel extructionem acquiritur demum ius patronatus, quando extructa & dotata est sufficienter Ecclesia, siue ab ipso fundatore seu constructore, siue ab alio: atq; ita patet posse ius patronatus acquiri pluribus, *c. 1. 2. 3. & c. Cum questio 27. h. t.* etiam æqualiter, licet inæqualiter contulerint, *c. Ad audientiam 3. inf. De Eccles. adificandis.*

- 4 Dixi, tribus potissimum modis acquiri ius patronatus: nam & alijs modis acquiritur, veluti per immemoriam præscriptionem, utique contra Ecclesiam ab initio liberam, *c. Querelam 24. sup. De elect.* & contra non liberam, sed patronatam, seu potius contra eius patronum, spatio quadraginta annorum, Couar. *ad c. Possessor p. 2. §. 10. De R. I. in 6. Fachin. lib. 8. Controuers. c. 24.* Item per priuilegium summi Pontificis, ob summam eius in omnes Ecclesias & beneficia potestatem, *c. 2. De præbendis in 6.* non etiam per priuilegium inferiorum Antistitum, vel Episcopi, *c. 2. De reb. Eccles. non alienandis in 6.* latè Garz. *§. p. c. 9. n. 128.* Prædictis autem modis potest etiam fœmina acquirere ius patronatus, *c. Ex literis 7. h. t. c. fin. sup. De concess. præbende:* non tamen Iudæus, paganus, hæreticus, quia iura tantum mentionem faciunt fidelium & Christianorum.

Porro de acquisitione vel probatione iuris patronatus vide Conc. Trid. *Sess. 14. c. 12. De reformat. & Sess. 24. c. 9. De reformat. & Piafec. d. loco n. 21. & seqq.*

§. II. Quotuplex sit ius patronatus.

1. Aliud est Ecclesiasticum, aliud Laicum.
2. Vera ratio appellationis cuiusque.
3. Cur hoc ius laico competat.

Est duplex, aliud Ecclesiasticum, aliud Laicum; addunt aliqui Mixtum. Ius patronatus Ecclesiasticum vocant nonnulli, quod Ecclesiæ vel Clerico competit; Laicum, quod laico; Mixtum, quod partim Clerico, partim laico: sita ut à qualitate illud obtinentis denominetur, siue ab initio fuerit Ecclesiasticum, siue laicum.

Sed re-

Sed verius est, Ecclesiasticum dici, quod competit ratione Ecclesiæ, licet originem habuerit ex patrimonio laici: sufficit enim postea quouis modo translatum esse in Ecclesiam, vel Capitulum, vel Monasterium, vel alicui dignitati aut beneficio fuisse annexū, *c. vnico h. t. in 6. latè Garz. 5. p. cap. 1. n. 553.*

Similiter Laicum, quod alicui siue laico siue Clerico competit ratione proprii patrimonij, non verò ratione Ecclesiæ, vel beneficii, *Garz. d. c. 1. n. 592. vbi alios citat, Riccius Decis. 169.* Quod si non appareat, quā ratione competat, attenditur ius successionis: nam si per successionem deferatur, præsumitur laicum, quia iura Ecclesiastica iure successionis non deferuntur, nec dantur; *c. 1. sup. De præbendis.*

Conformiter Mixtum dicitur, quod partim ratione patrimonij, partim ratione Ecclesiæ competit. * Tamen si autem de rigore iuris laicus ius patronatus, de quo hic agimus, habere non possit, cum sit spirituale, seu potius ius temporale spirituali annexum, *c. De iure 16. h. t. c. Quanto sup. De iudicijs* (antecedenter scilicet, quia ordinatur ad præsentandum Clericum ad beneficium, vt in eo instituatur) & laicus spiritualia tractare nequeat, *c. Decernimus sup. De iudicijs c. Caussam sup. De præscript.* tamen ex benignitate quadam à sacris Canonib. conceditur illi hoc ius, remunerationis cuiusdam causā, vt hac ratione magis prouocentur laici ad fundandas, extruendas & dotandas Ecclesias.

§. III. Quo modo differat ius patronatus Ecclesiasticum à laico.

1. Patronus Ecclesiasticus habet semestre; laicus quadrimestre.
2. Quod currit à die notitiæ vacationis.
3. Pœna patroni, non præsentantis aliquem intra dictum tempus.
4. Ecclesiasticus variare non potest in præsentando; laicus potest.
5. Legatus summi Pont. beneficia iuris patronatus Eccles. conferre potest; laici non potest.

PRæter discrimen, quod ex definitionibus colligitur, differunt in his. Primò, quòd patronus Ecclesiasticus habeat tēpus semestre, id est sex mensium ad præsentandum; laicus quadrimestre dumtaxat, *c. Eam te 22. c. Cum propter 27. & alijs h. t. c. vnico eod. in 6.* Quando autē sunt simul patroni Ecclesiastici & laici, omnes ratione communionis habent semestre, *Glos. in d. c. vnico 5. verum, Garz. 5. p. c. 9. n. 28. & duobus seqq. nec intra hoc tempus potest intelligi negligentia patroni, d. c. vnico. Et*

ideo intra quadrimestre, concessum laico, collatio beneficii vacantes est nulla, siue facta sit ab Ordinario, vel eius Vicario, *c. Quod autem 5. in fine h. t.* siue à Papa, viâ ordinaria, *d. c. vnico*: ita vt nec patrono, nec ei, qui ex præsentatione patroni institutionem obtinuit, præiudicet.

2 Currit verò hoc tempus, non à die, quo vacat beneficium, vt olim obseruatum fuit in Rota, *Rota Decis. 1. alias 38. in antiq.* sed hodie à die notitiæ, quia in nulla materia, quantumuis leui, tempus currit ignorantibus, *l. 2. Cod. Qui admitti ad bon. poss. possunt*, latè Riccius in *Praxi Decis. 172.* notitiæ, inquam, non interpretatiuè sed verè vel præsumptè determinandæ per iudicem Ecclesiasticum, consideratâ qualitate beneficii, modo vacationis, longitudine temporis, distantia locorum, & famâ: nec scientia vnus patronorum nocet alteri, sed scienti tantum.

3 Quod si patronus intra tempus à die notitiæ sibi cõcessum non præsentauerit aliquem, vel quia neglexerit, vel quia, si plures sint, inter eos lis est de iure patronatus, mox, lapso hoc tempore, pro ea vice deuoluitur collatio ad eum, ad quem spectat institutio, licet is sit Episcopo inferior; ab exemptis verò ad Papam.

4 Secundò, Patronus Ecclesiasticus, si aliquem idoneum præsentauerit, non potest intra idem tempus alium præsentare: quod si fecerit, nihilominus præferetur prior tempore, tanquam iure potior, *c. Cum autem 24. h. t.* Et hinc fit, quod ei dentur potius sex menses ad præsentandum, quàm laico, vt, cum in illo grauetur, in hoc releuetur. Nam laicus, præsentato vno aut etiam pluribus, potest adhuc intra idem quadrimestre alium vel alios præsentare; non quidem recedendo à prima præsentatione sine causa, *c. Pastoralis 29. h. t.* sed accumulando posteriorem priori, *c. Quod autem 5. & d. c. Cum autem 24. h. t.* & quidem toties, quoties voluerit, iuxta *Glos. in Clement. Plures 5. fin. in V. præsentare h. t.* Atque ex his Episcopus instituet, quem maximè idoneum iudicabit, vel, si omnes idoneos iudicet, quem voluerit, *d. c. Quod autem.*

5 Tertiò, Legatus summi Pontificis beneficia iuris patronatus Ecclesiastici conferre potest, absque consensu & præsentatione patroni Ecclesiastici, non etiam beneficia iuris patronatus laici, sine consensu patroni, *Garz. 5. p. c. 1. n. 571.* Ratio diuersitatis est, quia patronus Ecclesiasticus subest iurisdictioni Legati, non autem patronus laicus, *c. Cum dilectus 28. h. t.* Hinc etiam nequit conferre beneficia iuris patronatus mixti, sine patronorum consensu, ne ex societate præiudicetur laico, eâque ratione laici auocentur à fundatione & dotatione Ecclesiarum. Quæ ratio cum cesset in beneficijs

beneficij iuris patronatus Ecclesiastici, ex priuilegio siue speciali siue generali, vel præscriptione aut consuetudine, ideo Legatus illa conferre potest absque derogatione Iuris patronatus, etiam nulla eius facta mentione, Garz. d. cap. 1. n. 573.

§. IV. Quomodo ius patronatus transferatur.

1. 2. Transfertur venditione, etiam in emptorem rei singularis.
2. Donatione.
4. Permutatione.
5. Successione.

Quattuor potissimum modis transfertur ius patronatus in tertium aliquem, venditione, donatione, permutatione, & iure hæreditariæ successionis, siue ex testamento, siue ab intestato.

Venditione, non quidem per se, quia sic vendi nequit absque Simonia, c. Quia Clerici 6. c. De iure 16. h. t. Conc. Trid. Sess. 25. cap. 9. De reformat. sed cum vniuersitate bonorum, veluti si villa aliqua vendatur, cui annexum sit ius patronatus, vel hæreditas, quæ iuris intellectum habet, l. Hæreditas 50. De hered. petit. simul ad emptorem ius transit patronatus cum ipsa villa aut hæreditate, Riccius Decis. 179. nisi nominatim in emptione exceptum fuerit, c. Ex litteris 7. c. Cum seculum 13. h. t. Garz. 5. p. cap. 9. n. 11. & seqq. modò tamen eius intuitu maius pretium non exigatur: nam sic quoque committeretur simonia.

Verius quoq; est, transire hoc ius in emptorem rei particularis, 2 veluti fundi, palatij, vel domus, cui accessorie adhæret, Garz. d. cap. 9. n. 33. & seq. Item in emphyteutam, vel conductorem ad longum tempus, ratione dominiij utilis, quod in emphyteutam & conductorem eiusmodi transit. Vnde aliud obtinet in creditore vniuersitatis oppignoratæ, c. Cum Bertoldus sup. De sent. & re iudicata.

Titulo verò donationis aut legati ita transit, modò, si donetur vel legetur laico, adsit vel ex intervallo consensus accedat Episcopi, qui non requiritur, si Ecclesiæ vel loco pio donetur, c. Nullus 17. & ibi Glos. ac DD. h. t. latè Piafec. in Praxi Episc. lib. 2. cap. 5.

art. 1. num. 36. Ratio diuersitatis est, quòd laici magis grauent Ecclesias, quàm Clerici, *can. Laicum can. Laici* 11. q. 7. quodque Clerici, si excesserint terminos, facilius compesci possint, quàm laici.

4 Titulo permutationis, modò cum alio spirituali permutetur, iuxta *c. Ad Questiones sup. De rer. permutatione.*

5 Denique titulo & iure successionis, *can. Considerandum* xvi. q. 7. *c. Quoniam* 3. h. r. non tantum in hæredes consanguineos, sed etiã ex testamento in extraneos, siue masculos siue fæminas, siue adultos siue pupillos, idque mox aditã hæreditate, etiam ante captam possessionem, Garz. d. cap. 9. n. 143. licet contrarium doceat Riccius *Decis.* 162. Et quidem in solidum, quia ius patronatus est indiuiduum, *c. 1. h. r.* quemadmodum iure ciuili seruitutes, quæ idcirco ad hæredes in solidum transeunt, *l. 2. §. ex his igitur D. De verb. obligat.* in stirpes tamen, non in capita: vt si ex pluribus patronis vnus defuncti plures sint hæredes hi omnes in præsentando vnã vocem habeant, ob personam defuncti, quæ n vnum omnes repræsentant, *Clement 1. h. r.* Non tamen quilibet ab alio seorsim præsentare potest, sed omnes communiter: quamuis vt Ecclesiæ prouideatur facilius, pacisci possint, vt alternis vicibus præsentent.

§. V. De præsentatione.

1. Quid sit præsentatio.
2. Patrono negligente ad Ordinarium deuoluitur collatio.
3. Patronus seipsum præsentare non potest.
4. Tutor præsentat pro minore septem annis.
5. Quid iuris sit, si plures sint patroni.
6. Nominatio Vicarij est quadam præsentatio.

1 **P**ræsentatio hoc loco est personæ per patronum Episcopo, vel alteri, ad quem institutio pertinet, legitimè facta exhibitio, vt ei de beneficio vacante prouideat. Vacante enim Ecclesiã, quæ sit iuris patronatus, debet patronus intra tempus debitum præsentare Clericum, quem idoneum confidit, ei, ad quem spectat institutio; eo tamen discrimine inter patronum laicum & Ecclesiasticum. 2 Nam si laicus in idoneum nominet ac præsentet, iubendus est intra idem tempus alium idoneum præsentare: aliàs, lapsò eo termino & nullã idonei factã præsentatione, potest is, ad quem

quem spectat institutio, beneficium liberè, id est absque præsentatione, idoneo conferre. Si verò Clericus, vel Monasterium, vel Capitulum scienter aliquem inidoneum præsentauerit, ipso facto pro ea vice priuatur iure præsentandi, & is, ad quem spectat institutio, potest liberè beneficium conferre, *c. 2. sup. De concess. præbenda, Clement. unica De supplen. neglig. Pralat.* Sin ignoranter, non aliter intra semestre præsentare alium poterit, quàm si prius præsentatus suam præsentationem repudiauerit.

Cæterum tamen si pater filium idoneum præsentare possit, quia 3 quoad hoc non censetur in iure eadem persona cum patre, non potest tamen præsentare seipsum, *cap. Per nostras 26. h. tit.* tum quia tamquam ambitiosus esset repellendus, *can. In scripturis VIII. q. 1. l. Si quemquam Cod. De Episcopis & Clericis*, atqui non ambitione, sed labore conuenit vnumquemque ad honorem peruenire, *l. Contra publicam Cod. De re militari, & facit can. Miramur Distinct. 61.* tum quia inter præsentantem & præsentatum actualis debet esse distinctio, *cap. vlt. sup. De institut. Riccius Decis. 197.* Si tamen sint plures patroni eiusdem beneficii vel Ecclesiæ, poterunt ex seipsis præsentare vnum, *Glos. in c. Consulunt, Riccius Decis. 197.* Et si vnicus sit patronus, potest ei quoque de patronato beneficio prouideri, non tamen per præsentationem, sed per spontaneam prouisionem eius, ad quem spectat institutio, *Panormit. in d. cap. Per nostras n. 3. h. tit.*

Quòd si patronus sit pupillus, minor septennio, præsentabit tutor: si verò sit maior, tunc ipse etiam sine tutoris auctoritate præsentare potest, ab eoque præsentatus præferendus est præsentato à tutore, quia vt penes illum est dominium iuris patronatus, ita & præsentatio, *can. Decernimus XVI. q. 7.*

Si plures sint patroni, & ius patronatus spectet ad eos, vt singulos, prout in dubio spectare præsumitur, possunt singuli separatim præsentare, alijs non vocatis vel requisitis: sed si spectet ad eos, vt vniuersos seu iure collegij. Ratio prioris est, quia eo casu non requiritur simultaneus omnium consensus, nisi fortè vigore statuti aut consuetudinis alicuius soliti sint simul conuenire. Et tunc præsentatio simoniacè facta per vnum, non præiudicat præsentationi aliorum, quia tot sunt præsentationes, quot patroni. Ratio posterioris est, quia tum requiritur simultaneus consensus: & ideo præsentatio simoniacè per vnum facta, præiudicat alijs, quia tunc est vnica præsentatio, *Riccius Decis. 225. Vide Garz. d. cap. 9. num. 222. & Riccium Decis. 177.* Sin autem plures patroni eiusdem Ecclesiæ vel beneficii concurrant & discordent in præsentatione, alijs

alijs hunc, alijs alium præsentantibus, ille præficietur Ecclesiæ, qui maioribus iuuatur meritis, & plurimum approbatur ad sensu, modò hoc fieri sine scandalo possit; alioqui ipse Episcopus liberè absque præsentatione aliquem instituet, *c. Quoniam 3. vbi Glos. h. t. Riccius Decis. 191.* Quod si nec hoc absque scandalo vel turba fieri possit, Episcopus Ecclesiam claudet & tollet inde reliquias, donec inter patronos conueniat, *c. 1. 2. h. t.* In paritate vocum & meritorum est locus gratificationi, *c. Cum autem 24. h. t.* nec ab ea gratificatione appellare licet, Riccius *d. Decis. 191.* vbi etiam notat, quòd ciuis extero, & senior iuueni præferri debeat.

6. Ad præsentationem reducitur nominatio Vicarij, facta per eos, in quorum Ecclesijs vnitis constituitur: nam & illa dici præsentatio potest & solet, inquit Garz. *d. loco n. 26.* qua de re vide eundem *p. 9. cap. 2. dub. 19. à n. 285.* De nominationibus Vniuersitatum ad beneficia vacatur, aquarum priuilegio Louanij gaudemus, & quarum in Gallia vsus est, vide citatos per Garz. *p. 4. cap. 1. n. 27.*

§. VI. De Institutione.

1. Quid hoc loco sit Institutio.
2. Præsentatus, dummodò idoneus, necessario instituendus.
3. Per quem fiat institutio.
4. Tempus ad instituendum præstitutum non est.

1. **I**nstitutio in Iure Canonico interdum sumitur pro collatione Ecclesiæ seu beneficij, *vt passim Tit. Decret. De institutionib.* subinde verò pro deductione in possessionem Ecclesiæ seu beneficij Ecclesiastici, quæ iure communi ad Archidiaconum spectat, *c. Ab hac c. Vt nostrum 9. sup. De officio Archidiacon.* Hoc verò loco & quidem propriè sumitur pro translatione iuris Ecclesiastici, quæ fit ad præsentationem patroni Ecclesiæ seu beneficij. *c. 4. 5. 7. 8. & similibus h. t.*

2. Præsentato itaque idoneo, debet is, ad quem spectat ius instituendi, velit nolit illi beneficium, ad quod est præsentatus, conferre: aliàs institutio, spreto patrono, intra tempus ei datum ad præsentandum, est ipso iure nulla; idque ex defectu potestatis conferendi illud beneficium intra id tempus.

3. Fit autem institutio vel per Episcopum, *c. 3. sup. De Institut.* aut Sede vacante per Capitulum, *c. 1. h. t.* aut denique per eum, cui aliàs vel ex priuilegio vel præscriptione ius illud competit, *c. Audiu 14.*

diru 15. c. Cam olim 18. h. r. sup. De prescript. Et ideo, si institutio ad inferiorem Episcopo spectet, ipsius Episcopi erit, curare, vt is instituat: alioquin, eo negligente, ad Episcopum deuoluitur institutio.

Quòd si patronus ius patronatus in Episcopum spontè transtulerit, & institutio spectet ad inferiorem Episcopo, tunc præsentatio ad Episcopum, institutio verò ad istum inferiorem spectabit. Aliàs si institutio ad solum spectet Episcopum, confundetur eo casu præsentatio cum institutione, & proinde liberè, id est absque præsentatione, beneficium conferet; dummodò solus sit patronus: nam si cum eo sint alij, tunc cum alijs præsentabit sibi ipsi, priusquam instituat.

Obseruandum autem hic, nullum esse tempus constitutum Ordinario, ad instituendum, vti nec instituto ab Ordinario, ad capiendam possessionem, nisi de parochiali agatur: nam tum fieri institutio debet intra duos menses, ex Bulla Pij V. de concursu; aliàs deuoluitur institutio ad Papam, vel potest simpliciter appellari, Zerola *hoc. tit. 5. 8. dub. 3.*

§. VII. Quomodo amittatur ius patronatus.

1. 2. 3. 4. *Amittitur ex capite & ob crimen ipsius patroni varijs modis.*
5. *Si cedatur ius illud Ecclesiæ patronatæ.*
6. *Diruta Ecclesiæ patronatæ.*
7. *Per confiscationem bonorum, quibus accessoriè cõheret.*
8. *Non autem per non usum, aut per præsentationem compatroni.*
9. *Regalia instar iuris patronatus.*

Amittitur Primò, si patronus Rectorem, vel alium Clericum eiusdem Ecclesiæ, per se, vel per alium, occidere vel mutilare nefariè præsumpserit; & quidem vsque ad quartum gradum, quoad posteros eius, *c. In quibusdam inf. De penis.* Eoque casu ius patronatus cedit Ecclesiæ, cui iniuria illata est.

Secundò, si hæresios vel læsæ Maiestatis reum se fecerit. Et hoc casu ius patronatus, vnà cum vniuersitate bonorum, vel alia re particulari, cui adhæret, fisco infertur, *c. Vergenti 10. inf. De hæreticis.*

Tertiò, si iurisdictiones, bona, census, & iura Ecclesiæ quacunque arte aut quocumque quæsito colore sibi vsurpet patronus, Conc. Trid. *Sess. 22. cap. 11. De reformat.* estque excommunicatus ipso iure, non nisi à summo Pont. absoluentus.

H h h h

Quartò,

4. Quartò, amittitur ipso quoque iure, si quis venditionis, aut alio quocumque titulo, contra Canonicas sanctiones, ius illud in alium transferre præsumpserit, c. *Quia Clerici* 6. h. t. subiiciturque poenis excommunicationis & interdicti, ex decreto Conc. Trid. Sess. 25. cap. 9. *De reformat.* Et eo casu Ecclesia redit ad libertatem, Piascc. 2. p. cap. 5. art. 1. n. 37.
5. Quintò, si ius illud Ecclesiæ patronatæ cedatur, vel si quis Ecclesiam iuris patronatus sine reservatione sui iuris patiatur fieri Collegiatam.
6. Sextò, si Ecclesia incendio consumpta fuerit, aut terræmotu vel vitio suo corruerit: vel si patronus ius patronatus præscribi patiatur.
7. Septimò, per confiscationem bonorum, si illis accessoriè adhæreat, etiam extra casum læsæ Maiestatis aut hæresis, transit ius patronatus vnà cum bonis confiscatis in fiscum, etiam quoad exercitium; bonisque deinde per fiscum diuenditis, transit simul in emptorem. Dico, si illis accessoriè adhæreat; quia si sit personale, & per se principale, non includitur in confiscatione bonorum, nec Iudex laicus potest illud per se addicere & adiudicare fisco, ex defectu iurisdictionis, & incapacitate. Ideoque eo casu remanebit penes delinquentem, donec per Iudicem Ecclesiasticum tamquam indignus priuatur. Sententiâ autem Iudicis priuatoriâ secutâ, si ius patronatus sit sanguinis, & spectet ad familiam seu consanguineos, vel eos, qui sunt de genere, ad illos transibit, iuxta dispositionem fundatoris: si verò sit hæreditarium, & ad extraneos transmissibile, euanescit ius patronatus, & Ecclesia remanet libera. Non secutâ sententiâ Iudicis priuatoriâ, ius patronatus hæreditarium transit ad hæredem, vel ex testamento, vel ab intestato, præterquam in crimine hæresios. ita latè Garzias *De benef. cap. 9. à n. 25. vsque ad 32.*
8. Quando autem priuilegium præsentandi per non vsum amittatur, vide apud Puteum, *Decis. 379.* Veran. *Decis. 130. p. 2.* Riccium *Decis. 204. n. 242.* vbi tradit ius patronatus non amitti per non vsum. Vt neque amittitur præsentatione factâ per vnum ex compatronis, sed saluum manet reliquorum ius, modò omnes fuerint in possessione, & eodem iure veniant; aliàs secus. Riccius *Decis. 209.* qui *Decis. 226.* querit, an præsentatus, cui mouetur lis, possit aliquid soluere aduersario, vt à litè discedat? Et posse, certis limitationibus & conditionibus, decidit.
9. Denique ad instar iuris patronatus, seu ex eo natum esse ius Regaliæ, notat Zyp. h. t. *in fine.* verùm in Brabantia & alibi in his Belgicis

DE CENSIB. EXACTIONIB. ET PROCURATIONIB. 611
 Belgicis ditionibus non habere locum. Addit, Clerum Flandriæ ante exemptionem à corona Franciæ non admisisse regaliam: excepto Episcopatu Tornacensi, cuius tamen Episcopo Ludouicus an. 1357. eam restituerit, donec certius de ea sibi liqueret. Sed rursus extortam fuisse sub Philippo Pulcro, Rege Castiliæ, quem scribit ob eam, aliasque causas, cum Franco bellum noluisse, sed ad Hispaniam anhelaſſe: nec fuit, inquit, idem Clerus subiectus Ecclesiæ Gallicanæ aut Pragmaticæ sanctioni, aut nominationibus Parisiensibus, sed semper scorsim res suas sibi habuit.

TITVLVS XXXIX.

De Censibus, Exactionibus & Procurationibus.

§. I.

1. *Census quid hic significet.*
2. *Episcopo nomine Cathedralici debentur duo solidi.*
3. *Patrone Ecclesiæ vel beneficij debetur census ab initio impostum.*
4. *Ex post facto census imponi non potest, ne quidem Prælati.*
5. *Ne quidem etiam iurati.*
6. *In qua moneta soluendum sit census.*

Census in generali & communi acceptione significat, quid-
 quid annuatim in quantitate seu summa persoluitur, *l. 1. Etatem D. De censibus*, eaque ratione etiam tributum & pen-
 sionem comprehendit. Hic autem sumitur pro annuo re-
 ditu, qui ex prouentibus Ecclesiæ soluitur vel Superioribus, in si-
 gnum subiectionis, vt Episcopo, *c. Constitutus 6. sup. De Religios.*
domibus, & interdum summo Pontifici, *c. Recepiimus 8. inf. De priui-*
legijs, vel etiam inferioribus Clericis, *c. Querelam 24. sup. De elect.*
c. Cum Canonici penult. h. t. quandoque patrono, siue Clerico siue
 laico, *c. Præterea 23. sup. De iure patronatus.*

Etenim Episcopo à qualibet Ecclesiæ suæ diocesis debentur ²
 duo solidi, nomine Synodatici siue Cathedralici, in signum sub-
 iectionis & honorem Cathedralis, *c. Conquerente sup. De officio Iud. Or-*
din. c. Pastoralis & ibi Glos. Innoc. & Panormit. sup. De Donat. can.
Placuit x. q. 3.

H h h h ij

Item

Item patrono debetur census seu redditus, quem in fundatione & dotatione Ecclesie ab initio sibi auctoritate Episcopi reseruare fecit, *d. c. Præterea sup. De iure patronat.* * Dico, ab initio; quia, postquam Ecclesia iam dotata & consecrata est, noui census imponi non possunt, nec veteres augeri, *4. c. Sciens 3. c. Prohibemus 7. c. Significauit 13. hoc tit.* non modò à patronis, siue Clericis siue laicis, *c. Cum Clerici 11. & c. Quamuis 15. hoc tit.* sed nec à Prælatiis quidem Ecclesiarum, *c. Præterea 8. & cap. seq. hoc tit.* quia impositio census est quædam alienatio iurium Ecclesie & impositio seruitutis cuiusdam, quâ Ecclesia grauat, Abbas in *d. cap. Præterea hoc tit.* iura autem Ecclesie nequeunt, nisi ex iustâ & rationabili causâ & adhibita solemnitate alienari, *can. Sine xii. qu. 2. & dixi sup. Tit. De rebus Eccles. non alienandis.* Hanc autem solemnitatem adhibere Prælati non possunt, dum nouum censum in suam vtilitatem vult imponere Ecclesie, cum nemo in proprio facto sibi auctor esse queat, *Clement. 1. De rebus Eccles. non alienandis*: licet id possit ad vtilitatem alterius Ecclesie, subsistente iustâ causâ, quando in eo loco iurisdictionem habet Episcopalem, secundum Abbatem in *d. cap. Prohibemus.*

Sed neque fideiussoria vel iuratoria cautio de nouo censu imponendo & soluendo, aut veteri augendo quicquam operabitur, verum tale iuramentum omninò relaxandum erit, *cap. Græuis 15. & d. cap. Significauit 13. hoc tit.* quia cum vergat in detrimentum Ecclesie, non tenet, *cap. Sicut 2. sup. De iurjurando*: quamquam absoluitur ad cautelam, qui eiusmodi iuramentum præstiterit, *Gloss. ibid.*

Permittitur tamen Episcopo, quando Ecclesiam suæ diocesis cum consensu sui Capituli exemptione donat, *cap. Pastoralis 7. in fine sup. De donat.* in eadem sibi reseruare censum aliquem, *cap. Constitutus 6. sup. De religiosis domibus cap. Cum venerabilis 21. hoc tit.* Sic enim & Pontifex, cum Ecclesiam à iurisdictione eximit Episcopi, & in suam tutelam recipit, solet oblatum eo nomine censum recipere, *d. cap. Constitutus versic. nos quoque, cap. Si Papa De privilegijs in 6.* Sic etiam permittitur patrono Ecclesie tempore fundationis aut dotationis moderatum redditum pensionis nomine constituere, *d. cap. Præterea & ibi Glossa & Abbas sup. De iure patronatus.*

Inferiores autem Clerici Ecclesias, quibus præsent, non possunt absque auctoritate & assensu Episcopi censuales facere, seu censu aliquo onerare; cum auctoritate verò Episcopi possunt.

Sed cum hic census annuus, de quo agitur, solui plerumque soleat in moneta, quæ sæpè vel augetur vel minuitur, queri potest, quâ mo-

DE CENSIB. EXACTIONIB. ET PROCURATIONIB. 613
 quâ monetâ solui census debeat. Respondet Pontifex in cap. *Cum*
 10. & cap. *penult. hoc tit.* soluendum esse ad antiquam monetam,
 id esse secundum æstimationem monetæ, quæ tunc cursum habuit,
 quando constitutus fuit census: nisi præscriptum, sit ut solvatur ad al-
 terius monetæ æstimationem.

§. II. De Exactionibus.

1. *Subditi ab Episcopo non grauandi exactionibus.*
2. *Exigi tamen potest charitativum subsidium.*

EXactionum nomine intelligit hîc Pont. tribura, vectigalia
 & tallias, c. *Omni* 2. h. tit. * Prohibet autem in c. *Cum Apo-*
stolus 6. §. *prohibemus* h. t. ne subditos suos tallijs & exactio-
 nibus Episcopi grauare præsumant. * Permittit tamen, ut
 superveniente iustâ & rationabili causâ, cur subsidio opus habeant,
 valeant cum charitate moderatum ab eis auxilium postulare: quod
 ideo Interpretes solent appellare Charitativum subsidium, d. §. *pro-*
hibemus & cap. *Conquirente* 16. in fine sup. De officio Iudicis Ordinarij, Piasc.
 p. 2. cap. 2. art. 2. num. 12. de quo latè Chassan. ad Consuet. Burg.
 Rub. 1. §. 4. vers. *Et sur ces hommes subiectz* num. 11. & multis seqq.
 Boërius Decis. 138. extantque de eodem singulares Tract. Bar-
 tholomæi de Bellenzinis & Remigij de Gonnij. Cæterum in d. §.
Prohibemus in fine vetat quoque Pontifex, ne Archidiaconi siue Decani
 vllas exactiones siue tallias in Presbyteros seu Clericos exercere præ-
 sumant.

§. III. De Procurationibus.

1. *Procurationum nomine quid hîc veniat.*
2. *Nulla Ecclesia ab his libera, ne quidem præscriptione.*
3. *Modus visitationis & procurationis.*
4. *Visitatio à Cathedrali Ecclesia inchoanda.*
5. *Forma & ordo visitationis, remissivè.*

PER Procurationes hæc. Tit. intelligitur necessariorum sum-
 ptuum exhibitio quæ ratione visitationis debetur ab Ecclesia
 vel Monasterio, ei cui ex officio incumbit ius & onus visitandi
 siue is sit Episcopus, siue Archidiaconus, siue Decanus, siue Legatus
 summi Pontificis, c. *Cum Apostolus* 6. in princ. c. *Cum instantia* 17. c. *Pro-*
curationes 23. h. t.

Hhhh ii

Ab his

2 Ab his autem procurationibus nulla Ecclesia aut Monasterium excusatur, & ne quidem præscriptione tolli possunt, *d. c. Cum Apostolus §. prohibemus, d. c. Cum instantia h. t. & c. Conquerente sup. De officio Iud. Ordin.* tum quia exhibeantur in signum subiectionis & obedientiæ, quam contra Prælatum subditus nequit præscribere, *c. Cum non liceat sup. De præscript.* tum quia, cum nemo cogatur, Apostolo teste, *1. ad Corinth. 9.* suis militare stipendijs, meritò qui spiritualia seminat, & carnalia metere debeat. Ideoque licet Ecclesia aliqua steterit diu, nec vnquam procurationem visitanti exhibuerit, tamen nunc demùm petenti exhibere cogitur, *c. Venerabili 24. h. t.* nisi per priuilegium speciale summi Pontificis probet se ab ea exemptam, *d. c. Cum instantia.*

3 Quantum ad modum visitationis & procurationis attinet, eum quidem præscripserunt olim Conc. Lateranense, in *d. c. Cum Apostolus*, & deinde Lugdunense, in *cl. 2. h. t. in 6.* verùm hodie tota hæc res reuocanda est ad decretum, Conc. Trid. *Sess. 24. cap. 3. De reformat.* ex quo & *can. Decernimus, can. Episcopum x. q. 1. & tenetur Episcopus totam suam dioecesim circumire ad mñus semel quolibet biennio: & quidem per se, nisi legitime impeditus fuerit; nam tunc ei permittitur, vt visitationem alteri committat, d. can. Episcopum, c. Inter cetera sup. De officio Ordinarij, c. Si Episcopus eod. in 6. Conc. Trid. d. loco in princ.* Non tamen cogitur Episcopus præcisè visitationem suam absoluerè & concludere intra prædictum tempus, sed id relictum est arbitrio ipsius, moderato tamen & discreto, *ex rescript. sacre Congregat. Piafec. 2. p. c. 3. art. 1. n. 1.*

4 Hanc verò visitationem à Cathedrali incipere debet, *c. Romana h. t. in 6.* nec aliquà exemptione, cōsuetudine, sententiâ, iuramento, aut concordia (nisi ea à Sede Apostolica fuerit confirmata, ex certa scientia, *intra declarat. sacre Congregat.*) Capitula huius, vel aliarum maiorum Ecclesiarum, illorumque personæ, sese ab hac visitatione subducere vel tueri possunt, Conc. Trid. *Sess. 6. cap. 4. De reformat.*

5 Quâ autem formâ & quo ordine visitationem instituere, & de quibus inquirere debeat Episcopus, siue Cathedrali visitet Ecclesiam, siue Collegiatam vel Parochialem, siue Seminaria, Confraternitates, Hospitalia, vel denique Regulares ac Sanctimonialles, quia id fusè tradit Piafec. 2. p. *Praxin Episc. 1000 cap. 3.* eiusque rei Praxin compendiosam libro singulari complexus est Paulus Sallodius, Canonicus Mediolanensis, à sanctissimo Card. Carolo Borromæo per dioecesim Mediolan. deputatus Visitator: ideo breuitatis causâ ad eos lectorem remitto.

§. IV. A quibus debeantur procurationes & victualia.

- 1, 2. *Procuraciones & victualia deberi à Clero & Ecclesijs dumtaxat.*
3. *Cetera iura Episcopalia in qua moneta soluenda.*
4. *Procuratio, Cathedralicum & charitativum subsidium præscribi non potest.*
5. *Facultas visitandi datur Episcopo cum aliatu.*
6. *Quæ datur Ordinarijs, censeri datam Abbatibus vel alijs Præfatis.*
7. *Quæ præstanda sint visitantibus.*

NOtandum verò, procurationes & victualia, de quibus Conc. Trid. loquitur, de iure solum deberi à Clero, Ecclesijs, & locis pijs, non autem à laicis, quamvis simul visitentur, quia nullus Iuris textus laicos ad hoc onus expressè obligat, sed solum Clerum, Ecclesias, & pia loca, dum visitantur, ut passim videre est, & maximè in c. *Cum instantia* §. *sanè in his exigendis* h. t. *Extravag. unicà* §. *ita quod expensa* & §. *nostra* h. t. in *communib. can.* Intra cetera & can. *Illud* x. q. 3. ubi tantum Clericorum & Ecclesiarum fit mentio; & ita *Glos. in c. 1. in princ. in V. laicos* h. t. in 6. ubi testatur de consuetudine.

Nec obstat, quòd textus videantur velle, ut sumptus victualium præstentur à visitatis, c. *Romana* §. *deinde* h. t. in 6. c. *Si Episcopus* sup. *De officio Iud. Ordin. can. Cauendum* x. q. 3. Conc. Trid. d. loco: quia id intelligi debet de Clericis visitatis, ut patet ex allegatis iuribus, & præsertim ex c. *Exigit* *De censib.* in 6. in verbis, *quousque de duplo huiusmodi grauatis Ecclesijs plenariam satisfactionem impendant*, & c. *Felicis* eod. in 6. ubi *Glos. loca visitata* interpretatur Ecclesias, in *V. persolvendum*. Videatur hac de re plenius discrens *Griuel. Decis. Dolanà* 119. ubi refert in hanc sententiam rescriptum Principum Belgij ad Senatum Dolanum.

Quantum ad alia iura Episcopalia, ea quoque solui debent secundum antiquam taxam, d. c. *Prohibemus*, & mensuram, c. *Ex parte* 18, & antiquam monetam, nisi in alterius monetæ solutione præscriptum sit, c. *Olim* 20. h. t. & c. *Conquerent* e sup. *De offic. Iud. Ordin.* ubi taxatum ad duos solus mutari & excedi non debet. Verum quia solidorum valor conformis non est, sed varius, attentà varià prouin-

prouinciarum taxatione, *secundum* Couar. 1. *Varar. resolue. cap. 2. & 3.* ideo in eius solutione spectanda erit diuersarum Cathedralium legitima consuetudo, Zerola *in Praxi* 1. p. in V. *Im Cathedraliticum*, vbi plenius vide. Verū hæc tempora vix antiquos nummos ferunt, ob nouas artes circa monetam, non tam nouiter reperi-
tas, quàm nimis exercitas, inquit Zyp. *h. t. n. 9. in fine.*

4 Deinde notandum, quòd sicut contra procurationem non potest præscribi, *c. Ex officij sup. De præscript.* ita nec contra ius Cathedraliticum aut subsidium charitativum: quamuis contrariā consuetudine introduci possit, ne soluantur, vt constat ex Conc. Trid. *d. Sess. 24. cap. 3.* vbi vult visitationem gratis fieri, vbi ea consuetudo est, vt nec victualia, nec pecunia, nec quidquam aliud à Visitoribus accipiat: siquidem multa per consuetudinem tolli possunt, quæ nequeunt per præscriptionem, Zerola *d. loco ad 4.* cum multa etiam requirantur ad præscriptionem, vt v. g. titulus, bona fides &c. quæ non requiruntur ad consuetudinem.

5 Notandum tertio, quòd facultas visitandi, quæ datur à Conc. Trid. *Sess. 6. cap. 4. & Sess. 25. cap. 6.* detur cumlatiuè, non verò priuatiuè, id est cum aliorum exclusionem. Ideoque si qui ex iure vel ex consuetudine potestatem habeant visitandi, poterunt eā vti, si velint, aut cum Episcopo, aut seorsim ab eo, quando voluerint visitare, ex *Congregat. Interpp. Conc. Gonzales ad Reg. VIII. Cancell. §. proemialis 2. n. 21.*

6 Notandum quarto, quòd dum *Sess. 7. cap. 8. & Sess. 21. cap. 8.* datur Ordinario potestas visitandi quotannis quascumque Ecclesias, etiam quomodolibet exemptas, auctoritate Apostolicā, sub nomine Ordinarij intelligantur etiam Abbates, similesque Monasteriorum Præfecti, vt proinde visitare suas Ecclesias possint: quia sub nomine Ordinarij etiam inferiores Ecclesiarum præfecti intelliguntur, qui iurisdictionem habent, non itidem sub nomine Dioecesani, vt ex Azorio *Institut. moral. lib. 12. cap. 18.* notat Zyp. *h. t. n. 7.* Vbi subiungit, quòd cum videatur esse repugnantia quædam inter *cap. 8. Sess. 21.* cui congruit *cap. 10. Sess. 24.* vbi statuitur, ne vlla exemptio visitationi Episcopi obstare possit, & inter *cap. 20. Sess. 25. De Regularib.* vbi contra statuitur, vt Abbates, qui sunt Ordinum capita, & alij prædictorum Ordinum Superiores, Episcopis non subditi, quibus est in alia inferiora Monasteria Prioratusve legitima iurisdic-
tio, eadem illa subdita sibi Monasteria & Prioratus suo quique loco atque ordine ex officio visitent, etiam si commendata existant: Clemens VIII. *ex sententia Sacrae Congregat. 20. Iunij 1595.* pro Monasterijs Cistecien-
sis Ordinis vtriusque
lexus

DE CONSECRATIONE ECCLES. VEL ALTARIS. 617
fexus datis litteris declarauit, non licere Ordinarijs Monasteria
dicti Ordinis visitare, nisi iuxta præscriptum decreti *sess. 21.*
cap. 8.

Denique ex eodem Conc. Trid. *sess. 24. cap. 3. §. Interimque* 7
caueant, videndum, ne Episcopi, dum visitant, & qui in eorum
sunt comitatu, inutilibus sumptibus cuiquam graues onerive
sint, neve ipsi, aut quisquam suorum, quidquam procurationis
caussâ pro visitatione, etiam testamentorum ad pios vsus, præter
id, quod ex relictis pijs iure debetur, aut alio quouis nomine, nec
pecuniam, nec munus, quodcumque sit, etiam qualitercumque
offeratur, accipiant: non obstante quacumque consuetudine, et-
iam immemorabili. Exceptis tantum victualibus, quæ sibi, ac suis
frugaliter, moderateque, pro temporis tantum necessitate, & non
ultrâ, erunt ministranda: sic tamen, vt sit in optione eorum, qui
visitantur, an malint soluere id, quod erat ab ipsis antè certâ pe-
cuniâ taxatâ consuetum solui, an verò prædicta victualia submi-
nistrare: saluo item iure conuentionum antiquarum, cum Mona-
sterijs, alijsve pijs locis, aut Ecclesijs non Cathedralibus inito,
quod illæsum permanere debeat. *

TITVLVS XL.

De consecratione Ecclesiæ vel Altaris.

1. *Ecclesia & Altaria consecranda ab Episcopo.*
2. *Et semel impensa consecratio non repetitur.*
3. *Quo pacto probetur Ecclesiam consecratam esse.*
4. *Quibus casibus iterari possit consecratio vel non.*
5. *Quibus casibus reconcilianda sit Ecclesia.*
6. *Ecclesiâ pollutâ, censetur pollutum cæmeterium, non contrâ.*

AD plenum ius patronatus non sufficit, Ecclesiam esse
fundatam, constructam, & dotatam, sed insuper requi-
ritur, vt sit consecrata: iustâ proinde ratione hic Tit.
subijcitur, *De consecratione Ecclesiæ vel Altari*; præsertim
cùm immunitates & census, de quibus antè egit Pont. concedi &
imponi soleant in ipsa consecratione.

- 1 Ecclesiâ igitur legitimè exstructâ, priusquam sacris ministerijs seu mysterijs deputetur, ne diuino cultui mora iniiciatur, quantocius consecranda est à dioecesano Episcopo, *can. Ecclesijs xvi. q. 7. c. 1. sup. De religiosis domib.* vel ab alio, de dioecesani mandato, *c. Aqua penult. h. t.* non autem à simplici aliquo sacerdote, ne quidem de mandato Episcopi: quia consecratio Ecclesiæ est ordinis Episcopalis, & proinde nequit demandari Clericis inferioris gradus, *d. c. penult.* Pari modo consecranda quoque sunt Altaria lapidea, in Ecclesia constituta, siue plura, siue vnum, siue eodem die & simul cum Ecclesia, siue diuersis & seorsim; sicut eodem die licet plures Episcopos consecrare, *c. 5. h. t.* Neq; enim ex consecratione Ecclesiæ sequitur Altarium consecratio, *c. 1. h. tit.*

Debet autem hæc consecratio fieri inter Missarum solemnias, *can. 2. & can. De Fabrica De consecrat. Distinct. 1.* & ritus omnes in Pontificali præscripti necessariò adhibendi sunt, *Piasec. 1. p. cap. 2. art. 4. n. 9.* Idque ex Ecclesiæ præcepto aut consuetudine: & propterea rata & firmata manebit consecratio, facta sine Missæ sacrificio. Quolibet verò die, siue festo siue profano consecrari Ecclesia potest, *cap. tna Fratemitas 2. hoc tit.*

- 2 Semelque impensa consecratio, instar baptismi, non repetitur, *can. Ecclesijs 20. d. Distinct. 1.* ne quidem eo casu, quo Ecclesia, illæsis parietibus, vel in toto vel pro maiori parte corrui, *c. Ligneis 6. & ibi Glos. hoc tit.*

- 3 Quòd si de Ecclesiarum vel Altarium consecratione dubitetur, nec de ea scripturæ appareant, vel testes existant, consecrati eas oportet, *can. Ecclesia 18. d. Distinct. 1.* Creditur verò dicto vnus testis, qui dicat fuisse consecratam, siue de visu, siue de auditu. Vel si appareat nota aliqua in libris Ecclesiæ, vel in pariete, seu aliqua tabula marmorea, iudicatur fuisse consecratam. Huiusmodi enim semiplenæ probationes tunc sufficiunt, quandocumque nemini sit præiudicium aliquod, *can. Solemnitates 16. iuncta Glos. in V. scriptura De consecrat. Distinct. 1. Piasec. d. loco n. 5. & 6.* Sin autem dubitetur, à quo consecranda aut dedicanda sit Ecclesia, seu in cuius sit dioecesi, consecrabitur ab eo Episcopo, qui ibidem prius Episcopalia exercuerit, *cap. 1. sup. De religiosis domibus.*

- 4 Ecclesiâ verò exustâ (ita scilicet, vt parietes combusti, diruti, vel totaliter aut pro maiore parte decrustati sint) aut dirutâ (ita vt parietes ex toto vel pro maiori parte corruerint) ac deinde in eandem vel similem formam ex iisdem lapidibus restituta, iteranda consecrationis est solemnitas, *d. can. Ecclesijs 20. & can. De Fabrica 24. Distinct. 1.* Secus si tectum dumtaxat, aut de parietibus quid modicum fuerit exustum
aut di-

aut dirutum, *d. c. Ligneu 6. h. t. Piafec. d. loco*, ubi tradit, id totum pendere à iudicio Episcopi: quia consecratio consistit in parte exteriori parietum, qui chrismate liniuntur, & in quibus signum Crucis apponitur.

Sed neque iterum consecranda est Ecclesia, si successiuis temporibus partes eius exemptæ fuerint & reparatæ, sed sufficit aspersio aquæ benedictæ, *d. can. De fabrica*: quia semper eadem intelligitur Ecclesia, idque ne facile contingat iterari consecrationem. Altari verò violato, id est si vel loco motum fuerit, vel lapis illi impositus, qui sigillum continet, contractus aut diminutus, ipsum Altare, non Ecclesia, iterum consecrari debet.

Quod si Ecclesia consecrata per iniuriosam sanguinis, etiam Martyris, aut seminis humani, effusionem, siue licitam siue illicitam, *Piafec. d. loco n. 7. versic. Item polluitur per c. fin. h. t. aut per sepulturam pagani, hæretici, excommunicati, polluta fuerit, cadauere eiusmodi exhumato, si discerni possit, non quidem iterum consecranda, sed reconcilianda est ab Episcopo aspersione aquæ solemniter cum vino & cinere per eundem benedictæ, quò diuina officia in ea resumì possint, c. Proposuisti 4. c. Aqua 9. & alijs h. t. c. vnico eod. in 6. Piafec. d. loco n. 7. Quod receptum est in terrorem delinquentium: & ideo ob occultam pollutionem Ecclesia non indiget reconciliatione, *Piafec. ibid. vers. In omnibus*. Ecclesiam verò, in qua cadauera infidelium sepeliuntur, consecrare non licet, sed si apta videatur ad consecrandum, non nisi euulsis inde corporibus, erasis parietibus & tignis, reædificanda & consecranda est, *can. Ecclesiam 28. De consecrat. Distinct. 1.**

Dixi, per iniuriosam sanguinis effusionem; quia sola talis Ecclesiam polluit, *d. c. vnico eod. in 6.* non si casu aliquo percussus fuerit quis ad sanguinis profluuium, aut si modicus fluat sanguis, ex naribus puta percussus. *Piafec. d. n. 7. in princ.*

Dixi, etiam Martyris; quia licet sanguis Martyris Ecclesiam non polluat, sed ornet: tamen Ecclesia polluitur propter persecutoris actionem, quæ Deo displicet, non ob Martyris passionem, quæ Deo est gratissima.

Porro Ecclesiâ pollutâ, etiam cœmeterium, eidem contiguum, censetur esse pollutum, non è conuerso, ne minùs dignum & accessorium trahat ad se magis dignum & principale, *d. c. vnico, iuncto c. Accessorium De R. I in 6.* Duorum verò pluriumve cœmeteriorum, sibi cohærentium, sed pariete seiunctorum, polluto altero, alterum propterea non censetur pollutum, licet ab vno ad aliud detur accessus, *d. c. vnico, ubi plenius Glos. ad V. pollui. Vt autem Ec-*

eclesia polluta reconciliari debet, ita & altaria in ea existentia, *Par-normit. & alij in d. c. Proposuiſti h. r.*

Notandum hîc quoque, diem anniuerſarium conſecrationis ex iuſta cauſſa poſſe in alium diem transferri, prout reſpondit Sacra Congregatio Epîſcopo Brixoniënſi 19. Februarij, 1585.

TITVLVS XLI

De celebratione Miſſarum, & Sacra- mento Eucharistiæ, & diui- nis officijs.

§. I. Quid ſit Eucharistiâ, & de materia huius Sacramenti.

1. *Definitio huius Sacramenti.*
2. *Materia eſt panis & vinum.*
3. 4. *Panis verò triticeus, azymus, non fermentatus.*
5. *Vinum autem de vite & purum.*
6. *Cur vinum aqua miſceatur.*

Conſecratio Eccleſiæ vel Altaris, de qua proximè dictum eſt, ordinatur ad celebrationem Miſſarum, aliaque diuina officia ac principaliter ad conſectionem Eucharistiæ, quæ non niſi in Eccleſia vel Altari conſecrato celebrari debent. Acturusque de his Pont. exorditur ab excellentiſſimo & auguſtiſſimo Eucharistiæ Sacramento, quia illud eſt Miſſæ fundamentum & caput.

Omiſſis autem varijs nominibus, quibus hoc Sacramentum ob varios reſpectus, quos habet, nuncupatur, definiri poteſt, eſſe Sa-
cramentum, continens ſub ſpecie panis & vini, vel alterius eorum, verum corpus & ſanguinem Chriſti, vt colligitur ex c. *Martini 6. h. r.* & decreto Conc. Trid. de hoc Sacramento *ſeſſ. 13. c. 1. & 3. & car. 1. & 3.* Corpus quidem ſub ſpecie panis, & ſanguinem ſub ſpecie vini, ex vi verborum; ipſum autem corpus ſub ſpecie vini, & ſanguinem ſub ſpecie panis, animamque ſub vtraque, vi naturalis illius connexionis & concomitantix, quâ partes Chriſti Domini inter ſe copulantur; diuinitatem verò propter admirabilem illam
cuius

eius cum corpore & anima hypostaticam vnionem, prout expressè declarat Conc. Trid. *d. loco, cap. 3.* Vide *can. Species & plures alios, De Consecrat. Distinct. 2.*

Materia huius Sacramenti est panis triticeus & vinum de vite, modicè aquæ mixtum, *can. 1. can. Non oportet 4. can. Cum omnes 7. & alijs De consecrat. Distinct. 2.* nam Christus in vltima cœna hoc Sacramentum instituens, hanc materiã adhibuit, *can. In Sacramento Dist. 2.* Conc. Trid. *Sess. 22 can. 9.* Si quis dixerit, aquam non esse miscendam vino in calice offerendo, eò quòd sit contra Christi institutionem, anathema sit. * Panis quidem triticeus, cùm quia illo communiter vtimur, tum quia ceteris melius nutrimentum præstat. Hinc panis ex farre, oryza, fabis, castaneis, & id genus alijs fructibus vel leguminibus, non est materia huius Sacramenti: vti nec puls, vel farina, elixata, friata & spissata in panem, vt satis inter omnes conuenit. Similiter nec panis confectus ex aqua rosacea, aut alia species distincta à naturali, nisi tam modica fuerit admixta, quòd in naturalem transierit.

De siligineo verò pane sitne materia huius Sacramenti, dubitatur. Ita existimat D. Thom. quia solo accidente differat siligo à tritico, & ex tritico nasci soleat siligo in sterili & macra terra, Aliud dicendum de lolio, etiam nato ex tritico, quia mutat naturam & definit esse triticum, vt notatur in *d. can. In Sacramento.*

Græci vtuntur pane fermentato, Niceph. *lib. 3. c. 18.* melius Latini pane vtuntur azymo, seu non fermentato, *c. vlt. b. t.* quia Christus in eo consecrauit, nempe xiv. Lunâ Martij, quo tempore non nisi azymi panes comedi poterant, vt patet *Exodi 12.* & ex alijs locis veteris Testamenti: tum quia melius significatur sinceritas vitæ, requisita in accedentibus ad hoc epulum: tum quia melius designatur, quod verbum vniuerit sibi naturam humanam purissimam ac sine vlla virilis seminis permixtiones. Si tamen Latinus vteretur pane fermentato, verè conficeret hoc Sacramentum, iuxta communem Theologorum sententiam, *aduersus Glos. in can. 2. De consecrat. d. Distinct. 2.* sed grauitèr peccaret.

Requiritur etiam vinum de vite, vt loquitur Conc. Florent. *in instruct. Armenior.* quia in eo Christus Sacramentũ hoc cōfecit, *Luce 22. d. can. in Sacramento.* Et hoc solũ vinum est propriè vinum. Hinc lac non est materia huius Sacramenti, *d. can. Cum omne Distinct. 2.* vti nec acetum ex vino confectum, cùm non sit vinum, sed vini corruptela: nec etiam omphacinum, quod ex vuis immaturis exprimitur, quia non tam vinum est, quàm vini quidam embrio. Aliud dicendum de vino acescente, ac tendente

ad acritudinem, quamdiu manet substantialis forma vini; licet in tali vino consecrans peccaret, ob irreuerentiam Sacramenti. Similiter aliter dicendum de musto: nam Iulius Pontifex in *d. can. Cum omne*, permittit in necessitate vuas in calice premi. Non tamen integre sunt Sacramento miscendæ, *can. Didiscimus d. Distinct. 2.* cum quia ibi aliquid est præter vinum; tum quia vva non est moraliter vinum potabile, vti nec vinum congelatum.

- 6 Cur autem vinum debeat esse permixtum aquæ, tres adfert rationes Conc. Trid. *d. Sess. 22. cap. 7.* Prima est, quod Christum Dominum ita fecisse credatur. Et hæc ratio adfertur à plurimis Patribus & Concilijs, vt videre licet apud Azor. *1. p. Instit. moral. lib. 10. cap. 30.* Secunda, quia è latere eius simul aqua cum sanguine exierit, *d. can. 1. De consecrat. Distinct. 2.* ac proinde ad vtrumque exprimendum modica aqua permiscetur, sic vt à vino absorbeatur, *c. Perniciosus penult. b. t.* Alioquin licet quidam existiment aquam in calice admixtam vino non conuerti in sanguinem Christi, nisi antè fuerit in vinum conuersa: nihilominus contraria sententia est probabilis, vt patet ex *d. c. Cum Martha h. tit.* Confirmaturque ex eo, quod sæpè non possit tam celeriter aqua vino admixta naturali actione conuerti in vinum, præsertim quando vinum est debile, & multum aquæ admiscetur, veluti tertia pars, iuxta *can. 19. Conc. Triburiensis.* An autem aqua sit permiscenda vino ex Christi præcepto, an verò ex institutione Ecclesiæ, quæri potest. Et probabilius esse posterius colligitur ex Conc. Trid. *d. loco, Azor. d. cap. 30. vers. Altera questio.* Tertia, vt repræsentetur vnio Christi cum Ecclesia: nam vinum significat Christum, & aqua populum fidelem *d. can. Cum omne vers. Ergo Distinct. 2.*

§. II. De forma & Ministro Eucharistiæ.

1. Forma quibus verbis constet, & effectus illius.
2. Minister huius Sacramenti est solus Sacerdos, licet malus &c.
3. Confici debet in sacrificio Missæ.
4. Et semel in die tantum regulariter.

Forma consecrandi à Christo tradita Matth. 26. Marci 14. Luca 22. 1. ad Cor. 11. in pane est hæc, *Hoc est corpus meum:* & in vino, *Hic est calix sanguinis mei,* seu *Hic est sanguis meus.* Quæ prolata seu accedente ad prædictam materiam per debitum Ministrum, fit conuersio totius substantiæ panis in substantiam corporis Christi, & totius substantiæ vini in substantiam sanguinis (quæ

(quæ conuersio conuenienter & propriè ab Ecclesia Transubstantiatio est appellata, Conc. Trid. d. Sess. 13. cap. 4.) ita vt eodem prorsus instanti, quo desinit esse substantia panis, sub speciebus incipiat esse corpus Christi & sanguinis: ad eum modum, quo decent Philosophi, idem esse instans, quo desinit esse forma aëris, & producit forma ignis. Remanentque post consecrationem solæ species sine vlllo prorsus subiecto, cum sola sua extensione, à se formaliter tantum distincta, non etiam cum quantitate substantiæ, vt probabilius existimo.

In hoc autem Sacramento tria reperiuntur, quæ diligenter distinguenda sunt, videlicet forma visibilis panis & vini, veritas corporis, & virtus spiritualis, prout distinguuntur & explicantur in d. c. Cum Martha §. Distinguendum b. t.

Minister conficiens hoc Sacramentum est solus Sacerdos ritè ordinatus, c. 1. sup. De Trinit. can. Perlectu §. ad presbyterum Distinct. 25. siue bonis sit siue malus, etiam irregularis, interdictus, suspensus ab Ordine, depositus, degradatus, Simoniacus, publicus & notorius peccator. Nam licet hi à Iure cōsecrare prohibeantur, si tamen consecrent de facto debitâ formâ & intentione, verè efficiunt corpus Christi quia non inmerito consecrantis, sed in verbo efficitur Creatoris, can. Et dixit 26. in fine, can. Quia corpus 35. vers. Recedat can. Panis est 55. & can. Corpus 60. De consecrat. Distinct. 2. & virtute Spiritus sancti, can. Vtrum 72. ead. Dist. atque vt meritis bonorum virtus Sacramentorum non amplificatur, ita nec malorum vitij attenuatur, can. Multi secularium 1. q. 1.

Conficere verò hoc Sacramentum tenetur Sacerdos in sacrificio Missæ, ac toties illud sumere, quoties celebrat, & quidem sub vtraque specie, can. Relatum 11. d. Distinct. 2. Alioquin simulans se conficere, & non conficiens, peccat grauius, quàm qui conficit, sciens in peccato mortali se constitutum, quia primo casu Deo illudit, & proximum decipit, altero solum offendit Deum c. De homine 7. b. t. Consecrans verò & non communicans ab Ecclesiæ arcectur liminibus, can. Peracta 10. d. Distinct. & à celebratione suspenditur per annum d. can. Relatum.

Tenetur item Sacerdos quilibet, quanto frequentius potest Missarū solemnia celebrare, c. Significatum 11. sup. De prabendis, Conc. Trid. Sess. 23. c. 14. semel tamen in die dumtaxat, c. Consulisti 3. b. t. quia Christus semel passus est, & totum mundum redemit: felixque in primis est, qui vnâ dignè celebrare potest. Quia tamen quotidie peccamus, saltem ijs peccatis, sine quibus mortalis vivere infirmitas non potest, ideo iteratur quotidie hæc oblatio, vt quia

quia quotidie labimur, Christus quotidie mysticè pro nobis immoletur, & recidiua delictorum peccata relaxet, *can. Iteratur 71. De consecrat. Distinct. 2.* Qui semper pecco, semper debeo habere medicinam, inquit D. Ambros. *can. Si quotiescumque 14. d. Distinct.* Excipitur dies Natiuitatis Dominicæ, quo tres, & casus necessitatis, quo duas, nonetiam plures, celebrare Missas licet, *c. Consuluiſti 3. & c. Ex parte 5. h. t.* modò tamen post sumptionem corporis Christi in prima uinum perfusionis seu ablutionis non acceperit, *d. c. Ex parte:* quia hoc Sacramentum à ieiuno sumi debet, *can. Nihil 16. in fine VII. q. 1.* Casus autè necessitatis, & cur tres Missas in Natiuitate Domini celebrare liceat, vide apud Gloſ. in *d. c. Consuluiſti*, & Nauar. in *Manuali cap. 15. num. 87.*

§. III. De alijs non conficientibus hoc Sacramentibus, illud tamen sumentibus.

1. Quilibet Christianus sumere illud debet, saltem semel in anno.
2. Quinam remoueantur à communione.
3. Laici & Clerici non celebrantes sub vna specie communicant.
4. Solus Sacerdos erogat hoc Sacramentum regulariter.

Non solus Sacerdos, hoc Sacramentum solus conficiens, illud sumere debet, sed & quilibet alius Christianus, ubi ad annos discretionis peruenerit. Et quidem olim circa prima fidei incunabula frequentissima erat apud fideles eius suscepio, verùm postmodum, repescente paullatim Christi fidelium ardore, statutum fuit, vt, nisi quis fortè maioribus criminibus impediretur, ter saltem in anno, nempe in festo Paschatis, Pentecostes & Natalis Domini, communicaret, *can. Et si non frequentius 16. can. Omnis homo 21. De consecrat. Distinct. 2.* actandem eò decursum est, vt quisq; saltem ad minus semel in anno, & quidem in Paschate, suscipiat Eucharistiæ Sacramentum, arcendus alioqui ab ingressu Ecclesiæ & Ecclesiasticâ priuandus sepulturâ: nisi fortè quis de proprij Sacerdotis consilio, ob aliquam rationabilem causam, ad tempus duxerit abstinendum, *c. Omnis vtriusque 12. inf. De pœnit. & remissionib.*

2. Quod præceptum de communicando in Paschate currit à Dominica palmarum vsque ad octauam Paschatis inclusiue, vt ex alijs, quos eam in rem citat, tradit Zerola, in *Praxi 1. p. V. Eucharistia 9. 7.* ita vt, qui communicat intra hoc tempus, satisfaciat præcepto, nec incurrat pœnas, quæ passim à Prælatis imponuntur non communicantibus in Paschate.

Paschate. Quinimò satisfaciunt, qui communicant quolibet die Quadragesimæ, vbi de hoc est legitima & præscripta consuetudo. Navar. in *Manuali* cap. 21. n. 45. licet olim, sub Marco Aurelio, à Sotere Pontifice statutum fuerit, vt in cœna Domini communicaretur: nam postea hæc angustia temporis ad duas hebdomadas laxata est.

Debet autem quisque, ad hoc Sacramentum accedens, peccata sua omnia legitime fuisse confessus. Item ieiunus, exceptâ causâ extremæ infirmitatis, in qua, ne sine viatico hoc infirmus decedat, etiam à cibo sumpto rectè communicat, *can. Presbyter* 93. De *Consecrat. Dist.* 2. Debet abstinnisse ab vxore & Venere ante sacram communionem tribus, quatuorve aut octo diebus, ex honestate tamen, non de præcepto, *can. Omnis homo* 21. d. *Distinct.* 2. Non excommunicatus aut interdictus, *can. Tribus gradibus* 23. §. *præcipimus & similibus*: non hæreticus aut infidelis, *can. penult. & fin. xxiv. q. 1. can. Quia passus* 36. d. *Distinct.* 2. non histrio aut scenicus, quamdiu huiusmodi artes improbas exercent, *can. Pro dilectione* 95. cum *can. seq. ead. Distinct.* sed demùm peractâ confessione ac pœnitentiâ. In causâ tamen necessitatis, id est morientibus, sed pœnitentibus, etiam ex grauissimis sceleribus, viaticum Eucharistiæ non est negandum, licet in vita denegari debuerit, *can. Pœnitentes Distinct.* 50. etiam excommunicatis, modò satisfecerint, *can. Tanta* 24. *Dist.* 86. Similiter nec denegari debet infirmis, qui postquàm illud petierint, priusquam accipere potuerint, oppressi infirmitate obmutuerunt aut in phrenesin lapsi sunt, habito testimonio eorum, qui petentem ac pœnitentem audierint, *can. Is qui* xxvi. q. 6. Sed nec occultum peccatorem, quem sacerdos pro certo scit esse reum aliquius criminis & impœnitentem, publicè accedentem ad communionem nominatim repellere potest, *c. Si sacerdos* 2. *sup. De officio Iud. Ordin.* sed debet eum secretò monere, ne se ingerat communioni: quam nec Christus ipsi Iudæ, quamvis eius occultam prodicionis cogitationem noscet, negavit, *d. c. Si sacerdos & can. Sicut Iudas* 63. De *consecrat. Distinct.* 2.

Cæterum licet Sacerdos celebrans Sacramentum hoc sub vtraque specie participet, tamen ab Ecclesia receptum est, vt laici & Clerici, illud non conficientes, sub vna tantùm specie panis sumant, Conc. Trid. *Sess.* 21. *cap. 1. in doctrina De communione*, sub qua non minùs totus atque integer Christus verumque Sacramentum, quàm sub vtraque, sumitur, Conc. Trid. *ibid. cap. 3. & can. 3.* sicut etiam in singulis portionibus hostiæ consecratæ totus & integer est ac sumitur, *can. Qui manducat & alij d. Distinct.* 2. Conc.

- Trid. *Seff. 13. can. 3.* ubi anathemate ferit secus sentientes.
- 4 Præterea quamvis olim communicantes proprijs manibus hoc Sacramentum acciperent, postmodum tamen id vetitum fuit, statutumque, vt, sicut solus Sacerdos illud conficit, ita & solus erogat alijs; adeò vt si aliter quàm per semetipsum presbyter infirmum vel alium communicet, sui gradus periculo subiaceat, *can. Peruenit 19. De consecrat. Distinct. 2.* Absente tamen Episcopo & presbytero potest Diaconus conferre, *can. Diaconos 13. Distinct. 93.* imò etiam præsentem presbytero, si necessitas urgeat, *d. can. Diaconos & can. Præsente ibid.* qua de re vide latiùs Azor. 1. p. *Institut. moral. lib. 10. cap. 23.* Religiosi verò absque licentia speciali presbyteri parochialis vel concessione summi Pontificis Clericis aut laicis hoc Sacramentum administrare non possunt sub pœna excommunicationis, ipso facto incurrendæ, absolutione summo Pontifici reservatâ, *Clement. 1. De privilegijs.*

§. IV De effectû Eucharistiæ.

IN primis per illud seu in ipso recolitur memoria Passionis Christi, *can. Iteratur, & alijs pluribus, De consecrat. Distinct. 2.* Ritè sumentibus confert gratiam. Estque cibus & potus spiritualis, non corporis, sed animæ substantiam fulciens, *can. Non iste panis 56. d. 1 distinct. & quo restauratur, quod ex calore concupiscentiæ per venialia peccata deperditur: cuiusque sumptione transimus in carnem eius, qui caro nostra factus est, scilicet Christi, can. In quibus 38. d. Distinct. illique vnimur atque incorporamur, vnum cum illo efficimur, ac de illius spiritu viuimus, can. Christus 57. cum duobus seqq. d. Distinct. 2. & æternæ vitæ fimus participes, d. can. Christus & al. 5 d. Distinct. Peccata etiam venialia relaxat, *can. Si quotiescumque & pluribus alijs ca. 1. Distinct. Alioquin si quis conscius sibi alicuius peccati mortalis, ac habens adhuc voluntatem peccandi, illud accipiat, nihil proficit ad mundationem, nec salutem acquirit eius perceptione, sed damnationem, & grauat magis, can. Qui sceleratè cum can. seqq. d. Distinct. 2.**

Denique, vt alios effectus omittam, conseruat hominem à peccatis futuris, cum quatenus est cibus, cor hominis interius corroborans, augendo in eo habitum charitatis & gratiæ; tum quatenus, tanquam signum Passionis Christi, per quam victi sunt dæmones, dæmonum repellit insultus.

TITVLVS XLII.

De Baptismo & eius effectu.

§. I. Quid sit Baptismus & quotuplex.

1. 1^o Vnde dicitur Baptismus, & Definitio illius.

3. Materia. 4. Forma. 5. Divisio.

Postquam actum est de Sacramento Eucharistiæ, quo in sacrificio nihil maius esse potest, *can. Nihil 8. De consecrat. Distinct.*

2. meritò subiiciendum de Baptismo, eiusque effectū, quandoquidem sit omnium aliorum Sacramentorum fundamentum, & iamua vitæ spiritualis, *c. Veniens inf. De presbyt. non baptizato*, quippe per quem transimus in numerum credentium, Christo incorporamur, eiusque membra efficiuntur, *can. Quia passus 36. De consecrat. d. Distinct. 2.*

Baptisma autem Græcè idem est, quod apud Latinos Mersio seu Tinctio aut etiam Ablutio, à verbo βαπτίζω, quod abluo seu mergo significat; nam à peccatis originali & actuali abluit, *can. Regenerante 136. De consecrat. Distinct. 4.* nec confertur ordinariè, nisi per mersionem aquæ, *c. penult. b. t.* Vnde in sacris litteris passim vocatur Lauacrum regenerationis, & à Patribus Flumen gratiæ, Diluvium peccatorum.

Omissis autem aliorum definitionibus, in Catechismo Rom. definitur Baptismus esse Sacramentum regenerationis per aquam in verbo vitæ, *ex Ioan. 3. & Paul. ad Ephes. 5.*

Per particulam, regenerationis, distinguitur à reliquis Sacramentis, saltem veteris legis, quæ non iustificabant animas.

Per particulam, per aquam, apertè distinguitur à reliquis Sacramentis nouæ legis, & simul exprimitur materia huius Sacramenti, quæ est aqua, non quælibet, sed vera & naturalis, siue calida siue frigida, *d. c. penult. b. t. Conc. Trid. Sess. 7. c. 2. De Baptismo.* Ideoque per aquam rosaceam aut aliam stillatitiam, aut per saliuam, lacrymas, sudorem, lac, vinum vel alium similem liquorem, ab aqua naturali differentem specie, iuxta communem D D. sententiam, non confertur Baptismus. Quòd si verò dubitetur, ap sit aqua vera, vti est mix, glacies, pruina, priusquam liquefiat, non licet extra necessitatem extremam eâ vti absque sacrilegio.

Cur verò potius per aquam, quàm per aliam materiam conferatur, plures adferuntur rationes, è quibus tres refert Catechismus Rom. quarum prima est, quia cùm Baptismus omnibus omnino ad salutem sit necessarius, conveniens fuit, ut conferretur per aquam, quæ est omnibus communis & facile ab omnibus haberi potest. Secunda, quia aqua effectum Baptismi maximè significat: ut enim aqua sordes abluit corporis, ita Baptismus maculas seu peccata animæ delet. Tertia, quia ut aqua refrigerandis corporibus aptissima est, sic Baptismo cupiditatum ardor maxima ex parte extinguitur.

4 Per sequentem particulam, in verbo vitæ, exprimitur forma, quæ est verbum spirituale vivificans: non enim sanat aqua, nisi in eam Spiritus sanctus descenderit, & aquam consecrauerit, *can. Per aquam 9. De consecrat. Distinct. 4.* quod fit accedente verbo ad aquæ elementum, *d. c. penult. & alijs h. 1.* & explicitè his verbis exprimitur: *Ego te baptizo In nomine Patris & Filij & Spiritus sancti, c. 1. h. 1.* Effici tamen Baptissimum etiam hac formâ, quâ Græci utuntur, *Baptizetur talis serum Christi In nomine Patris & Filij &c.* vel, *Baptizatur manibus meis In nomine Patris &c.* declarat Conc. Florent, in instruct. Armeniarum de baptismo. Idem dicendum de hac formâ, *Baptizat te Christus In nomine Patris &c.* Hæ tamen formæ, cùm sint contra præceptum Ecclesiæ, non sunt à Latinis usurpandæ.

Adeo autem necessaria sunt ad Baptisum aqua & verbum, ut altero omisso non sit Baptismi Sacramentum. Error tamen in pronuntiatione syllabarum per ignorantiam recti sermonis aut linguæ impedimentum non officit, *can. Si non 72. & can. Retulerunt 86. De consecrat. Distinct. 4.*

Ablutio seu mersio in aquam an unica sit, quæ unicam Christi Passionem significat, an trina, quæ Trinitatem, non interest. Expeditius est servare aut retinere Ecclesiæ cuiusque consuetudinem, *can. De trina 80. De consecrat. Distinct. 4.* Necessum tamen est, ut aqua tangat immediatè corpus: quamvis sufficiat minimam guttâ aquæ tangere quamcumque veram partem corporis vivam, etiam minimum digitum: imò & capillos, secundum quosdam, quamvis hoc postremum satis incertum sit. Debet verò ablutio seu mersio fieri, dum verba proferuntur, quia verba & forma in collatione Sacramentorum coniungi debent. Et cauendum, dum trina sit ablutio vel immersio, ne ad unamquamque abluitionem tota forma repetatur, sed ut sub vna formæ prolatione tres fiant abluitiones. De alijs cæremonijs, ab Ecclesiâ adhiberi solitis, vide Bellarm. 2. *Controvers. lib. 3. De Sacramento Baptismi, cap. 25.* De eorum ve-

rum verò significatione, vide *can. Postea 68. vsque ad can. Venit De consecrat. Distinct. 4.*

Diuiditur autem Baptismus in Baptismum fluminis seu aquæ, quem antè definiuimus, Baptismum flaminis seu spiritus, qui fit per contritionem & conuersionem ad Deum, & Baptismum sanguinis seu Martyrij, qualis fuit Innocentium, & latronis, in Cruce Deum confitentis, *can. Baptismi 34. can. Catechumenum 37. De consecrat. Distinct. 4.* Primus propriè dicitur Baptismus: reliqui ratione effectus, quia scilicet Baptismi effectum habent, deletionem nempe peccati originalis, & in adultis actualis & gratiæ collationem, quando Baptismus aquæ haberi nequit, *d. can. Baptismi & alijs similibus.* Si quis autem baptizatus fuerit Baptismo flaminis, datâ opportunitate tenetur suscipere Baptismum aquæ.

§. II. De Ministro Baptismi, deque susceptoribus seu patrinis.

1. Minister huius Sacramenti est solus Sacerdos.
2. Et in necessitate alius quilibet.
3. Patrimi seu susceptores car. necessarij in baptismo.
4. Sufficere ad summum d. os, scilicet vnum & vnam.
5. Qui prohibeantur esse patrimi.

Minister Baptismi ex officio est solus Sacerdos, id est, Episcopus & presbyter, non etiam Diaconus, nisi ex commissione sacerdotis, Parochi, vel Episcopi, *can. Diaconos 13. Distinct. 93. can. Constat. 19. De consecrat. Distinct. 4.*

In casu tamen necessitatis extremæ etiam Diaconus, imò & laicus baptizare potest, *d. can. Constat. can. In necessitate 21. De consecrat. Distinct. 4.* atque etiam mulier, absente viro, *can. Mulier ead. Distinct.* Quin & paganus, Iudæus, Schismaticus, hæreticus, & facinorosus quisque, *vt patet ex varijs Canonibus d. Distinct. 4.* modò formam Ecclesiæ seruent, & facere intendant, quod facit Ecclesia: & speciatim de hæretico definitum exstat in Conc. Trid. Sess. 7: cap. 4. Idque receptum est, ne quis sine lauacro regenerationis decedat, *d. can. Constat in fine.* Quam ob causam etiâ pater proprium filium, in extremo vitæ positum, & nondum baptizatum, baptizare potest, nec ideo à matrimonio vel copula vxoris arcetur, *can. Ad limina xxx. q. 1.* Nemo tamen seipsum baptizare potest, quia inter baptizantem & baptizatum debet esse discretio, vt indicat pronome, Te, in assignata antè forma, *c. Debitum 4. b. c.*

- 3 Præter ministrum Baptismi, nisi baptizandi aliud urgeat necessitas, solent & alij adhiberi, nempe sponsores, qui Patres iustitici, Patrini, Matrinæve vulgò vocantur, vel susceptores, quorum fide & professione, qui per se credere vel loqui nesciunt, ut paruuli, muti, & surdi, & ægrotantes, qui pro se respondere non possunt, baptismum suscipiunt, *can. Paruuli 74. cum can. seq. d. Dist. 4.*
- 4 Et quidem de Iure communi non nisi vnus, siue vir, siue mulier, baptizatum de sacro fonte suscipere potest, *can. Non plures 101. d. Distinct. 4. c. fin. De cognat. spirituali in 6. vel ad summum vnus & vna, ut nouissimè statuit Conc. Trid. Sess. 24. De reformat. matrim. cap. 2. qui tanquam proprii parentes debent baptizatum instituire in necessarijs ad salutem, in Symbolo, oratione Dominicâ, mortuis vel id facere negligentibus parentibus.*
- 5 Ab hac susceptione infantis in baptismo arcentur in primis hæretici, Iudæi, infideles, *can. In baptismo 102. d. Distinct. 51.* Item Abbas, Monachus, Monialis vel religiosa persona, *can. Non licet 103. can. Monachi 104. ead. Dist.* Regulariter etiam pater & mater naturalis respectu filij sui, *can. penult. & ult. xxx. q. 4.* Quâ ratione autem ex huiusmodi susceptione & inter quos contrahatur cognatio spiritualis lib. 14. explicabitur.

§. III. Quinam baptizandi & in quo loco.

- V**T in veteri lege Circumcisio tam paruulis quàm adultis ad salutem necessaria erat, ita etiam Baptismus, qui in eius locum successit, *c. Maiores 3. h. t. ** Et quidem paruuli, licet adhuc loqui vel credere nesciant, sicut etiam ægri, muti & surdi, qui pro se respondere non possunt, alijs vice illorum profitentibus & respondentibus de fide, rectè baptismum suscipiunt, *can. Paruuli 74. & seq. can. Cum pro paruulis 77. & alijs similibus, De consecrat. Distinct. 4.* Maiores verò, qui per & pro se respondere possunt, propriâ fide & professione eundem suscipiunt. Ideoque necesse est, ut habeant intentionem recipiendi id, quod dat Ecclesia, vel Christus instituit: imò ad effectum gratiæ habere quoque debent fidem, iuxta illud Christi: *Qui crediderit & baptizatus fuerit, saluus erit:* item dolorem de peccatis, cum proposito melioris vitæ, iuxta illud *Actor. 2. Pœnitentiam agite, & baptizetur vnusquisque vestrum in remissione peccatorum.*
- 2 Quidam tamen expressè prohibentur baptizari: nam in primis adulti dor-

ulti dormientes vel amentes non aliter baptizari cum effectu possunt, quàm si ante somnum vel amentiam baptizari voluerint, *d. c. Maiores* 3
§. Item queritur. * Non baptizatur etiam infans, existens in utero 3
 matris, quia qui natus adhuc secundum Adam non est, renasci secundum Christum non potest: neque reperiri potest regeneratio, ubi generatio non præcessit, *can. Qui in maternis.* 114. *d. Distinct.* 4. Materque prægnans baptizata nihil in hoc participat infanti, qui nascitur, quia vniuscuiusque propria voluntas in confessione fidei spectanda est, *can. Si ad matrem* 114. *can. Si qua mulier* 115. *ead. distinct.* * Si ta- 4
 men infantis in utero existentis aliquod membrum ex utero appareat, in eo, si modò viuat, urgente periculo, baptizari poterit, iuxta probabiliorem & tutiorem sententiam. Existente verò dubio, an quis sit baptizatus, baptizandus erit his verbis, *Si baptizatus es, non te baptizo, sed si nondum baptizatus es, ego te baptizo, In nomine Patris &c. c. 2. h. t.*

Quod ad locum attinet, in quo quis baptizandus, constituit Clement. V. ne quis in aulis, vel cameris, vel alijs priuatis domibus, sed 5
 dumtaxat in Ecclesijs, ubi sunt ad hoc fontes specialiter deputati, aliquos audeat baptizare: nisi Regum vel Principum liberi fuerint, aut talis necessitas emerferit, ob quam ad Ecclesiam absque periculo accessus haberi nequeat. Qui secus præsumpserit, aut suam in hoc præsentiam exhibuerit, taliter per Episcopum suum castigandus erit, ut alij attentate simile non præsumant, *Clement. vnica h. t.* Similiter in Abbatijs & Monasterijs prohibentur esse baptisteria, *can. Prædem. x v i i i. q. 2.*

§. IV. De effectu Baptismi.

1. 2. Baptismus iterari nequit, & pœna iterantium.

Effectus proprius & principalis baptismi est, delere originale peccatum, atque etiã in adultis omne actuale præcedens, *can. Firmissimè & alijs De consecrat. Distinct.* 4. *Conc. Trid. Sess. 5. De peccato originali.* Præterea gratiam & virtutes infundere, atque aperire regnum cœlorum, *c. Maiores h. t.* causare spiritualem quandam cognationem, de qua dicetur libro sequenti: imprimere characterem indelebilem; * eoque fit, ut sine sacrilegio reiterari non possit, *c. sim. h. t. Conc. Trid. Sess. 7. can. 11.* Adeoque habet odio rebaptizatos Ecclesia, ut qui non ignoranter rebaptizantur, iterum Christum crucifigere dicantur, *can. Quibus d. Distinct.* 4. & ab Ordinibus arceantur; quamuis etiam ignoranter, ignorantia scilicet iuris, rebaptizati fuerint, *d. can. Quibus.*

Qui vç;

Qui verò ausu temerario baptismum iterum reiterare conati fuerint, merone excommunicationis percussus ab omni officio & beneficio deponuntur: imò & iure civili ultimo supplicio afficiantur, l. 2. Cod. Ne sanctum baptismum reiteretur.

TITVLVS XLIII.

De Presbytero non baptizato.

Cum, ut supra dictum est, Baptismus sit ianua & fundamentum omnium Sacramentorum, & ante susceptionem baptismi non suscipiatur aliud Sacramentum, c. 3. h. t. satis inde colligitur, quid statuendum sit de Presbyteris non baptizatis, nempe tales non suscipere Ordinis characterem, ac proinde baptizandos, & tum demum ordinandos, c. 1. & d. c. 3. h. t.

Quòd si tamen quis non baptizatus crediderit probabiliter se baptizatum, fidemque Catholicam amplexus, in ea usque ad extremum vitæ diem perseverauerit, omisso baptismi ei non nocebit, quia ut D. Augustin. ait, Baptismus inuisibiliter ministratur, quem non contemptus religionis, sed terminus necessitatis excludit, c. 2. h. t.

TITVLVS XLIV.

De custodia Eucharistiæ, Chrismatis & aliorum Sacramentorum.

1. Eucharistia in Ecclesijs parochialibus adseruanda.
2. In pixide argentea vel eburnea.
3. Non in Capellis vel alijs Ecclesijs non parochialibus.
4. Quo modo & quando deferenda ad egrotos.

Cum Baptismus, in quo Chrismate utitur, omnibus ad salutem sit necessarius, Eucharistia verò ideo instituta, ut nobis sit cibus cœlestis & viaticum, ne in ipsa via deficiamus, & in certamine succumbamus, ut in omnem casum necessitatis haberi possit copia Eucharistiæ, Chrismatis & aliorum Sacramentorum, rectè hîc subiicitur de custodia Eucharistiæ & Chrismatis. * Varijsq; Concilijs ac Canonibus cautum fuit, ut in omnibus Ecclesijs Parochialibus

chialibus pro infirmis Eucharistia semper parata habeatur, diligenter & mundè in loco conspicuo, honorificè ac decenter exornato, iuxta facultates Ecclesiæ cuiusque, sub clauibus (penes Parochum vel Capellanū custodiendis) conseruetur, cū Chrismate, ne temeraria alicuius manus ad aliqua horribilia vel nefaria excercenda extendi queat: & contrā facientes, si nimirum vel incautiùs custodierint, per tres menses ab officio suspenduntur, vel grauiori subiacent ultioni, si per eorum incuriam aliquid nefandum contigerit, *c. 1. h. t. Conc. Trid. Sess. 13. cap. 6. in Decreto De obseruando sacra Eucharistia Sacramento.*

In tabernaculo seu loco, quo deponitur & custoditur Eucharistia, oportet esse pixides duas, in quarum altera conseruetur, altera deferatur ad infirmos; easque argenteas vel eburneas, non ligneas, ob periculum fractionis; nec lapideas, ob humiditatem & ponderositatem. atque ita obseruat vbique praxis, Zerola *p. 1. V. Eucharistia ad 1.* Quæ quidem pixides seu vasa non nisi super altari viatico vel ad minus super corporali poni debent. Videndumque, vt saltem singulis octo diebus Eucharistia renouetur, etiam tempore interdicti, & in Ecclesia specialiter interdicta, per *c. Permissimus inf. De sent. excommunicat. Zerola d. loco vers. Ad tertium, Piasec. 2. p. cap. 3. art. 3. n. 25.*

Cæterum in Capellis vel alijs Ecclesijs non Parochialibus sacra Eucharistia retineri non potest, ne quidem de licentia Episcopi, sed ex auctoritate & concessione Papæ dumtaxat, prout Sacram Congregat. respondisse refert Piasec. *d. c. 3. art. 5. n. 7.* Sed & Conc. Trid. *Sess. 35. cap. 10.* vetat, ne sacrosanctum hoc Sacramentum intra chorum vel septa monasterij Monialium conseruetur: quamquam possit ex causa, vt in die aliquo festo, cum licentia Prælati illic exponi ad deuotionem Monialium, Emanuel Sa *in V. Eucharistia §. 35.*

Deferri autem debet in decenti habitu, & non nisi cum lumine, à Capellano vel Parocho, stolâ & superpelliceo induto, & sonante companâ: teneturque; populus in eleuatione eiusdem & delatione ad infirmos se reuerenter inclinare; & transgressores grauitur sunt puniendi, *c. Sana 10. sup. De celebrat. Missarum.* Non esse verò deferendum per plateam, in qua Iudæi habitant, respondisse Sacram Congregat. tradit Piasec. *d. c. 3. art. 3. n. 25.* Vt neque ad infirmos deferendum est, qui fortè ob tussum vel aliud aliquod impedimentum communicare nequeunt, sed vt adorent tantum, vt ex declaratione eiusdem Congregationis tradit Zerola *d. loco §. 5.*

Denique præcipiunt quoque Canones, vt cetera vasa ministerij

Ecclesiastici & vestimenta ministrorum munda & nitida conseruentur: & vt suppellectilia vel propria Clericorum vel aliena in Ecclesijs non admittantur, nisi necessitas vrgeat propter hostiles incurfus vel repentinum incendium, vel quid simile, *c. 2. h. t.*

TITVLVS XLV.

De Reliquijs & veneratione
Sanctorum.

1. *Que dicantur Reliquiæ Sanctorum.*
2. *Vendi non possunt, nec passim ostendi.*
3. *Quando publicè venerari eas liceat.*
4. *Venerari aliquem pro Sancto publicè non licet sine licentia Papæ.*

Reliquiæ Sanctorum diligenter quoque adseruandę in Ecclesijs sunt, sicut Eucharistia & Chrisma; nullumque Altare erigi potest, in quo non sit aliquid reliquiarum Sancti alicuius conditum, *can. Placuit 26. De consecrat. Dist. 1.*

Nomine Reliquiarum intelliguntur hęc, iuxta Azor. 1. p. *Instit. moral. lib. 9. cap. 8.* Sanctorum corpora ac corporum quælibet partes, capilli, ossa, carnes, dentes, cineres, pulueres, vestes, & alia, quibus vsi sunt, dum in terris versarentur: item panni & vela, quæ eorum ossibus vel corporibus admoda fuerint, vel quæ ipsos tetigerint, aut pertinuerint ad eosdem.

- 2 Reliquiæ autem Sanctorum antiquæ exponi venales prohibentur: nec passim etiam ostendi debent, & quidem extra capsam
- 3 nullatenus, ne facilè populus circa illas decipiatur. * Non licet quoque de nouo inuentas publicè venerari, nisi prius auctoritate summi Pontificis fuerint approbatæ, *c. 2. h. t.* antiquas verò licet, etiā absq; noua Rom. Pont. auctoritate. Similiter reliquiæ alicuius, qui iam pridem fuerit in Sanctorum numerum adscriptus, inuentę de nouo recipi quidem & coli possunt, etiam publicè, sed non nisi recognoscente & approbante Episcopo, iuxta Conc. Trid. *Sess. 25. Decreto De inuocat. venerat. & reliquijs Sanctorum*, quod hac in parte videtur modificasse *d. c. 2. h. t.*

- 4 Pari modo non licet aliquem pro Sancto publicè venerari absque licentia & auctoritate Rom. Pont. etiamsi miraculis clarus sit, *c. 1. h. t.* quia quandoque etiam per prauos homines fiunt miracula, Abbas *ibid. & can. Teneamus 56. q. 1.* Sic enim, teste Zyp. *b. t. in princ. Tacitus lib. 4. Histor.* refert duo nō sacra miracula à Vespasiano patrata,

patrata, nempe eius attractu agro conuersam fuisse ad vsum manum, & cæco reluxisse diem. Pluraque alia videre licet apud Tolosan, *Syn- tag. Iuris vniuersilib. 48. c. 15. n. 12. & lib. 34. c. 16. n. 6. & c. 17. n. 2.*

Dixi, publicè; quia potest quis priuatim fundere preces ad eum, quem credit sanctum, *arg. d. c. 2. h. t. in v. publicè, à contrario.* Qui ve- rò iustum dicit iniustum, aut sanctum non sanctum, vel iniustum di- cit iustum, aut non sanctum asserit sanctum, abominabilis est apud Deum, *can. Si quis dixerit 57. q. 3 & Christum violat, can. Si quis ibid.*

Postremò mandat Synodus Trid. Episcopis & Parochis, ce- terisque docendi munus curaque sustinentibus, vt diligenter instruant populum de Sanctorum intercessione, & vtili ac necessaria inuocatio- ne, reliquiarum honore, & legitimo imaginum vsu. *Conc. Trid. d. Sess. 25. vbi plenius vide.*

TITVLVS XLVI.

De obseruatione Ieiuniorum.

1. Qui ieiunare teneantur.
2. Consistit obseruatio ieiunij in abstinentia à cibis vetitis.
3. In abstinentia à pluribus refectionibus.
4. Licita tamen collatiuncula est.
5. Item consistit in certa refectionis hora.

AD deuotionem & propter venerationem Sanctorum, de qua proximè diximus, indicta ab Ecclesia sunt ieiunia: de quorum obseruatione hoc Tit. agitur. * Sunt autem hu- iusmodi ieiunia ab omnibus, cuiuscumque perfectionis aut dignitatis existant, qui ad annum ætatis vigesimum primum per- uenerint, nec sexagesimum excesserint, nisi iustâ aliquâ causâ excusen- tur, diligenter obseruanda, *c. 1. & 2. h. t. idque sub reatu peccati mor- talis, iuxta communem, vt probatur ex can. 68. Apostolorum: vbi vio- latores ieiunij, si Clerici sint, iubentur deponi; si laici, excommuni- cari.* Ratio huius obligationis quoad omnes est, quòd omnes, saltem vt plurimum, egeant castigatione carnis, vt spiritui sublit; satisfactione pro peccatis, & aptitudine mentis ad adorandum: ad hæc autem in- stituta & præcepta sunt ieiunia.

Obseruatio verò ieiunij, prout ab Ecclesia præcipitur, in tribus potissimum consistit. Primò, in abstinentia à cibis certi generis, veluti à carnibus: item ab ouis & lacticiinijs, & ceteris, quæ à carnibus ori- ginem trahunt, in Quadragesimâ, *can. Denique Dist. 4. Dico, in Qua- dragesima; quia extra eam ius commune oua & lacticia permittit.*

Cæterum quia pro varietate locorum quoad oua & lacticia varia est consuetudo, ideo generatim dicendum, ab illis cibis abstinendum esse, quorum vsum consuetudo non permittit.

3 Secundò, consistit in abstinencia à pluribus refectionibus; ita vt intra diem naturalem non nisi semel corpus cibo reficiatur. Dico, cibo; quia Ecclesia non prohibet crebriorem sumptionem potus tempore ieiunij; eâ ratione, quia potus magis ordinetur ad cibi per corpus distributionem & sitim sedandam, quàm ad alendum corpus: & si aliat interdum, id per accidens est, nec tantum alit, quantum cibus. Hinc licet excedens in potu peccet contra temperantiam, non tamen soluit ieiunium.

4 Sed dubitatur de vespertina collatiuncula, sit ne licita, non modò ne potus noceat, & somni conciliandi causâ, vt olim, sed & alendi causâ, & absque potu. Et dicendum, licitam esse ex consuetudine, quæ in ieiunijs magnam vim obtinet. Huius autem quantitas est, quam pro diuersitate locorum & personarum consuetudo recepta tenet: nec enim eadem omnibus ob regionum & personarum diuersitatem præscribi potest. Non licet tamen hanc collatiunculâ sumere mane aut meridie, coenâ in vesperam dilatâ, nisi subsit aliqua iusta causa: v. g. si iter aliquod sit suscipiendum, negotium peragendum, aut debilitas moram non patiatur.

5 Tertio denique consistit observatio ieiunij in certa refectionis hora, quæ hodie ex consuetudine passim recepta est circa meridiem: non quidem quasi tunc necesse sit cibum sumere, cum possimus, & quidem cum maiori merito, abstinere toto die; sed quia non liceat ante illam horâ notabili tempore cibum sumere. Quamquam probabilius sit, talem anticipationem, seposito contemptu, tantum veniale esse peccatum, iuxta Innoc. Ioan. And. Anchoran. in c. 1. h. 1. quia non violatur substantia ieiunij, quæ consistit dumtaxat in abstinencia ciborum vetitorum & secundæ refectionis, sed solum circumstantia quædam accidentalis, quæ, manente substantiâ ieiunij, variari potest, & successu temporis magnam varietatem in Ecclesia habuit. Vide Couar. lib. 4. Var. resol. cap. 20. vbi doctissimè de ieiuniorum, quæ Ecclesia Catholica Christianis indixit, ordinatione & origine tractat.

TITVLVS XLVII.

De purificatione post partum.

1. *Lege Moysaicâ mulier post partum purificari debuit.*
2. *Hodie id consilij est, non precepti.*

Quemadmodum ieiunia ob deuotionem & uenerationem Sanctorum inducta fuere, ita & purificatio post partum inducta fuit ob reuerentiam Ecclesiarum. * 1
Et quidem lege Moysaicâ mulier post partum immunda habebatur; ideoque si masculum enixa esset, arcebatur à templo triginta tribus diebus; si puellam, sexaginta sex, *Leuit. 12. can. 1. Distinct. 5.*

Cæterum lex illa Moysayca, quippe moralis, per mortem Christi 2
siue legem Euangelij abrogata fuit: & ideo hodie statim à partu actura gratias ingredi Ecclesiam potest, si voluerit; ne poena, quam in pariendo patitur, vertatur illi in culpam, quasi in pariendo peccaret, *c. vnico b. t. can. Si mulier Distinct. 5.* Si tamen ex ueneratione voluerit aliquamdiu abstinere ab Ecclesia, deuotio eius non est improbanda, *d. c. vnico.* Bonarum quippe mentium est, ibi culpas suas agnoscere, ubi culpa non est, quia sæpè sine culpa agitur, quod venit ex culpa, *cap. ult. d. Distinct. 5.*

TITVLVS XLVIII.

De Ecclesijs ædificandis vel reparandis.

§. I. De ædificandis Ecclesijs.

1. *Ecclesia nomine quid hic veniat.*
2. *In Oratorijs priuati Missam celebrare non licet.*
3. *Ecclesia de nouo erigi non debent sine auctoritate Pont. vel Episc.*
4. *Et nisi eis dos competens assignetur.*
5. *Ecclesia noua erectione noceri non debet vicinis adibus.*

LIII ij

Nec pra-

6. *Nec praiudicium inferri antiquæ Ecclesiæ.*
7. *Leprosis permittitur Ecclesiam propriam habere.*
8. *Item Episcopo Eccles. nouam construere ex rebus Ecclesiæ suæ.*
9. *Episcopatus de nouo institui possunt.*

PRæcedentibus titulis actum est de Ecclesiarum consecratione, earumq; & Sanctorum veneratione: non abs re fuerit, si aliquid etiam dicamus de ædificandis & reparandis Ecclesijs. Nam & hæc cura ad Clericorum officium refertur, si vel loca quædam careant Ecclesijs de nouo ædificandis, vel si eæ corruant, vt proinde reparari debeant.

1 Ecclesiæ nomen Græcum est, & generale, significans quamlibet congregationem & conuentum: item collectionem Christi fidelium, eamque vnā sub vno capite, Catholicam seu vniuersalem. Sumitur verò hîc Ecclesia materialiter pro æde publica, diuino cultui exercendo ac præcipuè sacrificio Missæ auctoritate Episcopi deputata: vocaturque etiam Templum & Basilica, id est domus Regia, Weyms. in *Analysic. Ad audientiam* 3. h. tit. n. 1. & 2. Nam sicuti non alij, quàm Deo sacrati Sacerdotes, possunt Missas cantare, sacrificium super altare offerre: sic nec in alijs, quàm diuino cultui mancipatis locis Missas cantare aut sacrificia offerre licet; nisi quis super hoc speciali priuilegio munitus sit, aut summa coegerit necessitas, *can. Sicut De consecrat. Distinct. 1.* veluti si Ecclesia sit combusta: quo casu, donec ea restaureretur, in Capellis cum rabula consecrata celebrare interdum permittitur, *can. Concedimus ead. Distinct.*

2 Hinc licet permissum cuilibet sit domi suæ habere oratorium, orationis causâ, *can. Vnicuique* 33. *ead. Distinct.* dummodò in eo campana publicè exposita non pulsetur, *c. Patentibus* 10. *inf. De priuilegijs*: non tamen ad sacrificium Missæ peragendum; nisi sit oratorium ad diuinum tantummodò cultum dedicatum & ab Ordinario designatum, ab eodemque visitetur, *Conc. Trid. Sess. 22. in Decreto De obseruandis & euitandis in celebratione Missæ* 9. *Neminem.* Aliàs si quis in Oratorijs intra priuatos parietes constitutis absque consensu Episcopi celebrare præsumperit, deponendus erit, *can. Clericos & similibus d. Distinct. 1.*

3 Nemini autem liberum est Ecclesiam de nouo ædificare; in locis quidem exemptis citra auctoritatem Papæ, *c. Auctoritate De priuil. n. 6.* in locis verò Episcopo seu Ordinariæ iurisdictioni subiectis absque auctoritate ipsius Episcopi, qui in loco exstruendæ Ecclesiæ vel per se vel per alium, crucem figat; atrium publicè designet, lapidemque prima-

primarium ponat: ab eo, qui ædificare intendit, prius constitutâ dote pro luminaribus & ministris Ecclesiæ atque oneribus Episcopalibus persoluendis, *can. Nemo Ecclesiam d. Distinct. 1. Nouel. 67. Ut nullus ædificet &c. Tholosan. Partit. Iur. Can. lib. 1. tit. 4. cap. 5.* Quamuis sufficiat, si post constructam Ecclesiam etiam tacitè consentiat Episcopus. Quòd si Episcopus sine iusta causâ cōsentire nolit, aut primarium lapidem ponere vel positionem eius alteri delegare, compellendus erit auctoritate Superioris, *c. Nullus 17. sup. De iure patronatus, Pias. 1. p. cap. 2. art. 4. in princ.* Si verò præter consensum Episc. Ecclesiam quis construxerit, nec alteri noceat, destrui quidem non debet, sed iacturam patietur iuris patrono debiti, Ecclesiæq; cum dote sua iuribus Episcopalibus applicabitur.

Vnicuique verò Ecclesiæ pro dote attribui debet mansus vnus, liber ab omni seruitute & onere temporali, id est prædium, quod 4 sufficiat duobus bobus in anno ad laborandum *c. 1. iunctâ Glos. sup. De censib.* Sin omisâ dote Ecclesia extructa sit, nihilominus qui extruxit dotis nomine rectè conuenitur, *c. Cum sicut 8. sup. De consecrat. Eccles.* aut in subsidium ad Episcopum consecratorem recurritur, *arg. c. 2. sup. De præbendis, Pias. d. loco n. 3.*

Prospicere etiam oportet Episcopum diligenter, vt, quisquis de- 5 siderat ædificare Ecclesiam, id faciat pietatis intuitu, non quæstus cupiditate, *can. Si quis basilicam d. Distinct. 1.* & ne vicinis ædibus noceatur, puta luminibus earum officiando, aut non legitimum spatium relinquendo: nam licet religionis fauor sit summus, tamen ad iustitiæ normam reuocari debet; ideoque noui operis nuntiatione factâ ex vicinis ædibus, siue iure siue iniuriâ, id, quod extructum fuerit, diruendum est, *c. 1. & 2. inf. De noui operu nuntiat.*

Videndum etiam, ne ædificetur de nouo Ecclesia, etiam paro- 6 chialis, in præiudicium antiquæ: nisi fortè ex iusta causâ, iuxta arbitrium Episcopi, veluti si Ecclesia parochialis ita creuerit, vt vna omnibus non sufficiat, vel ob nimiam distantiam aliquorum parochianorum, qui sine magno incommodo & difficultate Ecclesiam adire non possint, *c. Ad audientiam h. t.* aut si tam frequens sit populus, vt pluribus egeat oratorijs & pastoribus, *cap. ult. h. t.* tum enim auctoritate Episcopi noua Ecclesia extrui potest, etiam inuito Rectore: imò & portio competens ex prouentibus Ecclesiæ antiquæ, si ea abundet, arbitrio eiusdem Episcopi assignari nouæ, *d. cap. Ad audientiam versic. quia igitur, Conc. Trid. Sess. 2. cap. 4 De reformat.* non obstante iuramento, quod Episcopus antiquæ Ecclesiæ præstiterit de rebus eius non alienandis, *d. c. ult. si utique*

si utique non adfit modus dotandi aliunde, & id fiat sine præiudicio possidentis, ut declarauit Sacra Congregatio, teste Piafec. d. loco n. 2. Vide Riccium *Decis.* 554. Imò si necesse fuerit, potest Episcopus compellere populum ad subministranda nouo Parochia, quæ sufficiant ad eius sustentationem, Conc. Trid. d. c. 4. ubi etiam statuit, quòd Episcopus in huiusmodi procedere possit tamquam Sedis Apostolicæ delegatus. Hoc tamen casu antiqua Ecclesia acquirit ius patronatus in nonam, & eius matrix dicitur, d. cap. *Ad audientiam*; eiq̃ue à noua honor exhibendus est: pars verò populi, quæ nouæ Ecclesiæ supponitur, à iure prioris absoluitur, can. *Præcipimus* xvi. q. 1. Cæterum congruenter iam dictis de Ecclesijs nouis ædificandis statuit Conc. Trid. *Sess.* 25. cap. 3. *De Regularib.* ne de cætero vlla Monasteria ac domus tam virorum, quàm mulierum, & mendicantium, sine Episcopi, in cuius dioecesi erigenda sunt, prius obtenta licentia erigantur. quâ de re vide Zyp. *De Iure Pont. nouo lib.* 3. Tit. *De Regularib.* n. 35. ubi etiam notat Carolum V. anno 1520. 29. Octob. edixisse, ne in Brabantia nouæ Ecclesiæ aut Capellæ ædificentur, sub pœua ædificatori infligenda & demolitionis, iuxta c. 1. inf. *De noui operis nuntiat.* quodq̃ue uti non oportet novos Ordines sine Pontificis auctoritate institui, ita Confraternitates & Collegia censeantur illicita, quæ non sunt à superioribus approbata, ex Charonda *lib.* 12. *Resp.* 64.

- 7 Leprosis verò sub communi vita simul congregatis permitti debet propriam habere Ecclesiam cum cœmeterio & presbytero, sine
 8 præiudicio tamen antiquarum parochiarum, c. 2. h. 1. * Episcopo quoque pro sepultura propria Ecclesiam ædificare aut Monasterium construere, atque ex rebus Ecclesiæ, cui præsidet, dotare licet: hoc tamen discrimine, ut si Monasterium construat, non nisi quinquagesimam partem; si verò aliam Ecclesiam, non monasticis formandam regulis, sed ob aliam causam, non nisi centesimam partem census Ecclesiæ, cui præsidet, conferre debeat, c. *penult. sup. De donationibus.*

Porro obtinuit consuetudo ab antiquo recepta, ut versus Orientem Ecclesiæ ædificentur, de qua consuetudine testatur Clemens *lib.* 2. *Apostolic. Constitut. cap.* 61. Piafec. d. loco n. 3.

Quæque de nouis parochialibus Ecclesijs extruendis ex necessitate & graui causa, etiam absque Re Actoris consensu, iam diximus, obtinent quoque in Episcopatibus, ex simili necessitate & graui causa de nouo instituendis, arg. c. *Sicut vñre inf. De excessib. Prælator.* & ex D. Bernardo *Epist.* 131. docet Zyp. h. 1. n. 14. subiungens, summo Reipubl. ac Religionis bono, ad instantiam Regis Phi-

DE ECCLES. ÆDIFICANDIS VEL REPARANDIS. 641
 gis Philippi II. Pium IV. Pent. 4. Idus Maij 1559. crexisse novos
 Episcopatus in Belgio, & eorum districtus in dioceces erigendas se-
 parasse ab Episcopatibus, Leodiensi, Ultraiectensi, & Cameracensi,
 alijsque, erectis sedibus Episcopalibus Cameracensi & Ultraiectinâ,
 ac Collegiatâ Ecclesiâ Mechliniensi, in Archiepiscopales. Addens,
 Archiepiscopum Mechliniensem, licet Belgij Primas non sit, tamen
 inter ceteros esse primum, & in exequijs Rudolphi Imp. Mechlinien-
 si Cameracensem cessisse, vindicias ei addicente Serenissimo Prin-
 cipe nostro Alberto.

§. II. De reparandis Ecclesijs.

1. *Ecclesia habet tacitam hypothecam in bonis eius, qui damnum in-
tulit.*
2. *Tenentur ad reparationem alij ex consuetudine, alij ex conven-
tionibus.*
3. *His cessantibus, ex fabrica reparari Ecclesia debens.*

AD Ecclesiarum reparationem tenentur in primis, quicum-
 que suâ culpâ damnum intulerint, tam Iure divino & natu-
 rali, quàm positivo, siue civili siue Canonico: adeò ut Ec-
 clesia, ex æquitate Iuris Canonici, in bonis eorum tacitam
 habeat hypothecam, & quidem potiore tacitâ hypothecâ mulieris,
 quam ea habet pro dote in bonis mariti, atque etiam fisci. Sic &
 Prælati vel Magistratus, ex cuius negligentia damnum accedit, te-
 netur.

Secundò, tenentur ij, ad quos consuetudo legitimè introducta
 (nisi laici sint) hoc onus transmisit: cuius probatio, cùm in facto
 consistat, alleganti incumbit: qua de re vide Zyp. *h. tit. n. 12.*

Tertiò tenentur, quibus ex specialibus locorum statutis & cõ-
 ventionibus huiusmodi reparatio incumbit: qualia statuta & con-
 ventiones particulares plurimæ sunt in his regionibus.

Quartò, cessantibus statutis & consuetudine, reparatio Eccle-
 siæ fieri debet ex ea portione, quæ à iure vel consuetudine ad fa-
 bricam deputata est. Quòd si verò vel nulla sit à iure aut consue-
 tudine assignata portio huiusmodi, vel ea non sufficiat ad repara-
 tionē, interpellandus est Prælati, qui decimas percipit, quia nō est
 ferendus, qui lucrum amplectitur, & onus ei annexū contemnit.

M m m m

Et si

Etsi verò decimæ Feudales in manu laica iam ante Conc. Lateran. existentes, sint immunes ab onere reparandarum Ecclesiarum & alendorum parochorum, quasi Feudi propriam naturam habeant, prout declarauit *Decisio Hollandica* 16. non tamen illæ, quæ dominum aliquem agnoscunt, prout tradit Zyp. *Tit. De feudis* n. 3. vbi refert sententiam ea de re in Concilio Brabantie latam. Quanquam scus videatur, si Ecclesiasticus decimas percipiat, quæ non per se reuersæ sint ad Ecclesiam, sed in consequentiam bonorum laicorum, quæ possidet, quorum aut sunt pars, aut ab ijs dependent, & quorum preinde naturam sortiuntur & accessorie sequuntur, vt post Molin. notat Zyp. *h. t. n. 13.*

5 Quintò, prædictis non sufficientibus, Episcopus, Canonici, ceteriq; Clerici omnes in eadem Ecclesia beneficiati, pro rata suorum beneficiorum & fructuum, conferre debent, deducto eo, quod ad victum & vestitum decentem est necessarium, *c. 1. c. De hu* 4. *h. t. can. Si Monachus* xvi. q. 2. *can. Decernimus* x. q. 2. Capella Tholos. *Decis.* 499. facit *l. Si quis à liberis* §. *de alimentis* D. *De alendis liberis*. Sic enim nec priuata debita aliter soluere tenetur Clericus, quàm ne egeat; ideoque nec cedit foro, nec incarceratur, *c. Odoardus* sup. *De solutionib.*

Sextò, si ne ista quidem sufficiant, eundem est ad populum, qui ibi Sacramenta percipit, nullâ habitâ differentiâ inter nobiles & ignobiles, etiamsi commodo Ecclesiæ renuntiare vellent: nec enim est in potestate parochianorum, cui Ecclesiæ subsint & vbi Sacramenta percipiant ac diuinis intersint, *c. 2. sup. De Parochijs.*

Septimò, prædictis adhuc non sufficientibus, potest Episcopus fructus ac proventus Capellarum, sub ipsa Ecclesia existentium, ad eius refectionem deputare, Capellanis, vnde honestè uiuant, reseruata congruâ & competenti portione. Vide Conc. Trid. *Sess. 21. cap. 7. & declarat. Congregationis Conc. quam refert Zerola* p. 1. *V. Visitatio* dub. 9. *incip. Si populus nolit.*

Potest etiam eo casu Episcopus, quæ pro malè partis incertis accipit à testatore aliquo, in reparationem Ecclesiæ conuertere. Eodemque modo potest concubinos condemnare ad aliquam summam pro reparatione Ecclesiæ. Videatur Conc. Trid. *Sess. 25. cap. 14. Weyms. in Analypsi* c. *Ad audientiam* n. 21. & seqq. Hæc omnia verò latius deducit & probat Pet. Peckius *Tract. De reparandis Ecclesijs*, vbi alias quæstiones mouet & discutit.

TIT. 49. De

TITVLVS XLIX.

De immunitate Ecclesiarum, cœ-
meterij, & rerum ad eas
pertinentium.

1. Immunitas alia est Personarum, alia Locorum, alia Bonorum.
2. Personalis immunitas in quibus consistat.
3. In quibus consistat exemptio Localis.
4. 5. Confugientes ad Ecclesiam quatenus iure asyli gaudeant.

Post tractatum de Ecclesijs quâ edificandis quâ reparandis, sequitur recto ordine de immunitate tam ipsarum Ecclesiarum, quàm cœmeteriorum, & aliarum rerum ad eas spectantium, præsertim cum illa sæpè à laicis, tanquàm Ecclesiasticis plurimum infensis, violetur: cuius proinde tuitio vel maxime ad officium Clericorum spectat.

Immunitas in genere nihil est aliud, quàm vacatio seu libertas vel exemptio à muneribus publicis, quæ alioqui sunt communia, vt colligitur ex c. 1. h. t. in. 6. Tit. D. De vacatione & excusatione munerum & Tit. D. De iure immunitatis: nam Munus, præter donum, nunc onus, nunc officium, siue dignitatem vel honorem significat, l. Munus §. tribus modis D. De verb. signif.

Diuidi potest Immunitas vel ex parte subiectorum, quibus competit, sicque triplex statui potest, alia Personarum Ecclesiasticarum, alia Locorum sacrorum, alia denique Bonorum; quamuis hæc vltima ad duas priores reuocari possit: vel ex parte munerum seu onerum, à quibus est exemptio; & ideo, vt Munerum ciuiliū alia sunt Personalia, alia Patrimonialia, alia Mixta, de quibus, quæ sint & quid sint, vide l. 1. & fin. D. De muner. & honoribus: ita & Immunitas alia est à Personalibus muneribus, alia à Patrimonialibus, alia à Mixtis.

Personalis immunitas in primis consistit in priuilegio Canonis ² Si quis suadente diabolo xvii. q. 4. nam violentas manus iniiciens in Clericum, excommunicatur. Secundò, in priuilegio fori, de quo lib. 2. Tit. De foro competenti. Tertiò, in exemptione ab omnibus operibus personalibus, seu quæ animi prouisione & corporali la-

M m m m ij

bore

bore absoluuntur, l. fin D. De muneribus; etiam si honesta sint, & non sordida, ut sunt tutela, cura, legationes, murorum defensio, & similia, can. Generaliter xvi. q. 1. Excepta tamen cura miserabilium personarum, ut viduarum & pupillorum, ac murorum defensione necessaria, c. Peruenit 2. h. t. can. Peruenit Dist. 86. Non tenentur item ire ad bellum, ut pugnent, etiam instante necessitate, Abbas in d. c. Peruenit h. t. Praefec. 2. p. c. 4. art. 8. n. 4. Quartò, in omnimoda exemptione ab obligatione legum ciuiliū, pro solis laicis, vel de materia Ecclesiastica aut bonis Ecclesiarum aut personis Ecclesiasticis, conditarum, quia hæc omnia à iurisdictione laicorum exempta sunt. Legibus verò Principum sæcularium, abstrahendo à Clericis & laicis, lætis de materia temporali omnibus communi, ad Reipubl. bonam pacificamque gubernationem (quales sunt, quibus pretia rebus venalibus imponuntur, vsus armorum prohibetur, vel asportatio frumenti interdicitur, & similes, quæ possunt æquè seruari ab omnibus, sine indecentia vel iniquo grauamine) adstringuntur quidem quoad vim directiuam, ex æquitate, & iure naturali exigente, ut cum sint ciues ac membra Reipubl. politicæ, conforment se reliquo corpori, ad pacem & gubernationem eius conseruandam; quoad vim verò coactiuam non aliter, quàm quatenus ab Ecclesia confirmatæ sunt, & tæta habentur. Et ideo si contrauenerint, nequeunt à Iudice sæculari puniri. Similiter consistit hæc immunitas in exemptione ab oneribus patrimonialibus, quæ imponuntur ratione rerum, quas quis possidet: cuiusmodi sunt tributa, vectigalia, talliæ seu collectæ, c. Non minus 4. c. Aduersus 7. h. tit. nisi quando uidens vrgeat necessitas, vel magna Reipubl. utilitas agatur, cui succurrendæ vel procurandæ laicorum facultates non sufficiant, d. c. Peruenit c. Non minus & c. Aduersus, Gutierrez. Quest. ciuil. lib. 1. cap. 3. ubi latè disputat, quando & quatenus Clerici teneantur ad refectiones pontium, fontium publicorum, murorum & aliarum id generis contributionum.

- 3 Immunitas localis, Ecclesijs earumque cœmeterijs concessa, consistit primò, in eo, ne in ipsis frequententur emptiones-venditiones, aut aliæ negotiationes & nundinæ, vniuersitatum & societatum quarumlibet concilia, conciones & publica parlamenta, multò minùs fæda & profana colloquia, vel quæcumque alia, quæ diuinum possunt turbare officium: neve seruiant litibus aut iudicijs sæcularibus, maxime criminalibus, quæ sanguinis pœnam irrogent, agitandis & exercendis, c. 1. & c. Cum Ecclesia 5. h. t. c. 2. versic. Cessent eod. in 6. Aliud dicendum de ijs, quæ sunt voluntariæ iurisdictionis, ut sunt manumissio, collatio Doctoratus, & similia. Secundò, ne domus, quas vel inhabitant Clerici, vel à laicis conductæ, multò minùs domus ipsarum Ecclesiarum,

clesiarum seruiant hospitibus recipiendis, *d. c. 1. b. t.* nisi fortè, antequam cederent Ecclesiæ, eiusmodi oneribus fuerint obnoxii, aut Principis repentinus ad expeditionem aliquam id exigat aduentus. Tertio, ne in ijs recipiantur suppellectilia priuatorum, nisi etiam urgeat necessitas, *c. fin. sup. De custodia Eucharistia*: sic tamen, ut necessitate cessante res in pristina loca reportentur, ut *ibid. dicitur*. Quarto, ne incastellentur seu muniantur, & in seruitutem redigantur à laicis, *can. Sanctorum x. q. 1. Hostien. & alij in c. Cum Ecclesia 6. b. t.* Excepto tempore necessitatis, quo Episcopus id permittere potest, modò cessante necessitate incastellatio quoque cesset, Hostien. *d. loco n. 6.* * Quinto, in eo, quod reus cuiuscumque criminis, ad Ecclesiam confugiens, paucis casibus exceptis, inde, si quidem liber sit homo, nullo modo inuitus extrahi ad mortem vel ad pœnam possit: si seruus, non antè ad seruitutem inuitus redire compellatur, quàm dominus de impunitate eius iuratò cauerit Clericis, *c. Inter alia 6. b. t.* Sed nec ob æs alienū ad Ecclesiam fugiens ab ea de iure extrahi debet, *l. vlt. Cod. De his qui ad Eccles. confug.* Gutierrez latè *Quest. civil lib. 1. c. 1.* post Couar. *Var. resol. lib. 2. cap. 20. n. 14.* Ratio huius immunitatis est honor Ecclesiæ debitus, ne in minori sit honore, quàm olim Ethnicorū aræ & statuar.

Hac porro immunitate gaudet omnis Ecclesia, auctoritate Episcopi erecta & diuino cultui destinata, siue sit consecrata, siue non, *c. Ecclesia 9. b. t.* siue in ea diuina peracta fuerint, siue non, siue sit polluta seu interdicta, siue non; Abbas in *d. cap. Ecclesia.*

Quin imò quadraginta passibus circum Ecclesiam matricem seu baptismalem, triginta verò, si Ecclesia minor sit, atque etiam palatio Episcopali extra Ecclesiæ circuitū sito, sacri Canones hanc immunitatem concesserunt; adeoque ad Monasteria, Hospitalia, priuata oratoria ac sacella, auctoritate Episcopi erecta, porrexerunt, licet plurimum valeat circa hoc consuetudo, teste Panor. in *d. c. Eccles. & Couar. d. loco n. 4.*

Nō tamē omnes indistinctè hac immunitate seu iure azyli, ut vocat textus Iuris ciuilis, gaudent: nā in *d. c. Inter alia* excipitur publicus latro & nocturnus depopulator agrorum: & in *c. 1. inf. De homicidio* excipitur is, qui per industriam & per insidias occiderit proximum suum; non etiam is, qui non proditoriè, licet diliberato animo occiderit. Insuper in *c. fin. b. t.* excipiuntur, qui spe immunitatis in ijs Ecclesijs aut cœmeterijs delinquant, alias delictū non commissuri: cū in eo, in quo dilinquit puniri quis debeat, & frustra legis auxilium imploret, qui committit in legem. Vide Couar. *d. loco n. 6.* Gutierrez *d. lib. 1. cap. 2.* & Constitut. hac de re Gregorij XIV. in *cip. Cum alijs nonnulli*, quam refert Piafec. *p. 2. cap. 4. art. 8.*

TITVLVS L.

Ne Clerici vel Monachi sæcularibus negotijs se immisceant.

1. Quibus negotijs sæcularibus Clerici se immiscere vetentur.
2. Vetant Canones Legibus ciuilibus aut Medicina operam dare.
3. Pœna Clericorum negotiantium.
4. Rasio prohibitionis huiusmodi.

Non omnes verò Clerici vel Monachi gaudent eâ immunitate, de qua proximè dictum est, à vectigalibus scilicet & tributis, sed ita demùm, si se sæcularibus non immisceant atque inuoluant negotijs: id quod vel maximè Clericorum & Ecclesiasticorum quorumlibet officium exigit.

- Vetantur itaque Clerici sacris initiati vel beneficiati, itemque Monachi immiscere se negotijs sæcularibus, v. g. lites prosequi, *cap. 1. h. t. ubi pleraque alia eiusmodi negotia enumerantur*: laicis ministrare, ipsorum negotia gerendo vel procurando, *cap. 2. h. t. procuraciones villarum aut iurisdictiones sæculares sub aliquibus Principibus exercere seu iudicijs præesse, sub pœna depositionis aut grauiori, si sit Religiosus, c. 4. h. t. iudicium sanguinis agitare, sub pœna similiter depositionis ab officio & beneficio, c. Clericus 5. c. Sententiam 9. h. t. aut lucri causâ negotiari, sub interminatione anathematis, c. Secundum instituta 6. h. t. aut tabellionatus officium exercere, c. Sicut 8. h. t. ac generaliter, quæcumque auocant à contemplatione & spiritualis vitæ instituto, cui mancipati sunt, can. Duo sunt XII. q. 1. Nemo enim militans Deo implicet se sæcularibus negotijs, inquit Apostolus 2. ad Timot. 7. d. c. 1. & c. 4. h. t.*

Adeò vt ne Legum quidem ciuiliū aut Medicinæ studia, quantumuis per se honestissima, ipsis promiscuè permittantur, c. Non magnopere 3. & c. vlt h. t. præsertim Religiosis ac Monachis, atque alijs etiam presbyteris, dignitatem aliquam vel personatum habentibus, vt Theologiæ Iurisque Pontificij studio, quod illorum proprium esse debet, pro laudabili muneris sui functione, diligentius incumbere valeant.

- 3 Aliàs Clerici vel Monachi, qui huiusmodi negotijs sæcularibus sese immiscent, non modò non gaudent prædictâ immunitate à vectiga-

veſtigalibus & tributis, cæteriſq; priuilegijs Clericalibus, ſed alijs quoque pœnis afficiuntur, c. *Sed nec procurrationes & alijs h. r.*

Cæterùm Carolus V. referente Zyp. *h. r. n. 2.* Clericos negotiantes declarauit à nullo onere immunes fore, quod ob huiusmodi negotia pendunt laici, 2. *Febr. 1528.* Cui conſonat c. *Quamquam ſup. De cenſibus & Clement. Preſenti eod. tit.* iuxta priuilegium Leonis X. ei conſeſſum, 2. *Id. Iunij 1515.* In Concordatis verò Brabantix §. *Clerici* multa, eodem teſte, enarrantur, quæ Clericis permittuntur vel inhihentur, ſed agunt, inquit, maximè de priuilegio fori.

Ratio horum omnium eſt, quia Clericos, ſacris Ordinibus initiatos, ac Monachos & Conuerſos, diuino officio ac contemplationi & orationi mancipatos, conuenit ab omni ſtrepitu temporalium ceſſare, *d. can. Duo ſunt XII. q. 1.* Nam qui mittit manum ad aratrum, reſpiciens retrò, non eſt aptus regno Dei: nec fieri poſteſt, vt profeſtus ſpiritualis non impediatur per ſæculares occupationes, iuxta illud, nescio cuius, *Numquam redy minùs homo, quàm cum inter homines fui,* Zyp. *d. loco in princ.* Adde negotiationes iſtas vix fieri abſque peccato, vt notatur in c. *Nauiganti ult. in f. De uſuris & in can. Fornicari Diſtinct. 88.* Et ideo licet laicis permittantur, non tamen niſi ad vſum & neceſſitatem, cùm nihil ſit miſerius quàm propter nummum Deum contemnere. Porrò quatenus & quouſque liceat Clerico negotiari vel artificium exercere, vide Guiliel. Redoan. *De ſpolijs Eccleſ. q. 8. à n. 33.*

Finis Libri Tertij.

PARA-

PARATITLA
S I V E
S V M M A R I A
ET METHODICA EXPLICATIO
LIBRI Q V A R T I
D E C R E T A L I V M.

TITVLVS I.

De Sponsalibus & Matrimonio.

§. I. Quid sint Sponsalia & quotuplicia.

1. *Definitio & origo Sponsaliorum.*
2. *Diuisio in sponsalia de futura, & de presenti.*
3. *Requisita ad sponsalia de futuro.*

S A T I S superque dictum est libro tertio de rebus Clericorum ac Religiosorum, deque rebus, quæ Ecclesiasticis ac laicis communes sunt. Exigit ordo, vt hoc quarto libro agamus de rebus proprijs laicorum, non quidem omnibus, sed ijs, quæ quâuis laicis solis conueniant, tamen ad forum & iudicium pertinent Ecclesiæ. Cuiusmodi sunt matrimonia, & quæ ijs necessariò accedunt, c. *Accedens* 10. *sup. De procurat.* Videndum igitur primò, quid sit Matrimonium, quomodo & per quas personas contrahatur: secundò, quis sit matrimonij fructus, id est quæ sit legitima proles: tertio, quomodo matrimonium dissoluatur: & denique quomodo iteretur; sed quia per Sponsalia ad matrimonia deuenitur, priùs de illis tractandum est.

Sunt

Sunt autem Sponsalia futurarum nuptiarum promissa, *can. 1*
Nostrates xxx. q. 5. seu mentio & repromissio, *l. 1. D. De Sponsalib.*
 sic dicta à Spondendo, teste Vlpiano, quòd veteribus moris esset
 stipulari & spondere sibi futuras vxores: vnde & Sponsi Spon-
 saque appellatio nata est, *l. 2. & 3. D. cod. A. Gellius lib. 4. Noct.*
Attic. c. 4. Spondere verò à sponte, id est voluntate deducit Varro
lib. 4. De lingua Lat. vt Spondeo sit, quasi Sponte do vel promitto.
Qui sponponderat, inquit, filiam, despondisse dicebatur, quòd de sponte eius,
id est voluntate exierat.

Diuiduntur Sponsalia in Sponsalia de futuro, quæ iam defini- *2*
 ta sunt, & proprie Sponsalia vocantur, *6. Præterea 2. c. Is qui 30. &*
c. ult. b. t. & in Sponsalia de præsentì, quæ non sunt aliud, quàm
 mutuus in matrimonium consensus, seu ipsum matrimonium, *c. Ex*
parte 9. c. Veniens 15. & alijs h. t. Dicuntur tamen etiam Sponsalia,
 quia & in matrimonij contractu quedam sit promissio mutue tra-
 ditionis corporum, saltem tacitè: imò matrimonium per sponsio-
 nem seu stipulationem, siue interrogationem & responsionem, cō-
 trahitur, *c. penult. b. t.* Pari modo etiam Sponsa aliquando & pro-
 prius sumitur pro ea, quæ promisit matrimonium de futuro, &
 nondum contraxit per verba de præsentì, *can. Quidam desponsauit*
31. can. Desponsatas 46. & similibus. xxvii. q. 2. aliquando verò su-
 mitur pro ea, quæ contraxit quidem de præsentì, sed nondum il-
 lud consummauit, *c. Institutum 39. & pluribus alijs, d. loco, c. 2. & fin.*
inf. De sponsa duorum. Et hac acceptione Dei-para Virgo vocatur
 sponsa Iosephi & Iosephus sponsus Virginis, cùm inter eos inter-
 cesserit contractus matrimonij de præsentì. Hæc tamen posterior
 usurpatio est minùs vsitata, soletque post contractum matrimo-
 nium per verba de præsentì mulier cōmuniter vocari coniux,
can. Qui desponsatam 12. d. causa & q. aut vxor, licet aliquando in
 Iure sponsa de futuro vocetur coniux aut vxor, *c. Iuueni 3. & ibi*
Glos. in V. coniux h. t.

Ad Sponsalia proprii nominis seu de futuro requiritur eæ ætas, *3*
 quæ intelligat id, quod agit, & septennio completo definita est,
 tam in fæmina quàm masculo, *d. c. 3. b. t.* Requiritur etiam con-
 sensus, *c. 1. 4. 5. inf. De desponsat. impub.* & quidem liber, cùm
 sponsalia ordinentur ad matrimonia, quæ libera esse debent, &
 pertineant ad statũ hominis, qui in arbitrio & electione est cuius-
 que. Quo pacto autem sponsalia, quæ parentes plerumque pro fi-
 lijs puberibus vel impuberibus contrahunt, valeant seu obligent,
 vel non, dicemus postea ad *Tit. De desponsat. impub.* Debet insuper
 hic consensus esse mutuus: quorum enim vnum corpus fatu-

rum est, vnus debet esse & animus. *can. De neptu xxxi. q. 2.* Ideoque in *l. 1. D. De sponsal.* Sponsalia dicuntur esse futurarum nuptiarum repromissio, vt designetur reciproca obligatio & consensus. Exprimi quoque oportet hunc consensum aliquo signo exteriori, vt mutuo innotescat, siue verbis, siue litteris, siue alio modo: licet aliquando verba vel signa æquipollentia requirantur ad probationem consensus, *c. Tux fraternitati 25. & c. penult. h. t.*

9. II. Quinam sponsalia contrahere possint & quibus modis.

1. *Sponsalia rectè contrahunt maiores septennio, regulariter.*
2. *Siue verbis, siue nudo consensu, per se, vel per alios.*
3. *Purè, vel sub conditione.*

Contrahere sponsalia possunt maiores septennio, *c. 4. & 5. & c. Ad dissoluendum inf. De desponsat. impub.* quia huic ætati aliquod iudicium animi inest, vt intelligant contrahentes, quid agant, *l. In sponsalibus 14. D. h. t.* non etiam minores, in quibus malitia supplet ætatem, *c. 3. h. t. Couar. De sponsalib. c. 2.* dummodò aliàs à matrimonio contrahendo non arceantur: nam quibus nuptiæ interdictæ sunt, illi etiam sponsalia, quæ sunt aditus & præparatio nuptiarum, contrahere vetantur, *l. Oratio 16. D. eod.* & quidem ex iisdem impedimentis, si sint perpetua, nec post contracta superueniant spōsalia: secus si temporaria. Nam impubes potest contrahere sponsalia, non tamen pro eo tempore matrimonium, nisi malitia suppleat ætatem. Similiter qui vouit castitatē ad tempus, non potest pro eo tempore matrimoniū contrahere, validè tamen contrahit sponsalia, *arg. l. Solet D. De his qui not. infamia.*

2 Possunt verò prædicti spōsalia cōtrahere vel per seipsos, si præsentēs sint, siue verbis, siue nudo consensu, vt ex interpretatione Iuris, in *c. vnico §. idem quoq. De desponsat. impub. in 6.* siue etiam solonutu, vel alijs indicijs, *c. Cum apud sedem 23. h. t. l. Nutu 21. D. De legat. 3.* vel, si absentes sint, per litteras, nuntium, aut procuratorem, ad hoc idoneum, id est ad hoc speciale mandatum habentem, ob magnum quod ex factō tam arduo possit imminere periculum. Ob quod etiam nequit alium sibi substituere, nisi hoc eidem specialiter commissum fuerit, *c. vlt. De procurat. in 6.*

3 Præterea cōtrahi possunt sponsalia vel purè, vel sub conditione, *c. vnico eod. in 6.* Purè concipiuntur his aut similibus verbis, *Ego te accipiam*

accipiam in uxorem, & ego te in maritum; vel, Ego te in meam, & ego te in meum, c. penult. h. t. & c. 3. inf. De sponsa duorum. Sub conditione, hac vel simili formâ, Ego te in uxorem accipiam, si tantum doti nomine dederis, vel si consentiat pater; quæ ex euentu pendent, c. 3. & 5. inf. De condit. appositu, c. unico in fine h. t. in 6. vel, Accipiam te in uxorem, si intra tale tempus volueris: quo casu in certum diem vel tempus contrahi dicuntur. Quod si intra dictum tempus noluerit, à promissione liber est, aliamque eligere potest, qui ita promisit, cap. Sicut 22. h. tit.

Aliam solemnitatem sponsalia necessario non desiderant, nullam contestationem, nullam scripturam, nullam Parochi aut alterius sacerdotis præsentiam, nisi de honestate duntaxat: adeò ut sponsalibus obstare non debeat, quòd clandestina sint, quia circa hoc & alia pleraque in sponsalibus per Conc. Trid. nihil immutatum legimus: quæ propterea relicta esse in terminis iuris communis sæpiùs respondisse sacram Congregat. scribit Zyp. *h. in princ. post Gutierrez Tract. De matrim. c. 4. Vide Canis. ad h. tit. circa princ.*

§. III. De effectu Sponsaliorum.

1. *Sponsalia de præsentì habent eundem effectum cum matrimonio.*
2. *Sponsalia de futuro an necessitatem imponant ad matrimonium contrahendum.*
3. *Differentia inter sponsalia purè contracta & conditionalia.*

Effectus sponsaliorum de præsentì idè est cum effectu matrimonij, quia non sunt aliud quàm ipsum matrimonium; ideoque non magis quàm istud dissolui possunt, c. 1. 2. & 3. inf. De sponsa duor. nec per secunda sponsalia de præsentì, nec etiam per matrimonium copulâ carnali consummatum, cap. penult. h. t. Quare si quis cum duabus successiue sponsalia de præsentì contraxerit, priori adhærebit, & eam uxorem habebit, d. c. 1. etiamsi consuetudinem cum alterâ habuisset, d. cap. 3. & cap. fin. h. tit.

Quantum verò ad effectum attinet sponsaliorum de futuro, 2 licet olim Iure ciuili alterutri desponsatorum, vel patri, in cuius esset potestate, licuerit sponsalibus renuntiare, l. In potestate Cod. h. t. adeò ut ne quidem poena promissa deberetur, l. Titia 134. D. De verb. obligat. tamen Iure nouo Codicis cautum fuit, ut si quis

contractis sponsalibus nolit nuptias exequi, maior quidem *xxv.* annis duplicet arrhas, minor verò tantum restituat, & si, qui dedit, non contrahat, eas amittat: præterquam si absque culpa alterius sponsalia dissoluantur, puta morte alterius, vel lege nuptias prohibente, aut dissolutionem permittente, *l. 3. & 5. Cod. h. t.* At Iure Pontificio pœnitere quidem licet, sed qui sponsalia contraxerunt, monendi sunt, & modis omnibus inducendi, vt fidem datam seruent, *c. Præterea 2. h. t.* imò etiam alter ab altero ad hoc iudicis auctoritate compelli potest, *c. Ex litteris 10. & c. Sicut 22. h. t.* Franc. Leo *Thesaur. forens. cap. 24. n. 2.* quia graue est fidem fallere, nihilque fidei humanæ tam congruum est, quàm vt pacta seruentur & adimpleantur, *l. 1. D. De pactis, c. 1. & 2. sup. De pactis.*

Nec obstat, quòd matrimonia debeant esse libera, quia sensus est, quòd debeant esse libera à necessitate extrinsecus obuemente; non autem à necessitate intrinsecus proueniente, prout hic prouenit ex consensu & promissione de matrimonio contrahendo. Et ideo sicut cæteri contractus dicuntur ab initio esse voluntatis, ex post facto verò, vbi scilicet semel initi sunt, aut promissio de ijs ineundis facta, dicuntur necessitatis, *l. In commodato 17. §. 3. D. Commodati, l. In bona fidei §. si tamen D. De eo quod certo loco, l. Si sterilius 21. §. penult. D. De actionib. empti, & similibus:* ita & matrimonium, prout latè tradit Gutierrez *Tract. De iuramento confirmatorio cap. 51. n. 4. & lib. 1. Can. qu. cap. 18. n. 10.* vbi sub finem addit, hanc esse praxim vniuersalem orbis.

Non tamen statim per censuras Ecclesiasticas cogendi sunt, iuxta *d. c. Ex litteris*, sed priùs per alias pœnas, etiam carceris, Marc. Ant. Genuen. *in Praxi Neapol. cap. 14. Sess. 23.* Basil. Pontius *De sacram. matrimonij lib. 12. c. 6. num. 2. & seqq.* Quod procedit, etiamsi non accesserit defloratio, modò de promissione constet, Genuen. *ibid.* Farinac. *Decis. criminali 73.* Cæteroquin si qui omnò renitantur, non sunt cogendi præcisè, quamuis intrauerint se simul contracturos matrimonium, *d. c. 2. h. t.* quia coactiones solent plerumque difficiles habere exitus, *c. Requisiuit 17. h. t.* & matrimonium coactè initum est ipso iure nullum, *c. De muliere 6. c. Veniens 13. c. Ad id 21. h. t.*

- 3 Differunt autem quoad effectum sponsalia purè contracta à conditionalibus, quòd contracta purè sint ab initio perfecta, quodque consensu valida, licet aliàs nulla ob impedimentum vel consanguinitatis vel affinitatis, aliàve ratione, inducant publicæ honestatis iustitiam, quæ quidem impediatur & dirimat sponsalia vel matrimonia contrahenda, non autem contracta dissoluat.

Condi-

Conditionalia verò non nisi eueniente conditione obligationem aut effectum aliquem publicamque iustitiam inducunt, *c. vnico circa princ. iuncto §. fin. h. t. in 6.* aut nisi postea consensus de præsenti intercedat, aut copula carnalis inter sponsum & sponsam subsequatur: nam his duobus casibus videntur à conditione adposita recessisse, & concessisse matrimonium, *cap. 5. & 6. inf. De conditionibus appositis &c.* Adhibitâ tamen moderatione Conc. Trident. *Sess. 24. cap. 1. De reformat.* quâ matrimonia clandestina decernuntur irrita, nec sponsalia de futuro per sequentem copulam transeunt in matrimonium, sicut transibant secundum Iura antiqua.

§. IV. Quibus modis sponsalia dissoluantur.

1. Dissoluantur morte alterutrius: dissensu mutuo.
2. 3. 4. Per Religionis ingressum: Ordinis sacri susceptionem: discessum alterius.
5. 6. Per lapsum temporis: per defectum conditionis.
7. 8. Per subsequens matrimonium ac fornicationem alterius.
9. 10. Per lepram aut aliam deformitatem: per seuitiam.
11. Per superuenientem affinitatem & votum castitatis.

Dissoluantur Primò morte alterutrius: nam mors omnia soluit, *Novel. 22. De nuptijs c. 20. in princ.* Secundò, mutuo & contrario consensu contrahentium, sponsi & sponsæ, puberum; quemadmodum societas consensu sociorum inita dissensu mutuo dissoluitur, *c. 2. h. t. l. In actione 66. D. Pro socio:* quia quisque potest remittere, quod sua interest, ac iuri suo cedere, quamdiu non resultat vinculum indissolubile. Nihilque tam naturale est, quàm vnumquodque dissolui eo modo, quo colligatum est, *l. Nihil tam naturale 35. D. De R. I.* Idque adeò obtinet, licet sponsalia iureiurando confirmata fuerint, quia quotiescumque iuramentum in fauorem alicuius est præstitum, ab eodem remitti potest, *c. 1. sup. De iureiur. Couar. cap. 5. De sponsalib. in princ.*

Dixi, puberum, quia si vterque vel alter eorum sit impubes, non dissoluantur mutuo consensu sponsalia, nisi vbi ad annos pubertatis peruenerint, *c. A nobis 8. c. De illis 9. inf. De desponsat. impub.* Et hoc statutum est ob inconstantiam & leuitatem puerorū, ne quotidie noua contrahant sponsalia. In hac tamen specie solo dissensu

cuius, qui pubes factus est, sponsalia distrahuntur, non expectato alterius, siue puberis siue impuberis, consensu, *d. cap. De illis cum seq.* nisi fortè sponsalia iuramento confirmata essent; nam eo casu etiam alterius dissensus requiritur, *c. Ex litteris 10. h. t.*

- 2 Tertiò, dissoluuntur per Religionis ingressum, *can. Scripsit 26. §. sponsi verò* (vbi exempla proferuntur) & *similibus xxvii. q. 2.* nam si matrimonium ratum, non consummatum, ingressu Religionis dissolvitur, ut postea dicemus, à fortiori sponsalia, etiam non expectatâ professione. Ut proinde manens in sæculo mox atque alter ingressus est Novitiatum seu habitum suscepit monasticum, prorsus à sua promissione solutus sit, etiamsi alter postmodum deponat habitum. Si tamen Religionem ingressus postea ante emissam professionem grediatur, tenetur ex parte sua cum muliere adhuc libera contrahere, si & illa velit, quia ipse solutus non est à suâ obligatione. Quod si verò quis cui fidem dederit, præstito iuramento de contrahendo matrimonio, & velit Religionem ingredi, tutius facturus dicitur, si contrahat prius matrimonium, sicque iuramentum adimpleat, & tunc Religionem ingreditur, *c. Commissum 16. h. t.*

- 3 Quartò per susceptionem Ordinis sacri, nam is impedit contrahi matrimonium, *cap. 1. & 2. inf. Qui Clerici vel vouentes &c.*

- 4 Quintò, per discessum alterius, ad alias & remotas terras se transferentis, non præmonito altero, *c. De illis 5. h. t.* quia sponsus ita per orbem vagans videtur ex parte sua renuntiassè sponsalibus & cessasse iuri suo; ac proinde alteri eadem renuntiandi potestas facta intelligitur. Vide *Couar. d. c. 3. De sponsalibus*, vbi tradit, quid de Iure civili aliter statutum sit, nempe ut sponsa teneatur expectare absentem sponsum per triennium, *l. 2. Cod. De repud.*

- 5 Sextò, per lapsum temporis præstituti ad matrimonium de presenti contrahendum, *c. Sicut 22. h. t.* Cum enim hoc tempus adiectum sit restringendæ obligationis causâ, utique ultra protendi non debet, contra mentem contrahentium.

- 6 Septimò, si conditio sponsalibus, etiam iuratis, adiecta, non sit impleta, *c. 3. inf. De condit. appositis*. Nam quæ sub conditione promittuntur, non antè obligationem pariunt, quàm conditio extiterit, quia sic deest consensus. Aliud dicendum, secundum ius antiquum, si ante defectum conditionis carnalis interuenerit copula, quia per eam censetur recessum à conditione, *c. Pertuas 6. inf. eod. tit.* Agitur autem hic de conditionibus honestis & licitis, ut postea dicemus.

- 7 Octauò, Sponsalia de futuro, non secutâ copulâ, dissoluuntur per sequentia sponsalia de presenti sponsi sponsæve cum tertio, tamquam per fortius vinculum, licet priora fuerint iuramento confirmata,

& in

& in posterioribus non sit secuta copula, *cap. Si inter penult. hoc. tit.* Dixi, non secutâ copulâ, quia cùm secundum Ius antiquum, vt antè diximus, sponsalia de futuro per secutam copulam transeant in matrimonium de præsenti, non sufficiente adhuc conatu, *cap. Veniens 15. cap. Is qui fidem. 30. & cap. fin. hoc tit.* secundum illud Ius secutâ copulâ sunt indissolubilia per posteriora, siue de futuro, etiâ iuramento confirmata (quia cùm tale iuramentum sit de re illicita, non addit maius vinculum, quàm si abesset) siue de præsenti.

Nonò, dissoluuntur per subsequentem fornicationem alterius, 8 siue voluntariam, siue coactam, *cap. Quemadmodum 25 sup. De iureiurando*: siue carnalem, siue spiritualem, vt per hæresim vel apostasiam, *cap. 2. inf. De diuorij can. Non solum, can. Iam nunc & seq. xxviii. q. 1.* ita tamen, vt solus innocens ab obligatione liberetur: nam delictum suum nemini patrocinari debet. Per præcedentem tamen fornicationem, quæ tempore contractus fuit, dummodò cognita aut faciliè cognosci potuerit, non dirimuntur sponsalia, *d. cap. Quemadmodum*: secus si fuerit occulta omninò, & probabiliter ignorata.

Decimò, per superuenientiam lepræ, paralysios, aut alterius morbi contagiosi, vel propter amissionem nasi, oculi, aut aliam notabilem deformitatem in alterutro contrahensium, *d. cap. Quemadmodum & cap. fin. inf. De coniugio leprosf.* Dico, in alterutro, quia tanta in coniugij vinculo est æqualitas, vt quæ in vxore locum habent, eadem & in viro obtineant, & è diuerso, *can. 1. & seqq. xxxii. q. 6.*

XI per atrocem scuitiam sponſi sponſæve, antea incognitam, 10 & detectam postmodum, *c. Dilectus 24. h. tit.* Similiter ob superuenientes inimicitias capitales inter sponſum sponſamque, vel vtriusque familiam, ne fortè quid deterius inde contingat, *cap. 2. hoc tit.*

XII. Per superuenientem affinitatem, vel ratione cognationis spiritualis, *c. Veniens inf. De cognat. spirituali*; vel ratione copulæ carnalis intra gradum prohibitum, *d. c. Veniens & alijs*: cùm enim ob affinitatem impediatur matrimoniû, frustra de sponsalibus contenditur, *can. Si quis sponſam xxvi. q. 2.*

XIII. per votum castitatis, in sæculo emissum, ante sponsalia, *c. Rursus inf. Qui Clerici vel vouentes.* An autem etiam antè contracta per subsequens tale votum dissoluantur, dubitatur. Negat Nauar. *d. loco n. 27.* Affirmat Sotus, volens tale votum esse licitum, quia pertineat ad statum perfectionis, & in sponsalibus semper intelligatur, dummodò non subeam statum perfectiorem.

§. V. De Matrimonio, quid nominis & rei.

1. *Matrimonium vide dictum, Coniugium, Connubium Nuptiæ.*
2. *Matrimonij definitio enucleata.*
3. *Polygamia omni iure vetita.*
4. *Nuptias consensus non concubitus facit.*
5. *Verum matrimonium fuisse inter B. Iosephum & Virginem Deiparam.*
6. *Matrimonium est indiuidua consuetudo.*

Sponsalibus diximus initiari matrimonium, de quibus cum iam egerimus, postulat ordo, ut de ipso matrimonio videamus, atque in primis de varijs eius appellationibus.

I Dicitur verò Matrimonium à Matre potius, quàm à Patre Patrimonium, vel quia, *iuxta D. August. contra Faustum cap. 26.* non ob aliud debeat femina nubere, quàm ut mater fiat, matriq; nomen speret, vel, ut Gregor. propter dolores atque officium seu labores, quos in procreanda & educanda prole suffert mater, *c. Ex litteris sup. De conuers. infidelium.* Aliter passim in Iure appellatur Coniugium, Connubium, Nuptiæ, *l. In eo iure 45. D. De ritu nupt.* Coniugium à Iugo domesticæ curæ, cui pariter deportando mulier & vir per matrimonium adstringuntur, *can. Cum initiat 5. xxvii. q. 2.* indeq; Coniuges, auctore Festo, quod sint pares eiusdem iugi. Connubium verò & Nuptiæ à Nubendo, id est velando seu tegendo, vel ut femina nouerint se semper maritis, tanquam capitibus suis, subditas, *can. Femine 7. xxx. q. 5. can. Cum caput 15. xxxiii. q. 5.* vel quia pudoris gratiâ puellæ caput suum obnubere solebant, priusquam viro traderetur, *can. Nec illud xxx. q. 5.* Vnde & Rebecca *Genes. 25.* viso & cognito Isaac, cui vxor ducebatur, pallio se operuit, *d. can. Nec illud.* Sumitur tamen Nuptiarum nomen etiam aliter, quàm pro matrimonio, nempe pro solemnitate & hilaritate, quæ matrimonij celebrandi causâ adhiberi solet, ut dum sacri Canones certis temporibus nuptias prohibent, *prout in c. Capellanus tuus 4. sup. De ferijs, & similibus.* Alioquin Nuptiæ pro contractu matrimonij sumptæ numquam interdiciuntur, ne quidem Quadragesimali tempore, *d. c. Capellanus, & ibid. Abbas & alij.* Patetq; ex Conc. Trid. *Sess. 24. cap. 10. De reformat. matrimonij.*

Matri-

Matrimonium autem definitur viri & mulieris coniunctio, indiui- 2
 duam vitæ consuetudinem continens, c. *Illud* 11. *sup. De presumpt. In-*
stitut. De patria potest. in princ. Dicitur, viri & mulieris; quia matrimo-
 nium non potest esse nisi in dispari sexu. Hinc nefanda & abominanda,
 summeque à matrimonio aliena est illa coniunctio, quâ viri viris
 commiscuntur; eamque morte vlciscuntur leges, non modò diuinæ,
Genes. 19. Lexit. 18. Exodi 20. sed & humanæ, l. *Cum vir Cod. Ad l.*
Juliam de adult. Iure verò Canonico, si tales Clerici fuerint, deiciun-
 tur à Clero, vel ad agendam pœnitentiam in monasterium detrudun-
 tur: si laici, excommunicantur, & à cœtu hominum arcentur, c. *Cle-*
rici inf. De excessibus Prælator. c. Ut clericorum sup. De vita & honest. Cleric.

Dicitur etiam, viri & mulieris, in singulari numero; quia neque 3
 Iure civili neque Canonico licitè possunt per matrimonium plures,
 siue viri siue fœminæ, coniungi vni viro vel fœminæ: & polygamia,
 seu pluritas virorum aut mulierum simul, repugnat quattuor finibus
 matrimonij; qui sunt, procreatio prolis, & educatio; socialis cohabi-
 ratio ad familiam rectè administrandam, muniaque domestica inter
 se congruè partienda ac subeunda; remedium concupiscentiæ; ac de-
 nique sacramentum seu signum coniunctionis Christi cum Ecclesia.
 Dixi, simul, quia licet, semperque licuit, successiuè plures habere vel
 vxores vel viros, priori matrimonio per mortem alterius coniugum
 dissoluto, *vt patet ex Tit. De secundis nuptijs.*

Sequitur in definitione, coniunctio. Pro cuius intelligentia scien- 4
 dum, in matrimonio hæc tria potissimum reperiri, consensum inte-
 riorem, contractum exteriorem, & vinculum ex ijs ortum: hîc autem
 sumitur coniunctio pro vinculo animorum, nato ex mutuo consensu
 interiori & contractu exteriori, tamquam causa efficiente; non au-
 tem pro coniunctione corporum, quia matrimonium non facit con-
 cubitus, seu virginitatis defloratio, sed pactio coniugalis, seu mutua
 voluntas & consensus, l. *Nuptias D. De Reg. Iuris, can. Cum initiatur can.*
Sufficiat xxvii. q. 2. c. Cum locum 14. & alijs h. tit. Et cum carnalis
 copula sit vsus rei, in alterius potestatem per matrimonium translata,
 non magis ad essentiam matrimonij pertinet, quàm in omni alio con-
 tractu, veluti emptionis, locationis &c. vsus rei in eum deductæ per-
 tinet ad substantiam ipsius contractus.

Hinc sequitur, matrimonium, solo consensu contractum, licet nul-
 la copula carnalis intercefferit, dici verè matrimonium, *can. Coniuges*
& can. Coniux xxvii. q. 2. nec dirimi per aliud subsequens eum alia,
 etiam carnali copulâ consummatum, c. *fin. inf. De sponsa duorum. ** 5
 Similiter verum matrimonium fuisse inter B. Ioseph & D. Virginem,
can. Beata xxvii. q. 2. quos coniuges fecit consensus cohabitandi, &

individuam vitæ consuetudinem retinendi: nam licet B. Virgo proposuisset servare votum virginittis in corde, nihilominus committens virginittatem suam diuinæ dispositioni, consensit in carnalem copulam, non illam appetendo, sed diuinæ inspirationi in utroque obediendo, *d. can. Beata.*

Non obstat *can. Non est dubium 16. cum seq. ibid.* vbi dicitur, Non esse dubium, illam mulierem non pertinere ad matrimonium, cum qua coministio sexus non docetur fuisse: quia, vt aduertit editio Gregoriana, prior Canon non reperitur apud D. Augustinum, ex quo eum citat Gratianus, videturque summarium Canonis sequentis, quem deprauatè quoque legit Gratianus, vt videre ibidem licet in editione Gregoriana.

Non obstat etiam, quòd matrimonium efficiat, vt sint duo in carne vna, quod non videtur efficere ante copulam: quia esse duos in carne vna, non est commisceri, sed haberi tamquam vnā carnem, quod fit per hoc solum, quod vterque alterius corporis potestatem habeat.

6 Continetur autem matrimonio indiuidua consuetudo, quia eo animo contrahitur, vt numquam dissoluatur: nec enim matrimonium ad tempus contrahi potest, *can. Solet xxxi. q. 2. c. fin. inf. De condit. appositis.* In eoque distinguitur à concubinato, qui tantum ad tempus initur, donec placuerit.

Non obstat, quòd Iure civili matrimonium multis modis etiam quoad vinculum dissolui queat, altero coniugum licet inuito, *totò Tit. D. De diuortijs & Cod. De repudijs*: quia illa dissolutio & separatio præter mentem & animum contrahentium euenit. Iure verò Pontificio, quod hac in parte sequendum est, matrimonium est verè indiuiduum atque indissolubile quoad viuit vterque coniugum, quia quos Deus coniunxit, homo ne separet, *can. Si quis cum matre in fine can. Quos Deus seq. xxxiii. q. 2.* Licet aliquando coniuges separentur à se inuicem quoad thorum seu cohabitationem, *inf. Tit. De diuortijs*; & matrimonium non consummatum per Religionis ingressum dissoluatur. Indiuiduā verò consuetudine continetur, vt mulier talem se in omnibus exhibeat viro, qualis ipsa sibi est, & è conuerso, *d. can. Beata*, seu, vt dicitur in *l. 1. D. De ritu nuptiarum*, consortiū omnis vitæ, diuini atque humani iuris communicatio. Et hinc fit, quòd eiusdem ciuitatis censetur vxor, cuius est maritus, *l. fin. §. idem rescripserunt, D. Ad municipalem*; aliaque similia ei ratione mariti competant: de quibus vide Tholosanum *Syntag. Iuris vniuersi lib. 9. cap. 4. n. 9.*

§. VI. De materia, forma & ministro matrimonij.

1. *Materia sunt corpora ipsorum contrahentium.*
2. *Forma sunt verba coniugum siue signa exprimentia consensum.*
3. 4. *Ministri sunt persona contrahentes, non Sacerdos.*

O Missis varijs Doctorum opinionibus, dicendum, materiam matrimonij esse ipsa corpora contrahentium. Vt enim aliorum contractuum materia semper est res illa, de qua est contractus, quæque datur & accipitur, veluti materia emptio- nis est domus, ager, equus, vestis: ita etiam cum in contractu matrimonij corpora ipsorum contrahentium tradantur mutuò & accipian- tur, iuxta illud 1. ad Corinth. 7. *Vir non habet potestatem sui corporis &c.* ipsa erunt materia huius Sacramenti, non etiam consensus, vt vult Glos. in c. Tu nos 26. h.t. quandoquidem Christus matrimonium reliquerit intra limites & naturam contractus, additâ ei consecratione, vt esset contractus sacer, qui ante Christi institutionem erat profanus. Vide Couar. 2. p. De matrim. §. vnico n. 8.

Similiter vt forma aliorum contractuum est consensus mutuus, ex- pressus verbis vel signo aliquo externo, quo inter contrahentes de re danda & accipienda conuenit: ita forma matrimonij sunt verba ipsa coniugum vel signa externa, exprimentia consensum. Nam licet in profanis contractibus verba sufficiant sine consensu interno, eò quòd homines verbis exterius prolatis stare debeant, nec possint iudicare de internis: tamen in contractu matrimonij, ob ipsius excellentiam, requiritur etiam consensus internus, signo aliquo externo expressus. Verba ad contrahendum matrimonium magis idonea sunt, *Ego te in meam uxorem accipio, & ego te accipio in meum maritum, c. Si inter virum penult h. t.* vel alia similia, consensum de præsentì exprimentia: dum- modò seriò, non ioco pronuntientur, alioquin non obligarent, l. *Ob- ligationum substantia* §. fin. D. De oblig. & act. Quòd si verò idonei scien- tiâ & ætate ad contrahendum matrimonium, per verba contrahant obscura, vt alter alterum non intelligat, communem verborum in- tellectum idiomatis, quo contrahunt, sequi tenentur, c. *Ex litteris* hoc tit.

3 Ministri verò huius Sacramenti sunt ipsæmet personæ contrahentes. Siquidem is est minister Sacramenti, qui formam Sacramenti superinducit materiæ: id autem faciunt contrahentes, proferendo verba, aut signa edendo, quibus mutuū consensum exprimunt. Quamquam, vbi Conc. Trid. est promulgatum, debeat ex illius decreto ea verba proferre, aut signa edere, in præsentia Parochi, aut alterius de eius licentia, & coram testibus, vt postea dicemus.

4 Quodd autem Sacerdos non sit huius Sacramenti minister, nec eius verba & benedictio sint de essentia matrimonij, sed merè extrinseca, patet tum ex eo, quod ante Conc. Trid. matrimonium, siue publicè siue clandestinè absque Sacerdote contractum, fuerit verum matrimonium; tum ex eo, quodd secundæ nuptiæ non benedicantur à Sacerdote, & tamen sint vera matrimonia & Sacramenta.

Non obstat *Canon Aliter xxx. q. 5.* vbi matrimonia, sine Sacerdote contracta, videntur non esse matrimonia, sed adulteria, vel stupra, vel fornicationes: quia id intelligitur de foro exteriori, quatenus Ecclesia semper præsumpsit & iudicauit fornicationem, nisi matrimonium legitimis testibus probari possit. Hodie post Conc. Trid. matrimonium absq; præsentia Parochi, vel alterius Sacerdotis, de ipsius Parochi vel Ordinarij licentia, contractum est nullum & irritum, vt postea dicetur.

§. VII. De ætate requisita ad contrahendum matrimonium.

1. *Ætatem leges pubertate & annorum numero definierunt.*
2. *Canones ex habitu corporis & potentia generandi.*

I **Q**uemadmodum ad contrahenda sponsalia, ita & ad matrimonia ineunda in primis requisita est ætas certa. Quâ autè ætate expediat & valeant matrimonia contrahi, variè censuerunt Philosophi, vt videre licet apud Couar. p. 2. *De matrim. cap. 5.* Cum verò matrimonium ad prolis generationem institutum sit, Iura tam Ciuilia quàm Canonica hanc ætatem pubertate definierunt: hoc tamen discrimine, quodd Ciuilia pubertatem ex annorum numero soleant æstimare, in masculo quattuordecim, in fæmina duodecim, *Institut. De nupt. in princ. iuncto Tit. Quibus modis finiatur tut. & c. 3. inf. De desponsat. impub.* eâ quidem differentiâ inter vtrumq; sexum, quodd potentia generandi citiùs fæminis, quàm viris accidere solcat, qua de re latè Tiraquel. lib. 6. *connub. nu. 38.* Guttierrez in *Au-*
thent.

thont. Sacramenta puberum Cod. Si aduersus venditionem &c.

At verò sacri Canones pubertatem ex habitu corporis & potentia generandi metiuntur, quæ prædictum annorum numerum nonnunquam anteuertit, c. 3. 8. & alijs inf. De desponsat. impub. Quòd cum sit, dicitur malitia siue prudentia supplere ætatem, scilicet iuris Ciuili, c. 9. inf. d. sit. & c. vnico §. 1. eod. in 6. Exempla vide apud Sanchez De matrim. lib. 7. Disputat. 14. n. 29. Tiraquel. d. loco nu. 37. Ideoque si pubes & impubes, vel duo impuberes, non proximi pubertati, & in quibus ætatem malitia non suppleat, per verba contraxerint de præsentì, nullum inter eos erit matrimonium: adeò vt ne quidem per aduentum pubertatis conualescat, nisi iure veteri per carnis copulam subsequutam, vel aliquem modum alium contrahentes eosdem cum eiusdem perseverentia voluntatis, ad pubertatis tempora peruenisse constiterit euidenter, d. c. vnico §. 1. De desponsat. impub. in 6. Matrimonium tamen ita contractum ex iuris interpretatione resoluitur in sponsalia de futuro, inducitque iustitiam publicæ honestatis, d. c. vnico §. 1. in fine; vt scilicet actus, qui non valet, vti agitur, saltem eo modo valeat, quo valere potest. Vno tamen casu matrimonium inter impuberes contrahi potest & contractum toleratur, ex Constitut. Nicolai Papæ, in c. 2. inf. De desponsat. impub. nempe urgentissimâ aliquâ necessitate interueniente, utpote pro bono pacis.

§. VIII. De consensu contrahentium matrimonium.

1. Matrimonium citra consensum mutuum iniri non potest.
2. Et ad hoc virtualis sufficit consensus.
3. Exprimi debet signo aliquo exteriori.
4. Debet esse liber ab omni iusto metu.
5. 6. Nisi is purgetur. Vanus metus non excusat.

R Equiri quoque ad matrimonium vel maximè mutuum consensus illud contrahentium, satis constat ex c. Cum locum 14. & alijs b. t. quia is solus, & non concubitus, nuptias facere dicitur: & inter inuitos aut dissentientes non contrahitur matrimonium, l. Si patre cogente 22. l. Inuitam 28. D. De ritu nupt. adeò vt nullâ auctoritate humanâ iniri possit matrimonium citra interuentum huius mutui consensus, eo quòd, vt alias rationes omittam, matrimonium sit contractus quidam, de cuius essentia est consensus contrahentium.

- 2 Necessè tamen non est, hunc consensum esse formalem, sed sufficit virtualis, qui præsupponit actuale præcessisse. Nam placuit per procuratorem iniri matrimonium posse, dum tamen ad hoc speciale habuerit mandatum de certa ducenda, quod medio tempore non fuerit reuocatum, *c. fin. De procurat. in 6.* Hoc enim casu, licet dominus eo tempore, quo procurator eius nomine contrahit, nihil ininùs cogitet, quàm de matrimonio, subsistit matrimonium, & verè contrahitur, quia sufficit, quòd consenserit, & in eo proposito permanserit, donec consensus alterius ex post facto accesserit: siquidem hoc modo & alij contractus, qui consensu ineuntur, possunt inter absentes per nuntium vel epistolam celebrari, *l. 1. §. fin. D. De contrab. empte.*

Debet autem consensus hic conferri in mutuam corporum potestatem, & veluti dominium ac traditionem, non verò in ipsam copulam carnalem, nisi implicitè, quia illa non spectat ad essentiam matrimonij, *vt patet ex antiè dictis, & ex can. Beata & duobus seqq. xxvii. quest. 1.*

- 3 Præterea exprimi aliquo signo exteriori, vt utrique innotescat. Nihil tamen refert, an verbis, an nutu, vel alio indicio exteriori à contrahentibus exprimatur, *c. Cum apud sedem 23. c. Tna fraternitati §. h. s.* cum etiam muti ac surdi matrimonium rectè contrahant per consensum signis expressum. Cur autem mutus matrimonium potius nutu contrahere valeat, quàm Sacerdos nutu pœnitentem absoluerè, ratio hæc est, quia matrimonium habet formam contractus, qui ex natura sua celebrari etiam inter mutos atque absentes potest. At verò Sacramentum pœnitentiæ habet formam iudicij, in quo pronuntianda est à Iudice sententia, audito priùs & examinato reo: iam autem mutus naturâ prohibetur esse Iudex, *l. Cum Prator 12. §. non autem D. De iudicijs.*

- 4 Insuper consensus liber sit necessè est ab omni metu, qui possit in virum constantem cadere, *cap. Veniens 15. h. tit.* id est qui prudentem & constantem virum meritò permoueat ad matrimonium, tamquam ad minus malum: qualis est metus mortis, mutilationis, seruitutis, verberum, longi carceris, exilij, stupri, amissionis bonorum vel maioris partis, excommunicationis iniustæ & sublato difficilis, ac denique omnis, qui respectiuè meritò grauis censeri queat. Quod vir prudens arbitrabitur: nam talis metus matrimonium, quod maximè liberum esse debet, reddit nullum, *d. cap. Cum locum & alijs h. tit.* etiamsi consummatum fuerit: idque ex constitutione humana, ob defectum sufficientis & plenæ libertatis, non verò iure naturali aut diuino præcisè, ex defectu libertatis, vt vult Couar. quia quæ metu fiunt, sunt absolute libera, possuntque esse meritoria vel

ria vel demeritoria, licet secundum quid sint violenta, ex 8. *Ethic. cap. 1.*

Nihil autem interest, an contrahens suâ culpâ, an alienâ, incidit in hunc metum, ut patet in eo, qui deprehensus in stupro cum puella stricto pugione ad matrimonium cum ea contrahendum adigitur, *d. cap. Veniens 15. iuncto d. cap. Cum locum hoc sit.* dummodò incussus metus iniuste fuerit in ordine ad extorquendum consensum matrimonialem. Nam si quis iuste adiudicatus suspendio ob metum mortis cum meretrice vel alia simili persona, ut subinde fit, contrahat, vel per excommunicationem cogatur contrahere cum ea, cum qua se contracturum iuravit, tenet matrimonium.

A iusto verò metu recessum videbitur, si metum passus passave spontè alteri contrahentium cohabitauerit, *cap. Ad id 21. h. t.* aut corpus illi suum commiscuerit: conualescit enim eiusmodi matrimonium nouo succedente consensu libero, saltem tacito.

Cæterum vanus timor matrimonio contrahendo nihil obest, *l. 6 Vani timoris 84. D. De Regulis Iurii.* Cuiusmodi esse metum reuerentialem verius videtur, quo filius vel filia ob reuerentiam parentum, nullis verberibus, minis, aut alio iusto metu, adacta in matrimonium oblatum consentit, *arg. l. Si patre cogente 22. De ritu nuptiarum.*

§. IX. De consensu parentum, an is necessarius.

1. *Iure Ciuili necessarius est.*
2. *Iure Canonico de honestate dumtaxat.*

Differunt hac in parte Ius Ciuile & Canonicum. Nam Ciuile eorum, in quorū sunt potestate contrahentes, consensum, & quidem prauum, exigit, *Institut. De nupt. in princ.* adeò ut, licet nuptiæ sine parentum consensu contractæ, hoc iure, contemplatione publicæ utilitatis, non dissoluantur, *Paullus 2. Sent. Tit. 20.* nihilominus tamen iniustæ atque illegitimæ, iniusti quæ & illegitimi ex eis suscepti liberi censeantur, *l. Paullus 11. D. De statu hominum.* Impunè tamen filij filiæve sine patris, in cuius sunt potestate, consensu contrahunt, si is ante vicesimum quintum annum ætatis conditionem eis non quærat, aut iniuriâ prohibuerit ducere vxorē vel nubere, *l. Capite 19. D. De ritu nupt. vel patrē furor occupet, Inst. De nupt. in princ. vel captiuitas, l. Si ita 10. l. seq. D. d. t. Matris, curatorū, & aliorū,*
in quo-

in quorum potestate non sunt contrahentes, consensus non videtur necessarius, *l. In copulanda Cod. De nuptijs*. Similiter filius filiae emancipata sine consensu patris uxorem ducere & nubere potest, *l. Filium 25. D. De ritu nupt.* nisi ætate adhuc minor sit; hoc enim casu lex assensum patris exigit, *l. In coniunctione 20. Cod. De nuptijs*; licet vidua sit, *l. Vidua 13. Cod. eod.* Præsumitur autem consentire pater, favore matrimonij, qui sciens illud contrahi non contradicit, *l. 1. §. 1. D. De sponsalib.*

2. At verò Iure Canonico honestum quidem est adhibere consensum parentum, *c. 1. inf. De desponsat. impub.* idque suadet ratio naturalis. Et quidem multò magis expedit adhibere in matrimonio, quàm in sponsalibus, propter indissolubile vinculum, quod inducit, ut ubi periculum maius intenditur, cautiùs etiam agatur, *c. Vbi periculum 3. De elect. in 6.* maximè ex parte filiarum, quarum sexus & infirmitas paternæ prudentiæ vel iuris subsidium desiderat, *l. 1. & 1. D. Ad SC. Velleianum*: quippe quæ plerumq; maritorum titillatione aduersus propria còmoda consensum præbent, *l. Si pater Cod. De sponsal.* Indeque fit, quòd multi Canones matrimonia sine consensu parentum contracta damnent, ut *can. Nostrates & alij xxxii. q. 2.* Veruntamen id necessarium non est, sed sufficit consensus eorum, qui contrahunt, ut patet ex *can. Sufficiat xxvii. q. 2. & Conc. Trid. Sess. 24. cap. 1. De reformat. matrim.* ubi anathemate damnat affirmantes, matrimonia à filijsam. sine consensu parentum contracta esse irrita, & parentes ea rata vel irrita facere posse, eo quòd matrimonia debeant esse libera. Cui fauet ea ratio, quòd in ijs, quæ ad Sacramenta pertinent, non consideretur patria potestas, *c. fin. De iudicijs in 6.* Hinc meritò Couar. 2. p. *De sponsal. c. 3. §. 5.* docet, filiam sine consensu patris nubentem non posse exheredari, licet turpi vel indigno nubat, ante ætatis annum xxv. quantumvis pater velit eam tradere æquè digno, congruâ constitutâ dote: quia nemini facit iniuriam, qui iure permittente matrimonium contrahit; & aliàs tolleretur aut plurimum minueretur libertas, ad matrimonium à Iure Canonico requisita.

6. X. Quinam matrimonium contrahere possint.

1. Quidam prohibentur naturâ, quidam lege.
2. Impedimenta dirimentia matrimonium contrahunt.
3. Impedimenta contrahi impediencia possit.
4. De hermaphrodito.

Circa

Circa requisita ad contrahendum matrimonium restant personæ contrahentium. Contrahere possunt, quicumque in legitima ætate constituti consentire possunt, modò non prohibeantur. Est enim edictum de matrimonio cōtrahendoprobibitorium, vt quicumque non prohibentur, per consequentiam admittantur, c. Cum apud 23. b. r.

Prohibentur autem aliqui aut naturâ, vt furiosi, durante furore, c. Dilectus 24. b. r. alioquin interuallo lucido furiosus contrahere potest, nec contractum superueniente furore dissoluitur: item impuberes, nisi malitia suppleat ætatem; & impotentes, l. In causis Cod. De repudijs: Aut lege, cãq; vel naturali, aut diuinâ, aut Ecclesiasticâ. Nam licet Ecclesia matrimonij naturam, vt est Sacramentum, immutare non possit, tamen, quatenus est contractus, certas leges ac solemnitates ad illud contrahendum potest præscribere: quia Christus euehens matrimonium ad rationem Sacramenti, statuendo vt omnis legitimus matrimonij contractus inter fideles, id est baptizatos, sit Sacramentum, nihil immutauit circa matrimonium, vt est contractus; nec definiuit, qualis & quis esse debeat hic legitimus contractus: nec item, quæ personæ essent legitimæ vel illegitimæ ad eum celebrandum; sed id reliquit humanæ potestati.

Et ideo potest Ecclesia aliquos ab eo contrahendo submouere: pro ut etiam submouet, constituto duplici impedimentorum genere, vno dirimentium, vt vocant, altero impedientium contrahi, non tamen dirimentium contractum. Impedimenta dirimentia, secundum ius antiquum, duodecim assignantur, contenta his versibus:

*Error, conditio, votum, cognatio, crimen,
Cultus disparitas, vis, ordo, ligamen, honestas.
Si sis affinis, si fortè coire nequibus.
Hæc socianda vetant, connubia facta retractant.*

Quibus Tridentina Synodus adiicit clandestinum matrimonium.

Impedimenta verò, quæ matrimonium contrahi impediunt, non tamen dirimunt contractum, sunt duplicis generis. Quædam enim nõ consurgunt ex crimine aliquo, & sunt quinque, his versibus contenta:

*Ecclesia vetitum, nec non tempus feriatum,
Atque Cathecismus, sponsalia, iungito votum,
Impediunt fieri, permittunt facta teneri.*

Alia ex crimine proficiuntur, & sunt septem, comprehensa his versibus:

*Incestus, raptus sponsata, mors mulieris,
Susceptus propria sobolis, mors presbyteralis,*

PPPP

Vel si

§. V. De Matrimonio, quid nominis & rei.

1. *Matrimonium vide dictum, Coniugium, Connubium Nuptiæ.*
2. *Matrimonij definitio enucleata.*
3. *Polygamia omni iure vetita.*
4. *Nuptias consensus non concubitus facit.*
5. *Verum matrimonium fuisse inter B. Iosephum & Virginem Deiparam.*
6. *Matrimonium est indiuidua consuetudo.*

Sponsalibus diximus initiari matrimonium, de quibus cum iam egerimus, postulat ordo, ut de ipso matrimonio videamus, atque in primis de varijs eius appellationibus.

Dicitur verò Matrimonium à Matre potius, quàm à Patre Patrimonium, vel quia, *iuxta D. August. contra Faustum cap. 26.* non ob aliud debeat fœmina nubere, quàm ut mater fiat, matrisq; nomen speret, vel, ut Gregor. propter dolores atque officium seu labores, quos in procreanda & educanda prole suffert mater, *c. Ex litteris sup. De conuers. infidelium.* Aliter passim in Iure appellatur Coniugium, Connubium, Nuptiæ, *l. In eo iure 45. D. De ritu nupt.* Coniugium à Iugo domesticæ curæ, cui pariter deportando mulier & vir per matrimonium adstringuntur, *can. Cum initiatur 5. xxvii. q. 2.* indeque Coniuges, auctore Festo, quod sint pares eiusdem iugi. Connubium verò & Nuptiæ à Nubendo, id est velando seu tegendo, vel ut fœminæ nouerint se semper maritis, tanquam capitibus suis, subditas, *can. Fœminæ 7. xxx. q. 5. can. Cum caput 15. xxxiii. q. 5.* vel quia pudoris gratiâ puellæ caput suum obnubere solebant, priusquam viro traderetur, *can. Nec illud xxx. q. 5.* Vnde & Rebecca *Genes. 25.* viso & cognito Isaac, cui vxor ducebatur, pallio se operuit, *d. can. Nec illud.* Sumitur tamen Nuptiarum nomen etiam aliter, quàm pro matrimonio, nempe pro solemnitate & hilaritate, quæ matrimonij celebrandi causâ adhiberi solet, ut dum sacri Canones certis temporibus nuptias prohibent, prout in *c. Capellanus cum 4. sup. De ferijs, & similibus.* Alioquin Nuptiæ pro contractu matrimonij sumptæ numquam interdiciuntur, ne quidem Quadragesimali tempore, *d. c. Capellanus, & ibid. Abbas & alij.* Patetque ex Conc. Trid. *Sess. 24. cap. 10. De reformat. matrimonij.*

Matri-

Matrimonium autem definitur viri & mulieris coniunctio, indiui- 2
 duam vitæ consuetudinem continens, c. *Illud* 11. *sup. De presumpt. In-*
stitut. De patria potest. in princ. Dicitur, viri & mulieris; quia matrimo-
 nium non potest esse nisi in dispari sexu. Hinc nefanda & abominanda,
 summeque à matrimonio aliena est illa coniunctio, quâ viri viris
 commiscuntur; eamque morte vlciscuntur leges, non modò diuinæ,
Genes. 19. Lexit. 18. Exodi 20. sed & humanæ, l. *Cum vir Cod. Ad l.*
Juliam de adult. Iure verò Canonico, si tales Clerici fuerint, deijciun-
 tur à Clero, vel ad agendam pœnitentiam in monasterium detrudun-
 tur: si laici, excommunicantur, & à cœtu hominum arcentur, c. *Cle-*
rici inf. De excessibus Prælator. c. Ut clericorum sup. De vita & honest. Cleric.

Dicitur etiam, viri & mulieris, in singulari numero; quia neque 3
 Iure civili neque Canonico licitè possunt per matrimonium plures,
 siue viri siue fœminæ, coniungi vni viro vel fœminæ: & polygamia,
 seu pluritas virorum aut mulierum simul, repugnat quattuor finibus
 matrimonij; qui sunt, procreatio prolis, & educatio; socialis cohabi-
 ratio ad familiam rectè administrandam, muniaque domestica inter
 se congruè partienda ac subeunda; remedium concupiscentiæ; ac de-
 nique sacramentum seu signum coniunctionis Christi cum Ecclesia.
 Dixi, simul, quia licet, semperque licuit, successiuè plures habere vel
 vxores vel viros, priori matrimonio per mortem alterius coniugum
 dissoluto, ut patet ex *Tit. De secundis nuptijs.*

Sequitur in definitione, coniunctio. Pro cuius intelligentia scien- 4
 dum, in matrimonio hæc tria potissimum reperiri, consensum inter-
 iorem, contractum exteriorem, & vinculum ex ijs ortum: hic autem
 sumitur coniunctio pro vinculo animorum, nato ex mutuo consensu
 interiori & contractu exteriori, tamquam causa efficiente; non au-
 tem pro coniunctione corporum, quia matrimonium non facit con-
 cubitus, seu virginitatis defloratio, sed pactio coniugalis, seu mutua
 voluntas & consensus, l. *Nuptias D. De Reg. Iuris, can. Cum initiatur can.*
Sufficiat xxvii. q. 2. c. Cum locum 14. & alijs h. tit. Et cum carnalis
 copula sit vsus rei, in alterius potestatem per matrimonium translatæ,
 non magis ad essentiam matrimonij pertinet, quàm in omni alio con-
 tractu, veluti emptionis, locationis &c. vsus rei in eum deductæ per-
 tinet ad substantiam ipsius contractus.

Hinc sequitur, matrimonium, solo consensu contractum, licet nul-
 la copula carnalis intercesserit, dici verè matrimonium, *can. Coniuges*
& can. Coniux xxvii. q. 2. nec dirimi per aliud subsequens cum alia,
 etiam carnali copulâ consummatum, c. *fin. inf. De sponsa duorum. ** 5
 Similiter verum matrimonium fuisse inter B. Ioseph & D. Virginem,
can. Beata xxvii. q. 2. quos coniuges fecit consensus cohabitandi, &

indiuuam vitæ consuetudinem retinendi: nam licet B. Virgo proposuisset seruare votum virginittis in corde, nihilominus committens virginittatem suam diuinæ dispositioni, consensit in carnalem copulam, non illam appetendo, sed diuinæ inspirationi in vtroque obediendo, *d. can. Beata.*

Non obstat *can. Non est dubium 16. cum seq. ibid.* vbi dicitur, Non esse dubium, illam mulierem non pertinere ad matrimonium, cum qua commissio sexus non docetur fuisse: quia, vt aduertit editio Gregoriana, prior Canon non reperitur apud D. Augustinum, ex quo cum citat Gratianus, videturque summarium Canonis sequentis, quem de prauatè quoque legit Gratianus, vt videre ibidem licet in editione Gregoriana.

Non obstat etiam, quòd matrimonium efficiat, vt sint duo in carne vna, quod non videtur efficere ante copulam: quia esse duos in carne vna, non est commisceri, sed haberi tamquam vnā carnem, quod fit per hoc solum, quod vterque alterius corporis potestatem habeat.

6 Continetur autem matrimonio indiuua consuetudo, quia eo animo contrahitur, vt numquam dissoluatur: nec enim matrimonium ad tempus contrahi potest, *can. Solet xxxi. q. 2. c. fin. inf. De condit. appositis.* In eoque distinguitur à concubinato, qui tantum ad tempus initur, donec placuerit.

Non obstat, quòd Iure ciuili matrimonium multis modis etiam quoad vinculum dissolui queat, altero coniugum licet inuito, *toto Tit. D. De diuortijs & Cod. De repudijs*: quia illa dissolutio & separatio præter mentem & animum contrahentium euenit. Iure verò Pontificio, quod hac in parte sequendum est, matrimonium est verè indiuuū atque indissolubile quoad viuūt vterque coniugum, quia quos Deus coniunxit, homo ne separet, *can. Si quis cum matre in fine can. Quos Deus seq. xxxiii. q. 2.* Licet aliquando coniuges separentur à se inuicem quoad thorum seu cohabitationem, *inf. Tit. De diuortijs*; & matrimonium non consummatum per Religionis ingressum dissoluatur. Indiuuā verò consuetudine continetur, vt mulier talem se in omnibus exhibeat viro, qualis ipsa sibi est, & è conuerso, *d. can. Beata*, seu, vt dicitur in *l. 1. D. De ritu nuptiarum*, consortiū omnis vitæ, diuini atque humani iuris communicatio. Et hinc fit, quòd eiusdem ciuitatis censetur vxor, cuius est maritus, *l. fin. §. idem rescripserunt, D. Ad municipalem*; aliaque similia ei ratione mariti competant: de quibus vide Tholosanum *Syntag. Iuris vniuersi lib. 9. cap. 4. n. 9.*

§. VI. De materia, forma & ministro matrimonij.

1. *Materia sunt corpora ipsorum contrahentium.*
2. *Forma sunt verba coniugum siue signa exprimentia consensum.*
3. 4. *Ministri sunt persona contrahentes, non Sacerdos.*

O Missis varijs Doctorum opinionibus, dicendum, materiam 1
matrimonij esse ipsa corpora contrahentium. Vt enim alio-
rum contractuum materia semper est res illa, de qua est con-
tractus, quæque datur & accipitur, veluti materia emptio-
nis est domus, ager, equus, vestis: ita etiam cum in contractu matri-
monij corpora ipsorum contrahentium tradantur mutuò & accipian-
tur, iuxta illud 1. *ad Corinth.* 7. *Vir non habet potestatem sui corporis &c.*
ipsa erunt materia huius Sacramenti, non etiam consensus, vt vult *Glos.*
in c. Tuas nos 26. *h. t.* quandoquidem Christus matrimonium reliquerit
intra limites & naturam contractus, additâ ei consecratione, vt esset
contractus sacer, qui ante Christi institutionem erat profanus. Vide
Couar. 2. p. De matrim. §. vnico n. 8.

Similiter vt forma aliorum contractuum est consensus mutuus, ex- 2
pressus verbis vel signo aliquo externo, quo inter contrahentes de re
danda & accipienda conuenit: ita forma matrimonij sunt verba ipsa
coniugum vel signa externa, exprimentia consensum. Nam licet in
profanis contractibus verba sufficiant sine consensu interno, eò quòd
homines verbis exterius prolatis stare debeant, nec possint iudicare
de internis: tamen in contractu matrimonij, ob ipsius excellentiam,
requiritur etiam consensus internus, signo aliquo externo expressus.
Verba ad contrahendum matrimonium magis idonea sunt, *Ego te in
meam uxorem accipio, & ego te accipio in meum maritum, c. Si inter virum
penult h. t.* vel alia similia, consensum de præsentì exprimentia: dum-
modò seriò, non ioco pronuntientur, alioquin non obligarent, l. *Ob-
ligationum substantia §. fin. D. De oblig. & ad.* Quòd si verò idonei scien-
tiâ & ætate ad contrahendum matrimonium, per verba contrahant
obscura, vt alter alterum non intelligat, communem verborum in-
tellectum idiomatis, quo contrahunt, sequi tenentur, *c. Ex litteris
hoc tit.*

3 Ministri verò huius Sacramenti sunt ipsæmet personæ contrahentes. Siquidem is est minister Sacramenti, qui formam Sacramenti superinducit materiæ: id autem faciunt contrahentes, proferendo verba, aut signa edendo, quibus mutuum consensum exprimunt. Quamquam, vbi Conc. Trid. est promulgatum, debeat ex illius decreto ea verba proferre, aut signa edere, in præsentia Parochi, aut alterius de eius licentia, & coram testibus, ut postea dicemus.

4 Quòd autem Sacerdos non sit huius Sacramenti minister, nec eius verba & benedictio sint de essentia matrimonij, sed merè extrinseca, patet tum ex eo, quod ante Conc. Trid. matrimonium, siue publicè siue clandestinè absque Sacerdote contractum, fuerit verum matrimonium; tum ex eo, quòd secundæ nuptiæ non benedicantur à Sacerdote, & tamen sint vera matrimonia & Sacramenta.

Non obstat *Canon Aliter xxx. q. 5.* vbi matrimonia, sine Sacerdote contracta, videntur non esse matrimonia, sed adulteria, vel stupra, vel fornicationes: quia id intelligitur de foro exteriori, quatenus Ecclesia semper præsumpsit & iudicauit fornicationem, nisi matrimonium legitimis testibus probari possit. Hodie post Conc. Trid. matrimonium absq; præsentia Parochi, vel alterius Sacerdotis, de ipsius Parochi vel Ordinarij licentia, contractum est nullum & irritum, ut postea dicetur.

§. VII. De ætate requisita ad contrahendum matrimonium.

1. *Ætatem leges pubertate & annorum numero definierunt.*
2. *Canones ex habitu corporis & potentia generandi.*

I **Q**uemadmodum ad contrahenda sponsalia, ita & ad matrimonia ineunda in primis requisita est ætas certa. Quâ autè ætate expediat & valeant matrimonia contrahi, variè censuerunt Philosophi, ut videre licet apud Couar. p. 2. *De matrim. cap. 5.* Cum verò matrimonium ad prolis generationem institutum sit, Iura tam Ciuilia quàm Canonica hanc ætatem pubertate definierunt: hoc tamen discrimine, quòd Ciuilia pubertatem ex annorum numero soleant æstimare, in masculo quattuordecim, in fæmina duodecim, *Institut. De nupt. in princ. iuncto Tit. Quibus modis finiatur tut. & c. 3. inf. De desponsat. impub.* eâ quidem differentiâ inter vtrumq; sexum, quòd potentia generandi citiùs fæminis, quàm viris accidere soleat, qua de re latè Tiraquel. lib. 6. *connub. nu. 38.* Gutierrez in *Au-*
thent.

abest. Sacramenta puberum Cod. Si aduersus venditionem &c.

At verò sacri Canones pubertatem ex habitu corporis & potentia generandi metiuntur, quæ prædictum annorum numerum nonnunquam anteuertit, c. 3. 8. & alijs inf. *De desponsat. impub.* Quòd cum sit, dicitur malitia siue prudentia supplere ætatem, scilicet iuris Ciuili, c. 9. inf. d. sit. & c. vnico §. 1. eod. in 6. Exempla vide apud Sanchez *De matrim. lib. 7. Disputat. 14. n. 29.* Tiraquel. d. loco nu. 37. Ideoque si pubes & impubes, vel duo impuberes, non proximi pubertati, & in quibus ætatem malitia non suppleat, per verba contraxerint de præsentì, nullum inter eos erit matrimonium: adeò vt ne quidem per aduentum pubertatis conualescat, nisi iure veteri per carnis copulam subsequatam, vel aliquem modum alium contrahentes eosdem cum eiusdem perseverentia voluntatis, ad pubertatis tempora peruenisse constiterit euidenter, d. c. vnico §. 1. *De desponsat. impub. in 6.* Matrimonium tamen ita contractum ex iuris interpretatione resoluitur in sponsalia de futuro, inducitque iustitiam publicæ honestatis, d. c. vnico §. 1. in fine, vt scilicet actus, qui non valet, vti agitur, saltem eo modo valeat, quo valere potest. Vno tamen casu matrimonium inter impuberes contrahi potest & contractum toleratur, ex Constitut. Nicolai Papæ, in c. 2. inf. *De desponsat. impub.* nempe vrgentissimâ aliquâ necessitate interueniente, vtpote pro bono pacis.

§. VIII. De consensu contrahentium matrimonium.

1. *Matrimonium citra consensum mutuum iniri non potest.*
2. *Et ad hoc virtualis sufficit consensus.*
3. *Exprimi debet signo aliquo exteriori.*
4. *Debet esse liber ab omni iusto metu.*
5. 6. *Nisi is purgetur. Vanus metus non excusat.*

REquiri quoque ad matrimonium vel maximè mutuum consensus illud contrahentium, satis constat ex c. *Cum locum* 14. & alijs b. t. quia is solus, & non concubitus, nuptias facere dicitur: & inter inuitos aut dissentientes non contrahitur matrimonium, l. *Si patre cogente* 22. l. *Inuitam* 28. D. *De ritu nupt.* adeò vt nullâ auctoritate humanâ iniri possit matrimonium citra interuentum huius mutui consensus, eo quòd, vt alias rationes omittam, matrimonium sit contractus quidam, de cuius essentia est consensus contrahentium.

- 2 Necesse tamen non est, hunc consensum esse formalem, sed sufficit virtualis, qui præsupponit actuale præcessisse. Nam placuit per procuratorem iniri matrimonium posse, dum tamen ad hoc speciale habuerit mandatum de certa ducenda, quod medio tempore non fuerit reuocatum, *c. fin. De procurat. in 6.* Hoc enim casu, licet dominus eo tempore, quo procurator eius nomine contrahit, nihil ininùs cogitet, quàm de matrimonio, subsistit matrimonium, & verè contrahitur, quia sufficit, quòd consenserit, & in eo proposito permanserit, donec consensus alterius ex post facto accesserit: siquidem hoc modo & alij contractus, qui consensu ineuntur, possunt inter absentes per nuntium vel epistolam celebrari, *l. 1. §. fin. D. De contrah. empt.*

Debet autem consensus hic conferri in mutuam corporum potestatem, & veluti dominium ac traditionem, non verò in ipsam copulam carnalem, nisi implicitè, quia illa non spectat ad essentiam matrimonij, *ut patet ex antè dictis, & ex can. Beata & duobus seqq. xxvii. quest. 1.*

- 3 Præterea exprimi aliquo signo exteriori, ut utrique innotescat. Nihil tamen refert, an verbis, an nutu, vel alio indicio exteriori à contrahentibus exprimatur, *c. Cum apud sedem 23. c. Tua fraternitati §. h. t.* cum etiam muti ac surdi matrimonium rectè contrahant per consensum signis expressum. Cur autem mutus matrimonium potius nutu contrahere valeat, quàm Sacerdos nutu pœnitentem absolueret, ratio hæc est, quia matrimonium habet formam contractus, qui ex natura sua celebrari etiam inter mutos atque absentes potest. At verò Sacramentum pœnitentiæ habet formam iudicij, in quo pronuntianda est à Iudice sententia, audito priùs & examinato reo: iam autem mutus naturâ prohibetur esse Iudex, *l. Cum Prator 12. §. non autem D. De iudicijs.*

- 4 Insuper consensus liber sit necesse est ab omni metu, qui possit in virum constantem cadere, *cap. Veniens 15. h. tit.* id est qui prudentem & constantem virum meritò permoueat ad matrimonium, tamquam ad minus malum: qualis est metus mortis, mutilationis, seruitutis, verberum, longi carceris, exilij, stupri, amissionis bonorum vel maioris partis, excommunicationis iniustæ & sublato difficilis, ac denique omnis, qui respectiuè meritò grauis censeri queat. Quod vir prudens arbitrabitur: nam talis metus matrimonium, quod maximè liberum esse debet, reddit nullum, *d. cap. Cum locum & alijs h. tit.* etiamsi consummatum fuerit: idque ex constitutione humana, ob defectum sufficientis & plenæ libertatis, non verò iure naturali aut diuino præcisè, ex defectu libertatis, ut vult Couar. quia quæ metu fiunt, sunt absolute libera, possuntque esse meritoria vel

ria vel demeritoria, licet secundum quid sint violenta, ex 8. *Ethic. cap. 1.*

Nihil autem interest, an contrahens suâ culpâ, an alienâ, incidit in hunc metum, ut patet in eo, qui deprehensus in stupro cum puella stricto pugione ad matrimonium cum ea contrahendum adigitur, *d. cap. Veniens 15. iuncto d. cap. Cum locum hoc sit.* dummodò incussus metus iniuste fuerit in ordine ad extorquendum consensum matrimonialem. Nam si quis iuste adiudicatus suspendio ob metum mortis cum meretrice vel alia simili persona, ut subinde fir, contrahat, vel per excommunicationem cogatur contrahere cum ea, cum qua se contracturum iuravit, tenet matrimonium.

A iusto verò metu recessum videbitur, si metum passus passave spontè alteri contrahentium cohabitauerit, *cap. Ad id 21. h. t.* aut corpus illi suum commiscuerit: conualefcit enim eiusmodi matrimonium nouo succedente consensu libero, saltem tacito.

Cæterum vanus timor matrimonio contrahendo nihil obest, *l. 6 Vani timoris 84. D. De Regulis Iurii.* Cuiusmodi esse metum reuerentialem verius videtur, quo filius vel filia ob reuerentiam parentum, nullis verberibus, minis, aut alio iusto metu, adacta in matrimonium oblatum consentit, *arg. l. Si patre cogente 22. De ritu nuptiarum.*

§. IX. De consensu parentum, an is necessarius.

1. Iure Ciuili necessarius est.
2. Iure Canonico de honestate dumtaxat.

Differunt hac in parte Ius Ciuile & Canonicum. Nam Ciuile eorum, in quorū sunt potestate contrahentes, consensum, & quidem prauum, exigit, *Institut. De nupt. in princ.* adeò ut, licet nuptiæ sine parentum consensu contractæ, hoc iure, contemplatione publicæ utilitatis, non dissoluantur, *Paullus 2. Sent. Tit. 20.* nihilominus tamen iniustæ atque illegitimæ, iniusti quæ & illegitimi ex eis suscepti liberi censeantur, *l. Paullus 11. D. De statu hominum.* Impunè tamen filij filiæve sine patris, in cuius sunt potestate, consensu contrahunt, si is ante vicesimum quintum annum ætatis conditionem eis non quærat, aut iniuriâ prohibuerit ducere vxorē vel nubere, *l. Capite 19. D. De ritu nupt.* vel patrē furor occupet, *Inst. De nupt. in princ.* vel captiuitas, *l. Si ita 10. l. seq. D. d. s. Matris, curatorū, & aliorū, in quo-*

Circa requisita ad contrahendum matrimonium restant personæ contrahentium. Contrahere possunt, quicumque in legitima ætate constituti consentire possunt, modò non prohibeantur. Est enim edictum de matrimonio cōtrahendoprobibitorium, vt quicumque non prohibentur, per consequentiam admittantur, c. Cum apud 23. h. t.

Prohibentur autem aliqui aut naturâ, vt furiosi, durante furore, c. Dilectus 24. h. t. alioquin intervallo lucido furiosus contrahere potest, nec contractum superueniente furore dissoluitur: item impuberes, nisi malitia suppleat ætatem; & impotentes, l. In causis Cod. De repudijs: Aut lege, eâq; vel naturali, aut diuinâ, aut Ecclesiasticâ. Nam licet Ecclesia matrimonij naturam, vt est Sacramentum, immutare non possit, tamen, quatenus est contractus, certas leges ac solemnitates ad illud contrahendum potest præscribere: quia Christus euehens matrimonium ad rationem Sacramenti, statuendo vt omnis legitimus matrimonij contractus inter fideles, id est baptizatos, sit Sacramentum, nihil immutauit circa matrimonium, vt est contractus; nec definiuit, qualis & quis esse debeat hic legitimus contractus: nec item, quæ personæ essent legitimæ vel illegitimæ ad eum celebrandum; sed id reliquit humanæ potestati.

Et ideo potest Ecclesia aliquos ab eo contrahendo submonere: prout etiam submouet, constituto duplici impedimentorum genere, vno dirimentium, vt vocant, altero impediendum contrahi, non tamen dirimentium contractum. Impedimenta dirimentia, secundum ius antiquum, duodecim assignantur, contenta his versibus:

*Error, conditio, votum, cognatio, crimen,
Cultus disparitas, vis, ordo, ligamen, honestas.
Si sis affinis, si fortè coire nequibus.
Hæc socianda vetant, connubia facta retractant.*

Quibus Tridentina Synodus adiicit clandestinum matrimonium.

Impedimenta verò, quæ matrimonium contrahi impediunt, non tamen dirimunt contractum, sunt duplicis generis. Quædam enim nõ consurgunt ex crimine aliquo, & sunt quinque, his versibus contenta:

*Ecclesia vetitum, nec non tempus feriatum,
Atque Cathecismus, sponsalia, iungito votum,
Impediunt fieri, permittunt facta teneri.*

Alia ex crimine proficiscuntur, & sunt septem, comprehensa his versibus:

*Incestus, raptus sponsata, mors mulieris,
Susceptus propria sobolis, mors presbyteralis,*

PPPP

Vel si

Vel si pœniteat solemniter, aut monialem

Accipiat, prohibent hac coniugium sociandum.

De quibus omnibus agerem eo ordine, quo proposita sunt, nisi propositum esset sequi ordinem Titulorum, qui in Decretalibus sunt.

4. Quantum autem ad hermaphroditum attinet, cum iudicandus sit vir vel femina, secundum sexum in eo prævalentem, l. *Queritur D. De statu hominum*, si virilis prævaleat sexus, vir iudicandus erit, & uxorem ducere poterit: si femineus prævaleat, viro nubere, *Glos. in can. Si testes in V. ad testimonium* xv. q. 3. Et si iuxta alium sexum contrahat, matrimonium erit irritum, & quidem iure naturæ, tanquam initum inter personas eiusdem sexus. Quod si uterque sexus sit æqualis, poterit eligere sexum, quo uti malit; &, præstito iuramento, quod in posterum non nisi semel electo utetur, secundum eum, quem elegerit, matrimonio iungi. Vide Sanchez *De matrim. lib. 7. Disp. 16.*

TITVLVS II.

De desponsatione impuberum.

1. *Ætas ad contrahenda sponsalia definita non est, vt in nuptijs.*
2. *Plurimum septenniu est, dummodo vsus rationis adsit.*
3. *De sponsalibus duorum infantium vel alterutrius.*
4. *Impuberibus permissum est à sponsalibus recedere.*
5. *Eriam in sponsalibus malitiâ suppleri ætatem.*

DE sponsalibus & matrimonio in genere vidimus, & utrobique de iure tam Ciuili quàm Canonico diximus requiri certam ætatem, de qua quoad sponsalia contrahenda paullo specialius agendum est.

1. Quia igitur sponsalia sunt promissiones quædam, vt antè dictum est, ideo depolcunt necessario vsus rationis & aliquam prudentiam; ac proinde ætatem saltem septennem, in utroque sexu completam, c. 4. cap. *Accessit* 5. & alijs hoc tit. quia vsus rationis & prudentia vt plurimum adsunt post septennium, superatâ iam infantia, l. *In sponsalibus* 14. D. *De sponsal.* & l. *Si infanti* 18. in princ. Cod. *De iure deliberandi*, sufficit tamen vltimam diem esse inceptam, fauore matrimonij.

Ad matrimonium verò contrahendum diximus suprâ iure Ciuili definitam esse ætatem, duodecim annorum in feminis, quatuordecim in masculis. Ratio diuersitatis inter sponsalia & matrimonium est, quòd ad sponsalia sufficiat vsus rationis, qui eodem tempore vi-

ris &

ris & fæminis aduenit seu aduenire solet: ad matrimonium verò requiratur potentia generandi, quæ solet citiùs fæminis accidere.

Id tamen intelligendum est, dummodò septennes vsum rationis habeant. Nam si vterque vel alter vsum rationis non habeat, irrita sunt sponsalia. Et ideo Modestinus I. C. d. l. *In sponsalibus* ait, non esse definitam ætatem in sponsalibus, vt in matrimonijs, quia scilicet in matrimonio semper sufficit ætas definita à Iure: in sponsalibus non semper, quia sæpè septennio completo deest vsus rationis.

Si igitur infantes adinuicem, vel vnus maior septennio & alter minor, sponsalia contraxerint, ipsi, vel parentes pro ijs, sunt nulla & irrita sponsalia huiusmodi, nec per lapsum dicti temporis conualescunt, nisi per cohabitationem eorum mutuam, seu aliàs verbo (vt si facti maiores vocent se sponso) vel facto (vt si post septennium se osculentur vt sponsi) liquidò appareat, eosdem in eadem voluntate factos maiores septennio perdurare, c. *vnico eod. in 6.* seu aliàs expressè vel tacitè sponsalia ratificent.

Hinc qui cum puella minore septennio contraxit, non prohibetur matrem eius in uxorem accipere, nisi illa maior septennio facta in sponsalia consenserit, d. cap. *Litteras 4. hoc tit.* Etenim maior septennio, licet impubes adhuc, potest contrahere sponsalia de futuro, quia scilicet intelligit aliquo modo, quid agat, quod satis est ad sponsalia de futuro, d. l. *In sponsalibus.* * Attamen quia impuberes non omninò intelligunt, quid agant, permittitur ipsis, vbi ad annos pubertatis peruenerint, à sponsalibus ante pubertatem contractis resilire, si voluerint, cap. *De illis 7. cap. A nobis 8. & cap. Attestationes 10. h. tit.* nisi carnalis commixtio antè interuenerit, spectato iure antiquo, quia sic videntur consensisse in matrimonium, licet nondum fuerint puberes, anticipante & supplente tempus pubertatis malitià, d. cap. *A nobis & cap. De illis 9. hoc tit.* Secus iuxta Conc. Trid. ex cuius decreto sponsalia de futuro non ampliùs per copulam subsequutam transeunt in matrimonium.

Non obstant Iura quædam, in quibus dicitur, impuberem sponsalia, à patre suo nomine contracta, postquam peruenerit ad perfectam ætatem, debere omninò adimplere: quia id intelligitur de debito honestatis, non necessitatis.

Non obstat quoque, quòd filix tum demùm potestas dissentendi concedi videatur, si indignum moribus vel turpem sponsum elegerit ei pater, l. *Sed ea que patris §. tunc autem D. De sponsalibus*, aliasque iure Ciuili dissentiendo iustam ingratitude atque exhæredationis causam præbeat, Nouel. 115. *Vt cum de appellat. cognosc. cap. 3. §. Si alicui* 11. quia hoc Iure Canonico non obtinet, Glof. in c. 1. h. t.

5 An autem ut in matrimonio ita & in sponsalibus malitia suppleat ætatem, video dissentire D D. Probabilius videtur supplere, prout existimant Couar. & Sanchez, quia iura tantum requirunt septennium, ut contracturi sponsalia intelligant, quid agant, d. l. In sponsalibus: ergo si ante septennium id intelligant, malitiâ supplente ætatem, validus erit contractus; præsertim cum in sponsalibus non tantum sit periculum, quantum in matrimonio, quod est indissolubile, & oneribus plenum. Idque satis in Iure expressum videtur, saltem in æquivalenti, hoc ipso scilicet, quo Ius disposuit, per malitiam suppleri ætatem in matrimonio, cum sponsalia sint via & dispositio ad matrimonium.

Ut proinde non obstat, quod ubi Ius certam ætatem ad intellectum & discretionem exigit, non possit ea per malitiam aut præcox iudicium suppleri, nisi Ius ipsum id exprimat, prout expressit pro contractu matrimonij, c. Continebatur 6. d. c. A nobis h. t. non etiam pro sponsalibus: quia illud obtinet, nisi contrarium sit Iure expressum in aliquo æquivalenti, uti hinc contingit. Vide Sanchez lib. 1. Disp. 16. q. 2. & 3. in qua tenet, sufficere ad validitatem sponsaliorum, in quacunque ætate, si ante septennium adsit: præscriptum nihilominus esse septennium à Iure, ut præsumatur rationis usus, qui in ea ætate & non antè præsumitur, nisi contrarium manifestè appareat.

TITVLVS III.

De clandestina desponsatione.

1. Clandestina matrimonia semper Ecclesia detestata fuit.
2. Conc. Trid. decretum de contrahendis matrimonijs.
3. Denuntiationes siue banna ex causa remitti possunt.
4. Matrimonium absque Parocho & testibus contractum est nullum.
5. Denuntiationes ad solemnitatem pertinent, non ad essentiam.
6. Conc. Trid. non obligare, nisi ubi publicatum est.
7. Parochus proprius quis dicatur.
8. Eius præsentia requiritur, non approbatio.
9. Actus presbyter sit necesse non est.
10. Matrimonium clandestinè contractum de nouo contrahi potest.
11. Circa sponsalia nihil immutatum nouo iure.
12. Quis proprius sit Parochus vagabundorum & peregrinorum.

Interca

INter ea, quæ in contrahendis matrimonijs in primis cauenda sunt, vel maximum est vitium clandestinæ desponsationis, id est matrimonij clam contracti, de quo in hoc Tit. agitur. Nam tametsi iure antiquo matrimonia clandestina, id est non præsentibus Parocho vel testibus, libero consensu contrahentium celebrata, rata ac vera essent, c. 1. h. t. prout etiam definit Conc. Trid. Sess. 24. c. 1. *De reformat. matrim. in princ.* quia consensus interpositus priuatim consensus est, & solus facit matrimonium: tamen Ecclesia ob grauissima incommoda, quæ ex huiusmodi matrimonijs in Republ. contingere solebant, ea semper detestata fuit, atque prohibuit, *can. Non omnis & alijs xxii. q. 2. can. Aliter, can. Nostrates xxx. q. 5.*

Novissimè verò Conc. Trid. d. loco, cùm animaduerneret prohibitiones illas ob hominum inobedientiam iam non prodesse, & grauia peccata perpenderet, quæ ex iisdem clandestinis coniugijs ortum haberent, præsertim eorum, qui in statu damnationis permanerent, dum, priore vxore, cum qua clam contraxerant, relictâ, cum alia palam contraherent, cum eaque in perpetuo adulterio viuerent; præcepit, vt in posterum, antequam matrimonium contrahatur, ter à proprio contrahentium Parocho tribus continuis diebus festiuis in Ecclesia inter Missarum solemnias publicè denuntietur, inter quos matrimonium sit contrahendum: quibus denuntiationibus factis, si nullum legitimum opponatur impedimentum, ad celebrationem matrimonij in facie Ecclesiæ procedatur; vbi Parochus, viro & muliere interrogatis, & eorum mutuo consensu intellecto, dicat, *Ego vos in matrimonium coniungo in nomine Patris, & Filij, & Spiritus sancti*; vel alijs vtatur verbis, iuxta receptum vniuscuiusque prouinciæ ritum. Quòd si aliquando probabilis fuerit suspicio, matrimonium malitiosè impediri posse, si tot præcesserint denuntiationes, tunc vel vna tantùm denuntiatio fiat, vel saltem Parocho & duobus vel tribus testibus præsentibus matrimonium celebretur, ac deinde ante illius consummationem denuntiationes in Ecclesia fiant, vt, si aliqua subsint impedimenta, faciliùs detegantur: nisi Ordinarius ipse expedire iudicauerit, vt prædictæ denuntiationes remittantur: quod illius prudentiæ & iudicio sancta Synodus relinquit. Remitti quæ possunt per Episcopum, non solum ex causa in Concilio expressa, cùm scilicet matrimonium malitiosè impediri potest, verùm etiam ex alijs, iustis tamen & arbitrio Episcopi ponderandis, de quibus Zyp. Tit. *De sponsal. & matrim. n. 11.* vt si instet tempus clausum, vt vocant, quo nuptiæ prohibentur: si aliàs timeatur, ne puella à parentibus vel tutoribus tradatur ignobili: si constitutus in articulo mortis velit contrahere cum concubina, vt legitimetur proles ex ea iam antè suscepta: si diues velit ducere pau-

- perem, nobilis ignobilem, senex iuuenem, *Piasec. p. 2. cap. 4. art. 4. num. 5.* post *Nauar. in Manuali c. 22. à n. 30.* & *Henriquez De matrim. cap. 5.* subiungens, his casibus, & similibus, quibus concedenda videretur denuntiationum omisso, securius esse prius examinare testes ad minus duos, qui deponant, scire se inter contrahentes nullum subesse impedimentum, ex *Genuen. in Praxi cap. 26. n. 4.*
- 4 Qui verò aliter, quàm præsenti Parocho, vel alio sacerdote, de ipsius Parochi seu Ordinarij (subaudi, vel Vicarij eius generalis, iuxta declarationem Cardd.) licentia, & duobus vel tribus testibus, matrimonium contrahere attentabunt, eos dicta Synodus ad sic contrahendum omninò inhabiles reddit, & huiusmodi contractus irritos & nullos esse decernit.
- 5 Vbi obseruandum, denuntiationes & celebrationem matrimonij in facie Ecclesiæ spectare dumtaxat ad solemnitatem: & propterea, si omittantur, non ideo irritari matrimonium, sed reddi clandestinum, modò cætera requisita seruentur, vt patet ex verbis ipsius Decreti; licet puniri possint sic contrahentes, *Nauar. in Manuali d. cap. 22. Pias. d. loco n. 4.* At verò præsentia Parochi, vel alterius sacerdotis, de eius vel Ordinarij licentia, & adhibitio testium, spectant ad matrimonij quandam essentiam: & proinde si hæc defint, vel eorum aliquid, matrimonij contractus non solum clandestinus, sed & nullus irritusve erit, vt patet ex versic. *Qui aliter quàm præsente Parocho &c.* Adeò vt vltèriùs per Episcopum irritari non debeat, sed solà opus sit declaratione, esse nullum & irritum, *Pias. d. loco n. 7. ex declarat. Cardd. quam refert.* Quinimò matrimonium taliter contractum adeò est nullum, vt contrahentes possint, si velint, separari ab inuicem, etiam non expectatâ sententiâ Iudicis declaratoriâ, *Nauar. De clandest. desponsat. Conf. 3. n. 2. & Conf. 5. n. 1.* nec ratificetur per subsequente in copulam, quia illa ratificatio cessat post *Conc. Trid.* vt antè diximus, & docet *Nauar. Desponsal. Conf. 18. n. 3.* imò ne quidem in sponsalia de futuro resoluitur, *Nauar. d. Conf. 3. n. 3.* nisi esset contractum inter impuberes, vel vnum puberem & alium impuberem, iuxta c. 1. *De desponsat. impub. in 6. Pias. d. loco n. 9.*
- 6 Obserua tamen prædicta obtinere in locis, vbi hoc decretum *Conc. Trid.* promulgatum est: nam spectat tantum ad ea matrimonia, quæ post publicationem eius contracta sunt, adeo quæ post triginta dies, à die primæ publicationis in parochia factæ numerandos, vt colligitur ex fine d. cap. 1. *Conc. Trid.* & quidem post Kalend. Maijan. 1564. iuxta Bullam Pij IV.
- 7 Parochus autem proprius, quem *Conc.* requirit, est Parochus seu sacerdos, cui principaliter incumbit cura animarum in loco, vbi contracturi

tracturi domicilium fixum habent, siue vir, siue mulier. Quod addo, quia sufficit præsentia Parochi seu habitationis vel multiens, dum in eius parochia contrahitur, vel viri, quando in huius parochia celebratur matrimonium: quia solum requirit præsentiam Parochi absolute, non autem vtriusque coniugis, & ita declarasse Sacram Congregationem testatur Nauar. *De clandest. desponsat. Conf. 4. num. 1.* Hinc licet Parochus sponsæ non possit eidem adstare in parochia sponsi, valeret nihilominus matrimonium, si contrà fieret, quia verè est Parochus alterius.

Proprij item Parochi nomine venit quilibet sacerdos, deputatus ab ipso Parocho: & satisfat Concil. si coram illo contrahatur, etiam si generaliter tantum ipsi fuerit commissum exercitium Sacramentorum: imò si verbaliter tantum, *Piasc. d. loco num. 13. & 14. ex Nauar. quem citat.*

Non requiritur autem Parochi approbatio: nam ipso quoque contradicente contractum matrimonium valet, dummodò ad celebrationem eius verè & formaliter ab ipsis contrahentibus adhibitus sit, seu adhibeatur, tamquam testis, vel adhibitum esse appareat, licet ex alia causa inuitatus venerit, etiam confabulationis causâ, vel inuitus & per vim compulsus præsens fuerit: licet etiam Ordinarius illi inhibuerit, ne tales vel tales matrimonio iungeret, *ex declarat. Cardd. Gonzal. ad Reg. viii. Cancell. Glos. 48. n. 35. Gutier. De matrim. c. 69.* Neque enim voluntas Parochi aut consensus requiritur, sicut nec aliorum testium, sed tantum adhibetur tamquam testis magnæ auctoritatis, *Piasc. d. loco n. 17.* Alioquin si fuerit fortuitò præsens, & de eo contrahentes nihil cogitauerint vel cogitent, aut licet cogitauerint cogitente, non tamen ipsum in testem adhibuerint vel adhibeant, contractus erit clandestinus & nullus. Quemadmodum & si fuerit præsens, nec tamen quidquam viderit vel audiuerit eorum, quæ gerebantur, nisi affectasset non intelligere, *ex declarat. Cardd.*

Præterea necesse nō est, vt Parochus sit actu presbyter, sed sufficit quòd sit verè Parochus, habens titulum & ius Parochi, licet primà tantum tonsurâ insignitus sit, vt colligitur ex verbis generalibus d. Conc. Quamuis aliud dicendum sit de substituto à Parocho, quem Sacerdotem esse oportere constat ex verbis Conc. ibi, *vel alio sacerdote.* Idque conuenientius fore, nempe vt Parochus non actu sacerdos deleget alicui sacerdoti vices suas, vt is intersit matrimonio contrahendo, respondit Sacra Congregatio, *Piasc. d. loco n. 15.*

Porro licet matrimonium ex defectu Parochi vel testium (quos sufficit esse vel patrem vel matrem sponsi sponsæve, vel alios quoscumque, siue consanguineos, siue extraneos, siue viros, siue fæminas, ex quo

quo Conc. generaliter & indistinctè de testibus loquitur, Couar. 2. p. *De sponsal. cap. 8. §. 12. n. 8.*) sit nullum, ita ut nequidem sponsaliorum inducat obligationem, & qui sic contraxit possit etiam cum consanguinea vel affine sponsæ contrahere, si modò non fuerit secuta copula, nec aliud subsuerit impedimentum, *iuxta declar. Cardd.* tamen possunt, qui sic clandestinè & proinde nulliter contraxerunt, licet veniant grauius puniendi, iterum seruata formâ decreti Conc. etiam sine dispensatione contrahere, nouo præstito consensu: quia per decretum illud solùm redduntur inhabiles ad sic contrahendum, id est, clandestinè, *ut patet ex decreti verbis.*

Dixi, nouo præstito consensu; quia is planè necessarius est: sicut & quando propter alios defectus matrimonium ab initio est nullum, Nauar. *De sponsal. Conf. 6. n. 4. & Conf. 12. n. 3.* Vnde & stylus Curiae seruat, ut in concedendis dispensationibus super matrimonio contracto, stante impedimento impediens & dirimens, semper addatur clausula, *de nouo præstito consensu*, Nauar. *d. Conf. 6. Piasec. d. loco n. 10.* ubi subiungit, quòd ubi impedimentum esset occultum, posse spon-
 sos priuatim tantùm sibi mutuò præstare consensum, absque Parochi vel testium præsentia, prout sufficere declarauit Pius V. referente etiam Nauar. *in Manuali c. 22. n. 70.* Idem tradit latè Sanchez. *De matrim. lib. 2. Disp. 37. à. n. 3.* dicens, Conc. Trid. numquam comprehendisse hunc casum, cùm loquatur de clandestinis matrimonijs: hoc autem matrimonium cùm fuerit coram Parocho & testibus contractum, licet nulliter, propter occultum impedimentum, numquam fuit clandestinum, nec ea de causa ab Ecclesia prohibitum, nec per Conc. Trid. irritatum; imò Ecclesia putauit esse validum.

11 Cæterùm sponsalia de futuro clandestina dictum Conc. non irritauit, nec quidquam circa ea immutauit, sed reliquit in terminis Iuris communis: præterquam quòd per copulam superuenientem non amplius, ut antè, transeant in matrimonium, *prout sapius respondit Congregatio Cardd. Gutierrez De matrim. cap. 4. Sanchez. lib. 3. Disp. 40. n. 6. & 7. Riccius in Praxi Decis. 234.* Et ideo valent sponsalia de futuro contracta, non seruatis prædictis solemnitatibus, Nauar. *De sponsal. Conf. 5. n. 2.*

12 Denique quantum ad vagabundos atinet, qui nullam certam sedem habent, contrahere tales possunt coram Parocho oppidi vel loci, in quo fuerint, quia is illorum est Parochus, prout declarauit Eugenius Pont. referente Caietano *in V. Absolutio.* Alia est ratio peregrinorum, alienigenarum, in loco aliquo ad certum tempus commorantium: nam istos oportere contrahere coram Parocho, in cuius parochia habitant, declarauit Sacra Congregatio. Ideoque si qui, ne
 impe-

Impediantur à suo Parocho, se dolosè conferant in aliam ciuitatem, animo reuertendi, postquam matrimonium inibi contraxerint, non erit validum matrimonium, Nauar. lib. 4. Conf. tit. 3. Conf. 2.

TITVLVS IV.

De sponsa duorum.

1. Non licet bina sponsalia contrahere.
2. Contrahens cum vna de futuro, cum alia de presenti, huic adhærebit.
3. Vxor non certificata de morte viri contrahere non potest.
4. Viro reuerso ad eundem reuerti cogitur.
5. Contrahit quis cum alia validè, mortua vxore, quam credebat vivā.

Contingere potest, vt quis contrahat successiuè sponsalia cū diuersis, & dubitari, quænam præualeant. Dicendum quæ, non licere ei, qui sponsalia contraxerit cum vna, postea contrahere cum alia, quia fides promissa vni seruanda est, c. 1. h. t.

Quod si tamen quis contractis sponsalibus de futuro cum vna, postea cum alia contrahat sponsalia de presenti quâuis hoc agendo peccet grauiter, nihilominus adhærere debet posteriori, cum qua contraxit de presenti, d. c. 1. quia, vt antè diximus, sponsalia de futuro, dummodò non fuerit secuta copula, spectant iure antiquo, per sponsalia de presenti, etiam secutâ copulâ, tanquâ per fortius vinculum dissoluntur, nisi fuerint iuramento confirmata. Sponsalia enim de presenti sunt idè, quod matrimonium, nec magis quàm matrimonium dissolui possunt. Sin autem cum vtraque contraxerit per verba de presenti, ei adhærere debet, & vxorem habere, cum qua priùs contraxerit, licet cum secunda, & non cum priori, consueuerit, c. 3. c. vlt. h. t. quia vinculum prioris matrimonij est indissolubile, ac proinde eo durante non potest alter coniugum iungi alteri, c. Gaudemus inf. De diuortijs. Id quæ obtinet, licet matrimonium primum inutile sit propter morbum vel exsecutionem, can. Si qui xxxii. q. 7. aut sterilitatem, can. Tantū eod. q. aut diuturnam absentiam coniugis, c. 2. inf. De secundis nupt. Conc. Trid. Sess. 24. can. 5.

Vnde vxor nō certificata de morte viri, iuuenili ætate & fragilitate carnis nō obstante, contrahere nequit, licet factâ diligenter inquisitione ignoret, quid sit de marito, qui longiori tempore absuit, c. In presentia 19. sup. De sponsalib. Quod non minùs in viris obseruandum statuitur absentibus vxoribus, d. c. 2. De secundis nupt. Si verò aliquis vel aliqua dubitet adhuc de morte absentis coniugis, & fortè contraxerit, reddere debitum postulanti, non verò exigere debet, d. c. 2.

4 Ceterum quocumque tempore & casu coniux absens redierit; aut superstitem esse constitit, quia secundum matrimonium fuit nullum, non obstante bonâ fide alterius, relictis adulterinis complexibus, ad priorem coniugem reuertatur, *d. c. 2. in fine.* nec villo modo liceat tali petere vel reddere debitum secundæ vxori vel marito; imò potius sententiam excommunicationis sustineat, *iuxta c. Inquisitioni inf. De sent. excommunicat.* adedò vt ne quidem cum illa manere possit, *can. Si virgo xxxiv. q. 2.*

Nec obstat, *c. Perlatum 8. inf. Qui filij sint legitimi*, vbi definitur, legitimos fuisse filios secundi coniugij viuente priore marito: quia causa fuit, quòd diuortium à priori marito & transitus ad secundas nuptias facta fuerint per iudicium Ecclesiæ.

Postremò si quis credens vxorem suam esse viuam, cùm sit mortua, ineat matrimonium cum alia, validum erit, modò hac conditione ineatur, *Contraho tecum si possim, vel in quantum possum*, etiamsi existimet se non posse: quia satis est, quod ex parte rei possit, *Couar. De sponsal. 2. p. 5. 7. n. 2.* Aliàs simul & eodem tempore habens duas vxores viuentes est infamis, *l. 1. D. De his qui not. infamia l. Neminem Cod. De incestis nupt. Abbas in c. 2. h. r.*

TITVLVS V.

De conditionibus appositis in desponsationibus & alijs contractibus.

1. *Sponsalia & purè & sub conditione contrahuntur.*
2. *Similiter matrimonium & purè & sub conditione.*
3. *Modò honesta conditio sit, possibilis, & de futuro.*
4. *Impossibilis habetur pro non adiecta: vt & turpis de futuro.*

Sponsalia diximus quandoque purè, quandoque sub conditione contrahi: vnde sumptâ occasione tractat Pont. de conditionibus apponi solitis tam in sponsalitiu contractu siue desponsationibus & matrimonijs, quàm in alijs contractibus.

- 1 Vt illud obiter repetam, purè contrahuntur sponsalia his aut similibus verbis, *Ego te accipiam in vxorem, & ego te in maritum*: sub conditione verò hac vel simili formâ, *Ego te in vxorem accipiam, si tantum dotis nomine*

nomine dederis, vel, *si pater consenserit*; & mulier utroque casu assentiat-
tur, c. 3. & 5. h. t.

Pari modo matrimonium purè vel sub conditione contrahi potest. 2
Purè, veluti, *Accipio te in uxorem*, & *ego accipio te in maritum*: & hoc
pacto contractum statim suum sortitur effectum; sicut & sponsalia
purè contracta. Sub conditione, veluti, *Accipio te in uxorem, si patri pla-*
cuerit, vel, *tantum dederis*, & mulier assentiat: & hoc modo contra-
ctum pendet ex euentu conditionis, sicut & sponsalia sub conditione
contracta, c. *Super eo* 5. h. t. Conditione quæ posita statim, absque alio
contractu, valet matrimonium; sicut & sponsalia, & omnes alij con-
tractus, sub conditione initi, mox eueniente conditione valere inci-
piunt. Nec enim est ratio, cur non idem obtineat in matrimonio, ut
communiter docent Canonistæ in d. c. *Super eo*.

Nec obstat, quòd ad matrimonium requiratur utriusque consen-
sus, qui non extat, quando superuenit conditio: quia dicendum, et-
iam tum adesse, si non formalem, saltem virtualem, quem sufficere
diximus antè.

Quòd si qui sub conditione contraxit matrimonium, postea, ante
conditionis euentum, desponsatam cognoscat, censetur à conditione
apposita recedere, & ex tunc incipit valere matrimonium, cap. *Per*
suas 6. h. tit.

Prædicta tamen intelligenda sunt de conditione honesta ac possi- 3
bili de futuro: hæc enim conditionis propriè dictæ potestatem obti-
net, id est negotium in euentum aliquem suspendit; propriè quæ con-
ditio dicitur, quæ in futurum confertur, l. *Cum ad præsens* l. Itaque & si-
milibus D. *De reb. creditis*. Ac proinde conditio de præsentī aut præteri-
to, cuiuscumque sit generis, non suspendit matrimonium, sed illud
aut vitiat, si deficiat, vel, si adsit & impleta fuerit, statim valet matri-
monium.

Dixi etiam, possibili; quia conditio omninò necessaria de futuro
nec vitiat matrimonium, nec suspendit (veluti, *Contraho tecum, si cæ-*
lum cras moueatur, *Si sol cras oriatur*:) sed statim subsistit matrimonium,
quia licet eiusmodi conditio pendeat ex futuro, est tamen determi-
nata in sua causâ, ac proinde æquiualeat conditioni de præsentī vel
præterito.

Præterea impossibilis conditio (veluti, *Si cælum digito tetigeris*, *Si* 4
lunam cælo detraxeris, aut *pisces aëreos piscatus fueris*,) habetur pro non
adiecta; sicut & turpis conditio de futuro (ut *Si hominem interfeceris*;)
id quæ favore matrimonij, ut potius valeat, quàm non valeat, cap. *fin.*
h. t. nisi talis conditio turpis repugnet naturæ matrimonij seu tribus
eius bonis essentialibus, quæ sunt fides, proles, Sacramentum, can.

Omne itaque xxvii. q. 2. nam talis conditio adiecta matrimonio, etiam ex parte vnius tantum, illud vitiat: veluti si quis dicat, *Contraho tecum, si pro quaestu adulterandam te tradas, Si procures abortum, Donec inueniam aliam te ditiozem*, contractus matrimonialis caret effectu, d. cap. ult. nam prima conditio repugnat primo bono matrimonij: secunda secundo, & tertia tertio. Repugnat etiam aliquem velle contrahere matrimonium, & apponere conditionem matrimonio contrariam. Si verò talis conditio sit de præterito vel præsentis, non vitiat matrimonium, veluti, *Contraho tecum, si sis adultera, Si impediuisti partum*, modò non obliget ad aliquid futurum quod sit contra matrimonij bona.

Quo pacto autem differant sponsalia purè contracta à contractis sub conditione diximus hoc eodem lib. Tit. 1. §. 2.

TITVLVS VI.

Qui Clerici vel vouentes matrimonium contrahere possint.

1. Ordo sacer impedit matrimonium contrahendum & contractum dirimit.
2. 3. Similiter votum solenne: simplex verò non dirimit contractum.

Diximus, qui, quâ ætate, quo pacto matrimonium contrahere possint, de quæ impedimento vno matrimonij, cum impediēte, ut sunt sponsalia de futuro, tum dirimente, quale est aliud matrimonium præcedens: sequitur nunc ordine de alijs impedimentis; quæ posita sunt vel in defectu materiæ, cuiusmodi est ordo & votum solenne, cognatio, affinitas, aliæque similia; vel in defectu formæ, ut sunt error personæ, & conditionis, violentia siue metus, de quo supra obiter egimus; vel in defectu qualitatium, circumstantiarum & conditionum accidentiarum ipsius matrimonij, ut sunt votum simplex, interdictum Ecclesiæ, aliæque id genus.

1. Quodd igitur ad Ordinem & votum attinet, constitutis quidem in minoribus Ordinibus licere uxorem ducere dictum est antè lib. 3. Tit. 3. At verò Ordo sacer non tantum impedit matrimonium contrahendum, sed & dirimit contractum, ut definitur in Conc. Trid. Sess. 24. can. 9. constatque ex plurimis alijs Canonibus, *Distinct. 28. & 32.* Dirimit autem non solum ratione voti annexi, verum etiam ratione

tionem sui, quatenus ipsi Ordini lex Ecclesiastica, irritans matrimonium, est annexa: nam si quis in ordinatione nollet vouere, & accepto Ordine contraheret, matrimonium illud esset irritum, non tamen ratione voti. Dirimit etiam ex Iure Ecclesiastico, uti vel ex eo patet, quod summus Pontifex dispensare possit, ut quis post Ordinem sacrum susceptum contrahat matrimonium. Vide quæ d. lib. 3. de Clericis coniugatis diximus fusiùs.

Quod si quis constante matrimonio, etiam nondum consummato, sacris initietur Ordinibus, non consentiente vxore, monendus & inducendus est ab Episcopo, ut Religionem ingrediatur. Sin renuerit, & vxor institerit, compelli debet per censuram Ecclesiasticam ad matrimonij consummationem, reddendumque vxori debitum; illud tamen exigere non potest: & talis ab Ordinum executione suspensus est atq; irregularis, c. vnico De voto in Extrauag. Ioan. XXI. & viuere cælebs à morte vxoris debet. In sacris verò constitutus scienter contrahens matrimonium incurrit ipso facto excommunicationem, ex Clement. vntca De consanguinit. & affinit.

Votum continentie vel est simplex vel solemne, de quo d. lib. 3. Tit. 34. Simplex impedit quidem matrimonium contrahendum (quia non potest votum continentie reddere, ad quod tamen obligatur, qui post illud emissum contrahit matrimonium, cum debitum petenti coniugi reddere tenetur) non tamen dirimit contractum, c. Meminimus 3. c. Consuluit 4. c. Rursus 6. h. t. Exceptis tribus votis Societatis IESV, per quæ, licet simplicia, post annum probationis emissæ emittentes redduntur inhabiles ad contrahendum matrimonium, iuxta Bullam Greg. XIII. incip. Ascendente Domino, editam anno 1584.

Votum solemne & impedit matrimonium contrahendum, & postea contractum dirimit, c. 1. & 2. h. t. Concil. Trid. sess. 24. can. 9. Dirimit autem ex solo Iure Ecclesiastico, quia non aliunde habet, quod dirimat, quam ratione solemnitatis superadditæ, ut patet ex voto simplici, quod matrimonium non dirimit. Ideoque cum solemnitas voti ex sola Ecclesiæ constitutione sit inuenta, c. vnico De voto in 6. sequitur, voto solemnem hanc vim ac potestatem inesse ex solo Iure Ecclesiastico, proindeque posse Pontificem super eo dispensare, prout constat aliquoties dispensasse.

TITVLVS VII.

De eo, qui duxit in matrimoniū eam,
quā polluit per adulterium.

1. Impeditur matrimonium, si alter coniugum cum alio mortē coniugis procurauerit.
2. Si item adulter mortem coniugis sua aut mariti adulteri.
3. Si adulteri dederint sibi mutuā fidem de contrahendo.

Aliud impedimentum sequitur, quod provenit ex crimine. Duplex autem est crimen, matrimonium impediens ac dirimens, homicidium scilicet & adulterium; sed in tribus dumtaxat casibus.

1 Primus est, si maritus vel vxor vnā cum alio conspirauerit in mortem coniugis, animo simul contrahendi matrimonium: Nam hoc casu, si sequatur ex eorum machinatione mors coniugis, nullo modo possunt inter se matrimonio coniungi, licet non intercesserit adulterium; imò licet alter esset infidelis, & ad eius conuersionem patrata talis occisio, *c. Laudabilem & ibi Glos. sup. De conuers. infidel.* quia, ut dicitur ibidem, tale damnum eo lucro Ecclesia dispensare non vult.

Dixi, quando vnā cum alio conspirauit, animo simul postea contrahendi; quia si alter tantum mortem procurauerit, aut aliā intentione, quā ad contrahendum, non impeditur matrimonium, *d. c. Laudabilem Glos. in c. Super 3. h. t. ad V. machinata.* Nec sufficit hoc casu rati habitio occisionis, suo nomine factæ, quamuis sufficiat iussio, consilium, auxilium, *c. 1. sup. De conuers. infidel.* Nauar. in *Manuali cap. 22. n. 46.* Ratio diuersitatis est, quia rati habitio non est causa actus, nec ad illum concurrat, sicut concurrunt consilium, iussio vel auxilium. Alioquin si nec consilium nec iussio concurrat (ut quia alter interficiens iam omnino fuerit determinatus ad interficiendum, nec consilio animosior factus, aut mandatum ante occisionem reuocatum) hæc quoque non sufficiunt.

Non obstat, quod rati habitio retrahatur, & mandato æquiparetur, etiam in delictis; quia id fictione fit Iuris. Ut autem hæc locum habeat, debent extrema esse habilia ad ipsum actum exercendum, quod hic esse non potest, quia morte iam illatā, machinatio mortis, quæ ad hoc impedimentum requiritur, amplius interuenire non potest.

Dixi,

Dixi, si sequatur mors; quia illud colligitur ex *can. Si quis viuentem xxxi. q. 1. ibi, occidisse notetur*. Et verba *d. c. Super hoc & c. Significasti h. tit.* debent accipi cum effectu, iuxta *c. Relatum sup. De Clericis non resident.*

Secundus casus est, si vel maritus adulter aliquid machinatus fuerit in mortem coniugis suæ, maritive adulteræ, ut cum ea contrahere possit; vel adultera in mortem mariti sui, vxorisve adulteri, ut adultero nubat, *d. cap. Super hoc*. Et hoc casu sola non sufficit machinatio, sed requiritur, ut inde mors sit secuta.

Tertius casus est, si adulteri dederint sibi mutuam fidem de contrahendo matrimonio post mortem coniugis, aut si adhuc viuentem coniuge de facto inter se contraxerint, *c. Significauit c. Veniens & c. fin. h. tit. can. Relatum xxxi. q. 1.* Oportet itaque hoc casu datam esse fidem, & interuenisse verum adulterium ante mortem coniugis: nam solum adulterium non obstat matrimonio contrahendo, *d. c. Significasti & d. can. Si quis viuentem*. Nec obstat *c. 1. h. t.* ex quo (in verbis & illam maximè, cui fidem dederat vxore suâ viuentem) videtur idem colligi, quamuis fides data non sit: nam dictio *maximè* accipi debet pro tantum, Abbas *ibid.* Similiter propositum vel desiderium, absque voluntate sese obligandi, non sufficeret, sicuti neque conatus copulæ: quia requiritur adulterium consummatum per copulam, & quidem materialiter ac formaliter, nempe ut à parte rei sit adulterium, & vterque sciat esse adulterium, id est ut probabiliter cognoscat, se, vel alterum, vel vtrumque esse coniugatum, *d. c. Significasti*. Ideoque si quæ errore ducta cum alieno marito, tanquam cum cælibe, contraxerit, non prohibetur, defunctâ vxore illius, in nouum matrimonium cum eodem conuenire, *d. c. 1. c. Veniens h. t.* quemadmodum & si adulterium tantum intercesserit, nullo contractu matrimoniali aut sponsalicio admixto, *d. c. Significasti c. Cum haberet s. h. t.*

Extra prædictos casus non dirimi matrimonium, inter adulteros contractum, patet ex *can. Denique xxxi. q. 1.* Ratio autem, cur istis casibus impediatur matrimonium inter adulteros, est, ne ob matrimonij spem detur ansa & occasio interficiendæ coniugis.

Sed quomodo, inquires, Ecclesia potuit hoc impedimentum indicare infideli, à sua iurisdictione omnino exempto? Respondeo, non indixisse illi, nec indicare potuisse, sed fideli, ut perpetuò nequeat cum infideli, licet ad fidem conuertatur, matrimonium contrahere.

TITVLVS VIII.

De coniugio leproforum.

1. *Matrimonium propter lepram superuenientem non dissoluitur.*
2. *Sponsalia de futuro dissolui possunt.*

De lepra superueniente, cum hæc soluat sponsalia de futuro, quæri merito poterat, an etiam matrimonium contractum dirimat. Et dicendum, lepræ morbum matrimonij impedimentis minimè annumerandum esse, & ideo nec ipsum matrimonium, quippe indiuiduum & indissolubile vinculum continens, nec eius effectum propter lepram, vel aliud morbi genus superueniens, dissolui: tenerique matrimonio coniunctos, non obstante leprâ superueniente, sese coniugali affectione tractare, vel ad perpetuam continentiam vouendam inducendos esse, *c. 1. & 2. h. tit.* Imò possunt etiam leprosi matrimonium contrahere, si inueniant, qui eos accipere velint; obliganturque sibi inuicem reddere debitum, licet infirmus à sano illud exigat, *d. c. 2.*

2. Verùm si sponsalia tantùm de futuro contracta sint, potest alter ob superuenientem lepræ morbum à sponsalibus resilire, *c. ult. h. t.* sicut & ob aliam quamlibet enormem deformitatem superuenientem, quia sponsalia intelliguntur contracta, rebus in eodem statu permanentibus, *c. Quemadmodum sup. De iureiurando.*

TITVLVS IX.

De coniugio feruorum.

1. *Error personæ est impedimentum impediens & dirimens.*
2. *Similiter error conditionis seruilis.*
3. *Estque hoc impedimentum iuris Ecclesiastici, non naturalis.*
4. *Ignarus conditionis seruilis propriâ auctoritate recedere ab vxore potest.*
5. 6. *Valet matrimonium liberi cum liberta, serui cum ancilla &c.*
7. *Error circa bona fortuna nec impedit nec dirimit.*

Hic agitur de impedimento conditionis & erroris. Vbi obseruandum, errorem in contrahendo matrimonio contingere dupliciter, aut circa personam, vt si quis cum vna quapiâ contrahat,

trahat, putans esse aliam; aut circa conditionem & statum personæ, ut si putetur liber, qui verè est servus; aut circa fortunam, ut si putetur dives, qui est pauper; aut denique circa alias qualitates, ut si putetur nobilis aut virgo, quæ talis non est.

Ex his error personæ impedit matrimonium contrahendum, & dirimit contractum; siue antecesserit, id est, præbuerit causam contractui matrimoniali, quippe qui aliàs secutus non fuisset; siue concomitatus fuerit, id est, non induxerit ad contrahendum, quo tamen non existente contractum fuisset matrimonium. Ratio est, quia uterque hic error tollit consensum voluntarium in personam præsentem, qui tamen consensus est causa efficiens matrimonij; & absque eo matrimonium iure naturæ est irritum: consentit enim in personam, quam animo concipit, & non consentit, qui errat, *c. 2. & ult. h. t.* Et ideo talis error dirimit matrimonium iure naturæ, quia libertatem & consensum aufert, *l. Si per errorem D. De iurisdic. om. iud.*

Similiter error conditionis servilis impedit matrimonium contrahendum, & dirimit contractum: ideoque si liber contrahat cum serva, quam liberam esse credebat, potest, postquam conditionem illius detexerit, ab ea separari, & aliam ducere, *c. 2. 3. & ult. h. t. can. Si quis ingenuus xxix. q. 2.* nisi eandem, postquam intellexerit esse servam, cognoverit carnaliter, *d. c. 2. & c. 4. h. t.* aut cum ea contraxerit, *d. can. Si quis ingenuus, cum duobus seqq. xxix. q. 2.* Idem est iudicium de eo, qui dubitans de conditione alterius, cum ea contrahit, quia talis non censetur errare & non consentire, ideoque subsistit matrimonium.

Estque hoc impedimentum non iuris naturalis, (ut constat cum ex eo, quod servitus cognita non dirimat matrimonium; tum ex eo, quod hic error non sit in substantia rei, de qua contrahitur, sed in qualitate, cuiusmodi error non tollit voluntarium simpliciter, sed tantum secundum quid, nec impedit etiam absolutam traditionem corporis & rationi status consonam, sed solum plenam & perfectissimam) sed Ecclesiastici, inductum ab Ecclesia, favore eius, qui est liber, qui alioqui graviter deciperetur, propter obsequia domini, quibus serva adstringitur, & quia servitus bonis matrimonij admodum aduersatur: bono quidem Sacramenti atque indiuiduæ vitæ societati, quia servus tenetur in domo domini habitare, ab eoque mitti potest ad partes remotiores, inibi vendendus: bono verò fidei, quia ad libitum reddere debitum non potest, sed cum ei vacat, & obsequijs domini satisfacit: denique bono prolis, quia eam alere nequit, cum omnia acquirat domino, nec sit futura in potestate parentis, ut religiosè educatur. Nec hinc sequitur, hoc impedimentum esse iuris naturalis, quia licet bonis aduersetur matrimonij, ut dictum est, non ita tamen,

ut substantiam matrimonij destruat; ideoque non magis irritaret matrimonium, quàm error circa qualitatem, nisi Ecclesia aliter statuisset. Vide Sanchez *De matrim. lib. 7. Disp. 19.*

- 4 An verò coniux, ignarus servilis conditionis, possit propriâ auctoritate ab vxore recedere, vbi servitutem detexit, quæri potest. Resp. posse, cessante scandalo: secus, si non cessaret scandalum. Et in hoc posteriori casu coniugi servilis conditionis incumbit onus probandi scientiam suæ conditionis in altero, quia in libero præsumitur ignorantia servitutis alterius, tamquam facti alieni, nisi contrarium probetur, *cap. Præsumitur De Regulis Iuris in 6.* aut nisi tempore contracti matrimonij servitus alterius fuisset communiter eo in loco nota, præsumitur enim scientia eorum, quæ communiter innotescunt, *cap. 1. sup. De postulat. Frelator. can. Quod dicitis Dist. 16.*
- 5 Valet autem matrimonium liberi cum liberta (id est ea, quæ cum antea ancilla & serua fuerit, iam libertate donata est) quam existimat liberam & ingenuam, quia iam verè libera est. Hinc etiam servi adscriptitij, id est coloni, qui glebæ & fundo perpetuò colendo adscripti & addicti sunt; item originarij, id est ex adscriptitijs nati, validè contrahunt, cum sint verè liberi, licet ad certas operas teneantur, Glossa & Abbas in *cap. 2. inf. De Iudæis* nec; conditionis error dirimit matrimonium, quia Ecclesia non ex cuiuscumque conditionis, sed servilis dumtaxat, errore matrimonium irritat.
- 6 Similiter valet matrimonium servi cum ancilla, vel etiam servi cum libera, servitute antea notâ, invito quoque domino, *cap. 1. h. t.* Attamen per hoc non liberatur servus à consuetis & debitis servitijs domino exhibendis, *d. cap. 1. & liber ancillam scienter ducens fit irregularis, can. Si quis viduam Dist. 34.* quia vilis & infamis persona reputatur. Sunt tamen quidam casus, quibus servus contrahens cum libera fit liber, de quibus vide Couar. *Desponsal. 2. p. cap. 3. §. 7.* Sanchez *d. lib. 7. Disput. 20.* Et hæc quidem Iure Canonico: nam Iure Romano legitimæ nuptiæ solùm contrahuntur inter ciues Romanos.
- 7 Denique error circa bona fortunæ & alias qualitates coniugum nec impedit nec dirimit matrimonium, modò non redundet in errorem personæ: sicut nec alij contractus, v. g. venditio & emptio, si sint absoluti, ex simili errore rescinduntur. Ratio est, quia talis error non tollit consensum in personam præsentem, licet illa, quoad aliquas condiciones accidentarias matrimonio, existimetur aliter affecta.

TIT.

TITVLVS X.

De natis ex libero ventre.

1. Partus sequitur ventrem, id est conditionem matris.
2. Idque siue ex legitimo siue non legitimo matrimonio filij nati sunt.

CUm superiori Tit. dixerimus, subsistere Iure Canonico matrimonium inter seruum & seruam vel libertam, illius occasione hic quaeritur, an natus ex libero ventre, id est matre libera, patre verò seruo, censendus sit seruus, an liber: idque ex conditione matris aestimandum esse traditur. * Vnde natus ex libero ventre, id est matre libera, non quidem ingenua, sed & liberta, cuiuscunque conditionis fuerit pater, liber erit & ingenuus: & è diuerso nascetur seruus, si mater fuerit ancilla, c. vnico h. t. c. ult. sup. De seruis non ordinandis, l. Partum Cod. De rei vindicat. §. penult. Instit. De iure personar. §. sed si quis Instit. De ingenuis. Ratio est, quia quando quaeritur de seruitute vel libertate, partus sequitur ventrem, id est conditionem matris, l. 5. §. 2. D. De statu hominum. Idque fauorabilius est proli, quandoquidem ad hoc, vt sit libera, sufficiat matrem fuisse liberam aliquo tempore, vel conceptionis, vel partus, vel medio, etiam per minimum momentum à conceptione: quia non debet calamitas matris nocere ei, qui in ventre est, d. l. 5. D. De statu hom. & Instit. de ingenuis. Cum interim respectu patris non nisi conceptionis tempus, quo causa est efficiens, inspicì possit. Adde, quòd quoad libertatem leges inspexerint id, quod est certius: iam autem constare certò nequit, quo patre filius sit procreatus, cum tamen constet semper, ex qua matre sit in lucem editus.

Et hoc quidem obtinet, licet quis ex propria ancilla filium habeat; nam & is eius seruus est, l. 2. Cod. Si mancipium ita fuerit alienatum &c. l. fin. Cod. Communia de manumissionibus: * siue filij nati sint ex non legitimo matrimonio, d. l. 5. §. 2. D. De statu hominum, siue ex legitimo, quia textus Iuris indistinctè loquuntur.

Non obstat l. Cum legitime 19. D. d. tit. quia ea ita intelligi debet, quòd filij ex legitimo matrimonio sequantur patrem, quoad familiam & originem, Glossa ibid. Non obstat quoque can. fin. xxxii. q. 4. quia à Glossa & communiter explicatur, vt filij tales sequantur deteriorē partem, id est debiliorem, qualis est femina.

Hæc tamen intelligenda sunt, quando agitur de seruitute vel libertate ex vi natalium: quia alijs de causis potest natus ex libero ventre redigi in seruitutem, veluti si ob ingratitudinem pater in seruitutem reducat, l. 2. Cod. De libertis & eorum liberis, vers. filijs. Videatur Hostien. in Summa h. t. §. Et in quibus, Sanchez De matrim. lib. 7. Disputat. 24.

Præterea si consuetudo alicubi aliter habeat, ea, fauore libertatis, non est improbanda, c. Licet. 3. sup. De coniugio fernor. Nam cum hæc res sit ex iure positiuo, potest consuetudo præualere, c. vlt. sup. De consuetudine.

TITVLVS XI.

De cognatione spirituali.

1. Cognati qui dicantur.
2. Cognatio triplex, Naturalis, Spiritualis, Civilis.
3. Cognatio Spiritualis quam dicatur.
4. Cur ex Baptismo & Confirmatione oriatur, non ex alijs Sacramentis.
5. Inter quos contrahatur de Iure Decretalium.
6. Decretum Conc. Trid. ea de re.
7. Cognatio spiritualis, quæ ex Catechismo oriri solet, hodie sublata.
8. Cognatio spiritualis dirimit matrimonium postea contractum.

Nihil est, quod magis impediatur matrimonium contrahendum, aut dirimat contractum, quam cognatio. Hocque impedimentum ex cognatione proueniens latè patet, & propterea de eo per plures Titulos tractat Pontifex.

Cognati ab eo dici putantur, quod quasi vnà communitérve nati, vel ab eodem orti progenitíve sint, l. 4. §. 1. D. De gradibus & affinib. vel quasi ex vno nati, aut quasi commune nascendi principium habuerint, l. 1. §. 1. D. Vnde cognati.

2 Est autem Cognatio generale nomen, significans omne vinculum, quod vel naturaliter ex iure sanguinis vel ex Iuris dispositione inter aliquos contingit. Hinc accommodatè ad propositum diuidi potest in Cognationem Naturalem, Spiritualem (de qua tanquam digniore prius agendum est) & Civilem siue Legalem.

3 Cognatio Spiritualis, quam Compaternitatem & Commaternitatem vulgò appellant, est vinculum ac coniunctio, nascens ex constitutione Ecclesiæ inter aliquos ex Baptismi & Confirmationis col-

lutione

latione, vel recipientis hæc Sacramenta susceptione; indeque Spiritualis dicta est, *c. ult. h. t. in 6.*

Dixi, ex constitutione Ecclesiæ; quia cum hæc Sacramenta nullum habeant fundamentum in iure naturæ, sed ex sola Christi institutione incæperint, nec ullus reperitur in sacra Scriptura locus, ubi illius fiat mentio, non potest hæc cognatio esse Iuris naturæ vel diuini positiui; licet fundamentum aliquod in Iure diuino habeat, quandoquidem 1. *Pet. 1.* appelletur regeneratio per Christum facta per hæc Sacramenta: ac proinde restat, ut sit inducta per Ecclesiam, *can. De eo, can. Si quis filiastrum, & alijs multis xxx. q. 1. c. Veniens 9. & similibus h. t. c. 1. eod. in 6.*

Ideo autem nascitur potius ex Baptismo & Confirmatione, quam ex alijs Sacramentis, quia per Baptismum & Confirmationem, & non per alia Sacramenta, renascitur & regeneratur homo ad vitam æternam, seu vnus ab alio recipit esse quoddam spirituale, *can. 1. 2. & 3. xxx. q. 3.* Et in his Sacramentis ministrans est quasi generans, susceptor verò siue patrinus est quasi mater, quæ nomine Ecclesiæ in suo gremio suscepit baptizatum & confirmatum. Et propterea ut per naturalem natiuitatem naturalis exurgit cognatio, impediens & dirimens matrimonium, ita per spirituales spiritualis cognatio oritur, similiter impediens & dirimens matrimonium, ob peculiarem reuerentiam, quam alter alteri debet, cui maximè repugnat actus coniugalis. Proindeq; cum in alijs Sacramentis non contingat hæc aut similis regeneratio non contrahitur quoque aliqua cognatio, spiritualis, *c. fin. §. fin. in 6.* Nam licet conferant esse spirituale gratiæ, non tamen id faciunt per modum spiritualis regenerationis, sed vel per modum alimentationis aut reconciliationis, ut Eucharistia, vel per modum sanationis aut reconciliationis, ut Pœnitentia.

Contrahitur hæc cognatio Iure Decretalium inter baptizatum & patrinum patrinamve siue susipientem de baptismo, interque eundem baptizatum & susipientis liberos atque uxorem, ante susceptionem carnaliter ab eodem cognitam: item inter susipientem ac baptizati patrem matremque: ac denique inter baptizatum & baptizantem, eiusque filios & filias, *c. 3. 4. 6. & 8. h. t. c. 1. eod. in 6.* Iisdemq; modis ex confirmatione oritur, *d. c. 1. §. fin. eod. in 6.* Et ideo si inter hos contrahatur matrimonium, Iure Decretalium esset dirimendum. Possunt tamen eodem iure filij compatrum matrimonio inter se iungi, modò per neutrum eorum deuentum sit ad compaternitatem, & modò non obstat consuetudo loci, *d. c. 1. & 3. h. t.*

Cæterum Conc. Trid. *Sess. 24. cap. 2. De reformat. matrim.* grauissimis de causis hanc cognitionem spirituales nonnihil coarctauit;

Rrrr iij

statuit.

statuitq; ut vnus tantum, siue vir siue mulier, iuxta sacrorum Canonum instituta, vel ad summum vnus & vna baptizatum de Baptismo suscipiant; inter quos ac baptizatum ipsum, & illius patrem & matrem, nec non inter baptizantem & baptizatum, baptizatiq; patrem & matrem tantum cōtrahatur spiritualis cognatio. Et pauld post, Ea quoq; cognatio, inquit, quæ ex Confirmatione contrahitur, confirmantem & confirmatum, illiusq; patrem & matrem, ac tenentem non egrediatur: omnibus inter alias personas huius spiritualis cognitionis impedimentis omnind sublati.

- 7 Ex quibus verbis Sanchez *De matrim. lib. 7. Disp. 10.* existimat cognitionem spiritualem imperfectam, quæ Iure Decretalium oriebatur ex Catechismo inter easdem personas, inter quas ex Baptismo oriebatur, *c. Contracto 5. h. t. c. 2. eod. in 6.* (eò quod Catechismus ex natura sua sit quoddam initium Baptismi & regenerationis spiritualis) esse sublatam, cognitionisque spiritualis impedimentum similiter sublatum, præterquam in casibus ibi expressis, inter quos non recensetur Catechismus.
- 8 Dirimit verò cognatio spiritualis matrimonium postea contractum dumtaxat, *c. Veniens 6. h. t. d. c. 1. eod. in 6.* non verò antea contractum, si superueniat, *c. Si vir 2. h. t.* Nam nec vllum aliud impedimentum dirimit matrimonium, antea legitime contractum, licet vsum eius, id est, petitionem debiti impedire possit. Si quis enim filiam suam baptizet scienter, extra casum necessitatis, non potest ab vxore sua debitum petere, licet reddere teneatur, *d. c. 2.* Et licet aliquando separatio concubitus coniugum ob id indicta fuerit, *can. 1. xxx. q. 1.* tamen id postea fuit reformatum, *can. Nosce, can. Dictum d. loco.*

TITVLVS XII.

De cognatione legali.

1. Qua dicatur Cognatio legalis.
2. Impedit contrahi matrimonium & dirimit contractum inter ascendentes & descendentes.
3. Inter collaterales tantum durante adoptione.
4. Inter fratres adoptiuos eorumq; liberos, & similes cōsistit matrimoniū.

1 **C**ognatio legalis est proximitas per adoptionem alicuius pro-
ueniens: inde appellationem hanc sortita, quod primū à legibus ciuilibus inuenta & inducta sit, §. *Sed si quia Institut. De nuptijs*: deinde à sacris Canonibus accepta & approbata, *c. vnico h. t. can. Ita diligere xxx. q. 3.*

- 2 Hæc non solum impedit matrimonium contrahi, sed etiam postea contractum

contractum dirimit. Et quidem in infinitum inter eos, qui per adoptionem sibi parentum liberorumque loco esse cœperint: veluti inter adoptantem & adoptatum, eiusque liberos seu descendentes: inter adoptantem & uxorem adoptati, quæ est illi instar nurus: ac rursus inter adoptatum & uxorem adoptantis, quæ illi est instar noueræ, *d. Van. Ita diligere, l. Adoptiuus 14. l. Qui etiam 55. D. De ritu nupt.* Ad eò ut ne quidem dissoluta per emancipationem adoptione contrahere valeant, quia in nuptijs contrahendis non tam spectandum quid liceat, quàm quod honestum est, naturale scilicet ius, sola honestate ac solo pudore constans, *d. l. Adoptiuus 9. 2. in fine, l. Semper 197. D. De R. I.* honestum autem non est, ut qui parentum loco fuerunt, veliunt, contrahant cum ijs, qui fuerunt vel sunt loco liberorum.

In alijs vero, qui per adoptionem parentum liberorumque locum non obtinent, sed fratrum sororumve & à latere venientium, veluti inter filios naturales adoptantis, in eius potestate existentes, & adoptatum, impedit quidem & dirimit matrimonium hæc cognatio, sed eousque tantum, donec manet adoptio, *l. 17. D. De ritu nupt. d. c. unico h. t.* ubi dicitur, inter filium legitimum & sororem adoptiuum nuptias consistere non posse, quamdiu durat adoptio: nã verba illa, consistere non posse, insinuant satis, dissoluendum esse matrimoniũ, vel permanere non posse. Adde, quòd verbum, potest, præposita negatione tollat potentiam & reddat actum nullum, *Glos. in c. 1. De R. I. in 6.* Ratio est, quia honestas nõ patitur, ut quis cum sorore, licet adoptiua, matrimonium contrahat, quamdiu durat adoptio, quæ imitatrix est naturæ. Quà dissoluta siue per mortem adoptantis, siue per emancipationem, cum non sint amplius fratres & sorores, tanquam cessante causâ cessat hæc prohibitio, ut & durante eâ durat, cum sit ob interpretatiuam tantum filiationem, ex adoptione prouenientem. Secus atque in quasi ascendentibus & quasi descendentibus, quia reuerentia, quam debet adoptatus, cum sua uxore & suis descendentibus, adoptanti, eiusque uxori, est perpetua, & proinde perpetua etiam prohibitio.

Cæterum inter adoptantem & adoptiui parentes, itemque inter fratres sororesve adoptiuos, id est, adoptatos ab eodem parente, potest consistere matrimoniũ, quia inter eos nullo iure cognatio inducta reperitur. Nã *d. c. unicum h. t.* loquitur de vera filia patris adoptantis, quæ incœpit esse soror adoptiui fratris, filij scilicet adoptati à suo legitimo patre.

A fortiori etiam filij duorum fratrum adoptiuorum, & rursus filia illegitima adoptantis & adoptatus matrimonio iungi possunt, ob eandem rationem, quia si cognatio hæc inter filios legitimos & adoptiuos cesset, soluta patriâ potestate, minus etiam eadem contrahitur, ubi filius vel filia talis est, ut non sit in patria potestate, qualis est illegitimus.

Non

Non obstat *d. canon Ita diligere xxx. q. 3.* vbi dicitur, inter eos, qui naturâ, & eos qui adoptione filij sunt, non contrahi matrimonia: quia ibi per filium naturalem intelligitur legitimus, diciturque naturâ filius siue naturalis, non vt distinguatur à legitimo, sed à spirituali.

Non obstat etiam, quod filius illegitimus non possit contrahere cum consanguineis seu patris; vnde sequi videbatur, quod nec cum adoptiua ipsius filia: quia prius fit propter vinculum naturale consanguinitatis cum patre, eiusque consequenter consanguineis. Iam autem cum adoptiuis nullum est vinculum naturale, sed ciuile dumtaxat: & hoc quidem cum cesseret, solutâ patriâ potestate, non contrahitur inter eos matrimonium, qui in patriam potestatem non transeunt. Ob hanc eandem causam potest pater adoptans contrahere cum filia filia suæ adoptiua, quia cum hæc non sit in potestate matris, non potest transire in potestatem adoptantis matrem. Videatur de his latius Sanchez *De matrim. lib. 7. Disp. 63.*

TITVLVS XIII.

De eo, qui cognouit consanguineam vxoris vel sponsæ suæ.

1. *Affinitas orta ex copula illicita, soluit sponsalia de futuro.*
2. *Non etiam sponsalia de presenti.*
3. *Incestus impedit exactionem debiti, & contrahi aliud matrimonium.*
4. *Non tantum ex parte viri, sed & vxoris, incestum committentis.*
5. *Idq, v, que ad secundum affinitatis gradum, ex decreto Conc. Trid.*
6. *Incestus tamen formalis sit oportet & consummatus.*
7. *Differentia inter incestum cum consanguinea vxoris & consanguineo sponsa.*

CUm duobus superioribus Titulis actum sit de cognatione spirituali & legali, ordo postulabat, vt de cognatione carnali seu naturali ageremus, verum visum fuit non importunum, si prius satisfaceret dubio de ijs impedimentis, quæ quidem tunc cum sponsalia vel matrimonium inter aliquos contraherentur, nulla erant, sed postmodum inter eosdem, contractis iam sponsalibus vel matrimonio, superuenerunt; cuiusmodi est affinitatis cognatio, quæ oritur ex copula habita cum consanguinea vxoris: de hac enim dubitari etiam poterat, vtrum impediret & dirimeret matrimonium.

Si quis

Si quis igitur cognouerit consanguineam sponsæ suæ de futuro, eiusmodi sponsalia de futuro legitimè contracta dissoluuntur, neque illi eandem sponsam suam, vel etiam aliam, licet vxorem ducere, potest: que illa impune alteri nubere, *c. Ex litteris 8. cum c. seq. & ult. h. t.*

Dixi, vel etiam aliam; quia huiusmodi fornicatio cum consanguineis sponsæ non solum impedit contrahi matrimonium cum sponsa, sed etiam cum alia, ut patet ex *c. 2. h. t. ibi, Quod si matrem sponsa sua cognouit, & sponsa numquam carnaliter adhasit &c. poterit ex desponsatione cum alia matrimonium contrahere*: nam in textu illo intelligit necessariò Pont. sponsam de futuro, & non de præsentì; quia tunc ne quidem posset ex dispensatione cum alia contrahere, cum qua tamen posse contrahere dicitur, nempe solutis iam sponsalibus de futuro, ob contractam cum sponsa affinitatem ex copula cum eius matre. Hoc tamen impedimentum non est perpetuum, sed temporale, quamdiu scilicet uiuit complex delicti, cum quo incestus ille contra publicam honestatem commissus est: nam nec complex, uiuente sponso, nec sponsus, uiuente complice, poterit ullum matrimonium inire. Altero autem virâ functo, poterit superstes liberè ad nuptias trāsire, iuxta text. in *c. Duo pueri 12. sup. De desponsat. impub. ibi, uentri, uiuente altero, dabitur licentia contrahendi*. Et hoc ne delictum, quod contra publicam honestatem, ortam ex sponsalibus, accedendo ad sponsæ consanguineam commisit, maneat impunitum. Ideo verò ad tempus dumtaxat inducitur hoc impedimentum, quia non est propriè incestus, nec tantum crimen, quantum cum consanguinea vel affine committitur.

Dixi etiam, sponsæ de futuro; quia si quis cognouerit consanguineam sponsæ suæ de præsentì, non dissoluuntur sponsalia, cum illa sint ipsum matrimonium, & affinitas ex fornicatione superueniens non dissoluat matrimonium, *c. 1. 2. 4. 5. 6. & c. Tuae fraternitatis 10. h. t.* Sed in pœnam tam grauis peccati fornicator ille non potest ab vxore sua exigere debitum, quia iam illi affinis est, reddere tamen vxori petenti tenetur, *d. c. 1. & c. Transmissa 4. h. t.* quia hæc, cum non fuerit particeps criminis, non debet sine sua culpa puniri & priuari iure suo, *d. c. 10. in fine, & c. Discretionem 6. versic. Sed nec affinitas h. t.* Idem dicendum, etiam si quis sponsæ suæ de futuro consanguineam in gradu prohibito cognouerit, & postea cum eadem sponsa matrimoniū contraxerit: nam quamuis grauius peccet, cum ea postea matrimonium contrahendo, tamen contractum non dissoluitur; verum ob enormitatem criminis non licet ei ab vxore petere debitum; reddere tamen tenetur, dummodò sponsa, ignara eiusmodi delicti, cum eo contraxerit: alioqui si, priusquam contraheret, illius fuerit conscia, non poterit etiam ipsa à marito suo debitum exigere, *d. cap. Ex*

listeris h. t. Sibi enim imputet necesse est, quòd ab eo se non segregarit, antequam contraheret, vti poterat, dissolutis sponsalibus de futuro, per affinitatem ex fornicatione subortam.

3 Cæterum non solum prohibetur sponsus, qui cognouit consanguineam vxoris suæ, exigere ab vxore debitum, & quidem perpetuò, sed & eidem interdicitur aliud quodcumque matrimonium, vxore mortuâ, propter iniuriam, quam intulit matrimonio.

4 Idque obtinet etiam in vxore, si incestum commiserit cum consanguineo viri sui, ob eandem rationem: nam *canon Si quis viduam xxxii. q. 7. & canon Si quis cum matre xxxiv. q. 2.* dum hoc impedimentum constituunt, expressè loquuntur de fœmina. Vt proinde non obstat, quòd omnes textus huius Tit. statuentes hoc impedimentum, loquantur de solo viro, cognoscente vxoris consanguineam. Non obstat quoque, quòd textus imponentes pœnas raptori fœminæ, non extendantur ad viri raptricem: quia id fit ex eo, quòd raptus fœminæ frequens sit, raptus autem viri rarissimus; ideoque leges, quæ aptantur ijs, quæ communiter accidunt, constituerunt pœnas, soli raptui fœminæ, prætermisso raptu viri, tanquam raro. At verò incestus non minùs frequens est in fœmina, quàm viro, & in utroque par prorsus militat ratio, nempe iniuria matrimonij.

Præterea non ipsis solum coniugibus, huiusmodi incestus reis, interdicitur aliud matrimonium, sed etiam illis consanguineis coniugis, cum quibus alter coniugum huiusmodi incestum commiserit, ut patet ex *d. c. 1. h. t. ibi Si quis cum filiastra sua scienter fornicatus fuerit, nec filiastra, nec ille vllò vnquam tempore alijs se poterunt matrimonio copulare.* Cuius ratio est, quòd & ipsi iniquè concurrerint ad iniuriam irrogandam matrimonio, contractâ affinitate inter coniuges, ex qua impeditur vsus matrimonij: nam inde meritò quoque puniuntur in matrimonio, sicut & coniux ipse, qui incestum cum illis commisit.

Verius etiam est, hoc impedimentum perpetuum, tam quoad petitionem debiti, quàm quoad aliud matrimonium contrahendum, incurrere eum, qui cognoscit consanguineam sponsæ de præsentì ante consummatum matrimonium, non minùs, quàm si post consummatum cognoscat, *d. cap. 1. & d. cap. Transmissa h. t.* latè Sanchez *De matrim. lib. 7. Disp. 15.*

5 Porro, licet impedimentum hoc de iure communi vsq; ad quartum gradum protenderetur, tamen ex quo Conc. Trid. coarctauit affinitatem, ex fornicatione ortam, vsque ad secundum gradum, etiam consequenter hoc impedimentum coarctauit, ut non oriatur nisi ex incestu cum consanguineis alterius coniugis, intra secundum gradum.

6 Incestum intellige formalem, id est, cum illa, quam quis sciuerit esse consanguineam.

consanguineam sponsæ vel vxoris suæ, & è diuerso, *d. c. i. h. f.* Item consummatum, quia ratio huius impedimenti est affinitas iniquè contracta, impediens vsum matrimonij: iam autem copula non consummata producere non potest huiusmodi affinitatem, ac proinde nec hoc impedimentum: quod cum sit pœnale, etiam sic restringendum est, vt delictum consummatum exigat.

Non refert tamen, an is incestus seu copula incestuosa contingat, viuente adhuc vxore, an mortuâ, *d. c. Transmissa*: vt neque, an sit occulta, an notoria. Nec item prærequiritur sententia Iudicis, vt inducat hoc impedimentum, vt docet Sanchez *d. loco*: vbi latè disputat *num. 5.* an hoc quoque impedimentum oriatur ex incestu cum proprijs consanguineis. Et negatiuè resoluit, eo quòd sit pœna, ac proinde restringendum; cùm etiam textus, hoc impedimentum statuente, non loquantur expresse de incestu cum consanguineis proprijs. Nec obstat, quòd hic incestus sit in se grauior, quàm incestus cum consanguinea vxoris: quia non ita offendit matrimonium, & quandoquidem ex illo non oriatur affinitas, nec impedimentum vsum matrimonij; & incestus non tam sit impedimentum ratione culpæ quàm ratione affinitatis, ab ipso ortæ: hæc autem solum oritur cum consanguineis. Ita Sanchez *d. loco*.

Denique differentia hæc est inter incestum cum consanguinea vxoris, & cum consanguineo sponsæ de futuro, quòd ille impedimentum præstet perpetuum, impediens tam petitionem debiti, quàm matrimonium contrahendum, non tamen contractum dirimens; hic verò sit impedimentum dumtaxat temporale, quoad matrimonium cum alia contrahendum, nempe quamdiu viuit sponsa; nam eâ mortuâ potest sponsus ad nuptias transire.

TITVLVS XIV.

De Consanguinitate & Affinitate.

§. I. De Consanguinitate.

1. 2. Cognatio naturalis quid sit & quotuplex.
3. Agnati & Cognati qui dicantur.
4. Cognatorum alij Ascendentes, alij Descendentes, alij Collaterales.
5. Inter ascendentes & descendentes prohibita nuptia in infinitum.
6. Inter collaterales differentia inter Ius Civile & Canonicum.
7. Eaq; prohibitio etiam inter seruos obrinet.

Superest videndum de cognatione carnali seu naturali, quæ inter cetera matrimonij impedimenta principem ferè locum tenet, & consistit in consanguinitate, ad quam accedit ea personarum propinquitas, quæ Affinitas dicitur.

- 1 **Cognatio Naturalis** seu Consanguinitas est vinculum seu propinquitas siue coherentia personarum, ex eodem stipite seu sanguine propinquo descendentium, vel quarum vna ab altera verè descendit. Vnde & Consanguinei dicuntur, quasi vno sanguine iuncti.

Addidi, propinquo; ne quis inferat, nos omnes esse inuicem cognatos, quia habeamus communem parentem Adamum: nam hîc de propinquo parente agitur, cuius intuitu matrimonium vel permittitur vel interdicitur, *text. singularis in can. 1. xxxv. quest. 1.*

- 2 **Cognatio Naturalis** generaliter sumpta diuiditur in Agnationem & Cognationem, specialiter dictam, contractâ voce generis in speciem, quæ quia proprio nomine caret, voce generis appellatur: ad eum modum, quo adoptio generaliter sumpta diuiditur in arrogationem & adoptionem specialiter dictam. Alioquin Cognatio nomen generis est, & Agnatio semper speciei, & alterum ciuile, alterum naturale nomen est, *l. Iurisconsultus §. 1. D. De gradib. & affinibus.*

- 3 **Agnati** dicuntur, qui ex eodem sanguine per virilem sexum descendunt, *§. 2. Institut. De legit. agnat. successionem.* Et Agnatio est horum propinquitas.

Cognati verò specialiter dicuntur, qui ex eodem sanguine per matrem seu lineam fæmineam descendunt, *d. §. 2.* Et horum propinquitas dicitur Cognatio specialiter dicta. Cognatorum & Agnatorum differentiam sustulit Iustinianus quoad successiones, *Novel. 118. De heredib. ab intestato venient. §. Nullum verò volumus.*

- 4 **Cognatorum** autem generaliter sumptorum alij sunt Ascendentes, vt parentes, qui scilicet nos genuerunt, veluti pater, mater, auus, auia, proauus, proauia, & qui supra hos sunt: alij Descendentes, vt qui ex nobis nascuntur, veluti, filius, filia, nepos, neptis, pronepos, proneptis, & qui vltra sunt. Nam licet apud Romanos Ascendentium nomen latiùs pateat, quàm Parentum, sicut & Liberorum nomen angustius, quàm Descendentium, vt constat ex *d. l. Iurisconsultus §. Parentes 7. vbi parentes vsq; ad tritaum proprio vocabulo nominantur; vteriores, qui non habent speciale nomen, Maiores; liberi verò vsque ad trinepotem, & qui vltra sunt, Posteriores vocantur: latiùs tamen hîc Parentum & Liberorum vocabulum vsurpamus.* Alij denique sunt Collaterales seu transversales, qui scilicet neque nos genuerunt, neque à nobis geniti sunt, sed eandem nobiscum stirpem communem habent, veluti frater

frater & soror, atque ex ijs descendentes, patruus & auunculus, alijque similes.

Inter Ascendentes & Descendentes seu parentes & liberos nuptiæ prohibentur, & quidem in infinitum. *l. Nuptia, iuncta l. Nihil D. De ritu nupt. §. Ergo non omnes Instit. De nupt.* Et in hac nuptiarum prohibitione non est differentia inter ius Canonicum & Civile, neque summus Pont. super ea dispensare potest, quia est Iuris naturalis, quod est immutabile.

Inter Collaterales verò seu transuersales prohibentur etiam nuptiæ, non tamen in infinitum; sed Iure Civili vsque ad quartum gradum exclusivè Iure verò Canonico veteri vsque ad septimum, *can. 1. can. Nullum, can. Nulli, & alijs xxxv. q. 2.* adeò vt, licet aliquando sexto generationis gradu propinquitatis generis terminaretur, vt patet ex *can. 1. xxxv. q. 4.* permissumque fuerit Anglis matrimonium in quarto & quinto gradu, *can. Quadam lex terrena 20. ead. causa q. 2.* tamen id postmodum sit prohibitum, *can. Contradicimus seq. ibid.* At verò Iure Pontificio nouo redacta est hæc prohibitio ad quartum consanguinitatis gradum inclusivè, *c. Non debet 8. h. t. nec valet contra hanc prohibitionem consuetudo, sed tamquam corruptela reprobatur: licet consuetudo personas alioqui legitimas, ad contrahendum reddens illegitimas, seruanda sit, si ex eius non obseruantia nasceretur scandalum, c. 1. & c. Super eo sup. De cognat. spiritali.* Infideles tamen coniuncti in gradu prohibito à lege Canonica post baptismum non separantur, *c. De infidelibus 4. h. t. c. Gaudemus inf. De diuortijs.*

Hæc autem prohibitio intra quartum gradum consanguinitatis inclusivè de iure Canonico, vel etiam intra tertium de Iure Civili, in seruis quoque obtinet, *§. illud Institut. De nuptijs.* Nam licet cognatio seruitute amitti dicatur, imò serui de iure Civili pro nullis aut mortuis habeantur: id tamen intelligitur quoad ius successionis, testamentorum, tutelaram, aliorumque similium. Alioqui naturâ inspectâ dicitur etiam inter seruos cognatio, quæ scilicet in seruitute naturaliter contracta est, *Instit. De serui cognat. & in nuptijs contrahendis obseratur.* Ideoque matrem suam ex seruitute manumissam filius manumissus ducere uxorem non potest; vti nec frater sororem, sororisve filiam, quia in contrahendis matrimonijs naturale ius, naturalisve pudor inspiciendus est, *l. Adoptiuus 14. §. 2. D. De ritu nupt.* & iure naturali omnes homines sunt æquales: nec potest ratio civilis tollere ea, quæ sunt iuris naturalis.

§. II. De gradibus cognationum eorumque subductione.

1. *Linea cognationum triplex.*
2. *Graduum computatio in linea recta eadem est utroque Iure.*
3. *In linea transversali est diuersa, & ratio differentia.*
4. 5. *Duplex Regula hic spectanda iure Canonico.*
6. *Nihilq, refert, quales sint media persona.*

I **C**onsanguinitas seu cognatio distinguitur per lineas, & lineas per gradus. Linea est ordinata series personarum, sanguine iunctarum. Estque triplex, Ascendentium scilicet, Descendentium, & hæc utraque recta, ac Collateralium, quæ etiam transversa vocatur. In qualibet autem plures sunt gradus, tanquam in scala quadam: dicuntur enim gradus cognationum à similitudine scalarum, locorumque procliuium, quos ita ingredimur, ut à proximo in proximum, id est in eum, qui quasi ex eo nascitur, transeamus, *l. vii. §. gradus 10. D. De gradibus & affinib.*

Quod ut facilius intelligatur, concipiendæ sunt personæ, tamquam puncta quædam, gradus verò, tamquam lineæ inter eiusmodi puncta seu personas ductæ, ita ut, quot sunt lineæ, tot constituentur gradus. V. G. concipiantur pater & filius veluti duo puncta, & inter eos concipiatur una linea, & rursus alia inter filium & nepotem, eodem modo consideratos, & sic deinceps progrediendo. Hinc gradus, sicut & lineæ, alij sunt superioris ordinis seu ascendentium, alij inferioris seu descendentium, alij denique collateralis ordinis seu collateralium, *l. i. D. De gradib. & affinib.*

2. Quantum ad subductionem & numerationem graduum attinet, in linea recta seu inter ascendentes & descendentes nulla est differentia inter ius Civile & Canonicum: nam quot hinc sunt personæ, totidem sunt gradus, unâ demptâ. Ideoque pater & filius sunt in primo gradu; filius & auus in secundo; filius & proauus in tertio; & sic deinceps. Vel hoc modo descendendo, filius & filia sunt in primo gradu; nepos & neptis in secundo; pronepos & proneptis in tertio; & sic deinceps. Ascendendo verò in primo gradu sunt pater & mater; in secundo gradu auus & auia; in tertio proauus & proauia; in quarto abauus abauia; & sic deinceps, *l. i. 3. & 10. D. eod.* Ratio est, quia cum pater & filius omnium ordinum, superioris

superioris, inquam, inferioris & collateralis primum gradum constituent, necessum est, vt quacumque versus quis progrediatur, vltèriùs transeat, & sic ad secundum gradum.

At verò in linea transuersali magna est differentia inter ius Ciuile & Canonicum. Primò quidem, quia iure Ciuili nullus est primus gradus in transuersalibus, l. 1. §. 10. D. *ead.* Iure Canonico etiam in ijs datur primus gradus. Secundò, Iure ciuili in transuersalibus tot sunt gradus, quot generationes; ideoque frater & soror eo iure secundum gradum constituunt, d. l. 1. & l. 10. §. 9. *ead.* quia interueniunt duæ generationes, nempe fratris & sororis: nam ascendendo à fratre ad communem patrem, habes vnā generationem: rursus descendendo ab eodem communi patre ad sororem, habes secundam generationem, nempe sororis, ac proinde secundum gradum.

Et ita quidem iure Ciuili numerantur gradus, propter successionem hæreditariam, *can. Ad sedem xxxv. q. 5.* in qua patris vel matris persona prior numeratur, exclusis fratribus & sororibus defuncti, d. l. 10. §. 9. Nisi quòd hodie fratres & sorores simul & vnā cum parentibus succedant, ex Iustiniani Constitutione, *Novel. 118. De hæredibus ab intestato venient.* Et ideo cùm ius Ciuile non habeat specialem rationem graduum in ordine ad matrimonium, permittit illud inter patruales ac consobrinos, id est duorum fratrum vel duarum sororum liberos, §. *Duorum Instituit. De nuptijs:* quod damnat ius Canonicum, quo frater & soror constituunt primum gradum, & eorum filij secundum.

Nam in ijs, qui æqualiter à communi stipite distant, iure Canonico obtinet hæc Regula, vt quoto gradu distant à communi stipite, eodem distent inter se, d. *can. Ad sedem can. Parentela xx xv. qu. 5.* ac proinde duo fratres sunt in primo gradu, quia eo gradu distant à proximo communi stipite, nempe patre. Duorum verò fratrum vel duarum sororum filij sunt in secundo gradu, quia eodem coniunguntur in communi stipite, qui est auus. Ratio huius Regulæ est, quia cùm tota & adæquata coniunctionis horum ratio sit vnio cum stipite communi, meritò computatio graduum penes distantiam ab illo desumitur, nec magis vel minùs possunt inter se distare, quàm ab illo distant.

In ijs, qui inæqualiter distant à communi stipite, obtinet hæc Regula, vt quoto gradu remotior distat à communi stipite, eodem inter se distent, c. *vlt. h. t.* quia remotior proximiorē ad se trahit, fauore matrimonij. Deinde si computatio fieret penes distantiam propinquioris, non possent gradus commodè distingui: nam vbi alter esset
in primo

in primo gradu cum stipite, alter verò in tertio vel quarto, coniungerentur inter se in primo gradu, instar fratrum, cum tamen implicet coniunctiores esse inter se, quàm cum stipite, à quo sumitur adæquata ratio propinquitatis eorum inter se. Itaq; iure Pontificio patruus vel auunculus tuus tibi secundo gradu est coniunctus, quia cum sis remotior à communi stipite, nempe auo tuo, quippe ab eo distans duobus gradibus, cum interim patruus vel auunculus tuus ab eodem distet vno tantum, sequitur, iuxta præcedentem regulam, quod à patruo vel auunculo tuo distes duobus gradibus, & è contra. Nam ius Canonicum semper duos, de quorum coniunctione matrimoniali quæritur, in vno eodemque gradu constituit, à fratribus & sororibus incipiendo, ibidemque primum gradum constituendo; secundum verò in fratrum & sororum filijs, & ita deinceps descendendo.

- 6 In hac autem graduum supputatione nihil refert, an mediæ personæ sint in rerum natura, an sint naturales & legitimæ simul, an verò naturales tantum, *l. Et nihil interest* § 4. D. De ritu nupt. an sint ingenuæ, vel servæ, vel libertæ, *d. l. Adoptivus* 14. D. eod. quia hic ius naturale sanguinis spectatur.

§. III. De Affinitate.

1. Quid sit Affinitas, qui Affines, & unde dicti.
2. Oritur affinitas secundum Canones etiam ex illicito coitu.
3. Gradus affinitatis computantur exemplo graduum consanguinitatis.
4. Prohibitio matrimonij propter affinitatem quousque extendatur.
5. De triplici genere affinitatis.

Affinitas est vinculum, resultans ex vnione duorum in vnam carnem, per carnalem copulam. Quamuis enim Affines ex vi vocis dicantur, qui confines agros possident, translative tamen Affines sunt viri & vxoris cognati, dicti ab eo, quòd due cognationes, inter se diuersæ, per nuptias copulentur, & altera ad alterius cognationis finem accedat, *l. Non facile* 4. §. 3. D. De gradib. & affinib. (vbi affinium nomina hæc numerantur & explicantur, socer, socrus, gener, nurus, nouerca, vitricus, priuignus, priuigna, leuir, glos:) non quòd cognati viri & vxoris inter se affines sint, & iungi matrimonio prohibeantur, id enim falsum est; sed quòd cognati viri fiant affines vxori, & è contrà, cognati vxoris fiant affines viro, vt explicatur in *can. Porro* xxxv. q. 5. Ad cæteros verò affinitas non porrigitur, *c. Quod super h.* r. Ideoq; consanguinei vxoris rectè matrimonium contrahunt cum consanguineis viri, cessantibus alijs impedimentis: veluti

veluti pater & filius cum matre & filia, item duo fratres cum duabus sororibus, & sic de cæteris consanguineis diuersarum cognationum. At verò vir ipse cum cognatis mulieris, vel ipsa mulier cum cognatis viri sui matrimonio iungi non potest, *d. c. Quod super, & similibus.*

Et licet hæc affinitas iure Ciuili tantum ex nuptijs oriatur, *l. 4. §. 2. 3. D. De gradib. & affinibus*: iure tamen Canonico etiam ex illicito nascitur concubitu, *c. 6. & 10. sup. De eo qui cognouit consang.* quia cum maritus & vxor sint vna caro, *d. can. Porro*, & similiter qui commisceatur meretrici vnum corpus cum illa efficiatur, *can. In eo xxxii. q. 4.* fit vt vtroque casu hæc vnitas, & per consequens affinitas, contingat & proueniat, tam scilicet ex illicito concubitu quam ex licito. Atq; hinc fit, quòd si nulla adhuc carnalis copula inter maritum & vxorem intercesserit, nulla quoque affinitas ex tali matrimonio propriè oriatur, sed tantummodo impedimentum publicæ honestatis, *c. Si quis vxorem cum seq. xxvii. q. 2.*

Tamet si autem affinitatis per se & propriè gradus nulli sint, *d. l. 4. §. 5. D. De gradib.* quia gradus ratione cognationis naturalis, quæ hic non est, dicuntur: tamen, quatenus affinitas in cognatione naturali fundatur, ad illius imitationem etiam gradus habere dicitur, & ad instar graduum consanguinitatis numerantur: nam quoto quisque consanguinitatis gradu attingit maritum, eodem gradu affinitatis attingit eius vxorem, & è contra, *d. can. Porro*: & quemadmodum consanguineorum alij sunt parentum & liberorum, ita & affinium alij sunt parentum & liberorum loco; inter quos, sicut inter consanguineos ascendentes & descendentes, nuptiæ prohibentur in infinitum: alij etiam ex transuerso coniuncti sunt; inter quos olim, sicut & inter consanguineos collaterales, nuptiæ prohibebantur, ad septimum vsque gradum, *c. Nullum in vtroque & similibus xxxv. q. 3.* * Verum hodiè, exemplo consanguinitatis, redactum est hoc impedimentum matrimonij, ex affinitate consurgens, vsque ad quartum gradum inclusiue, *c. Non debet 8. vers. Prohibitio h. t. Quamuis Conc. Trid. sess. 24. cap. 4. De reformat. matrim.* idem impedimentum, quatenus propter affinitatem ex fornicatione contractam inducitur, & matrimonium postea contractum dirimit, ad eos tantum, qui in primo & secundo gradu coniunguntur, restrinxerit, statuendo vltèrius, vt in vltèrioribus gradibus huiusmodi affinitas matrimonium postea initum non dirimat.

Quod verò dicitur matrimonium dirimi per affinitatem præcedentem, intra quartum gradum (eo quòd, cum per mutuam corporum coniunctionem vir & mulier vna caro fiant, meritò alter ab alterius consanguineis, æquè vt à proprijs, vsque ad eum gradum absti-

nere debeat, *c. 1. vers. aequè enim h. tit.*) intelligendum est de affinitate primi generis, non secundi, tertij, vel vltterioris, *d. c. 1. & c. Non debet h. tit.* vbi Glos. copiosè explicat, quid sit primum, secundum, & tertium genus affinitatis. Exemplo res clara fiet. V. G. Vxor fratris mei est mihi meisq; consanguineis affinis in primo genere affinitatis: mortuo verò fratre meo, si illa alteri nubat, hic secundus eius maritus erit mihi meisq; consanguineis affinis in secundo genere affinitatis: & rursus, mortuâ vxore fratris mei, si hic secundus eius maritus aliam vxorem duxerit, illa me cæterosq; consanguineos meos continget in tertio affinitatis genere: nam copula addita copulæ efficit hæc diuersa genera affinitatis. Iure itaque veteri inter affines cuiuscunque generis prohibitæ erant nuptiæ, *can. 1. seq. xxxv. q. 1. & similibus.* Verùm postmodum in *d. c. Non debet.* hoc impedimentum reductum est ad primum genus affinitatis. Vide Glos. *ibid.*

§. IV. De Iustitiâ publicæ honestatis.

1. *Quid sit impedimentum Iustitiæ publicæ honestatis.*
2. *Vnde oriatur, & quousque extendatur iure Decretalium.*
3. *Conc. Trid. Decretum de hoc impedimento.*

Iustitiæ publicæ honestatis, cuius à nobis etiam antè facta fuit mentio, affinitatem quandam habet cum affinitate, de quâ iam egimus, & præstat impedimentum quoddam contrahendis matrimonijs. Est enim Iustitiæ publicæ honestatis propinquitas quædam ex sponsalibus aut matrimonio orta: nam sicut ex carnali copulâ, siue licita, siue illicita, oritur quædam affinitas inter virum & consanguineos vxoris, & è contrâ, ita ex sponsalibus & matrimonio rato non consummato, aut etiam illicito & inualido, oritur inter sponsam & consanguineos sponsi, & è diuerso, inchoata quædam affinitas, *l. 8. D. De gradib. & affinib.* quam communiter appellant Iustitiâ publicæ honestatis seu Publicam honestatem, *c. vnico De sponsalib. in 6.* eo quod publica honestas dicter & exigat, vt sponsus à cognatis sponse suæ, & contrâ sponsa à consanguineis sponsi sui, abstineat, *c. 3. 4. & 8. sup. De sponsalibus.*

2 Oritur autem hoc impedimentum ex sponsalibus, certis quidem & puris, mox atque contracta sunt: ex conditionalibus verò post conditionis demùm euentum, *d. c. vnico.* Et quidem Iure Decretalium nascebatur non solum ex sponsalibus legitimè contractis, sed etiam ex contractis perperam & inualidè, ob causam consanguinitatis, affinitatis, religionis, vel aliam similem, dummodò non essent nulla ex defectu

fectu consensus, *d. c. vnico*. Eodem Iure Decretalium hoc impedimentum quarto gradu circumscriptum erat, *d. c. Non debet*.

Cæterum ex Conc. Tridentini Decreto, *Seff 24. cap. 3. De reformat. 3 matrimon.* non oritur ex sponsalibus, quâcumque ratione inualidis & nullis, sed ex validis tantum; & quidem quoad sponsalia de futuro, non ultra primum gradum, & sic per dictum Condilium correctum fuit ius antiquum quoad sponsalia de futuro. Alioquin sponsalia de præseni, quamuis illicita sint & inualida ob aliquod impedimentum, modò non sint nulla ex defectu consensus, inducunt hoc impedimentum vsque ad quartum gradum, prout colligitur ex *d. c. vnico*. quia illa non continentur in restrictione per Concilium facta ad primum gradum, sed remanserunt in terminis Iuris communis, vt declarauit Pius V. Constitut. incip. *Ad Romanum*, quam refert Piassec. 2. p. cap. 4. art. 4. num. 21. Nascitur enim hoc impedimentum post Conc. Tridentinum ex matrimonio clandestino seu nulliter contracto ob non seruata formam Conc. prout declarauit Congregatio Cardd.

TITVLVS XV.

De frigidis & maleficiatis & impotentia coeundi.

1. Vir aut mulier quando impotens ad coitum censeatur.
2. Impotentia perpetua & immedicabilis impedit matrimonium.
3. Sciens cum impotente contrahens non separandus.
4. Impedimentum hoc vel naturale est vel accidentale.
5. 6. 7. Dissolutio matrimonij ex causa impotentia iudicio Ecclesie facienda.
8. An spado matrimonium contrahere possit.

INter impedimenta matrimonij numeratur etiam impotentia coeundi perpetua, siue illa ex frigidityte viri, siue ex maleficio seu veneficio aliâve ex causa proueniat.

Impotentia autem coitus seu copulæ in viro tunc esse censetur, quando nequit consummare copulam coniugalem, emittendo semen in matricem: ex parte vero mulieris, quando est arctior, vt mulier fieri non possit, vel viri semen retinere vilo modo nequeat, *l. Quæritur 14. §. mulierem 7. D. De adilitio edicto*.

2 Huiusmodi impotentia præcedens matrimonium, si sit perpetua & immedicabilis (prout censetur esse, quando sine miraculo aut gravi læsione corporis vel probabili periculo animæ, cum id solum posse dicamur, quod licitè possumus præstare, Sanchez *De matrim. lib. 7. Disput. 93. nu. 9.* tolli non potest, *c. 30. & 6. h. tit.*) impedit contrahi matrimonium, & postea contractum dirimit, si alter coniugum hoc petat, & impotentia recto iudicio probetur, *c. 2. 3. 5. 6. & ult. hoc tit.* quia ei repugnat obligatio ad copulam conjugalem, quæ ex matrimonij contractu exurgit; cum impossibile nulla sit obligatio. Ideoq; non potest conualescere, nisi, cessante impotentia, de nouo ineatur, Sanchez *d. loco qu. 2.* Aliàs temporaria impotentia non sufficit, *c. Fratritatis 6. hoc tit.* siue sciatur à potente, siue ignoretur, Sanchez *d. lib. 7. Disput. 92. nu. 4.*

3 Dixi, præcedens matrimonium; quia si matrimonio semel valido siue rato, etiam ante copulam superuenerit, non dirimit illud, *Glos in c. Ex litteris 3. h. t. can. Si uxorem xxxii. qu. 5. can. Si qui, ead. causa q. 7.* Sanchez *d. lib. 7. Disput. 102. ubi alios citat.*

Si verò quis sciens cum impotente contraxerit, non separabitur: verum si non possit habere tanquam maritum vel uxorem, habeat ut fratrem vel sorotem, *c. Consultationi 4. h. t.* ita ut & à concubitu & ab alijs, quæ solis coniugibus licent, absteineat: aliàs separari debet.

4 Hoc autem impedimentum vel est naturale & à principio intrinseco, ut in puero, ob defectum ætatis, qui ut non potest reddere debitum, ita non est aptus coniugio, *c. 2. h. t.* ut in viro ita frigido, ut mulieri cōmisceri non possit; & in fœmina ita arcta, ut à viro cognosci nequeat, *c. 3. h. t.* Vel est accidentale seu à causâ extrinsecâ: veluti in ijs, qui castrati sunt, *l. 6. D. De liberis & posthumis.* quod peculiare est viris; vel maleficio seu veneficio impediuntur ab actu coniugali, quod utrique sexui commune est; vel quibus sunt collisi aut contriti testiculi.

5 Et ne in dissolutione matrimonij fraus aliqua subsit, non segregantur illicò coniuges, licet vterque alterius impotentiam coram Iudice confiteatur; sed probatione opus est: quæ vel statim ex aspectu corporis per euidentia signa (ut si virilia omninò amputata, aut omninò arida, & sic vi motuâ destituta habeat) liquere potest, & tunc statim fit dissolutio iudicio Ecclesiæ, nullo alio expectato, *c. 2. & c. 5. h. t.* quia taliter impotens non est materia idonea ad matrimonium, quod propterea deficit defectu materiæ. Cumque exstet apertissima probatio, frustra expectabitur euentus triennij vel alterius temporis, cuius nullus induceretur effectus, *c. Cum contingat sup. De officio delegati*; frustra que exigetur iuramentum coniugum, aut septima manus propinquorum, Sanchez *d. lib. 7. disput. 107. n. 3.* Vel non potest statim liquere, & tunc

& tunc debent integro triennio à tempore celebrati coniugij & attentatæ copulæ, Sanchez d. lib. 7. disp. 110. cohabitare, & se fideliter experiri. Lapsoque eo tempore, si ambo fateantur impotentiam, & si iurent vtrimque ad auertendam & tollendam collusionem inter coniuges, cum septima manu propinquorum, id est cum septem propinquis, vel cum septima manu vicinorum, bonæ fidei seu famæ, si propinqui desint, se frustra expertos fuisse, poterit, qui impotentem duxerit, illâ demissâ aliam ducere, sicut & è diuerso, c. *Laudabilem* & *ult. b. t.*

Verùm si deprehendatur postea, illum, qui impotens probatus 6 fuerat, non esse impotentem, quia fortè aliam similem duxerit uxorem, & eam vel aliam fornicariè cognouerit, tunc præterquam quòd illi, qui impotentiam iurarunt, sint rei periurij, tenetur is, qui fuerit solutus, ad uxorem priorem redire, c. 1. & d. c. *Laudabilem b. tit.* Nec hîc obstat exceptio rei iudicatæ, quia sententia lata in matrimonio quoad ipsum matrimonium non transit in rem iudicatam, licet bis confirmata fuerit, aut ab ea non fuerit appellatum. Et proinde quodcumque constat de iniquitate sententiæ, propter periculum animæ, quod resultat ex sententia, separante veros coniuges, & vniente eos, qui coniuges esse nequeunt, retractari potest, c. *Lator presentium*, 7. c. *Tenor*. 10. c. *Consanguinei* 11. *sup. De sent. & re iudicata*, Sanchez d. lib. 7. *Disput.* 100. *Couar. in* 4. *Decretal.* 2. p. cap. 8. §. 12. num. 16. & duobus seqq.

Quòd si vxor ad diuortium prouocet statim, id est post vnum aut 7 duos menses à contractis nuptijs, seu potius à tempore attentatæ copulæ, quia virum impotentem asserat, & vir id neget, re legitimè seu recto iudicio probatâ, siue per signa euidentia & euidenter concludentia, siue per verisimiliter euidentia & verisimiliter solum concludentia, præstito matronarum coniugum, & septimæ manus propinquorum aut vicinorum, alij nubere potest, d. c. 1. *vers. Si autem statim.* Dixi, vel potius à tempore attentatæ copulæ; quia non nisi ab eo tempore mulier nosse potuit, an secum coire vir posset, d. c. 1. Sin autem non statim proclamauerit, sed post annum v. g. vel dimidium, virumque impotentem asserat, & vir id neget, creditur viro, eo quòd sit caput mulieris, cui imputandum, quòd tamdiu tacerit, d. c. 1. *vers. Illa autem.* Attamen hoc intellige, nisi manifestè, veluti per inspectionem, contrarium probari possit.

De Spadone, an contrahere possit matrimonium, dubitatur. Pro 8 resolutione notandum, Spadonis nomen sumi nunc generaliter pro eo, qui generare non potest, siue à naturâ siue ex accidenti: eoque nomine sic sumpto & à naturâ spadones, & thlibiæ id est quibus contri-

ti aut collisi sunt testiculi, & castrati, & si quod aliud spadonum genus sit, continentur, *l. Spadonum, D. De verb. signif.* nunc specialiter & propriè, prout à castrato & thlibia distinguitur, pro eo, qui vitium habet à natura, *l. 2. §. illud D. De adopt.* In spadone igitur ius Civile admittit matrimonium, non verò in castrato, *l. Si serua §. si spadoni D. De iure dotium*, quia cum hoc vitium in spadone plerumque eueniat ex contortione meatuum seminis, vt Medici docent, spes est, quòd amoto & purgato vitio generare possit: secus in castrato. At verò iure Canonico vterque peiperam matrimonium contrahere videtur, ex ratione textus in *c. 2. h. tit.* Et licet de eo spadone, qui aptus est ad copulam, non etiam ad generandum, apud Canonistas dubitatum fuerit: tamen Sixtus V. per litteras quasdam, quas refert Gutierrez *can. Quæst. lib. 1. cap. 16.* eunuchorum & spadonum, utroque testiculo carentium, matrimonia non tantum contrahenda, sed contracta à talibus, declarauit nulla, irrita, & inualida.

TITVLVS XVI.

De matrimonio contracto contra
interdictum Ecclesiæ.

1. *Interdictum Ecclesiæ, est impedimentum impediens.*
2. *Similiter impedimentum temporis interdicti.*

Postremo loco inter impedimenta matrimonij refert Pont. interdictum Ecclesiæ seu prohibitionem Iudicis Ecclesiastici, ne matrimonium inter aliquos contrahatur; quod quidem impedimentum est tantum impediens, non etiam dirimens matrimonium.

1. Impedit autem, donec de impedimento, quod obijcitur, vel de quo dubitatur, & ratione cuius huiusmodi prohibitio emanabit, cognitum fuerit. Si verò, non obstante interdicto, aliqui contraxerint, non dirimitur quidem matrimonium, si non subsit aliud impedimentum dirimens probatum, sed puniendi sunt propter inobedientiam taliter contrahentes, *cap. 1. & 2. hoc tit.* Interea tamen, dum de causa cognoscitur, separandi sunt, *c. vlt. h. t.*

2. Huic impedimento affine est aliud, quod vocatur tempus feriarum seu feriatum, quo significatur, solemnitates nuptiarum ab Ecclesia esse interdictas certis anni temporibus, nempe à prima Dominica

minica Aduentus vsque ad Epiphaniam, & à feria quarta Cinerum vsque ad octauam Paschatis inclusiue, ex Conc. Trident. *Sess. 24. cap. 1. De reformat. matrim.* Alioqui Iure veteri prohibebantur ab Aduentu ad Epiphaniam; à Septuagesima ad octauam Paschatis; à diebus Rogationum ad octauam Pentecostes, *can. Non oportet 8. cum seq. xxxiii. qu. 4. cap. Compellamus 4. sup. De ferijs*: quia illis temporibus communio erat in præcepto, eaque festa sunt omnium toto anno occurrentium celeberrima; solemnitates autem nuptiarum vehementer à spiritualibus auocant, & ad carnalia trahunt, Siluest. in *Summa V. Matrimonium cap. 3.* Cateroquin absque solemnitatibus, id est benedictione sponsi & sponsæ inter Missarum solemnità, traductione sponsæ in domum sponsi, cum conuiujs, saltationibus, & alijs id genus pompis nuptialibus, etiam prædictis temporibus matrimonium contrahere, ac consummare licet.

A P P E N D I X.

De alijs quibusdam impedimentis matrimonij cum dirimentibus tum impedientibus.

1. *Impedimenta dirimentia matrimonium.*
2. *Impedimenta non dirimentia.*

PRæter impedimenta matrimonij, de quibus cum Pont. egimus hætenus, sunt & quædam alia partim dirimentia partim impedientia: quare vt plenior eorum habeatur cognitio, non abs re fuerit, compendio quodam omnia & singula hîc recensere eo ordine quo suprà Tit. 1. 5. 10. huius libri versibus quibusdam comprehensa & proposita sunt.

Inter impedimenta igitur dirimentia primum locum obtinet, Error & Conditio siue qualitas status, de quo suprà Tit. 9. *De coniugio seruorum.*

Secundum est Votum continentiz solemne, de quo Tit. 6. *Qui Clerici vel vouentes &c.*

Tertium est Cognatio, de qua Tit. 11. & 12. *De cognat. spirituali & De cognat. legali.*

Quartum est Crimen, de quo Tit. 7. *De eo, qui duxit in matrim. quam polluit per adul.*

V. est Disparitas cultus, quæ scilicet reperitur inter baptizatum & non baptizatum seu infidelem, veluti Iudæum, paganum; & non modò impedit contrahi matrimonium inter fidelem & infidelem, verùm etiam contractum dirimit, (licet fidelis cum catechumeno, id est in fide, Catholica instructo, & volente baptizari, contrahat, *can. Non oportet & ibi Glos. xxviii. qu. 1.* Quamvis enim inter infideles, id est non baptizatos, possit esse verum & legitimum matrimonium, quatenus est contractus quidam, vt multis probat Gratianus *d. loco in Summa*; etiam in secundo consanguinitatis gradu, quandoquidem, cum extra Ecclesiam sint, non ligentur sacris Canonibus, *c. Gaudemus 8. inf. De diuort.* nec dissoluatur eorum matrimonium, si postea conuertantur ad fidem, *d. c. Gaudemus*: tamen matrimonium, prout est Sacramentum, ac proinde supponit Baptismum, non potest esse inter fidelem & infidelem, *can. Iudæorum, can. Caue xxviii. qu. 1.* Hinc in *l. Ne quis Cod. De Iudæis*, si Christianus Iudæam, vel Iudæus Christianam in coniugem sibi adsciuerit, publico iudicio, adulteri instar, tenetur. Vnde patet, ne quidem inter fidelem & infidelem consistere matrimonium, vt est contractus legitimus, *arg. c. Veniens sup. De presb. non baptizato*; quia scilicet contra leges fit.

VI. est Vis siue metus grauis, qui cadere possit in constantem virum, dummodò incussus fuerit ad contrahendum matrimonium, de quo suprà Tit. 1. §. 9. n. 4. lib. huius. Illud hîc restat inquirendum, an inter raptorem & raptam consistat matrimonium. Negat Iustinianus, in *l. vnica Cod. De rapto virg.* Contrarium statuitur in *c. ult. inf. De raptoribus, iuncto c. penult. inf. De secundis nupt.* Hocque ius sequimur, seruata tamen moderatione Conc. Trid. *Sess. 24. cap. 6. De reformat. matrim.* vbi decernit, inter raptorem & raptam, quamdiu ipsa in potestate raptoris manserit, nullum posse consistere matrimonium. Et addit: Quòd si rapta à raptoře separata, & in loco tuto & libero constituta, illum in virum habere consenserit, eam raptor in vxorem habeat; & nihilominus raptor ipse, ac omnes illi consilium & fauorem præbentes, sint ipso iure excommunicati, ac perpetuò infames, omniumq; dignitatum incapaces, & si Clerici fuerint, de proprio gradu decendant. Teneatur præterea raptor mulierem raptam, siue eam vxorem duxerit, siue non duxerit, decenter arbitrio iudicis dotare.

VII. est Ordo sacer, de quo sup. Tit. 6. *Qui Clerici vel vauentes matrim. contrahere possint.*

VIII. Ligamen seu vinculum prioris matrimonij, contracti per verba de præsentì, de quo Tit. 4. *De sponsa duorum*: nam licet Tit. ille solum inscribatur *De sponsa duorum*; tamen in eodem agit etiam Pont. de eo, qui, contracto prius matrimonio cum vna eadem viuente contrahit cum alia, & è contra.

IX. est

IX. est Honestas seu Iustitia publicæ honestatis, de qua supra Tit.

IX. De consanguinitate & affinitate, §. 4.

X. est Affinitas, de qua d. Tit. De consang. & affinitate §. 3.

XI. Impotentia coeundi, de qua Tit. 15. De frigidis & maleficiis.

Denique est impedimentum clandestinæ desponsationis siue matrimonij clam contracti, de quo Tit. 3. De clandestina desponsatione: quod nouissimè per Conc. Trid. effectum est dirimens.

Inter impedimenta non dirimentia matrimonium primum est, interdictum Ecclesiæ, de quo proximè Tit. superiori dictum est.

Secundum est temporis interdicti seu temporis feriati, vulgus clausum vocat, de quo d. Tit.

Tertium, Cognatio spiritualis, orta ex Catechismo. Notandum enim, quòd, quemadmodum ex Baptismo & Confirmatione oritur quædam cognatio spiritualis perfecta, ita etiam ex Catechismo oritur quædam spiritualis cognatio imperfecta, c. *Contractio sup. De cognat. spirituali*, c. 2. eod. in 6. Catechismus verò est instructio baptizandi solemniter à sacerdote facta, priusquam baptizetur, de articulis fidei Catholicæ Romanæ credendis, respondente patrino, nomine baptizandi, can. *Ante baptismum De consecrat. Distinct.* 4. Ex hac itaque instructione cognatio oritur spiritualis imperfecta, inter easdem personas, inter quas ex Baptismo, olimque extendebatur ad omnes, ad quos cognatio ex Baptismo. Nam Catechismus ex natura sua est quoddam initium Baptismi & regenerationis spiritualis, ideoque prout ex Baptismo nascitur cognatio spiritualis, ita & ex Catechismo oriri debet, conformiter ad cognationem ex Baptismo, tamquam ad mensuram suam: ac proinde pariter quoque extendi debet, cum sit eadem ratio vtriusque, si non quoad dirimendum matrimonium, saltem quoad impediendum. Quod addo, quia cognatio hæc spiritualis ex Catechismo est tantum impediens, non etiam dirimens impedimentum, ista verò etiam dirimens. Hinc sequitur, hanc cognationem per Conc. Trid. restrictam esse ad eum modum, quo cognatio spiritualis ex Baptismo vel Confirmatione restricta est, nempe vt contrahatur duntaxat inter catechizantem & catechizatum, eiusque parentes. Cæterum, vt antè diximus, existimat Sanchez *De matrim. lib. 7. Disp. 10.* eam per Conc. Trid. non solum esse restrictam, sed etiam prorsus sublatam.

IV. Sponsalia, cum alio vel alia antè contracta, de quo Tit. De spons. duor.

V. Votum castitatis simplex, de quo in c. *De voto in 6. in c. 3. 5. & 6. sup. Qui clerici vel vouentes &c.* Hoc impedimentum oritur etiam ex voto Religionis, absolutam profitentis castitatem: item ex voto susci-

piendi sacros Ordines, aut non nubendi, ut patet ex c. *Meminimus c. Consuluit c. Rursus sup. Qui clerici vel vouentes &c.* Vide plenius Nauar. in *Manuali cap. 22. n. 73.*

VI. Crimen incestus, de quo Tit. *De eo qui cognouit consang. vxoris sua.*

VII. Raptus sponsæ alterius, *can. Statutum xxvii. q. 2. iuncto. c. fin. inf. De raptorib.* Vbi aduerte eum, qui rapuit sponsam alienam, cum nulla posse contrahere, & inter raptorem ac raptam esse impedimentum dirimens, quamdiu rapta manet in potestate raptoris, ut antè diximus: ac denique raptum non sponsæ nullo modo impedire matrimonium cum alia non rapta.

VIII. Vxoricideum seu cædes vxoris suæ, *can. Admonere & can. Interfecta xxxiii. q. 2.* Quod intellige de simplici occisione, quia coniuncta cum adulterio, impedimentum esset dirimens. Intellige rursus de cæde facta propriâ auctoritate, nam si quis vxorem auctoritate publicâ & tanquam Iustitiæ minister occidat, nec peccat, nec impedimentum hoc incurrit, iuxta doctrinam communem. Eadem pœna extenditur ad mariti cædem. Nec obstat, quòd pœna non debeat extendi ultra suum casum, quia, ut Nauar. *d. loco n. 74.* id fallit in ijs correlatiuis, in quibus eadem ratio idem suadet, prout hîc.

IX. Susceptio proprii filij de sacro fonte seu Baptismo, eo animo facta, ut ob cognationem spiritualement inde contractam debitum coniugale alteri parenti subtrahatur: talis enim, mortuâ coniuge, cum alia contrahere prohibetur, *can. De eo xxx. q. 1.* Eadem est ratio de eo, qui tenet filium in Confirmatione.

X. Cædes presbyteri, quando scilicet quis conuictus in iudicio de ea fuerit, c. *Qui presbyterum inf. De pœnit. & remissionib.*

XI. Solemnis pœnitentia: æquum enim est, ut qui semel solemnem pœnitentiam egit, totâ vitâ luctum præ se ferat, *can. De his & similibus xxxiii. q. 2.*

XII. Coniugium scienter contractum cum Moniali professa, *can. si quis xxvii. q. 1.* His addi potest excommunicatio maior & minor: nam cum ea impediatur omnium Sacramentorum perceptionem, similiter impedit, ne matrimonij Sacramentum legitimè suscipiatur.

Denique quoduis peccatum mortale, quo contrahens tempore contractus detinetur: cum enim matrimonium sit Sacramentum, sanctè tractandum est, Conc. Trid. *Sess. 24. cap. fin. in fine De reformat. matrim.* Vide de his omnibus plenius Nauar. *d. loco num. 74. & seqq. Couar. 2. p. De sponsalib. cap. 6.* Cæterum in impedimentis non dirimentibus dispensare Episcopus potest: præterquam in sponsalibus cum alio vel alia contractis, quia talis dispensatio contineret in se iniuriam

Iuriam tertij, cui si ipse cedat, potest alter iure suo liberè, cui volet, matrimonio iungi : & præterquam in voto castitatis ac Religionis, quia summo Pontifici super hoc reservatur dispensatio. Vide Nauar. d. loco n. 85. vbi tradit, quando ob consuetudinem non sit opus in his petere dispensationem.

TITVLVS XVII.

Qui filij sint legitimi.

1. Legitimi sunt nati ex iustis nuptiis.
2. Ex parentibus publicè & solemnius matrimonio iunctis.
3. Legitimati per subsequens matrimonium.
4. Legitimati à summo Pont. vel alio Principe.
5. In adoptionem dati.

DE ratione & modo contrahendorum matrimoniorum hætenus abunde dictum est. Hoc Tit. agitur de effectu & fructu matrimonij. ritè contracti, de legitimis scilicet filiis : illi enim aut nascuntur tales, aut fiunt.

Legitimi igitur in primis sunt filij, qui ex legitimo matrimonio seu iustis nuptiis procreati sunt, c. *Causam* 7. c. *Peruenit* 11. h. t. Et hi dicuntur naturales & legitimi, quasi quos natura & lex ciuilis agnoscit, vt distinguantur à naturalibus & à legitimis tantum.

Secundò, legitimi sunt, qui ex parentibus publicè quidem & solemnius (prout præscribitur in c. *Cum inhibitis* sup. De desponsat. impub.) sed nulliter, propter aliquod impedimentum latens, matrimonio iunctis nati sunt, licet postmodum declaretur matrimonium nullum, d. c. *Peruenit* & c. *Cum inter* 2. h. t. adeò vt ignorantia & bona fides vnus hac in re sufficiat, si modò iuncti fuerint in facie Ecclesiæ, iuxta d. c. *Cum inhibitis*. Ideoque si coniugatus, viuente primâ vxore, in facie Ecclesiæ cum secunda, hoc ignorante, contrahat, proles eorum legitima erit, & quidem quoad omnia, etiam feuda & hæreditates; idque fauore prolis, c. *Ex tenore* 14. h. t. Præsumitur autem bona fides, quamdiu non apparet mala, c. 2. & ibi D D. h. t. Sed & ex matrimonio errore iuris probabili (qui scilicet bonam fidem parere possit, veluti dum erratur in decisione iuris dubij) contracto legitimam prolem nasci communiter placuit, per c. *Per venerabilem* 13. & d. c. *Ex tenore* h. t.

V u u u ij

Tertid,

3 Tertiò, nati ex soluto & soluta, inter quos consistere matrimonio poterat, licet ab initio illegitimi fuerint, per subsequens matrimonium legitimantur, *c. Tanta & ibi Glos. & Abbas b. 2. & quidem quoad omnia; præter Cardinalatum, ex Constitutione Sixti V. teste Garzia De benef. 7. p. 647. 1. num. 18. etiam sine interuentu instrumentorum dotaliu de iure Canonico, d. c. Tanta & ibi Abbas, contra ius Ciuile: nam matrimonium omnem maculam & vitium abstergit, ideoque perinde habentur & sunt, ac si ex legitimo matrimonio nati essent. Idque obtinet, etiamsi matrimonium illud in articulo mortis, desperatâ iam salute, sit contractum.*

Dixi, ex soluto & soluta, inter quos consistere matrimonium poterat; quia nati ex soluto & coniugata, vel soluta & coniugato, non legitimantur per subsequens matrimonium, mortuâ coniugati aut coniugatae coniuge, *d. c. Caussam & d. c. Tanta* (vbi spurij vocantur) quia danti operam rei illicitæ imputatur quidquid inde euenit, etiam præter eius cogitatum & intentionem, *c. Continebatur & c. Tua inf. De homicidio*. Et hi tamquam ex damnato coitu nati ab hæreditate repellendi sunt: imò & ab alimentis eos lex Ciuilis excludit, *l. Ex complexu C. De incestu nuptijs*. Alioquin ius Pontificium, in hoc ius Ciuile tamquam nimis durum corrigens, iubet etiam ex damnato coitu natos aliâ patre ac necessaria subministrari, *c. Cum haberet sup. De eo qui duxit in matrimonium & c.* quia iuris est naturalis, vt pater filium aliat.

4 Quarto, legitimi sunt, nati quidem extra iustas nuptias, verùm à summo Pontifice vel alio Principe legitimari. Et quidem quoad spiritualia, veluti quoad beneficiorum & Ordinum capacitatem potest summus Pontifex legitimare omnes Christianos, cuiuscumque nationis vel prouinciæ, tamquam sibi in spiritualibus subiectos: quoad profana verò, veluti vt succedant parentibus, non nisi eos, qui ipsi in profanis subiiciuntur: nisi magna Reipubl. causa postularet illegitimum legitimari extra ditionem summi Pontificis, veluti vt reddatur capax successionis in regnum aliquod, *c. Per venerabilem b. 1. Aliàs in rebus profanis legitimatio petenda est ab illo Principe laico, cui legitimandus subiicitur, l. 12. D. De natalibus restituendis*.

5 Denique aliâ acceptione filij legitimi dicuntur, qui per adoptionem, naturæ imitatricem, in filios electi sunt. Et hi vocantur legitimi tantum, vt distinguantur à legitimis & naturalibus simul, quasi quos lex ciuilis agnoscit, non tamen natura.

Ex prædictis faciliè intelligitur, quinam filij illegitimi dicantur, nempe ij, qui ex illegitima coniunctione nati sunt. Græcis vnâ voce generali Nothi dicuntur; eorumque variæ sunt species: alij enim Nothi specialiter appellantur, contractâ voce generis ad speciem, alij

alij Naturales, alij Spuriij, alij alijs atque alijs nominibus nuncupantur: inter quos diligenter distinguendum esse admonet Pont. in cap. Nisi cum pridem §. persona verò sup. l. et renuntiat. Sed quia in eorum distinctione Interpretes variant, videatur Glos. & Abbas ad d. §. persona.

An autem quis sit legitimus, an non, determinatio ad Iudicem spectat Ecclesiasticum, c. lator presentium & c. Causam h. r. licet tantum incidenter moueatur hæc quæstio, quia laicus est omnino incapax huius iudicij, ideoque in hoc casu accessorium non sequitur principale.

TITVLVS XVIII.

Qui matrimonium accusare possunt,
vel contra illud testari.

1. Non omnes ad accusandum matrimonium admittuntur.
2. Qui & quatenus accusare possint.
3. 4. Qualiter & vsque ad quem gradum.

SVperest tertia ac postrema pars huius libri. de dissolutione matrimonij, & quæ eam consequuntur. Dissolui autem matrimonium de facto non iure contractum priuatâ auctoritate nequit, nec declarari nullum, sed Iudicis Ecclesiastici auctoritate & causæ cognitione opus est.

Videndum igitur in primis, quinam accusare matrimonium vel contra testificari possint: neque enim omnes quandocumq; aut indistinctè ad illud impugnandum admittendi sunt. Nam si quis tempore denuntiationis à sacerdote factæ, tacuerit, is postea contracto matrimonio non auditur, & repellitur ab accusatione; nisi denuntiationem probabiliter ignorauerit, vel iuret, quòd de nouo post denuntiationem didicerit ea, quæ obiecturus est, quodque ad hoc ex malitiâ non procedat: nam tunc licet ab ijs didicisset, qui tempore denuntiationis siluerint, repelli non debet, c. ult. h. r.

Similiter si peratur dissolui matrimonium ob aliquod impedimentum, quod non cõtineat delictum coniugum, nec alterius, quàm coniugum, intersit illud dissolui; veluti, si ideo, quia vir sit frigidus vel maleficiatus, aut aliter impotens ad matrimonij actum, vel erratum fuerit in conditione status: tum accusatio ad solos spectat coniuges.

Vuuu iij

Quòd si

Quòd si delictum contineat, vt quia aliqui in gradu vetito contraxisse vel contrahere velle dicuntur, tum quilibet ad accusandum matrimoniū admittuntur; potissimum tamen parentes, ijsq; deficientibus proximiores cognati & agnati, id est frater, soror, patruus, auunculus, amita, matertera, & horum descendentes, *cap. Videtur 3. h. tit. can. 1. cum seq. xxxv. quest. 6.* quia tales genealogiam suam, consanguinitatemque & affinitatem inter contrahentes optimè norunt, ideoque fauore matrimonij cæteris præferuntur, *d. c. Videtur*: licet aliàs in criminalibus causis & contractibus non admittatur neque pater in causa filij, neq; filius in causa patris, *d. c. Videtur*. Progenie verò omni deficiente, ab antiquioribus & honestioribus, quibus eadem propinquitas vel affinitas nota verisimiliter esse debet, accusatio testimoniumque recipi poterit, *d. can. 1. cum seq. xxxv. quest. 6.* Vbi tamen alter coniugum diuitijs, honore, nobilitate & potentiâ præualleret, testimonium parentis inferioris omninò suspectum redderetur, nulloque modo admittendum, quandoquidem parentes filiorum incrementa & honores affectare comperiantur.

3 Quoties igitur aliqui propter impedimentum consanguinitatis vel affinitatis separari petuntur, duobus vel tribus testibus adhibitis, qui de eadem consanguinitate supersint, vel totidem senioribus & melioribus loci, id legitimè comprobati debet, *c. Quoties 5. sup. De testib.* Qui quidem testes etiam personaliter coram iudice compareant & testimonium dicant necesse est, non etiam per litteras, *c. 2. h. t.* insuperque duplici adhibito iuramento: primo, quòd non priuato odio, neque amicitia, neque pro aliquo commodo, quod habuerint, vel habeant, vel habituri sint, ad hoc fuerint inducti: deinde quòd sicut ipsi dicunt, rei veritatem acceperint à maioribus suis, credantque ita esse, *d. cap. Quoties, can. 3. 4. & 5. xxxv. q. 6.*

4 Cæterum licet olim, quando ad septimum vsque gradum prohibitio matrimonij inter consanguineos & affines extendebatur, testes de auditu, non etiam de visu, admitterentur ad eum vsque gradum, ob breuem hominum vitam: tamen, postquam ista prohibitio ad quartum gradum reducta est, hoc de auditu testimonium in Concil. Lateranensi reiectum fuit, exceptis duodecim casibus, qui referuntur in *cap. Licet 47. sup. De testibus*, vbi vide.

TITVLVS XIX.

De diuortijs.

1. Diuortium quid sit, quodplex, & in quo à Repudio differat.
2. Matrimonium aliud legitimum, non ratum, aliud ratum, non legitimum.
3. Matrim-

3. *Matrimonium legitime contractum iure Pont. est indissolubile.*

4. *De matrimonio inter infideles contracto.*

Institutâ peractâque legitime accusatione ad ipsam matrimonij dissolutionem seu diuortium peruenitur. Nam Diuortium est dissolutio matrimonij, quæ utroque coniuge viuentē contingit, *Glos. in can. l. xxxii. q. 7.* dictum à diuerſitate mentium, quia in diuerſas partes eunt, qui distrahunt matrimonium, *l. 2. D. h. t. vel potius à Diuertendo seu Diuertendo*, ut alij malunt: nam & *diuortia aquarum* dixit Cicero, & *diuortia itinerum* Liuius.

Differt Diuortium à Repudio, quod illud inter virum & uxorem tantum fieri dicatur, Repudium verò sponsæ remitti videatur: & in uxoris personam non absurdè cadit, ut dicitur in *l. Inter stuprum 100. D. De verb. signif.* Et in *l. Inter Diuortium 191. cod. tit.* repudiari posse dicitur etiam futurum matrimonium, non rectè autē sponsa diuortisse.

Diuortium sumitur dupliciter; primò pro diremptione matrimonij quoad vinculum, & propriè diuortium dicitur. Secundò pro separatione coniugum quoad thorum & cohabitationem, durante tamen adhuc matrimonij vinculo; quod improprie diuortium appellatur.

Ut autem sciatur, quod & quâ ratione matrimonium dissoluatur, 2 Notandum matrimonium aliud esse verum seu legitimum, non ratum; aliud ratum, non legitimum; aliud legitimum & ratum. Legitimum est, quod secundum leges vel prouinciæ mores contrahitur: cuiusmodi est matrimonium inter infideles, secundum eorum leges contractum; non enim est ratum seu firmum, quia non est indissolubile. Ratum, non legitimum, est matrimonium, contemptis Iuris solemnitatibus nuptialibus, solo affectu maritali contractum: quale est clandestinum matrimonium inter fideles, Iure Decretalium. Quod addo, quia post Conc. Trid. est nullum. Legitimum & ratum est, quod inter fideles legitime seu secundum leges patriæque mores contrahitur.

Tametsi verò Iure Ciuili certas ob causas matrimonium semel legitime inter aliquos contractum, verè & omninò dirimi potuerit, etiā 3 quoad vinculum, ut videre licet toto Tit. D. De diuortijs & Tit. Cod. De repudijs; veluti captiuitate, aliave ex causa: tamen Iure Pontificio matrimonium semel inter fideles legitime contractum, si consummatum fuerit, non aliter solui potest quoad vinculum, quàm per mortem alterius coniugis, *c. Gaudemus h. t. can. Puto & alij xxxii. q. 1* quia quos Deus coniunxit homo ne separet, *c. vlt. sup. De translat. Episcopi*; & quia matrimonium repræsentat vnionem Christi cum Ecclesia per caritatem & per naturæ conformitatem: proindeque ut illa est indissolubilis, ita & matrimonium indissolubile esse debet. Aded ut, licet alter coniugum vel labatur fortè in hæresin, vel transeat ad infideles, tamen idcirco vinculum coniugale inter eos dissolui nequeat, *c. 2. & c. Quanto 7. h. t.*

Dixi, semel legitime contractum, quia si inter eos contractum sit, inter quos ob aliquod impedimentum, puta consanguinitatis vel affinitatis in gradu prohibito, prohibitum est matrimonium, licet sit ipso iure nullum, & proinde de iure dissolui non debeat: attamen ut de facto contractum fuit, ita etiam iure Pontificio de facto distrahi & dissolui potest, *c. ult. b. t.* non quidem propriâ auctoritate contrahentium, sed tantum auctoritate Iudicis Ecclesiastici, vel saltem ex officio Iudicis ordinarij, *c. Porro 3. b. t.*

- 4 Quod si tamen pagani, id est non Christiani, in gradu, lege Canonica tantum prohibito, matrimonio iuncti ad fidem conuertantur, non dirimetur matrimonium, nec quoad vinculum nec quoad thorum. Verum si paganus plures vxores habuerit, post fidem susceptam, dimissis cæteris, adhærebit primæ: sicut & si repudiata primâ cum secundâ contraxerit, licet repudiata interim cum alio contraxisset: nec poterit dimissor hoc casu obijcere fornicationem dimissæ, nisi aliàs fuerit fornicata, *d. c. Gaudemus in fine.*

Si verò infidelium coniugum alter ad fidem Christianam conuertatur, alter autem perseueret in infidelitate, &, vel nullo modo, vel non sine blasphemia diuini nominis, vel ut coniugem pertrahat ad peccatum mortale, ei cohabitare velit, dirimi poterit matrimonium, & fidelis ad secunda, si voluerit, vota transire, *d. c. Quanto, & d. c. Gaudemus*: quia licet matrimonium verum seu legitimum inter fideles existat, non tamen est raram, non representat coniunctionem Christi cum Ecclesia, *d. c. Quanto, vers. Nam etsi.* Aliàs per solam conuersionem alterius seu baptismum non dissoluitur, ut patet ex 1. Corinth. 7. *can. Iam nunc xxviii. q. i.*

Non obstat prædictis, de indissolubilitate matrimonij inter fideles legitimi & consummati, illud Matth. 5. *Omni qui dimiserit uxorem suâ, exceptâ fornicationis causâ, facit eam mœchari, & qui dimissam duxerit, adulterat.* Et rursus cap. 19. *Quicumque dimiserit uxorem suam, nisi ob fornicationem, & aliam duxerit, mœchatur, & qui dimissam duxerit, mœchatur*: ex quo colligi videtur, licere uxorem dimittere fornicariam, & aliam ducere. Nam Respond. sensum verborum Matthæi 5. esse, ipsi imputandum adulterium vxoris, quod eidem non imputabitur, si dimitteret ex causa fornicationis, quia tunc mœchantem dimitteret. Similiter Matthæi 19. sensus est, quod sit ei auctor, ut mœchetur. Aliter responderi potest, prædicta verba intelligi de dimissione quoad thorum, cuius fuerat antè facta mentio, non autem de dimissione quoad vinculum. Nam cum Christo moueretur quæstio à Phariseis de perfecta dimissione, qualis fiebat per libellum repudij, & hæc dimissio contineret quoque separationem à thoro & cohabitatione coniugis, & præ-

terea potestatem ducendi aliam vxorem: Christus in sua responsione ita diffinxit, ut alterum, scilicet separationem à thoro & cohabitatione diceret esse licitum, sed ex causa fornicationis dumtaxat, non aliter; alterum verò diceret esse illicitum, & verum adulterium. Cuius responsionis prior pars continetur illis verbis, *Quicumque dimiserit vxorem suam, nisi ob fornicationem*, scilicet, peccat, quod subaudiendum, vel, quod utique non licet: posterior verò illis verbis, *& qui dimissam duxerit, adulterat vel mæchatur*: ita ut particula, *nisi*, accipiat quidem exceptiuè, sed ad priorem partem responsionis dumtaxat pertineat, non autem ad alia sequentia.

§. I. De dissolubilitate matrimonij rati non consummati.

1. Dissoluitur huiusmodi matrimonium per Religionis ingressum.
2. Per dispensationem summi Pontificis.

Matrimonium ratum, non consummatum, inter fideles dissolui posse per solemnem Religionis approbatæ ingressum seu professionem, ab altero coniugum factam, etiam altero repugnante, patet ex c. *Commissum* 16. sup. De sponsalib. & alijs similibus, Conc. Trid. Sess. 24. can. 6. manensque in sæculo post emissam professionem alterius (quam expectare tenetur) si continere non lit, iterum contrahere potest, cap. *Ex publico* 7. sup. De conuers. coniugat. Ratio cur dissoluitur tunc matrimonium possit, licet sit Sacramentum, est, quia tantum repræsentat vnionem Christi cum Ecclesia per gratiam, non etiam per charitatem & naturæ conformitatem; ideoque cum illa sit dissolubilis per peccatum mortale, etiam matrimonium, vnionem illam repræsentans, dissolubile erit & imperfectum Sacramentum. Cum enim Sacramentum matrimonij primò significet coniunctionem Christi cum anima, per gratiam; secundò coniunctionem Christi cum Ecclesia, per charitatem; tertio coniunctionem Christi cum Ecclesia per naturæ conformationem, & ex his significationibus primam dumtaxat habeat matrimonium, ratum, non consummatum, quippe per quod coniugati nondum sint perfectè duo in carne vna: non est perfectum Sacramentum, quoad omnem significationem, sed imperfectum, & dissolubile.

Non obstat illud, Quos Deus coniunxit homo non separet: quia intelligitur de matrimonio consummato, non autem de rato tantum.

Secundò, dissolui potest per dispensationem summi Pont. prout cõstat sæpè ex grauib. causis dispensasse. vide Nau. in *Manuali* c. 22. n. 21.

X x x

Cur

Cur autem non æquè dissoluatur per Ordinis sacri, vel etiam Episcopalis, susceptionem atque per professionem Religionis approbatæ, ratio est hæc, quia O. do sacer & status Episcopalis non pugnat ex natura sua cum statu coniugii & usu matrimonij (prout patet in Sacerdotibus & Episcopis Græcis) sicut Religio, quæ est mors quædam spiritualis, consistens in totali rerum omnium temporalium abdicatione.

§. II. De dissolutione matrimonij quoad thorum.

1. Casus, quibus hoc modo dissolvitur matrimonium.
2. Casus, quibus non dissolvitur.

Certissimi Iuris est, matrimonium ratum & consummatum posse etiam inter fideles dissolui quoad thorum & cohabitationem, manente inter eos vinculo matrimonij, ut patet ex toto hoc Tit. Decretal. & definitur per Conc. Trid. Sess. 24. *can. 8.* Et quidem primò fieri id potest mutuo consensu, ad perfectionem statum acquirendum: veluti si vterque voueat perpetuam castitatem, aut ad Religionem transeat, *cap. 1. & 2. sup. De conuers. coniugatorum.*

Secundò, fit hæc separatio, si alter coniugum spiritualiter fornicatus fuerit, nempe si labatur in hæresim, vel in gentiliſmum decidat, *c. 2. & seq. h. t.*

Tertiò, si alter alterum impellat ad peccatum, ita ut cum eo sine periculo offensionis diuinæ, suspicionis apud homines, participationis in crimine, cohabitare non possit, *d. c. 2. h. t.* Eadem est ratio, si dimissio iudicetur necessaria ad emendationem & correctionem vxoris, *c. Si vir 3. inf. De adulterijs.*

Quartò, si alter in alterum sæuiat nimium: nisi fortè maritus sufficientem det cautionem, arbitrio iudicis, de non offendenda vxore, *c. 1. sup. Ut lite non contestata & c.*

Quintò, Votum ultramarinum, ad liberandam terram sanctam, etiam inuitâ vxore, vir emittere & adimplere potest, *cap. Ex multa 5. in tanta sup. De voto & voti redempt.*

Sextò, si alter coniugum adulterium vel fornicationem (quo nomine omnis illicitus coitus etiam contra naturam continetur) commiserit, *c. Accusatores c. Intelleximus & c. fin. inf. De adulterijs*, iuxta illud.

Fidem frangenti fides frangatur eidem. Idque obtinet, licet alter alteri iurauerit,

iurauerit, nunquam se repudiaturum, quia causa adulterij vel fornicationis superuenientis semper excepta videtur, *c. Quemadmodum 25. sup. De iureiurando*. Pendente autem iudicio de adulterio, non fiet separatio thori, nec ante probatam accusationem priuari accusatus debet iure, quod in alterum habet, *c. 2. sup. Ut lite non contestata &c.* Atamen non tenetur vir uxorem, vel contrà, ob adulterium aut fornicationem dimittere, si pœnitentiâ ducta emendetur, nec perseueret in crimine: imò, cessante scandalo, dimissam & non perseuerantem in crimine potest sibi reconciliare. Alioqui adultera, quam recipere non vult, ad agendam perpetuam pœnitentiam in claustro aliquo cum mulieribus Religiosis collocanda est, *cap. Gaudeamus 19. sup. De conuers. coniugat.*

Ceterum obseruandum, licere alteri coniugum hanc separationem ob fornicationem alterius facere propriâ auctoritate, quoad thorum duntaxat, non etiam quoad cohabitationem, quia est res publica & quæ scandalo esse potest; ideoque non nisi iudicio Ecclesiæ fieri debet, *c. Porro 3. h. t.* nisi adulterium fuerit omninò publicum & notorium, *c. Significasti 4. h. t.*

Ob furtum verò vel aliud crimen, aut ob morbum coniugis non fit hæc separatio, *d. c. 2. h. t.* Nec obseruatur *Novel. De nuptijs c. 16. §.* has itaque causas, neque *l. Iubemus §. inter culpas Cod. De repudijs*, nec *rursus Novel. 117. cap. 8. & seq.* quia per Ius Canonicum, cui in causis matrimonialibus standum est, corriguntur.

Sed & certis casibus alter coniugum separari ob fornicationem seu adulterium non potest. Primò, quando tantum materiale est adulterium: veluti si mulier vim passa fuerit, *can. Itane, cum similibus xxxii. q. 5.* quia ubi non est culpa, ibi nec pœna esse debet: vel si quis fraudulenter sub specie mariti aliquam cognouerit, *can. In lectum xxxii. q. 2.*

Secundò, quando vterque pari crimine tenetur, *cap. Intelleximus & cap. fin. inf. De adulterijs*: quia paria delicta mutuâ compensatione tolluntur.

Tertiò, quando vterque auctor adulterij, veluti si eam prostituerit, *c. Discretionem sup. De eo qui cognouit consanguineam &c.*

Quartò, quando post cognitum adulterium vxoris rem cum ea habuit, *can. Si quis uxorem xxxii. q. 5.*

Quintò, quando repudiata vxore ante Baptismum, ambo deinde ad fidem conuertuntur: nam vxor, licet fuerit à secundo viro ante Baptismum cognita, priori nihilominus erit reconcilianda, *c. Gaudemus h. t.* Sin sine causa & temerè vxor diuerterit, excommunicatur, *can. Si qua mulier Dist. 30* (nisi ex iracundia diuertens redierit statim) & restitui ante omnia marito repetenti, sicut & è diuerso, debet: nisi

exceptio fuerit legitima, vt si vxor virum repetens publicè sit adultera, vel viro repetente vxorem timeatur nimia eius luxuria. Videantur quæ suprà diximus de hac restitutione, *Tit. De restitut. spoliatorum lib. 2.*

TITVLVS XX.

De donationibus inter virum & vxorem, & de dote post diuortium restituenda.

1. Dos quid sit. Est Aduentitia vel Profectitia.
2. Donatio propter nuptias.
3. Soluta matrimonio illa mulieri, hæc marito restituenda.
4. Donationes extra causas dotis factæ censentur quoque reuocata.
5. Vir agens pro dote non excluditur ob inopiam.

Iudicem Ecclesiasticum, vbi causâ cognitâ viderit sententiam diuortij esse ferendam, siue ad declarandum matrimonium nullum, siue ad separationem thori & cohabitationem tantum, pronuntiare quoque oportet de dote ac donationibus propter nuptias, restituendis, vel non restituendis: nam de his plerumque diuortio facto incidenter quæstio mouetur, tanquam de accessorijs ad matrimonium, *c. 3. h. t.*

1. Dos est pecunia, quæ ab vxore, vel ab alio eius nomine, pro sustinendis oneribus matrimonij marito datur remittiturve, *l. Pro oneribus 20. & passim Cod. De iure dotum.* Quæ proinde durante matrimonio repeti non potest, nisi maritus labatur facultatibus, *l. Si constante D. Solutum matrim.* aut bona eius fisco inferantur, *l. Si marito D. De repudijs:* veluti propter crimen læsæ maiestatis, vis publicæ, parricidij, veneficij, de sicarijs, *l. Quinque 3. D. De bonis damnat.* item crimen hæresis, *c. Decretum De hæret. in 6.* nisi inter maritum & vxorem intercessisset pactum de lucranda dote per maritum, *Glos. & Bart. in d. l. Quinque.* Vnde infertur, dotem filix posse in præiudicium patris publicari, *Authent. Qui contra Cod. De incestis nuptijs.*

Ea est, vel Profectitia, vel Aduentitia. Profectitia, quæ à patre vel parente

parente virilisexus profecta est de bonis vel facto eius, *l. 5. in princ. D. de iure dot. l. 6. Cod. eod.* Aduentitia, quæ à quouis alio, vel ex ipsius mulieris bonis data est, *d. l. 5. §. Si pater 6.*

Donatio propter nuptias est, quam sponsus, vel alius eius nomine, ² facit sponsæ in securitatem dotis, *l. penult. & ult. Cod. De donat. ante nuptias.* Eò namque spectat donatio ista, vt mulieri sit cautum de dote recuperanda soluto matrimonio, si ea vel perierit, vel deterior facta fuerit culpâ mariti. Vnde & Iure nouissimo ita doti adequata est, vt non modò pari quantitate constitui debeat, sed & iisdem pactis ac conditionibus, *l. Ex morte 9. cum Auth. seq. Cod. De pactis conuentis &c.* Olim quidem dicebatur donatio hæc ante nuptias, quia post nuptias fieri non poterat; primò quidem vetantibus id moribus, postmodum etiam iure inde orto, *l. 1. 2. & 3. vbi ratio additur, D. De donat. inter vir. & uxorem.* Cæterum Iustinus Imp. exemplo dotium, quæ augeri & post nuptias poterant, permisit etiam donationes eiusmodi augeri constante matrimonio, *d. l. Si constante Cod. De donat. ante nuptias:* Iustinianus verò constituit, vt non augeantur tantum, sed etiam constante matrimonio initium accipiant, nec amplius donationes ante nuptias, sed propter nuptias vocentur, *l. ult. Cod. d. tit. & Institut. De donat. §. Est & aliud.*

Vt igitur soluto ex causa licita matrimonio dos mulieri, aut ei, ³ qui dedit, restitui debet, *c. 1. 2. & 3. hoc tit.* ita etiam donatio propter nuptias marito, *c. fin. vers. sane eod.* nisi vel consuetudine vel pacto coniugum de lucranda dote donationeue propter nuptias, quod vtrumque æquale sit necesse est, contrarium inducatur seu inductum sit, *d. vers. sane.* Imò, quod amplius est, etiam ea bona, quæ constante matrimonio communiter coniuges acquisierint, diuidi æqualiter inter eos oportet, *d. c. 1. & 2. hoc tit.* licet postea ob consanguinitatem contingat dissolui matrimonium, vel sit putatiuum tantum, bonâ fide contractum, *d. c. 2. ibi, quem loco viri tenobat &c.* facit *l. Si cum dotem §. fin. D. Solutio matrim.*

Quòd si scienter vetitum matrimonium aliqui contraxerint, priuantur ijs, quæ sibi mutud dederint (nisi aut minori ætate aut errore aliquo excusentur) eaque fiscus sibi vindicat, *c. Etsi necesse §. hoc tit.*

Sin mulier ob causam fornicationis iudicio Ecclesiæ aut propriâ voluntate à viro discesserit, nec postea eidem fuerit reconciliata, perdit dotem seu dotalitium, illudque cedit lucro mariti innocentis, *c. Plerumque 4. hoc tit.* Reuersa & reconciliata marito dotem non amitter, quia sic maritus iniuriam remisisse censetur, prout remittere potest, *c. 3. inf. De adulterijs.*

4 Insuper utriusque modo diuortium fiat, siue quoad ipsum vinculum matrimonij dissoluendum, siue quoad separationem thori dumtaxat, donationes, quæ inter virum & uxorem constante matrimonio extra causas dotis vel donationis propter nuptias factæ fuerint, censentur tacite reuocari, *c. fin. h. t.* Nam licet eiusmodi donationes extra causas dotis & donationis propter nuptias, quibus alter coniugum locupletior, & pauperior alter efficitur, utroque iure prohibita sint, *l. 1. D. De donat. inter vir & uxorem & d. c. fin. in princ.* tamen si non fuerint expresse vel tacite, veluti diuortio, reuocatae, morte donantis confirmantur, *l. Sed interim 11. D. eod. & d. c. fin.* Ad sponsores hæc prohibitio non pertinet, *l. Si sponsus, l. Inter eos 27. D. eod.* nec ad eas donationes, quibus alter non sit pauperior, alter ditior, *l. Si fructus Cod. eod. d. c. fin.* nec rursus ad eas, quæ conferuntur in tempus mortis vel diuortij, *d. l. Sed interim §. fin.* quia, ut dicitur in *l. 10. D. eod.* in illud tempus excurrunt, quo amplius non sunt vir & uxor: & propterea cessat ratio prohibitionis, morteque confirmantur, si in viuis reuocatae non fuerint, *l. Cum hic status 32. §. 2. D. eod.*

Quemadmodum autem diuortio, ita & morte alterutrius soluto matrimonio dos & donatio propter nuptias restitui debent aut superstiti aut defuncti hæredibus, nisi similiter vel pacto coniugum vel statuto vel consuetudine provinciae aliud obtinuerit, *d. c. fin. vers. sanè.*

5 Cæterum si vir, agens pro dote, vergat ad inopiam, non ideo excluditur omnino, verum assignabitur ei dos sub cautione, secundum facultates eius præstanda, quod soluto matrimonio dotem restituet: nam æquum est, ut cui uxor credit corpus suum, eidem magis credat dotem, *c. Per vestras 7 h. t.* Sin autem ne sic quidem sufficienter sit prouisum consumptioni dotis, ea deponetur apud mercatorem, ut de parte honesti lucri inde prouenientis onera matrimonij vir sustineat, *d. c. Per vestras.*

TITVLVS XXI.

De secundis nuptijs.

1. *Secunde nuptia quæ dicantur.*
2. *Intra annum luctus nubens iure Canonico non est infamis.*
3. *Differentia inter primas & secundas nuptias.*

• **D** Enique diuortio facto solent coniuges sæpius ad secundas nuptias transire, de quibus propterea ultimo loco restat agendum. Vocantur autem hæc secundæ nuptiæ non ex tantum, quæ primas proximè sequuntur, sed tertiæ, quartæ, ac deinceps, quotiescumque iterantur:

rantur: quæ altero coniugum mortuo, aut propter aliquod impedimētum dirimens matrimonio declarato nullo, permittuntur superstiti, ad vitandum periculum fornicationis, *can. Quomodo, cum similibus xxxi. q. 1. c. penult. & vlt. h. 1.*

Nec obstat *canon* *Hæc ratione* *ibid.* in quo Ioan. Chrysost. secundas nuptias vocat honestam fornicationem: quia *canon* ille non est Chrysostomi, sed auctoris alicuius incerti & operis imperfecti in *Matth.* quod falsò Chrysostomo adscribitur. Vide editionem Gregorianam *d. can. Hæc ratione.*

Tamenli verò iure civili notetur infamiâ mulier, intra annum luctus id est intra annum à morte mariti nubens alteri, *l. 1. & 2. Cod. h. 1. & l. Liberosum D. De his qui not. infamiâ*: tamen iure Pont. quamvis magis probentur primæ nuptiæ, quàm secundæ, *can. Nuptiarum xxvii. q. 1. & can. Quomodo & similibus*, non damnantur secundæ nuptiæ, nec ullam infamiam aut aliam pœnam, à iure Civili statutam, incurrit mulier nubens intra tempus luctus, auctoritate Apostoli, qui indistinctè loquitur, *1. Corinth. 7. & ad Rom. 7. Mulier, viro mortuo, soluta est à lege viri sui; in Domino nubat, cui voluerit*: non adiiciens, ut demùm post annum luctus nubat, *cap. penult. & vlt. h. 1.*

Differunt tamen primæ & secundæ nuptiæ; primò, quòd secundæ nuptiæ non benedicantur à Parocho vel sacerdote, *cap. 1. & c. 3. h. 1.* quia cum alter contrahētium saltem in primis nuptijs fuerit semel benedictus, eaquæ benedictio semper duret, non est iteranda, nisi consuetudine introductum fuerit contrarium, *Navar. in Manuali cap. 22. n. 83.* aut sint secundæ ex parte viri tantùm, ut si viduus ducat virginem, tunc benedici posse tradit *Arn. in V. Matrimonium n. 71.*

Secundò, prohibetur etiam Presbyter secundis nuptijs interesse, *can. De his xxxi. q. 1.*

Tertiò, relicta pro pauperibus mulieribus dorandis & maritandis nequeunt distribui in dotem viduarum nubere volentium, quantumcumque pauperes sint, quia appellatio matrimonij ad primas nuptias refertur, *l. Bonas 89. §. 1. D. De verb. signif.*

Quartò, fauorabiliiores sunt primæ in capiendis legatis, quàm secundæ: nam legatum sub conditione, *Si non nupserit*, virgini, quæ nondum experta est virum, relictum, etiamsi nupserit, ei, non obstante conditione, debetur; secus in vidua, *l. Cum tale legatum §. 5. D. De condit. & demonstrat.*

Quintò, mulier, quæ iterum nupsit, nequit ob ingratitude reuocare donationes liberis prioris matrimonij factas: exceptis tribus casibus, enumeratis in *Nouella 22. De nuptijs cap. 35.* At verò vidua vnus matrimonij potest, *l. Hic solus 7. Cod. De reuoc. donat.*

Iudicia criminalia tribus potissimum modis instituuntur, nempe per Accusationem, Inquisitionem, Denuntiationem, c. *Lites Heli* 31. in princ. inf. De Simonia.

Accusatio, secundum Hostien. in *Summa* h. t. est criminis alicuius apud Iudicem competentem, vindicta publica causa, inscriptione interueniente, legitimè facta delatio. Colligitur hæc descriptio ex l. fin. Cod. De accusat. & communiter receptam esse. tradit Iul. Clarus in *Pract. crim.* q. 12. n. 1. Dixi, vindicta publica causa; in exemplum scilicet populi, vt omnes à talibus criminibus abstineant. Accusare verò est deferre reum criminis alicuius per libellum ad Iudicem, cum subscriptione deferentis: & qui deferit Accusator dicitur, vti Aëtor, qui in civilibus causis prouocat ad Iudicem.

Debet autem libellus accusatorius continere imprimis nomen Iudicis, coram quo crimen proponitur, vt sciatur, an is sit competens, vt Tit. Cod. Vbi de criminibus agi oporteat: item nomen accusatoris & accusati, vt constet, quis sit accusator, & quis accusetur, (quamquam si nomen accusari ignoretur, possit describi ex habitu, officio, vel alijs circumstantijs:) speciem insuper criminis: locum & tempus commissi criminis (aliàs accusatio redderetur incerta, & ipso iure nulla, etiam parte non opponente, Iul. Clarus, d. q. 12. n. 9. eripereturque reo facultas se defendendi:) item personas, in quas vel eam quibus illud perpetratum dicitur: insuperque subscriptionem accusatoris in crimen, siue ad pœnam talionis, non tantum in publicis delictis, verum etiam in priuatis, criminaliter intentatis, l. fin. D. De priuat. delictis, l. fin. D. De furtis. Quod constitutum est, vt homines deterreantur à calumnijs, l. penult. & ibi Glos. & Salicet. Cod. De accusat. & ne innocentia alicuius temerè pericliteretur & vim patiatur. Formam accusationis vide in l. Libellorum D. De accusat. & can. fin. §. libellorum II. q. 8. & quæ latè deducuntur à Greg. Tholos. lib. 5. Partit. Iuris Can. tit. 9. cap. 4.

Caterum non tenetur accusator inuitus horam & diem designare, nisi id reus petat, vt scilicet negatiuam, loco & tempore coarctatam, puta se eo die fuisse in aliquo loco, remoto à loco delicti, probare possit, l. Optimam Cod. De contrahenda stipulat. aut nisi crimen tali die commissum sit mitius puniendum, Iul. Clar. d. loco vers. Dixi etiam. Et si diem expresserit, qui mensem designet, alià mensis designatione opus non erit, Wesenb. D. ad h. t. n. 11. aliàs enim nimis coarctaretur potestas accusandi & probandi, quandoquidem quis diei vel septimanæ facillè obliuisci possit, cum non ita cadat sub sensum, vt locus.

Inscriptio verò, ac pœna talionis hodie passim à foro recessit, valetque eiusmodi consuetudo, Felin. in c. Super his ult. Notab. h. t. Gothof. ad d. l. fin. Cod. De accusat. Et sanè ob antiquum rigorem multi deterre-

bantur ab accusando, multaque crimina propterea manebant impunita. Quamquam etiam hodie, si quis aliquem de crimine aliquo deferat, & partem formatam, ut vocant, se aduersus eum constituat, soleat carceri committi, donec satisfecerit idoneè, de accusatione proseguenda, & iniuria resarcienda, si crimen intentatum minus probet, l. 2. Cod. De exhibendis reis. Quia tamen hæc pro diuersitate locorum diuersimodè exercentur & obseruantur, facius fuerit sequi stylum & consuetudinem cuiusque loci.

Sed & in tabulis legū Brabantiz, vulgò den *Lantchartre* anni 1312. legimus Ioannem Ducem pœnam talionis discretè innouasse, decreuisseque eo loco habendum esse eum, qui alium in iure conuenisset, & querelas non probasset, quo alius fuisset habendus probato crimine.

Denique si accusatio non fuerit legitimè concepta, nomen rei aboletur, & ex integro repetendi reum fit potestas, d. l. Libellorum §. 1.

§. II. Quinam accusare possint.

1. Prohibentur, quorum nihil interest.
2. Qui semel destiterint ab accusando.
3. Laicus volens accusare Clericum.
4. Inimicus accusati aut inimico eius cohabitans.
5. Mulier, pupillus, miles, infames &c.
6. Alias accusator audiendus est, etiam Monachus aduersus Prælatum.
7. Nemo per procuratorem accusare aut defendere se potest.
8. Nemo inuitus accusare cogitur, & quatenus desistere liceat.
9. Quibus hodie munus accusandi deferatur.

Accusare possunt omnes, qui non prohibentur, l. Qui accusare 8. D. De accusat. Prohibetur autem quis accusare aliquem ob varias causas: vel quia eius, qui vult accusare, nihil interfit, c. Illa 3. h. t. exceptis publicis iudicijs: * vel quia eundem eiusdem criminis semel accusauerit; nam qui semel ab accusando destitit, amplius non auditur, l. Accusationi 6. Cod. De his accus. non pos. imò perpetuum illi silentium imponitur, licet ante inscriptionem destiterit, c. Licet 14. h. t. Similiter qui semel à crimine absolutus est per sententiam definitiuam, iterum accusari nec ab eodem nec ab alio potest, r. De his 6. & ibi DD. h. t. Ut neque semel condemnatus ac punitus, Maranta 6. p. Spec. aurei n. 49. nam de eiusdem hominis admisso sæpius quæri non debet, l. Licet 6. in fine D. Nauta caupones &c. nisi forte ex collusione primi accusatoris secundus doceat perpetram absolutum fuisse, c. 1. inf. De collus. detegenda, l. 3. §. nam si D. De preiudicatorib. Maranta d. loco num. 50. Abbas in d. c. De his hostit. Præsumitur

sumitur autem collusio, si accusator conuerteretur cum accusato: si post litem contestatam nec accusator nec accusatus compareat ad terminum statutum per Iudicem, Maranta d. loco n. 51.

Dixi, per sententiam definitiuam; quia absolutus ab obseruatione iudicij dumtaxat, licet non possit amplius accusari ab eodem, secundum Canones (per primam enim accusationem factus fuit inimicus, ac proinde repellendus eo Iure, c. Repellantur 7. c. Cum P. 10. c. Cum oporteat 19. hoc tit.) potest tamen ab alio tertio: & quidem de iure Ciuili indistinctè tam à primo, quàm ab alio, cùm secundum Ius ciuile inimici ab accusatione non repellantur. Posset tamen absolutus rursus accusari à tertio, prosequente suam vel suorum iniuriam, dummodò ignoret accusationem fuisse ab alio institutam; secus si sciuerit: nam & tertio obstat exceptio rei iudicatæ, Maranta d. loco n. 54. vbi alia vide eodem spectantia.

Tertiò, repellitur laicus, volens accusare Clericum: nam cùm Clericis laicos opiddò infestos tradiderit antiquitas, c. Clericus in princ. De immunit. Eccles. in 6. quod & experientia docet, præsertim hoc infelici sæculo; regulariter non admittuntur laici aduersus Clericos in criminalibus, d. c. Cum P. hoc tit. can. 2. & 3. can. Sicut 6. 11. q. 7. prout nec Clerici aduersus laicos, d. can. Sicut nisi fortè laici suam vel suorum iniuriam prosequantur, c. De casero 14. sup. De testib. can. Omnibus 14. q. 6. aut nisi agatur de occultis quibusdam criminibus, in quibus propter enormitatem Ecclesia laicos aduersus Clericos admittit, vt sunt Simonia, Hæresis, crimen læsæ maiestatis, c. Tanta, c. Licet Heli 31. inf. De Simonia. Eodem iure Canonico non admittuntur aduersus Clericos viles abiectæque personæ, non probatæ vitæ, can. Querendum 11. q. 7. modò reus earum consuetudine antea vlus non fuerit, c. Nulli 5. h. t.

Quartò repellitur accusator, quia inimicus est accusati, aut inimico eius cohabitat, d. c. Repellantur 7. d. c. Cum P. 9. & c. Meminimus 13. h. t. & hoc de iure Canonico, vt dixi, quia præsumitur eiusmodi accusatio proficisci ex odio. Vnde nec criminolus accusator aduersus alium criminolus admittitur, can. Omnes, can. Qui crimen 11. q. 1. d. can. Querendum 11. q. 7. can. Qui sine, can. Postulatus 111. q. 7.

Denique prohibentur accusare, alij propter sexum vel ætatem, vt mulier & pupillus; alij propter sacramentum, vt milites; alij propter maiestatem & potestatem; alij propter delictum proprium, vt infames; alij propter turpem quæstum, vt qui duo iudicia aduersus duos reos subcripta habent, nummosve ob accusandum vel nō accusandum acceperint; alij propter conditionem suam, vt filij aduersus parentes, liberti & alumni aduersus patronos; alij propter suspicionem calumniæ.

vel ob alias similes causas, de quibus in *can. Prohibentur* II. q. 1. & in d. l. *Qui accusare* 8. & seqq. D. h. 1. & Iul. Clarus in *Prax. Crimin. quest.* 14. quatenus si aliqua accusatori obijciatur, statim est ab accusatione repellendus, etiam non audito reo de crimine. Et hoc est, quod Pont. ait, si legitimus non fuerit accusator, non fatigandum esse reum sine accusatum, c. 1. b. 2. Porro plerisque, qui acculare prohibentur, Glossa ad d. c. 1. complectitur his versibus:

*Femina, pupillus, delatus, crimine tentus,
Suscipiens questu, corruptus, sortilegusque,
Infamis, servus, pauper, cum milite Principe,
Libertus, socius facium, nec non inimicus.
Clericus Ecclesiam nullus deserre valebit.*

Hi tamen omnes ab accusatione non excluduntur, si suam vel suorum iniuriam exsequantur, mortemve defendant, l. *Hi tamen* 11. D. h. 1. l. 3. & 12. Cod. eod. Exceptis liberis, libertis, & alumnis, quibus ne istis quidem casibus parentem patronumve accusare permittitur, nisi civiliter agatur, d. l. *Hi tamen* 5. 1. l. *Iniquum* 17. Cod. *De his qui accus. non pos.* Alias si qui alios accusare velint, eos immunes esse oportet à crimine, *can. Qui sine peccato, can. Postulatus* 111. q. 7. Hodie etiam paupertas non repellit ab accusatione pauperem, honestæ fidei & vitæ, Clarus d. q. 14. n. 19.

6 Quod si accusatori nulla iusta obijci causa possit, ob quam ab accusatione remoueri debeat, omnino audiendus est, quisquis ille sit: adeo ut etiam Monachus, quamvis obedientiam vouerit Prelato suo, nisi alia rationabilis causa impediatur, accusare valeat. Imò debent eidem ex bonis Monasterij suppeditari sumptus, necessarii ad prosecutionem, c. *Illa* 3. c. *Ex parte sua* h. 1. Quin etiam, ut sit expeditior reformatio Monasterij, si quam sententiam excommunicationis, suspensionis, aut interdicti Abbas, pendente accusatione, protulerit, aut per alios ferri curauerit, ea ipso iure relaxatur; sicut & iuramentum de tacenda veritate, c. *Clun* 26. h. 1. Alios tamen Monachus accusare non potest, d. c. *Ex parte sua*, nisi intersit Monasterij, & de licentia Abbatis, *can. Monachi* 35. xvi. q. 1. quia censetur mundo mortuus, *can. Placuit* ibid.

7 Quemadmodum autem ad crimen iudicii publici accusationemque criminalem prosecutionem non admittitur procurator, ita neque ad defendendum, l. *penult.* D. *De publ. iudicijs*, c. *Veniens* 15. h. 112. Licet reus absens possit per procuratorem allegare causas absentie, aliasque exceptiones, quæ ipsum crimen propositum non attingant, d. c. *Veniens* & c. *Cum dilecti* 18. h. 1. secus si agatur de crimine non criminaliter, v. g. per modum exceptionis, c. *Super his* 16. h. 1. vel de crimine priuato,

priuato, v. g. iniuriarum, *can. Absens §. nisi* III. q. 9. l. *fin. Cod. De iniurijs*; vel de alijs leuibus criminibus, l. *Leuia* 6. D. h. t.

Nemo etiam inuitus accusare cogitur, *can. Si quem penituerit, can. Si quis iratus* II. q. 7. Tit. *Cod. Vt nemo inuitus agere vel accus. cog.* Potest quilibet ante libelli oblationem & inscriptionem ab accusatione intercepta desistere; sed desistendi imponitur silentium perpetuum, ne deinceps eundem de eodem crimine accuset vel infamet, c. *Lites* 14. h. tit. At verò post inscriptionem cogitur accusationem prosequi, nec impune citra abolitionem desistit, l. *Quaestum* 3. D. *Ad SC. Turpill* Publicè enim interest, accusationem non intermitteri, siue vera sit, vt delictum puniatur, siue falsa, ne calumnator impunè euadat, & licentius in innocentiam cuiusque grassetur. Verius etiam est, fratres se inuicem accusare non posse, l. *Si magnum* *Cod. De his qui accus. non possunt*: nisi in leuioribus criminibus, l. *Si sororem* 18. *Cod. eod.* aut nisi alter alterius vitæ insidiatus fuerit, *Glos. & Salicet. ad d. l. Si magnum*: nam & idem in matre aduersus filium sibi insidiantem admissum est, l. *Propter* 14. *Cod. d. tit.* vt neque filius prohibetur de facto matris queri, l. *Hi tamen* II. §. 1. D. *De accusat.*

Caterùm obseruandum est, hodie munus accusandi apud sæcularem Iudicem deferri procuratoribus fisci; apud Iudicem verò Ecclesiasticum aliquibus electis & probæ fidei Clericis, qui Promotores aut Procuratores fiscales, vel Syndici, interdum etiam Nuntij dicuntur, quos huic muneri præficiendos tradit Bern. Diaz in *Praxi crimin.* *Can. c. 4.* & in quibusdam dioecesibus per Belgium ita seruari refert oculatus testis Zyp. olimque consuetum fuisse, lib. 5. *De iure Pont. nouo* h. t. n. 8. Et tales non debent se inscribere, quandoquidem necessitas officij eos liberet à suspitione calumniæ, nisi hæc manifestè appareat, l. *Post legatum* 3. §. *Aduocatum* D. *De his quibus vt indignis &c.* Solent tamen plerumque alij priuati, quorum aliunde interest delicta puniri, se his adiungere, eisque denuntiare crimina ac suggerere probationes, ad suam suorumque iniuriam prosequendam: vnde & euitant delatoris prohibiti notam, l. *Deferre* 18. §. *Sed communem* & l. *Delator* 44. D. *De iure fisci* cùm nemini in causis proprijs accusandi licentia sit deneganda, *can. Omnibus* IV. q. 6.

§. III. Quinam accusari non possint.

1. Non mortui, non Legati, Praefides, Magistratus &c.
2. 3. Non absoluti per sententiam, neque absentes.
4. Non infantes & furiosi.
3. De servis reus.

- S**icut non omnes accusare possunt, ita nec omnes accusari. Non in primis mortui, l. Ex iudiciorum 20. h. t. l. fin. D. Ad Leg. Iul. Majest. Non Legati Imperatoris aut Provinciales, non Magistratus populi Rom. & qui Reipubl. causâ absint, l. Hos accusare 12. D. eod. Idemque dicendum de alijs, qui in honore ministeriove publico sunt: qui quidem rectè postulantur rei, sed eorum differatur accusari, & cautione iudicio sistendi causâ promittitur in finem honoris, l. Si adulterium 38. in fine D. ad Leg. Iul. De adul.
- 2 Tertio, semel absoluti per sententiam iterum accusari non possunt, de quo iam antè dictum.
- 3 Quarto, non etiam absentes, multoq; minùs damnari, l. Absentem 6. Cod. h. t. l. Absentem 5. D. De penis: sed tantum annotario sit honorum, & post annum publicatio, d. l. Absentem l. 1. & 2. Cod. De requir. rei; quamvis procuratorem habeant, l. penult. §. 1. D. De publ. iudicijs 6. Veniens 15. h. t. c. Tua 5. sup. De procurat. can. Absens vero 111. quest. 9. quia Iudex ex rei praesentia, vultu, aspectu, qualitate personae, constantia, trepidatione, ex oculorum sermonisque iudicijs in criminis cognitionem deducitur, ut Canis. ait lib. 4. Tit. 19. §. Qui verò accusari, arg. l. 2. & 3. D. De testib. l. De more 10. §. tormenta D. De questionib. Idemque verum est, si crimen tale sit, ex quo poena corporalis, vel in aeternum, aut similis infligenda venit, d. l. Absentem D. De penis & d. c. Veniens, ubi poena similis est capitali. Excepto tamè crimine laesae Majestatis, ut in Extra. Henr. x 11. Quomodo in laesa Majestati &c. Ceteroquin si pecuniariam poenam, aut quae aestimationem contingit, crimen inerteatur, poterit ea in absentem, si scriptis admonitis per contumaciam ablit, statui, & usque ad relegationem procedi, d. l. Absentem D. De penis. Planè hodie in Gallia & alibi, & in foris Ecclesiasticis honorum annotationi locum non esse, posseque absentes contumaces damnari, etiam ad mortem, eorumq; bona addici fisco, notat Gothof. ad d. l. Absentem Cod. h. t. post Iul. Clar. q. 44. n. 3. & 4.
- 4 Quinto, non infantes & furiosi, l. Infans 12. D. Ad Leg. Corn. De fcar. l. Divus 14. D. De officio Praef. Minores verò xxv. annis tunc rectè accusantur, si puberes aut pubertati proximi deliquerint, quippe capaces

capaces iam doli, l. Pupillum 111. D. De R. l. quamquam interdum miseratio ætatis mouere possit Iudicem ad mitigandam pœnam, l. Auxilium 37. D. De minoribus.

Omnibus verò legibus serui fiunt & postulantur rei; exceptâ pœnâ pecuniariâ vel capitis, id est amissionis ciuitatis, quæ seruo non competit, d. l. Hos accusare 12. §. omnibus 4. D. h. tit. Ex ciuilibus causis eorum domini noxaliter conueniuntur, l. penult. & ult. Cod. De noxalibus action. Ita hæc tradit Canis. d. loco §. Omnibus autem.

§. IV. De Inquisitione.

1. Inquisitio quid sit.
2. Hanc instituet Index publicâ famâ instigante.
3. Eaq; procedere debet inquisitionem.
4. De eadem constare cebet ex actis & informatione.
5. Nec sufficit, si duo pluresve iurati adfirmant, quæ commississe crimen.
6. Inquisitio vel generaliter sit vel specialiter.
7. Generalis inquisitio permissa est iudici de quolibet delicto.
8. In speciali inquisitione qua edenda & quo modo procedendum.
9. Interest an per inquisitionem probatum sit crimen, an per accusationem.
10. Ad inquisitionem necessaria est citatio offensi & consanguineorum.
11. Denique à iudice competente fieri debet.

Inquisitio est alicuius criminis manifesti per Iudicem competentem canonicè facta inuestigatio. Idque ita à Iure receptum est, ne deficiente accusatore delicta manerent impunita, cum grauissimo Reipublicæ detrimento, nempe vt Præsidi, Officiali alicuius prouinciæ aut ciuitatis seu Iudici ex officio suo liceat nocentes, veluti fures, latrones, sacrilegos, homicidas, & alios, conquirere, & prout quisque deliquerit, in eum animaduerrere, sicque prouinciam aut ciuitatem, cui præest, malis hominibus purgare, l. Congruit. 13. D. De officio Pres. Nouell. 128. De collatoribus §. iubemus.

Quam tamen inquisitionem Iudex non aliter instituet, quàm si famâ publicâ & rumore vulgi non temerario ad hoc permotus fuerit, c. Cum oporteat 19. c. Inquisitionis 21. §. Tertia dubitatio e. Qualiter 24. h. tit. ne temerè in aliquem & cum periculo alienæ existimationis grassetur, arg. l. Frater 7. in princ. D. De iniurijs. Deque occultis criminibus prohibita est inquisitio, dicto capit. Cum oporteat: & propterea in primis constare oportet de delicto commissio, saltem in genere, verbi gratiâ quod reperiat homo occisus, furtum factum,

factum, vel rapina, vel aliud simile, nesciaturq; à quo: & de isto ludex ante omnia se informare debet, & curare describi in actis qualitatem delicti, Maranta 6. p. princ. n. 17. & 18.

- 8 Secundò, contra infamatum de crimine aliquo inquiri non debet, nisi fama publica vel clamorosa insinuatō præcesserit, v. loquitur Pont. in d. c. *Inquisitionis §. tertia* & d. c. *Qualiter & quando insine h. sic.* quia hæc est loco denuntiatoris vel accusatoris; d. c. *Qualiter circa princ.*
 4 plenè Felin. in c. *Licet* 14. h. s. * Et de tali fama, proueniente non à maleuolis & maledicis, sed à viris prouidis & honestis, constare etiam debet ex actis & ex ipsa informatione, aliàs inquisitio impugnari posset, d. c. *Qualiter* Ideoque licet Iudici ab aliquibus clari porrigatur libellus infamationis, quo quis grauis alicuius criminis accusetur, non tamen ad inquisitionem procedi debet, nisi de eo quoque fama accusati sit læsa, ne inde nascantur iniuriæ, vnde iura nasci debent, Iudicisq; vilescat auctoritas, d. c. *Inquisitionis* & d. c. *Qualiter*.

- 5 Quod adeò verum est, vt non sufficiat quoque ad inquisitionem specialem instituendam, quòd duo pluresve etiam iurati affirmant aliquem crimen aliquod, se videntibus, commisisse, de quo non laboret infamià aliquà seu clamorosa non præcesserit insinuatō, d. c. *Inquisitionis §. tertia*: quia aliàs adhuc occulta res est, minimeque per publicam inquisitionem prodenda; sed requiritur, vt rumor de eo sit sparsus per maiorem partem vicinæ, collegij, vel vniuersitatis, in qua moratur.

Hinc etiam reus rectè aduersus inquirentem excipit de fama delicti publica, quod eà non sit respersus, *Glos. ad c. 1. V. fuerunt h. s. in 6.* vel quòd non nisi à maleuolis & inimicis promanarit. Alioqui omis à hac exceptione, sustinebitur aduersus reum inquisitio, quasi huic exceptioni tacite renuntiantem, c. 1. & 2. *cod. in 6.* Imò nec subditi tenentur patefacere auctorem, etiam sub iuramento rogati, si is nullà laboret infamià, nihilque mali in posterum timeatur, *Less. 2. De iustit. cap. 3. Dubitat. 6. vbi latius vide.*

Excipitur tamen à supradictis crimen patefactum ex generali inquisitione, item commissum vel confessum in iudicio: quodque suspitione communis laborat, vel est contra bonum publicum, aut insectium, *Zyp. h. t. n. 4.* Excipiuntur item crimina, læse maiestatis diuinæ atq; humanæ, falsæ monetæ, lætrociniij, in quibus etiam ex sola confessione socij in locum inquiritur, l. *Quisquis §. 9. Cod. Ad l. iul. maiest. l. 1. Cod. De falsamonetat.* *Diuus 6. D. De custodia reorum l. 9. Cod. De feriis.* Idq; obtrinet, dum inquisitio contra certam personā, pnta Meuium, Titium, vel alium instituitur, *Canis. d. loco §. qua certè obtrinet.*

- 6 Fit verò inquisitio generaliter, quando de delicto quidem constat,

constat, non tamen de delinquente. Et hæc potest fieri absque fama præcedente, Abbas in *c. Perniciosa sup. De officio Iud. Ordinarij*. Specialiter autem fit, quando de utroque constat; vel ex fama publica, à personis idoneis & fide dignis cum circumstantijs ad Iudicem delata, *d. c. Inquisitionis §. Tertia versic. Ad hoc & d. c. Quando 24. versic. Ad corrigendos*: vel ex denuntiatione, factâ à parte offensa vel ab extraneo, siue ex necessitate officij, siue motu proprio. Nam aliàs inquisitio specialis regulariter prohibita est, tamquam regulis Iuris contraria, cum nemo sine accusatore damnandus sit, *l. Rescripto 6. §. si quis D. De muner. & honorib. Glossa & D. D. in l. Ex lege §. si publico D. De adulterijs*. Vnde & Christus Ioan. 8. dixit Mulier, ubi sunt, qui te accusant, nemo te condemnauit & respondente muliere, Nemo Domine; respondit, Nec ego te condemnabo, deficiente scilicet accusatore. Et cum sciret Iudam furem esse, tamen quia non erat accusatus, ideo non fuit eiectus, *can. Nihil contra 2. q. 1.*

Si tamen inquisitio fiat, non ad effectum puniendi, sed corrigendi & pro salute animæ, ut dum Episcopus visitat Ecclesiam, dum se informat de vita & moribus eligendi, consecrandi, promouendi ad Ordines, tunc quia ex officio inquit, fama aliqua præcedat necesse non est, Abbas in *d. c. Perniciosa sup. De officio Ordin. latè Maranta 6. p. n. 32.* Sicut & quando Iudex inquit de mandato Principis, asseruiue dicentis in sua commissione, constare sibi de crimine, seu quòd fama deuenit ad aures suas. Aliàs si commissio facta sit simpliciter, tacitam habet conditionem, modò scilicet præcedat fama, Maranta *d. loco n. 25.*

Generalis inquisitio est præparatio ad specialem: nec prohibetur Iudex generaliter inquirere de quolibet delicto, ut ad specialem inquisitionem deueniat, *l. 1. §. qui questionem D. De questionib. iunctâ. l. Congruit D. De officio Pras. Innoc. ad l. Bona 23. n. 5. sup. De elect. & ubi generalis præcessit, deueniri potest ad specialem, sine alia probatione famæ, nempe quando per generalem reperit Iudex sufficientia & urgentia indicia, Maranta *d. 6. p. n. 30 & duobus seq.**

In inquisitione verò speciali de iure Canonico debent ei, contra quem instituitur, edi capitula, de quibus fuerit inquirendum, *c. 1. sod. in 6. & quidem specialia, quæ scilicet contineant omnes & singulas circumstantias delicti, commissi tali loco, anno, mense, cum tali persona, aduersus talem, & sic de alijs, secundum formam l. Libellorum 3. D. De accusat. ut reus facultatem habeat defendendi se, c. Qualiter 24. vers. Debet igitur h. t. Maranta d. loco n. 35. & 37.* Aliud dicendum, si inquisitio fiat de crimine læsæ maiestatis, siue diuinæ, ut de hæresi ac blasphemia, siue humanæ, in quibus summariè & de plano proceditur, Maranta *d. loco n. 36.* Imò non solum dicta, sed etiam nomina testiū sunt publicanda, nec non exceptiones & replicationes legitimæ admittendæ,

rendæ, d. § Debet igitur. vbi vide, qualiter Prælatus procedere debeat in inquisitione facienda contra subditos: item quo pacto institui ea debeat contra ipsos Prælatos, si delinquant. Requiritur enim talis diffamatio in Prælato, qui diutius sine scandalo dissimulari non possit, vel sine periculo tolerari. De iuramento verò, quod inquisitores exigunt ab inquisitis, vide in d. c. Qualiter 17. h. t.

Cæterum refert Zyp h. t. n. 4. in concordatis Brabantiz §. De crimine concubinitus, & §. De crimine adulterij, disertè cautum esse, ne cognoscat Ecclesiasticus nisi de notorio concubinato & adulterio, & vt testes Synodales non denuntient nisi adulteros notorios: ne scilicet Promotores spe lucri statim ad accusandum prosiliant, vbi vel rumusculum aliquè inaudierint. Et n. 2. tradit art. 54. Lati Introit. Brab. ordinatum fuisse, ne Officiarij quemquam boni nominis & famæ apprehendant, nisi prius plenam habuerint informationem suspicionum, commissorum criminum, ob quæ apprehendere velint: & vt neque è domo abducere, neq; inquisitionem in domo instituere valeant aliter, quàm de iure & antiquo locorum vsu liceat, saluo iure ampliori ciuitatum Antwerp. Louan. & Siluæduc. addit. 2. art. 10. dicti Introitus.

9 Multum autem refert, an delictum aliquod probatum fuerit per inquisitionem, an verò per accusationem: quia per accusationem prodito & probato crimine, tenetur Iudex pœnam à lege statutam infligere; eo verò patefacto per inquisitionem, licet certam pœnam crimini lex præscripserit, tamen Iudex eam moderari pro suo arbitratu poterit, secundum personæ merita, & delicti qualitatem, d. c. Inquisitionis 21. in princ. nisi crimen sit eiusmodi, quod executionem impediat Ordinis, aut delinquentem beneficio indignum reddat; veluti si quis per inquisitionem probatus fuerit simoniacus: nam istis duobus casibus nullum Iudicis est arbitrium; sed priori fit depositio perinde atque in accusatione, & in secundo fit priuatio: nec potest Iudex has pœnas moderari, d. c. Inquisitionis.

10 Insuper requiritur ad inquisitionem citatio offensis & consanguineorum proximiorum: quibus à iure permittitur prosequi suam suorumve iniuriam, vt declarent, an accusationem instituere velint. Nam comparente accusatore de iure civili cessat inquisitio, tamquam remedium extraordinarium, l. In prouinciali 3. D. De noui operis nuntiat. ita vt coram alio quoque Iudice institui possit accusatio, impediatque inquisitionem coram alio cœptam. Exceptis casibus, quibus inquisitio permittitur de iure, vt in crimine læsæ maiestatis, & alijs, traditis per Gloss. in l. Ex lege §. si publico D. De adult. vel statuto; quia cum tunc sit remedium perinde ordinarium atque accusatio, non tollitur per superuenientem accusationem: atqui iure Canonico inquisitio reme-

DE ACCUSATIONIBVS, INQUISITIONIBVS, &c. 731
remedium est ordinarium. Excipitur & is casus, quo inquisitus datâ operâ affectaret & procuraret accusationem coram alio Iudice, ad impediendam executionem, aut offensus à Iudice rogatus ante cœptam inquisitionem, an velit accusare, responderit nolle. Videatur de his & similibus alijs Maranta d. p. 6. à n. 38. vsque ad n. 49.

Denique fieri inquisitio debet, à Iudice competente, aliàs non valet; & in casibus à Iure permissis, prout de iure Canonico contra vsurarium permittitur in c. Cum in dioecesi 15. inf. De vsuris, Maranta d. loco n. 106.

§. V. De Denuntiatione.

1. 2. 3. Denuntiatio alia Ciuili, alia Euangelica, alia Canonica.
4. Denuntiatio Canonica ab accusatione in quibus differat.
5. Ea duplex est generalis & specialis.

Denuntiatio est triplex, Ciuili seu Iudicialis, Euangelica & Canonica. Ciuili, quæ à iure Ciuili introducta est; veluti quæ fit per ministros publicos (quos & stationarios ab officio vocât) ad hoc cōstitutos, vt delicta admissa denūtient Magistratibus, eorumque auctores prodant, quatenus in eos fiat inquisitio, l. Ea quidem 7. iunctâ l. seq. & l. Singuli 14. Cod. De accusat. l. Diuus 6. D. De custod. & exhib. reorum: ad publicam scilicet vindictam; ideoque dicitur publica, vt distinguatur à priuata, quæ fit ad priuatū interesse & commodum: vt si filius vel seruus opprimatur indebitè à patre vel domino, aut quilibet alius à potentiore, præsertim miserabilis persona, possunt tales hoc denuntiare in iudicio, vt per Iudicem releuentur, Maranta 6. p. Tit. De denuntiatione, quem vide, vt & Abbatem in c. Nouit 13. col. 17. sup. De iudicijs. Quodd si minister publicus perperam aliquem detulerit, non tamen punietur propterea, nisi per iniuriam detulisse deprehendatur, quia officij necessitas eum excusat à calumnia. Videatur Prosper Farniac. in Criminal. q. 16. n. 15. cum seq. Ad hanc autem denuntiationem non admittitur priuatus, cum possit, si velit, accusationem instituire, l. fin. Cod. d. Tit. can. Quisquis II. q. 8.

Denuntiatio Euangelica est, quæ ex lege Euangelica est introducta, Matth. 18. & Luca 17. In ea hic ordo seruatur, vt delinquens primū corripiatur priuatim, deinde, si correptioni non paruerit, iterū moneatur, adhibito vno vel duobus testibus, & tum demum, si contumax perstiterit, denuntietur Ecclesie, c. Nouit 13. sup. De iudicijs, c. Licet Heli 31. inf. De Simonia, can. Si peccauerit II. q. 1. atque ita eam semper præcedere debet bina monitio, etiā in notorijs, nec procederet aliàs, Maranta d. loco n. 5. quem plenius vide, & Weym. in Analyfi ad c. Qualiter 24. h. t.

- 3 Denuntiatio Canonica, de qua hic agimus, est alicuius criminis apud Iudicem absque inscriptione legitime facta delatio, potissimum ad emendationem rei. Colligitur ex c. 2. 3. & alijs h. t. Ab ea, sicut & ab accusatione, repelluntur infames, inimici, excommunicati, c. Cum oporteat 19 & c. seq. h. t. Et quemadmodum Monachus Abbatem suum delinquentem accusare, ita & denunciare potest, sumptibus ipsius Monasterij: siquidem prodita est hæc denuntiatio contra Ecclesiarum & Monasteriorum Prælatos; ut eorum excessus à subditis, Clericis vel Monachis, si monitioni non acquieverint, deferantur ad Superiorem suum, d. c. 2. 3. & c. Cum dilectus 20. h. t. c. 2. inf. De calumniatorib. quia illorum interest bonum habere Prælatum, arg. can. Audacter v. 1. q. 1.
- 4 Conuenit hæc denuntiatio cum accusatione, quod utraque fiat coram Iudice. Differt verò ab eadem; primò in modo instituendi: nam ad accusationem necessaria est inscriptio, non ad denuntiationem; nec denuntians facit se partem, sicut accusator. Secundò fine, quia accusatio fit principaliter ad pœnam & vindictam publicam, ut scilicet delictum puniatur; denuntiatio verò fit ad emendationem & correctionem vitæ, atque ob eam causam non est opus inscriptione, sed amicâ & charitatiuâ præmonitione: quâ non obstante si in eodẽ perseueret crimine, tunc demùm nuntiari & deferri Iudici Ecclesiastico debet; aliàs à denuntiatione repellitur is, qui non præmonuit, d. c. 2. h. t. Et in hoc rursus distinguitur ab accusatione, quam fama publica præcedere debet: nec sufficit infamia ad condemnandum, nisi probeatur, c. Inquisitionis 21. §. fin. & c. Accedens 23. h. t. Quamquam hæc inducat infamato necessitatem purgationis, in qua si deficiat, punitur, ut conuictus, toto Tit. De purgat. Canonica.
- 5 Denuntiationem Canonica diuidit Maranta in Specialem & Generalem: ut specialis sit, quæ per eum fit, cuius interest habere bonum Prælatum, vel administratorem, vel subditum, ut scilicet primò monitus bis, si sit incorrigibilis, remoueatur ab officio & beneficio, c. Custos Ecclesia sup. De officio Custodis, c. Licet Heli inf. De Simonia. Ut verò generalis sit, quandq agitur de matrimonio dissoluendo, & de eius impedimentis: permissum enim est cuilibet impedimentum canonicum, si quod subsit inter contrahentes, veluti consanguinitatis, vel simile, denunciare Iudici Ecclesiastico, c. Tua nos 7. iuncta Glof. ibid. sup. De cognat. spirituali can. 1. xxxv. q. 6. Et de hac loquitur textus in c. Ad dissoluendum 13. sup. De desponsat. impub. c. Cum inhibitis 3. sup. De clandest. desponsat.

§. VI. De alijs modis procedendi in criminalibus.

1. *Modus procedendi in criminalibus per exceptionem.*
2. *Item sine ordine vel per notorium.*
3. *Notorium crimen quod dicatur.*
4. *Modus procedendi per implorationem officij iudicis.*
5. *Nemo absens condemnandus.*
6. 7. 8. 9. *Ordo procedendi in criminali iudicio.*
10. *De executione sententia in criminalibus.*

Modis instituendi iudicij criminalis addunt & istos, per exceptionem, sine ordine siue per notorium, per implorationem officij Iudicis.

Per exceptionem obijcitur crimen, vel nudè ad defensionem, accusatoribus vel testibus, vt ab accusatione vel ferendo testimonio repellantur, *c. 1. sup. De exceptionib.* Vnde necessaria hinc inscriptio non est, nec punitur excipiens, si crimen obiectum non probauerit, quia, cum ad sui defensionem dumtaxat illud obijciat, nemini facit iniuriam, *l. Iniuriarum §. 1. D. De iniurijs*: nisi fortè crimen principali causæ cohæreat, vt in *c. Super his 16. h. t.* Vel per exceptionem opponitur crimen, vt quis ab officio vel beneficio, quod affectat, repellatur; & hoc quoque casu non est necessaria inscriptio.

Sine ordine vel per notorium proceditur, quando crimen est notorium & euident; nam tunc nec testis nec accusator est necessarius, nullâque aliâ probatione neque vllò opus est iudiciario ordine, quia, vt Pont. ait, euidentia patrati sceleris non indiget clamore accusatoris, *c. 9. h. t.* * Dicitur autem hinc notorium crimen, quod nullâ tergiversatione celari aut tegi potest, quippe patratum coram populo, vel maiori eius parte, *can. 1 e manifesta 17. II. q. 1. c. Tua 8. sup. De cohabit. Clericorum c. penult. inf. Depurgat. Canonica, Iul. Clar. in Pract. crim. §. fin. q. 9.* licet aliàs latius pateat notorium, vt in *c. ult. sup. De cohabit. Cleric.* Non aliter tamen coërcebitur sine ordine crimen, quàm si Iudici circumstantiæ ipsius delicti plenè perspectæ cognitæque sint. Neque enim sufficit, scribente Canis. in *Summa lib. 4. Tit. 19. §. ult.* Titium v. g. publicè omnibus spectantibus hominem occidisse, vt in eum pœnâ Legis Corneliæ animaduerti possit; sed necesse est scire, anne defendendi sui causâ aut aliâ ratione motus hominem occiderit, ob quam pœna vel omninò remittenda sit, vel mitiganda, *l. Aut*

facta 16. D. De pœnis, can. Sicut dignum 6. in princ. inf. De homicidio, Iul. Clar. d. q. 9. Et hinc Titio tantisper danda dilatio est, donec exceptiones suas proposuerit & probauerit, nisi fortè criminis qualitas aliud postulet, ut ad condemnandum & puniendum properari debeat, per textum in l. Si quis filio 6. §. hi autem omnes D. De iniusto, rupto testam. c. Quoniam 10. sup. De filiis presbyt. Vide Ant. Comes. Var. resolut. Tomo 3. cap. 1. n. 43.

- 4 Quantum ad modum attinet procedendi per implorationem officij Iudicis, quotuplex sit eius officium, & qualiter hoc modo procedatur, & an litis contestatio necessaria sit, vel alia iudicij solemnia, partim iam antè diximus, ad Tit. De officio Iud. Ordinarij, & videre de his licet Bart. & D. D. ad l. 1. D. De iurisdic. om. Iud. Glos. & Canonistas in c. Iudicis officium sup. De officio Iud.
- 5 Illud postremò & generaliter hîc obseruandum, ut nemo absens iudicetur, nisi ex contumacia fuerit absens, legibus cùm diuinis tum humanis id verantibus, l. Absentem 6. Cod. De accusat. l. Absentem §. D. De pœnis, can. Accusatores in fine III. q. 8. & alijs. * Quodque in criminali quoque iudicio seruandus sit ordo iuris, & procedi debeat per litis contestationem, per exceptiones, probationes, &c. ad instar ciuilis, c. vlt. inf. De purgat. Canon. l. 2. Cod. De exhib. rei, l. Qui accusare Cod. De edendo. Eo primùm excepto, quòd in criminalibus non sit opus aprâ libelli conclusionem, imò ne conclusionem quidem ad certam pœnam, quia ea iure comprehensa est. Idque tantum operatur in criminali iudicio, quantum petitio agentis in ciuili. Et cùm iure comprehensa sit, suppleri à Iudice potest, qui etiam ob eandem rationem aliter condemnare potest, quàm petitum sit. Welsenb. ad Tit. D. De accusat. sub n. 12.
- 7 Secundò, eo quoque excepto, quòd hîc probationes requirantur euidentiores & luce clariores, l. fin. Cod. De probat. aded ut præsumptiones non sufficiant ad condemnandum, d. l. Absentem D. De pœnis c. Litteras 14. sup. De præsumpt. sed tantum ad absoluendum, Glos. in Clement. vnica ad V. non volens De hom. præterquam in delictis, quæ non nisi per coniecturas & præsumptiones probari possunt, l. Non omnes §. §. à barbaris D. De re militari, c. Afferte 2. c. Litteras 12. sup. De præsumpt.
- 8 Tertiò, quòd reo defensio permittenda sit, quamuis appareat, iustam non subesse, etiam post conclusionem in causa; imò & post sententiam. Quin &, si prætermiserit eam reus, potest Iudex adsumere personam rei, deque innocentia eius quærere, l. Si non defendantur D. De pœnis l. 1. in fine D. De questionib. sicuti è diuerso, desistente aut impedito accusatore, ex officio accusationem prosecqui inchoatam. Imò sunt, qui velint, etiam nocentissimum damnari non posse, nisi termino defen-

DE ACCVSATIONIBVS, INQVISITIONIBVS, &c. 735
defensionis ante omnia concessio & assignato, ita latè Wefenb. d. loco,

Quartò, excipiuntur leuiora crimina: item læsa maiestatis & hære-
fis; in quibus de plano proceditur & cognoscitur, *iuxta text. & ibi la- 9*
tius D D. in l. Leuia 6. D. h. tit. cap. fin. De heret. in 6. In quibus proinde
sufficit qualis qualis petitio, nec inepta conclusio nocebit: quia quod
de necessitate nõ requiritur, id si ineptè interueniat, non vitiat actum,
Wefenb. d. loco in fine.

Denique legitimè conuictò reo, vel idoneis testibus, vel apertissi- 10
mis documentis, vel indicijs indubitatis ac luce clarioribus, d. l. fin.
Cod. De probat. iuncl. à l. Qui sententiam 16. Cod. De pænis, vel propriâ con-
fessione, d. l. Qui sententiam l. Seruos 8. Cod. Ad l. Iul. De vi publica, l.
5. D. De custod. reorum, iuncl. à l. 1. D. De quæstionibus, can. 1. cum multis
segg. II. q. 1. (quam & à reo, argumentis euidentioribus & indicijs
certis oppresso, extorquere Iudex potest, quæstionibus adhibitis, l.
Milites 8. §. 1. Cod. De quæstionib. l. Vnius 18. §. 1. & 2. D. cod. Iul
Clar. in Pract. crim. q. 64. & ibid. Baiard.) mox sententia in eum fe-
renda est, & executioni mandanda, l. Cum reus 18. Cod. De pænis: inter-
iecto tamen illius temporis spatium, quod ad appellandum conceditur,
l. Addictos 29. & ibi Bart. Cod. De appellat. l. vnica D. Nihil nouari appellat,
interpositâ; aut suspensâ sententiâ per triginta dies, si ipse Princeps vin-
dicari in aliquem seuerius, contra consuetudinem suam, pro causæ
intuitu & qualitate, iusserit, l. Si vindicari 20. Cod. De pænis; aut si mu-
lier prægnans condemnata fuerit, nam & huius suspenditur pœna,
quoad pariat: cum nec quæstio de ea haberi possit, quamdiu præ-
gnans est, l. Prægnantis 3. D. De pænis.

Non impletâ aut derelictâ accusatione, reus absoluitur, & accusa-
tor pœnam talionis, aut alias, incurrit. Quibus autem modis non im-
pleatur, tradit Wefenb. d. loco n. 16.

TITVLVS II.

De calumniatoribus.

1. Quid sit Calumnia & quis Calumniator.
2. 3. Quis Prauaricator & Tergiuersator.

CVM Reipublicæ expediat, non minùs dare operam, ne quis
calumnijs & falsis criminibus oneretur, quàm ne crimina ma-
neant impunita, ideo circa iudiciorum criminalium ingressum
videndum quoque fuit de calumniatoribus. Accusatorum & denun-
tiatorum

tiatorum temeritas malitiaque tripliciterprehenditur seu triplex est: vel enim calumniantur, vel præuariantur, vel tergiuersantur.

Calumniari est falsum crimen scienter & dolo malo intendere, l. 1. §. 1. D. Ad SC. Turpill. l. Athletas §. calumniator D. De his qui not. infamia. Vnde Calumniator dicitur, qui falsum crimen scienter & dolo malo intendit seu proponit. Talisque præsumitur eo ipso, quo crimen intentatū non probauit, c. 2. & ibi Abbas h. tit. can. Qui non probauerit II. q. 3. Nam cum alium ad iudicium prouocans paratas habere probationes suas debeat, l. Qui accusare Cod. De edendo: meritò, si defecerit in probatione, videtur sine causa, id est calumniosè litem mouisse.

Quia tamen non protinus is, qui non probat, quod intendit, calumniari videtur, ideo eius rei inquisitio arbitrio cognoscentis committitur, qui reo absolutò, priusquam sententiam ferat, de accusatoris consilio quæret, quā mente ductus ad accusationem processerit. Et quidem si iusto errore aut aliā instā causā, quæ à dolo excuset, motum repererit, eum absoluet; si verò in cuiusdenti calumnia eum deprehenderit, legitimam pœnam (quæ in publicis iudicijs hodie est pœna talionis, ut quod alij malitiosè molitus fuit, ipse luat, l. fin. Cod. h. tit. in priuatis extraordinaria, pro qualitate admissi criminis, l. 3. D. Ad SC. Turpill.) ei irrogabit, d. l. 1. §. Sed non utiq; 3. can. Quisquis II. q. 8. & similibus.

Quòd si fortè non possit eadem pœnā affici, quā accusatus probato crimine mulctandus fuisset, punietur in supplementum alio modo. Et ideo si Subdiaconus Diaconum vel alterius ordinis maiorem calumniosè accusauerit, priuabitur officio & verberibus publicè castigatus in exilium mittetur, c. 1. h. t.

Tametsi autem denuntians ad inscriptionem non teneatur, tamen si persona Ecclesiastica superiori denuntiauerit crimen aliquod, non probatum sufficienter, indicanda erit ei purgatio Canonica, & interim, donec innocentiam suam purgat, nempe quòd non calumniandi animo ad delationem criminis processerit, ab officio & beneficio suspendendus erit, ut cæteri simili pœnā perterriti ad infamiam vel aliorum, vel suorum maximè Prælatorum, facili non profiliant, c. ult. & ibi Abbas h. t.

Præuariani est vera crimina abscondere, & falsa deregere, l. 1. in princ. D. Ad §. C. Turpill. & Præuaricator dicitur quasi varicator, inquit Vlpian. qui diuersam partem adiuuat proditā causā suā, d. l. 1. aut qui vera crimina abscondit, colluditque cum reo, falsas probationes admittendo, & veras dissimulando; ita ut ex utraque parte consistat, quin imò ex altera, cui se aduersarium simulauit. Punietur autem præuaricator iudicio arbitrario, Abbas in d. c. 1.

Tergi-

Tergiuerfari est in vniuersum ab accusatione desistere, *d. l. 1. D. Ad SC. Turpill.* Quod vtiq; accusatione semel institutâ non licet, citrà abolitionem, quâ reorum numero reus eximitur, & accusationis memoria aboletur, *l. Si interueniente 12. D. eod.*

Est autem abolitio duplex: alia generalis, quæ est absolutio ab omni accusatione, quam solus Princeps indulgere potest: alia specialis, quâ vna tantum accusatio perimitur & extinguatur. Et hæc fit quatuor modis; primò per Principem, vti generalis; secundò per mortem accusantis vel accusati; tertio per biennij lapsum, sine culpa accusatoris, *l. Abolitio Cod. De abolitionib.* quartò per postulationem accusatoris, si eam à Iudice postulauerit. Vide Hostien. in *Summa h. tit.*

TITVLVS III.

De Simonia, & ne aliquid pro spiritualibus exigatur vel promittatur.

§. I. De crimine seu delictis in genere.

1. *Delictum, Peccatum & Crimen hîc promiscuè sumi, & quid sit.*
2. *Delictorum alia Deum principaliter, alia proximum ledunt.*
3. *Item alia sunt merè Ecclesiastica, alia merè secularia, alia mixta.*

EXpedito primo capite huius libri de iudicio criminali apud Iudicem Ecclesiasticum, nempe de accusationibus, inquisitionibus & denuntiationibus, & earum occasione de calumniatoribus: sequitur alterum de generibus criminum, ob quæ iudicium criminale instituitur.

Omissâ autem quorundam distinctione, maioris studij quàm fructus, inter Delictum, Peccatum & Crimen, quasi Peccatum perpetrando & committendo, Crimen sceleris atrocitate, Delictum verò omittendo contrahatur, quandoquidem promiscuè usurpari possint, & usurpentur à Iustin. in *l. 1. Cod. Si aduersus delictum &c.* nos quoque promiscuè usurpabimus hoc loco: ita tamè, vt licet Peccatû seu Delictû in genere nihil aliud sit, quâ actus humanus malus, vt docet Couar. in *Clem. Si furiosus p. 2. in princ. n. 1. in fin.* pressius tamen hîc illud accipiamus, vbi agimus de delictis in ordine ad pœnas humanas, nempe pro actu humano malo, qui accusatione & coërcitione à Iure seu Iudice

humano dignus sit, siue dolo malo fiat, siue culpâ, etiam leuissimâ, admittatur. Dico pro actu humano; vt indicem debere illud esse voluntarium, siue directè, siue indirectè, siue interpretatiuè, prout etiam constat ex Gratiano xv. q. 1. *in princ.* & Couar. d. loco. Dico, qui accusatione &c. vt indicem delictum ex re ipsa oriri, id est ex ipso maleficio, l. 4. *in princ.* D. De obligat. & act. quia solâ cogitatione conceptum à iure non coërcetur, l. Cogitationis 18. D. De panis; sed ultorem habet Deum, can. fin. xxxii. q. 3. Aliàs si voluntas seu actus interior in actum eruperit exteriorem, legi subijcitur humanæ, eâque puniendus venit, l. Is qui cum relo Cod. Ad l. Cornel. de sicar. maximè vbi in actum exteriorem ita deductus est, vt per conantem non steterit, quò minus delictum fuerit consummatum, can. Qui peierare xxii. q. 5. & similib. potissimum in maleficijs, vbi principium & voluntas, non exitus, spectatur, iuxta l. Quoniâ 6. multa Cod. Ad l. Iul. de vi publ. cum similib. & generaliter in ijs delictis, quæ faciliè in consequentiam trahuntur.

Omissâ item delictorum eâ diuisione, quâ iure Ciuili diuiduntur in Publica & Priuata, & rursus Publica in Capitalia & non Capitalia, de qua Instit. De publ. iudicijs l. 1. & 2. D. eod. iure Canonico ita commodè diuidi possunt; Primò, quòd aut principaliter offendant diuinam maiestatem, vt Simonia, Hæresis, Schisma, Apostasia, Blasphemia, Sortilegium, de quibus etiam prius agendum erit; aut læsionem siue damnum adferant proximo, veluti Homicidium, Furtum, Rapina, Vsurâ, Adulterium, Stuprum, Incestus, Raptus, Iniuria, & similia, de quibus posterius agemus.

Secundò, quòd alia sint leuia, alia grauia, grauiora ac grauissima, quorum differentiam malim arbitrio Iudicis relinquere, quam hic tradere.

3 Tertiò, quòd alia sint merè Ecclesiastica seu fori Ecclesiastici, alia merè secularia seu fori secularis, alia mixta seu mixti fori. Merè Ecclesiastica sunt, quorum cognitio Ecclesiastico Iudici reservata est, licet per laicum commissâ sint, vt crimen Hæresis, violatio voti, Deo facti, aut alicuius præcepti Ecclesiæ, violatio censuræ Ecclesiasticæ, sacrilegium in sacris commissum, & similia, de quibus Abbas & alij, in c. Cû sit generalis 8. sup. De foro compet. Merè secularia sunt ea, de quibus, si à laicis committantur, soli Iudices seculares cognoscunt, vt Homicidium, Furtum, Rapina & similia. Mixta sunt, de quibus, si à laicis committantur, tam Ecclesiasticus quàm secularis Iudex potest cognoscere; cuiusmodi sunt Adulterium, Sodomia, & alia, de quibus Iul. Clar. in Pract. Crim. q. 37.

§. II. Simonia quid sit.

1. 2. *Simonia vnde dicta & definitio illius.*

3. *Pretium in Simonia triplex, muneris à manu, à lingua, ab obsequio.*

4. *Res spirituales qua hic dicantur.*

5. *Spirituali annexum quid sit.*

INter delicta, quæ diuinam offendunt maiestatem, grauissimum est Simonia; tum quia per illam homo rem, non suam, sed cuius tantum est dispensator, vendit, tum quia rem spirituales pretio æstimat, eoque pacto vilem facit; similis Iudæ, quia Christi dona vendit. Tamq; graue delictum censetur Simonia, vt eius cõparatione cætera omnia pro nihilo reputentur, *can. vlt. 1. q. 7. & c. Per tuas. 32. h. t.*

Dicitur autem Simonia à Simone Mago siue magicæ disciplinæ perito, *can. penult. xxiv. q. 3.* quia is primus tempore noui Testamenti legitur hoc crimine se & quidem grauissimè polluisse, dum donum Dei seu gratiam Spiritus mercari voluit, vt *Actor 8. can. Qui studet. 1. q. 1. & can. Saluator 1. q. 3.*

Definitur studiosa voluntas emendi vel vendendi pretio temporali aliquid spirituale vel spirituali annexū. Dicitur, studiosa voluntas; id est deliberata, vt excludantur motus voluntatis non plenè deliberati. Sumiturque hîc voluntas pro ipso actu voluntatis, causa nimirum pro effectu.

Dicitur, emendi & vendendi; quibus verbis intelligitur omnis contractus onerosus, seu non gratuitus, siue sit emptio, siue permutatio, siue locatio; omnisque pactio, siue ea tacita sit, siue expressa.

Dicitur, pretio temporali; quia in hoc consistit ratio Simoniz, quòd res spiritualis aut spirituali annexa æstimetur pretio temporali, vel aliquâ re, quo pretio sit æstimabilis. Et ideo si detur res spiritualis pro spirituali, aut etiam temporalis, verum non per modum pretij, sed per modum eleemosynæ, nempe vt rem spirituales administrans inde viuat, non erit Simonia. Imò talem consuetudinem, velut piam & laudabilem, probat Pont. & seruari præcipit, in *c. Ad Apostolicam 42. h. t.*

Nec obstat *c. Non satis 8. c. Cum in Ecclesia 9. c. In tantum 38. c. Iacobus 44. h. t.* quia ibi solum improbat Pont. prauam consuetudinem, quæ inoleuerat, vt aliquid temporale pro rebus ipsis spiritualibus detur vel accipiat ex pacto; quantumuis sit inueterata, quia diurnitas temporis non minuit peccatum, sed auget, *d. c. Non satis*; tantoque grauiora sunt peccata, quanto diutius infelicem animam tenuerint, *d. c. Cum in Ecclesia.*

3 Pretium ex *can. Sunt nonnulli* 114. 1. q. 1. & *can. Saluator* 1. q. 3. solet statui triplex, scilicet pretium muneris à manu, ut pecunia, (quo nomine intelligitur res omnis, quæ est in commercio nostro) vestis, equus, & similia vendi consuetæ: pretium linguæ siue muneris à lingua, ut laus, vituperatio, item patrocinium aduocati intercessio & commendatio apud Principem, modò ex pacto fiant & obligatione inducant; & ideo Simoniam committit, qui pro humana gratia vel laude confert Ordines, d. *can. Sunt nonnulli*. Denique pretium est obsequij, siue muneris ab obsequio, ut ministerium aliquod in rebus temporalibus, quale est famuli, æconomi. Vide Nauar. in *Manuali* cap. 23. n. 102. & latè Suarez lib. 4. De *statu Religionis qui est de Simonia* cap. 37. 38. 39. & 40.

4 Spirituale hîc vocatur non omne aut solum incorporale, sed quod aliquo modo est spirituale, siue sit aliquid reale, siue morale tantum, siue per modum actus, siue per modum habitus. Estque hæc materia Simoniz, quia cum naturâ suâ sit tale, ut industriâ humanâ comparari nequeat, sed diuino munere concedi gratis possit & debeat, magna fuerit irreuerentia, si pretio, sicut aliæ res humanæ, æstimeretur. Ideoque non est Simonia, vendere doctrinam vel notitiam cuiusvis veritatis, naturali industriâ comparabilis, prout etiam constat ex *can. Non liceat* x1. q. 3. Sunt autem res spirituales triplicis generis. Alię sunt tales secundum essentiam, ut gratia gratû faciens, virtutes infusæ, dona Spiritus sancti, gratiæ gratis datæ, de quibus 1. ad *Corinth.* 12. & ad *Ephes.* 4. Huc pertinent character ac potestas ordinis & iurisdictionis Ecclesię. Aliæ sunt spirituales secundum causam, ut Sacramenta, quæ sunt causæ gratiæ: quò referuntur Missæ Sacrificium, & omnia Sacramentalia, oleum sacrum, chrisma, aqua benedicta, agnus Dei & similia. Aliæ denique secundum effectum, ut operationes & exercitia, quæ alicui spirituali & supernaturali dono conueniunt, ut prophetare, facere miracula, administrare Sacramenta, dispensare, commutare vota, & similia.

5 Spirituali annexum est, quod cum aliquo spirituali connexionem habet. Quod tribus modis contingit, antecedenter, concomitanter, & consequenter. Antecedenter, & tunc consideratur ut causæ illius, cui annexum dicitur: cuiusmodi sunt ea, quæ tamquam præuia & præsupposita per se ordinantur ad spiritualia à Christo instituta, ut vasa sacra, vestes sacre, calices, campanæ, benedictio templi, consecratio, & similia, quæ ad sacrificium Missæ referuntur. Simile est ius patronatus, quia præsupponitur presentationi ad beneficia, & ius sepulture, quia per illud acquirit sepultus multa bona spiritualia, à Christo instituta. Cōcomitanter, ut labor & actio omnis, quæ in functionibus spiritualibus siue ministro Sacramentorum consistit. Vbi obseruan-

observandum, laborem illum esse duplicem, vnum præcedentem & non necessarium nec intrinsecum administrationi; & pro illo licet accipere pecuniam & eundem subijcere pretio, secluso tamen scandalo: alterum intrinsecum administrationi ipsi, & in quo ipsa Sacramenti administratio consistit; qualis est, qui impenditur in celebrando, audiendo confessiones, & pro tali non licet accipere pretium. Consequenter, quod à spirituali dependet & consideratur vt effectus ratione suæ causæ; cuiusmodi sunt beneficia Ecclesiastica, quia supponunt officium diuinum, propter quod dantur. In istis tamen non committitur Simonia, nisi interueniat pactum, tacitum vel expressum, de dando pretio pro eiusmodi spiritualibus, secundum communem sententiam: ac proinde non est Simonia, si Sacerdos præstet ministeria sacra, etiam principaliter, ob lucrum temporale, si nullum pactum expressum vel tacitum interueniat. Similiter nec si detur alicui beneficium, ob amorem humanum, vt quia sanguine vel amicitia iunctus est, vel ob timorem, ne tibi noceat, modò non interueniat pactum, l. ess. 2. *De iustit. l. 35. Dubitat. 1.* & latè Decianus in *Tract. Crimin. To. 1. lib. 5. cap. 79. & 80.*

§. III. Quotuplex sit Simonia.

1. *Simonia alia est Iuris diuini, alia Iuris humani.*
2. *Item alia Mentalis, alia Conventionalis, alia Realis.*
3. *Alia item Considentia, qua species est conventionalis.*

DVobis potissimum modis diuidi potest. Primò in Simoniam Iuris diuini & Simoniam Iuris humani siue Ecclesiastici: nam licet nonnulli velint omnem Simoniam esse Iuris diuini, verius tamè est, aliquam esse Iuris humani, vt præter Theologos communiter tradunt Canonistæ in *c. Quasitum* & in *c. Cum olim sup. De rer. permutat.* eâ ratione, quòd sola Ecclesia possit suâ lege efficere, vt res, quæ ex natura sua est vendibilis, secundum id, quod temporale est, non sit vendibilis quoad eandem partem, ob ordinem, quem habet ad partem spirituales, seu in reuerentiam rei spiritualis, cui connectitur, non addendo aliquam nouam sanctitatem, vel consecrationem. Talis Simonia locum habet in venditione beneficiorum quoad partem temporalem seu ius fructuum, quam partem Ecclesia statuit non vendibilem, ratione diuini officij, à quo ex Ecclesiæ statuto dependet. Similiter in venditione quorundam officiorum minùs spiritualium, *can. Saluator 1. quæst. 3.* vt Sacristæ, Oeconomi Ecclesiæ, Aduocati Ecclesiæ, & similium, quæ ex solo iure positiuo annexa sunt spiritualibus. Præterea in permutatione beneficiorum Ecclesiasticorum,

sine auctoritate superiorum factâ, d. c. *Quasitum sup. de rer. permutat.* quia potuit Ecclesia illa facere non permutabilia, ob sanctitatem ministerij: quamquam talis permutatio generaliori solum ratione dicatur simoniaca, si non interuenerit aliquid temporale, tamquam pretium rei spiritualis. Huic diuisioni responderet illa Glos. solennis, in c. Ex parte 13. sup. De offic. & potest. iud. deleg. & in c. Cum pridem 4. V. illicita pactionis sup. De pactis, quâ dicuntur quædam prohibita, quia simoniaca, quædam simoniaca, quia prohibita. Vide Gutierrez lib. 2. Can. quest. cap. 13.

2. Secundò diuidi potest in Mentalem, Conuentionalem & Realem. Mentalis est internum propositum, quo quis, dum confert alteri spirituale, intendit eum obligare ad reddendum temporale, vel è contra, sine ullo pacto exteriori, expresso vel tacito: veluti si quis Episcopo det pecuniâ, vel eidem seruiat, eâ intentione, vt pro illa pecunia aut obsequio in mercedem ei conferat beneficium, ipseque Episcopus eidem beneficium contulerit, nullo tamen pacto, expresso vel tacito, interueniente.
3. Conuentionalis est, quando tacitè vel expressè intercessit pactum, citra tamen excutionem, saltem vtrunque factam. Et ideo duobus modis fieri potest; Primò si tantum sit initum pactum, absque vltiori progressu ad traditionem rei, ex alterutra parte; & hæc vocatur purè conuentionalis. Secundò, si vna pars dederit pretium, & altera nondum tradiderit rem spirituales, vel contrà; & hæc vocatur conuentionalis mixta, quia constat partim reali partim conuentionali. * Huius species est Simonia, quæ vocatur Confidentialis, quâ quis paciscitur cum eo, cui confert vel procurat beneficium, eligendo, presentando, postulando, resignando in fauorem, instituendo, confirmando, commendando, vel aliâ ratione, vt is, qui beneficium accepturus est, illud ipsum sibi procuranti, vel alteri, puta fratri vel nepoti, cum fructibus vel eorum portione cedat: aduersus quam speciem exstat Constitutio Pij IV. an. 1564. & duplex Pij V. prior an. 1568. altera sequenti anno edita, & ad easdem Tract. insignem scripsit Flamin. Parisius.

Realis est, quando pactio ex vtraque parte completa est, saltem inchoatè, vt si collatio beneficii facta sit, & pars pretij soluta.

§. IV. De pœnis Simoniacorum.

1. Mentalis Simonia non subijcitur pœni Iuris.
2. Vt neque conuentionalis, præter confidentialem.
3. 4. Pœna Simoniaci in ordine, cum conferentis, cum ordinati.

-5. Et an

5. Ea an extendantur ad eos, qui propria censura aliquid acceperint.
6. Pœna Simoniaci in Religionis ingressu.
7. Collatio, institutio, admissio ad beneficia gratis fieri debet.
8. Imò neque pro pastu aut prandio aliquid exigendum.
9. Nec valet statutum, ut aliquid exigatur in pium usum.
- 10 11. Pœna Simoniaci in beneficio, Excommunicatio, Inhabilitas.
12. Simonia in confirmatione vel institutione an irritet presentationem.
13. Casus, quibus quis nō tenetur resignare beneficium simoniace obtentū.
14. Tenentur ad restitutionem & sunt infames.
15. Pœna Simonia confidentialis.

Mentalis Simonia nullis pœnis à Iure coërcetur, quia cogitationis pœnam nemo in foro exteriori patitur, sed sufficit eam expiari per pœnitentiam coram Deo, c. ult. h. t.

Nec obstat, quòd quidam dicant Capit. illud esse corruptum, cū & Glos. antiquissima id citet, & etiamnum habeatur ac legatur in editione Gregor. correctā.

Non obstat quoque, quòd usurarius mentalis teneatur ad restitutionem accepti; ex quo videri posset, idem dicendum de simoniaco mentali: nam præterquam quòd restitutio in Simonia solum debeatur ratione pœnæ, impositæ ab Ecclesia, simoniacos inhabilitate, nec Ecclesia imponat istam pœnam in Simonia mentali, licet ex parte utriusque, & dantis & recipientis, fuerit animus simoniacus, & eruperit in actum externum, intra limites tamen Simonix; dissimilis etiam ratio est: quia in usura fit iniuria proximo, nam lucrum illud, quod dat, nollit dare, sicque dat quodammodo inuitus: in Simonia autem mentali tantum fit iniuria rei sacræ, non verò proximo, & ideo cessat restitutio. Vide quæ de hoc argumento dicemus inf. ad Tit. De usuru. Couar. lib. 3. Par. resol. c. 1. n. 5. Gutierrez Can. Quest. lib. 2. c. 23.

Similiter quidquid sit de rigore Iuris antiqui, quo videntur incurri 2 pœnæ Iuris, aduersus Simoniacos constitutæ, per Simoniam conventionalem, etiam neutra ex parte completam, Glos. in c. Tua nos 34. V. culpabiles h. t. & alij, quos videre licet apud Garz. De benef. 8. p. cap. 1. à n. 20. tamen verius est, nullam Simoniam conventionalem, exceptâ eâ, quæ confidentiæ dicitur, ipso facto subijci vllis pœnis Iuris, saltem de stylo Curix Romanæ, ut tradunt Gutierrez lib. 1. Can. quest. c. 9. per tot. Nauar. d. loco & Less. 2. De Iure & Just. cap. 35. Dubitat. 27. Et probatur ex Extrauag. Cum de restabile 2. h. t. ubi pœnæ non statuuntur nisi in eos, qui conventionem factâ quomodolibet dando vel accipiendo simoniam commiserint: nam inde constat, requiri actum completum, potissimum cū pœnæ sint restringendæ.

Sola

Sola igitur Simonia realis, præter eam, quæ dicitur confidentiæ, inducit pœnas Iuris ipso facto, & quidem solum in Beneficijs, Religionis ingressu, & Ordine, vt docet Nauar. *d. cap. 23. n. 114.* Lessius *d. loco.*

3 Conferens itaque Ordinem simoniacè est excommunicatus, *d. Extrauag. Cum detestabile*; & suspensus à collatione cuiusvis Ordinis, etiam primæ tonsuræ; item ab executione omnium munerû Pontificaliû; eidemq; interdictus est ingressus Ecclesiæ: & si contra hanc suspensionem vel interdictum quid fecerit, suspensus erit ab administratione Ecclesiæ, & à perceptione omnium fructuum, à nullo, præterquam à summo Pont. absolendus, prout statuit Sixtus V. in *Bulla edita in malè promouentes & promotos*: quam tamen plerisque in locis ignorari, & proinde non esse vsu receptam putat Lessius.

4 Qui simoniacè Ordinem aliquem susceperit, excommunicatus est ipso facto, & suspensus ab executione omnium ordinum, etiam antè susceptorum, iuxta communiozem intellectum *d. Extrauag. 2. h. t. Siluest. in Summa V. Simonia n. 7.* Lessius *d. loco Dubit. 24. n. 135.* Quod si verò alius, te ignorante, pro tua ordinatione pecuniam dederit, ne quidem te fore suspensum ab ordine simoniacè suscepto, quia id in Iure expressum non sit, tradit Less. *ibid.* post Nauar. in *Manuali cap. 25. n. 68.* cum enim ipse nihil deliqueris, non est, cur tibi hæc pœna irrogetur per solam iniquitatem alterius.

Cæterum Pius V. Constituit, *incip. Cum primùm*, quam refert Pias. *Praxis Episc. p. 2. c. 4. art. 7. n. 12.* suspensionem fecit temporariam, aliasque pœnas addidit: Quicumq; inquit, detestabile crimen Simoniacæ prauitatis commisisse conuictus fuerit in consequendis ordinibus, eo ipso sit ab illorum executione per decennium sine spe dispensationis suspensus. & per annum carceribus mancipetur. Et addit deinceps, eos, qui dignitates, beneficia aut officia Ecclesiastica simoniacè adepti fuerint, præter priuationem, inhabilitatem ad obtenta & obtinenda, si crimen eiusmodi plures commisisse conuicti fuerint, etiam corporaliter puniendos: qui verò in Sacramentorum exhibitione simoniacum aliquid fecerint, cum maxima seueritate coërcendos. Insuper idem Pont. saluberrimum decretum Conc. Trid. *Sess. 24. c. 14. De reformat.* circa ingressus vitiosos in beneficia, Constituit. *incip. Durum nimis prid. Kalen. Iulij 1570.* extendit & grauib. pœnis locupletauit, quam refert Pias. *sec. d. loco n. 15.*

5 Sed cum dixerimus, Simoniatum in ordine esse excommunicatum ipso iure, quæri hîc posset, an ea pœna extendatur etiam ad eos, qui pro prima tonsura vel pro litteris dimissorijs vel testimonialibus aut pro sigillo aliquid simoniacè accipiunt. Ita existimant quidam, mori decreto

decreto Conc. Trid. Sess. 21. cap. 1. in fine : sed ea extensio displicet Lessio, d. Dubit. 24. ea inter alias ratione, quod his nullo iure pœna excommunicationis inflicta legatur; non videri autem inductas à Conc. nouas pœnas, quia id clariùs explicuisset, sed solum renouatas, quæ olim iure statutz fuerunt. Vt proinde verba illa, *pœnas à iure inflictas ipso facto incurrans*, referenda tantum sint ad eos, in quos iure statutz sunt, nempe ad conferentes vel accipientes Ordinem simoniacè. Vbi aduerte, Conc. apertè loqui de Simonia reali, quæ vtrunque completa est, vt patet ex verbis, *tam dantes quàm accipientes* : & ideo non incurrit excommunicationem, qui per conuentionalem Simoniam confert Ordinem, nisi res promissa soluta fuerit, vt docet Less. d. Dubitat. 24. n. 134.

Quod ad Religionis ingressum attinet, tam dantes quàm accipientes pro eo aliquid temporale excommunicantur ipso facto, & Conuentus seu Capitulum, si consenserit, suspensionem incurrit, *Extrauag. 1. b. 1.* quæ tamen non videtur vsu recepta. Nec etiam hæc pœna locum habet in dote, quæ datur monasterijs foeminarum. Imò consuetudo illa exigendæ dotis, non quidem pro ingressu, sed pro alimentis Monialis passim permittitur, tanquam licita, maximè si monasterium sit tenuè. Vide Nauar. in *Manuali cap. 27. n. 106. & Tract. De re dit. Ecclesiast. qu. 1. Monito vlt. Gutierrez. lib. 1. Can. Quæst. 6. 32. & Less. De iure & iust. lib. 2. c. 35. Dubit. 12.*

Insuper simoniacè admissus ad Religionem videtur inhabilis, absque dispensatione Ordinarij, ad manendum in monasterio, in quod sic receptus est, si conscius fuerit: non quasi professio sit nulla, sed quia non acquirit ius præbendæ Regularis, vt nec ius vocis actiue & passiuæ. Non tamen tenetur egredi, donec per superiorem compellatur.

Priusquam verò accedam ad pœnas Simoniz in beneficijs, reuocandum hîc in memoriam est, oportere beneficia conferri gratis, id est absque interuentu alicuius pretij aut alterius rei, pretio æstimabilis, iuxta *can. 1. 2. 3. 4. 5. l. q. 1. can. 1. 2. 3. ead. causa q. 3. can. Dilectissimi vlt. q. 1. toto hoc tit. Decretal. & in Extrauag. communib. Concil. Trid. Sess. 24. cap. 14. Dere, ornat.* vbi vetat aliquid accipi ab electis, præsentatis, institutis vel instituendis, confirmatis vel confirmandis; mittendis in possessionem alicuius Ecclesiæ vel beneficij, nisi ex antiqua consuetudine tale quid recipi solitum conuerti in vsus pios consueuerit, veluti in vsum fabricæ, sacristiæ, cœmeterij aut pauperum eleemosynas, non etiam in commodum beneficiatorum: prout fieret, si solueretur mensæ Capitulari, aut in reparationem bonorum eius, quia tunc redundaret & cederet in vtilitatem singulorum, iuxta declarationem Cardd. Alioquin censetur simoniacum, & exigentes atque accipientes in-

currunt pœnas simoniacorum: licet aliàs id, quod erogatur in sumptus ministrorum Dei, pium reputetur, *can. Iudices vers. hoc ipsam 1. qu. 1.* & Dei ministri inter pauperes numerentur, *l. Privilegia 17. Cod. De sacros. Ecclesijs.* Vbi tamen aduerte, id, quod ita accipitur in pios vsus, non posse accipi tamquam rei spiritualis aut spirituali annexæ pretium; nam tum æquè maneret deformitas & ratio simoniæ.

8 Sed neque ex eadem causâ pro pastu aliquid exigì potest, non obstante quacumque consuetudine, etiam immemoriali, *can. fin. 1. q. 3. c. Non satis 8. c. Cum in Ecclesia 9. c. Iacobus 44. h. 1.* Imò Pius V. Constituit. incip. *Durum nimis*, edita an. 1570. prid. Kal. Iunij, quæ est declaratoria d. cap. 14. Conc. Trid. declarauit Episcopum, quialiquid (etiâ dulciaria tantû, vt vocant) exegerit pro receptione alicuius in Canonicum, vel pro admissione ad dignitatem, beneficium vel officium Ecclesiasticum, suspensum esse à Pontificalis officij exercitio; Capitulum seu Collegium subiaccere interdicto; priuatas autem personas sententiam excommunicationis incurrere; & eos, qui sic aliquid acceperint, teneri ad restitutionem accepti. Quamquam ista Constitutio passim non seruetur, imò ignoretur omninò.

9 Sed nec de cætero fieri statutum potest, vt aliquid soluatur in vsum pium, prout censuit Sacra Congregatio super d. c. 14. Conc. Trid. Neq; etiam hodie pro admissione ad beneficium licet in vsum piû accipere id, quod antè accipi & verti solebat in proprium, vt ex Gutierrez *Can. Quæst. 1. c. 29. n. 28.* tradit Zyp. *h. 1. nu. 8.* Vbi subiungit, Pium V. d. Constituit, voluisse, vt noui Canonici primis annis tantum reciperent, quantum antiqui: Sacram tamen Congregat. iudicasse, nec dictam Constitutionem, nec d. c. 14. Conc. contrariari consuetudini, quâ fructus primi anni distribui solent inter antiquos Canonicos, & recenter admissos post mortem relinqui tantumdem pro solutione debitorum & funeralium: liceream improbet Choppin. *De sacra Polit. lib. 1. Tit. 8. n. 14.* Ad- dit ibid. Zyp. Conc. provinciale Mechliniense an. 1607. huiusmodi annos carentiæ sustulisse; id tamen vbique executionem non habuisse, eo quòd quædam Capitula non immemoriam consuetudinem dumtaxat, sed & confirmationem habeant sanctæ Sedis: imò & fundationem contrariam, vti de fundatione Capituli S. Gudulæ Bruxellis attestatur idem Zyp. Cæterû immemoriam consuetudinem detrahendi medietatem ex fructibus primi anni Conc. Trid. nō sustulit, mōdò applicetur pijs locis, Riccius in *Praxi Decis. 567. ex declar. Sacra Congregat.*

10 Committentes verò simoniam in beneficijs, vtrinq; consumptam seu completam per dationem rei temporalis & spiritualis, saltem inchoatam, vt si collatio beneficij sit facta, & pars pretij soluta, sunt in pri mis excommunicati, non nisi à summo Pont. absoluendi, præterquâ in articu-

in articulo mortis, *Extrauag. Cum detestabile* 2. b. r. & prouisio de beneficio facta est ipso iure nulla, *can. Ea quæ, cum alijs* 1. q. 3. c. *Cum Clerici in V. spoliecti & ibid. Abbas sup. De pactis, d. Extrauag. Cum detestabile*: licet ab alijs procurata fuerit, prouiso siue sciente, & non contradicente, c. *Sicut tuis* 33. siue etiam ignorante, prout tradit Garz. cum alijs, quos citat, *De benef. p. 8. c. 1. n. 4. 5. & 6.* & patet ex d. *Extrauag. Cum detestabile, c. Ex insinuatione* 26. c. *Nobis*, ibi, *penitus reprobanda*: nam dictio, *penitus*, significat nullitatem ipso iure, Garz. d. *locon. 5.* * Fitq; inhabilis ad beneficium simoniace obtentum, ita ut pro illa vice non possit illud ei conferri absq; dispensatione; idq; in pœnam eorum, qui promotionem simoniacam procurarunt, d. c. *Nobis*, d. c. *Sicut tuis* h. r. & c. *penult. sup. De elect.* Nam cum ibi dicatur, quod cassatâ electione Prælati propter simoniam, eo ignorante commissam, non possit Episcopus cum eo pro ea vice dispensare, secus si beneficium sit simplex; sequitur, eum esse inhabilem ad illud idem beneficium, cum nemo indigeat dispensatione, id est relaxatione Iuris, nisi qui Iure impeditur. Imò iuxta Bullam quandam Pij V. redditur inhabilis ad omnia alia beneficia, in posterum consequenda. Dico, in posterum; nam Simonia, nisi sit confidentialis, non priuat aliquem beneficijs antè obtentis. Sed nec dicta Pij V. Constitutio vsu recepta est quoad illam pœnam, ut testantur Suarez *De Simonia cap. 51. n. 11.* & Garz. d. p. 8. cap. 1. n. 72. Nec in Iure est expressa talis inhabilitas, ne quidem in Simonia reali, ut latius deduxi in *Tract. De beneficijs Tit. De modis, quibus beneficia conferri debent.* Sicut neque in Iure expressum est, quod talis simoniacus sit irregularis: quo tamen expresso sequeretur indubiè, etiam inhabilem esse ad alia beneficia obtinenda in posterum, cum effectus irregularitatis præcipuus sit, reddere inhabilem ad futura.

Quod si verò ab alijs, ignorantia inculpatâ laborantibus, commissâ fuerit Simonia, prouiso etiam ignorante, vel ab ipso quoque beneficiato per ignorantiam, nō videtur effici inhabilis ad illud idem beneficium obtinendum, cum nulla subsit culpa, ob quam ea inhabilitas induci debeat: & proinde poterit ei conferri beneficium, absque dispensatione; factâ tamen prius utroque casu illius resignatione, quia prior collatio fuit irrita, quippe per contractum irritum.

Sic quoq; prouisio de beneficio ipso iure nulla est, quando Simonia commissâ est cū vno ex electoribus, præsentatoribus vel collatoribus, licet eorum maior pars absq; Simonia labe prouisum elegerit, præsentarit, vel ei beneficium contulerit: si utiq; eligant, præsentent, vel cōferant, ut vniuersi seu iure Collegij, ut patet ex d. c. *Nobis & ibi notat Abbas* h. r. tunc enim omnium una est electio, præsentatio vel collatio; ideoque Simonia cum uno commissâ vitiat omninò electionem, præsentationem,

vel collationem; secus quando ut singuli, quia tunc tot sunt præsentationes vel collationes, quot patroni vel collatores, quandoquidem singuli per se præsentent vel conferant; ideoque una non vitiat aliam in præiudicium præsentari seu collatarij, qui conscius non fuit Simoniz; nec utile per inutile vitiat, *cap. Utile 37. De R. l. in 6.*

Sed quid si electus vel præsentatus legitime, committat deinde Simoniam pro confirmatione vel institutione obtinenda, an etiam electio vel præsentatio irritabitur? Ita existimat Garz. *d. p. 8. cap. 1. n. 14.* sed contra & verius Less. *d. loco*, vitari solam confirmationem vel institutionem, in qua sola vitium commissum est; idque insinuat in *c. Si confirmationem De elect. in 6.* Nec enim si posterior actus sit irritus, etiam prior censeri irritus debet: licet è diuerso, commissâ Simonia in electione aut præsentatione, ipsa quoque confirmatio vel institutio sit irrita, quandoquidem procedat ex supposita validitate electionis aut præsentationis.

Sunt tamen aliqui casus, quibus quis non tenetur beneficium resignare, etiam si dato pretio illud consecutus sit. Primus est, si aduersarius ipsius occultè per fraudem & in dispendium eligendi aut promouendi pecuniam dederit, eo fine scilicet, ut collatio eidem facta esset inualida, ipseque inhabilis, *d. c. Nobis 27. Et d. c. Sicus tuus 33. h. t.* Secundus, si veritus, ne pecunia ab aliquo detur pro beneficio sibi impetrando, expressè contradixerit, *d. c. Sicus tuus*, Less. *d. loco n. 143.* Vbi mouet hoc dubium, an, si post obtentum beneficium consentias soluendo pecuniam ab aliquo promissam, aut refundendo expositam, tenearis beneficium resignare? Distinguendum: nam si non consentias in pactum alterius, ratificando contractum seu promissionem simoniaci amici, sed ex amicitia tantum soluas, quod promisit, aut refundas, quod exposuit, ne damnum tuâ causâ patiat, non teneberis resignare. Nauar. *Conf. 10. n. 5. h. t.* Si verò consentias, approbando factum illius, licet quidam teneant, te non teneri ad resignandum beneficium, eo quod ratificatio post legitimam collationem & ius acquisitum non possit eam inficere, nihilominus contrarium colligunt DD. in *d. c. Sicus*; saltem mereri priuationem beneficij tradit Less. *d. loco n. 144.* Tertium casum addunt quidam, si Pontifex ad Pontificatum simoniacè pertigisset, de quo vide Less. *ibid.*

Æquum quoque videtur, ac praxi consonum, quod tradit Rebuff. in *Praxi benef. Tit. Quot modis benef. acquir. n. 22.* non videri simoniacos illos, qui coacti soluunt sportuales pro collationibus, præsentationibus &c. cum resistere non valeant, & modò voluntariè non dent. Quod etiam dici potest de soluentibus aliquid Capitulo, in admissione ad possessionem solvi consuetum, quia sit quædam redemptio vexationis,

tionis, vt ex Lessio tradit Garz. *d. loco n. 34.* quem plenius vide.

Denique tenentur Simoniaci ad restitutionem pretij simoniace accepti; suntque infames, *can. fin. 1. q. 3. Glos. in c. 1. De testibus in 6. in V. mediatores*, infamia scilicet Iuris, *can. sane xv. q. 3.* non tamen ipso facto, sed per sententiam iudicis, dummodò in ipsa sententia fuerit appositæ hæc pœna, vt ex Abbate tradit Garz. *d. loco n. 6.* 14

Si quærat, quæ sint pœnæ, quas Simonia inducit confidentialis, 15
Dicendum, primò inferre excommunicationem vtrique parti, à qua solus Pont. absolueri possit, præterquam in mortis articulo: Secundò, priuationem beneficij, in quo commissæ est Simonia, & reliquorum omnium: Tertiò, inhabilitatem ad idem beneficium & ad cætera quæcumque; suntque huiusmodi beneficia, collata & accepta in confidentialiam, reseruata Sedi Apostolicæ, Nauar. in *Manuali c. 23. n. 100. Less. d. cap. 25. l. 1. bit. 26.* Vbi subiungit, priuationem omnium beneficiorum, & inhabilitatem ad omnia, incurri tribus casibus; primò, in Simonia confidentialis; secundò, in electione simoniaca Papæ, Conc. Lateran. *sub Iulio II. Sess. 5.* tertiò, quando examinationes occasione examinis aliquid accipiunt, iuxta decretum Conc. Trid. *Sess. 24. c. 18.* Addens, in his tribus casibus vsu videri receptum, vt non teneatur quis beneficia sua dimittere ante sententiam.

Quibus autem modis probare possit Simonia confidentialis, tradit Flam. in. *Parisi. Tract. De confidentijs q. 64.* vbi docet, probari etiam solis præsumptionibus. Et quamquam Gutierrez *Canonic. quest. lib. 2. cap. 13. n. 78.* velit Bullas de confidentijs nihil prohibere, quod non antè prohibitum fuerit, & solum disponere contra confidentialiam beneficalem illicitam, quæ sit pretio, pacto, modo, conditione, tacitè vel expressè interueniente: tamen si verè examinentur integræ Constitutiones, inquit Zyp. *h. t. sub n. 5.* nonnihil noui iuris inducere nemo non animaduertet.

Illud denique hæc subiiciendum est, quòd, licet Conc. Trid. vetet pro administratione rerum spiritualium apponi pacta & condiciones mercedum, non innouauerit tamen ius antiquum, quo licet eleemosynæ vel sustentationis causâ consuetum aliquid dari vel accipi, Zyp. *h. t. n. 10.* ex Gutierrez, quem citat. Vbi subiungit, in officijs secularibus non verti Simoniam: in Brabantia tamen, datâ veletiam mutuatâ pecuniâ, conferri officia non posse, iuxta tabulas legum Brab. Ioannis Ducis, ac iuramentum subsequentium Principum. quod amministri, inquit, satis obseruent, ipsi viderint.

TITVLVS IV.

Ne Prælati vices suas vel Ecclesias sub annuo censu concedant.

1. Ratio huius prohibitionis.

1. Fructus beneficiorum alteri sub annua pensione cedi possunt.

Post generalem tractatum de Simonia sequuntur duo speciales casus, qui simoniaci habentur. Estq; hic Tit. pars quædam Tit. superioris, vt cõstat quoq; ex compilatione facta ab Alexandro III. in Conc. Lateranensi, in qua sic legitur, *De Simonia, & ne merces pro Ecclesia consecratione recipiatur, vel pro monachatione, vel pro Sacramento Ecclesie, vel pro licentia docendi, neue Prælati vices suas ad causas terminandas vel regimen Ecclesiarum sub annuo pretio committant.* Potestas enim iurisdictionis Ecclesiasticæ refertur etiã inter spiritualia, quæ sunt materia Simonix: ac proinde non licet Archiepiscopis, Episcopis, Decanis, Archidiaconis, alijsq; Ecclesiarum Prælati, vices suas id est iurisdictionem vel Ecclesiam alteri sub annuo censu, siue annua pensione cedere: * tum quia hæc Simonix species est, cap. 2. & 3. h. t. tum quia gratis iudicare debent, can. Non sane XIV. quest. 5. ac gratis beneficia Ecclesiastica conferre, c. Non satis sup. De simonia. Qui verò dederit pecuniam, vt spirituales iurisdictionem exerceat, officio suo priuandus est, & sic conferens ampliùs conferre non potest ac canonicè puniri debet, d. cap. 1.

Fructus tamen Ecclesiarum seu beneficiorum sub annuo censu concedi & locari possunt, cap. 3. & vlt. h. tit. cùm obuentiones eiusmodi nullam rei spiritualis rationem habeant: idq; ad breue tempus dumtaxat, olim quidem ad septennium d. c. vlt. h. t. hodie verò ad triennium, Extrauag. Ambitiose De fructib. Eccles. non alienan. Vide Conc. Trid. Sess. 25. c. 11. De reformat. & Couar. lib. 2. Var. resolut. cap. 16.

TITVLVS V.

De Magistris & ne aliquid exigatur pro licentia docendi.

1. Magistri

1. *Magistri qui hîc dicantur.*
2. *Accipere pecuniam pro labore docendi non esse simoniacum.*
3. *Vi neq. pro ipsa arte, quam quis proficitur.*
4. *De magistro & Professore in qualibet Ecclesia constituendo.*
5. *Docentes & discipulos percipere fructus beneficiorum in absentia.*

Alter hic casus proponitur, in quo etiam Simoniz vestigium reperitur, de Magistris scilicet, quatenus ijs incumbit onus docendi, assignato ad hoc, loco salarij, beneficio aliquo; & de licentia docendi, quatenus hæc ex iurisdictione vel officio aliquo spiritali procedit, cuius est usus quidam.

Omissâ autem eâ Magistri significatione, quâ sumitur pro eo, cui præcipua cura alicuius incumbit, l. *Cui præcipua* 57. D. *De verbor. significat.* quo pacto eum, qui militibus præest, Magistrum militum, toto Tit. *Cod. De officio Magistri milit.* & qui præest equitibus, Magistrum equitum vocamus, & sic de alijs, de quibus vide Gothof. *ad d. l. Cui præcipua*: Magistrum hîc accipimus pro eo, qui litteras docet seu quamlibet disciplinam proficitur, & Magister appellatur à Monendo vel Monstrando, d. l. *Cui præcipua*. Eoque nomine sic accepto veniunt omnes, qui in aliqua scientia summum titulum seu gradum obinent. Alioqui pressius loquendo solum illi veniunt, qui artium liberalium & sacræ Theologiæ supremum gradum habent: nam qui Medicinæ aut Iuris siue Canonici siue Cæsarei summum gradum adepti sunt, Doctores appellantur, iuxta *Glos. in Clement. 1. in V. Doctoratus h. r.*

Tametsi igitur Pont. hoc Tit. pro licentia docendi veteret pretium aliquod exigi vel promitti, ne sub obtentu quidem alicuius consuetudinis, adeo ut exactum restitui & promissum remitti, & prauaricatores legis priuari officio beneficioque debeant, cap. 1. 2. 3. hoc tit. tamen veriùs est, non tantum licere pro labore in tradendis disciplinis suscepto accipere pretium, verum etiam extra simoniam esse pecuniam accipere pro licentia docendi danda: quia licet hæc sit usus seu actus iurisdictionis, etiam spiritalis: tamen, quia non est usus spiritalis, sed politicus (quandoquidem iurisdictio spiritalis ad multos actus politicos se extendat, ut quando crimina carcere aut pecuniaria pœna punit) non videtur esse vlla Simonia.

Nec tantum magistris, non habentibus aliud, vnde viuant, permittitur aliquid accipere pro laboribus suis, cum non teneantur suis militare stipendijs, can. *Ecclesiasticus* xii. q. 2. sed & pro ipsa scientia & arte, quam profitentur; & quidem plus vel minus, pro scientiæ & artis maiori vel minori præstantia,

Statuit

4 Statuit autem Eugenius in *can. De quibusdam xxxvii. Distinct. 37.* vt Episcopi Magistros & Doctores congruis locis constituent. Vt verò gratis erudiri inuentus valeat, statutum fuit in Conc. Lateran. 1. sub Alex. III. & altero sub Innoc. III. vt in singulis Cathedralibus Ecclesijs, & alijs, quantum sufficerent facultates, à Prælato cum Capitulo constituatur Magister aliquis idoneus, qui Clericos illius Ecclesiæ in Grammaticis instituat: in Metropoli autem etiam Theologus assumatur, qui sacram paginam doceat, & in his præsertim sacerdotes reliquosque informet, quæ ad curam animarum & fidem Catholicam spectant: cuiuslibet Magistrorum assignatis vnius præbendæ prouentibus; qui si non sufficiant, vt tunc Prælati Theologo provideat ex redditibus suæ Ecclesiæ, Grammatico verò in alia Ecclesiâ suæ ciuitatis seu diocesis, *d. c. 4. h. t.*

5 Insuper statuit Honorius III. vt Prælati & Capitula Clericos, qui propter raritatem Magistrorum in loco beneficij sui dare operam studio Theologiæ non possunt, aliò ablegent, qui in absentia per quinquennium redditus præbendarum & beneficiorum suorum integrè percipiant, reliqua necessaria subministrante Prælato, si prouentus eiusmodi eis in studio alendis non sufficiant: vt verò Magistri fructus beneficiorum suorum tamdiu integrè percipere valeant, quamdiu docuerint, *c. ult. h. tit.* Vide latè Conc. Trid. *Sess. 5. cap. 1. De reformat.* vbi statuit, quâ ratione habentes præbendam aut præstimonium seu aliud quouis nomine stipendium pro Lectione sacræ Scripturæ possint cogi & compelli per Ordinarios ad munus exsequendum, per se, vel per alios: & quâ viâ procurandum sit stipendium, si hucvique non fuerit constitutum. Pauperes autem idonei gratis promoueri inbentur à Iulio III. & Laureæ Magistrales vetantur deinceps conferri per Comites Palatinos ex reuocatoria Pij V. Præfecturam verò scholarum Carolus Magnus sacerdotali ordini attribuit; Ludouicus Pius & Lotharius Gymnasiorum magisterium Episcopis, vt ex alijs, quos citat, tradit Zyp. *h. t.*

TITVLVS VI.

De Iudæis & Saracenis, & eorum seruis.

1. 2. Iudæi & Saraceni qui & vnde dicantur.

3. Iudas vestitu & habitatione à Christianis distincti esse debent.

4. A' om-

4. Ab omnibus honoribus & muneribus arcentur.
5. 6. Quo pacto in eos inquirendum: non cogendi ad fidem.
7. Proscripti è Brabantia, & quare.
8. Iudaorum conuersorum priuilegia.
9. Cum Saracenis interdictum omne commercium.

IAm diximus de ijs, qui Spiritum sanctū vendendo simoniacā prauitate inuoluuntur, & atrocissimum in Deum crimen committunt: nunc agendum est de ijs, qui in Deum peccant malè colendo, quales sunt Iudæi & Saraceni.

Iudæi dicuntur, qui vetus dumtaxat Testamentū recipiunt, & illud ad litteram seruant, circumcidendo se, & alia legalia ad litteram faciendo; sic dicti vel à Iuda duce, vel secundum alios à tribu Iuda, quæ inter eos erat nobilior & bellicosior, & ex qua creabantur Reges & duces populi, sicut ex tribu Leui Sacerdotes.

Saraceni verò, qui etiam Pagani vocantur in *c. Quam sit* 10. & *c. Ex speciali* 18. *h. t.* qui nec vetus nec nouum Testamentum recipiunt; dicti à Sara, vxore Abrahæ. Quamquam ab Agar, ancilla Abrahæ & matre Ismaelis, originem suā traxerint, *can. Recurrat* & *can. Dixit Sara* xxxii. *q. 4.* vnde Agareni dicendi essent: verum ne viderentur ex ancilla descendere, inèdaciter finxerunt se à Sara originem ducere, vt hoc modo ignominiam declinarent & labem generis sui tegerent. Alij aliunde originem petunt. Vide *Couar. lib. 4. Var. resol. c. 9.* Boet. Eponem *De iure sacro lib. 3. n. 162.* Azor. *p. 1. Instit. Moral. lib. 8. c. 23.*

Additur autem in *Tit. & eorum seruis*, ne sit necesse alium *Tit.* de ijs statuere. Vbi obseruandum, seruum propriè quidem & strictè dici, qui iure gentium vel Ciuili dominio alterius contra naturam subijcitur, hîc verò latissimè sumi, prout dicitur à Seruiendo; ita vt eo nomine etiam famuli comprehendantur.

Quòd si igitur Iudæi & Saraceni vsquam inter Christianos commorari permittantur, quemadmodum fide ab ijs distinguuntur, ita etiam vti habitu debent, ab alijs distincto, *c. In nonnullis* 15. *h. t.* insuperque habitatione ac cæteris priuilegijs à Christianis discriminari, ex *Constitut. Pauli I V.* quam refert *Pet. Matth. in v. 11. Decretal. lib. 5. tit. 2. cap. 4.*

Ab omnibus item publicis officijs, honoribus, dignitatibus & administrationibus apud Christianos arcentur, *c. Cū sit* 16. *c. Ex speciali* 18. *h. t. l. Hac valitura Cod. De Iudæis*: licet antea Impp. Ethnici eos ad honores admiserint, *l. Generaliter* 3. *in fine D. De Decurionib.* Quin imò ab eorum familiaritate & domestica consuetudine Christiani omnes abstinere iubentur; vt neque seruus quispiam neque nutrix aut obstetrix

esse possit, sub pœna excommunicationis, *c. Iudei 5. c. Ad hac 8. cap. Etsi Iudaos 13. h. t.* aut etiam depositionis, si Clerici sint, *can. Nullus xxviii. qu. 7.* ne consuetudine vitæ alliciantur ad Iudaismum vel paganismum, *d. c. Ad hac. h. t.* Excipiuntur tamen Clerici & Religiosi, qui à suis mittuntur Superioribus ad prædicandum eis Euangelium, *c. Quam sit 10. h. t.*

- 5 An verò Iudæus non Iudæo tutor esse possit, disputat Iason in *l. 1. D. De Iustit. & Iure.* Et licet Modestini. in *l. Spadonem 15. §. iam autem D. De excusat. tutor.* admittere videatur, tamen, si spectemus eius in corrumpendis moribus Christianorum infidum morem, se ipse eodem responso repellit. Sed an & lex illa tantum loquatur de Christianis, qui nomine Iudæorum primum accipiebantur, disputatur. Vide *Bul. ad d. §. iam autem.* Non possunt etiam postulare contra Christianos, *Greg. Tolosan. Syntag. Iuris vniuersi lib. 49. cap. 6. num. 25.* nec filios substituere pupillariter, *idem lib. 42. cap. 22. n. 3.*

Quo pacto autem, & quibus casibus Apostolici Inquisitores & Ecclesiastici Iudices inquirere & animaduerrere possint in Iudæos, contra legem diuinam veterem peccantes, aut Christianorum peruersioni periculum struentes, tradit *Greg. XIII. in Constitut. incip. Antiqua Iudæorum improbitas,* quam refert *Azor. d. lib 8. cap. 12. quest. 12. Piafec. 2. p. Praxis Episc. cap. 4. art. 6. num. 14.* Vbi etiam subiungit *Constitut. Clementis VIII. incip. Cum Hebræorum,* aduersus detentores librorum Thalmudicorum. Quos mancipari igni *Gregor. IX. & Innocent. IV.* iusserunt, referente *Azorio, d. qu. 12.* Subijcit dein *Constitut. Gregor. XIII. incip. Sancta Mater Ecclesia,* quâ præcipit, vt ab Ordinarijs locorum compellantur accedere ad concionem seu lectionem, ipsis ex veteri lege faciendam; Euangelium verò eis quidem prædicandum, verum ad eam concionem non cogendos, sed inducendos, conuersosque seriò instituendos & cathecizandos.

- 6 Alioquin baptizari nolentes aut inuiti non debent, nec ad fidem orthodoxam suscipiendam cogi, neque absq; iudicio puniendi sunt, aut rebus suis spoliandi, *c. Sicut Iudei 9. h. t.* Nam qui numquam fidem suscepit, ad eam vel suscipiendam vel seruandam cogendus non est, *can. Ad fidem xxiii. qu. 5. can. De Iudæis Distinct. 45.* nemoque inuitus saluandus, sed volens, vt integra sit forma iustitiæ, *d. can. De Iudæis;* & Deus ipse voluntarios ac spontaneos discipulos exigit. Sed nec liberi Iudæorum ipsis inuitis ac reclamantibus baptizandi sunt, pro qua sententia est noua *Constit. Iulij III. an. 1551.* cuius meminit *Pet. Matth. d. c. §. tit. 1. c. 1.* nequicquam contrarium asserente *Vdalt. Zasio.*

- 7 Cæterum in his Belgicis prouincijs non illos tantum, sed nec novos Christianos, sub hoc nomine Iudæorum doctrinam & scelera sectantes, ex

tes, ex Ediētis Caroli V. permissum esse morari aut versari, tradit Zyp. *h. t. nu. 2.* Imò ante trecentos plus minùs annos ex Brabantia proscriptos fuisse, cùm Bruxellis sacrosanctam Eucharistiam, quæ ob miraculum summâ veneratione etiamnùm ibi colitur, pugionibus confodissent; quemadmodum & in Gallia & alibi, teste Gregor. Tolosano, *Syntag. iuris vniuersi lib. 22. cap. 3. nu. 23. & lib. 33. cap. 4. nu. 8. & 11.* vbi tradit etiam, cur viuere inter Christianos permittantur. Quamquam passim sub saluo conductu habitasse videantur, vt etiam ex tabulis Legum Brabantiae Ioan. Ducis 1312. apparet, qui, si quis eos offendisset, id suæ cognitioni reservabat: sicut & in Vrbe causæ eorum ad Papæ Vicarium spectant, & causæ banchariorum Iudæorum ad Camerarium Urbis, ex Constitut. Iulij III. & Gregor. XIII. Et hinc etiam cùm nuperæ induciæ permitterent omnibus ex prouincijs confœderatis venire ad nos & negotiari, non fuisse cõprehensos Iudæos Amsterodami habitantes, testis est Zyp. *h. tit. num. 3.* quippe qui ob aliam causam, quàm belli ciuilis aut religionis, ob quam illud motum est, iam olim proscripti sint.

Addit *ibid.* Zyp. ex Paulo III. Iudæis, quò faciliùs ad fidem conuertantur, acquiritæ per vsuras, quæ certis personis restituenda non sint, relinqui oportere, tamquam in vsus pios; eoq̃ue sine Conc. Basileen. *sess. 19.* decreuisse, vt quo loco Iudæi conuersi baptizantur, iura omnia ac priuilegia acquirantur ciuium. Paulum item IV. vetuisse, quamdiu non conuertuntur, immobilia ne possideant. Caterùm qui plura scire volet siue de conuersatione seu commercijs Christianorum cum Iudæis, siue officio eis vel eorum filijs præstando, deq̃ue punitione eorundem, adeat Azor. *d. lib. 8. cap. 22. per tot.* & Gregor. Tolosan. in *Syntag. iuris vniuersi lib. 12. cap. 4.*

Porro de Saracenis (quo nomine veniunt omnes, addiēti seu adherentes impiæ ac nefariæ Mahometi sectæ atque perfidiæ, Turcæ, Tartari, Persæ, Arabes, Ægyptij, Africani & Mauri, teste Azorio *d. lib. 8. cap. 23. & 24.*) peculiariter constitutum est in Conc. Lateranensi sub Alexandro III. ne Christiani ad eos deferant merces prohibitæ, ne arma ad impugnandos Christianos aut alia subsidia subministrent; excommunicandi alioqui ac rebus suis priuandi, & serui futuri capientium, *cap. Ita quorundam 6. h. tit.* Hodie verò excommunicati sunt ipso facto, *cap. Significauit 11. cum cap. seq. & cap. Ad libertandam 17. h. tit.* sicut & per Bullam cœnæ Domini. Videatur plenius Azor. *d. c. 23. per tot.*

TITVLVS VII.

De Hæreticis.

§. I. Quis dicatur Hæreticus.

1. Hæretici nomen vnde dicatur.
2. 3. Propriè & latè sumi.
4. Infideles, Paganos, Iudæos non esse hæreticos.

Diximus de ijs, qui non baptizati Deum & fidem, quam numquam susceperunt, cœcâ mente oppugnant, cuiusmodi sunt Iudæi ac Saraceni: nunc ordine competenti subiiciendum est de ijs, qui baptizati, & fidem Christianam professi, ab ea desiscendo in Deum multipliciter peccant, quales sunt Hæretici.

- 1 Hæreticus non ab Hærendo, vt quidam rati sunt, nec ab Ericisco, id est diuido, vt putabat Azo in *Summa h. t.* prout latius ostendit Greg. Tolosan. *Syntag. Iuris vniuersi lib. 33. cap. 4. n. 3. & 4.* & Farinac. *Quest. Crimin. Tit. 18. De hæresi q. 178. n. 30. & seqq.* sed ab Hæresi Græca voce, diuisionem vel electionem significante, nuncupatur, Isidor. 8. *Ety- mol. cap. 3.* D. Thom. 2. 2. q. 11. *art. 1.* * Diciturque propriè is, qui cum sit baptizatus, ab vnitæ Ecclesiæ se diuidit, singularem aliquam, & à fide ac sensu Ecclesiæ manifestè alienam, doctrinam eligendo, eamque pertinaciter defendendo, *can. Hæresis can. Qui in Ecclesia xxiv. q. 3.* Vnde & præsumptio propriæ mentis ad hæresim via dicitur, *can. Quid autem ead. q. 3.*

- 3 Dixi, propriè; quia, latissimè sumpto eo nomine, Hæreticus dicitur, primò etiam is, qui dubius est in fide, *arg. c. 1. h. t. & ibi Glos. ad v. dubius.* Secundò, Simoniacus, *can. Fertur 1. q. 1.* Tertiò, qui transgreditur præcepta Sedis Apostolicæ, *can. Qui nulli Distinct. 19.* Quartò, laicus suscipiens officium prædicandi, *c. Cum ex iniuncto 12. c. Sicut in vno 14. h. t. & alij, enumerati ab Hostien. in Summa h. t. Notab. 1. vers. Multis tamen modis.*

- 4 Dixi, qui cum sit baptizatus; nam hinc Iudæi, pagani, & alij infideles, quamuis multos contra fidem errores tradant, non sunt propriè hæretici: non enim possunt diuidi ab vnione Ecclesiæ, aut deserre fidem; quam numquam habuerunt. Et hinc fit quòd tales magis tolerentur in Republ. Christiana & inter Christianos, quam hæretici, quia de his qui foris sunt nihil ad nos, 1. *ad Corinth. 5.* quodq; permit-
tantur

rantur utroque Iure veteres synagogas retinere, & collabentes instaurare, non etiam novas erigere, c. *Iudæi* 3. & c. *Consuluit* 7. *sup. De Iudæis*.

Addidi, singularem aliquam &c. quia si in totum à fide recedat, Apostata dicitur, non Hæreticus.

Addidi etiam, manifestè à sensu Ecclesiæ alienam; quia si quis doctrinam singularem eligat, quæ non sit clarè contra fidem, vel sensum Ecclesiæ, non dicitur is quoque Hæreticus. Per singularem autem doctrinam intellige, siue quoad articulos fidei, siue quoad Sacramenta Ecclesiæ, siue quoad alia, ab œcumenicis Concilijs seu Ecclesia Romana definita, c. *Cum Christus* 7. c. *Ad abolendum* 9. h. t.

Addidi postremò, eamque pertinaciter defendendo; quia error non facit hæreticum, sed pertinax defensio, c. *Damnatus sup. De summa Trinit. can. Hoc est* 1. q. 1. *can. Dixit can. Qui in Ecclesia* xxiv. q. 3. *August. Epist. 162. Plenè Farinac. quæst. 179. §. 3.*

§. II. De pœnis Hæreticorum.

1. *Pœna sunt Infamia, Excommunicatio.*
2. 3. *Incapacitas beneficiorum, Confiscatio bonorum.*
4. *Privatio beneficiorum & officiorum.*
5. 6. *Remedia ad exterminandam hæresim.*
7. *Pœna ultimi supplicij ex consuetudine est exustio.*

Quod ad pœnas hæreticorum attinet, eos mox, ubi vires suas Ecclesia Catholica exerere atque exercere potuit, infectata fuit, & dignâ animadversione castigavit, testantibus sacris historijs, & præsertim in Concilio Lateranensi sub Innoc. III. quo, præter Chalcedonense, nullum fuit augustius, ut ex numero & qualitate eorum, qui eidem interfuerunt, colligit Zyp. h. t. in princ.

Sunt itaque in primis infames, *can. Infames* v. 1. q. 1. *can. Alieni* 2. q. 7. *Authent. Gazaros Cod. h. t. & l. 1. Cod. De summa Trinit.* Sunt item excommunicati ipso iure notorii omnes, aut aliàs excommunicandi, quæ Clerici quæ laici, velut putrida membra resecandi ab Ecclesia, *can. Resecanda* xxiv. q. 3. *can. Canonica* xi. q. 2. c. *Ad abolendam* 9. c. *Excommunicamus* 13. h. t. Et non solum hæretici ipsi excommunicantur aut suspecti de hæresi, sed & eorum receptatores, defensores, fautores, credentes. Qui si hoc nomine à Iudice Ecclesiastico excommunicatione impliciti, non satisfecerint intra annum, ipso iure fiunt infames & inestabiles; ita ut neq; ipsi sibi testamentum facere possint, neque

ex testamento alterius quidquam capere: multoque minùs ab intestato alicui succedere, *d. c. Excommunicamus § credentes*. Quin si quis tales, postquam sub Ecclesia fuerint notati, euitare contempnerit, excommunicandus est usque ad satisfactionem, *d. §. concedentes vers. si quis autem tales*. * Sunt etiam incapaces beneficiorum Ecclesiasticorum & hæretici ipsi, & receptatores, fautores, defensoresque, & filij ipsorum usque ad secundam generationem, *c. Quicumque 2. § heretici & §. ad hæc eod. tit. in 6.*

- 3 Bonaque damnatorum de hæresi ipso iure, ex die commissi criminis, addicuntur fisco, *c. Cum secundum eod. in 6.* Et quidem bona Clericorum cedunt Ecclesiæ, cui seruiuerunt; laicorum verò, licet filios habeant Orthodoxos, (secus de iure Civili, *l. 4. & 12. Cod. h. t.*) fisco sæcularis potestatis applicantur, *d. c. Excommunicamus 13. & c. Vergentis 10. h. t.* Potestque ad hunc finem quis declarari fuisse hæreticus etiam post mortem: quo casu condemnatio post mortem facta retrahitur ad diem commissi criminis, *c. Accusatus §. penult eod. in 6.* Couar. *De matrim. p. 1. cap. 6. §. 8. n. 6. & seqq.* Non confiscantur tamen innocentium vxorum dotes, propter maritorum hæresin, *c. Decernit 14. eod. in 6.* Neque apprehensio bonorum per dominum sæcularem fieri debet, nisi prius pronuntiatum fuerit super crimine per Iudicem Ecclesiasticum, *c. penult. eod. in 6.* Ne autem hac in re fraus fisco fieret, sanxit Carolus V. 22 Septemb. an. 1540. in hoc Belgio, ut statim, postquam quis in hæresim inciderit, neque inter viuos neque per ultimam voluntatem disponere de bonis suis valeat, sed omnia acta sint nulla. Quod quidem Edictum conforme est iuri communi, *d. c. Cum secundum h. tit. in 6. l. Manichæos l. Sancta Cod. h. t. Farinac. q. 190 §. 5. per tot.* verum executionem illius suspensam fuisse, præsertim tempore Mariæ Gubernatricis, ut furori cederet, & populus in se descenderet, tradit Zyp. *h. t. n. 7. in fine.*

- 4 Præterea Clerici excidunt ipso iure beneficijs suis, *d. c. Ad abolendam §. præsentis & alijs h. t.* sicut &, qui ad preces hæreticorum beneficia obtinuerunt, *d. c. Quicumque §. adhuc: & suis ordinibus, si pertinaces fuerint, spoliati sæculari potestati traduntur puniendi, d. c. Excommunicamus §. damnati d. c. Ad abolendam, c. Cum secundum leges eod. in 6.*

- 5 Ne autem hoc malum, Reipublicæ Christianæ perniciosissimum longitùs serpat & radicetur altius, ideo verantur clandestina conuenticula, *c. Cum ex iniuncto 12. h. t.* item conciones clandestinæ vel publicæ, sine permissu Dioecæsani, *d. c. Excommunicamus §. quia vero cum c. seq. h. t. l. Conuenticula 15. C. De Episc. & Cler.* Et iubentur Episcopi vel Archiepiscopi, qui sunt Ordinarij huius causæ Iudices, prouincias ac dioeceses suas, de hæresi suspectas, minimum semel in anno visitare, vel per se, vel

se, vel per Archidiaconum, aut alios idoneos, & de hæresi inquirere, sub pœna depositionis, *d. c. Excommunicamus §. Adijcimus*. Quibus subinde Inquisitores adiunguntur, qui coniunctim vel separatim cum illis cognoscant, *c. Per hoc 17. eod. in 6.* Si tamen processerint seorsim, debent sibi communicare acta, simulque proferre sententiam; vel si discordes fuerint, eam remittere ad Sedem Apostolicam, *Piaf. 2. p. cap. 4. art. 6. in princ.* Quemadmodum &, si ipsimet insimulentur de eodem crimine, cognitio soli Pontifici reservatur, *c. Inquisitores eod. in 6.*

Ex Concilio autem Lateranensi, (ut est in *d. c. Excommunicamus §. mo-* 6
neantur, cui conformis est noua Cōstitutio Paulli IV. apud Pet. Matth. in VII. *Decretal. lib. 5. t. 3. c. 9.*) tenentur iurare Principes sæculares, & qui potestatem aliquam perpetuam vel temporalem in Repub. Christiana obtinent, sese hæreticos vniuersos, ab Ecclesia denuntiatos ac damnatos, eorumque complices pro viribus exterminaturos. Quod si dominus temporalis, monitus & requisitus ab Ecclesia, purgare terram suam neglexerit, excommunicatur: sin perstiterit in excommunicatione per annū, nuntiatur Papæ, qui fideles eius seu vasallos à iuramento absoluet, terramque exponet fidelibus occupandam, salvo tamen iure domini principalis, nisi & ipse sit in culpa. De eadem re est Frederici Imp. Cōstitutio, quā hæretici & perpetuā notantur infamiā, & proscribuntur, *Auth. Gazaros Cod. h. t.* insuperque vltimi supplicij pœna in eos statuitur, in l. 5, 8. *Cod. eod.* * quæ ex interpretatione consuetudinis est exustio, *Ab-* 7
bas in d. c. Ad Abolendam n. 13. h. t. Couar. 2. *Var. resol. c. 10. n. 10.* ad quam tamen pœnam Iudex Ecclesiasticus condemnare hæreticos nequit; verum ea condemnato de hæresi à Iudice Ecclesiastico per sæcularem potestatem infligitur. Quid autem de hæreticis statuerint Principes nostri, tradit Zyp. *h. t. n. 6.* & Gudelin. *De Iure nouiss. lib. 6. cap. vlt.* De alijs verò hæreticorum pœnis ex iure Ciuili videatur Pet. Greg. Tholos. *Syntag. Iuris vniuersi lib. 23. c. 8.* deque iudicio ac Iudicibus hæreticorum, *cap. 6.* & de cautionibus contra eos adhibendis, *cap. 9.*

Cæterum hæreticus has pœnas euitabit, si pœniteat, & ad Ecclesiam, quæ nemini gremium claudit, paratus sit redire, hæresimque abiurare: nisi abiuratione semel factā rursus in eandem vel aliam lapsus sit; nam tunc omni beneficio Iuris excidit, & brachio sæculari tradi debet, *d. c. Ad abolendam*, igne cremandus. Neque ob hanc traditionem, ex qua sequitur mors, Iudex Ecclesiasticus incurrit irregularitatem, *Piaf. d. loco n. 13.* Ipsi autem resipiscenti Sacramentum pœnitentiæ & Eucharistiæ non est denegandum, *d. cap. Ad abolendam vers. illos quoque.*

§. III. De modo procedendi in caussa Hæresis.

1. In causa hæresis idem potest esse testis & denunciator.
2. Item quilibet alius, etiam infamis, periurus &c.
3. Quo modo institui examen debeat.
4. Quo modo quis deferatur de hæresi.

IN causa hæresis proceditur simpliciter & de plano. Potestque idem esse testis, qui accusator & denunciator, *c. In omni 4. sup. De testibus*; modò iuret se non ex odio vel animi passione ac leuitate denunciare. Interrogarique debet, an verba hæretica prolata fuerint seridè vel iocosè, vel referendo aliorum opinionem: nam duobus his postremis casibus non arguerent aliquem hæreticum, quamuis taliter ea proferens grauitè esset puniendus, ubi adesset periculum scandali, *Pias. d. loco n. 4.*

2. Insuper potest quilibet hîc admitti testis, etiam laicus aduersus Clericum, *c. Decetero 14. sup. De testib.* etiam particeps & socius criminis, prout sanxit Alexander I V. item infamis, periurus, modò non sit inimicus accusati, *c. In fidei 5. c. Accusatores 3. §. Licet verò h. tit. in 6.* Quamquam duo huiusmodi testes non faciant plenam fidem, vt alij, fide digni & omni exceptione maiores, ad conuincendum quem de hæresi, sed tantùm indicium ad torturam vel imponendam pœnam extraordinariam, *Pias. d. loco n. 4.*

3. Cæterùm institui in his causis examen testiũ debet coram Notario & duabus grauib. personis, etiam laicis, defectu Clericorũ. Nec hæretico, conuictò de hæresi, dandus est procurator; secus si fuerit tantùm delatus vel suspectus, aut neget se hæreticũ esse: nam hoc casu nõ poterit eidem denegari procurator, per quem se defendat. Qui quidẽ procurator ante omnia tenebitur iurare, se bonâ fide, iustis saltem medijs, defensurum causam, & deferendum eandem, si deprehenderit iniustam, *Pias. d. loco n. 5.* Dicta etiam testium vel denunciatorum ac nomina non publicantur, ne inde graue illis periculum immineat, *c. vlt. h. t. n. 6.* nisi socius fuerit criminis, vel absit nec timeatur periculum vindictæ, *d. c. vlt.*

In causa quoque hæresis sententia absolutoria nunquam transit in rem iudicatam, ex *Constitut. Pij V. incip. Inter multiplices*, apud P. Matth. lib. 5. tit. 3. c. 10. Neque appellationis remedium hæretico condemnato est concedendum, *c. Vt inquisitionis 13. h. t. in 6.* nisi ab inter-

interlocutoria seu ante prolationem sententiæ.

Variè autem defertur quis de crimine hæresis, Interdum ex leuiori aliqua suspicione, vt quia semel ex ira protulerit verba hæretica vel blasphema, aut per annum persisterit in excommunicatione; & delato taliter de hæresi post abiurationem imponitur pœnitentia salutaris, nec proceditur regulariter ad torturam, Genuen. in *Praxi cap. 84.* Interdum ex suspicione vehementi seu violenta; vt si quis ad omnem animi motum verba proferat hæretica, aut blasphemet sæpius, inuocet Dæmones verbis deprecatiuis &c. prout hæc tradit & probat Pialec. d. loco n. 9. ex Genuen. d. c. 84. n. 7. Vbi etiam subiungit, vehemèter suspectos esse de hæresi, qui Sacramento pœnitentiæ aburantur & in confessione pœnitentem ad actus inhonestos prouocant, talesque vt hæreticos puniendos esse, ex *rescripto Pij I V. an. 1561. ad Inquisitionem Hispanicam*: sicut & eos, qui officium seu ministros Inquisitionis, quò minùs contra reos procedant, impediunt, domum Inquisitionis inuadunt, portas infringunt, testes in causa fidei productos verberant, vel aliàs auxilium, consilium aut fauorem quid huiusmodi molientibus præstant, d. cap. *Vt inquisitionis*: vbi prohibetur, ne quis huic officio impedimentum iniiciat, sub pœna excommunicationis, ipso facto incurrendæ: quam si deinde per annum animo obstinato sustinuerit, ex tunc velut hæreticus condemnari iubetur. Seuerius autem in tales animaduertendum statuit Pius V. Constitut. incip. *Si de protegendis an. 1569.* quam refert Pialec. d. loco, & Clemens VIII. alia Constitut. quam recitat ibidem Pialec. quâ, casibus inibi specificatis, formaliter conuictum hæreticum vult tradi brachio sæculari, etiam pro prima vice. Cui ex praxi S. Inquisit. tradi is quoque debet, qui hæresim Principi persuadere præsumpserit.

Aliàs de alijs criminibus seu erroribus conuictus hæreticus, pro prima vice, si pertinax non sit, post factam abiurationem, pœnâ arbitrariâ est puniendus, d. c. *Ad abolendam h. t.*

Denique si non fuerit plenè probatum crimen hæresis, nec sit confessus, indicia tamen præcesserint violenta, abiurare debet accusatus errorem suum, & pro facto scandaloso, ex quo orta suspicio fuit, puniri arbitrio Iudicis, Piaf. d. loco n. 13. Vide fusiùs Greg. Tholosan. *Synag. Iurû vniuersi lib. 32. cap. 7.* Farinac. *Tract. De hæresi*, Zerolam in *V. Hæreticus §. 24. & 25.* & Azor. i. p. *Institut. moral. lib 8. cap. 20.*

TITVLVS VIII.

De Schismaticis & ordinatis
ab eis.

1. Schismatici qui dicantur.

2. 3. Schismaticorum pena.

Proximi hæretici sunt Schismaticis, qui sese ab vnitatem Ecclesie Romanæ diuidunt ac segregant, & aliam constituunt. Et quia tales aliquando Ordines sacros conferunt, sibi que Sacerdotes & Clericos constituunt, idcirco additur in T. & ordinatis ab eis.

Schismatici, secundum Abbatem, interdum sumuntur largissimè, eo que pacto omnes constituti in peccato mortali Schismatici dicuntur, quia sunt extra charitatem; *can. Audi denique* xi. q. 3. interdum largè, & sic excommunicati dicuntur etiam Schismatici, quia sunt extra Ecclesiam & communionem fidelium, *can. Cum excommunicato* xi. q. 3. Strictè verò capiuntur pro ijs, qui proprium Episcopum eijciunt de Sede Episcopali, seu ab eo se separant, sibi viurpantes presbyteros illius, *can. Denique & can. Scire debes* vii. q. 1. & *can. Loquitur Dominus* xxiv. q. 3. Strictissime verò, ut hîc, pro ijs, qui se diuidunt ab vnitatem Ecclesie Romanæ, & sibi aliam constituunt: dicitur enim Schismaticus à Schismate, id est scissura, *d. can. Schisma* xxi. q. 1. quia Ecclesiam Dei, quæ vna est, scindit. Et ideo omnis hæreticus est Schismaticus, quia ab Ecclesia Romana secundum aliquod dogma peruersum se diuidit, non tamen è contrà, *can. Loquitur, can. Alienus* xxi. q. 1. nam Schismaticus potest esse, licet nullum dogma contra sensum Ecclesie confingat; proindeq; hæresis pugnat cum fide, non item Schisma, licet vnitati Ecclesie aduersetur, & ut inquit August. *lib. 99. Euangel. secundum Matth. q. 11.* Schismaticos non vna fides diuersa facit, sed communis disrupta societas. Nec quilibet obedire recusans summo Pontifici, aliquid præcipienti, hoc ipso propriè schismaticus est, sed qui ei subesse non vult, tanquam Ecclesie capiti, & Christi in terris vicario; non etiam si idè, quia eius persona sit illi infensa, Azor i. p. *lib. 8. cap. 21.* Nullum tamen est schisma, quod sibi tandem hæresin non confingat, ut rectè ab Ecclesia recessisse videatur, *can. Inter hæresim.* xxiv. q. 3.

2 Schismaticorum pena hodie est excommunicatio latæ sententiæ
siue

siue Bullæ cœnæ Domini, quæ exstat apud Nauar. in *Manuali* cap. 27. Nam de iure communi non videntur ante Bullam fuisse generaliter excommunicati ipso iure, sed excommunicandi, *arg. c. 1. h. i. can. Nulli fas Distinct. 19. can. De Liguribus xxxiv. q. 5.*

Nec obstat *cap. Licet sup. De elect.* quia loquitur tantum de ijs Cardinalibus, qui post electum Pontificem, communi duarum partium consensu, alium Pontificem receperunt, & de eo, qui post prædictam electionem contra electum se habet & gerit. Quamquam de iure communi non tamquam excommunicati ipso iure, sed tamquam schismatici fuerint virandi, *cap. 1. & 2. h. t. & leges de hæreticis loquentes simul etiã loquantur de schismaticis; & hi paganis æquales habeantur, imò peiores, d. can. Denique vii. q. 1. can. Non asseramus xxiv. q. 1. grauiorque debeat esse pœna, vt constat exemplo Dathan & Abiron qui propter huiusmodi crimen ab inferis, ruptis terræ compagibus, viui absorpti sunt.*

Ordinationes item ac beneficiorum collationes, & rerum Ecclesiasticarum alienationes ab ijs factæ, sunt irritæ & inanes, *d. cap. 1. & 2. h. t. iuncto can. Ordinationes ix. q. 1. scilicet quoad executionem & functionem Ordinum: nam characterem imprimunt, & Ordines ipsi per se subsistunt, d. cap. 2. h. tit. quia retinent potestatem Ordinis, sed ab eius vsu sunt suspensi. Potestate verò iurisdictionis veriùs est eos vniuersaliter esse priuatos, quia sunt extra Ecclesiam, can. Nouatianus. vii. q. 1. can. Didicimus xxiv. q. 1. can. Alienationes xii. q. 2.*

Veriùs quoque videtur, schismaticos esse irregulares, *cap. Quia diligentia 5. sup. De elect. can. Nos consuetudinem Distinct. 12. can. Conuenientibus i. q. 7. Azor. 1. p. Institut. moral. lib. 8. c. 20. q. 18.*

TITVLVS IX.

De Apostatis & reiterantibus baptismum.

1. *Apostata quis dicatur.*
2. *Apostasia alia est Fidei, alia Obedientia, alia Religionis.*
3. *Pœna Apostatarum.*
4. *Cont. Trid. decret. de Regularibus ad alium Ordinem transeuntibus.*

A Postatarum sacrilegum quoque nomen est, *l. 4. Cod. De apostatis;* & Apostasia grauißimum crimen, in ipsum Deum principaliter tendens. Imò Apostatæ in eo deteriores hæreticis sunt, quia fidem se-

mel in baptismo susceptam, nō in parte, vt hæretici, sed in totum deserant, l. 1. 2. & 3. *Cod. eod.* Additur de reiteratibus baptismū, quia & hi velut apostatæ sunt, dum à priori baptismo recedunt per eius reiterationem.

Apostata Græcis idem est, qui Latinis desertor seu rebellis vel etiam transfuga, vt qui à Principe vel duce suo ad hostes transit seu fugit: & Apostasia idem est, quod rebellio seu desertio, à Græco ἀπαστῆσις, id est Deficio vel Desero. Hic verò pressius sumitur Apostata pro eo, qui temerariè recedit à statu Fidei, vel Obedientiæ, aut Religionis, quā semel professus est. Diciturq; Apostata, quasi retrò stans siue abiens, vt ex D. August. refert Gratianus, *can. Non obseruetis xxvi. q. 7.* & Apostasia significat eiusmodi temerarium recessum; quamquam hæc allusio potius sit ad nomen, quàm origo nominis.

2. Itaq; nomen Apostatæ tripliciter hoc loco sumitur. Primò pro eo, qui deserit susceptam semel à se Fidem Christianam, & transit ad Iudaismum, Paganismum aut Mahometi impietatem; diciturq; Apostata perfidiæ vel renegatus, de quo loquitur tex. *in can. Non potest 2. q. 7.* Differtq; ab Hæretico, quia is tantum ex parte deficit à fide Catholica, Apostata verò ex toto: à Pagano autè differt, quòd is contradicat fidei, quam nullo modo antè suscepit, Apostata verò repugnet fidei, quam antè reipsa fuit professus: à Iudæo distinguitur, quòd is contradicat fidei, quam in typis, figuris & vmbreis antè tenuit. Secundò dicitur Apostata, qui Monasticam Religionem; & terriò, qui susceptum Ordinem sacrum deserit, *c. in. fin. Distinct. 50 can. Quantumlibet Distinct. 47. can. Beatus 111. q. 4.* Sed & quartum est genus Apostatarum, eorum scilicet, qui superioris vel Ecclesiæ præcepta transgrediuntur, *c. Si quis 2. & c. Illud 4. sup. De maiorit. & obedientia.* Vide Glos. & Panor. *ad c. 1. h. t.* latè Menoch. *De arbitr. Iud. quest. lib. 2. cap. 6. casu 546.* & Mascar. *De probat. concl. 112.*

3. Diuersimodè autem Apostatæ à Iure coërcentur. Primò publicatione bonorum, non extantibus propinquis, l. 1. 3. & 4. *Cod. eod.* Ius præterea testandi, vel testimonij dicendi, vel succedendi non habent, *d. l. 3. Cod. eod. can. Non potest 2. q. 7.* ipsoque iure sunt infames, *can. Alieni 2. q. 7. d. can. Beatus, can. Si quis 111. q. 4.* & qui alteri apostasiæ auctor fuerit, eum cum dispendio fortunarum etiam capite puniendū censuerunt Theodos. & Valentin. Imp. l. 5. *Cod. eod.* Insuper Apostatæ Religionis mancipandi sunt carceribus, donec desertum Religionis habitum resumpserint, *c. penult. h. t.* & deprehensi in crimine, qui scilicet deserto ordine Clericali & habitu in apostasia tamquam laici conuersantur, post trinam quidem monitionem, si Clericus fuerit primæ tonsuræ, sacri verò Ordinis apostatæ ipso iure, vt communius obtrinit,

obtinuit, vel post vnam saltem monitionem, amittunt priuilegium Clericale, c. 1. h. t. iuncto c. In audientia 25. & c. Contingit 45. inf. De sens. excomm. Quod accipe de priuilegio Canonis Si quis suadente xvii. q. 4. Et propterea in eos manum iniicientes non incidunt in dicti Canonis excommunicationem. Vide Panorm. in d. cap. 1. h. t. Bern. Diaz. in Pract. Crim. Canonica cap. 142. & Couar. Pract. quest. cap. 32. u. 2.

Vt verò in Religiosis seu Regularibus Apostasiæ cesset suspicio, mād-
dat Conc. Trid. Sess. 25. cap. 19. vt nemo Regularis, cuiuscumque facultatis vigore, transferatur ad laxiorem Religionem, neve habitum Religionis suæ occultè ferat, sed publicè. Et cap. 4. eiusdem Sess. vetat, ne Regulares à suis recedant Conuentibus, etiam prættextu ad Superiores suos accedēdi, nisi ab eisdem missi aut vocati fuerint. Statuitque, vt qui sine prædicto mandato, in scriptis obtento, reperi tus fuerit, ab Ordinarijs locorum, tanquam desertor sui instituti, puniatur. Nihil autem inibi definit de transitu ad æquè arctam vel arctiorem Regulam: sed exstat ea de re Constitutio Pij V. an. 1569. quam refert Azor. 1. p. Moral. Institut. lib. 12. cap. 14. quā rescindit & abrogat omnes facultates, præter ius cōmune concessas, recipiendi vel retinendi Religiosos alterius Ordinis, etiam laxioris. Refert ibidem & aliam Pij IV. Constitutionem, quā facultatē summi Pœnitentiarij restrinxerat, statueratque, ne ex causis, etiam pijs, facultatem standi extra Monasterium concederet, citra consensum Superiorum; & alia, quæ ibidem videre licet. Aliarum præterea Constitutionum extrauagantium, huc spectantium, meminit Zerola p. 2. V. Monachi §. 8. 9. & 10.

Sunt autem Religiosi fugitiui quotannis requirendi, & retrahendi in claustra, ex Constitut. Greg. IX. c. fin. sup. De Regularibus. Quid verò de eiusmodi statutum sit cū in Gallia edictis Regijs, tum in Belgio Caroli V. edicto, dato Bruxellis 1535. vide apud Zyp. h. t. n. 7. 8. 9. Vbi etiam refert, quid statuerit Gregor. XIII. de bonis cū Apostatarum, tum aliorum Religiosorum, extra monasterium morientium. Cæterum causas Apostatarum & Regularium, extra monasteria sua vagantium, Pius V. ad Sedem Apostolicam reuocauit, P. Matth. in VII. Decret. lib. 3. tit. 7. cap. 2.

Denique subiiciendum hīc esset aliquid de secunda parte Tit. huius, nempe de reiterantibus baptismum; verū ea de re sufficienter dictum est à nobis iam antè lib. 1. Tit. 16.

TITVLVS X.

De his qui filios occiderunt.

1. *Parricidium qui committere dicantur.*
2. *Pœna parricidarum.*

Superioribus Titulis vidimus de ijs criminibus, quæ principaliter in Deum committuntur: consequenter videndum est de illis, quæ principaliter tendunt ad læsionem proximi, quibusque aut corpus & vita proximi læditur, aut pudicitia thorulve offenditur, aut res & bona proximi exteriora attrectantur & violantur. Primi generis est homicidium, & inter homicidiorum genera grauissimum, quod in filios siue descendentes, & in parentes seu ascendentes committitur, diciturque generali nomine Parricidium; & adeò graue est, vt Quintil. in Declamationibus omnium scelerum maximum appellet; & Solon interrogatus, cur nullam legem in parricidas tulisset, responderit, Non expectasse se tale scelus vnquam potuisse committi.

- 1 Dixi, generali nomine vocari Parricidiũ: nam licet Parricidæ propriè vocentur parentum interfectores, aut qui suæ patriæ, quæ cuique parentis est loco, excidium aut vim attulerint, Cicero 1. *Officior.* tamen postea lege Pompeiæ cautum fuit, vt parricidij teneantur non solum, qui patrem vel matrem, sed & ij, qui fratrem, sororem, patruelem, matruelem, filium, filiam, & alias personas, in l. 1. *D. ad. L. Pomp. de parric.* enumeratas, occiderint.
- 2 Pœna parricidarũ more maiorũ siue de iure Ciuili fuit hæc, vt virgis sanguineis verberati, ac deinde insuti culeo, cum cane & gallo galinaceo, vipera, & simia, in mare vel in amnem proijcerentur, l. *penult. D. d. tit.* Cicer. *pro Roscio Amerino.* Vide Gregor. Tolosan. *Syntag. Iuris vniuersi* lib. 36, cap. 24. Gothofred. *ad l. penult.*

Iure verò Canonico suadetur matri, quæ iracundiæ calore ducta filium occiderit, si quidem innupta vel vidua sit, vt in monasterium ingrediatur, in quo reliquo vitæ cursu peccatum deplorat, c. 1. *h. tit.* Si verò sit coniugata, non ideo à marito est separanda, sed alia pœna ei imponi debet, cap. 2. *h. t.* Quòd si infantulus de nocte cum patre & matre mortuus reperiatur, nec appareat, vtrum à patre vel à matre oppressus sit, vel suffocatus, extra culpam omnem non sunt parentes, indiciturque pœnitentia trium annorum, quorum vnum per-

agant

agant in pane & aqua, *cap. ult. h. t.* si quidem peccasse in eo intelliguntur, quòd infantem in communem lectum recipiendo, periculo oppressionis vel suffocationis exposuerint. Qui matrem occiderit, eodem iure pœnitere debet per decem annos, iuxta formam præscriptam in *can. Latorem xxxiii. q. 2.* At verò, qui parentem per furem occiderit, impunitus manebit: nam sufficit eum furore ipso puniri, *l. penult. §. fin. d. Adl. Pomp. De parricidijs, l. 14. D. De officio Præsidi.*

TITVLVS XI.

De infantibus & languidis expositis.

I. Pœna exponentium infantes & languidos.

OMni quoque inhumanitate & crudelitate referti sunt, & tanto deteriores homicidio, quanto calamitosioribus id inferunt, inquit Iustin. *Novel. 153. in fine*, qui scilicet infantes ac minores septennio exponunt seu abijciunt, ut vel pereant, vel ab alijs, commiseratione motis, suscipiantur & alantur, *can. Si expositus Distinct. 87* Etenim necare videtur non tantum is, qui partum præocat, sed & is, qui abijcit, & is qui alimenta denegat, quiq; publicis locis misericordiæ causâ exponit, quam ipse non habet, *l. Necare 4. D. De agnosc. & alendis lib.*

Quales propterea digni sunt pœnâ homicidij, *l. 2. Cod. eod. l. Nec filium Cod. De patria potest. l. 1. §. pœna D. De agnosc. lib.* Et, si pater fuerit, amittit ius patriæ potestatis; si dominus, ius dominicæ potestatis, non tantum si ipse exposuerit, sed & si ab alio expositum sciuerit, vel postea ratum habuerit; atque ita expositus hoc ipso consequetur libertatem: ultraque pœnam, quam meretur exponens filium vel filiam, priuatur successione filij seu filiæ, ab intestato decedentis. Nam eo casu expositus videtur incertum parentem habere, qui filio non sit dignus, cum filium indignum se existimauerit, & proinde meritò omni utilitate ex eo proveniente carere debeat.

Idem iuris est in languidis (id est sic viribus ob infirmitatem deficientibus, ut ad omnem pœnè operationem sint inutiles) ita expositis, cuiuscumque ætatis fuerint, siue infantes, siue maiores. Qui tamen hos suscipiunt non acquirunt per hoc in personas ipsorum aliquod ius, *et fin. h. t. licet aliud iure Cod. Theodos. obtinuerit, ut videre licet apud Greg. Tholosan. Syntag. Iuris vniuersi lib. 11. cap. 10. n. 3.*

Quas autem impensas repetere possit is, qui infantem expositum aluit,

aluit, breuitatis causâ vide apud Azor. 2. p. *Moral. Institut. lib. 2. cap. 16.* vbi tradit, omnia, quæ de parentibus exponentibus infantes statuuntur iure Ciuili vel Canonico, obtinere in ijs, qui per se vel per alios commodè filios suos alere possunt: si verò præ inopia vel egestate aut sine dedecore & ignominia eos alere nequeant, curent, vt in Hospitali saltem aliquo, ad hoc pietatis officium exarcto, educantur, prout de seruo statuitur in l. 1. *Cod. De Latina libertate tollenda.*

TITVLVS XII.

De homicidio voluntario
vel casuali.

1. *Homicidium quid sit.*
2. *Aliud est Voluntarium, aliud Necessarium, aliud Casuale.*
3. *Voluntarium aliud directè tale, aliud indirectè.*
4. 6. *Necessarium item duplex.*
5. *Quid sit moderamen inculpatæ tutelæ.*
7. 8. *Casuale cum culpa vel sine culpa committitur.*
9. *Pœna homicidij voluntarij ex vtroque iure.*

TRanſeamus nunc ad homicidium, in genere considerandum. Licet enim genus pletumque præmittatur speciei, isque sit ordo vſitatio in omni arte & ſcientia, vt ab vniuerſalioribus incipiatur, & priùs de genere tum de speciebus agatur, §. *Is igitur Institut. De Iust. & Iure, Aristot. l. Physic. cap. 1.* tamen nonnumquam etiam iusta de cauſa præmittitur species, & ſubiicitur genus: vt hoc loco Pont. priùs tradidit homicidij species, quæ propter atrocitatem criminis præmitti debuerunt.

1. Homicidium ab Homine dicitur, & ad vtrumque ſexum pertinet, l. *Hominiſ 151. D. De verb. ſignif.* licet aliàs Homo pro viro ſpecialiter capiatur, l. *Si quis aliquid §. qui abortionis*, in verbis, *mulier aut homo perierit D. De pœnis*, & in iure Canonico Homicidium non tantum hominiſ occiſionem, ſed & detractionem, perſuaſionem malam, omnemque motum iniquum ad nocendum alteri deſignet, *can. Homicidiorum cum quatuor ſeqq. De pœnit. Diſtinct. 1.* Specialiter verò ſumitur Homicidium hîc, prout ſignificat occiſionem hominiſ, ab homine factam. Quod addo, quia vtrumque ad homicidij rationem & nomen requiritur: nam ſi brutum occiderit hominem vel homo brutum, non dicitur

etur propriè homicidium, quia homicidiū designat peccatum, quod in brutum non cadit; & proinde est hominis hominem interficientis.

Homicidium sic acceptum triplex statui potest, Voluntarium, Casuale & Necessarium. Voluntarium est, quod dolo malo & animo occidendi quoquo modo admittitur, *l. 1. D. Ad L. Corn. De sicarijs*; siue aperto Marte, siue per insidias, siue veneficio, siue pharmaco, siue alio modo. * Et ideo aliud est Voluntarium directè, ut cum quis expressè intendit & vult occidere hominem; in quo consistit perfectà & propria ratio homicidij, *l. 1. Cod. Ad L. Corn. de sicar.* aliud voluntarium indirectè, ut cum quis expressè non intendit actum ipsum occisionis, sed alium actum, ex quo immediatè & per se, & non per accidens, sequitur mors: nam voluntas delinquentis fertur in id, quod fit, & in omne illud, quod per se, & non per accidens, ex illo sequitur, *c. ult. h. t. in 6.* Committitur autem homicidium voluntarium factò, præcepto, consilio ac defensione, *can. Si quis viduam Distinct. 50. per insidias, c. 1. h. t. linguâ seu cohortatione ad necandum, c. Sicut dignum 6. §. qui vero h. t.* Ad voluntarium reuocari potest homicidium Necessarium: nam voluntarium vel est absolutè voluntarium aut necessarium.

Necessarium est, quod quis committit ad necessariam sui defensionem, ut in *c. 2. h. t.* Et hoc, si fiat cum moderamine inculpatae tutelæ, est sine culpa & reprehensione, *d. c. 2. l. 2. 3. 4. Cod. Ad L. Corn. De sicar.* nam vim vi repellere, cū moderamine inculpatae tutelæ, omnes leges, omniaq; iura permittunt, *c. Significasti 17. h. t. l. 3. D. De iust. & iure.*

Dicitur verò fieri cum moderamine inculpatae tutelæ, cum sit non excedendo limites defensionis, seu non ad vindictam, sed solum ad propulsandam iniuriam, & vim arcendam, quando alia euadendi via non suppetit, *d. c. 2. h. t.* Hinc licet diurnum furem, si se telo non defendat, occidere minimè permittatur, *d. c. 2. nocturnum tamen impunè occidi permissum est*; quia ignoratur, an furandi, an verò occidendi animo domum ingreditur, *c. 3. h. t.* Sic quoque latro à viatore, hostis à milite, impunè occiditur, *can. Cum homo xxiii. q. 5.*

Necessarium quoque homicidium est, quod auctoritate legis aut superioris, ius gladij habentis, iussu committitur; vel quod fit ab eo, qui iustum bellum gerit, *can. Quid culpatur xxiii. q. 1.*

Casuale est, quod casu fit & præter occidentis intentionem, ita ut nec in se nec in sua causa sit volitum, *c. Presbyterum 7. c. Dilectus 13. & seq. h. t.* Tale est, si quis alicui vulnus inflixerit non letale, mors tamen secuta sit, vel malitiâ Medici, qui noxia adhibuerit, vel negligentia & temeritate læsi, qui remedia opportuna adhibere noluerit.

Committitur casuale homicidium aut cum culpa, aut sine culpa.

Ectcc

Commiss-

Commissum sine culpa non imputatur: ut quando occisor dabit operam rei licitæ, vel etiam illicitæ, secundum probabilem sententiam, si modò utròq; casu sufficientem diligentiam & cautionem adhibuerit, ne quid inde incommodi sequeretur, *cap. Later 9. d. c. Diligens com- tribus seqq. h. tit.* quia quæ merè fortuito accidunt, non imputantur, quandoquidem humanâ providentiâ prævideri non possint, *cap. ult. hoc. tit.* & sufficiens diligentia ac cautio omne periculum & culpam abstergat. Huic assimilatur homicidium à furioso, infante, dormiente, commissum; nam & huius nulla habetur ratio, *Clement. unica cod. l. Infans D. Ad l. Corneliam De sicar.* * Sin autem culpâ commissum sit, puta si occisor dederit operam rei illicitæ, vel licitæ, sed non adhibuerit sufficientem diligentiam, ne quid incommodi accideret, imputatur; & à iure Civili punitur, sed mitius, *l. 1. §. sed si & l. 4. §. 1. D. cod. l. Siptator D. Ad l. Aquiliam: à sacris verò Canonibus irregularitate notatur, c. 7. & 8. hoc. tit.* Ratio est, quia tum est volitum in ipsa commissione cautionis seu diligentia: sicut submersio navis censetur voluntaria in negligentia gubernatoris.

8 Pœna homicidij voluntarij, dolo commissi, ex lege Cornelia olim in liberis hominibus erat deportatio in insulam, & bonorum omnium ademptio, *l. 3. §. penultimo D. Ad l. Corneliam De sicar.* in servis verò & humilioribus vltimum supplicium; hodieque vltore ferro seu pœnâ capitali lex homicidas persequitur.

9 Neque aliàs, referente Zyp. *h. tit.* in Brabantia Princeps abolitionem concedere homicidis potest, nisi prius cum parte transegerint: aliterve induciæ vel saluus conductus, seu *geleyde*, ut vocant, concedi eis nequeunt, *Latus Introitus Caroli V. art. 21. & Maria art. 42.* Idem sanxerunt Pontifices Pius I V. & Pius V. prout &, ne antè contratis occisi hæredibus. Constitutiones eorum refert Petrus Martyr. *in vii. Decretal. lib. 5. tit. 8. cap. 7. & 8. Ibidemque cap. 1. 2. 3. 4. 5. 6. 9. & 10.* alias Constitutiones aduersus homicidas videre licet.

De iure verò Canonico pœna est excommunicatio, *can. Itaque xxiv. q. 3. & depositio ab Ordine quocumque, si sit Clericus; & post depositionem deorsus in carcerem, utique ad tempus, veluti quinquennium vel sexennium, d. cap. Sicut dignum in fine h. tit.* Insuper homicida voluntarius priuandus est beneficijs suis, *c. 1. & 2. inf. De Clericis pugnans. in duello: & quidem per sententiam, quia nō priuatur ipso iure, ut communiter sentit D D. post Felinum in c. Inquisitionis n. 3. sup. De accusat. testatur Pias. 2. p. cap. 4. art. 14. sub n. 16. præter assatinatum, Nauar. in *Menicali cap. 27. n. 24.* Aded ut, licet lata fuerit sententia condemn-*

condemnatoria de homicidio, si in ea non fiat mentio priuationis expressim, non censeatur adhuc priuatus, quia præsumi possit, Episcopum voluisse cum eo dispensare in retentione beneficii, quippe qui & in hoc casu, sicut & plerisque alijs, quoad retentionem beneficii, habeat facultatem dispensandi, Piaf. d. loco. Ideoque Clericus homicida fructus beneficii sui facit suos, & lite adhuc pendente, non prohibetur beneficio renuntiare, donec per sententiam priuetur, Felin. in. c. De quarta n. 31. sup. De prescript. Quemadmodum & si in sententia sit expressa pœna priuationis, & condemnatus appellet, durante appellatione resignare interim beneficium potest, & valida est resignatio, licet beneficium fuerit impetratum ab alio, in casum priuationis, Piaf. d. loco n. 17. vbi ait, pro indubitato id praticari in Curia Romana, post Genuen. in Praxi c. 65. n. 18. Quamuis non desint, qui talem renuntiationem putent inuvalidam, propter ius ad rem alteri quæsitum. Quâ ratione verò possit hodie Episcopus cum homicida dispensare quoad sacros Ordines suscipiendos vel beneficium obtinendum, vide Conc. Trid. Sess. 24. c. 7. De reformat. Et quam pœnam incurrant, qui abortum procurant; quod Augustin. in can. Aliquando xxxi. q. 2. crudele facinus appellat, breuitatis causâ omitto; traditurus aliàs. Videri interim potest ea de re Constitutio Sixti V. an. 1588. & altera Gregorij XI V. an. 1591. apud Piaf. p. 1. c. 1. art. 5. n. 8.

TITVLVS XIII.

De Torneamentis.

1. Torneamenta que dicantur.
2. Iona occidentis quem in torneamentis, & occisi.
3. Quando licita torneamenta.
4. Agitatio taurorum prohibita.

Post tractatum de homicidio tam in specie quàm in genere, sequitur de quibusdam actibus, qui quandoque causam homicidio præbent; & primò quidem de Torneamentis, id est ludis hastilibus seu equestribus.

Dicuntur autem Torneamenta à circumeundo; suntque induciæ quædam vel nundinæ ac feriæ, in quibus milites ex conducto vel conducto conuenientes ad ostensionem virium suarum & audaciæ temerè congregari & aggredi solent, c. 1. h. t. & ibid. Abbas; idque maximè in acie, dum otiosi sunt, vel in honorem Herorum defunctorum, Per.

TITVLVS VIII.

De Schismaticis & ordinatis
ab eis.

1. Schismatici qui dicantur.

2. 3. Schismaticorum pœna.

Proximi hæretici sunt Schismaticis, qui sese ab vnitæ Ecclesiæ Romanæ diuidunt ac segregant, & aliam constituunt. Et quia tales aliquando Ordines sacros conferunt, sibi quæ Sacerdotes & Clericos constituunt, idcirco additur in T. 2. *& ordinatis ab eis.*

Schismatici, secundum Abbatem, interdum sumuntur largissimè, eo quæ pacto omnes constituti in peccato mortali Schismatici dicuntur, quia sunt extra charitatem, *can. Audi denique xi. q. 3.* interdum largè, & sic excommunicati dicuntur etiam Schismatici, quia sunt extra Ecclesiam & communionem fidelium, *can. Cum excommunicato xi. q. 3.* Strictè verò capiuntur pro ijs, qui proprium Episcopum eijciunt de Sede Episcopali, seu ab eo se separant, sibi usurpantes presbyteros illius, *can. Denique & can. Scire debes vii. q. 1. & can. Loquitur Dominus xxiv. q. 3.* Strictissimè verò, vt hîc, pro ijs, qui se diuidunt ab vnitæ Ecclesiæ Romanæ, & sibi aliam constituunt: dicitur enim Schismaticus à Schismate, id est scissura, d. *can. Schisma xxii. q. 1.* quia Ecclesiam Dei, quæ vna est, scindit. Et ideo omnis hæreticus est Schismaticus, quia ab Ecclesia Romana secundum aliquod dogma peruersum se diuidit, non tamen è contrà, *can. Loquitur, can. Alienus xxiv. q. 1.* nam Schismaticus potest esse, licet nullum dogma contra sensum Ecclesiæ confingat; proinde quæ hæresis pugnat cum fide, non item Schisma, licet vnitæ Ecclesiæ aduersetur, & vt inquit August. *lib. qq. Euangel. secundum Matth. q. 11.* Schmaticos non vna fides diuersa facit, sed communis disrupta societas. Nec quilibet obedire recusans summo Pontifici, aliquid præcipienti, hoc ipso propriè schismaticus est, sed qui ei subesse non vult, tanquam Ecclesiæ capiti, & Christi in terris vicario; non etiam si ideò, quia eius persona sit illi infensa, Azor 1. p. *lib. 8. cap. 21.* Nullum tamen est schisma, quod sibi tandem hæresin non confingat, vt rectè ab Ecclesia recessisse videatur, *can. Inter hæresin. xxiv. q. 3.*

2 Schismaticorum pœna hodie est excommunicatio latæ sententiæ
sive

sive Bullæ cœnæ Domini, quæ exstat apud Nauar. in *Manuali* cap. 27. Nam de iure communi non videntur ante Bullam fuisse generaliter excommunicati ipso iure, sed excommunicandi, *arg. c. l. h. s. can. Nulli fas Distinct. 19. can. De Liguribus xxxiv. q. 5.*

Nec obstat *cap. Licet sup. De elect.* quia loquitur tantum de ijs Cardinalibus, qui post electum Pontificem, communi duarum partium consensu, alium Pontificem receperunt, & de eo, qui post prædictam electionem contra electum se habet & gerit. Quamquam de iure communi non tamquam excommunicati ipso iure, sed tamquam schismatici fuerint virandi, *cap. 1. & 2. h. t. & leges de hæreticis loquentes simul etiã loquantur de schismaticis; & hi paganis æquales habeantur, imò peiores, d. can. Denique vii. q. 1. can. Non afferamus xxiv. q. 1.* grauiorque debeat esse pœna, vt constat exemplo Dathan & Abiron qui propter huiusmodi crimen ab inferis, ruptis terræ compagibus, viui absorpti sunt.

Ordinationes item ac beneficiorum collationes, & rerum Ecclesiasticarum alienationes ab ijs factæ, sunt irritæ & inanes, *d. cap. 1. & 2. h. t. iuncto can. Ordinationes ix. q. 1.* scilicet quoad executionem & functionem Ordinum: nam characterem imprimunt, & Ordines ipsi per se subsistunt, *d. cap. 2. h. tit.* quia retinent potestatem Ordinis, sed ab eius usu sunt suspensi. Potestate verò iurisdictionis verius est eos vniuersaliter esse priuatos, quia sunt extra Ecclesiam, *can. Nouatianus. vii. q. 1. can. Didicimus xxiv. q. 1. can. Alienationes xii. q. 2.*

Verius quoque videtur, schismaticos esse irregulares, *cap. Quia diligentia 5. sup. De elect. can. Nos consuetudinem Distinct. 12. can. Conuenientibus 1. q. 7. Azor. 1. p. Institut. moral. lib. 8. c. 20. q. 18.*

TITVLVS IX.

De Apostatis & reiterantibus baptismum.

1. *Apostata quis dicatur.*
2. *Apostasia alia est Fidei, alia Obedientia, alia Religionis.*
3. *Pœna Apostatarum.*
4. *Conc. Trid. decret. de Regularibus ad alium Ordinem transeuntibus.*

A Postatarum sacrilegum quoque nomen est, *l. 4. Cod. De apostatis;* & Apostasia grauissimum crimen, in ipsum Deum principaliter tendens. Imò Apostatæ in eo deteriores hæreticis sunt, quia fidem se-

mel in baptismo susceptam, nō in parte, vt hæretici, sed in totum deserant, l. 1. 2. & 3. *Cod. eod.* Additur de reiteratibus baptismū, quia & hi velut apostatæ sunt, dum à priori baptismo recedunt per eius reiterationem.

Apostata Græcis idem est, qui Latinis desertor seu rebellis vel etiam transfuga, vt qui à Principe vel duce suo ad hostes transit seu fugit: & Apostasia idem est, quod rebellio seu desertio, à Græco ἀπαστάω, id est Deficio vel Desero. Hic verò pressius sumitur Apostata pro eo, qui temerariè recedit à statu Fidei, vel Obedientiæ, aut Religionis, quā semel professus est. Diciturq; Apostata, quasi retrò stans siue abiens, vt ex D. August. refert Gratianus, *can. Non obseruetis xxvi. q. 7.* & Apostasia significat eiusmodi temerarium recessum; quamquam hæc allusio potius sit ad nomen, quàm origo nominis.

2. Itaq; nomen Apostatæ tripliciter hoc loco sumitur. Primò pro eo, qui deserit susceptam semel à se Fidem Christianam, & transit ad Iudaismum, Paganismum aut Mahometi impietatem; diciturq; Apostata perfidiæ vel renegatus, de quo loquitur tex. *in can. Non potest 2. q. 7.* Differtq; ab Hæretico, quia is tantum ex parte deficit à fide Catholica, Apostata verò ex toto: à Pagano autè differt, quòd is contradicat fidei, quam nullo modo antè suscepit, Apostata verò repugnet fidei, quam antè seipsā fuit professus: à Iudæo distinguitur, quòd is contradicat fidei, quam in typis, figuris & vmbriis antè tenuit. Secundò dicitur Apostata, qui Monasticam Religionem; & tertio, qui susceptum Ordinem sacrum deserit, *c. in. fin. Distinct. 50 can. Quantumlibet Distinct. 47. can. Beatus 111. q. 4.* Sed & quartum est genus Apostatarum, eorum scilicet, qui superioris vel Ecclesiæ præcepta transgrediuntur, *c. Si quis 2. & c. Illud 4. sup. De maiorit. & obedientia.* Vide Glos. & Panor. *ad c. 1. h. t.* latè Menoch. *De arbitr. Iud. quest. lib. 2. cap. 6. casu 546.* & Mascar. *De probat. concl. 112.*

3. Diuersimodè autem Apostatæ à Iure coërcentur. Primò publicatione bonorum, non extantibus propinquis, l. 1. 3. & 4. *Cod. eod.* Ius præterea testandi, vel testimonij dicendi, vel succedendi non habent, *d. l. 3. Cod. eod. can. Non potest 2. q. 7.* ipsoque iure sunt infames, *can. Alieni 2. q. 7. d. can. Beatus, can. Si quis 111. q. 4.* & qui alteri apostasiæ auctor fuerit, cum cum dispendio fortunarum etiam capite puniendū censuerunt Theodos. & Valentin. Imp. l. 5. *Cod. eod.* Insuper Apostatæ Religionis mancipandi sunt carceribus, donec desertum Religionis habitum resumpserint, *c. penult. h. t.* & deprehensi in crimine, qui scilicet deserto ordine Clericali & habitu in apostasia tamquam laici conuersantur, post trinam quidem monitionem, si Clericus fuerit primæ tonsuræ, sacri verò Ordinis apostatæ ipso iure, vt communiùs obtinuit,

obtinuit, vel post vnam saltem monitionem, amittunt priuilegium Clericale, *c. 1. h. t. iuncto c. In audientia 25. & c. Contingit 45. inf. De sent. excomm.* Quod accipe de priuilegio Canonis *Si quis suadente xvii. q. 4.* Et propterea in eos manum iniicientes non incidunt in dicti Canonis excommunicationem. Vide Panorm. in *d. cap. 1. h. t.* Bern. Diaz. in *Pract. Crim. Canonica cap. 142. & Couar. Pract. quest. cap. 32. v. 2.*

Ut verò in Religiosis seu Regularibus Apostasiæ cesset suspicio, mād⁴ dat Conc. Trid. *Sess. 25. cap. 19.* vt nemo Regularis, cuiuscumque facultatis vigore, transferatur ad laxiorem Religionem, neve habitum Religionis suæ occultè ferat, sed publicè. Et *cap. 4. eiusdem Sess.* vetat, ne Regulares à suis recedant Conuentibus, etiam prætenu ad Superiores suos accedēdi, nisi ab eisdem missi aut vocati fuerint. Statuitque, vt qui sine prædicto mandato, in scriptis obtento, reperi tus fuerit, ab Ordinarijs locorum, tanquam desertor sui instituti, puniatur. Nihil autem inibi definit de transitu ad æquè arctam vel arctiorem Regulam: sed exstat ea de re Constitutio Pij V. an. 1569. quam refert Azor. *1. p. Moral. Institut. lib. 12. cap. 14.* quā rescindit & abrogat omnes facultates, præter ius cōmune concessas, recipiendi vel retinendi Religiosos alterius Ordinis, etiam laxioris. Refert ibidem & aliam Pij IV. Constitutionem, quā facultatē summi Pœnitentiarij restrinxerat, statueratque, ne ex causis, etiam pijs, facultatem standi extra Monasterium concederet, citra consensum Superiorum; & alia, quæ ibidem videre licet. Aliarum præterea Constitutionum extrauagantium, huc spectantium, meminit Zerolap. *2. V. Monachi §. 8. 9. & 10.*

Sunt autem Religiosi fugitiui quotannis requirendi, & retrahendi in claustra, ex *Constitut. Greg. IX. c. fin. sup. De Regularibus.* Quid verò de eiusmodi statutum sit cū in Gallia edictis Regijs, tum in Belgio Caroli V. edicto, *dato Bruxellis 1535.* vide apud Zyp. *h. t. n. 7. 8. 9.* Vbi etiam refert, quid statuerit Gregor. XIII. de bonis cū Apostatarum, tum aliorum Religiosorum, extra monasterium morientium. Cæterum causas Apostatarum & Regularium, extra monasteria sua vagantium, Pius V. ad Sedem Apostolicam reuocauit, P. Matth. in *VII. Decret. lib. 3. tit. 7. cap. 2.*

Denique subiiciendum hīc esset aliquid de secunda parte Tit. huius, nempe de reiterantibus baptismum; verū ea de re sufficienter dictum est à nobis iam antè *lib. 1. Tit. 16.*

TITVLVS X.

De his qui filios occiderunt.

1. *Parricidium qui committere dicantur.*
2. *Pœna parricidarum.*

Superioribus Titulis vidimus de ijs criminibus, quæ principaliter in Deum committuntur: consequenter videndum est de illis, quæ principaliter tendunt ad læsionem proximi, quibusque aut corpus & vita proximi læditur, aut pudicitia thorulve offenditur, aut res & bona proximi exteriora attrectantur & violantur. Primi generis est homicidium, & inter homicidiorum genera grauissimum, quod in filios siue descendentes, & in parentes seu ascendentes committitur, diciturque generali nomine Parricidium; & adeò graue est, vt Quintil. in Declamationibus omnium scelerum maximum appellet; & Solon interrogatus, cur nullam legem in parricidas tulisset, responderit, Non expectasse se tale scelus vnquam potuisse committi.

1 Dixi, generali nomine vocari Parricidiũ: nam licet Parricide propriè vocentur parentum interfectores, aut qui suæ patriæ, quæ cuique parentis est loco, excidium aut vim attulerint, Cicero 1. *Officior.* tamen postea lege Pompeiã cautum fuit, vt parricidij teneantur non solum, qui patrem vel matrem, sed & ij, qui fratrem, sororem, patruelem, matruelem, filium, filiam, & alias personas, in l. 1. *D. ad. L. Pomp. de parric.* enumeratas, occiderint.

2 Pœna parricidarũ more maiorũ siue de iure Ciuili fuit hæc, vt virgis sanguineis verberati, ac deinde insuti culeo, cum cane & gallo galinaceo, vipera, & simia, in mare vel in amnem proijcerentur, l. *penult. D. d. tit.* Cicer. *pro Roscio Amerino.* Vide Gregor. Tolosan. *Synag. Iuris vniuersi* lib. 36. cap. 24. Gothofred. *ad l. penult.*

Iure verò Canonico suaderetur matri, quæ iracundiæ calore ducta filium occiderit, si quidem innupta vel vidua sit, vt in monasterium ingrediatur, in quo reliquo vitæ cursu peccatum deplorat, c. 1. *h. tit.* Si verò sit coniugata, non ideo à marito est separanda, sed alia pœna ei imponi debet, cap. 2. *h. t.* Quòd si infantulus de nocte cum patre & matre mortuus reperiatur, nec appareat, vtrum à patre vel à matre oppressus sit, vel suffocatus, extra culpam omnem non sunt parentes, indiciturque pœnitentia trium annorum, quorum vnum per-

agant

agant in pane & aqua, *cap. ult. h. t.* si quidem peccasse in eo intelliguntur, quòd infantem in communem lectum recipiendo, periculo oppressionis vel suffocationis exposuerint. Qui matrem occiderit, eodem iure pœnitere debet per decem annos, iuxta formam præscriptam in *can. Latorem xxxiii. q. 2.* At verò, qui parentem per furorem occiderit, impunitus manebit: nam sufficit eum furore ipso puniri, *l. pœnatis. §. fin. d. Ad l. Pomp. De parricidijs, l. 14. D. De officio Præsidijs.*

TITVLVS XI.

De infantibus & languidis expositis.

1. Pœna exponantium infantes & languidos.

OMni quoque inhumanitate & crudelitate referti sunt, & tanto deteriores homicidio, quanto calamitosioribus id inferunt, inquit Iustin. *Novel. 153. in fine*, qui scilicet infantes ac minores septennio exponunt seu abijciunt, vt vel pereant, vel ab alijs, commiseratione motis, suscipiantur & alantur, *can. Si expositus Distinct. 87* Etenim necare videtur non tantum is, qui partum pœrocat, sed & is, qui abijcit, & is qui alimenta denegat, quiq; publicis locis misericordiæ causâ exponit, quam ipse non habet, *l. Necare 4. D. De agnosc. & alendis lib.*

Quales propterea digni sunt pœnâ homicidij, *l. 2. Cod. eod. l. Nec filium Cod. De patria potest. l. 1. §. pœna D. De agnosc. lib.* Et, si pater fuerit, amittit ius patriæ potestatis; si dominus, ius dominicæ potestatis, non tantum si ipse exposuerit, sed & si ab alio expositum sciuerit, vel postea ratum habuerit; atque ita expositus hoc ipso consequetur libertatem: vltraque pœnam, quam meretur exponens filium vel filiam, priuatur successione filij seu filia, ab intestato decedentis. Nam eo casu expositus videtur incertum parentem habere, qui filio non sit dignus, cum filium indignum se existimauerit, & proinde meritò omni vtilitate ex eo proveniente carere debeat.

Idem iuris est in languidis (id est sic viribus ob infirmitatem deficientibus, vt ad omnem panè operationem sint inutiles) ita expositis, cuiuscumque ætatis fuerint, siue infantes, siue maiores. Qui tamen hos suscipiunt non acquirunt per hoc in personas ipsorum aliquod ius, *et. fin. h. t. licet aliud iure Cod. Theodos. obtinuerit, vt videre licet apud Greg. Tholosan. Syntag. Iuris vniuersi lib. 11. cap. 10. n. 3.*

Quas autem impensas repetere possit is, qui infantem expositum aluit,

aluit, breuitatis causâ vide apud Azor. 2. p. *Moral. Institut. lib. 2. cap. 16.* vbi tradit, omnia, quæ de parentibus exponentibus infantes statuuntur iure Ciuili vel Canonico, obtinere in ijs, qui per se vel per alios commodè filios suos alere possunt: si verò præ inopia vel egestate aut sine dedecore & ignominia eos alere nequeant, curent, vt in Hospitali saltem aliquo, ad hoc pietatis officium ex iusto, educantur, prout de seruo statuitur in l. 1. *Cod. De Latina libertate tollenda.*

TITVLVS XII.

De homicidio voluntario
vel casuali.

1. Homicidium quid sit.
2. Aliud est Voluntarium, aliud Necessarium, aliud Casuale.
3. Voluntarium aliud directè tale, aliud indirectè.
4. 6. Necessarium item duplex.
5. Quid sit moderamen inculpate tutelæ.
7. 8. Casuale cum culpa vel sine culpa committitur.
9. Pœna homicidij voluntarij ex vtroque iure.

TRanſeamus nunc ad homicidium, in genere considerandum. Licet enim genus pletumque præmittatur speciei, isque sit ordo vsitator in omni arte & scientia, vt ab vniuersalioribus incipiat, & prius de genere tum de speciebus agatur, §. 1. igitur *Institut. De Iust. & Iure*, Aristot. l. *Physic. cap. 1.* tamen nonnumquam etiam iusta de causâ præmittitur species, & subiicitur genus: vt hoc loco Pont. prius tradidit homicidij species, quæ propter atrocitatem criminis præmitti debuerunt.

- I** Homicidium ab Homine dicitur, & ad vtrumque sexum pertinet, l. *Hominis* §. 1. *D. De verb. signif.* licet aliàs Homo pro viro specialiter capiatur, l. *Si quis aliquid* §. *qui abortionis*, in verbis, *mulier aut homo perierit* *D. De pœnis*, & in iure Canonico Homicidium non tantum hominis occisionem, sed & detractionem, peruersionem malam, omnemque motum iniquum ad nocendum alteri designet, *can. Homicidiorum cum quatuor seqq. De pœnit. Distinct. 1.* Specialiter verò sumitur Homicidium hîc, prout significat occisionem hominis, ab homine factam. Quod addo, quia vtrumque ad homicidij rationem & nomen requiritur: nam si brutum occiderit hominem vel homo brutum, non dicitur

erur propriè homicidium, quia homicidiū designat peccatum, quod in brutum non cadit; & proinde est hominis hominem interficientis.

Homicidium sic acceptum triplex statui potest, Voluntarium, Casualiale & Necessarium. Voluntarium est, quod dolo malo & animo occidendi quoquo modo admittitur, *l. 1. D. Ad L. Corn. De sicarijs*; siue aperto Marte, siue per insidias, siue veneficio, siue pharmaco, siue alio modo. * Et ideo aliud est Voluntarium directè, ut cum quis expressè intendit & vult occidere hominem; in quo consistit perfecta & propria ratio homicidij, *l. 1. Cod. Ad L. Corn. deficiat*. aliud voluntarium indirectè, ut cum quis expressè non intendit actum ipsum occisionis, sed alium actum, ex quo immediatè & per se, & non per accidens, sequitur mors: nam voluntas delinquentis fertur in id, quod fit, & in omne illud, quod per se, & non per accidens, ex illo sequitur, *c. ult. h. t. in 6*. Committitur autem homicidium voluntarium factò, præcepto, consilio ac defensione, *can. Si quis viduam Distinct. 50. per insidias, c. 1. h. t. linguâ seu cohortatione ad necandum, c. Sicut dignum 6. §. qui vero h. t.* Ad voluntarium reuocari potest homicidium Necessarium: nam voluntarium vel est absolutè voluntarium aut necessarium.

Necessarium est, quod quis committit ad necessariam sui defensionem, ut in *c. 1. h. t.* Et hoc, si fiat cum moderamine inculpatæ tutelæ, est sine culpa & reprehensione, *d. c. 2. l. 2. 3. 4. Cod. Ad L. Corn. De sicar.* nam vim vi repellere, cū moderamine inculpatæ tutelæ, omnes leges, omniaq; iura permittūt, *c. Significasti 17. h. t. l. 3. D. De iust. & iure*.

Dicitur verò fieri cum moderamine inculpatæ tutelæ, cum fit non excedendo limites defensionis, seu non ad vindictam, sed solum ad propulsandam iniuriam, & vim arcendam, quando alia euadendi via non suppetit, *d. c. 2. h. t.* Hinc licet diurnum furem, si se telo non defendat, occidere minimè permittatur, *d. c. 2. nocturnum tamen impunè occidi permissum est*; quia ignoratur, an furandi, an verò occidendi animo domum ingreditur, *c. 3. h. t.* Sic quoque latro à viatore, hostis à milite, impunè occiditur, *can. Cum homo xxiii. q. 5.*

Necessarium quoque homicidium est, quod auctoritate legis aut superioris, ius gladij habentis, iussu committitur; vel quod fit ab eo, qui iustum bellum gerit, *can. Quid culpatur xxiii. q. 1.*

Casuale est, quod casu fit & præter occidentis intentionem, ita ut nec in se nec in sua causa sit volitum, *c. Presbyterum 7. c. Dilectus 13. & seq. h. t.* Tale est, si quis alicui vulnus inflixerit non letale, mors tamen secuta sit, vel malitiâ Medici, qui noxia adhibuerit, vel negligentia & temeritate læsi, qui remedia opportuna adhibere noluerit.

Committitur casuale homicidium aut cum culpa, aut sine culpa.

E t e c

Commiss-

Commissum sine culpa non imputatur: uti quando occisor dabat operam rei licitæ, vel etiam illicitæ, secundum probabiliorem sententiam, si modò utroq; casu sufficientem diligentiam & cautionem adhibuerit, ne quid inde incommodi sequeretur, *cap. Later 9. d. c. Dilectum cum tribus seqq. h. tit.* quia quæ merè fortuito accidunt, non imputantur, quandoquidem humanâ providentiâ prævideri non possint, *cap. ult. hoc. tit.* & sufficiens diligentia ac cautio omne periculum & culpam abstergat. Huic assimilatur homicidium à furioso, infante, dormiente, commissum; nam & huius nulla habetur ratio, *Clement. unica cod. l. Infans D. Ad L. Corneliam De sicar.* * Sin autem culpâ commissum sit, puta si occisor dederit operam rei illicitæ, vel licitæ, sed non adhibuerit sufficientem diligentiam, ne quid incommodi accideret, imputatur; & à iure Civili punitur, sed mitius, *l. 1. §. sed si & l. 4. §. 1. D. cod. l. Sicutator D. Ad L. Aquiliam:* à sacris verò Canonibus irregularitate notatur, *c. 7. & 8. hoc tit.* Ratio est, quia tum est volitum in ipsa commissione cautionis seu diligentiae: sicut submersio navis censetur voluntaria in negligentia gubernatoris.

9 Pœna homicidij voluntarij, dolo commissi, ex lege Cornelia olim in liberis hominibus erat deportatio in insulam, & bonorum omnium ademptio, *l. 3. §. penultimo D. Ad L. Corneliam De sicar.* in servis verò & humilioribus ultimum supplicium; hodieque ultore ferro seu pœnâ capitali lex homicidas persequitur.

Neque aliàs, referente Zyp. *h. tit.* in Brabantia Princeps abolitionem concedere homicidis potest, nisi prius cum parte transegerint: aliterve induciæ vel saluus conductus, seu *geleyde*, ut vocant, concedi eis nequeunt, *Latus Introitus Caroli V. art. 21. & Maria art. 42.* Idem sanxerunt Pontifices Pius I V. & Pius V. prout &, ne antè condemnati per contumaciam audiantur, nisi in carcere constituti, & citatis occisi hæredibus. Constitutiones eorum refert Petrus Marth. in VII. *Decretal. lib. 5. tit. 8. cap. 7. & 8. Ibidemque cap. 1. 2. 3. 4. 5. 6. 9. & 10.* alias Constitutiones aduersus homicidas videre licet.

De iure verò Canonico pœna est excommunicatio, *can. Itaque xxiv. q. 3.* & depositio ab Ordine quocumque, si sit Clericus; & post depositionem detusio in carcerem, utique ad tempus, veluti quinquennium vel sexennium, *d. cap. Sicut dignum in fine h. tit.* Insuper homicida voluntarius priuandus est beneficijs suis, *c. 1. & 2. inf. De Clericis pugnant. in duello:* & quidem per sententiam, quia nō priuatur ipso iure, ut communiter sentire D D. post Felinum in *c. Inquisitionis n. 3. sup. De accusat.* testatur Pias. 2. p. *cap. 4. art. 14. sub n. 16.* præter assassinatum, Nauar. in *Manuali cap. 27. n. 24.* Adeò ut, licet lata fuerit sententia condem-

DE HOMICIDIO VOLUNTARIO SEV CASVALI. 771
 condemnatoria de homicidio, si in ea non fiat mentio priuationis expressim, non censeatur adhuc priuatus, quia præsumi possit, Episcopum voluisse cum eo dispensare in retentione beneficii, quippe qui & in hoc casu, sicut & plerisque alijs, quoad retentionem beneficii, habeat facultatem dispensandi, Pias. d. loco. Ideoque Clericus homicida fructus beneficii sui facit suos, & lite adhuc pendente, non prohibetur beneficio renuntiare, donec per sententiam priuetur, Felin. in. c. De quarta n. 31. sup. De prescript. Quemadmodum & si in sententia sit expressa pœna priuationis, & condemnatus appeller, durante appellatione resignare interim beneficium potest, & valida est resignatio, licet beneficium fuerit impetratum ab alio, in casum priuationis, Pias. d. loco n. 17. vbi ait, pro indubitato id praticari in Curia Romana, post Genuen. in Praxi c. 65. n. 18. Quamuis non desint, qui talem renuntiationem putent inuvalidam, propter ius ad rem alteri quæsitum. Quâ ratione verò possit hodie Episcopus cum homicida dispensare quoad sacros Ordines suscipiendos vel beneficium obtinendum, vide Conc. Trid. Sess. 24. c. 7. De reformat. Et quam pœnam incurrant, qui abortum procurant; quod Augustin. in can. Aliquando xxxii. q. 2. crudele facinus appellat, breuitatis causâ omitto; traditurus aliàs. Videri interim potest ea de re Constitutio Sixti V. an. 1588. & altera Gregorij XI V. an. 1591, apud Pias. p. 1. c. 1. art. 5. n. 8.

TITVLVS XIII. De Torneamentis.

1. Torneamenta quæ dicantur.
2. Pœna occidentis quem in torneamentis, & occisi.
3. Quando licita torneamenta.
4. Agitatio taurorum prohibita.

Post tractatum de homicidio tam in specie quàm in genere, sequitur de quibusdam actibus, qui quandoque causam homicidio præbent; & primò quidem de Torneamentis, id est ludis hastilibus seu equestribus.

Dicuntur autem Torneamenta à circumeundo; suntque induciæ quædam vel nundinæ ac feriæ, in quibus milites ex conducto vel conducto conuenientes ad ostensionem virium suarum & audaciæ temerè congregari & aggredi solent, c. 1. h. t. & ibid. Abbas; idque maximè in acie, dum otiosi sunt, vel in honorem Herorum defunctorum, Per.

Greg. Tholosan. *Syntag. Iuris vniuersi* lib. 48. cap. 16. n. 5. Etque hic & in *can. Monomachiam* 2. q. 5. prohibentur, quod ex ijs sæpè periculum animarum & mors hominum proueniat, d. c. 1. quodque spectantes huiusmodi spectacula Deum solummodò tentare videantur, d. *can. Monomachiam*.

- 2 Quòd si igitur quis in eiusmodi torneamentis seu ludis hastilibus aliū occiderit, licet iure Ciuili nulli pænæ subijciatur (decertare enim hastà leges Romanorum permiserunt, l. *Solena* §. *Senatus D. De alea lusa & aleator.*) de iure Canonico homicidij reus est, atq; irregularis, quia operam dedit rei illicitæ, & per se periculosa, d. c. 1. & 2. h. t. Ideo licet taliter occisis pœnitentia non negetur, sepultura tamen denegatur Ecclesiastica, si animo pugnandi venerint; secus, si alia de causa, puta ad percipienda credita seu debita, d. c. 1. & 2.
- 3 Et hæc quidem obtinere videntur in torneamentis olim vsitatis, de quibus d. c. 1. & 2. loqui videntur, non etiam in ijs ludis hastilibus, qui hodie frequentantur in inauguratione, vel natiuitate, vel aduentu aliquius Principis, cum in ijs non subsit tantum periculi, nec fiant eo modo, quo olim. Hinc Ioannes XXII. in *Extrauag. unica eod.* Constitutionem Clementis, in quibusdam regnis torneamenta inhibentem, sub pœnis excommunicationis & interdicti, reuocauit, & absoluit à censuris, huius occasione incurfis. Vide Nauar. in *Manuali* cap. 15. n. 9.
- 4 Ad instar torneamentorum prohibita est agitatio taurorum intra circum, de qua plures scripserunt, & in primis eruditus Mariana post diuersorum Pontificum Constitutiones, Pij V. an. 1567. Greg. XIII. an. 1575. Sixti V. an. 1586. Clementis VIII. an. 1596. quarum meminit cum Nauar. d. cap. 15. cap. 19. tum Gutierrez lib. 1. *Can. quest. c. 7.* & Azor. p. 3. *Instit. Moral. lib. 2. cap. 15.*

TITVLVS XIV.

De Clericis pugnantibus in duello.

1. Duellum vnde dictum & quid sit.
2. Duella hodie prohibita omnino vtroque Iure.
3. Duellantium pœna ex iure Canonico.
4. Pœna duellantium & ijs adfistentium ex Conc. Trid.
5. 6. 7. Quando & in quibus duellis pœna illa locum habeant, vel non.

Multò

MUItò verò frequentiores cædes hominum nasci ex duellis, quàm ex torneamentis, experientia docet; ideoque maior ratio prohibitionis hîc est. Illa enim causâ solius roboris & virtutis naturalis probandæ sunt, hæc verò ad controuersiarum decisionem & in defectum probationis ab aliquibus offerri solent, & ab alijs suscipi, vt hac ratione victor probasse intelligatur, & victus in probatione defecisse.

Appellatur Duellum quasi duorum bellum, seu bellum, quo à duabus partibus de victoria contendentibus dimicatur: Græcis Monomachia, quasi pugna vnius tantum cum altero, *can. Monomachiam* 2. q. 5. Quamquam etiam veteres Duellum dixerint, quod nos Bellum: vnde & perduelles hostes; & quos hostes appellamus, eos veteribus perduelles appellatos fuisse testatur Caius in l. *Quos nos hostes* 234. D. *De verb. signif.* & latius id ipsum ostendit Tolosan. *Syntag. Iuris vniuersi lib. 48. c. 16. n. 2.* Quia verò Clericis potissimum hæc pugna interdicta est, ideo Tit. inscribitur *De Clericis pugnantis in duello.*

Tamen si autem duellum, Vlpiani tempore, legibus Romanorum nondum fuerit damnatum, l. *Quâ actione* 9. si quis D. *Ad L. Aquiliam*; tamen hodie omninò vetitum est, de Iure tam Ciuili, l. *vnica Cod. De digladiatorib. lib. 11.* quàm Canonico, *toto hoc Tit. Decretal. c. 1. & 2. inf. De purgat. vulg. & d. can. Monomachiam*, Exstant & Constitutiones Iulij II. Clementis VII. Iulij III. Pij IV. Gregorij XIII. quas refert Quarata V. *Duellum*. Et quamuis olim tabulis Legum Brabantiae Ioan. Ducis 1312. certa duella, & sub certis formis, permitterentur, prout & legibus Germanorum, Hispanorum, Longobardorum, Galliarum, prout videre licet ex Greg. Tolosan. d. *loco* n. 8. & Constitut. Philippi Regis Galliarum an. 1305. quam explicat Guido Papa à Decis. 607. vsque ad 624. tamen exstat Serenissimorum Belgij Principum Edictum 27. Februarij an. 1610. quo prouocantes & consentientes in duellum declarantur infames, indigni nobilitatis insignibus, priuati officijs & honoribus omnibus, cum publicatione dimidiæ partis bonorum: ipsis verò duellantibus, aut ad locum duello deputatum ex condicto convenientibus pœna infligitur mortis cum publicatione bonorum omnium. Conformiter *Læto introitui Ducis Mariae art. 19.* neque Dux poterat remittere hanc pœnam. Alioqui Lætus introitus Caroli V. art. 24. eos tantum, qui extra patriam duellum indixerint, punit ducentis marcis puri puri auri, aut aliâs pœnâ arbitrariâ, teste Zyp. *hoc. tit. nu. 4.*

Non igitur tantum Clericis interdicitur duellum, sed etiam laicis, 3 c. 1. h. t. Et non solum illi, qui ipsi in duello alium interfecerint, tamquam rei illicitæ & periculosa omninò operam dantes, sed & qui

aliud pugilem ad hoc subornarint, suat irregulares, c. 1. b. 2. Imò hoc ipso, quo Clericus duellum init, siue offerendo siue suscipiendo, siue victor, siue victus euadat, de rigore Iuris deponendus est. Quamquam Episcopus de iure communi cum eo dispensare valeat, si neque mors neque mutilatio membri inde secuta sit, d. c. 1. sicut & circa beneficium habendum Alioquin hodie post Concil. Trid. & Constitutionem Clementis VIII. & Gregor. XIII. non videtur posse dispensare, Azor. 2. p. *Instit. Moral. lib. 3. cap. 50. q. 12.*

- 4 Cùm autem in duello soleant reperiri quinque genera personarum; primò, Principes, Imperatores, Reges, vel alij domini, duellum in terris sibi subiectis concedentes; secundò, pugnantes; tertio, patrini eorum; quartò, ij, qui consulunt vel aliquo modo fauent; quintò, spectatores, qui ad spectacula concurrunt: hodie omnes hi ex decreto Conc. Trid. *Sess. 25. c. 19. De reformat.* primò sunt excòmmunicati. II. Domini temporales, qui in terris sibi subiectis locum ad monomachiam inter Christianos concesserint, priuantur iurisdictione & dominio ciuitatis, castri aut loci, in quo, vel apud quem duellum fieri permiserint, si huiusmodi locum ab Ecclesia obtineant; & si feudum sit, redit ad dominum suum directum. III. Pugnantes & eorum patrini notantur infamiam perpetuam. IV. Confiscantur & publicantur bona omnia, & puniuntur ex æquo omnes, vt homicidæ, licet non fuerit secuta mors. V. Decedentibus in conflictu Ecclesiastica denegatur sepultura, prout & de iure communi denegari diximus. Et ex his pœnis excòmmunicatio incurritur ipso facto; reliquæ per sententiam Iudicis, idque ijs casibus, quibus duellum est illicitum, vt quando suscipitur ad solam virium ostentationem aut peritiæ militatis, c. 1. *sup. De torneamentis*; vel ad indagacionem & probationem veritatis, aut criminis spontaneam purgationem, c. 1. & 2. *inf. De purgat. vulgari*; vel ad priuari honoris defensionem, *Less. 2. De iustit. cap. 9. Dubitat. 12. n. 84.* vel ob priuatas similitudines & inimicitias (sic enim Clemens VIII. in Constitutione *incip. Illius* an. 1592. declarauit, militem ob hanc causam alterum militantem in exercitu publici hostis prouocantem ad singulare certamen, ob priuatas similitudines, contineri hac prohibitione: vt & eos, qui mittunt, scribunt, divulgant chartulas prouocatorias, fautores & complices;) vel ad oblectandos spectantium animos, vti apud gentiles fieri solebat in gladiatorum spectaculis; vel ad litem & contentionem, nisi certis casibus, Azor. 3. *Instit. Moral. lib. 2. cap. 5. quest. 5.*

- 5 Quin imò prædictis pœnis esse locum etiam in duellis, quocumque modo initis, absque alicuius Principis auctoritate vel consensu, respondisse Cardinales refert Azor *d. loco cap. 6. q. 1.* Sed &, si alter alteri dicat,

dicat, Tali loco te expectabo, ut pugnemus, & postea pugnent, nullis concurrentibus ad spectaculum, & absque Principis facultate ac patrinis, secundum Lud. Molinam *De Iust. & Iure Tract. 3. Disp. 17. n. 4.* Quod tamen negat Azor. *d. cap. 7. q. 2.* prout neque locum habent, si in rixa alter alteri dicat, Defende te, & exerto gladio statim pugnent, cum id non ex condictione fiat, Riccius *in Praxi Decis. 634.* Molina *d. loco*, referente Zyp. *h. t. n. 6.* Vbi existimat, dictis poenis etiam locum esse, si ex condictione pugna, non telis, sed pugnis ineatur; neque enim inauditum esse quem pugnis interfici.

Ut autem Domini locorum has poenas incurrant, necessum est, 6 quod ad duella facultatem concedant; non etiam permittant tantum impune duella ad grauiora peccata & maiora mala euitanda.

Similiter non est locus poenis in duello licito: ut si in bello hinc inde inter se milites pari numero, siue vnus contra vnum, siue duo 7 contra duos, siue decem contra decem alios, duello experiantur, ne scilicet militum animi concidant, aut hostium prouocantium exercitus audaciam inde sumat, & crescat temeritas, vel alijs de causis, de quibus Azor. *d. cap. 5. quest. 3. & 4.* Si item necessarium illud sit ad vitæ defensionem, nec alia pateat ratio aduersus iniustum inuasorem, Less. 2. *De Iustit. cap. 9. Dubitat. 8. n. 49.*

Qui plura de hoc crimine desiderat, legat Azor. *d. cap. 5. & 6.* Alciatum *Tract. De singulari certamine*, Pet. Gregor. Tholosan. *Syntag. Iuris Vniuersi lib. 48. cap. 16.* vbi plura de forma duelli tradit, Nauar. *in Manual cap. 11. n. 391. & cap. 15. n. 9.*

TITVLVS XV.

De Sagittarijs.

Prohibetur hoc Titulo ars ballistariorum & sagittariorum, quia & hæc causam homicidio præstare solet, ut conflans illi hostiles, quos vulgus torneamenta vocat, & duella. Dicendumque eos similiter irregularitatem incur-
rere, qui artem illam sagittariorum vel ballistariorum exercent, vbi, quando, & aduersus quos non decet aut licet, nempe aduersus Christianos & Catholicos, idque sub poena excommunicationis, c. vnico *h. t.*

Sagitta-

Sagittarius autem hoc loco sumitur pro eo, qui iacula seu sagittas emittit ex arcu seu ballista, non quidem maiori, sed minori, cuius etiam in bello usus fuit, ut constat ex Cic. lib. 5. *Epist. ad Attic.* Magna, inquit, tormentorum copia, multis sagittarijs, magno labore, apparatu, multis saucijs ex nostris, incolam exercitu negotium confecimus. Ballistarius verò dicitur, qui ballistâ utitur, non quidem minori, hodieque passim communi, sagittas eiaculante, cuiusque D. Hieronymus meminit *contra Ioan.* dum ait, *Ballista quanto plus retrahitur, tanto fortius emittitur; & Manubalista* ab aliquibus appellatur: sed maiori, quæ machina fuit bellica siue genus quoddam tormentorum Romanis usitatum, iaciens saxa maiora & grauiora ad quassandos & euertendos muros: de quo & doctè & curiosè I. Lipsius in *Soliorceicis siue de Machinis bellicis.*

TITVLVS XVI.

De Adulterio & Stupro.

§. I. De Adulterio & pœnis illius.

1. *Adulterium & generaliter & specialiter sumi.*
2. 3. *Pœna adulterij de iure Civili & Canonico.*
4. *Hoc iure adulterum deprehensum cum vxore occidi fas non esse.*
5. *Pœna Clerici adulteri.*

Superioribus Titulis actum est de homicidio, & quibusdam actibus, per quos ad homicidium quandoque peruenitur, quibuscque corpus & vita læditur proximi: sequitur ordine Decalogi, id est legis antiquæ, decem præcepta continentis, de adulterio & stupro (ita enim in præcepto est, *Non occides: Non machaberis*) cæterisque illiciti concubitus generibus, quibus vel thorus proximi violatur vel pudicitia læditur.

Quamuis verò Adulterium, generaliter sumptum, omnem cōpulam, quæ non habet potestatem coniugij, comprehendat, *can. Nemo blandiatur §. tolerabilior xxxii. q. 1.* & Lex Iulia de adulterijs promiscuè Stuprum & Adulterium usurpet, *l. Inter liberas 6. D. cod. & l. Inter stuprum D. De verb. signif.* tamen specialiter sumptum dicitur alieni thori violatio, *can. Non machaberis xxxii. q. 5.* & quasi ad alterius thorum accessio; de quæ Iure Civili propriè in nuptiam committitur, non autem in virginem aut viduam; ac definitur, alienæ matrisfamilias corruptio.

corruptio. Quamvis eodem Iure etiam ad sponsam extendatur, l. Propter 7. Cod. eod. quia sponsa pro vxore habeatur, l. Si sponsa 74. D. De iure dot. & quia neque matrimonium qualecunque, neque spem matrimonij violare perimitatur, l. Si vxor 13. §. Dini & §. si minor D. Ad L. Iul. De adult. licet hoc casu mitior pœna decernatur. Verùm Iure Canonico etiam in solutam mulierem à coniugato committitur adulterium, can. 19. & fin. xxxii. q. 5. nam hoc iure eadem castimonia in marito requiritur, quæ in vxore can. Præcipit. can. Apud nos & d. can. Fin. xxxii. q. 5.

Quòd ad pœnas adulterij attinet, Iure quidem diuino pœna vtri-
usque delinquentis est lapidario, Deuter. 22. Exodi 20. can. Satù xxxiii.
q. 5. De Iure autem Ciuili, quando criminaliter agitur, ex L. Iuliz non
videtur olim fuisse capitalis, sed vel deportatio, vt in militibus, l. 2. §.
miles D. De his qui not. infamia; vel relegatio, vt in paganis, l. Si quis vi-
duam D. De questionibus: ex posteriori verò iure, nempe ex l. Quamvis
Cod. Ad L. Iul. de adult. pœna sanguinis & gladij tam viro, quam fa-
minæ adukerę, irrogari cœpit, iam inde à tempore Iustiniani, vt cõstat
ex l. Transigere Cod. De transact. sed ea hodie in plerisque prouincijs mu-
tata est in pecuniariam, vel aliam, dummodò abfuerit violentia, aut
qualitas aggrauans, Iul. Clarus §. Adulterium n. 7. circa finem, & latè
Boer. Decis. 297. Et ex Iustiniani Nouella 134. cap. 10. mulier adultera
non punitur gladio, sed virgis cæsa in monasterium detruditur, pote-
state interim marito relicta intra biennium eam repetendi. Quod &
Iure Canonico videtur receptum, c. Gaudemus sup. de conuers. coniugat.
Dofq; hoc casu distribuitur certo gradu atq; ordine inter descenden-
tes, ascēdētes & monasteriū, d. Nouel. 134. c. 10. Si verò ciuilitè agatur,
hoc est ad separationem thori, facta separatione dos & donatio pro-
pter nuptias innocenti coniugi applicantur, Nouel. 117. c. 8. c. Plerum-
que 4. sup. De donat. inter virum & vxorem. Quamvis autem in hoc sint
pares maritus & vxor, quòd ob solum adulterium alterius agere pos-
sint ad separationem thori, non tamen in lucro dotis & donationis
propter nuptias: nam vxor ob solum adulterium amittit dotem (nisi
fuerit viro reconciliata, d. c. Plerumque) maritus non antè quàm si fre-
quenter cum alia muliere egerit & bis monitus non resipuerit, d. Nouel.
117. Insuper vxor in adulterio reperta est infamis ipso iure, etiam ante-
quam condemnnetur per sententiam: adulter verò non fit infamis,
nisi per sententiam. Cumque maritus, vxore adukerā, solutus sit à iure
soluendi ei debitum coniugale, ingredi monasterium potest, c. Consti-
tutus sup. De conuers. coniugat.

Ceterum Iure Canonico alter coniugum, siue maritus siue vxor,
ob alterius adulterium, agere ad separationem thori potest coram

Iudice Ecclesiastico, ad quem solum spectat eo casu cognitio, cap. Tua
 5. sup. De procurat. c. 1. sup. De officio Iud. ordin. c. At si Clerici §. De adul-
 terijs sup. De iudicij: nisi alter, v.g. maritus sciens vxorem suam adulterā
 esse, vixerit porro cum eadem, non peractā pœnitentiā, quia hoc casu
 & ipse reus erit ac particeps delicti, c. Si vir 3. b. t. vel nisi alter alteri ad-
 ulterium obijciat, quia paria delicta mutuā compensatione tolluntur,
 cap. penult. & ult. hoc tit. Quā ratione autem Ordinarius possit ex
 officio procedere in causa adulterij, vide Concil. Trident. sess. 24.
 De reformat. matrim. cap. 8. Sed & certis casibus ad hanc separationem
 agi non posse, iam antè diximus.

4 Denique licet Iure Ciuili permissum fuerit marito, atque etiam pa-
 tri, deprehensum adulterum cum vxore vel filia occidere certis casibus
 impnē: id tamen de iure Canonico nullatenus permittitur, can. In-
 ter hac can. Admonere vers. nam si virum can. Si quod verius xxxiii. qu. 2.
 Et hæc quidem iure Pontificio circa laicos statuta sunt, qui eodem Iu-
 re etiam excommunicari debent, c. Intelleximus 6. b. t. ac pœnitentiæ
 subijci; imò & in monasterium detrudi possunt, iuxta communem. Vide
 Couar. De matrim. 2. p. cap. 7. §. 7. n. 29.

5 At verò Clericus, qui adulterium cōmisisse aut confessus aut conui-
 ctus fuerit à Iudice Ecclesiastico, deponēdus est ab officio & beneficio,
 & in monasterium detrudendus, ad perpetuam pœnitentiā agendā,
 can. Si quis Clericus Distinct. 81. & damnatus de crimine eiusmodi est in-
 famis, Abbas in d. c. At si clerici §. de adulterijs. Imò Presbyter infamatus
 ad solam confessionem mulieris adulteræ, asserentis se ab eodem co-
 gnitam fuisse, non quidem condemnandus est adulterij, sed eidem,
 veluti suspecto de adulterio, indicenda Canonica est purgatio, cum
 manu quinta sui ordinis, id est cum quinque vicinis Presbyteris: in
 qua purgatione si defecerit, ab officio suspendendus est, cap. Significasti
 5. b. t. c. Quam sit graue 9. inf. De excessib. Pralat. Potest tamen Episco-
 pus cum Clericis dispensare in adulterio, & alijs criminibus inferiori-
 bus, c. Cum non ab homine §. at si Clerici in fine sup. De iudicij. Si quando
 verò ob grauitatem delicti imponenda fuerit pœna sanguinis, adiri
 debet iudex sæcularis, c. Sententiam, c. Clericus sup. Ne Clerici vel Mo-
 nachi, &c.

§. II. De Stupro & pœnis illius.

1. Stuprum latè, strictè & strictissime sumi.
2. 3. Pœna stupri de Iure Ciuili ac Canonica.

Quemad-

Quemadmodum Adulterium subinde ita latè sumitur, ut omnem coitum, lege prohibitum, contineat; ita & Suprum, l. *Inter litteras* 6. D. *Ad L. Iul. De adult.* aliquando verò strictius sumitur, & committi dicitur in virginem, vel viduam, integræ vitæ ac honestè viuentem, citra vim; d. l. *Inter liberas* §. 1. l. *Stuprum* 34. D. *cod. & l. Inter stuprum* 101. D. *De verb. signif.* imò & in masculum, l. *Qui dominum* 8. D. *h. t.* Strictissimè verò & propriè capitur, pro virginum illicita defloratione, ut in *can. Lex illa xxxviii. q. 1.*

Pœna stupri circa vim cōmissi de iure Ciuili in personis honestis est publicatio dimidiæ parris bonorum; in humilibus coercitio corporis, cum relegatione, §. *Item lex Iulia de adulterijs Institut. De publ. iudic.* Alioqui commissum vi, siue verè, siue interpretatiuè, veluti dum stuprator blandis verbis, & dolosis promissionibus sollicitat seducitque & velut compellit virginem, *arg. l. 3. §. si quis volentem D. De lib. homine exhib. & l. 1. §. 3. De seruo corrupto*, punitur pœnâ capitali, ut volunt DD. in d. §. *Item lex Iulia de adult. eò quod Iustin. ibi diserte violētum stuprum excipiar, in verbis, sine vi.* Qui verò nondum viripotentem virginē corruperit, de iure communi non punitur pœnâ mortis; sed vel in metallum damnatur, si humilior fuerit, vel in insulam relegatur, si honestior, aut in exilium mittitur, l. *Si quis aliquid* 38. §. *qui nondum D. De pœnis.* Tutor stuprans pupillam deportatur, eiusque bona publicantur, *arg. l. vnica Cod. Si quis eam, cuius tutor &c.* A fortiori stuprans viduam cognatam, aut aliam, cum qua nequit consistere matrimonium, deportatur, l. *Si quis viduam D. De questionib.* Seruus, qui cum domino rem habuisse detestus fuerit ex Constit. Constantini traditur ignibus cōcremandus, domina capite plectitur, l. 1. *Cod. De mulieribus quæ se proprijs seruis &c.*

De iure verò Canonico stuprator virginis honestæ tenetur eam dotare & habere vxorem; nisi pater dare nolit, quo casu dotasse sufficit. Si verò ipse renuat habere, corporaliter castigatus, excommunicatusque in monasterium, ad agendam inibi pœnitentiam, detrudendus, c. 2. *h. t.* Sin non possit eam ducere, ut quia sit coniugatus aut Ordine sacro insignitus, nihilominus dotabit, quia vtrumque est in obligatione, *arg. l. Celsus §. 1. D. De receptis arbitrio.* Clericus verò etiam deponitur, ex communi sententia, apud Iul. Clarum §. *Stuprum n. 3.* Insuperque pecuniariâ pœnâ vel corporali, veluti detrusione in carcerem aut monasterium, puniri potest, iuxta arbitriū Iudicis, Abbas in c. *At si Clerici n. 20. sup. De Iudic. in c. Vt Clericorum sup. De vita & honest. Cleric. Wamel. Conf. 383. n. 5.*

Quòd si Episcopus, Presbyter, Diaconus, Subdiaconus, Lector, Psalmista, aut Ostiarius, cum muliere, sanctificata Deo, iræcharus fuerit, deponendus est, quia sponsam Christi corrumpit: si verò fuerit

Laicus, excommunicandus est, *can. Si quis Episcopus xxvii. q. 1.* Et præterea ex Iustiniani Constitut. *Nouella 123. cap. 43.* res eius monasterio applicantur; aliaque pœnâ hoc scelus coercetur. De fornicatione cum filia spirituali vide *can. penult. & vlt. iil. qu. 1.* & latius de pœna stupri tam aduersus Clericum quàm laicum, in foro tam conscientie quàm ciuili & Pontificio, vide Menoch. *De arbitrarijs lib. 2. casu 288. 294. & 420.*

Illud hîc subiiciendum, Paulum IV. Constituit, quam refert Pet. Matth. in v 11. *Decretal. lib. 5. tit. 15. cap. 1.* statuisse, vt conciliatores proxenetae, lenones ac lenae, quæ puellam virginem interpellauerint, flagitio quidem perfecto pœnâ capitali, imperfecto verò deportatione perpetuâ in insulam plecterentur; in cæteris autem casibus fustibus publice caderentur.

§. III. De Incestu & pœnis eiusdem.

1. *Incestus quid sit.*

2. 3. *Pœna incestus simplicis & incestarum nuptiarum ex utroque iure.*

Quemadmodum Adulterium grauius est Fornicatione, ita Incestus adulterio, *can. Adultery malum xxxii. q. 7.* Est autem Incestus consanguineorum vel affiniû intra gradus iure prohibitos abusus, seu cum eis concubitus. Et Incestuosi dicuntur, qui consanguineis vel affinibus intra gradus prohibitos abutuntur, seu cum eis concumbunt, *can. Lex illa xxxvi. q. 1. can. De incestuosis xxxv. q. 2.* Vnde & nuptiæ inter hos contractæ incestuosæ appellantur, *Novel. De incest. nupt. in princ. l. fin. Cod. eod. tit. can. Nec eam xxxv. q. 2.* quasi in his nuptijs minimè adlit cestus, id est singulum illud, quo Venus ad nuptias honestas utebatur, *Couat. 4. Decretal. p. 2. cap. 6. §. 8.* Virginum verò Deo consecratarum coniuuctio non solum incesta, sed & sacrilega est & dicitur, *can. Si quis sacro xxvii. q. 1.*

2 *Pœna incestus simplicis id est absque matrimonio, de iure Digest. eadem est, quæ adulterij; l. Si quis viduam D. De questionib. non etiam de iure Codicis, nisi cum alia specie fornicationis committatur, puta cum adulterio vel stupro, Iul. Clarus, §. Incestus; quia licet iure Codicis aucta sit pœna adulterij, non tamen pœna incestus.*

Incestarum verò nuptiarum in honestis quidem personis, factâ sepatatione, vnâ cum infamia, pœna est exilium, & bonorum publicatio, ipso scilicet iure, à die commissi criminis, dummodò non supersint liberi ex alio matrimonio; in vilibus verò additur corporis coercitio, *Novel. 12. De incest. nupt. & l. 4. Cod. eod. Couat. d. loco.* A pœna tamen amissionis bonorum, iure nouissimo statuta, excusat ignorantia la-

ria Iuris aut facti, etiam ex lata culpa contingens, *Conar. d. loco.*

In eum verò, qui Virginem Deo consecratam, iungendi matrimonio-
nij causa, vel saltem intenterit, capitalis poena constituta est, *l. Si quis
non dicam Cod. De Epif. & Clericis. Adde Nouel. 123. §. penult.*

De iure Canonico Clericus, de incestu accusatus & infamatus, de- 3
ponendus est, & beneficijs priuandus, *Iul. Clarus d. loco.* Eodem iure
omnis incestus maculâ pollutus, si quidem scienter, infamis est; ne-
que sacerdotes neque legitimè coniunctas personas accusare potest,
can. Consanguineorum 111. q. 4. Estque excommunicatus ipso iure, *Cle-
ment. vnica De consanguinit.* à qua tamen excommunicatione per Epif-
copum absolui potest, *Glos. ibid. & à seinuicem separandi sunt, d. Cle-
ment. vnica, c. 1. & c. Non debet sup. De consanguinit.* Alteroque morte
praevento alter, quamdiu viuit, grauiter poenitere debet absque spe
coniugij cum alia, *can. Quadam cum aliquot seqq. xxxii. q. 7. can. fin. xxxv.
q. 8. & alijs, c. 2. & 3. sup. De eo, qui cognouit consanguin. & c.* Quamquam
si contraxerit cum alia, subsistat matrimonium, quia tantum est im-
pedimentum impediens, non autem dirimens.

Qui verò contraxerit ignoranter incestas nuptias, mitius, arbitrio
Iudicis, puniendus est: sicut & is, qui ab initio bonâ fide contraxit,
sed postmodum, detectâ consanguinitate vel affinitate, nihilominus
perleuerauit, non incidit in poenas incestas, à legibus & Canonibus
impositas. *Glos. in d. Clement. vnica ad V. Scienter, & Clar. d. §. Ince-
stus n. 9.* At qui scienter matrem & filiam, aut duas sorores germanas
carnaliter cognouerit; sicut & mulier, quæ patri & filio, aut duobus
fratribus germanis, sui copiam fecerit, poena vltimi supplicij plecti
iubetur, ex Constitutione Sixti V. *Baiard. in Addit. ad Iul. Clar. d. §. In-
cestus n. 10.*

Denique filij nati ex incestuosis complexibus, scienter factis, non
censentur legitimi, nec parentibus succedunt, *can. vnico xxxviii. q. 7.
l. Si quis & Auth. Incestus Cod. De incestu nuptijs.*

TITVLVS XVII.

De Raptoribus & incendiarijs & vio- latoribus Ecclesiarum.

§. I. De Raptoribus virginum.

1. Raptus in quo à Stupro differat.
2. Sponsus rapiens sponsam volentem non est raptor.

FFFFF iij

Sequitur

S Equitur in Decalogo post homicidium & adulterium de furto, ac proinde de eo quoque hîc agendum esset; verum quia raptus est medium quoddam inter adulterium & furtum, cum & rapina dicatur improbum furtum, & raptus nihil sit aliud, quàm abductio violenta virginum ad stuprum: idcirco hoc Tit. tractat Pont. de raptoribus cum corporum, tum rerum & bonorum, simulque de incendiarijs & violatoribus seu raptoribus Ecclesiarum.

1 Raptus in genere hoc loco est mulieris, virginis seu viduæ, seu Monialis, vel nuptæ, aut etiam masculi, libidinis causâ, abductio. Differt à Stupro, quòd Raptus vim includat, siue ea fiat soli raptæ, siue ijs, quorum potestati subest, ut parenti, marito, sponso, curator, siue virisque, *l. unica Cod. De raptu virg. - cam. De raptoribus xxxvi. q. i.* Vim autem habent etiam persuasoria verba, *l. i. §. persuadere D. De seruo corrupto*: adeoque Solon magis eum puniuit, qui verbis pellexisset mulierem, quàm qui vi abduxisset, teste Plutarcho, *in Solone*. Insuper potest habere locum in corrupta. At verò Stuprum tantum habet locum in integra, & fieri potest absque vlllo raptu; sicut & raptus fieri potest citra violationem, quia sufficit eo sine esse raptam.

2 Dixi, libidinis causâ; quia si redigendi in seruitutem & dominij vindicandi causâ fiat abductio, dicetur plagium, non raptus.

Dixi, abductio; quia si in loco violetur, non dicetur propriè rapta, sed vim seu stuprum passa: licet generaliter id etiam raptus vocetur.

Quamuis autem sponsus de præsentis vel futuro rapiens sponsam suam, de illius consensu, sed inuitis eius parentibus, non dicatur raptor de iure Canonico, *c. Cum causa 6. h. t.* eo quòd sponsus ex desponsatione aliquid iuris in sponsam habeat, (raptusque non dicatur admitti, *ind. c. Cum causa*, ubi antè de nuptijs nihil est actum) tamen dicitur raptor de iure Ciuili, *l. unica Cod. De raptu virg.*

§. II. De pœnis raptus.

1. Pœna raptus est capitis de iure Ciuili.
2. Eodem iure interdicitur matrimonium inter raptorem & raptam.
3. Non verò iure Canonico.
4. Alia pœna ex eodem iure.
5. Cong. Trid. decretum de hac re.

1 **L** Ex ciuilibus raptorem puellæ vel mulieris honestæ, siue nuptæ, siue innuptæ & maximè si Deo fuerint dedicatæ virgines vel viduæ, ultore ferro id est capitis supplicio persequitur, cum bonorum ademptione, quæ addicuntur raptæ, vel alijs, iuxta ordinem, *d. l. unica Cod.*

Cod. De raptu virg. Nouel. 143. De raptis mulierib. & Nouel. 150. De ea que raptori suo nubit. Adde can. Si quis rapuerit xxvii. q. 1. Deprehensi verò in ipso rapto & flagranti adhuc crimine tam raptores quàm qui eis auxilium præstiterint, possunt à parentibus vel alijs coniunctis personis, item à tutoribus vel curatoribus raptæ impunè occidi.

Insuper iure Ciuili interdictur matrimonium inter raptorem & raptam, *d. l. vnica*: sicut & olim Iure Pontificio, *can. Placuit can. De puellis xxxvi. q. 2. Quod tamen posteriori iure Decretalium mutatum est, c. vlt. h. t. vt patebit ex iam dicendis. Cæterùm raptui mulieris inhonestè viuentis seu meretricis nulla iure Ciuili statuta est pœna, sed relicta est arbitraria & extraordinaria. Vide Menoch. De arbitr. casu 191. Iul. Clarum §. Raptus n. 6. Couar. lib. 3. Var. resol. c. 13. n. 2.*

Iure igitur Canonico, hodie raptor raptam habere vxorem non prohibetur, *d. c. vlt. h. t.* dummodò rapta à raptoře separata, & in loco tuto ac libero constituta, extra potestatem raptoris, liberè dein consentiat in matrimonium. Alioquin quamdiu in potestate manet raptoris, nullum inter eos potest consistere matrimonium, *Conc. Trid. Sess. 24. c. 6. De reformat. matrim.*

Præterea raptorem alienæ sponsæ Canones publicâ pœnitentiâ mulctant, iubentque manere sine spe coniugij, *can. Raptor 33. & can. seq. xxvii. q. 2.* sicque impedimentum matrimonij est non dirimens, sed impediens: quod tamen in quibusdam locis non est in vsu, *Nauar. in Manuali cap. 22. n. 74.*

Quinetiam ob immanitatē facinoris & violentiæ, si ea interuenerit, raptor multari morte vel membro aliquo mutilari potest: quamuis Iudex Ecclesiasticus hanc pœnam infligere non valeat, sed eam regiæ potestati referuare debeat. Vel mortis aut mutilationis impunitate concessâ raptor fit seruus raptæ, cum potestate tamen seipsum redimendi, soluendo libertatis pretium competens aut mulieri aut patri eius, *can. De raptorib. xxxvi. q. 1.*

Insuper tam raptor, quàm eius fautores incidunt in excommunicationem, *can. Raptores & alijs xxxvi. q. 2. sententiæ non quidem latę, sed ferendæ, can. 1. & seq. ibid.* Conc. verò Trid. *d. loco* statuit, vt etiam secuto matrimonio inter raptorem & raptam, nihilominus & raptor ipse, omnesque illi consilium, auxilium, & fauorem præbentes, sint ipso iure excommunicati, ac perpetuò infames; omniumque dignitatum incapaces, & si Clerici fuerint, de proprio gradu decendant; teneaturque præterea raptor mulierem raptam, siue eam duxerit, siue non, decenter arbitrio iudicis dotare.

§. III. De raptoribus rerum; atque incendiarijs.

1. *Rapina quid sit, eiusq; pœna de iure Ciuili.*
2. *Ratione rapina quæ sortitur forum in loco delicti.*
3. *Pœna violentis ac spoliatis Ecclesiam est excommunicatio.*
4. *Constitutiones Pontif. aduersus occupatores & detensores bonorum Eccles.*
5. *Item aduersus depradatores naufragorum.*

Differt rapina à furto eodem ferè modo, quo stuprum à raptu, quia rapina & raptus est contrectatio & abductio violenta, furtum verò plerumque occultè sit, vt & stuprum defloratio est virginum plerumque fraudulenta.

1. Rapina igitur, prout à furto specialiter dicto distinguitur, est violenta & manifesta rei alienæ inuito domino contrectatio, l. *Si vendidero D. De furtis*. Per hoc enim, quòd dicitur, violenta & manifesta, excluditur furtum: propriaque inde actio nascitur vi bonorum raptorum. Pœna rapinæ de iure Ciuili, rei etiam minimæ, intra annum utilem, est quadrupli, *Institus. De vi bon. raptorum §. 1.* Non tamen totum quadruplum est pœna, veluti in furto manifesto, sed in quadruplo inest rei persecutio, & pœna tantum est tripli, siue manifestus sit, siue non manifestus, id est siue deprehendatur raptor in ipso delicto, siue non. Nec tamen peioris conditionis est fur, quàm sit raptor, quia licet quoad hanc pœnam pecuniariam grauius puniatur fur manifestus, quàm raptor, tamen quoad alia & in genere multò grauius punitur raptor, quippe qui de vi etiam publica vel priuata teneatur; quæ de re videri possunt, quæ latius tradunt Interpp. *ad D. & Instus. h. t.* quòd locutorem remitto.
2. Illis verò ex hoc Tit. addere ista operæ pretium est, raptores rerum, qui scilicet de loco ad locum iter faciunt, viasque obsident, vt rapinas & deprædationes agant, ratione delicti sortiri forum eius loci, in quo deliquerint; ideoque à quolibet iudice, in cuius territorio deprehensi fuerint, puniri posse, c. *1. h. t.* Pœnam tamen sanguinis infligere non potest Index Ecclesiasticus, licet de raptu, & alijs criminibus, ex delegatione Principis cognoscere & iudicare possit, c. *4. h. t.*
3. Quòd si quis raptor fuerit manifestus, vel violator Ecclesiæ, veluti si corruperit vel polluerit Ecclesiam, vel prædia eius inuaserit, si eidem vim intulerit, ostia fregerit, vel priuilegia infregerit, aut alijs modis, de qui-

de quibus xvii. q. 4. per tot. eam violauerit, ipso iure subiâcet excommunicationi, negato etiam pœnitentiæ ac sepulturæ beneficio, nisi prius ablata restituerit vel cauerit de restituendo. Si verò renuat cauere, dum potest, moriensque non possit, cum vult, negari quidem viaticum vitæ & sepultura non debet, verum sepulturæ eius nulli Clerici interesse possunt, citra ordinis sui damnum & beneficij Ecclesiastici priuationem, c. 2. h. t. Vide Couar. lib. 3. Var. resolut. cap. 3. n. 9. vbi tradit, quando & qualiter prædicta cautio præstanda sit.

Referri huc possunt variorum Pontificum Constitutiones, nempe Clementis VI. Leonis X. Pauli IV. Pij IV. aduersus inuasores & occupatores bonorum Ecclesiæ, quas recitat Pet. Matth. in vii. Decretal. lib. 2. tit. 2. è quibus Leo X. specialiter insurgit in Principes, occupantes bona Ecclesiastica, & eorum libertati detrahentes: cuius decretum confirmasse Hadrianum VI. Clementem VII. Iul. III. & Pium IV. testatur P. Matth. d. loco. Rectè proinde mandat Conc. Mechlinien. 1607. tit. 22. cap. 12. vt decretum Conc. Trid. Sess. 22. cap. 11. aduersus occupatores bonorum Ecclesiasticorum, seu ad quæcumque alia pia loca spectantiũ, subinde populo per concionatores inculcetur.

Specialiter verò de spoliatoribus fidelium negotiantium, nauigantium & naufragorum, statutum fuit in Conc. Lateran. sub Alexan. III. tales excommunicandos esse, c. 3. h. t. quæ excommunicatio hodie reseruata est summo Pont. per Bullam Cœnæ Domini. Extantque ea de re Constitutiones Iulij III. & Pauli III. apud P. Matth. lib. 2. t. 14. Pij V. Gregorij XIII. apud Zerolam 2. p. V. Naufragium. I Ianè Iulius III. eandem excommunicationem huiusmodi raptoribus infligit, & bonâ fide consilium auxiliumque naufragis impertientes indulgentijs donat. Dictam autem excommunicationem euitant, inquit Zerola d. loco; primò qui bona naufragorum suscipiunt, animo restituendi ea suo domino, nisi fuerint in mora; secundò, quando ignorant bona esse naufragorum; tertio, quando dominus ea eiecit animo non recuperandi, vel pro derelictis habuit; quod non præsumitur, cum nemo præsumatur iactare suum: adeoque lex de confiscatione bonorum naufragantium esset tyrannica, inquit Zerola d. loco. Quod enim ius habet fiscus, inquit Constantin. Imp. l. 1. Cod. De naufragijs lib. 11. in aliena calamitate, vt in re tam luctuosa compendium sectetur?

Quantum ad incendiarios attinet, ij sunt vel Ecclesiarum seu rerum Ecclesiasticarum, qui scilicet dolo malo in Ecclesiam vel alia pia loca ignem iniecerunt, & tales ultra damni restitutionem excommunicati sunt ipso facto; vel rerum profanarum, & excommunicandi sunt: factaque publicatione seu denuntiatione ab Ecclesia non ab alio

Sagittarius autem hoc loco sumitur pro eo, qui iacula seu sagittas emittit ex arcu seu ballista, non quidem maiori, sed minori, cuius etiam in bello usus fuit, ut constat ex Cic. lib. 5. *Epist. ad Attic.* Magna, inquit, tormentorum copia, multis sagittarijs, magno labore, apparatu, multis faucijs ex nostris, incolumi exercitu negotium confecimus. Ballistarius verò dicitur, qui ballistâ utitur, non quidem minori, hodieque passim communi, sagittas eiacularante, cuiusque D. Hieronymus meminit *contra Iovin.* dum ait, *Ballista quanto plus retrahitur, tanto fortius emittitur; & Manubalista* ab aliquibus appellatur: sed maiori, quæ machina fuit bellica siue genus quodam tormentorum Romanis usitatum, iaciens saxa maiora & grauiora ad quassandos & euertendos muros: de quo & doctè & curiosè I. Lipsius in *Poliorecticis siue de Machinis bellicis.*

TITVLVS XVI.

De Adulterio & Stupro.

§. I. De Adulterio & pœnis illius.

1. *Adulterium & generaliter & specialiter sumi.*
2. 3. *Pœna adulterij de iure Ciuili & Canonico.*
4. *Hoc iure adulterum deprehensum cum vxore occidi fas non esse.*
5. *Pœna Clerici adulteri.*

Superioribus Titulis actum est de homicidio, & quibusdam actibus, per quos ad homicidium quandoque peruenitur, quibusque corpus & vita læditur proximi: sequitur ordine Decalogi, id est legis antiquæ, decem præcepta continentis, de adulterio & stupro (ita enim in præcepto est, *Non occides: Non machaberis*) cæterisque illiciti concubitus generibus, quibus vel thorus proximi violatur vel pudicitia læditur.

Quamuis verò Adulterium, generaliter sumptum, omnem copulam, quæ non habet potestatem coniugij, comprehendat, *can. Nemo blandiatur §. tolerabilior xxxii. q. 1.* & Lex Iulia de adulterijs promiscuè Stuprum & Adulterium usurpet, *l. Inter liberas 6. D. cod. & l. Inter stuprum D. De verb. signif.* tamen specialiter sumptum dicitur alieni thori violatio, *can. Non machaberis xxxii. q. 5.* & quasi ad alterius thorum accessio; de quæ Iure Ciuili propriè in nuptiam committitur, non autem in virginem aut viduam; ac definitur, alienæ matrisfamilias corruptio.

corruptio. Quamuis eodem Iure etiam ad sponsam extendatur, l. *Propter* 7. *Cod. eod.* quia sponsa pro vxore habeatur, l. *Si sponsa* 74. D. *De iure dot.* & quia neque matrimonium qualecunque, neque spem matrimonij violare pernietatur, l. *Si vxor* 13. §. *Diui & §. si minor* D. *Ad L. Iul. De adult.* licet hoc casu mitior pœna decernatur. Verum Iure Canonico etiam in solutam mulierem à coniugato committitur adulterium, *can. 19. & fin. xxxii. q. 5.* nam hoc iure eadem castimonia in marito requiritur, quæ in vxore *can. Pracipit. can. Apud nos & d. can. Fin. xxxii. q. 5.*

Quòd ad pœnas adulterij attinet, Iure quidem diuino pœna vtriusque delinquentis est lapidatio, *Deuter. 22. Exodi 20. can. Satis xxxiii. q. 5.* De Iure autem Ciuili, quando criminaliter agitur, ex L. Iulia non videtur olim fuisse capitalis, sed vel deportatio, vt in militibus, l. 2. §. *miles* D. *De his qui not. infamia*; vel relegatio, vt in paganis, l. *Si quis viduam* D. *De questionibus*: ex posteriori verò iure, nempe ex l. *Quamuis* *Cod. Ad L. Iul. de adult.* pœna sanguinis & gladij tam viro, quam fœminæ adulecte, irrogari cœpit, iam inde à tempore Iustiniani, vt cõstat ex l. *Transigere* *Cod. De transact.* sed ea hodie in plerisque prouincijs mutata est in pecuniariam, vel aliam, dummodò abfuerit violentia, aut qualitas aggrauans, Iul. *Clarus §. Adulterium n. 7. circa finem,* & latè *Boer. Decis. 297.* Et ex Iustiniani *Nouella 134. cap. 10.* mulier adultera non punitur gladio, sed virgis cæsa in monasterium detruditur, potestate interim marito relicta intra biennium eam repetendi. Quod & Iure Canonico videtur receptum, c. *Gaudemus sup. de conuers. coniugat.* Dosq; hoc casu distribuitur certo gradu atq; ordine inter descendentes, ascēdētes & monasteriū, d. *Nouel. 134. c. 10.* Si verò ciuilitè agatur, hoc est ad separationem thori, facta separatione dos & donatio propter nuptias innocenti coniugi applicantur, *Nouel. 117. c. 8. c. Plerumque 4. sup. De donat. inter virum & vxorem.* Quamuis autem in hoc sint pares maritus & vxor, quòd ob solum adulterium alterius agere possint ad separationem thori, non tamen in lucro dotis & donationis propter nuptias: nam vxor ob solum adulterium amittit dotem (nisi fuerit viro reconciliata, d. c. *Plerumque*) maritus non antè quàm si frequenter cum alia muliere egerit & bis monitus non resipuerit, d. *Neuch. 117.* Insuper vxor in adulterio reperta est infamis ipso iure, etiam antequam condemnetur per sententiam: adulter verò non fit infamis, nisi per sententiam. Cumque maritus, vxore adulecta, solutus sit à iure soluendi ei debitum coniugale, ingredi monasterium potest, c. *Constitutus sup. De conuers. coniugat.*

Ceterum Iure Canonico alter coniugum, siue maritus siue vxor, ob alterius adulterium, agere ad separationem thori potest coram

Fffff

Iudice

Iudice Ecclesiastico, ad quem solum spectat eo casu cognitio: *cap. Tuae* 5. *sup. De procurat. c. 1. sup. De officio Iud. ordin. c. At si Clerici §. De adulterijs sup. De iudicijs*: nisi alter, v. g. maritus sciens uxorem suam adulterā esse, vixerit porro cum eadem, non peractā pœnitentiā, quia hoc casu & ipse reus erit ac particeps delicti, *c. Si vir 3. h. t. vel nisi alter alteri adulterium obijciat*, quia paria delicta mutuā compensatione tolluntur, *cap. penult. & ult. hoc tit.* Quā ratione autem Ordinarius possit ex officio procedere in causā adulterij, vide Concil. Trident. *sess. 24. De reformat. matrim. cap. 8.* Sed & certis casibus ad hanc separationem agi non posse, iam antè diximus.

4 Denique licet Iure Civili permissum fuerit marito, atque etiam patri, deprehensum adulterum cum uxore vel filia occidere certis casibus impanē: id tamen de iure Canonico nullatenus permittitur, *can. Inter hac can. Admonere vers. nam si virum can. Si quod verius xxxiii. qu. 2.* Et hæc quidem iure Pontificio circa laicos statuta sunt, qui eodem Iure etiam excommunicari debent, *c. Intelleximus 6. h. t. ac pœnitentiæ subijci*; imò & in monasterium detrudi possunt, *iuxta communem.* Vide Couar. *De matrim. 2. p. cap. 7. §. 7. n. 29.*

5 At verò Clericus, qui adulterium cōmisisse aut confessus aut conuictus fuerit à Iudice Ecclesiastico, deponēdus est ab officio & beneficio, & in monasterium detrudendus, ad perpetuam pœnitentiā agendā, *can. Si quis Clericus Distinct. 81. & damnatus de crimine eiusmodi est infamis, Abbas in d. c. At si clerici §. de adulterijs.* Imò Presbyter infamatus ad solam confessionem mulieris adulteræ, asserentis se ab eodem cognitam fuisse, non quidem condemnandus est adulterij, sed eidem, velut suspecto de adulterio, indicenda Canonica est purgatio, cum manu quinq̃ sui ordinis, id est cum quinque vicinis Presbyteris: in qua purgatione si defecerit, ab officio suspendendus est, *cap. Significasti 5. h. t. c. Quam sit graue 9. inf. De excessib. Pralat.* Potest tamen Episcopus cum Clericis dispensare in adulterio, & alijs criminibus inferioribus, *c. Cum non ab homine §. at si Clerici in fine sup. De iudicijs.* Si quando verò ob gravitatem delicti imponenda fuerit pœna sanguinis, adiri debet iudex secularis, *c. Sententiam, c. Clericis sup. Ne Clerici vel Monachi, &c.*

§. II. De Stupro & pœnis illius.

1. Stuprum latè, stricte & strictissime sumi.
2. 3. Pœna stupri de Iure Civili ac Canonico.

Quemad-

Quemadmodum Adulterium subinde ita latè sumitur, ut omnem coitum, lege prohibitum, contineat; ita & Suprum, l. *Inter litteras* 6. D. *Ad L. Iul. De adul.* aliquando verò strictius sumitur, & committi dicitur in virginem, vel viduam, integræ vitæ ac honestè viventem, citra vim, d. l. *Inter liberas* §. 1. l. *Stuprum* 34. D. *cod. & l. Inter stuprum* 101. D. *De verb. signif.* imò & in masculum, l. *Qui domum* 8. D. *h. e.* Strictissimè verò & propriè capitur, pro virginum illicita defloratione, ut in *can. Lex illa xxxviii. q. 1.*

Pœna stupri circa vim commissi de iure Ciuili in personis honestis est publicatio dimidiæ parris bonorum; in humilibus coercitio corporis, cum relegatione, §. *Item lex Iulia de adulterijs Institut. De publ. indic.* Alioqui commissum vi, siue verè, siue interpretatiuè, veluti dum stuprator blandis verbis, & dolosis promissionibus sollicitat seducitque & velut compellit virginem, *arg. l. 3. §. si quis volentem* D. *De lib. homine exhib. & l. 1. §. 3. De seruo corrupto*, punitur pœnâ capitali, ut volunt D D. *ind. §. Item lex Iulia de adul.* eò quod Iustin. ibi diserte violētum stuprum excipiar, in verbis, *sine vi*. Qui verò nondum viripotentem virginē corruperit, de iure communi non punitur pœnâ mortis, sed vel in metallum damnatur, si humilior fuerit, vel in insulam relegatur, si honestior, aut in exilium mittitur, l. *Si quis aliquid* 38. §. *qui nondum* D. *De pœnis*. Tutor stuprans pupillam deportatur, eiusque bona publicantur, *arg. l. vnica Cod. Si quis eam, cuius tutor &c.* A fortiori stuprans viduam cognatam, aut aliam, cum qua nequit consistere matrimonium, deportatur, l. *Si quis viduam* D. *De questionib.* Seruus, qui cum domino rem habuisse detectus fuerit ex *Constit. Constantini* traditur ignibus cōcremandus, domina capite plectitur, l. 1. *Cod. De mulieribus quæ se proprijs seruis &c.*

De iure verò Canonico stuprator virginis honestæ tenetur eam dotare & habere vxorem; nisi pater dare nolit, quo casu dotasse sufficit. Si verò ipse renuat habere, corporaliter castigatus, excommunicatusque in monasterium, ad agendam inibi pœnitentiam, detrudendus, c. 2. b. t. Sin non possit eam ducere, ut quia sit coniugatus aut Ordine sacro insignitus, nihilominus dotabit, quia vtrumque est in obligatione, *arg. l. Celsus* §. 1. D. *De receptis arbitrio*. Clericus verò etiam deponitur, ex *communi sententia*, apud Iul. Clarum §. *Stuprum* n. 3. Insuperque pecuniariâ pœnâ vel corporali, veluti detrusione in carcerem aut monasterium, puniri potest, iuxta arbitriū Iudicis, Abbas in c. *At si Clerici* n. 20. *sup. De Iudic. in c. Ut Clericorum sup. De vita & honest. Cleric. Wamel. Conf. 583. n. 5.*

Quòd si Episcopus, Presbyter, Diaconus, Subdiaconus, Lector, Psalmista, aut Ostiarius, cum muliere, sanctificata Deo, iræchatus fuerit, deponendus est, quia sponsam Christi corrumpit: si verò fuerit laicus,

laicus, excommunicandus est, *can. Si quis Episcopus* xxvii. q. 1. Et præterea ex Iustiniani Constitut. *Nouella* 123. cap. 43. res eius monasterio applicantur; aliaque pœnâ hoc scelus coercetur. De fornicatione cum filia spirituali vide *can. penult. & vlt. III. qu. 1.* & latius de pœna stupri tam aduersus Clericum quàm laicum, in foro tam conscientiz quàm ciuili & Pontificio, vide Menoch. *De arbitrarijs lib. 2. casu* 288. 294. & 420.

Illud hîc subiiciendum, Paulum IV. Constituit, quam refert Pet. Matth. in v 11. *Decretal. lib. 5. tit. 15. cap. 1.* statuisse, vt conciliatores proxenetae, lenones ac lenae, quæ puellam virginem interpellauerint, flagitio quidem perfecto pœnâ capitali, imperfecto verò deportatione perpetuâ in insulam plecterentur; in cæteris autem casibus fustibus publice cæderentur.

§. III. De Incestu & pœnis eiusdem.

1. *Incestus quid sit.*

2. 3. *Pœna incestus simplicis & incestarum nuptiarum ex utroque iure.*

QUemadmodum Adulterium grauius est Fornicatione, ita Incestus adulterio, *can. Adultery malum* xxxii. q. 7. Est autem Incestus consanguineorum vel affiniû intra gradus iure prohibitos abusus, seu cum eis concubitus. Et Incestuosi dicuntur, qui consanguineis vel affinibus intra gradus prohibitos abutuntur, seu cum eis concumbunt, *can. Lex illa* xxxvi. q. 1. *can. De incestuosis* xxxv. q. 2. Vnde & nuptiæ inter hos contractæ incestuosæ appellantur, *Novel. De incest. nupt. in princ. l. fin. Cod. eod. tit. can. Nec eam* xxxv. q. 2. quasi in his nuptijs minimè ad sit cestus, id est singulum illud, quo Venus ad nuptias honestas utebatur, Couar. 4. *Decretal. p. 2. cap. 6. §. 8.* Virginum verò Deo consecratarum coniunctio non solum incesta, sed & sacrilega est & dicitur, *can. Si quis sacro* xxvii. q. 1.

2 *Pœna incestus simplicis id est absque matrimonio, de iure Digest. eadem est, quæ adulterij, l. Si quis viduam D. De quaestionib. non etiam de iure Codicis, nisi cum alia specie fornicationis committatur, puta cum adulterio vel stupro, Iul. Clarus, §. Incestus; quia licet iure Codicis aucta sit pœna adulterij, non tamen pœna incestus.*

Incestarum verò nuptiarum in honestis quidem personis, factâ separatione, vnâ cum infamia, pœna est exilium, & bonorum publicatio, ipso scilicet iure, à die commissi criminis, dummodo non supersint liberi ex alio matrimonio; in vilibus verò additur corporis coercitio, *Novel. 12. De incest. nupt. & l. 4. Cod. eod. Couar. d. loco.* A pœna tamen amissionis bonorum, iure nouissimo statutâ, excusat ignorantia Iu-

ria Iuris aut facti, etiam ex lata culpa contingens, Conar. *d. loco*.

In eum verò, qui Virginem Deo consecratam, iungendi matrimonio-
nij causa, vel saltem intentavit, capitalis pœna constituta est, *l. Si quis
non dicam Cod. De Epif. & Clericis. Adde Nouel. 123. §. penult.*

De iure Canonico Clericus, de incestu accusatus & infamatus, de- 3
ponendus est, & beneficijs priuandus, Iul. Clarus *d. loco*. Eodem iure
omnis incestus maculâ pollutus, si quidem scienter, infamis est; ne-
que sacerdotes neque legitime coniunctas personas accusare potest,
can. Consanguineorum 111. q. 4. Estque excommunicatus ipso iure, *Cle-
ment. vnica De consanguinit.* à qua tamen excommunicatione per Epif-
copum absolui potest, *Glos. ibid. & à seinuicem separandi sunt, d. Cle-
ment. vnica, c. 1. & c. Non debet sup. De consanguinit.* Alteroque inorte
præuento alter, quamdiu uiuit, grauiter pœnitere debet absque spe
coniugij cum alia, *can. Quadam cum aliquot seqq. xxxii. q. 7. can. fin. xxxv.
q. 8. & alijs, c. 2. & 3. sup. De eo, qui cognouit consanguin. & c.* Quamquam
si contraxerit cum alia, subsistat matrimonium, quia tantum est im-
pedimentum impediens, non autem dirimens.

Qui verò contraxerit ignoranter incestas nuptias, mitius, arbitrio
Iudicis, puniendus est: sicut & is, qui ab initio bonâ fide contraxit,
sed postmodum, detectâ consanguinitate vel affinitate, nihilominus
perseuerauit, non incidit in pœnas incestus, à legibus & Canonibus
impositas. *Glos. in d. Clement. vnica ad v. Scienter, & Clar. d. §. Ince-
stus n. 9.* At qui scienter matrem & filiam, aut duas sorores germanas
carnaliter cognouerit; sicut & mulier, quæ patri & filio, aut duobus
fratribus germanis, sui copiam fecerit, pœna ultimi supplicij plecti
iubetur, ex Constitutione Sixti V. Baiard. *in Addit. ad Iul. Clar. d. §. In-
cestus n. 10.*

Denique filij nati ex incestuosis complexibus, scienter factis, non
censentur legitimi, nec parentibus succedunt, *can. vnico xxxviii. q. 7.
l. Si quis & Auth. Incestus Cod. De incestu nuptijs.*

TITVLVS XVII.

De Raptoribus & incendiarijs & vio- latoribus Ecclesiarum.

§. I. De Raptoribus virginum.

1. Raptus ia quo à Stupro differat.

2. Sponsus rapiens sponsam volentem non est raptor.

FFFFF iij

Sequitur

S Equitur in Decalogo post homicidium & adulterium de furto, ac proinde de eo quoque hîc agendum esset; verùm quia raptus est medium quoddam inter adulterium & furtum, cùm & rapina dicatur improbum furtum, & raptus nihil sit aliud, quàm abductio violenta virginum ad stuprum: idcirco hoc Tit. tractat Pont. de raptoribus cùm corporum, tum rerum & bonorum, simulque de incendiarijs & violatoribus seu raptoribus Ecclesiarum.

1 Raptus in genere hoc loco est mulieris, virginis seu viduæ, seu Monialis, vel nuptæ, aut etiam masculi, libidinis causâ, abductio. Differat à Stupro, quòd Raptus vim includat, siue ea fiat soli rapte, siue ijs, quorum potestati subest, ut parenti, marito, sponso, curatori, siue utrisque, *l. vnica Cod. De raptu virg. - can. De raptoribus xxxvi. q. i.* Vim autem habent etiam persuasoria verba, *l. i. §. persuadere D. De seruo corrupto*: adeoque Solon magis eum puniuit, qui verbis pellexisset mulierem, quàm qui vi abduxisset, teste Plutarcho, *in Solone*. Insuper potest habere locum in corrupta. At verò Stuprum tantùm habet locum in integra, & fieri potest absque vlllo raptu; sicut & raptus fieri potest citra violationem, quia sufficit eo sine esse raptam.

2 Dixi, libidinis causâ; quia si redigendi in seruitutem & dominijs vindicandi causâ fiat abductio, dicetur plagium, non raptus.

Dixi, abductio; quia si in loco violetur, non dicetur propriè rapta, sed vim seu stuprum passa: licet generaliter id etiam raptus vocetur.

Quamuis autem sponsus de præsentis vel futuro rapiens sponsam suam, de illius consensu, sed inuitis eius parentibus, non dicatur raptor de iure Canonico, *c. Cum causa 6. h. r.* eo quòd sponsus ex desponsatione aliquid iuris in sponsam habeat, (raptusque non dicatur admitti, *ind. c. Cum causa*, ubi antè de nuptijs nihil est actum) tamen dicitur raptor de iure Ciuili, *l. vnica Cod. De raptu virg.*

§. II. De pœnis raptus.

1. Pœna raptus est capitis de iure Ciuili.
2. Eodem iure interdicitur matrimonium inter raptorem & raptam.
3. Non verò iure Canonico.
4. Alia pœna ex eodem iure.
5. Conc. Trid. decretum de hac re.

1 **L** Ex ciuilibus raptorem puellæ vel mulieris honestæ, siue nuptæ, siue innuptæ & maximè si Deo fuerint dedicatæ virgines vel viduæ, ultore ferro id est capitis supplicio persequitur, cum bonorum ademptione, quæ addicuntur rapte, vel alijs, iuxta ordinem, *d. l. vnica Cod.*

Cod. De raptu virg. Nouel. 143. De raptu mulierib. & Nouel. 150. De ea que raptori suo nubit. Adde can. Si quis rapuerit xxvii. q. 1. Deprehensi verò in ipso rapto & flagranti adhuc crimine tam raptores quàm qui eis auxilium præstiterint, possunt à parentibus vel alijs coniunctis personis, item à tutoribus vel curatoribus raptæ impunè occidi.

Insuper iure Ciuili interdictum matrimonium inter raptorem & raptam, *d. l. vnica*: sicut & olim Iure Pontificio, *can. Placuit can. De puellis xxxvi. q. 2. Quod tamen posteriori iure Decretalium mutatum est, c. vlt. h. t. vt patebit etiam dicendis. Cæterum raptui mulieris inhonestè viuentis seu meretricis nulla iure Ciuili statuta est pœna, sed relicta est arbitraria & extraordinaria. Vide Menoch. De arbitr. casu 197. Iul. Clarum §. Raptus n. 6. Couar. lib. 3. Var. resol. c. 13. n. 2.*

Iure igitur Canonico, hodie raptor raptam habere vxorem non prohibetur, *d. c. vlt. h. t.* dummodò rapta à raptoře separata, & in loco tuto ac libero constituta, extra potestatem raptoris, liberè dein consentiat in matrimonium. Alioquin quamdiu in potestate manet raptoris, nullum inter eos potest consistere matrimonium, *Conc. Trid. Sess. 24. c. 6. De reformat. matrim.*

Præterea raptorem alienæ sponsæ Canones publicâ pœnitentiâ mulctant, iubentque manere sine spe coniugij, *can. Raptor 33. & can. seq. xxvii. q. 2.* sicque impedimentum matrimonij est non dirimens, sed impediens: quod tamen in quibusdam locis non est in vsu, *Nauar. in Manuali cap. 22. n. 74.*

Quinetiam ob immanitatē facinoris & violentiæ, si ea interuenerit, raptor multari morte vel membro aliquo mutilari potest: quamuis Iudex Ecclesiasticus hanc pœnam infligere non valeat, sed eam regiæ potestati reservare debeat. Vel mortis aut mutilationis impunitate concessâ raptor fit seruus raptæ, cum potestate tamen seipsum redimendi, soluendo libertatis pretium competens aut mulieri aut patri eius, *can. De raptorib. xxxvi. q. 1.*

Insuper tam raptor, quàm eius fautores incidunt in excommunicationem, *can. Raptores & alijs xxxvi. q. 2. sententiæ non quidem latæ, sed ferendæ, can. 1. & seq. ibid. Conc. verò Trid. d. loco statuit, vt etiam secuto matrimonio inter raptorem & raptam, nihilominus & raptor ipse, omnesque illi consilium, auxilium, & fauorem præbentes, sint ipso iure excommunicati, ac perpetuò infames; omniumque dignitatum incapaces, & si Clerici fuerint, de proprio gradu decendant; teneaturque præterea raptor mulierem raptam, siue eam duxerit, siue non, decenter arbitrio iudicis dotare.*

§. III. De raptoribus rerum; atque incendiarijs.

1. Rapina quid sit, eiusq; pœna de iure Ciuili.
2. Ratione rapina quis sortitur forum in loco delicti.
3. Pœna violentis ac spoliatis Ecclesiam est excommunicatio.
4. Constitutiones Pontif. aduersus occupatores & detensores bonorum Eccles.
5. Item aduersus depradatores naufragorum.

Differt rapina à furto eodem ferè modo, quo stuprum à raptu, quia rapina & raptus est contrectatio & abductio violenta, furtum verò plerumque occultè sit, vt & stuprum defloratio est virginum plerumque fraudulenta.

1. Rapina igitur, prout à furto specialiter dicto distinguitur, est violenta & manifesta rei alienæ inuito domino contrectatio, l. Si vendidero D. De furtis. Per hoc enim, quòd dicitur, violenta & manifesta, excluditur furtum: propriaque inde actio nascitur vi bonorum raptorum. Pœna rapinæ de iure Ciuili, rei etiam minimæ, intra annum vellem, est quadrupli, Institus. De vi bon. raptorum §. 1. Non tamen totum quadruplum est pœna, veluti in furto manifesto, sed in quadruplo inest rei persecutio, & pœna tantum est tripli, siue manifestus sit, siue non manifestus, id est siue deprehendatur raptor in ipso delicto, siue non. Nec tamen peioris conditionis est fur, quàm sit raptor, quia licet quoad hanc pœnam pecuniariam grauius puniatur fur manifestus, quàm raptor, tamen quoad alia & in genere multò grauius punitur raptor, quippe qui de vi etiam publica vel priuata teneatur; quæ de re videri possunt, quæ latius tradunt Interpp. ad D. & Instit. h. t. quòd lectorem remitto.

2. Illis verò ex hoc Tit. addere ista operæ pretium est, raptores rerum, qui scilicet de loco ad locum irer faciunt, viasque obsident, vt rapinas & deprædationes agant, ratione delicti sortiri forum eius loci, in quo deliquerint; ideoque à quolibet iudice, in cuius territorio deprehensi fuerint, puniri posse, c. 1. h. t. Pœnam tamen sanguinis infligere non potest Iudex Ecclesiasticus, licet de raptu, & alijs criminibus, ex delegatione Principis cognoscere & iudicare possit, c. 4. h. t.

3. Quòd si quis raptor fuerit manifestus, vel violator Ecclesiarum, veluti si corruerit vel polluerit Ecclesiam, vel prædia eius inuaserit, si eidem vim intulerit, ostia fregit, vel priuilegia infregerit, aut alijs modis, de qui-

de quibus xvii. q. 4. per tot. eam violauerit, ipso iure subiācet excommunicationi, negato etiam pœnitentiæ ac sepulturæ beneficio, nisi prius ablata restituerit vel cauerit de restituendo. Si verò renuat cauere, dum potest, moriensque non possit, cùm vult, negari quidem viaticum vitæ & sepultura non debet, verùm sepulturæ eius nulli Clerici interesse possunt, citra ordinis sui damnum & beneficij Ecclesiastici priuationem, c. 2. h. t. Vide Couar. lib. 3. Var. resolut. cap. 3. n. 9. vbi tradit, quando & qualiter prædicta cautio præstanda sit.

Referri huc possunt variorum Pontificum Constitutiones, nempe Clementis VI. Leonis X. Pauli IV. Pij IV. aduersus inuasores & occupatores bonorum Ecclesiæ, quas recitat Pet. Matth. in vii. *Decretal. lib. 2. tit. 2.* è quibus Leo X. specialiter insurgit in Principes, occupantes bona Ecclesiastica, & eorum libertati detrahentes: cuius decretum confirmasse Hadrianum VI. Clementem VII. Iul. III. & Pium IV. testatur P. Matth. *d. loco.* Rectè proinde mandat Conc. Mechlinien. 1607. *tit. 22. cap. 12.* vt decretum Conc. Trid. *sess. 22. cap. 11.* aduersus occupatores bonorum Ecclesiasticorum, seu ad quæcumque alia pia loca spectantiū, subinde populo per concionatores inculcetur.

Specialiter verò de spoliatoribus fidelium negotiantium, nauigantium & naufragorum, statutum fuit in Conc. Lateran. sub Alexan. III. tales excommunicandos esse, *c. 3. h. t.* quæ excommunicatio hodie reseruata est summo Pont. per Bullam Cœnæ Domini. Extantque ea de re Constitutiones Iulij III. & Pauli III. apud P. Matth. *lib. 2. t. 14.* Pij V. Gregorij XIII. apud Zerolam *2. p. V. Naufragium.* I lanè Iulius III. eandem excommunicationem huiusmodi raptoribus infligit, & bonâ fide consilium auxiliumque naufragis impertientes indulgentijs donat. Dictam autem excommunicationem euitant, inquit Zerola *d. loco*; primò qui bona naufragorum suscipiunt, animo restituendi ea suo domino, nisi fuerint in mora; secundò, quando ignorant bona esse naufragorum; tertio, quando dominus ea eiecit animo non recuperandi, vel pro derelictis habuit; quod non præsumitur, cùm nemo præsumatur iactare suum: adeoque lex de confiscatione bonorum naufragantium esset tyrannica, inquit Zerola *d. loco.* Quod enim ius habet fiscus, inquit Constantin. Imp. *l. 1. Cod. De naufragijs lib. 11.* in aliena calamitate, vt in re tam luctuosa compendium sectetur?

Quantum ad incendiarios attinet, ij sunt vel Ecclesiarum seu rerum Ecclesiasticarum, qui scilicet dolo malo in Ecclesiam vel alia pia loca ignem iniecerunt, & tales ultra damni restitutionem excommunicati sunt ipso facto; vel rerum profanarum, & excommunicandi sunt: factaque publicatione seu denuntiatione ab Ecclesia non ab alio

absolui possunt, quàm à summo Pontifice, *c. Tua nos 19. inf. De sent. excommunicat.* nisi in mortis articulo, quo casu quilibet sacerdos eos absolueret potest, & absoluti sepeliri in cœmeterio seu loco sacro. Compelluntur tamen heredes ad satisfaciendum, quatenus facultates defuncti ferunt, illis, qui per incendium damnum passi sunt, ut salutem animæ consulatur, cum non dimittatur peccatum, nisi restituatur ablatum, *c. In litteris 5. h. t.* Quod aliter se habet de iure Civili, quo delicta cum persona defuncti extinguuntur, *l. Defuncto D. De publ. iudicijs l. Sancimus Cod. De pœnis.* Vide Couar. lib. 3. Var. resol. cap. 3. n. 7. vers. Tertio inquirendum. Eodem iure incendiarij, qui ob inimicitias vel prædæ causâ intra opidum ignem in domum aliquam vel alium locum intulerint, capite puniuntur, & plerumque viui exuruntur, *l. Capitalium 28. §. incendiarij 12. D. De pœnis.* Quæ pœna hodie apud nos recepta est, teste Damhoud. in *Praxi Crimin. cap. 95.*

TITVLVS XVIII.

De Furtis.

§. I

1. Furtum vnde dicatur, & quid Furti nomine veniat.
2. Furtum & rapinam specie distinguui.
3. Furti definitio enucleata.

CUm viderimus de raptoribus seu raptu, qui est species furti, *Instit. De ribon. rapt. in princ.* sequitur ut agamus de furtis in genere, eo quæ magis, quod, ut antè diximus, ordine Decalogi furtum subiungatur homicidio & adulterio.

1 Vbi præmittendum primò, Furtum dici vel à Furuo, id est nigro, eò quod clam & obscurè fiat, & plerumque nocte, vel à Fraude, vel à Ferendo, vel à Græco sermone, qui *ῥῥῥῥῥ* fures appellant, similiter à Ferendo, *l. 1. D. h. t. Alciat. 1. Disput. cap. 19.* Secundò, quamlibet illicitam rei alienæ acceptionem siue occupationem generaliter vocari Furtum & Rapinam, *can. Si quid xiv. q. 5. vbi dicitur, Si quid inuenisti, & non reddidisti, rapuisti.* Sic *Exod. 20.* & in Decalogo, dum prohibetur furtum, omnis iniqua rei alienæ usurpatio, siue sit furtum, siue rapina, siue usura, siue alia, nomine furti intelligenda est.

2 Alias furtum & rapina distinguuntur, tamquam duæ distinctæ species, ut patet ex Iustiniano *Institut. De obligat. quæ quasi ex delicto nascuntur in princ.* vbi hæc quatuor Furtum, Rapinam, Damnum, Iniuriam, separa-

separatim enumerat, satis indicans illa naturâ & specie distingui: & ex Iuriscons. in l. 2. §. *si in re D. De vi bonorum rapt.* ubi ait, non minimam esse differentiam inter eum, qui clam facit, & eum, qui vi rapiti idemque probatur ex Philosopho lib. 5. *Ethic. cap. 2. circa finem*: & denique hac ratione, quia furtum ex sua ratione dicit acceptionem rei alienæ, clam factam, & ignorante domino; rapina verò eodem confcio, ac vim patiente; atque ita rapina includit in sua ratione violentiam, quam furtum excludit. Vide Couar. *ad cap. Peccatum p. 2. §. 1. n. 1. & 2. De R. I. in 6.*

Furtum itaq; , prout à rapina distinguitur, est rei alienæ fraudulosa contrectatio, lucri faciendi gratiâ, vel ipsius rei, vel etiam vsus, possessionisve, l. 1. *in fine D. h. t.*

Dicitur, rei alienæ; quia propriæ rei, quatenus propria est, contrectatione, non fit furtum. Dico, quatenus propria est; quia quatenus alteri est communis, commodata, vel oppignorata, potest fieri furtum, eo quòd tunc auferatur & interuertatur illi sua pars, vel vsus, vel securitas, quam in ea re habebat. Ideoque si quis re commodatâ, depositâ vel oppignoratâ aliter utatur, quàm acceperit, furtum facit, dummodò ad hanc animus fraudandi dominum, qui magis inspicitur, quàm res, *can. fin. xiv. q. 6.*

Dicitur, fraudulosa; quia simplex contrectatio non est furtum, nec furem facit, nisi ei fraus sit admixta. Duo autem vel tria includit hæc particula, fraudulosa. Primò, ut contrectans rem sciat esse alienam: nam si putet probabiliter esse suam, aut se habere ius illam contrectandi, non committit furtum, quia est extra dolum & fraudem, sine qua furtum non committitur, l. *Qui iniuria 53. D. h. t. l. Furtum 37. D. De vsucap.* Secundò, ut contrectatio fiat inscio & inuito domino: nam qui contrectat rem, domino volente & consentiente, aut putans probabiliter dominum consentire, siue verè siue falsò id putet, furtum non facit, l. *De eo 63. D. De donat. inter vir & uxorem, l. Inter omnes 46. §. rectè 7. D. h. t.* volenti enim & consentienti non fit iniuria: nec quis fraudare eum dicitur, qui scit & consentit, l. *Quod autem 6. §. præterea D. Quæ in fraudem credit. &c.* In dubio autem intelligitur quis inuito & verante siue non consentiente domino contrectare rem, quando dominus ignorat, l. *Qui rapt 48. §. quod si dominus D. hoc t.*

Per hanc itaque particulam à definitione furri excluditur rapina: nam licet hæc fiat etiam lucri faciendi gratiâ, &c. tamen non fit occultè & fraudulenter, sicut furtum, sed apertâ inuasionem, per vim & armam, ut patet ex Tit. *D. De vi bon. rapt. & Ad L. Iul. de vi priuat.* Satisque colligitur ex dictis, non necessariò adijci definitioni clausulam, *inuito domino*, quia hæc includitur in dictione, *fraudulosa*.

Dicitur, *contrectatio*; quod est genus definiti: nam omne furtum est *contrectatio*, non è *contra*, ut patet ex dictis. Nec sufficit animus seu conatus *contrectandi* ad furem constituendum, *l. 1. §. inde sola cogitatio, l. Vulgaris §. qui furti D. h. t. l. 3. §. si verum D. De acquir. vel amitt. possess.* Ideoque si quis intrauerit alienam domum furandi animo, & nihil adhuc *contrectarit*, non tenebitur actione furti, *d. §. qui furti*; sed iniuriarum aut de vi, si per vim intrauerit, arbitrio Iudicis puniendus, *l. Saccularij 7. D. De extraord. criminib.* Sed nec verbo nec scripturâ quis furtum facit, quia sic non *contrectat* rem, *l. Si quis uxori 53. §. neque verbo 19. D. h. t.* veluti si quis furandi animo neget depositum, neque enim furtum est ipsa infitiatio, licet prope furtum sit, *l. Inficiando 67. D. eod.*

Contrectare autem non tantum est loco mouere & auferre, sed attingere seu atrectare, modò fiat defraudandi dominum causâ. Vnde rei immobilis, veluti fundi, locive fraudulosa occupatio non est propriè furtum, *l. Quam rem 38. D. De vsucap. l. Verum 25. D. h. t.* licet veteres quidam, Masurium & Sabinum secuti, aliter existimarint, *§. 7. Instit. De vsucap. Gellius lib. 11. cap. 18.* Ratio est, quia hæ res *contrectari*, auferri vel occultari, fraudandi dominum causâ, non possunt, *d. l. 25.* Nam *contrectari* est quasi manu tractari, quod non nisi de re mobili dici potest. Et hinc etiam, si quis maioris ponderis quid aperuerit vel refrigerit, quod totum tollere non possit, non est fur totius, sed earum partium tantum, quas tulit, *l. Vulgaris 21. §. item si maioris 8. D. eod.* Hinc insuper rei incorporalis non fit furtum: veluti, si quis fraudulosè impediatur, ne vicinus suâ seruitute utatur, quia res incorporalis nec tangi nec *contrectari* potest, sicut nec tradi, *l. Seruus 43. §. incorporalis D. De acquir. rer. dominio.* Ideoque licet quis, interuertendæ possessionis gratiâ, quæ incorporalis est, rem alterius *contrectans*, furtum facere videatur, facit tamen in re corporali, ac mobili, & sic per consequentiam dumtaxat, quatenus sublatâ re corporali interuertitur ius incorporale, quod alter in ea re habet.

Dictum fuit, lucrandi causâ; quia qui ancillam alterius celat vel abducit libidinis causâ, non dicitur facere furtum, *l. Verum 39. D. eod.* nec enim factum quæritur, inquit Vlpian. sed causa faciendi: causa autè faciendi libido fuit, non furtum. Excusatur proinde à furto etiâ is, qui occultè capit rem alienâ, extremâ urgente necessitate, *c. 3. h. t.* nam tali casu, quis rem alienam accipiendo, videtur accipere quasi propriam vel saltem communem, quia ius posituum cedit naturali, quo omnia sunt communia. Alioquin non multum vrgens necessitas non excusat; eoque casu capiens rem pœnitere debet & puniri mitius, *d. c. 3. & ibid. Glos. Vide Couar. in c. Peccatum p. 2. §. 1. n. 3.* Similiter non est

non est dicendus fur, qui compensandi causâ, dum aliter suum recuperare nequit, rem alienam capit.

Additum fuit, vel ipsius rei, etiam minimæ, *d. l. Quam rem in fine* ut scilicet illam totam sibi habeat.

Additum quoque fuit, vel usus eius; sic enim, qui re commodatâ, depositâ aut oppignoratâ alteri, aliter vitur, quàm acceperit, furtum facit, §. *furtum autem fit Institut. eod.*

Non solum autem furtum committit is, qui rem alienam surripit, sed & qui spe lucri furem recipit & celat, *c. 4. h. t. l. Qui vas 48. §. 3. D. eod. Gomel. lib. 3. Var. resol. cap. 5. n. 15.* Teneaturque quilibet furti conscius iudici ex officio in furem inquirenti, vel etiam ad instantiam partis læsæ, secundum Canones, indicare furem, *d. c. 4. Gutierrez lib. 1. Can. quæst. c. 11.* Estque recepta vlu praxis monitionum seu mandatorum ad finem reuelationis, ut aiunt, idque in subsidium, & quando veritas aliter haberi non potest, Conc. Trid. *Sess. 25. cap. 3. De reformat. Gutierrez d. loco, Marra De iurisdic. p. 3. cap. 4. n. 49. & seqq. Piafec. p. 2. c. 4. art. 13. n. 14.*

§. II. De furti generibus & poenis.

1. *Furtum aliud manifestum, aliud non manifestum.*
2. *Item aliud diurnum, aliud nocturnum &c.*
3. 4. *Pæna furti de iure Ciuili & Canonico.*

Furtorum duo sunt genera, manifestum & nec manifestum. Manifestum est, quando fur deprehenditur cum re furtiua, antequam eò loci pertulerit, quò destinarat eo die, quo furtum fecit, manere cum re furtiua, *l. 4. D. h. t. siue deprehendatur in ipso actu furandi, siue in loco, in quo furtum fit, siue in alio, modò deprehendatur priusquam ad locum destinarum peruenerit.* Furtum nec manifestum est, quod non est manifestum: nam furtum nec manifestum in Legibus XII. Tab. idem est, quod non manifestum.

Vtrumque hoc genus ex adiunctis, alijsque circumstantijs, variè diuiditur: nam aliud dicitur Conceptum, aliud Oblatum, de quibus §. 4. *Institut. eod.*

Ex tempore, aliud dicitur Diurnum, aliud verò Nocturnum.

Ex persona furis, aliud dicitur Domesticum, quod scilicet sit patri-familias ab aliquo de familia, v. g. ab vxore, quod peculiariter rei amoris nomine appellatur; vel à seruis aut liberis vel ministris: aliud dicitur non domesticum, cuiusmodi sunt reliqua.

Ex loco, aliud fit in tumultu v. g. incendij, ruinæ, naufragij, &c. &

hoc grauius est cæteris, quia tum maior occasio est furandi, cum quis res suas minùs valet custodire, *l. 18. Cod. eod.* aliud fit in balneo, unde balnearij fures, qui furantur vestimenta eorum, qui sunt in balneo aut se lauant; quod ex eadem causa grauius est.

Aliud denique est arborum furtim cæsarum: aliud gregis, quod Abigeatus dicitur: aliud simplex, aliud improbum, aliud improbius. Quorum distinctiones seruiunt ad exaggerandam vel leuandam pœnam.

- 3 Pœna autem furti manifesti de iure Ciuili, extra seu præter rei furtiæ persecutionem, est quadrupli, nec manifesti verò dupli. Persequimur autem rem aut conditione furtiuâ, aut rei vindicatione, aut actione ad exhibendum. Inter quas & furti actionem quid intersit, vide Interpp. *ad Institut. Iustin. h. t.* sicut & aduersus quos habeat locum utraque pœna & actio furti. Sed & criminaliter ad vindictam publicam de furto agi potest: & quidem iure Ciuili extra ordinem ad pœnam arbitariam, *l. fin. D. eod. l. fin. D. De priuatis delictis.* Hodie verò ex Frederici Imp. Constitutione, in §. *si quis quinque solidos De pace tenenda, in vñb. Feudor.* qui rem quinque solidis valentem, aut plus, fuerit furatus, laqueo suspendi iubetur; sin minùs, scopis & forcipe excoriari ac tundi. Quod & vsus passim n̄ ferè recepit. Vide Welenb. *D. ad h. t. circa finem, & Conar. Var. resolut. lib. 2. cap. 3.*

- 4 At verò iure Canonico Clericus, in furto grauiori captus, & de eo conuictus, siue per sententiam, siue per confessionem, siue per euidentiam rei, deponitur, *can. Presbyter Distinct. 81. iuncta Glos. ibid. in v. captus;* verbaliter scilicet, ut notat Ioan. And. *inc. Tua inf. De pœnis, Abbas inc. At si Clerici sup. De iudicijs:* & in monasterium detruditur, *d. c. Tua, Hostien. in Summa h. tit. §. fin.* Insuper efficitur infamis, sicut laicus, condemnatus in foro sæculari: nam quicumque fit infamis secundum leges, etiam fit infamis secundum Canones, *arg. can. Infames VI. q. 1. Dixi, in furto grauiori;* quia pœna ista non est imponenda, quando est furtum parui momenti.

TITVLVS XIX.

De Vfuris.

§. I. Vsuræ quid sit, & quot modis accipiatur.

1. *Vsuræ quid sit.*
2. 3. *Quot modis accipiatur: & definitio eius enucleata.*
4. *Antichresis iure Ciuili licita, & Canonico prohibita.*

Furto

FVRTO proxima est vsura: nam & species est rapinæ. *Si quis. 7.*
vsura xiv. q. 2. imò non minùs crudelis est, qui trucidat paupe-
 rem fœnore, quàm qui subtrahit aliquid vel eripit diuiti,
can. Quid dicam xiv. q. 4. & ex eodem fonte manat, quo fur-
 tum, nempe ex auaritia, teneturque vsurarius non minùs, quàm fur,
 ad restitutionem, *c. Cum in 5. c. Te nos 9. c. Consuluit 10. & alij h. tit.*
 adedò vt quamuis debitor iuraret creditori se vsuras solutas non repe-
 titurum, ad earum tamen restitutionem per Iudicem Ecclesiasticum
 compelli debeat, *c. Quia frustra 14. h. t.*

Vsura, si propriam notionem spectes, idem valet, quod vsus: vnde
 & Latine dicimus, quem habere vel alicui eripi vsuram huius lucis;
 & Cicero alibi, natura, inquit, dedit vsuram vitæ, sicut pecuniæ. Inde
 transfertur ad significandum incrementum, quod tanquam fructus
 prouenit ex vsu cuiusque rei. Ita Cicero de senect. *Terra nunquam sine*
vsura reddit, quod recipit. Hinc factum est, vt lucrum, quod ex vsura
 seu vsu pecuniæ prouenit, tam sacri Canones quàm leges vsuram ap-
 pellent: hoc tamen discrimine, quòd leges ciuiles vsuram magis in pe-
 cunia numerata constituent, aliàs autem res, quæ iure accessionis ve-
 niunt, in vicem vsuram accipi velint, *l. Si is qui §. 1. D. De pignorib. l.*
Si ea pactione 4. l. Si ea lege 17. Cod. h. t. ius verò Canonicum in quauis
 accessione lucri supra sortem principalem, vt patet ex *can. Consuluit*
xiv. q. 3. per tot. siue expressè siue tacitè hoc lucrum conceptum sit.
 Idem lucrum etiam vocatur Fœnus, *l. Improbum Fœnus Cod. Ex quibus*
causis infamia &c. & toto Tit. D. & Cod. De nautico fœnore; à fœtu scili-
 cet seu fœtura quadam pecuniæ parientis atque incrementis, vt ait
 Varro apud Gellium *lib. 16. cap. 12.* & Græcè eadem ratione Τόκος
 appellatur, quasi sit quidam partus, seu fructus pecuniarum, vt auctor
 est Aristot. *1. Polit. cap. 7.* Et hinc Fœnerare & Fœnerari, *can. 1. xiv.*
q. 3. l. Qui sine D. De negot. gestis & similibus: quæ tamen non semper ca-
 piuntur in malam partem, vt Deuter. 19. *Fœnerabis gentibus multis &*
nullo fœnus accipies, id est mutuabis: Ecclesiast. 29. *Fœnerare proximo*
duo in tempore necessitatis.

Tripliciter autem nomen Vsuræ hoc Tit. capitur; Primum, pro 2
 voluntate ineundi contractum vsurarium seu percipiendi lucrum ex
 mutuo ultra sortem; sicque nihil est aliud, quàm voluntas capiendi
 lucrum supra sortem ex vi mutui. Nam & solâ voluntate seu intentio-
 ne vsuram committi patet ex *c. Consuluit 10. h. t.* & illis Christi verbis,
Lucæ 6. Mutuum date, nihil inde sperantes; siue scilicet principaliter,
 siue minùs principaliter, tanquam pretium mutui, seu tanquam debi-
 tum ex obligatione iustitiæ propter mutuum seu ex mutuo nata: quia
 per mutuum nulla ad tale lucrum nascitur obligatio, & ideo iniquum
 est illud

est illud sperare, tanquam ex obligatione iustitiæ per mutuum inducta. Secundò sumitur pro ipsa conuentione seu contractu usurario, quo lucrum ultra sortem ratione mutui paciscimur aut saltem speramus, *c. 3. & 4. h. t.* Hinc dicimus usurarium contractum, usurarium negotium, *d. l. Qui sine in fine & l. Si pupilli in fine D. De negot. gestis*; sicque nihil est aliud, quam mutuario expressa vel implicita cum pacto reddendi aliquid ultra sortem ratione mutui. Tertio pro ipso lucro usurario. Hoc pacto dicuntur usuræ solui vel restitui, *c. Cum tu §. c. Preterea 7. h. t.*

- 4 Et hoc modo accepta Usura definiri potest lucrum immediatè proueniens ex mutuo. Nomine lucri intelligitur acquisitio alicuius rei supra sortem pecuniâ æstimabilis, vel aliàs indebitæ. Ideoque si alicui mutues, ut tibi desinat iniquè nocere, vel debitum antiquum soluar, aut reddat depositum, non erit usura, quia nihil acquirit debitum, *c. 1. in fine h. t.* Similiter non est usura, si mutues alicui, ut amicitiam vel fauorem eius consequaris, licet inde aliquid emolumenti vel beneficij speres, quia amicitia non æstimatur pecuniâ. Contrà verò, si mutuum dederis, eoque nomine pignus accipias, eo pacto adiecto, quodd interea, dum mutuum non erit exsolutum, fructus ex pignore percipias ultra sortem tanquam lucrum usuram committis, *d. c. 1. & 2. h. t.* quam ut euites debes eos in sortem imputare, id est quantum fructuum perceperis, tantum de sorte diminuere, *c. Conquestus h. t.*

Et in hoc differt ius Pontificium à Ciuili: nam iure Ciuili fructus pignoris pacisci, donec mutuum exsolutum fuerit, licet; & vocatur hæc usura antichresis, id est reciprocus vsus, nempe quasi tu debitor utaris meâ pecuniâ, & ego interea re tuâ, *l. Si pecuniam 32. D. De pignorat. actione, l. Si ea 17. Cod. h. t.* Idque eâ ratione, quia incertus sit fructuum proventus ex re oppignorata, & fieri possit, ut non tantum commodi ex fructibus pignoris percipias, quantum lucratus fuisses pecuniâ mutuata, si eâ interea in aliqua negotiatione vsus fuisses.

Additū fuit in definitione, immediatè; quia hoc lucrum prouenire debet immediatè ex vi mutationis: nam si immediatè proueniat ex amicitia, vel gratitudine, vel spe alliciendi mutuantem ad continuandum mutuum, vel ratione periculi, cui mutuum exponitur, vel ratione laborum & impensarum, quæ probabiliter timentur in mutuum recuperando, vel denique ratione damni emergentis aut lucri cessantis, non erit usura. Et hinc fit, quòd, licet pactio inter debitorem & creditorem, ut tam diu creditor lucretur fructus pignoris quandiu mutuum non redditur, sit usura, *c. 1. 2. & c. Conquestus 8. h. t.* nihilominus tamen directus dominus fructus feudi vel rei emphyteuticæ,

uenticæ, sibi à vasallo vel emphyteuta pro debito oppignoratæ, legitimè percipiat, nec in sortem imputare teneatur, *c. 1. sup. De feudis*. Ratio est, quia contractus feudalís & emphyteuticus inter alias tacitas conditiones, cum quibus semper censetur celebrari, nisi contrarium exprimat, habet & hanc, vt si feudum vel fundus emphyteuticus oppignoretur directo domino, possit ipse percipere fructus, idque ne res apud directum dominum existens fructificet alteri; quod non videtur rationi consonum. Similiter gener fructus possessionum seu agrorum, pro dote promissa obligatorum, rectè percipit, nec in sortem aut dotem imputare tenetur, *c. Salubriter 16. h. t.* Ratio est, quia non fuit mens soceri, vt ratione horum fructuum dos minueretur, sed vt gener frueretur illis ad sustinenda onera matrimonij, donec illi dos representaretur; atque ita ex alia causa, quàm ex vi mutui eos percipit. Alioqui si constaret rem esse oppignoratam in securitatè dumtaxat dotis, nulla subesset ratio fructus illos retinendi, nisi ratione lucris cessantis.

Vt autem censeatur ex vi mutui provenire lucrum usurariū, requiritur, vt mutuator intenderit mutuatarium ex vi pacti mutationis obligare obligatione iustitiæ, qualis per pactum induci solet, vel certè, vt mutuatarius putet hanc fuisse mentem mutantis, *Less. 2. De iustitia cap. 29. Dubitat. 2.*

Dictum quoque fuit, ex mutuo proveniens; quia in eo propriè locum habet usura, *can. 1. cum seq. xiv. q. 3.* & patet ex citatis Christi verbis. Ratio est, quia in mutuo trāsferitur rei mutuatæ dominium in accipientē: ideo enim iniquum est pro usu rei, iam alterius factæ, aliquid exigere aut sperare. In alijs verò contractibus non habet usura locum, nisi quatenus in ijs mutuum implicitum (quod ad usutam sufficit, *c. Consuluit. 10. h. t.*) continetur, ratione cuius proinde plures alij contractus usurarij fiunt. Sic enim venditio rei pluris iusto pretio ob dilationem solutionis, & emptio minoris iusto pretio propter anticipatam solutionem est usuraria, *c. In ciuitate 6. d. c. Consuluit & cap. fin. h. t.* quia venditor concedens dilationem, implicitè emptori mutuat pretium vsque ad tempus solutionis; & dum emptor anticipat solutionem, implicitè mutuat vsque ad tempus traditionis. Et hoc mutuum Interpretes vocant obliquum seu breui manu contractum. Magis autem spectandum est, quod agitur, quàm quod simulatè concipitur, *l. Insulam D. De præscriptis verbis, toto Tit. Cod. Plus valere, quod agitur & c.* Similiter usuraria est venditio, quando eidem apponitur pactum de recipienda re post certum tempus, modico constituto pretio, *c. Ad nostram 5. sup. De empt. & vendit.* vel quando quis emit rem aliquam, eo adiecto pacto, vt post tempus restituat eam venditori, recipiendo aliquid ultra sortem, fructibus, quos percepit, in ea

H h h h h

compu-

computatis, c. 111o 4. sup. De Pignorib. Aliud dicendum de venditione rei pluris iusto pretio ob dilatam solutionem, si verisimiliter dubitetur, an res, quæ venditur, plus minusve solutionis tempore sit valitura, nec venditor ante tempus illud venditurus: nam his duabus conditionibus concurrentibus licita est venditio, nec usuram continet, d. c. In ciuitate. Idq; propter dubium euentum maioris vel minoris pretij tempore solutionis, quia vtrinq; emptori & venditori emolumento vel damno esse potest, c. fin. h. t. Facit l. Si ea Cod. eod. & quod de iactu retis & fructibus futuris emendis respondit Pompon. in l. Nec emptio 8. D. De contrahenda emptione.

§. II. Quibus modis diuidatur Usura.

1. *Usura alia est Mentalis, alia Realis.*
2. *Realis vel Formalis vel Virtualis*
3. *Item alia est Lucratoria, alia Punitoria, alia Compensatoria.*
4. *Rursus alia Centesima, alia Trientalis, Bessalis &c.*

Primò diuidi potest in Mentalem & Realem. Mentalis est, quando quis mutuatur eo animo & intentione, vt lucrum ex mutuo accipiat, citra conuentionem, expressam vel tacitam, cum mutuatario, de tali lucro percipiendo. Realis est, quando quis mutuatur cum pacto expresso vel tacito de lucro ex mutuo percipiendo.

Vnde subdividi potest in Expressam & Tacitam. Expressa est, quando pactum interuenit expressum de lucro ex mutuo percipiendo. Tacita, quando solum tacitum adest pactum; veluti, si Titius solitus sit mutuare cum usuris, & mutuans Caio, dicat eidem, Scis consuetudinem meam in mutuando.

2. Secundò diuidi potest Realis Usura in Formalem & Virtualem. Formalis, in qua interuenit formaliter mutuum, cum lucro ex eo: veluti, si mutues Caio centum, vt elapso anno centum & quinque recipias. Virtualis est, in qua mutuum interuenit tantum virtute & implicite, prout interuenire diximus in venditione rei pluris iusto pretio ob dilatam solutionem, & in emptione minoris iusto pretio ob anticipatam solutionem.

3. Præterea diuidi solet Usura in genere à Iurisconsultis in Lucrativam, Punitivam, & Compensativam. Lucratoria dicitur, quæ merum lucrum continet, de qua hic agimus. Punitoria, quæ continet pœnam aliquam, soluendam per mutuatarium, propter eius in mutuo reddendo moram. Compensatoria, quæ exigitur pro mutuo ratione iusti interesse, damni scilicet emergentis vel lucri cessantis, vel ratione periculi, laboris, aut expensarum, quæ probabiliter timentur in recuperando mutuo.

4. Deniq; diuidi possunt Usuræ pro diuersa earum taxatione & moderatione.

ratione. Hinc aliæ dicuntur Centesimæ, quæ assis locū obtinent; ita vt reliquæ ad centesimam vsurā redigantur, & in partes assis distinguantur. Appellatur autem Centesima, non quòd centesimo mense æquet sortem, vt nonnulli tradiderunt, sed quòd vsura siue quantitas menstrua sit centesima pars sortis, l. Eos Cod. De naut. fœnore, l. 4. D. eod. tit. l. fin. D. De iure dotium; hoc est, Centesima vsura est, quando in centum quolibet anno soluuntur duodecim, ita vt singulis mensibus pro centū denarijs singuli pendantur denarij: nam veteres stipulabantur vsuras in singulos menses. Duodecima autem pars, quæ quolibet mense soluebatur, est illa, quam Corn. Tacit. 6. Annal. & Liuius lib. 7. vocat vnciam vsurā, quia est pars duodecima centesimæ seu vncia ipsius assis; diximus enim centesimam vsuram esse assem vsurarum. Aliæ dicuntur Trientes, & sunt tertia pars centesimæ, quæ scilicet pro centum quotannis quatuor reddunt, l. 7. §. qui autem De administrat. tutorum, l. 3. in fine D. Ad L. Falcidiam. Aliæ Bessales, quæ sunt duæ trientales centesimæ partes, quando pro centum penduntur octo annua, d. l. Eos. Aliæ Semisses, quæ sunt dimidia pars centesimæ, & quolibet anno sex pro centum reddunt, d. l. Eos l. Alumna 30. D. De adimen. legatū. Sunt item aliæ Quincunces, quæ quintam centesimæ reddunt, nempe quinque pro centum quolibet anno, l. Cum quidam 17. in princ. D. De vsuris. Aliæ Quadrantes, cū tres quotannis soluuntur, l. Liberto 2. §. 4. D. De annui & mensuis legat. Aliæ Septunces, cū septem; aliæ Dodrantes, cū nouē; aliæ Dextunces, cū decem præstantur: ita tamen, vt quatenus in specie sua excedunt, reuocentur ad modum à Iustiniano præscriptum in d. l. Eos.

§. III. Quo iure vsuræ sint prohibitæ.

1. 2. 3. Prohibita sunt iure diuino, naturali & Canonico.

4. Iure Ciuili quatenus permissa.

5. Iure Iustiniano posteriori non esse prohibitas.

6. Anacostismus id est vsura vsurarum sublata à Iustiniano.

7. Fœnus nauticum iure Canonico non omnino improbatum.

QUæritur hîc de solis lucratorijs: nam compensatoriæ, quibus venit omne, quod abest, siue ratione damni emergentis, siue ratione lucri cessantis, & punitoriæ non sunt aliquo iure prohibitæ, dommodò res ex veritate geratur, nec quidquam fiat in fraudē vsurarū. Et proinde requiritur, vt in punitorijs debitor verè sit in culpa, non soluendo; pœna sit moderata, iuxta mensuram culpæ, & insuper vt mora sit notabilis, in quo tamen spectanda negotij qualitas & mos prouinciæ. At verò lucratorias prohibitas esse satis constat ex Clement. vnica §. vlt. h. t. & ex varijs Scripturæ locis: Ideoque solum dubitatur, quo iure sint prohibitæ.

1 Et quidem Primò prohibitas esse de Iure diuino, tam veteri quàm nouo, patet ex 6. *Quia in omnibus 3. & seq. b. t.* Item *Psal. 14.* in quo dicitur eum, qui pecuniam suam non dederit ad vsuram, habitaturum in monte sancto Domini, à contrario sensu, Et *Ezechel. 18.* vbi dicitur de eo, qui dederit ad vsuram, quòd non viuet. Et in nouo Testamento, ex verbis Christi citatis *Luca 6.*

Nec obstat illud *Deuter. 23.* *Non fœneraberis fratri tuo ad vsuram pecuniam, nec fruges nec quamlibet rem alienam;* quasi ab infidelibus vsuras exigere liceat: quia dicendum, solùm fuisse permissas vsuras erga infideles, vel maioris mali euitandi causâ, ne fratres suos vsuris exhaurirent, vel quia Infideles erant hostes Iudæorum, quos proinde poterant rebus suis siue artificio siue aliter priuare.

2 Secundò, prohibitas esse Iure naturali constat ex eo, quòd contra ius naturale sit, vt idem bis seu duplici pretio vendatur; & vt vendatur, quòd non est vendentis, sed emproris. Iam autem qui vsuras accipit, vel eas accipit pro sorte, & sic pro eadem re accipit duplex pretium, nempe sumnam sorti æqualem, & insuper vsuram: vel accipit pro vsu sortis, & sic vendit alteri vsum rei non suæ, sed ipsius mutuatarij in quem per mutuum translatus est dominium, & consequenter vsus rei. Adde, quòd pecunia nullum ex se fructum pariat, sicque nihil sit in mutuo, pro quo lucrum possit exigi ultra sortem principalē: quandoquidẽ vsus rei mutuatae non distinguatur à substantia rei, si æstimatio spectetur, quia vsus illius est alienatio, & quasi consumptio substantiæ; ideoque non potest pro vsu & pro substantia accipi distinctum pretium. Vide *Couar. 3. Variar. resol. cap. 1.*

3 Tertio, esse similiter prohibitas Iure Canonico patet ex *xii. q. 3. & 4. & hoc Tit. Decretal. eodemque in 6. & in Clement.*

4 De Iure Ciuili res non est ita expedita. Nam in primis de iure *Digest. & Cod.* permissas fuisse vsuras, dummodò immodicæ non essent, docet *Couar. d. loco: & patet ex l. Placuit 26. & duabus seqq. D. b. t. l. Eos & duabus seqq. Cod. eod. l. Lecta 46. D. De reb. cred.* diuersas tamen pro diuersitate personarum & temporum. Nam centesimas fœnerari potuisse deprehenditur ex *d. l. Lecta & l. Si promissa Cod. Si certum petatur.* Verùm Iustinianus in *d. l. Eos Cod. b. t.* rem ad æquissimam proportionem reducens, centesimas permisit dumtaxat in tractatitia pecunia, id est quæ mare traijcienda est periculo mutuantis, quæ ideo vsuræ nauticæ & fœnus nauticum appellantur; personis verò illustribus trientes concessit; bestiales mercatoribus, & ijs solùm, qui præerant ergasterijs, id est officinis operarum; semisses denique reliquis personis, præter nominatas.

5 Verùm dubitatur, an eodem iure permissæ fuerint vsuræ, tanquam licitæ,

licitæ, vt existimant quidam, eo argumento, quòd ad eas exigendas concessa fuerit actio, si modò per stipulationem de eis conuenisset, vt patet ex l. 1. & 2. & alijs Cod. eod. an verò ob bonum publicum dumtaxat, ad euitanda maiora mala, sicut permittuntur lupanaria. Rursus controuertitur, an posteriori iure Iustinian. ista concessio non sit reuocata? Reuocatam existimant quidam, quia in l. 1. Cod. De summa Trinit. fateatur Iustinianus se velle viuere secundum legem beati Petri, Romanis traditam: & in Nouel. De Ecclesiast. titulu in princ. approbet quatuor Concilia generalia, Nicenum, Constantinopolitanum, Ephesinum & Chalcedonense, præcipientes obseruari sacras sanctiones eorundem. Constat enim in Concilio Niceno expressè prohibitas & damnatas esse vsuras, *can. Quoniam Distinct. 47.* ita Gutierrez lib. 2. *Can. Quæst. cap. 18. n. 7. & 8.* Verùm non planè sublatas esse, alij existimant, quasi dictum Conciliu loquatur tantum de Clericis, nec ad laicos pertineat: & tam d. l. 1. quàm approbatio Iustiniani tantum intelligatur quoad materiam fidei Catholicæ, non etiam quoad ea, quæ idem Imp. alijs legibus statuerat. Quibus accedit, quòd ex d. Nouel. constet, certo modo vsuras esse permissas: & in Nouel. 130. permittantur vsuræ nauticæ.

Sustulit tamen Iustinianus in l. vlt. Cod. h. t. omnem anatocismum, 6 id est vsuras vsurarum, quæ nascuntur ex eo, quòd vsuræ nondum solutæ annumerentur sorti, & pariant similiter lucrum; quod rursus adijcitur, & parit lucrum aliud, & sic in infinitum.

Cæterum omnes leges ciuiles, quatenus vsuras approbant, & actionem ad eas exigendas concedunt, sunt per ius Canonicum correctæ & damnatæ, tamquam illicitæ, vt patet ex plurimis Canonibus. Quin imò excommunicantur Iudices, cogentes ad earum solutionem, *Clement. vnica eod.*

Obseruandum tamen, quamuis ius Canonicum vsuras, vt illicitas, 7 improbet; & in c. Nauiganti vlt. h. t. rescribat Pont. censendum esse vsurarium eum, qui nauiganti vel eunti ad nundinas certam mutat pecuniæ quantitatem, pro eo, quòd suscepit in se periculum, recepturus aliquid ultra sortem: tamen per hoc indistinctè non improbari fœnus nauticū. Etenim vel improbat ibi Pont. centesimas dumtaxat, quæ iure Ciuili in pecunia traiecitia permittebantur: vel de eo loquitur, qui volebat aliter nauiganti mutuare pecuniam, quàm suscipiendo in se periculum, lucri alicuius capiendi causâ: eum enim tunc lucrum principaliter intendatur, & proneniat ex mutuo, erit verè vsurarium. Secus dicendum, vbi sponte debitor eum creditore conuenit, vt is suscipiat in se periculum, constitutâ certâ mercede periculo proportionatâ: id enim licitum esse docet Couar. d. l. 3. Variar. res. c. 2. n. 5.

§. IV. De pœnis vsurariorum.

1. 3. Tenentur omnes vsurarij ad restitutionem, etiam mentales.
2. Etiam si iurasset debitor se non repetiturum.
4. Etiam criminaliter puniri possunt.
5. Sunt infames: sunt excommunicandi, suspendendi ab officio.
6. Non habent testamenti factionem &c.

1 **C**um vsuram dixerim proximam esse rapinæ, *can. Si quis vsuram* xiv. q. 4. vsuralque accipere iure diuino, naturali, & humano vetitum sit; nec dimittatur peccatum, nisi restituatur ablatum, *cap. Cum tu* 5. h. t. tenentur in primis omnes vsurarij, tam reales quàm mentales, tam occulti quàm manifesti, ad restitutionem vsuratum; etiam Iudæi, *c. Post mirabilem* 12. & c. penult. h. t. Ea-que obligatio transit & ad hæredes eorum, pro parte hæreditaria, *d. c. Cum tu* c. Tua nos 9. h. t. Quin imò licet nihil ad eos peruenerit, tamen satisfacere compelluntur iure Pontificio, iuxta facultates defuncti, ut saltem hoc modo expietur peccatum vsurarij, *c. ult. sup. De sepult. c. In litteris sup. De raptorib.* Quod cum concernat fauorem & salutem animæ, etiam iure ciuili seruandum erit, *arg. c. fin. sup. De prescript.* licet aliàs de iure ciuili pœna personam delinquentis non egrediatur, *l. Sancimus Cod. De pœnis*; nec hæredes ex delicto defuncti conueniantur, nisi quatenus aut ex delicto ad eos peruenit, aut lite cum defuncto contestatâ, *l. unica Cod. Ex delictis defunctor. §. non autem.* Vide Couar. 3. Var. resol. c. 3. n. 7. & Gutierrez lib. 2. Can. Quest. c. 18. n. 46.

2 Prædicta adedò obtinent, ut, licet debitor iurauerit se soluturum vsuras, aut non repetiturum, quod earum nomine soluerit, nihilominus creditorem vsurarium, compellere possit, ut vel remittat iuramentum, si nondum soluerit vsuras, *c. 1. sup. De iureiuran. c. Tuas* 13. h. t. vel solutas restituat, impetratâ prius absolutione à iuramento, vel eius remissione à creditore, idque officio Iudicis per censuram Ecclesiasticam.

3 Hæc rursus obtinent etiam in vsurarijs mentalibus, *c. Consuluit* 10. h. t. Nec obstat *c. fin. §. 1. sup. De simonia*, ubi qui nullo pacto, sed solo animi affectu Simoniam commisit, non obligatur ad accepti restitutionem, sed solâ pœnitentiâ abolet delictum: quia diuersa est ratio, nam quod in vsura datur, coactè datur; quod verò in simonia, ultro datur. Præterea in vsura turpitudine solùm est ex parte accipientis; in simonia verò ex parte utriusque: in pari autem delicto potior est conditio possidentis, *c. In pari De R. l. in 6.* nisi aliud lex specialiter disponat,

nat, prout disponit in Simonia reali, nō etiam in mentali, ad quā dispositio in reali, tamquam pœnalis extendi non debet, *c. Odis De R. l. in 6.*

Quantum ad pœnam criminalem attinet, ea de iure Ciuili est arbitraria, vt docet Iul. Clar. § *Vsura*. Et sicut contra vsurarium agi potest criminaliter, ita & ad torturam pro eruenda veritate deuenire licet, vbi legitima exstant indicia, Pet. Gaball. *Resolut. criminal. casu 188. n. 6.*

Insuper vsurarij manifesti, id est facti vel iure tales, sunt infames etiam iure Ciuili, *l. Improbum 20. Cod. Ex quibus causis infamia irrog. can. Infames 111. q. 2. in fine*. Dicitur autem manifestus vsurarius facti, qui palam vsuram exercet, ita vt nulla tergiversatione id negare queat: Iure verò, qui vel hoc crimen confessus est in iure, id est in iudicio, vel de eo per sententiam Iudicis condemnatus, *c. fin. sup. De cohabitatis Clericor. c. Cum olim & c. Super inf. De verb. signif.*

Iure insuper Canonico vsurarij, si laici sint, iubentur excommunicari; sin Clerici, suspendi ab officio & beneficio, *c. Præterea 7. h. tit. imò & deponi, c. 1. h. t. can. 4. & 8. xiv. q. 4.*

Præterea vsurarius manifestus neque ad communionem altaris, id est perceptionem Eucharistiæ, neque ad Ecclesiasticam sepulturam, neque ad oblationes admitti debet, *c. Quia in omnibus 3. h. t. & qui oblationes à talibus acceperit, eo ipso suspensus est ab officio, donec ad arbitrium Episcopi satisfecerit, acceptumque compellitur restituere, d. c. 3. h. t.* Qui verò scienter sepulturæ quæ tradiderit, ipso facto est excommunicatus, nec absolendus, donec arbitrio Episcopi satisfecerit, *Clement. 1. De sepuls. Vide Less. 2. De iustit. c. 20. Dubitat. 22.*

Sed nec admittendus est ad confessionem suorum peccatorum, nec ad testamenti factiōem, priusquam vsuras restituerit, vel de restituendis idoneè, id est pignoribus vel fideiussoribus datis, cauerit, iuxta modum, qui statuitur in *c. 2. eod. in 6.* Præterea Ecclesiastici non possunt vsurarijs manifestis alienigenis seu externis elocare domos, concedere illis habitationem in terris suis: imò tenentur eos expellere intra tres menses sub pœna suspensionis ipso facto, si sint Episcopi; excommunicationis verò, si sint minores Episcopis; interdicti autem, si sit collegium vel vniuersitas. Sed & Clemens V. *Clement. 1. h. t.* certas pœnas statuit in Potestates, Capitaneos, Rectores, Iudices, Consiliarios, aliosque officiales communitatum, qui de vsuris soluendis vel non restituendis statuta condunt, dictant vel scribunt, vel secundum ea pronuntiant. Vide Couar. 3. *Var. cap. 3.*

TITVLVS XX.

De crimine falsi.

§. I.

1. *Falsum & Falsitas quid sit.*
2. *Falsi crimen quâ ratio punibile sit.*
3. *Falsum committitur dicto, facto, scripto, & alijs modis.*

Hoc crimine proximus vel maximè in bonis & rebus exterioribus læditur : de quo proinde ordo postulat, vt agamus, præsertim cum inter præcepta legis diuinæ etiam hoc sit, *Non occides, Non machaberis, Non furtum facies, Non falsum testimonium dices.*

- 1 Falsitas secundum Iustinian. in *Nouella 73. in princ.* nihil est aliud, quàm veritatis mutatio, vel potius immutatio. Et falsum nihil aliud, quàm quod veritatem imitatur, & tamen verum non est: vt rescriptum, quod non est Papæ, & tamen videtur esse Papæ, *c. Tua nobis sup. De officio Vicarij.*
- 2 Vt autem criminis punibilis rationem habeat, duo insuper requiruntur; Primum, vt dolo malo seu animo fallendi & corrumpendæ veritatis fiat, *l. 1. l. Impuberem D. h. t. l. Nec exemplum Cod. eod.* Ideoque qui dicit falsum, quod putat verum, falsi crimine non tenetur, quia ream linguam non facit, nisi mens rea, *can. Homines in fine xxii. q. 2.* Secundum est, vt alteri noceat, *Glos. in l. 23. Cod. h. t.* Addi potest & tertium, nempe vt lege aliquâ statutum sit, talem immutationem veri esse punibilem pœnâ falsi, quia non omnis immutatio veritatis, ad alterius deceptionem instructa, falsi crimen habet, *l. Quid sit falsum D. h. t.* Ideo enim post legem Corneliam de falsis tot Constitutiones & Senatus-consulta prodita sunt, vt casus lege Corneliâ non expressi supplerentur, & ad classem falsorum redigerentur.
- 3 Quamquam autem varijs modis falsum committatur, vt varijs exemplis demonstrant Iuris vtriusque varij Tituli & variæ Leges ac Canones: tamen facilioris doctrinæ causâ ad tria vel quattuor capita reuocari possunt. Aut enim committitur falsum dicto, aut facto, seu re aut scripto, aut usu. *Dicto*, vt in teste, qui falsum testimonium dicit, vel verum suppressit dolo malo *c. 1. h. t. l. 1. Cod. eod.* qui grauissimè eo nomine peccat, quod Dei præsentiam contemnat, Iudicem mentiundo fallat, & proximum innocentem falso testimonio lædat, *d. c. 1.* *Facto* committitur, si quis falsam monetam percutiat, in aurum virij

vtij quid, putas vel stannum, iniiciat, nummos radat, pingat, fingat, l. *Quicumque* 8. & seq. D. eod. si pondera aut mensuras publicè probatas corrumpat, dolove malo fraudem faciat, l. *penult.* D. eod. si signum adulterinum faciat, sculpat, exprimat, §. *Item Lex Cornelia De falsis Instituit.* De publicis iudicijs: si duobus in solidum eandem rem diuersis contractibus vendat, l. *Qui duobus* 21. D. eod. si Iudicem corrumpat. d. l. 1. in princ. D. eod. si partum supponat, l. *Qui falsam* 19. D. eod. Scripto committitur, si quis testamentum vel aliud instrumentum falsum scribat, signet, recitet, celet, subijciat, d. §. *Item Lex Cornelia Instituit.* De publicis iudicijs l. 1. §. 4. l. 2. l. *Quid sit falsum* 23. D. h. tit. si in testamento sibi adscribat legatum vel fideicommissum, l. *Si quis legatum*, 6. D. eod. si prodat aduersario instrumenta, apud se deposita: si rasis litteris aliud in locum eius, quod scriptum erat, scribat, cap. *Olim sup. De rescriptis*; modò id faciat in loco suspecto, non aliter, cap. *Ex conscientia ult. h. t.* Vsu denique, si quis falsis litteris vtatur, falsas leges alleget, l. *fin.* D. eod. si falsum nomen aut cognomen sibi vsurpet, illicitis insignibus vtatur, vel falso diplomate vias commeet, pro milite se gerat, l. *Falsi* 13. & l. *Eos qui* 27. D. eod. Pluraque alia horum modorum exempla passim exant in d. Tit. D. & Cod. Inter quæ licet plura sint, quæ propriè falsitatem in se non habeant, tamen ex interpretatione pro falsis habentur, & pœnâ falsi puniuntur: veluti, aperire litteras sigillatas alterius, & potissimum rescripta Principum, cap. *Olim sup. De potestate delegati*: aperire testamenta vel alia instrumenta, apud se deposita, & ostendere aduersario deponentis, aliaque similia. Sic periuri & falsi rei habentur, qui in causis ciuilibus aut criminalibus dicta testium sine Iudicis auctoritate detegunt, iuxta Constitutionem Pij V. incip. *Licet contra*, quam refert Petrus Matth. in VII. *Decretal. lib. 5. tit. 13. cap. vnico.* Plurimis autem modis circa litteras Apostolicas falsitas committitur; quorum decem numerat Pontifex in cap. *Licet* 5. hoc tit. Quo verò pacto Bullæ dicantur falsæ ex mutatione styli, docetur in cap. *Quam graui* 6. eod. quæ de re vide Rebuffum in *Praxi beneficiis Tit. De praxi Cancellaria Apostolica.*

§. II. De poënis falsi.

1. *Pœna falsi de iure Ciuili.*
2. *Item de iure Canonico, & maxime falsificantium litteras Apostolicas.*
3. *Falsitas non presumitur, sed probari debet.*

Pœna falsi vel quasi falsi, id est illius, quod ex Senatusconsulto vel interpretatione prudentum pro falso habetur, ex Iure ciuili in seruis est vltimum supplicium; in liberis hominibus deportatio, & olim omnium bonorum publicatio, l. 1. in fine & l. fin. D. b. t. nam deportatio successit in locum pœnæ, quâ olim aquâ & igne interdicebatur, d. l. fin. soletque bonorum publicationem inducere, l. Bone D. De iure fisci. Hodie verò bonorum publicatio generatim, exceptis certis casibus, sublata est, per Auth. Bona damnatorum Cod. De bonis proscriptis. Indeque factum videtur, vt compositores institutionum, Tit. De publ. indicijs, meminerint tantum deportationis. Subinde tamen pro criminis qualitate remissiùs punitur: veluti, relegatione ad tempus l. falsi 13. l. Qui duobus 21. l. penult. & similibus D. eod. Interdum etiam seueriùs; veluti, pœnâ capitali, vt in crimine falsæ monetæ, l. Quicumque 8. D. eod. in crimine suppositi partus, l. 1. Cod. eod. & similibus alijs.

2. Cæterum hæc pœna falsi ex Iure ciuili, qualiscumque sit, hæredem non tenet, nisi quatenus ad eum peruenit: ideoque si reus, ante crimen illatum aut sententiam dictam, viâ decesserit, cessante lege Corneliâ, scelere quæsitum auferendum est ab hæredibus illius, l. Cum falsi 12. D. eod. nam turpia lucra etiam successoribus auferenda esse constitutum est, l. 5. D. De calumniatoribus, l. 9. D. De iure fisci. Videatur plenius Iul. Clarus 5. Sent. 9. Falsum.

De iure verò Canonico, si quis per se vel per alios falsum admiserit circa litteras Apostolicas, siue laicus siue Clericus, cum suis fautoribus, excommunicatur, ex Constitut. Sixti V. incip. Excommunicamus, quam refert P. Matth. in v. 11. Decretal. lib. 5. tit. 9. cap. 4. & insuper, si Clericus sit, officijs & beneficijs Ecclesiasticis exuitur. Deinde degradatur, & sæculari potestati (per quam & laicus de falsitate conuictus legitimè punitur) puniendus traditur, si per se hoc crimen commiserit, c. Ad falsariorum 7. b. t. Qui autem falsis litteris vritur, si Clericus sit, officio & beneficio priuari debet; si laicus, tamdiu excommunicationi subijci, donec satisfecerit, d. c. Ad falsariorum. vbi idem statuitur seruandum in ijs, qui falsas litteras impetrant: quos ab hac excommunica-

municatione absoluit summus Pont. dumtaxat, præterquam in mortis articulo, ex *Bulla Cane Domini* §. 6. Vt & eos, qui personæ qualitatem & conditionem mentiuntur, vt aliquid consequantur facilius: litteræque per huiusmodi falsam rei narrationem extoræ & impetratæ decernuntur omnino suspectæ, inualidæ & nullæ, ex Constitut. Innoc. VIII. incip. *Sicut*, & Leonis X. incip. *Inharendo vestigijs*, quas refert Pet. Matth. in VII. *Decretal. lib. 5. tit. 9. cap. 1. & 3.* Quique suppositis ad examen personis beneficium veniantur & impetrant, excommunicantur ex Constitutione Pauli IV. incip. *Inter ceteras*, quam ibidem refert P. Matth. Sententia verò vigore litterarum falsarum lata non debet transire in rem iudicatam aut mandari executioni: nec fides vlla adhibenda est rescriptis Pontificijs, si visa fuerint falsitatis redarguenda, c. 2. h. t.

Cæterū committens falsum in litteris delegati non tam acriter puniendus est: & extra litteras Apostolicas Clericus falsum admittens ab Ecclesiastico Iudice deponitur, c. *Cum non ab homine sup. De iudicijs*: & quandoque pro gravitate criminis in monasterium detruditur, can. *Si Episcopus* 8. *Distinct. 5. in c. Tua inf. De penis*. Sed & qui litteras falsas sciens apud se detinet, easque intra viginti dies à tempore, quo falsas esse cognoverit, non destruit aut resignat, excommunicationis vinculo constrictus ab aliò, quàm à summo Pontifice, absolui nequit, c. *Dura* 4. §. *adijcentes* h. t.

Crimine falsi diximus quoque teneri adulteratorem monetæ, l. 1. & 2. *Cod. De falsa moneta*, Couar. *De rett. numis. collat. cap. 8.* Deque conforibus ac rosoribus monetæ, siue aureæ siue argentæ, ultimo supplicio afficiendis exstat Constitutio Pij V. incip. *Cum nihil*, relata à P. Matth. in VII. *Decretal. lib. 5. tit. 14. cap. unico*. In his verò ditionibus tales bullienti oleo immergi solent, vt hîc Zyp. notat.

Denique falsitas non faciliè præsumitur, sed probari debet, maximè in litteris iustitiæ, siue ad lites, c. *penult h. t.* quia tales faciliè impetrantur. Sed nec in litteris gratiæ quavis litura aut rasura in loco non suspecto statim falsitatem arguere debet, c. *Licet* 5. 6. *Quam graui* 6. & c. *ult. h. t.* vt neque obesse, quod vel in syllaba erratum sit, l. *Qui habebat* 54. *D. De manumissu testam.* Goffredus in *Summa* h. tit. n. 9.

TITVLVS XXI.

De Sortilegijs.

1. *Sortilegi qui dicantur.*
2. *Sortes alia Diuisoria, alia Consultoria, alia Diuinatoria.*
3. 4. *Diuinatoria prohibita, & earum pœna.*

Sortilegia etiam falsitatem in se continent, quia sortilegi per sortes fallunt homines, cum solius Dei sit futura nosse: ideoque tractatur hoc loco de crimine sortilegij, quia cum crimine falsi affinitatem habet, licet aliàs pertineat ad ea crimina, quæ vergunt in iniuriam Dei.

Sortilegi, inquit Isidorus in *can. 1. xxvi. q. 1.* sunt, qui sub nomine fictæ religionis per quasdam, quas Sanctorum seu Apostolorum sortes vocant, diuinationis scientiam profitentur, aut quarumcumque scripturarum inspectione futura promittunt.

Non tamen omnes sortes sunt illicitæ. Non in primis Diuisoriæ, ut vocantur, id est quibus vtuntur homines, ut sciant, quid cuique tribuendum sit: veluti, in litibus & controuersiis dirimendis, in hæreditatibus, possessionibus, & alijs bonis communibus, diuidendis; in honoribus, dignitatibus sæcularibus & publicis officijs atque administrationibus distribuendis. Harum enim vsus non modò iure naturali, sed & Ciuili permittitur, *l. Sed cum ambo 14. D. De iudijs. l. Si duobus 3. Cod. Communia de legatis, 9. Optionis Institut. De legatis.* Sic Israëlitis distributæ partes terræ per sortes, *Num. 33. Iosue 15.*

Similiter neque illicitæ sunt Consultoriæ, id est quibus diuina voluntas exquiritur, ut sciatur, quid agendum, quid cauendum fugiendumve sit, prout sæpè veterem Hebræorum populum, & Apostolos, dum Matthiam in Apostolum loco Iudæ elegerunt, aliosque sorte vsos fuisse legimus, *can. 1. xxvi. q. 1.* His enim vti licet, quando necessitas exigit.

At verò Diuinatoriæ, id est quibus homines vtuntur, ut præsciant futura, vel etiam præsentia aut præterita occulta detegant, quia ordinariè non fiunt absque dæmonis conspiratione, aut tacita eius imploratione, & quia sub ijs magna plerumque latitat superstitio & idololatria, *can. Sors 1. versic. Huius ita respondetur xxvi. q. 1.* in ijsque magna sita est temeritas, quasi in quem sors tua sit casura, ille sit, quem quæras, & quasi Deus Opt. Max. tux sorti sit alligatus, ut per eam tibi demonstret,

stret, quem quæris, *can. Non exemplo xxvi. q. 2.* omninò illicitæ, & iure Canonico prohibitæ sunt, *c. 1. hoc tit. can. Sortes & pluribus alijs xxvi. quæst. 5.*

Hinc prohibitum est, ne electiones ad beneficia & dignitates Ecclesiasticas, quæ magis idoneis conferri debent, fiant per sortes, quasi hoc modo teneatur Deus indicare & reuelare magis dignum, *cap. 3. & ibid. Abbas n. 3. h. t.* Item ne quis furta inquiret per sortes, in codicibus scilicet vel tabulis, *c. 1. h. t. vel ex alijs signis, puta inspectione astrolabij, aut alterius instrumenti Astronomici, c. 2. h. t.* quasi ex astrorum inspectione deprehendi possit fur. Damnata propterea iure Canonum est Astrologia diuinatrix siue iudiciaria, quæ ex astris seu signis cœli nascentium mores, actus & euentus prædicere conatur, *can. illud & can. Igitur xxvi. q. 2.* quæque ex elementis occulta promit & prodit, & futura coniectat, *d. can. Igitur in princ.* Damnata etiam Constituit. Sixti V. quam refert Quaranta V. *Astrologia.*

His igitur, qui ita sorte abutuntur, communio Ecclesiæ interdictur: sicut & ariolis, aruspibus, alijsque incantatoribus, nisi resipiscant: Clerici verò sunt degradandi. Sed & iure Ciuili in tales animaduertitur, vt videre licet in *Tit. Cod. De maleficis & Mathematicis.*

Vt autem omnes superstitiones, sortilegia & magiæ Iure diuino & humano prohibitæ sunt, ita prudenter admodum inquit Zyp. *h. t.* pijssimi Belgarum Principes iam olim suis Edictis sanxerunt, vt ij, qui sub vulgari Ægyptiorum nomine vagantur, ex his ditionibus semper exterminarentur. Et postmodum Carolus V. Imp. *an. 1537. 5. Febr.* Philippus eius filius, Hispaniarum Rex, *an. 1560. 2. Septemb. & in Ad-dit. ad Latum Introitum Brab.* veruerunt, sub pœna confiscationis corporis & bonorum, ne huiusmodi homines eorumve asspectu, quæ se tales dicerent, aut eorum habitu vterentur, in suis ditionibus subsisterent aut versarentur. Idemq; Rex Edicto *an. 1592. 20. Iulij*, quod exstat in Synodo vltima Antwerp. admodum seuerè præcipit Iudicibus omnibus, cum Ecclesiasticis tum sæcularibus, vt omni modo adnitantur extirpare magias & superstitiones omnes, cuiuscumque coloris & tituli, Physiognomiam, Necromantiam, Chiromantiam, &c. cum clausula, vt quisque hac in re fungatur officio suo, sub pœnis in dicto Edicto relatis. Tãdemq; Sereniss. Principes, in Edicto ad Synodum prouincialem Mechlin. *an. 1607. art. 13.* mandarunt huiusmodi augures extra prouincias suas relegari, & graues multas indici eos consulentibus. Et *art. 14.* dictam Regis Ordinationem executioni mandari volunt. Quamquã ex Concordatis Brab. *§. De crimimibus, sortilegijs &c.* (vt & ex Galilæ Senatusconsultis hodie, etsi olim secus, vt constat ex Choppin. *De sac. polit. lib. 2. tit. 2. n. 11.*) ad solos sæculares horum criminũ

cognitio & correctio remissa esset. Nihilominus tamen eadem ad Iudicem spectat Ecclesiasticū, casu quo fiant sortilegia per inuocationē dæmonum aut abnegationem fidei, tanquam tunc sapientia heresim hereticum enim esse a dæmonibus expectare responsa, declararunt Sixtus IV. Alexander VI. & Hadrianus VI. Eiusque rei cognitionem Inquisitoribus demandauit Leo X. Maximè verò puniri debent, secundum Innoc. VIII. qui morbos, grandines, auras lætuas, sterilitatem in hominibus & pecoribus procurant, maribus & fæminis actus conjugales impediunt, seu ligulam stringunt, vt vulgò loquuntur. Constitutiones eorum refert P. Matth. in VII. *Decretal. lib. 5. tit. 12.*

Qui plura de sortilegijs & eò spectantibus desiderat, videat Farinac. *Traçt. De heresi q. 181.* & latissimè Tholosan. *Synag. iuris vniuersi lib. 34. c. 1. & pluribus seqq.* Azor. *Instit. Moral. p. 1. lib. 9. c. 16. & 17.* Delrio *Disquis. Magic. lib. 3. p. 2. q. 4. sect. 8.*

TITVLVS XXII.

De collusione detegenda.

1. *Collusio quid sit, & in quibus causis locum habeat.*
2. *Pœna colludentium.*

CRimini falsi affine quoque est crimen collusionis, quia illi etiam quædā inest falsitas: nam Colludere in Iure dicuntur, qui aliud agunt, aliud simulant, quod ipsum falsi speciem habet.

Est igitur Collusio inter actorem & reum latens ac fraudulosa conuentio, quâ interueniente delicta aliquando manent impunita, *Glos. in c. 3. h. t. V. G.* si, duobus litigantibus, reus videns se superatum iri ab actore, promittat ei centum, vt veras probationes simulet, & falsas defensiones admittat, vt pœnam sibi infligendam euitet, dicetur cum aduersario suo colludere. Et ista conuentio dicetur Collusio: quæ committi potest in causis tam civilibus, quàm criminalibus, tam in temporalibus quàm spiritualibus & Ecclesiasticis, tam per partes principales, id est actorem & reum, quàm per procuratores & aduocatos. Eique dicitur inuolui quædam falsitas; & proinde pœnam aliquam meretur, quandoquidem nemini dolus suus patrocinari debeat.

- 2 Hinc colludens in causâ beneficiâ, puta per collusionem beneficium censuale constituendo, seu pensioni subiiciendo, beneficii sui priman lus est, *c. Audiuimus 3. h. t.* & desistente accusatore potest Iudex ad-

dex adhuc ex officio suo inquirere super crimine illato, absolutioque à crimine per collusionem facta non impedit facultatē iterum accusandi & inquirendi de eodem, *c. ult. h. t.*

Cæterum quia sæpè per eiusmodi inquisitionem ex officio, desistente accusatore, iudex detegit collusionem actoris cum reo, ideo hic Tit. inscribitur *De collusione detegenda.*

TITVLVS XXIII.

De delictis puerorum.

1. *Puer, doli capax, crimen committens puniendus.*
2. *Pater ex delicto filij non tenetur.*

QUoniam in pueris relinqui solet inultum, quod in alijs pro-
uectioris ætatis seuerius corrigendum leges statuunt, *c. 2. h. t.*
cùm tamen furtis, mendacijs & periurijs plena sit puerilis
ætas, *c. 1. h. t.* ideo hic post crimina, quæ in maioribus pro-
miscuè notantur & puniuntur, opportunè quæritur de delictis puero-
rum, an ij talium criminum rei & obnoxij pœnis haberi possint.

Dicitur autem Puer, qui intra septenniū & decimumquartum an-
num constitutus est, si masculus sit, & inter septennium ac duodeci-
mum, si fœmina.

Quòd si igitur puer crimen aliquod perpetrarit, puta furtum,
mendacium, homicidium, aut aliud, non debet id manere impuni-
tum, si fuerit doli capax, vt intelligere potuerit, se malè agere, illud
committendo, *l. Impuberem 23. D. De furtis.* Mitius tamen puniri par
est, quàm si ab alijs commissum esset, quia aliquid ætati indulgendum,
d. c. 1. h. t. & l. Infans 12. D. Ad L. Corn. De sicar. Quin etiam puberes,
sed minores xxv. annis, si quid deliquerint, non tam seuerè puniendi
sunt, quàm maiores, vt respondit Iuriscons. in *l. Auxilium 37. vers. In
delictis D. De minoribus.*

An verò pater ex delicto filij, siue puberis siue impuberis, quem in
sua potestate habet, conueniri possit, quæsitum est. Et respondit Pont.
non posse; sed ipsemet filius conueniri debet, *d. c. 2. h. t.* Quod idem
etiam iure Ciuili proditum est, *Instit. De noxalib. actionib. in fine.*

TITVLVS XXIV.

De Clerico venatore.

1. *Venatio cum strepitu interdicta Clericis.*
2. *Non etiam quieta & qua sine strepitu fit.*

T Racstat deinceps Pont. de delictis, peculiaribus Clericorum, quæ aut non deprehenduntur in laicis, aut grauius puniuntur in Clericis quàm laicis. Cuiusmodi in primis est venatio voluptatis causâ suscepta, quæ vnà cum canibus, accipitribus, aut alijs eiusmodi ad venandum Clericis interdicitur, *c. 1. & 2. h.* quia pugnat cum professione & statu Clericorum. Et ideo si Episcopus sæpius talibus venationibus det operâ, tribus mensibus à communione; si verò presbyter fuerit; duobus; si Diaconus aut Subdiaconus, ab omni officio suspenditur, *d. c. 1. & ibid. Abbas & Glossa.* In minoribus verò constituti arbitrio Iudicis puniri debent, ex quo nulla eis certa pœna statuta est, *arg. c. De causis sup. De officio delegati.*

2. Hæc tamen prohibitio intelligi debet potissimum de venatione saltuosa & clamosa, quæ cum strepitu fit canum & armorum: nam quieta venatio, quæ fit absque strepitu, cum laqueis, retibus, & paucis canibus, modò etiam rarò fiat, nec auocet ab officijs diuinis, non est omninò prohibita Ecclesiasticis, siue fiat causâ necessitatis, siue exercitij, siue moderatæ recreationis, vt docet Less. 2. *De Instit. cap. 5. Dubitat. 9. n. 40. post Abbatem in d. c. 1. h. 1.*

TITVLVS XXV.

De Clerico percussore.

1. *Clericis interdicta percussio, non moderata correctio.*

Sicut Clericis interdicta est venatio, ita & percussio: adeò vt, si Clericus percussor monitus non desistat, iubeatur deponi, *c. 1. h. 1. & si Episcopus iusserit aliquem eadè crudeliter fustibus, ab administratione Missarum duobus mensibus suspendi, c. 2. h. 1.* Nam Clericos ita decet mansuetudo vigorque disciplina, vt nec vigor sit rigidus, nec mansuetudo dissoluta, *can. Sunt namque 15. Distinct. 45. & sibi*

& sibi subiectos malè meritos non tam verberibus quàm verbis corrigere debent, *can. 2. & alijs d. Dist. 45.*

Permittitur tamen Clericis levis & moderata percussio ; modò Episcopus non percutiat proprijs manibus, sed per alium, qui non sit laicus, *c. Vniuersitatis inf. De sent. excommunicat.* Sic Abbates & Priores sæpiùs Monachos suos verberant & castigant.

TITVLVS XXVI.

De Maledicis.

1. Clerici maledici pœna.
2. Item eius, qui summo Pont. maledixerit.
3. 4. Quiq, in Deum & Sanctos blasphemus fuerit, ex vtroque Iure.
5. Item ex moribus & Constitutionibus hodiernis.

CUm percussio alia fiat manu, alia linguâ, iuxta *Glos. & Abbatem ad Rubr. h. t.* rectè & de hac sequitur, id est de maledicis, sic dictis à maledicendo: qui, præsertim si Clerici sint, grauius puniendi sunt. * Et quidem Clericus quilibet maledicus, maximè sacerdos, cogendus est postulare veniam; aut, si noluerit, degradandus est, nec vnquam absque satisfactione ad officium reuocandus, *can. Clericus maledicus Distinct. 46.* * Qui verò summo Pontifici maledixerit, in depressionem officij & beneficij, puniendus erit, arbitrio Iudicis, grauius aut mitius, spectatâ atrocitate verborum, personarum qualitate, loco, tempore & alijs circumstantijs, *arg. c. 1. h. t.*

Grauius autem puniendi sunt blasphemus in Deum, B. Virginem ac Sanctos, *c. 2. h. t.* qui scilicet in Deum conuitium aliquod euomunt, probrosè Deo tribuendo, quod ei non conuenit, aut detrahendo, quod eidem conuenit.

Tales in veteri lege iussu Dei lapidibus à populo obruebantur, *Leuit. 24.* Iure verò Canonico olim, laici quidem excommunicabantur, Clerici deponabantur, *can. Si quis xxii. q. 1.* Postmodum statutum fuit, vt solemni pœnitentiâ & pœnâ pecuniariâ coërcerentur, quam si renuerint recipere, & peragere pœnitentiam, Ecclesiæ interdictar ingressus & mortuis Ecclesiastica denegatur sepultura, *d. c. 2. h. t.* Quod tamen accipiendum est de laicis: nam Clericis publica pœnitentia remittitur, *can. Ex pœnitentibus Distinct. 50. can. Quicumq, Distinct. 57. c. 1. sup. De bigamis.*

Iure Ciuili pœna est vltimum supplicium, *Novel. 77. Vt non luxu-*

K k k k k

riantur

rientur homines &c. in eos scilicet qui ex consuetudine & absq; emendationis ac correctionis spe maledicunt, Couar. in *c. Quamuis pactum De pactis* in 6. p. i. §. 7. n. 8. 9. & 10.

- 5 Cæterum hæc pœnæ, tam Canonica, quàm ciuiles, in desuetudinem abierunt, & ex Constitutionibus regnorum ac regionum aliæ atque aliæ receptæ sunt, vt testantur Couar. *ibid.* n. 22. Boer. *Decis.* 301. n. 14. & 15. Iul. Clarus §. *Blasphemianu.* 3. & alij, quos citat Zerola *d. loco.* In Belgio nostro habemus Constitutionem Caroli V. an. 1517. vlt. *No-uemb.* quâ pro primâ vice blasphemis pecuniariam pœnam pro arbitrio Iudicis imponi iubet, pro secundâ publicæ ignominie exponi, pro tertia fustigari & in exilium mitti. Verùm mitigatæ hæc pœnæ alterâ Constitut. eiusdem Principis, an. 1518. 5. *Januarij*, quâ pro primâ vice pœna est sexaginta floren. pro secunda ac tertia duplicatur ac triplicatur pœna, cum carcere sex dierum in pane & aqua; pro quarta per duas horas exponi ignominiosè iubentur, vel, si grauiores fuerint blasphemie, nempe si blasphemando Deum negauerit, aut similes, mancipari carceri ad mensem vnum: prout etiam improbè iurantes aut peierantes arbitrariè ac sine dissimulatione puniri debent, ex E-dicto an. 1531. 7. *Octob.* Zyp. *h. tit.* n. 2. Vbi subiicit n. 4. ex *Constitut.* Pij V. auctores libellorum famosorum, vel litteras, indices aliquo-rum falsorum criminû, alicui scribentes, omnibus pœnis à Iure statu-tis subiici; eosdemque ex Constit. Greg. XIII. ipso facto infames esse, & ad trirèmes vel perpetuò vel ad tempus pro criminis admissi quali-tate condemnandos. Vtramque refert P. Matth. in v. 11. *Decretal. lib.* 5. *tit.* 5. *cap.* 2. Alias Constitutiones Caroli V. & Maximiliani Imp. & Regum Gallie refert Pet. Greg. Tholosan. *Syntag. Iuris vniuersi lib.* 33. *cap.* 12. n. 12. Vbi n. 13. subiungit, spectandum esse in hoc crimine, an quis sit solitus assiduò peierare, an iracundiâ nimia, quæ ad de-mentiam accedit, an verò dementiâ (quæ excusat, l. *Insans D. Ad L. Corn. de sicarijs*) an in grauiorem, an breuiorem blasphemiam pro-ruperit, vt grauius vel puniatur, vel excusetur, aut pœna minuatur.

TITVLVS XXVII.

De Clerico excommunicato, deposi-to vel interdicto ministrante.

1. Pœna Clerici ac Sacerdotis excommunicati celebrantis.

Delicta

Delicta iam explicata omnibus Clericis communia sunt, ob quæ Clerici vel suspenduntur, vel deponuntur, vel excommunicantur: quæ sequuntur, circa functionem Ordinum Ecclesiasticorum versantur, ex eo, quod tales Clerici, suspensi, depositi vel excommunicati, subinde celebrare & diuinis officijs sese ingerere præsumant; & hoc aliud delictum de nouo committunt ac priori accumulunt.

Si quis igitur Clericus, depositus, degradatus, vel suspensus, in Ordine suo ministret, & monitus non desistat, excommunicatur; & si nec sic desistat, per sæcularem potestatem ad requisitionem Ecclesiæ exilio damnatur, *c. 1. & 2. h. t.* Sacerdos verò, sciens se excommunicatum (maiori scilicet excommunicatione) vel aliàs interdictum, celebrans vel se ingerens celebrationi diuinorum, fit irregularis, id est in perpetuum ab officio sacerdotali deponi ac beneficijs omnibus spoliari debet, *c. Later c. Fraternitati tue 6. h. t.* licet per solum rumorē ac famam sciat se excommunicatum: quo tamen casu cum eo potest misericorditer dispensari, *c. Illud Dominus 5. h. t.* Sed nec collatio beneficij facta Clerico excommunicato tenet; & tali beneficium conferens suspenditur à beneficiorum collatione, *c. 7. h. t.* nisi tempore collationis fuerit absolutus, *c. Proposuit 8. h. t.*

Dixi, sciens se excommunicatum; nam si ignoranter, non fit irregularis, ac proinde quoad hoc nullā indiget dispensatione, nisi fortē ignorantia esset crassa ac supina aut erronea, *c. Ad Apostolica 9. h. t.*

Addidi, maiori scilicet excommunicatione; quia minori excommunicatione innodatus, licet celebrando peccet grauiter, tamen non fit irregularis, *c. vlt. h. t.* Et licet eligi prohibeatur, nō tamen eligere, vel ea, quæ sunt iurisdictionis, exercere, *d. c. vlt.* Similiter si alijs conferat Sacramenta, quamuis peccet, nullius tamen notam incurrit irregularitatis, & tenet collatio, suumque effectum habet, cum non videatur à collatione, sed participatione Sacramentorum, quæ in sola consistit perceptione, remotus, *d. c. vlt. in fine.* Et hoc est, quod dici solet ab Interpretibus, implicitum minori excommunicatione suspensum esse à Sacramentis Ecclesiasticis quoad se, non quoad alios: quod desumptū est ex *c. vlt. sup. De cohabit. Clericor. &c.* Vide Couar. in *c. Alma mater De sent. excommunicat. in 6. p. 1 §. 8. n. 1. & 2.*

TITVLVS XXVIII.

De Clerico non ordinato ministrante.

1. *Pœna Clerici ministrantis in Ordine, quem non suscepit.*
2. *Item laici & non ordinati celebrantis.*

Grauiſſimè quoque delinquit Clericus, dum eius Ordinis, quem nondum ſuſcepit, miniſterium & functionem exercet: veluti dum Subdiaconus Diaconi, vel Diaconus Sacerdotis officio fungitur.

1. Si igitur Clericus miniſtret in pertinentibus ad Ordinem, quem nondum ſuſcepit, puta ſi nullâ inſtante neceſſitate baptizarit, aut ali- quod diuinum officium exercuerit, deponendus eſt, & ampliùs non ordinandus, *c. 1. h. t. Dixi*, ſi nullâ inſtante neceſſitate; quia ſi vrgeat neceſſitas, poteſt quilibet baptizare, vt diximus *ad Tit. De baptiſmo*.

Diaconus verò Miſſam celebrans ad Sacerdotij Ordinem promo- ueri non poteſt, & à Diaconatu ſuſpeditur ad biennium vel trien- nium, prout Dioceſano viſum fuerit, *c. 2. h. t. De beneficio* tamen cum eo miſericorditer agi poterit per Episcopum, ne ſuſtentatione priuatus ad ſæculi negotia in opprobrium Cleri cogatur reuerti, *d. c. 2.* Sic quoque videtur Episcopus cum eodem poſſe diſpenſare, vt poſt dignam pœnitentiam ad officium Diaconatus reuertatur, non tamen vt ad maiorem Ordinem promoueatur, Abbas in *d. c. 2.* eo argumen- to, quòd Episcopus ſolùm diſpenſet in caſibus à Iure expreſſis; expreſ- ſum autem ſit, quòd diſpenſare poſſit in beneficio & Diaconatu, non verò quoad promotionem ad altiorem Ordinem.

2. Sed quid ſi non Clericus Miſſam vel aliud ſacrum miniſteriũ cele- bret? Iudicis arbitrio puniendus erit, ex quo huc vſque nulla à ſacris Canonibus impoſita ſit pœna; ideo fortè, quòd antiqui Patres non exiſtimarint laicos vnquam eò temeritatis prorupturos, prout poſt- modum aliquando prorupiſſe compertum fuit.

At verò Clemens VIII. Conſtitut. *incip. Eſſi aliàs an. 1601.* quam refert Piaſ. 2. p. 6 p. 4. art. 14. n. 12. decreuit, vt quiſquis non ſacer- dos Miſſam celebrauerit vel confeſſionē Sacramentalem audiuerit, ab Eccleſia abijciatur, & ab Ordinibus, quos habet, ritè degradatus curiæ ſeculari tradatur, debitis pœnis plectendus. Vbi licet non com- prehen-

prehendatur sacerdos sine iurisdictione confessiones accipiens, nihilominus ob graue sacrilegium, quod nō multum ab altero reatu abest, feuerè arbitrio æqui Iudicis puniendus est, Zyp. b. t. Lopez in *Addit. ad Bernardum Diaz. cap. 12. in lit. c. ex Constitut. Pauli IV.*

TITVLVS XXIX.

De Clerico per saltum promotō.

1. *Quid sit per saltum promoueri & pœna sic promoti.*

Delinquunt præterea Clerici in Ordinibus suscipiendis, dum vel per saltum promouentur, vel Ordinem furtiuè suscipiunt, nullaquæ differentia est inter non ordinatum & non ritè ordinatum, *arg. l. Quoties D. Qui satisfacere cogantur.*

Cùm igitur serie quadam & gradatim, non autem per saltum & ordine præpostero Ordines suscipiendi & conferendi sint, *can. Sollicitudo Distinct. 52. totâ Distinct. 59. 60. & alijs*, si quis prætermisso Ordine inferiori superiorem suscipiat, v. g. Diaconatum aut Subdiaconatum vel Presbyteratum, ante Diaconatum, collatio quidem tenebit, & character imprimetur, Abbas in *c. unico b. t.* sed per sententiam ei executio Ordinis interdicenda est, donec congruo tempore prætermissus suppleatur, & cum eo pœnitentiâ impositâ dispensetur, vt in Ordine suscepto ministret: quæ dispensatio fieri potest per Episcopum, quando non ministravit, vt patet ex Conc. Trid. *Sess. 23. cap. 14. De reformatione.* Idq; non solum, si promotus fuerit per saltum, omisso aliquo factorum Ordinū, sed etiam omissis minoribus aut vno eorum vel etiâ omisâ primâ tonsurâ, iuxta declarat. Cardd. 1588. Notant tamē Dominicus, Præpositus & alij in *d. can. Sollicitudo*, quod si quis scienter se fecerit ordinari per saltum vel ambitionē vel superbiam, deponi omninò debeat, nec cum eo dispensari, vel non facilè, & quidem per summum Pontificem, non per Episcopum, Host. *ad d. c. unicum.*

TITVLVS XXX.

De eo qui furtiuè Ordinem suscepit.

1. *Furtiuè suscipere Ordinem quis dicatur.*
2. *Pœna Ordinem furtiuè suscipientis.*
3. *Examen ordinandorum omninò necessarium.*

A Aliud delictum Clerici in suscipiendis Ordinibus traditur hoc Tit. dum scilicet furtiue Ordinem suscipit: quamvis cum quis per saltum promouetur etiam furtiue promoueri dicatur.

Furtiue suscipere Ordinem quis dicitur, dum clandestine eum suscipit; quod fit varijs modis. Primò, quando quis sine ordinatione & consensu Episcopi vel sine examine in multitudinem ordinandorum irrepat, *can. Quando Episcopus Distinct. 24. can. Extra conscientiam Dist. 44.* Secundò, quando admissus ad minores tantum Ordines, vnâ & eadem die etiam Subdiaconatum suscipit, *c. 2. h. t.* Tertiò, quando quis contra inhibitionem superioris eodem tempore ad duos sacros Ordines suscipiendos sese ingerit, *c. ult. h. tit.* Quartò, quando per saltum ordinatur.

2 Quantum ad pœnam sic Ordinem suscipientis attinet, distinguendum est: nam prohibitus suscipere Ordinem sub pœna excommunicationis, non potest in ordine sic suscepto ministrare, vel ad superiorem ascendere citra dispensationem summi Pont. nisi in monasterio aliquo habitum susceperit regularem, eiusque vita & mores id exegerint; quo casu etiam Abbas illius loci quoad alios Ordines dispensare poterit, *c. 1. 2. & 3. h. t.* Si verò sententia excommunicationis lata non fuerit, poterit Episcopus, post peractam pœnitentiam, nisi alia impediant, dispensare, *d. c. 1. 2. & 3.* Alioquin Conc. Trid. *sess. 23. cap. 8. De reformat.* furtiue ordinatum suspensum esse vult ab executione ordinum, quamdiu Ordinatio videbitur expedire. Posseque hodie Episcopum cum furtiue promotum dispensare, si crimen sit occultum & non deductum ad forum contentiosum, ex dicto Conc. *sess. 24. cap. 7.* tradit Lopez in *Praxi Crim. Canonica cap. 35. in V. Lata est excommunicatio.*

Quòd si Episcopus, dum confert Ordines, utatur his verbis, *Non intendimus ordinare non examinatos & approbatos*, tum qui se ingerit citra examen & approbationem in numerum ordinandorum, denuò ordinandus est, iniunctâ prius pœnitentiâ, ob graue delictum, quod sic se ingerendo ordinum susceptioni commisit, Lopez in *Praxi Crim. c. 25.*

3 Prædictum autem examen ordinandorum necessarium est non solum in Clericis sæcularibus, sed & in Regularibus, priuilegijs quibuscumque quoad hoc penitus exclusis, iuxta Conc. Trid. *d. sess. 23. cap. 12.* Nisi fortè quis ad Episcopatum promoueat, quo casu valebit perinde Palatorum attestatio, ac si publico alicuius Academiæ testimonio idoneus ostendatur, Conc. Trid. *sess. 22. cap. 2. De reformat.*

TITVLVS XXXI.

De excessibus Prælatorum & subditorum.

1. Excedit Prælatus, subditos exactionibus premens.
2. Item vnians Ecclesias, quod solum est Episcopi.
3. Sed neque Episcopo vnire qualibet beneficia licet.
4. Excedit Abbas ingerens se iurisdictioni Episcopi.
5. In quibus subditus aduersus superiorem excedere dicatur.

HActenus varijs Titulis actum est de criminibus, omnium Clericorum communibus: nunc paucis agendum est de excessibus siue delictis peculiaribus ipsorum Prælatorum erga subditos, & horum erga Prælatos siue superiores suos.

Excedere licet aliàs idem significet, quod superare & antecellere, tamen hoc loco idem est, quod transgredi limitem seu terminum debitum; & huiusmodi transgressio hîc vocatur excessus.

Prælati verò excedere dicuntur in subditos, quando iniquis oneribus eos premunt, quod ipsis ex auaritia, omnium malorum radice, *can. Bonorum Distinct. 47.* commune est. A quibus proinde iubentur abstinere, siue Archiepiscopi, siue Episcopi, siue his inferiores, *c. 1. 2. & c. Nimis iniqua 16.* (vbi recensentur quindecim grauamina inferri solitâ Religiosis, à quibus iubentur Prælati abstinere) & *c. Nimis praua 17.* (vbi ponuntur duodecim grauamina Prædicatorum & Minorum, à quibus pariter præcipiuntur abstinere Prælati) *h. tit. puniendi alioqui pro ratione delicti, d. c. 1. in fine.* Imò possunt subditi Prælati suis impunè non parere, si, quod imperant vel exigunt, sit contra libertatem & priuilegia sui ordinis, *c. Sanè 5. h. t.* Et si fortè eo nomine Prælati eos excommunicauerint, huiusmodi excommunicatio est nulla, *c. Cum ad quorundam 7. h. tit.* tamquam iniqua & iniusta, cum eos velut filios & fratres benignè ac fraternâ debeant charitate fouere, *d. c. 1. in princ. & alijs à Glos. ibid. citatis in V. charitate.*

Interdum excedunt Prælati, ingerendo sese rebus, non ad se, sed ad superiorem spectantibus: veluti, si Prælatus, non Episcopus, velit vnire Ecclesias, id est ex duabus facere vnâ, quod ad solum Episcopum spectat, *c. Sicut vnire 8. h. t.*

Si item Episcopus ex vi decreti Conc. Trid. *sess. 23. cap. 18.* quod 3 permit-

permittit Episcopo applicare & vnire Seminario beneficia simplicia primò vacatura, velit vnire ea, quæ eo decreto non comprehenduntur; cuiusmodi sunt vacaturæ per resignationem, non quidem simplicem, sed conditionalem, in fauorem scilicet tertij, & non aliter, vel sub reservatione pensionis, aut simili, vel quæ sunt suæ collationis; quod non potest, *ex declaratione Cardd.* Prout nec potest facere vnionem Ecclesiæ curatæ cum altera item curata, nisi fortè propter paupertatem, vt inde sufficiens competentia vni assignetur, Conc. Trid. Sess. 21. cap. 5. & Conc. Prouinciale Mechlin. 1607. à Sede Apost. confirmatum: vt neque regularia curata aut diuersarum dioeceseon, Conc. Trid. Sess. 14. cap. 9. *De reformat. & Sess. 24. cap. 13. §. in vnionibus.* Similiter licet idem Conc. Sess. 24. cap. 15. permittat Episcopo vnire præbendis Cathedralibus tenuibus alia beneficia, tamen ex quo loquitur tantum de præbendis, non extendit se concessio illa ad fabricam, Sacristiam, Capellanas, aut mensam Capitularem, licet tenuem, quia aliud est Capitulum, aliud singuli de Capitulo. Et hinc fit, quòd debita mensæ Capitulari cedant ijs, qui tempore solutionis sunt de Capitulo, etiam de nouo admissi, licet debita iam antè cesserint, quia solutio fit Capitulo, quod semper est idem, *arg. l. Proponebatur D. De iudicijs*, non verò singulis de Capitulo, prout docet Gonz. *ad Reg. v III. Cancell. Glossa 37. n. 25. ex Calderino Consil. 21. De præbendis* Si, inquam, eiusmodi beneficia vnire Seminario, aut alicui alteri siue beneficio siue officio, Episcopus voluerit, dicetur excedere limites suæ potestatis ad vniendum.

- 4 Excedit & Abbas, nō Episcopus, si is cognoscat de causâ matrimoniali, aut publicas pœnitentias iniungat, vel indulgentias concedat, quod de iure communi solis Episcopis permittitur, *c. Accedentibus 12. h. t.*

Interdum etiam excedunt Prælati in collatione beneficiorum: veluti, si aliquid suo vsui reseruent, vel sibi ea conferant, *c. Ad aures 3. & c. Illud 6. h. t.* vel si conferant indigno, aut alteri, primâ collatione nondum improbatâ: quo casu conferens pro ea vice potestate conferendi priuandus est, *c. Inter dilectos 11. h. tit.*

- 5 Contra subditus in superiorem excedere dicitur, si non sit continens, *c. Clerici 4. h. t.* si Ecclesiam suam, vel sibi subiectam, citra consensum Episcopi subiecerit siue vnierit alteri, non obstante assensu vel confirmatione Metropolitanæ, *d. c. Sicut vnire 8. h. tit.* si de crimine publicè gloriatur, *c. Quam sit grane 9. h. t.* si homicidio aucto citatem consiliumve directè vel indirectè præstiterit, *c. Ex litteris 10. h. t.* si, cum inferior esset Episcopo, publicas pœnitentias iniunxerit aut indulgentias concesserit: aut aliàs dignitatem vel officium vsurparit superioris, *d. c. Illud 6. h. tit.* Si Ecclesiasticam laſerit potestatem, interdici

dicti sententiam violando, *c. Tanta est* 18. h. t. Si contra fidem homagij præstiti negauerit Prælatum esse suum Dominum, vel de eo coram Iudice sæculari conquestus fuerit, aut eundem inuaserit, *c. Grauem* 15. hoc tit.

TITVLVS XXXII.

De noui operis nuntiatione.

1. Nuntiare opus nouum quid sit.
2. Quare introducta sit nuntiatio noui operis.
3. 4. Forma eiusdem & effectus.

TAm Prælati quàm subditi etiã aliquando excedunt in ædificando seu nouo opere construendo, etiam si in pijs rebus versentur, vt in ædificandis Ecclesijs & alijs pijs locis, in præiudicium vicinorum, vel aliarum Ecclesiarum, aut piorum locorum. Quia verò hic excessus per noui operis nuntiationem coërceatur, ideo hic Tit. inscribitur *De noui operis nuntiatione*.

Opus nouum facere videtur, qui aut ædificando, aut detrahendo aliquid, pristinam faciem operis mutat, l. 1. §. *opus nouum* 11. D. *cod. tit.* Nuntiare hoc loco sumitur pro prohibere: & ideo nuntiat opus nouum, qui denuntiat vicino, ne de nouo ædificet. Nuntiatio verò noui operis est sollemnis prohibitio vicino facta, ne in opere nouo ædificando pergat, donec de iure ædificationis constiterit, aut præstita sit eo nomine satisfactio.

Dixi, in opere nouo ædificando; quia noui operis nuntiatio solum competit aduersus opera, quæ nondum facta sunt, ne fiant, non autem aduersus ea, quæ iam ante nuntiationem facta sunt; nam eo casu recurrendum ad interdictum quod vi vel clam, vel aliud simile.

Fit autem nuntiatio noui operis vel ad conseruandum ius nostrum, vel ad auertendum damnum, quod nobis infertur, vel ad publicum ius seruandum, l. 1. §. *nunc videamus*, iuncto §. *nuntiatio* D. *cod.* Potestq; fieri à quocumque, cuius interest nuntiare, proprio vel alieno nomine, & cuicumque existenti in opere nouo exstruendo, siue is sit seruus, siue liber, siue dominus, siue faber, siue maior, siue minor, siue masculus, siue femina; nam sufficit sic fieri, vt domino possit renuntiari.

Quòd ad formam attinet, tribus modis nuntiatum nouum opus, vel simpliciter verbo, vel auctoritate magistratus seu Prætoris per publicam

blicam personam, vel denique per iactum lapilli in ipsum opus. *l. De pupillo §. 9. 10. D. eod.* Et differunt hi modi quod in verbali nuntiatione possessor amittat possessionem, non autem qui nuntiat per Prætores vel iactum lapilli.

Effectus huius nuntiationis utroque Iure est, quod, postquam nuntiatum est, ædificans desistere debeat à cœpto opere: alioqui si spretâ nuntiatione porro pergat, quidquid postea ædificatum fuerit, siue iure siue iniuriâ, expensis ipsius ædificantis destrui iubetur, *c. 1. & 2. h. t. d. l. 1. D. eod.* tum quia nuntiatio ista est quædam appellatio extraiudicialis, quâ pendente nihil attentandum est; tum quia factâ nuntiatione, is, cui facta est, iuris non facti viâ se tueri debet, id est Iudicem adire, & se illius iurisdictioni subijcere; ideoque si non adierit, ob contemptum iudicis opus factum demoliri cogitur. Quod verum est, nisi notoriè constiterit nuntianti non competisse vllum ius nuntiandi, aut periculum fuerit, aut nuntiatio (quæ debet fieri in re præfenti, id est eo loci, vbi nouum opus fit) facta sit separatim ab opere, id est alio loco, quàm vbi opus fit: nam his casibus impunè sperni potest. Videatur plenius Gail. 1. *Obfer.* 16.

Ne tamen per eiusmodi nuntiationem opus aliquod temerè diutius impediatur, statutum est, vt nouum opus nuntians intra tres menses probet opus incœptam iniuriâ construi, *d. c. 1. & ult. h. tit.* Quibus peractis seu lapsis, ædificanti, oblatâ satisfactione de opere suis sumptibus demoliendo, in casum, quo iniuste ædificatum pronuntietur, permittitur in opere cœpto pergere, *d. c. ult. & l. unica Cod. eod.*

TITVLVS XXXIII.

De Priuilegijs & excessibus priuilegiatorum.

§. I. De Priuilegijs.

1. Priuilegium quid, & quomodo à Beneficio ac Legibus distinguatur.
2. 3. Priuilegia non extendenda extra personas, locum, aut rem.
4. Priuilegia quibus modis amittantur.
5. Ad priuilegijs substantiam non est necessaria scriptura.

TRACTATUR hoc Tit. de Priuilegijs in ordine ad delicta & excessus priuilegiatorum, vel potius de vtrisque simul ex proposito: nam vt priuilegia Clericis ac Religiosis concessa temerè violari non debent, ita neque delicta eorum manere impunita, qui priuilegiorum limites excedunt, ipsique abutuntur.

Dicuntur autem Priuilegia, quasi priuatae leges, *can. 3. Distinct. 3.* quia scilicet alicui particulari personae aut communitati seu corpori, vel loco, speciale ac singulare ius concedunt, vt colligitur ex *d. can. 3. c. Abbate inf. De verb. signif. & alijs.* Addit communis sententia, contra ius; vt distinguat Priuilegium à Beneficio Principis, quod speciale ius concedit secundum aut præter ius, non autem contra ius, *Bart. in l. 1. D. De iuris & facti ignor. & in l. fin. Cod. Si contra ius, & c. latè Iason in l. fin. n. 27. D. De Constitut. Principum.* Verum non videtur necessaria additio ista, cum sæpè vnum pro alio sumatur, aut sub alio contineatur, tamquam species, vti priuilegium sub beneficio, prout ostendit Suarez. 8. *De Legibus c. 1. n. 5.* possitque priuilegium etiam præter ius dari.

A cæteris autem legibus distinguitur priuilegium, quod illæ ius commune statuunt & concedant, hoc verò ius singulare; * & ideo 2 ad alios, quàm quibus concessum est, non extenditur, licet in alijs vel par vel maior sit ratio, *c. Sanè 9. h. tit. c. Priuilegia De R. I. in 6. & alijs similibus.* * Similiter nec ad alia loca vel res, quàm quæ priuile- 3 gij tenore exprimuntur, producitur, *c. Porro h. t.* Ideoq; exemptus, ratione certæ rei vel certi loci, non censetur exemptus ratione alterius rei aut loci, *c. Cum Capella 16. h. t.* quæ Constitutio est Innoc. II. cui inhaerendum esse peculiariter censuit Conc. Trid. *Sess. 24. cap. 11.* de quæ hac re videri plenius potest Weym. *in sua Analyfi ad d. cap. Cum capella;* vbi latè tractat de Capella Ducis Burgundiæ, cuius in *d. c.* fit mentio. Hinc etiam exempti vel priuilegiati, licet non teneantur nisi coram suo Iudice respondere aduersarijs, tamen ratione delicti, contractus, aut rei, in loco non exempto, coram locorum Ordinarijs conueniri possunt, vbi vel deliquerint, vel contraxerint, vel res sita est, non etiam ratione domicilij, *c. Volentes h. t. in 6.*

Similiter priuilegium monasterio indultum, ne Monachi eius possint à quoquâ interdici, suspendi vel excommunicari, accipiendum est de Monachis in ipso monasterio commorantibus, vel in Ecclesijs eidem quoad temporalia & spiritualia subiectis, non etiam de alijs, aut aliò missis, puta ad Ecclesias vel Prioratus subiectos Ordinarijs: quia tunc loci Ordinarius, non obstante priuilegio vel qualitate monachali, etiam quoad prædicta in eos iurisdictionem exercere poterit, quamdiu ibi manent, *c. Quoniam 21. h. t. d. c. Volentes 5. in eos autem;* quæ est

Constitutio Innoc. I V. quam & Conc. Trid. Sess. 7. c. 14. De reformat. innouandam censuit. Neque enim monasterio aliquo per priuilegium exempto à iurisdictione Ordinarij, ideo & capellæ, eidem monasterio subiectæ, centeri debent exemptæ, d. c. Cum capella & c. Ex ore 17. h. t. quia non facîle præsumitur summus Pont. iurisdictioni Ordinarij velle in aliquo derogare, nisi id in terminis expressum sit, c. Pastoralis 19. h. t. quia priuilegium, vt dixi, ius est singulare, quod neq; vltra personas, neque vltra res, aut loca, quàm quibus datum est, extendi debet: ita vt non vltèrius detrahatur iurisdictioni Ordinarij, quàm disertè exprimit, & eatenus cesset, quatenus contra illud præscriptum est in toto vel in parte. Sicque interpretandum venit, vt, quantum fieri potest, non lædatur ius commune aut tertij, vt colligitur ex l. Quoties Cod. De precibus Imp. offerendis, c. 1. & 2. sup. De presbyt. modò tamen per talem interpretationem non reddatur prorsus inutile, cap. In his 30. h. tit.

Quòd si instrumentum priuilegij perditum sit, per testes probari poterit, si modò de his tribus deponant; primò, quòd instrumentum priuilegij aliquando extiterit; secundò, quòd talis fuerit eius tenor, qualis fuisse asseritur à priuilegiato; tertio, quòd illud fuerit sine vitio, c. Cum olim 14. h. t.

4 (Amittuntur verò priuilegia semel concessa pluribus modis, de quibus videre licet Panormit. in c. Suggestum sup. De decimis, Felin. in c. Qua in Ecclesiarum sup. De Constitut. Primò, amittitur priuilegium morte priuilegiati, personale sit, c. Priuilegium De Reg. iuris in 6. & alijs. Cæterum licet mandatum obitu mandantis finiat, non tamen priuilegium morte concedentis, quia priuilegia Principis perpetua sunt, & decet esse mansura, can. 1. & 2. xxv. q. 2. c. Decet De R. l. in 6. Sunt enim fauores & gratiæ, quæ morte concedentis non extinguuntur, vt colligitur ex c. Si cui nulla De prebend. in 6. & alijs. Aliud dicendum, si concedens priuilegium, addiderit, donec decessero, aut vsque ad beneplacitum meum, Suarez. d. loco c. 32. sub finem. Vbi etiam n. 4. & seqq. docet, quando destructo loco, cui concessum est priuilegium, finiat, & restituto restituatur. Secundò per abusum, si priuilegiatus suo priuilegio abutatur, aut aliorum priuilegijs derogat, c. Dilecti 4. c. Vt priuilegia 24. in princ. eod. Vide Suarez De legibus lib. 8. c. 36. Tertio, lapsu temporis, quod priuilegio constitutum est, d. l. Quoties Cod. De precib. Imp. offer. Sed hic modus obtinet tantum in priuilegio temporali. Quarto, si priuilegiatus contraueniat suo priuilegio. V. per delictum. VI. si datum sit ad faciendum aliquid, eoque per decennium non utatur priuilegiatus, datà vtendi facultate & occasione, arg. l. 1. D. De nundinis. An verò priuilegium datum ad aliquid faciendum finiat

tur vni-

tur unico actu, vide Suarez *d. lib. 8. c. 29. n. 7. VII.* Contrariâ præscriptione xxx. aut xl. annorum, *c. Si de terra 6. c. Accedentibus 15. h. t.* Vide Suarez *d. lib. c. 34. VIII.* Cessante ex toto causâ finali, *c. Cum cessante sup. De appellat. IX.* Si incipiat alicui esse perniciosum, præsertim ei, in cuius bonum datum, *c. Suggestum & ibi Glos. sup. De decimis. X.* per sententiam, latam contra priuilegium, in iudicio exhibitum, à qua non fuit appellatum, *arg. c. Suborta in fine & ibi Glos. sup. De sent. & re iudicata. XI.* Priuilegium speciale prius tollitur per speciale posterius, faciens mentionem de priori, *c. Caterum c. Cum ordinem sup. De rescriptis.* Similiter generale priuilegium prius, sicut & mandatum, per posterius speciale tollitur, licet prioris generalis nullam faciat mentionem, *c. 1. & c. Pastoralis sup. De rescript.* Speciale verò priuilegium non tollitur per subsequens generale, nisi de eo mentionem fecerit, *d. c. Cum ordinem.* nam species semper derogat generi, siue præcedat, siue sequatur, Abb. in *c. 1. sup. De rescriptis. XII.* Per renuntiationem, tacitam vel expressam, de qua, quomodo fieri possit vel non, vide Suarez *d. lib. cap. 33. cum alijs, quos citat. XIII.* Per reuocationem, de qua vide eundem Suarez *d. lib. cap. 37. cum alijs, quos citat.* Quid autem dicendum sit, quando locus vnus vel Ecclesia alteri vnitur, vide Glos. & Hostiens. in *c. 1. sup. Ne sede vacante &c.*

Denique licet priuilegium sit rescripti species, ad substantiam tamen eius non requiritur scriptura, vt satis colligitur ex *can. Institutiones xxv. q. 2. Clement. Dudum De sepulturis*, ibi, *gratias aut priuilegia, verbo aut scripto concessa*, & *ibid. Glos. ac De Extrauag. DD. Dominici De penit. & remiss. ibi, tam verbo quàm scriptis confectis exinde litteris*, vel non: & iterum, *quas concedi quomodolibet in posterum continget, verbo, litteris, &c.* Subinde tamen requiritur scriptura ad priuilegij probationem.

§. II. De excessibus priuilegiatorum.

1. *Priuilegia prauâ interpretatione non extendenda.*
2. *Priuilegia Regularium quatenus limitata aut limitanda.*

Quantum ad excessus priuilegiatorum attinet, de quibus, quatenus priuilegiati sunt, hoc Tit. agitur, sciendum, huiusmodi excessum non esse aliud, quàm priuilegiorum abusum. Nam sicut priuilegium alicui datum neque directè neque indirectè est à quoquam violandum, *c. Quando 26. h. t.* nec malignâ interpretatione ita restringendum, vt priuilegiato prorsus sit inutile, *c. In his 30. h. t.* ita è diuerso priuilegiati non debent prauâ interpretatione priuilegia sua, contra & præter mentem concedentis, in alterius

præiudicium producere & extendere. Et propterea exemptis per priuilegium à iurisdictione Ordinarij non licet Ecclesias vel decimas de manu laicorum sine consensu Dioecesani recipere, *c. 3. h. t.* Similiter non licet excommunicatos nominatim vel interdictos ab Episcopo admittere ad diuina vel sepulturam, *d. c. 3. §. Excommunicatos & c. Ad hac h. t.* nec in Ecclesijs suis, quæ ad eos pleno iure non pertinent, Presbyteros, inconsulto Episcopo, instituere vel destituere, *d. c. 3. §. in Ecclesijs.* Hinc etiam exemptus in loco non exempto construere Ecclesiam non potest absque licentia Episcopi; & si de facto construxerit, cedit iure Episcopi, *c. Cum olim 14. h. t.* Deniq; confratres exemptorum seu ipsorum oblato, nisi se ad eos in totum transtulerint, nullatenus eximuntur ab Episcopali iurisdictione, *d. c. 3. §. De confratribus:* & quicumque priuilegijs suis quoquo modo abutuntur, vel aliorum priuilegijs derogant, suis priuandi sunt, *c. Dilecti 4. & c. Ut priuilegia in princ. 24. h. t.*

- 2 Cæterum licet Regulares varijs summorum Pontificum priuilegijs à iurisdictione Ordinariorum sint exempti, prout videre licet eorum priuilegijs, latè collectis & explicatis apud Eman. Roder. *Quæst. Regular. tomo 1. à q. 45.* omnesque tam Mendicantes quàm non mendicantes sua sibi priuilegia communicent, illisque æqualiter, etiam vni tantum Ordini concessis, gaudeant: in plurimis tamen ista eorum priuilegia fuerunt à diuersis Pontificibus restricta & limitata, speciatim ab Innoc. III. in Conc. Lugdunensi, Bonifacio VIII. *toto h. t. in 6.* Conc. Constantiensi *Sess. 43.* Leone X. in Conc. Lateranensi, cuius Constitutionem, editam an. 1516. refert Pias. 2. p. c. 3. art. 6. n. 5. ac nouissimè per Conc. Trid. prout videre licet tum apud Pias. *d. loco,* ubi ex professo tradit casus, quibus, non obstantibus suis priuilegijs, subsunt iurisdictioni Episcoporum, tum apud Eras. Choquier *Tract. De iurisdic. Ordinarij in exemptos p. 2. q. 45.* ubi eiusmodi casus 116. enumerat. Videatur etiam Zyp. *h. t. qui n. 2.* refert ex Choppino à Senatu Parisiensi iudicatum, huiusmodi exemptionem non extendi ad iura quædam honorifica: Episcopo in Ecclesia exempta adiudicatam eminentiorem sedem: sacrum concionandi munus aut Concionatoris dandi arbitrium, irrequisito Canonicorū collegio, & ius dimissorias litteras tribuendi, cum libero in concessum Capituli introitu, quoties de Ecclesiæ commodis obsequiove Principi debito Concilium iniretur. Insuper tradit, quòd, licet sacra Congregatio censuerit, Regulares Canonicos, qui de mandato suorum Superiorum Parochiali Ecclesiæ, suo monasterio vnite, deseruiunt, si delictum commiserint, curam animarum aut administrationem Sacramentorum non concernens, non posse ab Ordinario, sed tantum à superiori Regulari puniri

puniri (quod quomodo concordet cum *cap. 3. Sess. 6. Conc. Trid.* se non videre ait :) nihilominus in his partibus possessio habeat, ut qui in cura extra monasterium stant, plenius subdantur correctioni ordinariæ. Addit ex Gonzales ad Reg. VII. Cancell. Gregorium XIII. statuisse nō licere Canonicis regularibus congregationis Lateranensis habere beneficia curata in perpetuum vel etiam ad tempus absq; dispensatione summi Pontificis. Et ita nunc praxim Romanæ Curia habere, ut qualescumq; Monachi sine dispensatione Papæ beneficia curata obtinere non possint. Quamvis autem exempti ab Episcopo excommunicari non possint, nisi in casibus, in quibus Conc. Trid. vult cessare eorum exemptiones, c. ult. Sess. 25. Bulla Pij V. incip. *In Principis* 1565. 24. Febr: tamen in casibus, in quibus à Iure excommunicantur, citari possunt, & declarari excommunicati & vitandi, Zyp. h. tit. in fine.

TITVLVS XXXIV.

De purgatione Canonica.

1. Purgatio duplex Canonica & Vulgaris.
2. Canonica quomodo fiat.
3. 4. Compurgatores quot & quales assumendi.
5. Pœna deficientis in purgatione.
6. Purgatio quando permitti debeat.

TRactatu criminum absoluto, restat posterius huius libri, caput de pœnis, quibus ea coercentur & puniuntur. Verum cum pœna infligi nequeat, nisi crimine luce meridianâ clariùs probato, l. ult. Cod. De probat. & tamen, deficientibus accusationibus vel probationibus, crimina manere impunita reipubl. perniciosum sit, introducta est purgatio, quâ reus de obiecto sibi crimine se purgat seu excusat: sic enim accipitur hoc loco Purgatio, estque duplex Canonica, & vulgaris.

Purgatio Canonica est innocentia alicuius criminis, de quo quis diffamatus est, Canonicè facta ostensio seu demonstratio. Colligitur ex c. 2. 3. & 4. h. t. Vocatur Canonica, eo quod à sacris Canonibus inuenta & prodita sit, toto h. t. Decretal. contra Vulgarem.

Ea fit hoc modo: Imprimis reus, tactis sacrosanctis Euangelij, iurat se crimen obiectum non perpetrasse, nec per se, nec per submissam seu tertiam personam, neque aliquem suo nomine se sciente commisisse,

fuisse, c. *Quoties* 5. h. t. modò fide dignus sit: nam hoc iuramentum nec temerè nec nisi fide dignis deferri debet & solet.

- 3 Insuper adhibet sibi compurgatores, interdum duodecim, interdum septem, interdum pauciores, pluresve, c. 8. & 10. h. t. pro arbitrio scilicet iudicis, qui pro qualitate delicti personæ, rei, compurgatorum numerum determinabit, vel etiam, vbi ita videbitur, compurgatores omittet, d. c. 8. in V. *sicut expedire*, c. *Significasti* in V. *iuxta arbitrium tuum sup. De adult. & alijs*. Quin imò quandoq; ipsius rei, si leuior sit diffamatio, simplici negatione contentus erit. Planè in *can. Qui presbyterum* xvii. qu. 4. statuitur, vt qui Presbyterum occiderit, si liber sit, cum septuaginta duobus iuret (magno sanè numero, nisi fortè legendum sit, duodecim, vt alij Codices habent:) sin autem seruus, super duodecim vomeres feruentes se expurget; quæ est purgatio vulgaris, postmodum ab Honorio III. damnata, c. *ult. inf. De purgat. vulgari*.

- 4 Debēt autem hi compurgatores esse vicini, probatæ & honestæ vitæ, c. *Cum dilectus* 11. h. t. saltem de nullo crimine condemnati vel suspecti, c. *Constitutus* 9. h. t. qui reum familiariter nouerint, c. *Cum P.* 7. h. t. & iurare, tactis sacrosanctis Euangelijs, se credere, reum crimen obiectum non commisisse, & verum iurasse. Vnde hoc iuramentum compurgatorum est credulitatis; rei verò, qui se purgat, veritatis, d. c. *Quoties* c. *De testibus* 13. h. t.

- 5 Quòd si verò diffamatus de crimine defecerit in hac purgatione, vel quia iurare nolit, vel quia non inueniat compurgatores, qui eum expurgare velint, tamquam conuictus de crimine, auctorque sceleris puniendus erit, c. *De hoc* 11. c. *Insinuatum* 13. *sup. De simonia*; & si crimen tale sit, quod mereatur depositionem, depouendus, d. c. *Cum* 3. Quin etiam, si crimen graue sit, vel monitus non vitauerit occasionem, quæ eum infamem reddat, suspendi potest ab officio & beneficio, donec se purgauerit, c. 2. & c. *Inter* 10. h. t.

- 6 Non permittitur tamen hæc purgatio, nisi vbi de crimine magna est suspicio, nec tamen magna probatio, *cap. Cum dilectis* 15. h. tit. vbi enim crimen aliter probari potest, vel adsunt indicia ad torturam, non est indicenda purgatio, d. c. *Si quis de gradu* h. t. Riccius *Decis.* 680. sicut nec vbi crimen est notorium vel propriâ confessione, vel testibus, vel euidentiâ facti, sed debita tunc pronuntiatur sententia & pœna infligitur, d. c. *Cum dilectis*: ideoque hoc remedium subsidiarium reputatur, Ricc. d. loco. Sic nec reo indicenda est necessariò, quando infamia ortum non habet ex probabilibus coniecturis, sed tunc diffamatus simpliciter absoluendus est, nisi aduersarius valde instet, c. *Cum in iuuentute* 12. *versic. caterum quia procurator* h. t.

Cæterum licet hæc purgatio à sacris Canonibus inducta sit, & pro magna

magna parte in deluetudinem abierit, præterquam in Regularibus, Ricc. d. Decis. 680. nec olim fuerit in usu, nisi quoad Clericos, Iul. Clarus §. fin. q. 63. n. 4. tamen in foro etiam sæculari usu receptam esse quibusdam in locis, veluti in Flandria & alijs, testatur Damhouderus in *Praxi Crimin. cap. 44.* præsertim in causis hæresis, Iul. Clarus d. loco, Bern. Diaz in *Praxi Crim. Can. cap. 149. n. 2. & ibid.* Lopez ad cap. 148. in fine & potissimum, dum aliquis accusator non est, c. Nos inter 6. h. t. Notatque Zyp. h. t. n. 1. Ioannem Ducem an. 1312. in tabulis Legum Brab. sanxisse, vt ad huiusmodi purgationem admittatur diffamatus cum duobus compurgatoribus; qui si extraneus sit, iuret se innoxium, & innocentia suæ testes siue compurgatores inuenire non posse. Addit ex Concordatis Hannoniæ, initis inter Episcopum Cameracensem & Consiliarios suæ Majestatis, 2. Martij 1541. quod in casu vehementis suspicionis aut notoriæ diffamationis, deficiente probatione, Officialis possit indicare modo consueto purgationem.

Effectus autem purgationis huius est, absolui, & in pristinum statum restitui, *can. Omnibus 2. q. 5. can. Mennam, can. Presbyter ibid.* non tantum, si omnino innocentes fuerint, sed & si culpam commiserint, ex qua nata fuerit diffamatio, vt patet ex d. c. Inter 19. h. t. vbi Decanus, ob culpabilem familiaritatem cum hæreticis diffamatus & suspensus, purgatione peractâ, fuit loco restitutus. Sic verò purgatus & restitutus deinceps vitam suam instituere bonisque operibus adornare debet, vt infamia conuertatur in bonam famam, & scandalum ac suspicio omnis de Catholicorum mentibus deleatur, d. c. Inter in fine.

Æquum porro videtur, vt se purgans, si causam culpabilem suspicionis dederit, condemnetur in expensas, prout olim obtinuisse, & cautum esse in statutis Curiarum Ecclesiasticarum prouinciæ Mechlin. 12. Octob. 1617. atq; obseruatum à Conc. Brabantia eodem anno, refert Zyp. d. loco num. 3. Quamquam in Concordatis Hannoniæ cum Episcopo Cameracens. an. 1449 decretum fuerit, ne reus, per purgationem absolutus, expensas vllas luat. Vide Diaz cap. vlt. sua Pract. & ibid. Lopez.

TITVLVS XXXV.

De Purgatione vulgari.

1. Purgatio vulgaris quo pacto fiat.
2. Causa prohibitionis.

Purgatio Vulgaris, sic dicta à Vulgo (à quo, instigante diabolo, inuenta & inducta est) fit vel per duellum, vel per aquam calidam aut frigidam, vel per ignem, id est per ferrum candens, per prunas & rogū, vel per alia similia, *c. Ex tuarum 8. De purgat. Canonica, c. 1. & 2. & fin. h. t. can. Monomachiam 2. q. 5.* Ut v. g. si alter alterum criminis alicuius accuset, quod probare non possit, & pro-uocet ad duellum, vt vter ceciderit, is habeatur reus criminis vel falsæ accusationis, *d. c. 1. & 2. h. t.* vel si quis dicat se falsò accusatam, & ferrum candens manu comprimat, vel super ignitum ferrum nudis plantis incedat, absque adustione, habeatur innocens; sin secus, reus, *c. ult. h. t.* Exemplum refert Couar, *lib. 4. Var. resol. c. 23. & ibid. in Annotat.* Vffellius, *Delrio Disquisit. magic. lib. 4. cap. 4. q. 4. Sect. 3.*

2. Cæterum hæc purgatio tribus de causis merito à sacris Canonibus reprobata & vetita est. Prima, quia per eam sæpè contingeret quem condemnari, qui esset absoluendus; & absolui, qui condemnandus, *d. c. 2. hoc tit.* Secunda, quia inuenta à diabolo, *can. Menam can. Consulisti 2. q. 5.* Tertia, quia per eam tentetur Deus, *d. c. ult. h. t.* Vbi tamen publica salus duellum exposceret, licitum esset, imò laudabile, *arg. tex. in l. 1. §. sed si quis operas D. De postulando;* vbi, licet locans operas, vt cum bestiis pugnet, sit infamis, tamē non est infamis, qui locat operas, vt expugnet feram, regioni noxiam. Videatur plenius de vtraque hac purgatione Tholosan. *Syntag. Iuris Vniuersi l. 48. c. 35.*

TITVLVS XXXVI.

De Iniurijs & damno dato.

§. I. De Iniurijs & earum pœnis.

1. Iniuria generaliter & specialiter sumitur.
2. Specialiter pro contumelia, & fit re aut verbis.
3. Pœna iniuriantium ex vtroque iure.

Iniudi-

In iudicio criminali prosequendo & terminando non solum de pœna, ob crimen commissum luenda, tractandum est, verum etiam de priuata iniuriarum aut damni dati reparatione. Sed & cum deficiente accusatore, & purgatione Canonice præstita, absolendus sit reus, teneaturque accusator siue denunciator accusato actione iniuriarum & de damno dato, ideo recto ordine subnectit hunc Tit. Pont.

Iniuria dupliciter sumitur, generaliter & specialiter. Generaliter dicitur omne id, quod non iure fit, indeque suam appellationem habet, l. 1. D. De iniurijs. Specialiter rursus tripliciter sumitur; primò, pro contumelia, quæ à contemnendo dicitur; secundò, pro culpa seu damno, culpa & non iure dato, vt in *Lege Aquilia*; tertio, pro iniquitate seu iniustitia, vt quando Iudex iniquè & iniustè iudicat. Hic verò sumitur pro contumelia; & duobus potissimum modis fit, re & verbis. Re, si manus alicui inferantur: vt si quis alium pulset aut verberet. Verbis fit dupliciter; Primò, quando quis ad contumeliam alterius verba contumeliosa profert. Vnde & conuitium dicitur: significat enim conuitium iniuriam verbis factam, d. l. 1. §. 1. D. eod. maximè si cum vociferatione & in cœtu hominum fiat: aliàs non dicitur propriè conuitium, sed infamandi causà dictum, l. Item §. ait Prator: veluti si quis in cœtu hominum alium appelleret scurram, nebulonem: si dicat, Tu mentiris, licet addat, saluo honore; quia verbum iniuriosum præcedens declarat voluntatem iniuriantis, quæ deest in reservatione inde facta, & quia dici solet, protestationem repugnantem cum ipso actu esse nullam, arg. l. Cum precario D. De precario. Secundò fit litteris seu scripturâ: vt si quis librum ad infamiam alicuius pertinentem aut carmen famosum, vel historiam, scripserit, composuerit, ediderit, dolove malo fecerit, quo quideorū fieret, siue suo siue alterius nomine, vel sine nomine: item qui emendum vendendumve curauerit, l. Lex Cornelia §. § si quis librum 9. D. h. t. aut inuenerit, legerit, nec corruperit, sed dolosè manifestarit, l. unica Cod. De famosis libellis.

Ex famoso autem libello grauissima nascitur iniuria, quæ pœnâ capitali punitur, d. l. unica Cod. De fam. libellis; nempe si criminaliter agatur: alioqui si ciuilitè, condemnatus iubetur esse intestabilis, d. §. si quis librum. Eaque pœna constituta est non tantum in auctorem libelli, sed & in eum, qui de via repertum non decerpserit, sed evulgauerit & in publicum proiecerit, vt à quouis legeretur.

Cæteroquin quòd ad pœnas & æstimationem iniuriarum attinet, illud hic præmittendum est, iniurias quasdam pertinere ad læsionem corporis, vt cum quis pulsatur aut verberatur; quasdam ad læsionem dignitatis, vt cum comes matronæ abducitur; alias ad infamiam, vt

cum pudritia alicuius attentatur, d. l. 1. §. 2. alias ad læsionem rerum, ut in Tit. Ad l. eg. Aquiliam. Rursus ex his quasdam dici iniurias atroces, quasdam leues. Atroces sunt contumeliosiores & maiores, habitæ ratione personæ, temporis, loci & rei, prout hæc omnia explicantur in l. Aut facta §. 1. D. De pœnis l. Prætor edixit §. atrocem cum l. seq. D. h. t. §. atrox Institut. eod.

Pro varietate igitur iniuriæ, atrocis vel leuis, crescit vel minuitur æstimatio iniuriæ. Agiturque ob iniuriam aut ciuilitè, aut criminalitèr. Ciuilitèr, ad æstimationem iniuriæ, ut scilicet Iudex tanti reum condemnet, quanti iniuriam passus æstimauerit, vel minoris, prout ei visum fuerit, §. In Summa, iuncto §. Pœna Institut. eod. Criminalitèr agitur ad pœnam extraordinariam, officio Iudicis reo irrogandam. Et quidem utroq; hoc modo agitur ex præscripto iuris Ciuilis, quo etiam vna actio tollit aliam, l. 6. 7. & ult. D. eod. quia vtrumque iudicium ad pœnam & vindictam comparatum est, & vnum idemq; delictum vindicari iterum non debet, l. Senatus 14. D. De accusationib.

At iure Pontificio si quis in Clericum aut Religiosum violentas manus iniecerit, excommunicatur ipso facto, can. Si quis suadente xvii. q. 4. c. 5. cum similibus inf. De sent. excommunicat. & in eum, qui Cardinalem fuerit hostiliter insecutus vel percussit &c. veluti in reum læsæ maiestatis animaduertitur, c. Felicis De pœnis in 6. ubi plenius vide. Qui autem in Episcopum hæc perpetraverit, iisdem ferè pœnis coërcetur, Clement. 1. De pœnis c. vnico eod. tit. in 6. Denique qui in alterius famam publicè scripturam aut verba contumeliosa confinxerit, & repperit scripta non probauerit, flagellari debet. Qui autem libellum famosum inuenerit, nec ruperit, quasi auctor huiusmodi delicti utroque iure puniendus est, can. 1. & ult. V. q. 1. l. vnica Cod. De famosis libellis.

§. II. De Damno dato.

1. Damnum quoquo modo datum reparari debet.
2. Victus victori condemnandus in expensas.

SEd probato crimine reus ante omnia damnum alteri iniuriæ quoquo modo, etiam breuissimâ culpâ datum, siue per se, c. 1. 2. & 3. h. t. siue per alium, vel alij opem ferendo, c. ult. eod. planè refarcire debet, d. c. 1. & c. 6. eod. siue Clericus sit, siue laicus, c. Olim 7. h. t. siue damnum datum sit in rebus vel animatis vel inanimatis, toto Tit D. & Cod. Ad L. Aquiliam & potissimùm l. In lege D. eod. quia factum suum cuique nocere debet, non alteri, ut habet regula
Iuris,

Iuris, l. Imperitia 132. D. De R. F. cum non debeat quis affectare id, in quo vel intelligit vel intelligere debet infirmitatem imperitiamve suam alicui futuram periculosam. Idem est in eo, cuius negligentia damnum illatum est: ut in Medico, qui deseruit curationem aegroti; in Notario, cuius negligentia error in instrumento admissus est; in eo, qui negligenter ignem custodiuit, ne longius serperet: nam hi omnes & similes ad restitutionem damni recte conueniuntur, ut latius tradit Canis. in Summa, lib. 3. tit. 2. §. *damnum*; quem plenius vide, ut & ea, quae traduntur in Tit. Institut. Ad L. Aquilianam, & De noxalib. actionibus, ne superflue, quae ibi traduntur, repetamus.

Non solum autem damnum illatum resarcire reus debet, sed & 2 expensas, quas occasione litis iniuste motae aduersarius iuste fecerit, refundere tenetur, d. c. Olim 7. h. t. d. c. 4. inf. De poenis: quia regulariter victus victori in expensas condemnatur, etiam in causis civilibus & pecuniariis, c. Properandum §. *sive autem* Cod. De iudiciis. Adeo ut statutum de damnis non resarciendis disponens, etiam si quis illud seruare iurauerit, non extendatur ad expensas, c. In nostra 8. h. t. quia aliud appellatur damnum, aliud expensae; & iuramentum strictè accipiendum est de ijs tantum, de quibus expressim fuerit actum.

TITVLVS XXXVII.

De Poenis.

§. I. Poenae quotuplices & quo pacto infligendae.

1. Poena à multa in quibus distinguatur.
2. Poena alia Civilis, alia Criminalis.
3. Civilis alia Conventionalis, alia Legalis, alia Iudicialis.
4. Criminalis alia Perpetua, alia Temporalis.
5. Temporalis alia Pecuniaria, alia Corporalis, alia Spiritualis.
6. Poena item alia est Personalis, alia Realis, alia Mixta.
7. Item alia Capitalis, alia non capitalis.
8. Iudex Ecclesiasticus secundum Canones iudicare debet.
9. Quid Iudex in infligenda poena attendere debeat.
10. Etiam heredes delinquentium iure Canonico interdum puniri.
11. Iudex Ecclesiasticus quatenus poenam pecuniariam infligere possit.

R Ei criminum, de quibus hucusque satis superque actum est, præter damna & expensas, etiam pœnas pati debent; easque vel à Canonibus statutas, vel arbitrio Iudicis, pro qualitate criminis, infligendas, si nullæ à Canonibus statutz sint, *c. Dilectus filius 11. h. t. cum, ut dicitur in c. Ut jama §. 1. inf. De sent. excommunicat. l. Ita vulneratus §. fin. D. Ad L. Aquiliam*, expediat Reipubl. ne crimina maneant impunita, & eo fine pœnz adinuentæ sint, ut homines à delictis coërceantur & in officio contineantur eoq; pacto Respubl. pacata & tuta sit.

Pœna (à Pendendo dicta iuxta Varronem 4. *De lingua Lat.*) est supplicium, quo quis ob delictum afficitur, siue noxa vindicta, seu delictorum omnium coërcitio vel satisfactio, à lege vel ministro legis imposita.

1 Distinguitur à Multa; primò, quòd pœna generale sit nomen, omnium delictorum coërcitio; multa verò specialis delicti. Secundò, quòd multa animadversio tantum pecuniaria sit, Pœna etiam capitis & existimationis irrogari soleat. Terriò, quòd pœna à lege, multa ex arbitrio eius, qui multam dicit, & ut plurimum ubi pœna non est à lege imposita, indicatur. Quarto, multam is indicare potest, cui ad iudicatio data est, pœnam verò quisque, cui criminis executio competit, irrogare potest. ita hæc discrimina traduntur in *l. Aliud fraus 131. D. De verb. signif.*

2 Diuidi autè pœna in genere multifariam potest; & primò in Ciuilem & Criminalem. Ciuilis est, quæ non tendit ad vindictam publicã, sed ad priuatum commodum, puta ciuilitè agentis, etiam de crimine, *arg. l. vnica Cod. Quando ciuili actio prauid. crim.* Et hæc vel est Conventionalis, vel Legalis, vel Iudicialis. Conventionalis ex conuentione partium, veluti si quid datum factumve non fuerit, committitur & præstatur: ita ut, si vterque conuentioni contraueniat, vterque in pœnam incidat, *c. Constitutus 7. h. t.* Legalis est pœna ciuilis, quæ à lege imponitur, pro reparatione damni illati, vel propter contumaciam aut contemptum. Iudicialis propriè est, quæ à Iudice infertur.

3 Criminalis est, quæ tendit ad vindictam publicam; totiesque infligenda est, quoties delictum iteratur, *c. 1. h. t.* * Et hæc diuidi potest in Perpetuam & Temporalem, quarum illa numquam vnus pro alio punitur, *can. 1. q. 4.* & de qua intelligitur illud, *Filius non portabit iniquitatem patris.* * Temporalis subdiuidi potest in Pecuniariam, Corporalem & Spiritualem. Pecuniaria aliàs Multa vel Emenda, vel Compositio vocatur. Tholosan. *Partit. Iuris Can. lib. 4. tit. 16. cap. 1.* Corporalis est duplex: alia enim corpori ipsi infligitur, alia autem versatur circa statum vel dignitatem personæ, ut seruitus, infamia.

Spiritu-

Spiritualis est quadruplex Excommunicatio, Interdictum, Suspendio & Degradatio, de quibus dicitur postea.

Aliter diuidi solet pœna in Personalem, Realem & Mixtam. Personalis est, quæ personam tantum afficit, vt Depositio, Suspendio, Excommunicatio, Incarceratio, in monasteriũ detrusio, Verberatio, Seruitus, Relegatio ad triremes, publica ad infamiã criminosi in theatro aut columna ostentatio, quam moribus nostris infamiã irrogare asserit, *Bul. ad L. 1. l. t. d. De his qui notantur infamia*, vt refert *Zyp. h. t.* Realis est, quæ in odium personæ rebus imponitur; vt missio in possessionem beneficij vel eius priuatio, rerum confiscatio. Mixta denique est, quæ partim est personalis partim realis, vt Interdictum, absolutio vassalli à fidelitate.

Tertiò, diuidi potest pœna in genere secundum diuisionem criminum: vt enim crimina alia sunt capitalia, alia non capitalia, ita & pœnæ aliæ capitales, aliæ non capitales, *l. 3. D. De publ. iudicijs*. Capitalem pœnam diuidit Iurisperitus in *l. Capitalium D. De pœnis*, in vltimum seu summum supplicium, metalli coërcitionem & deportationem. Vnde patet capitalium alias esse maiores, alias minores. Quin etiam inter vltimi supplicij pœnas maior ea dici potest, quæ maius opprobrium infert. Alias diuisiones pœnarum omitto, de quibus videri potest *Tholosan. d. loco*.

Porrò sicut Iudex secularis secundum leges ciuiles iudicare debet, *Institut. De officio Iud. in princip.* & à præscripta iure pœna non discedere, *l. 1. §. 1. D. Ad S. C. Turpill.* ita & Iudex Ecclesiasticus secundum Canones iudicare, nec à pœnis per eos statutis recedere debet, *c. 1. sup. De constitut. c. 1. sup. De sent. & re iudicata*, nisi causa subsit, quia tum permissum est vtrique pœnam vel augere vel minuere, vel etiam prorsus remittere, *c. fin. sup. De transact. l. 3. & 4. C. d. Ex quibus causis irrog. infamia*; pro varietate scilicet circumstantiarum, causæ, personæ, loci, temporis, quantitatis, qualitatis, & euentus, *l. Aut facta 18. D. hoc tit.*

Nam in primis in infligenda pœna Iudex diligenter attendere debet, an delictum sit voluntarium, an inuoluntarium: tunc enim maleficia puniuntur, cum ex corde committuntur, *Glos. in c. 1. sup. De conuers. coniugat. can. Illa cauenda xv. q. 1.* Similiter considerare debet personarum statum, conditionem, gradum, qualitatem, *l. 2. & 3. D. De termino motu*. Sic quoque diuersitas temporis plurimum facit ad distinctionem criminum & pœnarum, *can. fin. Distinct. 14.* sicut & loci, *can. Anteterminum can. Aliter Distinct. 30. c. Cum olim sup. De Cleric. coniugatis*. Vt & diuersitas quantitatis: nam qui ouem surripit, fur; qui gregem, abigeus dicitur, *d. l. Aut facta l. 1. & fin. D. De abigeis. Et ut delictorum*

delictorum alia sunt maiora, alia minora, *can. Adulterij malum can. Flagitia, can. Quod in omnibus xxxi. q. 7.* ita & pœnarum alia maiores, alia minores: quas ita inferre Iudex Ecclesiasticus debet, ne vnquam pœnam ingerat sanguinis, *c. Clericis & c. penult. sup. Ne Clerici vel Monachi &c.* sed vt, si quando vel ex delegatione Principis vel alio iure cognitio criminis, pœnam sanguinis exposcentis, sibi competit, eam vel ad ipsum remittat Principē, vel alicui Iudici laico demandet, *l. In Archiepiscopatu sup. De raptorib.* Vide Canis. in *Summa lib. 3. tit. 22. ad finem.* Sic quoque crimina ob frequentiam maiorem puniri grauius possunt, quam alias puniri deberent, *d. l. Capitalium §. solent & l. Sernos 8. §. viles autem Cod. Ad L. lul. De vi publica.* Quotiesque ex eodem facto plures delicti species oriuntur, totidem etiam pœnae infliguntur, *l. 2. D. De priuatis delictis;* aut saltem altera imponenda augetur, *l. vnica §. 1. Cod. De raptu virg.*

10 Quin etiam ob gravitatem criminum hæredes delinquentium subinde Iure quoque Pontificio puniuntur. Nam qui v. g. Episcopum suum occiderit, non tantum ipse omnia quæ ab Ecclesia obtinet, amittit, sed & liberi, vsque ad quartum gradum, ab Ecclesia illiusque beneficijs arcentur, *c. Ad aures 10. c. In quibusdam 12. h. t.*

Nec obstat, quod dicitur, filium non portaturum iniquitatem patris, quia id accipiendum est de pœna æterna, non de temporaria, *cap. Vergentis 10. sup. De hæreticis.*

11 Cauere etiam Iudex Ecclesiasticus debet, ne pœnam inferat pecuniariam, quando alia est à Canonibus statuta, *c. licet 3. h. t.* quia secundum Canones iudicare debet. Alioqui si nulla certa pœna à Canonibus statuta sit, relinquatur eius arbitrio, vt etiam pecuniariam infligat, si ita videatur, vt satis constat ex *c. Presbyteri 2. h. tit. c. Postulasti sup. De Iudeis, Felin. latè in c. Irrefragabilis n. 6. sup. De officio Ordin.* modò omnem auaritiæ vitet suspicionem, *d. c. Licet.* nec pœnam in proprium vsum, sed in piam conuertat causam, Conc. Trid. Sess. 15. c. 3. *De reformat.* adeò vt ne quidem merces Vicarij, vel Officiariorum desumi inde debeat, prout declarasse Sac. Congregat. post Ant. Genuen. refert Ricc. in *Praxi pæn. Decis. 340.* Hinc licet Edictum Principum nostrorum de Festis, velit in condemnatione nominatim exprimi vsum pium, cui addicatur muka, ob festorum violationem inflicta, neutrum tamen inquit Zyp. hinc praxis obseruat, ob exilitatem, vt credit, dotium Episcopalium in Belgio. Putat tamen Riccius *d. loco,* in omni casu consulendam esse Sac. Congregat.

Pœna verò pecuniaria, quæ solet vulgò apponi in contractibus, licet exigi de iure possit, Felin. in *c. 1. De consuet. n. 43.* tamen de consuetudine non exigitur, nisi quatenus concurrat interesse aliquod, Piaf.

Piaf. d. p. 2. c. 4. art. 14. num. 18. in fine, post Nauar. in Manuali c. 23. num. 68. c. Suam 9. iunctâ Glos. fin. b. r.

§. II. De alijs obseruandis circa poenarum impositionem.

1. Carceris poenâ quatenus Iudex Ecclesiasticus uti possit.
2. Clericus perpetuo carcere includi non debet.
3. Laici per Iudicem Ecclesiasticum incarcerari possunt.
4. Verberum poena quatenus licita iure Canonico.
5. Clericus pro crimine torqueri etiam potest.
6. Damnatio ad triremes.

Q Vantum ad corporalem poenam attinet, cuiusmodi est Incarceratio, Verberatio, Damnatio ad triremes, eam quoque infligere Iudex potest Ecclesiasticus: * carceris tamen non passim nec leuiter, & non nisi præuiâ informatione; quia præiudicium generat irreparabile, Iudexque iniuste Clericum carceri mancipans, poenam excommunicationis non effugit, c. Si Clericos De sent. excommunicat. in 6. Nec carcer debet esse squalidus aut sordidus, sed decens & conueniens qualitati criminis & personæ, secundum Conc. Trid. Sess. 25. cap. 6. De reformat.

Perpetui etiam carceris poenâ plecti Clericus nequit, nisi in casibus à iure expressis, c. penult. & ult. sup. De heret. quibus scilicet de iure Ciuili infligenda esset poena mortis; non simplex, sed atrocior, iuxta enormitatem & atrocitatem delicti, puta ignis, damnationis ad bestias, membrorum lacerationis &c. Piaf. 2. p. cap. 4. art. 14. n. 1. post Diaz in Pract. Crim. Can. cap. 137. Prospiciendumque hoc casu, ne defectu alimentationis aut cibi inclusus carcere moriatur; nam securâ ex ea causâ morte Iudex fieret irregularis, Abbas in c. A nobis sup. De apostatu. Aliàs Clericus etiam custodiæ tantum causâ committi carceri potest, licet ciuilitè agatur, si utique de fuga sit suspectus, c. Si Clericos 15. De sent. excommunicat. in 6. c. Dilectus sup. De appellat.

Sed & laicis in criminibus Ecclesiasticis à Iudice Ecclesiastico infligi carceris poena potest, Clement. 1. De hereticis. Quinimò ad apprehendendos & mancipandos carceri Clericos Iudex Ecclesiasticus laicorum ministerio utitur licitè. ne tunc laici poenam incurrunt excommunicationis, capiendo Clericum, vel etiam percutiendo, si se defendat, & aliter detineri non possit, Piaf. d. loc. cit. 5. ex Hostien. & Angelo.

Nnnna

Verbe-

- 4 Verberum quoque poena visitata & recepta est iure nostro, c. 1. *sup. De calumniat. can. fin. Distinct. 35.* eiusque frequens est mentio apud Gratian. ut in *can. 1. v. q. 1. in can. Nullus Clericus xi q. 1. can. Cum beatus Distinct. 45.* ubi ait, quod Presbyteri & Abbates non nisi pro grauioribus & mortalibus culpis subiacerere verberibus debeant. Et non nisi per Clericum vel ipsum Iudicem Clerico sunt infligenda verbera, c. *Vniuersitatis 24. inf. De sent. excommunicat.* etiam incorrigibili, Diaz in *Praxi cap. 125.* ita tamen, ut Episcopus ipse neminem manibus suis percutiat, *can. Non liceat Distinct. 86.* id quippe alienum à sacerdote esse debet.

Cauendum etiam, ut citra mortis aut mutilationis periculum, verbera infligantur & ne in vindictam sanguinis transire videantur, c. *In Archiepiscopatu 4. sup. De raptorib.* Quamquam si casu & ex postfacto sanguinis sequeretur effusio, non per hoc incurreretur irregularitas, quia ea non contrahitur nisi morte vel membri mutilatione, Diaz d. *cap. 125.*

Abstinere item oportet Iudicem Ecclesiasticum quam maximè ab huiusmodi corporalibus pœnis, & ut ijs non nisi in atrocioribus utatur culpis, faciliusque contra minores Clericos, quam Sacerdotes, *Piaf. d. loco n. 6.* Et verbis potius quam verberibus Clerici corripienti sunt: leuiter enim castigatus reuerentiam exhibet castiganti; asperitatis autem nimiae increpatio nec increpationem recipit, nec salutem, d. *can. Cum beatus Distinct. 45.*

- 5 Huc pertinet, quod Clericus pro crimine torqueri possit, quamuis ciuilitè aduersus eum agatur, Diaz c. 117. dummodo magna & violenta ad hoc vrgeant indicia, per duos minimum testes probata, & fuerit Clericus infamatus de eo crimine: neq; enim ob testimonium vnius, qui fuerit particeps criminis, quis torquendus est, nisi alia suffragentur; nec etiam ad testimonium vnius testis, bonæ famæ, si item reus ex sua parte habeat adminicula integræ conuersationis.

Confessio autem extra iudicium facta licet non sufficiat regulariter ad torturam in Clerico, Diaz d. c. 117. tamen contrarium usu seruari, ex alijs, quos eam in rem citat, notat *Piaf. d. loco n. 7.* Vbi etiam subiungit, quod, licet tortura non debeat infligi Clerico per laicum, tamen vltro obtinuerit contrarium. Videatur de hac pœna plenius Diaz d. *loco. Et ad eum Lopez.*

- 6 Pœna quoque corporalis est damnatio & relegatio ad triremes in Italia visitatissima, de qua Diaz c. 134. Quâ poenâ si Clerici damnentur ad vitam, prius degradantur; si ad tempus, deponuntur verbalitè tantum: & utroque casu licitè verberantur à ministris triremium, *Piaf. d. loco n. 8.*

§. III. De Poena priuationis.

1. *Ad priuationem beneficij requiritur sententia iudicis declaratoria.*
2. *Quo modo quis priuandus ob absentiam vel non residentiam.*

Nemo priuandus est beneficijs vel officijs suis, nisi in casibus à iure expressis: & in casibus, quibus quis ipso iure priuatur, sententia requiritur Iudicis declaratoria, nec antè quis tenetur dimittere beneficium, *Pias. 2. p. 6. 4. art. 14. n. 15. & 16* Vbi etiam docet, quòd à sententia priuationis appellans, durante appellatione non sit priuatus: & proinde, si resignet interim beneficium, validam esse resignationem, licet beneficium iam antè fuisset impetratum ob priuationem; idque pro indubitato praticari in Curia Romana.

Vt verò quis priuetur ob non residentiam seu absentiam à beneficio, post præuiam monitionem per censuras primùm Ecclesiasticas, ac deinde per sequestrationem & subtractionem fructuū, compellitur ad residentiā, ita vt post quemlibet terminum poenæ expectetur absens ad minus per sex menses, *c. Quoniam §. porro sup. Et licet non contestata &c.* & demum, si adhuc pertinaciter se absenter venit, priuandus, *Conc. Trid. Sess. 23. c. 1. De reformat.* Citandus verò absens, si sciatur, ubi sit, est personaliter: sin autem id ignoretur, in Ecclesia sua ter successiue; nec sufficeret vna citatio pro tribus, *Glos. in d. c. Quoniam in V. canonibus, Abbas Consil. 67. lib. 1. Felin. in c. Consuluit n. 13. sup. De officio delegati.* Neque valeret sententia, quā priuaretur non residens, non præmissā trinā citatione, vel non seruata formā dicti Conc. si scilicet non residens non fuerit primò censuris, sequestratione fructuum, & alijs Iuris remedijs compulsus & punitus, vt fuisse decisum in Rota Rom. post Genuen. refert *Pias. d. loco n. 18.*

Ne autem Iudices facilius in rigorem declinent, sanxit Pius IV. *Constitut. incip. Cupientes*, quam refert *Quaranta V. De benef. priuat.* ne ipsi Iudices eorumve affines aut familiares ea beneficia obtineant, quibus alij priuantur.

Denique crimina, quæ priuationem inducunt ipso iure, & qui huiusmodi priuationem effectus sequantur, latè recenset *Azor. 2. p. Institut. Moral. lib. 7. c. 17. vt & ea*, ob quæ quis Iudicis sententiā priuandus venit, *d. lib. 7. c. seq.* quæ breuitatis causā videri apud eundem possunt.

§. IV. De poena Exilij.

1. 2. *Pœna exilij cur utilis, & quatenus ea extendatur.*
3. *Hodie pœna omnes arbitraria.*

1. **I**N exilium quoque mittere Iudicem Ecclesiasticum posse, constat ex c. 1. *sup. De calumniat. can.* Cum beatus *Distinct. 45. can.* Hi qui 111, q. 4. Eamque poenam conducere plurimum, ubi crimen puniendum coheret loco, & per loci mutationem tolleretur scandalum & delinquenti occasio iterum delinquendi, iuxta illud Isidori in *can. Valet Distinct. 81. Valet*, inquit, *interdum conuersis pro anima salute mutatio loci. Plerumque enim dum mutatur locus, mutatur & mentis affectus. Congruumque est inde corporaliter auelli, ubi quisque illecebris deseruiuit. Nam locus, ubi quisque prauè vixit, hoc in aspectu mentis apponit, quod sæpè ibi vel cogitauit vel gessit.*

2. Hæc tamen exilij poena non extenditur extra dioecesim & territorium iudicantis, *Felin. in c. Postulasti n. 2. sup. De foro compet.* Quamquam Archiepiscopus non ex sua tantum dioecesi, sed & ex tota provincia mittere in exilium possit, *Pias. d. loco n. 14.* Vbi addit, hanc poenam posse ex iusta causa relaxari per Episcopum; quod & tradit *Diaz c. 126.*

3. Illud hic restat subiiciendum, poenam esse arbitrariam, ubicumque ius vtriusque illam nominatim non exprimit; hodieque ex praxi omnes ferè poenas ubicumque locorum factas esse arbitratias: ac proinde poterit hoc tempore Iudex moderari poenas legum pro varietate & circumstantijs delictorum, locorum, & personarum.

TITVLVS XXXVIII.

De Pœnitentijs & Remissionibus.

§. I. De varijs Pœnitentiæ significationibus & diuisionibus.

1. *Pœnitentia nomen æquiuocum.*
3. *Diuiditur generaliter sumpta in bonam & malam.*
3. *Pœnitentia hoc loco quid significet.*
4. *Est vel Publica, eaq; solemnis & non solemnis, vel Priuata.*

Pœnæ

Poenæ, quas iam recensui, fori sunt externi seu iudicialis: postulat ordo, ut aliquid etiam dicamus de poenis fori poenitentialis seu interni siue animæ, id est de Poenitentijs eiusque partibus, Confessione, Contritione & Satisfactione, item de Remissionibus seu Indulgentijs.

Vbi in primis obseruandum, nomen Poenitentiae esse æquiuocum, eiusque varias significationes. Et primò quidem, generaliter eius usu spectato, dicitur prioris sententiæ seu consilij mutatio & conuersio; poenitereque generaliter dicitur, qui nollet fecisse vel omisisse, quod fecit, vel omisit, idque siue bonum siue malum.

Vnde Poenitentia sic generaliter sumpta diuidi potest in Bonam, quæ habetur de actu malo; & Malam, quæ de bono. Id autem dupliciter rursus contingit, vel sine dolore, ut in Beatis, quos sine dolore suorum poenitet peccatorum: & in Deo, qui *Genes. 6. Pœnitet, inquit, me fecisse hominem*; pro cuius explicatione vide *can. Incommutabilis xxii. q. 4.* vel cum dolore in viatoribus, qui non solum nolunt, sed etiam dolent se peccasse, iuxta illud D. August. in *can. Pœnitentia 4. Distinct. 3. De pœnit. Pœnitentia, inquit, est quadam dolentis vindicta, puniens in se, quod dolet commisisse.*

Inde verò transfertur ad significandam specialem virtutem seu habitum poenitendi ac dolendi de peccato. Eiusque actum, prout sic accipitur, definiens D. Ambr. in *can. Ecce nunc tempus 39. in fine De pœnit. Distinct. 1. & can. 1. & 6. d. Distinct. 3.* Poenitentiam, inquit, agere est, præterita mala plangere, & plangenda non committere. Quod intellige quoad propositum & intentionem: quia non est de ratione poenitentiae, ne semel commissa iterum committantur, sed bene propositum & intentio illa amplius non committendi.

Tertiò, translatus est hoc nomen ad significandum Poenitentiae Sacramentum, de quo hîc agitur, ut in *c. Quod in te 11. h. 1.* Ac denique ad significandam poenam seu vindictam, siue sponte susceptam, siue à Sacerdote impositam, in satisfactionem peccatorum, ut in *c. Omnis utriusque 12. h. 1. & d. can. Pœnitentia Distinct. 3.* ibi, *Pœnitentia est quadam dolentis vindicta*: & rursus ibidem dicitur, poenam tenere, qui semper punit, quod commisisse dolet. Quo modo etiam hîc accipitur nomen Poenitentiae.

Et quidem ita acceptum hoc nomen, prout poenam seu vindictam significat, potest Poenitentia statui duplex, nempe Publica & Priuata. Publica rursus duplex, Solemnis & Non solemn. Publica solemn est, quam imponit Episcopus ob grauissima crimina publica, in capite quadragesimæ peragendum, seruatis solemnitatibus, de quibus in *can. Pœnitentes 63. & can. In capite Distinct. 50.* Et hæc, ne Ecclesiæ vi-

lescat auctoritas, non nisi vnica esse debet, sicut vnum est baptisma, teste Ambros. *can. Si quis post remissionem d. Dist. 50.* idque ex speciali Ecclesiarum quarundam consuetudine: nam alibi iterare licet, *can. Nihil prodest 21. §. ex persona Depœnit. d. Distinct. 3.* Nec aliter sacerdotibus olim imponi poterat, quàm coelestis militiæ cingulo exutis, seu depositis, propter scandalum, *arg. can. Alienum & can. Conspirandum Distinct. 50. c. Quasitum 7. h. t.* quia, vt dixi, non nisi ob grauissima & famosissima crimina imponebatur. Et inde factum est, ne publicè poenitentes ad Ordines sacros promoueri valeant, vt dixi *lib. 1.* nec item, quamdiu tales sunt, communicare, nisi in mortis articulo, nec matrimonio iungi. Hoc verò tempore hæc poenitentia non est in vsu.

Publica poenitentia non solemnis est, quæ publicè, citra vllam Iuris solemnitatem, peragenda iniungitur. Cuiusmodi est peregrinatio, certi habitus delatio, & his similia: quia manifesta peccata non sunt occultâ correctione purganda, *c. 1. h. t. can. Si peccaueris 2. q. 1. can. Ego Berengarius De consecrat. Distinct. 2.* Et hæc imponi potest à Sacerdote: Solemnis autem non nisi ab Episcopo, *d. can. Poenitentes, & pluribus alijs similibus.* Quando autem publica poenitentia imponenda sit, vide Conc. Trid. Sess. 24. cap. 8.

Priuata seu secreta poenitentia est, quæ nec solemnis, nec publica est, sed priuatim suscipitur vel iniungitur, peragitur quæ, quæ etiam pro grauioribus criminibus, sed occultis, imponitur, *d. c. Quasitum b. t.* Occulta enim peccata non sunt publicè punienda, *can. Si peccaueris 2. q. 1. can. fin. xv. q. 3. can. Si quis potestatem xxiii. q. 4.*

§. II. De Poenitentia, vt est Sacramentum.

1. Poenitentia definitio.

2. 3. *Materia eius remota sunt peccata mortalia, non venialia.*

4. *Materia propinqua sunt Contritio, Confessio & Satisfactio.*

DE Sacramenti huius institutione, ratione, ac necessitate patet ex dictis antè de Sacramentis in genere, & videre licet Conc. Trid. Sess. 14. cap. 1. vbi ait, hoc Sacramentum Poenitentiae non secus lapsis post Baptismum ad salutem necessarium esse, quàm nondum regeneratis ipsum Baptismum. Vnde in *can. Secunda De poenit. Dist. 1* appellatur *Secunda post naufragium tabula*: quia vti fractâ naui vnum vitæ seruandæ perfugium nauiganti superest, si fortè vel tabulam aliquam fractæ naui arripere liceat, atq; ita euadere: ita post innocentiam Baptismi amissam seu fractam per peccatum mortale, nisi quis ad hanc poenitentiae confugerit tabulam, haud dubiè de eius salute desperandum erit.

Potest

Potest autem Pœnitentia, quatenus est Sacramentum nouæ legis, definiti, esse Sacramentum, quod, Contritione, Confessione & Satisfactione concurrentibus, peccatorum operatur remissionem.

Hac definitione indicatur duplex eius materia, remota scilicet & propinqua. Remota sunt peccata, non ut amplectenda, sed ut detestanda maximè: quæ proinde sunt materia Pœnitentiæ circa quam, ut vocant; sicut lignum est materia ignis, à quo absumitur, & morbus Medicinæ; non autem eo modo, quo res est materia statuae, seu materia ex qua.

Peccatum verò est duplex, Originale, quod ab ortu nobis congenitur per Baptismum in Christo condonatur, & Actuale, quod est factum, dictum, vel concupitum, contra vel præter legem Dei, aut Ecclesiæ. Et hoc rursus est duplex, Mortale sic dictum, quia mortem animæ præsentem adfert; de quo eiusque varijs speciebus vide *can. Vnum oratorium Dist. 25.* & Veniale, sic dictum, quia faciliè ei venia tribuitur ac remittitur, veluti per orationem Dominicam, *can. De quotidianis De pœnit. Dist. 3.* per eleemosynam, modicū ieiunium, asperisionem aquæ benedictæ, *can. Aquam De consecrat. Dist. 3. can. Qui vult De pœnit Dist. 6.* Et sine hoc ne quidem iusti viuunt: nam, ut Prouerb. 24. dicitur, *Septies cadit iustus & resurgit, can. Septies De pœnit. Dist. 3.* * Ne-
que est materia necessaria huius Sacramenti, hoc est non tenemur illud confiteri, licet utiliter confiteamur, ut definitum exstat in Conc. Trid. Sess. 14. c. 5. Ideoque sola mortalia peccata, post Baptismum commissa, sunt materia necessaria Pœnitentiæ, necessarioque confitenda. Dico, post Baptismum commissa; nam commissa ante Baptismum non sunt necessario confitenda. Imò nec subiiciuntur clauibus Ecclesiæ.

Materia proxima sunt tres actus pœnitentis, Contritio, Confessio, & Satisfactio, Conc. Florent. in *Instruct. Armeniorum*, & Trid. Sess. 14. in doctrina De sanctissima Pœnitentiæ Sacramento c. 3. 4. 5. & Can. 4. qui etiam partes integrales eius vocantur, quia ex Dei institutione in pœnitente ad integritatem Sacramenti & plenam perfectamq; peccatorum remissionem requiruntur. Conc. Trid. d. cap. 5. Vnde in *can. Perfecta De pœnit. Dist. 3.* dicitur, *in corde Contritio, in ore Confessio, in opere tota humilitas* (id est Satisfactio.) *Hac est perfecta & fructifera pœnitentia.* Vocantur autem à Conc. Florent. & Trid. hi tres actus quasi materia, non quia veræ materiæ rationem non habeant, sed quia non sunt eiusmodi materia, quæ extrinsecus adhibeantur, ut aqua in Baptismo, chrisma in Confirmatione, panis cum vino in Eucharistia. Vide plenius *Glos. in d. Can. Perfecta, & in Can. 1. 2. & 3. De pœnit. Dist. 1.*

§. III. De Contritione.

1.2.3.4. *Contritio quid sit, & ad eam requisita.*

5.6. *Est duplex, Contritio propriè dicta, & Attritio.*

1 **C**ontritio est animi dolor ac detestatio de peccato commisso, cum proposito non peccandi de cætero, Conc. Trid. d. loco. Adde ex eodem, & simul confitendi ac satisfaciendi.

2 Ad Contritionem igitur requiritur in primis odium & detestatio peccati præteriti, quia sine his vera cōtritio & pœnitentia concipi non potest. Hinc quotiescumque Scriptura aliquos inuitat ad pœnitentiam, hortatur & ad odium detestationemque peccati, Ioan. i. *Conuertimini ad me in toto corde vestro, in ieiunio, & fletu, & planctu, & scindite corda vestra*, can. *Conuertimini* 33. cum seq. & can. *Quis aliquando* 87. De pœnit. Dist. 1. Hanc detestationem peccati, quam contritio essentialiter includit, in viatore necessariò consequitur dolor tanquam immediatus eius effectus. Ac proinde propositio illa Conc. Trid. Contritio est dolor animi, est causalis: illa verò, Contritio est odium ac detestatio peccati, est formalis & essentialis.

3 Secundò requiritur propositum de cætero non peccandi, iuxta illud Isaïæ 1. *Quiescite agere perversè*: & illud, *Derelinquat primis viam suam*, d. can. *Quis aliquando*: & illud Ezech. 18 *Projicite à vobis omnes iniquitates vestras, & facite vobis cor novum*; aliaque similia.

4 Tertiò requiritur propositum confitendi & satisfaciendi, ut patet ex Conc. Trid. loco citato, & Conc. Compluten. in quo damnata fuit opinio Petri Othoniensis, afferentis, per solam cordis contritionem remitti peccata mortifera sine ordine ad claves.

Tametsi autem hoc propositum, quemadmodum & propositum de cætera non peccandi, ordinariè debeat esse explicitum & formale: tamen dari potest casus, in quo iustificari quis potest absque expresse, sed cum utroque virtuali, non peccandi, inquam, de cætero, & confitendi, veluti, dum non occurrit vel inuincibiliter ignoratur, esse necessarium eiusmodi expressum propositum, vel quando ex defectu temporis haberi nequit, ut quando quis subito, ad martyrium rapitur.

5 Contritio duplex est: vna perfecta, quæ propriè Contritio appellatur; altera imperfecta, quæ Attritio dicitur, Conc. Trid. d. loco a. 4. Contritio perfecta est dolor ac detestatio peccati propter Deum summè dilectum, ob eius bonitatem supernaturalem, seu uti auctor est gratiæ ac gloriæ. Et ideo semper est cum caritate & voto Sacramenti, homi-

hominemque Deo reconciliat, priusquam actu suscipiat Sacramentum, ut patet ex Conc. Trid. d. 6. 4.

Attritio est contritio imperfecta: quamuis non omnis contritio imperfecta sit propriè dicta attritio, seu salutaris. Verùm Attritio propriè dicta est dolor ac detestatio peccati super omnia, cum proposito vitæ melioris ac voto Sacramenti; non tamen propter Deum summè dilectum, sed vel ob gehennæ ac pœnarum metum, vel ob turpitudinē peccati, Conc. Trid. d. loco.

Vnde patet, Attritionem propriè dictam specie differre à Contritione: nec vnquam posse fieri contritionem propriè dictam, licet quia ex attrito possit fieri contritus; quia ad hoc solum requiritur identitas subiecti; ad verò requiritur identitas actus.

Dixi autè, Attritio propriè dicta; quia cum attritio in genere non sit aliud, quàm contritio imperfecta, sit, ut tot sint species attritionis, quot modis contingit dolorem ac detestationem peccati à perfecta contritione deficere.

§. IV. De quantitate Contritionis.

1. Dolor de peccatis, ut sit contritio, debet esse summus.
2. Saltem in vniuersali, non in particulari.
3. Dolor sensus necessarius non est, licet utilis.

Quemadmodum amor Dei debet esse maximus ac summus, saltem appretiatiuè, licet non intensiuè, iuxta probabiliorē sententiam: ita etiam dolor de peccatis, ut sit contritio, quæ oritur ex amore & charitate Dei, debet esse summus, non quidem intensiuè, sed saltem appretiatiuè, ut DD. loquantur, id est, ut omnis verè pœnitens saltem virtualiter & implicite atque in vniuersali ira doleat de peccato suo super omnia, ut pro nulla re creata vellet Deum offendisse, aut in posterum offendere. Hinc D. Aug. in can. Si quis positis 2. in can. Si quis autem 4. & in can. fin. De pœnit. Dist. 7. dubitat de illorum salute, quos non, antequam ægritudine preman- tur, pœnitet peccasse, quia scilicet difficile sit pressum morbo, metu mortis, & alijs curis, erigere animum ad hunc summum dolorem, requisitum ad perfectam contritionem, concipiendum.

Dixi, atque in vniuersali; quia iuxta doctrinam Innoc. d. loco. & aliorum communem, non tenetur pœnitens tales comparationes in particulari facere, quod mallet amittere coniugem, proles, bona omnia, ignitas subire sartagine, quàm Deum offendere. Imò cauendum Confessarijs, ne eiusmodi comparationes in particularibus pœniten-

tibus proponant; quia obiecta huiusmodi in particulari propofita voluntati, longè maiorem adferunt difficultatem, quàm dum proponuntur in vniuerfali: & faciliè illis succumbit quis in particulari, quibus non succumberet in vniuerfali.

3. Cæterùm licet dolor fensus (veluti fingultus, planctus, lacrymæ, & id genus alij) non fit neceffarius, fed fufficiat cauffalis feu qui est in voluntate, *arg. can. Si propterea 28. can. Si cui 30. De pœnit. Dist. 1.* tamen & ille admodum vtilis ac bonus est, exemplo Dauidis, Petri, Magdalænæ, Niniuitarum, & aliorum. Quamuis etiam vtiliffimum fit de fingulis peccatis mortalibus contritionem elicere, fingulaque detestanda sint, ac de illis dolendum, iuxta illud *Esaïæ 38. Recogitabo tibi omnes annos meos in amaritudine anima mea:* non tamen id absolute neceffarium est, sed fufficit vnico actu contritionis simul omnia peccata, post examen occurrentia, detestari: vt patet ex eo, quòd traditur, peccatorem in momento posse iustificari, iuxta illud *Ezech. 33. In quacunque hora conuersus fuerit & ingemuerit peccator;* relatum in *can. Ponderet. Dist. 50. & iuxta can. 3. De pœnit. Dist. 7.* Quod falsum esset, si pro numero peccatorum mortalium numerus actuum doloris requireretur. De modo acquirendi contritionem vide *Conc. Trid. d. Sess. 14. cap. 5.*

I. V. An & quando obliget præceptum Contritionis.

1. Contritio de neceffitate est præcepti & medij.
2. Non obligatur quis statim à commisso peccato ad contritionem.
3. Præceptum contritionis quando obliget sub peccato mortali.

1. **C**ontritionem peccati esse neceffariam neceffitate præcepti firmul & medij colligitur satis ex *Conc. Trid. Sess. 6. cap. 14. & Sess. 14. cap. 4.* vbi definit, contritionem omni tempore fuisse neceffariam peccatori ad iustificationem; indicans se loqui de vtraque neceffitate: & ex illo *Luce 13. Nisi pœnitentiam habueritis, omnes simul peribitis.*

2. Et licet optimum ac tutiffimum sit, statim commisso crimine conteri, iuxta illud, *Non tardes conuertere*: tamen cùm præceptum contritionis, sicut & confessionis, sit affirmatiuum, non obligat ad perpetuum, sed solum determinato tempore; vt & reliqua præcepta affirmatiua. Ideoque non obligatur homo sub peccato mortali statim post commissum peccatum ad contritionem, quamuis commoditatem habeat illam eliciendi. Eius tamen dilatio sine causa, quæ nulla

nulla esse potest, circumstantia est aggrauans peccatum commissum.

Obligat verò præceptum contritionis sub peccato mortali in periculo salutis animæ vel corporis: veluti in graui infirmitate, in partu periculoso, instante naufragio, dum incedendum est prælium, aut instituenda longa & periculosa nauigatio, v. g. in Indiam; dum Sacramentum aliquod est administrandum vel suscipiendum.

§. VI. De Confessione.

1. 2. Confessio quid sit; & minister illius.
3. In eo requiritur potestas ordinis & iurisdictionis.
4. Proprius sacerdos in hoc Sacramento quis dicatur.
5. Nullus audire Confessionem potest, nisi approbatus ab Ordinario.
6. In mortis articulo vel alio periculo quilibet sacerdos absolueret potest.
7. Alienus sacerdos approbatus ex licentia proprii audire confessiones potest.
8. De casibus Romano Pont. reservatis.
9. De casibus Episcopo reservatis.

SEconda pars integralis Pœnitentiæ est Confessio, quam iure diuino omnibus, post Baptismum in mortale peccatum lapsis, necessariam esse, atque à Christo ipso institutam (Ioan. 20. illis verbis, *Accipite Spiritum sanctum &c.* & Matth. 16. & 18. *Quodcumque solueritis super terram &c.*) definit ac docet Conc. Trid. Sess. 14. c. 5. & can. 6. 7. & 8. Unde facilè refelluntur opiniones quorundam, apud Glos. in *summa* Dist. 6. De pœnit. aliter de huius institutione sentientium.

Est autem Confessio sacramentalis, de qua hic agimus, peccatorum suorum sacerdoti proprio ad eorum sacramentalem remissionem obtinendam facta declaratio.

Dicitur, peccatorum suorum, *exc. Omnis vtriusque* 12. h. t. in verbis 2 *omnia sua solius peccata.*

Dicitur, Sacerdoti; nam eum solum esse ministrum huius Sacramenti definitum est in Conc. Lateran. Florent. ac nouissimè Trid. can. 6. & 10. Colligiturque ex præcitatis verbis Christi Ioan. 20. loquentis solis Apostolis & sic solis sacerdotibus: & Matth. 16. & 18. vbi similiter non omnibus, sed soli Petro & Apostolis promissæ sunt clauces regni cælorum.

Dicitur etiam, proprio; id est ei, qui habet absoluendi potestatem, propriam, aut delegatam: nam in ministro huius Sacramenti iure diuino requiritur non solum potestas Ordinis, quæ illi confertur

tur in sua consecratione, dum ordinatur Sacerdos sed etiam iurisdictionis; quæ illi quidem confertur etiam in sua ordinatione, sed quasi in habitu & incompletè, quia nequit exire in actum, nisi habeat subiectos, quos accipere debet ab Ecclesia; & accipit, quando legitime præficitur curæ animarum vel beneficium curatum obtinet, Conc. Trid. Sess. 23. c. 15. *De reformat.* tunc enim illi completa confertur iurisdictionis.

Et hinc fit, quod potestas iurisdictionis ab Ecclesia impediri possit, non etiam potestas ordinis seu consecrandi.

Defectu igitur potestatis Ordinis Confessio facta laico, aut Clerico non sacerdoti, etiam in necessitate, quando est sacramentalis, ne quidem ad effectum valet absolutionis, iuxta communem Theologorum sententiam, veram, ac definitam in Conc. Trid. Sess. 14. can. 10.

Non obstat canon *Quem pœnit. 9. quare De pœnit. Distinct. 1. nec canon Qui vult confiteri ibid. Dist. 6.* ubi Augustinus seu auctor libri de vera & falsa pœnitentia sic ait: *Tanta vñ confessionis est, vt, si deest sacerdos, confiteatur proximo*, id est laico, vt patet ex sequentibus: quia id intelligi debet de consilio causâ humilitatis & consilij aut exilij petendi & accipiendi à proximo, non autem ad effectum sacramentalis confessionis. vide Nauar. *ad Can. 1. d. Distinct. 6.*

Defectu verò iurisdictionis non potest absolvere quilibet simplex Sacerdos, excepto articulo mortis, sed is solùm, cui competit iurisdictionis, ordinaria vel delegata, in confitentem, vt patet ex Conc. Trid. Sess. 14. c. 6. & 7. & can. 9. & 10. & Sess. 23. c. 15.

4 Proprius autem Sacerdos in primis summus est Pontifex respectu totius Ecclesiæ, cuius Pastor in Conc. Florent. appellatur; Episcopus in sua dioecesi, vt & Vicarius Episcopi, quia is quoque nomine Ordinarij venit, & repræsentat Episcopum, Sanchez. *De matrim. lib. 3. Disputat. 29. n. 15. Gutierrez lib. 1. Can. quest. cap. 11. n. 8. Zyp. h. tit. n. 1.* Item Parochus in sua parochia, d. c. *Omni vtriusque & c. Quod autem 14. h. t.* non etiam per totam dioecesim: adeò vt relictâ parochiâ suâ, absque licentia vltiori non possit amplius confessiones audire, Pias, 2. p. cap. 1. art. 2. n. 3. multò minùs in aliena dioecesi, si in altera tantùm sit approbatus; quia Conc. Trid. ita intelligi debet, vt sit approbatus ab Ordinario loci, in quo audit confessiones, vel sit electio, ex vi Bullæ Cruciatæ: quod & in alijs eiusdem Conc. decretis sæpè vsu venit, Zyp. d. n. 1. in fine & Pias. d. loco, ex declarat. *Sacra Congregat. Prælati quoque Ordinum respectu suorum subditorum: & alij de eorum licentia, d. c. Omnis vtriusque & c. 2. eod. in 6.* Vel ex permissione Iuris: quo licet Episcopis, alijsque superioribus, imò & minoribus Prælatibus exemptis, etiam præter sui superioris licentiam, prouidum &

dum & discretum sibi eligere Confessarium, *c. fin. h. t.* à quo absolui quouis loco possint; & à casibus accensuris, à quibus subditos suos possunt absolvere. Quod licet multis Abbatibus concessum sit, non tamen Abbatissis, quia non sunt Prælati, nec claues habent iurisdictionis. Similiter Parochi & simplices Sacerdotes, ubi non est contraria consuetudo, vel præceptum Episcopi, qui illorum proprius est sacerdos, possunt sibi Confessarium eligere, quem volunt, in casibus non reservatis. Vel denique ex privilegio, ut Religiosi Mendicantes & quidam alij, quibus si quis ex licentia Papæ confessus fuerit, non tenetur iterum eadem peccata confiteri Parocho suo, *Extrav. 19. Vas electionis De heret.* Conc. Lateran. sub Leone X. *Sess. 11.*

Vbi observandum, quòd cum Bonif. VIII. in *Extravag. Super cathedram De sepult.* statuisset, ut Mendicantes præsentarent Episcopo idoneos, qui ab eo acciperent potestatem prædicandi & confessiones audiendi; postea Benedictus XI. in *Extravag. Inter cunctas*, sustulerit statutum illud, concessâ Mendicantibus facultate prædicandi ac confessiones audiendi, absque eo, quòd se Episcopis præsentarent. Verum statutum Bonif. VIII. innouatum deinde fuit per Clement. Dudum *De sepult.* Tandemque Conc. Trid. cui hodie standum est, *Sess. 23. cap. 18.* definiuit, neminem, etiam Regularem, posse confessiones sæcularium, etiam sacerdotum, audire, nec ad id idoneum reputari, nisi aut parochiale beneficium habeat, aut ab Episcopis per examen, si illis videbitur esse necessariam, aut aliàs idoneus iudicetur, & approbationem ab eis obtinuerit, privilegijs, & consuetudine quacunque, etiam immemorali, non obstantibus.

Dixi autè, excepto articulo mortis; quia tunc quilibet sacerdos, nullo prorsus excepto, potest absolvere ab omnibus peccatis & censuris Ecclesiasticis, ut patet ex *c. Felicis De pœnis in 6. & similibus alijs*, ac denique Conc. Trid. *Sess. 14. cap. 7.* sicut & alio tempore à peccatis venialibus, aut etiam mortalibus, semel autè confessis, permittente id Ecclesiâ. Vide Nauar. in *Manuali cap. 4. nu. 5. & in can. Placuit De pœnit. Dist. 6. num. 22.* Verius autem, hic non distingui articulum mortis ab evidenti periculo, *arg. c. Eos qui De sentent. excommunicat. in 6.* ubi Pont. meminit *articuli mortis*, & postea vocat *periculum*. Cui adde, fauores ampliandos esse, & odia restringenda; Ecclesiamque, velut piam matrem, voluisse saluti filiorum suorum consulere non solum in ipso mortis puncto, sed & in probabili periculo, potissimum dum non adest alius, magis idoneus. Vide Nauar. in *Man. cap. 26. num. 26. & 31.*

Sufficit autem ad confitendum alieno sacerdoti licentia à proprio, siue tacita, siue expressa, modò tamen signo aliquo exteriori fuerit

manifestata, Nauar. in *d. can. Placuit*. Hancque licentiam dare alteri approbato possunt, qui propriam & ordinariam iurisdictionem habent: quales sunt suprà recensiti, & inter eos Parochus, licet careat potestate ordinis, Nauar. in *d. can. Placuit* n. 50. Imò etiam substitutus à Parocho, si hic illi absolutam Sacramenta administrandi facultatem dederit: non item delegati & subdelegati, nisi expressim talem facultatem à delegante vel subdelegante acceperint.

- 8 Observandum etiam hîc, multos esse casus reseruatOS summo Pontifici, à quibus nullus Confessarius, absque speciali licentia, absoluerè potest: cuiusmodi sunt in primis, qui recensentur in Bulla Cœnæ Domini, quam refert Pias. p. 2. c. 1. n. 3. subiiciens alios quadraginta duos, desumptos tam ex corpore Iuris communis, quàm ex diuerforum Pontificum Constitutionibus. Permittit tamen Conc. Trid. Sess. 24. c. 6. Episcopis facultatem absoluendi in foro conscientie delinquentes quoscumque sibi subditos, per seipsos, aut per Vicarium, ad id specialiter deputandum, in quibuscumque casibus occultis, non deductis ad forum contentiosum, etiam Sedi Apostolicæ reseruatIS, etiam in crimine hæresis, vt tamen eo casu soli Episcopi per se absoluerè possint, quorû censetur in hoc crimine electa industria, non eorum Vicarij. Attamen prædictum Conc. Trid. decretum non procedere quoad casus Bullæ Cœnæ Domini declaratum fuisse à Greg. XIV. & Clemente VII. post Genuens. refert Pias. d. c. 1. n. 4. subiungens declarationem Cardd. quoad causas hæresis. Idemque tenet Nauar. in *Manuali* c. 27. n. 275. Hincque videmus quotidie in praxi, inquit Pias. d. loco, multos Episcopos obtinere à Sede Apostolica facultatem absoluendi ab hæresi etiam occulta. Eadem de re fusiùs agit Zerola 2. p. V. *Absolutio* ad 8. & Zypæus h. tit. nu. 5. 6. & 7. quoad Episcopos Belgij.

Extra casus, reseruatOS summo Pontifici, absoluerè potest Episcopus in foro animæ, estque ordinarius rector & confessor suæ diocesis, Pias. d. c. 1. art. 2. in princ.

- 9 Cauendum etiam est inferioribus Episcopo, licet ab eo approbati fuerint, ne absoluant à casibus, Episcopo reseruatIS, nisi ad hoc specialem facultatem obtinuerint, quia ea non continetur sub approbatione: neque enim in generali concessione veniunt ea, quæ requirunt speciale mandatum, c. Si Episcopus h. t. in 6. Clement. Non potest de Procurat. Sunt autem casus Episcopo reseruati, alij de Iure, vt leuis percussio Clerici, c. Peruenit, inf. De sent. excommunicat. quæ cum potius sit facti, quàm iuris, ex omnibus circumstantijs, veluti qualitate personæ percussæ, percutientis, modo & loco percussionis, committitur arbitrio Iudicis seu Ordinarij, ex communi D D. sententia, & Extrauag. Ioan.

XXII. quam

xxii. quam refert Piaſ. d. c. 1. art. 3. n. 5. Alij de conſuetudine : alij verò, quos ipſe Episcopuſ ſibi reſeruauit, prout reſeruare poteſt, iuxta c. penult. & ibi Gloſ. h. tit. in 6. Clement. Dudum &, per cuiuſmodi, iunctâ Gloſ. De ſepult. & nouiſſimè Conc. Trid. ſeſſ. 14. cap. 6. Adeò vt nulli alij, ne quidem Regulares, quorumcumque indultorum prætextu, ab ijs abſoluere poſſint, quantumuis ſint generaliter ab ipſo Episcopuſ approbati, vt reſpondiſſe Sac. Congregat. Carolo Borromæo refert Piaſ. d. loco n. 3. Zerola 2. p. V. *Absolutio Ad primum*. Imò nec Pœnitentiarius ipſe, ex vi ſui officiij, ſine ſpeciali mandato, Nauar. Conf. 20. h. t. Riccius in Praxi Decif. 572.

De caſibus autem Episcopuſ reſeruatis videre licet Piaſ. d. art. 3. n. 4. & ſeqq. Quo loco tradit Episcopuſ in reſeruandis huiuſmodi caſibus oportere ſeruare modum, præſcriptum decreto Sacræ Congregat. ad Archiepiſc. Neapolit. quod ibidem n. 12. refert, vt & Ricc. d. Decif. 562. nempe vt non reſeruet ſibi in primis caſus contentos in Bulla Cœnæ Domini, ſeu aliàs reſeruatos Sedi Apoſtolicæ; neq; eos, quibus annexa eſt maior excommunicatio, à iure impoſita; neque eos, in quibus abſolutio non datur, niſi factâ reſtitutione; neque eos, qui verſantur circa res parui momenti; neque peccata carnis, niſi cum magna circumſpectione. Sic quoque Clemens VIII. animaduertens quorſdam Regulares, dum conſcientiam ſuperiori aperire reſormidant, adduci poſſe in æternæ damnationis periculum, ſanxit, ne eorum ſuperiores ſibi abſolutiones reſeruent, niſi in caſibus expreſſis, ſeu eorum aliquibus, de quibus vide Zyp. h. t. n. 16.

§. VII. Quos & quando obliget præceptum Confessionis.

1. Confiteri omnes tenentur ſaltem ſemel in anno.
2. Et quidem mortalia peccata, non venialia.
3. Et inſtante Paſchate.
4. Confefſio actualis quibus caſibus obliget.

EX præcepto Eccleſiæ, quæ ius diuinum determinauit ad tempus, omnes vtriuſque ſexus fideles, vbi ad annos diſcretionis peruenerint, tenentur ſaltem ſemel in anno omnia peccata ſua mortalia, quorû poſt diligentem ſui diſcuſſionem conſcientiâ habuerint, cōfiteri proprio ſacerdoti, vel alteri probato, de cuius licentia, c. Omnis vtriuſque h. tit. Licet olim ſtatutum fuiſſe videatur, vt ter in anno, ſcilicet in Paſchate, Pentecoſte, & Natali Domini quiſq; fidelium

lium confiteretur, *can. Etsi non frequentius* 16. *De consecrat. Dist. 2.*

- 2 Dixi, mortalia; quia venialia, quibus à gratia Dei non excludimur, neque ex præcepto Christi, neque ex statuto Ecclesiæ tenetur quis confiteri, ut patet ex Conc. Trid. *Sess. 24. c. 5.* nisi fortè ratione conscientia erroneæ ad illa confitenda obligetur: puta si existimet se ad ea confitenda teneri, quia putet esse mortalia, aut de illis dubitet, vel ratione alicuius voti particularis aut statuti, cui subest. Quo pacto in *Clement. 9. 1. Sanè De statu Monachor.* præcipitur Benedictinis, ut tam in monasterijs quàm extra constituti, singulis mensibus saltem semel omnes & singuli accedant ad confessionem & communionem. Idem de Monialibus statuitur in Conc. Trid. *Sess. 25. c. 10. De Regularib.*

- 3 Confitentur hodie communiter Christiani instante Paschate; non quòd ab Ecclesia illud tempus sit determinatum pro confessione, ut satis constat ex *d. c. Omnis utriusque b. 1. Couar. in cap. Alma mater p. 1. §. 1. n. 6. & 7. Conc. Trid. d. loco*, sed quia tunc obliget præceptum de communione, quam præcedere debet confessio.

Tametsi verò quis non teneatur mox, atque peccauit, confiteri, licet commoditatem confitendi habeat, ut constat ex *d. c. Omnis utriusque & ibi Panor. Conc. Trid. d. loco, Nauar. in princ. Dist. 5. De panis.* ubi argumenta in contrarium soluit: tamen in lege Evangelica toties propositum obligat confessionis, quoties contritionis præceptum.

- 4 Ipsa autè actualis confessio obligat, Primò in mortis articulo seu euidenti periculo, siue statu, cui mors certa, vel ut plurimum, coniuncta est, qualis est status agonizantium, graui & acutâ feбри laborantium, eorum scilicet, de quibus desperant Medici, quibus imminet partus difficilis, aut naufragium, aut aliud probabile periculum mortis, Abbas in *c. Pastoralis §. 1. sup. De officio Iud. Ordin. & in c. Cum infirmis 13. h. 1.* ubi ea præcipuè de causâ Innoc. III. præcipit Medicis sub pœna exclusionis ab ingressu Ecclesiæ, ut vocati ad infirmos, graui & periculoso morbo laborantes, eos antè omnia moneant & inducant, ut medicos aduocent animarum. Quod decretum non solum innouauit Pius V. motu proprio *incip. Supra gregem 11. Martij 1566.* apud *Pias. p. 2. c. 3. art. 3. num. 18.* sed etiam iussit, ut Medici, dum creantur Doctores, iurent se hanc Constitutionem seruaturos: vetuitque ne Medici ultra tres dies visitent ægrotos, in lecto iacentes, nisi peccata confessi fuerint. Cuius Bullæ obseruatio, inquit Zyp. *h. 1. n. 18.* Medicis, quantum fieri potest, commendata est in Synodo Antuerp. 1609. Sed quia hic morbi non ita solent esse acuti, ut intra paucos dies perimant, sicut in Italia, & alijs locis calidioribus, difficilius in vsum deduci potest.

Secundò

Secundò obligat, quando quis existimat se à peccato aliquo abstinere non posse, aut vincere grauem aliquam tentationem, nisi confiteatur, quia quisque iure diuino tenetur adhibere remedia necessaria ad vincendum peccatum.

Tertiò, quando sumenda est Eucharistia, & adest copia Confessarij, *iuxta Glos. c. De homine sup. De celebrat. Missar. Conc. Trid. Sess. 13. c. 7. & can. 11.* Quòd si, necessitate urgente, Sacerdos sine præuia confessione celebrauerit, quam primùm confiteatur, inquit Conc. Trid, d. cap. 7. in fine.

Ad susceptionem verò aliorum Sacramentorum sufficit & requiritur quem contritum esse, *can. Per Esaiam 1. q. 1. illis verbis: omnia Sacramenta profunt dignè sumentibus: nā inde à contrario colligitur, non pœnitentibus & indignè sumentibus non prodesse.* Idem dicendum de administrante Sacramenta, per d. *can. Per Esaiam*, illis verbis: *omnia Sacramenta cum ob sint indignè tractantibus, profunt tamen per eos dignè sumentibus.* Attamen vtile admodum est ad aliorum quoque Sacramentorum susceptionem confiteri. Hinc in *can. Ut ieiuni De consecr. Dist. 5.* præcipitur, vt suscepturi confirmationem moneantur prius confessionem facere. Et Synodus Trid. Sess. 24. cap. 1. De reformat. matrim. hortatur coniuges, vt, antequam contrahant, vel saltem triduo ante consummationem matrimonij, confiteantur.

Quartò, ratione iuramenti aut voti, *arg. c. Magna sup. De voto &c.* aut pœnitentiæ à Confessario iniunctæ; vel ratione statuti, religionis, aut præcepti superioris.

Quintò, ratione conscientie erroneæ, diu putat quis se ad confessionem teneri, quamuis sufficiat illam deponere, Nauar. in *Manuali cap. 2. n. 20. arg. cap. Inquisitioni inf. De sent. excommunicat.*

Sextò, quando quis credit probabiliter se alioquin non habiturum eo anno Confessarij idonei copiam, Nauar. d. loco: sicut ad audiendum Sacrum, quod vnicum mane celebratur, tenetur quis, licet alioquin ad illud audiendum sit latitudo totius diei.

§. VIII. De conditionibus & qualitatibus Confessionis.

1. *Conditiones ad Confessionem requisita de necessitate sunt tres.*

Sacramentalis Confessionis qualitates sedecim exprimuntur his versibus:

*Sit simplex, humilis Confessio, pura, fidelis,
Nuda, frequens, discreta, lubens, nec non verecunda,*

P P P P P

Integra,

*Integra, secreta, & lacrymabilis, accelerata,
Fortis, & accusans, & sit parere parata.*

I Pro quarum maiori explicatione vide Nauar. in *can. Fratres De peccat. Dist. 5.* Sunt autem istæ conditiones de perfectione Confessionis, non tamen omnes de necessitate, sed tres duntaxat, nempe, ut sit lacrymabilis, id est cum contritione, vel saltem attritione illa salutari, ut Sacramentum ex attrito faciat contritum, id est conferat illi eum effectum, quem consequeretur, si esset contritus. Secunda, ut sit sincera & pura ab omni mendacio & simulatione, verbisque superfluis, etiam si se quisque accuset, in quantum sibi conscius est, aut probabiliter existimat se deliquisse, non augendo nec aggrauando, aut minuendo, vel excusando peccata, sed certa tamquam certa, dubia tamquam dubia accusando. Alioqui cum mendacium semper sit peccatum, *can. Primum xxiii. q. 2. c. Super eo sup. De usuris*; grauius est, quod in iudicio committitur; ideoque mendacium de peccato mortali in confessione seu confessionis iudicio, puta si neget se commisisse peccatum mortale, quod commisit, aut affirmet se commisisse, quod non commisit, est peccatum mortale, cum sit contra integritatem Confessionis: nisi fortè in posteriori casu ignorantia excuset, quia scilicet existimet se melius facere, accusando se grauiter de eo, de quo dubitat, quia hoc modo etsi falsum dicat, non tamen mentitur perniciosè ad fallendum, *arg. can. Animaduertendum xxii. q. 2.* ubi dicitur mendacium esse falsa vocis significatio, cum intentione fallendi. Adde, quod bonarum mentium sit, timere culpam, ubi non est, *can. Ad eius De peccat. Distinct. 5.*

Tertiò, ut sit integra, omnium scilicet (& quidem singulorum, quando sunt diuersæ speciei & generis) peccatorum mortalium, etiam occultissimorum, ut quæ sunt aduersus duo vltima Decalogi præcepta, quorum post diligens & debitum examen memoriam habet: insuperque circumstantiarum, quæ peccati mutant speciem, *Conc. Trid. Sess. 14. c. 5. & can. 7. Conc. Florent. in Instruct. Armenior.* Aliàs enim Sacerdos, à Christo Iudex constitutus, non posset ferre iustam sententiam, nec iuxta mensuram delicti infligere pœnam, siue satisfactionem imponere: quam tamen requirit *Conc. Trid. d. loco*, iuxta illud Deuteron. 25, *Debet iuxta mensuram delicti esse plagorum modus.*

Quòd si eiusdem speciei sint peccata, debet eorum exprimi numerus, non quidem Mathematicè, sed moraliter, quoad fieri potest. Sin autem ignoretur certus numerus, is exprimendus est, quem putat probabilem; veluti, dicendo, Quinquies plus minus non ieiunavi in Quadragesima. Quòd si ne probabiliter quidem plus vel minus eiusmodi numerum confiteri possit, sufficit indicare tempus, conditionem, & propensionem animi in talis aut talis speciei peccata.

§. IX. De circumstantijs in Confessione exprimendis.

1. *Circumstantia qua sint.*
2. *Exprimenda circumstantia, qua speciem peccati mutant.*
3. *Qua item excommunicationem annexam vel casum reservatum habent.*
4. *Qua peccatum mortale aggravant aut minuunt, aut ex veniali mortale reddunt.*
5. *Circumstantia temporis quatenus exprimenda.*
6. *Et ea, qua personis communes sunt.*
7. *Circumstantia quoque finis exprimenda.*

Q Vantum ad circumstantias peccatorum attinet, ex nihil aliud sunt, quàm accidentia eorum actuum, qui sunt peccata; & variae sunt, iuxta *can. Aut facta 19. De poenit. Distinct. 1. c. Sicut dignum sup. De homicidio, l. Aut facta D. De poenit. & continentur hoc versa,*

Qui, Quid, Vbi, Quibus auxilijs, Cur, Quomodo, Quando?
De quibus vide Nauar. in *can. Consideret De poenit. Dist. 5.* Subinde autem ad integritatem Confessionis necessaria est circumstantiarum expressio, ut patet ex *Conc. Trid. loco citato.* * Et quidem in primis earum, quae speciem peccati mutant, *Conc. Trid. d. Sess. 14. c. 5. & can. 7. Facit d. can. Consideret.* Talis circumstantia est loci sacri: ut si quis in loco sacro furetur, fornicetur, vel cum iniuria sanguinem humanum effundat, vel aliquem è loco sacro contra immunitatem Ecclesiasticam vi abducat: cum enim talia in loco sacro committi, ob eius reverentiam, legibus specialibus prohibeantur, *can. Quisquis xvii. q. 4. c. Proposui sup. De consecrat. & similibus, l. Praesenti Cod. De his qui ad Ecclesias confug.* huiusmodi circumstantia loci sacri specialem habet repugnantiam cum ratione ac speciali lege, ideoque novam deformitatem alterius rationis à deformitate prioris obiecti superaddit. Hinc furtum rei non sacrae, è loco non sacro, dicitur simplex furtum: at verò furtum rei non sacrae, in loco sacro ad custodiam positae. Sacrilegium vocatur.

Talis quoque subinde est circumstantia personae. Nam si persona sacra, vel quae votum castitatis emisit, fornicetur, non simplicem fornicationem, sed sacrilegium committit. Quòd si uterque, vel alter fornicantium sit coniugatus, constituitur adulterium; si inter consan-

Ppppp ij guineos

guineos vel affines hoc crimen committatur, est incestus; si cum virgine, stuprum; si inter personas omninò solutas à vinculo matrimonij, cognationis, affinitatis, Ordinis & voti, est simplex fornicatio; si inter personas eiusdem sexus vel cum brutis animantibus, est sodomitia.

3 Secundò, ex circumstantiæ exprimendæ sunt, quæ excommunicationem annexam vel casum reservatum habent, ut percussio enormis Clerici, subreptio bonorum naufragantium: est enim necessarium Confessario scire, num pœnitens sit excommunicatus, *can. Excommunicatos, can. Rogo xi. q. 3.* vel casum aliquem reservatum habeat.

4 Terriò, quæ intra eandem speciem transferunt peccatum à veniali ad mortale, qualis est magnitudo furti; aut etiam intra eandem speciem peccatum mortale valde aggrauant, licet speciem non mutant, iuxta probabiliorem sententiam, quia aliàs nō poterit Sacerdos, tamquam Iudex, debitum proferre iudicium, nec secundū mensuram delicti iniungere pœnitentiam, quod tamen requirit Conc. Trid. loco antè citato, & *can. Non asseramus xxiv. q. 1.*

Vnde à pari sequitur, explicandas quoque esse eas circumstantias, quæ valde notabiliter minuunt peccatum aut etiam efficiunt nullum: veluti, si quis infirmus ex præscripto Medici comederit carnes in Quadragesima, aut in graui admodum necessitate positus abstulerit rem alienam, iuxta text. in *can. Discipulos De consecr. st. Dist. 5. Glos. in c. Si quis propter sup. De furtis*, id exprimere debet. Sententia nihilominus contraria, negans eiusmodi circumstantias notabiliter aggrauantes intra eandem speciem esse exprimendas, tuta est, pro qua vide Nauar. in *can. Consideret, De pœnit. Dist. 5.*

5 Quantum verò ad circumstantiam temporis attinet, veluti diei festi, vtile quidem est confiteri, non tamen ordinariè est necessum, quia præceptum de colendo Sabbatho ac Festo, *Exod. 20. & Leuit. 23.* præcipit dumtaxat quietem ab operibus seruilibus corporalibus seu manualibus, mechanicis, non etiam à spiritualibus, qualia sunt peccata, quorum pleraque penitus sunt mentalia, ac proinde nullatenus inter seruilia corporalia opera possunt censerì, *can. Testamentum, can. Sed pensandum Dist. 6. can. Sicut De pœnit. Dist. 1.* Idem dicendum de circumstantia diei ieiunij, aut orationis. Aliud tamen dicendum, si quis intenderet festum vel ieiunium vel orationem per scelus violare, Nauar. in *d. can. Consideret n. 23. ad 1. & in Manuali cap. 6. n. 10. & 11.*

Non obstat *d. can. Consideret*, innuens circumstantiam temporis esse confitendam: quia in eo Can. multa ab August. consultiuè dicuntur. Vnde ad ista verba, *omnis ista varietas constituenda est*, subaudi, de consilio, non de præcepto: nisi talis varietas sit, quæ peccatum mortale in aliam peccati mortalis speciè, aut veniale in mortale

ale transferat; cuiusmodi non est circumstantia temporis.

Similiter nec circumstantiæ personis communes, quæ peccatum aggrauant in eadem specie v. g. si bonus aut malus iuuenis, aut senex superior, aut inferior peccet, nisi scandalum vel alia circumstantia accedat. Quamuis alioqui eiusmodi circumstantiæ personis communes peccatum augeant: nam, cæteris paribus, magis peccat in dignitate constitutus, quàm priuatus, *can. Homo Christianus* 5. *Distinct.* 40. c. 2. *sup. De translat. Episc.* illis verbis: *idem Archiepiscopi tanquam maiores plus excesserint.* Vbi *Glos.* citat illud *Iuuenalis*, ex *Satyra* 8.

Omne animi vitium tanto conspectius in se

Crimen habet, quanto qui peccat maior habetur.

Sic magis peccat Prælati, quàm subditi, *can. Præcipue* 21. q. 3. & sic de similibus.

Quartò circumstantia finis exprimenda est, quando est prohibita à lege speciali ab actu principali, quia trahit ad aliud peccatum: vt si quis furetur ad mœchandum, non tam fur quàm mœchus dicitur iuxta *Aristot.* 5. *Ethic.* vel ad occidendum, quo casu magis homicida dicitur. Videatur *Nauar. in Manuali cap. 6. nu. 4. in fine.*

§. X. Qando liceat diuidere seu diuidiare Confessionem.

1. Diuidi Confessio potest ob necessitatem pœnitentiæ.
2. Ob necessitatem Sacerdotis.
3. Ob sociorum necessitatem.
4. Ob periculum, quod inde sequeretur.
5. Ob periculum reuelandi peccatum alterius.

TAmetsi, quantū est ex natura Cōfessionis, seu per se, omnia peccata mortalia, cum circumstantiis prædictis, sint vni eidemque Sacerdoti confitenda, aliterque facta seu diuidiata confessio ex intentione confitentis & sine legitima urgente causa non valeat, *can. Consideret* 5. *cantus.* & ibi *Nauar.* & *can. Non potest De pœnit.* *Dist.* 1. & *can. fin. Dist.* 5. c. *Omnium* vtriusque 12. b. t. tamen legitimā causā subsistente, seu per accidens diuidi potest, vt docet *Nauar. d. loco*: veluti primò ob necessitatem pœnitentis, si post vnum atque alterum peccatum, etiam veniale, confessum priuetur vsu loquelæ vel rationis, immineatque periculum mortis, omninò absoluendus est.

PPPPP iij

Secundò,

2 Secundò, ob necessitatem Sacerdotis; veluti, si Sacerdos, postquam incepit audire confessionem, fiat æger, ita vt progredi nequeat, nec sit alius, qui pœnitentem audire possit, & immineat periculum mortis, absoluerè eum debet.

3 Tertiò, ob sociorum necessitatem: veluti, quando imminente naufragio non omnes, in naui existentes, vel in bello humi iacentes, aut in hospitali moribundi audiri possunt, Sacerdos, vt subueniat omnium necessitati, dictante id ratione & exposcente charitate, potest excipere aliqua eorum peccata, & absoluerè.

4 Quartò, quando cumque ex confessione alicuius peccati sequeretur periculum vitæ, corporalis vel spiritualis, propriæ vel alterius, tale peccatum subticere licet, si non sit commoditas alteri integrè confitendi, Nauar. in *Manuali* cap. 7. n. 3. vbi n. 1. putat idem obtinere, quando verisimiliter timetur magna diffamatio complicis, apud Sacerdotem, qui illum nouit, nec est commoditas alteri confitendi. Quamuis contrà alij putent ob hoc solum non esse licitum subticere. Iudicium de hoc dubio Theologis relinquo.

5 Quintò, quando Sacerdos non potest aliter confiteri peccatum suum, quàm reuelando alienum, auditum in confessione, dimidiare confessionem debet, omittendo tale peccatum, quia maior est obligatio secreti seu sigilli confessionis, quàm integritatis confitendi. Est communis, Nauar. in *Manuali* cap. 8. n. 6.

Quo pacto autem seruari possit integritas Confessionis, dum pœnitens habet aliquos casus reseruatos, & inferiori confitetur, dissentiunt DD. Nam quidam tenent, posse inferiorem etiam à reseruatis absoluerè, obligando pœnitentem, vt reseruata iterum confiteatur superiori. Alij contrà existimant, inferiorem non habere huiusmodi potestatem, præterquam in articulo mortis; quia nullo iure extra articulum mortis inueniatur concessa talis potestas, nequidem tacitè, & contrarium videatur satis indicare Conc. Trid. *Sess* 14. cap. 7. Nolim tamen hîc alteram damnare sententiam, sed potius Theologis iudicium malim relinquerè.

An verò qui post signa tantùm doloris & pœnitentiæ edita priuatur vsu linguæ & rationis, ita vt nullum in specie peccatum confiteri possit, absolui queat & debeat in periculo mortis, etiam controuerunt Interpp. Iuris vnà cum Theologis. Favorabilior ac praxi conformior videtur affirmantium opinio: quæ probari videtur ex *can. Is qui* & *can. His qui xxv r. q. 6.* Conc. Araulicano, cap. 11. vbi dicitur, quòd subito obmutescens, & baptizari & pœnitentiam accipere possit, si voluntatis præteritæ testimonium aliorum verbis habeatur, aut præsentis proprio nutu. Fauet ratio, quia hîc omnia requisita ad absolutionem

solutionem Sacramentalem adfunt, nempe dolor externus manifestatus cum aliqua confessione peccati in genere; quod sufficit.

Nec obstat, quòd in Conc. Trid. Sess. 14. c. 5 & can. 9. dicatur anathema ei, qui dixerit, ad absolutionem non necessariam esse confessionem, non tantum in genere, sed etiam sigillatim, & in specie: quia dicendum, ita necessariam esse confessionem in specie, sicut necessaria est integra confessio omnium peccatorum mortalium, nempe quando haberi potest: Idque solum voluit Conc. Trid. contra hæreticos.

§. XI. An Confessio possit esse publica, fierique per litteras aut interpretem, vel nuntium.

1. *Potest esse publica Confessio, & fieri simul à pluribus.*
2. *Potest fieri per interpretem.*
3. *Confiteri per scriptum est contra usum Ecclesia.*

Non esse de essentia confessionis sacramentalis, ut fiat uni sacerdoti dumtaxat, secretò vel publicè, colligitur ex Conc. Trid. d. Sess. 14. c. 5. ubi inter cetera dicitur, quòd non satis consultè humanà aliquà lege præciperetur, ut delicta, præsertim secreta, publicà essent confessione aperienda. Ideoque meritò Leo in can. *Quamvis* 82. *De penit. Distinct.* 1. sustulit consuetudinem, quā homines poenitentes cogeantur publicè confiteri.

Poterunt igitur plures tempore naufragij, si unus dumtaxat sit Sacerdos, non sufficiens omnibus secretò audiendis, omnes simul altà voce eidem confiteri, & ab eo absolui, hac forma *Ego vos absoluo ab omnibus peccatis vestris, In nomine Patris &c.*

Poterit etiam à fortiori quis confiteri per interpretem, cum ita minus publica sit confessio, quàm priori casu, Nauar. in can. *Fratres De poenit. Dist.* 5. n. 86. Poterit & pluribus sacerdotibus simul confiteri, & ab ijs absolui, utentibus eadem absolutionis formā *Ego te absoluo &c.* vel hac, *Nos te absolvimus.*

Cæterum licet non sit contra naturam huius Sacramenti confiteri peccata Sacerdoti per scriptum absque verbis: est tamen contra perpetuum & communem usum Ecclesiæ, qui fuit, ut confessio voce perageretur quandocumq; id fieri posset. Similiter non licet confiteri absenti per litteras aut nuntium, saltem ordinariè, iuxta Catechismum Roman. cap. *De Sacramento poenit. & Declarationum, Cardd. ad Conc. Trid.*

Trid. Sess. 24. c. 6. De refor. §. dispensare Nauar. in Can. Quem pœnitet, De pœnit. Dist. 1. & in Manuali c. 21. n. 36. vbi plenius vide.

§. XII. De nullitate Confessionis.

1. Nulla est, vel ex parte pœnitentis, idq; ex varijs causis.
2. Vel ex parte Confessorij, ex varijs similiter causis.

Varijs modis potest contingere, vt Confessio sit nulla, siue ex parte pœnitentis, siue ex parte Confessorij.

Ex parte pœnitentis primò sit nulla, ob defectum intentionis, si non intendat suscipere Sacramentum; aut suscipere quidem intendat, sed ob finem, qui est peccatum mortale, & per consequens obex absolutionis; nam veniale, non reddit irritum Sacramentum. Secundò, ex defectu attritionis vel contritionis: quò refertur defectus abstinendi à peccato. Nam peccato venia non datur, nisi correcto, c. Peccatum De R. 1. in 6. can. Legatur xxii. q. 2. Estque communis sententia. Tertiò, ex defectu integritatis, dum scienter, sine legitima causa, vel ex crassa & culpabili negligentia, nò confiterur omnia mortalia, cum circumstantijs necessario exprimendis. Quartò, ratione excommunicationis, non ignoratæ, quia quatenus de illa non confiterur ei, qui potest absolvere, ponit obicem Sacramento: nam excommunicatus, etiam minori excommunicatione, exclusus est à participatione Sacramentorum, c. Si celebrat sup. De Clerico excommunicato minist. vide Nauar. in d. Can. Fratres De pœnit. Dist. 5. ante n. 41.

Dixi, non ignoratæ; quia secus, si eam ignoret, & bonâ fide petat absolutionem, quia nullo iure vel ratione contrarium probatur; & rem, quæ culpâ caret, in damnum vocari non conuenit, c. Sine culpa De R. 1. in 6. Quintò, ex defectu diligentiae sufficientis ad reuocandum in memoriam peccata commissa. Adhibenda autem est tanta diligentia, quanta, iudicio prudentis & boni viri adhiberi debet in re magni momenti, qualis haud dubiè est salus animæ.

- 2 Ex parte Confessorij est nulla; primò ex defectu intentionis, si non intendat absolvere. Patet ex antedictis de intentione ministri ad Sacramentorum administrationem requisita. Secundò, ex defectu potestatis seu iurisdictionis, vt patet ex dictis antè circa definitionem Confessionis. Tertiò, si eius iurdictio impedita sit per excommunicationem, vt in hæretico, can. 1. §. laboret De pœnit. Dist. 6. cui, tanquam ab Ecclesiæ vnitatem per culpam diuiso, can. Sanè xvi. q. 7. nequidem in extrema necessitate licet confiteri, Nauar. in d. §. laboret. Vnde & Ermigilgus Rex maluit appetere mortem, quàm communionem sacram su-

eam sumere è manibus Episcopi Arriani, *can. fin. xxiv. q. 1.* Vide plenius Nauar. *in d. can. Laboret.* Vbi notandum, post Conc. Constantien. solos notorios Clericorum percussores aut nominatim excommunicatos priuari iurisdictione. Quartò, si non proferat absolutionis verba: nam in hoc iudicio debet sententia ferri voce Sacerdotis; nec satis est illam scribere, vti in alijs tribunalibus, in quibus potest per ministrum ferri, modò illa sit scripta à iudice & approbata. Quintò, ex defectu scientiæ, in Confessario requisitæ: veluti si tantâ labore ignorantiâ, vt absolvere nesciat, vel peccata mortalia contra decem præcepta Decalogi ignoret. Vbi obseruandum, Deum ordinariè huiusmodi defectus essentielles in ministris non supplere, nec dare gratiam extra Sacramentum, nisi contritis.

§. XIII. De sigillo seu secreto Confessionis.

1. *Sigillum Confessionis quid sit.*
2. *Qui ad hoc sigillum teneantur.*
3. 4. 5. *Teneri autem omnes iure naturali, diuino positiuo & Ecclesiastico.*
6. *Pœna reuelantis Confessionem.*

Sigillum Confessionis nihil est aliud, quàm obligatio non reuelandi ea, quæ audita sunt in Sacramentali Confessione; sic dicta per metaphoram, quia vt sigillum continet occultam rem obsignatam in charta vel tabula, *l. 1. §. fin. l. Si quis ex signatoribus D. Quemad. testam aper.* ita hæc obligatio efficit, ne in confessione audita manifestentur.

Ad hoc autem sigillum seruandum tenetur non solùm Confessarius ipse, sed & interpres, & alius quicumque, siue vir, siue fœmina, siue laicus, siue Clericus, qui siue casu, siue de industria, siue directè, siue indirectè, siue mediatè siue immediatè, audiuit confessionem alterius: quia præceptum seu obligatio huius sigilli seruandi non cadit in ipsum Sacerdotem primariè, sed in ipsam scilicet confessionem, quam vetat reuelari. Et ideo ad quemcumque transeat, cum hoc onere suo, nempe sigilli non reuelandi, transit, *c. Ex litteris sup. De pignorib. c. Pastoralis sup. De decimis, & similibus.*

Teneturque quilibet ad seruandum hoc sigillum triplici iure, naturali, diuino positiuo, & Ecclesiastico. Naturali, quia illud docet, non faciendum alteri, quod nollemus nobis fieri: nemo verò vellet secretum, quod alteri commisit, maximè peccata sua occulta, alijs mani-

Qqqqq

festari.

festari. Accedit, quòd ex eiusmodi reuelatione grauissima possent sequi mala, veluti infamia proximi & alia; ipsa quoque Confessio redderetur grauissima & odiosa, ab ea quoque multi meritò deterrentur ac retraherentur.

4 De Iure diuino positiuo probatur, quia Christus instituens Sacramentalem Confessionem, haud dubiè etiam sigillum eius, sine quo consistere nequit, nec fieri commodè potest, omnibusque esset exosa, instituisse censendus est, *arg. c. Præterea sup. De offic. Deleg. & l. 2. D. De iurisdic. om. iudic. l. penult. D. De usufructu, Nauar. in can. Sacerdos n. 33. De pœnit. Dist. 6.* Et hinc sequitur, à nullâ potestate humanâ posse præcipi alicui, sub quantauis pœna, etiam excommunicationis, reuelationem confessionis, vel super eius sigillo dispensari, prout fusiùs probat Nauar. *d. locan. 130.*

5 De Iure Ecclesiastico patet ex *d. can. Sacerdos & c. Omnis vtriusque hoc tit.*

Nec obstat, quòd in istis Iuribus fiat tantùm mentio sacerdotis; expressio autem vnius sit exclusio alterius, *c. Nonne sup. De præsumpt.* quia qui de vno dicit de alio quidem dissimili negat, sed non de simili, *can. Qualis Dist. 23. arg. c. Si tibi absenti iunctâ Glos. De præbent. in 6.* Iam verò licet Confessarius & alij non sint quoad omnia similes, sunt tamen tales quoad obligationem seu onus secreti confessionis, vt constat ex iam dictis. Ideo verò in citatis Iuribus fit potius mentio sacerdotis, quàm alterius, quia frequentius contingit sacerdotibus potentia reuelandi, quàm alijs, quibus rariùs confessio aperitur. Quæ autem causa frequentioris vsus exprimuntur, non restringunt regulam.

Non obstat etiam huic sigillo Confessionis *c. i. h. t. nec §. secreta sub can. Quis aliquando De pœnit. Dist. 1. cum d. c. i. concordans*, à contrario sensu; quibus probatur, pro manifestis peccatis imponendam esse pœnitentiam publicam: quia dicendum cum Nauar. in *d. can. Sacerdos n. 100.* ista iura intelligi deberet de correctione exteriori, de qua multa *capp. h. t.* loquuntur, vt *cap. 2. c. Quod autem, c. Licet 6. c. Questum c. Cum ex eo & c. penult.* non autem de interiori seu Sacramentali: nisi eo casu, quo pœnitens spontè peccet vel suscipiat talem pœnitentiam, sicque expressè vel tacitè consentiat confessionis sue publicationi ex iusta aliqua causa, vt satisfaciatur Deo & populo, cui scandalo fuit, Nauar. *d. loco & in can. Falsas De pœnit. Dist. 5.* vbi plenius probat, Canones Pœnitentiales, qui in fine Decreti Gratiani edit. Gregorianæ leguntur, de simili correctione exteriori intelligendos esse, dum de publica pœnitentia imponenda loquuntur.

Denique pœna reuelantis Confessionem, secundum Greg. in *d. can. Sacerdos* est depositio & perpetua peregrinatio. Verùm quia huiusmodi

modi peregrinatio non soli Clerico, sed toti Clericorum ordini erat dedecori, *can. Diaconi Dist. 93.* ideo in *d. cap. Omnis viriusque h. r.* temperatur, ut sit depositio & perpetua reclusio in arctum monasterium: derogat enim lex noua veteri, quatenus statuit contrarium, licet eius mentionem non faciat, *c. 1. De conslit. in 6.*

Ista tamen pœna non habet locum in alijs à Sacerdote, saltem in laicis: quia cùm laici non sint in ordine constituti, nequeunt quoque deponi ab ordine, *argumenti h. Decem D. De verb. oblig.* Cæterùm de hac pœna reuelantis confessionem vide plenius Lopez *ad praxin crimin.* *Can. Diaz cap. 113. cum alijs, quos citat.*

§. XIV. De Satisfactione, tertia parte Pœnitentiæ, & quotuplex ea sit.

1. Cur necessaria sit pœnitenti Satisfactio.
2. 3. Satisfactio in genere & in specie quid sit.
4. 5. Specialiter accepta, alia est Voluntaria, alia Sacramentalis.

Quamuis subinde possit tanta esse contritio, ut simul cum culpa remittatur tota pœna, sicuti per Baptismum & Martyrium, uti constat in latrone pendente de cruce, in Maria Magdalena, S. Paulo, & alijs: * quia tamen non semper per Sacramentum Pœnitentiæ, dimissa culpâ, tota pœna remittitur, sed æterna in temporalem mutatur, ut definit Conc. Trid. *Sess. 6. c. 14. & can. 30. & Sess. 14. c. 8. & can. 12.* patetq; ex varijs tum Canonibus tum Scripturæ sacræ testimonijs. Ratio est, quia cùm peccatum non solum sit contra Dei amicitiam, sed etiam contra iustitiam, fit, ut pœnitente in amicitiam & gratiam diuinam recepto, maneat debitum luendæ pœnæ temporalis, loco perpetuæ & infinitæ, cuius Deus per Sacramentalem absolutionem obliuiscitur; ideo ad satisfaciendum iustitiæ necessaria est pœnitenti post confessionem satisfactio, pro pœna illa temporali, in quam virtute absolutionis infinita & perpetua mutatur.

Est autem Satisfactio in genere nihil aliud, quàm compensatio quædam, quâ is, qui alterum læsit, tantum facit, quantum alter pro iniuria tibi illata iustè requirit, *arg. l. 1. D. Qui sati. d. cog. & similibus.* Atque ita latius pater restitutione, quam sub se comprehendit, tam quâ genus, ut innuit Glos. in *c. Peccati venia De R. I. in 6. Nauar. in can. Satisfactio De penit. Dist. 3.* Nam restitutio est repositio rei in pristinum statum, *l. Restituere D. De verb. significat. can. Si quem 9. fin. 2. q. 3.* seu

restitutio rei ablatae, siue iure siue iniuriâ ablata sit; vel damni illiciti compensatio, *toto tit. Decretal. De restitut. spoliat.* Atque ita restitutio respicit rem, dum præstat æquiualens, vel rem ipsam exhibet: & habet locum, ubi damnum datum est, vel res alterius ablata. Et proinde est actus externus iustitiæ commutatiuæ, cuius est constituere æqualitatem inter datum & acceptum, inter damnum & compensationem. At verò satisfactio respicit personam, dum præstat id, quod alteri satis est, etiamsi non sit æquiualens debito: & habet locum etiam pro iniuria illata, & honore violato, etiamsi nullum damnum datum sit. Sic enim Deo satisfacimus, cui tamen damnum non inferimus, nec quicquam restituere possumus, cum omnia sint Dei perfectissimè. Denique satisfactio fit etiam pro damno irreparabili; restitutio pro reparabili tantum.

3 Satisfactio verò, specialiter pro tertia parte Pœnitentiæ accepta, est compensatio Deo facta pro iniuria ei illata per peccatum, cum proposito de cætero non offendendi, & spe veniæ.

Nec obstat huic definitioni *can. Satisfactio 3. De pœnit. Dist. 3.* ubi Aug. definit, Satisfactionem Pœnitentiæ esse peccatorum causas excideri, nec eorum suggestionibus aditum indulgere: quia dicendum, definitionem illam non esse completam quoad expressionem, sed solum tacitæ & implicitæ: nam cum satisfactio duo respiciat, nempe restitutionem vel placationem debiti, & insuper abstinentioniam à nouo debito vel noua offensa, dicta definitio August. secundum tantum exprimit, ac primum continet implicitè dumtaxat.

4 Est verò duplex Satisfactio, alia Voluntaria, alia Sacramentalis. Voluntaria est, quam quis sponte suscipit; cuius innumera sunt exempla in sacra Scriptura, veluti Iob *vlt. c.* Dauidis in *can. Totam cum seq. & can. Illud De pœnit. Dist. 3.* Achab in *§. è contra sub can. Si post ordinationem Dist. 50. & §. Achab quoque sub can. Voluisset, & in can. Sicut Achab De pœnit. Dist. 3.* quæ, sicut & alia innumera, euidentissimè ostendunt stoliditatem Lutheri ac Melancthonis, asserentium, pœnas susceptas spontè esse hypocriticas, & cum Dei præcepto pugnare.

5 Sacramentalis est, quam Sacerdos per potestatem clauium sibi traditam non solum ad soluendum sed etiam ad ligandum, (vt constat ex illo Matth. 16. *Quodcumque ligaueris &c.* in *can. Ita Dominus Dist. 10. can. In nouo testamento, can. Quamuis Dist. 20. & illo Matth. 18. Quæcumque alligaueris &c.*) pœnitenti iniungit. Et hæc longè præstantior priori est; tum quia ex obedientia suscipitur; tum quia effectum, efficaciam ac fructum suum trahit à Sacramento, quod ex opere operato operatur: illa verò à virtute pœnitentiæ tantum. Et hinc fit, quod hæc impleta etiam in peccato mortali reuiuiscat, & suum effectum fortiatur,

fortiatur, remotâ fictione, seu accedente gratiâ, & recuperatâ caritate; non autem illa. Vide Nauar. in *can. 1. n. 48. De pœnit. Dist. 6. vbi rationem reddit.*

§. XV. Per quænam opera satisfiat, & de modo in satisfactione seruando.

1. Satisfacit pœnitens per bona opera, etiam non pœnalia.
2. Item per bona opera aliàs debita.
3. De modo seruando in pœnitentia imponenda.

Satisfacit pœnitens per bona opera, non modò pœnalia, sed etiam non pœnalia. Nam & ditissimus ac liberalissimus potest satisfacere per eleemosynam, & temperatissimus per ieiunium; quorum tamen neuter ex talibus sentit pœnam aut tristitiam, licet quo magis pœnalia sunt, eo magis sint satisfactoria.

Rursus non tantùm per opera bona, aliàs non debita, sed & per aliàs debita, satisfacere quis potest, Nauar. in *can. 1. De pœnit. Dist. 6. n. 48. & in Manuali c. 26. n. 23.* Nec mirum, posse quem vnico actu satisfacere duplici obligationi aut pluribus, cùm vnico ieiunio satisficiat quis vigilæ & quattuor temporibus; vnico sacro diei festo ac Dominico; vnicâ recitatione officij beneficio & ordini sacro; & sic de similibus.

Quis verò modus in Satisfactione seu Pœnitentia imponenda sit seruandus, docet Conc. Trid. *Sess. 14. c. 8.* Cùm enim Sacerdos simul sit constitutus Iudex & medicus, ei que datæ sint clauæ ad soluendum & ligandum, curare debet, vt secundum mensuram delicti sit plagarum modus, *Deuter. 25.* Ideoque diligenter perpendat necesse est quantitatem & qualitatem, aliasque circumstantias delicti, *c. 3. & c. Deu. 8. h. t. contritionem atque ætatem poenitentis, can. De his, cum aliquot seqq. xxvi. q. 7. c. 2. sup. De delictis puerorum, & similibus.* Item scientiam, veluti an amens vel furiosus deliquerit, *can. Iudicat III. q. 9. can. Si quis insaniens xv. q. 1. an putauerit se delinquere, an non, l. fin. D. De ritu nupt.* Insuper sexum, *can. Indignanter xxxii. lq. 6. ac conditionem, can. Qui compulsus xxii. q. 5. can. Aut facta De pœnit. Dist. 1.* Præterea obseruare debet modum, tempus, locum, delinquendi voluntatem, propositum, euentum, cæteraque, quæ, vt delicta, ita & pœnas delinquentium variant, iuxta *l. Aut facta D. De pœnit.* nam, etiam his omnibus spectatis; lex civilis poenas arbitratur, *d. l. Aut facta: vt de his fusiùs Tolosan. Syntag. Iuris vniuersi lib. 30. à cap. 2. vsque ad 11. Nauar. in can. Mensuram De pœnit. Dist. 1:*

§. XVI. An pœnitens teneatur acceptare & adimplere pœnitentiam sibi impositam.

1. Teneri acceptare & adimplere probatur.

Teneri pœnitentem semper acceptare & adimplere pœnitentiam rationabilem sibi impositam, nisi legitime commutetur, probatur ex *c. Omnia utriusque* 12. b. 1. *Glos. in can. Contrarium De pœnit. Dist. 5.* Ratio peti potest ex *Conc. Trid. d. Sess. 14. cap. 8. & can. 13.* cum enim ibi dicatur, Sacerdoti datas esse claves, non solum ad soluendum, sed etiam ad ligandum, haud dubie poterit eis debite utendo obligare pœnitentem ad rationabilem pœnitentiam, pro peccato mortali impositam. Censetur autem rationabilis, quæ cuiuscunque statui & fragilitati congruit, etiam si non sit condigna.

Si tamen quis vellet omnino reservare pœnam, in purgatorio persolvendam, suo iudicio relinquendus erit, *Navar. in can. Consideret §. ponat se De pœnit. Dist. 5. & can. Sacerdos eod. tit. Dist. 6.* ubi testatur hanc esse communem DD. sententiam in *c. Significavit* 3. b. 1.

§. XVII. An vnus pro alio tam viuo quam mortuo satisfacere possit.

1. De fide est iustum pro alio iusto satisfacere posse.
2. Sacramentalis satisfactio per alium adimpleri nequit.

De fide est, posse vnum iustum pro alio iusto satisfacere. Colligitur ex Symbolo Fidei, in quo confitemur communionem Sanctorum, id est, secundum omnium Catholicorum interpretationem, omnium bonorum totius Ecclesie, iuxta illud *Dauidis Psal. 18. Particeps ego sum omnium timentium te, Domine, & custodientium mandata tua.* Confirmatur, quia *ad Ephes. 4. 1. Corinth. 12. ad Roman. 12.* omnes in gratia existentes dicuntur vnum corpus in Christo; singuli autem alterius membra. Etenim membra viua vnus corporis & capitis se mutuo iuant, variosque labores, imò interdum sectiones & visiones pro se inuicem sustinent. Vnde *ad Galat. 6.* dicitur, *Alter alterius onera portate;* onera, inquam, non modò corporalia, sed etiam spiritualia.

Dixi, iustum pro iusto; quia vt aliena satisfactio profit, debet vterque

terque & satisfaciens, & is, pro quo satisfacit, esse in gratia & charitate: quia satisfactio vnius pro alio admittitur, quatenus ambo sunt viua membra vnius corporis Christi per gratiam & charitatem: & peccatum quamdiu manet, reddit impium incapacem remissionis poenae, pro peccato debitae.

Sacramentalis tamen satisfactio, cum sit pars Sacramenti, est actus 2 personalis, qui proinde non magis potest per alium fieri, quam vnus pro alio baptizari, confirmari, vel confiteri. Ideoque si quis in articulo mortis nequeat illam adimplere per se ipsum, ab ea implenda excusatur; & si committat alteri, proderit quidem illi, non tamen erit Sacramentalis; multoque minus proderit, quam si ipsemet illam adimpleuisset.

§. XVIII. De Remissionibus seu Indulgentijs.

1. *Indulgentia nomine quid hoc loco significetur.*
2. *Esse in Ecclesia potestatem concedendi indulgentias.*

Satisfactioni affinis est materia Indulgentiarum, quae hoc loco Remissiones specialiter appellantur, cum alias Remissio in genere sit liberatio ab aliquo onere iniuncto vel iniungendo.

Vbi illud quoque praemittendum est, Indulgentiam apud 1 Latinos sumi interdum in malam partem, pro molli scilicet & delicata quadam permissione, ac nimia licentia; ut apud Quintill. *Mollis illa educatio, quam indulgentiam vocamus, necio. omnes & mentis & corporis frangit*: & apud Plinium, *Vt simia catulos fera complexa necat*, ita nonnulli parentes, immodico erga liberos affectu & indulgentia, corrumpunt illos. Interdum in bonam partem: quandoque verò pro remissione culpae, quae Deus multum de iure suo remittit, ut Iudith 8. *Indulgentiam eius suis lacrymis postulamus*: quandoque pro remissione poenae, peccato debitae, iuxta illud Esaia 6. *Misit me ut mederem contritis corde, & predicarem captivis indulgentiam*. Et his duabus posterioribus significationibus accipitur Indulgentia hoc tit. *Decretal.* Hic autem agemus de ea secundum postremam significationem, non quidem quomodolibet, sed prout sumitur pro condonatione poenae temporalis, Deo debitae, pro peccato iam remisso, quoad culpam, extra sacramentalem absolutionem facta seu concessa à Praelato Ecclesiae, ex thesauro ipsius Ecclesiae. Nam licet per contritionem & confessionem Sacerdoti factam deleatur culpa peccatorum; remanet tamen poena temporalis, in quam

eterna

æterna commutatur, subeunda, ut antè diximus, & patet ex *can. S. peccatum De pœnit. Dist. 1.* Hæc autem per remissionem & indulgentiam extinguuntur.

2. Esse verò in Ecclesia huiusmodi potestatem concedendi indulgentias, patet ex *c. Cum ex eo 14. h. t. Extrauag. Vnigenitus eod.* ex Concil. Trid. Sess. 21 cap. 9. & Sess. 25. in Decreto De indulgentiis: ex Scriptura item facta, *Matth. 16.* illis verbis, *Tibi dabo claves regni cælorum;* & alijs, quibus Christus promisit Petro, eiusque successoribus, claves regni coelorum, vnaque cum clauibus amplissimam potestatem tollendi impedimentum ingressus in regnum illud: cuiusmodi haud dubiè est non solum culpa, sed etiam reatus poenæ. Rursus *Matth. cap. 18.* illis verbis, *Quaecumque solueritis super terram &c. & Ioan. 20. Quorum remiseritis peccata &c.* Quibus concessa est Apostolis omnibus potestas remittendi peccata, non solum quoad culpam, verum etiam quoad poenam, ut colligitur ex illa particula, *Quaecumque,* & ex perpetuo Ecclesie usu, quo in arbitrio Episcoporum fuit, habitâ ratione personarum & peccatorum, remittere vel minuere poenas; pro peccatis debitas; quod nihil est aliud, quàm concedere indulgentias.

§. XIX. Quid sit thesaurus Indulgentiarum, & vnde originem trahat.

1. Originem habet ex redundantibus Christi & Sanctorum satisfactionibus.
2. Quo modo thesaurum illum dispenset summus Pont.

PRO Indulgentiarum maiori explicatione, sciendum est, opus, in charitate factum, non solum esse meritorium gratiæ & gloriæ, quatenus est charitate informatum, verum etiam satisfactorium, quatenus est ipsi operanti pœnale; & satisfactionem Christi tam fuisse abundantem, ut non solum pœnam omnem, pro peccatis totius mundi debitam, tollere possit, si debitè per Baptismum vel per Poenitentiae Sacramentum omnibus hominibus applicetur, sed ob coniunctionem humanitatis cum diuinitate infinitè illam excedat, *Extrauag. Vnigenitus h. tit.* nec tamen omnibus applicari: & similiter Sanctos, ut Ioan. Baptistam, Martyres, Confessores, Monachos, Eremitas ac Virgines, multò plura sine comparatione esse passos, quàm eorum peccata merebantur, iuxta illud *Iob 6. Utinam appenderentur peccata mea in statera, & calamitas, quam patior, quasi arena maris multò grauior appareret.* Quod ipsum clariùs apparet in Dei Matre, cuius, licet nullo

nullo vnquam peccato contanimata fuerit, animam gladius doloris pertransiuit.

Vnde necessum est, tam Christi, quam Sanctorum has redundantes satisfactiones, cum non sint remuneratæ quoad satisfactionem, licet quoad meritum præmium retulerint, remanere in acceptatione diuina, & ex ijs conflari thesaurum, ad utilitatem militantis Ecclesiæ, pro indigentibus, prout definit Clemens Pont. in d. *Extravag. Vnigenitus*. Quemadmodum in omni Republica benè ordinata thesauri & æraria conflari solent ex bonis redundantibus, pro publicis necessitatibus. Et in veteri Lege erat gazophylacium, in quo recondita erant necessaria pro pauperibus. Hunc autem thesaurum, cum non debuerit esse superuacuum, inanis, aut superfluum, non in sudario repositus, nec in agro absconditus, d. *Extravag. Vnigenitus*. Christus B. Petro; eiusque successoribus, suis in terris Vicarijs, commisit, fidelibus salubriter ex iustis & rationabilibus causis dispensandum.

Dispensat autem illum summus Pontifex, Petri successor, quando concedit indulgentias, hoc est, quando merita satisfactoria Christi & Sanctorum redundantia applicat in satisfactionem pro alienis peccatis, & sic per modum solutionis, quatenus per illa æquivalens debito offertur. Nam etsi Deus absolutâ & independenti potestate suâ remittere possit pœnam omnem, sine vlla compensatione, non tamen ita vult remittere: aded vt nequidem in Baptismo vel alijs Sacramentis remittat pœnam, siue temporalem, siue æternam, absque merito Passionis Christi. Et ideo Pontifex non potest absolvere à pœna Deo debita, sine applicatione huius thesauri, quem semper applicate intelligitur, quando concedit indulgentias. Et hinc patet indulgentiam esse condonationem & solutionem, sed diuerso respectu; condonationem respectu recipientium; solutionem in ordine ad Christum & Ecclesiam.

§. XX. An indulgentiæ possunt concedi animabus in purgatorio existentibus.

1. *Aliter mortuis, aliud viuis concedi indulgentiæ.*

POsse patet: tum ex eo, quod ad hoc, vt vnus pro alio satisfaciatur, non sit necesse, vt iuridicè absoluator, verum sufficiat vt tantum soluatur pro eo, quantum debet: tum ex facto summorum Pontificum, veluti Pascalesij V. qui dedit indulgentias plenarias, per modum suffragij, animæ in purgatorio, pro qua quis cele-

R r r r r

brarit

brarit aut curauerit celebrare quinque Missas in Capella Ecclesie sancte Praxedis Romae: quas indulgentias successu temporis alij idem Pontifices confirmarunt.

Longè tamen aliter mortuis, aliter viuis conceduntur indulgentiae ab Ecclesia seu summo Pontifice, eius capite. Nam cum viui, quamdiu viuunt, subsint tribunali Ecclesie militantis, seu Pontificis iurisdictioni, & potestas concedendi indulgentias spectet ad clauem iurisdictionis, vt docet D. Thomas in 4. *Distinct.* 20. q. 3. art. 3. & patet ex c. *Quod autem* 4. h. t. (licet Hostiens. in c. *Accedentibus* sup. De excess. Pralat. contrarium docere videatur) ideo Pont. potest viuis concedere indulgentias per iuridicam absolutionem, seu directò absoluen- do illos à pœnis debitis, quamuis absoluen- do soluat etiam & satisfaciat pro ipsis ex prædicto thesauro Ecclesie, vt habetur in d. *Extrauag. Unigenitus*. Atque ita non dimittit gratis pœnas viuis, pro peccatis debitas, sed dimittit simul soluendo & satisfaciendo pro ipsis.

At verò mortuis, quia non subsunt amplius Ecclesie militantis tribunali, vt satis constat ex illo, *Quodcumque ligaueris & solueris super terram &c.* ideo absque iuridica absolutione, per nudam huius Ecclesiastici thesauri applicationem, concedit indulgentias, satisfaciendo scilicet & soluendo pro illis ex isto thesauro Ecclesie: ad eum modum, quo viui mortuis suffragantur Missarum sacrificijs vel precibus oblatis, vel eleemosynis datis, vel ieiunijs susceptis, vel alijs denique quibuscumque pijs operibus, nomine mortuorum factis; vel quo Princeps aliquis solueret pro reo, in alterius Principis potestate constituto, aliquid ex thesauro suæ Reip. quo ipsius debitum exsolueret.

Et hinc patet, quâ ratione dici solear, indulgentias concedi mortuis seu animabus in purgatorio existentibus per modum suffragij, seu compensationis & solutionis, quia scilicet Pontifex satisfactiones Christi & Sanctorum, tanquam quoddam suffragium immediatè illis applicat absque vlla absolutione iuridica per se impensas.

§. XXI. Quibus competat potestas concedendi indulgentias.

1. Competit summo Pont. Concilio Generali.
2. 3. Episcopo, Archiepisc. Legato summi Pont.
4. Et conceduntur subditis tantum.

Competit primò summo Pontifici, tanquam Christi Vicario, & vocato in plenitudinem potestatis, d. *Extrauag. Unigenitus* can. *Quodcumque* xxiv. q. 1.

Secundò,

Secundò, Concilio Generali, tamquam repræsentanti totam Ecclesiam. Eâque potestate vsa est Synodus Basileensis.

Tertiò, iure communi & ordinario competit Episcopis in suis dioecelibus, *c. Quod autem 4. h. t.* Archiepiscopis item in suis prouincijs, modò tamen statutum Concilij Generalis non excedant, *c. Nostro postulasti penult. h. t.* id est modò in dedicatione basilicæ ultra annum, & in anniuersario dedicationis ultra quadriginta dies non concedant indulgentias, *c. Cum ex eo 14. h. t.* Alioquin si excesserint, eas inualidas decernit Bonifac. VIII. *c. fin. b. tit. in 6.* Quod intellige quoad partem, quam dare non possunt: nam quoad eam, quam dare possunt, semper sunt validæ, *Glos. in c. Indulgentie h. t. in 6. & in d. c. Cum ex eo: quia utile per inutile non vitiatur, c. Utile De R. I. in 6.*

Quartò, Legatus summi Pontificis potest speciales & certas concedere in prouincia sibi decreta, *Glos. in d. c. penult. h. t.* Abbatibus verò, alijsque Prælati inferioribus, non competit hæc potestas, nisi speciali priuilegio vel legitimâ consuetudine fuerint vallati, *c. Accedentibus sup. De excess. Pralat. Glos. in d. c. penult.*

Cæterum quia concedere indulgentias est iurisdictionis, non verò ordinis, ut dictum est, ideo Pont. mox atque electus est, etiam non sacerdos, concedere eas potest; & similiter Episcopus, mox atque electus est, & confirmatus à Papa, licet nondum sit consecratus vel sacerdos. Ex eadem causa suis tantum subiectis quis eas concedere potest, *d. c. Quod autem* non tamen inuitis: quia licet aliàs actus iurisdictionis exerceri in inuitum possit, non tamen tunc, quando in suscipiente requirit aliquam dispositionem, ut patet in Sacramento Eucharistiæ. Alia est ratio de absolutione ab excommunicatione.

§. XXII. De effectû indulgentiarum.

1. Per indulgentias datur remissio pœnæ non culpæ.
2. Concedi indulgentias sub triplici forma.

Effectus Indulgentiarum non est remissio mortalis culpæ, nec etiam pœnæ æternæ, quia hic effectus est proprius Sacramentorum, Baptismi & Pœnitentiæ; nec indulgentiæ dantur secundum iura, nisi contritis & confessis, *c. 1. h. t. in Extrauag. Clement. vnica circa finem De reliquijs & venerat. Sanct. saltem in voto, Glos. in d. c. 1. ad V. confitebuntur.* Adeò ut, si quando in formula concessionis significetur dari consequentibus indulgentias remissionem peccatorum quoad culpâ & pœnam id intelligi debeat diuersis respectibus, quòd scilicet detur remissio culpæ per contritionem & confessionem,

à Deo scilicet, qui tamquam causa principalis culpam remittit, iuxta illud Esaie, *Ego solus deleo iniquitates tuas per memetipsum*: poenae autem per indulgentias, non quidem cuiuslibet; sed temporalis, quatenus in formula fuerit expressum, iuxta id, quod dici solet, indulgentias tantum valere, quantum sonant, supposita scilicet iusta causa & sufficienti dispositione in recipiente, ut patet ex d. *Extravag. Unigenitus*; ubi definitur, Pontificem posse virtute thesauri Ecclesiae aut aequalem aut partialem poenam pro peccatis debitam remittere. Ideoque diligenter inspicere semper debet tenor formulae seu litterarum, quibus conceduntur.

2 Solent autem concedi sub triplici forma: primo, per dies vel annos: secundo, per dimidiam, tertiam, quartam, aut quintam partem remissionis peccatorum: tertio, sub forma plenariae, plenioris & plenissimae, c. *Extravag. t. h. t.* Et tum datur remissio totius poenae debitae, quia hodie non est distinctio inter plenam, plenariam, pleniotem, & plenissimam indulgentiam: sicut nec ulla est differentia quoad relaxationem inter iubilaeum & plenariam indulgentiam, licet in Iubilaeo soleat dari facultas absoluendi à votis, casibus reservatis, eligendi Confessarium &c. quae facultas non datur per quamcumque plenariam indulgentiam.

Si igitur in litteris dicatur, *Concedimus indulgentias viginti annorum aut dierum De poenis iniunctis*, intelligitur de iniunctis tantum, nisi Pontifex aliud declararet. Si verò in forma non fiat restrictio ad iniunctas à Confessario, tum intelliguntur dari tam de iniunctis, quam quae rationabiliter iniungi possent, & de poenis purgatorii illis correspondentibus, iuxta communem doctrinam: quia ubi neque ius neque ratio restringit, nec nos restringere debemus, *Glos. in can. Consulisti 2. q. 5. per varia iura, quae ibid. allegat.* Et ridiculum esset dari indulgentias centum & centum annorum, si solum intelligerentur de iniunctis, quandoquidem nemini unquam iniungatur tot annorum poenitentia.

Concedere autem indulgentias unius anni aut unius diei est remittere tantam poenam purgatorii, quae est maxima, ut inquit August. in *can. Nullus De poenit. Distinct. 7.* quanta remitteretur per poenam vno anno vel vno die factam, Innoc. in c. *Qui autem h. t.* Ideoque quando datur indulgentia centum annorum aut dierum absolute sine restrictione ad iniunctas vel iniungendas, quamvis nonnulli per centum annos aut dies intelligant tot annos aut dies purgatorii, probabilius tamen videtur intelligi centum annos aut dies, quibus aliquis in hac vita, iuxta Canones poenitentiales, poenitere deberet, si tamdiu viueret, & per consequens tantum remitti de poena purgatorii, quantum huic poenitentiae canonicae responderet: quia iste modus dandi indulgentias or-

riās ortum habet ex antiquo vsu dandi indulgentias de iniunctis, proinde quæ ita semper videtur intelligendum, licet non exprimat. Et ex his patet, quid sit concedere indulgentiam dimidiæ vel tertiæ partis peccatorum.

§. XXIII. De causa indulgentiarum.

1. *Causa debet esse iusta & rationabilis.*
2. *Causa requiritur non æquivalens, sed sufficiens.*
3. *Eaque spectatur cum ex opere, tum ex parte finis intenti.*

AD validitatem indulgentiarum non sufficit potestas concedentis, sed & iusta ac rationabilis requiritur causa, quia, vt antè diximus, ex d. *Extrauag. Vnigenitus*, Pont. non Dominus sed fidelis dispensator thesauri Ecclesiæ est constitutus, ac proinde non nisi ex iusta & rationabili causa indulgentias concedere debet: alioquin non tam dispensaret, quàm dissiparet. Hinc in *d. Cum ex eo b. 1.* indulgentiæ indiscretæ damnantur, & concessæ sine causa vlla sunt nullæ. Accedit, quòd, cum reatus poenæ post culpæ remissionem relictus sit, iure diuino Deo debitus, non possit summus Pont. sine iusta causa quemquam eximere ab obligatione iuris diuini, vt patet in iniusta dispensatione à voto & iuramento, quæ ideo etiam est nulla.

Aliud dicendum de ijs, quæ à mero iure humano dependent, vt i absoluerè à censuris & casibus reservatis, eligere Confessarium, alijsque similibus, quæ absque iusta causa concessa subsistunt, licet taliter concedens peccet.

Et hinc fit, quòd licet indulgentia sine iusta causa non valeat ad tollendam obligationem poenæ Deo debitæ, valeat tamen ad tollendam obligationem peragendi poenitentiam ex præcepto Confessarii iniunctam, quia hæc est solum iuris humani, super quo summus Pont. dispensare potest.

Non tamen requiritur causa æquivalens, quia sic indulgentia non esset remissio aut absolutio, sed commutatio: Ideoque sufficit, vt sit sufficiens. Et hæc sufficientia commensuranda est secundum quantitatem indulgentiarum, vt scilicet maior indulgentia maiori causâ indigeat, d. *c. Cum ex eo*, & *Extrauag. Vnigenitus*. Adeò vt, si causa indulgentiarum non sit omnino, sed tantum ex parte sufficiens, tum indulgentiæ valeant, secundum proportionem causæ, & non quoad partem, quæ causam excedit. Vide Nauar. in *Comment. De indulgentijs* Notab. 15. Ratio verò est, quia sicut indulgentia sine

tia sine vlla causa concessa tota est nulla, vt diximus, ita concessa ob causam non sufficientem non ex toto sed ex parte, erit nulla quoad partem, quæ causæ non correspondet, sed eam excedit, quia vt se habet totum ad totum, ita pars ad partem, l. *Que De tota* D. De rei vindicat.

- 3 Hinc sequitur non semper tantum valere indulgentias, quantum sonat, sed secundum proportionem causæ. Spectatur autem causa indulgentiarum ex duplici capite: primò ex opere, quod Pont. requirit pro indulgentia, quale est ieiunium, oratio, elemosyna: secundò, ex parte finis intenti, qui debet esse bonum commune Ecclesiæ, veluti fauor fidei, conseruatio religionis, eiusdemq; augmentatio, conuersio infidelium; & quantò finis est excellentior & magis necessarius Ecclesiæ, tantò ceteris paribus maior potest dari indulgentia, licet opus, ob quod datur, sit leue, quia sufficit esse proportionatum ad finem consequendum. Hoc modo subinde vel solum reuerentiam exhibenti alicui imagini datur magna indulgentia.

§. XXIV. De requisitis & parte volentium acquirere indulgentias.

1. 2. Debent esse membra Ecclesiæ, contriti & confessi.
3. Opera præscripta per se adimplere.
4. Esse in statu gratiæ & absque peccato mortali.

1 **I**N primis debet esse membra Ecclesiæ, quia alijs Ecclesia suos thesauros non distribuit, *can. Nihil sic debet* 1. q. 3 *can. Si quis Catholica* xxiii. q. 4. & cum dentur ex potestate clauium, quæ Baptismum præsupponit, videtur catechuminum non esse eorum participem ante susceptionem Baptismi.

2 Secundò, debent esse contriti & confessi, c. 1. h. t. in *Extrauag. Clement, vnica circa fin. De reliquijs & venerat. Sanctorum*. Ideoque semper in Bullis dicitur, *verè penitentibus & confessis*. Sufficit tamen confessio antea facta, si modò quis in statu gratiæ perseuerauerit vsque ad tempus indulgentiarum, Turrecrem. in §. in *Leuitico* n. 8. sub *can. Mensuram De penit. Distinct. 1.*

3 Tertiò, subire debent, & quidem per se, nisi aliud exprimat, illa opera, quæ pro indulgentiarum consecutione præscribuntur: alioquin partem eorum tantum adimplens, neque totam indulgentiam, neque partem acquirit: quia neque relictum neque pars relictæ sub conditione, quæ-

ne, quæritur, si pars dumtaxat, non etiam tota conditio impleatur, l. 1. Cui fundus D. De condit. & demonstrat. Est autem concessio indulgentiarum conditionata.

Quartò, debent eo tempore, quo promerendæ sunt indulgentiæ, esse in gratia & absq; peccato mortali: quia membrum mortuum, cuiusmodi est existens in peccato mortali, nullū potest viuentis corporis suscipere influxum. Et ideo, quando idem est tempus operis & acquisitionis, necessum est, vt opus fiat quoque in gratia, Nauar. in d. Comment. De Indulg. notab. 19. Alioquin iuxta communem doctrinam, adimpletio operis in peccato mortali non impedit indulgentiarū acquisitionem, quando diuersum est vtriusque tempus. Ratio est, quod nō sit necesse, vt opus ipsum sit meritorium remissionis seu indulgentiarum; verū sufficit, quod sit actio moraliter bona & utilis ad placandum Deum, & auerrenda flagella temporalia, Nauar. d. loto. Aliās actionibus malis nemo consequitur indulgentias, iuxta communem. Optimum tamen & securius est, perficere ipsum opus in gratia, quia sic non solum est satisfactorium, sed & meritorium.

Dum autem quis acquirit alteri indulgentias. non est opus ipsum esse in gratia, modò is sit, cui acquiruntur, iuxta Nauar. quia indulgentia non nititur vlllo opere, quod facit peccator, sed thesauro Ecclesiæ, per Pontificem distributo, huius autem distributionis est capax, quisquis est in gratia & indiget satisfactione.

Peccatum verò veniale non impedit fructum indulgentiarum, nisi vitiet ipsum præscriptum. Quod addo, quia tum tale opus, v. g. ieiunium vel eleemosyna facta ex vanā gloria, displicet Deo, meliusque esset abesse quàm adesse.

Similiter nequit quis consequi indulgentiam plenariam, quamdiu manet in affectu peccati venialis: quia quamdiu manet talis, tamdiu manet culpa & reatus pœnæ, qui culpam necessariò comitatur. Potest tamen consequi indulgentiam pro remissione pœnæ debitæ pro alijs peccatis remissis. Quando igitur in formula præscribitur confessio, communiter intelligitur de his, qui peccatum habent mortale, vt scilicet per confessionem disponant se ad gratiam, fiantque capaces indulgentiarum: alioqui ad earum capacitatem sufficit quem esse in gratia, quod potest fieri per contritionem cum proposito confitendi. Aliud dicendum esset si Pont. requireret confessionem, tamquam conditionem sine qua non.

§. XXV. Quoties quis possit consequi indulgentias, & quamdiu durent.

1. Indeterminate concessas semper lucrari licet.

2. Ad opus limitatum semel tantum.

3. Ad certum tempus, expirant lapso tempore.

Q Vando conceduntur indeterminate, vel toties quoties, semper illas consequitur, qui facit opus præscriptum, modò iteratio non cedat in contemptum & derisum indulgentiarum, iuxta Nauar. d. loco Notab. 15. & 31. * Quando autem conceduntur ad opus limitatum, à primis scilicet vespers vsque ad secundas, vel vsque ad noctem, semel tantum potest eas consequi, Nauar. d. Notab. 31. cum alijs, quos citat. An verò multas indulgentias, à diuersis Pontificibus concessas, possit quis simul vno actu lucrari (veluti vno facto tot animas è purgatorio liberare, quot habet grana benedicta) non satis conuenit. Tutiùs videtur, vt, quando aliud Pont. non exprimit, pro diuersis indulgentijs multiplicentur actus, quia non videtur credendum Pontificis aliam fuisse vel esse mentem.

Notandum hìc, quòd, sicut ex ærario publico non debet succurri ijs, qui cum possint de suo æs alienum soluere nolunt, quia hoc pacto daretur materia delicti & negligentiae, c. Ex parte sup. De consuet. l. Conueniri D. De pact. dotat. ita neque ex thesauro Ecclesiæ, debeat solui pro negligentibus, qui nihil aut parum curent operibus pœnalibus satisfacere, & pœnam purgatori, redimere; quibus proinde nihil profunt indulgentiæ. Similiter non potest quis sibi thesaurisare indulgentias, quæ ipsi profint pro futuris pœnis, quia solutio non fit ante debitum contractum, sed illud supponit. Ideoque si quis non indigeat aliquâ indulgentiâ, quam aliàs lucraretur, illa remanet in thesauro Ecclesiæ.

3 Quod si verò indulgentiæ non habeant tempus determinatum non expirant morte concedentis, sed demùm per reuocationem ab eo, qui potest reuocare, aut per interitum loci aut rei, cui sunt concessæ. Vide Nauar. in d. Comment. Notab. 31. determinatæ autem ad certum tempus expirant elapso tempore.

S. XXVI. De Iubilæo.

1. 2. *Ratio nominis & collatio cum iubilæo veteris legis.*
3. *Primo celebratum fuit iubilæum centesimo, deinde quinquagesimo, hodie vigesimo quinto anno.*
4. *Effectus iubilæi.*

Nomen Iubilæi deriuant quidam à Iubilo quod significat lætitiā immensam, quæ verbis nequit exprimi, sed voce & tripudio manifestatur: alij aliunde. Propriè verò dici videtur à *tohel* quod Hebraicè *Buccinam* significat: & inde annus quinquagesimus in veteri Lege annus iubilæus appellatus est, quia eo anno personabant buccinæ, vt constat ex Iosue 6. v. 4. *Septem autem Sacerdotes tollent septem buccinas, quarum vsus est in iubilæo & Leuit 25. Numerabisque tibi septem hebdomadas annorum & clanges buccina mense septimo: erit autem hic sollemnis.* Eoque multa fiebant, vt constat ex d. *Leuit. 25. & 27. & Num. cap. penult.*

Inde verò translata est vox illa ad significandum apud Catholicos illum annum, quo dantur plenissimæ peccatorum remissiones & indulgentiæ, ex similitudine quadam. Nam vt in illo anno iubilæo veteris Legis debita temporalia, ita in hoc spiritualia condonantur: vt in illo libertas temporalis, ita in hoc spiritualis restituitur: vt illo possessiones terrenæ alienatæ recuperabantur, ita in hoc nostro virtutes & merita per peccata deperdita dimissâ culpâ restaurantur: vt in illo exules in patriam redibant, ita in nostro exules à patria cœlesti ad eandem reducuntur: vt in illo denique, secundum aliquos, in carcerem coniecti soluebantur, ita in nostro ligati vinculis & funibus peccatorum relaxantur & soluuntur. Videatur *Turrecrem. in 9. item in Leuit. ad 8. in s. ne sub can. Mensuram De poenit. Distinct. 1.*

Constituit autem Bonifacius VIII. in c. 1. h. t. in *Extravag. commun.* 3 vt hic annus iubilæus centesimo quoquo anno celebraretur. Postmodum verò Clemens VI. reduxit ad annum quinquagesimum, *Extravag. Unigenitus h. t.* ac tandem Paulus II. & Sixtus V. ad annum xxv. contraxit, c. 4. h. t. in *Extravag. commun.*

Quando igitur maximæ indulgentiæ in Ecclesia conceduntur, id fit per modum iubilæi: & dum in eo datur facultas eligendi Confessarium, per quem quis possit absolui à censuris, potest eâ facultate uti, qui omnino habet animum consequendi indulgentias, & faciendi opus præscriptum, licet postmodum ob impedimentum aliquod, vel ex negligentia præscriptum opus omiserit. Ideoque si quis incœperit

feriâ quartâ, cum bona fide præstandi reliqua, & interim confiteatur, atque à censuris absoluat, non per hoc in censuras relabatur, quod reliqua ieiunia & opera: in iubilæo præscripta, omittat, nisi Pontifex aliud expresse, *iuxta communem sententiam*, de Graphijs *decis. aur. p. 1. cap. 15. n. 37*. Imo quando oppositum non exprimitur, potest quis ex vi eiusmodi facultatis ratione iubilæi toties absolui à casibus reservatis, quoties in eos relabitur, priusquam durante adhuc iubilæo indulgentiam sit consecutus, quia hæc videtur esse mens Pontificis. Videatur Nauar. *in d. Comment. notab. 34. n. 4*. quique plura de Indulgentijs & Iubilæo desiderat, videat eundem Nauar. *d. loco* Turrecrem. De Graphijs, *locis cit.* Ioan. Francisc. de Pauinis in *Glos. ad d. Extravag. Vni-genitus*, Rutil. Benzoni *Tract. De Iubilæo*.

TITVLVS XXXIX.

De sententia excommunicationis.

§. I.

1. Ratio ordinis & inscriptionis Tit.
2. Censura Ecclesiastica quæ dicatur.
3. Species illius sunt, Excommunicatio, Suspendio & Interdictum.
4. 5. Excommunicatio vnde dicta, eiusq; definitio.

Post tractatum de pœnis, quæ in foro tam contentioso quàm spiritali seu pœnitentia infligi solent, subiiciendum est aliquid de quadam speciali, quâ coërcentur ij, qui aduersus prædictas pœnas rebelles ac refractarij existunt, nempe de Excommunicatione: hæc enim rebellium & contumacium pœna idcirco vocatur, *can. Nullus can. Certum xi. q. 3*. præsertim cum ab homine infligitur: nam dum infligitur à Iure, infligitur ratione delicti, secundum Abbatem in *Rubr. b. t.* Estque pœnarum omnium grauissima.

1. Inscribitur autem hic Tit. *De sententia excommunicationis*, non quod excommunicatio sit propriè sententia: cum nec definitiua sit, quandoquidem causam non definiat, quippe cum petenti absolutionem nunquam denegetur audientia, *c. Ex parte inf. De verb. signif.* Nec etiam interlocutoria, cum hæc dicatur, quæ profertur à Iudice inter principium & finem causæ, vt notatur in *Clement. De sequestrat. possess.* &c. ex-

Ex. excommunicatio autem quandoque feratur extra iudicium, ut in *t. Dilecto b. t. in 6.* Verum sic inscribitur, quia excommunicatio sæpi-
simè per sententiam contra rebelles & contumaces profertur & exer-
getur. An verò sententia ista magis accedat ad interlocutoriam, quàm
ad definitivam tam in interponenda appellatione, quam in alijs no-
tatur in *c. Per tuas 40. b. t. c. Venerabilibus eod. in 6.*

Quia verò excommunicatio est species censuræ Ecclesiasticæ, ideo 2
aliquid de ea pro clariori intelligentia præmittendum est. Censura igitur
latine propriè est idem, quod Censoris (cuius erat de moribus
civium indagare & indignos ab honoribus repellere) dignitas: inde-
que deriuata vox est ad significandam seuoram aliquam correctionem
vel potius mulctam, quæ loco pænæ imponitur. Prout verò est in usu
Ecclesiæ, & à Canonibus usurpatur, definiri potest pœna spiritualis &
medicinalis, priuans primario usu aliquarum actionum spiritualium
per Ecclesiasticam potestatem; ita imposita, ut per eandem ordinariè
absolui possit, ita Suarez *De Censuris Disputat. 1. n. 5.*

Genus definiti est pœna spiritualis, quia omnis censura Ecclesiasti-
ca est pœna spiritualis, non è contrà: nam irregularitas sæpè est
gravis pœna & spiritualis, non tamen est censura, sed inhabilitas
quædam.

Dixi, Primario usu &c. quia priuat etiam usu actionum corpora-
lium, siue externarum actionum, ut communicatione humanâ, ho-
nore, salutatione, sed in ordine ad spiritualia. Nec priuat hominem
spiritualibus habitualibus, seu permanentibus, & internis, ut sunt
character, gratia habitualis, virtutes infusæ; ideoque non priuat po-
testate ordinis.

Dixi, Ita imposita, ut per eandem &c. quia ex institutione sua est
vinculum quoddam dissolubile: quandoquidem ab Ecclesia instituta
sit, non solum, ut sit pœna, sed etiam, ut sit medicina seu respicere
hominem faciat, *can. Corripiantur xxiv. q. 3.* nam id non prestaret, si
esset perpetua & absque spe remissionis.

Censuræ Ecclesiasticæ ex institutione Ecclesiæ tres sunt species, 3
Excommunicatio, Suspendio, & Interdictum, *c. Quarenti inf. De verb.*
signif. Ratio est, quia illæ tres sufficiunt ad effectum seu finem censu-
rarum, qui est inobedientes & contumaces aut corripere, aut si du-
riores sint, ab Ecclesia præscindere.

Excommunicatio idem sonat, quod extra communionem eicctio, 4
& græcè Anathema dicitur; licet hæc vox interdum etiam in bo-
nam partem sumatur & interdum, pro solemni excommunicatione.

Excommunicatio in genere est censura Ecclesiastica, separans ho-
minem à communione. Per genus definiti excluditur irregularitas,

SSSS ij

quia

quia non est propriè censura, ne quidem illa, quæ ex delicto contrahitur, sed inhabilitas quædam. Per sequentem partem excluditur suspensio & interdictum. Nam suspensio solum separat ab usu officij vel beneficij, vel vtriusque, non etiam à communione Sacramentorum vel conuictu fidelium. Interdictum verò separat dumtaxat à diuinis officijs, sacris, & sepultura Ecclesiastica, non autem à fidelium communione, in quo differt ab excommunicatione maiori.

§. II. Quotuplex sit Excommunicatio.

1. Diuiditur Excommunicatio in Maiorem & Minorem.
2. Item in eam, quæ est à Iure & quæ ab Homine.
3. Et hæc non nisi trina monitione præuia ferri potest.
4. Item alia est lata sententia, alia ferenda.
5. Maiori excommunicatione qui notentur.
6. De monitorijs ad finem reuelationis, vt vocant.
7. Præterea Excommunicatio alia est Iusta, alia Iniusta.

Varijs modis diuidi potest; ac Primò in Maiorem & Minorem. Maior est censura Ecclesiastica, priuans hominem communione, tam actiuâ, quàm passiuâ Sacramentorum, & hominum, colligitur ex c. 8. 9. & penult. h. tit. Hostiens. in Summa h. t. n. 1. Et hæc est excommunicatio simpliciter dicta, altera secundum quid. Ideoque intelligitur maior, dum excommunicatio simpliciter sine expressione maioris vel minoris à Iudice fertur d. c. penult. licet aliàs dispositiones pœnales in dubio intelligantur & præsumantur de minori pœna, c. In panis De R. I. in 6.

Excommunicatio minor est, quæ tantum separat à perceptione passiuâ Sacramentorum, d. c. penult. Et ideo minore excommunicationi implicitus, potest exercere ea, quæ sunt iurisdictionis, & eligere, non tamen eligi, c. ult. sup. De Clerico excommunicato ministrante. Et hæc licet olim soletet ab homine & à iure inferri pro omni sacrilegio, vt patet ex can. Miror xvii. q. 4. tamen nunc solum incurrit eam scienter participans cum irretito maiori excommunicatione, c. Cum desideres 15. versic. quia quicumque excommunicato h. t. in humanis scilicet rebus, & extra crimen, ob quod est excommunicatus. Nam qui in diuinis eodem communicat, veluti, percipiendo ab eo Sacramenta vel eodem cum illo ritu orando, aut alia diuina officia exercendo, aut in eodem crimine, incurrit etiam maiorem excommunicationem, cap. Significauit & alijs h. t.

Dixi,

Dixi, scienter; quia ignorantia non improbabilis excusat, *can. Quoniam* x1. q. 3. Excusantur etiam vxores, liberi, serui, ancillæ, seu mancipia, nec non rustici seruientes, & quotquot ex officio tenentur excommunicato adesse, nec adeo curiales sunt vt eorum consilio scelera perpetrentur. *d. can. Quoniam*: item peregrini propter necessitatem & qui humanitatis intuitu aliquid dant excommunicatis, *d. can. Quoniam*. Insuper creditor debitoris excommunicati, *c. Si verè* 34. *b. t.* Prætera qui cum excommunicato in his, quæ ad absolutionem vel ad salutem animæ pertinent, in sermone participat, *c. Responsd* 43. *c. Cum voluntate* 54. Hinc versus ille Glos. in *d. c. Cum desideres*.

Hæc Anathema quidem soluunt ne possit obesse.

Vtile, lex, humile, res ignorata, necesse.

Notandum vero hic post Conc. Constantiense nos teneri ad vitanda solum duo genera excommunicatorum, nempe nominatim excommunicatorum & denuntiatorum: item eorum, qui sunt notorii Clericorum percussores. Quod & Leo X. ordinauit in Conc. Lateran. cuius ordinationem refert Pias. 2. p. cap. 4. art. 13. n. 19. ita vt alij notorii, etiam si euidenter constet fuisse excommunicatos, siue à iure siue ab homine, vitandi non sint, antequam fuerint denuntiati Couar. in *c. Alma mater* 9. 7. Guitt. lib. 1. *Can. Quæst. cap. 1. Nauar. in Manuali cap. 27. n. 35.* Eoque magis obtinet, quod Conc. Basileense solos Clerici percussores notorios decreuerit esse vitandos Pias. *d. loco* vbi refert eiusdem Concilij decretum. Ipsi tamen excommunicati non minus tenentur alios vitare, post dictum Concilium, quam antè, quia expressè significat per suum decretum nullo modo se releuare excommunicatos ipsos, sed solum in fauorem aliorum id edidisse. Sunt autem hi excommunicati vitandi in his, quæ continentur hoc versu

Os, orare, vale, communio, mensa, negatur.

Per, Os, prohibetur amplexus, collocutio, salutatio verbis vel litteris. Per Orare, vetatur, ne pro illis oremus publicè, & tanquam ministri Ecclesiæ, neue coram ipsis diuina officia celebremus, vel cum ipsis intersimus sacris. Per, Vale, prohibentur omnes salutationes, & resalutationes, siue fiant verbo, siue scripto, siue nutu, siue alio signo. Per, Communionem, interdicitur omnis communicatio, tam in diuinis, quam in humanis, modo antea dicto. Per, Mensam, interdicitur simul comedere in eadem mensa, vel simul dormire in eodem lecto; non autem in diuersa mensa, modò idem non sit conuiuium.

Secundò, excommunicationum alia est à Iure, alia ab homine. A Iure est, quæ infligitur ab ipso Iure Pontificio vel Synodo siue generali, siue particulari. Et hæc semper durat, seu est perpetua; ferturque

propter futurum delictum, & quidem non nisi ob mortale, *can. Nemo* xi. q. 3. nullaque requiritur præcedens monitio, sed ipse canon est & facit pro monitione, *Innoc. inc. Sacro* 48. b. t. Ab homine est, quæ per mandatum aut sententiam hominis infertur. Et hæc mortuo, siue naturaliter siue ciuilitè, aut deposito iudice, qui eam tulit, expirat, *Glossa in c. A nobis* 28. in V. non nisi, & ibi Abbas & D. D. quantum scilicet ad eos, qui illam ante mortem vel depositionem eius non incurrerunt: alioqui manet eâ excommunicatione ligatus, qui illam antè contraxit.

3 Insuper hæc non nisi trinâ monitione præmissâ ferri potest, *d. c. Sacro, c. Statuimus, c. constitutionem* b. t. in 6. Nec sufficit vna monitio pro tribus, nisi in vna ponantur tria interstitia; primum pro prima; secundum pro secunda; & tertium pro tertia: & quidem ad minus sex dierum, pro quolibet interstitio, prout in praxi quotidiana seruari testatur *Pias. 2. p. cap. 4. art. 13. n. 8.* Vbi subiungit, quod etiam in ferenda sententia declaratoria excommunicationis, requiratur præcedens monitio, & aliàs esse nullam, ex *Felino inc. Rodolphus* n. 41. *sup. Descriptis.* Monitionem istam oportet esse personalem, nisi reus vel malitiosè latitet, prout de Clerico non relidente præsumitur, vel impediat, quò minus moneri possit aut non detur tutus ad eum accessus. Quibus tamen casibus non sufficit constare Iudici de aliqua harum causarum priuatim: verum ex actis hoc constare debet; ita vt nuntius legalis omnem adhibeat diligentiam pro inuenienda persona, faciatq; relatione ad acta, nò potuisse se inuenire; tuncq; cum attestatione duorum testium denuò citet in loco solito habitationis *arg. d. c. Sacro, Maranta* 6. p. *Decis. n. 126* Aliàs Iudex, excommunicans aliquem, non præmissis monitionibus, punitur, & ipso facto incurrit suspensionem ab ingressu Ecclesiæ per mensem, *d. c. Sacro*; nisi periculum esset in mora vel nisi excommunicaret in defensionem proprii Iuris, vt si turbetur in sua iurisdictione, *c. Dilecto eod. in 6. Pias. d. loco.* Vbi nihilominus existimat, excommunicationem latam sine monitione, vel nò seruato Iuris ordine, tenere, exceptâ excommunicatione maiore latâ contra communicantes cum excommunicatis, quæ est omninò nulla, si non fuerit præmissa monitio.

Tertiò, alia est lata sententiæ, alia ferendæ. Excommunicatio lata sententiæ dicitur, quæ ipso facto incurritur, ante denuntiationem aut sententiam Iudicis, Et hæc nunquam incurritur, siue à iure, siue ab homine, nisi verbo exprimatur: cuiusmodi verbum est, Ipso facto, vel, Ipso iure sit excommunicatus, Excommunicamus; vel aliad æquiualens, veluti, Sub pœna excommunicationis lata sententiæ. Ita si dicat Iudex, Nisi infra decem dies paruerit, excommunico, lapsò eo termino

termino tenetur reus abstinere à participatione cum fidelibus, nisi excusetur iuris vel facti ignorantia prababili.

Maiori excommunicatione inuoluuntur ipso facto hæretici, eorumque fautores, receptatores, falsarii litterarum Apostolicarum. Simoniaci. Item effractores & spoliatores Ecclesiarum, *c. Conquassati* 22. *h. t.* incendiarii *c. Tua nos* 19. iniicientes manus violentas in Clericum, etiam consentientem, *c. Contingit* 36. *h. t.* aut iniici mandantes vel iniicientem non impediētes, cum impedire & prohibere possunt, *cap. Quanta* 47. *h. tit.* & alij plures de quibus Hostien. in *Summa h. tit.* §. 3. Nauar. in *Manuali cap.* 27. n. 49. & seqq. & quia postremo casu nulla requiritur Iudicis sententia, quā reus pronuntietur excommunicatus, *can. Si quis suadente* xvii. q. 4. Ideo vocatur Canon latæ sententiæ, *d. can. Si quis suadente, c. Cum non ab homine* 14. *h. t.* Eoque tenentur etiam, qui in Monachum vel Religiosum, etiam non Clericum, & Conuersum manus violentas iniecerint, *c. Non dubium* 3. & alij *h. tit.* quia hoc priuilegium est commune omnium personarum Ecclesiasticarum, id est omnium, quæ se diuino cultui manciparunt, *can. Quisquis* xvi. q. 4. Ab hoc tamen *can. Si quis suadente*, seu excommunicatione ab eo lata, excipiuntur plures casus, quos videre licet in *c. Si verò* §. *si verò. c. Perpendimus, c. In audientia, c. Cum voluntate, c. Veniens, c. Ut fama tua & alijs h. tit.*

Excommunicatio sententiæ ferendæ est, quæ non incurritur ipso facto, sed per sententiam Iudicis Ecclesiastici. Talis continetur his formulis, Excommunicetur, Sub pœna excommunicationis.

Quia verò nulla pœna in Ecclesia est maior excommunicatione, *can. Corripiantur* iv. q. 3. ex quo priuat hominem non solum participatione in diuinis, sed & humanis cum fidelibus, Hostien. in *Summa h. t. n. 1.* Ideo Prælati non possunt quemquam suorum subditorum excommunicare, nisi subsistente iustâ causâ, exprimenda in ipsa sententia, & propter contumaciam trinâ monitione præmissâ, *d. c. Contingit, in verbis, si tertio à te commoniti. d. c. Sacro*; & non solum verbo, sed in scriptis, eiusque copia danda reo, si petat. Alioquin Iudex contraueniens suspenditur ipso iure per mensem à diuinis officijs & ingressu Ecclesiæ, *c. 1. h. t. in 6.* Hanc tamen suspensionem non incurrit Episcopus cum in *d. c. 1.* non fiat eius specialis mentio, *arg. c. Quia periculosum eod. in 6.*

Cæterum hac in re reuocanda quoque in memoriam est Concil. Trid. moderatio, *Sess. 25. cap. 3. De reformat.* quā Iudex Ecclesiasticus in causis ciuilibus & criminalibus prohibetur vti excommunicatione, nisi in subsidium, quando scilicet executio realis vel personalis haberi non potest. Sed neque punire debet pœnâ excommunicationis in contractu

tractuetiam sponte apposita, aut declarare excommunicatum contractui contravenientem, prout ordinavit Pius V. cuius ordinationem refert Pias. d. cap. 4. art. 13. n. 12.

- 6 Videndum etiam iuxta decretum dicti Conc. loco citato, ne monitoria illa, quorum supra meminimus ad Tit. De furtis, quæ ad finem reuelationis, ut vocant rerum deperditarum aut subtractarum concedi solent, ab alio, quàm ab Episcopo decernantur (veleius Vicario generali, si hanc illi facultatem Episcopus expressim concesserit, ut sæpius respondisse Sac. Congregat. post Genuens. testatur Pias. d. loco n. 4.) & non nisi pro re graui, iudicanda & determinanda arbitrio Episcopi, perpensis maturè omnibus circumstantijs, loci, temporis, paupertate petentis, prout latius deducit D. Martha De Iurisd. p. 3. c. 4. Gutierrez lib. 1. Can. quæst. c. 11. Nam posset dici summa viginti vel triginta ducatorum sufficiens ad concedenda monitoria personæ pauperi, quæ tamen in persona diuite pro leui reputari posset. Et quidem Curia Romana seruat, ut non concedantur monitoria; nisi pro summa ad minùs quinquaginta ducatorum, ut refert Martha d. loco n. 23. Pias. post Zerolam & Genuensem d. loco. Circumstantia quoque temporalis efficere potest, ut hodie negentur, quæ aliàs concederentur, Zyp. h. t. n. 1. Vbi addit Pium V. 27. Iulij 1570. præscripsisse formam pro concedendis monitorijs, quam refert Pias. d. loco & speciatim, ut non in genere sed in specie subtracta designentur, Zerola p. 2. V. Excommunicatio §. 1. nec concedantur, nisi ei cuius interest, nec quando aliter haberi veritas potest, Zyp. & Pias. d. locis Quando verò ex Vrbe huiusmodi rescriptum impetratur, publicandū est verbotenus, sine alteratione sensus aut sermonis: alioqui excommunicatio esset nulla, præterquam, quòd pro idiotis in vernaculam linguam transferri, & ita publicari possit, ut rescripsisse Sac. Congregat. post Genuens. testatur Zyp. d. loco.

- Denique quo pacto formari debeant monitoria, & quibus casibus excusetur quis à restitutione eorum, quæ deperdita vel subtracta sunt, vel etiam à reuelatione. Vide Pias. d. loco.

- 7 Quartò, diuiditur Excommunicatio in Iustam id est legitimè latam, quam scilicet fert is, qui potest, propter quod & quomodo debet; & Iniustam, id est illegitimè latam, qualis est ea, quam fert is, qui non potest, vel fert aliter vel ob aliud, quàm debet. Iniusta est duplex: alia iniusta valida, qualis est ea, quam Iudex legitimus in eum, qui meretur excommunicari, sed ex odio, aut non inscriptis, nec post trinam monitionem, vel alijs similibus modis fert. Nam ut aliæ sententiæ, licet sint iniustæ, regulariter valent quoad forū n exterius, & earum virtute in reum tanta est executio, quanta iustarum, c.

cum non inter sup. De sent. & re iudicata l. In re iudicata D. De reg. iuris: ita & excommunicatio iniusta inualida esse potest, & ideo dicit Iuris textus, excommunicationem iustam semper esse timendam. Alia est iniusta, nulla & irrita: & hæc nullo modo timenda est, vt si quis excommunicet exemptum, vel suæ iurisdictioni non subditum *c. Cum capella c. Quando sup. De priuilegijs c. Nullus sup. De parochijs vel eum, qui ante latam sententiam excommunicationis legitimè & ex sufficienti causa appellauit, c. Per tuas 40. cap. Ad presentiam sup. De appellat. vel si contineat intolerabilem errorem Iuris, vt si quis excommunicetur, quia non commisit peccatum mortale, can. Qui resistit xi. q. 3. vel si Iudex ferens sententiam non intendat ligare, nam excommunicatio sumit vires ab intentione, vel si feratur à delegato in casu sibi non permissio; aut contra intentionem delegantis, *c. fin. sup. De prabend. vel à Iudice excommunicato, interdicto aut suspenso, Glos. in c. Presenti h. 1. in 6. vbi plures casus nullitatis colligit, Pias. d. art. 13. n. 10. & 11. suspensio, inquam, à iurisdictione. Alioquin suspensus ab Ordine tantum ea exercere potest, quæ sunt iurisdictionis, tenetque excommunicatio: sicut & suspensus ab Ordine tantum potest ea facere, quæ sunt iurisdictionis, Pias. d. c. 4. art. 12. n. 5. & 6.**

§. III. De effectu maioris excommunicationis.

1. Priuat participatione Sacramentorum.
2. 3. Suffragijs Ecclesiæ, electione.
4. Suspendit ab officio & beneficio.
5. Liberat subditos ab obedientia superiorum excommunicatorum.
6. Non potest taliter excommunicatus esse testis &c.
7. Mortuus priuandus est Ecclesiasticâ sepulturâ.

IN primis priuat hominem participatione quâ actiuâ quâ passiuâ Sacramentorum, itq vt ea nec accipere, nec dare possit. Adeò vt si det, fiat irregularis; excepto casu necessitatis.

Secundò, priuat hominem suffragijs generalibus Ecclesiæ, ita vt non liceat pro excommunicato publicè & nomine Ecclesiæ orare. Item communicatione cum fidelibus, tam in diuinis, quàm in conuictu: vsu sacri Ordinis, quem si excommunicatus scienter exerceat, fit irregularis irregularitate Papæ reseruata, *c. 2. sup. De Clerico excommunicato &c. c. Is qui habet h. t. in 6. quam irregularitatem non incurrit minori excommunicatione excommunicatus, c. Si celebrat sup. De Clerico excommunicato*: prout nec qui appellat à sententia excommunica-

Tttt

tionis,

tionis, de qua probabiliter dubitat, an sit valida, licet postea declaratur malè appellasse, *Pias d. loco n. 27. & 28.*

3 Insuper priuat electione, tam actiuâ quàm passiuâ, ad officia Ecclesiastica vel dignitates seculares, *cap. Venerabilem sup. De electione*: annullat collationem beneficij factam excommunicato.

4 Similiter electionem, præsentationem, permutationem Beneficiorum, & impetrationem litterarum Apostolicarum: suspendit ab officio & beneficio adeò vt, quamdiu quis est excommunicatus & in mora petendæ absolutionis, sit incapax fructuum beneficij, teneaturque si illos recipiat restituere. Si tamen habeat officium publicum valebunt acta per eum ratione illius officij v. g. sententiæ & alij actus iuridici, si sit Iudex, quamdiu ab Ecclesia toleratur, quia quamdiu Ecclesia eum tolerat, non priuat eum iurisdictione, sed tantum ab ea suspendit ob grauiâ & multa incommoda, quæ aliàs sequerentur. Sin autem non toleretur, actus eius erunt nulli.

5 Præterea liberat subditos ab obedientia superiorum excommunicatorum, si utique sint denunciati aut notorij Clericorum percussores, ita vt ne quidem absque peccato possint illis seruire, *can. Nos Sanctorum can. Iuratos xv. q. 6.*

6 Ad hæc non potest talis excommunicatus esse testis, aduocatus, actor, procurator, *c. fin. sup. De procurat.* Potest tamen esse reus, seque in iudicio etiam per se defendere, & alia, quæ ad defensionem necessaria sunt, peragere, *c. Intelleximus sup. De iudicijs.*

Nec obstat, quòd ibi dicatur, debere per alium respondere: quia vel verbum (debet) referendum est ad verbum respondere, illud enim per se & directè agebatur, & quærebatur in illo textu: ita vt additum sit, per alium, ad indicandum conuenientem modum pro euitanda communione. Vel intelligendum est, debere saltem per alium respondere.

Licet autem de iure disputetur, an excommunicatus non tamen hæreticus, aut reus læsæ Maiestatis possit condere testamentum, prout videre licet apud *Glos. in c. Decernimus in 14. Et testifican. lo h. tit. in 6.* vbi in negatiuam magis inclinat: tamen veriùs videtur potuisse testari, licet illicitè Notarius & testes cum eo communicarent, *Zyp. h. t. n. 5.* vbi quod hodie licitè conficiant testamenta: sicut & in plerisque locis etiam hæretici, vt in Germania, post Interim, vt vocant Caroli V. qua de re pro Belgio vide eundem *Zyp. Tit. De hæreticis.*

7 Denique mortuus in excommunicatione tali, Ecclesiasticâ caret sepulturâ, &, si sepultus sit in loco sacro, eiusque corpus vel ossa discerni queant, exhumari debent & abijci, *c. Sacris sup. De sepult.* Quod intelligunt quidam de denunciato & notorio Clericorum percussore.

§. IV. De effectu minoris excommunicationis.

1. Privat perceptione Sacramentorum passiva.
2. I isponit ad irritandam electionem ad beneficia.
3. Taliter excommunicatus peccat venialiter conferens sacramenta.
4. Interposita appellatione non suspenditur effectus excommunicationis lata sed bene eius declaratio.

Effectus eius sunt tres præcipui: Primus est privare hominem ¹ passivâ Sacramentorum perceptione: ita ut si suscipiat, peccet quidem, non tamen fiat irregularis, *c. Si celebrat sup. De clerico excommunicato.*

Secundus, quod electionem ad beneficia reddat talem, ut meritò ² irritari possit, licet eam de facto non irritet, *d. c. Si celebrat.*

Tertius, quod tali excommunicatione innodatus conferens Sa- ³ cramenta peccet venialiter, Couat. in *c. Alma mater*, p. i. §. 8. n. 12.

Præterea effectus excommunicationis in genere est, quod non sus- ⁴ pendatur appellatione post latam sententiam interpositâ, *c. Is cui b. r. in 6.* quamvis declaratio excommunicationis appellatione suspendatur, Gloſ. in *c. Cupientes in V. Privatos & elect. in 6.* ita ut liceat communi- care cum declarato excommunicato, durante appellatione, nec ipse celebrans incurrat irregularitatem, si dubitet de valore excommuni- cationis aut confidat suæ appellationi. Quamvis sit tutius in talibus abstinere ab illis actibus qui inducunt irregularitatem ob vulgatum axioma, quod etiam iniusta excommunicatio liget, quodque saluta- rius animæ sit sequendum, Piaſ. d. cap. 4. art. 13. sub n. 28. versic. *Notan- dum.* Insuper excommunicatio suspendi non potest, sed vel statim li- gat vel statim nulla est, *c. Pastoralis sup. De appellat.*

§. V. Quinam excommunicare possint.

1. Possunt quicumque iurisdictionem Eccles. habent in foro externo.
2. Episcopus existens extra diocesim non potest.
3. Potest extraneos in sua dioecesi & suos in aliena.
4. Possunt delegati potestatem habentium.
5. Laici & mulieres non possunt, & nemo seipsum nec parem nec su- perio-
riorem.

Primo generaliter, qui habent ordinariam iurisdictionem Ecclesiasticam in foro exteriori: ut in primis summus Pontifex tamquam vniuersalis Ecclesie pastor, Episcopi etiam ante consecrationem: quia potestas excommunicandi pertinet ad clauem iurisdictionis, Couar. in d. c. *Alma mater* §. 11. n. 1. Omnes item Prælati maiores & inferiores Episcopis habentes iurisdictionem ordinariam in foro exteriori: ut Abbates, Præpositi Ecclesiarum collegiarum regularium & secularium etiam non benedicti, Priores absoluti qui non constituuntur ab ipso Abbate, sed per electionem: Item Capitulum sede vacante, generales Ordinum & generaliter quicumq; habent iurisdictionem Ecclesiasticam in foro exteriori, & sic de similibus.

2 Et si autem Episcopus extra suam dioecesim existens aliquem excommunicare non possit, c. *Vt animarum* De constit. in 6. can. *Episcopum non debere* 9. q. 2. quia ad excommunicationem requiritur iurdictio & tribunal quod non habet extra dioecesim; nisi quando extra eam est pulsus modo qui exprimitur in *Clement. 1. De foro competentis*, tamen excommunicatus in vno loco vitari vbique debet, quia hanc vim & efficaciam habet excommunicatio ex sua constitutione ab Ecclesia, vnde Iuristæ dicunt quod excommunicatio sequatur excommunicatum ut leprosum quia illi quasi inest, & ideo semel excommunicatus & denunciatus semper euitari debet donec constiterit de absolutione, *Glos. in c. Proposuit in V. De absolutione sup. De Clerico excomm. ministrante d. loco V. semel autem ubi citat Arm.*

3 Potest tamen Episcopus extraneos in sua dioecesi delinquentes excommunicare quia ratione delicti sortiuntur eius forum & similiter, tenet excommunicatio prolata in subitos extra dioecesim delictum proficientes quod in dioecesi inchoarunt.

4 Secundò ex delegatione possunt excommunicare omnes qui potestatem accipiunt ab ijs qui habent ordinariam: ut sunt delegati Papa, Episc. Archiepisc. Denique ex consuetudine præscripta excommunicare possunt qui ex tali consuetudine habent iurisdictionem in foro externo, dummodo saltem tacitè hæc consuetudo sit approbata à superiore, c. *duo sup. De officio ordin. c. Cum contingat sup. De foro compet. can. conquisitus* 4. q. 3. Talem iurisdictionem, habent Cardinales non Episcopi in Ecclesia sui tituli, similiter Archidiaconi, Archipresbyteri, Decani, qui ex consuetudine præscripta habent subditos quos citare & punire possunt. Parochi quoq; olim talem potestatem habuisse videntur excommunicandi ob quædam delicta ut furtum, rapinam & similia, sed hodie videtur talis consuetudo in ijs cessare.

5 Laici verò non possunt excommunicare, c. *Ecclesia S. Maria sup. De constitut. can. bene quidem can. Imperator* 96. *Distinct.* nec item mulieres, c. *Nona*

ma
fer
co
fer
no
fus
tum
per
con
ad c
per
Inne
pa, l
vniu
C
quan
cent

o. *Noua sup. De pœnit.* nemo etiam potest seipsum aut parem aut superiorem excommunicare sed solum subditum, *can. Cum inferior 21. Dist.* quia excommunicare est actus iurisdictionis contentiosæ seu in foro externo in quo nullus fit inferior ratione peccati. Et hinc fit quod Papa non possit à quoquam excommunicari; bene tamen ab inferiori absolui possit si se illi subiiciat, prout potest quoad forum interius, non autem quoad exterius; alia ratio diuersitatis reddi potest quod absolutio sit beneficium quod nihil vetat superiorem ab inferiore accipere; excommunicatio autē sit pœna, sit quæ contra rationem iurisdictionis ut superior puniatur ab inferiori, hinc etiā fit quod licet Episcopus delinquat contra suum statutū habens annexam excommunicationem non incurrat excommunicationē, *Piaf. d. loco n. 87. ex Hostien. Arm. Nauar. quos citat.*

§. VI. Quinam excōmunicari possint vel non.

1. *Non possunt non Baptizati.*
2. *Nec vniuersitas nec collegium.*
3. *Nec mortui, sed bene declarari quod sint excommunicati.*

IN primis excōmunicari nō possunt qui nō sunt baptizati: ut Iudæi, infideles, & alij etsi sint catecumini: quia non potest præscindi à corpore Ecclesiæ qui non est de Ecclesia, nec cōmunionē priuari: qui eam non habet.

Secundò, excōmunicari non potest Vniuersitas vel collegiū, *c. Romana §. in vniuersitat. h. t. in 6. iuncta Glos. in V. pœnitur*, idq; verum est siue feratur excommunicatio in ipsam vniuersitatem seu communitatem ut communitas est, ita ut in singulas personas secundum se non feratur siue feratur in cōmunitatem ratione singularum personarum: ita tamen ut non feratur in personas certas & determinatas sed communiter & confusè in omnes personas huius v. g. Ciuitatis aut prouinciæ: quia peccatum ob quod fertur excōmunicatio est particularis aut particularium personarum, non communitatis, nec debet vnus pro alio puniri vel excommunicari, *can. Si habes 14. q. 1.* quod fieret si excōmunicatio generalis ad omnes extenderetur. Adde quod vniuersitas sit nomen iuris, non personæ nec vnā & propriam cōmunem omnibus animam habeat, *Innoc. inc. Grauem sup. eod.* alioqui excommunicatio non solum à Papa, sed etiam ab Episcopo lata sub hac forma: Excommunico omnes de vniuersitate vel collegio qui tali delicto consenserūt, valet, *d. c. Romana.*

Cæterum in omnes absolutè ab Episcopo lata est inualida tamquam contra ius commune: sic verò lata à Papa non continebit inno-

Denique mortui proprie excommunicari non possunt uti nec absolui ab excommunicatione tum quia non amplius subiacent tribunali Ecclesie tum quia non censentur contumaces, & ideo excommunicari non possunt, tum denique quia vel sunt in inferno. & patet absolui non posse, vel in paradiso & non indigent absolutione, vel in purgatorio & non possunt priuari suffragijs Ecclesie. cum sint confirmati in gratia, possunt tamen per Iudicis sententiam declarari excommunicati ut humata eorum corpora in loco sacro exhumari possint & extra locum sacrum sepeliri, vel comburi & ne pro illis oretur, bonaque eorum confiscentur iuxta c. *Accusatus* §. *in eo vero casu De Hereticis in 6.* Similiter possunt declarari absolui ab excommunicatione ut tradantur sepulture Ecclesiasticæ.

§. VII. Quis possit absolvere ab excommunicatione.

1. *A minori potest quilibet sacerdos approbatus.*
2. *Et etiam à maiori in articulo mortis.*
3. *Aliàs regulariter ille qui eam tulit vel ei æquivalens.*
4. 5. 6. *Dentur varia exceptiones.*
7. *Decipiens aut extorquens non absolvitur.*
8. *Potest quis inuitus absolui.*
9. *Absolutus sine requisitis potest reincidere.*

Primò, ab excommunicatione minori potest absolvere omnis qui potest absolvere à peccatis c. *Nuper sup. eod.* & ideo quilibet Sacerdos approbatus potest absolvere ab excommunicatione contracta ob peccatum veniale.

2. Secundò in articulo mortis quilibet Sacerdos potest absolvere ab omni excommunicatione etiam reservata Summo Pontifici. c. *Non dubium c. unico in Extravag. Ioannis xxii. h. t. Conc. Trid. Sess. 14. c. 7.* adhibita tamen cautione, ut sic absolutus, promittat se, ubi convaluerit vel periculum evaserit, repræsentaturum ei cui erat reservata ut mandata eius suscipiat, c. *De catexo & ibi Glos. sup. eod.*

3. Tertiò, ab excommunicatione maiori lata ab homine contra aliquem in particulari is solus absolvere potest, qui eam tulit, vel eius superior, successor, aut delegatus c. *Pastoralis* §. *Præterea sup. De officio delegati.* Aliàs enim euerteretur omnis disciplina Ecclesiastica. Sunt tamen aliqui casus quibus non potest is absolvere qui excommunicavit de quibus Navar. in *Manuali* c. 27. n. 40. IV. Ab excommunicatione etiã lata à

lata à iure vel ab homine sed generaliter si non sit reservata quilibet potest absolvere qui potest absolvere à peccato mortali propter quod est inflicta, *d. c. Nuper, Nauar. d. loco n. 44.* quasi ex commissione eius qui eam tulit hoc ipso quo illam sibi non reservauit. Dixi, si non sit reservata, quia à reservata solus absolvere potest qui eam sibi reservauit vel eius superior exceptis certis quibusdam casibus. Hinc ab excommunicatione ob iniectas manus violentas in Clericos regulariter solus Pontifex absolvere potest, *c. 1. in fine c. 7. 9. 15. 19. 28. 37. & alijs sup. eod.* vel eius Legatus à latere *c. 20. & 26. sup. eod.* non alij nisi id eis specialiter mandat Pontifex; *c. Porro in fine sup. eod.*

Dixi, regulariter, quia in extremo vitæ spiritu potest quis à quolibet Sacerdote absolui, vt antè diximus. Similiter si ob iustam aliquam causam veluti, ob puerilem ætatē, senium, paupertatem, corporis infirmitatem, fragilitatem sexus muliebris, itinerum difficultatem, inimicitias aliquorum, vel aliam similem, non possit quis sine magno periculo vel incommodo Romam proficisci, potest absolui ab Episcopo loci, *c. 1. 5. 6. 13. §. Si verò. 26. & 58. h. t.* debet tamen ei quem absoluit sub iuramento injungere: primò quod de cætero in Clericum vel Monachum vel alicuius religionis Conuersum non iniiciet manus violentas, nisi sese defendendo, aut de mandato sui Prælati, vel ex officio, *c. Ex tenore sup. eod.* Secundò, quod cessante impedimento, ob quod Papam adire non potest, eum adibit mandatum eius suscepturus, *cap. De cætero in fine c. ea noscitur & similibus sup. eod.* nisi sit impubes qui Clericum percussit, nam is hoc posterius iurare non debet siue antè siue post pubertatem absoluator, *c. ult. sup. eod.* Quod si forte monachi vel religiosi in monasterio se inuicem verberauerint possunt ab Abbate suo absolui, *c. Canonica sup. eod.* Monialis verò percutiens Monialem vel Conuersum aut Clericū potest ab Episcopo loci absolui, *c. De Monialibus sup. eod.*

Et similiter mulier incurrens excommunicationem ob percussione Clerici potest ab Episcopo absolui, *c. Mulieres sup. h. t.* quod tamen obtrudere non putat Zerola 2. p. V. *excommunicatio* in excommunicatione per alias summorum Pontificum constitutiones inflicta mulieribus cum reservatione v. g. in excommunicatione per Bullam Pij V. inflicta mulieribus ingredientibus claustra virorum, modò tamen, inquit, cesset necessitas vel impossibilitas De excommunicationibus summo Pontifici reservatis videri potest Couar. *d. loco. Nauar. d. loco à n. 49. Suarez Decensuræ Disputat. 21. & seq.* sicut & de non reservatis idem *Disputat. 23.*

Quintò, hodie per Conc. Trid. *Sess. 24. c. 6.* possunt Episcopi per se vel per vicarios suos absolvere in foro interiori ab omni excommunicatione

nicatione reservata Papæ quæ provenit ex delicto occulto, (non etiam ex delicto notorio) excepto quod facultas absoluendi ab Hæresi in foro conscientiæ detur Episcopis tantum non autem eorum vicarijs. Cum autē possit quis pluribus excommunicationibus partim à iure, partim ab homine & ob diuersas causas esse ligatus potest ab omnibus vnica absolutione absolui si omnes exprimat absoluēti alioqui potest ab vna absolui & non ab alia.

- 7 Quod si dum impetrat absolutionem explicet falsam causam vel non omnes principales, absolutio non erit valida, *c. Cum pro causa sup. eod.* quia tunc non censetur Iudex eum velle absolueri: Secus si constaret Iudicem velle sine causa absolueri, nam valet absolutio, nisi iniuste detur, modò detur ab eo qui habet potestatem & non decipiatur à pœnitente, Nauar. *d. loco n. 38.* minus valet absolutio si etiam extorqueatur, imò extorquens hoc ipso nouam excommunicationem incurrit, *c. 1. De his quæ vi metusque causa in 6.* vide Nauar. *d. loco n. 123.*
- 8 Cum autem excommunicatio sit pœna à iure humano statuta nec pendeat à voluntate excommunicari potest quis etiam inuitus absolui. Quantum verò ad formam absolutionis attinet non habet certa verba, sed quæcumque significantia absolutionem sufficiunt. Forma verò ordinaria est hæc, Ego te absoluo à vinculo excommunicationis, quam ob talem vel talē causam incurristi, & restituo te Sacramētis Ecclesiæ ac communioni fidelium, In nomine Patris & Filij & Spiritus Sancti Amen, de prærequisitis ad absolutionem petendam, vide Tholosan. *part. Iuri Canonici lib. 5. tit. 16. cap. 12.*
- 9 Potest autem absolutio concedi ad tempus tantū cum reincidentia: vt si Iudex velit absolueri aliquem ad effectum, vt ferat testimonium, vel ad cautelam: de qua vide quos citat Pias. *2. p. cap. 4. n. 88. Vers. Absolutio item.* Et si autem excommunicatio possit de consensu partis priusquam incuratur tolli, non tamen vbi semel est incurra, nec potest ita deferri vt semel sublata lapso termino in quo de consensu partis debebat incurri, iterū alio termino arbitrio partis incuratur, nisi huiusmodi prouocatio fiat auctoritate Iudicis ex qua non etiam ex pacto nascitur excommunicatio, Pias. *d. loco n. 88. in fine.* Saruit autem Conc. Trid. *Sess. 25. cap. 3.* vt contra quemcumque infordecem per annum (perfectum scilicet) in excommunicatione & alijs censuris Ecclesiasticis procedatur tamquam contra suspectum de hæresi, quod intellige siue ex criminali siue ex ciuili causa (Quod olim controuersum fuit) excommunicatus sit, nam immediate ante Conc. quem excommunicari potuisse ex vtraque causa tradit Menoch. *lib. 2. arbitrar. cent. 5. cap. 416. n. 54. vbi n. 59.* docet procedi debere contra
cum præ-

per
ner
offi
rito
grei
men
de sen
H
culp
vel b
tuum
Glossa
susper
clenia
esse à
n. 40.
aliam
citi
tio qua
lem, ab
ficio; a

eum prauia citatione vt se purget in Concil. vero Tribur. decretum fuit, inquit, Zyp. *hoc tit. n. 4.* vt qui post excommunicationem inclinati non fuerint ad pœnitentiam subeundam, per Principem secularem subigantur: vnde infert perseverantes per tempus aliquod in excommunicatione posse ante annum puniri pœnâ temporali & multâ pecuniariâ per ipsummet Iudicem Ecclesiasticum, idque iuri & praxi consonum probare Guitt. *lib. 1. canon. q. 1. cap. 12. num. 2.* & sanxisse in Gallia Beatum Ludouicum anno 1228, ex Chopp. *ibid.* refert Zyp.

§. VIII. De Suspensione.

1. 2. *Suspensio variè capitur, & quomodo hic.*
3. *Est multiplex.*
4. *Quomodo differat à priuatione & depositione.*

Quia diximus de prima specie censuræ Ecclesiasticæ, non abs re fuerit de duabus alijs speciebus, nempe suspensione & interdicto aliquid subijcere, vt earum plenior cognitio habeatur.

Omissis autem Suspensionis alijs significationibus, vt qua suspen-
pendi & quis suspensio esse animo dicitur & similibus. Suspendio generaliter in iure & passim apud D D. sumi solet pro prohibitione vsus officij vel facultatis alicuius, sic enim sententia per appellationem petitorum per possessorium suspendi dicitur, & pro interdicto ab ingressu Ecclesiæ sumitur, *in c. De sentent. excomm. in 6.* & pro impedimento vtendi aliquo temporali munere *in extrauag. vnica Ioannis xxii. de sententia excommunicationis.*

Hic vero strictus sumitur pro censura Ecclesiastica qua clerico ob culpam suam inlubetur à iure vel à Iudice exercitium Ordinis, officij, vel beneficij sui Ecclesiastici, siue in totum siue in partem, siue in perpetuum, siue ad tempus, *cap. Tuarum sup. De priuilegijs iunctis exemplis Glossa in cap. 3. v. Suspendi sup. De pœnis* & hinc patet laicum non posse suspendi: vti nec Ecclesiasticum alio respectu quam quatenus est Ecclesiasticus: * & insuper suspensionem esse multiplicem, nempe aliam esse à iure: quales enumerantur apud Siluestrum, *verb. suspensio §. 6. n. 40.* & sexdecim enumerat Nauar. *cap. 17. d. 154.* aliam ab homine, aliam perpetuam (quoad partem scilicet) quia prohibitio totius exercitij officij vel beneficij in perpetuum est potius depositio vel priuatio quam suspensio, Nauar. *d. loco n. 151. vbi alios citat.* aliam temporalem, aliam in totum, aliam in partem; aliam ab Ordine, aliam, ab officio; aliam à beneficio, aliam à pluribus ex his simul: quibus adde
V u u u u aliam

aliā incurrī ipso facto, vt quando dicitur: sit ipso facto suspensus, suspendimus: & tales à iure multæ feruntur quas tangit *Glossa in Clement. cupientes de penis*, & reseruet Nauar. d. loco num. 154. alia non incurritur ipso facto: vt dum dicitur: suspendatur sub pœna suspensionis: alia est à diuinis: alia ab alijs vt colligitur ex c. 1. §. *fin. hoc tit. in 6. c. 1. de re iudicata eod. lib.* Differt vero suspensio ab officio vel beneficio à priuatione officij vel beneficij & depositione, quòd suspensio sit censura Ecclesiastica inducens irregularitatem, si quis actū aliquem officij à quo suspensus est exerceat à qua non nisi per Summum Pontificem liberatur, c. 1. *De sent. & re iudicata in 6.* Saluo quod hodie ex Concilio Trid. *Sess. 24. cap. 6. De refor.* permittatur Episcopis in irregularitatibus omnibus ex delicto occulto prouenientibus, exceptā ea quæ oritur ex homicidio voluntario, & exceptis alijs deductis ad forum contentiosum dispensare: at vero priuatio & depositio non sunt censuræ Ecclesiasticæ.

- 4 Secundò per suspensionem non amittitur beneficium, nec ea pars fructuum quæ est planè necessaria ad sustentationem: Secus per priuationem beneficij aut depositionem.

§. IX. Quis possit suspendere & quæ sit forma suspensionis?

1. *Suspensio fit ab eo qui potest excommunicare,*
2. *Idque propter culpam & plerumque mortalem.*
3. *Debet fieri scripto.*

1 **O**mnis & solus suspendere potest qui excommunicare, & ideo licet confessorius & parochus possint alicui prohibere ne celebret ita vt contraueniens peccet, non possunt tamen suspendere per censuram, ita vt per violationem incurratur irregularitas, *Glossa in c. 1. si cui De sent. excom. in 6.*

2 Requiritur autem ad suspensionem culpa aliqua, quia sine propria culpa cuius sit pœna, ferri non potest & plerumque requiritur mortalis: quia tam graues pœnæ non debent communiter ferri ob venialem: quamuis si ferantur, possint etiam ob venialem incurrī, sicut & interdictum, Nauar. d. loco n. 15. Caterum quia suspensio non potest ferri sine propria culpa cuius sit pœna, ideo ea suspensio quæ fit ob senectutem, lepram, debilitatem, vel aliam similē causam, licet generaliter suspensio dici possit, non est tamen suspensio de qua hic agitur, quæ scilicet est censura strictè sumpta. Quæ autem crimina sint digna suspensione

sione non potest certâ tradi regulâ, Pias. 2. p. c. 4. n. 78. in fine ex Ab-
bate & Diaz.

Quantum ad formam suspensionis attinet, non est certa aliqua &
determinata seu certis verbis præscripta, sed sufficit, si scribatur verbis
ad rem significandam accommodatis.

Dico, si scribatur, quia suspensio debet fieri in scriptis expressâ causâ
sâ seu peccato ob quod fertur sicut & excommunicatio, alioqui
Iudex Ecclesiasticus incurrit suspensionem à diuinis officijs & ab in-
gressu Ecclesiæ per mensem c. 1. sup. h. t. valida tamen esset aliter lata,
debet etiam præcedere monitio quando fertur ob contumaciam, non
etiam quando solum in pœnam, Nauar. d. loco n. 159.

§. X. De effectu suspensionis & forma ab- solutionis à suspensione.

1. Exercens contra suspensionem incurrit irregularitatem.
2. Secus si non solemniter.
3. Suspectio solum in tantum ligat quantum exprimit iudicis sententia.
4. Suspectus tamen ab ordine inferiori suspendatur quoad omnes su-
periores.
5. Forma absolutionis.

Effectus suspensionis est, vt antè diximus, inducere irregulari-
tatem, si quis actum aliquem officij, à quo suspensus est, exer-
ceat: hinc suspensus ab ingressu Ecclesiæ efficitur irregularis si
in ea exerceat aliquem actum ordini sacro deputatum, non au-
tem si domi vel in Oratorio priuato celebret, Pias. 2. p. c. 4. n. 78 vers.
Suspensus item. Nullus tamen suspensus, præterquam ille qui suspensus
est à diuinis, siue absolutè, siue in aliquo loco incurrit irregularitatem
contraueniendo suspensioni, licet peccet vt ex Felino d. loco tradit Pias.
& suspensus à diuinis tum demum incurrit irregularitatem, quando
exercet aliquem actum alicui ordini sacro vel minori specialiter depu-
tatum, id est, cuius faciendi specialis potestas traditur in ordinatione:
vt in presbyterio potestas consecrandi & baptizandi solemniter, in
Diaconatu potestas canendi solemniter Euangelium, ac etiam prædi-
candi solemniter tamquam ex officio, si non lege diuina qua videtur
soli sacerdotio peculiaris, tamen lege & consuetudine humanâ secun-
dum Nauar. cap. 27. n. 163. in Subdiaconatu potestas solemniter ca-
nendi Epistolam, in Acolitatu ferendi cereos &c.

Secus si non solemniter aliquid istorum faciat: vt si cantet Episto-

Vuuu ij

lam, fe-

lam, ferat cereos tamquam alius laicus, vel actum Ordini sacro vel minori non specialiter deputatum exercent: ut si psallat in choro, si suspensus à perceptione Sacramentorum illa percipiat nam, etsi ea suscipiendo peccet mortaliter, non tamen incurrit irregularitatem, sicut nec Sacerdos, qui suspensus à beneficio in electione votat, etsi de similibus quæ non specialiter alicui Ordini sacro vel minori deputata sunt: prout tradit Nauar. d. n. 163. Circa verò effectum suspensionis

- 3 Notandum suspensum ab vno non ideo suspensum esse ab alio non connexo, & proinde suspensus ab Ordine non est suspensus à iurisdictione si alia ratione quam ordinis competenti, similiter suspensus à iurisdictione non est suspensus ab ordine, nec suspensus ab ordine est suspensus à beneficio, nec suspensus à beneficio per hoc est suspensus ab officio vel è contra: vide Nauar. d. loco n. 160. similiter suspensus à superiori ordine v. g. sacerdotali non est suspensus ab inferiori v. g. quoad Diaconatum vel Subdiaconatū, & suspensus ab exercitio Pontificalium solū suspensus est ab illis quæ dependent ab ordine Pontificali, & ideo officium Sacerdotale licitè exercere potest, sicut & suspensus ab Ordine sacerdotali exercere potest officiū Diaconi vel Subdiaconi, nam suspensio in tantum ligat quantum Iudex exprimit in sententia, & ideo suspensus ab ingressu vnius Ecclesiæ potest in alia licitè suum officium exercere, & Iudex semper debet exprimere à quibus actibus suspendat Diaz. in Praxi c. 122.

- 4 Suspensus tamen ab ordine inferiori: v. g. Diaconatu suspensus est quoad omnes superiores: v. g. Sacerdotalem & Pontificalem, Nauar. in Manuali cap. 27. n. 163. Notandum verò hic Episcopum nunquam incurrere suspensionem vel censuram aliquam Iuris vel hominis nisi de ipso expressa fiat mentio, c. Quia periculosum h. t. in 6. casus autem in quibus expressè suspenditur recenset Pias. 2. p. c. 4. n. 80.

- 5 Quantum verò ad formam absolutionis spectat non est etiam certa aliqua seu certis verbis determinata, sed sufficit si voluntas absoluentis significetur, solet tamen quando certa est suspensio, hæc ordinariè setuari, Absoluo te à vinculo suspensionis quā incurristi propter talem vel talem causam, & restituo te ad hoc vel illud à quo fuisti suspensus, In Nomine Patris & Filij &c. quando verò est incerta & dubia: hæc: Si teneris aliquo vinculo suspensionis à quo te possim absolvere, absoluo te &c. Vide plenius Nauar. d. loco & Suarez De censuris Disp. 141. 25. Suspensus autem sicut & interdictus ad tempus, adueniente tempore ipso facto est absolutus nec indiget alia absolutione, durante verò tempore suspensionis incurrit à Iure ob delictum commissum, non potest totaliter absolui ab Episcopo sed dispensatiue potest Episcopus pœnam moderari, Nauar. d. loco num. 162. Pias. c. d. loco num. 81.

si verò

si verò suspensio fuerit inflicta à iure ob contumaciam, cum ab illa absolueretur poterit Episcopus, nisi cōditor Canonis absolutionem sibi reservauerit *c. Nuper sup. h. tit. Nauar. & Piaf. dictis locis.*

§. XI. De interdicto.

1. *Definitur & distinguitur contra alias censuras.*
2. *Est triplex Personale, Locale, & Mixtum.*
3. *Interdicto loco interdiciuntur eius annexa: secus est in personis.*
4. *Interdicta vniuersitate interdiciuntur sub eâ consenti.*
5. 6. 7. *Sub diuisiones interdictorum.*
8. *Interdictum generale non comprehendit infantes & ameneses.*

OMissis alijs interdicti significationibus de quibus Suarez. *De censuris* disputat 32. sect. 1. * hic usurpatur prout est censura Ecclesiastica prohibens vsum quarundam rerum diuinarum vt fidelibus communem, quatenus talis est. In hac definitione abstrahitur à loco & persona, & ab vfu actiuo & passiuo, quia interdictum in genere etiam ab illis abstrahit. Dicitur, vt fidelibus communem, vt separaretur interdictum à suspensione, quæ priuat etiam aliquo vfu, verum non vt communi sed vt proprio alicuius potestatis Ecclesiasticæ, & ideo suspensio per se solum priuat vfu actiuo, ac proinde per se solum priuat Clericos; at vero interdictum priuat indifferenter, & de se est commune. Additur, quatenus talis est: vt distinguatur ab excommunicatione quæ priuat quidem vfu talium rerum sacrarum, sed non quatenus est vsum rei sacræ, sed quatenus est communicatio cum alijs fidelibus. Interdictum verò formaliter priuat vfu talis rei sacræ per se ac independenter à communicatione cum alijs. Adde & hoc aliud discrimen quod excommunicatio priuet non solum communicatione in diuinis, sed etiam in humanis; interdictum verò solum priuet vfu sacrarum rerum, non quidem omnium, sed earum quæ in iure expressæ sunt, & modo in iure declarato: ita Suarez *loco citato.*

Interdictum est triplex Personale tantum, Locale tantum, & Mixtū (id est, Locale & Personale simul) Locale tantum dicitur quo locus solus interdicatur: vt v.g. Ecclesia, Parochia, oppidum, regnum. Personale tantum quo solæ personæ interdicuntur. Inter ista duo interdicta hoc discrimē est: quod quādo solus locus est interdictus, possint personæ quæ in eo sunt, nec fuerint causa interdicti, in alio loco audire diuina, dare, & suspicere: Quando autem personæ sunt interdictæ nusquam id possunt, *c. Si sententia De sent. excom. in 6.* quod si vero solæ personæ alicuius Ecclesiæ vel Ciuitatis interdictæ sint, in ea ab

alijs & coram alijs, puta peregrinis & alienigenis non interdictis, celebrari potest, etiam ianuis apertis.

3 Rursus interdicta aliquâ ciuitate, castro, aut villâ, eo ipso etiam suburbia ac ædificia continentia interdicta intelliguntur, sicut & interdicta Ecclesiâ etiam capellæ eius ac cœmiteriû contiguum interdicta censentur: secus si non sint contigua, *c. Si ciuitas eod. in 6.* idque ne interdictum reddatur elusorium: aliud est in personis: nam interdicto clero nō intelligitur interdictus populus, nisi aliud expressum sit. Nominine tamen cleri comprehenduntur Monachi, & Monachæ, religiosi, & religiosæ, nouitij & nouitiæ: similiter si propter delictum domini & Rectoris ciuitas sit interdicta ciues eiusdem, qui culpabiles non existunt, alibi diuinis licitè interesse poterunt, nisi & ipsi quoque propter Dominum vel Rectorem puniendum interdicti fuerint, *d. c. Si sententia* quod in excommunicatione contingere non potest, quia pro peccato vnus non potest alius, puta ipsius familia, excommunicari.

4 Interdicta vniuersitate vel populo alicuius loci etiam singuli de vniuersitate seu populo, etiam religiosi & religiosæ interdicti censentur, Nauar. *cap. 27. n. 146.* vbi tamen obseruandum quod ciuitas, terra, vniuersitas non possit interdici pro debito pecuniario sine speciali mandato Papæ ex Constitutione Bonifacij VIII. *in Extrauag. provide 9. Presentis hoc tit. Felin. inc. Sane 2. sup. De off. deleg. n. 3.* idem ex Constitutione Clementis VII. & Leonis X. in concordatis Galliæ quas omnes constitutiones refert Petrus Matth. 7. *decretal. lib. 2. tit. 8.* & ante Carolus V. Galliæ Rex 5 Ianuarij 1369. Chopp. *in prafat. De sac. polit. n. 8.* & ex concordatis Brabantia: nec pro delicto priuatæ personæ, sed bene pro delicto domini Officiarij vel communitatis delinquentis.

Mixtum interdictum est, quo interdicitur locus & simul persona vel personæ, exemplum quotidianum est interdictum illud quod Canonistæ appellant ambulatorium, quo scilicet interdicitur persona & locus vbi est, vel vbi fuerit, quasi simul ambulet cum persona. De mixto interdicto quatenus est locale iudicandum vt de locali tantum, & quatenus est personale, vt de personali.

Potest verò vnumquodque horum interdictorum subdiui in generale: quo scilicet interdicitur locus vniuersalis: vt regnum, prouincia, vel vniuersitas hominum, vt populus talis regni aut prouinciæ: & speciale, quo scilicet interdicitur locus particularis vel loca particularia: vt Ecclesia, vel aliqua Ecclesiæ alicuius ciuitatis, regni, aut prouinciæ vel personæ singulares vna vel plures certæ vel incertæ, * & horum vnumquodque vltèrius diuidi potest in simplex & mixtum: hoc est in generale tantum, aut in particulare tantum, aut generale & particulare simul, de quo quatenus est generale iudicandū vt de generali tantum, & qua-

& quatenus est particulare vt de particulari tantum.

Præterea in interdictum à iure & interdictum ab homine seu Iudice. Interdictum à iure fertur in Ciuitatem siue aliam Vniuersitatem, si v. g. portorium ex rebus Ecclesiarum vel Ecclesiasticorum, quas negotiationis causa non deferunt, exegerit vel extorserit, *cap. penult. De censibus in 6.* vel si repræssalias aduersus Ecclesiasticas personas concesserit, *c. 1. De iniurijs in 6.* vel si Ciuitas hostiliter insecuta fuerit, aut ceperit Cardinalem Romanæ Ecclesiæ vel Episcopum suum, siue alijs id facientibus opem tulerit, suaserit, vel consuluerit, *c. fin. De pænis in 6. c. 1. eod. tit. in Clement.* vel si Ciuitas in electione Roman. Pontificis (cum eo mortuo apud se electio celebranda est non obseruauerit quæ seruanda iubet *c. Vbi periculum De elect. in 6.*) Item si dominus territorij legatum vel Nuntium Apostolicum non admiserit: nam eius ditiones interdicto Ecclesiastico subiiciuntur, & sic de similibus casibus, de quibus vide latius in auctoribus citatis. Ita supra dicta exempla proferret Canisius in *summa Iur. Canon. lib. 3. tit. 23. §. Interdictum à iure* Interdictum verò à Iudice Ecclesiastico non nisi ex causa eaque scripto interdicti comprehensa ferri debet, *c. 1. h. tit. in 6.* non tamen, vt diximus, ex causa pecuniaria vel ob culpam priuati alicuius hominis, sed propter culpam eius, qui loci Dominus est, vel in eo iurisdictionem habet, ita Canis. *d. loco §. Interdictum verò à Iudice.*

Interdicto autem generali numquam includuntur infantes & amentes, ac proinde possunt ad diuina admitti, quia sicut sunt incapaces præceptorum humanorum, ita & pœnarum Ecclesiasticarum: quod verò non possint sepeliri in loco sacro fit, quia locus ipse est inhabilis.

§. XII. Quis possit & ob quam causam interdicere, quæ sit forma interdicti, quæ interdicto prohibeantur & de pœna interdicti violati.

1. *Interdictum debet ferri ob grauem causam & scripto.*
2. *Qui posuit interdictum debet quoque obseruare.*
3. *Forma interdicti.*
4. *Quanam eo prohibentur & qua non.*
5. *Pœna transgredientium.*

IS interdicere potest qui excommunicare & suspendere, & similiter qui potest excommunicari & suspendi, potest etiam interdicti, & insuper loca: * non debet autem iudex Ecclesiasticus ferre interdictum nisi pro causa, graui veluti ob inobedientiam vel graue crimen conuictum cum contumacia eaque scripto interdicti comprehensa, *cap. 1. eod. in 6.* & præuiâ monitione, quando illud fertur ob contumaciam, secus si in pœnam præteriti delicti. Nam tunc non requiritur præuia monitio vti nec in interdicto à iure lato, quia cognitio iuris habetur pro admonitione: non debet etiam ferre ex causa pecuniaria, *c. 2. h. t. in Extrauag. com.* aut ob culpam priuati alicuius hominis Couar. in *c. Alma mater p. 2. §. 1. n. 5.* sed ob culpam eius qui loci Dominus est aut in eo iurisdictionem habet, *c. Non est sup. De sponsalibus d. c. Si sententia*, & interdictum regulariter est nullum ijs casibus quibus excommunicatio est nulla, Nauar. *cap. 27. n. 187.*

2 Is autē ipse seruare debet interdictū qui illud tulit & ideo si Episcopus celebret in Ecclesia à se interdicta incurrit pœnā iuris scilicet irregularitatē, aliās nunquam Episcopus à iure vel ab homine censetur interdictus aut suspensus nisi specialis eius fuerit facta mentio, *iuxta c. Quia periculosum h. t. in 6.*

3 Quantum autem ad formam interdicti attinet non est certa aliqua & determinata, sed sufficit si verbis effectum interdicti significantibus exprimatur: ordinaria vero forma est hæc: Talem populum aut locum &c. interdicto Ecclesiastico subijcimus, *ex c. Cum in partibus sup. De verbor. significat, c. Sane sup. De officio delegati.*

4 Interdicto autem prohibentur omnia diuina officia Sacra, Ecclesiastica sepultura, ac etiam solemnitas conducendi corporis cum orationibus, comitatu cleri superpellicciati & processionaliter, vt moris est incedentis (quamuis si quis sepeliatur in Ecclesia tempore interdicti non sit exhumandus: quia multa facta tenent quæ fieri prohibentur, *Glos. in c. à Nobis 2. v. forma sup. h. tit. Piaf. 2. p. cap. 4. n. 74.*) exceptis ijs quæ expressè vel tacitè permittuntur, vt colligitur ex *d. c. Non est.* Permittuntur autem Baptismus, Confirmatio, Pœnitentia, & Eucharistia, sed hæc duo postrema tantum morientibus, *c. Quoniam eod. in 6.* item permittitur missæ, aliorumque diuinorum officiorum celebratio, *c. Quod in te sup. De pœnit. c. Alma Mater h. tit. in 6.* dummodo submissâ voce, ianuis clausis, non pulsatis campanis dicantur, *d. c. Alma Mater*, præterquam in festiuitatibus Natalis Domini, Paschæ, Pentecostes, & Assumptionis Diuæ virginis, quibus diuinorum officiorum celebratio etiam pulsatis campanis, apertis ianuis, altaq; voce permittitur, vt latius in *d. cap. Alma Mater*, adde & solemnitatem Corporis Christi & eius Octauam per Extrauag. Martini V. & Eugenij I V. licet et-

cirè etiam interdicti possunt ingredi Ecclesiam orationis causâ, quando ibi diuina officia non peraguntur. Similiter potest concio haberi interdicti tempore, & ad eum finem pulsari campana: licet & pro Aue Maria, vt moris est, *cap. Responso 43. h. tit. Pia. d. c. 4. art. 11. n. 8.* Vbi addit, etiam contractum matrimonij tempore interdicti non esse prohibitum, ex Abbate, Arin. & Glossa, quamuis solemnibus benedictio sponsis tum dari non debeat, Nauar. c. 27. n. 179. *vbi alios citat.*

Scienter verò celebrans vel actum aliquem Ordini sacro deputatũ exercens in loco interdicto, nisi super hoc priuilegiatus existat, aut à iure sit ei concessum, irregularitatẽ incurrit, à qua nequit per alium quàm per Romanum Pontificem liberari; & adeò fit inelegibilis, vt nec ad eligendum cum alijs debeat admitti, *c. Is qui §. Is verò eod. in 6.* Aliud dicendum de celebrante in cessatione à diuinis, nam is non incurrit irregularitatem. Religiosi verò tam exempti quàm non exempti violantes interdictum sunt excommunicati, *c. 1. & 3. h. t. in Clement. iuncto cap. 12. Conc. Trid. sess. 24. De regularib.* sicut & Domini locorum iuxta *Clement. 2. h. t.* saluâ tamen Constitutione Martini V. quam refert Canis. in *Summa Iuris Canonici lib. 3. c. 23. §. sanè.* Sic sepeliens interdictum in Ecclesia cum officio & pompa exequiali solita, quia tum exercet actum sacerdotali Ordini deputatum, incurrit irregularitatem, *Pia. d. loco n. 11. ex Syluest. quem citat.*

Cæterum licet in Ecclesia, pollutâ sanguinis vel seminis humani effusione, vel Simoniacè consecratâ, aut præsentanti maiori excommunicatione innodato, celebrari à iure veteretur, *c. Is qui eod. in 6.* tamen in tali Ecclesia celebrans scienter, licet temerariè agat, non incurrit irregularitatem: quia id non est in iure expressum. Interdictos autem nemo vitare tenetur in humanis, sed solum in diuinis, postquam fuerit denuntiaturum interdictum, *Pia. d. loco n. 9. ex Nauar. d. c. 27. n. 170.*

§. XIII. De Irregularitate.

1. *Definitur Irregularitas.*
2. *Distinguitur à Censuris.*

ETSI Irregularitas generaliter sumi possit ad designandũ impedimẽtũ, ratione cuius homo est incapax illius gradus vel actionis, quæ alijs communis est, eâque ratione omnes censuræ Ecclesiasticæ, aliaq; impedimẽta dici possint irregularitates: tamẽ hîc specialiter sumitur prout à censuris distinguitur; de eâque hîc agendum est, propter magnam similitudinem, quam cum censuris habet.

Est itaque Irregularitas hîc, inhabilitas seu impedimentum Canon-

X x x x x

nicum

cum ex se & natura sua directè ac primariò impediens acceptionem Ordinum Ecclesiasticorum. Dico, Canonicum; quia Irregularitas inducta est à iure Canonico, nec potuit introduci à iure civili aut potestate temporali, cum hæc de spiritualibus rebus, quales sunt Ordines Ecclesiastici vel Clericorum status, non disponat. Per hanc itaque partem excluditur omnis incapacitas ad Ordines suscipiendos, orta ex iure diuino: qualis est non baptizati aut fæminæ. Similiter excluditur peccatum mortale, quod licet suo modo excludat à perceptione Ordinum, saltem factorum, quia peccato mortali contaminatus non potest illos sine nouo peccato accipere: non tamen id habet ex aliqua lege Ecclesiastica, sed ex natura sua; sicut & carentia membrorum necessariorum ad ministerium Ordinis, quæ proinde pariter per eandem partem excluditur.

- 2 Dicitur, directè impediens; vt distinguatur Irregularitas à Censuris, quæ etsi licet etiam impedimenta quædam Canonica respectu aliquarum rerum vel actionum, tamen directè non impediunt susceptionem Ordinum, verùm excommunicatio, v.g. priuat communicatione fidelium, & sub ea ratione, susceptione & vsu Ordinum, quia sunt communicationes cum alijs fidelibus, non verò quatenus Ordines sunt: Interdictum priuat auditione diuinorū; Suspendio priuat muneribus, respicitque solum actus, eorumque vsus prohibet, & imponitur solum Clericis, ac proinde primam tonsuram supponit: cuius susceptionem, vt & aliorum Ordinum: ac totum statum impedit Irregularitas. Per eandem partem excluditur Depositiō, quia priuat Ordinibus iam susceptis; Irregularitas verò susceptionem impedit. Quantum verò ad dispensationem super irregularitate, quatenus ea permessa Episcopis vel non, vide Conc. Trid. Sess. 24. c. 6. De reformat. Sanchez De Matrim. lib. 8. Disputat. 34. n. 55. & seqq. & quæ suprâ diximus in §. 1. De Suspensione in fine.

§. XIV De Depositione & Degradatione Clericorum.

1. Quid Depositiō verbalis.
2. Quid actualis, & ob quæ crimina feratur.
3. Verbalis non tollit priuilegium clericale.
- 4 5. 6. Verbalis absoluta & respectiua variè distinguuntur.
7. Quid depositio ad degradationem ordinata, & quid degradatio.
8. Depositiō non tollit Ordinem, nec priuat onere Ordini coniuncto.

Quam-

Quamuis Depositio & Degradatio non sint propriè censuræ Ecclesiasticæ, cum non sint pænæ medicinales, uti sunt censuræ Ecclesiasticæ, sed vindictivæ tantum: quia tamen, ut hic sumuntur, sunt etiam solemnes pænæ Ecclesiasticæ, & magnam habent affinitatem cum ipsis censuris Ecclesiasticis, adeo ut Suspendio subinde vocetur depositio, Glossa in *can. Si quis Episcopus Distinct.* 86. & è contra, ideo de his quoque agendum est.

Depositio in genere fieri potest dupliciter, scilicet verbaliter & verbalis depositio nuncupatur, & actualiter, diciturq; actualis depositio seu degradatio: quæ inter se differunt, quod verbalis depositio fiat per solam sententiâ Episcopi adstante certo numero Episcoporum, si Clericus qui deponitur in sacris sit constitutus: & quidem si sit Episcopus, in præsentia duodecim Episcoporum; si Presbyter, sex; si Diaconus aut Subdiaconus, in præsentia trium: ut cõmuniter tradunt ex *can. Felix & can. Si quis* 13. q. 7. Servanda tamen quoad hæreticos limitatio adhibita in *cap. 1. De hæret. in 6.* Hodie verò standum est definitioni Conc. Trid. *Sess. 13. c. 14. De reformat.* quoad depositionem Sacerdotum & inferiorum: nam ibi de depositione Episcoporum nihil statuit, vel quia illa reservata est summo Pontifici, tamquam proprio Episcopo aliorum Episcoporum, vel quia ob dignitatem Episcopalem non impediēbat præsentiam Episcoporum in inferiorum præsentiam commutari. Vide Conc. Trid. *Sess. 24. c. 45. De reformat.* In minoribus verò nullâ aliorum Episcoporum præsentia opus, sed sufficit sententia Episcopi.

Realis depositio seu degradatio fit ad instar exaucturationis militaris, cum scilicet ob delictum Clerico vestibus clericalibus induto ac si in officio ministrare deberet, vestes & insignia Ordinis sui detrahuntur per Episcopum ordine retrogrado: vide *c. 2. De pœnis & can. 3. cum seqq. xv. q. 7.* Insuper depositio realis seu degradatio solum fieri solet in tribus casibus notatis à Glossa in *c. Ad absoluendam sup. De hæreticis*; scilicet ob crimen hæresis, *d. c. Ad abolendam*; crimen falsi litterarum Apostolicarum, *c. Ad falsariorum sup. De crimine falsi*: denique ob calumniam & contumeliam grauem proprio Episcopo illatam, *can. Si quis Sacerdotum xi. q. 1.* Hunc tamen casum restringunt Doctores ad calumniam & contumeliam coniunctam irregularitati, quia aliàs iniquum videretur, quod propter simplicem iniuriam illatam Episcopo degradaretur Clericus & brachio seculari traderetur; non tamen latrocinium, homicidium, aut alia similia atrociora crimina.

Insuper differunt, quod per depositionem verbalem non amittatur priuilegium Clericale seu fori, secus per degradationem; ideoque degradatus statim fori efficitur secularis, à quo per priuilegium fuerat

exemptus: ac proinde privilegio sublato statim reuertitur ad pristinum forum, eundemque degradatum Iudex illico tradit seculari Iudici. Quod dum facit, efficaciter pro eo intercedat necesse est, ut citra mortis periculum sententiam circa eum moderetur, *cap. Nouimus inf. De verb. signif.*

- 4 Verbalis Depositio rursus fieri potest dupliciter, aut absolute & per se, sine ordine ad aliud, & vocari Depositio Absoluta, quæ non, aut vix videtur distingui à Suspensione perpetua; aut in ordine ad depositionem realem seu actuale, siue, quod idem est, ad degradationem realem, & vocari potest Depositio Verbalis Respectiua. Inter quas hoc discrimen primò statui potest, quòd depositus absolute tantum non possit sine noua sententia degradari; depositus verò cum respectu ad degradationem possit statim degradari, & tradi Iudici seculari.

Et hinc resultat alia differentia, nempe quòd ad respectiuam depositionem certa solemnitas sit à Iure præscripta, ut patet *ex c. 2. l. e pænis in 6.* non autem ad absolutam: quòdque respectiua nunquam imponatur vel incurratur ipso iure & facto, quia requirit prædictam solemnitatem, quæ non potest nisi mediante hominis sententiâ adhiberi. Depositio verò absoluta interdum imponitur ipso iure, ut patet *ex c. 1. De homicidio in 6. can. 2. Distinct. 5.*

- 5 Rursus Depositio Respectiua & Degradatio dici possunt differre, sicut sententia & sententiæ executio: nam per verbalem depositionem respectiuam profertur sententia; per degradationem mandatur executioni, quoad aliquas actiones vel effectus, qui per ipsammet sententiam absque hominis actione perfici non possunt. Vnde & pro iisdem criminibus imponuntur, quia veluti vnâ integram pœnam complent; sicut sententia & executio idem crimen respiciunt.

Vnde rursus fit, quòd Degradatio cum præuia depositione solum videatur posse fieri in casibus, in quibus post degradationem Clericus traditur brachio seculari. *iuxta c. 2. De pænis in 6. d. 6. Nouimus inf. De verb. signif.* uti sunt casus suprâ numerati, crimen, inquam, hæresis, crimen falsi litterarum Apostolicarum, & calumnia grauis proprio Episcopo illata: quibus adde, si non ordinatus celebret; nam & is pœnâ degradationis puniendus est, ex Ordinatione Clementis VIII. quam refert Pias. p. 2. c. 4. art. 14. n. 12. item crimen nefandum contra naturam, prout voluit Pius V. cuius Constitutionis verba refert Nauar. in Manuali c. 27. n. 249. & addit eam intelligendam esse non de quocumque committente hoc crimen, sed exercente, cum frequentatione actuum. Quin & in alijs delictis atrocibus pro arbitrio pœnam hanc infligi posse, tenet Diaz c. 128.

Et hinc

Et hinc iterum resultat discrimen inter Depositionem Respecti- 6
nam, & Degradationem à Depositione Absoluta; quia hæc habet
locum etiam in alijs criminibus, vt furto, homicidio, periurio, &c.
c. Cum non ab homine sup. De iudicijs; in quibus etiam, si quid atrocius
commissum fuerit à Clerico, post depositionem in arctum mo-
nasterium pœnitentiæ peragenda causâ includitur, *c. Tua sup. De pœni-
tan. Sacerdos Distinct. 81.* Quo calu ex beneficijs suis alii debet,
vel ab Episcopo, si sit pauper, *can. Delapsis xv. q. 6.* Cæterum hisce
temporibus hæc detrusio in monasterium vix est in vsu, cum monaste-
ria passim recipere tales recusent, nec ab Episcopo, vt recipiant, cogi
possint, quippe vbique ferè exempta, *Pial. d. loco num. 9. in fine.* Vbi
paullò antè tradit, neminem deponendum, nisi in casibus à iure ex-
pressis, vel illis tantum, quibus Ius Ciuile infligit pœnam mortis: ho-
die tamen pœnas omnes esse arbitrarías, posseque iudicem pro arbi-
trio suo hanc pœnam imponere.

Ex prædictis Depositio, ad Degradationem ordinata, definiri po- 7
test, quòd sit priuatio perpetua Clericalis muneris, per Canonicam
sententiam, cum debita solemnitate prolata: Degradatio verò sit
perpetua priuatio Clericalis muneris & priuilegij, per similem senten-
tiam, adiunctâ reali actione & ceremoniâ per Canones institutâ. Ita
Suarez De Censuris Disp. 30. sect. 2. n. 9.

Ex eo autem, quòd Depositio & Degradatio sint pœnæ ex institu- 8
tione sua perpetuæ, sequitur iure Ordinario eas tolli à nemine posse,
sed tantum per potestatem absolutam summi Pontificis: qui raro, vel
numquam id facit. Imò secundum præsentem Ecclesiæ statum non da-
tur remissioni locus, quandoquidem degradatus statim tradatur se-
culari brachio pœnâ mortis mulctandus.

I x eo verò, quòd Depositus non priuet Ordine ipso, cum per cha-
racterem indelebilem imprimatur, ac proinde non possit auferri ab
Ecclesia; sequitur, sacerdotem depositum verè consecrare, verè vngere,
cæterosq; actus Ordinis validè exercere; quando scilicet non requirunt
iurisdictionem (quod addo, vt excludatur absolutio sacramentalis;) &
similiter Episcopum depositum verè ordinare, confirmare, si debita
formâ & materiâ ac legitimâ intentione vtatur. Ob eandem causâ
depositio non priuat onere Ordini coniuncto: v. g. recitandi horas Ca-
nonicas, seruandi castitatem, & inhabilitatem ad matrimoniũ con-
trahendum, si depositus sit sacris initiatus.

Illud deniq; hic subiiciendum, edicta Princ. nostrorũ aut Concor-
data nõ aliter prohibere exercitiũ censuratiũ, quã contra Officiarios se-
culares. Imò disertè eadẽ Cõcordata executiones decretorũ & senten-
tiarũ Ecclesiasticarũ per censuras fieri permittunt, teste *Zyp. h. t. in fine.*

TITVLVS XLI.

De Verborum significatione.

1. *Varia Verbi significatio.*
2. *Verba non semper accipienda prout sonant, sed iuxta mentē proferētis.*

DVo sequentes Tituli per vniuersam Iuris nostri materiam diffunduntur, ideoque postremo loco, vti factum quoque in Digestis, collocantur. Et primus quidem *De verborū significatione* vtilitatem suam habet, cū sæpè dubitari contingat de significatione terminorum, seu vocum ipsarum.

- 1 Nam, vt alias Verbi significationes omittam, quibus significat nunc secundam personam in diuinis, nunc apud Grammaticos tertiam orationis partem; nunc apud Logicos conceptum in intellectu retentum, quo aliquid cogitamus, quod deinde vocibus declaramus; nunc quod à re siue facto distinguitur, iuxta illud.

Non opus est verbis, credite rebus ait,

& dū dicitur, *Non opus est verbis, sed factis*, & *Dare alicui verba* pro decipere: sumitur Verbum hīc generaliter, prout idem est, quod vox seu dictio aliquid significans, siue sit verbum, siue nomen, siue pronomen, siue aliqua alia pars Orationis apud Grammaticos: quod Varro à veritate deducit, quasi verum nos loqui oporteat. Hoc verò Tit. potissimum traditur, quid significant, & quomodo verba accipienda sint, siue voce proferantur, siue scripto, veluti in testamento, vel rescripto, vel alio instrumento contineantur, v. g. quid veniat appellatione No- uialis, vt in c. 1. quid nomine Patris, vt in c. 2. quid Vnigeniti. vt in c. 3. quid Primogeniti, vt in c. *Ioseph. &c.*

- 2 Quantum autem ad modum, quo accipi debent, in primis traditur, verba, cū inuenta sint, vt indicent proferentis mentem, l. *Labeo D. De suppellect. legata*, non semper accipienda esse, prout sonant, sed magis inspiciendam esse mentem proferentis; & cū de ea constat, non esse laborandum de verbis, c. *Intelligentia*, c. *Nihil obstat*, c. *Præterea h. t.* quia non intentio verbis, sed verba intentioni seruire debent, c. *In his h. t.* adeò vt verba contractuum pro rei qualitate, & tuendæ voluntatis seu intentionis causâ contra propriam significationem interdum accipiantur & intelligantur, vt in l. *Ex conducto* 15 §. *Papinianus* & in l. *In lege* 29. D. *locati*. Et ideo non vitatur factum, vario modo narratum, vbi idem in substantia concluditur: & intelligi debent verba eo respectu & ad eum finem, ad quem proferuntur, l. *Debitor* §. *fin.* D. *Ad Trebell.*

&

& restringi ad rem, super qua proferuntur, §. *Quod autem Instituit. De legitima agnatorum tutela.*

Si verò quærat de verbis rescripti summus Pont. tum consulendus est Pont. ut in *c. Olim & alijs. h.t.* Aliàs verò accipienda sunt verba iuxta sensum seu significationem, secundum quam, inspectis rerum circumstantijs, verisimile est proferentem accepisse, *c. Quarenti h.t.* ne dum proprietas spectatur, omittatur sensus veritatis, *d.c. Prætereā & c. Quod dicitur & c. Ioseph. h.t.* Quòd si verba obscura fuerint, ita intelligēda sunt, ut res de qua agitur, potius valere possit, quàm perire, *d.c. Abbati vers. profecto.*

Proponuntur etiam variarum vocum definitiones, veluti Pacti, in *c. Pactum interdicti in c. Cum in partibus noualis, in d.c. 1. & c. Quid per nouale*: similiter quis dicatur Præpositus, *c. Quamuis eod.*

Insuper quarundam vocum etymologiæ traduntur, veluti vnde dicatur Ius, *c. Ius dictum*: vnde dicatur Pactum, *d.c. Pactum*: vnde dicatur Forus, *c. Forus eod.* Deniq; traditur priuilegia Principis latissimè esse intelligenda, *c. olim eod.* ac verba in ijs sic esse accipienda, ut aliquid adferant seu operentur, nec remaneat ambiguitas, *d.c. Abbati eod.*

TITVLVS XLI. & Vltimus.

De Regulis Iuris.

1. *Regula vnde dicta.*

2. *Regula definitio apud Iurisconsultos.*

Regula sumitur ex Iure, non verò Ius ex Regula, *l. 1. D. h. tit. & c.* propterea, postquam de toto Iure Pontificio actum est, subiicitur coronidis loco Tit. *De Regulis Iuris*; & quidem post Tit. *De Verborum significat.* quia disputatio de vocibus simplicibus præcedere debet disputationem de compositis.

Dicitur autem Regula ex eo, quod rectà ducat, vel, ut alij volunt, ex eo, quòd regat vel normam rectè viuendi præbeat, vel quòd distortū prauumque corrigat, ut habetur in *can. Regula Dist. 3.* Et Græcè dicitur Canon, *can. Canon ead. Distinct. 3.* Vnde & ius Pontificium dicitur Canonicum, id est, Regulare.

Iurisconsultis Regula est quædam cōpendiosa enarratio multarum rerum, varijs partibus Iuris definitarum. Vnde Azo Regulam definit, esse plurium rerum traditionem compendiosâ narratione factam: & Paulus Iurisc. in *d. l. 1. D. h. t.* Regulam esse, quæ rem, quæ est, breuiter enarrat. Cuius sensus est, quòd in regula sit oratio, quæ rem, quæ est, id est, ius quod in ipsa controuersia sequi oportet, seu causam ac rationem plurium rerum in arte iuris definitarū breuiter, id est, generaliter

raliter, & quidem ex Iure constituto & recepto enarrat. Cùm enim, vt & in alijs scientijs, non omnia facta & indiuidua, vtpote infinita, possint aliquâ ratione comprehendere ac cognosci, ita neque leges neq; Senatusconsulta ita scribi poterunt, vel possunt, vt omnes casus, qui quandoque incidunt, comprehendant, *l. neque leges D. De LL.* necessum fuit, exemplo aliarum scientiarum, etiam in Iure, ex ijs, quæ in varijs eius partibus definita sunt, aliquas generales regulas constituere, quæ containerent causam & rationem primariam, quâ moti fuerunt prudentes ad ita definiendum, & proinde nobis primariam rationem Iuris controuersi decidendi præberent, Sic Vlpianus, cùm in diuersis Iuris partibus obseruasset primùm moribus receptum, deinde legibus constitutum, quòd fæminæ non possent esse Iudices, Magistratum gerere, postulare, curatrices esse, & sic de similibus, inde desumpsit & constituit vniuersalem regulam, quòd fæminæ ab omnibus ciuilibus officijs vel publicis remotæ sint, *l. 2. D. eod.* Et rursus, cùm varijs in partibus Iuris definitum esset, pisces, feras bestias, lapillos in littore maris inuentos, feri occupantis, quia in nullius bonis sunt, inde desumpta est hæc compendiosa regula, *Quæ in nullius bonis sunt, fiunt primò occupantis; & sic de similibus.*

Atque ita patet in primis, cur regula dicatur ex Iure nasci, non autem ius ex regula. Secundò patet, quanta sit vtilitas Regularũ Iuris, quodq; id sint regulæ Iurisconsultis, quod Medicis Aphorismi, Geometris Postulata: & cur dicat Iurisconsultus in *l. 1. D. eod.* quod si vitiata sit regula perdere officium suum.

Porro regulæ, quæ hîc traduntur, sunt, Quòd omnis res per quascumq; causas nascitur, per easdem dissoluatur, *c. 1.* Quòd dubia in meliorem partem sint interpretanda, *c. 2.* Quòd propter scandalum vitandum non sit veritas omittenda, *c. 3.* Quòd necessitas illicitum faciat licitum; & similes. Quarum prima primariam continet rationem & causam, cur stipulatio, quæ est verbis contracta, possit verbis ipso iure dissolui; non etiam emptio, locatio, mutuũ, & alij contractus, aliter quàm verbis initi: item cur emptio, locatio, mandatum, societas, quæ solo cõsensu cõtrahuntur, possint etiam solo contratio dissensu dissolui; & sic de alijs regulis Iuris Can. vt fusiùs hîc Peckius, ad quem Lectòrem remittimus, & ad Dei Opt. Max. eiusq; intemeratæ Matris Virg. Mariæ honorem, hisce Paratitlis seu summariæ Explicationi Decretalium, per modum Institutionis Iuris Can. finem imponimus: omnia in eis tradita S. R. Ecclesiæ censuræ submittentes, & quæ illa probauerit, approbantes; quæ improbauerit, improbantes.

F I N I S.

LIBR. NAZ.
ROMA
D. EMANUELE

5. -
fluff

